















R. P.

ANTONII

RVVIO RODENSIS.

DOCTORIS THEOLOGI

Societatis I E S V, Sacræ Theo-  
logiæ Professoris,



COMMENTARII

IN LIBROS ARISTOTELIS

*Stagyritæ Philosophorum Principis, de Anima: unâ  
cum dubiis & questionibus hac tempestate  
in scholis agitari solitis.*

Nunc primum in Gallia editi, cum duplici Indice, quorum  
vnus discussas omnes questiones, alter res  
omnes notabiles complectitur.




LVGDVN I,

Sumptibus IOANNIS PILLEHOTTE,  
sub signo Nominis I E S V.

M. D C. XX.

Cum Priuilegio.







**I L L V S T R I S S I M O   A C .**

**R E V E R E N D I S S I M O   D . D .**

*Ildephonso de la Mota, Præsuli Tlaxcalensi dignissimo , Regiòque Consiliario , Doctòr Antonius Rubio Societatis Iesu Theologus.*

**S.   P.   F.**



**O R D I B V S** verò necessitudinis vinculo astrictis , illud,nec rarò euenire solet (Præsul Illustrissime ) vt longo terrarum interuallo separatis, eo vehemētius amoris ardeat igniculus, quo maius est conuersationis antiquæ exortum impedimētum : neque enim terrarum , locorumve distantia illorum memoriam delebit vnquam , quos verus , & firmus amor firme satis , & alte præssit animo. Haud aliter sane nobiscum actum esse existimo, quos verus amicitiae nexus astrictos, tenet. Potuit quidem rerum vicissitudo, quotidieque insurgentes causæ distante nos satis disiungere loco : verum illud tantummodo vix effecit , vt auferretur , vel minueretur solum quotidiana illa nostra cōsuetudo , qua per aliquod tempus (vtinam longius ) fueramus vsi : id vero efficere non potuit , vt qui semel insitus fuit animo verus amor, imminuatur vnquam. Quapropter nec amoris mei vim erga te (omnium amore , obsequioque dignissimum) tot interpositi maris vndæ poterunt extinguere, nec terrarum interiecta moles obruet aliquando. Nec huius amoris causæ desunt idoneæ satis, ac nobi-

lissimæ, nā præter generis tui splendorem, maiorum-  
que decus ( quod maximum inter illustres Hispaniæ  
nostræ familias locum habet ) cum ( vt ille alius dixit )  
ea sit virtutis vis atque præstantia, vt si videretur, mi-  
rabiles sui excitaret amores : hæc sane virtus, quæ in  
te maxime lucet, clareque videtur, omnium potest  
animos in se conuertere, atque omnium amoreñ  
excitare. Etenim si mentis potentias illas nobilissi-  
mas cognoscendi pariter, & amandi spectare velimus,  
eas quidem omni virtutum genere conspicuas repe-  
riemus. Ac in primis si scientiarum spectemus orna-  
mentum ( ingenij tui fructum dulcissimum ) inuenie-  
mus maximum, nam in Mexicana Academia nobi-  
lissima literarum apperrens aditum, in Salmanti-  
censi tandem, & Complutensi præstantissima quæque  
optimarum Artium germina decerpens, non solum  
Theologiæ peritia non vulgari, sed diuinarum lite-  
rarum notitia claruisti. Nec illa omittam, Pastor vi-  
gilantissime, in rebus gerendis prudentiam admiran-  
dam, in quæ ijs exhibendis muneribus omnium ac-  
clamatione tibi commissis, mirifice splendet. Quid  
si morum integritatem virtutesque commemo-  
rem ? Laudabilem illam modestiam, Christiana-  
namque humilitatem statim offendo, quam nec di-  
gnitatum quas obijsti gloria, nec laudes tuæ maxi-  
mæ, quæ in omnium ore versantur, non modo de-  
lere, verum, nec minuere potuerunt. Accedit præ-  
terea humanitas, & benignitas singularis, qua vel  
maxime omnium soles conciliare animos, auget vir-  
tutum numerum animi magnitudo, atque constantia  
ad aggredienda pariter, & ferenda quæque difficilli-  
ma, quorum omnium merito, non sine multorum gau-  
dio, atque læticia ; trium nobilium Ecclesiarum De-  
canus, totidem Ecclesiarii Episcopus, & Tlaxcalensis  
tandem Diocesis inter Hispaniæ nouæ Episcopales  
sedes




sedes ditissimæ ; atque dignissimæ fuisti Præsul electus. Neque hoc accidit ( vt quidam parum de diuina prouidentia cogitantes putarunt ) fœlicis cuiusdam astri influentia , & benignitate : quin imo astrorum, Cœlorumque Regis, Dei Optimi Maximi singulari beneficio, & prouidentia, qui te populo suo Pastorem destinatum habebat. Cuius tu beneficii non immemor, illius imitandi studio, qui è Paterno sinu ad nostra descendit tuguria, vt viam nos salutis, & veritatis doceret; summum illud, tantique semper habitum verbi Dei disseminandi munus, non solum apud Hispanos summa cum laude fructûque exercuisti, sed apud Indos pariter illos, qui ditionis tuæ ambitu cōtinentur, peregrinam eorum linguam callens, quorum spiritali commodo ( cum verè sis paterno animo, & pietate præditus ) adeo consului- sti, vt Diœcesis tuæ Barbaras, diffusasque regiones, nec laboribus, aut periculis parcens, nec pecuniæ, lustraris corpore, virtutèque illustraris. Cum præfer- tim nihil ab eis omnibus, nec illud sane quod ius, ra- tioque exigere videbatur, accipere volueris, quin po- tius in eos omnes, qui aliqua egestate præmerentur, qua es præditus benignitate, & clementia, è propria annona, quam pauperibus dicatam habuisti eleemo- synam liberaliter erogaris. Quæ sane omnia ( vir exi- mie ) præ multis aliis meum animum tibi iam du- dum, nec immerito deditissimum impulerunt, vt la- boris nostri hisce temporibus in explananda Philo- sophia insumpti, optimam illam, nobilissimam- que partem, quæ in animæ explicanda natura ver- satur, tibi præ cæteris dicarem. Quod vt præsta- rem, nomen ipsum animæ me statim admonuit tibi fore de anima tractationem offerendam, qui tum propriæ, tum quium tuarum animabus omni

virtutum genere illustrandis sedulo nauas operam.  
 Mei ergo amoris non immemor hoc tibi munuscu-  
 lum, exiguum satis, si dignitatis duæ ducatur ratio,  
 aliquod tamen mei erga te animi monumentum,  
 & signum dicatum volui. Hoc pignus amicitiae no-  
 stræ benignus suscipe, quod si tibi gratum extitisse  
 sensero, inter alia innumera liberalitate tua in me  
 collatâ beneficia, cum primis sane locum obtinebit.  
 Tua ergo autoritate, dignitatēque grauissima fore  
 non diffido, quin opus hoc nostrum fœlici principio,  
 fortunato progressu ad optatum exitum perueniat.  
**Vale, Præsul illustrissime, noui orbis decus, & orna-**  
**mentum, ex Collegio Societatis I E S V Compluten-**  
**sis die Septembris nona, Anni 1611.**



# Censura Academiae Complutensis.

OMMENTARIOS hos in tres libros Aristotelis de Anima, Patris ac doctissimi Doctoris Antony Rubij Societatis IESV studio elaboratos, accuratè, ac sedulo perlegimus, ut supremi Senatus Regij decreto huic alma Academia Cöplutensis commissum fuerat: de quibus ita censemus nihil in primis in eis contineri sana doctrina, ac bonis moribus quoquo modo aduersum: sed eiusmodi esse, ut in illis vis ingenij maxima, longum, & indefessum studium, doctrina non lenis: sed grauis, ac solida, & ad D.Tbo. scholam egregiè attemperata maximè splendeat: ex quo fiet omnino, ut non possint non esse, & grati omnibus, & in magnum scholarum usum, speramusq; fore, ut sicut ex aliis libris, quos de re Dialectica, ac Philosophica idem autor edidit, non vulgarem fructum Complutensis cœpit Academia, sic iste quem tanto studio ingenioq; perfecit, non minori vsui futurus sit. Quare pro certo ducimus opus esse dignum, quod praelo mandetur, & in publicam studiorum utilitatem prodeat. Datum Compluti mensis Aprilis, die decima octaua, anni millesimi sexcētesimi undecimi.

D.Ioannes Alphonsus Gutierrez, Rector.

Doctor Deminguez Tello.  
Doctor Muñoz de Benauides.  
Doctor Genesius Martinez.  
Doctor Guijarro.  
Doctor Salas Mansilla.  
Doctor D.Iuan de Pareda Gudiel.  
Doctor Melchior de Polibar.  
Doctor Petrus Capata.

---

*Licentia Patris Prouincialis.*

**E** Go Bartholomæus Perez de Nueros Prouincialis Societatis I E S V in Prouincia Toletana potestate ad id mihi facta à Reuerendo admodum Patre Claudio Aquaiua Præposito nostro Generali, facultatē concedo, vt Typis mandentur Commentarij in libros Aristotelis de Anima à Patre Antonio Rubio Doctore Theologo Societatis I E S V, & sacræ Theologiæ Professore compositi, & iudicio Patrum Ioannis Federici, Gundisalui de Albornoz, & Petri de Viucro nostræ Societatis approbati. In cuius rei fidem has literas manu nostra subscripras, sigilloque nostro munitas dedimus decimo Aprilis, Anni 1611. in nostro Collegio Complutensi.

*Bartholomæus Perez de Nueros.*

---

**Facultas R. P. Prouincialis Societatis I E S V  
in Prouincia Lugdunensi.**

**E** Go Bartholomæus Iacquinotius, Prouincialis Collegiorum Societatis I E S V, in Prouincia Lugdunensi, iuxta Priuilegium eidem Societati à Regibus Christianissimis Henrico III. die 10. mensis Maij, anni 1583. & Henrico IV. 20. Decembris, 1606. concessum, quo Bibliopolis omnibus prohibetur, ne libros ab eiusdem Societatis hominibus compositos, absque illorum permissione imprimant, permittit Ioanni Pillehotte Lugdunensi Bibliopola, vt, R. P. Antonij Ruuio Rodensis, Commentarios in libros Aristotelis de Anima, ad sex proximos annos imprimere, ac liberè diuendere possit. Datum Lugduni die 22. Aprilis, 1620.

B. Iacquinotius.

INDEX

# INDEX CAPITVM ET

## QVÆSTIONVM QVÆ IN HIS

TRIBVS LIBRIS DE ANIMA

accuratè discutiuntur.

*Liber Primus.*

### Quæstiones Proœmiales.

**Q**uæstio 1. *An consideratio anima ad naturalem philosophiam proprie spectet,* pag. 1

Quæstio 2. *An subiectum propriū huius operis sit anima, vel corpus animatum,* pag. 17

Quæst. 3. *An scientia de anima nobilior sit ac certior ceteris,* pag. 21

Quæstio 4. *De utilitate huius scientiæ,* pag. 27

Quæst. 5. *De ordinatione huius tractatus cum ceteris partibus philosophiæ,* pag. 29

*De diuisione huius operis,* pag. 31

#### CAPVT I.

Expositio textus, pag. 32.

Quæstio unica quid sibi voluerit Aristotel. dum dixit dialecticum definire per formam, physicum vero per materiam, pag. 35

*LIBER 2. pag. 40.*

#### CAPVT I.

Expositio Textus. 40.

#### CAPVT II.

Expositio Textus. pag. 45.

Tractatus I. De Anima quantum ad eius essentiam, pag. 50.

Quæst. 1. *An anima sit substantia,* pag. 50

Quæst. 2. *An anima sit corpus,* pag. 54

Quæst. 3. *An verum sit animam esse actum corporis, ut prima particula definitionis asserit,* pag. 58

Quæst. 4. *An anima sit actus primus sola prioritate natura, vel etiam prioritate perfectionis,* p. 62

Quæst. 5. *Quid nam per corpus physicum, & organicum intelligat Arist.* pag. 70

Breue dubium circa ultimam particulam eiusdem definitionis, pag. 74

Quæst. 6. *An eadem definitio anima sit quidditatiua,* pag. 76

Quæst. 7. *An hac definitio anima sit vniuersa ad omnes animas,* p. 83

Quæst. 8. *An posterior definitio anima sit vna, & conueniat anima in communi,* pag. 95

Quæst. 9. *An eadem secunda definitio sit quidditatiua, aut essentialis, vel descriptiua tantum, & accidentalis,* pag. 101

Quæst. 10. *An prior definitio anima demonstretur ab Aristotel. per posteriorem definitionem à priori, vel à posteriori tantum.* pag. 109

#### CAPVT III.

Expositio. Textus. pag. 118.

# I N D E X

Tractatus de numero anima-  
ruin, & animatorum.

pag. 121.

**Q**uestio 1. An tres sint tantū  
species animarum, quatuor  
gradus animatorum, & quinque  
genera potentiarum. pag. 121

Quaest. 2. An vegetatiuum in-  
cludatur formaliter in sensitiuo, &  
verumque in rationali, vel emi-  
nenter tantum. pag. 129

Dubium, An anima rationalis  
sit formaliter corporea, pag. 126

Quaest. 3. An omnes anima sine  
eiusdem speciei, & aequalis perfe-  
ctionis substantialis, vel una sit  
perfectior altera, pag. 138

Tractatus de modo informan-  
di animæ. pag. 147.

**Q**uestio 1. An anima ratio-  
nalis sit indivisibilis. pa. 147

Quaestio 1. An anima plantarum,  
atque animalium perfectorum sine  
indivisibiles, pag. 151

Quaest. 3. An Anima sensitiua  
perfectorum animalium sine indi-  
uisibiles, pag. 159

Quaest. 4. Verum anima infor-  
met omnes partes corporis, vel so-  
lum sit in aliqua determinata,  
pag. 166

Quaest. 5. An anima vegetatiua,  
& sensitiua reperiuntur distincta  
in eodem animali, atque etiam in  
eodem homine vegetatiua, sensiti-  
ua, & rationalis, vel una tantum  
sit in uno composito, pag. 170

Quaest. 6. An simul cum unica  
anima datur in unoquoque viuen-  
te alia forma substantialis inferior,  
pag. 178

Breue dubium de generatione ca-  
daveris, & distinctione eius, p. 184

Quaest. 7. An in viuentis densu  
plures anima partiales in diuersis  
partibus heterogeneis corporis. pag.  
187

Quaest. 8. An anima informet  
partes fluidas corporis, ut sangui-  
nem, & alios humores. pag. 198

Quaest. 9. An unguis, & capilli  
informentur anima. pag. 208

Quaest. 10. An quodlibet viuens  
habeat propriam animam distin-  
ctam ab alio, vel eadem numero a-  
nima sit in pluribus, pag. 211

Tractatus de potentiis animæ  
in generali, pa. 218.

**Q**uestio 1. An potentia vitales  
sint res distincta ab anima,  
vel sola ratione. pag. 218

Dub. An per potentiam Dei ab-  
solutam dari possit creatura qua  
opereatur immediate per propriam  
substantiam. pag. 227

Quaest. 2. An potentia vitales  
possint realiter separari ab anima  
per potentiam Dei absolutam, pag.  
228

Dub. An potentia vitalis sepa-  
rata ab anima possit uniri subiecto  
extraneo per potentiam Dei absolu-  
tam. pag. 231

Quaest. 3. An potentia vitalis  
separata ab anima existeret per mo-  
dum perfectiui ei superadditi vel  
per solam actualem existensiam per  
propriam eum negatione actuali  
inherentia. pag. 232

Quaest. 4. An potentia vitalis  
separata ab anima per diuinam  
potentiam esset in statu naturali,  
aut violento, pag. 242

Quaest. 5. Verum potentia vita-  
les oriuntur ab anima tanquam à  
principio effectiui, pag. 251

Quaest.

## CAPITULUM.

*Quaest. 6. An potentie vitales emanent ab anima per veras actiones distinctas inter se se, & à generatione, vel creatione pag. 254*

*Quaest. 7. An una potentia, vel emanet efficienter ab alia, pag. 258*  
*Tractatus de subiecto potentiarum, pag. 264.*

**Q***uestio 8. An unitas, ac distinctio specifica potentiarum vitalium desumenda sit ab actibus, & obiectis earum, pag. 265*

*Dub. An potentia visiva hominis & Leonis distinguantur specie, pag. 269*

*Quaest. 9. Quonam modo assignari debeat cuique potentia actus adequatus propriumque obiectum, per quod distinguatur specie ab aliis, pag. 270*

### CAPUT III.

*Tractatus de potentia animæ vegetatiuæ.*

**Q***uestio 1. An potentia nutritiva consistat in temperamento primarium qualitatum, aut in solo calore naturali, vel alia sit qualitas superior, ac nobilior primis, & temperamento earum, pagina 278*

*Quaest. 2. An nutritiva, augmentativa, & generativa sint tres potentie vitales realiter distincta vegetativæ animæ, vel una tantum tria habens officia diversa, pagina 285*

*Quaestio 3. Quodnam sit subiectum nutritiva ac generativa potentia, pag. 291*

*Dub. de subiecto potentia generativa, pag. 294*

*Quaest. 4. Quidnam sit generatio viventium propria, & in quo sensu vocata sit ab Aristotele, nam-*

*ralissimum opus viventis, pagina, 300*

### CAPUT V. & VI.

*Quaestio 1. An sensus sit potentia passiva, pag. 309*

*Quaestio 2. An principium effectuum sensationis sit sola potentia sensitiva, vel simul etiam cum ea species ab obiecto ei impressa, p. 315*

*Dub. An species sit causa principalis sensationis, vel solum instrumentalis, atque etiam potentia, pag. 318*

*Quaestio 3. An dentur species per quas obiecta sensibilia immutent sensum, pag. 320.*

*Quaestio 4. An species sit eiusdem naturæ cum obiecto, pagina 325*

*Quaestio 5. An species sine perfectiores obiectis representatis, pagina 327.*

*Quaestio 6. An species sint formales similitudines obiectorum, pag. 329*

*Quaestio 7. Quonam modo fiat unum ex potentia, & specie in ordine ad sensationem, pag. 332*

*Quaestio 8. An speciebus sensibilibus præter divisibilitatem, aut extensionem, quam habent à subiecto, sit ei concedenda alia in ordine ad obiectum, p. 334*

*Quaestio 9. An species impressa ab obiecto divisibili secundum intensiorem sit etiam indivisibilis secundum intensiorem, pag. 342*

*Quaestio 10. An omnes species sensibiles quæ multiplicatur in medio, atque in potentia producantur immediatè ab obiecto, vel mediis aliis, pag. 351*

*Quaestio 11. Quid & quatuorplex sit commune sensibile, & quo pacto*

# INDEX

passio immutet sensum, pag. 356

Dub. Quidnam per magnitudinem intelligatur, pag. 358

Quest. 11. An sensibile proprium indivisibili modo existens possit per sensum percipi saltem per potentiam Dei absolutam, pag. 365

Quest. 13. An praefer speciem impressam sit necessaria praesentia obiecti ad sensationem externam, pag. 376

Quest. 14. An possit sensus sensationem elicere circa obiectum absens, vel non existens, etiam sine specie eius per potentiam Dei absolutam, pag. 383

Questio 15. An sensus errare possit circa proprium sensibile, pagina 387

Quest. 16. An dum sensus errant operentur per speciem veri sensibilibus, ac si non errarent, vel per aliam finem rationis, pag. 393

## CAPVT VII.

Quest. 1. An color sit distincta qualitas à lumine, & qua sit ratio propria eius, pag. 400

Quest. 2. An lumen sit qualitas naturalis, & physica, vel intentionalis tantum, pag. 408

Quest. 3. An lumen videatur per se sine specie intentionali vel per speciem à se productam, sicut videntur colores, pag. 412

Quest. 4. An lumen sit in solo diaphano tanquam in subiecto, vel etiam in corpore opaco, pag. 416

Quest. 5. An lumen sit necessarium ex parte medijs ad videndum quodcumque obiectum sensibile, pag. 421

Quest. 6. An lumen non solum sit necessarium ad videndum colorem ex parte medijs, sed etiam ex

parte obiecti, pag. 426

Quest. 7. An visio fiat per extramissionem alicuius à potentia visiva, vel per receptionem speciei ab obiecto, pag. 437

Quest. 8. An oculus sit sensorium visus, & in qua eius parte resideat potentia visiva, & fiat visio, & an una sit potentia visiva in uno animali, vel duplex, pag. 442

Quest. ultima. An quod per reflexionem videtur in speculo, sit species vel imago obiecti aut obiectum ipsum, vel utrumque, pagina 447

## CAPVT VIII.

pag. 451.

Quest. 1. An sonus sit motus ipse percussione, vel medijs resilientis, vel qualiter à motu distincta permanentis, vel successiva, p. 455

Quest. 2. An necessarius sit ab productionem soni concursus trium corporum & omnia sint causa efficiens eius, pag. 460

Quest. 3. An sonus sit in corporibus sonantibus, vel in solo medio, pag. 465

Quest. 4. An sonus realis perveniat usque ad auditum, vel solum species intentionales eius, pag. 471

Quest. 5. Quidnam sit vox, & quid echo, vel reflexus sonus, & quonam modo fiant, pag. 482

Quest. 6. Quodnam sit organum, vel subiectum proprium auditiva potentia, pag. 490

## CAPVT IX.

Quest. 1. Quidnam odor sit, quomodo gignatur, & in quo sit subiecto, pag. 496

Quest. 2. An sensorium olfactus immutetur ab odore realiter, vel solum



# CAPITV M.

*solum intentionaliter, pag. 501*

*Quaest. 3. Quidnam sit organum olfactus, & in qua potentia tanquam in proprio subiecto residcat, pag. 507*

*Quaestio 4. An olfactus hominis, imperfectior sit, quam aliorum animalium, pag. 510*

## CAPVT X.

*Tractatus de gustu, sapore, & organo eius, pag. 512*

*Quaest. 1. Quid sapor sit quot, & qua species eius, & quodammodo immuet gustum, pag. 514*

*Quaestio 2. Quod sit organum ad medium gustus, p. 511*

*Quaest. 3. An sensus gustus distinguatur à sensu tactus, pag. 522*

## CAPVT XI.

*Tractatus de tactu, & tangibilibus.*

*Quaest. 1. Quodnam sit organum tactus, pag. 527*

*Quaest. 2. An sensus tactus habeat medium externum, vel saltem internum, pag. 531*

*Quaest. 3. An qualitates tangibiles immuent tactum secundum esse reale, vel per species intentionales, aut necessario utroque modo, pag. 535*

*Quaestio 4. An tactus solum sentiat excellentias, vel exsuperantias obiecti tangibilis aut gradus etiam aequales, vel inferiores, pag. 541*

*Quaestio 5. An per tactum sentiatur qualitas tangibilis producta, vel existens in organo, aut ea qua est in obiecto, vel utraque, pag. 548*

*Quaest. 6. An sensus tactus sit vnus secundum speciem sicut ceteri sensus, vel multiplex, pag. 550*

## CAPVT XII.

*Quaest. unica, Quomodo sensus latur ab ea eccellente sensibili, pag. 551*

## LIBER III.

### CAP. I.

*Quaest. 1. An probari possit euidenti ratione quinque tantum esse sensus externos, pag. 564*

*Quaestio 2. An omnes sensus extrai perfectiores sint in homine, quam in ceteris animalibus, p. 667*

*Quaest. 3. An sensibile positum supra sensum sentiatur, pag. 571*

### CAP. II. & III.

*Tractatus de natura, & ratione, ac numero internorum sensuum, pag. 581*

*Quaest. 1. Quotuplex sit sensus internus, pag. 581*

*Quaestio 2. An distinguendi sint plures sensus interni distinctione specifica, & essentiali, pag. 595*

*Quaest. 3. An sensus internus cognoscat sensationes externarum, p. 593*

*Quaest. 4. An sensus internus cognoscat propriam sensationem, p. 599*

*Quaest. 5. An sensus internus vari, & proprium iudicium habeat de obiecto, vel solam apprehensionem, p. 606*

*Quaestio 6. An sensus internus cognoscat proprium obiectum, et praesens, atque etiam ut praeteritum & futurum, pag. 611*

*Quaest. 7. Quodnam sit subiectum sensus interni, pag. 613*

*Quaest. 8. An omnibus animalibus concedendi sint omnes sensus interni, pag. 616*

*Quaest. 9. An sensus interni operentur per species intentionales eiusdem rationis cum speciebus externorum sensuum, vel diuersa, & a quonam eas accipiant, pag. 610*

*Quaest. 10.*

# I N D E X

*Quaest. 10. An sensus interni solum aperantur per species sensatas, vel etiam per insensatas, pag. 613*

*Quaest. ultima. A quam causa producantur species insensata estimativa, & quonam modo, pag. 617*

## CAPVT IV. & V.

*Tractatus de natura, & modo operandi intellectus agentis. 637*

*Quaest. 1. An detur intellectus agens, pag. 637*

*Quaest. 2. Quodnam sit proprium officium intellectus agentis, ad quod exercendum reputatur necessarius, pag. 640*

*An intellectus agens illuminet phantasmata, 640*

*Quaest. 3. An & quomodo concurrat phantasma cum intellectu agente ad productionem speciei intelligibilis, pag. 646*

*Quaest. 4. An intellectus agens, & possibilis sine potentia anima realiter distincta, pag. 652*

*Dub. uter sit altero perfectior intellectus, agens, vel possibilis. p. 658*  
*Tractatus de natura actu obiecto intellectus possibilis.*

*Quaest. 1. An sit, & quod sit intellectus possibilis, pag. 659*

*Quaest. 2. An necessario sint ponenda species intelligibiles in nostro intellectu ad intelligendum, p. 661*

*Quaest. 1. An species intelligibiles quae producuntur ab intellectu agente in intellectu possibili sint representatiua rerum singularium, vel vniuersalium, pag. 663*

*Quo nam modo cognoscatur vniuersale ab intellectu nostro, pagina, 671*

*Quaest. 4. An substantia mate-*

*rialis, & accidentia eius non per se sensibilia cognoscantur ab intellectu nostro pro hoc statu per speciem propriam, & ideo directe, ac per se, pag. 673*

*Quaest. 1. Quonam modo cognoscatur ab intellectu substantia separata, ut Deus & Angeli. 680*

*Quaest. 6. Quonam modo anima pro hoc statu seipsam cognoscat, pag. 684*

*Quaestio 7. Quonam modo cognoscat intellectus se, & suos actus habitu atque species, nec non voluntatem, & eius actus, & habitus 689*

*Dub. Quodnam sit adequatum obiectum nostri intellectus probat statu, pag. 698*

*Tractatus de actu intellectus possibilis.*

*Quaest. 1. Quidnam sit speculari phantasmata, & an necessarium in omni prorsus intellectione pro statu praesenti, pag. 700*

*Quaest. 2. An intelligere consistat in actione aliqua intellectus vel in sola receptione speciei impressae ab obiecto, aut in sola receptione actus intelligendi, pag. 706*

*Quaest. 3. An intellectio consistat formaliter in vera, & reali actione intellectus verum & realem terminum habente, vel saltem eam necessario praesupponat, pagina 610*

*Quaest. 4. An per potentiam absolutam possit intellectio produci à solo Deo, sine ullo concursu effectiuo intellectus, pag. 721*

*Quaest. 5. An in parte intellectiua sit propria memoria, & tamquam alia potentia distinguatur ab intellectu, pag. 728*

Caput

# CAPITVM.

Caput. 6. 7. 8. 9. 10. 11. 12. 13.

**Q**uestio 1. An voluntas sit potentia realiter distincta ab intellectu, & appetitu sensitiuo 748

Quaest. 2. An potentia motiua vitalis consistat in actu appetitus, vel intellectus practici, vel in executiua virtute in aliqua parte corporis residente. pag. 752

Tractatus de Anima separata  
pag. 758.

**Q**uestio 1. An anima rationalis educatur de potentia materia, vel ex nihilo producatur. pag. 759

Appendix dub. pag. 761

Quaest. 2. An anima rationalis sit simplex forma purè spiritalis, pag. 764

Quaest. 3. de immortalitate animae secundum philosophos. pag. 770

Quidnam antiquiores philosophi (et praesertim Aristoteles) senserint de immortalitate animae rationalis. ibidem.

Quaest. 4. Quidnam sentiendum sit de immortalitate animae rationalis secundum principia luminis naturalis, pag. 774

Quaest. 5. Quidnam sentiendum sit de immortalitate animae rationalis secundum fidem Catholicam. pag. 779

Quaest. 6. An status separationis à corpore sit naturalis animae rationali, pag. 781

Quaest. 7. An anima rationalis separata à corpore, habeat naturalem appetitum illud informandi, pag. 787

Quaest. 8. Quanam potentia, qui habitus, qua species, & quanam modi cognoscendi sint in anima separata, pag. 790

# COMMENTARIORVM

## IN LIBROS ARISTOTELIS

Stagirite de Anima.

### PROOEMIUM.

**R**EM satis per se magnam, & Philosopho dignam, explanationem videlicet animæ nostræ, dignitatique ac præstatiæ eius, maiorem satis illustrioremque effecit opus hoc Aristotelicum, exquisita ab eo diligentia elaboratum, & in quo ingenium eius pene diuinum se ipsum videtur superasse. Rem per se magnam assero animam nostram, eiusque cognitionem: cum sit veluti lumina quædam, seu compendium diuinorum operû, quæ circa totius mundi opificium versantur, quodammodo in se complectens spiritualium, corporearumque rerum omnium excellentiam, utpote tanquam medium vtrumque attingens extremum. Philosopho verò dignum eiusdem animæ notitiam inuestigare: quia nihil dignius esse potest homini sapientiæ cupido, atque studioso, quam in assequenda perfecta notitia propriæ eximæque dignitatis ab eadē anima profectæ toto pectore incumbere, per quam viâ sibi parat ad comparandam diuinâ cognitionem, & ex qua innumerabiles pene utilitates, comoda, fructus (quos longum nimis esset recensere) ei proueniunt. Aureum verò opus Aristotelicum, quod miro quodam ordine, ac rerum dispositione naturam, & rationem eiusdē animæ, partes, proprietates, seu potentias, atque operationes nobis tradidit, ex quibus, & in quibus excellentia eius mirum in modum præluet, non satis, nec pro merito commendari potest. Hoc idem opus nos interpretandum suscipimus, eiusdēque commentationem aggredimur, ut aliquam tantæ rei notitiam Philosophiæ studiosis impertiamur. Cui hæc proœmij loco censemus præmittenda, copiosiusque explicanda gratia commodioris intelligentiæ, quæ Aristoteles ipse in eius proœmio vno, vel altero (ut solet) verbo attigit (vniuersalioribus aliis prætermisissis, huic, & aliis operibus communibus, & iam in nostris commentariis dialecticis, philosophicis explicatis) nempe ad quam scientiam propriè spectet naturam, & rationem animæ inuestigare. An opus hoc pro subiecto proprio animatum corpus, vel potius eandem ipsam animam sibi venditet, an cæteris scientiis, vel philosophiæ partibus nobilior sit hæc. Quotnam, & quæ sint utilitates eius. Quis ei debeat locus inter cæteras philosophiæ naturalis partes: ac tandem qualifnam sit diuisio eius. Hæc si à nobis explicentur, & ab eisdem studiosis probè teneantur, non parum emolumenti ad capiendam eiusdem Aristotelici operis doctrinam asserre poterunt.

QVÆ



## QVÆSTIO PRIMA,

### Proœmialis.

*An consideratio animæ ad naturalem philosophiam propriè spectet.*



**V** **N** **M** Præsupponit titulus quæstionis, & aliud quærit, supponit quidem animam esse rem talem, de qua possit haberi sciëntia. Quod evidens est, non solum de anima in communi accepta, prout comprehendit vegetatiuam, sensitiuam, & rationalem, sed etiam sumpta pro rationali: & probari potest hoc discursu. Vt aliquid possit esse subiectum sciëntiæ, tres potissimum conditiones debet habere requisitas, & sufficientes. Nempe, quod sit in rerum natura, vel saltem sit possibile. Quod proprietates, & passionibus habeat, de se demonstrabiles. Et tandem causas, & principia, per quæ possint demonstrari: & per hæc quidem habebitur de illa sciëntia à priori, per effectus verò ab ea procedentes dabitur sciëntia à posteriori, nam per eos, demonstrari poterunt proprietates, & per has essentia: sed tam anima in communi, quam rationalis in speciali habet tria hæc: ergo utroque modo poterit esse subiectum sciëntiæ. Maior est expressa apud Aristotelem 1. lib. de Posterior. resolution. capite 1. & 25. 4. metaphysicæ, capite 1. & 11. metaphysicæ capite 6. quibus locis easdem conditiones, tanquam necessarias, & sufficientes exigit; & omnes interpretes cum eo. Minorem verò sic probabo, de anima utroque modo sumpta evidens est, saltem à posteriori per suos effectus, & operationes, quod sit in rerum natura, ut idem Aristoteles in hoc 1. libro, textu 19. docuit his verbis: *Animatum igitur ab inanimato, duobus maxime differre videtur, motu, & sensu, accepimus autem, & à progenitoribus duo hæc de anima.* Et ita per hos effectus asserit eandem animam cognouisse philosophos: quamvis non omnes eodem modo de natura, vel essentia eius senserint. Nos etiam evidenti experientia cognoscimus easdem operationes vitales procedere à rebus animatis, & non ab aliis corporibus inferioribus, & ai-

*Ruinus de Anima.*

**A**

- riores esse motibus omnino naturalibus, ut in calefactione, in frigidatione, motu sursum, & deorsum, atque etiam circularis ex quo euidenter colligimus procedere ab altiori principio vitæ, quod est anima: ergo euidenter à posteriori cognoscimus animā, pro vegetatiua, sensitiua, & loco motiua esse in rerum natura. Rationalē vero, non minùs euidenter per discursus, & ratiocinationes, liberòsque actus volūtatis vsque adeò, ut dixerit Augustin. *Quis se habere animam non cognoscit, nescio an eam habeat* De proprietatibus verò, seu passionibus, euidenter est etiā; nam in viuētibus sunt potentia, nutritiua, generatiua, & augmentatiua, tanquam veræ proprietates cum eisdem viuētibus conuertibiles, & ab anima, vegetatiua, & sensitiua procedētes, quas corpora non viuētia non attingunt, aut non in ea proprietate, ac perfectione, quamuis inferiores quædam, atque improprias habeant aliquo modo similes. In hominibus etiam sunt intellectus, & voluntas, quas tanquam potentias animæ rationalis proprias, & ab ea procedētes cognoscimus per proprios actus discurrendi, ac liberè volendi, ergo habet anima utroque modo sumpta veras proprietates de se demonstrabiles. Quod verò habeat causas, & principia, per quæ possint demonstrari, etiam est manifestum: nam principium, & causa, per quæ communiter demonstrātur passionēs de subiecto, est definitio: sed anima habet duplicem definitionem designatam ab Aristotele in principio 2. libri huius operis receptam, atque probatam ab vniuersa schola: ergo habet causas, & principia, per quæ possunt de illa demonstrari proprietates enumeratæ.
- 3 Præsupposito igitur quod anima utroque modo sumpta, potest esse subiectum sciētiæ, quærit titulus quæstionis, an pertineat consideratio eius ad naturalem philosophiā, ita ut pars sit huius sciētiæ? Et de anima vegetatiua plantarum, & sensitiua aliorum animalium ab homine, certum est apud omnes propriè pertinere ad philosophiā; & probatur expressis testimoniis Aristotelis, & euidentē ratione, Aristoteles enim 6. lib. metaphysicorum, cap. 1. textu 2. ad philosophum naturalem pertinere, de omni anima dependente à materia disputare, his verbis docet: *De quadam anima speculari naturalis est, quæcumque non sine materia, &c.* Anima autem vegetatiua, & sensitiua non solum dependent à materia, in suis operationibus vegetatiuis, & sensitiuis, quas omnes per potentias, atque instrumenta materialia exercent, sed etiam in esse, & fieri: cum notum sit educi de potentia eiusdem materiæ. Et tandē 1. lib. de partibus animalium cap. 1. post medium, quamlibet animam præter intellectuam, esse principium motus, & ideo ad naturalem philosophum pertinere, sic ait: *Non omnis anima principium motus*

*motus est, neque partibus anima omnibus id tribui debet, sed augendi principium, idem putandum, quod & in plantis est, alterandi vim eandem, quam sentiendi, deferendi autem aliud quiddam, non vim intelligendi, delationem enim, vel in cæteris esse animabus nonimus, &c.* Per vim autem deferendi potentiam loco motiuam animæ sensitivæ propriam intelligit. Sed ratione probatur, quia ad naturalem philosophiam pertinet agere de principiis rerum naturalium intrinsicis, quæ sunt materia, & forma, ut per se est evidens, sed anima vegetatiua, & sensitiva sunt veræ formæ, & materiales, ut probant materiales earum operationes vegetandi, & sentiendi: ergo per se pertinent ad naturalem philosophiam.

Nec est minus certum apud Aristotelem eisdem locis, & omnes eius interpretes, animam rationalem, ut vegetatiuam, & sensitivam, per se etiam pertinere ad naturalem philosophiam. Quia licet non educatur de potentia materiæ, & ideo nec dependeat ab ea in esse, & fieri, materiam tamen informat, & est principium intrinsicum, atque etiam pars essentialis compositi verè materialis viventis, atque sensibilis, & materiales habentis operationes, nutritionis, augmentationis, sensationum & motus progressivi, sicut cætera viventia, & animalia; ergo per se pertinet sub utroque gradu vegetandi, & sentiendi ad philosophiam naturalem, sicut animæ eorum: Probatur consequentia, quia philosophia per se considerat quascunque partes intrinsicas entis naturalis, & quæcunque principia motus naturalis, & operationum naturalium, ac materialium: cum hæc omnia sub proprio subiecto per se comprehendantur, ergo per se considerare debet animam rationalem, ut principium intrinsicum, ac partem entis naturalis viventis, ac sensitivi, & motus naturalis eius, ac materialium operationum.

Quæstio igitur ad solam animam rationalem, ut rationalis est, reducitur, hoc est secundum gradum ultimum, ac sibi proprium rationalitatis consideratâ, an pertineat cōsideratio eius ad philosophiam naturalem, vel potius ad aliam scientiam.

Et prima opinio asserit animam rationalem duo habere, primum, esse intellectivam, in quo convenit cum Angelis, & sub hac cōsideratione univertalissima nō est forma corporis, quia intellectivum, ut intellectivum non est forma, alioqui Angelus esset formæ: quare non pertinet ad philosophiam, sicut nec Angelus, sed abstrahit omnino à materia. Habet etiam secundum esse vegetatiuam, & sensitivam, & hoc modo non abstrahit à materia sensibili, sed eā respicit, & quia philosophia naturalis concernit materiam sensibilem, & metaphysica abstrahit omnino à materia, quoniam propter secundum pertineret

anima ad cōsiderationem philosophicam, & propter primum ad metaphysicam: considerata verò secundum integram, & adæquatam rationem, vtramque comprehendentem videtur esse in media quadam abstractione à materia, inter philosophicam, & metaphysicam valde simili abstractione mathematicarum disciplinarum, quam mediam vocare solent inter extremas easdem, philosophiæ, & metaphysiçæ: quia abstrahunt quidem à materia sensibili, sed respiciūt intelligibilem, nempe quantitatem, vel corpus ut sic: & quia scientiæ diuerso modo abstrahentes à materia distinguuntur genere, vel specie, propterea docent considerationem animæ rationalis, neque ad philosophiam naturalem, neque ad metaphysicam pertinere, sed quandam, scientiam mediam per se constituere distinctā ab vtraque. Ita antiquiores interpretes Aristotelis, Boëtius in prologo prædicabilium Porphyrij, & Philoponus in primum li. de Generatione, Simplicius, & Themistius in prologo Phys. quos etiam sequuntur alij. Vnicum fundamentum horum authorum videtur esse: quia si anima rationalis consideretur secundum propriam entitatem, vel substantiam, spiritualis est, & omnino independens à materia, quare abstrahit ab illa secundum rem, & secundum considerationem, eo ferè modo, quo abstrahunt Deus, & Angeli: sicut ergo Deus, & Angeli pertinent ad abstractionem metaphysicam, ita etiam anima, sed secundum quod communicat materiæ esse vegetatiuum, & sensitiuum, non abstrahit à materia sensibili, sed eam respicit, & ex consequenti habet abstractionem philosophicam, & quia vna, & eadem res habens vtrumque modum abstrahendi à materia non ad duas scientiās, sed ad vnam pertinere debet, vna autem scientia vtroque modo abstrahens, nec potest esse philosophia naturalis, nec metaphysica, sed alia inter vtramque media, quæ vocari potest Scientia de anima ad vtraque distincta: ad hanc debet pertinere, & non ad illas.

- 6 Secunda opinio asserit, animam rationalem secundū omnes gradus, atque etiam secundum omnes operationes ab eis procedentes pertinere ad considerationem naturalis philosophiæ, adeò ut anima etiam rationalis separata à corpore, & omnes operationes, quas in statu separationis habet, ad eandem philosophiam naturalem aspectent. Sic Toletus q. 2. promissiali, quod hac vnica probat ratione: Anima rationalis semper est forma physici corporis, actu quidem, dum illud informat, aptitudine verò dum ab ea separata est, nam tunc naturalem appetitum habet ad informandum, sed forma physica corporis pertinet per se ad philosophicam considerationem: ergo anima etiam rationalis, quocumque modo considerata, &  
in



in quocumque statu sumptus eiusdem considerationis naturalis debet esse. Vnde sequitur quascunque eius operationes in quocumque statu ab ea procedentes ad eandem considerationem naturalem pertinere, siue dependeat à materia, vel à sensibus, siue non: probatur consequentia, quia eiusdem scientiæ est considerare operationem, & principium à quo procedit, sed animam, quæ principium est omnium operationum, per se considerat naturalis scientia, ut probatum est; ergo etiam considerabit operationes ipsas.

Sed huic opinioni addit Toletus animam rationalem etiam 7 in corpore existentem, quandam habere intellectiōem, per quam eleuatur ad contemplationem sublimium rerum nullo modo dependentem ab operatione phantasiæ, sed hanc omnino suspendi: & de hac operatione probabile esse ait, non pertinere ad philosophiam, neque animam ut principium eius, & hoc modo excludi ab Aristotele, quotiescunque docet, ad naturalem pertinere disputationem de anima, non tamen de omni, hoc est non de anima hominis, ut principio talis operationis contemplatiuæ. Hanc sententiā omnino probabilem esse asserunt Conymb. 2. lib. de anima, c. 1. quaest. 2. articul. 2. ad primum, quantum ad primum de operatione contemplatiua omnino independente à phantasmate. Probantque, quia dependentia intellectus in corpore existentis à phantasmate non videtur propriè necessaria, sed quatenus ob connexionem harum potentiarum, dum intellectus in proprium obiectum fertur, simul phantasia ad aliquod singulare obiter attendit; ergo suspendi potest naturaliter. Quod probari etiam potest, quia in raptu, nec anima egreditur à corpore, nec intellectus ab operatione intelligendi cessat, & tamen videtur omnino suspendi operatio phantasiæ, sicut suspenditur operatio omnium sensuum externorum: quare dabitur tunc operatio in corpore, sine actuali dependentia à phantasmate. Sed probat Toletus esse sententiā Aristot. quod anima, ut est principium huius intellectiōis independentis, non pertineat ad philosophiam, testimoniis eiusdem. Primum habetur 3. lib. de anima text. 35. & 36. postquam enim in priori docuit, vniuersaliter intellectum nostrum in corpore existentem, nihil intelligere sine phantasmate, subdit in posteriori: *Vtrum autem contingat aliquid separatorum intelligere ipsum existentem non separatum à magnitudine, an non, considerandum est posterius.* 9. autem metaphys. c. 12. text. 2. vbi videtur soluere hoc dubium, asserit animam nostram esse in potentia ad intelligendas substantias immateriales, non quidem in potentia cœcitatatis, quasi dicat, non in potentia remota nunquam reducenda ad actum, sicut ea

quam videtur habere cæcus ad videndum, sed proxima, & ad actum reducenda, qualis est ea, quam dormiens habet ad videndum colorē. Ex quibus sequitur sentire Aristotelem, quod possit anima in corpore existēs intelligere separatas substantias, per se quidem, hoc est, per proprias species, & non solum per accidens, hoc est, per alienas species rerum materialium, nam de hoc nemo potest dubitare. Quod ut clariùs ostenderet 2. lib. Metaph. ca. 1. docuit sic se habere animam nostram ad intelligenda manifestissima omnium (qualia sunt substantiæ immateriales ex propria natura) sicut oculi vespertilionum, ad videndum lumen diei: constat autem tales oculos per propriam speciem videre lumen diei, & ideo per se, quāvis imperfectè: ergo eodem modo sentit Aristoteles animam nostram per se, & per propriam speciem intelligere substantias separatas, dum est in corpore, & ideo non per species acceptas à sensibus, vel dependētes ab eis, sed habere operationem sibi propriam, hoc est, nullo modo dependētem à phantasinate, & secundum eam non pertinere ad considerationem philosophicam.

- 9 Secundum testimonium reperitur in 1. lib. de anima textu 12. ubi agens de operationibus animæ asserit de quibusdam certum esse, quod sint communes corpori, & ideo non proprias ipsius animæ, ut de ira, desiderio, ac sensationibus est manifestum, de intellectu vero ait assimilari propriæ operationi, de qua si verum est esse imaginationem quandam, vel non posse haberi ab anima sine imaginatione, nō erit ei propria, & ita nullam habebit propriam; & si nullam talem habet, non erit à corpore separabilis: quia quod nō potest vllō modo operari sine corpore, nec sine vllō esse poterit, cum esse, sit ordinatum ad operandum. Ex quibus ita arguit Toletus, Aristoteles sentit animam rationalem esse separabilem à corpore, & fides nostra docet in morte separari; ergo sentit habere operationem ita sibi propriam, & nullo modo dependentem à phantasinate exercitium eius; Quod etiam secundum fidem concedendum est, ut separabilis esse intelligatur naturaliter anima, nam mors naturalis est: Probatur consequentia, quia si non habet operationem, quam possit exercere sine corpore, nec poterit sine corpore esse.

- 10 Tertiō loco referri possunt recentiores, ex quibus quidam absolutè negant animam rationalem secundum gradum rationalitatis pertinere ad Philosophiam, sed ad Metaphysicā considerari asserunt. Alij verò distinctione utendum esse docent: nam secundum gradum ipsum substantialem rationalitatis, per quem informat corpus, & constituit compositum physicum humanum, ad Philosophiam pertinet, sed secundum intellectum,

rellectum, & voluntatem operationesque harum potètiarum potius ad Metaphysicam. Et tandem alij alio modo distinguunt, diuersas operationes animæ, nempe secundum essentiam, aut secundum modum essendi, & modo priori pertinere ad Metaphysicam asserunt, quia spiritualis est, & independens à materia, modo verò posteriori ad Philosophū, quia modum essendi habet in materia. Cōueniunt igitur recentiores isti in eo, quòd omnes excludunt animam rationalem à consideratione philosophica aliquò modo. Quod potest probari expresso testimonio Aristotelis, & efficaci ratione eiusdem: nam 1. lib. Physicor. textu 83. asserit de solis formis Physicis, & corruptibilibus sibi esse disputandum in reliquis libris naturalis Philosophiæ: ergo non de anima rationali, quæ incorruptibilis est, & 6. Metaphysic. textu secundo, ita ait: *De quadam anima speculari naturalis est, quacumque non sine materia*, sed eadem anima rationalis est incorruptibilis, & sine materia; ergo non pertinet ad considerationem naturalis philosophiæ. Sed expressius 1. lib. de part. animalium, cap. 1. post medium, hanc eandem quæstionem, de anima intellectiua proposuit, an pertineat ad Philosophiam naturalem consideratio eius: ei que respondet his verbis, *Sed quares quispiam, animaduertens id quod modo dixi, utrum de anima omni docere naturalis scientia intersit; an de aliqua una, at si de omni, nulla certe præter naturalem philosophiam relinquetur scientia, intellectus enim siue mens rerum intelligibilium est, itaque rerum omnium notiones naturalis una tenebit, est enim eiusdem scientia, ut tam de intellectu, quàm de re intelligibili doceas, si quidem eadem contemplatio omnium est inter se coniunctorum, sicut etiam sensus, & rei insensibilis, at non omnis anima principium motus est, neque partibus anima omnibus tribui debes, sed augendi principium idem putandum quod est in plantis, aliterandi vim eandem quam sentiendi, differendi autem aliud quiddam, non vim intelligendi: de rationem enim vel in cæteris esse animantibus nouimus, intellectum siue mentem in nullis. Constat igitur non de anima differere omni oportere, quandoquidem non anima omnis natura est, sed aliqua eius pars una, aut etiam plures, ad hæc, rem à materia abstractā nullam potest scientia naturalis contemplari, cum natura rei alicuius gratia faciat omnia.* Hæc Aristoteles, quibus expressè negat animam sub gradu rationali, vel intellectiua, atque etiā intellectu, & operationem eius ad philosophiā naturalem pertinere. Probatq; his argumentis: Primò, quia anima rationalis secundū hunc gradū intellectiui nō est natura: quia nō est principiū alicuius motus naturalis. Secūdò, quia si naturalis philosophia consideraret animā, ut intellectiuam: ergo consideraret per se intellectu, & consequenter obiectum eius;

quia ad eandem ~~Adnotat~~ <sup>Adnotat</sup> pertinet considerare re, atque potentias, & operationes eius: sed obiectum intellectus est omne intelligibile, & consequenter omne ens: quia intelligibile conuertitur cum ente: ergo consideraret per se omne ens: ex quibus sequitur (ait Aristoteles) quod non daretur vlla alia scientia, præter philosophiam naturalem, quod est absurdum. Tertiò, quia philosophia agit de ente naturali, hoc est còposito ex materia, & forma, sed anima intellectiua, vt talis, atque etiam intellectus eius abstrahunt à materia: ergo non possunt pertinere ad considerationem philosophiæ naturalis. Minorem probat: quia nec anima intellectiua, nec intellectus eius dependent per se à materia, sed ab ea possunt separari.

- 12 Præ solutione huius quæstionis duo oportet adnotare. Primum, quod licet anima rationalis secundum suam entitatem sit spiritualis, & incorporea, est tamen corporea, vt quo: cum sit constitutiua corporis physici: & hoc non solum habet secundum gradum vegetandi, & sentiendi, sed etiam secundum gradum rationalitatis. Itaque non est anima spiritualis substantia, sicut Angelus: sed ita est spiritualis, quod essentia, & substantia eius sit actus, & forma corporis, & pars intrinseca, atque essentialis compositi corporei, & materialis. Quod non solum lumine naturali cognoscimus cum Aristotele, sed etiam supernaturali diuinæ fidei, vt in 2. & 3. libro probabitur: cum expressè sit definitum ab Ecclesia, animam rationalem esse veram formam corporis, etiam vt rationalem, vt inferiùs ostendemus.

- 13 Secundo, adnotare oportet animam rationalem duplicem habere statum, primum in corpore, in quo creatur à Deo, secundum extra corpus, dum ab eo separatur in morte hominis. Et ratio vtriusque status colligitur ex natura, & modo essendi eius: in quo duo sunt: primum, quod anima rationalis ita est forma corporis, aut materiæ, vt de potentia eius non educatur, & ex consequenti, nec ab ea dependeat in esse, & fieri, sed habeat esse independents, etiam in corpore. Quod nò benè ita intelligitur, nisi in eo habeat propriam subsistentiam, vt in nostris commentariis physici lib. 1. ostendimus, per hunc igitur modum independents, qui est naturalis subsistentia, potest esse sine corpore inquit: Reperitur etiam secundum, nempe quod anima sit forma, nò cuiuslibet corporis, sed corruptibilis, & naturaliter, ac necessario corruptibili, quare necesse est, quod potentia illa ad essendum per se sine corpore reducatur aliquando ad actum, & ita secundum ordinem naturalem, & absque vllò miraculo sit extra corpus, etià sine additione alicuius noui modi essendi, quia per propriam subsistentiam, quam

quam habet in corpore, vt 1. lib. physicorū probauimus: iustetur extra illud independēter à quolibet alio, præter Deū: & sicut per se subsistit extra corpus, ita potest naturaliter habere proprias operationes intelligendi, & volendi, vt dicemus in 3. libro.

Quibus præsuppositis tribus assertionibus, explico meam <sup>14</sup> sententiam, quarum prima est: *Anima rationalis, vt est principium intelligendi in corpore, per se pertinet ad considerationem naturalis philosophiæ*. Hæc prius declaranda est, deinde probāda: Declaratur autem hoc modo, vniuersalissimus gradus intellectus naturalis huius ordine deriuatur, aut descendit, ad particulares, vt primò conueniat Deo, qui per essentiam habet esse intellectualem naturam, & per eandem suam substantiā se, & omnia intelligit, deinde deriuatur ad Angelos, quibus conuenit per participationem: sed perfectè in hoc ordine, quia cōuenit eis tanquam naturis completis, ad animam verò imperfectissimo, atque infimo modo: quia non tanquam naturæ completæ, sed incompletæ, hoc est tãquam parti, & ideo aliquo modo dependenti à corpore in modo intelligendi, saltem dum in eo est, ex qua dependentia intelligitur, vt proprius modus intelligendi eius sit per receptionem specierum à sensibus, & ideo vnum post aliud, atque ex alio deducendo, quod est intelligere discurrendo, aut ratiocinando, & modus iste intelligēdi imperfectissimus est propter successionem, quam non habet Angelus, sed simul intelligit omnia, quæ pertinent ad eandem rē, & quæ ex ea deducuntur, & ideo longè perfectiùs quàm anima, quæ ex successione intelligendi, & per species acceptas à sensibus alias, vt tardiùs percipiendi, quæ pertinent ad eādem rem, aut ex ea deducuntur. Et ex his intelligitur ratio ob quam anima dicitur rationalis, & hominem rationalem constituit, & non intellectualem substantiā sicut Angelum. Assertio igitur nostra sic explicata affirmat animam, vt principii intelligendi in corpore, hoc est cum discursu, pertinere ad considerationem naturalis philosophiæ.

Quam probq; primò ex eadem doctrina adnotata, hoc modo <sup>15</sup> anima rationalis, vt principium intelligendi in corpore est pars essentialis physici, ac materialis compositi, quod est ens naturale, nempe hominis, sed ad eandem scientiam pertinet totum, & partes essentielles eius; ergo sicut corpus humanum vt tale, quia est pars materialis talis entis naturalis, pertinet per se ad considerationem physicam, ita anima, vt rationalis, secundum statum informandi illud.

Secundò, id quod verè, & propriè est natura, per se pertinet ad scientiam naturalem, sed anima, vt rationalis verè, & pro-

priè est natura : ergo pertinet per se ad scientiam naturalem. Maior per se est euidens. Minorem verò sic probò: ex definitione naturæ, assignata ab Aristot. 2. lib. physicorum : Natura est, *Principium motus, & quietis eius in quo est* ; sed anima, vt rationalis informans corpus est principium motus physici hominis, in quo est, ergo est natura: Minorem probò, quia anima est principium risus, fletus, admirationis, locutionis, qui vel motus physici sunt vel sine motu physico causato ab eadē anima, vt rationali non fiunt, vt per se est manifestum : cum nō fiant in brutis. Est etiam principium intellectiōis dependentis à phantasmate materiali, quod satis est, vt sit motus physicus communissima ratione prout sumitur in definitione naturæ.

- 16 Secunda assertio, *Anima rationalis dum est in corpore, nullā habet operationem omnino independentem à phantasmate, siue per ea agnoscat spiritualia, siue corporea, aut sensibilia, & proinde nullā habet, secundum quam non pertineat ad considerationem philosophicam.* Hæc est contra Toletum : quam probò primò expresso testimonio Aristot. 3. lib. de anima, text. 3. vniuersaliter asserētis, nihil posse intelligere animam in corpore existentē nisi cum dependentia à phantasmate, his verbis: *Qui non sentit aliquid nihil unquam addisces, nec intelliget, & cum speculatur necesse est simul phantasma aliquid speculari*, quæ egregiè expendens D. Th. in Commentariis eiusdem loci, ait, duo in eis asserere Aristotelem, Primum, quod nihil possit homo addiscere, nisi cum actuali dependentia à phantasmate, quod est non posse scientiam acquirere de nouo, imò nihil de nouo cognoscere, quia addiscere vtrumque comprehendit in sua propria significatione. Secundò asserit nihil omnino intelligere, aut speculari posse hominem, nisi aliquod simul phantasma speculetur, hoc est, nisi phantasia actu operetur circa idemmet obiectum intelligendum, vel circa aliquid ad ipsum pertinens aut ei simile, quod est dicere, non solum non posse intellectum humanū acquireret scientiam sine actuali dependentia à phantasmate, sed neque vti scientia acquisita. Vnde infert D. Thom. falsum esse quod Auicenna tenuit, nempe quòd licet nō possimus acquirere scientiam sine tali dependentia à phantasmate, bene tamen possimus vti scientia iam acquisita, vtrumque enim negat expressè Aristoteles: Rationibus verò probabitur ex professo eadem assert. 3. lib. de anima.

- 17 Assertio vltima, *Anima rationalis à corpore separata etiā pertinet simpliciter ad considerationē naturalis philosophiæ, non tamen secundū ea, quæ sunt propria illius status, sed ad Metaphysicā: quæ tamen commodiùs tractantur ad finem huius operis, cū cæteris ad statum corporis pertinentibus, quam in Metaphysica.*

Prima

Prima pars huius assertionis colligitur ex præcedente, hoc modo: Anima rationalis dum informat corpus, ideo pertinet ad considerationem philosophiæ, quia est pars essentialis entis naturalis, & principium motus physici eius, sed omnia, quæ habet actu in corpore, habet secundum aptitudinem intrinsecam, dum est ab eo separata: cum essentialiter sit apta ea exercere in corpore, & ad ea exercenda appetitum habeat; ergo pertinet simpliciter ad eandem scientiam; Probatur consequentia quia hæc præstare actu, vel habere ad ea præstanda aptitudinem eiusdem rationis, & considerationis sunt, ut per se est manifestum.

Secundam verò partem quòd secundum illa quæ actu habet ex statu separationis non pertineat ad philosophiam naturalem, sic probo, ea, quæ pertinent ad statum separationis, non possunt esse considerationis philosophicæ, sed Metaphysicæ, ergo neque anima rationalis secundum illa considerata. Evidens est consequentia; & Antecedens probatur: quia ad statum separationis pertinent subsistere per se, sine corpore, & operari sine ministerio eius, aut sine vlla dependentia à phantasmate, imò & accipere species infusas à Deo immediate, & per eas intelligere, ut cum D. Thoma ferè omnes sentiunt, sed modus iste essendi, & operandi, non est modus formæ, sed potius completæ substantiæ spiritualis, nempe Angeli accipientis species à Deo per infusionem, & non à rebus ipsis mediis sensibus; ergo ad eandem scientiam pertinet anima secundum ea considerata, ad quam pertinent Angeli, quibus valde assimilatur, sed de Angelis constat non pertinere ad philosophiam naturalem secundum se, sed ad Metaphysicam, nisi quadam fortè ratione extrinseca, ut sunt motores corporum; ergo pari ratione anima secundum propria huius status, Metaphysicæ potius, quàm philosophicæ considerationis, censeri debet. Itaque in anima separata duo hæc distinguenda sunt, & aptitudo informandi, atque operandi per ministerium corporis, & modus actualis essendi, & operandi ad similitudinem completæ substantiæ spiritualis; & ratione prioris ad philosophiam naturalem pertinet consideratio eius; ratione verò posterioris, non nisi ad Metaphysicam.

Sed nihilominus, dicitur in nostra assertionem commodius tractanda esse, quæ pertinent ad hunc statum in præsentem opere, ut benè adnotavit Suarius noster tomo primo Metaphysicæ disput. 1. sect. 2. num. 181. quia maior perfectio scientiæ est integram atque completam rationem sui subiecti considerare, quàm partem tantum eius partem aliam reiiciendo ad distinctam scientiam, etiam si propriè ad eam pertinere censeatur & propterea peculiarem tractatum de statu animæ separatæ ad finem

finem huius operis subiicimus, ne lectores compellantur cum in Metaphysica quærere.

19 Ad argumentum primæ opinionis distinguendum est antecedens, quod anima rationalis secundum propriam entitatem, vel substantiam sit spiritualis; nam ut, quod, verum est, ut, quo, falsum, quia utrumque habet secundum propriam rationem, & entitatem, & quod non sit corpus, sed spiritus, & quod sit forma corporis intrinseca, & pars essentialis compositi materialis, atque corporei, nempe hominis, & ideo falsum est, quod sit substantia spiritualis sicut Angelus. Vnde sequitur falsum esse, quod argumentum colligit, nempe animam secundum se, ac simpliciter consideratam pertinere ad considerationem Metaphysicam, sicut pertinent Angeli, sed tanquam essentialis forma corporis potius pertinet simpliciter ad philosophiam, quamvis secundum ea, quæ pertinent ad statum separationis, in quibus assimilatur Angelis, spectet ad Metaphysicam.

20 Ad primum argumentum ex his, quibus probatur animam in corpore habere aliquam intellectionem, sine dependentia à phantasmate, negandum est antecedens; quod dependentia intellectus existentis in corpore ab operatione phantasie, non sit per se naturaliter necessaria, cum non sit essentialis: nam licet verum sit hanc dependentiam ex connexione, & quasi sympathia harum potentiarum provenire, sed connexio hæc necessaria est necessitate naturali, ita ut naturaliter repugnet operari intellectum, quin simul operetur phantasia circa aliquod singulare pertinens ad obiectum, circa quod operatur intellectus.

Ad secundum verò de raptu respondet D. Thom. 2. 2. quæst. 175. art. 5. quod anima rationalis duo habet in corpore, nempe aptitudinem ad intelligendum cum dependentia ab eo, & permanente aptitudine suspenditur actualis dependentia diuina virtute supernaturali, per quam rapitur anima ad contemplationem diuinorum, & ideo tunc sine illa intelligit. Ex quo non sequitur, quod possit naturaliter habere operationem independentem, imò oppositum, quod non possit; quia si requiritur virtus supernaturalis, ut intelligente anima in raptu, suspendatur operatio phantasie, non potest naturaliter suspendi, & ideo, nec potest intellectus naturaliter ullam habere operationem in corpore sine actuali dependentia à phantasmate: & hæc est expressa sententia D. Thom. in eodem loco.

21 Ad argumentum secundæ opinionis concedenda est utraque pars antecedentis, quod anima rationalis semper sit forma actu, vel aptitudine, sed neganda consequentia, quod secundum omnia quæ habet, pertineat ad philosophiam: nam præter rationem



tionem actualem, & aptitudinalem formæ habet aliam, quam non videtur considerasse argumentum, nempe modum essendi, per se sine corpore, & modum operandi sine phantasmate, in quibus valde assimilatur substantiis separatis: unde quamvis ratione actualis, & aptitudinalis informationis pertineat ad philosophum, non tamen secundum modum essendi, & operandi, quem habet separata: nam ratione utriusque præcisè considerata sic se habet, ac si non esset forma; quare ex his non potest pertinere ad philosophiam; non ergo bene colligit Tolerus, quod licet anima habeat quasdam operationes dependentes, alias independentes à phantasmate secundum omnes debet pertinere ad philosophiam; quia omnes procedunt à forma, nam licet omnes procedant ab eo, quod est forma, non omnes procedunt ab eo ut forma, sed independentes procedunt ab anima, ut habet modum essendi, & operandi substantiæ completæ, ac separatæ.

Duo priora testimonia Aristotelis, quæ pro se assert Tolerus difficultate carent, si consideretur nihil absolutum in eis proferre, sed sub conditione, ac dubitanter loqui nihil determinando, sensus ergo prioris est. Dubium esse, an intellectus noster in corpore existens intelligat substantias immateriales, & quonam modo possit eas intelligere. Cui respondet in alio loco ex metaphysica citato posse eas absque dubio intelligere, quod verum est, non solum dum est in corpore: sed etiam separata ab eo (si tamen separari potest, quod ibidem non determinat) in corpore quidem per alienas species rerum materialium, extra corpus verò fortè etiam modo alio, quem nec ipse determinat: sed utroque modo imperfectè, & propterea alio loco in argumento citato id explicat vespertilionis similitudine, quia sicut vespertilio non ex directo aspicere potest lumen solis propter oculorum imbecillitatè, sed quasi ex obliquo, & nimis imperfectè tanquam sibi improporcionatum, ita anima in utroque statu imperfectè cognoscit purè spiritualia ut Deum, & Angelos tanquam sibi improporcionata, propter modum essendi altioris ordinis, quare negamus unquam dixisse Aristotelem, quòd anima in corpore existens intelligat substantias separatas per species proprias, aut sine dependentia à phantasmate.

Secundum testimonium non solum sub conditione loquitur de anima rationali, & intellectu eius, sed secundum totum ambitum suæ virtutis, atque potentiæ, & ideò sensus illius est, non erit anima separabilis à corpore, si nullo modo potest sine sensu operari, si verò possit sine illo, separabilis erit, & utriusque conditionalis ratio manifesta est, quia si non potest villo

illo modo sine phantasmate operari: ergo nec sine corpore esse vel ab eo separari: si verò aliquam potest habere operationem sine phantasmate, poterit quoque sine corpore operari, & sine illo esse, aut ab eo separari. Sic loquitur in 1. libro de anima.

In tertio, ubi citatur in argumento asserens necessarium esse intelligentem speculari aliquod phantasma, solum loquitur de anima intelligente in corpore, nihil de modo intelligendi extra corpus (si separari ab eo potest) affirmans, vel negās, & quia intellectus in corpore non dependet à phantasmate, sicut potentia organica dependet ab organo, in quo est, & per quem operatur (quod arbitror sensisse Aristotelem) euidenter ex hoc colligitur, posse animam, & intellectum eius secundum totum ambitum suæ virtutis alium modum operandi habere non alligatum phantasie, ut in fine huius operis ostendetur, & consequenter posse à corpore separatam permanere.

- 24 Argumenta pro tertia opinione obiecta, difficiliora sunt, sed in primis explicare oportet testimonia Aristotelis, & præsertim vltimum, cui innituntur, ut commodius solui possint. Cui respondent recentiores quidam, Aristotelem non loqui in eo de anima, propriè sumpta pro forma, sed de quadam ratione communissima spiritualis substantiæ communi Deo, Angelis, & animæ rationali, & ideò sermonem transferre potuisse ad Deum, vel primam intelligentiam, & hunc sensum tenuisse ostendit ipse paulò inferius, his verbis. *Quamobrem verisimilius dixerim cælum & factum esse ab eiusmodi causa (si factum est) & magis esse ob eam causam, quam animalia caduca, atque mortalia* Quæ de sola prima intelligentia vera esse posse constat, & non de anima propriè sumpta. Cui consonant alia testimonia, in quibus loquitur de anima in eadem acceptione communissima, ut 1. lib. de anima cap. 1. text. 8. ubi assignans exempla animarum, inquit, ut anima equi, hominis, & Dei, per animam Dei intelligens diuinam mentem, vel intellectum, & 2. libro de cælo, capit. 2. intelligentiam à quo mouetur cælum vocat animam eius. Et denique Deum, & Angelos solet vocare animalia immortalia.

- 25 Hæc tamen solutio non potest stare cum antecedentibus verbis eiusdem vltimi testimonij, quæ sic habet. *Si hac inquam, ita statui debent hominis natura studiosi, sanè interest de anima, & differere, & scire, & si non de omni anima, tamen de ea ipsa, quæ tale animal, & quidnam anima, aut certe pars illa anima sit, &c.* & paucis interpositis, *nam ob eam etiam rem, qui de natura agit, eo amplius docere de anima, quàm de materia debet, quo materia natura potius per animam quàm è contrario est, &c.* Post hæc autem omnia verba relata, sequuntur immediatè verba illa vltimi testimonij

testimonij in fauorem alterius sententiæ oppositi, quibus quæstionem proponit Aristoteles, an de omni anima disputet naturalis philosophus, vel solum de aliqua, an de omni parte, vel gradu eius, aut tantum de vno, vel pluribus, quare repugnat intelligi de anima, sub communissimo, & improprio conceptu, quo Deum, & Angelos comprehendit: nam anima hoc modo, non est qua homo est animal, nec est pars compositi naturalis; nec dicitur natura perfectior, quam materia, sed necesse est, de anima proprie sumpta intelligi: nam cum necessarium sit quæstionem disputari in eodem sensu, in quo proponitur, non est minus necessarium verba sequentia, quibus disputatur quæstio, intelligi de anima secundum propriam rationem animæ, quam antecedentia, per quæ proponitur, & quæ quasi tituli eiusdem quæstionis formam habent.

Ex quibus sequitur, quod quamuis gratis daremus his recentioribus Aristotelem aliis locis adductis uti in propissima illa acceptione animæ, non bene ex eo deduci potest eadem, uti in hoc testimonio, cuius verba relata tam expresse loquuntur de ea secundum proprium conceptum, & rationem partis, nihilominus nec illis locis tali acceptione utitur, sed etiam propria: nam in duobus primis (ut bene D. Thom. in Commentariis prioris) per Deos corpora cælestia, pro diis à quibusdam habita intelligit, & per animam eorum, non Deum ipsum, vel intelligentias separatas, sed animam informantem, quam alij quidam philosophi, eisdem cælestibus corporibus tribuebant.

Ut igitur verum sensum eiusdem testimonij tenere possimus, adnotandum est, quod in anima rationali secundum gradum rationalitatis sumpta tria possumus considerare, nempe, quod intellectiua sit abstrahendo à particularibus modis intelligendi, quemadmodum in Deo, & Angelis consideramus eandem rationem communem non consideratis distinctè, aut in particulari, specialibus modis intelligendi, ex eo quod intellectiuum, ut sic prædicatum est aliquo modo commune Deo, Angelis, & animæ. Secundò possumus considerare in anima esse intellectiuum, per se, hoc est sine ministerio, vel dependentia à corpore, quemadmodum intelligendi habet separata à corpore, & in quo adhuc conuenit aliquo modo cum Deo, & Angelis; & aliquo modo distinguitur: conuenit quidem in ratione communi intelligendi per se, & sine dependentia ab alio: distinguitur verò in modo imperfecto intelligendi per se, quia Deus, & Angeli habent modum completum ita intelligendi, sicut habet modum completum essendi, anima verò in hoc gradu intelligendi, imperfecta est, sicut in modo essendi incompleto. Tertiò consideramus intellectiuum per ministerium corporis, vel

vel cum dependentia à phantasmate, & in hoc omninò distinguitur anima à Deo, & Angelis, quibus modus iste omnino repugnat. Anima ergo rationalis ex duobus primis in ea consideratis non potest pertinere ad cōsiderationem naturalis philosophiæ, sicut nec Angeli, quibus assimilatur in modo essendi, & intelligendi, atque etiam in modo abstrahendi à materia: nam secundum utrumque considerata omnino abstrahit à materia, nec eam omnino concernit: modus autem sic abstrahendi à materia, non potest esse philosophicus, sed metaphysicus, ut ex superioribus est manifestum; pertinet igitur ad philosophiam ratione vltimi, ex quo habet esse actuale formam corporis, dum illud informat, & per ministerium eius intelligit, & dum est separata ab illo, habet saltem aptitudinem, imò, & appetitum ad talem modum essendi, & operandi. Et ex his colligitur germanus sensus verborum Aristotelis, & solutio argumentorum, quæ ab eis deducta sunt in fauorem oppositæ sententiæ. Imprimis enī dum negat Aristoteles, quod anima

28 intellectuā pertineat ad cōsiderationem philosophicā, accipitur ab eo secundum duo illa priora in ea considerata, & non secundum vltimum, ratione cuius præcisè de ea agit in hoc opere tanquam de eo, quod per se pertinet ad naturalem philosophum. Et in eodem sensu procedunt de illa argumenta, quibus efficaciter probatur intentum: nam secundum duo illa priora bene probat primum, quod nō sit natura, cum non sit principium motus, sed solius intellectiōis, & volitionis abstrahētis à materia, & phantasmate, quo pacto intellectiō non est motus physicus, ut per se est manifestū. Secundū etiam probat intentum, quia si anima secundum gradum intellectuā, ut sic, in quo conuenit cum Angelis conuenientia vniuoca, & cum Deo analogica, pertinet ad cōsiderationem philosophicā, euidenter sequeretur, quod intellectuū, ut intellectuū ad eandem pertineret, & consequenter intelligibile ut intelligibile; quod constat comprehendere omne ens, quare nihil relinqueretur considerandum à metaphysico, & ideò præter philosophiam non esset ponenda alia sciētia per se cōsiderans ens ut ens, quod patet esse falsum, cum ad considerandum hoc ponatur vniuersalis sciētia, quæ est metaphysica. Tertium argumentum probat animam secundum illa duo priora in ea considerata non pertinere ad cōsiderationem philosophicā, quia ut sic abstrahit omninò à materia, & de abstrahentibus sic à materia, non agit philosophia: de eadem verò anima, ut informante corpus actu, vel aptitudine, atque intelligente per ministerium corporis certum erat apud Aristotelem pertinere ad philosophicā cōsiderationem, ex his quæ docuerat de natura

tura 2. lib. physic. & de forma in 1. & ideo nec verbum de anima rationali, hoc solum modo considerata loquitur in eodem testimonio, quod nunc exponimus: quia de hoc non poterat quaestio apud ipsum, sed solum, an eadem anima rationalis secundum omnes gradus vel partes, & secundum omnem eius statum, vel solum secundum aliquos gradus, & statum aliquem ad considerationem naturalis philosophiae spectet. Cui respondet non secundum omnia, quae in ea considerari possunt spectare, quod tribus illis argumentis id efficaciter probauit. Quod verò post verba eiusdem testimonij à nobis relata asserit, nempe intellectiui abstrahens omnino à materia, non habere finem, cuius gratia operetur, & ab illo factum esse cœlum (si factum est) ideo docet, quia intellectiuium sub vniuersalissima ratione, primam intelligentiam, vel Deum comprehendit, atque etiam Angelos, & animam, & ideo si intellectiuium ut sic haberet finem, prima intelligentia eum haberet, quod est falsum, nam cœlum (si factibile est) fecit propter se, & non propter alium finem; cum non sit finis à se distinctus, cuius gratia operatur.

## QVÆSTIO II.

*An subiectum proprium huius operis, sit anima, vel corpus animatum.*

30

**P**ROPRIA materia, circa quam versatur scientia, solet vocari subiectum eius, cuius naturam explicare intendit, & passionem, aut proprietates demonstrare, & eandem materiam appellare solent obiectum in quantum quasi scopus est, in quem intentio scientis, & actus atque demonstrationes eiusdem scientiae diriguntur. Hæc autem materia subiectum atque obiectum vocatur adæquatum; si omnia, quae in scientia tractantur, & rationes eorum comprehendat, si verò præcipua pars sit eiusdem subiecti comprehendentis omnia, dicitur principale, & non adæquatum. De adæquato igitur subiecto huius operis, vel philosophiae partis quaerimus, an sit anima, vel corpus animatum (de his enim duobus solum potest esse dubium) &

Prima opinio tenet esse corpus animatum. Ita Venerus in huius operis principio, & nonnulli ex recentioribus. Probant primò, quia subiectum partialis scientiae, ita debet contineri sub subiecto totius, ut hoc de illo prædicetur, tamquam vniuersale de particulari; sed subiectum totius philosophiae, cuius pars est tractatio hæc, non sic prædicatur de anima; ergo hæc non est obiectum eius. Probat minor, quia hæc non est vera prædicatio, anima est ens mobile, vel ens naturale: cum totum non prædicetur de sua parte.

*Ruinæ de Anima.*

B

Secundo, subiectum scientiæ est illud, cui per se primò conueniunt proprietates, vel passionēs, quæ in ea demonstrentur, sed proprietates, quæ demonstrentur in hoc opere, non conueniunt per se primò animæ, sed corpori animato; ergo hoc, & non illa est subiectum; Probatur minor, quia proprietates in hoc opere demonstratæ sunt potentiæ vitales, sensitiuæ, loco motiuæ, & earum actus, qui sunt viuere, sentire, & moueri, sed hæc omnia primò, & per se conueniunt corpori animato, & non animæ; ergo non hæc, sed illud est subiectum. Probatur minor ex Aristotele 1. lib. de anima, textu 64. sic asserente: *Dicere autem irasci animam simile est, ac si quis dicat eam tixere, vel edificare: melius enim forsassis est dicere, animam non misereri, aut addiscere, aut cogitare, sed hominem anima* Et ratione, quia potentiæ vitales, ac sensitiuæ, actusque earum, non insunt animæ, sed in organis corporeis sunt, per quæ operatur compositum, vt potentia visua in oculis, per quos actum videndi exercet animal. Tertiò quia corpus animatum est vna ex præcipuis speciebus entis naturalis; ergo de illo agere debet alicubi naturalis philosophia, sed nulla est alia pars eius per se intendens cognitionem corporis animati, præter hanc, a qua intenditur, eo ipso quod de anima præcipua eius parte agitur; ergo scopus in quem intentio huius operis dirigitur, est corpus animatū, ad cuius notitiam ordinatur cognitio animæ, & proprietatum eius. Vnde sequitur illud esse obiectum proprium, & adæquatū, animam verò præcipuam eius partem; quare ad summum, potest esse obiectum principale, adæquatum verò nullo modo.

31 Secunda opinio parum à præcedenti differt, nam asserit horum quidem librorū de anima, (si separatim acciperentur) subiectum esse animam, non esse tamen ita accipiendos, sed simul cum libris sequentibus, quæ appellantur Parua naturalia, in quibus magna ex parte discitur de corpore animato, cuius forma est anima: cum his ergo efficiunt integrum opus, cuius subiectū est corpus animatum, & ideò absolute loquendo subiectū horum librorum non esse animam, sed corpus animatū, ita Apollinaris, q. 4. Proœmiali, Conymb. in proœmio huius operis ad finem, & ex recentioribus plures. Argumenta autem huius opinionis eadem sunt, quæ pro præcedenti attulimus.

32 Tertia opinio est communis, quod subiectum huius operis sit anima, & non corpus animatum. Ita Alexand. Philop. Simplicius, Themist. Albertus Magn. D. Thom. Ægidius, Theophil. Iādun. Caiet. & Ferrat. in proœmio huius operis, & Toletus; q. 4. proœmiali, qui animam, non solum esse subiectum horum librorum, sed etiam Paruorum naturalium censet, supposito, quod vnum opus efficiant omnes: & hæc mihi videtur, ex mente Aristot.

Aristotelis, atque etiam probabilior. Probatum primū ex proæmio huius operis, ubi postquam Arist. opus hoc appellauit historiam animæ, docet expressè intētum: seu finem eiusdē operis esse contēplari naturam animæ, probatūque passiones eius, his verbis: *Quarimus autem contēplari, & cognoscere naturam ipsius, & substantiam, postea quæcunque accidunt circa ipsam, quorum alia quidem propria passiones videntur, alia autem communes, & animalibus propter illam inesse*, & statim post verba hæc asserit se inuestigaturum propriam eiusdē animæ definitionem, quæ de solo obiecto scientiæ vera esse possunt, & alteri non possunt conuenire; ergo sentit Aristoteles esse proprium obiectum: & lib. de sensu, & sensibilibus in principio asserit; animam secundum se ipsam in hoc opere esse consideratam his etiam verbis. *Quoniam autem de anima secundum se ipsam determinatum est prius, & de virtutum qualibet secundum partem ipsius*. His testimoniis adeo expressis, nihil responderi potest, 33 nisi vnum opus efficere hos libros cum Paruis naturalibus, & idē vnum esse assignandum subiectum pro omnibus, quod nō est anima, licet de ea tantum differatur in his libris, sed corpus animatum, cuius præcipua pars est anima; vnde licet passiones quæ hic probantur de anima, conueniant ei, vt principio, corpori tamen animato attribuuntur, tãquam subiecto, cui adæquatē conueniunt, vt sentire, moueri, &c. & idē licet de sola anima hic differatur, non potest excludi corpus animatum à consideratione huius operis: cum eadem anima sit eius pars, & quæ de parte disputatur, per se ordinantur ad totum, sicut pars ipsa; quare per se censetur considerari totum, tanquam subiectum attributionis. Hæc tamen solutio non satisfacit; nā quod hi libri eandem partem philosophiæ naturalis constituāt cum Paruis naturalibus, dicitur quidem ad euacuandam difficultatem argum. sed non probatur, quia non sequitur eandem esse partem; ex eo quod hi libri immediatē præcedunt alios, vel im- 34 mediatē hos sequuntur; immediata enim consecutio non tollit distinctionem partium, vt patet de reliquis. Sed neque ex eo quod ea, de quibus hic agitur, conueniant corpori animato: cū hic nihil prorsus de illo consideretur, sed cōueniunt per se primò animæ, & eius ratione corpori animato, vt docuit expressè Aristot. in primo testimonio; ergo etiā, si vnū opus cōficiant omnes, illos potius ad hos reducere oportet, quam è conuerso, & ex consequenti ad eorū subiectū, quod est anima per se primò, imò solum in eis cōsiderata, quæ idē proprium obiectum huius partis esse debet. Quod probatur ratione, primò, quia licet anima tanquam pars ordinetur ad corpus animatum secundum esse, quia illud componit, & idē passiones, atque po-

rentias eiusdem animæ ei communicentur, & attribuantur, sed cognitio harum potentiarum, & passionum, imò & eiusdē corporis animati, per se primò dependet ab anima, qua cognita, & quibus passionibus, & potentiis de illa probatis, nihil ferè iam superest cognoscendum, vel probandum de corpore animato, sed solùm hac cognita, & probata ei applicare, atque explicare, quæ illarum natura, & quomodo ei conueniant: nam organizatio etiam ipsius materiæ, per quam denominatur corpus, ab eadem anima ei communicatur, & eius ratione ei conuenit: ergo quantum ad cognitionem pertinet, potius pendet ab anima corpus animatum, quàm è conuerso, & propterea eiusdem operis ex verisque libris confecti, subiectum potius est anima, quàm corpus animatum, ordinatio verò animæ ad illud, quasi materialis est in ordine obiectiuo; ordinatio verò eiusdem ad animam, formalis: & propterea in assignando obiecto, non est habenda ratio illius, sed huius tantum.

35 Secundò, quia præcipua pars, vel species animæ est rationalis, cuius potentiæ, & operationes propriæ, non solùm ei conueniunt per se primò, vt principio, sed etiam, vt subiecto, vt intellectus, & voluntas cum suis actibus: anima est enim, quæ per se primò habet intellectum, & voluntatem, atque etiam quæ per se primò intelligit, & vult, imò neque conueniunt homini, nisi in quantum esse eiusdem animæ ei communicatur, consequenter enim, debent ei communicari eadem potentiæ, & operationes; ergo cognitio hominis, vt intellectiui, aut rationalis ex cognitione animæ potius dependet, quàm cognitio animæ ex cognitione ipsius: vnde sequitur præcipuū, quod in hoc opere consideratur non pertinere ad corpus animatum, vt tale, nec contineri sub eo formaliter; quare nec potest corpus animatum esse subiectum huius operis, etiam si ex eo, & Paruis naturalibus, vnum, & idem conficiatur. Probatur consequentia, quia nec cognitio animæ rationalis, nec hominis, vt rationalis, potest ad Parua naturalia pertinere, nec ad corpus animatum etiam, vt partis eius, quia anima, vt rationalis non est pars corporis, vt animati, sed vt humani.

36 Probatur tandem, quia si corpus animatum esset subiectum, & non anima, aperte falsum esset, quod docet Aristoteles in proœmio, nempe tractationem hanc nobiliorem esse cæteris, propter eximiam nobilitatem sui obiecti. Probatur cōsequentia, quia corpus animatum genus quoddam est prædicamenti substantiæ animali superius, & propterea illo imperfectius, quia quò superiora sunt prædicata, eò imperfectiora. Deinde genus imperfectius longè est suis speciebus; ergo digniores essent tractatus sequentes de animalibus, imò, & quicumque alius de qualibet



qualibet alia specie eiusdem corporis animati, quò species qualibet perfectior est suo genere.

Ad primum argumentum distinguenda est maior, quòd subiectum partis ita contineri debeat, sub subiecto totius, ut hoc de illo prædicetur, tanquam vniuersale de particulari, nam de prædicatione in recto, non est necessarium, ut multis exemplis scientiarum constare potest, sed satis est prædicari in obliquo, & ita prædicatur ens naturale de anima: cum verum sit, animam esse partem entis naturalis, licet falsum in recto, quod sit ens naturale.

Ad secundum etiam est distinguenda maior, quòd subiecto 37 huius scientiæ debeant conuenire passionēs, aut potentiæ, vel earum operationes per se primò, nam dupliciter conuenire possunt per se primò subiecto, nempe ut principio, vel ut principio simul, & subiecto, & ut principio tanquam quo, vel tanquam quod, & quilibet modus sufficit: & ideo sufficit conuenire animæ omnia hæc ut principio: sed quædam tantum conueniunt ei, ut principio quo, ut sunt potentiæ, & operationes vegetatiuæ, ac sensitiuæ partis, de quibus intelliguntur verba Aristot. allata in argum. alia ut principio quod, simul ac, ut subiecto, ut potentiæ, & operationes intellectiui partis conueniunt utroque modo animæ rationali, de qua verum est intelligere, & velle, ut quod, & has operationes ab ea procedere, tanquam à principio quod, & in ea per se primò recipi tanquam in subiecto.

Ad tertium respondeo, primò negando minorem, quòd nulla sit pars philosophiæ, in qua differatur de corpore animato, nam in Paruis naturalibus agitur de illo. Secundò respondeo, non esse necessarium, ut per se differatur de corpore animato, tanquam de subiecto, sed sufficit per se agi de anima, & probari de illa passionēs, potentias, seu proprietates, tanquam de principio, ratione cuius conueniunt corpori animato: & ita cognitis, atque probatis de anima, satis est eas applicari corpori animato (quod sine vlla difficultate fit) ut cognoscatur natura eiusdem animati corporis.

### QVÆSTIO III.

*An scientia de anima nobilior sit ac certior cæteris.*

PRæsupposito, quòd honorabilis sit tractatio hæc de anima, 38 sicut cæteræ scientiæ, dubitant interpretes, an honorabilior, seu nobilior sit cæteris scientiis propter excellentiam sui obiecti, & certitudinem cognoscendi illud. Hanc autem questionem fundari dicunt in verbis eiusdem proæmij, quibus videtur Aristot. comparare scientiam hanc cum cæteris, vel sal-



tem cum cæteris partibus philosophiæ, & eam aliis præferre. Sed ne in fundamento ipsa errare contingat, certum debet esse non ita comparasse hanc scientiam cum cæteris, ut omnibus eam prætulerit, imò neque cum cæteris partibus philosophiæ, sed solum inter honorabiles in primis esse ponendam docuit, quod nihil aliud significat, quam inter præcipuas scientias esse numerandam: & non quod cæteris omnibus scientiis, vel philosophiæ partibus præferenda sit. Ecce verba eius, ut euidenter ostendatur talem comparisonem nunquam fuisse. *Bonorum, & honorabilium notitiam opinâtes, magis autem alteram altera, aut secundum certitudinem, aut ex eo quod, & meliorum, & mirabiliorum est, propter utraque hac anima historiam rationabiliter usque in primis ponemus:* sine fundamento ergo plures interpretes intellexerunt: Aristotelem comparasse hanc scientiam, cum cæteris omnibus, vel saltem cum cæteris partibus philosophiæ, & asseruisse omnibus aliis esse digniorem, ut saltem omnibus aliis partibus philosophiæ; neutrum enim docuisse iam constat ex verbis eius, ex quibus solum habetur inter præcipuas scientias esse numerandam, & ideo aliquas habere se inferiores, non tamé omnes, aliquas etiam philosophiæ partes, non tamen omnes. Sed quia ea, quæ inter præcipua alicuius generis, vel ordinis numerantur, quadam saltem confusa ratione comparantur, cum cæteris eiusdem generis, vel ordinis, quæ non vocantur præcipua, occasionem saltem dubitandi tribuunt verba Aristotelis, an verum sit, quòd tractatio hæc de anima sit una, ex præcipuis scientiis, vel una saltem pars ex præcipuis philosophiæ, ita ut quasdam saltem alias scientias excellat dignitate obiecti, atque certitudine, licet non omnes, vel quasdam saltem philosophiæ partes: & ut morem geramus interpretibus, vniuersalius dubium proponimus, an dignior sit cæteris omnibus scientiis, vel saltem cæteris omnibus partibus philosophiæ.

39 Et videtur in nullo sensu honorabiliorem, vel digniorem esse, & quod non sit honorabilior omnibus aliis, sic probo. Metaphysica agit de re nobiliori, nempe de Deo, & substantiis separatis; ergo ex parte obiecti nobilior est tractatione de anima, & ideo absolutè, quia prima, ac præcipua dignitas scientiæ à subiecto accipitur. Præterea mathematicæ excedunt eam certitudinè demonstrandi, cum notum sit Mathematicas demonstrationes cæteris omnibus esse certiores.

40 Quod verò nec sit nobilior cæteris partibus philosophiæ naturalis, probatur, quia libri Physicorum, qui primam partem constituunt, agunt de primo motore. Et libri de cælo de intelligentiis mouëtibus corpora cælestia: ergo utraque pars nobilior est opere isto. Et si dicatur solum de cælo, & intelligentiis agere

agere in ordine ad motum, contra hoc est, quod de primo motore probant alia attributa, quæ pertinent ad substantiam eius, ut quod sit infinitæ virtutis, quod sit immutabilis, & æternus. Et tandem libri sequentes agunt de corpore animato, atque etiam de animalibus, sed corpus animatum, & animal nobiliora sunt animæ; ergo illæ partes nobiliores ista erunt. Probatur minor, quia animal est compositum includens præter animam corpus, & organa sensuum; ergo excedit solam animam de qua agit opus hoc.

Plures atque diuersas opiniones referunt circa hanc quæstionem, sed placet omnes ad duas reducere claritatis, ac breuitatis gratia: & Prima sit, quod tractatio hæc de anima excedit omnes scientias, non quidem in illis duobus designatis ab Aristotele, nempe nobilitate obiecti, atque certitudine demonstrandi simul sumptis, ita ut nobilius obiectum cæteris omnibus habeat atque etiam maiorem certitudinem, quam omnes, sed quasdam in vna, alias verò in alia superet, & ita verum sit absolute excedere omnes. Ita Simp. Philop. Ægidius, Albert. Magn. Paulus Venetus, Linconiensis, atque etiam Thienen. in hoc proœmio. Probant, quia certum est nobilitate obiecti excedere omnes Mathematicas agentes de accidentibus, Metaphysicam verò excedit certitudine, quod multis modis explicatur à prædictis authoribus, nam quidam asserunt scientiam de anima certiorcm esse, quia agit de obiecto nobis notiori, & quod certissime cognoscimus, saltem quantum ad quæstionem, an sit (nam essentia eius secundum se, & à priori difficile cognitu est,) quia per experientiã operationum, & effectuum qui in nobis ipsis exercentur: quod nulla scientia habet. Ita D. Th. q. 10. de veritate art. 8. ad octauum his verbis. *Secundum hoc scientia de anima est certissima, quod unusquisque in se ipso experitur, animam habere. & actus anima sibi inesse: sed cognoscere quid sit anima, difficillimum est, &c.* Quem sequuntur Simplicius, atque Ægidius.

Alij verò ex discipulis D. Thomæ certiorcm asserunt esse hanc scientiam cæteris, quia agit de re, à qua omnes habent certitudinera, nempe de anima in cuius operatione intellectiua reperitur certitudo cuiuslibet scientiæ. Alij denique certiorcm esse aiunt, quia demonstrationes omnium scientiarum, etiam Mathematicarum habent certitudinem ex lumine naturali intellectus, per quod cognoscuntur earum principia, & à quibus deriuatur tota certitudo conclusionum, sed lumen naturale intellectus perfectius illustrat principia huius scientiæ, quam aliarum; ergo erunt certiora; & proinde conclusiones ab eis deriuatæ; Probatur minor, quia agens naturale fortius agit

in passum proximum secundum se, tanquam in sibi perfectius approximatum; quàm in remotum, sed principia huius scientiæ proximiora sunt eidem lumini intellectus, utpote existentis in eadem anima; & de quo agit etiam per se hæc scientia, ergo certiora erunt omnibus aliis. Et si hæc ratio aliquid probat, absque dubio conuincit certiores esse hanc scientiam certitudine demonstrandi etiam Mathematicis.

- 43 Nostra sententia tribus assertionibus continetur. Prima est, *Tractationem hanc de anima essentialiter esse nobiliorem, cæteris omnibus scientiis, quas lumine naturali consequi possumus, præter Metaphysicam*. Probatur hac ratione; Dignitas essentialis, seu honorabilitas scientiarum sumitur ex dignitate subiecti, à quo specificantur, ut docuit expressè Aristoteles in hoc proximo verbis superius relatis, & admittunt omnes; sed anima, de qua hic agitur tanquam de proprio subiecto, dignior est subiectis, omnibus aliarum scientiarum; ergo dignior erit hæc scientia cæteris dignitate essentiali. Minorem probo, quia cæteræ scientiæ agunt de quibusdam accidentibus, ut philosophia Moralis, & Mathematicæ, quæ verò tractant de substantia, ut naturalis philosophia secundum alias partes, corporea quidem, & ideo minus nobili, quàm anima; ergo minorem dignitatem essentialem suscipiunt ab eisdem obiectis.

Secunda assertio, Scientia de anima secundum dignitatem essentialem inferior est Metaphysicæ. Probatur eadem ratione, quia Metaphysica agit de Deo, & substantiis separatis, non solum secundum rationem communem entis, sed etiam secundum speciales earum: cum secundum eas abstrahat omnino à materia; ergo habet dignius obiectum, quàm tractatio hæc, & ideo maiorem dignitatem essentialem.

- 44 Tertia assertio, *Certitudo demonstrandi exceditur hac scientia simpliciter à metaphysica & Mathematicis, cæteras verò eadem certitudo excedit ipsa*. Ut autem hanc sigillatim probemus, in memoriam reuocare oportet ex nostris commentariis super lib. de Posteriori resolutione certitudinem scientiæ propriè sumptam conclusionibus scientiæ conuenire, in quibus propria ratio scientiæ consistit: sed à principiis eiusdem scientiæ derivari ad conclusiones mediis demonstrationibus. Certitudo verò demonstrationis duplex est, una à priori, hoc est, per causam, alia à posteriori, nempe, ab effectu, & illa est maior, atque perfectior, quia certitudo ab effectu innitur cognitioni sensitiuæ; nam effectus cognoscimus per experientiam sensuum; certitudo verò cognitionis à priori, quamuis habeatur mediis sensibus, non tamen innitur cognitioni per sensus habitæ tamquam medio assentiendi, sed naturali connexioni causæ cum suo

suo effectu, & propterea minus longè dependet à sensibus, & ex hac parte minus est fallibilis, quod est esse perfectiorem, atque maiorem: & cum philosophia naturalis concernat morum, & sensum, procedatque per demonstrationem à posteriori, & ab effectu, Metaphysica verò, & Mathematicæ procedant per demonstrationes à priori, maiorem, atque perfectiorem habent certitudinem demonstrandi per se pertinentem ad scientiam, & ex consequenti maiorem ac perfectiorem habent certitudinem scientificam. Sed alia est certitudo non demonstrandi, sed demonstrationi præsupposita, & talis est ea, quæ pertinet ad quæstionem, an sit subiectum, quæ ideò non solum accidentalis est scientiæ, sed nimis impropria; cum non proveniat ex principiis eiusdem scientiæ, sed quasi eis præsupponatur; certitudo autem propria, atque scientifica consistat in connexionione conclusionum cum principiis media demonstratione, illa ergo certitudine accidentali, atque impropria pertinente ad quæstionem, an sit subiectum, excedit hæc scientia de anima Metaphysicam, atque etiam Mathematicas, & ideò quadam ratione nimis accidentali: à Metaphys. verò exceditur certitudine demonstrandi scientiarum propria; Mathematicas etiam excedit ipsa certitudine illa accidentali, à quibus etiam exceditur ipsa certitudine demonstrandi, qui excessus non est essentialis, sed accidentalis. Et ex his assertionibus constat, quonam modo loquendum sit de hac tractatione de anima comparata cum cæteris omnibus scientiis.

Sed restat explicare quomodo loquendum de eà sit comparata cum cæteris partibus philosophiæ: & dicimus omnibus esse digniorem, non solum dignitate essentiali, propter maiorem nobilitatem obiecti; nam anima nobilior est corpore animato, atque etiã animali, ut in solutionibus argum. constabit; sed etiam quadam ratione accidentali, propter maiorem certitudinem, non quidem demonstrandi, quia hæc certitudo eiusdem rationis est in omnibus partibus philosophiæ; cum omnes communiter procedant per demonstrationem ab effectu, à posteriori, sed illa alia certitudine nimis impropria eas excedit, quia certius nobis est animam esse per operationes circa nos ipsos exercitas ab ea procedentes, quàm obiecta aliarum partium, quæ per easdem operationes ab eadem anima procedentes cognoscimus, & ideò prius, atque perfectius animam.

Ad primum argum. de Metaphys. & mathemat. patet solutio ex nostris assertionibus: concedimus enim hanc scientiam non esse digniorem cæteris omnibus, quia Metaphysica dignior est ea, non solum dignitate essentiali propter nobilius obiectum, sed etiam dignitate accidentali, propter maiorem

certitudinem demonstrandi. De Mathematicis verò concedimus digniores esse certitudine demonstrandi, sed negamus, quod infertur digniores esse simpliciter Mathematicas, quia dignitas ex certitudine demonstrandi accidentalis est, ea verò, quæ accipitur ex digniori obiecto, essentialis; at cum dignius obiectum sortiatur facultas hæc, ut per se constat, dignior est eis dignitate essentiali, & ideo dignior simpliciter.

48 Ad aliud verò de cæteris partibus philosophiæ, negamus aliquam earum esse digniorem hac ex parte obiecti: nam libri physic. non agunt de primo motore secundum substantiam, nec etiam de intelligentiis, sed solum in ordine ad motum, ut verbo ipso primi motoris sit manifestum. Quod verò dicitur, alia attributa probari de ipso, quæ pertinent ad substantiam eius, verum est, non tamen ut pertinent ad substantiam, sed etiam in ordine ad motum præcisè; ut quod sit infinitæ virtutis, per quam possit mouere infinito tempore; quod sit æternus, ut ostendatur, motum quoque æternum esse, hoc est, sine initio, & fine, & pariter de cæteris.

49 Ad vltimum de cæteris partibus sequentibus, distinguenda est minor, quod corpus animatum, vel animal sit nobilius animæ; nam secundum entitatem nobilius est, sicut totum quodcumque nobilius qualibet eius parte, sed in ordine ad considerationem huius partis, & aliarum, non est nobilius, sed minus nobile. Et huius ratio est manifesta; quia nobilitas præcipua corporis animati, atque etiam animalis secundum esse, atque etiam secundum operationes prouenit ab anima, per se considerata utroque modo in hoc opere; in cæteris verò nihil aliud ferè præstatur, quam applicare ad corpus, & organa eius ea, quæ in isto tradita sunt de anima; & si quid aliud explicatur, etiam prouenit ab anima: quia omnino quidquid perfectionis est in corpore animato, & animali, præter materiam, prouenit eis ab anima; materia verò iam fuit explicata in libro physicorum, subiectum igitur considerationis scientiæ longè dignius habet hæc pars quam sequentes, quamuis entitatio, & materiali modo perfectiora sint subiecta earum, & cum dignitas scientiæ non sit accipienda ex subiecto secundum rationem materialem, sed secundum formalem, quæ consideratur à scientia, ideo dignior est hæc pars philosophiæ cæteris.

50 Argumenta verò quæ ab aliis opinionibus afferuntur, nihil probant aduersus nostras assertiones. Nam quod certitudo solum sit in assensibus intellectus, vel animæ, omnino materialis est, & accidentalis ratio, ex qua non sumitur dignitas scientiarum, sed ex dignitate, quam habet res, de qua agitur, & ideo non potest esse hæc scientia dignior metaphys. ut probauimus.

Et

Et quod tandem obiicit vltimus dicendi modus de lumine naturali intellectus, à quo illustrantur principia omnium scientiarum, eodem modo soluendum est negando minorem, quod lumen intellectus fortius illustret principia huius scientiæ, quàm aliarum, & dum dicitur agens naturale fortius agere in propinquum, quàm in remotum, concedendum est; distinguendum verò, quod additur, nempe principia scientiæ de anima esse propinquiora lumini naturali intellectus, qui est eius potentia, eique inhæret. Nam, propinquitas principiorum respectu luminis duplex est, materialis, & formalis; materialis dicitur illa, quæ respicit lumē ipsum, vel intellectum, vt rem quandam; alia est propinquitas principiorum respectu luminis, vt potentia, quæ versatur circa illa tanquam circa proprium obiectum, vel actum, & hæc est formalis, quia accipit lumen vt illustrans, & principia vt illustrata: & de priori propinquitate concedendum est propinquiora esse principia huius scientiæ lumini naturali intellectus, vt est res quedam pertinens ad animam, & hanc propinquitatem non habent principia aliarum scientiarum; cum sint de aliis rebus diuersis ab anima, & intellectu, sed de propinquitate obiectiua negandum est: nam lumen intellectus eodem modo respicit principia omnia, vt actus proprii, vel vt propria obiecta secundum se intelligibilia, & ideo vel æqualiter omnia, vel si cum ordine aliquo, perfectiora prius. Illa ergo propinquitas materialis principiorum respectu luminis, de qua procedit arg. & quam possumus vocare propinquitatem rei, impertinens est ad maiorem, vel minorem illustrationem, & ex consequenti ad maiorem, vel minorem certitudinem eorum; quare ex ea non probatur certiora esse principia huius scientiæ, nec scientiam ipsam.

### QVÆSTIO IIII.

#### *De utilitate huius scientiæ.*

**V**tilitatem Huius scientiæ proponit Aristot. tex. 2. eiusdem proæmij, his verbis, *videtur autem, & ad veritatem omnem cognitio ipsius multum conferre, maxime autem ad naturam, est enim tanquam principium animalium.* quibus eam ad duo capita reducit. Primum est vniuersalissimum pro omni veritate cognoscendi. Sic probandum primò, scientiæ omnes oriuntur ab intellectu, qui est præcipua animi potentia, in eo exercentur, in actibus, & habitibus eius consistunt, & in eo tanquam in proprio atque proximo subiecto recipiuntur: sed ad cognoscendum actus & habitus multum iuuat cognitio vniuersalis principij & subiecti eorum; ergo valde utilis censenda est.

- 53 est facultas hæc ad omnes alias consequendas. Secundò ex parte obiecti huius scientiæ, quod est anima, maximam affinitatem habens cum obiectis aliarum scientiarum, & in primis cum ea quæ agit de Deo, & substantijs separatis; qualis cognitio eius viam parat ad Metaphys. à qua considerantur. Deinde ad philosophiam moralem, quia vt Aristotelet docet 1. libro Ethicorum, cap. 1.3. qui de virtutibus agere parat, per notitiam animæ disponi debet propter duo, ex proprio fine moralis philosophiæ desumpta: primum est morum ordinatio, atque compositio, ad quam multum iuuant ea, quæ in hoc opere traduntur, nam cognita dignitate, & immortalitate animæ, faciliè rebus hisce pereuntibus pro nihilo habitis, ad altiora, sublimia, atque æterna, sicut anima ipsa, contendit homo, pro quibus consequendis virtutis studium complectitur. Secundum, quia philosophia moralis per se considerat actus, & operationes voluntatis, imò & intellectus (præsertim practici) atque etiam appetitus sensitiui, quibus medijs componuntur mores: actus autem isti non possunt cognosci sine notitia harum potentiarum & ipsiusmet animæ, ad quam pertinent. Multum etiam confert notitia animæ & potentiarum eius ad studium & noticiam sacræ Theologiæ, quæ non solum de ultimo fine hominis, qui est beatitudo supernaturalis, sed etiam de medijs per se ordinatis ad illam disserit, nempe de gratia, charitate, cæterisque virtutibus supernaturalibus, atque etiam de supernaturalibus auxilijs, per quæ eas homo consequitur, & exercet, eorumque exercitiò
- 54 meretur eandem beatitudinem, sed horum omnium notitia maximè dependet ex eo, quod cognoscatur natura, atque capacitas animæ rationalis, de cuius potentia obedientiali educuntur supernaturales habitus, anima ipsa per proprios actus sæpe concurrente, ad quos eliciendos eleuantur potentiæ per supernaturalem concursum Dei, ergo non parum iuuat tractatio hæc ad sacræ doctrinam capiendam. Secundum caput ad quod reducit Aristoteles vtilitatem huius scientiæ particulare est respectu aliarum partium subsequentiũ eiusdem naturalis philosophiæ, in quibus agitur de animalibus, & plantis, quorum naturam constituit anima, & quorum operationum principium est; multum ergo iuuare necesse est cognitionem eius ad noticiam eorum consequendam, quod adeò verum est, vt habita plena notitia huius tractatus, nihil ferè aliud in reliquis agatur, quàm potentias & operationes animæ cognitæ applicare ad corpus, & organa eius, in quibus resident, & per quæ etiam exercentur.



## QVÆSTIO V.

*De ordinatione huius tractatus cum cæteris  
partibus Philosophia.*

Circa Ordinationem huius operis cum reliquis partibus  
philosophiæ vnum est apud omnes certum, & aliud du- 55  
bium; Certum quidem est, primum locum tenere inter omnes  
partes libros physicorum, cum in eis differatur de comuni-  
bus principiis entis mobilis, aut naturalis. Secundum verò li-  
bros de Cælo, & Mundo; cum in eis disputetur de ente mobili  
secundum primam speciem motus, qui est ad ubi, vel locum,  
Tertium verò libros de generatione, cum in eis differatur de  
eodem ente mobili secundum alias species motus ad formam,  
nempe generationem, augmentationem, & alterationem: istæ  
enim tres considerationes entis mobilis secundum principia,  
& secundum omnes species motus vniuersaliores sunt, ex qui-  
bus omnes aliæ tanquam particulares dependent, & idcirco ordi-  
ne doctrinæ debent præcedere. Sed statim eas consequitur in  
quarto loco meteororum opus agens de generatione quorun-  
dam mixtorum imperfectorum, quorum cōsideratio vniuersa-  
lior est etiam cæteris, quæ sequuntur de rebus animatis, ac sen-  
sibilibus, generatione, & partibus animalium. Has verò quatuor  
partes statim sequeretur consideratio mineralium, de quibus li-  
brū edidisse Aristotelē refertur, sed non extare inter opera eius.

Hoc igitur ordine tanquam certo præsupposito, potest esse 56  
dubium ad ordinem huius operis cum cæteris partibus perti-  
nens. An statim post librum meteororum sequatur in 5. loco  
ante tractationem Paruorum naturalium, si ab eis distinguitur,  
vel si idem opus cum eis conficit, ante libros de animalibus, &  
plantis.

Et prima opinio tenet non esse collocandum opus hoc in 5.  
loco, sed in ultimo post cæteras omnes partes, ita Auerro. 1. me-  
theo. comm. 1. Philoponus in proœmio huius operis, & Alex. in  
suo 1. libro de anima cap. 1. Probant 1. quia notiora sunt prius  
explicanda, sed composita sunt nobis notiora suis partibus; er-  
go prius explicari debet corpus animatum, animal, & planta,  
quæ sunt composita ex anima tanquam ex parte, quàm anima  
ipsa, quæ est pars. Secundò, quia materia est subiectum formæ:  
ergo prius debet explicari, quàm forma, ut ex illa possit co-  
gnosci hæc, sed corpus organicum, eiusque organa sunt quasi  
materia, in qua recipitur anima, & per quæ definitur: dum dici-  
tur esse actum corporis physici, & organici: ergo prius debet  
explicari corpus organicum, quàm anima, alioqui definitur  
anima

anima per aliquid confusum, atque incognitum.

- 57 Secunda opinio tribuit nunc tractatus inter omnia opera Aristotelis, quæ extant, quantum locum statim post libros meteororum. Ita Diu. Thom. & omnes alij interpretes Aristotelis in hoc proœmio; & ita tenendum est. Probatur ratione D. Thomæ; quia ordine doctrinæ vniuersaliora sunt prius explicanda tanquam nobis notiora, & ex quorum cognitione dependet cognitio particularium, vt docet expresse Aristoteles 1. lib. physic. in principio, sed anima est commune principiū animatorum omnium, & animalium, ex cuius cognitione tanquam ex principio formali, & primo ab intrinseco dependet cognitio eorum: ergo ordine doctrinæ prius est tradenda notitia animæ.

- 58 Ad primum concessa maiori, distinguenda est minor, quod totum sit notius suis partibus; nam quoad nos, verum est, sed ex natura rei falsum; nam sicut entitas compositi fit ex partibus, ita per partes ex natura rei cognoscenda est; vnde licet ordine doctrinæ respiciente prius notiora nobis, explicanda essent animalia, & plantæ, sed ordine naturæ, quem aliquando sequi oportet alio relicto, prius fuit tradenda notitia partis præcipuæ, quàm compositi. Ita respondet Toletus. Sed melius respondere possumus, distinguendo eandem minorem, quod compositum sit nobis notius; nam cognitione confusa notius nobis est non distincta, sed per distinctam cognitionem partium deuenimus in distinctam totius; per scientiam verò traditur distincta cognitio obiecti: ergo ordine doctrinæ procedendum est in sciendis tradendis à partibus ad totum; quod præsertim verum est de partibus actualibus respectu totius actualis, qualis est anima respectu corporis animati, vel animalis; prius ergo non solum ordine naturæ, sed etiam doctrinæ tradenda fuit scientia de anima, quàm de corpore animato, vel animalibus; & ideò opus hoc in 3. loco collocandum post libros metheo. & ante libros Paruorum naturalium, ac de animalibus, & plantis.

- 59 Ad secundum, negari in primis posset, quod notitia materiæ prius tradenda sit, quàm notitia formæ: nam forma est actus, materia verò puta potentia, non cognoscibilis, nisi per actum qui est forma, vt 1. libro Physic. ostendimus; vnde prius tradenda est notitia formæ, quæ licet à materia aliquo modo dependeat, sed cum sit actus, est etiam secundum se cognoscibilis. Sed dato, quod prius esset explicanda materia, quàm forma, neganda est minor, quod corpus organicum, vel organa eius sint materia animæ, sed potius sunt instrumenta ad exercendas operationes animæ ordinata, imò, & organa ipsa ab anima proueniunt tanquam à constituyente; quare prius cognoscenda est, quàm organa ipsa, vel organicum corpus, per quod verum est definitam

definitam esse ab Aristotele, sed ad notitiam definitionis satis est confusa quadam ratione cognoscere corpus organicum, cum non sit pars definitionis animæ, sed solum in ea ponatur tanquam extrinsecum additamentum, sine quo non potest explicari essentia animæ; additamenta verò extrinseca satis est confusè cognoscere, quamvis necesse sit, partes definitionis cognoscere distinctè.

*De diuisione totius operis.*

**D**Vabus diuisionibus uti possumus ad tradendam notitiam eorum omnium, quæ in hoc opere traduntur ab Aristotele de anima. Prior diuisio vniuersalis est, per quam in duo tantum membra ipsum diuidere possumus, nam primò agit Aristoteles de Anima secundum substantiam, vel essentiam, tam secundum opinionem antiquorum philosophorum; quàm secundum propriam. Deinde copiosè explicat omnes potentias animæ, tam vegetatiuæ, quàm sensitiuæ, & rationalis. Secunda diuisio specialis potest esse in tres libros iuxta partitionem eiusdem Aristotelis, in quorum primo agit de substantia animæ iuxta veterum opiniones, & in duobus primis capitibus libri secundi ex propria sententia eam definit, & explicat: in reliquis verò eiusdem libri tria explicat, nempe potentias animæ in communi, atque etiam in speciali potentias animæ vegetatiuæ, & ex potentijs sensitiuis solum sensus externos. In tertio autem libro explicat in primis internas potentias eiusdem animæ sensitiuæ in tribus primis capitibus. In sequentibus verò usque ad nonum, agit de intellectu agente & possibili, quæ sunt potentia animæ rationalis, in reliquis verò morum, & quasdam alias proprietates exponit animatis omnibus communes.

ARISTO

ARISTOTELIS STAGI-  
RITÆ DE ANIMA,  
liber primus.

CAPVT I.

TEXTVS ARISTOTELIS.

*Bonorum, & honorabilium scientiam opinantes, &c.*

BREVIS EXPOSITIO TEXTVS.



**I**BER Hic primus in duas partes diuiditur; in prima, quam continet primum caput, proponit Aristot. dignitatem, vtilitatem, atque difficultatem totius tractationis, & plura ex dicendis in ipsa vniuersaliter enumerat, in quibus præcipue consistit difficultas eius. In 2. enumerat opiniones antiquorum Philosophorum de natura animæ, easque impugnat, quod præstat per reliqua quinque eius capita.

Caput igitur hoc primum, quasi proœmium est, vel exordium totius operis, in quo Aristoteles Philosophum simul, atque optimum agens Rhetorem tria præstat, ad quæ exordium ordinatur, nempe auditores beneuolos, dociles, atque attentos efficere. Et beneuolos quidem efficit proponendo dignitatem, & vtilitatem huius scientiæ; dociles verò, proponendo methodum, atque modum, & ordinem procedendi, quem seruaturus est in eadem scientia tradenda. Attentos verò ostendendo difficultatem eius, propter quam attentionem animæ assiduamque applicationem intellectus ad res capeffendas postulat.

**2** Hanc igitur scientiam honorabilem esse asserit, & inter honorabiliores connumerandam, & vtrumque probat. Primum quidem quoddam honorabilis sit hoc modo, Id quod est per se bonum, & per se appetibile, est per se honorabile, nam bona honesta honore afficiunt habentes, sed quælibet scientia (præsertim speculatiua) est bonum per se appetibile, quia omnes homines naturaliter scire appetunt, vt experimur, ergo quælibet scientia est etiam per se honorabilis. Secundum verò sic probat: Vna scientia est honorabilior altera propter maiorem dignitatem subiecti, de quo agit, & maiorem certitudinem demonstrandi passionem de illo, sed hæc scientia agit de anima, quæ inter digniora obiecta connumeratur, & demonstrationes eius connumerantur inter certiores; ergo scientia ipsa inter digniores & honorabiliores connumerari debet.

Deinde

Deinde plures variæque utilitates huius scientiæ ad duas reducit, priorem quidem vniuersalem, atque comprehendentem omnes scientias, ad quas valde vtile esse ait studium scientiæ de anima, in commune quidem, quia & ab anima proficiuntur scientiæ omnes tanquam à principio, & in ea recipiuntur tamque in subiecto, in particulari vero, quia habet etiam anima affinitatem cum omni genere scientiarum; cum Metaphysica quidem propter maximam similitudinem animæ cum substantiis separatis, de quibus agit Metaphysica, cum Mathematicis etiam abstrahentibus à materia sensibili, quam abstractionem licet non habeat hæc scientia, quia pars est naturalis philosophiæ concernentis materiam sensibilem, docet tamen quonam modo abstractio fiat ab intellectu. Cum morali verò philosophia agente de virtutibus, quæ in habitibus, & actibus potentiarum animæ consistunt, & utrosque producit anima per suas potentias, intellectum, voluntatem, & appetitum easque perficiunt. Cum dialectica tandem, quæ versatur circa directionem operationum intellectus, qui est potentia animæ. Posterior utilitas huius tractationis est ad cæteras partes philosophiæ, eas præsertim, quæ agunt de animatis, & animalibus, quorum omnium principium formale est anima. Proponit deinde methodum procedendi simul cum difficultate rerum, quarum cognitio in hac scientia tradenda est, nam difficultas non solum in his explicandis, sed etiam in inveniendi methodo, per quam debeant explicari, consistit, quia difficile inquit esse, an methodo definiendi procedendum sit ad inuestigandam essentiam animæ, vel methodo diuidendi, aut syllogizandi, vel demonstrandi, & si definitione utendum sit, an prius sit definienda anima in communi, deinde procedendum ad definitionem partium, vel specierum eius, nempe vegetatiuæ, sensitivæ, & rationalis, quarum cognitio in hac scientia tradenda est. Vbi obiter profert propositionem illam difficilem aduersus Platonem, *Animal enim vniuersale, aut nihil est, aut posterius est.* Ne aliquis existimaret, cum ponere res vniuersales realiter separatas à singulis sub idearum nomine, ex quarum participatione fierent singulares in natura rerum, & idcirco priora essent vniuersalia, tanquam efficientes causæ singularium, quare sensus eiusdem propositionis est, animal vniuersale, (& pariter reliqua vniuersalia) nihil reale est separatum à singularibus, ut asserbat Plato, sed si aliquid est (ut absque dubio est) non separatum à singularibus, sed in eisdem existens, & operatione sola intellectus ab eis abstractum, vel forte inquit non est procedendum methodo definiendi ad inuestigandam definitionem animæ, sed per accidentia à posteriori cognoscendam prius,

nempe per suas passiones eas demonstrando à priori per essentiam, vel definitionem, nam definitionem per passiones aliquando cognoscimus, *Quia accidentia* (inquit) *multum conferre solent ad cognoscendum quod quid est.* Nempe substantiam, vel essentiam. Difficile deinde asserit esse circa substantiam animæ decernere, an sit diuisibilis in partes integrantes, sicut diuisibile est corpus, vel omnino, indiuisibilis nullas habens tales partes, sicut indiuisibilis est Angelus. Circa passiones verò, vel operationes animæ valdè difficile in primis esse ait, inuestigare, an habeat aliquam sibi propriam, hoc est, non communem cum corpore, vel communes sint omnes corpori; esse autem communes corpori potentias, & operationes non est aliud quàm esse in organo corporeo, & per ipsum exerceri, sicut potentia visiva est in oculo, & ita actus vidèdi per oculum exercetur. Organum verò corpus est, vel certè pars quædam corporis ex anima, & materia composita, & ideo omnis potètia existēs in organo (quæ ideo vocatur organica) & omnis operatio per organum exercita, non sunt animæ propriæ, sed communes cum corpore, nec animæ insunt tanquam subiecto, sed composito ex corpore, & anima; potentia verò, aut operationes animæ propriæ vocabuntur illæ, quæ non recipiuntur in organo corporeo, nec exercètur per illud, sed potentia immediate insunt animæ, & actus non exercentur per organum, sed immediate ab anima per easdem potentias in se existentes. Asserit ergo Arist. valde difficile esse inuestigare, an anima habeat aliquam operationem sibi propriam, & non communem cum corpore, vel nullam, sed omnes communes cum eo; sed hanc inuestigationem valde vtilem, quia ex ea dependet cognitio proprii modi essendi ipsius, & animæ, nam si habet operationem sibi propriam: & non communem cum corpore, poterit separari à corpore, & extra illud existere, quia modus operandi sequitur modum essendi, ergo si potest operari sine corpore, poterit etiam sine illo esse, & si talem operationem propriam non habet, sed omnes communes cum eo, nō poterit ab eo separari, & de passionibus seu operationibus animæ vegetatiuæ, ad sensitiuæ certum esse asserit, quod communes sint corpori, & non conueniāt soli animæ; nam videmus homines quosdam ex leui causa irasci, alios verò non irasci magna etiam occasione oblata: imò eundem hominem diuersis temporibus, quod non potest prouenire nisi ex diuersa dispositione corporis: ergo necesse est has passiones ei esse communes; nam si à sola anima procederent, & nō à corpore: cum anima non recipiat in se varias dispositiones, non posset esse tanta variatio in eisdem operationibus. Sed dubitat ad quænam artificem pertineat eiusmodi passio

passiones animæ definire. Et respondet tribus modis definiri posse, videlicet per formam, vel per materiam, vel per utramque simul, ut si passio iræ definiatur, quod sit *appetitus vindictæ*, per solam formam definiatur, quia hæc est ratio formalis eius in ordine ad finem considerata, potest etiam definiri per solā materiam: si dicatur: *Esse ascensionem sanguinis circa cor* ex hac enim materiali alteratione sanguinis insurgit in appetitu actu desiderandi vindictam, 3. per utramque rationem materialem, & formalem definiri potest hoc modo: *Est appetitus vindictæ ex ebullitione, vel ascensione sanguinis circa cor*, & primò modo definiri eam per solam formam (ait) pertinere ad dialecticum, qui res definit per formas: aliis verò duobus modis ad solum philosophum naturalem. Quod hac inductione probat, Tria sunt genera scientiarum, sub quibus cōprehenduntur omnes: quædam abstrahentes à materia sensibili, ut Mathematicæ, aliæ à materia sensibili, & intelligibili ut metaphysica, aliæ denique non abstrahentes vllò ex his modis, sed concernentes materiam sensibilem, & solum abstrahentes à materia singulari, ut passiones animæ vegetatiuæ, & sensitiuæ: nulla verò est scientia, vel ars, quæ consideret omnia, quæ pertinent ad materiam sensibilem, & vniuersaliter omnes passiones animæ communes corpori præter philosophiam naturalem: ergo ad hanc solum pertinet vniuersaliter definire res per materiam, vel per materiam simul, & formā, quia tam materia, quàm forma materiæ inhærent sunt principia entis mobilis, & ideò per se pertinent ad philosophiam naturalem. Plura alia enumerat Aristot. difficilia, ex his, quæ tractanda sunt in hoc opere, ut ostendat difficultatem eius, quæ consultò prætermitemus, quia hæc à nobis explicata sunt præcipua.

## QVÆSTIO VNICA.

*Quid sibi voluerit Arist. dum dixit dialecticum definire per formam, physicum verò per materiam.*

**D**Ocens Arist. quomodo passiones animæ, quas habet cum corpore communes definiantur à naturali philosophia: asseruit per materiam ab ea definiri, vel simul per materiam, & formam. Nam per solam formam definiuntur à dialecticis: videtur autem vtrumque falsum. Primum quidem: quod dialecticus definiat per formam, nam forma non est minùs natura, quàm materia, sed magis, ut 1. lib. physicorum ostendimus, quia præcipua pars est entis naturalis: ergo definire per formam ad philosoph. per se pertinet, nō ad Dialecticum. Secundum verò,

quod physicus definiat per materiã, non est minus falsum: nam definitio debet explicare integram essentiam rei: sed sola materia nõ potest explicare integram essentiam rei, ergo nec potest assignari definitio per solam materiam, quod docuit Arist. 7. lib. Metaph. textu 34. in principio. 2. definitio traditur ad manifestandam naturam definiti, ergo debet assignari per aliquid notius definito; sed materia est quid confusum, & sua natura ferè incognitũ, nisi per formam cognoscatur, vt idem Aristot. docuit 1. lib. Physico. ergo non potest definitio per eam tradi. Vnde nec Aristoteles definiuit vnquam per solam materiã: sed præcipuè per formam. Circa primum de modo definiendi Dialectici per formã. Prima opinio distinguit duplicem formam, vnã, quæ est pars compositi, vt anima est pars hominis, aliam quæ non est pars compositi, sed prædicatũ superius, & vniuersale, quod etiã suo modo dicitur forma subiecti, vt animal dicitur forma hominis. Quando ergo asserit Arist. Dialecticum definire per formã, non accipit formam pro parte definiti, sed pro prædicatis essentialibus, quæ sunt genera, & differentię, vt hominem per substantiam corpoream, viuentem, sensitiuam, & rationale. Ita Albertus Magnus tractatu 1. cap. 7. super primum librum de Anima, Apollinar. in Proœmio horum librorum qu. 9. Iandu. q. 1 2. Thien. cap. præsent. Ferrariensis q. 5. huius libr. Secunda opinio tenet Dialecticam per Logicam doctem tradere regulas definiendi per genus, & differentiam, quæ quidem sunt prædicata essentialia desũpta à tota natura ex materia & forma composita, & ideo non solam formam, sed etiam materiam dicunt, præcipuè tamen formam, tum quia forma est præcipua pars totius naturæ, tum etiam, quia sunt prædicata superiora, quæ respectu inferiorum dicuntur forma, sed definitiones per genus, & differentiam in materiis particularium scientiarum sola ipsa Logica non constituit, sed simul cum habitibus illarum scientiarum, vt in philosophia naturali simul cum habitu eius definit motum, naturam, & cætera, sicque de reliquis scientiis, & definitiones ipsæ formales vocantur, quia genus & differentia præcipuè dicunt formam, attribuuntur verò potius Logicæ, quàm aliis scientiis, quia communia omnium scientiarum pertinentia ad modos sciendi, nempe ad definitionem, diuisionem, & demonstrationem Logicæ attribuuntur per se consideranti eosdem modos sciendi. Ita Toletus q. 7. huius capituli: vtraque hæc sententia contra Arist. & contra rationem est; Primum probo ex textu 1 1. huius capituli, vbi definitiones Dialecticas appellat vanas, sed definitiones quæ dantur per genus & differentiam, non solum vanæ non sunt, sed omnium optimæ, vt per se est manifestum: ergo dum asserit Aristoteles

Diale



Dialecticum definire per formam, non potest talem sensum tenere, quod definiat per genus, & differentiam, nisi primum eius dictum, quod definitiones Dialecticæ vanæ sint, apertè sit falsum. Nec aliquid valet solutio eiusdem Toleti ad 3. eiusdem quæstionis, asserit enim vanas dici posse tales definitiones, licet dentur per genus & differentiam, quia non perfectè expriment formam, quam explicare intendunt, cum à materia dependeat, nec expriment materiam, & ideò non possunt perfectè explicare formam. Probatur autem hoc esse falsum ex eadem eiusdem Toleti doctrina: nam ipse asserit tales definitiones Dialecticas etiam aliqua ratione omnibus scientiis esse communes, quia in omnibus reperiuntur; & ideò non procedere à nuda Logica docente, sed ab habitu etiam cuiuslibet scientiæ cum ea concutiente ad definiendum in propria materia; sed repugnat habitum philosophiæ naturalis concurrere cum Logica ad definiendum in propria materia eiusdem philosophiæ, & definitionem procedentem ab utraque non respicere materiam: ergo non ideò explicabunt minùs perfectè formam, quia non expriment materiam. Probatur minor, quia philosophia naturalis per se respicit materiam sensibilem: ergo repugnat ab ea abstrahere in suis definitionibus, & necessarium est respectu ad eam exprimere. Secundò probatur ratione falsitas eiusdem solutionis in omnibus ferè definitionibus philosophicis, quas Dialecticas vocari asserit Toletus, quia à Logica docente procedunt simul cum philosophia: sed evidens est exprimere materiam, ergo falsum est, quod dicitur eam non exprimere, & ideò vanas appellari: minorem probo in definitione naturæ, motus, & animæ exprimentibus materiam. Et tandem probatur in definitionibus propriis eiusdem Dialecticæ, ut enunciationis, syllogismi, ac demonstrationis, quæ simul assignantur per genus, & differentiam, & materiam ex qua componuntur, expriment, nempe terminos, & propositiones.

Verus igitur sensus Arist. quem tenuit asserens Dialecticum definire per formam, ex verbis eiusdem capituli textu 11. colligendus est, quæ ita habent. *Quare secundum quasunque definitiones non contingit accidentia cognoscere, sed neque coniectari de ipsis facile manifestum, quod Dialectica dicta sunt, & vana crânes.* Ut autem intelligantur meliùs, adnotare oportet Dialecticam hoc loco pro sola parte Topica ex probabilibus differente accipere Aristotelem, & non pro tota ipsa Logica docente, ut solet aliquando, quod patet ex 1. lib. post. resolut. cap. 20. & 25. & ex 2. lib. cap. 8. atque etiam ex 4. lib. Physic. cap. 11. imò ex verbis eiusdem loci relatis sit manifestum. Dialecticus verò ex probabilibus differens faciliora quædam, & verisimiliora de-

sumit ad definiendum, & sæpè vniuersaliores effectus, vel rationes, & ideò remotiores à ratione particulari & propria subiecti, vel proprietatibus eius, vt ex illis vtcunque rem explicet, & ex eius explicatione probabile possit ducere argum. & quia notiora sunt ea, quæ ex parte formæ se tenent, quàm quæ ex parte materiæ, & vniuersaliores rationes ex parte accidentium desumptæ modum formæ habent respectu subiecti, propterea dicitur per formam definire, & alia genera causarum, & quia tales definitiones eius ex vniuersalioribus ac remotioribus & aliquando etiam ex accidentibus, vel rationibus desumptæ, sæpè non attingunt proprietates subiecti, & ideò ex eis non potest propria eius essentia, vel ratio certò cognosci, sed solum verisimilis fieri, ideò Aristot. vanas appellauit tales definitiones, quasi sine fructu, & quæ finem ad quem ordinatur exacta definitio, non consequantur. Quod frequenter, & non semper intelligendum est, & quantum est ex modo ipso probabiliter disserendi, quare non tollit, quin aliquando exactam definitionem assumat, & non solâ formam attingentem, sed etiam materiam, & finem. Hæc autem per accidens se habet ad proprium finem disserendi ex probabilibus, qui solum est rem, vel problema, de quo disputatur, veresimile, aut probabile efficere; & iste est sensus prioris loci iuxta communem interpretum sententiam. Ex quo deduximus sensum alterius de modo definiendi per formam, Dialectico proprio, & ex sensu vtriusque constat non esse Aristotelem sibi contrarium.

Secundum verò de modo definiendi philosophi naturalis per materiam facillius est, quia non vult Arist. excludere, quin per formam, & alia genera causarum definiat, imò neque quod definiat aliquando per genus, & differentiam; sed sensus eius est, quod philosophus naturalis sicut ex suo modo procedendi nō abstrahit à materia sensibili, sed eam respicit, sic ex proprio modo definiendi, siue per formam definiat rem aliquam, siue per finem, vel efficientem, aut quouis alio modo, semper exprimit ordinem ad materiam sensibilem.

Ad primum argumentum, concessio antecedente, distinguendum est consequens; nam per formam, vt est pars entis naturalis respiciens materiam, vt alteram eius partem, vel vt est forma accidentalis subiecti sensibilis, ad physicum pertinet definire, & non ad Dialecticum, nisi in sensu iam explicato.

Ad secundum concedendum est, quod infert, videlicet per solam, vel nudam materiam, aut materiale causam nihil posset definiri, nisi verbum aliquod adiungatur, quo simul cum materia explicetur vno, vel alio modo integratio definiti, cum certum sit, quamlibet bonam definitionem conueniri cum definito.

nito. Quod non potest habere, si nudam materiam contineat, quod ergo vult Aristoteles, dum ait, philosophum definire per materiam, non est quod per nudam materiam, sed hoc tantum, quod proprius modus definiendi eius, siue per hoc, vel illud, aut per plura genera causarum definiat, sit, materiam, vel respectum ad illam exprimendo in definitione. Secundum verò ex adnotatis solutum est.

Cætera capita huius libri non iudicamus exponenda, quia in eis solum refert, & reiicit Aristoteles quædam antiquorum philosophorum placita circa naturam animæ, adeò absurda, & à vera philosophia aliena, ut nec recitanda putemus.

---

COMMENTARIORVM IN  
SECUNDVM LIBRVM  
Aristotelis Stagiritæ de Anima.

*Breue Proœmium.*

**N**ECESSÉ fuit aliorum sententias de natura, & ratione animæ referre Aristotelem, priusquam ex propria loqueretur, propter duo: primum quidem, quia ut admonuit ipse in 1. libro, textu 19. multi atque sapientes multa de illa dixerunt, ex quibus vera oportet accipere ad eius naturam inuestigandam, & si quæ reperiantur falsa, refutare. Vtrumque autem præstitit in 1. libr. & ideo vniuersalis scopus huius secundi, est quid de eadem sentiat ipse ostendere. Potest autem diuidi in duas partes, in priori docet, quid sit anima in communi, & quæ sint communes eius facultates, vel potentiæ per tria priora capita. In posteriori verò ex tribus animæ speciebus duas potiores explicat, nempe vegetatiuam, & sensitiuam cum suis facultatibus, aut potentiis per reliqua quæ supersunt capita, explicaturus in 3. libro animam rationalem, & potentias eius.

## LIBRI SECVNDI ARISTOTELIS

S T A G I R I T Æ

de Anima,

CAP V T I.

## TEXTVS ARISTOTELIS.

*Quæ igitur à prioribus tradita de Anima sunt prius diximus.*

Breuis expositio Textus.



**I**N T E N T V M huius primi capitis, est explicare quid sit anima. Diuiditur autem in tres partes: In prima præmittit Aristoteles quatuor diuisiones ad inuestigandam definitionem animæ. In secunda colligit ex eis definitionem, eiusque partes explicat, & probat. In postrema corollarium quoddam ex eadem definitione infert.

Agens Aristot. de modo inueniendi definitionem cuiuscunque, 1. libro Post. cap. 14. asserit quærendum in primis esse prædicamentum, sub quo res illa collocatur, eoque inuenito diuidenda esse genera in species per proprias differentias quousque inueniatur propria eiusdem rei, ex qua simul ac genere, constituatur congrua definitio eius. Hoc igitur Aristot. præcepto à se tradito utitur cap. præsentis ad inueniendam definitionem animæ, assignans quatuor diuisiones, quarum prima est vniuersalissima entis in decem genera suprema, seu prædicamenta, nempe substantiam, quantitatem, qualitatem, & reliqua.

Secunda diuisio est substantiæ, non quidem in tota sua latitudine prædicamentali, sed pro sola substantia Physica, seu materiali, prout abstrahit à totali, & partialibus, ex quibus essentialiter componitur. Diuisio igitur talis est. *Substantia Physica, alia est materia, alia forma, alia essentialiter ex his composita.* Et materia (inquit Aristot.) nõ est hoc aliquid, hoc est, non est aliquid determinatum ad certam speciem, & indiuiduum, sed pura potentia determinabilis ad vtrumque per formam, forma vero est, hoc aliquid, quia cum sit actus, determinata est ad certam speciem, & indiuiduum, non ita ut speciem, vel indiuiduum ipsa sola constituar, sed quia informans materiam, & tribuens ei esse determinatum ad talem speciem, & indiuiduum constituit cum ea compositum in tali specie, & indiuiduo.

**3** Tertia diuisio est, actus vnus vocatur primus, & alter secundus, estque generalis diuisio actus in tota sua latitudine iuxta  
commu

communem expositionem interpretum, non particularis, ita ut solus actus substantialis qui est substantialis forma, diuidatur. Actus igitur primus est forma, aut potentia, per quam res potest operari, actus verò secundus operatio ipsa, ut grauitas lapidis est actus primus respectu motus deorsum, motus verò ipse actus secundus, & vniuersaliter loquendo omnis actus secundus procedit ab aliquo actu 1. & omnis actus primus est principium alicuius actus secundi.

Ultima diuisio sic habet, corpora naturalia quædam viuunt, nempe illa, quæ à principio intrinseco nutriuntur, & augentur, ut plantæ; alia verò vita carent, ut lapides. Vitam itaque vocat vitalem operationem procedentem à principio substantiali viuente, quibus verbis insinuat, vitam duobus modis accipi, nempe pro vita accidentali, quæ est operatio nutritionis, vel augmentationis, & pro vita substantiali, à qua accidentalis ipsa procedit tanquam à principio, ut nutritio est vita accidentalis; sed substantia ipsiusmet plantæ composita ex materia, & anima vegetatiua est vita substantialis, à qua eadem accidentalis vita procedere constat. Ex quo infert, quod omnia corpora viuentia sunt substantiæ compositæ ex materia, & forma, probatque hoc argum. Omne corpus naturale est compositum ex materia, & forma, sed omne corpus viuens est corpus naturale, cum habeat in se principium motus naturalis: ergo est substantia composita ex materia, & forma. Et hæc in hac prima parte.

In secunda constituit definitionem animæ, & primò affectu esse actum, & formam corporis, quod sic probat; anima est substantia, sed non est corpus: ergo est forma, & actus corporis. Maior euidentius est, quia si viuentia sunt substantiæ compositæ ex materia, & forma, cum viuant ratione animæ, per quam distinguuntur ab inanimatis, ac non viuentibus, sequitur animam esse aliquid intrinsecum substantiæ viuentis, & ideo esse substantiam. Minorem autem sic probat, corpus non est in alio tanquam in subiecto, sed potius est subiectum, & quasi materia, in qua aliud recipitur, sed anima est in alio tanquam in subiecto, hoc est, in corpore viuente, quia corpus viuens est, quod habet animam: ergo anima non est corpus, & ex consequenti erit actus, & forma corporis. Euidens est consequentia, siue per corpus intelligatur in minori altera pars viuētis, quæ est materia, ut voluit D. Thom. quæ sequuntur *Agidius*, & alij, siue intelligatur totum viuens compositum ex corpore pro materia, atque ex anima, ut voluerūt *Themistius*, *Simplicius*, atque *Philoponus* hoc loco, quia ex eo quod anima est in subiecto, vtrūque sequitur, videlicet, & quod non sit corpus pro altera parte viuētis, quæ est materia, & quasi subiectū, in quo forma recipitur, atque etiā

quod nō sit corpus pro integro viuēti, quia neutrum est in alio tanquam in subiecto, vt per se est manifestum. Quo supposito, eo ipso quod probauit Aristot. animā non esse corpus sumpto corpore pro parte, quia non est in subiecto, consequenter probauit, quod non sit corpus pro composito. Ex quo euidenter fit consequētia à sufficiente diuisione, quod anima sit actus, & forma corporis. Deindē asserit animā non esse actum secundum, sed primum; quod sic probat; actus secundus est operatio, sed contingit animā esse in corpore non operante, vt patet in dormientibus: ergo cum anima sit actus corporis, non erit secundus, sed primus. Quod verò obiici posset de nutritione, à qua operatione dormientes non cessant: difficultate caret, quia tanquam certū præsupponit Arist. posse ex parte animæ cessare viuētia ab opere nutritionis, quod ab extrinseco alimento dependet: quare si hoc deficiat (vt possibile est naturaliter) deficiet quoque nutritio permanente anima in corpore.

Tertiō asserit animā esse actum primū corporis, non cuiuscumque, sed physici, atq; organici: hoc est, naturalis, vt distinguatur ab artificiali, & habētis partes diuersæ cōditionis, & figuræ, quæ vocantur organa, seu instrumenta pro diuersis operationibus exercendis, vt distinguatur corpus viuēs à nō viuēte: cuius partes eiusdem rationis sunt; quia non ordinantur ad exercendas varias, seu diuersas operationes, vt lapis non habet partes diuersæ rationis, aut figuræ, sed eiusdem, quia nec habet operationes diuersas, sed eandem: quare homogeneous corpus vocatur, hoc est, habens partes eiusdem rationis; corpus autem viuens, cuius actus est anima, partes habet diuersas pro diuersis operationibus exercendis, & propterea vocatur heterogeneous, hoc est habens partes diuersæ rationis, idē longē nobilius est corpore non viuente, & maiorem hanc nobilitatem habet ratione animæ, quæ nobilior forma est: & propterea maiorem ornatum postulat ex partium varietate consurgentem. Sed probat iam Arist. eandem particulam hoc modo; anima vegetatiua infima inter omnes animas est actus corporis organici; ergo reliquæ omnes animæ, nempe sensitiua, & rationalis erūt actus talis corporis. Euidens est consequentia: cum sit argumentum à maiori; & antecedens probat euidenter experientia, nam videmus in planta radices, truncū, folia, & in his venulas quasdam: quarum partium diuersitatem, non ex sola figuræ diuersitate, sed ex diuersis officiis colligimus; nam radices se habent quasi in animali os, quia succum seu alimentū capiunt, & quasi sugere seu attrahere dicuntur, quod per folia, ramos, ac venulas distractum nutritioni totius corporis deferuit, & harum partium diuersitas notior, est ad sensum in cæteris viuētibz, vt in brutis, atque

ris, atque hominibus. Ex his igitur colligit Arist. quod si definitio aliqua animæ cōstitui potest omnibus animabus cōmunis, talis erit. *Anima est actus primus corporis physici, & organici, nec est necessarium addere alias particulas nempe, Potentia vitam habentis*, ut D. Thom. & expositores alij adnotarūt, quia per corpus organicum significantur, quare si aliquando adduntur, maioris tātum explicationis gratia fieri censendum est. Ex definitione verò colligi posse (ait) solutionem cuiusdam dubij, quod posset aliquis sic proponere Corpus, & anima sunt res diuersæ, ergo non possunt efficere vnū compositū, nisi vniantur, sed non possunt vniri, nisi per aliquid aliud à se distinctū, vnies verò est quasi forma vnitorum, quia videtur ea cōtinere: ergo anima non habet rationē formæ, vel actus, sed illud potius, quo vniūtur anima, & corpus, quia cum aliqua vniuntur, tanquam actus, & potentia, non indigent re alia, per quam vniantur, ut vnum efficiant, sed se ipsis, atque immediatē vniuntur, & ideo se ipsis, & non per rem aliam à se distinctā efficiunt vnū, per se quidem, & essentialiter, si sint actus essentialis, & essentialis potētia, per accidens verò, si sint actus accidentalis, & accidentalis potentia. Et rationem reddit, quia actus, & potentia in quocunque genere immediatē se respiciūt: ergo sine vlla alia re media apta sunt se coniungere, & vnum constituere, sed corpus & anima sunt actus, & potētia substantialis, vel essentialis: ergo sine vlla alia re media se coniungere apta sunt, & per immediatam coniunctionem vnum per se substantiale, seu essentialē constituere. Non tamen vult Arist. formam, & materiam, vel corpus, sic immediatē vniri, ut excludatur modus vnionis (ut intelliguntur, ac docent aliqui, quod 1. lib. phys. ostendimus falsum) sed per immediatam vnionem solum voluit excludere rem aliam mediam, quia nec possibile est sine modo vnionis coniungi, nec modus iste substantialis immediatam vnionem tollit.

Proposito ac soluto dubio confirmat, atque explicat simul Arist. definitionem animæ assignatā duobus exemplis: quorum primū est ab arte desumptum. Nam sicut se habet forma securis ad securim ipsam per artē confectā, sic suo modo se habet anima ad corpus animatum, quia sicut à forma artis accipit securis esse specificum rei artificialis, ita ab anima accipit corpus esse animatum, & viuens: si verò securis esset res naturalis, figura illa artificialis esset actus, & forma naturalis eius: ergo cum corpus animatum sit res naturalis, anima erit actus & forma eius. Aliud exemplū naturale est ex partibus eiusdem corporis viuētis desumptum. Oculus est quid cōpositum ex organo, & potentia videndi in eo existēte, si autē oculus ipse animal esset, absque dubio eius anima esset potētia videndi, quia dum eam habet

9

10

11 habet, verè, & propriè oculus est, ea verò amissa non est oculus, nisi æquiuocè; sed ita se haber anima respectu animalis: ergo verè, & propriè est actus, & forma eius. Probatur minor, quia sicut ex organo, & potentia videndi constituitur oculus, qui est principium huius operationis vitalis, quæ dicitur visio, ita ex anima, & corpore constituitur animal, quod est principium operationum vitalium, ac sensitiuarum, & sicut sublata potentia videndi non permanet oculus, nisi æquiuocè, ita sublata anima non permanet corpus organicum, aut viuens nisi æquiuocè, sicut animal, vel homo pictus. Corpus autem organicum, cuius actus & forma est anima, ait Aristot. idem esse, ac habens vitam in potentia, non quidem in potentia excludente actum, sicut semen dicitur viuens in potentia, non habens actu principium vitæ, aut vitalis operationis, quod est anima, sed potens habere utrumque; sed corpus organicum habet vitam in potentia sicut oculus dormientis dicitur esse actu oculus, & potentia videns, ita corpus organicum dicitur habere vitam in potentia, hoc est, vitalem operationem: quam vocamus vitam: sed principium eius habet actu nempe animam. Et ut vno verbo rem explicemus, corpus organicum habet vitam accidentalem in potentia, vitam verò substantialem non potentia, sed actu.

In vltima tandem parte capituli ex tota definitione animæ tanquam corollarium infert, quod anima non sit omnino separabilis à corpore, sed ex parte sit separabilis, hoc est, secundum 12 aliquas partes, quæ sunt actus corporis; ex parte verò inseparabilis, hoc est, secundum partes alias: quæ non sunt actus corporis. Quid verò per partes intelligat, & quid per partes separabiles, & inseparabiles, non eodem modo exponitur, sed in questionibus explicabitur.

Concludit Arist. sententiam huius capituli dicens, quod licet definita sit anima in comuni per actum, & formam corporis, & definitio sit communis omni animæ, hoc est, vegetatiuæ, sensitiuæ, & rationali: cum quo stat, quod aliquæ partes eius sint separabiles, quia nullius corporis, hoc est, nullius organi corporis sunt actus, ut intellectus; nondum tamen esse probatum contra Platonem, quod anima sit forma informans corpus, vel solum ei assistens ad motum, & operationes eius efficiendas, eo modo quo natura dicitur assistere naui ad motum.



CAPVT II.  
TEXTVS ARISTOT.

*Quoniam autem ex obscuris quidam manifestioribus  
autem sit certum, &c.*

## Breuis expositio textus.

**I**ntentum Arist. in hoc 2. cap. est, aliam definitionem animæ 13  
assignare, per quam clariùs, atque distinctiùs explicetur natura eius, & aliquo modo causam prioris definitionis contineat; & ideò per eam prior ipsa probari possit certa, atque evidenti demonstratione. Diuiditur autem caput in quatuor partes; in quarum prima propositis diuersis modis procedendi in tradendis scientijs, ac definitionibus rerum, distinguit quatuor genera vitalium operationum, ex quorum explicatione colligit definitionem animæ intentam. In 2. p. comparat easdem operationes vitales cum principio, à quo procedunt: nempe anima, & cum subiecto in quo recipiuntur: quod est corpus, vel aliqua pars eius, docetque, quomodo distinguatur ex parte vtriùsque, atque inter sese. In tertia duobus propositis, ac solutis dubijs constituit demonstrationem: per quam ex hac posteriori definitione priorem colligit, ac demonstrat. In vltima tandem, occasione desumpta ex vtraque definitione animæ, antiquiores quosdam philosophos laudat, quia benè locuti sunt de modo se habendi animæ in ordine ad corpus, alios verò reprehendit, quod diminuta quadam ratione de eodem senserit, repetitque priorem animæ definitionem, quasi ex posteriori probatum sit benè fuisse assignatam.

Duplicia sunt notiora, à quibus in tradendis disciplinis 14  
procedi potest, vt 1. lib. physicorum copiosè tradidit Arist. quædam sunt notiora natura, nobis verò minùs nota, & hæc absque dubio sunt entia nobiliora; alia ex opposito sunt notiora nobis, minùs verò nota secundum naturam: qualia sunt propinquo-  
ra sensibus, vt corpora sensibilia. Deinde definitio tribus modis assignari solet. 1. per formam, vel materiam, aut per vtramque simul, quæ sunt partes essentielles definiti, vt docet idem Arist. 1. lib. Post. cap. 7. per materiam assignatur, dum dicimus, *Domus est compositum ex lignis, & lapidibus, & ceterisque materia partibus.* Per formam si dicamus, *Hominem esse compositum physicum anima rationali præditum.* Per materiam verò, & formam simul dabitur: si dixeris, *Hominem esse compositum physicum corpore, & anima rationali constans.* Et definitiones istæ essentielles simpliciter vocantur, quia per solas partes essentielles formalem, & materialem designantur.

designantur. Aliæ verò dicuntur causales, quæ dantur per causam finalem, aut efficientem: per finalem quidem, ut si dixeris. *Domus et compositum artificiale ad conservandum hominem factum*, per efficientem verò, *Eclipsis est interpositio terra inter Solem, & Lunam.* modo assignatur per utrumque simul, videlicet per materiam & formam, & per causam finalem, vel efficientem, ut dum dicimus: *Homo est compositum physicum corpore & anima rationali constans ad beatitudinem conditum.* Ex his autem tribus definitionibus, prima vocatur conclusio, quia demonstrari potest per secundam, & ideo secunda dicitur medium demonstrationis; quia per illam demonstratur prima. 3. verò vocatur ab Arist. demonstratio positione differens, demonstratio quidem, quia cum contineat primam & secundam, continet totam demonstrationem, per quam una demonstrat alteram, positione verò differens, quia non habet modum demonstrationis, nempe dispositionem in figura, & modo, quæ dispositio cum resultet ex positione, & situ extremitarum, merito vocatur positio. Et per carentiam huius positionis dicitur tertia hæc definitio à demonstratione differre. Et exempla hæc manifesta sunt: per quæ intelligi debet aliud quod ab Arist. affertur in mathematicis figuris, nempe quadrângulo, & quadrato, quod propter eius obscuritatem mitto.

- 16 In tali autem definitione assignanda à notioribus nobis se progressurum asserit ad notiora naturæ, nobis verò ignora, & hoc præstat procedens à corpore animato ad animam: nam corpus animatum notius nobis est saltem cognitione confusa, (à qua in scientijs tradendis procedendum est) cum sit totum, & anima pars eius, totum verò notius nobis sit eodem genere cognitionis. Corpus verò animatum ab inanimato differre docet per vitam, nam illud vivit, hoc verò vita caret. Quo relicto, in corpore vivente univèrsaliter sumpto quatuor sunt genera vitalium operationum: quæ etiã vitæ genera vocari solent, nempe vegetatio, sensatio, motus progressivus, & intellectio. Et de vegetatione ait omnibus viventibus convenire, satisque esse eam habere corpus, ut vivere dicatur, etiã si reliquis careat, ideo plantæ vivere dicuntur, quia vegetantur. Vegetari verò non est aliud, quam à principio intrinseco nutriri, & augeri per intussumptionem.

- 17 Ex his autem quatuor generibus vitalium operationum colligit quatuor species, seu gradus vitæ. Primus est eorum, quæ solum nutriuntur, & augentur, ut plantæ. Secundus eorum, qui non solum vegetantur, sed etiã sensu præditi sunt, ut omnia bruta animalia. Tertius eorum, quæ præter vegetationem, & sensum, motum progressivum habent, ut perfectiora animalia.

Quartus

Quartus aliorum, qui præter hos tres gradus vitæ alterum habent eis longè perfectiorem, nempe intelligendi, vel ratiocinandi, vt sunt homines. Ex quibus colligit definitionem animæ hoc modo. Animatum distinguitur ab inanimato per opus vitæ ab aniina procedens tanquam à principio, sed quatuor sunt genera viuientium, quatuor generibus vitalium operationum distincta; ergo benè definitur sic anima. *Anima est principium, quo primo viuimus, & sentimus, & mouemur, & intelligimus.* Addit autem primò, ad excludendam vitalem operationem, qua non primò, sed secundo viuimus.

Constituta definitione animæ, duo proponit, ac soluit dubia, 18 vt eam magis explicet. Primum est, an quodlibet horum, nempe vegetatiuum, sensitiuum loco motiuum, & intellectiuum sit anima ipsa talis speciei, vel non nisi pars animæ, hoc est, potentia eius. Gratia exempli, an vegetatiuum sit potentia animæ vegetatiuæ concessa ei à natura ad exercenda opera vitæ, vel sit anima ipsa vegetatiua, à qua eadem opera vitæ procedunt. Secundum dubium supposito, quod non sint diuersæ animæ, sed solum diuersæ partes, seu potentia eiusdem, an ratione seu definitione distinguantur, vel loco tantum seu subiecto? nam quidam hoc modo eas distinguentes appetitum in hepate, sensum verò in cerebro collocarunt. Et primò soluit dubium hoc secundum, asseritque euidenter in primis esse, quod quatuor istæ potentia distinguantur ratione formali, aut definitione; quod probat hoc argum. Potentia sunt propter actus, cum pro eis 19 eliciendis data sint viuenti à natura, ab eis ergo desumere debent specificam distinctionem, sed actus harum potentiarum diuersi sunt; ergo etiam erunt potentia specie diuersæ. Minorem probat, quia sentire, & opinari, seu intelligere diuersi sunt actus propter diuersa obiecta in quæ tendunt. Distinctio verò earundem potentiarum secundum subiectum dupliciter considerari posse ait Arist. aut in eodem animali, ita vt omnes sint in eadem parte eius, vel diuersæ in diuersis, aut in diuersis animalibus, ita vt in quolibet sint omnes, vel quædam in vno, alia verò in alijs. Et respondet in quibusdam animalibus, facile esse hoc iudicare, nempe in his omnibus, quorum partes abscissæ viuunt, qualia sunt reptilia ferè omnia, in quibus vita, sensus, & motus simul reperiuntur in eadem parte, & ideò, nec loco, nec subiecto separantur, nam tales partes viuere manifestum est, & ideò potentias habere vitales, moueri verò experimur, atque etiam sentire, quia si cuspide pungantur, refugiunt: quod signum doloris est, dolor verò sine sensu tactus fieri non potest. Ex quo intelligimus, quod sicut anima plantarum extensa est per omnes partes eius, quia in eis abscissis, ac viuentibus reperitur,

20 reperitur, & ideo vna est actu in quolibet corpore: & plures in potentia: eodem modo anima horum animalium extenditur per totum corpus, & omnes eius partes, & vna est actu, in toto corpore, plures verò in potentia. De sola verò potentia intellectiva dubium esse posse inquit, an sit in aliqua parte determinata, vel organo corporis, an verò organica non sit, sed independens ab organo, ac proinde in singulis, & omnibus partibus corporis æqualiter reperta, ab omnibus partibus etiam, & singulis, à totoque corpore sit separabilis. Sed respondet ipse, potentiam intellectivam alterius generis esse à cæteris potentijs vitalibus, quia non est organica, nec ab organo dependet sicut sensitivæ, separari posse à corpore: vnde in omnibus, & singulis partibus eius æqualiter reperitur. Consideratæ verò potentiaæ vitales in diuersis viuentibus distinguuntur subiecto, & separari possunt, ita vt in diuersis subiectis reperiantur hoc modo, vt cum quatuor sint gradus potentiarum, nempe vegetatiuum, sensitivum, loco motiuum, & intellectiuum; inferiores reperiri possint, & reperiantur sæpe sine superioribus, quamuis superiores sine inferioribus, nec reperiantur, nec reperiri possint. Gratia exempli, in plantis reperitur vegetatiuum sine sensitivo, & in quibusdam imperfectis animalibus saxis perpetuò affixis reperitur sensitivum sine loco motiuo, in animalibus verò perfectis ab homine diuersis reperitur loco motiuum sine intellectu, & tandem intellectiuum in solo homine: sed in nullo animali reperiantur sensitivum, sine vegetatiuo, nec in homine intellectiuum sine loco motiuo, & vegetatiuo.

Primum dubium facile solui posse censuit Aristot. ex his quæ docuit in solutione secundi dubij, & propterea prius voluit soluere secundum. Solutio autem eius ex duobus constare potest, primum est vegetatiuum, sensitivum, loco motiuum, & intellectiuum, dupliciter sumi posse, formaliter quidem, hoc est, pro principijs formalibus, vegetationis sensus, motus, & intellectus, vel radicaliter pro principijs substantialibus, à quibus potentia ipsa emanant. Partes animæ, duobus etiam modis  
 21 accipi possunt, nempe pro partibus subiectivis, aut pro partibus potestativis. Partes subiectivæ dicuntur species respectu generis, vt homo, equus, & leo sunt partes subiectivæ animalis. Partes verò potestativæ sunt potentiaæ respectu substantiaæ, à qua emanant, & quæ per illas operatur, vt intellectus, & voluntas sunt partes potestativæ animæ rationalis. His igitur duobus præsuppositis, quærebat primum dubium, an quatuor illa sint diuersæ species animæ, vel solum diuersæ partes? Et respondet Aristot. non esse species diuersas, sed partes, aut po-  
 tentias,

tentias, hoc est, non esse partes subiectiuas, sed potestatiuas. Quod verissimum est, quia secundum propriam, ac formalem significationem denotant principia formalia operationum vitalium, quæ sunt potestati. Nihilominus si accipiantur pro principio radicali earundem potentiarum, & operationum, (vt suo modo accipi possunt) vocari possunt partes subiectiuæ, hoc est, diuersæ species animarum quæ non solum propriis definitionibus distinctæ sunt, sed realiter separatæ in diuersis animalium speciebus.

His dubiis propositis, atque solutis, iam in 3. part. capitis contendit demonstrare priorem definitionem animæ traditæ in 1. c. per posteriorem traditâ in hoc 2. quod vt præstet, præsupponit duo, Primum quod sicut duobus dicimur scire, nempe scientia tanquam forma, & anima tanquam subiecto, & duobus dicimur sanari, sanitate vt forma, & corpore tanquam subiecto, vel aliqua eius parte: ita duobus dicimur viuere, altero vt forma, altero vt materia. Secundum præsuppositum est, quod forma, & actus recipiuntur in propriis subiectis, vt sanitas in animali, aut parte eius: & ita id quo viuimus, vt forma erit in proprio receptiuo, vel materia: hoc supposito constituit hanc demonstrationem. Id quo primo viuimus, sentimus, loco mouemur, & intelligimus, est actus primus corporis physici, & organici: sed anima est id quo primo viuimus, sentimus, loco mouemur, & intelligimus; ergo anima est actus primus corporis physici atque organici. Minor est 2. definitio animæ, & conclusio est definitio prima, & ideo vtræque est per se euidens: solum restat maior probanda, in qua prima definitio prædicatur de secunda, quam sic probat, & simul explicat, Tria sunt in viuente quocunque. Nempe corpus, anima, & compositum, sed compositum non est, quo viuimus, sed quod viuit, nec etiam quo viuimus, est corpus, aut materia, quæ solum est potentia, & potentia non viuimus: cum nec per illam distinguamur à nō viuentibus, nec vita consistat in potentia, sed in actu: ego solum forma, & actus potest esse quo viuimus, sentimus, mouemur, & intelligimus, & per conuersionem simplicem, id quo viuimus, sentimus, mouemur, & intelligimus, erit actus primus, & forma corporis physici, & organici: quare euidens est etiam maior eiusdem demonstrationis.

In vltima tandem parte capitis, occasione sumpta ex definitionibus animæ assignatis, laudat quosdam philosophos, qui benè locuti sunt de anima, dicentes animam non esse corpus, non tamen esse sine corpore, vt est actualis forma eius. Sed esse aliquid corporis, nempe actum, & formam corporis, non cuiuscunque, sed talis, hoc est, physici, & organici. Alios verò re-

prehendit, quia licet admitterent esse actum, & formam corporis: nihil de corpore determinatè, cuius actus est, dixerunt, idcò diminuta quadam ratione locuti sunt.

## TRACTATUS PRIMVS.

*De Anima quantum ad eius essentiam.*

- 24 **E**O ordine procedit Aristot. in hoc tractatu de anima, quo ipsemet docuit procedendum esse in tradendis scientiis rerum omnium 1. lib. de Poster. resol. cap. 1. videlicet, vt de subiecto scientiæ in primis præsupponatur, quod sit, & quid sit. Propterea Aristot. acturus de anima in hoc tractatu tanquam de proprio eius subiecto: ab eius substantia incepit, & idcò duplicem definitionem eius statim assignauit. Quod verò anima sit in rerum natura præsupposuit, nec vllò modo probauit, quia satis per se erat manifestum. Pro rudioribus verò possumus id ostendere à posteriori ex operationibus, hoc modo; animata distinguuntur ab inanimatis per quasdam operationes sibi proprias, quibus carent inanimata, vt plantæ, & animalia à lapidibus, & lignis per operationes vitæ, & sensuum: ergo prius distinguuntur ab eisdem per animam, à qua habent, quod animata sint, & tales operationes elicere possint: quare necesse est sciteri, quod animam habent, & ex consequenti, quod anima sit in rerum natura. Eodem igitur ordine procedemus nos in his nostris Commentariis, vt primo ea, quæ pertinent ad substantiam animæ discutiamus, quare primus tractatus de his instituimus, & prima quæstio eius erit, an anima sit substantia; quo constituto, aperietur nobis via ad examinaudam vtramque definitionem ab Aristotele traditam, aliis quæstionibus eiusdem tractatus.

## QVÆSTIO I.

*An Anima sit substantia.*

- 25 **D**E anima in vniuersali nunc agimus cum Aristotele, acturi postmodum de vegetatiua, & sensitiua in particulari in hoc 2. lib. & de rationali in 3. Propterea titulus quæstionis vniuersaliter quærit, an anima sit substantia? Et fuit prima positio antiquorum Philosophorum asserentium animam esse harmoniam, seu consonantiam quandam: mouebantur verò ad id asserendum, quia tanquam certum præsupponentes nihil præter corpora esse in rerum natura, videbant omnia sublunaria corpora ex cōtrariis qualitatibus esse composita ad certum quendam gradum attemperatis, ex quo habent in eo naturam quandam proportionem, & quasi consonantiam, quam harmo

harmoniam vocabant desumpta fortè metaphora ex proportionem sonorum, aut vocum, ex quibus harmonia quædam causatur in musica. Talem ergo harmoniam naturalis corporis 26  
decepti cogitarunt esse animam, & cum ex contrariis qualitatibus quæ sunt accidentia, constaret, vel fieret: existimasse videntur animam non esse substantiam, sed accidens. Quam positionem tribuit Arist. Empedocli in 1. lib. text. 54. sed ipsimet Arist. hoc ferè idem attribuit Cicero 1. lib. Tusculanarum questionum, propterea quod in prima definitione docuerit animam esse actum corporis, pro actu corporis, pro actu verò habeatur in textu Græco (Entelechia) quæ non est aliud, (vt asserit idem Cicero) quàm continuata quædam motio, motionem verò accidens esse constat: & propterea imposuit Aristoteli, quod posuerit animam non esse substantiam, sed accidens, & eadem fortè ratione ductus, sed Nemisius, libro de natura hominis, cap. 2. putauit etiam Aristotelem sensisse animam non esse substantiam, sed Gregorius Nissenus hæc idem tribuit cuidam Narciso lib. 2. de philosoph. vt refert D. Tho. 2. contra gentes, cap. 64.

Secunda positio non multum diuersa à præcedenti, fuit Galeni in lib. qui inscribitur. *Quod mores animi corporis temperamentum sequuntur*, c. 3. & 4. & lib. 3. de locis affectis, cap. 6. asserentis animam non esse aliud, quàm temperamentum primarum qualitatatum, quod constat non esse substantiam, sed accidens, quamuis re melius considerata lib. 2. de vsu partium, cap. 8. fateatur se ignorare, quid sit anima. Sed probat esse temperamentum in duobus primis locis, 1. quia anima est id, quo per-eunte, moritur animal, sed constat dissoluto temperamento corporis statim perire animal; ergo temperamentum est anima, 2. quia anima est principium, à quo oriuntur diuersæ passiones, & affectus, vt odium, amor, ira, cum cæteris: sed experientia notum est has diuersas passiones procedere ex diuerso temperamento: nam melancholici proni sunt ad tristitiam, & cholericici 28  
ad iram: ergo anima non est aliud, quàm temperamentum corporis ex contrariis qualitatibus constans: & ideò non substantia, sed accidens. In tertio loco potest connumerari sententia Platonis, qui in Timæo docuit animam præsertim rationalem esse numerum quendam, vel etiam circulum, vt Aristot. testatur in lib. cap. 3. constat autem numerum, & circulum ad quantitatem, & qualitatem pertinere, quæ accidentia sunt, ideò significare videtur animam non esse substantiam, sed aliquod ex his accidentibus: quamuis D. Thom. in Commentariis primi libri, lectione 8. in principio adnotet morem Platonis fuisse per quædam symbola, & figuras de rebus loqui, &

ideo sæpè diuersum longè tenuisse sensum ab eo quem verba ipsa videntur significare; vnde numerum se mouentem vocasse animam credendum est propter multitudinem diuersarum operationum, quales sunt vegetatio, sensatio, intellectio, atque volitio, quas viuientia corpora exercent virtute animæ, vel anima ipsa, non quidem mota ab aliquo extrinseco principio, sed vt se mouens. Circulum quoque vocauit animam rationalem propter reflexas operationes, quas habet, & per quas se ipsam, proprias potentias, & operationes earum cognoscere, & amare potest. Nihilominus Aristotelem, ait Diuus Thomas, meritò illum reprehendere, non propter sensum, sed propter verba, quibus occasionem errandi vulgo ignoranti sensum ab eo intentum præbuit.

- 29 Veritas huius rei est, quod anima non sit vlllo modo accidens, vt videntur tres istæ scientiæ asserere, sed substantia. Ita Aristoteles in his duobus capitibus, & omnes eius interpretes. Atque etiam vniuersa schola Theologorum cum D. Tho. in quæst. de anima, artic. 1. 2. lib. contra gentes, cap. 64. & prima parte, quæstione 75. artic. 1. & 2. & sæpè alibi; quare necessarium non est nominatim quemcumque referre. A multis verò probatur rationibus parui momenti, vt benè Toletus, quæstione 1. huius secundi libri. Sed ipse etiam plures affert, ex quibus vix vnam, vel alteram efficacem reperies. Probari autem potest duplici argumento satis efficaci à priori, & à posteriori. Et primum præsupponit duo principia ex se euidentia. Primum est, præter diuinam substantiam in se simplicissimam, creatas omnes esse realiter compositas: de quo nemo sanæ mentis dubitare potest, nisi velit diuinam, ac summam Dei simplicitatem, atque excellentiam puri actus creaturis tribuere. Aliud principium est res omnes naturales, atque corporeas, tam viuentes, quàm vitæ expertes, substantias esse: quamuis plura accidentia habeant ad earum ornatum pertinentia, vt lapis, & lignum præter quantitatem, & qualitates, quibus ornantur, veram substantiam continent per se subsistentem, hoc est, independentem ab aliis, nullique inhærentem, vt per se est manifestum. His duobus principiis præsuppositis, sic procedit primum argumentum. Omnis substantia præter Deum essentialiter est composita; ergo si corporea sit, habet partes essentielles intra se, ex quibus realiter componatur: vna est materia, vel corpus, quam omnes admittunt, præter quam non est alia excogitabilis, nisi forma: ergo datur forma substantialis in his rebus, quæ vera sit substantia partialis, ex qua simul cum materia componatur: sed forma substantialis rerum viuientium est anima;

30



anima; sicut rerum non viuentium est quæuis alia forma inferior, vt lapidis, atque ligni; ergo anima est forma substantialis componens cum corpore integram rem viuentem, & ideo vera substantia. Probaturs minor, quia substantiæ animatæ distinguuntur specie ab inanimatis, tanquam longè perfectiores, vt euidenter ostendunt perfectiores operationes earum, sed distinctio specifica, & substantialis non est per materiam: cum hæc sit omnibus æquè communis, ita vt materia illarum sæpe transeat ad istarum formas, atque è cōuerso; ergo distinguuntur specie substantiæ istæ per animam quæ proinde erit vera substantia.

Secundum argumentum à posteriori sumitur ex operationibus hoc modo: Natura cuiuscunque rei est substantia eius, (nam accidentia non sunt natura rerum, sed ad naturæ ornatum pertinent, in qua inhærent, & à qua sustentantur, & ideo entia secundum naturam, & non naturalia vocantur, ) sed natura est principium intrinsecum motus, & cuiuscunque operationis naturalis, vt patet ex definitione tradita ab Aristot. 2. lib. Phisic. ergo motus, & operationes naturales procedunt à substantia naturalium rerum, tanquam ab intrinseco principio: vterius res naturales viuentes habent operationes perfectiores essentialiter, quàm non viuentes, vt patet de nutritione, sensationibus, intellectionibus, & volutionibus longè perfectioribus motu lapidis, & ligni; ergo naturam, & substantiam perfectiorem essentialiter, non ratione materiæ, aut corporis, cum illa sit communis; ergo ratione animæ, quare hæc erit pars substantialis, per quam sunt perfectiores substantialiter: & ideo erit vera substantia, & nullo modo accidens.

Argumentum Ciceronis nullius momenti est, quia innititur falsæ interpretationi illius vocis (entelechiæ) non enim significat continuatam motionem, sed cum nouum sit vocabulum, & ab Aristotele inuentum, nouam interpretationem postulat ex mente eiusdem Aristotelis eliciendam, & præsertim ex eiusdem capituli contextu, vbi de quidditate animæ loquitur; propria igitur significatio (entelechiæ) est actus perfectus, & quasi cōsummatas, quem constat esse primum, substantialem, & specificum, à quo res quasi absoluitur, & cōpletè perficitur in propria specie, & talem docuit esse animam.

Sed nec argumenta Galeni aliquid probant: nam ad primum distinguenda est maior, quod anima sit id, quo deficiente moriatur animal, duobus enim deficientibus moritur animal, vel homo; altero tanquam forma substantiali, à qua recipiebatur esse, altero tanquam dispositione, qua conseruabatur eadem forma in materia, vel corpore, & temperamentum qui-

dem dispositio necessaria est ex parte corporis, vt in eo introducatur, atque conseruetur anima; quare eo dissoluto perit anima, vel desinit informare corpus, & moritur homo, vel animal, quia mors non est aliud, quàm separatio animæ à corpore, & ideò alterum, ac præcipuum, quo deficiente animal moritur, est anima. Maior ergo vera est de eo, quo deficiente, vt forma animal moritur, hoc enim solum potest esse anima; non est autem vera de eo, quo deficiente tanquam dispositione necessaria ad conseruationem formæ in materia moritur animal, & cum tale sit temperamentum, non benè probatur esse animam.

- 34 Ad secundum responder D. Thom. 2. contra gentes, cap. 64. distinguendo etiam maiorem hac distinctione. Passiones atque operationes diuersæ duobus modis attribuuntur alicui, vel tanquam principio, & causæ principali, à quo non solum secundum rationem materialem, sed secundum formalem procedunt, & hoc est anima. Alio modo attribuuntur alicui, tanquam disponenti materiam, & hoc est temperamentum, ex cuius variatione variantur quidem passiones, vel diuersæ procedunt, quia variata dispositione alio modo se habet anima in corpore, & variata ratione materiali passionis, variatur etiam formalis ratio eius, & omninò procedit alia diuersa (non est enim sermo de passionibus quæ oriuntur ab essentia specifica, sed ab indiuiduali natura, quæ ex tali temperamento tanquam ex complexione ac dispositione dependet): exemplum assignat D. Thom. in passione iræ, quæ pro materiali dicit feruorem sanguinis circa cor, & hoc modo attribuitur temperamento cholericæ hominis, tanquam disponenti ad illum; pro formali verò dicit appetitum vindictæ, quo pacto animæ potius, quàm temperamento attribuitur, quamuis etiam attribui possit temperamento, tanquam remotæ dispositioni, quia in quantum proximè disponit ad feruorem sanguinis, ex consequenti iuuat quadam ratione materiali, & quasi remota ad appetitum vindictæ, sed vtroque modo desumpta passione procedit ab anima tanquam à præcipua causa media potentia existente in organo corporis.

## QVÆSTIO II.

*An Anima sit corpus.*

- 35 **M**ulti ex antiquioribus Philosophis putantes ex vna parte animam esse substantiam, vt quæstione præcedenti aduersus plures alios probauimus; ex altera verò nihil esse in natura rerum, quod non esset corpus, subtilius quidem, vel  
 crassius

crassius secundum maiorem, vel minorem perfectionem propria naturæ (quod aliquando sensit D. August. ut faretur 5. lib. confess. cap. 13. & lib. 6. cap. 1. in principio, sic inquit: *Cogitare aliquid substantia, nisi tale non poteram, quale per hos oculos videri solet*) dixerunt animam esse corporeum quid, ut Zeno, Hippasus, & Parmenides ignem quendam. Anaxagoras, Anaximenes, & Anaximander, aërem, Democritus, Leucippus, & cum his Pythagorei putauerunt esse minutissimas quasdam atomos in aëre per fenestram ingredientibus, radiisque solaribus illuminato relucentes. Empedocles verò sanguinem esse voluit, & Critias mixtum quid ex humore, & sanguine. Plures denique alij corpoream omnino eam posuerunt, à quibus fortè non longè fuit Tertullianus in suo libro de Anima, & libro etiam de carne Christi, quamvis D. August. in bonum sensum eum interpretetur in libro de hæresibus, hæresi 56. & D. ipse August. lib. 22. de Ciuitate Dei, affirmat Aristot. sensisse cum his philosophis; quod anima sit quintum corpus præter quatuor elementa, eisque longè perfectius. Quod potest probari ex 2. lib. de generatione animalium, cap. 3. ad medium, ubi ita ait: *sed enim omnia anima, siue virtus, siue potentia corpus aliud participare videtur, idque magis diuinum quàm ea qua elementa appellatur, verum prout nobilitate, ignobilitatēve anima inter se differunt, ita, & natura eius corporis differt.* Alij verò tenuerunt animam esse particulam quandam diuinæ substantiæ, seu diuinæ mentis, quasi à Deo ipso genitam: pro qua sententia refert D. Irenæus, lib. 1. aduersus hæreses, Carpocratem, & D. Theoretus in lib. de diuinis Decretis, Cerdonem, & D. August. inostic. Manichæos, & Priscilianistas lib. de hæresibus hæresi 46. & 70. de quibus asserit D. Hieronymus in epistola ad Marcellinum, existimasse, quod anima hominis fuerit genita ex Dei substantia. Hæc tamen positio non est diuersa à prima, 37  
i originem eius intelligamus, quam egregiè tradidit Diuus Thomas 1. part. quæst. 90. artic. 1. asserens ex duplici alio errore ipsorum processisse: nam primò multi eorum credebant, non solum res omnes creatas corporeas esse, sensuque perceptibiles, sed Deum ipsum esse quasi primum corpus, à quo cætera omnia procedunt, præsertim anima omnium perfectissima; quare necesse est corporeum quid esse ab eadem substantia primi corporis deriuatum. Vnde, & Manichæi dixerunt, Deum esse lucem quandam corpoream, animam verò cuius lucis partem quandam corporei alligatam. Alij verò ex his crediderunt animam quidem quid incorporeum quodam modo esse, non tamen à corpore separatum, sed corporis formam, ita ut Deus esset quasi anima totius mundi, eum in-

uitu', & ratione gubernans; partes verò huius totalis animæ esse animam hominis, & aliorum animalium, sicut homo ipse, & animalia partes sunt totius mundi, quod præcipue sensit Varro, ut testatur August. 7. lib. de Ciuit. Dei, cap. 5. 6. & 10.

- 38 Anima igitur totalis Dei, diuisibilis erit, atque corporea. Et ecce omnes isti sicut priores animam dixerunt esse corpoream, licet alia via processerint.

Veritas huius rei est, quod *anima non sit corpus, & contrarium euidenter falsum*. Probatur primò ratione vniuersali præsupponente principium hoc. *Animatum differt ab inanimato sensu, & motu progressiuo*, quod tanquam per se notum recepit antiquitas Philosophorum, ut testatur Arist. lib. 2. de anima, tex. 19. his verbis: *Animatum igitur ab inanimato duobus maximè differre videtur, motu, & sensu, accipimus autem à progenitoribus ferè duo hæc de anima*, & euidentis experientia omnibus efficit manifestum. Ex quo ita arguo; corpora animata habent in se principium sensus, & motus progressiui; cum ex propria virtute sentiant, & moueantur ad omnem differentiam loci, ergo vel habent principium effectiuum horum motuum, ut corpora sunt, vel ut alia corpora, distincta ab inanimatis. Primum non potest esse verum, quia iam quodcumque corpus moueretur tali motu, atque sentiret, quod patet esse falsum; ergo secundum est necessarium, quod ut talia corpora habeant principium motus, & sensus, hoc est, ut animata: nam per hoc, quod animata sunt, distinguuntur ab inanimatis: sed non distinguuntur per materiam, nec per eam sunt principia effectiua talium motuum, quia materia non est ratio agendi, sed recipiendi, nec principium distinctionis, sed conuenientia: cum omnibus sit communis, per actum igitur sunt talia corpora distincta ab inanimatis, quia ratio talis corporis est ratio actus; ergo corpus animatum habet, quod sit principium effectiuum sensus, & motus per actum proprium, sed actus iste est anima; ergo habet tales operationes ab anima, tanquam ab actu proprio. Probatur minor, quia operationes istæ conueniunt corpori animato, ut animatum est, siquidem per eas distinguitur ab inanimato, sed est animatum per animam; ergo anima est actus corporis, à quo procedunt, & non corpus.

- 40 Probatur secundo alia ratione speciali, quod anima non sit corpus ex eo, quod sit particula quædam diuinæ substantiæ corporea; quam colligere possumus ex D. August. in lib. de origine animæ, cap. 2. & ex D. Thom. 1. par. quæst. 90. artic. 1. hoc modo. Tria habet anima, quæ à nemine possunt negari, quia euidenti experientia sunt nota, nempe quod scientiam acquirit ex rebus ipsis; quod eam non habeat actu ante acquisitionem, sed solum sit in potentia ad eam habendam, & tandem, quod

quod postquam illam habet, non semper ea utatur, nec semper sit actu sciens, ut in homine dormiente est manifestum. Et tria alia his opposita conueniunt Deo ex communi consensu omnium, videlicet, quod sit purus actus, & ideò pugnet cum infinita perfectione eius, non habere aliquando scientiam. Quod omnibus modis sit in se infinitus, & propterea nihil possit accipere, vel mendicare à creaturis ab eo potius accipientibus, quæcunque habent. Et tandem, quod sit immutabilis, & ideò non possit mutari de sciente in potentia, ad scientem in actu, quod manifestam dicit imperfectionem. Ex quibus euidenter sequitur, animam non posse esse partem diuinæ substantiæ, cui repugnant, quæ conueniunt animæ.

Ad argument. verò illorum philosophorum ex cognitione 41  
desumptam, distinguendum est antecedens, nempe cognitionem fieri per similitudinem, vel assimilationem rei cognitæ ad cognoscentem, nam cognoscens, & cognitum duobus modis considerari possunt, videlicet in esse rei, vel in esse cognoscibilis, & cognoscentis: & sub priori consideratione non oportet esse similia, sed etiam si diuersam omnino naturam habeant, potest vnum cognoscere aliud, quod constat euidenter in sensibus; nam visus, & color res sunt valde diuersæ, & tamen visus cognoscit colorem: solum ergo est necessaria similitudo, vel assimilatio cognoscentis ad cognitum sub posteriori consideratione; quo pacto accipiuntur in esse intentionali, sub quo solum potest esse verum quod cognitum sit intra cognoscentem; nam secundum esse naturale sæpe extra illud est, talis autem assimilatio fit per species intentionales sensibiles, vel intelligibiles, quæ ab obiectis imprimuntur intellectui, vel sensui, nam per illas repræsentatur obiectum extra existens potentiæ cognoscitiuæ, & ratione huius repræsentationis habet esse cognoscibile actu, vel in prima potentia, & ratione eiusdem speciei dicitur esse intra cognoscentem. Et dum actu cognoscitur, per speciem expressam productam à potentia actu cognoscente, fit cognitum actu, & vnitur cognoscenti, fitque quodammodo vnum cum eo. Ad formam igitur argumenti, negamus animam 42  
cognoscentem corpora eis assimilari secundum propriam entitatem naturalem, sed solum fit eis similis secundum esse intentionale, atque intelligibile per species eorum intelligibiles in se receptas, quare non oportet, quod anima sit corpus, sed spiritualis cum sit, potest corpora cognoscere.

Ad D. August. dicendum est, illud desumpsisse ex Cicerone, 43  
qui 1. lib. Tusculanarum quæstionum, imposuit Aristoteli, quod senserit animam nostram ex quinta quadam essentia corporea esse, sicut etiam, quod docuerit esse continuatam quandam mo-

tionem. Sed ne forte putet aliquis occasionē dedisse Aristotelem loco illo, & verbis in argumētis, Respondeo, quod si verba illa, & contextus, vel mediocri diligentia expendantur, constat plane, nihil tale ex eis deduci posse, non enim asserunt animam corpus esse vel corpore constare secundum suam substantiam, sed eius virtute potentiam quandam corpoream derivari in corpus longè perfectiorem omni virtute elementorum, & hanc dicit esse calorem naturalem; qui instrumentum est potentiae vitalis, seu vegetativae, potens ex alimento partem substantiae viuentis producere ad nutriendum viuentia corpora, & semini plantarum, & animalium, atque hominum fecunditatem quandam tribuere ad organizandum corpora, & ut instrumentum sit eiusdem viuentis ad generandum aliud sibi simile, quod non habet calor ignis: cum non possit illo medio ignis producere rem viuentem.

### QVÆSTIO III.

*An verum sit, animam esse actum corporis, ut prima particula prioris definitionis asserit.*

44 **P**Rior Definitio animæ, quæ 1. cap. huius primi libri tradit Aristoteles, ita habet: *Anima est actus primus corporis physici, organicæ potentie vitam habentis*, præsupponit verò duo tanquam certa, & iam à nobis euidenter probata, nempe, quod anima sit substantia, & quod non sit corpus, quibus præsuppositis, titulus huius 3. quæstionis proponit primam partem eius examinandam, videlicet, an anima *Sit actus corporis*. Videtur anima falsa; quod probo 1. ex verbis eiusdem Aristotelis cap. 1. huius libr. textu 11. quibus distinguit diuersas partes, seu species animæ, & de quibusdam asserit manifestum esse, quod non sint separabiles à corpore, quales sunt anima vegetatiua, & sensitiua, idque probat, quia sunt actus eiusdem corporis, & actus alicuius non videtur separabilis ab eo. De aliis verò ut de intellectu, vel intellectiua anima concedit, quod sit separabilis à corpore, cuius ea, inquit, est ratio. *Quia nullius corporis est actus*. Negat igitur animam intellectiuam esse actum corporis: ex quo ita arguo; Definitio, & quælibet eius pars, debet conuenire definito, & quibuscunque sub eo contentis, sed esse actum non conuenit omni animæ ex mente Aristotelis, cum non conueniat rationali: ergo falsum est, quod anima in communi (quo pacto hic definitur) *sit actus corporis*, ut asserit hæc prima pars definitionis.

45 Sed ratione hoc idem probatur, quia intrinsecum est cuiuscumque actui siue primo vel secundo actuare rem cuius est actus,

actus, & ideò constituere eam in actuali esse: ergo nullo modo potest conuenire ei ratio actus, si aliquando cesset ab officio actuandi, quantumlibet actuare possit, sed animæ rationali non semper conuenit actuare corpus, cum naturaliter sit ab eo separata: quo tempore separationis constat non actuare illud, licet actuare possit; ergo non conuenit ei esse actum. Et si respondeatur verba in definitione non dicere actum, sed aptitudinem, & ideò satis esse animam pro statu separationis aptam esse ad actuandum corpus. Contra hoc est, quod dum verba definitionis ex propria significatione dicunt rationem actualem, non possunt accipi pro sola aptitudine, sed necessario pro actu, alioqui non explicabunt essentiam definiti, vt si definiamus fortem, quod a fortitudine talis est, non sumitur fortitudo pro ea, quæ denominare potest fortem, sed pro denominante actu, aliter quilibet homo posset denominari fortis, licet fortitudine careat, ex eo solum, quod possit eam habere, quod patet esse falsum; ergo falsum erit animam separatā vocari posse actum corporis, ex eo quod actuare ipsum potest: cum actus ex propria ratione dicat actuationem, & ideò non possit pro potentia, vel aptitudine ad illam sumi.

Veritas huius rei est, *quod anima sit actus corporis*, vt prima pars definitionis Aristotelicæ asserit. Et ita in primis tenent omnes interpretes antiqui, ac recentiores, in expositione eius. Et probatur euidenti ratione: primo, quia animata distinguuntur specie ab inanimatis, vt equus à lapide, sed non distinguuntur per materiam, vel corpus, in quibus conueniunt potius omnia sublunaria; ergo distinguuntur per animam, à qua viuencia habent esse animata, & per carentiam eiusdem animæ cetera dicuntur inanimata: sed euidentius est actum esse qui distinguit, & non potentiam: cum hæc sit ratio conuenientiæ potius, quàm distinctionis; ergo anima est actus substantialis distinguens specie animata ab inanimatis. Secundò, quia animata sunt viuencia, & ex eodem sunt viuencia ex quo animata: ergo anima est principium vitæ, & operationum vitalium in eis, sicut est primum principium animatorum, vt sunt animata, sed primum principium vitæ, & vitalium operationum non est materia, quæ solum habet esse potentiam receptiuam, & non effectiuam motus, vel operationis, vt per se est manifestum; ergo primum principium vitæ est animæ principium autem effectiuum, vt tale est, actus: cum euidentius sit omnia agere, vt sunt in actu, & nihil prorsus in quantum est in potentia; ergo euidentius est animam esse actum. Ad testimonium igitur Aristotelis respondeo, per diuersas partes animæ non intelligere diuersas partes subiectiuas eius, quæ sunt diuersæ

46

47

- uersæ species animarum, nempe vegetatiuam, sensitiuam, & intellectuam, sed diuersas partes potestatiuas, quæ sunt diuersæ potentiae, & ita sentiunt D. Thom. & grauiores alij interpretes, vt in expositione textus primi capitis adnotaui. Probatũque efficaciter hunc esse sensum eius ex vtraque definitione animæ, in qua expressè docet se definire omnem animam, tam intellectuam quàm sensitiuam, & vegetatiuam,
- 48 ideo enim dixit in posteriori, *Animam esse principium, quo viuimus, sentimus, mouemur, & intelligimus*, sed in hac definitione priori, quam modo examinamus, asserit animam esse actum corporis; ergo euident est ipsum sentire, quod omnis anima, etiam intellectiua sit actus corporis. Probatur consequentia, quia ex eo probat animam esse actum corporis, quia est principium viuendi, sentiendi, mouendi, & intelligendi, sed in hoc antecedenti continetur omnis anima, etiam intellectiua; ergo etiam in consequenti, in quo dicitur, quod anima sit actus corporis. Vnde infero euident esse, quod in prædictis verbis eiusdem capitis, in quo assignauit priorem definitionem non negauerit, quod anima intellectiua sit actus corporis, nisi velis in eodem capite sibi esse apertè contrarium. Negandum igitur est, quod ex mente Aristotelis, non omnis anima sit actus corporis, nam illis verbis in arg. oppositis non negat hoc de anima intellectiua, sed de quadam potentia eius, quæ est intellectus, de quo verum est non esse potentiam organicam, sicut sensus, & ideo nullam partem corporis informare: hoc enim significauit Aristoteles, dum dixit intellectum nullius corporis esse actum, hoc est, nullius partis corporis. Cuius pulchram rationem reddidit, nam si esset actus alicuius partis corporis (inquit) separari non posset ab ea, vt constat de potentiis sensitiuis; inhaeret igitur intellectus in anima immediatè tanquam in proprio, & adæquato subiecto: & cum anima informet omnes, & singulas partes corporis, verum est, ac necessariũ in omnibus, & singulis partibus eiusdem corporis esse intellectum, quia repugnat non esse intellectum, vbicumque est anima: cum sit naturalis potètia eius: in nulla tamen parte est per immediatam inhaerentiam, sicut sunt potètiæ sensitiuæ in partibus determinatis, quæ appellantur organa earum.
- 50 Pro solutione secundi argum. adnotandum est actum primum & secundum in duobus differre (vt quæstione sequenti copiosius ostendetur) in priori quidem, quia actus primus habet modum formæ permanentis; cum tribuat esse subiecto per veram informationem: actus verò secundus, cum sit operatio quædam, habet potius modum statim transeuntis. Secundò differunt,



ferunt; quia actus primus est res quædam, secundus verò potius habet rationem modi, unde fit, ut actus primus naturaliter vel etiam supernaturaliter possit separari à subiecto, & sine illo consistere, & actu etiam separaretur, ut patet de anima rationali. Actus verò secundus non possit consistere separatus ab agente, § 1 & suo modo, nec à subiecto, & termino: nam respectu horum triù rationem modi habet, quamvis diuersam, egreditur enim ab agente, est fieri termini, aut effectus, & recipitur realiter in subiecto, eiusque ratione dicitur idem subiectum taliter se habere: modus verò nequit esse sine eo, cuius est modus. Et ex utraque differentia sequitur rationem actus primi posse conuenire formæ, etiam actu non informanti, habenti tamen intrinsecam aptitudinem, & inclinationem ad informandum, vel actuan- dum subiectum. Et ita sicut forma dicitur illa, quæ actu infor- mat, vel apta est informare materiam, sic actus primus est, qui actuat subiectum, vel potentiam, aut talis est naturæ, ut actuare possit. Sed actus secundus cum sit quasi actualis dependentia ali- enius effectus ab agente, & egressio ab illo, non potest ratio eius saluari, nisi actu ab eo egrediatur, & eo ipso, quod intelligitur non esse actualem egressionem ab eo, intelligitur non esse ope- rationem, nec in natura rerum consistere. Ex quibus ad formam argumenti, distinguenda est maior, quod ratio intrinseca cuiuscumque actus, tam primi, quam secundi posita sit in actua- tione, nam diuerso modo conuenit utrique actuationi, secundo quidem, ut exercita, primo verò tantum ut concepta, & qua ex- exerceri saltem possit: vel clarius; actui secundo conuenit ab in- § 2 trinseco exercitium actuationis: cum sit modus, primo verò conuenit tanquam formæ permanenti, & ideo actu exercenti officium informandi, vel potenti saltem exercere. Et dum dicitur verba in definitione aliquando non solam aptitudinem, sed actum importare, concedendum est. Quando verò important solum actum, vel etiam aptitudinem, ex natura definiti iudican- dum est; nam si hæc consistit in sola ratione actuali, ut patet in exemplo adducto de forti, actum dicunt definitionis verba: si verò natura definiti non in solo actu, sed in actu, vel aptitudine consistat, verba definitionis eius vnum, vel alterum importare censendum est. Et cum ita se habeat actus primus (ut ostendi- mus) dum in definitione animæ ponitur, non solam actualem coniunctionem cum potentia importat, sed hanc quidem, vel naturalem inclinationem ad illam, quam patet habere animam rationalem separatam à corpore; quare sicut in tali statu sepa- rationis non admittit rationem formæ, ita nec rationem forma- lem actus primi.

Q V Æ S

## QVÆSTIO IIII.

*An anima sit actus primus sola prioritate naturæ, vel etiam prioritate perfectionis.*

53 **P**REsupponit Titulus quæstionis distinctionem illam actus primi, & secundi positam ab Aristotele in hoc primo capite, text. 5. ubi actum primum dicit esse, ut scientiam, secundum verò, ut speculationem. Et ideo habitus habet se, ut actus primus, speculatio verò ab eo procedens est actus secundus. Asserit verò differre actum primum, & secundum, sicut differunt vigilia, & somnus, quasi dicat habitum (cum sit res permanens) perseverare in anima dormientis, etiam si eo tempore non operetur, operationem verò, vel speculationem solum habere in vigilia, & statim transire. Hoc supposito asserit in 2. par. definitionis ita se habere animam informantem corpus, sicut habitum, ipsumque actuare quasi modo habituali, ac permanente, & idcirco non solum in vigilia, dum operatur, sed etiam in somno dum ab operatione cessat: & præterea vocari actum primum, operationem verò ab ea procedentem solum haberi in vigilia, nec permanere, sed statim transire. Ita sentiunt omnes interpretes antiqui, & recentiores, quod etiam tanquam certum præsupponit titulus quæstionis.

54 **Q**UÆrit autem, an anima sit actus primus prioritate naturæ tantum, vel etiam prioritate perfectionis? Quod enim primus sit prioritate naturæ per se est manifestum; & hac etiam ratione probari potest, evidens est prius natura rem habere esse per formam substantialem; quam operetur, & eius virtute operari, & animata prius esse talia per animam, quam opera vitæ habeant, & virtute eiusdem animæ, tanquam primo principio vitæ vitales elicere operationes: ergo evidens etiam erit animam prius actuare corpus, quam operationem, & proinde animam esse actum primum prioritate naturæ. Solum ergo potest esse dubium, an sit etiam actus primus prioritate perfectionis, ex eo, quod actus primus perfectior sit actu secundo, vel non dicatur hoc modo actus primus anima, quia actus primus imperfectior est secundo; sed solum sit primus prioritate naturæ.

55 **E**t prima opinio est Caiet. quæst. 3. de anima, ubi dupliciter ait sumi posse actum primum, & secundum; materialiter quidem, aut in esse rei, hoc est, pro ipsismet entitatibus eorum, vel formaliter in ratione actus. Et sub priori consideratione nobiliorem esse actum primum: cum sæpe sit substantia, actus verò secundus cum sit operatio, semper accidens: sub consideratione verò posteriori semper esse perfectiorem actum secundum: & cum

cum constet Aristotelem in definitione non sumere actum primum materialiter, sed formaliter potius sub ratione actus, quia verba in definitione formaliter sumi debent, sequitur non intellexisse, quod anima sit actus primus prioritate perfectionis, sed naturæ tantum. Probat hoc argumento; actus qui nullam habet admixtam rationem potentiae, purior est, atque perfectior eo, qui aliquam rationem potentiae habet admixtam, sed actus secundus qui est operatio, nullam habet admixtam rationem potentiae, sed est ultima actualis rei, nam dum res iam operatur nihil ei potentiae, neque actus superest, sed actus primus, qui est forma, aliquam habet rationem potentiae admixtam, nam postquam res per formam substantialem est in actu primo, adhuc est in potentia ad operationem, tanquam ad actum secundum. Vnde sequitur, quod licet actus subiectum, imperfectè tamen, quia illud relinquit in potentia ad ulteriorem actum, perfectior igitur est actus secundus, quam primus: quod adeò verum esse ait, ut Arist. 1. Metaph. text. § 1. dixerit, quod si Deus non esset in actu secundo, hoc est, in actuali operatione, nihil nobilitatis haberet.

Secundò probari potest, quia finis nobilior est iis, quæ ordinantur ad ipsum, sed actus primus ordinatur ad secundum, tanquam ad finem, quia ut docet Arist. 2. lib. de cælo, textu 1 §. quælibet res producta est à natura, propter aliquam operationem propriam; ergò perfectior est primo. Et idem Arist. 1. lib. ethic. cap. 11. & lib. 10. cap. 6. docet beatitudinem hominis consistere in contemplatione altissimarum rerum, quæ operatio, & actus secundus est, ergò perfectior est actu primo. Probatur consequentia, quia beatitudo est summa felicitas hominis; ergo debet consistere in actu perfectissimo eius. Probatur tandem, quia vnus actus perfectior est alio, quo minùs dependet ab eo, nam maior dependentia maiorem denotat imperfectionem, sed actus secundus minùs dependet à primo vniuersaliter loquendo, quam primus à secundo, ergò perfectior est illo. Minorem probò in habitibus, & actibus, qui sunt actus primi, & secundi; nam primus actus, per quem producit habitus scientiæ, vel virtutis acquisitæ, habetur sine eodem habitu per virtutem solius potentiae; ergò non dependet ab habitu, qui actus primus est, & tamen habitus ipsi non habentur sine aliquo actu, imò nec vlla anima potest naturaliter esse sine vlla operatione; nam etiam in somno exercet aliquam operationem, & nutritionem habet semper.

Secunda opinio quorundam recentiorum duo asserit, & in vno à Caiet. recedit, in altero verò cum eo consentit, dicit enim primò, actum primum non solum materialiter, vel in esse rei,

sed etiam sub formali ratione actus simpliciter esse nobiliorem secundo, quod negat Caiet. deinde docet actum secundum quadam ratione, aut secundum quid nobiliorem esse primo, in quantum illum perficit, & quasi actuat, in quo cum Caiet. sentit. Sed probant hoc secundum, in quo est difficultas, hoc argum. actus ut actus est nobilior potentia, ut potentia: cum illa sit perfectibilis, & iste eam perficiat, sed actus primus ut actus primus est, se habet ad secundum, tanquam potentia ad actum; ergo nobilior est secundus. Probatur minor, quia actus primus perficitur per secundum, ut patet in re quacunque, cuius esse quod habet à forma, & actu primo, perficitur per operationem, quæ actus secundus est: ergo actus primus se habet ad secundum, tanquam perfectibilis ad perficientem, sed perfectibile, ut tale, se habet ut potentia, & perficiens ut actus, ergo actus primus se habet ad secundum, tanquam potentia ad actum.

Tertia opinio est aliorum, qui hoc modo distinguunt actum primum, nempe unus est, qui primo, & proximè ordinatur ad secundum, & huiusmodi sunt potentia, & habitus, & hunc dicunt minùs nobilem esse, quàm actum secundum, quia omnino est propter illum, tanquam propter finem; finis verò nobilior est iis, quæ sunt propter finem. Alter actus primus est, qui non ordinatur primò & proximè ad actum secundum, sed ad esse rei, consequenter verò ad actum secundum, qui est operatio, & tales sunt formæ substantiales, & præcipuè omnes animæ, quas docuit Aristot. in hac definitione esse actum primum prioritate, non solum naturæ, sed perfectionis. Hanc sententiam ex parte sequuntur Ricar. in 4. d. 49. art. 1. q. 4. Sorus ibidem art. 2. Medin. 1. 2. q. 3. art. 2. in quantum asserunt quemlibet habitum etiam supernaturalem imperfectiorem esse actu à se elicitò, & cum habitus computetur inter actus primos, & actus inter secundos: uniuersaliter sentiunt inter hos actus primos, & secundos, illos esse imperfectiores, & perfectiores istos. Quod probant vnico argumento de lumine gloriæ, & actu visionis beatificæ ab eo elicitò, nam talis visio summæ perfectionis est inter omnes, quos potest habere creatura: ergo longè nobilior est habitus luminis gloriæ, à quo elicitur. Probatur consequentia, quia lumen gloriæ non est vltimus actus, nec facit hominem beatum sine actu visionis.

Nostra sententia his assertionibus explicatur. Prima, *actus primus substantialis* (qualis est substantialis forma, & præsertim anima) non solum sub ratione materiali entitatina, ut asserit Caiet. sed etiam sub formali ratione actus perfectior est actu secundo, non solum simpliciter, ut asserit secunda sententia luminorum, sed etiam secundum quid, & sub quacunque consideratione.

Prior pars huius assertionis probatur contra Caietan. ex perfectione informandi animæ hoc modo ; Propria , ac formalis ratio actus est actuare, atque perficere : ergo ille actus erit perfectior sub ratione formali actus, qui perfectius actuatur, sed actus primus substantialis, qualis est anima, perfectius actuatur, quam operatio, quæ est actus secundus; ergo habet perfectiorem rationem formalem actus, & ideo erit actus perfectior, non solum perfectione entitativa, & quasi materiali (quod Caietan. asserit) sed perfectione formali actus (quod negat.) Probatur minor, quia actus primus substantialis actuatur substantialiter tribuens corpori esse specificum, & substantiale, non solum propter suam entitatem, sed etiam propter modum actuandi primarium, ac substantialem. operatio verò solum tribuit subiecto esse accidentale, non solum propter entitatem accidentalem, sed etiam propter modum actuandi secundarium, & accidentalem ordine naturæ præsupponentem substantialem actum, cum suo modo actuandi substantialiter; ergo etiam sub ratione formali actus, primus est perfectior secundo.

Posterior verò pars eiusdem assertionis, quod actus secundus, non sit perfectior primo, etiam secundum quid neque vltio alio modo; probatur. Actus secundus sub ratione formali actus secundi est accidentalis, & etiam si sit vltimus, est vltimus accidentalis, actus autem primus, qui est forma substantialis, est etiam substantialis actus; ergo sub ratione primi actus substantialis perfectior est actu secundo, sub quacunque ratione considerato. Probatur consequentia, quia quæcunque ratio actus accidentalis est inferioris ordinis, & perfectionis, quacunque ratione actus substantialis, sicut ratio accidentis est inferioris ordinis, & perfectionis respectu substantiæ, ut per se est manifestum. Itaque ratio actus primi ut talis, hoc est, ut determinata ad actum primum substantialem, perfectior est quocunque actu secundo sub quacunque ratione actus secundi, siue actus secundi, ut secundi, siue ut talis actus secundi, quia actus secundus sub quacunque ratione communi actus secundi, vel particulari, accidentalis est, & sub nulla ratione etiam particulari, potest esse substantialis: actus verò primus, ut talis actus primus est, substantialis esse potest, ut verè est actus primus substantialis anima sub ratione animæ, & sub ratione talis actus primi, & ideo Aristoteles egregiè docuit animam esse actum primum, non solum prioritatem naturæ, sed etiam prioritatem perfectionis, quia de actu primo substantiali loquitur: cum tanquam per se notum præmiserit animam esse substantiam, & ideo substantialem formam, & substantialem actum.

Assertio secunda, *Omnes actus primi, siue sint potentia natu-* 65

*Ruius de Anima.*

E

rales, vel supernaturales habitus, sunt etiam perfectiores actibus secundis ab eis eliciis. Hæc est contra Ricard. Sorum, & Medicinam, & Probatut efficaciter de potentiis; nam potentia naturalis sunt actus quidam substantia permanentes, & radicari in ea, à quibus tanquam à causis efficientibus æquiuocis producantur actus statim transeuntes, & producantur quidem ab eis secundum substantiam, vel entitatem, & non solum secundum modum, ut actus procedentes ab habitibus acquisitis, nec ipsi producantur ab eisdem actibus secundis ullo modo, ergo isti actus primi sunt nobiliores omnibus secundis, ab eis procedentibus; Probatut consequentia, quia causa æquiuoca nobilior esse debet proprio effectu, & permanentia perfectiora successiuis.

- 66 Sed responderi posset potentias non esse causas totales, & completas suorum actuum, sed simul cum obiectis concurrentibus per species intentionales tanquam parciales causas eos producere. Hoc autem solum in primis verum est in potentiis cognoscitiuis, non in aliis, quæ totales sunt causæ suorum actuum; Præterea in agnoscitiuis adhuc efficaciter probatur argum. quia licet verum sit solam potentiam non esse causam eorum, sed obiectum etiam concurrere, per speciem, nihilominus propter intrinsecam causalitatem, quam potentia habent tanquam virtutes substantiarum ad eisdem actus eliciendos eis concessæ à natura, propter modum quoque essendi permanentem, atque intrinsecum, proximèque radicatum in eadem substantia, perfectiores longè sunt suis actibus, qui quasi extrinsecum modum habent, & statim transeuntem, nec virtutem habent ullo modo producendi potentias.

Probatut deinde eadem assertio de habitibus supernaturalibus, de quibus communis sententia Theologorum tenet esse supernaturales secundum entitatem, vel substantiam: Et præterea in prima sui productione, non produci ab actibus; sed à solo Deo eos infundente, proprios verò actus efficienter producere, non solum quantum ad modum connaturalitatis, sed etiam quoad entitatem, vel substantiam eorum, nec solum ut instrumentales causæ, sed ut præcipuæ, ac proportionatæ, atque etiā sunt qualitates permanentes. Actus verò statim transeunt, ergo longè perfectiores sunt actibus secundis. Et si respondeas habitum non esse causam totalem actus, sed simul cum potentia, hoc nihil obstat, quominus perfectior sit habitus, quia licet simul cum potentia concurrat ad eliciendum actum, eam tamen eleuando ad esse supernaturale, & virtutem ei tribuendo, ut possit concurrere ad productionem actus: iste autem modus causandi euidens signum est maioris perfectionis, quam habet supra proprium actum.

- 67 Assertio tertia, *Habitus acquisitus imperfectior est suo actu, &*

*cum*

*cum habitus habeat rationem actus primi, perfectior est in his actus secundus primo: & quantum ad hos actus, & habitus assentior Ricardo, Scoto, & Medina.*

Ad probandum hanc conclusionem præsuppono, quod habitus acquisitus non est causa sui actus quantum ad entitatem, vel substantiam eius, sed solum quantum ad modum facilitatis, promptitudinis, ac delectationis, ut docet sæpe Aristoteles, & tener cum eo ferè vniuersa schola; quantum ad substantiam verò, à sola potètia producit actus, ut constat de primo actu, quem non producit vlla ratione habitus, sed sola potètia, quia non excedit virtutem eius, sed proportionatus illi est, ut constat de actu scientiæ. Et hoc supposito ita arguo; actus est causa habitus secundum entitatem, aut substantiam eius, quem illo medio producit potentia, & non producit actus iste secundum substantiam ab habitu, sed secundum solum modum; ergo entitas habitus inferioris ordinis est respectu entitatis actus: cum non possit eam attingere, & entitas actus ordinis superioris, cum eam ut causa æquiouoca causet: erit ergo in his actus secundus perfectior primo. Itaque ut benè fiat comparatio quorumcumque extremorum: vtrumque debet sumi tanquam denudatum omnino, atque distinctum ab altero, hoc est, ita ut nec illud includat, nec necessario præsupponat. Et huius ratio est manifesta; quia comparanda sunt extrema secundum proprias, ac præcisas rationes, ita ut neutrum sumat aliquid ab alio, aut ex necessaria præsuppositione eius: nam illud quod hoc modo 70  
desumpserit ab alio, non erit sibi proprium, & propterea etiam si ratione illius excedat aliud, ex quo illi prouenit: non dicetur illud excedere, sed potius dicetur vnum extremum adiuncto sibi altero excedere se ipsum. Ut ergo actum primum qui est forma substantialis, vel accidentalis, & actum secundum, qui est operatio, benè comparemus in ordine ad potentiam, ad quam constituendam, & perficiendam ordinantur, vtrumque debemus sumere, & neutrum, ut includens alterum, sed propria tantum eius, quæ habet ex propria ratione formali, considerata sunt, ut ita concipiatur, ac si nō præsupponeret alterum, vel illud includeret. Ut si comparemus animam vegetatiuam, quæ est actus primus corporis viuientis, cum nutritione, quæ est actus secundus eius, solum debemus considerare in eadem actione perfectionem operationis vitalis, aut viuientis corporis, nihil de ratione, aut perfectione actus primi, nempe animæ, ut actus primus est, concipientes, quamuis consideretur operatio vitalis, cum ordine ad animam, ut est principium vitale, atque efficiens eius. 71

Secundò notandum est, quod actus primus perficitur per se-

cundum accidentaliter, non quidem tanquam potentia passius, sed tanquam actiua, hoc est, tanquam principium actiuum radicale, vel formale eius, vnde nec perficitur per ipsum ratione intrinseca, sed extrinseca tantum, quia actio, vt actio non respicit subiectum, sed principium, à quo egreditur, & terminum, vel effectum, qui ea media præcedit, ac dependet ab eodem principio. Itaque actus secundus, vt talis solum comparatur per se cum primo, vt tali, tanquam cum principio actiuo, & extrinseco eius, & ideo solum potest perficere eum extrinseca ratione. Et cum principium actiuum, vt tale, perfectius sit omni actu ab eo procedenti, vt probauimus, quia sua virtute illum continet, atque efficienter producit, sequitur actum secundum, etiam vt illud quadam ratione extrinseca perficientem minus nobilem esse, præsertim cum actus ipse primus, vt est principium secundi ratione intrinseca eum perficiat, tribuens ei totum esse, quod habet, vt per se est manifestum.

- 73 Ex his facile responderetur ad argumentum Caietan. concessa maiori, quod actus ille sit perfectior, qui minorem habet admixtam potentiam, sed distinguendo maiorem, quod actus secundus nullam habeat admixtam rationem potentie: nam ratione sui præcisè hoc non habet, sed in quantum præsupponit actum primum, quem si non præsupponeret, non posset constituere rem in actu perfecto, nec excludere ab ea omnem carentiam, vel priuationem; sed cum maiori absque dubio eam relinquere. Itaque si actum secundum consideremus præcisè, ex his quæ habet, vt est operatio, non excludit à subiecto nisi carentiam actus, ac perfectionis accidentalis, & actus etiam primus excludit maiorem, nempe carentiam actus ac perfectionis substantialis, vel accidentalis permanentis, & operatione perfectioris, quod euidenter erit, si intelligamus per impossibile rem cum actu secundo, & sine primo, sic enim intellecta carebit actu ac perfectione substantiali, vel accidentali permanenti, quam habere potest: hanc ergo carentiam longè maiorem non tollit actus secundus, sed minorem, nempe actus, ac perfectionis
- 74 nis accidentalis, ac transeuntis; ergo euidenter est magis, & melius actuare primum ex se, quàm secundum ex se, quia maiorem carentiam melioris actus tollit à subiecto, licet melius actuet secundus præsupposito primo, quod ex præsuppositione primi præstat, cum ab eo accipiat suum esse, & totam nobilitatem, quam habet; non ergo ex se, vel ex propria ratione nudè considerata, quare solum potest argumen. concludere, quod actus secundus simul cum primo præsupposito nobilior sit accidentaliter, quàm primus ipse sine secundo, non tamen ex propria ratione nudè considerata.



Ad Aristotelem verò dicimus, in Deo non esse distinctionem realem actus primi, & secundi, sed vtrumque pertinere ad simplicissimam substantiam eius; unde eo ipso, quod non haberet actum secundum, nec habere illum posset; nam in his, quæ ex propria natura æterna sunt, vt docet idem Arist. 1. lib. de cælo, cap. vlt. idem est esse, & posse; si autem haberet primum, & non posset habere secundum, idem actus primus imperfectissimus absque dubio esset, sicut anima, si non posset esse principium alicuius operationis vitalis: & ideò benè loquutus est Aristoteles, dicens, si Deus non esset in actu secundo, sed solum in primo, paruam certè, vel nullam haberet nobilitatē, ex quo non sequitur nobiliorem esse actum secundum, ex propriis tantum consideratum, sed solum, quod simul cum primo, quem necessariò præsupponit, & à quo accipit nobilitatem, quam habet, in statu perfectissimo constituat rem.

Ad confirmationem concessa maiori, neganda est minor, 75 quod res sit propter operationem, tanquam propter præcipuū finem, sed cum operatio ipsa sit medium, per quod res consequitur suam perfectionem, finis in quem res per operationem ordinatur, est ipsamet per operationem perfecta, quare neque actus primus ordinatur ad secundum, tanquam ad finem, sed ad se ipsum perfectum per secundum. Ad aliud verò de contemplatione rerum altissimarum, vel clara visione Dei, in qua consistit summa felicitas hominis. Respondeo, operationem animæ non habere rationem beatitudinis ex maiori, vel minori perfectione actus secundi, sed ex eo præcisè, quod est affectio summi boni, & quia hæc ratio affectionis reperitur in operatione intellectus, & non in operatione voluntatis, docuit D. Thom. & cum eo maior Theologorum pars in clara visione Dei consistere beatitudinem nostram, potius quàm in amore, vel fruitione Dei. Et ad hunc sensum reducitur dictum Aristotelis de contemplatione rerum altissimarum: sed ex hoc non sequitur actum secundum esse perfectiorem primo, quia clara visio Dei comparata cum habitu supernaturali luminis gloriæ, à quo elicitur, minùs nobilis est, vt probauimus in secunda assertionē.

Circa vltimum argumentum, multa congerunt Caietan. & 77 alij, varias afferentes distinctiones de actu primo separabili, vel inseparabili à secundo, de quibus nihil curandum est, quia ad præsentem questionem nihil prorsus referunt: nam siue actus primus sit naturaliter separabilis ab omni actu secundo, vel solum ab aliquo, vel etiam à nullo: cum certum sit distingui ab omnibus, & singulis realiter, & essentialiter, & eos excellere omnibus titulis in 1. & 2. assertionē enumeratis, necesse est no-

biliores illis esse, & cum de hac sola maiori nobilitate procedat quaestio, nihil prorsus refert ad illam separatio realis, vel inseparabilitas ab eis. Ad formam verò argum. concessa maiori, distinguenda est minor, quod in habitibus plus dependeat habitus ab actu, quàm è conuerso: nam in supetnaturalibus, vel infusis falsa est, cum habitus isti non producantur effectiue ab actibus, sed à solo Deo immediatè infundantur, actus verò in virtute eorundem habituū contineantur, & ab eisdem tãquam ab efficientibus eliciantur. De solis ergo habitibus acquisitis vera esse potest, quos concessit tertia assertio nostra minus nobiles esse, quàm actus, & idè in his nobiliores esse actus secundos primis.

- 78 Ad argum. secundæ opinionis distinguenda est maior, quod actus, vt actus sit nobilior, quàm potentia, vt potentia: nam duplex est potentia, ad quam comparari potest actus, nempe actiua, & passiuæ; & de actiua falsa est, quia cum ad illam comparatur tanquam ad principium actiuum, à quo egreditur tãquam à causa æquiuoca, & in cuius virtute continetur, necesse est minùs nobilem illa esse, & propterea actus secundus, vt talis comparatus cum primo, vt talis, imperfectior est, quia comparatur ad illum, non tanquam ad potentiam passiuam, sed tanquam ad principium actiuum, à quo procedit, & à quo longè nobiliori modo perficitur ipse, quàm idem principium actiuum ab eo, vt ostendimus.

Argum. 3. opinionis parum momenti habet, ad formam tamen eius distinguendum est antecedens, quod clara visio Dei perfectissimus actus sit omnium, quos habere potest creaturæ: nam comparata ad omnes alios actus secundos, quos habere potest, verum est, comparata verò cum actibus primis, & præsertim cum eo, à quo procedit, qui est habitus supernaturalis luminis gloriæ, planè falsum, vt probauimus.

## QVÆSTIO V.

*Quidnam per corpus physicum, & organicum intelligat Aristot.*

- 79 Explicatis duabus primis partibus de finitionis, quibus dicitur, animam esse actum, & esse actum primum, sequuntur dux aliæ, nempe *corporis, physici, organici*: de quibus potest esse dubium, quidnam intelligat Aristoteles, per *corpus organicum*: Et circa sèsum huius particulæ duas sententias reperio, primâ asserentem, per *corpus organicum*, intelligere Aristotelem, materiam primam non nudam, sed vt connotantem distincta, atque conuenientia organa pro diuersis operationibus vitæ exercendis: ita

Ita

Ita etiam D. Tho. ad text. 4. huius lib. & in quaestione de spiritualibus creaturis, art. 3. ad 2. & Conymb. cap. 1. q. 1. art. 1. Connotare verò organa dicitur, quia licet ea actu habeat, non tamen pertinent ad naturā, vel entitatem eius, sed addunt supra illam qualitates, & alia accidentia, per quæ formantur, ac distinguuntur, & ideo non tam significantur organa, quam connotantur. Videtur hæc sententia expressa ab Aristotele textu 4. huius lib. ubi probans animam non esse corpus, sed actum corporis, sic ait: *Corpus non est eorum, quæ in subiecto sunt, sed magis sicut subiectum, & materia.* & textu 7. docet ex anima, & corpore fieri vnum per se. Ex utroque autem simul sumpto ita arguo; corpus cuius actus est anima habet se tanquam subiectum, & materia respectu illius; & ex utroque fit vnum per se, tanquam ex actu per se, & potentia per se, sed proprium subiectum animæ, propriæque potentia in qua recipitur, quam informat, & cum qua constituit vnum per se, est materia organizata; ergo hæc intelligitur ab Arist. in definitione nomine corporis organici.

Probatum deinde ratione. 1. quia actus importat ordinem intrinsecum ad propriam potentiam, quam aptus est informare; ergo per illam definiri debet, sicut etiam potentia ipsa per proprium actum, quem respicit: sed anima est actus informans, ut in definitione dicitur; ergo per se, & ab intrinseco respicit propriam potentiam, hæc est materia prima organizata, & nihil aliud; per hanc ergo definita est ab Aristotele, & hæc debet intelligi in definitione eius nomine corporis organici. 84

Secundò per corpus organicum non potest intelligi compositum ex materia, & anima; ergo sola materia organizata debet intelligi. Probatum antecedens, 1. quia corpus organicum ponitur in definitione tanquam primum subiectum animæ, cuius actus vel forma dicitur esse; sed compositum ex materia, & anima non potest esse subiectum animæ, quia subiectum formæ, ut tale non includit formam, sed condistinctum est ab ea, & forma ipsa extra rationem eius: alioqui non possent vnum aliquid componere realiter; cum componentia debeant se excludere; ergo nec potest per corpus organicum in definitione intelligi, 2. quia si nomine corporis organici intelligeretur corpus animatum, sequeretur non definiri animam per aliquid prius, & notius se, sed per posterius, & minus notum contra præceptum definiendi per priora, & notiora traditum ab Aristotele 3. lib. Top. ca. 3. & lib. 6. cap. 3. loco 21. Probatum consequentia, quia corpus animatum constituitur per animam, & effectus eius est; ergo posterior atque ignotior illa. 85

Prima opinio tenet per corpus organicum intelligere Aristotelem, non corpus incompletum, quod est materia organi-

86 zata, sed completum ex eadem materia orzanizata, & anima constitutum, ita vt sensus definitionis sit, Anima est actus primus substantialis corporis animati, potentia vitam habentis, & hæc sententia eadem est cum sententia Caiet. & Scoti nuper citati à nobis circa sensum particulæ præcedentis, videlicet, *corporis physici*, & asserente per corpus physicum intelligi ab Arist. compositum ex materia, & anima, vt tribuit ei esse corpus cum præcisè, ita enim asserit hæc secunda opinio, per corpus organicum intelligi non solum materiam organizatam, sed compositum ex ea simul, & anima, secundum rationem formalem animæ, nempe vt tribuit ei esse animati, aut viuentis & eisdem rationibus probatur vtraque, quam tenet expressè D. Thom. in q. de ani. art. 1. ad 15. & 1. par. quæst. 76. art. 4. ad 1. his verbis: *Dicendum, quod Aristoteles non dicit animam esse actum corporis tantum, sed actum corporis physici organici potentia vitam habentis, & quod talis potentia non abiicit animam, unde manifestum est quod in eo, cuius anima dicitur actus, etiam anima includitur, eo modo loquendi, quo color est actus calidi, & lumen est actus lucidi, non quod seorsum sit lucidum sine luce, sed quia lucidum est per lucem, & similiter dicitur, quod anima est actus corporis, quia per animam, & est corpus, & est organicum, & est potentia vitam habens.* Hæc eadem fuit sententia antiquorum interpretum Aristotelis in commentariis huius loci, Themistij, Simplicij, & Philoponi, quos sequitur Toletus super textum 4. & Caietan. quæst. 4. Probatum expressio testimonio Aristotelis, textu 10. huius lib. vbi explicans, quid intelligar in hac definitione animæ illis verbis, *corporis physici organici potentia vitam habentis*, sic ait: *Non est autem quod abiicit animum potentia existens, ut viuat, sed quod habet: semen autem, & fructus potentia huiusmodi corpus est.* Et colligitur etiam ex textu 8. vbi dixerat, animam esse, quod quid erat esse corporis, per quod definitur, sed certum est, quod anima non est, quod quid erat esse materiæ, nec materiæ organizatæ, quæ animam non includit, sed ab ea distinguitur, vt potentia ab actu: est autem eadem anima, quod quid erat esse corporis animati: cum tribuat illi esse specificum & definitionem; ergo id intelligit Aristoteles nomine corporis organici, & non solam materiam organizatam.

- 1 Sed probatur deinde ratione, quia essentialis ratio cuiuslibet formæ sumitur ab eius effectu formali, quem tribuit subiecto, vel tribuere potest, vt essentialis ratio albedinis est, esse constitutiua albi, & lucis esse constitutiua lucidi; ergo essentialis ratio animæ erit esse constitutiua corporis animati; per hunc igitur effectum formalem, quem tribuere apta est corpori animato, definiti debet, potius quam per materiam organizatam;

nani

nam licet media informatione tribuat eum, sed corpus ipsum animatum est ipsemet effectus formalis eius, sicut albedinis corpus album; melius ergo definienda fuit anima per corpus animatum tanquam per effectum formalem, quam per materiam organizatam.

In hac re tria mihi videntur dicenda. Primum, *benè posse utroque modo definiri animam, videlicet per materiam organizatam, & per corpus animatum.* Quod efficaciter probant argum. utriusque opinionis.

Secundum, *melius definiri per corpus animatum, quam per materiam organizatam.* Quod primò probo ex fine proximo, in quem constituta est à natura quælibet forma, & consequenter anima hoc modo. Perfectius definitur res per proprium, atque proximum finem, quam per medium, quocumque finem tandem consequitur, cum clariùs, atque distinctiùs constet essentialis ratio eius ex illo, quam ex hoc: sed finis proximus in quem constituta est à natura anima, est constitutio corporis animati potentis habere operationes vitæ, informatio verò materiæ organizatæ solum est medium ad eundem finem consequendum, eò enim tendit informatio materiæ, ut constituatur compositum: ergo exactiùs definitur per corpus animatum quam per materiam organizatam. Hoc etiam probat efficaciter ratio posterioris sententiæ de effectu formali.

Tertium quod assero est, *probabilius esse quod Aristoteles definiens animam per corpus animatum, nomine corporis organici intellectum, ut asserit secunda opinio, quam per materiam organizatam per idem corpus organicum intellectam, ut asserit secunda.* Quod efficaciter probant testimonia Aristotelis à nobis adducta, & rationes ex eis deductæ.

Ad utrumque testimonium Aristotelis pro opposita opinione adductum simul cum argum. ex eis elicitò concedenda est utraque pars antecedentis: sed neganda consequentia, quod materia organizata intelligatur ab Arist. in definitione, nomine corporis organici, quia corpus organicum, ut Aristoteles ipse se explicans asseruit, non dicit nudum subiectum animæ, sed anima ipsa vestitum informatum; sic ergo dicit materiam organizatam, ut non excludat, sed includat ipsammet animam, includens autem animam idem est, ac animatum, per quod tanquam per effectum formalem definiri debuit anima, potius quam per nudum subiectum, quod est materia organizata, quia non potest ratio formæ melius explicari, quam per proprium effectum formalem.

Ad primum argum. concedendum est primum antecedens 4 quod actus importet ordinem intrinsecum ad propriam po-

entiam, quam aptus est informare, sed addendum, non solum importare ordinem ad potentiam, sed etiam ad proprium effectum formalem, nempe ad compositum, quod cum ea constituere aptus est. Imò hunc ordinem præcipue importare, quia talem effectum respicit, ut proprium, ac proximum finem; potentiam verò, aut subiectum solum tanquam medium ad eundem finem consequendum, & cum materia organizata sit nudum subiectum animæ, & corpus animatum per eam constitutum proprius effectus formalis, proximusque finis, cuius gratia aptus est eandem materiam informare, per talem finem nomine corporis organici intellectum ab Aristotele, potius definiri debuit, quam per materiam organizatam.

Ad 2. argum. negandum est antecedens, quod per corpus organicum non possit intelligi compositum ex materia & anima. Et ad primam probationem eius, neganda est maior, quod corpus organicum ponatur in definitione tanquam subiectum animæ, sed ponitur potius tanquam quid constitutum formaliter per ipsam; & ideo tanquam corpus animatum, atque completum includens eandem animam, sicut album positum in definitione albedinis, nō significat subiectum eius, sed quid constitutum ex subiecto, & eadem albedine, quod effectus formalis est. Ad secundam probationem eiusdem antecedentis neganda est consequentia, quia licet animatum sit effectus formalis animæ, & ideo in genere causæ formalis posterius, & secundum naturam in eodem genere ignotius, nihilominus cum ex alia parte sit etiam finis proprius, ac proximus eiusdem animæ, cuius gratia facta est à natura in genere causæ finalis (potissimum inter causarum genera) prius natura est, quam eadem anima, & consequenter notius ipsa: quare benè potuit per illud definiri tanquam per natura prius, & notius. De mente etiam D. Thomæ dubitare non licet, cum tam expressa sint verba ultimi testimonij, & maioris auctoritatis, quam alia: quare eis standum est.

*Breue dubium circa ultimam particulam  
eiusdem definitionis.*

- 6 **V**ltima Particula huius definitionis est, *Potentia vitam habenti*, de cuius sensu dubitamus, quem ut explicemus distinctio illa vitæ in expositione textus à nobis insinuata repetenda est. Vita duobus modis sumitur ab Aristotele diuersis suæ doctrinæ locis, pro vita substantiali, quæ radix est potentialium, & actuum vitalium, & ideo quasi radicalis vita potest vocari, & hoc modo accipit ipse vitā lib. 2. de anima textu 36. dum ait, *Vitæ viventibus, est, esse*. Hoc est substantia ipsa, per quam

quam dicuntur esse per se. 2. modo sumitur pro operatione vitali, cuius eadem vita substantialis radicale principium est, & formale potentia vitalis proximè emanans ab eadem vita substantiali, vt nutritio, & augmentatio, & cùm operatio vitalis non sit substantia, sed accidens, vita accidentalis appellari potest. Qua acceptione vitæ vsus est Aristoteles textu 3. huius lib. his verbis : *Vitam autem dicimus, qua per ipsum fit, alitionem, augmentationem & diminutionem, &c.* Hoc supposito ad propositum dubium, Respondeo de sensu huius particulæ, 7  
*Potentia vitam habentis* : iuxta sensum præcedentis : videlicet, *Corporis organici*. iudicandum esse.

Vnde si corpus organicum accipiat pro composito ex materia, & anima, non potest sumi habens vitam in potentia pro vita substantiali. Probat euidenter, quia compositum includens animam, consequenter includit vitam substantialem, cuius formale principium est anima ipsa; ergo non potest verum esse de illo, quod habeat eandem vitam substantialem in potentia, sed eam habet actu; sumitur ergo pro habente vitam accidentalem in potentia, quæ est vitalis operatio procedens à vita substantiali tanquam à radice. Et in hoc sensu sine dubio sumitur ab Aristotele. Probat 1. ex particula *Corporis organici*, quam probauimus ex verbis eius sumi pro corpore animato; & ideo habente vitam substantialem actu, non in potentia, 2. quia idem Aristoteles in hoc eodem cap. 1. textu 3. tradens eam doctrinam, ex qua statim colligit hanc definitionem, expressis verbis à nobis nuper relatis docet se accipere vitam pro operatione vitali nutritionis, & augmentationis, ita ergo eam in definitione accipit, & ideo de hac, & non de vita substantiali intelligit ultimam particulam eiusdem definitionis, *Potentia vitam habentis*, iuxta aliam verò opinionem accipientem præcedentem particulam, *Corporis organici*, pro sola materia organizata non potest bene intelligi, *Potentia vitam habentis*, de vita pro operatione vitali. Intelligitur ergo de vita substantiali. ad quam materia organizata est in proxima potentia, sicut ad recipiendum animam, quæ formale principium eiusdem vitæ substantialis est, nam ad operationē vt talem, solum est in potentia remota. Tandem ultimā particula, *Potentia vitam habentis*. idem continet ac præcedens, nempe *Corporis organici*, sed aliquantulum magis explicatū, & ideo solum videtur posita maioris explicationis gratia. Integram igitur definitionem animæ hoc modo declarare possumus : *Anima est actus primus corporis physici, organici, potentia vitam habentis*. Genus huius definitionis est actus, communis quidem animæ cum cæteris formis specie diuersis, per quem censetur exclusa potentia, seu materia, vel corpus;

- corpus, cæteræ particulæ habent rationem differentia, & per primam excluduntur omnes actus secundi, per secundam, nemine, *Corporis*, excluduntur Angeli, qui licet actus sint, completi tamen, ac per se subsistentes, quare nullius corporis sunt forma, vel actus; per particulam *Physici*, excluduntur corporea mathematica prædicamenti *Quantitatis*, atque etiam artificialia. Et per particulam *Organici*, omnia corpora naturalia homogenea, ut elementa. Atque etiam omnes formæ substantiales eorum, quæ licet sint actus corporis physici, homogenei tamen, & non heterogenei habentis partes diuersæ rationis, quæ vocantur organica. Vltima verò particula *potentia visam habentis*, nihil excludit: cum solum maioris explicationis gratia addita sit.

## Q V Æ S T I O VI.

*An eadem definitio anima sit quidditatiua.*

- 11 **E**Xposita definitione priori, duo restant circa qualitatem eius inquirenda, videlicet, an essentialis, vel quidditatiua sit, aut accidentalis, seu descriptiua, postremum an sit vniuoca ad omnes animas, vel quasdam ratione vniuoca, alias verò per quandam tantum analogiam comprehendat, & primum agitur in hac quæstione, postremum in sequenti.

- Prima igitur opinio tenet, definitionem hanc non esse quidditatiuam, sed descriptiuam, vel accidentalem pro qua citantur Auicenna 6. lib. naturalium, Scotus in 2. dist. 1. 6. quæstio. unica, & alij, sed Scotus in eadem quæstione oppositum potius sentire videtur, ut statim dicemus. Videtur autem hanc sententiam tenere Caiet. quæst. 4. de anima, ubi distinguit duos modos sumendi *corpus organicum*, in definitione animæ positum; Primò accipi posse ait pro materia, quantitate, qualitatibus, aut temperamento affecta, taliq; situ habente, ex quibus tanquam materialibus resultat organicum. Secundò accipitur pro forma, à qua habet rationem organici, aut talis organici, & hæc forma est potentia vitalis in eo residens, ut forma oculi est potentia visiva. Et si modo priori accipiaturs definitio, tradita erit per corpus organicum tanquam per aliquid prius anima ipsa, quia dispositiones tempore præcedunt animam in materia, sicut quamcunque aliam formam substantialem. Si verò accipiaturs modo posteriori, definitur anima per quid posterius se, nempe per suas potentias, aut facultates, per quas diuersa organa corporis constituuntur formaliter, sed utroque modo descriptiua erit censenda definitio. Probaturs hæc sententia primò, quia anima secundum essentiam absoluta est: cum sit substantia, ergò quicunque ordo ad aliud est ei



est ei accidentalis, præsertim si per eum tendat in accidentia, definitur autem per ordinem ad corpus, & ad corpus organicum, quod tale est per accidentia, nam diuersa organa distinguuntur in corpore animato ratione quantitatis, temperamenti, figuræ, & aliarum qualitatuum: ergo non potest definiri quidditatiuè.

Secundò, definitio quidditatiua assignari debet per priora, & notiora definito secundum naturam, & non per notiora tantum quo ad nos, nam hæc semper sunt accidentia, vel proprietates, aut effectus, per quæ repugnat rem definiri essentialiter: sed hæc definitio animæ quomodocunque accipiat, non traditur per priora, & notiora naturæ, sed solum per priora, & notiora nobis: ergo essentialis esse nõ potest. Probat, minor, quia quomodocunque accipiat corpus organicum, est posterius naturæ animæ ipsæ, ergo non potest per illud definiri essentialiter, euidens est consequentia, & probatur antecedens: nam si corpus sumatur pro sola materia, posterior natura est animæ, cum forma sit prior materia, sicut actus prior potentia in eodem genere. Si verò accipiat corpus organicum pro materia disposita, vel organizata, accidentia includit: quod sufficit, vt sit natura posterius, & minus notum, quàm anima. Et si tandem excogitet accipi pro materia organizata organizatione substantiali, vel pro composito ex eadem materia, & anima prout tribuente illi esse organicum substantiale, vel esse animatum, non minus sequitur per quid posterius definiri, & extra essentiam eius, quia tale esse organicum, vel animatum est effectus formalis animæ, sed effectus formalis est posterior, & extra essentiam eius, ergo non potest per eum quidditatiuè definiri.

Secunda opinio affirmat eandem definitionem essentialem esse, quam insinuat D. Thom. 1. parte, quæst. 5. art. 1. vbi disputans de natura, & essentia animæ docet, non esse corpus, sed actum corporis, sed per hanc definitionem dicitur esse actum primum corporis: ergo sentit essentialem esse. Idem etiam insinuat Scotus vbi supra, concedens animam secundum suam essentiam esse actum corporis, quod explicat per hoc, quod sit principium formale vitæ, quare sentit per actum corporis organici habentis vitam in potentia essentialiter definiri. Ita Buridanus 3. lib. de anima, quæst. 2. & omnes, qui asserunt definitionem hanc à posteriori demonstrari per sequentem, quos citabimus quæst. sequenti, & est iam ferè communis inter recentiores, longèque probabilior, & magis consona verbis, & sensui Aristotelis. Probat, hoc secundum ex primo capite huius libri, cuius intentum in principio proponens ait, duo esse in eo determinanda, nempe, quid sit anima, & quæ sit communissima ratio

ratio eius. Post assignatam vero definitionem asserit utrumque esse in ea explicatum, quod nec verum esset, nec propriè dictum, si descriptio tantum esset, & non quidditatiua definitio, quia per descriptionem non explicatur, quidnam res sit, sed solum traditur medium quoddam extrinsecum, per quod quidditas eius aliquo modo possit à posteriori cognosci, sentit ergo

- 19 Aristoteles quidditatiuam animæ definitionem se tradidisse. Et cap. 2. hanc eandem definitionem referens, posterioremque assignare volens ita ait, *Non enim solum ipsum quod sit, oportet definitionem rationem ostendere, sicut plures definitionem dicunt, sed & causam inesse, & apparere*, quibus verbis apertè docet per hanc definitionem se explicuisse, quid sit anima, per posteriorem vero causam nobis notioem eiusdem quidditatis animæ se tradere velle, per quam nobis appareat, hoc est, melius cognoscatur.
- 20 Probatur deinde rationes primo, quia definitio quidditatiua est, quæ continet proprium genus, & propriam differentiam definiti, sed hæc definitio continet proprium genus, & differentiam animæ: ergo est quidditatiua. Probatur inior, quia anima est forma physica, sed propria ratio formæ est esse actum materiæ, sicut propria ratio materiæ est esse potentiam receptiuam formæ: ergo ratio actus intrinseca est animæ, & cuiusque alteri formæ substantiali, & est communis quibuscunque formis: ergo est ratio generica comparatione earum. Per cæteras vero particulas explicatur habitudo, seu proportio animæ ad determinatum corpus: cui tribuit esse specificum, ei quoque essentialis, & per quam distinguitur à cæteris formis: ergo continent veram differentiam eius.
- 21 Secundo, habitudo, seu proportio alicuius rei cum suo fine proprio, cuius gratia producta est, intrinseca est ei, atque essentialis, ut ostendit capacitas hominis ad beatitudinem: ergo essentialiter definitur per illam, sed finis cuius gratia producta est anima, est constitutio corporis animati simul cum materia: ergo definitio absque dubio essentialis est. Probatur tandem, quia essentialis ratio partium sumitur ex habitudine, quam habent ad totum (cuius ex propria natura sunt constitutivæ) atque etiam inter se se, & ideo Aristoteles 1. libro. physicorum definiuit materiam per ordinem ad compositum physicum: quod apta est constituere dicens. *Materia est primum subiectum ex quo fit aliquid, cum insit*, &c. sed anima ex propria natura, & essentia est pars constitutiva corporis animati simul cum materia, & definitur per proportionem ad idem corpus animatum, & ad materiam, ergo essentialiter definitur.

- 23 Ut autem nostra sententia melius intelligatur, & argum. in contrarium

contrarium commodius solui possint; adnotandum est, quod esse actum primum corporis, vel ipsum informare dupliciter sumi potest, aut pro actuali exercitio informandi, vel actuandi, aut pro aptitudine ad exercendum illud. Et si 1. modo accipiat, non potest esse essentialis animæ, sed accidentale, non quidem in eo sensu, ut intelligatur actuationem ipsam esse accidentalem, sicut est actuatione accidentalis formæ, quia dum anima actuatur corpus, substantiali modo id præstat, & actuatione eius substantialis est: sed eam præstare dicimus accidere animæ, quia sine actuatione potest saluari essentia eius, quemadmodum saluatur essentia accidentis sine actuali informatione, vel inhæssione in subiecto. Sicut ergo verum est ad essentiam accidentis non pertinere actualem informationem, vel inhæssionem in subiecto, sed aptitudinalem: actualem verò extra essentiam eius esse, ita prorsus intelligendum est ad essentiam animæ non pertinere actualem informationem, sed aptitudinalem, quæ aptitudo non minus ei cõueniet, si à corpore separaretur, quam cum informat ipsum, & de hac aptitudine informandi, & actuandi corpus intelligimus definitionem, dum affirmamus esse quidditativam non de informatione, vel actuatione. Unde sequitur, quod quemadmodum est essentialis accidenti respectus transcendentalis ad subiectum, quod informare aptum est, ita est essentialis animæ transcendentalis respectus; aut secundum dici ad corpus, quod informare apta est, nec solum in sua essentia importat hunc respectum essentialem ad corpus in communi, sicut reliquæ formæ substantiales, sed ad speciale corpus, nempe organicum; quare sicut accidens non potest definiri, nisi per subiectum, quia respectus ille non potest, nisi per subiectum explicari, ita anima non potuit definiri, nisi per corpus, & organicum corpus, quia essentialis respectus, quem importat ad illud, explicari non potest, nisi eo posito in definitione eius. 24

Adnotandum est secundo, quid nomine organi intelligatur, ut ex hoc declarari possit, quid intelligat Aristoteles per corpus organicum. Organum idem ferè significat, quod instrumentum, & accommodatum ad corpus animatum, idem ferè significabunt organa eius, ac instrumenta ad exercenda opera vitæ, ut oculus erit quasi instrumentum ad videndum. Includeit verò organum duo, vnum tanquam dispositionem, aliud tanquam formam, pro dispositione quidem includeit certam quantitatem, aut magnitudinem, certum temperamentum primarum qualitatum, certam densitatem aut raritatem, certamque figuram, & hæc omnia accidentia certa vocamus, quia iuxta naturam potentie vitalis, ac vitalis operationis ab eadem 25

- dem potentia vitali elicicdā determinatur magnitudo organi, temperamentum eius, densitas, atque figura, nam in quocunque genere rerum tale debet esse instrumentum, qualis est operatio, ad quam efficiendam ordinatur. Exemplum sumere possumus in corde, & cerebro, nam illud postulat temperamentum calidum in certa intensione; hoc verò frigidum determinatæ etiam intensiōis, cor postulat talem figuram, cerebrum verò diuersam, cor tantam magnitudinem, & non maiorem, cerebrum verò diuersam, sicque de cæteris. Secundum quòd includit organum, est forma, & hæc est potentia vitalis, cuius proprius actus est vitalis operatio per idem organum tanquam per instrumentum exercenda, vt forma oculi est potentia visiva, vnde eo ipso quod potentia deficit, non permanet organum, nisi æquiuocè, quemadmodum deficiente, vel separata anima non permanet idem corpus organicum nisi æquiuocè, vt cadauer, vel corpus organicum depictum. Vnde si organum vt corpori animato accommodatum definire volumus, dicemus: *Organum, est pars animati corporis circa magnitudinem, temperamentum, densitatem, atque figuram potentia vitali informata, ordinataque ad exercendam operationem vitalem iuxta exigentiam eiusdem potentia, & corpus organicum erit, quod partibus huius conditionis constat, Aristoteles ergo in hoc libro 2. textu 6. corpus ipsum organicum appellauit instrumentale, sicut organa ipsa appellauit instrumenta, siue instrumentales partes, & organizationem hanc vocat accidentalem; quia præter substantiam earundem partium corporis in qua organicæ conueniunt cum homogeneis, addit accidentia. Hæc verò organizatio accidentalis magis, vel minùs perfecta est secundum maiorem, vel minorem perfectionem animæ, atque etiam organa ipsa perfectiora, atque plura. Præter eam verò plures ( præsertim Iuniores ) ponunt aliam substantialem, seu radicalem, quam dicunt formalem animæ: & quam dari colligunt à posteriori ex eadem organizatione accidentali explicata, hoc modo. Anima postulat diuersas partes corporis diuersis accidentalibus dispositionibus, ac potentijs vitalibus informatas; ergò diuerso modo substantiali, indiuiduali vnitur his partibus materiæ, ac alijs, ita vt si diuisibilis sit eadem anima; partes habeat diuersas secundum maiorem, vel minorem perfectionem substantialem indiuidualem, quarum ratione postulat diuersas dispositiones, & accidentia in eis, diuersasque potentias vitales producit, quas non*
- 26
- 27
- 28
- 29
- modos

modos vnionis diuersū esse substantiale partiale, ac indiuiduale tribuit eisdē partibus: quod constat non habere formas substantiales inferiores, quæ easdē postulant dispositiones in omnibus partibus corporis, quia omnes partes earum sunt eiussdē rationis. Vnde inferunt, quod etiam si per potentiam Dei absolutam auferantur à corpore animato accidentia omnia, adhuc permanebit organicum organizatione substantiali, quamuis non organizatione accidentali; vtramque autem organizationem includit corpus organicum in definitione animæ positum. Sed de hac substantiali, quia nō est certa, sed in opinione posita (quamuis semper à me approbata) copiosius dicetur inferiùs, vbi de differentia partium corporis organici ex professo disputabitur.

His prænotatis non erit iam difficile argumenta opposita soluere, & ad primum distinguendum est antecedens, quod anima sit ens absolutum: cum sit substantia, nam absolutum ens est, prout distinguitur contra relatiuum prædicamentale, cuius totum esse est referri ad aliud, sed non est absolutum: prout distinguitur à relatiuo transcendentali, vel secundum dici, cuius quidem præcipuum esse absolutum est, & ad se, & ideò ens absolutum simpliciter vocatur, importat tamen respectum quendam intrinsecum, per quem ratio eius essentialis absoluta completur: & respectus iste eiussdem conditionis, & speciei est cum absoluto, quod complectitur, ita vt si illud substantia sit, substantialis etiam censeatur respectus, si qualitas eodem modo, & ad idem genus, atque speciem pertineat, vt patet de materia respectum intrinsecum importante ad formam, & substantialem quidem, sicut materia ipsa substantia est, ad speciemque substantialis potentie referendum, & talis est anima, cuius entitas absoluta quidem est, & ideò res absoluta simpliciter vocatur, sed incompleta, & partialis, aptaque coniungi cum materia ad constituendum compositum animatum, & ex hoc importat intrinsecum respectum, ac substantialem ad vtrumque, per quem completur essentia eius, & propter talem respectum appellatur relatiuum secundum quid, hoc est transcendentali, vel secundum dici, non tamen simpliciter, vel prædicamentale. Quia relatiuum prædicamentale, nihil habet absolutum, sed totum suum esse, est ad aliud referri. Negandum igitur est ad formam argumenti, quod talis respectus ad corpus organicum, per quod definitur anima, sit ei accidentalis, sed intrinsecus, & essentialis est, quamuis anima sit entitas simpliciter absoluta, quia incompleta est, & per talem respectum substantialem completur. Quod autem additur talem respectum in quantum est ad corpus organicum

- necessariò esse accidentalem: cum organizatio fiat per accidentia, forma cuiuscunque organi sit potentia vitalis, de qua certum est esse accidens. Sic soluendum est, ut intelligamus duobus modis comparari animam ad organa corporis, formaliter, aut virtualiter, seu radicaliter, & de comparatione formalis, vel actuali non potest esse dubium, quin sit per accidentalem respectum, comparatio verò virtualis, aut radicalis, non est respectus ipse, sed fundamentum eius, quod nō est aliud, quàm animam esse talis naturæ, ut postulet in corpore talem varietatem dispositionum, & organorum, quæ quidem accidentia, ac dispositiones ab illa emanant tanquam à prima radice. Quare talis comparatio licet sit ad accidentia, non est accidentalis, nec respectum accidentalem dicit, sed quid substantiale, aptumque fundamentum accidentalis respectus.
- 34 Ad secundum, distinguenda est maior, quod semper res sit definienda per priora, & notiora natura; nam duobus modis contingit vnum definiri per alterum, vel tanquam per aliquid sibi essenziale, & tunc verum est, prius, & notius esse debere illud, per quod definitio quidditatiua assignatur, quia partes essentielles definiri notiores eo sunt semper in ordine ad notitiam distinctam eius. Sed alio modo contingit vnum definiri per alterum, non tanquam sibi essenziale, sed tanquam extrinsecum quoddam additamentum, sine quo non potest explicari essentialis habitudo, quam habet ad illud, per quam habitudinem tanquam per quid notius, ac prius in ordine ad cognitionem distinctam potest explicari definitio quidditatiua, & hoc modo potest definiri anima per materiam, vel corpus, quæ licet non pertineant ad essentiam animæ, & sint posteriora, & minus nota secundum naturam: proportio tamen ad illa essentialis est, & quia non potest eadem proportio explicari, nisi
- 35 per illa, propterea ponuntur in definitione eius tanquam additamenta extrinseca, non tanquā priora, & notiora. Si verò per corpus organicum intelligatur compositum ex materia, & anima constitutum, quod vocamus animatum, aut viuens, concessa maiori, neganda est minor argum. quod non definiatur anima per prius, & notius secundum naturam: quia animatum finis est, ad cuius constitutionem ordinata est à natura anima, finis verò prior natura, & notior est iis, quæ eius gratia sunt tanquam potissima causa naturalis, quare bene potuit quidditatiua definitio animæ per illum assignari.

\*\*\*

Q V Æ

QVÆSTIO VII.

*An hæc definitio animæ sit vniuoca ad omnes animas.*

**T**Riplex tantum genus, vel species animæ posuit Aristoteles vegetatiuam, sensitiuam, & rationalem. Et de rationali diuerso modo loquuti sunt antiquiores philosophi: ut autem variæ eorum sententiæ intelligantur, distinguenda in primis est duplex forma, atque etiam duplex anima, vnam vocant informantem, & alteram solum assistentem, forma, vel anima informans vocatur illa, quæ vnitur materiæ, vel corpori vera ac reali vnione, qua media tribuit ei proprium effectum formalem, & constituit cum eo compositum per se, & substantialiter vnum, quod notum est habere animam sensitiuam, aut vegetatiuam, atque etiam omnes formas substantiales inferiores. Forma vero, seu anima assistens est substantia quædam mouens aliquod corpus, absque informatione, sed per solam applicationem suæ virtutis ad ipsum, & talis est quilibet Angelus, aut intelligentia destinata à Deo ad mouendum corpus aliquod cœleste determinatum. Et propterea vocantur animæ assistentes, quia assistunt corporibus ad motum. Quæ distinctione præsupposita, certum est apud omnes, quod hæc definitio animæ sit vniuoca ad vegetatiuam, & sensitiuam, quia vtraque existimatur ab omnibus vera forma informans corpus, & cum eodem modo ad illud se habeant, necesse est vniuocam esse vtrique rationem formæ, vel actus corporis. Propter solam igitur animæ rationalem diuisi sunt authores; Quidam eorum existimantes non informare corpus, sed solum ei assistere ad motum, ut nauta naui, & propterea non posse vniuocam rationem habere cum cæteris animabus, quæ per hanc definitionem potuerit explicari, sed quadam ratione analogica ei conuenire per attributionem, vel similitudinem ad animas sensitiuas, ac vegetatiuas. Et hæc est prima sententia negans hanc definitionem esse vniuocam ad omnes animas, quia rationalis non est forma informans corpus, sed solum vocatur anima, vel forma ei assistens ad motum, quia vnitur ei ad varios motus, quare non conuenit illi, quod sit actus proprius eius, nisi per similitudinem ad cæteras animas informantes. Ita Simplicius ad text. 7. huius lib. & Philop. ad text. 11. Alexand. in principio libri de sensu, & Sensi. & Iandunus, q. 3. huius libri existimantes quodlibet corpus habere suam animam sibi assistentem distinctam ab anima alterius.

Pro hac sententia citat Toletus, D. Gregor. Nissænum 1. lib.

de anima, cap. 5. libros tamen de anima non edidit, sed disputationem quandam de resurrectione, & anima quam ego legi, nec verbum in ea reperi, quod clarè doceat animam intellectiuam non informare corpus, sed ei solùm assistere, quin potius paulò ante medium illius docet expressè animam intellectiuam esse partem huius humanitatis, quod non potest esse verum, nisi eam constituat cum corpore tanquam vera forma eius. Quare dubitandum non est, quin veram formam informantem esse censuerit. Ad prædictam verò sententiam breuitatis causa referendæ sunt aliæ, quæ licet in quibusdam ab ea differant, in hoc tamen conueniunt, quod negant animam rationalem esse formam corporis, sed ei vniri sentiunt ad motum tantùm. Et in primis sententia Platonis in Alcibiade, & in Phædone, quibus locis ita tenet. Vt etiam D. Thom. retulit 2. lib. contra gent. cap. 57. deinde sententia Themistij in suo lib. 2. de anima, cap. 27. vsque ad 32. vbi docet hominem non esse compositum substantiale ex corpore, & anima rationali, sed substantialiter consistere in sola anima, quæ vocatur intellectus, hanc verò vniri corpori tanquam motorem mobili, & vnam numero esse in omnibus hominibus mouens omnium corpora, quia suam virtutem motiuam applicat ad omnia. Auerroës verò 3. lib. de anima, comment. 5. præter animam vegetatiuam, & sensitiuam videtur ponere in homine altiorẽ aliam intra gradum sentiendi, quam cogitatiuam vocat, & de potentia materiæ educi affirmat, corrumpi que in morte hominis; præter has verò tres animas ponit intellectiuam, non informantem, sed solùm assistentem, & vnam numero in omnibus hominibus ante generationem singulorum factam, & post mortem eorum permanentem, sed per eam non distingui hominem specie à brutis, sed solùm per animam cogitatiuam, per quam singularia tantùm cognoscit, vniri verò concedit intellectiuam animam (quam vocat intellectum) singulis corporibus, non per informationem, sed ad intelligendum per phantasmata, in quantum ipsemet intellectus vtitur phantasmatibus existentibus in phantasiis singulorum corporum, tanquam instrumentis ad producend. species intelligibiles, & in se recipiendas, per quas intelligit, & quia phantasmata concurrunt hoc modo ad intellectionem, quam ipse elicit, & eadem phantasmata sunt in corporibus, & ab eis producuntur, idèo attribuitur homini ex corpore, & anima cogitativa composito intellectio, & in communi modo loquendi dicitur intelligere. Iuxta hanc igitur sententiam horum omnium philosophorum, si definitio Aristotelis comprehendit omnes animas, non potest esse vniuoca, sed analogica, quia communis



nis ratio animæ respectu informantium, & assistentium analogica est.

Vniuersale fundamentum horum omnium philosophorum quadruplex fuit. Primum quia materia, & forma, ex quibus fit compositum, debent pertinere ad idem genus, vel ad eundem modum essendi, imò ad eandem speciem: quia compositum vnius tantum speciei debet esse, ad quam necesse est pertinere partes eius, sed materia pertinet ad genus substantiæ corporeæ, intellectus verò, aut intellectiua anima ad genus substantiæ spiritualis, ergo repugnat hanc esse formam illius, & com-  
43  
here cum eo eandem rem vnius eiusdemque speciei.

Secundum procedit ex perfectione animæ rationalis in tribus consistente, quæ pugnare videntur cum imperfectione formæ. Primum est, quod non sit educta ex potentia materiæ, nec ab ea dependeat in suo esse, sed per creationem ex nihilo facta à solo Deo: forma autem corporis, cum sit actus eius, ut potentiæ, in qua recipitur, & quam informat, ex eo educi debet, ab eoque dependere; ergo pugnat ratio formæ cum perfectione animæ rationalis.

Tertium est animam esse spiritualement, & incorpoream, & ideo immaterialem; ergo non potest informare materiam, quia potentia, & actus debent proportionari; sed potentia materiæ est materialis, & corporea: ergo non potest informari ab anima spirituali, alioqui constitueret hominem spirituale compositum.

Vltimum procedit ex perfectione essendi, & operandi; nam anima rationalis est per se subsistens, cum sit per se creata, & creatio sit rei subsistentis; ergo repugnat ei ratio formæ. Pro-  
44  
batur consequentia, quia informatio fit per inhærentiam: pugnat verò inhærentia cum substantia per se de operatione verò intellectiua eius: docet Aristoteles text. 11. huius libri quod nullius corporis actus sit; ergo neque anima ipsa erit actus corporis, vel forma eius.

Secunda sententia non omninò excludit animam intellectiuam à ratione formæ, sed realiter informare concedit, formaliter verò denegare ei videtur rationem formæ. Vnam enim animam tantum ponens in homine, concedit ut vegetatiuam, sensitiuam informare quidem corpus, & animam tamen ut rationalem, sed quia eadē entitas realis, & indiuisibilis est, ideo eo ipso quod secundum duos inferiores gradus informat, censetur anima intellectiua realiter informare, non enim potest secundum illos informare, quin tota ipsa eius entitas sit in corpore illud informans, nihilominus si ratione vltimi gradus præcisè consideretur, negat esse formam, & consequenter ne-  
45

gat, quod sit forma in quantum intellectiua. Ita sentiunt Ferraz. lib. contra gentes, cap. 58. non longè à fine §. *ad primum horum dicitur, quod ratio illa procedit*, Caietan. prima parte, questione 76. artic. 1. circa solutionem primi argum. & iuxta hanc sententiam videtur etiam definitionem animæ non esse vniuocam ad omnes animas formaliter sumptas, quia intellectiua, ut intellectiua non erit actus primus corporis, nisi forte secundum solam assistentiam, quod est eandem animam præcisè ut intellectiuam, aut rationalem esse formam secundum rationem analogam. Et probari potest, quia intellectus non alligatur corpori, nec alicui eius parti, imò neque operatio eius per corpus exercetur, vel in corpore recipitur, quare forma corporis non est, ergo nec anima intellectiua, ut intellectiua, cuius est potentia ab ea sub tali gradu accepta emanans, erit forma: deinde anima rationalis, ut intellectiua non est principium alicuius operationis corporis, ergo ut intellectiua non est actus primus, vel forma eius: antecedens probò, quia intellectio est operatio solius animæ, & non corporis, cum nec verum sit corpus, aut aliquam eius partem intelligere per se immediatè, sed ad summum per accidens, & remotè, quia intelligit anima, ergo anima non est principium alicuius operationis in corpore.

Secundò si anima non solùm est forma corporis quia sensitua est, sed etiam formaliter ut intellectiua, euidenter sequitur, quod etiam si non esset sensitua, sed intellectiua tantum, esset forma corporis: probatur consequentia, quia si esse formam habet ex gradu intellectiuo, quamuis eum solum haberet, per eam informaret corpus, sicut quia anima vegetatiua ut talis est forma, informât ut corpus in plantis per solum gradum vegetandi, quem habet in eis, sed si anima intellectiua nõ esset sensitua, non posset esse forma; ergo non habet esse formam, ut intellectiuam, sed solùm quia sensitua est. Probat minor, quia si non esset sensitua, non esset anima: ergo non esset forma quia non potest esse forma inferior animæ, sed Probat antecedens, cuius si non esset sensitua, non esset actus corporis organici, nam sublaris sensibus aufertur organa, sed si non esset sensitua, non postularer organa sensuum, imò nec habere posset, quia hæc organa constituentur per potentias sensitivas tanquam per formas: ergo non esset forma corporis.

Vera sententia tribus assertionibus explicanda est, & sit Prima. *Hæc definitio animæ non conuenit ullo modo animabus, vel formis assistentibus: hoc est, neque ratione vniuoca, neque analogica, sed solùm conuenit animabus, vel formis informantibus: ideo si anima*  
rationa

rationalis solum est forma corporis assistens, & non informans (vt asserit prima sententia) non conuenit ei vlllo modo definitio. Probatur primò, ex duobus, quæ docuit expressè Aristoteles statim post assignatam definitionem animæ; primum est, non esse querendum cur ex anima, & corpore fiat vnum per se, quia sunt actus per se, & potentia per se, & ideò per se vniuntur, & per se efficiuntur vnum, sed hoc non potest conuenire formæ assistenti: ergo nec definitio. Probatur minor, quia forma assistens solum vnitur accidentaliter corpori per potentiam motiuam, & in ordine ad motum localem: quod est solum ei vniri accidentaliter, non ergò per se, sicut vnitur anima, quam definit Aristoteles.

Secundum quod asserit est, animam à se definitam sic se habere ad corpus, quod constituit, vt sit quod quid erat esse eius, hoc est, pertinens ad eius essentiam, & constituens ipsum in tali specie, sed forma assistens non potest sic se habere ad corpus, quod mouet, quia cum non informet ipsum, non potest ei tribuere aliquem effectum formalem intrinsecum, pertinentem ad quidditatem, & essentiam eius, nec proinde potest ei tribuere speciem: cum solum se habeat modo quodam extrinseco ad illud, sicut nauta ad nauim; ergò non conuenit ei definitio. Probatur deinde ratione, ex definitione ipsa asserente, animam esse, *Actum corporis phisici, & organici*, anima assistens non necessariò postulat corpus organicum, ergò non conuenit ei definitio: Probatur antecedens, in intelligentiis mouentibus orbes (quas vocant assistentes formas) nec enim corpora cœlestia organis prædita sunt, & quamuis essent, non minùs moueri possent ab eisdem intelligentiis, quàm si nulla haberent.

Secunda assertio; *Anima rationalis est vera forma informans corpus*. Hæc in primis veritas, est iam fidei cath. post definitionem Ecclesiæ, in Clement. prima de summa Trinitate, & fide catholica edita in Consilio Vientiensi à Clemente V. vbi sic dicitur, *Quisquis deinceps asserere, defendere, seu tenere pertinaciter præsumpserit, quod anima rationalis, seu intellectiua non sit forma corporis humani per se, & essentialiter, tanquam hæreticū censendus sit*. Quam definitionem repetit, & approbat Concilium Lateranense 3. sessione 8. propterea opposita sententia illorum philosophorum asserentium solum esse assistentem, & non informantem error est in fide. Probatur deinde expressis testimoniis Aristotelis, quæ penè innumera sunt, in quibus docet animam intellectiuam esse formam informantem corpus, ex quibus tria tantum selegi. Et primum habetur 1. libro de anima textu 90. vbi citant sententiam Platonis ponentis triplicem animam in eodem homine iuxta triplicem operationem vitalem, ita vt per vnā

animam vegetetur, per alteram sentiat, & per alteram intelligat: & hanc sententiā reiicit tanquam falsam, affirmans omnes has operationes prouenire in eodem homine ab eadem anima; quod patet esse impossibile, nisi anima intellectiua sit vera forma. Probatur planè, quia euidenter est nutritione, & sensationem prouenire ab anima informante; eum sint operationes vitales, quæ non possunt prouenire, nisi à principio intrinseco rei, sed ab eadem anima prouenit intelligere, quod est operatio vitalis, ergo anima intellectiua à qua prouenit, est forma informans.

- 54 Secundum testimonium sumitur ex 1. lib. ethic. cap. 7. non longè à principio, vbi querens Aristoteles in quo consistat summa felicitas, aut beatitudo hominis: Respondeo in aliqua operatione eius esse ponendam, non quidem in ea, quæ communis sit ei cum brutis: & ideo non in operatione vegetatiua, nec sensitiua, sed in aliqua sibi propria, per quam distinguatur ab eis; & hanc dicit procedere ab anima intellectiua eius, per quam est homo, & distinguitur à brutis: sed non potest esse homo per animam intellectiuam nec distingui à brutis, si solum sit forma assistens, quia esse hominem, est esse substantiam, anima verò assistens non potest tribuere corpori, vel homini esse substantiale, cum solum assistat ad operationem, quæ est accidens; ergo necesse est, quod constitutur in esse substantiali hominis per eandem animam intellectiuam informantem, & media informatione tribuentem ei esse substantiale hominis.

- Vltimum testimonium egregium profectò est, contineturque 12. lib. meta. text. 16. & 17. vbi hoc discrimen ponit Aristoteles inter causas efficientes, & formales, quod illæ naturaliter possunt anteedere secundum tempus suos effectus, formales verò non, sed simul semper sunt cum suis effectibus formalibus, vt sanitas cum sano, & albedo cum albo. An verò post eosdem effectus permanere possint? plures esse ait formales causas non permanentes, sed aliquam dari permanentem vt animam intellectiuam extincto homine, hæc sunt verba eius. *Causa itaque mouentes, tanquam antea orta existunt, quæ verò ut ratio, simul sunt: cum enim sanus sit homo, tunc etiam sanitas est. & forma antea sphaera simul atque anima sphaera, si autem aliquid posterius permanens, considerandum est in quibusdam enim, nihil prohibet, veluti si anima talis sit, non omnia, sed intellectus, omnem namque fortassis impossibile est.*

- Probatum deinde eadem assertio euidenti ratione; 1. quia euidenter est hominem esse substantiā, atque substantialem speciem in eo prædicamento. Euidenter quoque est secundo distinguui specie ab equo, & leone sub genere animalis. Euidenter est 3.
- 56 hominem ex sua specie, atque essentia esse animal rationale.

Euidens

Euidens tandem est distinctionem specificam non esse per potentiam, sed per actum, & ideò non esse per materiam, quæ potentia est; sed per formam quæ est actus, quia potentia non potest esse ratio distinctionis, sed conuenientiæ, distinctio verò per actum fit; ergo euidens erit distingui hominem ab equo, & leone per formam, sed distinguitur, quia est rationalis, ergo euidens est distingui per formam rationalem, quæ est anima intellectiua, & ideò euidens erit, animam intellectiuam esse formam informantem, & non solum assistentem, quia forma assistens non pertinet ad essentiam eius, cui assistit, nec vnitur ei essentialiter, sed solum accidentaliter in ordine ad motum, quare non potest distinguere illud essentialiter ab alijs: 2. quia primum principium vitæ in rebus corporeis est anima, nam per animam distinguuntur viuientia à non viuentibus: ergo primum principium vitalis operationis quæ vocatur vita, est eadem anima, sed secundum diuersos gradus vitalium operationum distinguuntur diuersi gradus vitæ, & ideò dicimus animalia perfectiorem gradum vitæ habere, quàm plantas, quia perfectiorem habent operationem vitalem, nempe sensationem, sed intelligere est operatio vitalis perfectissima; & propria hominis, qui experitur se intelligere, sicut se sentire, & vegetari, ergo principium efficiens huius vitalis operationis eius est anima rationalis, aut intellectiua: repugnat autem esse principium per solam assistentiam: quia operatio vitalis debet esse à principio intrinseco, assistens verò, vt tale extrinsecum est: ergò debet esse principium per veram informationem, & ita erit vera forma.

Probatur tandem euidenter contra Auerronem, quia euidenter experitur homo se intelligere, & hanc operationem esse sibi propriam, sed repugnat vllò modo ei conuenire per solam assistentiam intellectus: ergo necesse est, quod conueniat ratione animæ informantis. Probatur minor, quia per assistentiam intellectus solum hoc fieri asserit ille, quod est eundem intellectum vti phantasmatis animæ cogitatuæ (per quâ constituitur homo in esse hominis, & distinguitur à brutis) ad producendum species intelligibiles eorundem phantasmatum, & recipiendas in se, sed ex eo, quod phantasmata hominis producant cum intellectu speciem intelligibilem representantem eadem phantasmata, non sequitur hominem intelligere, quia productio specierum non est intellectio, quemadmodum ex eo, quod color illuminatus producat speciem visibilem in oculo se representantem, non sequitur, quod color ipse, aut lumen videat, sed oculus tantum videt eliciens visionem post productionem speciei; ergo nec per talem unionem intellectus assistentis potest vllò modo attribui homini intellectio.

mero, & sola cum sit in homine, continere sua virtute gradus inferiores sentiendi, & vegetandi, quos continent anima sensitiva, & vegetativa, eosque continere non tanquam efficientem causam, sed tanquam formalem. Ita tamen omnes continet ut non sint distincti realiter in ea, sed eadem entitas realis indivisibilis potens eos tribuere eidem corpori, non minus quam distinctæ animæ eos tribuerent eidem homini, si in eo forent distinctæ. Secundò notandum est, animam rationalem non solum formaliter continere hos tres gradus vitæ, vegetativæ, sensitivæ, & intellectivæ, sed per se, atque essentialiter, ita ut si eos non contineret, non foret villo modo anima rationalis, imò nec omninò esset anima. Quod probari potest, præsupposito, quod præter ipsam nõ datur in homine aliæ animæ sensitiva, & vegetativa, quod ex fide, & ratione naturali evidèti probabitur inferrius, sed solum sit in eo anima rationalis. Probatur hoc supposito. 1. quia anima est, *Actus primus corporis physici, & organici*, sed anima rationalis est anima; ergo debet esse actus corporis organici; quare ab intrinseco, & formali postulat corpus organici distinctum: sed non dantur nec excogitabilia sunt organa in corpore, nisi ad exercendas operationes sensitivas, & vegetativas; ergo hæc eadem organa postulat ab intrinseco anima rationalis, vel non est anima. Minorem probo, quia potentia animæ rationalis, quæ sunt intellectus, & voluntas, nec sunt organice, nec operationes eorum exercentur per organa corporea, ut per se est manifestum, unde sequitur, quod anima rationalis essentialiter, atque formaliter sit sensitiva, & vegetativa, quia organa sensuum sub formali ratione organorum constituuntur per potentias sensitivas tanquam per proprias formas, sed potentia sensitiva oriuntur ab anima sensitiva, vel à gradu substantiali sentiendi tanquam propriæ eius, ergo anima rationalis continet essentialiter gradum sentiendi; à quo proveniunt; cum non sit in homine alia anima sensitiva, à qua possint provenire, & nisi eum contineret, anima non esset, quia nec esset forma corporis organici. 2. anima rationalis essentialiter est constitutiva hominis, sed homo ab ea constitutus essentialiter est animal, vivens, corpus, & substantia; cum ex his prædicatis, & earum differentiis constitutur essentialis definitio eius; ergo anima rationalis essentialiter est constitutiva hominis, animalis, & viventis, & consequenter essentialiter continet hos tres gradus vitæ, nempe vegetativæ, sensitivæ, & rationalis, eosque tribuit corpori.

Quibus ita constitutis solvenda sunt in primis argum. philosophorum, & pro solutione primi adnotandum est, vulgare illud in schola receptum, quod supremum infimi generis attingit animum

animum generis supremi, & è contra, quia se habet tanquam medium inter supremum, & infimum genus, & propterea debet participare utroque extremo. Exemplum est in operationibus sensitiuis, in quarum genere supremum quid est, hoc est, perfectissimū operatio phantasie, & phantasma ipsum per eam productum, & supremū hoc sensitiui generis attingit infimum generis superioris, nempe intellectionem humanam, ad quam aliquomodo concurrere certum est, intellectio autem humana infimum quid est sub genere intellectionis, cum sit imperfectissima, & hæc eadem tanquam infimum supremi attingit supremum infimi nempe eandem operationem phantasie, vel phantasma ipsum à quibus aliquomodo dependet. Iste autem modus attingendi in eo consistit, quod cum anima sit principium intelligendi imperfectissimum ex propria natura, & essentia, quia parziale, ordinatur etiam essentialiter ad intelligendum media alia parte, ad quam dicit intrinsecum ordinem hoc est, medio corpore per species mediis sensibus mendicatas à rebus. Vnde sequitur, quod cum esse ordinetur ad propriam operationem, & modus propriæ operationis sit iuxta modum eiusdem esse animæ in sua natura importans intrinsecum ordinem ad corpus; nata sit ei vniri propter perfectionem propriæ operationis, hoc est, ut medio corpore assequatur species ad intelligendum modo connaturali formæ. Hæc autem vnio cum corpore non potest esse per solam assistentiam extrinsecam, sicut vnitur Angelus corpori cælesti ad motum, sed per informationem, ut probatum est. Et hinc intelligitur, quod licet anima rationalis sit spiritalis secundum propriam entitatem, ita ut nihil entitatis corporeæ, vel materialis permixtum habeat, non est tamen purè spiritalis, sicut Angelus, sed aliquomodo corporea, quia hæc eius entitas spiritalis, partialis est, & ab intrinseco habet ordinem ad materiam, cui tribuit esse substantiale corporeum, & ideò est corporea tanquam quo aliud est corpus ab ea in tali esse corporeo constitutum, quod non posset constituere nisi per informationem, quare ita anima spiritalis est, ut sit vera forma corporis. Sed posset aliquis contra hunc nostrum discursum ita arguere, licet anima rationalis essentialiter sit pars, & ideò forma, & actus animæ potentie, non tamen potentie corporeæ, quæ est materia, vel corpus, sed potentie spiritalis, quam nõ repugnat dari, sicut datur spiritalis actus: huic ergo potentie spiritali posset vniri, & constituere cum ea compositum spirituale ex potentia, & actu spiritali. Vnde sequitur non probari efficaciter ex eo, quod anima sit substantia spiritalis imperfecta, & partialis, quod apta sit vniri materię corporeæ, & ideò constitutiuam compositi corporei;

rei; nec etiam, quod sit aliquo modo corporea tanquam, quo, hoc est tanquam forma corporis, & apta constituere compositum corporeum, sub cuius genere, vel specie ponatur.

Respondetur tamen impossibile esse talem potentiam in genere substantiæ spiritualis, cui vniretur anima ad componendum cum ea compositum spirituale, propter duos; primum, quia talis potetia non esset organi capax, nam diuersitas organorum non est excogitabilis, nisi propter diuersitatem operationum: tale autem compositum non posset habere diuersas operationes, sed solum intelligere, & velle, & has non per species acceptas à rebus: cum non sit excogitabilis modus accipiendi species à rebus nisi per sensus. Vnde sequitur, quod cum tali potentia spirituali non posset anima constituere compositum heterogeneum, sed homogeneous tantum, quod est contra rationem animæ intrinsecam, vt patet ex definitione prima animæ, & contra dignitatem eius, quia compositum homogeneous, vt tale infimæ conditionis est, etiam si sit spirituale. Secundum, quia cum tali potentia spirituali non posset anima cōstituere compositum rationale, hoc est, intelligens ratiocinando, ac discurrendo, quod pugnat cum natura eius distincta ab Angelis per infimum modum intelligendi cum discursu. Sed probatur antecedens, quia ideo anima apta est intelligere cum discursu, quia per species acceptas à sensibus, per quas tanquam imperfectissimas in genere intelligibili non potest simul omnia cognoscere, sed vnum ex altero, & post alterum, in quo consistit imperfectio discurrendi, sed sine organis sensuum, non posset species à rebus accipere: ergo nec esset intellectiua cum discursu. Ex hac doctrina duo intelliguntur; Primum, quod anima rationalis non pertineat ad genus spiritualis substantiæ, sed corporeæ: quia licet sit spiritualis substantia, incompleta tamen, & partialis, tanquam vera forma apta vniri corpori ad constitutionem compositi, & ideo pars essentialis compositi corporei. Secundum, quod licet anima sit substantia spiritualis, vt quod est, corporea tamen, vt quo aliud est, hoc est, vt forma eius, sed hoc modo concurrit cum materia ad compositionem totius; ergo compositum, quod ex vniōe eius cum materia resultat, corporeum, est, & non spirituale; Probatur consequentia, quia compositum, accipit speciem à forma, vt talis; ergo à forma corporeæ, vt tali speciem corporis, ad quam constat pertinere animam, tanquam partem intrinsecam eius, nam partes ad speciem totius pertinent. Et ex his patet; solutum esse primum argumentum pro philosophis: nam ad formam eius concessa maiori, neganda est minor, quod anima non sit sub genere corporis, sed sub genere spiritus; oppositum enim efficaciter



citer probatum est.

Tria alia argum. contendebant probare animam non esse formam ex tribus; ex primo quidem, quia non educitur ex potentia materiæ, cui respondeo hoc non pertinere ad rationem formæ, sed ad imperfectionem, quare solùm sequitur ex eo, quod anima non sit forma imperfecta, sicut inferiores. Ex 2. verò, quia anima non est corporea, sed spiritualis; cui respondeo, spiritua-lem esse, sed infimam in hoc genere, atque imperfectissimam, quia incompleta, & partialis; ex quo habet attingere supremum infimæ, nēpe corporis, cui vnibilis est, & adeò corporea, ut quo, quia constitutiva corporei compositi per informationem materiæ. Vltimum ex quo probabatur, erat, quod sit subsistens; cui respondeo, hoc non esse impassibile cum ratione formæ perfectissimæ, & talem esse animam, simul subsistentem subsistentia partiali, & etiam informantem corpus.

Ad primum argum. sententiæ facilè respondetur intellectum emanare ab anima intellectiua, ut tali, & in ea recipi; deinde intellectum non esse formam corporis, vel alicuius partis eius; quod verò eodem modo se habeat vtrumque ad corpus, negamus, sed anima proximè, & tanquam actus substantialis, & primus, intellectus verò non respicit per se ita immediatè corpus, sed per animam, cuius potentia est, & propterea remotè, & tanquam actus accidentalis respicit corpus; quare licet intellectus forma non sit, malè infertur, quod anima intellectiua non informet, quia actus primus, & substantialis corporis proximè actuans potentiam substantialem eius, vera forma est. Itaque anima est forma, quia tanquam actus substantialis immediatè respicit potentiam substantialem corporis, vel materiæ, & ideo actuat per se illam, quod est proprium munus formæ; intellectus verò, nec respicit corpus nisi per animam, & propterea præsupponit ordine naturæ eam informantem, quare nec

- 75 potest immediatè inhaerere corpori, sed remotè tantum media anima, & consequenter, nec potest esse forma totius corporis, nec alicuius partis, quia ratio formæ est proximè actuare materiam. Ad confirmationem concessa maiori neganda est minor, quod anima, ut rationalis non sit principium alicuius operationis in corpore, nam licet corpus, vel aliqua pars eius non dicatur intelligere, dicitur tamen homo intelligere per animam, tanquam per formam, qua constituitur in esse hominis, vnde verum est, quod anima sit principium, quo homo intelligit. Intelligere itaque est operatio solius animæ, ut proximè intelligentis, sed cum anima sit forma constituens hominem in esse specifico rationalis, simul communicat ei consequenter propriam potentiam, & operationem, & ideo licet anima

anima primo intelligat, proprius dicitur homo intelligere per animam, sicut proprius dicitur esse rationalem de homine, quàm de anima.

Ad secundum concessio antecedente, quod anima ut intelle- 77  
ctiua sit forma corporis, neganda est prima consequentia: quod  
etiam si non foret sensitiva, esset forma corporis, quia esse sen-  
sitivam non est minus essentialiale ei, quàm esse intellectivam, ut  
probaui. Itaque non est putandum, quod anima rationalis ita  
conineat hos tres gradus vitæ, nempe vegetatiuæ, sensitivæ, &  
intellectivæ, ut duos priores, quasi pro genere habeat, aut mate-  
terialiter tantum, & gradum intellectivum duntaxat contineat 78  
formaliter, & tanquam differentiam, sed formalissimè continet  
omnes, & tanquam in proprio, atque indivisibili gradu suæ dif-  
ferentiæ essentialis, intellectivum quidem formaliter, & ut quod  
suo modo, ut quo; sensitivum, & vegetativum, non nisi, ut quo, ut  
inferius explicabitur.

Ad exemplum verò de pluralitate animarum in eodem ho-  
mine, Respondeo, naturaliter saltem esse impossibile, ut eiden-  
ter ostendetur inferius. Et si fortè possibiles essent plures ani-  
mæ in eodem homine, nempe vegetativa cum rationali per po-  
tentiam Dei absolutam, non propterea sequeretur, quod ratio- 79  
nalis non esset forma corporis organici, sed absque dubio foret  
non minus, quàm modò, dum sola est in eodem homine; conce-  
dendum tamen esset in casu eisdem gradus vegetandi, & sen-  
tiendi continere, sicut nunc continet, atque etiam, quòd duo  
isti gradus tribuerentur eidem corpori à duplici, aut triplici  
forma, quod an possibile sit, vel contradictionem inuoluat, suo  
loco explicabitur.

Et si aliquis quærat, an 2. opinio aliqua celsura digna sit? Res- 80  
pondeo, duo asserere; Primum, quod sit enim rationalis non es-  
set sensitiva, non esset forma corporis, & hoc verum est, ut ostē-  
di. Secundò asserit, animam rationalem, ut animam rationalem,  
vel intellectivam, non esse formam, quod non solum est fal-  
sum: sed periculosum in fide, ut probauimus.

## QVÆSTIO VIII.

Circa posteriorem definitionem animæ.

*An posterior definitio animæ sit una & conveniens  
anima in communi.*

Secunda Definitio animæ his verbis traditur ab Arist. cap. 1.  
text. 24. anima est, *Principium quo primo vivimus, sentimus, mo-  
uemur, & intelligimus.* De qua inquirimus, an sit una sicut de pri-  
ma dictum est, vel multiplex, ita ut pro singulis animabus sin-  
gulas

Asserit opinio 2. esse quidem definitionem, & vnicam, non 86  
tamen conuenire animæ in communi, & idtò neque omni ani-  
mæ, sed rationali duntaxat. Ita Simplicius 2. lib. de anima, cap,  
2. textu 24. quod probat sic: Omnia, quæ ponuntur in definitio-  
ne, debent conuenire definito, sed omnia, quæ ponuntur in  
hac definitione, non conueniunt animæ in communi, neque  
alicui particulari præter rationalem, ergo hæc sola est defini-  
tum: & cum sit vna secundum speciem, vnica erit definitio, & 87  
non multiplex, cuius definitum eadem rationalis anima erit, &  
nihil aliud. Probatur minor, quia esse principium quo viuimus,  
sentimus, mouemur, & intelligimus, non conuenit animæ in  
communi, alioqui conueniret singulis, quod patet esse falsum;  
quia nec vegetatiua, nec sensitiua sunt principium omnium  
illarum operationum, solum ergo restat, quod conueniat ani-  
mæ rationali, quæ illarum omnium principium est in ho-  
mine.

Tertia opinio tenet non esse vnā definitionem, sed qua-  
tuor, ita vt singulas definitiones contineat pro singulis anima-  
rum speciebus, vt pro vegetatiua vnā his verbis solum con-  
tentam, anima vegetatiua est, *Principium quo primo viuimus*, sic-  
que tres alias, ita vt in singulis solum ponatur propria operatio 88  
vtriusque, cuius potest esse principium. Has autem omnes de-  
finitiones asserit hæc sententia breuitatis studio ad formam  
vnius redegisse Aristotelem. Ita tenet Ægidius ad eundem tex,  
24. c. 2. & cum eo alij. Probatur hac ratione, ex contextu secun-  
di capitis colligitur euidenter voluisse Aristotel. iterū defini-  
re omnem animam, sicut semel per priorem definitionem fe-  
cerat, alioqui, si hæc posterior definitio non esset ita vniuersa-  
lis pro omni anima, sicut prior, non posset per illam demon-  
strari prior, (vt per se est manifestum) sed si hæc posterior sit  
vnica definitio, non potest conuenire omni animæ; ergo vt om-  
ni conueniat, multiplex censenda est, & cuique speciei animæ 89  
applicanda secundum distributionem accommodam. Probatur  
minor, quia non omni animæ conueniunt omnes partes defi-  
nitionis; ergo nec integra definitio.

Quarta opinio duo asserit; primum, quod definitio sit vna, &  
non multiplex; secundum, quod non definiatur per illam aliqua spe-  
cies anima in particulari, sed anima in communi sit adæquatum  
definitum eius, sicut prioris definitioni. Ita Toletus 2. lib. de ani-  
ma, quest. 3. conclus. 1. & est iam ferè communis inter recen-  
tiores, & probabilior. Probatur autem vtrunque ab ea asser-  
tum ex verbis Aristotelis in principio secundi capitis, text. 12.  
vbi duo asserit; primum se intendere iterum definire animam  
eandem prius à se definitā; ergo idem est definitum vtriusque

definitionis apud ipsum, sed in prima definitione docuit expressè cap. præcedenti se definire animam in communi; ergo eandem voluit definire in hac 2. definitione, & non aliquam speciem eius in particulari. Afferit deinde se velle assignare aliam definitionem notio-rem primæ, per quam cognosci possit: & tandem quæ aliquo modo reddat causam eius, quæ vera esse non possunt, nisi vtræque definitio sit eiusdem rei, atque eodem modo sumptæ, alioqui quo modo poterit secunda definitio esse ratio cognoscendi primam, vel causam eius reddere, si de eadem proflus re non tradatur? Et hinc sequitur esse vnam sicut primam, nam si idem est definitum vtriusque: cum definitum prioris sit vnum, erit etiam vnum definitum posterioris, & ideo vtræque definitio vna.

Vt autem veritas hæc melius intelligatur, & proprius sensus definitionis clariùs pateat; Adnotandum est rationem communem animæ, sicut quamlibet aliam genericam dupliciter sumi posse; vel vt in se tantum cõsideratur abstracta à suis speciebus, eis non consideratis; vel in ordine ad easdem species, in quantum ad illas se extendit, & per eas contrahi potest, quo pacto diximus nos, & concedunt omnes sumi ens mobile, vel ens naturale, in quantum est obiectum vniuersale totius philosophiæ naturalis, videlicet in quantum partes, vel species respicit, quas singulæ partes eiusdem philosophiæ naturalis considerant, nempe ens mobile ad vbi, ad formam, & reliqua: & hoc modo sumitur anima in communi, vt est definitum huius posterioris definitionis, nempe vt se extendit ad suas species, vt ad animam vegetatiuam, sensitiuam, & rationalem, quam extensionem explicare voluit Arist. per proprias operationes in eadem definitione positas. Sed sub consideratione prioris, hoc est, sine villo ordine extensionis ad easdem species accipitur eadem anima in communi in prima definitione, & propterea nihil in ea ponitur, per quod talis extensio significetur.

22 Secundo notandum est hanc vniuersalẽ extensionẽ ad species per operationes significatam duobus modis sumi posse. Primo secundum sensum purè disiectiuũ, ita vt sensus totius definitionis sit, anima in communi est principium, quo primo viuimus, vel quo primo sentimus, vel quo primo mouemur, aut quo primo intelligimus. Et sensus iste ad mentem Aristot. esse non potest, quia easdem operationes vitales copulatim in definitione posuit. Secundo modo sumi potest extensio ad species per operationes significatas copulatim, ita vt sensus sit; anima est principium, quo primo viuimus simul, ac sentimus, inouemur, & intelligimus. Et neque hoc modo potest intelligi descriptio, quia nec posset conuenire animæ in communi: cum præter

ter animam rationalem nulli speciei eius conueniat esse principium omnium illarum operationum copulatum sumptatum: ergo neque animæ in cōmuni. Probatur consequentia, quia nihil potest conuenire animæ in communi, quod repugnet particularibus, ut per se est manifestum. Ideo potest sumi eadē extēsis vniuersalis copulatiuē, ut sumitur in quacumque propositione subiecti communis signo vniuersali affecti, hoc est, secundum sensum distributiuum, quasi dicatur animam in communi, & quamlibet in particulari esse principium omnium illarum operationum, ut dum dicimus, omnis homo disputat, sensus est, omnes, & singulos homines disputare. Et neque hoc modo intelligitur definitio: quia secundum hanc distributionem absolutam non conuenit singulis speciebus: quate neque animæ vniuersaliter sumptæ secundum extensionem ad operationes, & species conuenire potest. Solum restat alter sensus, distributiuus quidem, atque copulatiuus, non secundum distributionem absolutam, sed accommodam, secundum quam sensus definitionis copulatiuus erit: anima est principium, quo primo viuunt omnia, quæ habent vitam, quo primo viuunt, & sentiunt omnia, quæ habent vitam vegetatiuam, & sensitiuam, & quo primo viuunt, sentiunt, & mouentur omnia, quæ habent vitam, sensum, & motum: & quo primo viuunt, sentiunt, mouentur, & intelligunt omnia, quæ habent vitam vegetatiuam, sensitiuam, motum, ac vitam rationalem; quo pacto definitio conuenit animæ in communi, & singulis speciebus in particulari. Et hunc sensum tenuit absque dubio Aristot. in hac definitione, quia iuxta eum utrumque verum est, quod cum docere probauimus, nempe animam in communi definiri, & vniuersalem definitionem. Verum præterea est tertium, quod insinuauit, cap. 2. text. 1. 7. 8. nempe definitionem primam animæ à se assignatam esse communem, & vniuersalem, quasi vellet dicere, secundam quam assignare intendebat, esse specialem, aut particularem, non quod per eam aliqua species animæ adæquaret definitur, sed quia licet definiatur anima, etiam in vniuersali, explicato tamen ordine ad species, aut particulares animas, & ideo quodam modo simul in communi, & in particulari.

Adnotandum est vltimò, viuere prout significat operationem vitæ, dupliciter sumi: primò, prout significat communem rationem omnibus operationibus vitalibus, nempe vegetatiuis, sensitiuis, & intellectiuis, quarum quælibet est quoddam viuere. Secundò, pro speciali operatione animæ vegetatiuæ, & hæc est propriissima acceptio eius: dum ergo in definitione dicitur, *Animam esse principium, quo primo viuimus*, non sumitur sub communi ratione (ut Caietan. voluit putans his

- 96 solis particulis contineri totam definitionem, quia cum viuere sit commune ad opus vegetatiuum, sensitium, loco motiuum, & intellectiuum, hæc omnia comprehendit, & ideo sufficienter explicat rationem animæ; cæteras verò particulas solum addi ad magis explicandas aliquas operationes vitales sub eadem particula contentas. ) Dico autem non ita sumi ab Aristotele particulam *uiuius*, propter duo; primum, quia Aristoteles voluit hac definitione explicare animam per operationes, vel per ordinem ad illas: ergo necessarium fuit eas ponere distinctè in definitione, quia si sub illa tantum particula eis communi ponerentur, confusè tantum essent assignatæ, & ideo confusa solum ratione possent explicare animam, & non distinctè, vt oportet explicari per definitionem; falsum ergo in primis est, quod dicitur non esse necessario additas ad integritatem definitionis reliquas particulas. Deinde si adduntur ad explicandas alias operationes speciales præter operationem vegetandi, quia confusè continebantur sub particula
- 97 *uiuius*; eadem ratione addenda fuit alia particula, per quam distinctè explicaretur opus vegetandi, quia non nisi confusè continetur, sub eadem particula, *uiuius* sumpta, pro ratione communi vitalis operationis.

Dicendum igitur est, eandem particulam *uiuius*, in definitione non sumi ab Aristotele pro ratione communi omnibus operationibus vitalibus, sed pro speciali, & prima operatione animæ vegetatiuæ, quæ propriè dicitur viuere, nam sic sumpta, clara, atque perspicua permanet definitio, distinctè, & clare explicat rationem animæ in communi, & cuiuslibet speciei eius per proprias operationes. Ex quibus argumenta aliarum opinionum facile solui possunt. Nam ad argumentum primæ, & secundæ opinionis eodem modo responderetur concessa maiori vtriusque, & negata minori, quod si hæc definitio sit unica, non possit conuenire omni animæ. Et cum dicitur non omnes particulas conuenire cuilibet speciali animæ, distinguendum est; nam secundum sensum copulatiuum, & absoluta distributione, verum est; neque oportet sic eis conuenire; vt ostendimus, sed satis est eis conuenire secundum distributionem accommodam iam explicatam, ex qua conuenientia satis explicatur vniuersalis ratio animæ, quæ est adæquatè definitum.

\* \* \*

QVÆSTIO IX.

*An eadem secunda definitio animæ sit quidditatiua, aut essentialis, vel descriptiua tantum, & accidentalis.*

**P**rima opinio tenet hanc definitionem esse quidditatiuam. 99  
Ita Albertus Magnus 2. lib. de anima, tit. 1. cap. 4. quem refert & sequitur Caietan. qu. 4. huius libri, ubi duplicem sensum eiusdem definitionis distinguit hoc modo, animam esse principium quo viuimus, sentimus, mouemur, & intelligimus, dupliciter sumi potest, aut pro actuali principio, aut pro potentiâ, seu aptitudinali, etsi pro actuali accipiat, nō est dubium, quin accidentaliter conueniat animæ, quia naturaliter contingit non esse actuale principium animam rationalem, dum separatur à corpore, & per diuinam potentiam possunt cæteræ animæ ab eo separari, & tūc cessabit in eis ratio actualis principij, quare nulli animæ potest essentialiter conuenire. Si verò accipiat principium pro eo, cui debitum est, actuale principium illorum omnium esse, essentialis est animæ in cōmuni, & cuiusque in particulari, quia licet non pugnet cum essentia earum cessare ab actuali ratione, aut exercitio principij, pugnat planè non esse eis debitum, quod actuale principium earum potentiarum, & operationum sint. Accepta igitur 100  
hæc definitio animæ de principio actuali potentiarum, & operationum vitalium (inquit Caietanus) non potest esse quidditatiua, sed descriptiua. Si verò accipiat de principio quasi aptitudinali, erit essentialis. Aristoteles verò hoc secundo modo eam accepit, & propterea essentialē esse voluit. Et ita etiam videntur tenuisse Themistius, & Philoponus 2. cap. huius lib. atque etiam Apollinarij ibidem, quæst. 4. Probat Caietan. testimonio Aristot. & ratione. Aristoteles enim in principio 2. cap. asserit se intendere assignare aliam definitionem continentem causam prioris, & talem causam asserit continere posteriorem hanc definitionem: Ex quo ita arguit: Omnis causa debet esse 101  
prior suo effectu, sed esse actuale principium operationum vitalium, non potest esse prius, quàm animam esse actum corporis, quin potius ordine naturæ præsupponit animam unitam corpori; ergo ex mente Aristot. non sumitur principium quo viuimus in definitione, pro actuali, sed pro aptitudinali, sed esse hoc modo principium est essentialis animæ; ergo definitio ipsa essentialis reputatur ab Aristot. Probatur minor, quia anima talis est naturæ, siue informet corpus, vel non, ut debitum ei sit esse actuale principium, & sine hoc debito nec esse, nec in-

telligi potest, essenziale ergo erit ei. Probat deinde ratione, quia illud, per quod primo constituitur res in ordine essendi cum cæteris, est ei essenziale, ut illud per quod constituitur primo, substantia in ordine essendi per se, est essentia eius: sed

102 anima constituitur primo in ordine essendi formarum substantialium per hoc, quod est esse vitæ principium: nam per hoc habet superiorem modum essendi respectu aliarum formarum inferiorum; ergo hoc pertinebit ad essentiam eius, sed hoc idem est, quod definitio continet: ergo quidditatiua erit. Hanc ultimam minorem probat, quia dum dicitur animam esse principium, quo vivimus, non sumitur vivere, pro operatione vegetatiua, sed in communi pro gradu essentiali vitæ incluso in specialibus, quare sufficeret pro integra definitione dixisse, *Anima est principium quo primo vivimus*, in hoc enim verbo intelliguntur cæteri omnes gradus vitæ speciales, qui additi sunt, ut magis explicarentur. Vnde sequitur definitionem continere, quod anima sit talis naturæ, cui debetur esse principium, à quo primo habent vitam quæcunque vivunt, quod patet essenziale esse animæ, quare essentialis erit definitio.

103 Secunda opinio est opposita, asserens hanc posteriorem definitionem non esse quidditatiuam, sed descriptiuam, & accidentalem. Ita D. Tho. in his commentar. lect. 3. Ferrar. q. 4. Conymb. c. 2. huius lib. q. vnic. art. 2. & omnes ferè recentiores, hi præsertim, qui tenent primam definitionem demonstrari ab Arist. à posteriori per secundam. A quibus hæc ratione probatur, effectus non possunt pertinere ad essentiam causæ, neque operationes ad essentiã eius, à quo procedunt tanquam à principio. Sed anima definitur hac definitione per operationes, quarum principium est, & consequenter ut causa efficiens per proprios effectus: ergo definitio non est essentialis, sed descriptiua, & accidentalis.

Ut huic quæstioni plenè satisfiat, duo sunt decernenda; Primum, qualis sit hæc definitio, ut ab Arist. tradita, quidditatiua, an descriptiua. Secundum an possit esse in sensu aliquo quidditatiua, vel in quocunque sit descriptiua. Et quatum ad primum, placet mihi posterior sententia, quod descriptiua sit in eo sensu, quo ab Arist. traditur, quam præter D. Tho. & alios pro ea citatos, tenet Tolet. cap. 2. huius lib. q. 1. com. 2. Probatur testimonio eiusdem Arist. in eodem principio 2. cap. asserentis se definisse prima definitione animã ex obscuris: & ideò iterum definiendam esse ex manifestioribus, ita ut posterior definitio contineat aliquam causam prioris, quæ nobis appareat. Ex quibus sic arguo, Posterior definitio traditur per notiora, non secundum naturam; ergo per notiora nobis, sed notiora nobis sunt effectus,



effectus, & accidentia, per quæ cognoscimus substantiam: ergo per hæc voluit Arist. definire animā posteriori definitione, quare accidentalem ac descriptiuā putauit se tradere definitionem, non quidditatiuā. Probatur antecedens, quod per hanc definitionem nō sit definita anima per notiora natura, sed solum per notiora nobis ex eisdem verbis Arist. quibus asseruit hanc posteriorem definitionē tradere aliquā causam prioris: *Per quam sit, & appareat*: nam apparere respectu nostræ cognitionis intelligitur, vt per se est manifestum. Et si dicatur nō repugnare, quod tradatur definitio per notiora natura, & nobis, quia contingit notiora natura esse etiam nobis notiora. Contra hoc est, quod definitio traditur per operationes, quæ siue secundum actum, siue secundum potentiam accipiantur, hoc est, vt virtute continentur in potentia actiua animæ, non possunt esse notiora secundum naturam eadem anima: cum sint operationes, & accidentia eius, sed solum quo ad nos; ergo per notiora nobis, & minùs nota secundum naturam traditur definitio, quod est esse accidentalem, & descriptiuam. Probatur deinde ratione, quia per hoc definitur anima, quod est esse principium, quo primò viuimus, sentimus, mouemur, & intelligimus, sed siue principium harum operationum sumatur secundum actuale exercitium, siue secundum aptitudinem, quam habet anima, vt possit esse principium earum, iuxta distinctionē Caietan. est accidens respectu animæ; ergo per aliquod accidens sibi proprium definietur, & ex consequenti definitione descriptiua. Probatur minor, quia anima nec est actuale principium earundem operationum, neque habet potentiam, vt sit principium earum, nisi mediis potentiis accidentalibus sibi superadditis; ergo non solum esse actuale principium, accidentale est ei, sed aptitudo, ideo siue actuali principio, aut aptitudinali intelligatur definitio, accidentalis, seu descriptiua erit.

Circa secundum verò, an eadem definitio possit intelligi in alio sensu, in quo sit quidditatiua, adnotandum est, animam esse principium operationum vitalium, vt in definitione expressit Aristot. tribus modis intelligi posse, actu quidem, vel aptitudine: & rursus esse principium aptitudinale adhuc duobus modis formale aut radicale, formale principium potest esse, per potentias quibus mediis elicit easdem operationes, radicale verò, & remotum est per propriā entitatem, vel essentiam, à qua tanquam à radice oriuntur potentiæ proximè elicientes easdem operationes.

Hoc supposito certum videtur, quod si duobus modis prioribus sumatur principium, nempe pro actuali, vel aptitudinali, non possit conuenire essentialiter animæ, vt probatum est con-

tra Caiet. quia cum anima, nec sit actuale principium operationum, nec nisi per potentias, quæ sunt accidentia, neutrum potest ei, nisi accidentaliter conuenire. Quod verò sit principium radicale, habet in quantum ab ea emanant immediatè potentia, à quibus eliciuntur operationes; & ideò hoc modo sumpto principio, non videtur repugnare, quod essentialiter per illud  
 110 definiatur. Et de hoc tantum sensu procedit dubium præsens. Circa quod est prima opinio quorundam recentiorum, qui asserunt, nec in hoc sensu non posse quidditatiuè definiri. Quorum totum fundamentum est, quia anima est quidem primum principium radicale potentialium, & operationum vitalium per suam entitatem, non per suam essentiam, sed per aliam rationem formalem posteriorem essentia, & ideò animæ, vt sic non essentialem. Probant, quia sæpe contingit aliquid conuenire alicui per suam entitatem, & non per suam essentiam, vt substantia esse susceptiuam contrariorum. Præterea quælibet essentia est immediatum principium suarum passionum & tamen hoc non est ei essentialiale. Et substantia corporeæ conuenit  
 111 ex se habere partes integrantes, iuxta sententiam probabilem, & ferè communem, & tamen non cōuenit illi ratione essentia, quæ consistit in indiuisibili, sed solum ratione entitatis: ergo benè potest intelligi, quod potentia vitales sequantur ex entitate animæ tanquam ex prima radice, & nō ex essentia; & ideò etiam si principium operationum accipiat in hac definitione pro radicali, non erit essentialis.

Secunda opinio est aliorum recentiorum, quibus prædicta distinctio non placet, sed fatentur animam per suam essentiam esse principium radicale potentialium vitalium, operationum verò non esse principium per suam essentiam, sed per potentias ipsas, quæ accidentia eius sunt. Vnde per potentias posset defini  
 112 ri essentialiter, tanquam radicale principium earum, non per operationes: & cum definiatur vt principium operationū, non potest esse definitio essentialis, sed descriptiua, desumpto etiam  
 113 principio pro radicali. Si verò alia definitio assignetur, non per operationes, sed solum per potentias vitales, talis definitio poterit esse essentialis. Conueniunt itaque duæ istæ opiniones recentiorum in vno, & differunt in altero; cōueniunt quidem in eo, quod animæ non sit essentialiale esse primum principium radicale operationum vitalium, & ideò nec posse defini  
 114 ri essentialiter vllō modo per easdem operationes, & ex consequenti, neque definitionem hanc quidditatiuam esse posse vllō modo, quia per operationes vitales assignatur. Et vtraq; hoc negat eadem ferè ratione; nam prima dicit non esse animæ essentialiale, quod sit primum principium radicale operationum, quia non  
 est

est principium earum per suam essentiam, sed per suam entitatem essentia posteriorem. Secunda verò asserit non esse hoc animæ essentialē, quia non cōuenit ei immediatē per essentiam, sed mediis potentiis, quæ accidētia sunt, & ideo ei accidentale. Differunt tamē in eo, quod prima opinio etiam negat esse animæ essentialē, quod sit primum principium radicale potentiarum vitalium, quia putat non cōuenire ei per essentiam suam esse radicem earum, sed per suam entitatem essentia posteriorem secundum rationem formalem. Secunda verò hoc non negat, imò concedit, quod si definiatur per solas potentias, tanquam primum principium radicale earum, & nō per operationes; talis definitio erit essentialis, quia potentia, sicut & passionēs sequuntur naturam animæ ratione essentia, & non solum ratione entitatis; & ideo essentialē est ei esse radicem earum.

Nostra verò sententia contraria est utrique, quam hac vnica assertione explico. *Per suam essentiam immedialē cōuenit anima esse primum principium radicale potentiarum vitalium, & operationum earum, & ideo per utrasque potest definiri essentialiter, si sumatur tanquam primum principium radicale earum, quare essentialis esset definitio posterior, si animam esse Principium quo primò viuimus, sentimus, mouemur, & intelligimus, de primo principio radicali accipiatur.* Quam conclusionem de potentiis, & operationibus tenent omnes citati pro sententia Caietan. atque etiam omnes alij recenciores præter paucos, qui has duæ singulares sententias inuenerunt: & eam nos sigillatim probamus aduersus vtramque opinionem. Primò, aduersus priorem; quia quidquid sit de distinctione entitatis rei ab essentia eius (quam statim explicabo). falsum est, quod non sit animæ essentialē esse primam radicem potentiarum, & operationum; quod sic probo. Diuersis animabus secundum speciem conueniunt diuersæ potentia vitales, & diuersæ operationes secundum speciem, sicut quibuscunque rebus specie diuersis conueniunt diuersæ passionēs, seu proprietates secundum speciem, ut euidenti inductione constat; ergò euident est emanare à principiis specie distinctis: sed asserit hæc sententia emanare à diuersis entitatibus rerum; ergò euident est emanare ab eis, ut specie distinctis. Vtteriùs, entitates diuersarum rerum non possunt distingui specie; nisi ratione diuersorum prædicatorum essentialium; sed passionēs, & potentia, cum sint specie distinctæ, & ut tales emanent à diuersis rebus, emanant ab eis; ut à diuersis secundum speciem; ergo si potentia emanant ab entitatibus animarum, euident est emanare ab eis, ut diuersis per diuersa prædicata essentialia; & de primo ad vltimum, sequitur emanare à diuersis rebus ratione

diuerfarum essentiarum, quia diuersa prædicata essentialia diuersas essentias constituunt, quia ratione suorum prædicatorum essentialium id habent. Secundò, quia essentialia est animæ talis esse naturæ, cui per se debeantur tales passionēs, vel potentiæ, sed hoc est esse principium radicale earum; ergo esse hoc modo principium, erit etiam ei essentialia. Maiorem sic probō; Differentia essentialis hominis est esse rationalem: sed rationali, vt tali debita est potentia ad ratiocinandum, quæ est intellectus; ergo rationalitas est principium radicale eius, sicque de cæteris potentiis aliarum animarum suo modo conuincitur.

- 118 Vt autem eandem nostram assertionem probemus contra secundam opinionem, explicare prius oportet, quidnam sit animam esse primum principium radicale operationum, aliud est enim esse primum principium formale earum, & aliud primum principium radicale. Esse principium formale est esse principium proximum eliciens per se ipsum immediatè operationem: esse verò principium radicale est esse radicem, à qua emanat idem principium proximum eliciens per se immediatè operationem. Et cum anima sit prima radix, à qua emanant per se ipsas immediatè potentiæ, quæ sunt principia proxima, ac formalia operationum, sequitur esse principium radicale, tam potentialium, quàm operationum, sed illarum proximum, harum verò quasi primum, & remotum. Potentiis verò, solum
- 119 esse principia formalia operationum. Quo supposito probatur primò assertio nostra aduersus secundam sententiam hoc modo, anima per suam essentiam est principium radicale potentialium, & mediis potentiis est principium operationum; ergo essentialia est ei esse radicale principium, tam operationum, quàm potentialium, harum quidem immediatum, illarum verò primum. Probatur antecedens, quia esse principium radicale earum non est aliud, quàm debitas esse essentia eius tales potentias, & operationes, sed animæ per suam essentiam debitum est vtrumque, nempe potentia, & operatio suo ordine, potentia quidem proximè, operatio verò quasi remotè, vnde illa per se immediatè oritur ab essentia, hæc verò mediâ potentia; ergo per suam essentiam est radicale principium vtriusque.
- 120 Secundò, etiam ratione probatur, quia euidentia est potentia animæ esse proprietates, aut passionēs proprias eius, sed euidentia est etiam proprias passionēs conuenire cuilibet rei per suam essentiam, ab eaque emanare; ergo euidentia est potentias animæ conuenire ei per suam essentiam; ab eaque emanare. Maiorem probō ex duplici definitione propriæ passionis, sed proprietatis tradita à Porphyrio, & ab Aristotele, & etiam à nobis capite

capite iam citato de proprio in Prædicabilibus, vna est talis. *Proprium est id quod conuenit omni soli, & semper*, altera, *Proprium est, quod non indicat quid est esse rei, soli autem inest, & conuersim prædicatur*, sed intellectus, & voluntas conueniunt omni animæ rationali, & ei soli ac semper: & præterea non pertinent ad essentiã eius, & prædicantur de illa reciproca prædicatione; ergo sunt propriæ passionēs, seu proprietates eius. Et pariter potentia corporeæ cōueniūt eidē animæ, & cuiuscūque alteri tanquā radici à qua emanāt, & ab ea sola, & semper, prædicaturq; reciproca prædicatione; ergo omni animæ cōueniūt per suā essentiã propriæ potentia, & ab eadē eius essentiã emanant. Vterius propriæ passionēs cuiuscūq; rei emanātes ab essentiã eius continentur in ea, tanquam in virtute, & radice earum, à qua pululant, aut emanant, vt risibilitas, & admiratio in essentiã hominis; ergo potentia animæ, quæ sunt proprietates, aut passionēs eius continentur in essentiã eiusdem. Et tandem operationes procedunt ab eisdem potentiis, tanquam à virtutibus animæ: ergo etiam continentur virtute in eadem essentiã animæ, à qua habent potentia, quod eas eliciant: & ideò procedunt ab eadem essentiã animæ, tanquam à prima radice, in qua virtute continentur. Quod hoc exemplo euidenter ostendo, nam euidenter est flores, & fructus contineri in virtute seminali arboris, tanquam in principio radicali, cui per se debentur, & nihilominus est verum, nō produci fructus à virtute seminali, nisi mediis floribus. Ratio huius est, quia licet vnum horum producat medio <sup>122</sup> altero, vel per alterum, non producit per illum, tanquam per aliquid alienum, vel extraneum ab eodem semine, sed tanquam per aliquid eius in eo contentum: vnde sequitur, quod sicut potentia, per quam elicitur operatio cum omnibus, quæ habet, atque etiam cum concursu, per quem eam elicit, continetur virtute in essentiã animæ, ita etiam operatio elicitā, quamuis illa proximè, hæc remotè. Et consequenter tam operatio, quam potentia debita est animæ ratione suæ essentiæ, & principium radicale vtriusque essentialiter dicenda est. Quod vero ex hac nostra sententiā inferri posset, videlicet animam habere plures definitiones quidditatiuas, si vtraque eius definitio quidditatiua esse potest, contra præceptum Arist. 6. lib. Topic. c. 1. loco 17. vniuersaliter statuētis, quod res quælibet vnicam definitionem essentialē habere potest & non plures, quia cum definitio explicet essentiā, & essentiã sit vna, tantum potest esse vna definitio essentialis, hoc, inquam, difficultate caret, quia solum intelligitur in eadem scientia, vel in eodem modo definiendi, sed si definiatur eadem res per diuersa genera causarum, quæ respicit,

cit, multis definitionibus definienda est, atque etiam si definiatur physicè, & metaph. sed omnes vocati possunt vna, & eadem, in quantum eandem essentiam explicant, & solum plures ex parte modi eas assignandi, sed sub quolibet modo vnicam habere debet, & iste est sensus Aristot. Quem hoc verbo explicare possumus, vna res non potest habere nisi vnicam definitionem sub vna ratione formali, vel sub vno genere causæ explicata, plures verò, si sub diuersis rationibus formalibus consideretur, vel in ordine ad diuersa genera causarum.

Ad argum. primæ opinionis concedendum est, quod possit aliquid alicui conuenire ratione entitatis; & non ratione essentia, vt qualitati conuenit intensiorem suscipere ratione entitatis, quæ verè crescit per intensiorem: cum intensio fiat adueniente noua parte graduati, quæ noua entitas est, sed non conuenit ei ratione essentia, quia per intensiorem non augentur prædicata essentialia. Et quod possit conuenire ratione entitatis, & non ratione essentia, patebit, si intelligatur quonam modo aliqua etiam ratione distinguantur entitas, & essentia rei, nam entitas realis rei est, quam habet essentia extra causas, & in qua fundantur essentialia prædicata realia, & actualia, in quibus essentia ipsa consistit, & hinc est, quod ex aliqua causa potest res acquirere plus entitatis, non tamen plus essentia, quia essentia consistit in indiuisibili, entitas verò latitudinem habet, & idè dum res nutritur nouam entitatem acquirit, & plus entitatis realis habet post nutritionem, quam habebat prius, non tamen habet plus essentia, nec nouam essentiam per nutritionem acquirit, sed nouam entitatem eiusdem essentia. Negandum tamen est, quod passionem, vel potentia conueniant animæ ratione entitatis, & non ratione essentia, imò euidens est conuenire potentias ratione essentia, easdem verò potentias reales, & actuales ratione essentia realis extra causas existentis, & in entitate reali, & actuali fundatæ. Quidquid ergo sit de illis exemplis in argument. adductis, nihil probatur aduersus nostram sententiam.

Ad argumentum secundæ opinionis concedendum est, quod operationes conueniant animæ mediis potentiis: quæ sunt accidentia eius, sed negandum, quod esse radicè earundem operationum non sit, ei essentialia, quia sicut potentia continetur in essentia animæ tanquam in prima radicè, ita etiam operationes, quas eliciunt per propriam entitatem, & virtutem contentam in eadem essentia animæ, quare sicut essentia est radix potentiarum proxima: sic & operationum prima, vt exemplum florum, & fructuum à nobis iam adductum conuincit.

Testimoniū verò Aristot. quod pro se assert Caiet. explicari

cari potest de casu finali, in quo genere causæ operationes prius conueniunt animæ, quàm vniri corpori, aut esse actum eius, quia gratis operationum vnitur corpori, ergò ratione finis habent operationes respectu informationis, & idè definiens Aristoteles animam per operationes tradidit causam prioris definitionis, per quam notior fit, & hoc habere possunt operationes, etiam si sint effectus ex illo communi pronuntiato ab Aristotele, Quilibet res est propter suam operationem, vt exemplo sanitatis probari potest, quia licet sit effectus omnium medicamentorum ac totius curationis in genere causæ efficientis, & idè in hoc genere posterior, est tamen causa finalis eorumdè, & idè absolute prior, quia finalis causa est omnium prima.

Ad argumentum eiusdem Caiet. concessa maiori, distinguenda est minor, quod anima constituatur in ordine essendi formarum substantialium per hoc, quod est esse principium vitæ: nam si intelligatur de vita substantiali, verum est, sed falsum 124 quod de hac intelligatur ab Aristotele definitio posterior: sed intelligitur de vita accidentali, pro vitalibus operationibus. Sic autem accepto principio vitæ adhuc distinguere debet, nam si pro radicali, atque remoto accipiat, concedendum est, quod sit animæ essentialis, esse principium radicale vitalium operationum; sed negandum, quod sic accipiat in definitione, sed accipitur pro principio formali, & proximo, quod non habet anima per suam essentiam, sed per potentias: idè non definitur ab Aristotele per essentialia, sed per accidentia, vt ostendimus. Posset tamen definiri per principium radicale operationum essentialiter, & quantum ad hoc cum Caiet. sentimus, vt ex superioribus constat.

## QVÆSTIO X.

*An prior definitio anima demonstretur ab Aristotele per posteriorem demonstratione à priori, vel à posteriori tantum.*

**V**Num præsupponit titulus quæstionis, & quærit aliud; præsupponit quidem priorem definitionem, per posteriorem 125 demonstrari ab Aristotele, quod ex principio, & fine secundi capitis manifestum est; nam in principio præsupponit tanquam certum, definitiones quasdam continere, & tradere causas aliarum, & idè quasdam se habere ad alias, tanquam conclusiones; per eas, tanquam per principia demonstrabiles. Et iuxta hoc præsuppositum asserit se intendere aliam definitionem animæ tradere, quæ possit esse medium probandi priorem. Hoc autem

autem quod in principio se intendere ait, adimplet in fine textu 24. sic probans priorem definitionem per posteriorem; omne illud quod est principium, quo viuimus, sentimus, mouemur, & intelligimus primò, est actus primus corporis physici organici potentia vitam habentis: sed anima est principium, quo viuimus, sentimus, mouemur, & intelligimus primò; ergo est, actus primus corporis physici, & organici potentia vitam habentis, & ut intelligeretur se id voluisse demonstrare, concludit secundum caput hisce verbis. *Quod igitur quidam actus est, & ratio potentiam habentis, ut sit huiusmodi, manifestum ex his*, unde sequitur contra mentem, & verba Aristotelis atque etiam contra omnes interpretes loquentum esse Auerroem in commentarijs eiusdem capituli asserentem, nullam talem demonstrationem fecisse Arist. ad probandam priorem definitionem ex posteriori.

- 127 Præsupposito igitur, quod prior definitio demonstratur ab Arist. per posteriorem, quærit titulus quæstionis, quonammodo demonstraretur, videlicet à priori, hoc est tanquam per causam, vel à posteriori, tanquam per effectum? &

Prima opinio asserit à priori per causam demonstrari, ita Philoponus, & Themistius cap. 2. huius libri, Albertus Magnus 2. libro de anima tractat. 1. cap. 5. Caietan. capi. 2. quæst. 4. Apollin. capite 2. eiusdem libri, & Toletus quæstion. 3. atque ex recentioribus non pauci. Sed eam non omnes defendunt eodem modo: nam Caietanus ad eam defendendam præsupponit vivere dupliciter sumi posse. Primò pro gradu substantiali vitæ communi plantis, animalibus, & hominibus. Secundò sumitur 128 pro speciali gradu vitæ vegetatiuæ, quo distinguuntur plantæ ab animalibus. Et in definitione posteriori asserit modo priori sumi, non posteriori, & sensum eiusdem definitionis esse, Anima est principium, quo viuunt quæcunque habent vitam. Quibus verbis sufficienter esset explicata anima in communi, sed addit Aristoteles speciales gradus vitæ, ut communis ratio animæ magis explicaretur. Secundò præsupponit dupliciter etiam 129 intelligi posse, quod anima sit primum principium vitæ, vel de principio secundum se, hoc est, abstrahente ab actuali, & aptitudinali, vel de principio actuali, & eadem definitione posteriori non sumi hoc modo posteriori, sed priori tantum. Quibus suppositis probat priorem definitionem demonstrari 130 à priori per posteriorem; Testimonio Aristotele qui in initio 2. capite proposuit se velle tradere aliam definitionem animæ continentem causam prioris, quia prior, inquit, solum dicit, quod est, nempe, quod anima est actus corporis, oportet autem reddere causam propter quam sit actus corporis, quod præstabit,



bit, inquit, definitio posterior; ergo cum per hanc demonstratur illa, sequitur sentire Aristotelem, quod per causam, & à priori demonstratur. Probat deinde ratione, quia prius est, quod res aliqua sit in se, & secundum se talis, & per tale esse, quod in se habet, habeat talem sedem, & ordinem cum alijs in hoc mundo, quàm quod sit perfectiua alterius rei, sicut prius est <sup>111</sup>, quod cœlum per suum esse sit supremum corpus in mundo, quàm quod per idem esse proprium sit perfectiuum inferiorum corporum, sed anima habet duo, vnum est, quod sit principium, seu ratio totius vitæ, aliud, quod sit actus corporis, & illud constituit etiam in tali ordine rerum, hoc est in primo loco, & sede formarum, quia ex eo, quod est primum principium vitæ, superat omnes inferiores formas, & primum locum perfectionis inter eas obtinet: per hoc verò, quod anima est actus corporis: solum habet esse perfectiuum alterius, nempe materiæ actuando illam; ergò ratio principij totius vitæ prius conuenit animæ, quàm ratio actuandi materiam; sed hæc explicatur per priorem definitionem, & illa per posteriorem; ergò hæc secunda definitio continet priorem rationem animæ, prima verò posteriorem, & ex consequenti à priori demonstrabitur per posteriorem prior.

Cæteri vero omnes citati pro illa, & præter illos Conymb. <sup>112</sup> capite 2. huius libri, quæstione vnic. articulo 2. alio modo longè diuerso eam defendunt, præsupponentes ex mente, & verbis Aristotelis, quod posterior definitio assignata sit per operationes vitales, quas dupliciter considerari posse aiunt, tanquam effectus eiusdem animæ, deinde tanquam finem cuius gratia informat corpus. Certum namque est animam ideò informare corpus, vt per illud operetur, aut in illo habeat operationes vitales, & licet considerata ratione effectus in operationibus posteriores sint anima ipsa, eiusque informatione, sed considerata ratione finis sunt priores, quia cum gratia earum informet corpus, finis informandi, & actuandi sunt, & in genere causæ finalis priores. Quod præsertim verum est; cum finis non solum <sup>113</sup> sit causa, sed omnium causarum prima, ideò asserunt secundam definitionem per operationes vitales traditam continere causam finalem primæ, & proinde eam à priori demonstrare. Probant testimonijs Aristotelis qui 2. libro de cœlo, & mundo, textu 17. vniuersaliter docet, quamlibet rem factam esse, & tali modo factam propter aliquam operationem, vt cœlum tale factum est, vt tales habeat operationes circa hæc inferiora; imò & homo ipse rationalis est, vt sit capax beatitudinis, quæ operatio quædam eius est, in qua vltimus finis eius consistit. Ex quibus colligunt animam esse actum corporis, ipsumque informare,

informare, ut tales operationes in illo, aut per illud habeat; ergo operationes ipsæ respectu informationis, imò respectu ipsiusmet animæ rationem finis habent, & consequenter secunda definitio per eas assignata causam finalem primæ continet, quæ per actuationem, seu informationem traditur, & à priori eam demonstrabit.

Secunda opinio asserit Aristotelem demonstrasse priorem definitionem animæ per hanc posteriorem, non tanquam per causam, neque à priori, sed à posteriori. Ita D. Tho. lectio. 3. & plures etiam ex recentioribus, quod probant ex verbis eiusdem Aristotelis in eodem principio. 2. capi. asserentis talem esse sibi tradendam definitionem secundam, quæ contineat causam primæ, per quam appareat, quasi dicat, per quam à nobis cognoscatur: nam apparere aliquid solum dicitur respectu nostræ cognitionis; ergo solum intendit definire animam per notiora nobis, qualia sunt operationes, & effectus, & consequenter tali definitione quæ solum sit prior quo ad nos, solumque demonstrat primum à posteriori. Textu etiam 36. & 37. huius secundi libri expressè docet, & probat animam in triplici genere esse causam, videlicet in genere causæ formalis, in quantum est forma, & essentia animatorum corporum, in genere causæ efficientis, in quantum est principium unde motus, id est, à quo operationes vitales procedunt, & in genere causæ finalis, in quantum ad eam non solum operationes ipsæ: sed corpus, in quo, & per quod exercentur, ordinatur: nam gratia animæ corpus est; & gratia eiusdem animæ sunt operationes per ipsum, & in ipso, repugnat ergo apud Aristotelem, quod operationes sint causa formalis animæ, & consequenter, quod definitio per eas tradita contineat causam finalem alterius definitionis, per quam definitur anima tanquam actus corporis, & consequenter repugnabit, quod hæc demonstratur per illam à priori per causam finalem. Probant deinde ratione, quia secunda definitio traditur per operationes, ut concedit prima opinio, sed operationes sub quacunque consideratione sunt posteriores animæ ipsæ, atque actuatione, seu informatione eius; ergo secunda definitio per eas assignata nullo modo potest demonstrare primam à priori, sed omnibus modis à posteriori. Probat minor, quia duobus tantum modis possunt considerari operationes vitales, vel tanquam effectus, & hoc modo constat esse posteriores animæ, & informatione eius, ut aduersarij concedunt, vel per modum finis, & hoc etiam modo sunt posteriores, quod sic probo, substantia est finis accidentium, sed operationes sunt accidentia animæ: ergo est finis earum, & ideo erunt posteriores eadem animæ in eodem genere finalis causæ. Probat antecedens

antecedens, quia accidentia quæcunque sunt propter substantiam : cum sint aliquid eius , & ad ornatum proprium sint ei concessa à natura; ergo finis eorum est. Probatur secundo etiam in particulari ex eisdem operationibus secundum se, quia compositum, & anima operantur, ut per operationes se perficiant, & non propter easdem operationes secundum se acceptas, ergo licet proximè ordinetur utrumque ad operationes, sed operationes ipsæ ordinantur ad perfectionem utriusque : unde sequitur animam, & compositum per operationes ipsas perfectæ esse finem, cuius gratia operationes sunt, & in genere finalis causæ, tam ipsam, quàm compositum priora esse natura eisdem operationibus; repugnat igitur, quod per operationes possit demonstrari à priori anima, vel informatio eius in genere finalis causæ, neque ullo alio modo, nam finis debet esse perfectior his, quæ ordinantur ad ipsum.

Nostra sententia tria asserit : Primum, quod si operationes in 136  
*definitione anima sumantur, ut effectus, non sit demonstratio prima definitionis per secundam à priori per causam, sed solum à posteriori per effectum, in quo conveniant omnes.* Et probatur hoc argumento: esse est prius natura, quàm operari : ergo animam esse principium essendi prius natura est, quàm esse principium operandi, quamvis de principio radicali intelligatur. Et ideo prima definitio priorem rationem animæ continebit, secunda verò posteriorem (etiam si ytraque dicatur quidditativa) & prima non potest demonstrari per secundam à priori, sed à posteriori quasi per effectum.

Asserit secundo nostra sententia contra Caietan. quod etiam 137  
*si vivere accipiat in secunda definitione pro gradu substantiali vitæ, communi vitæ vegetatiuæ, sensitiuæ, & intellectiuæ, non potest demonstrari per eam prima definitio, à priori, sed solum à posteriori.* Probatur efficaciter hoc argumento. Ita se habent duo hæc, in anima, videlicet esse actum primum, & esse principium vitæ substantialis, ut substantialis vita sit effectus formalis animæ, quem corpori tribuit, esse autem formam, vel actum corporis sit causalitas, per quam eadem anima eundem effectum 138  
vitæ tribuit, nam esse actum primum corporis idem est ac informare illud, aut illi vniri per informationem, informatio verò, ut in primo libro Physicor. ostendimus est causalitas formæ: sed per causalitatem constituitur forma causa formalis in actu, & causa formalis in actu, est prior suo effectu, cum procedat ab ea, ut constituta in actu causandi; ergo informatio, vel quod idem est, animam esse actum primum corporis, prior est effectui vitæ, cuius anima est causa formalis, & ex consequenti prius erit animam esse informatiuam corporis, quàm

esse principium vitæ eiusdem, & secunda definitio explicans animam; ut principium vitæ substantialis (secundum Caieta.) continebit posteriorem rationem animæ, per quam demonstrabitur prima à posteriori.

- 139 Tertium quod asserimus est, *Operationes vitales in definitione anima accipi possent per modum causæ finalis, & si ita accipiantur, continerent eandem definitio aliquo modo causam finalem prioris, & in hoc sensu demonstratio prioris per posteriorem erit à priori per causam.* Quod prius declarandum est, deinde probandum.

Pro declaratione igitur adnotandum est, operationes vitales duo habere, & quod sint effectus animæ informantis, & quod sint accidentia eius, aut totius compositi per eam constituti, & secundum utramque rationem evidens est, non solum quod posteriores sint eadem anima, vel composito in genere causæ efficientis, & materialis, absque dubio ex mente Aristotelis, sed etiam in genere causæ finalis, ut in posteriori testimonio citato pro secunda opinione docuit idem Aristot. & si hæc duo tantum consideranda essent in eis, vera esset eadem secunda sententia, & argumenta in fauorem eius præiacta conuincerent, quod demonstratio primæ definitionis per secundam non esset ullo modo à priori per causam, sed à posteriori per effectum. Sed quia aliud considerari potest, & debet, videlicet animam informantem corpus, & compositum, ab ea constitutum duplicem statum habere, prior est imperfectus, ut sumitur solum secundum rationem substantialem nondum perfectam per operationes; posterior verò perfectus, ut considerantur iam perfecta per easdem operationes vitales, & quamuis perfectio hæc sit accidentalis, est tamen maxima, quia si substantiam consideremus nudam omni accidenti, imperfectissimum habebit

- 140 statum. Quod ergo anima sit actus primus corporis, ordinatur tanquam in finem, non quidem ultimum atque totalem, sed proximum ad constitutionem substantialem compositi. Quod verò sit principium operationum vitalium per potentias vitales; ordinatur ad idemmet compositum, ut per eas perfectum, imò ad esse proprium eiusdem animæ per easdem operationes perfectum in corpore tanquam ad finem ultimum. Itaque finis ultimus, atque completus animæ, imò, & compositi est compositum ipsum, & anima ipsa, ut utrumque sumitur, ut habens statum perfectum per operationes, hic autem finis completus componitur ex fine cuius, & fine cui, finis cui sunt anima informans, atque compositum secundum statum imperfectum considerata, finis verò cuius, sunt operationes utrumque perficientes, quæ respectu compositi, & animæ sub eodem statu imperfecto, rationem potius mediorum, quam finis habent,

bent, & idè posteriores sunt in genere causæ finalis, nihilominus sunt aliquid totius completi finis, qui ex anima informantè, aut composito, & eisdem operationibus constat: & cum tam anima informans, quàm compositum per informationem constitutum secundum statum imperfectum ordinentur ad eundem completum finem, consequenter ordinantur aliquo modo ad operationes vitales, tanquam ad aliquid eiusdem completi finis, & idè sub hac ratione formati, qua aliquid sunt eiusdem completi finis, rationem habent finalis causæ comparatæ ad animam informantem, & compositum, ut in statu imperfecto consideratum, & idè aliquam rationem prioritaris: & prior quidem definitio solum explicat essentiam animæ, ut in statu imperfecto, quia solum dicit informationem corporis, & constitutionem substantialem eius, nihil continens de operationibus, per quas tam ipsa, quàm compositum perficiuntur, statumque perfectum comparant. Definitio verò posterior explicat essentiam animæ, ut perfectam per operationes, ad quam ordinatur eadem ipsa anima, ut in statu imperfecto considerata, atque explicata per priorem definitionem tanquam ad finem, cuius aliquid sunt operationes ipsæ, nempe complementum accidentale, & idè ex parte earum aliquid finalis causæ continet posterior definitio respectu prioris, quod satis est, ut eam a priori demonstraret.

Et ex hac doctrina, non solum vera, sed necessaria, (quam absque dubio non sunt assecuti Iuniores illi qui sequuntur secundam sententiam) ratio satis efficax contra eam, & pro nostra formari potest hoc modo. Animam esse actum primum, vel formam corporis, qua ratione explicatur per priorem definitionem, ordinatur ad compositum secundum statum imperfectum sumptum, hoc est, nondum perfectum per operationes tanquam ad finem, & eadem informatio animæ, idè- que compositum ut considerantur nondum perfecta per operationes vitales; ordinantur ad semetipsa, ut perfecta per easdem operationes, ita ut compositum perfectum per operationes sit completus finis compositus ex fine cuius, qui sunt operationes, & ex fine cui, qui est compositum ipsum, & anima ipsa informans secundum statum imperfectum considerata; ergo operationes vitales pertinent ad finem completum, imò sunt quasi complementum eius, in quem finem completum ordinatur anima informans secundum statum imperfectum, hoc est, nondum perfecta per operationes: quo pacto explicatur per priorem definitionem, & compositum, ut ab ea constitutum, etiam secundum eundem statum imperfectum:

ergo ordinantur ad operationes, in quâ tum sunt aliquid eiusdem finis completi: sed operationes explicantur per posteriorem definitionem: ergo prima definitio ordinatur ad secundam tanquam ad finem: & idem demonstratur per illam ab Arist. ut per causam finalem, & à priori in hoc genere causæ.

<sup>144</sup> Probatum secundò ratione Theologica, quia negari nō potest, quod beatitudo supernaturalis sit finis ultimus hominis: sed beatitudo consistit in operatione elicitâ ab anima, & idem vitali: ergo negari non potest, quod operatio vitalis sit finis animæ, vel aliquid saltem completi finis eius, si ponatur tanquam finis completus anima ipsa, ut perfecta per beatitudinem: benè ergo demonstrabitur definitio hominis, nempe, *animal rationale*, per aliam, quod sit *capax beatitudinis*, & à priori quidem secundum genus, causæ finalis, licet contineat operationem eiusdem hominis, quæ est formalis beatitudo; pari ergo ratione demonstrabitur à priori definitio prior animæ per posteriorem, quamvis operationes eiusdem animæ continentem.

Ad fundamentum Caiet. negandum est primò, quod Aristot. sumat in definitione *vivere*, pro gradu essentiali vitæ communi vegetabilibus, seu sensitivis, & intellectivis, sed sumit pro operatione vegetandi in speciali, ut ex contextu eiusdem loci, imò ex toto 2. cap. constat.

<sup>145</sup> Secundò respondetur, quod etiam si *vivere* acciperet pro gradu substantiali vitæ quibuscunque viventibus communi, adhuc non probaretur hac via, quod demonstratio esset à priori, quia prius est animam informare corpus, aut esse informativam, quàm esse actum formalem substantialis vitæ communis, ut probatum est à nobis in 3. assertionem nostram.

<sup>146</sup> Ad testimonium Aristotelis, quod pro se attulit Caietan. iam respondimus quæst. præcedenti, quod loquitur Aristot. de causâ, non formali, sed finali, quam tradidit per secundam definitionem, per quam à priori demonstravit primam prioritatem eiusdem causæ finalis.

<sup>147</sup> Ad argumentum eiusdem Caietan. distinguenda est maior, quod prius sit rem esse talem, & habere talem ordinem cum cæteris in mundo, quam quod sit perfectiva alterius: nam in rebus completis verum est, quia tantum possunt perficere alia accidentaliter, hoc est, per suam operationem, & prius est, quod in se sint completæ per proprium esse, quàm, quod operentur, & operando perficiant alia, in rebus verò essentialiter incompletis, & partialibus, non est verum, quia per propriam essentiam sunt perfectivæ alterius, quare in his simul est, & nullo modo prius habere talem ordinem cum aliis rebus in mundo per proprium esse, & per idemmet esse perfectiva aliorum, & talis est

est anima, cum sit per essentiam propria pars alterius, & forma perfectiua materiæ ad componendum cum ea compositum; quare falsum est, quod prius sit in se; & per se principium totius, vitæ, per quod tenet primum locum inter formas substantiales, quàm quod sit perfectiua materiæ, aut corporis, quod est esse actum primum eius, imò cum eius esse sit incompletum, & perfectiuum alterius, non potest intelligi, quod per illud sit principium totius vitæ, quin intelligatur eo ipso, quod sit actus, & forma alterius, & ideo perfectiua illius, imò cum per informationem, & non aliter tribuat corpori effectum formalem vitæ, prius est, quod sit informatiua corporis, quàm principium vitæ eius, ut in 2. conclusione efficaciter probatum est contra eundem Caiet. propterea non potest hac via defendi, quod prima definitio demonstretur per secundam à priori.

Ad primum testimonium, quod pro se assert 2. sententia, re-<sup>148</sup>  
spondeo operationes utrumque habere diuerso modo consideratas, & rationem effectus, & rationem finis, & sub ratione effectus priores, & notiores sunt, quoad nos, & propterea Arist. duo promisit se ostensurum de prima definitione per secundam, videlicet causam eius in esse, & apparere, & utrumque præstitit definiendo animam per operationes, quæ ut sunt finis eiusdem animæ, causam essendi continent: & ut sunt effectus causam cognoscendi tantum, & ideo demonstratio primæ definitionis per secundam, causam eius tradit, simulque facit eam nobis apparere, in quantum eadem ipsa causa alia ratione est effectus, non enim repugnat utramque rationem simul concurrere in causa finali, ut ostendimus 2. lib. physicorum.

Ut autem intelligatur sensus alterius testimonij, adnotandum est, operationes vitales respectu animæ, & compositi duplicem rationem habere diuerso modo consideratas: nam & ad animam, & compositum ordinantur tanquam ad finem, & finis etiam eorum sunt, in quantum enim per illas anima informans, atque compositum tendunt in propriam perfectionem, media sunt, per quæ eâ consequuntur, anima verò & compositum in consideratione hac habent rationem finis earum, sed in quantum sunt complementum totalis finis, videlicet eiusdem animæ, atque eiusdem compositi, ut per operationes perfecti, rationem causæ finalis habent, cuius gratia anima informat corpus, & corpus ipsum per eam constituitur, quare posterior definitio explicans animam, habet perfectam rationem.

Ad primum argumentum eiusdem sententiæ neganda est minor, quod operationes vitales sub quacunque consideratione sint posteriores animæ, & informatione eius, & cum dicitur esse accidentia animæ, concedendum est, quod verò ex hoc infer-

tur, in genere causæ finalis esse posteriores, quia substantia est finis accidentium, distinguendum: nam in quantum per accidentia, quæ sunt operationes, consequitur propriam perfectionem, verum est, sed in quantum eadem operationes sunt aliquid completi finis, videlicet eiusdem animæ, ut per eas perfectæ, rationem finalis causæ habent comparatæ ad eandem animam sub imperfecto statu tendentem ad huiusmodi completum finem, & ideo secunda definitio tradita per eas ita consideratas, causam finalem continet primæ traditæ per informationem quæ imperfectum statum animæ continet, nondum per operationes perfectæ.

Ad 2. concedenda sunt omnia, quæ in antecedente sumuntur, nempe animam, & informationem eius esse propter compositum, atque etiam animam, & compositum operari, ut assequantur propriam perfectionem, & ideo in hoc sensu, esse finem, in quem ordinantur operationes, & operationes media, per quæ eandem perfectionem assequuntur, sed eadem operationes sunt aliquid eiusdem completi finis. Anima sub vna ratione finis est operationum vitalium, & sub alia eas habet pro fine, non totali, & completo, sed pro fine cuius, hoc est, pro ratione, & complemento, quo constituitur completus finis, ex fine, cui, & cuius ut iam fuit à nobis expositum.

Aliud verò, quod additur in eodem argument. nempe operationes esse imperfectiores anima, & composito concedendum est, sed negandum, quod infertur nullo modo posse esse finem eius: quia ut aliquid sit finis principalis, vel completus, necesse est, quod sit perfectius re illa cuius finis est, ut autem sit aliqua ratio, vel complementum eiusdem finis, non est necessariū, sed satis est si sit aliqua perfectio eius, licet eo simpliciter imperfectior. Et ratio huius est, quia id quod perfectius est, potest aliquo modo perfici, per aliquid minus perfectū, ut substantia perficitur per accidentia sibi propria: & ita anima, & compositum per proprias operationes. Nec D. Tho. aliquid sentit contra nostram sententiam, quia operationes vitales in definitione animæ solum accipit tanquam effectus eiusdem animæ iuxta primam assertionem nostram, quare in favorem potius nostræ citari potest, quam pro sententia opposita.

## CAPUT III.

## TEXTVS ARISTOTELIS.

*Potentiarū autē animæ, quæ dicta sunt, aliæ quidem insunt omnes, &c.*

## Brevis expositio Textus.

Intentum Arist. in hoc cap. 3. est distinguere gradus potentiarum vitalium, & consequenter operationum, ut intelligatur



tur ordo, quo de illis in particulari sibi agendum sit in sequentibus. Diuiditur autem cap. in tres partes; in prima enumerat potentias vitales, & comparat eas cum viuentibus, quibus conueniunt, atque ex utroque colligit numerum graduum viuentium: in secunda comparat species animarum quarum sunt omnes potentie vitales ad definitiones animæ duobus capitibus præcedentibus designatas. Et tandem in vltima magis in particulari enumerat gradus viuentium.

Potentie vitales (inquit) Arist. quinque sunt, videlicet, vegetatiuum, sensitium, appetitiuum, loco motiuum, & intellectiuum, sed principia à quibus emanant, & quorum dicuntur esse propria, quæ sunt viuentia ipsa, tantum sunt quatuor, quia appetitiuum, & sensitium non separantur, sed necessario coniuncta sunt in eodem. Primus itaque gradus viuentium est vegetatiuus, à quo emanat prima potentia vitalis, quæ nutritiua vocatur. Secundus gradus est sensitiuus, à quo duæ potentie vitales emanant: in eoque necessario coniunguntur, nempe sensituiua, & appetitiua, propterea appetitiua, non distinguit nouum gradum viuentis, sed ad eundem gradum sensitium pertinet: quod probat duplici ratione, præmissa tamen diuisione appetitus in sensitium, & rationalem, rationalis est, qui sequitur cognitionem intellectus; sensitiuus, qui sequitur cognitionem sensus: omnis enim appetitus præsupponit, ac sequitur aliquam cognitionem, quia appetitus est potentia cæca, quæ per modum inclinationis fertur in bonum, quare necessario indiget, vt ei proponatur per potentiam cognoscitiuam idem bonum, & si cognitio per quam proponitur sit intellectiua, appetitus vocatur rationalis, & est voluntas, si sensituiua, dicitur appetitus sensitiuus, & iste est, qui coniungitur necessario cum potentia sensituiua & pertinet ad eundem gradum vitæ sensituiuæ. Habet autem duplicem partem videlicet concupiscibilem, per quam tendit in bonum, ipsumque amplectitur; & irascibilem per quam impedimenta tollit, quæ se offerunt in prosecutione eius.

Quibus præsuppositis probat 1. quod appetitiuum necessario coniungatur cum sensitiuo hoc modo: Omne sensitium, vt minimum habet sensum tactus, quamuis cæteris careat, sed sensum tactus sequitur necessario appetitus: ergo duæ istæ potentie necessario coniunguntur in eodem gradu sentiendi. Maiorem sic probat, & explicat, alimentum est necessarium ad conseruandam vitam, ergo cum omne sensitium viuat, & ducatur in suis operationibus sensu, necessario debet cognoscere, ac discernere alimentum sibi conueniens, ita vt illud sibi sumere possit, sed per sensum tactus illud discernit; ergo huc saltem necessario habere debet, etiam si cæteris careat, & propterea vo-

† catur tactus sensus alimenti. Minorem verò probat, quia experientia constat tangendo nos sentire dolorem, aut voluptatem, qui sunt actus appetitus, & propterea appetitus ipse necessarius, & per se coniunctus est cum sensu. Quod rursus probat, quia qualitates propriæ alimenti, ut calidum, frigidum, humidum, & sic cum sunt obiecta tactus: ergo per tactum discernitur alimentum: Deinde, quibus conuenit sensus alimenti, cōuenit fames, & sitis, quæ circa idem alimentum versantur: ergo cuiusunque animali inest fames, & sitis, quæ sunt appetitus cibi, & potus; quare necesse est cuiusunque animali inesse appetitum, & ideo appetitiuū non distinguī alium gradum viuētis à sensitiuo. Tertius gradus viuētium est eorum, qui ultra vegetationem, sensum, & appetitum habent potentiam, qua possunt se mouere motu progressiuo: hoc enim nō inest omnibus animalibus; nam quædam sunt, quæ non mouētur motu progressiuo, sed perpetuò sunt lapidibus affixa, quamuis motum dilationis, & constrictionis habeant viuētibus proprium.

Quartus gradus est eorum, quæ præter prædicta omnia habent cogitatiuum & intellectiuum, hoc est, intellectum discurrentem, & simpliciter intelligentem, & ad hunc gradum pertinent homines (inquit Aristot.) & si quid est aliud aliud, aut melius homines; quod addit propter quosdam existimantes, cæcos esse animatos, & intelligentias esse corporeas, ideo habere intellectum in corpore. Sed dubitare potest aliquis, quoniam modo se habeant prædictæ definitiones animæ assignatæ ad omnes hos gradus animatorum, an definiatur per illas aliqua ratio communis animæ, & consequenter omnibus his animatis, vel non. Et respondet non definiri aliquid commune realiter separatim ab speciebus animarū, quia nec dari, nec dari potest, sed à solo Platone falsò fuit excogitatum, & aliis locis ab eodem Aristot. impugnatum: sed definitur communis ratio animæ sola ratione distincta ab speciebus animarum, & in eisdem realiter existens.

Enumerat tandem magis in particulari gradus, vel species animarum, atque animatorum, docens, quoniam modo se habeant inter se se, quod explicat exemplo figurarum sic se habentium, ut posteriores sint perfectiores prioribus, easque includant quadam ratione virtuali, sicut pentagonus perfectior est tetragono, & trigono; & eas includit, atque etiam tetragonus perfectior est trigono, cumque includit: trigonus verò sicut est prior, sic est imperfectior, & in duobus posterioribus includitur. Ita ait se habere gradus animarum, nam vegetatiua est prior, & ideo imperfectior: sensitiua perfectior eamque virtute includens: cum euidens sit præstare operationes eius: & tandem  
intelle

intellectiua vtraque perfectior, & vtramque includens: cum præter operationes sibi proprias omnes operationes vtriusque præstet. Et ideo asserit considerandum esse qualiter sit anima in vnoquoque viuente, nam in plantis est sola vegetatiua, nihil aliud includens: in animalibus sensituiua virtute includens vegetatiuam, & in hominibus rationalis, virtute cōtinens vtramque. Et licet tres sint tantum species animæ, consideratis tamen operationibus, & potentiis vitalibus, & modo, quo separatæ possint reperiri, quinque gradus viuentium posse distinguere asserit, licet solum hucusque enumerauerit quatuor. Primus est vegetatiuus, de quo constat reperiri in plantis separatim ab aliis. Secundus sensituiuus admodum imperfectus, vt minimum habens sensum tactus, sed continens virtute vegetatiuum. Tertius sensituiuus perfectus habens alios sensus præter tactum. Quartus eorum animalium, qui præter sensus omnes habent motum localem progressiuum. Vltimus eorum qui præter prædicta omnia intellectum, & rationem habent: & tale animal est homo. De his omnibus viuentium gradibus tandem docet, quod posteriora à prioribus non separantur, bene tamen priora à posterioribus: & ratio est manifesta, quia posteriora includunt priora, & propterea repugnat ab eis separari, priora vero non includunt posteriora, & ideo necesse est separari ab eis.

TRACTATUS DE PLURALITATE ANIMARVM, ET animatorum.

QUESTIO I.

*An tres sint tantum species animarum, quatuor gradus animatorum, & quinque genera potentiarum.*

**R**IST. In præsentī cap. tres diuisiones constituit, animarum, vnam, potentiarum; vitalium alteram, & animatorum tertiam. Prima autem diuisio talis est; anima in communi sumpta alia est vegetatiua, quæ reperitur in plantis; alia sensituiua, quæ reperitur in animalibus, & alia rationalis, quæ reperitur in hominibus. Secunda diuisio sic habet, potentia vitalis in communi sumpta alia est vegetatiua, alia sensituiua, alia appetitiua, alia loco motiua, & alia intellectiua. Tertia diuisio animatorum est; aliud est vegetatiuum, vt plantæ; aliud sensituiuum habens sensum, & appetitum tantum, vt animalia imperfecta

lapidibus affixas aliud loco motuum habens præter sensum, & appetitum aliam potentiam vitalem, per quam moueri potest motu progressiuo; aliud tandem rationale, vt homo. Has autem diuisiones sigillatim examinare, atque explicare oportet.

- 8 Et circa primam diuisionem potest esse dubium de anima vegetatiua; & sensitiua, an sint veræ animæ: nam de rationali superius probauimus esse veram formam, veramque animam. Fuit igitur sententia Stoicorum, quam referunt Plutar. lib. 5. de placitis philosophorū cap. 26. Clemens Alex. 8. lib. Stromatum, & Gale. in lib. naturalium facultatum, negantium plantas viuere, quia appetitu carent, & ideò solū ponentium duo animarum genera, nempe sensitiuam, & rationalem, quia vegetatiua non separatur à sensitiua, & ideò non distinguit aliud genus animæ. Et huius sententiæ non solū meminit D. August. sed eam videtur sequi lib. de spiritu, & anima cap. 8. & 13. & lib. 8. super Genesim ad literam cap. 16. & 17. vbi explicans verba illa, *Inspirauit in faciem eius spiraculum vita* (ita ait) *si nobis tantum inisset motus plantarum, non diceretur homo factus in animam uiuentem*. Sentit ergo animam vegetatiuam plantarum non esse veram. Ex opposito verò Plato in Timæo non solū viuere, sed sentire docuit plantas, vt etiam testatur Theodoretus lib. 7. de curandis Græcis affectionibus, & solū differre ab animalibus, quia hæc quasi acutiorem, ac vigilantem sensum habeant, plantæ verò obtusum, & quasi dormientem. Imò Empedocles, Anaxagoras, atque Democritus non solū sensum, sed mentē seu intellectum videntur eis tribuere, vt refertur 1. lib. de plantis cap. 1. Ab hac verò sententia Platonis non multum videntur differre Pythagoræ, qui non solū sensum, sed appetitum quoque tribuebāt perfectioribus plantis. Fundamentum Platonis fuisse dicitur, quia plantæ videntur distinguere viles succos ab inutilibus: nam illos attrahunt, hos verò potius respuunt, vt variis experiētiis intelligi potest. Præterea arbores quædam cernuntur, quæ fructu omnino, imò omni prorsus fecunditate carent, nisi situm in certa distantia habentes, à qua
- 10 mutuo se respiciant, & propterea nominibus maris, ac fœminæ designantur. Pythagoræ verò ita videntur sensisse, quia arbores quædam, si pungantur, vel secentur lacrymas quasdam videntur effundere, quod videtur eis propter dolorem accidere, dolor verò actus appetitus est, & ideò sensum suum videntur ostendere. Vtramque nihilominus sententiam referens D. August. in lib. de quantitate animæ cap. 35. eam rusticanam impietatem vocat propter Manichæorum errorem, qui vt testatur ipse in libro de hæresibus, hæresi 46. non solū plantis sensum tribuebant, sed etiam rationalem animam, contra quem errorem copiosè

copiosè scripsit lib. 2. de moribus Manichæorum cap. 17.

Hæc tamen triplex positio error est in philosophia. Probat-  
tur, quia evidens est distingui res, quæ viuunt à non viuenti-  
bus, quia illæ sunt animatæ, hæ verò non habent animam, sed  
aliam formã ordinis inferioris, vt lapides: sed evidens est plan-  
tas viuere; ergo evidens est habere animam: deinde evidens est  
non habere sensum, nec appetitum; ergo evidens est dari ali-  
quam animam, quæ non sit sensitiua, nec rationalis, & hæc di-  
citur vegetatiua constituens primum genus animarum. Proba-  
tur prior pars minoris aduersus Stoicos, quòd plantæ viuunt.  
Primò ex verbis sacræ paginæ, nam primæ ad Corinth. 15. in-  
quit Paulus. *Quod seminas non uiuificatur, nisi prius moriatur.* Et  
Ioannis 12. *Nisi granum frumenti cadens in terram mortuum fue-  
rit, &c.* Vnde non solùm communis consensus philosophicæ  
scholæ id tenet cum Aristot. 2. lib. de anima textu 6. & 2. lib. de  
partibus anim. c. 10. Sed etiã scholæ Theologicæ cum D. Dionys.  
cap. 6. de diuinis nominibus, & D. Aug. 11. libr. de Ciuit. Dei,  
cap. 16. Vnde, quod alio loco citato asserit, vel eius non est,  
sicut nec liber ille, vel dum vitam negat plantis, de sensitiua in-  
telligit, quæ nomine vitæ intelligi solet. Probaturs deinde ratio-  
ne: nam viuentia distinguuntur à non viuētibus, vt evidens expe-  
rientia docet, quia viuētia nutriuntur propriè, & augentur, hoc  
est, per intussumptionem, & secundum omnes partes: nam ali-  
mentum, quod est succus terræ, per radices attrahunt, & sua  
virtute intrinsecà per omnes partes proprii corporis distribuūt,  
& in omnibus, & singulis propria etiam virtute conuertunt in  
propriam substantiã, quod constat non habere corpora inferio-  
ra: ergo evidens est plantas viuere, & habere animam, & eis id  
negare error philosophicus. Probaturs posterior pars eiusdem  
minoris aduersus Platonem, & Pythagoreos, quod non habeant  
sensum, nec appetitum: quia evidens experientia docet nullum  
esse animal quantumlibet imperfectum sensum & appetitum  
habens, quod si pungatur, non tribuat aliquod doloris signum  
se contrahendo vel alio modo se mouendo, vt spongia, & coclea  
ostendunt. Plantæ verò, etiã si scindantur, nihil horum osten-  
dunt; ergo nec intelligi potest vitam sensitiuam, & appetitum  
habere; merito ergo docuit Arist. 3. lib. de anima, cap. 12. textu  
66. plantarum naturam admodum terrestrem esse, & propterea  
ineptam prorsus ad sensum. Prætereà experientia docet in om-  
nibus sentiētibus dari vigiliam, & somnũ, quibus carere plantas  
videmus, & ideò non est minus evidens carere anima sensitiua.

Argum. verò, quæ pro eisdem positionibus obiecta sunt, dif-  
ficultate carent: nam quod viles succos attrahant, & inutiles  
reiciant, non prouenit ex aliqua cognitione sensus, sed ex vir-  
tute

tute vitali, ac naturali attrahente illos, & expellente hos. Prosequutio verò circa salutaria, & fuga circa noxia quæ eis inesse videtur, ex interna, ac naturali antipathia, & sympathia oritur, & suo etiam modo fecunditas, quæ iuxta posita habent, aut sterilitas quam ad maximam distantiam incurrunt, & propterea nomina maris & foeminae penitus sunt translatitia, tanquam certum igitur debet esse, dari animam vegetatiuam separatam à sensitiua, & intellectiua vt cap. præsentis docet Arist. & cum eo omnes.

Sed adhuc qui eam admittunt, non omnes recipiunt eandem primam diuisionem animæ in tria genera tantum, sed quidam aliud genus animæ addere debuisse Aristotelem putant, ita vt quatuor genera animarum distingueret, nempe vegetatiuæ, sensitiuæ, atque intellectiua: sicut distinxit quatuor gradus animarum. Ita Ægidius, & Caietanus capite præsentis. Quod ita probant: animarum constituitur per animam, sed quatuor gradus animatorum ponit Aristotel. ergo quatuor genera animarum distinguere debet. Quod enim potentia loco motiua distinguatur ab aliis, non sufficit ad distinguendum quartum gradum viuentium, cum ab eodem genere animæ sensitiuæ oriatur, nam ab eodem oriuntur omnes potentia sensitiuæ: & diuersum gradum viuentium non constituunt, quare si distinguit diuersum, à diuersa anima oriri debet, & ita distinguuntur quatuor genera animarum, vel non erunt distinguendi quatuor gradus animatorum.

14 Secunda opinio ex opposito tenens tria tantum esse animarum genera, consequenter asserit tres solum distinguendos esse gradus viuentium. Ita Viguerius tractatu 1. de anima. Probat, quia sola separatio potentia loco motiua à cæteris, non sufficit distinguere quartum gradum animatorum, supposito, quod ab eadem anima sensitiua oriatur, sicut potentia sensitiua, nam gradus animatorum ab eisdem animis accipiunt vnitatem, & distinctionem specificam: ergo non potest distingui quartus gradus animatorum, nisi distinguatur quartum genus animarum, sed tria tantum distinguuntur genera animarum ab Aristotele: ergo tres solum gradus animatorum debuit distinguere.

Tertia sententia distinguit tria tantum animarum genera, potentiarum quinque, & gradus animatorum quatuor in principio quaestionis enumerata. Ita Aristotel. capit. præsentis, D. Thomas, ibidem, atque etiam 1. parte, quaestione 78. articulo 1. & cum eo cæteri expositores, & hæc est vera, & tenenda. Quæ probari potest præsertim quantum ad primam diuisionem, quæ fundamentum aliarum est ex vtraque definitione animæ ab Aristotel. assignata cap. 1. & 2. huius libri, & à nobis explicata. Nam

15 anima vegetatiua plantarum distinguitur specie ab anima sensitiua

sitiua brutorum, vt euidenter ostendunt operationes specie diuerse vtriusque. Ex quibus etiam probatur euidenter, quod anima rationalis sit specie distincta ab anima brutorum, & plantarum; & quælibet harum animarum datur realiter separata à cæteris, vt patet in plantis, brutis, & hominibus: ergo tria sunt distinguenda animarum genera. Sed cum ea distinguimus genere, vel specie, de incompleta specie, vel genere, ac partiali intelligi debet, non de completa, ac totali, quia cum anima sit pars, non potest completam speciem constituere, sed solum esse partem speciei, vel generis. Sed nec de genere habente sub se plures species, cum constet animam rationalem esse speciem atomam. Sed tria genera animarum solum significant tres rationes vniuersales animæ, quæ sunt principia trium modorum operandi diuersorum: ita vt sub quolibet contineantur omnes species animæ eodem modo operantes. Sufficientia autem huius diuisionis diuersis modis sumitur, ac explicatur à diuersis. Sed hic modus eam sumendi à nobis excogitatus videtur breuior, clarior, & comprehendens omnes alios, continetur autem hoc discursu. Anima ex sua propria ratione habet 16 esse principium internum, ac radicale vitalis operationis, sed tribus tantum modis vniuersalibus est principium omnium operationum vitalium: ergo tria tantum distinguere debent animarum genera. Maiorem probo; nam primo modo, cognitione quidem inferiori est principium internum vitalis operationis, per modum naturæ ad multiplicandam, conseruandam, & augendam vitam per se ordinatum, in his enim tribus operationibus, videlicet generatione sibi similis, per quam multiplicantur viuientia, nutritione, per quam conseruantur in eadem vita accepta per generationem, & augmentatione, per quam augentur, euidenter est operari animam sine cogitatione, & ideo modo simili, quo operantur cæteræ formæ ac res naturales inferiores, quamuis aliquo modo altiori, quia vitali. Anima igitur in com- 17 muni, quæ hoc modo infimo est principium radicale, & internum vitalium operationum, constituit primum genus, ad quod pertinent omnes species animæ: à quibus hoc modo procedunt operationes vitales. Secundum genus constituit anima in communi considerata, in quantum est principium radicale, atque internum operationis vitalis per modum cognitionis imperfectæ, hoc est, sensitivæ, vel cognitionem sensitivam consequentia, vt comprehendatur operatio appetitus sensitivi ab eadem anima procedens, atque etiam motus progressius, qui media eadem cognitione & appetitu sensitivo fit. Tertium genus constituit anima, quæ est principium vitalis operationis per modum perfectæ cognitionis, non elicitæ per organum corporeum,

corporeum, nec per potetiam in eo existentē, sed immediatē ab  
 18 eadem anima, & hæc est sola anima rationalis. Hunc ferē modū  
 sufficientiæ attulit D. Thom. 1. p. q. 78. ar. 1. explicans eas per di-  
 uersos modos operandi animæ secundum maiorem, vel minorē  
 eleuationem à rebus naturalibus uon uiuentibus, quod idem fe-  
 rē est, & pariter alij modi ab alijs adducti ad eundem possunt  
 facile referri, sed quia clarior, atque distinctior, & ideo facilior  
 est hic nosse, eas omitemus.

Vt autem explicetur diuisio graduum uiuentium adnotan-  
 dum est duobus modis sumi posse uiuentia præcise secundum  
 essentielles gradus vitæ ad inuicem separatos, & hoc modo eui-  
 dens est tres tantum distinguui posse, supposito quod tria tan-  
 tum distinguuntur genera animarum. Secundo modo sumun-  
 tur gradus animatorum non ex solis essentialibus, sed in ordi-  
 ne ad subiecta, nempe animata, in quibus diuersam genus po-  
 tentiæ vitalis reperitur sine alijs, vel ab eis realiter separatum.  
 Itaque ex separatione reali distinguuntur ab Aristotele, & alijs  
 expositoribus, ut patet ex principio huius capituli, ubi probauit  
 19 Arist. appetituum non esse distinctum gradum animatorum à  
 sensitiuo, quia licet potentia appetitiua diuersa sit à sensitiua,  
 non est tamen ab ea separabilis: & propterea ad eundem gra-  
 dum uiuentium cum ea pertinet. Et merito quidem, quia vitam  
 in his capitibus secundi libri semper sumit pro vita acciden-  
 tali, nempe pro vitali operatione, ut superius exponentes poste-  
 riorem definitionem animæ ostendimus contra Caietan. ergo  
 gradus vitæ, seu uiuentium, vel animatorum (qui idem omnino  
 sunt) in ordine ad operationes vitales desumi debuerunt, & non  
 ex sola ratione essentiali. Quo supposito facile est ostendere  
 quatuor esse, ita ut nec plures sint, nec pauciores, etiam si gene-  
 20 ra animarum tria tantum sint, & potentiarum quinque. Osten-  
 ditur autem hoc modo; gradus animatorum in quibus reperiun-  
 tur potentiæ vegetatiuæ, hoc est, generatiuæ, nutritiuæ, & aug-  
 mentatiuæ sine sensitiuis, & intellectiuis est infimus, & ideo  
 primus. Secundum verò gradum constituunt animata illa, in  
 quibus reperiuntur potentiæ sensitiuæ cum appetitiua, & siue  
 loco motiua: & huiusmodi sunt sensitiua imperfecta, & vocatur  
 21 gradus sensitiuus. Tertium constituit potentia loco motiua se-  
 parata ab eodem gradu sensitiuo, atque etiam sine intellectiua  
 reperta in animalibus perfectis, & quarum potentia intellectiua  
 separata à cæteris in homine. Diuisio tandem potentiarum in  
 quinque genera, nempe in vegetatiuam, sensitiuam, appetitiuam,  
 loco motiuam, & intellectiuam, ab omnibus recipitur, & ideo  
 à nobis recipienda est. Sumitur autem sufficientia eius non ex  
 ordine ad idem, vel diuersum subiectum animatum; cum eui-  
 dens



dens sit in eodem reperiri plura, ac diuersa genera potentiarū valde diuersa secundū maiorem perfectionem animæ, per quam constituitur, sed sumitur ex eodem modo, vel diuerso operandi, ita ut omnes potentiæ habentes eundem modum operandi constituent idem genus, & diuersum ab eis aliæ habentes diuersum modum operandi, sed quinque tantum sunt modi operandi diuersi potentiarum vitalium; ergo quinque tantum genera earum distinguenda sunt, sub quibus collocantur omnes. Probatur minor, nam omnes potentiæ vegetariæ habet eundem modum operandi sine cognitione, ac per modum aliarum potentiarum inferiorum: ergo constituunt primum genus. Et secundum, omnes potentiæ sensitiuæ habentes eundem modum operandi imperfectæ cognitionis per organum corporeum, & potentiam in eo existentem, ac per species intentionales ab objecto sensibili procedentes exercitæ, in quo modo operandi conueniunt omnes potentiæ sensitiuæ. Potentia verò appetitiua etiam si sit necessariò coniuncta cum sensitiua in eodem animato, diuersissimum habet modum operandi ab ea, nam sensitiua cum sit cognoscitiua, operatur per modum attrahendi ad se obiectum, quia iste est modus cuiuslibet cognitionis: appetitiua verò non est cognoscitiua, sed operatur per modum inclinationis in bonum sensibile, & propterea distinctū genus potentiarum constituit à sensitiua, atque etiam ab intellectu, quod vocatur 22  
tertium, comprehendens sub se tam appetitum sensitiuū; quàm rationalem, quia licet specie distinguantur, in quantum sensitiuus tendit in bonum sensibile, hoc est cognitum per sensum, & rationalis in bonum cognitum per rationem, vel intellectum, & propterea appellatur voluntas, habent tamen eundem modum operandi per modum inclinationis, & ideo idem genus potentiæ vitalis constituunt.

Quartum genus est potentia loco motiua, cuius modum operandi diuersum esse à modo operandi potentiarum sensitiuarum euidenter est, nam motum progressiuū efficit anima præcedente operationem sensus, & appetitus per potentiam motiuam in membris ipsis, per quæ mouetur corpus existentem. Quomodo nec habent sensitiuæ potentiæ, nec appetitiuæ: merito ergo distinguit potentia motiua quartum genus potentiarum ab utroque diuersum. Quintum atque vltimum genus constituit potentia intellectu, quia licet in genere cognoscitiuæ potentiæ conueniat cum sensitiuis, longè diuersum modum operandi habet, cum non sit potentia organica, nec actus eius exerceatur per organum corporeum, nec omnino per corpus: quare nec cum dependentia ab eo, nisi quantum ad subministrationem specierum, & obiectorum. Omnis autem sensitiua cognitio 23

cognitio actus est alicuius organi corporei, quo dissoluto repugnat operari animam, etiam si per diuinam potentiam permaneret (naturaliter namque statim corrumpitur) & hinc procedit aliud discrimen maximum, quod potentiae sensitiuae operantur per species materiales, & corporeas, per quas non possunt attingere cognitionem rerum spiritualium, imò nec materialium in vniuersali, sed res tantum sensibiles, & singulares; intellectus verò omnia, & omnibus modis cognoscit, & ideo sensus non sunt scientiarum capaces sicut intellectus. Et ex eodem modo vniuersalissimo cognoscendi, sibi proprio habet intellectus, quod sit radix, & origo totius libertatis, quod est maxima perfectio eius indicans distinctionem eius à modo operandi sensuum. Et ideo aliud genus à potentijs sensitiuis.

- 25 Ad argum. Caiet. & Ægidij concedenda est maior, & minor, sed neganda consequentia, quod quatuor genera animarum distinguere debeat Arist. sicut distinguit quatuor gradus viuentium: nam diuerso modo sumuntur ab eo genera animarum, & gradus viuentium; illa quidem ex solis essentialibus, hæc vero potius ex ordine ad subiecta, hoc est, ad animata, in quantum vnum reperitur in eis separatum ab alijs. Et cum quatuor sint animata, in quibus diuersum genus potentiarum reperitur separatum, licet tria sint animarum genera, quatuor distinguuntur gradus viuentium. Et eodem modo respondetur ad argum. 2. opinionis, nam eadem ferè fuit deceptio vtriusque: putarunt namque auctiores isti ex solis essentialibus distingui ab Arist. gradus animatorum, sicut distinguuntur diuersa genera animarum; ex quo intulit secunda opinio, quod cum genera animarum solum sint tria, tres tantum distinguendi sint gradus animatorum, aut viuentium. Caiet. vero, & Ægidius ex opposito, ex quatuor gradibus animatorum intulerunt quatuor genera animarum, deceptos igitur esse dicimus eodem modo, quia putauerunt omnes æqualem debere esse numerum animarum, & animatorum, quod aperte falsum est, quia ex diuersis sumuntur iam explicatis, quæ cum sint inæqualia, etiam oportet inæqualem esse numerum animarum, & animatorum.

- 26 Ad argumentum verò contra diuisionem, potentiarum in quinque genera respondeo, non distinguui genera potentiarum per ordinem ad subiecta, in quibus inueniuntur separata, sicut gradus viuentium, sed per diuersos modos operandi iam explicatos: nam iste est modus proprius distinguendi genere potentias, vt in alijs controuersijs est manifestum, & cum potentia visua conueniat in eodem modo operandi cum ceteris sensibus, & generatiua cum ceteris potentijs vegetatiuæ animæ, non constituunt diuersa genera potentiarum, licet separate inueniantur

niantur ab eis, sed sub eisdem generibus continentur, generatiua quidem sub genere vegetatiuarum, & visuiua sub genere sensitiuarum.

QVÆSTIO II.

*An vegetatiuum includatur formaliter in sensitiuo, & utrumque in rationali, vel eminenter tantum.*

**V**egitatiuum, & sensitiuum duobus modis accipiuntur: primo pro potentiis vegetandi, & sentiendi, secundo pro gradibus vitæ vegetatiuæ, & sensitiuæ: à quibus tales potentie tamquam à radice procedunt, & de eis primo modo sumptis non procedit quæstio; quia certum est potentiam sensitiuam non includere vegetatiuam: cum sit certum non posse illo modo actum eius præstare, sed cum ordinentur ad actus specie diuersos; ita ut vnum non includat alterum, sic ipsæ se habent, ut nullo modo se includant. De solis igitur gradibus substantialibus quærit titulus quæstionis, an ita se includant, ut sensitiuus, vegetatiuum, & rationalis utrumque contineat. Sed adhuc gradus isti dupliciter considerari possunt, vel in communi, ita ut gradus vitæ vegetatiuæ consideretur quasi abstractus à particularibus differentiis plantarum, brutorum, & hominis, vel in particulari, ut determinatus per propriam differentiam plantarum, quam negatione illa explicamus dicentes, plantam habere gradum vitæ vegetatiuæ tantum, hoc est, non sensitiuæ. Et quæstio procedit de eis utroque modo consideratis.

Sed adnotare oportet secundo; Illud dici continere aliud formaliter, quod habet in se formaliter esse eiusdem rationis, per quod potest illud producere, vel operationes eius præstare, ut calor vnus, qui producit alterum, dicitur continere illum formaliter. Eminenter verò continere aliud est, per aliud esse diuersæ rationis, & ideo perfectius, quod in se habet posse illud producere, vel saltem perfectius præstare, quidquid illud præstare potest, ut lux dicitur continere calorem eminenter, quia per esse perfectius diuersæ rationis, quod in se habet, potest eum producere.

Quibus explicatis conueniunt omnes in eo, quod gradus essendi vegetatiuus, siue in genere accipiatur, siue in specie, continetur in sensitiuo formaliter, aut eminenter. Quod probatur euidenter, supposito, quod in vno viuentem non detur nisi vna anima, quod inferius ostendetur. Nam euidentem est animalia omnia non solum esse sensitiua, sed etiam vegetatiua, cum euidentem sit habere operationes vegetatiuas generationis, & nutritionis, & euidentem sit id habere ab anima sen-

sensitiva, cum neque à materia habeant, nec ab anima vegetatiua ab ea distincta; ergo euidens est, quod anima sensitiva eorum sit principium radicale operationum vegetatiuarum, & consequenter principium, quo viuunt vita vegetatiua, quod est esse animam vegetatiuam, & ideo illam continere formaliter, aut eminenter: & quod de sensitiva probatur respectu vegetatiuæ, simul de rationali respectu vtriusque probatum censetur. Solum potest esse quæstio circa modum specialem continendi, an videlicet continentia hæc sit formalis, ita vt anima sensitiva cuiuslibet bruti sit formaliter vegetatiua, & rationalis formaliter sensitiva, & vegetatiua, vel solum virtualiter, aut per eminentiam, ita vt sensitiva solum sit vegetatiua eminenter, & rationalis quoque sensitiva, & vegetatiua.

Et prima opinio asserit virtualiter, aut eminenter contineri vegetatiuam in sensitiva, & vtramque in rationali, non tamen formaliter. Ita Iauellus 2. lib. de anima, Caietan. 1. part. quæst. 75. artic. 4. & magis ex professo cap. præsentis, quæst. 1. Petrus Martinez 2. lib. de anima, cap. 2. Toletus quæst. 3. & 7. eiusdem libri, & idem videtur sentire D. Thom. 1. part. quæst. 76. artic. 4. vbi ita ait: *Nulla alia forma substantialis est in homine, nisi sola anima intellectiua, & ipsa sicut virtus continet animam sensitivam, & nutritiuam, ita virtus continet omnes inferiores formas, & facit ipsa sola, quidquid imperfectiores forma in aliis faciunt, & similiter est dicendum de anima sensitiva in brutis, & de nutritiva in plantis, & vniuersaliter de omnibus perfectioribus respectu imperfectarum* Probatum testimonio Aristotelis, & ratione, Aristoteles enim cap. præsentis asserit sic se habere vegetatiuum, sensitivum, & intellectivum, sicut figuras priores, & posteriores, ita vt sicut priores includuntur potentia in posterioribus, vt trigonus in tetragono, & vterque in pentagono, aut triangulus in quadrangulo ita vegetatiuum includatur in sensitivo, & vterque in rationali in potentia, sed includi in potentia solum est includi virtualiter, & non formaliter: ergo ex mente Arist. solum includitur vegetatiuum in sensitivo, & vterque in rationali virtualiter, aut eminenter, non formaliter.

Quod ex modo inclusionis eorundem numerorum constat: nam triangulus secundum propriam rationem formalem, quæ tres tantum angulos æquales duobus rectis habere dicitur, non continetur actu, & formaliter in quadrangulo plures habente, sed solum in potentiam, in quantum ex posteriori figura potest effici prior: ergo nec vegetatiuum includitur in sensitivo, vel vterque in rationali, nisi in potentia, in quantum posterior gradus, vel anima præstare potest, quidquid potest prior & longè perfectius, quod est eminenter contineri non formaliter.

Probat ur

Probatur deinde ratione, 1. quia differentia Metaphysica, licet sumatur à tota natura Physicæ speciei, formaliter tamen sumitur à sola forma, vt differentia *rationale* ab anima rationali, sed differentia inferior non includit formaliter superiorem, sed falsum est dicere, rationale formaliter est sensibile, vel rationalitas est sensibilitas: ergo nec anima posterior includit formaliter priorem: sed falsum erit dicere, anima sensitiva formaliter est vegetativa, & rationalis formaliter est sensitiva, & vegetativa. Secundò vna species non potest, vllò modo includi formaliter in alia; nec prædicari formaliter de illa, vt patet de homine, & leone, sed anima vegetativa, & sensitiva distinguuntur specie saltem partiali, & pariter distinguitur vtraque à rationali: ergo repugnat vnâ includi in altera formaliter. Tertiò probatur specialiter de anima rationali, quod non includat formaliter vegetatiuum, & sensitiuum, quia si ea includit, maximè, quia posterior est, aut inferior, & in essentialiter subordinatis posteriora includunt formaliter priora, sed si hæc ratio alicuius momenti esset, sequeretur animam rationalem includere cæteras formas substantiales inferiores, & ita sicut dicitur vegetativa, & sensitiva formaliter, dicuntur quoque formaliter corporea, quod est absurdum, cum sit formaliter spiritualis, & incorporea secundum propriam entitatem.

Secunda opinio duo asserit. Primum quod anima sensitiva formaliter includit gradum vegetandi in communi acceptum, & rationalis gradum sentiendi, & vegetandi: secundum, quod anima sensitiva includit formaliter animam vegetatiuam in speciali, & anima rationalis animam vegetatiuam, & sensitiuam, ita vt qualibet anima sensitiva sit formaliter anima vegetatiua, & anima rationalis sit formaliter anima vegetatiua, & sensitiua. Hæc est iam communis sententia inter Recentiores, & tanquam probabilior à nobis tenenda. Sed quia non eodem modo intelligitur ab omnibus, explicare eam oportet.

Et pro explicatione duo sunt prænotanda; Primum quod essentialiter subordinata duplicia sunt, quædam completa, vel per modum naturæ completæ significata, vt genera & species, ex quibus linea prædicamentalis constituitur: talia sunt substantia corpus, viuus in prædicamento substantiæ. Alia sunt incompleta, quia eorundem completorum partes sunt vel formæ, & tales sunt formæ substantiales in prædicamento substantiæ, vt forma lapidis tribuens esse substantiæ, & corporis, post quam sequitur anima plantarum, & post hanc anima sensitiva animalium, & tandem anima rationalis constituens hominem, & Petrum, & cum necessarium sit priora, ac superiora includi in inferioribus ac posterioribus, dupli-

citer id contingere manifestum est, nempe tanquam id, quod continetur in alio, & tanquam ratio contenta in alia, quod propriis verbis explicari solet, dum dicitur vnum includere, vel continere aliud, tanquam id, quod continet illud, aut tanquam quo, hoc est, tanquam ratio inferior continet superiorem, & modo priori includuntur priora, aut superiora completa in inferioribus, & hæc dicuntur continere illa, ut substantia in corporeo continetur, & utrumque in viuentibus; formæ verò aut gradus non possunt continere alia, vel includi in aliis hoc modo, quia non sunt, quod est tale, sed quo, seu ratio constituendi aliud tale, ut anima sensitiva bruti, non est id quod sentit, sed quo aliud sentit. Vnde sequitur, quod anima rationalis non continet sensitivam, & vegetatiuam, tanquam id quod per se vegetatur, & sentit, sed solum tanquam ratio formalis constituens vegetatiuum, & sensitiuum; & propterea Aristoteles  
 37 definiens animam non dixit esse corpus, sed actum corporis, hoc est, formam eius, per quam constituitur in esse organici atque viuentis, & in posteriori definitione non dixit animam esse, quod viuit, quod sentit, quod mouetur, & intelligit, sed esse, *Principium, quo viuimus, sentimus, mouemur, & intelligimus.* Dum ergo asserimus animam sensitivam continere formaliter animam vegetatiuam, & animam rationalem continere utramque animam, de continentia formali loquimur, modo posteriori explicato, non priori.

Secundo notandum est dupliciter contingere, quod vnum contineat alteram formaliter. Primò in gradu eiusdem speciei, & ordinis. Secundò in gradu diuersæ speciei, & ordinis. Exemplum modi prioris est calor potens producere alium calorem, vel præstare, quod ille præstat, qui propterea illum dicitur continere formaliter, sed in gradu eiusdem speciei, &  
 38 ordinis. Exemplum posterioris modi est animal continens perfectionem vegetatiuam plantæ, quia proprias operationes eius præstare potest secundum rationem vniuocam, per virtutem quam habet in se formaliter, & nobiliori modo, quam ipsa, & modus iste continendi formaliter dicitur etiam modus continendi eminenter: cum sit in gradu altiori, ac eleuatiore, & verissimè sit eminentius continere animam vegetatricem virtutem, quam plantam. Vnde fit duplicem esse quoque modum continendi eminenter, vnum quidem in superiori gradu formaliter tali, alio modo in superiori gradu non formaliter tali, sed solum virtualiter, quo pacto forma solis continet calorem. Animal verò continet eminenter virtutem vegetatiuam plantæ in  
 39 virtute quadam alia superiori, sed formaliter tali, & continere eminenter hoc modo, potest coincidere in eadem re, cum con-

continentia

tinentia formali posterioris modi iam explicati, unde dicere possumus aliquid esse, quod continet aliud formaliter tantum, nempe illud, quod in gradu eiusdem rationis, & ordinis formaliter tali illud continet, ut calor calorem, aliud verò esse, quod continet alterum formaliter simul, & continenter, si illud contineat formaliter in gradu superiori: nam quatenus contineat illud in gradu formaliter tali, dicitur continere illud formaliter, quatenus verò in gradu superiori continet eminenter, Quibus prænotatis,

Asserit nostra sententia, *animam sensitivam continere gradum vegetandi, atque etiam animam vegetativam formaliter quidem, atque etiam eminenter, & eodem modo animam rationalem utrumque gradum, & utramque animam, ita ut sit anima vegetativa, & sensitiva formaliter simul, & eminenter.* Quod in primis probo, ex utraque definitione animæ hoc modo: Quæcūque anima bruti 40 est actus primus substantialis, constituens illud formaliter, & essentialiter vegetativum, non minùs, quàm sensitivum, & anima rationalis est actus primus substantialis constituens hominem formaliter, & essentialiter vegetativum, & sensitivum, non minùs, quàm formaliter, & essentialiter rationalem: ergo non minùs est illa formaliter, & essentialiter vegetativa, quàm sensitiva; & rationalis non est minùs formaliter vegetativa, & sensitiva, quàm rationalis: quare ex definitione priori evidenter colligitur utramque continere formaliter inferiores animas. Evidens etià experientia docet, in animali esse opera vitæ vegetativæ formalia, ut generationem sibi similis, nutritionem & augmentationem: ergo supposito quod non sint plures animæ in eodem animali, evidens erit operationes has procedere ab unica anima sensitiva, & hanc esse principium formale, quo vi- 41 vit animal, & actum primum tribuentem eidem animali esse substantiale vegetativum, & ex consequenti esse animam vegetativam formaliter. Præterea homo est formaliter, & essentialiter animal, & vivens formaliter, & essentialiter; & utrumque etiam prædicatum formale pertinet ad essentialem definitionem eius, quia definito convenit formaliter, & essentialiter definitio, sed non potest esse formaliter animal, & vivens, nisi à forma utrumque gradum ei tribuente, & non habet aliam formam substantialem præter animam rationalem, ut supponitur: ergo ab ea tanquam à forma tribuitur homini utrumque gradus essendi, sed quod tribuit forma per informationem, continet formaliter, quia tribuit illud in genere causæ formalis, & consequenter tanquam effectum formalem: ergo anima rationalis utrumque gradum, & animam sensitivam, ac vegetativam continet formaliter: & pariter anima sensitiva gradum, & animam vegetativam. Nam

idem argum. ei applicari potest, ut consideranti patebit. Quod verò eodem gradus & animas etiam contineat eminenter probatur, quia continet in gradu superiori, atque eminentiori.

- 42 Nunc ad argum. primæ opinionis respondendum est, & ad testimonium Aristot. de figuris respondeo, exemplum figurarum adductum esse ab Aristotele; ut per similitudinem earum aliquo modo explicari posset ordo animarum atque graduum earum, quos diuersis viuentibus conferūt, similitudo verò non potest tenere in omnibus, alioqui iam esset idētitas: tenet ergo 1. in eo quod sicut in posteriori figura includitur prior, ita in posteriori anima includitur prior, ut in sensitua, vegetatiua; & vtraque in rationali. Sed in modo inclusionis valde differunt, nam in primis quātum ad animas ipsas pertinet, inferiores includunt formaliter, & essentialiter superiores, ut sensitua vegetatiua. Figuræ verò solum se includunt materialiter, in quantum ex angulis vnus componitur altera, non tamen ex ratione formali eius, sicut anima inferior componitur ex ratione formali superioris (saltem nostro modo intelligendi:)
- & ideò verum est animam sensitivam esse formaliter vegetatiuam, non tamen figuram tetragonam esse trigonam, quamuis includat materiales angulos eius. Differunt 2. quia animæ, & earum gradus habent rationem formarum, & ideò media in informatione præstant quæcunque præstare possunt: & cum informatio sit genus causæ formalis, necesse est per modum formarum se includere, & ideò formaliter, & non solum eminenter, imò nec eminenter, si modus eminentiæ excludat formalem, sed eminenter formaliter ratione iam explicata: figuræ verò non habent modum formarum, sed specierum.
- 43 Aristot. igitur solum attulit similitudinem figurarum, ut explicaret inclusionem priorum animarum in posterioribus: asseruit autem potētia, vel virtute includi, non tamen eodem modo, sed particularem modum inclusionis iuxta naturam vtriusque extremi intelligendum esse, quæ cum sit adeò diuersa, valde diuersus est: nam in figuris solum potest esse potentialis aut virtualis secundum materiam earum; in animabus verò cum sint veræ formæ, materialis esse non potuit, sed necessariò formalis, & cum posteriores includant priores in gradu nobiliori, ac ordinis superioris, simul debet esse per eminentiam formalem iam à nobis explicaram. Nec vnus, vel alter modus materialis, aut formalis aliquid referebat ad intentum Aristotelis, quod solum fuit ostendere posteriores gradus, posterioresque animas includere priores virtute, aut potentia iuxta propriam conditionem, & naturam; quare non potest ex eo probari inclusionem graduum, vel animarum non esse formalem.



Ad primum argumentum concessa maiori, & minori, negan- 44  
da est consequentia, quod anima posterior non includat formaliter priorem, quia diuersa est ratio de anima, ac de differentia: nam anima est forma physica, differentia verò conceptus realis ab ea desumptus; ab eadem autem forma physica possunt desumi plures differentie, quia includit formaliter plures gradus essendi, vt ab eadem anima rationali desumimus vnam differentiam distinguentem hominem à planta sub genere viuentis, & aliam distinguentem eum à brutis sub genere animalis, quia eadem forma physica potest esse fundamentum, à quo intellectus sumat plures conceptus formaliter diuersos, quales sunt differentie: vnde licet eadem anima includat plures gradus essendi ratione distinctos, qui de ipsamet prædicantur, non sequitur, vnam differentiam desumptam ab ea, includere aliam, quia iam differentie istæ sunt conceptus simplices desumpti 45  
ab eadem forma, prout includente determinatum gradum essendi, quæ licet sumpta secundum suam integram rationem includat omnes gradus, si tamen sub conceptu limitato concipiat, vt includens vnum, non includit alterum: vt si anima rationalis præcisè accipiat sub gradu rationali, non erit sensitiua, nec vegetatiua, & vt concipitur præcisè, vt dat corpori esse sensitiuum, & est principium radicale sentiendi, non est vegetatiua. Vnde cum differentia inferior desumatur ab eadem anima præcisè, prout includente vnum gradum, non potest includere aliam, quæ ab eadem anima accipitur præcisè, vt includente alterum gradum: bene igitur stare potest, quod posterior 46  
anima includat formaliter gradus priores, aut etiam suo modo inferiores animas, & quod differentia inferior non includat formaliter superiorem.

Ad secundum argumentum respondetur hac distinctione: species duplex est, subalterna, & infima, subalterna adhuc est contrahibilis, tanquã genus per differentias essentielles ad species atomas. Infima verò species non est iam contrahibilis per differentias essentielles, & propterea vocantur atoma, hoc est, indiuisibilis essentialiter. Hoc supposito ad formam argumenti, distinguenda est maior, quod vna species non possit includi formaliter in altera, nam de atomis speciebus vera est propter repugnantiam differentiarum, quarum vna non subordinatur 47  
alteri, & ideo non potest includi in ea: de speciebus verò subalternis adhuc determinabilibus, tanquam genera, est falsa; nam cum inferiores subordinentur superioribus, easque determinent per speciales differentias, non solum impossibile non est, sed necessariũ est eas includere, vt animal viuens, & viuens corpus, & ita anima rationalis includit vegetatiuam, sed non

plantam, quia hæc debet differentiam repugnantem; illa verò contrahibilem potius per sensitivam, & utraque per rationalem, & hæc est ratio inclusionis formalis.

## D V B I V M.

*An anima rationalis sit formaliter corporea.*

- 48 **A**D tertium argumentum respondent recentiores quidam, non sequi ex eo, quod anima rationalis sit formaliter sensitiva, & vegetativa: esse etiam formaliter corpoream, sed diversam esse rationem de duobus illis gradibus, ac de gradu corporis, quia gradus corporis, siue sumatur in particulari, siue in communi ex sua intrinseca ratione, dicit aliquid ex directo oppositum spirituali: cum corporeum ab intrinseco sit capax extensionis quantitativæ, & divisibilitatis in partes integrantes, & ideo non possit esse totum in toto subiecto, seu materia, & totum in qualibet parte, sed necessario si forma sit, per partes informare debeat, spirituale verò ab intrinseco dicit rationes his oppositas, est enim secundum entitatem indivisibile, & ideo repugnat ea quæcumque divisibilitas in partes integrantes, & si forma sit, non potest per partes informare, sed tota debet informare totum subiectum, vel materiam, tota etiam quamlibet eius partem, unde cum anima rationalis sit spiritualis, & indivisibilis: ab intrinseco ei repugnat esse corpoream. De sensitivo autem, & vegetativo diversa est ratio, quia gradus sentiendi, & vegetandi in communi accepti, nihil repugnans rei spirituali dicunt, sed ratio eorum communis est corporeis, & spiritualibus formis ab utrisque abstrahens, & propterea potest convenire formaliter animæ rationali, etiam si spiritualis sit, sicut convenit sensitivæ, & vegetativæ. Ex quo inferunt animam rationalem eminenter tantum, & non formaliter includere gradum corporis, quamvis gradus vegetandi, & sentiendi includat formaliter, animam autem vegetativam & sensitivam cum sint formæ corporeæ eductæ de potentia materiæ, omnes gradus superiores usque ad supremum substantiæ includere formaliter.
- 50 Hæc tamen sententia in primis contraria est verbis expressis D. Thom. in principio huius questionis à nobis citatis, quibus asserit, animam rationalem, sicut virtute continet vegetativam, & sensitivam, ita etiam omnes inferiores formas, nullum igitur admittit discrimen in modo eas continendi, cum ergo probatum sit de vegetativo, & sensitivo, quod formaliter eas contineat, efficaciter sequitur eodem modo sentire Divum Thom. de inclusionem gradus corporei. Sed probatur nullum omnino admittendum esse discrimen inter gradum corporeum ex una parte, & vegetativum, ac sensitivum ex altera: primo quia

quia talis est gradus essendi, quales sunt potentiz, & operationes ab ipso procedentes, sed potentiz, & operationes sensitui, & vegetatiui gradus, quomodocunque sumantur; sunt corporeæ, ut ostendunt potentia nutritiua, & generatiua, & omnes sensus cum suis operationibus: ergo gradus isti etiam in communi accepti corporei sunt formaliter falsum igitur in primis est dicere, quod à corporeis & spiritualibus abstrahunt, & ideo possunt conuenire animæ rationali. Deinde falsum est affirmare, quod conueniant formaliter animæ rationali, & ei repugnet gradus corporis: cum gradus illi corporei sint formaliter.

Secundo, quia falsum est dicere, quod eadem animæ rationali conueniat & repugnet gradus corporis. Probatur, quia animam rationalem esse sensitiuam, & vegetatiuam formaliter non est esse id, quod vegetatur, aut sentit, sed solum possunt ei conuenire tanquam formæ, hoc est tanquam rationi, & ut (aiunt) tanquam, quo; sed hoc modo conuenit ei esse corpoream, cum sit, quo aliud est corpus ergo eodem modo conuenit ei formaliter esse corpoream, sicut conuenit esse vegetatiuam, & sensitiuam; quare commentitia est differentia, quam isti ponunt inter hos duos gradus ex vna parte, & gradum corporis ex altera respectu animæ rationalis.

Hac igitur distinctione soluenda est; esse aliquid corporeum formaliter, dupliciter contingit; ut quos & ut quod: & modo priori dicitur aliquid corporeum formaliter ex eo solum, quod est ratio, vel forma constituens aliquid sub gradu essentiali corporis, quod habere potest forma, licet in se sit indiuisibilis, ut quod, nec partes habeat integrantes in sua entitate, & ideo nec extensionis sit capax: nam albedo non est alba formaliter, ut quod, sed bene, ut quo, quia constituit album, tanquam forma eius. Posteriori verò modo non est aliquid corporeum, nisi in se sit capax extensionis, vel saltem sit in se dependens à materia, vel corpore, & ex eius potentia educatur. Hac igitur distinctione præsupposita ad formam argumenti concessio antecedente, distinguendum est consequens, quod anima rationalis sit formaliter corporea, nam, ut quo, verum est, ac necessarium, ut quod, falsum & impossibile. Hoc secundum satis est per se manifestum, sed Probatur primum, quia anima rationalis est vera forma substantialis tribuens materiæ esse substantiale, atque etiam esse corporeum; cum nulla detur substantia, quæ non sit corporea, vel incorporea, & eam, quam constituit anima simul cum materia, constat, non esse spiritualem, sed corpoream; ergo tribuit anima esse corporeum materiæ, quod est esse corpoream, ut quo, sed non repugnat esse hoc modo corpoream, & esse spiritualement, indiuisibilem, inextensam, atque

incorpoream secundum propriam entitatem, quia cum his stare potest, quod sit ratio, seu forma tribuens esse corporeum materię, sicut stat, quod albedo non sit alba, ut quod, & nihilominus sit forma tribuens corpori esse album, quod est esse albam, ut quo. Negandum est igitur, quod infertur, nempe falsum esse, quod anima rationalis sit formaliter corporea, imò potius eodem modo est corporea, ac sensitiva, & vegetativa; & tria hæc eodem modo ei conueniunt, sicut enim non est vegetativa, nec  
 54 sensitiva, ut quod, hoc est, ut ipsa vegetetur, ac sentiat: sed solum, ut quo, ex eo, quod est forma constituens vegetatiuum, & sensitiuum formaliter tale, pari ratione non est corporea, ut quod, ita ut in se sit diuisibilis, aut extensionis capax, sed ex eo solum, quod est forma constituens compositum formaliter corporeum.

### Q V Æ S T I O III.

*An omnes anima eiusdem speciei, præsertim rationales sint equalis perfectionis substantialis, vel una sit perfectior altera.*

55 **V**T intelligatur quæstio, necessario distinguenda est duplex perfectio quorumcunque indiuiduorum; specifica, & indiuidualis; specifica perfectio illorum est, quam participant à natura specifica omnibus communi; indiuidualis verò prouenit eis ex differentia indiuiduali, quæ non est aliud, quam modus quidam substantialis (secundum communem opinionem scholæ) per quem determinatur natura specifica ad hoc, & illud indiuiduum, & distinguitur indiuidualiter à quocunque alio. Et de perfectione specifica certum est æqualem esse in omnibus indiuiduis, quia eadem prædicata essentialia, speciei participant omnia, & nullum potest aliquid habere, quod non habeant alia, alioqui distingueretur specie ab his, quia distinctum prædicatum essentialia distinctam essentiam, atque speciem constituit. De sola ergo perfectione indiuiduali potest esse quæstio, an secundum eam possit esse vnum indiuiduum perfectius altero eiusdem speciei, ut Petrus, Ioannes? & in hoc sensu intelligitur quæstio proposita de animabus eiusdem speciei, ut de rationalibus, an supposito quod omnes sunt eiusdem perfectionis specificæ, una sit perfectior altera indiuiduali perfectione, quæ indiuidualis perfectio cum sit modus substantialis, erit perfectior substantialiter modaliter, non essentialiter, vel sicut omnes sunt æquales in perfectione essentiali, aut specifica, ita fiat æquales in perfectione indiuiduali.

Et prima opinio tenet omnes esse æqualis perfectionis indi- 56  
 uidualis. Ita Henr. quodlib. 3. quæst. 5. quamuis in fine quæ-  
 stionis hætere videatur neutram partem determinare audens.  
 Durand. verò sine formidine eam tenet in 2. d. 3. 2. q. 3. & cum eo  
 Argent. ibidem. quæst. 1. artic. 2. Socin. 8. Meth. quæst. 26. Sotus  
 cap. de substantia in Logica, quæst. 2. ad 9. Zima, theorem. 44. &  
 Ioan. quidam de Ganaco, quæ citat Caiet. 1. part. quæst. 85. art. 7.  
 Ex recentioribus verò Toletus 3. lib. de anima. qu. 18. asserens  
 oppositam sententiam temerariam, ac periculosam esse. Fonse-  
 ca 5. Metaphysic. cap. 26. quæst. 16. sect. 2. vbi plures ex sanctis Pa-  
 tribus refert pro ea. Probatur testimonio Aristotelis, ex 3. lib.  
 Metaphysic. textu 11. vbi docet inter individua eiusdem spe-  
 ciei, non dari prioritatem naturæ, quæ versatur inter ea, quo-  
 rum vnum est perfectius altero; quod non potest esse verum,  
 nisi sentiat omnia esse æqualis perfectionis; ergo hæc est mens  
 eius, sed animæ omnes rationales sunt eiusdem specie; ergo  
 ex mente Aristotelis omnes sunt æqualis perfectionis, & nulla  
 potest esse perfectior altera, vlla ratione. Idem quoque vide- 57  
 tur sentire Diuus Thom. 2. 2. quæst. 5. art. 4. ad 3. vbi docet in-  
 tellectum principiorum, per quem cognoscimus prima princi-  
 pia æqualem esse in omnibus hominibus, quia sequitur (inquit)  
 ipsam naturam humanam; ergo sentit naturam humanam esse  
 omnino æqualem in omnibus hominibus, & in nullo perfe-  
 ctiozem, perfectio autem naturæ humanæ provenit ab anima  
 rationali; ergo sentit hanc non esse perfectiozem in vno, quàm  
 in alio, sed æqualis perfectionis in omnibus. Et 3. part. quæst. 69.  
 art. 4. ad 3. expressius id videtur sentire his verbis. *Diversa capa-* 58  
*citas naturalium in hominibus, non est ex diuersitate mentis, cum om-*  
*nes homines eiusdem specie; existentes in forma conueniant, sed est ex*  
*diuersa dispositione corporum.* Probatur etiam ratione primò, quia  
 substantia rei idem est, ac essentia eius: ergo idem est vnum  
 esse perfectius altero substantialiter, & essentialiter, sed repu-  
 gnat vnā animam esse perfectiozem altera essentialiter, quia  
 omnes constant eisdem prædicatis essentialibus, ex quibus su-  
 mitur essentialis, ac substantialis perfectio; ergo etiam repu-  
 gnat esse perfectiozem substantialiter.

Secundò, si vna anima est perfectior altera substantialiter, 59  
 in primis sequitur vnum hominem esse perfectiozem altero  
 substantialiter, & ideò magis homo substantialiter, & ita sub-  
 stantia susciperet magis, & minus. Sequitur deinde vnum ho-  
 minem habere perfectiozem intellectum, & voluntatem, quàm  
 alterum, quia potentie istæ consequuntur naturam animæ, ad  
 modum propriæ passionis, sed habere perfectiozem volunta-  
 tem, est habere voluntatem magis liberam, quæ ideò vocabitur  
 liberum

liberum arbitrium perfectius: ergo vnus homo erit magis liber in suis operationibus, quàm alter, & consequenter iste non erit omninò liber, quod patet esse falsum. Et vrgeri potest argum. hoc modo, solum potest vna anima esse perfectior altera, quia est principium alicuius operationis, cuius alia non est capax, vel quia est principium eiusdem operationis secundum nouum, ac diuersum modum eius, sed nulla anima rationalis  
 60 aliquid horum habet, quod non habeat quæcunque alia, vt per se patet; ergo non potest esse verum, quod vna sit perfectior alia substantialiter, sicut nec inter formas substantiales corporeum non videntis talis differentia reperitur, sed omnes concedimus esse æqualis perfectionis etiam indiuidualis, sicut omnia composita, vt omnes ignes, omnes aquas.

Secunda opinio concedit inter animas racionales, ac ceteras eiusdem speciei, vnã esse altera perfectiorem substantialiter, ratione perfectiori differentia indiuiduali, & idè perfectiorem intellectum, & voluntatem habere, & in ceteris animabus perfectiores potentias sensitiuas, aut vegetatiuas. Ita statutum est per facultatem Theologicam Parisiensem, in quodam articulo sic asserente. Si quis dicat omnes animas ab origine esse aequales, errat: quoniam aliam anima Christi non esset perfectior, quàm anima Iuda. Et ira Magister sententiatum in 2. distinct. 17. vbi hanc eandem quæstionem proponit, & soluit hisce verbis. Illud quoque non incongruè quæri solet, virum omnes animas ex creatione aequales sunt, ac alia aliis excellentiores, pluribus non irrationabiliter videtur, quod ex ipsa creatione alia aliis excellent in naturalibus donis: & in essentia alia aliis sit subtilior, & ad intelligendum, memorandũque habilior, vtpote acriori ingenio, & perspicaciori intellectu praedita. Et cum eo  
 61 Scholastici ferè omnes ibidem; Bonauen. & Ricard. art. 4. qu. 1. & Ægidius quæst. 3. D. Thom. quæst. 2. art. 3. & 1. part. qu. 85. art. 7. vbi asserit vnum hominem perfectiùs intelligere, & magis penetrare naturam eiusdem obiecti, quàm alterum propter duo, Primum, quia habet meliorem intellectum, & meliorem animam. 2. propter inferiores potètiãs meliùs dispositas, nempe sensus externos, & internos: ita etiã Caiet. & Bannez hoc loco, Ferrat. 1. lib. contra gentes cap. 13. Iauellus. 8. meta. qu. 6. & ex recentioribus plures; & nobis etiam videtur probabilior, & propterea merito reprehendit Toletum Bannez vbi supra, atque etiam 1. lib. de genera. cap. 4. qu. 3. quod dixerit temerariam esse, atque periculosa; cum nihil temeritatis, aut periculi, hæc, vel illa pars contineat, imò potius per modum problematis, in vtramuis partem probabilis defenditur à Conym. 2. lib. de anima cap. 1. quæst. 5. art. 3.

62 Quam vt explicemus simul, ac probemus duo adnotamus.  
 Primum

Primum quod cum anima sit essentialiter pars, intrinsicum ordinem dicit ad compositum, & consequenter ad corpus, tanquam ad aliam partem, cum qua apta est illud componere, & quælibet anima singularis dicit individuum ordinem ad singulare, & determinatum corpus, quia ad constitutionem cuiuslibet compositi determinati, ac singularis, determinatæ, ac singulares partes ordinate sunt à natura; alioqui non per se, sed per accidens coniungeretur talis anima tali corpori, si pro libito posset quælibet anima ei infundi, imò nec per se, sed per accidens produceretur tale compositum: quia si alia anima infunderetur eidem corpori, non idem, sed aliud resultaret compositum, hæc autem falsa esse constat. Præterea sicut anima, non vnitur materiæ propter bonum eiusdem materiæ, sed propter bonum proprium, atque compositi, nempe ut per informationem consequatur perfectionem informandi, & constituat compositum, ita hæc forma, aut hæc anima non vnitur huic materiæ, his dispositionibus, ab hoc agente præparatæ propter bonum eiusdem materiæ, aut eiusdem corporis, sed propter bonum proprium, nempe ut perfectionem propriam informandi, & operandi, atque constituendi tale compositum consequatur. Ex quibus sequitur materiam melius dispositam, atque organizatam per se naturaliter postulare meliorem, ac perfectiorem animam, & ideo animam ei infusam perfectiorem esse secundum rationem individuum alia, quam naturaliter postulat materia minus bene disposita, & organizata, quod saltem verum est de organizatione, ac dispositione per se inducta ab agente naturali nullo obstante impedimento, nam si minus bona induceretur per accidens ratione alicuius causæ contrariæ superuenientis, atque impediētis, alia esset iudicanda ratio.

Ex hac igitur adnotata doctrina, hæc ratio colligi potest efficaciter probans nostram sententiam. Dispositio & organizatio materiæ; aut corporis inducitur per se ab agente naturali, propter animam infundendam, ergo melior dispositio propter meliorem animam: probatur consequentia, primò quia si ab animis eiusdem perfectionis informantur dux materiæ, magis, & minus bene dispositæ, ergò per accidens se habet melior dispositio materiæ ad informationem, cum nulla maior perfectio formæ proveniat eidem materiæ ex ea, imò frustra omnino inducitur perfectior dispositio, siquidem non sequitur ex ea perfectior effectus formæ: probatur 2. eadem consequentia, quia dispositio materiæ naturaliter ordinatur ad informationem formæ, ergò melior dispositio ad hoc, ut materia melius informetur à forma, sed meliorem informationem sequitur naturaliter melior effectus formalis eiusdem formæ, & constitutio perfectioris

- fectioris compositi, quia esse substantiale compositi est effectus formalis formæ; ergo de primo ad ultimum melior dispositio, & organizatio materiæ infert per locum ab intrinseco constitutionem substantialem melioris compositi substantialis
- 66 sed melius compositum substantiale non potest constitui, nisi à meliori forma substantiali ut per se est manifestum; ergo concluditur unam animam rationalem constituere meliorem hominem substantialiter, quàm alteram, & ideo esse meliorem substantialiter. Nec habet locum communis solutio oppositæ sententiæ de sola differentia accidentali ex parte dispositionum: cum ex accidentali probetur substantialis ex meliori effectu formali animæ communicato materiæ. Sed nec valet dicere meliorem effectum formalem tribui à forma eiusdem perfectionis ratione melioris dispositionis accidentalis materiæ, propter quam dicitur perfectius eam informare, & non ratione maioris perfectionis eiusdem formæ. Hoc enim apertè falsum est, quia effectus formalis cuiuslibet formæ per se primo
- 67 commensuratur cum perfectione substantiali eiusdem formæ, à qua per se primo procedit, cum perfectione vero dispositionum materiæ commensuratur quidem naturaliter, sed commensuratione tantum accidentali, quia substantia non potest per se primò commensurari accidentibus: cum substantialis commensuratio inter solas substantias repariatur. Et hinc fit quamlibet animam postulare dispositiones in materia tantæ perfectionis, vel maioris iuxta perfectionem propriam individuale, iuxta quam necessario tribuet materiæ effectum formalem substantialem, & non maioris, vel minoris perfectionis substantialis, licet accidens deficiat aliqua dispositio, propter impedimentum superveniens, & tunc tribuet absque dubio materiæ effectum formalem eiusdem perfectionis substantialis, & constitueret compositum eiusdem perfectionis substantialis, licet minùs perfectum accidentaliter, & ex hoc intelligitur malè Toletū intulisse ex hac proportionem naturali dispositionum cum anima, quod corpore malè disposito propter morbum, vel aliam causam impediētem, homini amenti à natiuitate debeat anima fatua, vel irrationalis: nam proportio de dispositionibus per se inductis in materia intelligitur, illæ autem dispositiones casu, & per accidens inducuntur, & ideo non
- 68 proportionantur eis anima, sed eadem inducitur, quæ induceretur, si agens naturale per se disponens materiam non impediretur à dispositionibus per se intentis inducendis in materia.

Secundò probatur nostra sententia, à posteriori ex operationibus animæ hoc modo, intellectus consequitur naturaliter essentiam



sentiam animæ: sed vnus homo habet meliorem intellectum, quam alter: ergo meliorem animam. Probatur minor, quia ex meliori operatione colligitur melior potentia: sed vnus homo perfectius intelligit quàm alter, non qualicumque excessu: sed adeo magno, vt incredibile sit ex sola meliori, vel deteriori dispositione sensuum prouenire, vt colligitur ex faciliiori, ac celebriori modo intelligendi eandem rem, ex maiori, aut profundiori penetratione eius, quam videmus in vno potius, quàm in alio item ex eo quod videmus quosdam ad inueniendum aptiores, alios ad disponendum, quosdam ad apprehendendum, & ad iudicandum alios, quosdam denique à natura rudiores, & acutiores alios, quod propterea non potest intelligi, quin ex meliori intellectu, & anima proueniat, vt egregiè D. Th. 5.

Sed hæc sententia ita à nobis explicata, & probata dupliciter 69 intelligi potest; primo, ita vt sicut necessarium est inter species eiusdem generis omnes esse inæqualis perfectionis essentialis, vt repugnet duas eiusdem perfectionis reperiri, ita sit necessarium omnes animas eiusdem speciei esse inæquales in perfectione indiuiduali substantiali, vt repugnet reperiri duas eiusdem indiuidualis perfectionis.

Secundo modo potest intelligi, ita vt non sit necessaria hæc 70 inæqualitas in omnibus, imo nec in omnibus reperiat, sed in quibusdam, cæteras vero æqualis perfectionis esse posse. Et recentiores quidam modo priori intelligendam esse asserunt propter hoc argumentum; omnes animæ eiusdem speciei distinguuntur numero: ergo habent differentias indiuiduales distinctas, non igitur æquales; Probatur hæc vltima consequentia, quia æquale in substantia facit idem: ergo omnino repugnat esse æquales, & distinctas. Hæc tamen sententia falsa est, & argumentum quo innititur satis friuolum. Quod sic probo, æquale in quacunque alia entitate reali non facit idem, sed admittit distinctionem realem extremorum: ergo etiam substantias Antecedens patet in duabus lineis æqualibus, atque distinctis. Vnde benè intelligitur, quod plures animæ possint esse distinctæ numero, & æqualis perfectionis numericæ, vel indiuidualis. Ideo non sic intelligenda est sententia, quam defendimus, sed iuxta posteriorem sensum, quo pacto eam intelligunt autores omnes pro ea citati, tam recentiores, quàm antiqui; Videlicet *non esse necessarium, omnes animas esse inæquales, secundum perfectionem substantialem indiuidualem, sed ita inæquales esse plures. ut alia reperiantur æquales.*

Ad testimonium Aristotelis respondeo primo, eo loco agere 71 contra Platonem, cuius sententiam de ideis explicat reddens rationem, ob quam ponit ideas specierum tantum, & non generum,

nerum, vt ex contextu literæ pater, atque expositione Diui Thomæ; quare nihil certum ex verbis eius deduci potest, quod ex propria sententia prolaturum censeatur. Sed quamuis ex propria loquatur: Respondeo secundò, duplicem differentiam constituere inter species eiusdem generis, & indiuidua eiusdem speciei; priorem quidem in eo, quod species sunt inæqualis perfectionis essentialis; indiuidua verò, æqualis omnino; quare si inæqualitatem habere possunt, non in gradu essentiali, & ideo nec in essentia, quia eandem omnino participant à specie. Et ratio huius discriminis est, quia differentię specificę continent essentialis gradus perfectionis distinctos formaliter à genere, & propterea dicuntur essentialiter contrahere genus ad constitutionem essentialem specierum, differentię verò indiuiduales non continent alium gradum essentialis perfectionis, quia species quam determinant, non est amplius diuisibilis per alios gradus, vel differentias essentialis, & propterea vocatur atoma, id est, indiuisibilis, sed solum determinari potest per quosdam modos substantiales extra essentiam eius consistentes, & modi isti vocantur differentię indiuiduales, per quos distinguuntur indiuidua eiusdem speciei; & ex hoc discrimine prouenit, inquit Aristoteles, quod Plato posuerit ideas specierum, & non generum, quia integra, atque completa essentia potest separari ab indiuiduis, apud ipsum quidem reali separatione, apud nos verò saltem ratione, vel intellectu, & naturam sic realiter separatam ideam vocabat, per cuius participationem censebat multiplicari indiuidua, vt interpretatur Aristoteles: integra verò, atque completa essentia, & natura inseparabilis est ab speciebus atomis, nam licet genus importet gradum essentialem distinctum ab eis, quem vocamus speciem subalternam: sed gradus iste, & species hæc non est omnino completa essentialiter: sed adhuc perfectibilis per vteriores gradus essentialis, & cum idea importet naturam omnino completam, non ponebat ideam generum, sed specierum dumtaxat: quia species important naturam completam ex gradibus generis, atque differentialibus, separabilem ab indiuiduis.

Et ex hac differentia inter species, & indiuidua prouenit, vt inter species detur quidem prioritas naturæ, & non inter indiuidua: sed sola prioritas temporis, in quantum vnum sit extra causas prius tempore, quàm aliud, quia cum non sint distincta in gradu essentiali: sed omnino idem, nec potest vnum esse perfectius altero essentialiter, & ideo nec simpliciter, quia prioritas perfectionis non reperitur simpliciter, nisi inter magis, & minus perfecta simpliciter, quod est esse magis, aut minus perfecta

fecta essentialiter, quamvis secundum quid possint se excedere in modali perfectione. Solum ergo potest dari prioritas durationis inter individua, in quantum vnum sit extra causas prius quam aliud.

Primum testimonium D. Tho. difficultate caret, quia solum 74  
asserit intellectum principiorum sequi naturam specificam æqualem in omnibus hominibus, quod verissimum est: & non minus verum, quod natura specifica animæ rationalis eadem sit, atque æqualis perfectionis omnino ex parte principiorum essentialium in omnibus animabus, cui non repugnat perfectiorem esse vnam altera ex parte differentie individualis ad essentiam specificam non pertinentis. In secundo vero testimonio loquitur aperte, de capacitate naturali specie diuersa, vt contextus verborum ostendit: cum ponat exemplum in Angelis, apud se specie diuersis.

Ad primum argumentum distinguendum est primum antecedens, quod substantia rei idem sit, ac essentia eius; nam si de identitate reali sermo sit, verum est, si verò de idéitate formali, vel rationis, falsum; nam substantia rei est entitas realis eius extra causas existens, essentia verò solum denotat prædicata essentialia, quæ in eadem entitate reali, vel substantia fundantur: ad quam entitatem actû existentem pertinet differentia individualis, de qua certum est extra essentiam esse, sicut est certum esse extra prædicata essentialia: quare non sequitur, quod 75  
si animæ differunt aliquo modo in perfectione substantiali, consequenter differant in essentia specifica: sed cum omnimodâ identitate specifica stare potest aliqua differentia substantialis modalis ratione individualis differentie, & consequenter inæqualitas aliqua substantialis individualis.

Ad secundum negandum est primum, quod tanquam inconueniens inferitur ex nostra sententia, videlicet, quod si vna anima sit perfectior altera, vnus homo sit magis homo, quam alter; nam magis, & minus tale propriè loquendo non significat quamlibet maiorem, vel minorem perfectionem: sed intensiuam tantum, secundum diuersos gradus intensionis eiusdem formæ, & cum substantia non suscipiat intensionem, & remissionem: sed sola qualitas, non dicitur vna substantia magis substantia, vel vnus homo magis homo quam alter, licet aliquo 76  
modo sit perfectior, vt in Angelis constat, quia vnus est perfectior altero essentialiter; & tamen non dicitur magis Angelus, vel magis spiritus.

Secundum inconueniens, quod in eodem argumento inferitur, tetigit D. Thom. 1. part. quæst. 59. artic. 3. ad 3. agens de voluntate, seu libero arbitrio Angelorum, de quibus cum docuif-

set specie differre, negare non poterat, quod in Angelis superioribus reperiatur perfectius liberum arbitrium, sicut reperiatur perfectior intellectus. In solutione autem ad 3. his verbis respondetur: *Liberum arbitrium nobiliori modo est in superioribus Angelis, quàm in inferioribus, sicut & iudicium intellectus: tamen verum est, quod ipsa libertas secundum quod in ea consideratur quadam remotio coactionis non suscipit magis, aut minus, quia privationes, & negationes non remittuntur, nec intenduntur per se, sed solum per suam causam, vel secundum aliquam affirmationem adiunctam*, quibus planè negat maiorem esse libertatem in Angelis perfectioribus, quia coactioni, vel necessitati opponitur libertas, & nò minus repugnat cogi, vel necessitari voluntatem inferioris Angeli, quàm superioris in quibuscumque actibus elicitis, in quibus exercere potest libertatem: cum quo stat, quoscumque modos libertatis perfectius reperiri in Angelis perfectioribus, sicut perfectius iudicium intellectus, hæc autem maior perfectio libertatis in eo consistit, quod cum Angelus perfectior ex iudicio clariori, ac perspicaciori eligat, facilius se determinat ad unam partem, & quasi efficacius, ac firmitus eam amplectitur.

78 Eodem igitur modo respondendum est de perfectioribus animis secundum rationes individuales, videlicet non habere maiorem libertatem, quia nec maiorem habent Angeli, quàm anima quæcumque; non enim suscipit libertas magis, & minus: habere tamen perfectiorem aliquo modo, cuius maior perfectio in illis modis operandi perfectioribus consistit.

Ad confirmationem negandum est antecedens, quia novam habere operationem unam animam, cuius altera non potest esse principium, vel habere eandem cum nouo modo, sicut habet Angelus intellectionem sine discursu, quam cum discursu habet anima, arguit differentiam specificam, non repertam inter animas eiusdem speciei, inter quas solum potest esse inæqualitas perfectionis individualis in operationibus, sicut in ipsismet animis: hæc verò inæqualitas consistit in maiori perspicacitate intelligendi in maiori virtute penetrandi ex parte intellectus, & in aliis modis proportionalibus ex parte voluntatis iam explicatis.

79 Sed his argumentis aduersariorum solutis, placet proponere aliud longè difficilius aduersus nostram sententiam hoc modo. Differentia individualis oritur ab essentia specifica, ergo virtute continetur in ea; repugnat ergo unum individuum esse alio perfectius ratione differentie individualis, quin sit etiam perfectius ratione specifica: quia si differentia individualis huius individui perfectior est differentia individuali alterius: ergo natura specifica eiusdem perfectior erit, cum virtute continetur

tineat differentiam indiuidualem perfectiorem, quare non est intelligibile, quod indiuidua, vel animæ sint inæqualis perfectionis specificæ, atque adeo specie distinctæ. 80

Pro solutione huius adnoto differentiam indiuidualem non distingui ab essentia specifica realiter, vel ex natura rei: sed sola ratione habente fundamentum in re, hoc autem fundamentum est hæc natura realis extra causas producta, in qua considerantur prædicata essentialia, quibus constat essentia specifica, & ab hac entitate reali sumitur differentia numerica, vel indiuidualis, ut vnum indiuiduum differt ab alio per hanc entitatem realem, quam habet extra causas existentem distinctam ab entitate reali alterius, & ab hac etiam entitate suscipiunt distinctionem numericam essentialia prædicata vtriusque, atque etiã natura specifica dicitur numero diuersa in eis.

Hoc supposito negandum est ad formam argum. quod differentia indiuidualis emanet ab essentia, quia emanatio realis importat distinctionem ex natura rei, quam non habet ab essentia, imò nec habet suam perfectionem ab essentia specifica: sed ab agente immediate eam accipit, sicut entitas ipsa realis ab agente procedit immediate, in cuius virtute continetur, & ab hac sua virtute habet idemmet agens, ut possit diuersas entitates producere extra causas fundantes eandem naturam specificam ratione earum numero distinctam. Vnde bene possunt indiuidua distingui, & esse inæqualia imperfectione substantiali indiuiduali, quin sint inæqualia essentia specifica, vel specie distincta, sicque de diuersis animabus eiusdem speciei censendum est. 81

## TRACTATUS DE MODO QVO anima informat corpus.

### QVÆSTIO I.

*An anima rationalis sit indiuisibilis.*

**E**XPLICATIS his, quæ pertinent ad substantiam animæ, agendum est de modo, quo informat corpus, circa quem primò occurrit disputandum de indiuisibilitate animæ: nam ex ea intelligitur modus, quo informet corpus. Anima autem in tria membra diuidi potest, quantum ad diuisibilitatem, vel indiuisibilitatem pertinet: primum membrum constituunt animæ imperfectæ, 82

set specie differre, negare non poterat, quod in Angelis superioribus reperitur perfectius liberum arbitrium, sicut reperitur perfectior intellectus. In solutione autem ad 3. his verbis respondetur *Liberum arbitrium nobiliori modo est in superioribus Angelis, quàm in inferioribus, sicut & iudicium intellectus: tamen verum est, quod ipsa libertas secundum quod in ea consideratur quadam remotione coactionis non suscipit magis, aut minus, quia privationes, & negationes non remittuntur, nec intenduntur per se, sed solum per suam causam, vel secundum aliquam affirmationem adiunctam*, quibus

77 planè negat maiorem esse libertatem in Angelis perfectioribus, quia coactioni, vel necessitati opponitur libertas, & nō minus repugnat cogi, vel necessitari voluntatem inferioris Angelis, quàm superioris in quibuscumque actibus elicitis, in quibus exercere potest libertatem: cum quo stat, quoscumque modos libertatis perfectius reperiri in Angelis perfectioribus, sicut perfectius iudicium intellectus, hæc autem maior perfectio libertatis in eo consistit, quod cum Angelus perfectior ex iudicio clariori, ac perspicaciori eligat, facilius se determinat ad unam partem, & quasi efficacius, ac firmitus eam amplectitur.

78 Eodem igitur modo respondendum est de perfectioribus animis secundum rationes individuales, videlicet non habere maiorem libertatem, quia nec maiorem habent Angeli, quàm anima quæcumque; non enim suscipit libertas magis, & minus: habere tamen perfectiorem aliquo modo, cuius maior perfectio in illis modis operandi perfectioribus consistit.

Ad confirmationem negandum est antecedens, quia novam habere operationem unam animam, cuius altera non potest esse principium, vel habere eandem cum nouo modo, sicut habet Angelus intellectionem sine discursu, quam cum discursu habet anima, arguit differentiam specificam, non repletam inter animas eiusdem speciei, inter quas solum potest esse inæqualitas perfectionis individualis in operationibus, sicut in ipsismet animis; hæc verò inæqualitas consistit in maiori perspicacitate intelligendi in maiori virtute penetrandi ex parte intellectus, & in aliis modis proportionalibus ex parte voluntatis iam explicatis.

79 Sed his argumentis aduersariorum solutis, placet proponere aliud longè difficilius aduersus nostram sententiam hoc modo. Differentia individualis oritur ab essentia specifica; ergo virtute continetur in ea; repugnat ergo unum individuum esse alio perfectius ratione differentie individualis, quin sit etiam perfectius ratione specifica: quia si differentia individualis huius individui perfectior est differentia individuali alterius; ergo natura specifica eiusdem perfectior erit, cum virtute contineat

tineat differentiam indiuidualem perfectionem, quare non est intelligibile, quod indiuidua, vel animæ sint inæqualis perfectionis specificæ, atque adeo specie distinctæ. 80

Pro solutione huius adnoto differentiam indiuidualem non distingui ab essentia specifica realiter, vel ex natura rei: sed solâ ratione habente fundamentum in re, hoc autem fundamentum est hæc natura realis extra causas producta, in qua considerantur prædicata essentialia, quibus constat essentia specifica, & ab hac entitate reali sumitur differentia numerica, vel indiuidualis, ut vnum indiuiduum differt ab alio per hanc entitatem realem, quam habet extra causas existentem distinctam ab entitate reali alterius, & ab hac etiam entitate suscipiunt distinctionem numericam essentialia prædicata vtriusque, atque etiâ natura specifica dicitur numero diuersa in eis.

Hoc supposito negandum est ad formam argum. quod differentia indiuidualis emanet ab essentia, quia emanatio realis importat distinctionem ex natura rei, quam non habet ab essentia, imò nec habet suam perfectionem ab essentia specifica: sed ab agente immediatè eam accipit, sicut entitas ipsa realis ab agente procedit immediatè, in cuius virtute continetur, & ab hac sua virtute habet idemmet agens, ut possit diuersas entitates producere extra causas fundantes eandem naturam specificam ratione earum numero distinctam. Vnde bene possunt indiuidua distingui, & esse inæqualia imperfectione substantiali indiuiduali, quin sint inæqualia essentia specifica, vel specie distincta, sicque de diuersis animabus eiusdem speciei censendum est. 81

---

## TRACTATVS DE MODO QVO anima informat corpus.

### QVÆSTIO I.

*An anima rationalis sit indiuisibilis.*



**E**XPLICATIS his, quæ pertinent ad substantiam animæ, agendum est de modo, quo informat corpus, circa quem primò occurrit disputandum de indiuisibilitate animæ: nam ex ea intelligitur modus, quo informet corpus. Anima autem in tria membra diuidi potest, quantum ad diuisibilitatem, vel indiuisibilitatem pertinet: primum membrum constituunt animæ imperfectæ, 82

quales sunt plantarum, & imperfectorum animalium, vt reptilium, & aliorum huius generis; secundum verò animæ perfectæ: quales sunt sensitiuæ animalium perfectiorum, vt equi, leonis, ac similibus: in tertio verò collocatur sola anima rationalis. De singulis autem his membris propriis quaestionibus disputandum est: vt tota tractatio delucidior sit, & vt à facilioribus procedamus, priuò disputandum est de anima rationali, de qua quaerimus, an sit indiuisibilis.

83. Indiuisibile, vt à nomine ipso incipiamus, illud dicitur, quod partibus caret, in quas diuidi possit, vnde quot modis contingit habere partes, tot modis eis carens dicitur indiuisibile; Partes verò triplices sunt, nempe essentiales Physicæ, vt materia, & forma, & Metaphysicæ, vt genus, & differentia: integrantes quæ vocantur entitatiuæ, vt pes, manus, caput: ac tandem potentiales, seu potestatiuæ, quales sunt potentia. Ideò tribus modis potest dici aliquid indiuisibile, vt adnotauit D. Thoma. 1. par. q. 76. ar. 8. Primo, quia caret partibus essentialibus; secundo, quia caret partibus integrantibus; & tertio, quia caret partibus potentialibus.

Et primo modo indiuisibilitatis *certum est ex precedentibus, quod omnis anima sit indiuisibilis, nempe secundum partes essentiales Physicas*, cum probatum sit non esse compositam ex materia, & forma.

84. Certum quoque est *nullam omnino animam esse indiuisibilem secundum partes essentiales Metaphysicas*; nam tanquam pars speciei, quam cum materia, vel corpore componit, certum est suo modo habere genus, & differentiam.

Certum est tandem *quamlibet animam esse diuisibilem tertio modo secundum partes potentiales, quæ sunt viuentes, vel potentia*: cum omnis anima habeat proprias potentias, per quas operatur. Difficultas ergo solum esse potest de secundo modo indiuisibilitatis pro carentia partium integrantium, & de hoc est quaestio præsens, an anima rationalis partes habeat integrantes, in quas diuidi possit.

85. Et prima sententia negat animam rationalem esse indiuisibilem. Ita Cleanthes, & Chrysippus, quos citat D. Gregor. Nissen. in suo lib. 2. de anima, cap. 2. Gandauensis etiam, & Hierardus, quos citat Niphus 2. lib. de anima ad textum 20. quaest. de indiuisibilitate animæ rationalis, quibus fauere videntur Iandunus, & Pomponatius, quos refert Toletus lib. 2. de anima, quaest. 5. asserentes secundum principia philosophiæ, omnem animam esse indiuisibilem; de rationali verò sola fide teneri, quod indiuisibilis sit. Pro hæc etiam sententia numerari debet Gerardus quidam, quem refert Argentinas, in 1. dist. 8. quaest. 2.



art. 1. atque etiam alij, quos erat Sixtus Senensis, lib. 1. Bibliothecæ sanctæ, annor. 8. nam hi omnes vniuersaliter docent, omnes animas esse diuisibiles. Probatum primò experientia, quia videmus partem hominis abscissam tempore aliquo se mouere, & ex consequente viuere, quia nihil se mouet, nisi viuens, & ne attribuarur paruus iste motus agitationi spirituum vitalium adhuc in ea parte perseverantium, eadem experientia docet ad magnam etiam distantiam moueri à corporibus abscissas, vt de capite D. Pauli, & D. Dionysij legitur; remanet ergo anima simul in toto corpore, atque etiam in parte abscissa, sed non remanet tota in toto, & tota in eadem parte, cum repugnet (saltem naturaliter) eandem animam, vel eandem eius partem, simul informare plures partes materiæ discontinuas; ergo necesse est concedere, quod à diuersis partibus animæ informetur, & ideo quod anima rationalis eas habens, non sit indiuisibilis.

86

Deinde ratione, quia forma informans subiectum diuisibile, atque extensum est diuisibilis, & extensa: cum forma debeat proportionari subiecto, sed anima rationalis informat subiectum extensum, ac diuisibile, nempe corpus; ergo diuisibilis est, atque extensa. Maior probatur euidenti inductione in omnibus aliis formis, tam substantialibus, quam accidentalibus, quas omnes patet esse diuisibiles, quia diuisibile subiectum; aut materiam informant, ergo idem concedendum est de anima rationali.

— Veritas huius rei à nobis tenenda est, quod anima rationalis sit indiuisibilis, ita ut contraria sententia non solum sit falsa, sed ut minimum periculosa in fide. Ita sentiunt omnes interpretes Aristotelis, tam recentiores, quam antiqui, cap. 3. huius lib. ita etiam Theologi in 1. dist. 8. & in 2. dist. 6. & D. Tho. 2. contra gentes, cap. 82. & 1. par. quæst. 76. artic. 8. ita demum SS. Patres, præsertim D. Ambros. libr. de conditione dignitatis humanæ, cap. 2. Chrysost. libr. 2. de incomprehensibili Dei natura, Tertul. in hunc de anima, August. lib. 6. de Trinit. cap. 3. & lib. contra Epistolares fundamenti, cap. 16. D. Greg. Magn. hom. 17. super Ezech. dam. 1. lib. de fide, cap. 27. D. Gregor. Nissen. lib. 2. de anima, cap. 2. Et prima ratio ad probandam eandem veritatem sumitur ex duobus, nempe ex eo, quod anima rationalis est entitas purè spiritualis, ac simplex nihil habens admixtum entitatis corporeæ, quod superius probauimus. Atque etiam ex eo, quod non educitur de potentia materiæ, in fine huius operis probandum. Ex his igitur duobus, ita probatur, si anima rationalis esset diuisibilis, maximè propter argum. oppositæ sententiæ, vt commensuraretur naturaliter materiæ, quâ informat, sed naturalis commensuratio cum subiecto, dicit naturalem dependentiam ab eo

87

88

in esse, & fieri; quod verò dependet ab aliquo in esse, & fieri, educitur de potentia eius; ergo anima dependebit in esse, & fieri, à materia; educeturque de potentia eius, eritque entitas materialis, & corporea, sicut ceteræ formæ, aduersus duo illa principia præsupposita. Secundò, si anima rationalis diuisibilis est: ergo habet partes integrantes suæ entitatis correspondentes  
 89 partibus integrantibus materiæ. Ita vt tota anima informet totam materiã, & singulæ partes eius, partes etiam singulas, tunc ergo si abscindatur manus ab homine, necesse erit partẽ etiam animæ, à qua informatur abscindi, ac separari eum ea: corrupta autem manu necesse erit corrumpi eandem partem animæ, quia sicut partes ceterarum animarum commensurantur partibus materiæ, & propter hanc commensurationem dependent ab eis, & propter hanc dependentiam non possunt separatæ ab eis consistere, sed naturaliter corrumpuntur, pari ratione corrumpetur pars animæ rationalis commensurata parti materiæ, & dependens ab illa. Non enim potest dici quod illa pars animæ informans manum corrupta manu se recipiat ad alteram partem corporis, quia sicut repugnat naturaliter eandem materiam informari simul multis formis totalibus, non minùs repugnat eandem partem materiæ informari simul multis partibus formæ, aut multis formis partialibus. Et multò minùs dici potest, quod pars illa animæ separata à parte materiæ permaneat propter dependentiam naturalem ab illa ex commensuratione prouenientem, & ideò efficaciter probatur hoc argumentum, quod anima rationalis eo ipso, quod ponitur diuisibilis, non possit poni immortalis.

Sed explicare oportet, quonam modo possit intelligi animã rationalem esse indiuisibilem, & informare corpus diuisibile, & omnes partes eius, quod egregiè explicuerunt D. Augustinus, & D. Thomas duobus exemplis. Augustinus quidem loco iam citato vtitur exemplo Dei, qui etiam si indiuisibilis sit præsens, nihilominus esse dicitur in toto hoc mundo, & in singulis partibus eius, ita vt totus sit in toto mûdo, & totus etiam in qualibet eius parte quantumlibet minima. Et ne diceretur possibile hoc esse propter diuinam immensitatem, propterea D. Tho. in quæ. de anima, articul. 1. c. ad 18. adduxit exemplum Angeli: qui si moueat totã aulam, diceretur esse præsens toti spatio eius, non ita, vt totus sit præsens toti spatio, & partes eius singulis partibus, quia cum spiritalis sit, atque indiuisibilis, partibus caret, sed ita vt totus etiam singulis partibus. Ex quibus possibile intelligitur, quod indiuisibilis anima partibus carens possit simul informare totum corpus diuisibile, & singulas eius partes, ita vt tota sit in toto, atque etiam in qualibet parte tota.

Ad

Ad experientiam adductam, pro opposita sententia respondeo verum esse, quod pars aliqua hominis abscissa tantisper moueatur, eius tamen motus, nec ab anima, nec à vita procedit, 91 sed quasi ab extrinseca agitatione spirituum vitalium ibi concurrentium, quod ex modo quo mouetur, & eiusdem motus breuitate facile intelligitur; nam partes imperfectorum animalium abscissæ perseuerante motu, ac eodem modo mouentur, ac totum animal: nec solum motu locali, sed nutritionis, ut mox ostendemus: quem propterea motum merito colligunt à parte animæ informante illam partem materiæ, vitamque ei tribuente procedere. Dum verò in mortibus Sanctorum contingit ad magnam distantiam moueri caput, vel corpus truncum caput proprium in manibus gestasse, non naturaliter factum est, sed per miraculum.

Ad rationem verò neganda est maior, quod omnis forma informans subiectum diuisibile sit diuisibilis; hoc enim vniuersaliter sumptum apertè falsum est, quia sicut informatio abstrahit ab informatione subiecti cum commensuratione, ac dependentia ab eo, vel sine illa, ita abstrahit à diuisibilitate, vel indiuisibilitate formæ, & de ratione informationis solum est, quod forma se ipsam tribuat materiæ, aut subiecto, propriumque effectum formalem ei conferat, commensuratio verò, aut dependentia ex particulari ratione talis formæ magis, vel minus perfectæ provenit. Et hinc est, quod anima rationalis tanquam forma perfectissima informat materiam sine commensuratione, vel dependentia ab ea, quia sicut non dependet in suis operationibus propriis, ita nec in suo esse, aut fieri; & ideò sicut sit sine dependentia à materia, ita potest naturaliter esse sine illa, & hoc est, esse immortalem. 93

Et quod tandem dicitur formam debere proportionari materiæ, vel subiecto, solum est verum, ac necessarium, quantum ad rationem actus, & potentie.

---

## Q V Æ S T I O II.

*An anima plantarum, atque animalium perfectorum  
sint indiuisibiles.*

**I**mperfecta Animalia, de quibus nunc agemus, vocari solent 94 ab Aristotele insecta pluribus suæ doctrinæ locis, præsertim in hoc 2. lib. textu 20. & in lib. de Iuuentute & Senectute cap. 1. ubi exemplum eorum ponit in apibus, & vespis, & eiusdem rationis sunt formicæ, atque reptilia ferè omnia, de quorum animabus, atque etiam plantarum controuersia est, an sint indiuisibiles, vel partes habeant integrantes, in quas diuidi possint,

sicut habent albedo, calor, & aliæ formæ similes:

Et prima opinio tenet, esse indiuisibiles: quàm sententiam Platoni tribuit Marilius Ficinus, lib. 1. de Theologia Platonis, cap. 3. & lib. 8. cap. 1. de quo etiam referunt D. Nemesius Plotinus, & Amonius, quod senserit diuisionem repugnare cuilibet formæ, ut habetur apud D. Gregor. Nisen. 3. lib. de anima cap. 1. sed eam sequitur Thienensis 2. li. de anima textu 22. & pro eadem citat Hugonem Senensem Pomponatius, lib. 1. de nutritione, 95 cap. 16. vbi ipse etiam affirmat non esse à ratione alienam. Tolerus quoque citat Simplicium 1. lib. de anima, textu 47. & lib. 2. textu 20. Et videtur in primis expressa apud D. Augustin. in lib. de quantitate animæ cap. 3. 1. vbi occasione cuiusdam experientie de Vermiculo à pueris in agro reperto, atque in duas partes ab eisdem diuiso, imò vna parte eius in plures alias, ita ut omnes mouerentur eadem celeritate, ac mouebatur integer vermiculus ante diuisionem, & altera medietate stilo quodam ferreo tacta, à seque contorta ad doloris locum, in admirationem raptus cogitare cœpit, quonam modo hæc fieri possent supposita indiuisibilitate animæ, quam multis arg. se alibi probasse affirmat, & firmiter tenere. Et post longam disputationem decernit non esse propter hæc, quæ videntur sensum decipere à 96 veritate per intellectum cognita recedendum; sentit igitur has animas esse indiuisibiles, quod etiam experientia illa probare videtur, nam si in parte quadam læsus vermiculus mouetur totus ad doloris locum, cuius est animam eius vnā, & eandem esse, & non plures, atque adeò indiuisibilem.

Probat, etiam ratione primò; quia omnes istæ animæ non dependēt adæquatè à qualibet parte materiæ, & ideo nec adæquatè educuntur de potentia eius, sed à pluribus diuerso modo dispositis: ergo nec possunt esse, aut conseruari in qualibet separata ab aliis, nec proinde diuidi poterunt, sed in partibus materiæ vnitis, ac per modum vnus adæquati perfectibilis, & consequenter in tota materia modo quodam indiuisibili aptæ sunt consistere, quod est modum indiuisibilem, saltem imperfectum habere. Probat, minor ex definitione animæ, quia quælibet anima est actus corporis physici, & organici, ergo postulat plures partes materiæ diuerso modo dispositas, quasi diuersa organa 97 suarum potentiarum pro exercendis vitalibus operationibus, ab eis ergo simul sumptis, & per modum vnus adæquatè dependet, & non à qualibet separata; quare nec potest in eis separatis esse, aut conseruari, sicut nec operari, & consequenter, nec diuidi ad diuisionem materiæ: sed modum indiuisibilem eam informandi habet.

Secundò, quia si esset diuisibilis talis anima; educeretur quælibet

libet pars eius de parte materiæ, sicut tota de tota ipsa materia, quare dum nutriuntur viuientia hæc, simul cum noua parte materiæ adueniret noua pars animæ, quod esset augeri sicut non viuientia per quandam iuxta positionem nouæ partis, & ideo contra rationem, ac perfectionem intrinsecam viuientium.

Secunda opinio affirmat has omnes animas esse diuisibiles 98 ad diuisionem corporum eo ferè modo, quo formæ accidentales corporum, vt albedo. Hæc est communis sententia ferè totius scholæ, nam eam in primis sequuntur omnes interpretes Aristotelis præter paucos citatos pro opposita, comm. 7. lib. Phys. com. 78. Marfil. & Saxonia 1. lib. de gener. q. 10. Apolinaris 2. lib. de anima q. 6. Toletus q. 7. & cæteri cap. præsentis, atque etiam Scholastici Doctores in 1. d. 8. d. bona 2. par. d. q. 3. quamuis malè à quibusdam citetur pro opposita, Herueus, Ægidius, atque Durand. ibidem, Scotus in 4. d. 44. q. 1. art. 1. D. Thom. 1. p. q. 76. art. 8. & cum eo Capreol. in 2. d. 15. q. 1. & omnes ferè eius discipuli, omnèsque recentiores.

Tertia opinio medium ponit inter duas præcedentes: concedens quidem has formas aliquo modo esse diuisibiles contra 99 primam, non tamen eodem modo, vel non tanta diuisibilitate, aut in tot partes, ac formæ substantiales non viuientium, vt videtur asserere secunda.

Quod vt explicet, adnotat duplices esse partes plantarum, & animalium imperfectorum, quædam sunt præcipuè, in quibus resident virtus vitalis, & organa potentiarum, per quas exercent opera vitæ, nempe virtus generatiua, sensitua, & appetitiua: appetitus enim non est in toto corpore, sed in parte determinata, vt in spina per medium corpus in longum producta à capite, vsque ad caudam, & in plantis generatiua virtus in medulla quadam eodem modo extensa per medium corpus, quæ videtur esse quasi cor eius, & ita appellatur: & phantasia nec est in toto corpore, aut singulis partibus, sed in aliqua determinata, idque videtur experientia probari, nam si abscindatur pars aliqua plantæ, sine illa nec viuere poterit, nec germinare, si alteri inferatur arbori, vel terræ mandetur: ergo signum est in illa tantum parte virtutem germinandi residere. Ex quibus intelligi asserunt has animas non esse diuisibiles ad diuisionem totius materiæ, & singularium partium eius, sicut formæ substantiales non viuientium, sed solum secundum eas partes, in quibus organa illa, & virtutes seu potentie resident, secundum alias verò indiuisibiles reputari.

Probant primò, quia solum censetur forma diuisibilis in eas partes materiæ, in quibus post diuisionem permanere potest, quia ab his solum potest adæquatè dependere, & propterea

Forma non viuientium potest diuidi secundum omnes partes materiæ in infinitum, quia ab omnibus, & singulis potest dependere adæquatè, sed anima plantarum, & imperfectorum animalium non potest dependere adæquatè ab omnibus, & singulis partibus materiæ, quas informat, & ideo nec in eis separatis permanere, ut docet experientia, sed solum in quibusdā iam explicatis, ergo in has tantum, & non in omnes censetur diuisibilis.

100 Secundo, quia si istæ animæ sunt diuisibiles secundum omnes partes materiæ; ergo quælibet pars earum correspondens cuilibet parti materiæ est anima; Probatur consequentia, quia sicut quælibet pars corporis corpus est, ita quælibet pars animæ debet esse anima, sed hoc non potest esse verum; ergo nec verum est, quod secundum omnes partes sint diuisibiles. Probatur minor, quia anima est actus corporis physici, & organici, sed istæ partes animæ (si eas habet) non possunt esse organicæ: nam partes organicæ diuerso modo debent esse dispositæ iuxta diuersitatem potentiarum in eis recipiendarum, quam diuersitatem dispositionum constar non habere, ut vidimus; ergo nec possunt à partibus animæ informari, sed necessariò à tota anima modo indiuisibili.

101 Nostra sententia duo asserit; Primum est *animas horum omnium esse diuisibiles* aduersus primam sententiam. Secundum, *omnino esse diuisibiles*, hoc est, secundum omnes partes materiæ, quas informant aduersus tertiam, & utrumque continet secunda opinio, quam tanquam communem, & longè probabiliorē sequimur. Probatur utrumque egregio testimonio Aristotelis in lib. de longitudine, & breuitate vitæ cap. ultimo, his verbis: *Assimilantur autem planta insectis, sicut dictum est prius, diuisa enim viuunt, & dua, & multa sunt ex una. Insecta autem usque ad ipsum viuere perueniunt, multo autem non possunt tempore, non enim habent instrumenta, neque facere potest ipsa principium, quod in unoquoque, quod autem in planta potest, ubique enim habet germen, & radicem potentia, &c.* quibus in primis docet expressè horum omnium animas diuisibiles esse aduersus primam sententiam: dum ait ex una plures fieri posse, & quamlibet esse vnā actu, & plures potentia. Deinde asserit in vno conuenire insecta animalia cum plantis, & in alio differre; conuenire quidem in eo, quod sic diuisibilia sunt, tam animalia, quam plantæ, ut ex vno possint fieri, non solum duo, sed plura, quasi dicat, diuisionem harum animarum in minores, atque minores partes fieri posse secundum diuisionem partium materiæ, quas informant, quod est dicere semper diuidi posse, & proinde secundum quælibet partes aduersus vltimam opinionem, vtraque ergo Aristot. aduersatur. Et verba eius relata duas rationes  
latis

satls efficaces cōtinent aduersus vtramque. Et aduersus primam hæc ratio colligitur. Partes plantarum, & animalium insectorum separatæ viuunt; ergo informantur animæ; vel, ergo eadem, qua informabantur ante diuisionem, & tunc sequitur euidenter diuisam fuisse in duas partes ad diuisionem corporis, & ideò non esse indiuisibilem. Probatur consequentia, quia eadem anima non potest saltem naturaliter informare duas materias discontinuas; ergo nec potest permanere eadem anima indiuisa in vtraque parte materie discontinuæ: sed si vtramque partem informat post diuisionem, in duas partes diuisa eas informare debet, quare diuisibilis erit; vel post diuisionem informantur singulæ partes discontinuæ ab alia anima distincta à priori, & hæc 103 non potest esse vna, cum non possint partes discontinuæ ab eadem anima informari: erunt ergo duæ resultantes ex diuisione corporis, vel de nouo productæ ab agente vniuersali, aut primò occasione diuisionis, ne maneat vtraque pars materie sine vlla forma, sed vtrumque est impossibile naturaliter. Probatur minor, quia si aliæ animæ succedunt facta diuisione; ergo corrumpitur compositum, & cum eo prior anima, sed ad corruptionem compositi viuentis, & animæ eius non succedit naturaliter alia anima in materia, sed forma cadaueris: ergo falsum est, quod aliæ animæ succedant in partibus materie. Probatur minor, non solum experientia in cæteris corruptionibus viuentium, sed etiam naturali ratione, quia mors non est aliud, quàm diuisio animæ, & corporis: ergo eo ipso, quod anima desinit informare corpus, desinit idem corpus viuere, & mortuum esse dicitur, quod est forma cadaueris informari, & non alia anima.

Secundum quod asserit Aristoteles est, animam plantarum, 104 & insectorum animalium esse vnâ actu, & plures potentia, ex quo hoc argumentum colligo ad probandum esse diuisibilem secundum omnes partes, cōtra tertiam opinionem ideò anima est vna actu, & plures potentia, vel virtute, quia per diuisionem materie diuidi potest, sed impossibile est posse diuidi ad diuisionem materie secundum aliquas partes, nisi sit extensa in eis, 105 ita vt tota informet totam materiam illam, & partes eius informant partes, & ex hoc sequitur esse diuisibilem secundum omnes partes; ergo talem esse concedendum est. Maiorem, & minorem simpliciter concedit tertia opinio, quia nullo modo negari possunt, sed probatur ex hoc sequi esse diuisibilem ad diuisionem omnium partium materie, quia anima non est minus extensa in his partibus materie, quàm in præcipuis, sed eodem modo, est tota in tota materia earum, & pars in qualibet parte, ac est in præcipuis, sed ex hoc modo diuisibili informandi præcipuas, est diuisibilis ad diuisionem earum; ergo cum eun- 106 dem

dem modum habeat informandi ceteras, etiam erit diuisibilis ad diuisionem earum. Maiorem in qua est difficultas, sic probabo; Vel anima informat partes minus præcipuas, ita ut tota informet totam materiam earum, & pars partem, & ita sequitur intentum, quod sit diuisibilis secundum easdem, & proinde secundum omnes; vel non informat eas hoc modo, sed ita ut tota sit in tota materia earum, & tota etiam in qualibet parte, sed hoc est impossibile; ergo illud est necessarium. Probatur minor, quia repugnat totam formam esse in tota materia, & tota in qualibet parte, nisi realiter sit indiuisibilis, sed istæ animæ non sunt realiter indiuisibiles; ergo non possunt sic informare vllas partes: Probo iterum minorem, quia anima huius plantæ, vel huius animalis imperfecti est extensa in partibus præcipuis, quas informat per partes, & nullam partem tota; ergo non potest esse indiuisibilis respectu aliarum. Probatur consequentia, quia alioqui eadem numero anima esset diuisibilis, & indiuisibilis realiter, quod patet esse falsum. Et si dicas respectu diuersarum partium habere utrumque, nempe diuisibilem, & indiuisibilem esse, probatur hoc esse impossibile, quia quælibet anima alicuius plantæ, vel animalis infecti est vna numero: ergo est vna entitas numero, vel ergo hæc entitas numero habet partes integrantes substantiales, vel non, si habet partes (ut concedunt assentes esse diuisibilem in præcipuas partes) ergo repugnat, hanc eandem entitatem esse indiuisibilem. Probatur consequentia, quia esse diuisibilem, & indiuisibilem secundum partes integrantes, repugnat conuenire eidem numero entitatis.

Sed probatur friuolum esse fundamentum huius sententiæ, nam affirmat has animas esse diuisibiles secundum partes præcipuas materiæ, indiuisibiles verò secundum alias, quia in illis per diuisionem separatis potest conseruari, in aliis verò non; sed hæc ratio est insufficiens. Primo, quia si partes præcipuæ harum formarum sunt diuisibiles, repugnat minus præcipuas esse indiuisibiles, cum euidens sit diuisibilitatem esse maximam imperfectionem, 2. quia non potest sumi diuisibilitas, aut indiuisibilitas formæ ex conseruatione, aut permanentia formæ diuisæ in partibus materiæ separatis, ut multis exemplis probari potest. Et omissis aliis euidens est potentiam visiuam esse corpoream, & extensam, & modo diuisibili informare totum oculum, ita ut tota sit in toto, & singulæ partes eius in singulis partibus oculi, & ideo esse diuisibilem omnino, & modo diuisibili informare omnes partes subiecti, & tamen si diuidatur oculus in tres, vel quatuor partes æquales, in neutra earum conseruari poterit naturaliter eadem potentia visiva, quia sua natura postulat in organo determinatam quantitatem,



tatē, & cæteras dispositiones sub tali figura, & modo, sine quibus non poterit conseruari in eo, ergo ex eo quod non possit conseruari in partibus separatis, non benè colligitur esse indiuisibilem, quamuis ex conseruatione in eis colligatur benè ab Aristot. & cæteris, quod diuisibilis sit. Quod verò non possit in quibusdam partibus separatis conseruari, & possit in alijs, non dependet ex diuisibilitate, vel indiuisibilitate formæ, sed ex eo quod ad sui conseruationem postulat tot partes talémque vnionem earum non quascumque, sed talis conditionis, à quibus adæquatè dependet, quas si non habeat, licet habeat alias, in quas diuisa sit, conseruari non poterit.

Ad testimonium Augusti. facile respōdent quidam ex his, qui sequuntur nostram sententiā, solum sequi ex experientia illa, quam adducit, quod anima insectorum sit vna continuatione suarum partium, non tamen, quod sit indiuisibilis. Et quantum ad experientiam ipsam, ego quoque sentio non probare indiuisibilitatem, sed vnitatem continuationis suarum partium sufficere, vt moueantur partes ad locum doloris, eo modo, quo moueri videmus. Sed oportebat explicare, quid sentiat Sanctus Doctor de hac re. Et respondeo, quod si totum illud cap. legatur à principio, constabit eum sensisse, quod istæ animæ sint indiuisibiles, nam si id non sensisset, nec tantum laboraret in illa experientia de motu partium animalis separatarū explicanda, sed facile posset respondere, quod moueri poterāt ratione partium animæ, & consequenter ratione sensus, appetitus, ac motiue potentiæ in eis existentium, nec tamen sic responderet, sed aliam videtur solutionem quærere, quia ostendat, non probari experientia illa, quod animæ istæ sint diuisibiles, quam tamen non videtur omninò inuenire, & propterea dubius forte permansit, quare nihil ex eius autoritate contra nostram sententiam deduci potest.

Pro solutione primi argumenti eiusdem opinionis, & argumentorum tertiarum adnotandum est, quod indiuisibilitas, seu diuisibilitas formæ ex perfectione eius, atque ex entitate sumenda est, si enim sit infima, vt sunt formæ elementorum: euidentius est esse diuisibilem, & entitatem eius ex partibus integrantibus compositam, vt forma aquæ, vel ignis, & si sit superioris ordinis, indiuisibilis est, vt anima rationalis, & de his animabus plantarum, & insectorum (de quibus nunc disputamus) probat etiam experientia ipsa, quod sint diuisibiles, quia in quibusdam saltem partibus materiæ separatis perseuerant. Ex quo euidenter colligitur entitatem earum non esse simplicem, sed compositam ex partibus integrantibus. Modus etiam informandi diuisibilis, vel indiuisibilis, ex entitate eiusdem formæ desumitur,

tur, quia per eam informare debet, quare si entitas formæ composita sit ex partibus integrantibus, non potest informare materiam, nisi per partes: ita ut tota informet totam materiam, & singulæ partes, singulas etiam partes eiusdem. Vnde sequitur, <sup>112</sup> quod cum entitas harum animarum sit composita ex partibus integrantibus, ut concedit tertia opinio, per partes etiam informet, nec possit esse tota in qualibet, imò neque in parte vlla materiæ, sed solum in tota, & singulæ partes in singulis partibus, quod est modo diuisibili informare. Si verò entitas formæ non sit ex partibus composita, nec potest per partes (quas non habet) informare, sed tota informabit totam materiam, & tota etiam singulas partes.

Verum est tamen imperfectas animas plantarum, & insectorum quandam rationem indiuisibilitatis habere in modo informandi, in quantum sic dependent ex tali vnione quarundam partium, ut non possint quamlibet earum separatam ab aliis naturaliter informare, sicut possunt formæ non viuientium <sup>113</sup> informare quamlibet partem separatam, & ex hac parte verum est non habere tantam diuisibilitatem, ac habent formæ non viuientium in modo informandi, & quandam similitudinem habere cum animabus informantibus modo indiuisibili: simpliciter tamen non minùs dispersæ sunt secundum suas partes per omnes partes materiæ, nec minùs diuisibiles ad diuisionem earum, ac formæ non viuientium, & in hoc decipitur tertia opinio recentiorum.

Ex his facile soluitur primum argumentum: nam concessio antecedente, quod non debeant adæquatè istæ animæ à qualibet parte materiæ: sed à quibusdam certis, ac determinatis, nec adæquatè educantur de potentia cuiuscumque, neganda est consequentia, quod non diuidantur ad diuisionem omnium, & singularum, quia licet nō possint in quibuscumque separatis conseruari, nihilominus cum eas informant secundum suas partes integrantes: ad diuisionem earum necessariò diuiduntur, & simul desinunt esse per diuisionem.

Ad secundum concedenda est vtrique pars antecedentis, <sup>114</sup> quod anima hæc imperfecta educatur tota de potentia totius materiæ, & partes eius de partibus materiæ, atque etiam, quod in nutritione horum animalium, & plantarum simul cum noua parte materiæ alimentum adueniat noua pars animæeducta de potentia eius: sed neganda est consequentia, quod augeantur improprie per iuxta positionem viuentia hæc; sicut augentur non viuentia, nam adhuc augentur per intussumptionem alimentum per omnes partes distributi, & per conuersionem eius factam per virtutem vitalem, & ideò augentur secundum omnes

nes partes, atque etiam vitali modo, & per actiones vitales interuenientes; nec augmentum horum viuentium procedere potest in infinitum, sicut augmentum non viuentium, quia sit per virtutem intrinsecam vitalem habentem intrinsecum terminum; aliud verò augmentum per extrinsecam iuxtapositionem, & ideò non habet terminum intrinsecum, sed si in infinitum iuxta ponatur pabulum igni, in infinitum crescet, vt asseruit Aristoteles.

Ad primum argumentum tertiæ opinionis neganda est maior, quod in eas solum partes diuisibilis sit forma, in quibus separatis potest conseruari, quin potius necesse est, vt si semel sit diuisibilis in eas partes: in quibus separatis conseruari potest, omnino sit diuisibilis, hoc est, secundum omnes partes materiæ, ita vt tota correspondeat toti materiæ, & singulis partibus eiusdem materiæ, singulæ etiam partes. Quod verò conseruari nequeat in quibuscunque, sed in certis quibusdam vnitis, ex alio capite prouenit, vt probauimus. Quare non probat indiuisibilitatem talis animæ.

Ad secundum, concedenda est prima consequentia, quod quælibet pars animæ imperfectæ correspondens cuilibet parti materiæ, est anima: concedendum quoque est, quod additur, videlicet, cuilibet parti animæ non conuenire definitionem animæ, quia definitur anima per corpus organicum tanquam per primum, & adæquatum perfectibile: partes verò singulas non respicit, neque informat tanquam adæquatum perfectibile, sed tanquam inadæquatum; & ideò non conuenit cuilibet parti definitio simpliciter, nihilominus accommodari eis potest inadæquatè, & quasi in obliquo in hoc sensu, quod quælibet pars animæ sit actus alicuius partis organici corporis, & hoc sufficit, vt suo modo quælibet pars sit anima, & talis possit in aliquo sensu vocari. In quo differunt partes animæ à partibus inferiorum formarum; nam istæ absolute suscipiunt denominationem totius, quia quælibet partem materiæ respicit forma, vt adæquatum perfectibile, & propterea cuilibet tribuit denominationem totius; anima verò quia longè perfectior forma est: non nisi plures ac diuersas partes componentes corpus organicum adæquatè respicit, & informat, singulas verò non nisi inadæquatè; & ex hoc prouenit diuersa ratio denominandi.

---

### QVÆSTIO III.

*An anima sensitiua perfectiorum animalium sint indiuisibiles.*

**D**eterminata indiuisibilitate animæ rationalis, & diuisibilitate animæ vegetatiuæ animalium imperfectorum, supersunt

per sunt animæ sensitiuæ perfectorum animalium, vt equi, leonis, ac cæterorum, de quibus valde difficile est decernere, an indiuisibiles cum anima rationali censerī debeant, vel diuisibiles cum anima plantarum, & animalium imperfectorum.

Et prima opinio tenet esse indiuisibiles & modo indiuisibili informare materiam, ita vt anima leonis sit tota in toto corpore, atque etiam tota in qualibet parte, sicut rationalis, eo excepto, quod dependenter à materia informat, & tanquam corporeum quid de potentia eius educitur, cum tamen anima rationalis spiritualis sit, & independens à materia, & de potentia eius noneducta. Ita sentiunt ex antiquioribus Albert. magn. lib. 1. de anima, cap. ult. & lib. 2. cap. 7. Alexand. Alensis 7. Metaphys. ad text. 59. Alex. Aphrod. 2. lib. de anima, cap. 10. & Bonauent. in 1. dist. 8. in 2. par. dist. quæst. 3. Herue. ibidem, quæst. 4. D. Thom. in quæstione de spiritualibus creaturis, ar. 4. in quæst. de anima artic. 10. 2. contra gentes, cap. 72. & 1. part. quæst. 76. articulo 8. Caietan. & Ferrar. in his duobus locis vltimis. Astudillo 1. lib. de gener. quæst. 15. Bañez 1. lib. de gener. cap. 5. quæst. 5. & 1. parte quæst. 76. artic. 8. dubitatione 2. quam sequuntur etiam ex Recentioribus Conimbr. & alij.

117 Probatum testimonio Aristotelis lib. de Iuuen. & Senç. cap. 1. non longè à fine, vbi cum docuisset insecta animalia post diuisionem viuere, de animalibus perfectis hæc verba scribit. *Optimè autem constituta animalia hoc non patiuntur. propter quod natura ipsorum, ut possibile est, maximè vna est.* Sed maximam habere vnitatem est esse indiuisibile, ergo sentit esse indiuisibilem. Probatum minor, quia quælibet diuisio animæ tollit aliquam vnitatem eius, ergo maximā vnitatem pugnat cum quacunque diuisione, si igitur maximè vna est (vt ait Aristot.) (non est vllō modo diuisibilis.

118 Probant deinde experiētia, quia videmus partes separatas, aut diuisas à toto horum animalium non viuere. Quia nullam habent operationem vitalem, ergo euident signum est in nullo earum cōseruari animam, etiam breui tempore, vitalem, & consequenter, neque separari partem animæ cum parte materiæ per diuisionem: quare non ab aliqua parte animæ informantur partes materiæ, sed à tota, quod est esse indiuisibile, Probatum vtraque consequentia, quia si separarentur partes animæ, pro breui saltem tempore partes animatorum viuerēt, sicut in plantis, & imperfectis animalibus diuisis constat.

Probatum tandem ratione primo, quia forma diuisibilis eodem modo respicit totum, & quamlibet partē, & ideo tam sub parte separata, quàm sub toto cōseruatur, vt patet in igne: sed anima perfectorum animalium non eodem modo respicit totum,

*Tracl. de modo quo Anima informat corpus. Qu. III. 161*  
tum, & partem : sed totum corpus respicit, vt primum, & ad-  
quatum perfectibile, non verò partem, quia in ea abscissa non  
conseruatur; ergo non est diuisibilis. 119

Secundò, si aliqua ratione anima horum animalium nõ est  
indiuisibilis, maximè quia dependet à subiecto, vel materia, &  
de potentia eius educitur: sed formam esse indiuisibilem, inde-  
pendentem à subiecto, nequeeductam de potentia eius, diuer-  
sæ perfectiones eius sunt: ita vt nec ex priori inferatur neces-  
sariò posterior, nec sit ei necessariò coniuncta. Probatur vtrū-  
que in accidenti spiritali, quale est gratia, indiuisibilis qui-  
dem, & tamen dependens ab anima, & de potentia eiuseducta:  
ergo nec bene sequitur; hæc forma est indiuisibilis: ergo in-  
dependens à subiecto, & ideo stare potest simul indiuisibilitas  
harum animarum, cum dependentia, & educatione. Et vrgeri  
potest argum. hoc modo; non probatur implicare contradictio-  
nem, quod detur animaeducta de potentia materiæ, & ab ea  
dependens, & simul indiuisibilis: ergo possibilis censenda est, &  
valde probabile, esse à Deo factam, & ideo in natura rerum da-  
ri in his animalibus perfectis, quæ quasi media sunt inter ho-  
minem, & imperfecta animalia.

Secunda opinio easdem animas diuisibiles ponit. Ita tenent 120  
comm. 8. lib. Physic. Scot. in 4. dist. 44. quæst. 1. art. 1. Durand. &  
Ægid. in 1. d. 8. q. 3. Capr. in 1. d. 15. qu. 1. ad vltimum contra vl-  
timam conclusionem, Soncin. 8. Metaphys. q. 11. Iau. ibid. q. 4.  
Apol. 2. lib. de anima, q. 6. Marsil. 1. lib. de gen. quæst. 10. Tolet.  
quæst. 5. & ex recentioribus multi: & videtur nobis longè pro-  
babilior propter hæc arg. 1. quia istæ animæ continentur in po-  
tentia materiæ tanquam subiecti, à quo dependent, & ex quo  
educuntur: ergo commensurantur eidem materiæ, sicut cæteræ  
omnes formæ, tam substantiales, quàm accidentales nullæ ex-  
cepta. Sed commensurari subiecto non est aliud, quàm totam  
animam contineri in tota materia, & de tota materia educi, &  
partes eius contineri in singulis partibus, ex eisque deduci: er-  
go ita se habent istæ animæ respectu materiæ, quare necesse  
est partes eis integrantes tribuere, per quas eidem materiæ  
commensurentur, ac proportionentur.

Secundum, si abscondatur pars aliqua ab animali, statim cor- 121  
rumpitur; ergo necesse est, quod ab illa parte materiæ sepa-  
retur anima, à qua informabatur, quia corruptio est separatio  
realis formæ à materia, vel ergo informabatur à tota anima,  
vel à parte eius, si à parte, iam fateris habere partes, & proinde  
esse diuisibilem, si verò informabatur à tota anima: ergo tota  
ipsa anima separatur ab ea, vel ergo corrumpitur, vel permanet  
separata, vel reducit se ad alias partes materiæ informandas.

*Brunius de Anima.*

L

- Separatam permanere naturaliter est impossibile, quia forma dependens a materia non potest naturaliter permanere ab ea separata, nec est minus impossibile se reducere ad alias partes materiæ informandas, quia sufficienter informatæ sunt à partibus eiusdem animæ, vel à tota ipsa anima, nec potest eadem forma naturaliter migrare de subiecto in subiectum: ergo concedendum est necessariò totam illam animam corrumpi, quod patet esse impossibile: cum tota ipsa permaneant informando cæteras partes eiusdem animalis adhuc permanentis, & impossibile sit eandem omninò animam (sicut quamlibet aliam rem)
- 123 totam corrumpi, & permanere totam. Nec soluitur argument. si dicatur, nihil horum fieri in corruptione partis, sed solum totam animam desinere informare partem illam materiæ, quam inadæquata ratione informabat, quænamadmodum si ab-
- 123 scindatur manus ab homine, non cogimur dicere, quod cum parte materiæ separaretur pars animæ rationalis, nec totam animam rationalem permanere separatam, nec tamen, quod ad alias partes materiæ informandas se recipiat, sed solum, quod illam partem materiæ informare desinat, & hoc est, ab ea separari, & separatio hæc animæ dicitur corruptio manus, per solam dissolutionem vnionis sine corruptione animæ. Ita ergo dicendum est contingere, si pars equi ab eo abscindatur, quare nihil videtur probare argum. Hæc tamen solutio euidenter est falsa, propter euidentis discrimen inter has animas, & rationalem, quia hæc informat totam materiam, & tota quamlibet partem eius: sed omninò independenter ab ea, & hinc est, quod possit à toto corpore separari, & separata permanere, atque etiam à qualibet parte abscissa per solam cessationem ab informatione vnione dissoluta: ita vt nec desinat esse, nec separata permaneant, nec se recipiat ad informandum alias partes corporis: sed desinat informare illam in cæteris permanens.
- Anima verò equi, vel leonis informat materiam omninò dependenter ab ea: ergo idem est in ea desinere informare partem, quam informabat, & desinere esse, quia non potest naturaliter ab ea separari, vel sine illa esse. Nec omninò desinere materiam sine sui corruptione.
- 124 Tertiurū argument. adhuc efficacius est, & sumitur ex nutritione horum animalium hōc modo. Dum leo nutritur, necesse est animam eius informare nouam materiam alimenti, & totam quidem animam, si indiuisibilis est partibus carens; vel ergo educitur de nouo tota anima de potentia illius partis materiæ, vel iameducta se extendit ad informandam nouam illam materiam: hoc secundum non potest esse verum, quia sequeretur ex eo, hanc animam informare materiam de cuius
- potencia

potentia nullo modo educitur, & à qua nec vlllo modo dependet, quod pugnat cum natura eiusdem animæ, & soli rationali conceditur. Necesse est ergo de potentia illius materiæ de nouo educi, quod non est minus falsum, propter duo; primum quia educi de potentia materiæ est fieri in actu de nouo, aut produci, quod iam est actu in rerum natura: ergo repugnat talem animam educi de materia alimenti. Secundum quia causa efficiens principalis nutritionis, atque etiam partialis substantiæ per eam productæ est anima ipsa; ergo si educitur de potentia materiæ alimenti, à se ipsa efficienter educitur, & cum educi sit produci, sequitur à semetipsa produci: sed repugnat aliquid producere seipsum, quia inter produciens & productum intercedit necessariò realis prioritas naturæ, distinctio realis; & relatio realis, quæ eiusdem ad se ipsum non dantur; ergo ex nutritione horum animalium concluditur, quod eorum animæ non sint indiuisibiles. Nam quod huic argum. respondent 1. Iuniores quidam, videlicet, posse eandem rem effectiue concurrere ad sui conseruationem, inadæquatè tamen, ex quo sequitur posse dependere efficienter à se ipsa, vt nonnullis exemplis ostendi posset. Nullius momenti est, quia conseruatio non est productio noua: sed continuatio productionis nouæ præsupponens re productam in suo esse; argumētum verò de noua productione animæ, hoc est, de noua educatione ex potentia materiæ probat, non de sola continuatione, vel de sola conseruatione. Sed nec soluit argument. quod asserunt secundo benè posse animam educere se ipsam de nouo ex potentia materiæ alimenti, quia terminus nutritionis non est anima, neque hæc producitur, sed partialis materia resultans, quæ realiter distinguitur ab eadem anima, & ita non sequitur, quod eadem res se ipsam producat, sed aliam à se distinctam. Hoc inquam, non soluit argument. quia licet anima non sit, id quod producitur per nutritionem, quia non est id, quod est, sed quo aliud est, verum est tamen ac necessarium educi de potentia in actum per nutritionem, quod est de nouo incipere esse, imò de nouo accipere esse ab efficiente. Sed repugnat, quod eadem res accipiat esse de nouo efficienter à se ipsa, propter tria illa incommoda, quæ non minùs ex hoc modo accipiendi esse de nouo à se ipsa sequuntur, quàm ex alio, ergo falsa est talis solutio argumenti. Testimonium Aristotelis pro opposita sententia hac distinctione explicatur, vnitas maxima dupliciter sumi potest; primò vniuersalissimè pro omnimoda negatione diuisionis, aut diuisibilitatis, & in hoc sensu vnitas maxima animæ, aut formæ idem est, quod indiuisibilitas eius. Secundo, accipitur cum limitatione pro maxima vnitate in tali genero,

quo pacto non est idē, quod indiuisibilitas, sed solum dicit negationem cuiuslibet modi diuisionis, aut diuisibilitatis, quem habere possunt formæ, aut animæ illius generis. Verba igitur Aristor. in posterioris sensu intelligenda sunt, & non in priori, ut aperte colligitur ex contextu eiusdem loci, in quo loquebatur de animabus corporeis, hoc est, à materia dependētibz, ac de potentia eius eductis, inter quas maximam unitatem habere debent animæ perfectorum animalium, quia maximam perfectionem huius generis habent, hæc autem maxima unitas non consistit in minori diuisibilitate absolute, sed in minori, <sup>117</sup> in ordine ad conseruationem, & permanentiam, in quo sensu maiorem unionem partium materiæ postulant, ut introduci, atque conseruari possint, quàm animæ plantarum, & insectorum, nā cum anima sit actus organici corporis, quò perfectior est anima, plurium, magisque diuersarum operationum principium est, plura, magisque diuersa petit organa, magisque inter se unita, in quibus potentiæ resideant, & per quæ proprios actus exercere possint, sine quibus, nec potest introduci in materia, nec in ea conseruari. Et hæc est ratio à priori, propter quam animalia hæc non possunt viuere in partibus abscissis, quia non habent in eis potentias, neque organa ad propriam <sup>118</sup> consistentiam necessariò requisita; cum tamen plantæ, & insecta animalia in multis partibus diuisa cōseruentur. Itaque animæ perfectorum animalium, quantum ad diuisibilitatē in partes integrantes simpliciter consideratam, non sunt minùs diuisibiles simpliciter, quam animæ insectorum, atque plantarum, imò quam formæ non uiuentium; sed eodem modo dispersæ sunt per omnes partes corporis, quantumlibet exiguas, quibus exiguæ etiam partes animæ correspondent, considerata autem eadem diuisibilitate in ordine ad consistentiā eiusdem animæ in partibus separatis, minus longè diuisibiles sunt, quàm ceteræ animæ, aut formæ inferiores, imò quendam modum indiuisibilitatis, similem indiuisibilitati animæ rationalis habent. Et fortè in hoc sensu eas vocabit indiuisibiles opposita sentētia, & non in priori. Et sic posset conciliari cum nostra, quamuis D. Tho. in loco præsertim primæ partis videatur omnem diuisibilitatem in partes integrātes, etiam per accidens negare hisce animabus, & expresse asserere quod tota anima sit in toto corpore, & in qualibet etiam parte tota, quæ duo nō video, quæ ratione, vel in quo sensu explicari possint: & propterea censeo oppositam sententiam tenuisse, vel certè in eam maximè inclinasse, quam vel sola eius autoritas probabilem facit, & ego quoque libenter ei subscriberem, si aliquid inuenire possem, quo oppositis rationibus quoquo modo satisfacerem.



*Tract. de modo quo Anima informat corpus. Q. II. 165*

Ad illam experientiam de his animabus non conseruari in partibus diuisis facillè respondetur, non probare veram & realem indiuisibilitatem animæ, vt superius ostendimus.

Ad 1. argum. neganda est maior, quod omnis forma diuisibilis eodem modo respiciat totā materiam, & quamlibet eius partem: nam licet vera sit de imperfectissimis, quia sunt homogeneæ, falsa de quacunque anima; etiam apud omnes ferè patrones oppositæ sententiæ. Et ratio differentię manifesta est, quia anima non est actus cuiuscunque corporis: sed organici, & ideò tanquam primum perfectibile respicit corpus organicum, & propterea non potest naturaliter conseruari in parte quacunque separata, quia corpus organicum plures, ac diuersas, & inter se se vnitas habere debet, magis quidem, vel minùs iuxta maiorem perfectionem animæ, vt expositum est.

Ad 2. concessa maiori, distinguenda est minor, quod forma<sup>13a</sup> esse indiuisibilem, & dependentem à subiecto, de cuiusq; potentia eductam, sint diuersæ perfectionis non habentes inter se necessariam connexionem; nam si sermo sit de dependentia, & educatione à subiecto materiali, ac diuisibili, falsa est, licet vera esse possit de dependentia à subiecto spiritali, vt probat exemplum de anima in arg. adductum, & ratio discriminis est: quia vniuersaliter est verum, quod forma educta de potentia subiecti, debet commensurari eidem subiecto, commensurari verò non est aliud, quàm secundum eundem modum diuisibilem, aut indiuisibilem ei correspondere, quod necessarium omninò est, quia cum contineatur in potentia eiusdem subiecti, eundem modum essendi materialem, vel immaterialem, & consequenter diuisibilem, vel indiuisibilem habere debet cum eo, sed constat materiam esse diuisibilem in partes integrantes: ergo nulla potest forma in ea contineri, nisi diuisibilis etiam sit in partes integrantes, ita vt tota ipsa materia contineat totam formam, & quælibet eius pars contineat etiam partem. Vnde sequitur, quod licet esse formam indiuisibilem, & independētem à subiecto materiali sint rationes, aut perfectiones distinctæ, necessariam nihilominus habeant connexionem, ita vt euidenter vna sequatur ex altera.

Ad vltimum negandum est antecedens, quod sit possibilis<sup>14a</sup> talis forma sua natura dependens à materia, & educta de potentia eius, & simul indiuisibilis, hæc enim duo omninò sunt opposita, atque impossibilia: quare non possunt in eadem re villo modo inueniri. Rationes autem huius implicationis satis efficaces sunt illæ, quibus nostram sententiā corroborauimus. Quod verò in eodem argumen. additur animas horum animalium quasi medium esse inter rationales, & aliis inferiores, di-

stinguendum est: nam quantum ad veram diuisibilitatem sumptum, falsum est: sed verum in ordine ad consistentiam, & conseruationem eiusdem animæ in partibus diuisis, petunt enim istæ animæ absque dubio plures ac diuersas partes vnitas ad propriam consistentiam in materia, quàm animæ inferiores, & ideo non conseruantur sicut illæ in partibus separatis per diuisionem, in quo animæ rationalis assimilantur, quamuis adhuc in hoc etiam à perfectione eius deficiant, quia plures adhuc partes, ac dispositiones postulat in materia ad introductionem, & conseruationem.

#### QVÆSTIO IV.

*Utrum anima informes omnes partes corporis, vel solum sit in aliqua determinata.*

<sup>332</sup> **C**irca quæstionem hanc diuersis modis opinati sunt antiquiores philosophi; nam quidam eorum in solo capite, aut in aliqua eius parte velut in arce posuerunt animam (rationalem præsertim de qua videntur loquuti) sic Xenocrates, Herophilus, Hippocrates, Strato, & Erasistratus, vt testantur, Tertullianus in libro de anima, Lactantius in libro de opificio Dei cap. 16. Tullius 1. lib. Tusculanarum quæstionum, sic etiam Plato, vt refert Alcinous in lib. de doctrina Platonis cap. 23. Alij verò in solo corde eam constituerunt, vt Andreas Cispalpinus lib. 5. Peripateticarum quæstionum, quæstion. 6. Simon Portius 1. de mente humana capit. 7. & Philo Iudæus in libro qui inscribitur, *Quod deterius potiori insidetur*, pro qua etiam sententia referri solet Galenus, idemque videntur sentire Tertullianus eodem lib. de anima, & lib. de resurrectione carnis, quod colligit ex illis verbis Christi, Matthæi 9. *Vt quid cogitatis mala in cordibus vestris?* & D. Hieronymus lib. 2. in Matth. cap. 14. idque colligens ex verbis Christi, Matth. 15. *à corde exeunt cogitationes prauæ*. Alij denique animam collocant in vna, vel altera parte corporis præcipua, vt Parmenides, & Epicurus in toto pectore. Itaque omnes istæ sententiæ in eo conueniunt, quod anima non sit in toto corpore, nec in qualibet parte eius, sed in præcipua quadam, vna, vel altera.

Quod probari potest testimonio expresso Aristotelis lib. de animalium motu cap. 7. vbi opificium corporis animati comparat Ciuitati suis legibus bene instructæ, cuius principem, aut moderatorem (inquit) non oportet singulis partibus eius assistere, sed solum in præcipua quadam sedem habere, ex qua per imperium mouet membra omnia eiusdem reipublicæ ad propria munera exequenda. Ita ergo censendum est de anima respectu totius corporis, vt non in singulis membris, sed in quodam

dam

*Tract. de modo quo Anima informat corp. Q. IIII. 167*  
dam præcipuo resideat, quod his verbis docet. *Quare non oportet in*  
*unequoque esse animam, sed in quodam præcipuo corporis existens*

Sed probatur etiam ratione: primò, quia anima est actus<sup>133</sup>  
organici corporis: ergo solum potest esse in partibus organicis,  
quales sunt dissimilates, sed præter has sunt plures homoge-  
næ, & ideò non organicæ, vt caro & os, in his ergo non  
potest esse anima.

Secundò, si in qualibet parte humani corporis sit anima ra-  
tionalis, erit etiam intellectus, & ubi est intellectus: sunt scien-  
tiæ, cum ipse sit subiectum scientiarum: ergo intellectus erit in  
pede, atque etiam erunt scientiarum habitus, & actus, & ita di-  
ceretur homo pedibus scire, quod ridiculum est. Deinde cum ani-  
ma rationalis sit indiuisibilis, tota erit in qualibet parte corpo-  
ris, & ideò erit simul in pluribus locis, ac discontinuis, quia par-  
tes corporis discontinuæ sunt, cum sint diuersæ rationis, ac fi-  
guræ. Et tandem sequitur eandem animam simul moueri mo-  
tibus contrariis: cum contingit diuersas partes hominis simul  
moueri sursum, & deorsum. Imò simul mouebitur, & quiescet,  
quia sæpe solet moueri vna pars corporis, & quiescere altera;  
hæc verò absurda sunt: ergo falsum quoque erit affirmare, quod  
anima sit in quacumque parte corporis viuente.

Veritas huius rei à nobis tenenda est, quod anima quacumque  
informat omnes partes corporis, quæ aliquam operationem vitalem<sup>134</sup>  
sensus, aut motus exercent: quælibet quidem iuxta propriam  
naturam, ita vt si indiuisibilis sit, tota sit in toto corpore, & tota  
etiam in qualibet parte eius quantuncunque minima; si vero  
sit diuisibilis, ita vt tota ipsa anima sit in toto corpore, & par-  
tes eius in partibus corporis. Hæc est communis sententia om-  
nium interpretum Aristotelis 2. lib. de anima cap. 3. atque om-  
nium Scholasticorum in 2. d. 17: vbi D. Thom. id asserit, ac præ-  
tereà in q. de anima art. 10. & 2. contra gent. cap. 72. Et colligi-  
tur euidenter ex doctrina Aristotelis 1. quidem ex definitione  
prima animæ, hoc modo, *Anima est actus primus organici corpo-  
ris*, sed esse actum primum idem est apud Aristot. ac esse for-  
mam, ergo est forma organici corporis, sed corpus organicum  
constituitur ex partibus organicis, & istæ ex cæteris omnibus;  
ergo anima est forma omnium partium corporis, easque in-  
format: vnde sequitur in omnibus esse, quia forma non potest  
informare, nisi in eo sit, quod informat: cum informet per se  
ipsam tribuendo se materiæ.

Probatur deinde ratione 1. quia omnes partes corporis (de<sup>135</sup>  
quibus loquimur) exercent aliquam operationem vitalem; ex-  
go informantur anima: Probatur consequentia, quia non pos-  
sunt exercere operationem vitalem, nisi viuant: cum operatio

vitalis sit à principio intrinseco vitæ, nec possunt viuere, nisi informentur anima, quia anima est principium vitæ per informationem: ergo necesse est, quod informentur anima: antecedens verò euidenti experientia notum est, cum videamus omnes partes corporis nutriri, & augeri, & notum sit nutritionem, & augmentationem esse operationes vitales. Secundò, potentia vitales procedunt ab anima: ergo non potest esse potentia vitalis, vbi non sit anima, sed in qualibet parte corporis est aliqua potentia vitalis, & in quibusdā plures: ergo necesse est animam quoque esse in omnibus. Minorē probo, quia in qualibet parte corporis est potentia nutritiua, & augmentatiua, vt docet experientia, quia omnes partes augeri constat, & per totum ferè corpus animalis dispersa est potentia sensitiua tactus; ergo in toto etiam corpore, & singulis eius partibus datur anima.

- 136 Vt autem hæc veritas melius intelligatur, & argum. opposita commodius solui possint, adnotandum est, tribus modis sumi totum (vt ad præsens institutum pertinet,) pro essentiali, pro integrali, & pro potestatiuo. Essentiale est, quod totā continet essentiam; integrale, quod omnes partes integrantes: & potestatiuum, quod omnes potētiās, seu virtutes, & iuxta hanc distinctionem intelligi debet, quod asserimus, animam informare omnes partes corporis, & ita in omnibus, & singulis esse, quæ si indiuisibilis sit, vt rationalis, tota est in qualibet parte corporis totalitate essentiali. Quia in qualibet parte existit secundum totam essentiam, non tamen totalitate integrali, quia non est totum integrale, cum sit in hoc genere indiuisibilis partibus carens, sed nec totalitate potestatiua, quia non est in qualibet parte corporis secundum omnes potentias, sed secundum vnā, vel plures tantum. Quare secundum hunc modum
- 137 existendi potius dicitur esse tota anima indiuisibilis in toto corpore, & pars eius in singulis partibus, quia hoc modo diuisibilis est diuersas habens partes potestatiuas, quæ sunt diuersæ potentia, seu virtutes. Si verò anima sit diuisibilis, est quidem tota in toto corpore totalitate integrali, non tamen tota in qualibet parte, quia non est in ea secundum omnes partes integrantes, sed secundum vnā vel alteram, nec est tota in qualibet parte corporis totalitate potestatiua, quia nō est secundum omnes potentias, aut virtutes, licet sit secundum vnā, vel plures. Sed adhuc anima hæc diuisibilis est tota in singulis partibus corporis totalitate essentiali: cum tribuat vitam partibus singulis, & aliquam operationem vitalem.

His suppositis ad testimonium Aristotelis respondeo sensum eius esse, quod anima speciali modo sit in corde tantum, quia in illa parte præcipue influit virtutem vitalem, à qua deriuatur

deriuatur per totum corpus, & ideo in ea parte existens dicitur totum corpus gubernare ad similitudinem regis, non tamen negat omnino, quod in cæteris partibus sit; sed solum, quod non sit illo eodem modo.

Ad primum argumentum concessio antecedente, neganda est<sup>138</sup> consequentia, nam dissimilares partes, quæ vocantur organice, componuntur ex similibus, vt digitus ex carne, osse, & nervis, vnde eo ipso, quod anima est actus organici corporis, & organicas partes eius informat, necesse est etiã, quod informet homogeneas, ex quibus componuntur organice. Et consequenter est necessarium, quod in omnibus suo modo sit, & omnibus tribuat actum aliquem vitæ, & aliquam operationem vitalem.

Ad secundum distinguendum est antecedens, quod in qualibet parte corporis humani sit intellectus, & voluntas, nã cum potentie istæ non sint organice, nec operationes earum exercentur per organa corporis, nec vllam partem corporis immediate per se informare possunt, sed in anima à qua proximè emanant recipiuntur, tanquam in subiecto proximo, in corpore verò, aut partibus eius non immediate, sed media anima; & cum hæc sit immediate in singulis partibus, tanquã forma earum, in eisdem dicuntur esse mediatè, & proinde scientiæ, atque virtutes in his potentiis existentes; nec etiam adæquatè, quia anima non informat adæquatè singulas partes, cum non respiciat singulas tanquam totum, & adæquatum perfectibile, sed hoc modo solum informat totum corpus. Ad formam igitur argumenti concedenda est prima consequentia, quod intellectus, & voluntas, scientiæ, & virtutes sint in pede, modo explicato; negandum tamen, quod dicatur homo scire per pedem,<sup>140</sup> quia denominationes istæ toti, & non partibus cõueniunt simpliciter, quod si per caput scire aliquando dicitur, vulgaris certè locutio est, & ea solum ratione admittenda; quia cum in capite vigeant sensus, quorũ operationibus mediis intelligit, speciali quadam ratione dicitur per illam partem exercere intellectus operationes proprias, verè tamen, & propriè per nullam exercentur, nec alicui parti simpliciter, & adæquatè communicantur, sed toti homini, & propterea solum est proptia locutio ea, qua enuntiamus hominem intelligere animam.

Vltimum tandem, quod in eodem argumento dicitur rationalem animam esse in pluribus locis simul, si tota informat omnes partes corporis, distinguendum est. Quia neque anima est per se in loco circumscriptiuo, & proprio, sed solum per accidens ratione corporis, nam corpus tantum circumscribi<sup>141</sup> potest superficie ambiente, non anima, cum sit spiritualis, sed quia corpus, quod propriò circumscribitur, informat consti-

tuens cum eo compositum circumscripturn, per accidens dicitur circumscribi, & hoc modo dicitur esse in pluribus locis partialibus, & inadæquatis. Dicitur præterea habere præsentiam adæquatam in toto corpore per informationem, & inadæquatam in singulis eius partibus. Dicitur etiam præsens toti spatio eiusdem corporis, præsentia partiali, quia sicut constituit simul cum corpore ut cum alia parte compositum habens præsentiam totalem in spatio. Ita anima habet partialem, & ratione huius præsentiae partialis, quam habet adæquatam in toto spatio, & inadæquatam in singulis partibus, potest simul moueri motibus contrariis, atque etiam moueri, & quiescere etiam inadæquatè: quemadmodum dicitur Angelus esse in toto corpore adæquatè per applicationem adæquatam suæ virtutis ad agendum in ipsum, & in qualibet eius parte inadæquatè, & idèò simul in pluribus locis cõtinuis inadæquatè, & sicut Angelus potest moueri sursum, & deorsum mouendo partes corporis vnâ sursum, & aliam deorsum, semper tamen inadæquatè; pari ratione anima potest moueri simul motu sursum, & deorsum ad motum diuersarum partium, inadæquatè tamen, & eodem modo moueri, & quiescere.

## Q V Æ S T I O V.

*An anima vegetatiua, & sensitiua riperiantur distincta in eodem animali, atque etiam in eodem homine vegetatiua, sensitiua, & rationalis, vel vna tantum sis in uno composito.*

143 **P**Rima sententia fuit Platonis in Timæo, atque etiam lib. 9. de repub. quam referunt Arist. 1. lib. de anima. cap. ult. D. Th. 1. part. quæst. 76. artic. 3. & Galenus lib. 8. de vsu par. cap. 1. Vbi animam vegetatiuam, sensitiuam, & intellectiuam non solum distinctas realiter in homine posuit, sed etiam loco, ita ut intellectiua sit in cerebro, sensitiua in corde, & nutritiua in hepate. Et eodem ferè modo eas multiplicauit Galenus ipse in lib. qui inscribitur, *Quod mores anima sequantur temperamentum corporis*, & lib. 7. de decretis Aristot. & Platonis, vbi gloriatur se demonstrasse contra Aristot. quod in homine sint tres animæ. Ita etiam Fernel. libr. 7. physiolog. Duas verò animas posuerunt in homine sensitiuam, & rationalem, Didymus 2. lib. de Spiritu Sancto, Philo Iudæus in quodam Opusculo quod inscribitur, *Quæ descriptio insidietur priori*, & alij, quos refert D. Hieron. in epist. ad Heluid. quæst. 2. idemque sequuti sunt Othani. in 4. quæst. 7. Mayronius, in 2. distinct. 17. quæst. vnica. Mirand. lib. 33. de euerfione singularis certaminis sect. 2.

Et

Et in lib. 4. de Eccles. dogm. cap. 14. dicitur Syros quosdam posuisse duas animas in homine, vnam animaleni sanguini admixtam, per quam animetur corpus, & alteram spirituales ad operationes prestandas. Et tandem Manichæi dixerunt duas esse animas in homine, sed vtramque rationalem, vnam quidem sine labe culpæ, à bono Deo factam ex quadam particula propriæ substantiæ, alteram verò vitiis plenam factam à malo Deo; testatur hoc D. Aug. lib. 6. contra Faustam c. 8. lib. de duabus animabus. cap. 12. & lib. 10. de gen. ad lit. cap. 13.

Argumentum Platonis fuit ab experientia desumptum; nam experimur in nobis non solum inclinationes contrarias, sed contrarios actus earum, vt iracundiam, concupiscentiam rerum sensibilibum, bonosque motus rationis, & voluntatis. Quod docuit expressè D. Paulus illis verbis, ad Galat. 6. *Caro concupiscit aduersus spiritum, & spiritus aduersus carnem, ut non quacunque vultis illa faciatis*, sed contrariæ inclinationes, & actus non possunt provenire ab eadem anima: ergo necesse est plures animas ponere in homine. 144

Argumentum verò Galeni hoc erat, virtus sentiendi derivatur à cerebro ad omnes alias partes corporis; cerebrum verò non participat eam ab alia parte: ergo à se habet, sed à cognitione sensitiua pendet intellectiua: ergo vtraque est ponenda in eodem cerebro, & consequenter anima rationalis: irascibilis verò ab omnibus in corde ponitur; concupiscibilis verò in iecore ponenda est, vt ostendunt venæ ab eo derivatæ: ergo diuersæ sunt animæ in eodem homine ponendæ pro his virtutibus, & operationibus diuersis, & in diuersis partibus corporis; cum in diuersis ponantur virtutes ipsæ. 145

Probari etiam potest experientia, & ratione; experientia quidem, quia experimur omnes triplicem operationem in nobis, non solum specie, sed genere distinctam, nempe nutritionem, sensationem, & intellectionem, sed operationes genere distinctæ procedunt à virtutibus, & potentiis distinctis etiam genere, quæ non possunt ab eadem anima provenire: ergo necesse est has tres animas distinctas ponere in homine, & in quocumque animali duas, nempe vegetatiuam, & sensitiuam. Ratione verò probatur, quia dum embrio formatur in utero matris, prius vivit vita plantæ, deinde vita animalis, & tandem vita hominis, vt docet expressè Aristot. 1. lib. de gen. animalium cap. 3. & cum eo D. Thom. 1. part. quest. 118. art. 2. ad 2. & medici fere omnes: ergo prius habet animam vegetatiuam, deinde sensitiuam, & tandem rationalem; sed sensitiua non expellit vegetatiuam, nec rationalis sensitiuam, cum nulla sit oppositio, vel contrarietas inter eas, sed potius naturalis quædam subordinatio, cum 146

cum videamus operationes vegetatiuas deferuire sensitiuis, & sensitiuas rationalibus; ergo omnes permanēt simul in homine.

Veritas huius rei à nobis, tenenda aduersus omnes supradictas sententias est, quòd neque in eodem animali sunt dua anima, vegetatiua, & sensitiua, nec in eodem homine dua, vel tres, nempe vegetatiua, sensitiua, & rationalis, sed in animalibus sola sensitiua tribuens eis virumque gradum vite vegetatiua, & sensitiua, & in eodem homine una tantum anima rationalis tribuens ei omnē gradum vite vegetatiua, sensitiua, & rationalis, & omnes vitales operationes. Ita tenet expressē Arist. 1. lib. de anima, cap. 4. text. 66. & cap. 5. text. 91. & cum eo omnes eius interpretes, tam antiqui, quam recentiores; ita etiam Scholastici, Scot. in 2. dist. 1 §. quæst. vnic. & in 4. dist. 11. quæst. 2. art. 2. Ægid. in 1. dist. 16. quæst. 1. Duran. in 4. dist. 11. quæst. 2. Argent. dist. 13. quæst. 1. concl. 2. D. Thom. 2. lib. contra gent. cap. 58. & 1. part. quæst. 76. art. 3. Albert. Magn. tract. 2. de homine c. 1. Alens. 2. part. quæst. 62. memb. 2. Henr. quodl. 2. quæst. 2. & 3. Et ex philosophis antiquioribus. Auic. 6. natur. part. 1. cap. 3. Plutar. & Alex. vt refert Philoponus 2. lib. de anima ad text. 13. Ita demum SS. Patres, præsertim August. locis nuper citatis, & in lib. de spiritu, & anima cap. 9. atque etiam lib. de quantitate animæ cap. 3. D. Hieron. vbi supra, D. Greg. Magn. homil. 12. in Ezech. Greg. Nyss. in lib. de creatione hominis cap. 15. Damasc. 2. lib. de fide cap. 2. Hugo Victor. in lib. de spiritu, & anima, & Lact. in lib. de ira Dei cap. 11. & habetur expressē in lib. de Ecclesiasticis dogma. cap. 12.

- 147 Probat ex verbis Scripturæ Sacræ, nam Genes. 2. his verbis explicatur creatio animæ rationalis, & formatio hominis, & inspirauit in faciem eius spiraculum vite, & factus est homo in animam viuentem: quibus anima ipsa rationalis vocatur spiraculum vitæ, vt attribuitur ei vita absque vlla limitatione, & ideo omnis vita, nempe vegetatiua, sensitiua, & intellectiua, quod planè significatur in textu Hebræo, qui non legit in singulari spiraculum vite, sed in plurali, spiraculum vitarum, ad significandum (vt benè adnotauit Caietan.) super eundem locum, animam rationalem omnem gradum vitæ conferre homini.

- Ex his autem, & aliis locis colligit eandem veritatem, eamque definiuisse videtur 8. Synodus generalis, quæ est Constātinop. 4. his verbis. *Apparet quosdam id temporis in tantum impietatis venisse, vt duas in homine animas impudenter dogmatizarent, quos omnes, & similia sentientes, cum veteri & nouum testamentum, & omnes Ecclesiæ Patres unam animam rationalem asseruerint, & sancta & vniuersali Synodus anathematizat.*

Propter hanc igitur definitionem asserunt quidam contra fidem esse, quomocumque ponere plures animas in eodem homi



homine, vt Heruæus in tractat. de vnitæte animarum cap. 22. & Toletus lib. 2. de anima quæst. 7. alij verò id negant, quia explicari possunt verba octauæ Synodi, ita vt solum velint damnare eos, qui vel plures animas rationales ponunt, vnā assistentem, & aliam informantem, vel tandem vnā à bono Deo factam, alteram à Deo malo, vt posuerunt Manichæi.

Ego verò sentio erroneum in primis esse aliquo ex his duobus modis postremis plures animas ponere in eodem homine, propter prædictas definitiones; ponere verò duas, vel tres animas informantēs, videlicet vegetatiuam, sensitiuā & rationalem, vt animum esset temerarium, & in fide periculosum, quia hoc tempore ita sentit vniuersa schola, & verba octauæ Synodi videntur quacunque pluralitatem animarum in eodem homine damnare voluisse. Catholici verò authores oppositum asserentes excusari possunt, quia bona fide loquuti sunt, aut non attendentes præfatam definitionem, aut certè verba eius non expendentes, nec adeò vniuersaliter receptam esse in schola eandem veritatem intelligentes.

Sed probatur ratione, i. ex his quæ i. lib. physic. tracta. de forma ostendimus naturaliter repugnare apud Aristotelem, & totam Peripateticam scholam duas formas substantiales simul informare eandem materiam. Et certè si plures simul essent in eodem corpore, hæc omnia absurda sequuntur; videlicet nullum viuens esse vnum per se, neque in vna specie atomi, sed in multis: nec esse vnum suppositum aut indiuiduum, sed plura. Et quod non esset vnum per se, sed per accidens; probo, quia si post vnā animam superuenit altera; ergò constituit vnum per accidens. Probatur consequentia, quia per primam animam constituitur compositum in esse completo suæ speciei, ergò quidquid ei aduenit, non potest per se aduenire, sed per accidens, quia accidens censetur, quidquid aduenit alicui iam in ultimo actu specifico constituto. Præterea, quælibet anima constituit propriam speciem atomi distinctum ab alia, propriumque indiuiduum, & suppositum; ergò quot animas habuerit compositum, in tot speciebus atomis substantialibus collocabitur, totque indiuidua, atque supposita erit, & ita simul erit idem compositum homo, & brutum.

Secundò, quia certum est animam rationalem esse formam substantialem verè informantem materiam, vt superius probauimus, sed forma substantialis per informationem tribuit materiæ esse substantiale, sicut forma accidentalis tribuit subiecto esse accidentale: ergo anima rationalis tribuit materiæ esse substantiale: vel ergò esse substantiale corporeum, vel in corporeum, quia inter hæc nullum datur medium, non tribuit ei esse

ei esse incorporeum, quia quidquid materia constat, corporeum esse debet; ergo tribuit materiæ esse corporeum, & tunc aut viuens, vel non viuens; non hoc secundum, quia anima est vitæ principium, tribuit ergo esse viuentis, non insensibilis, ut patet, ergo viuentis sensibilis, atque adeo rationalis; quare tribuit omnes gradus vitæ, & ideo non sunt necessariae anima vegetatiua, & sensitiua in homine, ut gradus vitæ vegetatiua, & sensitiua in homine, ut gradus vitæ vegetatiua, & sensitiua, conferant, sed omnino superflua, ac propterea nullo modo admittenda, quia natura nihil superuacaneum efficit.

151 Probatum tandem ratione Theologica hoc modo; quia sacra Concilia, & SS. Patres duas tantum partes humanitatis Christi Domini assignant, corpus videlicet, & spiritum, qui est anima rationalis, ut patet in Concilio Lateranen. sub Innocentio III. capite 1. ubi dicitur naturam humanam esse constitutam ex corpore, & spiritu. Et in Clement. vnica de summa Trinitate, & Fide Catholica, Verbum factum esse hominem, per hoc, quod assumpsit partes nostræ naturæ simul vnitas, corpus scilicet, & animam rationalem. Et in Symbolo Athanasij, *Sicut anima rationalis: & caro vnus est homo, &c.* ergo non datur alia anima in homine præter rationalem. Quod etiam probari potest; quia si præter animam rationalem daretur in Christo vegetatiua, & sensitiua, sequitur humanitatem eius in triplici specie fuisse constitutam, quia quælibet anima constituit compositum in specie atoma distincta ab alia. Esset igitur in specie animalis irrationalis; & ideo non solum rationalis natura, sed irrationalis fuisset assumpta à Verbo: quod alienum est à modo loquendi, & sentiendi Sanctorum Patrum, & Scholasticorum.

Ad argum. Platonis concedendum est antecedens, quod in homine sint actus contrarij, atque etiam contrariæ inclinationes eo modo, quo contrariæ vocari possunt ex eo, quod ad obiecta contraria tendunt, sed neganda est consequentia, quod à diuersis animabus procedant, sed ab eadem rationali procedere possunt, nam propter eminentiam, quam habet radix esse potest oppositarum inclinationum, & actuum diuersa ratione sumpta.

Argum. verò Galeni duo assumit falsa, & primum videtur ex ignorantia processisse, putauit enim animam intellectiuam, seu intellectum in solo cerebro reperiri propter virtutem sentiendi (à qua dependet) in ea parte primum residentem, quod ex ignorantia processisse assero, quia ignorasse videtur animam intellectiuam in omnibus, & singulis partibus corporis viuentibus esse, ut superius probauimus. Et præterea intellectum proximè emanare ab anima, & in ea recipi tanquam in proximo

no subiecto, & non in organo corporeo, vel in aliqua parte corporis. Sed in toto ipso corpore, & partibus eius media anima. Vnde non magis cerebrum intelligit, quam qualibet alia pars, imò nulla: sed anima per se primò intelligit: nam cum in ea sit intellectus, communicatur homini operatio eius, & dicitur homo intelligere per animam: partibus verò hoc non attribuitur, quia non sunt primum, nec adæquatum perfectibile, quod anima informat. Quare non bene intulit aliis animabus, 152 opus esse ad informandum corpus, à quibus aliæ potentia, & operationes procedant, nempe nutritiva virtus, & appetitus sensitivus, in quo est irascibilis: sed cum anima intellectiva informet totum, & omnes partes eius, & simul sit sensitiva, & vegetativa, in omnibus etiam partibus potest esse principium nutritivæ, ac sensitivæ operationis. Nec ita à cerebro deriuatur virtus sentiendi, ut in ea tantum parte sint organa sensuum & potentia: cum constet sensum tactus per totum corpus, & plures partes eius esse dispersum. Falsum deinde est, quod irascibilis sit in iecore: sed cum appetitus sensitivus verè sit in corde tanquam in proprio subiecto, ut Aristoteles docet, & cum eo omnes ferè philosophi, tam antiqui, quam recentiores, & appetitus sensitivus contineat irascibilem, & concupiscibilem: tanquam partes proprias in eodem corde ab eisdem ponitur, & non in iecore, & quamvis daremus esse in iecore, non bene colligit Galenus ibi esse ponendam animam sensitivam distinctam à rationali in cerebro existente: sed cum eadem anima rationalis, quæ simul est sensitiva, in iecore existeret: bene posset esse principium irascibilis in ea parte residentis.

Ad ultimum respondeo 1. cum Aristotele D. Thom. & ferè 153 omnibus medicis: ita esse, quod in generatione humana successu temporis tres illæ animæ recipiuntur in eadem materia seminis, primò quidem vegetativa, deinde sensitiva, & tandem rationalis: sed vegetativa anima quam prima recipit materia, non est anima plantæ: sed alterius speciei sub eodem genere viventis, seu vegetativi. Quod verò dici solet embrionè prius vivere vita plantæ, non de specie aliqua plantarum intelligitur: sed hoc tantum significat quod prius vixit vita vegetativa, quæ plantarum genus est. Nec anima sensitiva est alicuius bruti: sed alterius speciei ab omni bruto, & compositum illud ab utraque anima constitutum vocatur embryo, & est imperfectum quid, quod natura tanquam mediū sumit ad formationem hominis: nā cum anima rationalis perfectissima forma sit, perfectissimas dispositiones postulat in materia, quas natura nō potest statim inducere; quia cum non statim in suis operibus perfectum constituat: sed ab imperfectioribus paulatim tendat usque ad perfectum per se primò intentum; paulatim quoque disponit ma-

teriam seminis, primo quidem imperfectè, & cum sub his dispositionibus imperfectis non possit forma seminis naturaliter conferuari, introducitur imperfecta quædam anima vegetatiua eisdem dispositionibus proportionata. Deinde prosequitur natura, & dispositiones perficit, perfectiùsque eandem materiam  
 155 organizat: sub qua organizatione perfectiori non potest iam cõseruari anima illa vegetatiua imperfecta, & propterea introducitur sensitiua, etiam imperfecta eidem organizationi proportionata. Et tandem crescentibus organizationibus, & dispositionibus desinit esse hæc, quia perfectiorem animam iam postulat materia eisdem dispositionibus affecta, videlicet rationalem, & per introductionem eius generatur homo. Corruptuntur autem priora composita imperfecta, & consequenter expelluntur imperfectæ animæ ab agente naturali, nempe homine per virtutem seminalem tanquam per proprium, ac naturale instrumentum, à principio vsque ad finem humanæ generationis operans, nam humanum semen virtutem habet organizandi perfectè materiam pro introductione animæ rationalis, & consequenter ad id quod minus est: & ad perfectam organizationem ordinatur, nempe ad organizandum eandem materiam pro introducendis eisdem animabus vegetatiua, & sensitiua imperfectis, & licet idem semen corrûpatur per accidens à propria virtute, atque etiam ab agente naturali, per se quidem intendente introductionem animarum, & per accidens corruptionem eiusdem seminis, & corrupto semine corrumpitur etiam per accidens virtus eius, per cuius actionem organizata fuit materia, & introducta anima vegetatiua, eadem tamen anima vegetatiua introducitur in materia cum alia virtute simili ordinata, ab eodem naturali agente ad organizandum perfectius materiam pro introductione animæ sensitiuæ imperfectæ, quæ etiam cum simili alia virtute censetur introduci, per quam perfectius organizatur materia ad introductio-  
 156 nem animæ rationalis. Et ratio huius est, quia semen humanum est, & virtute animæ rationalis productum, atque decusum habet virtutem perfectè organizandi materiam, vsque ad introductionem animæ rationalis, & consequenter educendi de potentia materiæ animas imperfectas ordinatas ad introductionem eiusdem animæ rationalis, & tandem introducendi eandem animam rationalem, & vniendi eam cum corpore, & cum intermediæ illæ animæ imperfectæ sint, & ordinatæ à natura ad eiusdem animæ rationalis introductionem, sicut virtute eiusdem seminis educitur quælibet de potentia materiæ, ita consequitur eam virtus ordinata ad vltiorem organizationem inducendam in materia pro introductione perfectioris

fectioris animæ, & media hac virtute vtrumque fit, nempe dispositio materiæ perfectior, & eductio, aut introductio perfectioris animæ, eodem quidem, vel saltem proportionali modo in prima anima, ac 2. & 3. vt explicatum fuit à nobis 1. lib. de Genera. cap. 4. vnde non sequitur, quod tres animæ successi-<sup>157</sup> uè introductæ in materia simul in ea permaneant, sed successi- uè etiam corrumpuntur expulsa priori à posteriori, nempe vegetatiua à sensitua, & hæc à rationali, quia licet non sint propriè contrariæ, postulant tamen proprias, ac diuersas dispositiones in materia pro sui conseruatione, quæ quidem expul- sæ per inductionem perfectiorum naturaliter desinunt infor- mare materiam.

Nec aliquid efficit contra hanc doctrinam articulus quidam vniuersitatis Oxoniensis, quo damnatur erroris sententia asse-rens, quod dum infunditur anima rationalis, destruitur anima vegetatiua, aut sensitua. Nam articulus iste parùm certè, aut nihil authoritatis habet, cum non sit alicuius Concilij, aut Pô- tificis definitione confirmatus: sed solùm innitatur paucorum hominum particularium iudicio, quod longè minoris momen- ti est, quàm authoritas D. Thom. & aliorum, qui prædictam doctrinam scripserunt.

Sed potest quis aduersus eam obicere hoc modo, eadem<sup>158</sup> anima rationalis introducitur in materia alimenti per nutri- tionem, sine his animabus vegetatiua, & sensitua præceden- tibus in ea, atque etiam corruptis: sed absque vlllo medio, ergo sic potuit naturaliter introduci per primam generationem, & ideo sine vlla necessitate ponitur tales animas in corpore præ- cedere rationalem. Respondeo, diuersam esse rationem, quia prima introductio animæ rationalis longè perfectior est nu- tritione, quæ solùm est extensio animæ iam informantis cor- pus; & ideo plura, ac perfectiora media postulat, qualia sunt inferiores animæ; in nutritione verò inferiores formæ præ- cedentes sufficiunt, vt forma sanguinis. Quamuis non desint, qui concedant easdem animas in nutritione præcedere: sed prior solutio magis placet.

Secundò respondere possumus cum Alberto Magno in Summa de homine, & Philopono, quos citat Toletus quæstio. 7. huius lib. negantibus, quod in progressu humanæ genera- tionis introducantur in materia anima vegetatiua, & sensiti- ua, sed solùm introducitur rationalis, quæ progressu temporis, & crescentibus dispositionibus materiæ, diuersos gradus vitæ tribuit corpori, primò quidem vegetatiuum: deinde sensitiuum, & tandem rationalem, quamuis enim simul, & semper habeat virtutem tribuendi omnes: sed solùm eos tribuit, pro quibus

disposita est materia: nam actus actiuorum ( vt asseruit Arist. ) recipiuntur in patiente benè disposito, & eodem modo, & ordine operationes exercet, priùs quidem vegetatiuas tantùm, deinde vegetatiuas, & sensitiuas, & tandem has omnes cum rationalibus, prior tamen solutio omninò sequenda est.

## QVÆSTIO VI.

*An simul cum unica anima detur in quocunque vivente alia forma substantialis inferior.*

<sup>159</sup> **P**rima opinio ponit in quibuscunque compositis viuentibus præter animam, aliam formam inferiorem ( quam corporeitatis vocant ) à qua habet idem compositum esse corporeum, ab anima verò esse animatum, aut viuens. Hanc tenuerunt Stoici, & cum eis Pericles quidam Lydius, vt testatur Simplicius 1. lib. Physicorum, in sua digressionem de corporeitate materię primæ. Postea verò sequuti sunt eam Auicenna 1. lib. sufficientię c. 2. Henric. quodlibet 2. q. 2. & quodlib. 4. quæ. 3. & 4. Scot. in 4. dist. 11. q. 3. Richard. in 2. dist. 17. art. 1. q. 5. Antonius Andreas 7. lib. Metaphysic. q. 16. & 17.

<sup>160</sup> Sed in modo eam defendendi conueniunt in vno, & differunt in altero; Auicenna, & Scotus conueniunt quidem in eo, quod vterque existimat hanc formam corporeitatis esse incompletam, & constituentem cum materia corpus, quod est altera pars viuentis, distinguere realiter à formis specificis, & pertinere ad genus corporis indirectè tanquam aliquid eius. Sed differunt in alio; nam Auicenna hanc formam asserit esse coæuam materię, & ideò inseparabilem ab ea, quare non in solis viuentibus eam ponit: sed in elementis, & aliis. Scotus verò, nec eam ponit coæuam materię, nec in omni composito substantiali: sed in solis viuentibus; & tunc primò produci intelligit, cum primò generatur viuens ex non viuentem; ita vt per actionem viuētis educatur priùs de potentia materię, in eaque recipiatur, vt constituatur ex vtraque corpus aptum recipiendi animam, & constituendi cum eadem anima compositum viuens, sensitium, aut rationale. In corruptione verò viuentis permanere, ait Scotus eandem formam corporeitatis, & esse formam cadaueris. Dum verò cadauer ipsum conuertitur in aliud mixtum, aut elementum, corrumpi formam corporeitatis.

<sup>161</sup> Fundamentum Auicennæ est, quia priùs quàm materia recipiat quamlibet formam specificam, necesse est habere partes distinctas, atque extensas, alioqui reciperetur eadem forma in subie

subiecto confuso, & indiuisibili, quod patet esse absurdum: sed materia non potest habere partes distinctas, & extensas, nisi ratione alicuius formæ constituatur in ratione corporis substantialis; & ita sit principium, & radix quantitatis, per quam partes eius extendantur, & distinguantur; nam cum quantitas sit primum accidens corporeum, non potest oriri, nisi ex corporea substantia: ergo debet præcedere animam in materia alia forma, per quam constituatur compositum corporeum, & hæc est forma corporeitatis.

Scotus verò eam probat primò, quia in hoc differunt viuentia à non viuentibus, quantum ad modum compositionis, vt docent omnes philosophi, quod hæc componitur ex materia, & forma, viuentia verò ex corpore, & anima, & propterea Aristoteles definiens animam non dixit esse actum materiæ: sed corporis Physici, & organici; ergo corpus non dicit nudam materiam: sed etiam quid aliud, vel ergo materiam simul cum dispositionibus, vel simul cum anima, vel simul cum forma corporeitatis: sed duo priora non potest denotare, ergo denotat tertium, & ita necessariò ponenda est forma corporeitatis ad compositionem viuentis. Probat minor, quia essentia substantiæ non potest componi ex accidentibus: sed viuens componitur essentialiter ex corpore, & anima; ergo corpus non includit accidentia: sed neque animam simul cum materia, quia corpus, & anima sunt partes distinctæ realiter: ex quibus viuens componitur; ergo neutra includit alteram. Secundò, quia si non detur forma corporeitatis simul cum anima in viuentem, producenda erit de nouo in morte eius forma cadaueris, quod est impossibile, quia nec datur causa, à qua producat, nec possent cadauera relicta ex corporibus diuersæ speciei distingui specie. Probat tandem argumento Theologico, quia idem numero fuit corpus Christi viuum, & mortuum, & tam viuum, quàm mortuum fuit vnitum Verbo. Sed neutrum potest esse verum, nisi ponatur forma corporeitatis; ergo necessariò ponenda est. Probat minor, quia vnitās corporis præcipuè sumitur à forma, sed si non ponatur forma corporeitatis, necessariò cōcedendum est, diuertiā habuisse formam viuum, & mortuum, nam viuum habuit animam, mortuum verò formam cadaueris de nouo productam nō solum numero, sed specie distinctā: ergo non fuit idem corpus, sed distinctū specie, & numero. Quā distinctionem non haberet posita forma corporietatis, à qua constituitur corpus, vt tale, & ab eadem constitueretur idem. 162

Quod verò sequatur non fuisse vnitum verbo corpus Christi in triduo probatur, quia Verbum diuinum nihil dimisit ex his, quæ semel assumpsit, vt D. Damascen. asseruit 3. lib. fidei c.

26. sed dimisit in resurrectione formam cadaueris, vt est manifestum: ergo nunquam assumpsit eam, nec proinde cadauer per eam constitutum: & certè si cadauer fuisset in triduo vnitum Verbo, fuisset etiam vera hæc propositio, *Verbum diuinum est cadauer*, sicut vera nunc est hæc, *Verbum diuinum est corpus viuum*, consequens autem videtur absurdum.

265 Secunda opinio negat, quod talis forma corporeitatis vllò modo ponenda sit in composito aliquo substantiali viuentē, aut non viuentē, sed in non viuentē solū formam specificam, & propriam sufficere, in viuentibus verò solam, & vnicam animam, & hæc est communis sententia, & vera, quam tenet D. Thom. in 2. d. 18. quæst. 1. artic. 2. & 1. p. quæst. 76. arti. 2. & ibidem Caiet. Heru. in tractatu de vnitāte formæ. quæstio. vltima, Argent. in 4. d. 13. quæst. 1. art. 1. Greg. in 2. d. 17. quæst. 2. Marf. in 3. quæst. 13. artic. 1. Palud. in 3. dub. 21. quæst. 4. artic. 3. Ferra. 2. lib. contra gent. cap. 58. & eam tenuit absque dubio Comm. licet ab aliis referatur pro opposita; nam in lib. de substantia orbis, capit. 1. reprehendit Auicennam, quod posuerit formam corporeitatis ostendens multa sequi absurda in philosophia tali positione, ita denique omnes recentiores.

266 Probatur testimonio Aristotelis, 1. lib. de gen. capit. 2. 3. & 4. in quibus duo ex professo asserit, & probat aduersus antiquiores philosophos; Primum quod subiectum generationis substantialis non sit ens actū, quia si esset ens actū, nulla daretur generatio simpliciter, aut substantialis, sed omnes essent generationes secundum quid, & alterationes quædam. Secundum, quod subiectum, quod mutatur per generationem substantialem est simplex materia, hoc est, nuda omni forma præsertim substantiali. Vtrumque autem horum falsum erit, si ponatur forma corporeitatis præcedens in materia introductionem animæ, & permanens in ea adueniente anima, vt posuit Scorus, & multò magis falsum, si ponatur corrua materiæ, vt posuit Auicenna: Quod sic probō, in quacunque generatione, vel saltem generatione vnius viuentis ex altero, manet materia cum forma corporeitatis sub vtroque termino generationis, à quo, & ad quem, totum hoc non est simplex materia, sed compositum quid ex eadem materia, & substantiali forma corporeitatis; & proinde ens actū substantiali, ergo ens actū, est subiectum generationis, & non simplex materia, quare non erit generatio simpliciter, sed alteratio.

267 Probatur deinde ratione D. Thom. vbi suprā, hoc modo, omne illud, quod aduenit enti completo constituto in actū substantiali, & in determinata specie, & in diuiduo, aduenit ei accidēzialiter, & ideo nō potest cum eo efficere vnum ens per se, quia



ex pluribus entibus in actu non resultat ens per se, sed per accidens, sed si forma corporeitatis ponatur in materia præcedens introductionem animæ, anima ipsa adueniet enti iam completo, & constituto in actu substantiali per materiam, & formam substantialem corporeitatis: ergo adueniet per accidens, & non constituet vnum per se, sed per accidens: quare vel compositum substantiale erit vnum per accidens contra Auicennam, vel saltem viuens quodcunque contra Scotum. Sed respondent huic argument. quod forma corporeitatis incompleta est, & ideo non constituit cum materia ens completum substantiale, vel ens actu, sed solum ens incompletum, atque in potentia ad recipiendam formam substantialem specificam, vel animam, quod ens in potentia appellatur corpus, & altera pars compositi: & cum ex ente in potentia, & ente in actu, quale est forma, fiat per se vnum, bene potest vnum per se fieri ex materia cum forma corporeitatis, & anima. Hæc tamen solutio falsa est, quia si forma corporeitatis datur præcedens in materia introductionem animæ, vel alterius formæ specificæ, euident est constituere cum materia compositum substantiale, & per se vnum cum sit forma substantialis vnita materiæ, & distincta realiter ab ea, sed illud compositum substantiale non potest esse sub genere corporis, quin sit sub aliqua specie atomæ, imò 168  
quin sit indiuiduum alicuius speciei atomæ: ergo necessario debet esse quid completum, quia species atomæ completa substantia est: falsum ergo in primis est, quod forma corporeitatis vnita materiæ efficiat quid incompletum. Deinde falsum est, quod illudmet compositum substantiale possit efficere vnum per se substantiale, tanquam altera pars eius cum anima superueniente. Probat, quia intrinsecum est formæ substantiæ cuicunque esse actum substantialem materiæ, eamque determinare ad speciem atomæ: ergo repugnat formæ corporeitatis informare materiam, quin eam constituat in specie atomæ, & ex consequenti in indiuiduo, quia non datur in rebus genus, nisi in specie, neque species nisi in indiuiduo. Sed species atomæ non est quid incompletum, nec determinabilis per se ad aliam speciem, & multò minùs indiuiduum eius: ergo repugnat formam corporeitatis componere cum materia aliquid per se, & substantialiter determinabile per animam ad speciem viuientis, aut aliquid incompletum substantialiter, etiam respectu animæ superuenientis, cui vnatur per se ad vltiorem compositionem. Secundo, quia anima vegetatiua tribuit composito esse substantiale: cum sit substantialis forma; ergo vel esse substantiale corporeū, vel incorporeum: Probat, consequentia, quia ab eadem forma prouenit esse specificum & genericum, vt ab eadem ani-

ma sensitiva leonis prouenit esse specificum leonis, & esse genericum animalis, & sic in cæteris, nec potest anima constituere rem sub genere, quin constituat eam in aliqua specie, sed non constituit compositum incorporeum: cum constituat materiale; ergo constituit corporeum, & ideò tribuit esse corporeum materie, quare superflua omninò erit forma corporeitatis, contra Scotum, & Auicennam, ideò non admittenda.

169. Ad fundamentum Auicennæ concedenda est maior, quod materia ut recipiat formam ab agente naturali, habere debeat partes distinctas, atque extensas, sed neganda est minor, quod neutrum habeat nisi ab aliqua forma substantiali. Imò neutrum ab illa habet, sed partes entitatiuas distinctas à se, quod sufficit ad recipiendum formam substantialem.

Ad primum Scoti concedendum est antecédēs, quod viuens componatur ex corpore, & anima; atque etiam prima consequentia, quod nomine corporis non intelligatur nuda materia; sed neganda est minor, quod nō possit intelligi materia organata, vel simul cum anima: vtrumque enim probabile esse ostendimus cap. 2. huius libri, cum autem aduersus primum dicitur accidētia non posse componere essentialiter substantiam, concedendum est, quia materia organata, ut nomine corporis intelligitur, non significat aggregatū ex materia, & dispositionibus, sed solam materiam connotantem dispositiones, vel organa; quare sola materia componit accedente organizatione, tanquam conditione necessaria, sine qua non posset recipere animam. Et cum dicitur aduersus secundum, corpus, & animam esse partes componentes distinctas realiter, concedendum est, sed negandum, quod non distinguantur realiter ex eo, quod

170. corpus includat animam; nam corpus, ut est altera pars compositi, solū significat materiam, ut habentem esse corporeum ab anima, quam proinde non includit in recto, sed quasi in obliquo, & talis inclusio non tollit distinctionē realem vtrius-

171. que partis, quod hoc modo intelligetur. Ad constitutionem compositi ut corporei concurrunt materia, & anima præcisè, ut forma corporis, de quibus constat distingui realiter; ad compositionem verò eiusdem compositi sub aliis gradibus concurrūt materia non nuda, sed ut habet esse corporeum ab eadem anima ut forma corporis, & suscipiens ab eadem cæteros gradus, vnde licet compositum sumptum sub vno gradu non distinguatur à se ipso, ut sumitur sub alio, nisi sola ratione, seper tamen distinguitur materia realiter ab anima siue nuda accipiat in ordine ad compositum ut corporeum, siue ut accipiens esse corporeum substantiale ab ea in ordine ad idemmet compositum sub gradibus vitæ acceptum, & ideò semper constituere

stitueret potest cum ea compositionem realem.

Tertium argument. priusquam secundum soluere oportet. Ad eius verò solutionem præsupponendum est in morte Christi nihil miraculosum, aut præter naturas rerum accidisse, sed per solam separationem animæ à corpore contigisse, sicut contingere solet mors cuiuslibet alterius hominis sic occisi; ita sentiunt cōmuniter SS. Patres, & Scholastici Doctores. Quare non est tenenda sententia Marsil. in 3. qu. 3. art. 1. quamvis eam probabilem iudicet Henr. quodl. 1. qu. 4. nempe corpus Christi permanisse in triduo absque vlla forma substantiali cum sola, ac nuda materia: hoc enim miraculum in primis est, sine vlla necessitate positum, ut mox ostendam, & ex recto sensus iudicio colligitur esse falsum, quia in corpore Christi mortuo eadem prorsus figura apparuit, eademque organizatio, & eadem accidentia, ac in cæteris corporibus mortuis, sed in cæteris iudicamus ex his quandam formam substantialem animæ similem ei succedere in materia, quam vltima formam cadaueris postulantem organizationem similem. Dicendum est in morte Christi formam cadaueris fuisse vnitam animæ in materia, ut mors eius similis esset aliis. Dicendum igitur est, cum D. Thom. 3. p. q. 50. art. 5. & aliis Scholasticis, qui eum sequuntur, sacrum Christi corpus verum fuisse cadauer in triduo per veram formam cadaueris cōstitutum, sicut reliqua corpora mortua, & talem formam vnitam fuisse Verbo pro illo paruo tempore, non quidem noua prorsus vnione, sed ex vi prioris, qua assumptum fuit corpus eius cum anima, imò nec permanente, sed quodammodo transeunte, quia anima eius sanctissima deserente corpus, naturali consecutione fuit necessarium (ne materia maneret sine vlla forma, & ne mors eius miraculosa, & non naturalis ex hac parte censeretur) quod forma cadaueris succederet in materia, & cum materia permaneret vnita verbo, & ex consequenti fuit necessarium ex vi vnionis materiæ in principio factæ, ut quasi per modum transeuntis assumeretur forma cadaueris, & adueniente anima per resurrectionem, & informante corpus, eodem forma cadaueris expelleretur simul, ac dimitteretur à Verbo, quemadmodum partes substantiales corporis Christi per actionem caloris naturalis resolutæ dimissæ fuerunt, sicut consumptæ.

Illud verò quod ex Damascen. assertur, videlicet Verbum diuinum nihil semel assumptum reliquisse, de his quæ per se primò, aut primaria intentione, ac permanenter assumpsit, intelligi debet, non de aliis, quæ per solam consequentiam naturalem, & quasi secundaria intentione, ac per modum viz. Ad formam igitur argument. Scoti, distinguenda est maior, quod

corpus Christi fuerit idem numero mortuum, & viuum; nam duplex identitas considerari in eo potest, videlicet numerica, & suppositalis, & hanc absque dubio omnimodam habuit, quia cum cadauer fuerit Verbo vnitum, nullum habuit proprium suppositum, sed diuinum terminans naturam eiusdem cadaueris, & ideo idem prorsus suppositum, ac habuit corpus viuum. Identitas verò numerica naturæ eiusdem corporis dupliciter considerari potest, completè quidem quatenus resultauit ex hac materia, & hac anima vnitis, vt tribuente esse corporeum eidem materiæ, & hoc modo non fuit corpus Christi idem numero, mortuum, & viuum, quia aliam habuit formam distinctam ab anima, aliamque naturam specie distinctam ab humanitate, incompletè verò considerata eadem identitate numerica corporis ex parte materiæ idem numero fuit. Dum verò Sancti Patres affirmant fuisse idem numero, de identitate suppositali, & numerica incompletè considerata intelligi debent, non de completa, quæ potuit habere maiorem modo naturali, quomodo fatuus contigisse mortem eius.

#### B R E V E D V B I V M.

*De generatione cadaueris, & distinctione eius.*

175 **S**olutio secundi argumenti dubium postulat agendum, de forma cadaueris, de qua duo sunt breuiter disputanda; videlicet, quonam modo, vel à qua causa generetur per se, & an formæ diuersorum cadauerum distinguantur specie, vel solo numero, & consequenter cadauera ipsa.

Et circa primum, quidam tenere videntur formam cadaueris educi de potentia materiæ à dispositionibus, ex quibus prouenit mors animalis, vel hominis, tanquam ab instrumentis causarum, à quibus inducuntur, & ab eis tanquam à causis præcipuis, ac per se, vt si mors animalis proueniat ex nimio calore, ab hoc producet formam cadaueris succedens animæ in materia, & à causa extrinseca producente eundem calorem tanquam à principali, & per se, ita videntur sentire Gregor. in 2. dist. 16. quæst. 2. Capreol. dist. 15. quæst. vnic. art. 3. & cum eis Conimb. 2. lib. de gen. cap. 4. quæst. 20. art. 3. propter hoc argum. dispositiones præcedentes introductionem formæ per se concurrunt ad educationem eius ex potentia materiæ, vel ad unionem cum materia, sed nimius calor, aut nimia frigiditas præcedens in materia, expellit animam, & disponit eandem materiam ad formam cadaueris introducendam; ergo erit causa saltem instrumentalis educens ex ea eandem formam cadaueris, & per consequens causa illa inducens eundem calorem cuius est instrumentum, erit principalis, & per se.

Ego

Ego verò existimo formam cadaueris, nunquam habere causam  
 par:ò ularem principalem, neque instrumentalem per se, sed solum  
 per accidens, per se vero produci à causis vniuersalibus. Ita Pater  
 Suarius tom. 1. Meta. dispu. 18. sect. 2. num. 27. Et probatur hac  
 ratione efficaci, causa per se alicuius effectus positiui est ea,  
 quæ per se primò illum intèdit producere, sed nulla datur cau-  
 sa particularis per se primò intendens producere formam ca-  
 daueris; ergo nullam causam per se habebit. Minorem sic pro-  
 bo, siue animal ex abundantia caloris pereat, vel ex abundantia  
 frigoris, aut ex quacunque alia distemperie, euident est, neque  
 calorem, neque frigus per se primò intendere productionem  
 formæ cadaueris, aut expulsionem animæ: sed intensiorem ca-  
 lorem tanquam dispositionem per se ordinatam ad propriam  
 formam mixti: per accidens verò contingit talem calorem esse  
 dispositionem ad expulsionem animæ, & eductionem formæ  
 cadaueris ex potentia materiæ, & ideo per accidens omninò se-  
 quitur corruptio viuientis, & præter intètionem eiusdem agen-  
 tis, & multò magis sequitur per accidens forma cadaueris: cum  
 non sequatur ex intètionem alicuius alterius agentis particu-  
 laris, sed solum ex necessitate materiæ, ne maneat sine forma.  
 Succurrere autem huic necessitati materiæ euident est ad nul-  
 lam causam particularem per se pertinere, sed solum ad cau-  
 sam vniuersalem, aut primam, quia vniuersalissimū quid est, vnde  
 sequitur, eductionem formæ cadaueris ex potentia materiæ, &  
 introductionem eius ad nullum agens particulare per se per-  
 tinere, & ex consequenti generationem cadauetis nullam habere  
 causam particularem per se, sed ab vniuersali per se fieri, ad quam  
 per se pertinet omnes defectus particulariū causarū supplere.

Ad argum. verò oppositæ sententiæ distinguenda est maior,  
 quod dispositiones præcedentes in materia per se ordinantur  
 ad introductionem formæ, vel vnionem eius cum materia, nam  
 ad introductionem illius formæ, quam intendit per se agens,  
 à quo producuntur, per se ordinantur: non tamen ad introdu-  
 ctionem alterius: quæ sequitur præter intentionem eiusdem  
 agentis, & cum forma cadaueris non sit per se intenta ab agente,  
 quod eas produxit, non ordinatur per se ad introductionem eius.

Quod probatur secundò, quia dum corpus viuum perit iu-  
 gularum, aut in momento occisum, sequitur naturaliter forma  
 cadaueris in materia, atque etiam generatio cadaueris, sed non  
 datur aliqua causa efficiens particularis per se talis generatio-  
 nis, imò nec per accidens disponens materiam, quia ridiculum  
 est, & sine vilo fundamento cōfictum, quod à quibuscūq; dicitur  
 in his etiam casibus hominem perire ex abundantia caloris, vel  
 frigoris, aliæue distemperie, cum nulla sit causa, à qua verifi-

militer possint tam citò dispositiones induci; ergo non produ-  
citur per se cadauer ab aliqua causa particulari, sed ad vniuer-  
sale[m] oportet omninò recurrere, à qua per se producat[ur],  
quemadmodum in generationibus animalium imperfectorum  
ex putri materia.

Circa secundum verò de distinctione cadauerum, omnes  
autores pro sententia priori de causa eorum citati, ac refutati  
asserunt distingui specie cadauera per ordinem ad dispositio-  
nes præcedentes in materia pro expulsion[e] animæ, & introdu-  
ctione formæ eiusdem cadaueris, ita ut semper sit verum, cada-  
uer genitū ex abundantia caloris, ex qua subsequuta fuit mors  
viuentis specie distinctum esse à cadauere genito ex abundantia  
frigoris, etiam si viua corpora essent eiusdem speciei, ut cada-  
uer Petri ex abundantia caloris mortui, & cadauer Ioannis ex  
178 abundantia frigoris specie distinguuntur. Probant quia ad di-  
stinguenda cadauera specie, non debet attendi illa organorum  
distinctio in cadauere remanens, quia licet in corpore viuo  
organizatio hæc necessaria esset, & diuersa organizatio argu-  
mento esset diuersitatis formæ, & speciei eiusdem viuentis, sed  
in cadauere æquiua[m] est, & nō necessaria organizatio ad vllas  
operationes exercendas, quas constat nō habere: vnde sequitur  
ex ea desumi nō posse argum. ad distinguenda specie cadauera.

Et si his autoribus obiicias, quod ex eorum sententia statim  
sequitur, videlicet cadauer hominis, & asini esse eiusdem spe-  
ciei, si uterque ex abundantia caloris obisse cōtingat. Quidam  
eorū negare videntur, sed nescio quo pacto negari possit, quia si  
in ordine ad dispositiones præcedentes in materia desumenda  
est idētitas, vel differentia specifica cadauerū, vbi eadem dispo-  
sitiones secundum speciem præcedunt, necesse est cadauer eiuf-  
dem speciei inducere. Propterea Caiet. concedendum esse arbi-  
179 tratur, sed mirandum non esse ait, quod ex viuentibus diuersæ  
speciei relinquantur cadauera eiusdem, quia cum forma cada-  
ueris imperfecta sit, & commune medium per quod omnia cor-  
pora viuentia tendunt in elementa, nihil mirum, quod eadem  
secundum speciem à diuersis agentibus produci possit.

*Hæc tamen sententia non est minus falsa, quàm præcedens; Pro-*  
batur, quia agentia particulāria, à quibus producuntur excelsus  
caloris, & frigoris, non sunt causæ per se formæ cadaueris: sed  
180 per accidens, ut probauimus contra eosdem autores; ergo in  
ordine ad illa non potest sumi vnitas: vel distinctio specifica  
cadauerum, quæ est per se.

Veritas igitur huius rei est, quod vnitas ac distinctio specifica  
cadauerum desumenda sit ex unitate, ac distinctione corporum viuo-  
rum, quibus succedunt, & assimilantur, & non ex ordine ad dispo-  
sitiones

*suiones præcedentes, vel causas eas inducentes in materia.*

At argumentum verò oppositæ sententiæ, negandum est an-<sup>180</sup>  
tecedens, quod ad distinguenda specie cadauera non sint atten-  
denda organa: imò hæc diuersitas organorum præcipuè attendi  
debet, quia licet sint æquiuoca, & operationi non deseruiant, à  
forma tamen substantiali proueniunt, & ideò diuersitas eorum  
euidens signum est specificæ distinctionis formarum substan-  
tialium, & cadauerum. Quod euidenter probatur à posteriori  
ex diuersitate figuræ, & membrorum, quæ sic necessariò habent  
cadauera succedentia corporibus uiuis specie distinctis, vt na-  
turaliter repugnet habere similia: habent igitur formas sub-  
stantiales specie diuersas, quas naturaliter, & necessariò con-  
sequuntur, aut comitantur diuersa illa accidentia, & ideò spe-  
cie distinguuntur.

## Q V Æ S T I O VII.

*An in uiuente dentur plures anima partiales in diuersis  
partibus heterogeneis corporis.*

### P R I O R P A R S Q V Æ S T I O N I S.

**D**Vo quærimus; primum, an dentur saltem diuersæ animæ,<sup>181</sup>  
aut formæ partiales in diuersis partibus heterogeneis eius-  
dem corporis, quâuis non possint dari totales. Secundum, si tales  
animæ partiales non dentur, quoniam modo differant eadem  
partes heterogenæ eiusdem animalis, accidentaliter tantum,  
vel etiam substantialiter? & ideò in duas partes diuidenda est  
quæstio; prior de pluralitate animarum partialium aget; poste-  
rior de modo distinguendi partes heterogeneas.

Partes corporis animati duplices sunt, quædā eiusdem figu-  
ræ, & rationis, ac denominationis, & dicuntur homogenæ: vt  
partes ossis, & partes etiam carnis, nam quælibet pars carnis caro  
est, & quælibet pars ossis os est. Aliæ sunt partes heterogenæ:  
quæ ex homogeneis prædictis componuntur, vt manus ex car-  
ne, & osse, atque etiam caput, & istæ sunt diuersæ figuræ, ac  
temperamenti, & per eas exercet corpus diuersas operationes.  
Et de homogeneis nemo dubitat, an diuersas animas, seu formas  
partiales habeant, sed certum apud omnes est non habere, de  
heterogeneis verò maxima ratio dubitandi est, propter tria.  
Primū quia longè diuersas dispositiones postulant, vt cerebrum  
frigidityatem maximam, cor verò maximum calorem, sicque de  
cæteris. Secundò quia diuersam valde figuram habent. 3. quia<sup>182</sup>  
diuersa officia, vel operationes exercet per illas corpus ani-  
matum, per oculos visionem, auditionem per aures, & propterea  
vocatur partes istæ non solum heterogenæ, sed officiales, quasi  
diuersa sint instrumeta pro diuersis officiis exercendis. Hæc  
autem

autem omnia indicia videntur esse diuersarum animarum, aut formarum partialium, quod sic probō. Temperamentum primarum qualitatum est dispositio ad formam substantialem, vel animam; ergo diuersum temperamentum ad formam, vel animam diuersam. Figura etiam corporis est signum animæ, aut formæ substantialis: ergo diuersa figura denotat diuersam formam substantialem, vel diuersam animam. Et tandem potentie vitales, & operationes earum procedunt ab anima, aut substantiali forma; ergo diuersæ operationes à diuersis formis, & ita videtur ex his tribus probatum, quod partes heterogenæ eiusdem corporis animati diuersas formas partiales, aut diuersas partiales animas habeant. Cuius signū est, quod diuersas etiam definitiones habent, nam alia est definitio capitis, alia manus. Diuersæ verò definitiones diuersas species explicare debent, quæ à diuersis formis substantialibus debent constitui.

Et ita tenet prima opinio, quod in quolibet viuente dantur partiales formæ substantiales, aut partiales animæ specie distinctæ: per quas constituuntur partes heterogenæ sub propria, ac distincta ratione talium partium, quibus superuenit totalis anima, tanquam forma communis totius corporis, & omnium partium. Gratia exempli, caput, manus, & pedes, caro, & ossa, ac nervi, præter communem, & totalem animam sensitivam in brutis, & rationalem in homine, habent proprias partiales specie distinctas, per quas constituuntur in ratione capitis, manus, aut pedis, carnis, vel ossis. Ita com. 6. lib. Phys. text. 59. & 12. Metaph. tex. 2. & 17. Niphus 1. lib. de gen. text. 78. & 7. Metaph. disput. 11. Paul. Venetus in summa de homine, cap. 5. Vallesius in lib. de Sacra philosophia, cap. 4. atque etiā plures medici, & videtur eandem sequi D. Tho. in 4. dist. 49. q. 4. art. 4. ad 5. Hæc tamen sententia falsa est, quia talis anima informat totū corpus, & omnes partes eius: ergo tribuit eis omnes gradus essendi, quos habet per modum formæ, quare si vegetatiua sit, omnibus partibus tribuet gradum vitæ vegetatiuæ, si sensitiva utrumque gradum vegetandi, & sentiendi, & si rationalis omnes tres, nempe, vegetatiuum, sensitivum, & rationalem, sed potentie vegetatiuæ, & sensitivæ consequuntur naturaliter eisdem gradus essendi: ergo quæcunque anima totalis tribuet omnibus partibus quascunque potentias, & operationes vitales eam consequentes, quod docuit expressè Aristot. in 2. definitione animæ dicens, animam esse principium, quo viuimus, mouemur, sentimus, & intelligimus. Sed potentie vitales informant organa corporis, & ea constituunt sub propriis rationibus, ut potentia visiva oculos, & auditiva aures, sicque de cæteris: ergo non sunt necessariae ad constituenda organa, vel organicas partes animæ partiales.



partiales: sed reiiciendæ omnino sunt tanquam superflue, existimandumque abundè satis sufficere totalem animam ad constituendas partes corporis distinctas, & organicas: cum sit forma corporis organici ex propria definitione.

Propterea secunda opinio non ponit animas, vel formas partiales distinctas à totali: sed cum intelligat omnes animas præter rationalem esse diuisibiles, & ideo habere partes integrantes, per quas informant partes corporis, asserit partes integrantes harum animarum informantes partes corporis heterogeneas, esse specie partiali diuersas, vt pars animæ sensitivæ informans caput specie distinguatur à parte eiusdem animæ sensitivæ informante cor, sicque de cæteris, & consequenter partes heterogeneas eiusdem corporis, quas constituunt, specie partiali substantiali inter se differre, vt caput à corde, & hoc à manu. Vnde solum ponit has partes animæ specie distinctas in animalibus, & plantis, non in homine, quas partes affirmat non esse continuas, sicut nec partes animæ, per quas constituuntur, continuæ sunt, quia ea quæ specie differunt continuari non possunt, nec proinde constituere vnum numero compositum simpliciter ex defectu continuationis, sed tantum secundum quid, sicut partes domus, nempe ligna, & lapides, non sunt simpliciter continuæ. Citantur pro hac sententia Côm. li. Physic. com. 59. & 12. metaph. text. 2. Paulus Venetus 2. lib. de anima, text. 29. sed his locis potius sequuntur primam sententiã. Videtur tamen hanc secundam tenere D. Tho. in 4. d. 49. q. 4. art. 5. his verbis: *Licet caput, & alia membra sint partes indiuidui vnius speciei, non tamen, si unumquodque per se consideretur cum alio, est eiusdem speciei, manus enim habet aliam speciem partis à capite.* Eam verò tenet expressè Pererius noster 6. li. suæ philosophiæ, c. 6. q. 3. quam vt probet, supponit duo, primum, quod partes heterogenæ animalis distinguantur specie partiali, quod manifestant diuersæ figuræ, & diuersa temperamenta earum, nam cerebrum frigidissimum est, & calidissimū cor. Supponit secundò, quod eadem partes heterogenæ non sunt continuæ, nā quæ differunt specie non possunt continuari, vt docet Aristot. 5. lib. phys. text. 39. & 40. Deinde ex vsu anatomicæ artis, per quem dissecantur, & ex dissectione deprehenditur esse discontinuas. Et probari etiam potest expresso testimonio Arist. 2. lib. de partibus animalium, c. 7. non longè à principio, vbi de cerebro asserit non esse connumerandum inter partes cōtinuas corporis. Ex his ergo duobus duo colligit: argum. primum, quia partes heterogenæ distinguantur specie, sed distinctio specifica sumitur à forma: ergo habent formam specie distinctam, non totalem, cum in vno viuente solū sit vna totalis anima: ergo partialem,

tialem, nō distincta à totali, vt dicebat præcedens opinio, quia omnino repugnat dari etiā plures animas distinctas in eodem, vnam totalem, & aliam partialē: ergo necesse est dari plures, quæ sint partes integrantes specie diuersæ eiusdem totalis animæ: per quas partes ipsæ possint differre specie substantiali partiali absque multiplicatione animarum. Ex secundo verò ita arguit, partes heterogenæ animalis sunt discontinuæ: ergo non solum habent partes animæ discontinuas: sed etiam partes discontinuas materiæ: sed repugnat (saltem naturaliter) eandem numero formam simul informare plures materias discontinuas: ergo non possunt materiæ discontinuæ harum partium informari ab eadem numero anima, nisi habente partes etiam discontinuas: per quas informantur, & ideo necesse est ponere plures animas partiales animarum diuisibilibus eiusdem viuientis.

- 187 Sed etiam hæc sententia falsa est, quod probo primò, quia non minùs differunt partes heterogenæ humani corporis, figura, temperamento, & aliis, quam partes eiusdem bruti, quare non minùs repugnabit esse continuas, nec magis intelligetur esse discontinuas ex vñ eiusdem anatomicæ artis, quam partes aliorum animalium: ergo non minùs discontinuam materiam habent: sed ideo non possunt informari ab eadem numero anima partes animalis, nisi habente partes integrantes diuersas, quia non potest eadem numero anima informare materias discontinuas: ergo nec poterunt partes humani corporis tam diuersæ, & tam discontinuæ informari ab eadem numero anima rationali, quare præter illam erunt necessariò ponendæ in homine plures animæ partiales specie distinctæ, quod negat eadem opinio, & falsum esse probauimus impugnantes præcedentem. Et si respondeas, diuersam esse rationem de anima rationali, quæ vna numero, & specie cum sit, habet virtutem informandi partes materiæ discontinuas, & constituendi eas diuersas specie partiali, quod præstare non potest anima diuisibilis (longè imperfectior) nisi per partes integrantes specie diuersas. Probo hoc esse falsum, quia anima rationalis informans omnes partes corporis est indiuisibilis, atque etiam eadem numero, & specie: ergo non potest constituere partes heterogeneas humani corporis specie partiali diuersas: probatur euidenter consequentia, quia distinctio specifica sumitur à forma: sed eadem anima rationalis informans omnes, & singulas partes non distinguitur à se ipsa specie totali, nec partiali: ergo non potest constituere differentiam specificam totalem, nec partialem inter easdem partes.

- 188 Secundò probatur, quia partes eiusdem animæ sensitivæ distinguuntur specie partiali: & ideo non possunt esse continuæ: ergo

ergo non possunt constituere vnā animā per se secundum numerum, nec secundum speciem, nec idem numero compositum physicum secundum numerum, nec secundum speciem; probatur consequentia, quia plura specie, & numero diuersa non possunt constituere aliquid substantiale per se vnum, nisi per se, & substantialiter vniantur: sed non possunt per se, nec substantialiter vniri; ergo nec vnum per se secundum numerum aut speciem constituere. Minorem sic probo, ea quæ vniantur per se, vel vniantur tanquam actus per se, & potentia per se, quo pacto vniantur partes essentielles, nempe materia & forma, vel ita vt vtrumque sit in actu, sed modo aliquo indiuisibili coniungantur ad constitutionem, non vnus essentialis, sed vnus integralis, quo pacto vniantur partes eiusdem continui per puncta indiuisibilia, sed neutro modo possunt vniri partes heterogeneæ specie partiali diuersæ, ac discontinuæ: ergo non possunt vnum per se constituere secundum numerum vel speciem: probatur minor, quia omnes partes animæ sunt actus, & neutra se habet ad alteram, tanquam potentia; sed neque vniantur per indiuisibilia sicut partes continui, quia talis vnio est vera continuatio, negat verò hæc sententia, quod sint continuæ; ergo non potest admittere talem vnionem, ideo non possunt vllō modo vniri per se, nec proinde possunt constituere vnum per se.

Ad primum argumentum pro ratione dubitandi propositum <sup>189</sup> cōcedendum est antecedēs, quod partes heterogeneæ illis tribus distinguantur, videlicet temperamento diuerso, figura, atque officiis diuersis, neganda tamen est consequentia, quod diuersam habeant formā substantialem, sed ab eadem possunt informari anima, quæ propter suam eminentiam postulat partes ita diuersas, & vna cum sit, virtutem habet informandi omnes, quia est actus corporis organici, hoc est, habentis partes, & mēbra adeo diuersa.

Ad secundum distinguenda est maior, quod eadem partes habeant partiales, atque incōpletas definitiones diuersas: nam diuersas specie totali, aut partiali, falsum est, quia non habent formas specie diuersas vno, nec alio modo. Diuersas verò partialiter indiuidualiter quæ differentia non est essentialis: sed accidentalis, vel ad summum substantialis indiuidualis, ac partialis, iuxta diuersas opiniones: verum, ad quam differentiam sufficit informari ab eadem anima indiuisibili diuerso modo, vel à partibus eiusdem animæ diuisibilis numero partiali diuersis: sed continuis.

Ad tertium concessa maiori, & minori, quod in his partibus <sup>190</sup> dentur diuersæ potentix procedentes ab anima, neganda est consequentia, quod diuersas habeant partiales animas: sed ab eadem

eadem diuerso modo informante easdem partes procedere possunt in eas potentia diuersa ab ea radicaliter emanantes. Quando verò D. Thom. asserit partes heterogeneas habere species, ac definitiones diuersas, de accidentibus loquitur definitionibus, & speciebus ex diuersis figuris, & temperamentis desumptis, non de essentialibus.

Ad utrumque verò argum. secundæ opinionis, dicimus utrumque fundamentum, quod supponitur, & ex quo deducitur esse falsum. Primum quidem quod partes heterogenæ eiusdem viuents, vt cor, & cerebrū, pes, & manus distinguantur specie substantiali: nam diuersa temperamēta, & figuræ diuersæ non denotant diuersam formam substantialem, neque partes diuersæ speciei eiusdem formæ, sed formam quidem excellentiorem, nempe animam potentem informare partes adeo diuersas, & potentem in eis temperamēta diuersa, quod patet in anima indiuisibili, quæ per diuersos modos informandi constituit tales partes diuersas, quod etiam potest præstare diuisibilis anima, etiam si non habeat partes specie diuersas: sed diuersas tantum perfectione indiuiduali intra eandem speciem, vt statim explicabitur. Falsum est etiam secundum fundamentum, quod partes heterogenæ non sint continuæ: nam licet diuersæ appareant, musculis quibuslibet, neruis, ac fibris tamē continuantur, magnis quidem aliquando, & aliquando adeo paruis, vt sensu non percipiantur, vt Vesalius lib. 7. de fabrica humani corporis, c. 4. bene adnotauit. Et hac fortasse de causâ in dissectione membrorum aliquando non percipiuntur ligamēta hæc ab exercentibus anatomicam artem, & propterea iudicant has partes non esse continuas: sed rationi potius standum est, quæ efficaciter probat partes heterogeneas hominis continuari: cum ab eadem forma indiuisibili informantur. Et eodem modo intelligendum est easdem partes in animalibus cæteris continuari informatas diuersis partibus eiusdem animæ diuisibilis, sed continuas.

- 891 Quod verò de cerebro docuit Arist. non esse connumerandum partibus continuis, statim explicuit dicens, non continuari partibus actu sentientibus immediatè: sed non sentientibus, videlicet cum medulla dorsi, & per hanc continuatur cum reliquo corpore: non est enim necessarium, omnes partes habentes vitam sensitiuam actu sentire, imò nec habere sensitiuam potentiam, quia plures, ac perfectiores dispositiones requiruntur, vt pars aliqua sit organum potentia sensitivæ, quam vt gradum substantiale sentiendi ab anima recipiat, vt inferius explicabitur.

Posterior pars Quaestionis.

- 892 EX refutatione harum duarū sententiarū habemus, in nullo viuente præter vnicam totale animæ admittendas esse partiales,

tiales. Sed nec ullam animā diuisibilē habere partes integrantes specie partiali diuerſas. Ex hoc autē reſultat maxima difficultas quaſtionis in poſteriori parte examināda, videlicet, an partes heterogeneæ eiūſdē viuētis: vt caput, cor, & manus diſtinguantur ſubſtantialiter, vel ſolū accidentaliter per diuerſas figuras, diſpoſitiones diuerſas, & alia diuerſa accidētia. Et ratio dubitandi maxima eſt, quia diſtinctio ſubſtantialis non ſumitur à materia: ſed à forma ſubſtantiali. Sed eandem prorsus formam ſubſtantialem habent omnes iſtæ partes eiūſdē viuētis, nempe eandem animam totalem, à qua informantur, præter quam nulla datur in eis partialis: ergo non diſtinguuntur ſubſtantialiter: ſed per ſolas diſpoſitiones, & accidentia.

Ita aſſerit 1. opinio, quam defendunt Gregor. in 2. d. 26. & 27. q. 1. Herurus in tract. de vnit. de formatū, q. 18. Capr. in 2. d. 15. q. 1. ad 6. Soncin. 8. lib. Metaph. q. 10. Caietan. 2. lib. de anima, q. 1. Sorus 5. lib. Phyſ. q. 3. ad 8. Bannez 1. lib. de gen. c. 4. q. 8. art. 4. concl. & eandem tenere videtur D. Tho. 1. p. 76 art. 5. ad 3. vbi ita ait: *Partes animalis, ut oculus, manus, caro, non ſunt diuerſarum ſpecierum: ſed diuerſarum diſpoſitionum, &c.* & præter rationem dubitandi probatur hoc modo, partes heterogeneæ præter diuerſas diſpoſitiones, & figuras, de quibus conſtat eſſe accidētia, ſolū habent formas proprias, per quas diſtingui poſſunt: nam in forma communi totius corporis, quæ eſt anima, conueniūt: ſed formæ propriæ earū ſunt potentiæ vitales in eis reſidentes, & non in aliis: ergo per has ſolū diſtinguuntur, & hæc ſunt etiam accidentia, vt conſtat de potentia viſiua, reſidente in oculis: ergo ſolū diſtinguūtur accidentaliter. Probatur minor expreſſo teſtimonio Ariſtot. 2. lib. de anim. text. 9. vbi ſic ait: *Conſiderare autem, & in partibus oportet, quod dictum eſt, ſi anima eſſet oculus animal, anima utique ipſi viſus eſſet, hic enim eſt ſubſtantia oculi, oculus autem materia viſus eſt, quo deſiciente non eſt amplius oculus, niſi equinorè, ſicut lapideus, aut depictus.* Probabilis eſt hæc ſententia propter authoritatem tantorum virorum, recentioribus tamen communiter non placet, nec mihi videtur doctrinæ Ariſt. conſentanea: quod probo duplici argumento ex priori definitione animæ deſumpto, primū tale eſt, anima eſt actus primus, & ſubſtantialis corporis phyſici, & organici: ergo corpus cuius anima eſt actus, organicum debet eſſe ſubſtantialis: ſed probatur conſequentia, quia actus, & potentia eiūſdem conditionis eſſe debēt, ita vt ſi actus eſt ſubſtācialis, potentia quoque ſubſtantialis ſit, alioqui non ordinabitur vnum per ſe ad alterum: ſed organa corporis viuētis iuxta prædictam ſententiam ſolū differunt per accidentia: ergo non poſſunt eſſe organicum ſubſtācialiter, nec partes eius, vt organica poſſunt con-

stitui substantialiter ab anima: sed solum accidentaliter, quare non erit anima actus substantialis eius quod definitioni eiusdem animæ aduersatur.

Probatur secundo, quia temperamentum, dispositiones, & cætera accidentia corporis, & partium eius ordinantur à natura ad informationem, & constitutionem compositi substantialis; ergo diuersæ dispositiones ad diuersum modum informationis: sed partes organice postulant diuersas, ac perfectiores dispositiones, & imprimit eis anima perfectiora accidentia, nempe potentias vitales, quas non imprimit aliis partibus; ergo perfectiori modo informantur ab anima: sed perfectior modus informandi constituit compositum perfectius substantialiter; ergo non potest negari, quin tales partes differant substantialiter aliquo modo. Non tamen ab omnibus assignatur  
 194 eodem modo hæc differentia substantialis partium. Sed quidam asserunt, quod licet vna tantum numero sit anima in eodem viuentem, indiuisibilis quidem in homine, diuisibilis verò in animalibus, & plantis, & ideò non differant partes organice propter diuersitatem animæ indiuisibilis, aut partium eius (si diuisibilis sit) prouenit tamen earum differentia ex diuerso modo partiali, quo vnitur eisdem partibus, hunc autem modum vnionis specie diuersum esse docent in diuersis partibus, & propterea non solum substantialiter: sed specie essentiali diuersas esse. Et ratio eorum est, quia modus, quo vnitur anima corpori, colligitur ex effectu formali: quem ei tribuit, ergo ex diuerso effectu formali, quem comunicat diuersis partibus, colligi debet diuerso modo eisdem vniri: sed non omnibus partibus comunicat eundem effectum formalem: sed diuersis diuersum, etià secundum speciem, iuxta diuersam capacitatem atque dispositiones earum: ergo diuersum modum vnionis secundum speciem habet in diuersis, ex quo partes ipsæ erunt specie diuersæ: minorem probant à posteriori ex potentiis, quia potentie vitales procedunt ab esse, quod anima comunicat corpori, & partibus eius per informationem, vegetatiuæ quidem ab esse vegetatiuo, & sensitiuæ ab esse sensitivo: ergo euidenter sequitur à posteriori, quod partes non habentes vllam potentiam sensitivam: sed vegetatiuam tantum, non recipient ab anima esse sensitivum: sed solum vegetatiuum, & quæ habent potentiam vegetatiuam, & sensitivam, recipient esse vegetatiuum, & sensitivum, ex quo habebunt differentiam specificam substantialem, ac parrialem. Sed hic modus dicendi falso innititur fundamento, & ideò  
 195 tanquam falsus reiiciendus est. Eius namque fundamentum est, quod anima diuersis modis partialibus specie distinctis informat diuersas partes corporis, quia non comunicat eis eisdem gradus

gradus essendi, sed quibusdam vnum, duos verò aliis: hoc autem fundamentum sic probatur falsum. Ab eadem forma provenit esse genericum, & specificum, ita ut repugnet tribuere subiecto, vel materiæ esse genericum, quin simul ei tribuat esse specificum, probatur utrumque in albedine tribuente corpori esse genericum colorari, & specificum, albi, ita ut repugnet ab ea tribui esse album, & ab alia esse coloratum, atque etiam repugnet eam tribuere esse coloratum, quin simul tribuat esse album: sed omnes gradus essendi, quos anima tribuit corpori, habent se tanquam genera, & species, ut vivens se habet tanquam genus sensitivi, & sensitivum tanquam genus rationalis: ergo non solum ab eadem anima tribuuntur omnes, sed repugnat genericos tribuere toti corpori, vel alicui parti eius, quin simul tribuat specificum, & ex hoc sequitur non habere animam diversos modos unionis specie partiali distinctos in diversis partibus ex eo, quod diversos effectus tribuat diversis partibus secundum diversos gradus essendi eisdem communicatos.

Argu. verò eiusdem opinionis ex potentiis desumptum nihil probat, sed ad formam eius concessa maiori, quod potentia oriatur ex gradibus essendi, neganda est minor, quod his partibus, quibus non tribuitur vlla potentia sensitiva, non tribuantur gradus naturæ sensitivæ, nam plures, atque maiores dispositiones postulant potentia, quam soli gradus essendi, propter exercitium suorum actuum: ad quos eliciendos se habent tanquam specialia instrumenta animæ, & ideò specialibus dispositionibus ornari debent, ut ei deferuire possint: quare ceteræ partes possunt recipere ab anima sensitiva gradum substantialem sentiendi, licet nullâ potentiam sensitivam recipiant, quia dispositiones eorum sufficiunt ad recipiendum esse, non tamen ad recipiendam potentiam, quia non sunt apta instrumenta ad exercendam vllam operationem sensitivam, & propterea nec apta sunt organa harum potentiarum, & tales partes fortasse sunt ossa, de quibus docet Aristoteles, nec sensum tactus habere, cum tamen efficaciter probetur recipere ab anima gradum substantialem vitæ sensitivæ.

Propterea asserunt alij, partes heterogeneas eiusdem viventis substantialiter differre, non differentia specifica: sed omnes esse eiusdem prorsus speciei, differre tamen differentia partiali individuali, hanc verò differentiam non provenire ex parte animæ, etiâ in animabus diuisibilibus, sed ex eo solum, quod licet anima sit eiusdem omnino rationis in omnibus partibus, uniatur tamè diversis partibus per modos unionis partiales distinctos individualiter, quorum ratione partes ipsæ resultantes differunt etiam partialiter individualiter. Itaque asserit hæc

sententia animam (si diuisibilis sit) habere partes eiusdem omnino rationis, non solum specificæ, sed indiuidualis partialis: si verò sit indiuisibilis omnino eadem esse in omnibus partibus, & ideo ex parte animæ diuisibilis, vel indiuisibilis non sumi vllā prorsus differentiam substantialem partium, sed solum ex eo quod diuersos modos vnionis partialis habet in diuersis partibus, ex quibus resultat differentia substantialis indiuidualis, atque partialis earundem partium. Probant, quia non minù differunt substantialiter indiuidualiter partes heterogeneæ hominis, quàm animalium perfectorum, vel imperfectorū, sed talis differentia saluatur in partibus heterogeneis hominis absque vlla differentia ex parte animæ rationalis; cum eadē forma indiuisibilis sit informans omnes partes corporis ex eo solū, quod diuersis modis vnionis partialibus magis, aut minù perfectis vnitur diuersis partibus corporis: ergo saluari etiā potest in quacunque anima diuisibili absque vlla differentia maioris perfectionis indiuidualis in partibus eius, ex eo solū, quod eadem partes eius eiusdem omnino perfectionis indiuidualiter diuersis modis vnionis partialibus magis, aut minù perfectis vniuntur diuersis partibus corporis: quā virtutē ad modos vnionis magis, & minù perfectos habet ex propria perfectione animæ; quā non habent inferiores formæ corporū homogeneorū.

197 Sed hæc etiam sententia falsa est. Probaturs primò, quia modus vnionis, per quem anima vnitur corpori, & partibus heterogeneis eius, talis debet esse, qualis est perfectio eiusdem animæ, & ideo modus vnionis, quo vnitur anima sensitiua corpori perfectior est modo, quo vnitur eidem corpori anima vegetatiua, & modi, quibus vniuntur corpori dux animæ vegetatiuæ, aut sensitiuæ eiusdem omnino perfectionis specificæ, & indiuidualis, eiusdem etiam omnino perfectionis specificæ, & indiuidualis erunt. Vnde sequitur, quod si partes eiusdem animæ diuisibilis eiusdem sint omnino perfectionis indiuidualis, modi partiales vnionis, quibus vniuntur diuersis partibus corporis, eiusdem omnino perfectionis erunt, & ideo repugnabit, quod ratione eorum partes organicæ eiusdem corporis sint diuersæ perfectionis indiuidualis. Secundò, modus vnionis, quo vnitur forma materiæ est informatio, vt primo libro Physicorum ostendimus; ergo modi partiales diuersæ perfectionis indiuidualis, per quos anima vnitur diuersis partibus materiæ, erunt partiales informationes diuersæ perfectionis; vnde sequitur non dari perfectiores modos vnionis partialis, quin anima diuisibilis secundum diuersas partes magis, & minù perfectè informet diuersas partes corporis, sed repugnat quoddam partes animæ perfectiùs informare, quàm alias, nisi in se sint aliquo modo



modo perfectiores; ergo repugnat per diuersos modos partiales vnionis perfectiores, & minùs perfectos vniri corpori diuersas partes diuisibilis animæ, nisi in se sint aliquo modo magis, aut minùs perfectæ; probatur minor, quia informatio est proprium officium formæ, propriæque causalitas eius ex se ordinata ad effectum formalem eiusdem formæ; ergo perfectior informatio est perfectior causalitas ordinata ad perfectiorem effectum formalem, sed perfectior effectus formalis, nõ procedit à formæ æqualis perfectionis, sed necessario à perfectiori; ergo de primo ad vltimum perfectior modus vnionis non potest conuenire partibus animæ eiusdem omninò perfectionis.

Nostra igitur sententia duo asserit, primum, quod partes organice eiusdem viuentis sint diuersæ perfectionis substantialis non specificæ, sed individualis partialis. Postreimò, quod diuersa hæc perfectio substantialis partium, nõ solùm proueniat ex modis vnionis partialibus diuersæ perfectionis individualis, sed primò, & per se ex eo, quod anima diuisibilis habet partes diuersæ perfectionis individualis, per quas informat diuersas partes corporis, anima verò indiuisibilis talis est naturæ, vt secundum se totam, magis, & minùs perfectè informet partes diuersas corporis, meliusque officiũ formæ exequatur in quibusdam, quàm in aliis, vt petit natura organici corporis, & ex his sequuntur perfectiores modi partiales vnionis in his partibus, quàm in aliis. In primo conueniunt omnes ferè recetiores, & efficaciter probatum est aduersus opinionem eorũ, qui dixerunt partes heterogeneous corporis accidentaliter tantum esse diuersas. Postremum verò efficaciter etiã probant duo argumenta, quibus modum dicendi postremum refutauimus.

Ad 1. argument. eiusdem modi dicendi concessa maiori distinguenda est minor, quod maior, & minor perfectio partium organicarum in homine saluetur absque maiori, vel minori perfectione animæ rationalis; à qua informantur omnes: nam absque maiori, vel minori perfectione enritatiua, aut materiali; verum est, quia cum eadem omninò, atque indiuisibilis sit secundum enritatem, non potest hoc modo sumpta esse perfectior in diuersis partibus: absque maiori verò, vel minori perfectione formali, falsum; hoc est quãtrum ad perfectiorem informandi maiorem, vel minorem, nã anima ideò est actus substantialis organici corporis, quia virtutè habet diuersis modis informandi partes diuersas eius, ita vt diuerso modo sit informatiua cordis, cerebri, oculorũ, & auris, & ideò cõstitutiuu harũ partiũ diuersæ perfectionis partialis individualis, q̃ ad rationẽ heterogeneous formæ pertinet, nec formæ homogeneæ cõuenire potest: cũ eodẽ prorsus modo informet omnes partes materiæ.

200 Ad 2. negandum est antecedens, quod partes animæ diuisibilis sint eiusdem omnino perfectionis, indiuidualis, & diuerso modo magis, & minus perfectio possint vniri diuersis partibus corporis, nam licet anima ipsa diuisibilis possit his modis magis, vel minus perfectis vniri diuersis partibus corporis, hoc tamen habet per diuersas partes determinatas magis & minus perfectas, secundum rationes indiuiduales, & non alio modo. Per diuersas autem partes determinatas, id habere dixi, quia nō potest secundum quamlibet indifferenter informare quamlibet partem corporis, alioqui esset forma homogenea habens partes omnino eiusdem rationis. Hæc verò habet anima indiuisibilis longè perfectiori modo, quia secundum se totam est informatiua diuersarum partium per informationes partiales inæquatas diuersæ perfectionis indiuidualis, ratione cuius constituit partes organicas corporis diuersæ perfectionis partialis, substantialis, & indiuidualis.

### QVÆSTIO VIII.

*An anima informes partes fluidas corporis, ut sanguinem, & alios humores.*

201 **D**Vplices Partes viuentis insinuat titulus quæstionis, solidas videlicet, quales sunt caro, os, neruus, & similes, atque etiam fluidas, quæ per corpus moveri, ac fluere dicuntur, quia quasi liquidæ sunt, ut sanguis, flegma, atra bilis, & flaua bilis, quas quatuor humores vocant, & his similes sunt spiritus vitales, & animales quantum ad motum. Nam cum tenuissimi sint, & quasi de natura aëris, passim mouentur per corpus. De partibus autem solidis præsupponit, quod informetur anima, ut superius à nobis probatum est, quia ad primam consistentiam  
202 compositi pertinent, de fluidis verò in dubiū reuocat, & quamuis eadem sit ratio de omnibus: sed quia inter omnes præcipua est sanguis, ad sanguinem reducitur quæstio claritatis gratia, & quod de eo statutum fuerit, de omnibus tenendum censetur. Prima igitur opinio asserit, sanguinem cum cæteris partibus fluidis informari anima, ita tenent ex recentioribus Theologis Contrad. 1. 2. quæst. 54. Hispalensis in 2. distinct. 1. 5. quæstio. 1. Medin. 3. part. quæst. 5. art. 2. Astudillo 1. lib. de gen. q. 1. 5. art. 2. Toletus 2. lib. de anima, q. 4. & quidam alij. Probant testimoniis Aristotelis, qui duo asserit expressè de sanguine. Primum, quod sit pars viuentis 3. lib. de historia animalium ca. 2. in principio, & 2. lib. de partibus animalium cap. 3. etiam in principio. vbi distinguens duplices partes viuentis, nempe similes, ac dissimiles: inter priores connumerat sanguinem. Postre

Postremum, quod de eo asserit est animatum esse, 3. lib. de historia animalium cap. 19. post medium hincce verbis: *Quamdiu* 103  
*vita seruetur sanguis vnus animatur, & seruet.* quibus ego addo, adipem apud eundem Aristotelem non esse aliud, quam sanguinem bene concoctum: vt docet 2. libro de partib. anim. cap. 5. in principio; sic inquit *Seruum. & adeps inter se differunt sanguinis ratione, est enim eorum vnumquodque sanguis concoctus per bonitatem enutriendi*, quod sensit Gal. lib. 2. de temperamentis affirmans adipem esse sanguinem frigore concretum, aut congelatum sed communis est medicorum sententia de adipe, quod anima informetur, & viuatur, cum sit pars animalis: ergo idem sentiendum de sanguine. Quod in sacris literis videtur assertum, nam Leuitici 17. sic dicitur: *Anima carnis in sanguine est*, & ego dedi illum vobis, vt super altare in eo expietis pro animabus vestris, & sanguis pro anima piaculo sit. Quibus verbis ideo per oblationem sanguinis super altare, animarum peccata expiari debere dicitur, quia anima ipsa in sanguine continetur: euidentem autem est, non alio modo, quam per informationem contineri posse; ergo significatur plane, quod informetur anima. Et D. August. in lib. Quæst. veteris, & noui testamenti, vt refertur 3 2. quæst. 2. cap. Moyses. videtur id collegisse ex eisdem verbis Scripturæ; ita enim ait: *Anima ceterè quia spiritus est, in sicco habitare non potest, ideo in sanguine fertur habitare.*

Probant deinde ratione: primò, quia omnes partes cuiuslibet 104  
 compositi informantur eadem forma substantiali, sed sanguis est pars viuens, vt docet expressè Aristoteles duobus illis locis citatis, atque etiam D. Thom. in 4. dist. 44. quæst. 1. artic. 2. quæstiunc. 2. & quæstiunc. 3. ad 3. ergo informantur ab eadem forma totius, quæ est anima. Secundo, quia animata distinguuntur ab inanimatis in eo, quod mouentur versus omnem differentiam loci, inanimata verò ad vnā determinantur, vt ignis mouetur sursum: sed euidentem est sanguinem in animalibus moueri versus omnem differentiam loci, sursum enim ascendit, & descendit deorsum, atque etiā versus latera corporis procedit; ergo necessariò concedendum est, esse animatum. Probatur 105  
 tandem ratione Theologica, nam certum est, Verbum diuinum non solum assumpsisse naturā humanā, sed sanguinē, & humores, quia ad veritatem humanæ naturæ pertinent, vt docet expressè D. Thom. 3. par. quæst. 54. art. 1. in corpor. & ad 1. communiter Theologi. Certum est etiam Verbum diuinū vnā tantum naturam assumpsisse, & vnica assumptione, non pluribus, sed natura est vnā per vnā formā; & humana per vnā animam rationalem; ergo omnia, quæ assumpsit Verbum, pertinent ad vnā eandem naturam humanam, ab eadem anima rationali

informantur, & eadem assumptione assumpta sunt: sanguis igitur informatur anima. Probatur consequentia, quia si propriam habet formam, erit diuersæ naturæ ab humana; cum distinctio naturatum sit per formam, & consequenter diuersis assumptionibus assumuntur, quia vnica assumptio vnius est naturæ, & non plurium, vel ergo negandum est, sanguinem, & humores assumptos fuisse à verbo, quod absque errore non licet, vel concedendum, quod ab eadem anima informantur.

106 Hæc tamen sententia non defenditur eodem modo ab omnibus citatis authoribus, sed plures, aut ferè omnes ita sentiunt sanguinem informari anima, vt gradum saltem vitæ ab ea accipiat. Alij verò, vt Toletus, & cum eo recentiores quidam viuere negant, sed solum accipere aiunt ab anima gradum corporis mixti, quia sentiunt nõ tribuere animam omnes gradus essendi quibuscumque partibus corporis, sed plures, vel pauciores secundum modum dispositionis, & organizationis, quam habent, & ita quibusdam solum tribuit gradum corporis mixti, vt sanguini, & humoribus: aliis verò gradum vitæ, & non gradum sentiendi, vt ossibus; aliis vero partibus perfectioribus tribuit motum, & sensum, atque etiam gradum substantialem rationalitatis. Alij verò distinguunt in animali duplicem sanguinem, imperfectum quidem, qui ad vltimam concoctionem non peruenit, & hunc vocant nutritientem, quia rationem alimenti habet, ex quo nutritur animal; & alterum perfectum, quia magis depuratus est, & vltimam concoctionem assecutus, & hunc docent non ad nutrimentum pertinere, sed ad veritatem, & integritatem naturæ, & ideò hunc assumptum esse à Verbo diuino, & ab omnibus corporibus in resurrectione reassumendum, quia sine eo, nec naturalis homo, nec ideò verus diceretur assumptus à Verbo diuino, aut resurgere. De priori igitur sanguine dicunt non viuere, nec omnino informari anima, sed propria forma inferiori, nec assumptum fuisse à Verbo diuino, nec reassumendum in resurrectione corporum, quia tota necessitas eius cessat in eo statu, in quo iam non nutriuntur corpora; posteriori verò sanguini vtrumque concedunt, nempe informationem ab anima, atque etiam vitam: hoc modo loquitur Caiet. 3. part. quæst. 54. art. 3. & Silues in rosea aurea tract. 3. 1. quæst. 3. quod etiam sequuntur alij.

207 Secunda opinio absque vlla distinctione sanguinis negat, quod ipse, vel humores, aut spiritus vitales, aut animales informantur anima, sed proprias formas omni anima inferiores habere affirmat. Hæc est communis omnium ferè Scholar. antiquiorum in 4. dist. 44. vbi eam tenet D. Bon. art. 1. quæst. 1. ad 2. Richard. art. 1. quæst. 2. Dur. quæst. 2. ad 2. supplem. Gab. quæst. 2. dist.

*Tract. de modo quo Anima inf. corp. Quæst. VIII.* 201  
 2. dist. 6. Palad. qu. 1. art. 2. num. 18. Sorus art. 3. atque etiam dist.  
 10. quæst. 1. art. 2. Capr. quæst. 2. art. 3. ad 4. Scot. contra 1. concl.  
 & Scotus ipse in 4. dist. 10. quæst. 1. art. 1. Abul. Paradôxa. 2. q. 47.  
 Galen. lib. de usu partium, & cum eo Valles. 1. lib. controu. me-  
 dica. cap. 4. & medici ferè omnes, maximâque recentiorum pars.  
 Et videtur mihi longè probabilior, quam his tribus assertioni-  
 bus explicandam censeo.

Assertio 1. *sive sanguis informetur anima, vel non, sed forma pro-* 208  
*pria anima inferiori, concedendum est: quod sit aliquo modo pars in-*  
*tegralis corporis viuentis;* nam quamuis nec viuentia omnia, imò  
 nec omnia animalia sanguine prædita sint, vt de plâtis, & pisci-  
 bus, constat, hæc tamen, & similia quandam aliam substantiam  
 habent sanguine proportionatam, vt medullam, vel aliam sub-  
 stantiam liquidam ad veritatem, & integritatem naturæ perti-  
 nentem, de qua sicut de sanguine intelligitur assertio hæc, quod  
 sit pars integralis eorum. Quod in primis expressum est apud  
 Arist. vbi supra. Atque etiam apud D. Thom. in 4. d. 48. q. 1. art. 2.  
 quæstion. 2. & quæstion. 3. & 3. p. q. 54. art. 2. ad 3. quibus locis  
 docet Christum in resurrectione reassumpsisse totum sangui-  
 nem in passione effusum, quia pertinebat ad veritatem, & inte-  
 gritatem humanæ naturæ. Quod etiam colligo ex Conc. Trid. 209  
 sess. 13. c. 13. vbi dicitur sanguinem Christi contineri in Sacra-  
 mento Eucharistiæ sub speciebus quidem vini ex vi verborum,  
 sub speciebus verò panis per concomitantiam. *Ex vi illius*  
*naturalis connexionis, & concomitantia, qua partes Christi domini*  
*inter se copulantur.*

Sed vt explicemus quonam modo sanguis sit pars corporis  
 viuentis, adnotare oportet ex D. Thom. & ex Richard. vbi su-  
 pra, partes integrantes corporis viuentis triplices esse, quas-  
 dam pertinentes ad primariam constitutionem eius, quas ideo  
 primarias vocare possumus, & tales sunt in animalibus solidæ,  
 vt ossa, carnes, nerui. Aliæ sunt non quidem pertinentes ad 210  
 primam constitutionem, & ideo nec primariæ, sed sine quibus  
 primariæ non possunt habere esse naturale, nec naturalem con-  
 sistentiam, & tales sunt sanguis, & cæteri humores: quos si à  
 corpore separaueris, nec carnes, nec ossa, ac nerui, habebunt esse  
 naturale, nec naturalem consistentiâ, imò nec vllam operatio-  
 nem naturalem. Et propterea sanguis, & humores vocari possunt  
 partes secundariæ pertinentes ad veritatem, & integritatem na-  
 turæ: quamuis sanguis in ordine ad primarias partes in quas  
 conuertitur, pars in potentia vocari possit, & ex hoc egregiè  
 explicantur, atque cõciliantur diuersa loca D. Thom. in quibus 211  
 aliquando vocat sanguinem partem actualem viuentis; aliquando  
 verò partem solum in potentia; & vnum non est alteri contra-

rium, sed vtrumque verum iuxta hos duos sensus: quia in ordine secundario pars integralis actualis est, sed in ordine primario solum est pars in potentia, quia in partes primarias conuerteri potest. Præter has sunt partes aliæ non pertinentes ad naturalem consistentiâ corporis viuentis, sed ad ornatum eius, & ad quædam alia satis cōuenientia pro conseruatione, & tales sunt capilli, & ungues, de quibus quæstione sequenti disputabimus, an informetur anima. Dum ergo assertio nostra affirmat, sanguinem, & humores esse partes integrantes corporis viuentis: de partibus secundariis, non de primariis intelligenda est, & in hoc eodem sensu loquitur de sanguine Aristoteles.

Secunda assertio, *sive dicatur sanguinem informari anima, vel non, idem est iudicium de toto sanguine, qui verè sanguis est, quare vel totus anima informatur, vel totus habet aliam formam anima inferiori*; quare non est admittendus duplex sanguis specie substantiali distinctus, vnus, qui nutritioni deseruiat, alter verò non, sed ad compositionem corporis spectet: hæc est contra Caiet. & Sylues. Quam probo 1. auctoritate Aristotelis, & medicorum omnium; Aristoteles enim vbicunque de alimento animalium sanguine prædicatorum loquitur; absolute, & sine vlla distinctione asserit sanguinem esse vltimum alimentum, præsertim lib. de Iuuen. & Senectute cap. 2. lib. de Somn. & Vigilia. cap. 4. & lib. 2. de partibus animalium cap. 3. ita vt talis distinctio sanguinis secundum illa officia, in tota eius doctrina non reperiatur, nec vllum sanguinem agnouerit, qui nutritioni non deseruiat, nec à medicis vnquam positus sit, vel ita distinctus: ergo non est admittenda. Probatum ratione 1. quia sanguis ille purus specie distinctus, à nutritionali in corpore, & partibus eius esse debet, & discontinuatus à nutritionali; cum ponatur distinctus specie ab illo propter diuersam formam substantialem, qua informatur, sed nulla est pars in toto corpore, quæ non nutriatur, ergo partes illæ, in quibus talis sanguis continetur, eo nutriuntur, quia non habent alium sibi approximatum, quo nutriri possint. Et certè si impurus sanguis nutrimento aptus est, nulla potest assignari ratio ob quam sanguis iam depuratus non sit aptius nutrimentum, facilius conuertibile in substantiam aliti: friuola igitur, & sine fundamento censenda est talis distinctio sanguinis. Quod probatur tandem experientia: nam certum est, sanguinem in venis, ac poris existentem esse nutritiamentalem, quia per has vias deferretur ad omnes partes corporis, vt quælibet desumat ex eo partem sibi necessariam, sed experientia sensuum constat, sæpè à venis, & poris defluere purissimum sanguinem, vel certè talem quantum ex colore, & accidentibus colligi potest, qui non distinguitur à quocunque alio

alio magis depurato specie, sed solum secundum magis, & minus perfectum intra eandem speciem per aliqualem maiorem <sup>114</sup> depurationem; ergo admitti non debet talis distinctio specifica sanguinum. Propterea Diu. Thom. in loco 3. par. cit. ut significaret hanc distinctionem sanguinis non esse admittendam, asseruit Christum Dominum in resurrectione assumpsisse totum sanguinem, in passione effusum, propter integritatem, & veritatem naturæ, & tamen dubitari non potest, quod effuderit de sanguine nutritioni deseruienti, quia cum nutritio continuo tempore fiat, & Christi corpus tunc nutriretur, nutrimentalem sanguinem habere debuit in omnibus partibus corporis, & consequenter eum effundere: sine vilo enim fundamento, à quibusdam dicitur, quod totum sanguinem nutrimentalem per sudorem expulerit, ideo nihil eius habuerit tempore passionis effundendum. Ex quibus intelligitur D. Thom. sentire, quod totus sanguis in corpore existens ad integritatem, & veritatem naturæ pertineat, totumque assumptum fuisse à Verbo.

Ultima assertio, *nec sanguis, neque humores, nec spiritus vitalis informantur anima, sed proprias habent formas anima inferiores.* Probatur primò ex his duobus principiis. Primum est, non posse partes materiæ informari eadem forma, aut eadem anima, nisi sint continuæ, in quo omnes conueniunt: nam cum materiæ discotinuæ sint plures, eadem numero formam informaret simul plures materias, quod patet esse naturaliter impossibile.

Aliud principium est, quod sanguis non est continuus cum cæteris partibus corporis, quod expressum est apud Aristotel. 3. lib. de historia animalium, cap. 14. ubi docet expressè sanguinem esse dispersum per omnes partes corporis, & in omnibus, & singulis moueri, sed reliquæ partes corporis non mouentur, ergo repugnat cum eis continuari, sicut repugnat decurrente aquam continuari cum terra quiescente. Et si dixeris non continuari cum partibus corporis, in quibus, vel per quas mouetur, ut cum venis, arteriis, aut poris, nec proinde cum carne, & ossibus, bene tamen cum parte illa, quæ est quasi officina, aut fons eius, in qua fit, & à qua deriuatur ad cæteras partes corporis, videlicet cum corde, vel iecore, quod quasi coagulatus sanguis est. Hoc in primis expressè contrarium est verbis eiusdem Aristotelis 2. lib. de partibus animalium c. 3. ad finem, quæ ita habent. *Non enim sanguis continuus carni, neque cognatus est, sed in corde, ac venis, quasi vasis continetur* Est autè cor apud Aristotelem principium totius sanguinis, & quasi officina, in qua fit, & fons, à quo emanat, & in eo continetur, tanquam in vase; ergo apud ipsum, neque cum fonte continuatur, & ideo cum nulla parte totius <sup>115</sup> corporis. Ex his ergo duobus principiis sic forma argum.

natura

naturaliter repugnat, quod eadē forma substantialis, vel eadē anima informetur partes discontinuæ, sed sanguis cum nulla parte corporis cōtinuatur: ergo naturalem continet repugnantiam, quod eadem anima informante alias partes informetur.

Secundò probatur hoc discursu; si sanguis informatur anima, vel recipit ab ea omnes gradus essendi, vel quosdam tantum, videlicet gradum substantiæ, atque etiam corporis misti, sed utrumque repugnat: ergo repugnat informari anima. Probatur minor, quod non recipiat omnes, quia si sanguis recipit omnes gradus essendi ab anima: ergo recipit gradum vitæ, sed non potest viuere, nisi augeatur secundum proprium modum viuētis, sicut ceteræ partes corporis, sed constat non sic augeri: ergo repugnabit viuere, & informari anima.

- 217 Quod verò non recipiat ab anima gradum corporis misti tantum, sic probo; gradus generis, & speciei tribuuntur ab eadem forma, ita ut contradictionem inuoluat tribuere vnum sine alio, repugnat enim albedinem efficere corpus coloratum, quin eo ipso efficiat album, sed corpus mixtum est genus ad viuens, & non viuens: ergo repugnat animam conferre gradum genericum corporis misti, quin simul conferat gradum corporis animati, aut vitæ vegetatiuæ, imò neque hunc potest, quin conferat gradum speciei atomæ alicuius viuētis, & si sit anima sensitua nō potest conferre gradum vitæ, quin conferat gradum naturæ sensitivæ in aliqua specie atomæ animalis. Et tandem si sit anima rationalis, nō potest conferre gradum vitæ sensitivæ, quin simul conferat gradum rationalitatis. Sed dicunt conferre gradū corporis misti in specie atomæ sanguinis, quod non repugnat. Sed probo magis hoc repugnare, quia quodlibet genus diuiditur immediatè per differentias oppositas, & inter se repugnantes, constituentēsq; repugnantes species: sed nec oppositæ differentiæ possunt desumi ab eadem forma physica, nec physicè ab eadē constitui: ergò à diuersis, & oppositis: tunc ergo sāguis sic informatus ab anima per se est species corporis misti, vel ergo corporis misti viuētis, aut oppositi, videlicet non viuētis, nam corpus mistum proximè diuiditur in viuens formaliter, & non viuens formaliter, tanquam in species oppositas: sed sanguis non est species viuētis formaliter: cum non viuatur; ergo formaliter est sub specie opposita corporis misti non viuētis, quam repugnat conferre animam: cum conferat oppositam viuētis, quare repugnabit informari anima.

- 218 Secundò probatur, quia omnes gradus essendi prædicamentales à supremo genere vsque ad atomam speciem, quos potest tribuere quælibet forma physica, sunt eadem res, idemque effectus realis, & formalis eiusdem animæ, ut in Petro gradus substan-



substantiæ, corporis, viuētis, sensibilibis, & rationalis, quare non distinguuntur à parte rei: sed ratione tantum ratiocinatur: ergò repugnat animam conferre vnum, quin conferat omnes. Probat-  
tur consequentia; quia cum informat ante operationē intelle-  
ctus, & à parte rei, daretur vnus separatus ab altero realiter, &  
proinde distinctus ab eo ex natura rei; cum realis separatio in-  
ferat realem distinctionem, vel ex natura rei. Quod tandem  
probo ex nutritione, quia sanguis est vltimum alimentum ani-  
malis, vt docet expressè Aristoteles locis superius citatis, & con-  
uertitur per nutritionem in substantiā aliti, sed conuersio sub-  
stantialis fit per corruptionem substantialem eius, quod cōuer-  
titur in alterum: ergò nutritio fit per corruptionem substantia-  
lem sanguinis: sed corruptio substantialis est amissio formæ anti-  
quæ, & acquisitio nouæ; ergò sanguis per nutritionem amittit  
formam, quam habebat, & acquirit nouam, eius videlicet in cu-  
ius substantiam conuertitur, quæ est anima, vnde sequitur eam  
prius non habuisse, dum erat sub forma sanguinis, vel si eam  
habebat, non corrumpi substantialiter, cum non acquirat no-  
uam: sed solum accidentaliter, & ideò nutritio non erit conuer-  
sio substantialis alimenti: sed mutatio accidentalis eius, quod  
patet esse falsum.

Possent tamen responderi concedendo, quod nutritio sit con-  
uersio substantialis sanguinis in substantiam aliti, quod non  
repugnat, etiā si informetur anima; nam dum est sub forma san-  
guinis, minus perfectè informatur ab anima, & modo vnionis  
minus perfectò indiuidualiter ei vnitur; per nutritionem verò  
licet non suscipiat nouam formam substantialem, suscipit ean-  
dem nouo, ac perfectiori modo indiuiduali informante, quod  
sufficit ad conuersionem substantialem, & vt nutritio sit cor-  
ruptio substantialis alimenti. Quam solutionem satis probabili-  
lem efficere videtur id, quod medici docent, & satis verisimile  
est: videlicet aliquas partes etiam solidas, ac primarias anima-  
lis, ex aliis etiam solidis, & primariis nutriri aliquando, vt ner-  
uos ex carne, aut quid simile, in quarum nutritione non possu-  
mus nos excogitare alio modo conuersionem substantialem  
fieri, nisi ex eo solum, quod desinat anima informare secundum  
modum vnionis indiuidualem imperfectiorem, eam partem,  
quæ conuertitur in aliam, & incipiat eam informare modo  
perfectiori indiuiduali: ita ergo excogitari potest de conuersio-  
ne sanguinis, etiam si informetur anima, & sic soluetur argu-  
ment. Hæc tamen solutio locum non habet: nam vel sanguis  
informatus anima secundum modum vnionis indiuidualem  
imperfectum suscipit ab ea omnes gradus essendi, vel quosdam  
tantum: & hoc postremum probatum est impossibile, & primum  
etiam

etiam probauimus falsum, quia ex eo sequitur sanguinem vivere, quod etiam ei repugnare ostendimus.

221 Ad testimonia Aristotelis pro prima opinione respondeo, duo illa de sanguine asserere, videlicet, quod sit pars animalis, & quod versus omnem differentiam loci moueatur in corpore: sed neutrum probat sentire Aristotelem; quod viuatur, aut informetur anima: nam quod partem esse affirmat, de secundaria intelligit, non de primaria; secundariæ verò partes; nec viuunt, nec informantur anima, neque id est vlllo modo necessariū: sed per proprias formas inferiores anima id habere possunt, & omnia officia sibi propria præstare. Mouetur autem versus omnem differentiam loci, non à se: sed ab eadem anima mediis spiritibus vitalibus tanquam instrumentis, per ordinem, quem habet idem sanguis ad opera, ac functiones vitæ, quod adeò verum est, vt adhuc in corpore recenter morituo ab eisdem spiritibus moueatur: quare ex tali motu non sequitur, quod viuatur, vel informetur anima: nam animata, seu viuencia non mouetur quomodo-cumque: sed à se, hoc est, à principio intrinseco, & ideo hoc tantum modo moueri est argumentum vitæ; aut animationis: vnde nec feruor sanguinis probat eum vivere, sicut nec feruor aquæ, aut motus argenti viui: cum omnes isti motus sint à principio extrinseco, vel si ab intrinseco, non sicut vitales: sed modo alio imperfectiori: sed solum habent quandam similitudinem cum motibus vitalibus.

De adipe verò concedimus, quod non distinguatur substantialiter à sanguine: sed negamus, quod informetur anima eisdem rationibus ac de sanguine.

222 Testimonium verò ex sacris literis desumptum exposuit D. August. quæ. i. 7. in eundem Leuiticum dicens, sensum eius esse quod vita sit in sanguine, quia multis modis ab eodem sanguine dependet: nam ab eo alitur, ac fouetur, non verò esse in eo formaliter, tanquam in corpore animato, quod satis est, vt congruenter præceptum sit peccata animarum per oblationem sanguinis in altari expianda esse, & eodem modo intelligi debent verba eiusdem Augustini citata.

Ad primum argumentum distinguenda est maior, quod omnes partes integrantes eiusdem compositi informantur eadem forma; nam quæ ad primariam constitutionem eius pertinent, verum est, quæ verò secundariæ sunt, informari non possunt.

Ad secundum iam responsum est exponendo testimonia Aristotelis, quod sanguis non mouetur in corpore motu vitali. Sed solum à principio extrinseco.

Pro solutione vltimi adnotare oportet, quod cum sanguis in suo ordine iam exposito sit pars integralis humani corporis, pertinet

pertinet ad integritatem eius, non primariam: sed secundariam, omninò tamen necessariam ad consistentiam, & statum naturalem primarum partium, & totius corporis viventis, & consequenter pertinet ad veritatem humanæ naturæ, quia non esset naturalis homo, nec verus in hoc ordine naturæ, qui non haberet sanguinem, & humores, nec posset sine illo habere operationes virales, aut in esse naturali consistere, propterea vnus, & idem homo constituitur, & integratur ex primariis, & secundariis partibus: nam licet secundariæ habeant proprias formas aut animas inferiores: non tamen completas: sed parciales, per quas ordinantur suo modo, & ordine ad constitutionem totius, quod simul cum primariis componunt, & hinc est, quod non sint al-<sup>223</sup> liæ naturæ distinctæ à composito ipso, nempe natura humana: sed ad eandem referantur: ex eo autem, quod ad integritatem, & veritatem naturæ humanæ pertinent, fuerunt necessario assumendæ à Verbo diuino, alioqui nec integram, nec veram humanitatem naturalem assumpsisset, nec naturalis homo sine illis esset, ex eo vero, quod partes sunt eandem naturam humanam integrantes, eadem assumptione totali, & completa assumptæ fuerunt, & non distinctis, quamuis non informantur eadem forma, quia per proprias incompletas pertinet ad integritatem, & veritatem eiusdem humanæ naturæ, vt expositum est. Quod verò hoc non repugnet, efficaciter probari potest, quia in triduo mortis Christi permanserunt vniti Verbo sanguis, & cæteri humores, & quidem sub propriis formis, & non informati ab anima, quæ à corpore separata non potuit naturaliter eos informare, & nihilominus nemo ausus est dicere, quod tunc non fuerunt vniti, etiam si non informantur anima: sed propriis formis, ac diuersis ab ea, nec etiam aliquis dixit, quod in triduo assumpsit Verbum plures naturas, vel animam, cadauer, & humores pluribus assumptionibus: sed ad eandem naturam pertinere omnes dicebantur, quia ad integritatem, & veritatem eius pertinuerunt, & propterea illius dicebantur esse, & suo etiam modo cadauer cum forma propria: cum dicere soliti simus, & maximà cum proprietate loquēdi, hoc esse cadauer Petri, vel Ioannis, imo, & hoc (signato cadauere esse corpus eius, &<sup>225</sup> ipsummet Petrum, vel Ioannem mortuum, non ergo oportuit nouas assumptiones ponere in triduo factas, licet nouæ fuerint formæ assumptæ, quia omnes pertinuerunt suo modo ad humanitatem à principio assumptam ad quam ordinabantur: nam vbi vnum est propter alterū, non plura esse censentur, & ideo ex vi prioris assumptionis assumpta putatur, & cōsequēter eadē assumptione totali, & completa, qua assumpta fuit à principio natura humana. Ex quibus iam patet solutio argum. nam ad formā eius concedenda

concedenda est maior, quod vnam tantum naturam humanam, & unica assumptione totali, & completa assumpta fuerit à Verbo diuino: sed minor distinguenda, quod natura sit vna per vnā formam substantialem: nam de homogenea absolutè verum est, de heterogenea verò non nisi cum hac limitatione, quod per vnam formam totalem ad quam ordinantur partiales constituentes partes secundarias habeat vnitatem. Et ratio huius differentie sumitur ex perfectione organici, ac viuētis corporis, & vitaliū operationum, tam perfecta enim, & tam diuersa sunt organa eius, & operationes per ea exercitæ: vt præter primarias partes organicas, alias postulet sibi necessarias pro consistentia, & statu naturali earum, & totius corporis ac etiam pro instrumentis ad easdem operationes exercendas, longè tamen inferiores primariis, & quæ in eas transire possunt, & in hunc finem ordinatæ sunt à natura, præsertim sanguis. Et ideo per proprias formas inferiores constituuntur & anima non informantur.

### QVÆSTIO IX.

*An vngues, & capilli informantur anima.*

**P**rima opinio negat vngues, & capillos informari anima: sed existimat habere speciales formas inferiores anima, sicut de sanguine, & humoribus dictum à nobis est, quæst. præcedenti, ita Galen. in lib. artis medicæ, quamuis oppositum teneat 7. lib. de anatomica administratione circa finem, Fernel. lib. Physiologix, capit. 2. Achillin. libr. 2. de elemen. quæst. 1. artic. 5. Thomas Garb. libr. 1. tract. 4. quæst. 53. Fracastorius in suo lib. de anima, Peramatus, lib. de hominis procreatione c. 8. Conciliator differ. 34. Toletus 1. libr. de anima, quæst. 4. Probatur primò ex generatione eorum: nam ex corporum excrementis per virtutem expulsiuam in extremitates corporum reiectis generantur: sed excrementa non sunt partes viuētis, nec possunt disponi pro suscipienda anima; ergo nihil potest ex eis generari, quod sit animatum. Minorem hic probo, excrementa sunt quasi expurgamenta naturæ: ergo materiam eorum à se expellit, tanquam ineptam ad suscipiendam animam quæ ideo non erit capax dispositionum eiusdem animæ, & consequenter vngues, & capilli ex eis geniti non informantur anima. Secundò quia impossibile est aliquid viuere quin exerceat aliquam operationem vitalem: sed capilli, & vngues nullam habent: ergo non viuunt, nec informantur anima. Probatur minor, quia saltem haberent nutritionem, & augmentum, quod constat non habere: nam augmentum proprium ex alimento fieri debet assumpto ab eodem viuente, & eaduerso in substantiam: sed augmentum horum

non

*Tract. de modo quo Anima informat corpus. Q. IX. 209*  
non fit ex alimento assumpto: sed potius ex superfluo eius à  
natura reiecto; ergo non augentur propriè. Præterea non au-  
gentur secundum omnes partes: sed solum secundum antero-  
res, & adhuc istæ solum secundum longitudinem. Et quod his  
etiam partibus accedit, adeò durum est, terrestre, atque imper-  
fectum, vt non videatur capax vitæ, quia sine vilo dolore seca-  
tur, quod habent capilli omnes; ergo nec isti, nec illæ viuunt,  
aut informantur anima. 227

Secunda opinio concedit informari anima, non quidem to-  
tius corporis, sed alia vegetatiua distincta à sensitiua, aut ratio-  
nali totius animalis, vel hominis modo simili, ac herbæ terræ  
adhærentes habent aliam formam distinctam à forma terræ,  
nempe animam vegetatiuam, cuius virtute nutriuntur acce-  
pto succo per radices ab ipsamet terra. Ita D. Bonau. in 4. d. 44.  
q. 2. Dur. q. 1. Et quidè, quod viuant, & informantur anima osten-  
dunt ex argumento, quod propria operatio viuentiū est. Quod  
verò non informantur eadem anima totius, ex modo augmen-  
ti durantis per totam vitam: cùm tamen totum viuens deter-  
minato tempore augeatur vsque ad statum: ergo diuersus iste  
modus augmenti non potest ab eadem numero anima proue-  
nire, & propterea alia distincta eis est concedenda.

Tertia opinio tenet ungues, & capillos viuere, & informari  
anima, non distincta ab anima totius, sed eadem: ita D. Thom. 228  
in 4. d. 44. q. 1. art. 2. quæstiuncula 3. ad 3. lauel. 2. lib. de anima  
q. 10. Bañes 1. lib. de generatione, c. 4. q. 8. art. 4. concl. 3. Viguen  
de institut. c. 21. & quantum ad ungues pertinet, eandem sequi-  
tur Valles lib. 2. controuers. medi. cap. 5. quibus non solum pro-  
prium nutritionem eis concedit, sed etiã sensum tactus: quam-  
uis de capillis neget, quod informantur anima.

Nobis verò displicet in primis opinio secunda, asserens vn-  
gues, & capillos informari anima vegetatiua distincta specie à  
sensitiua brutorum, & rationali hominum, quia superius pro-  
bauimus efficaciter non dari plures animas totales, vel partia-  
les in eodem viuente, præsertim specie distinctas.

Ex aliis verò duabus opinionibus oppositis, quamuis neutra 229  
habet pro se efficacè aliquam, vel vrgentem rationem, & ideò  
æqua probabilitate possit quælibet defendi, placet nihilominus  
tertiam, quod ungues, & capilli informantur anima totius viuentis,  
& ab ea recipiant omnes gradus essendi. Propter autoritatem D.  
Thomæ. Quam in primis colligo ex Aristotele 3. lib. de histo-  
ria animalium cap. 12. in principio, vbi ad tantam duritiem a-  
liquando prouenire ungues docet, vt nihil differant ab ossi-  
bus, his verbis: *Quod idem unguibus etiam euenit: quippe cum in*  
*nōnullis animalium genus unguinum præ nimia duritudine nihilo ab*

*ossibus differat.* Sed de ossibus constat informari animam; ergo idē sentit de vnguibus Aristoteles. Sed probatur ratione 1. ex generatione, & augmento harum partium, quia eodem modo generantur partes istæ in pueris, ac ossa, & carnes, eodem etiam modo crescunt secundum omnes partes, & dimensiones, vt constat experientia; ergo eadem anima informantur, 2. ex continuatione, nam ita adhærent carni, vt non possint diuelli ab ea sine dolore maximo, quod signum est physica continuationis, vt benè adnotauit Vallesius vbi supra dicens apparere in eis versus inferiorem partem fibras, seu venulas, per quas cum carne continuantur, & per easdem quoque defertur ad eas alimentum, vt nutriantur.

330 Pro solutione argumenti aliarum opinionum adnotandum est, quod sicut non omnes partes integrantes, nec omnes partes viuētis corporis eiusdem perfectionis sunt, sic non omnes alimentum ita perfectum, aut tam purum postulat pro suo nutrimento, & augmento; hinc est, quod perfectiores assumunt sibi priores partes eiusdem alimenti, impuras quoddā reicientes, tanquam minùs idoneas ad proprium nutrimentum, respectu cuius excrementa vocari possunt, non tamen omninò inutiles ad nutritionem, & augmentum aliarum partium inferiorum, sed imperfectioni earum proportionatas, & ita contingit in nutrimento primarum partium: vt residuum alimenti minùs purum tanquam sibi minùs idoneum respuant, proportionatum tamen inferioribus partibus, quo aluntur, licet excrementum primarum partium sit. Et eiusmodi sunt capilli, & vngues, quæ licet non sint simpliciter necessarie ad constitutionem compositi, iuuant tamen ad conseruationem eius, atque etiam ad aliquas operationes exercendas per membra corporis, quæ non benè possent sine illis exerceri, quare non solum ad corporis ornatum, sed etiam suo modo ad bonum statum, conseruationem, & operationes eius conceduntur viuenti corpori à natura, & ideo satis congruum est, quod eadem informantur anima. Et ex his patet solutum esse primum argumentum primæ opinionis.

331 Ad 2. verò concessa maiori, neganda est minor quod capilli, & vngues non nutriantur proprie. Et cum dicitur non nutriri ex alimento assumpto: distinguendum est; nam ex partibus eius, verum est, quia ex his solum nutriuntur primariæ partes, vngues verò, & capilli tanquam imperfectiores minùs adhuc puro alimento, quod quasi residuum est eius, quo vtuntur perfectiores, & ab eis expulsum tanquam impurum, & propterea quasi excrementum vocari potest. Negandum est etiam, quod non augeantur secundum omnes partes, atque etiam secundum omnes

omnes dimensiones : nam incrementum , quod per anteriores fit, ex augmento priorum prouenit, vt clarius cernitur, manifestum, que fit, quod secundum longitudinem, latitudinem, & profunditatem augeantur. Quod verò augeantur semper, solum probat non esse primarias, aut præcipuas partes viuents, quæ ex præcipuo quoque alimento nutriantur, sed imperfecto videntur, & facile in propriam substantiam imperfectam conuertendum, nam quasi à præcipuis partibus iam præparatum eis subministratur, certum tamen terminum habere sui augmenti citra dubium est, quia etiam si nunquam præscindantur, ultra certam magnitudinem non procedunt. Capilli verò crescunt<sup>212</sup> quoque secundum omnem dimensionem, vt in pueris percipi potest, quamuis in aliis ætatibus solum percipiatur sensu augmentum secundum longitudinem, quod verò sine dolore præscindi possint, hoc tantum contingit per partes, à carne cum qua continuantur magis remotas diuelli verò non possunt sine dolore, quod satis est, vt per aliquam sui partem carnem contingant, cum eaque continuetur earum substantia, & ideo possint eadem anima informari.

## QVÆSTIO X.

*An quodlibet viuens habeat propriam animam distinctam ab aliâ, vel eadem numero anima sit in pluribus.*

**S**olum restat in fine huius tractatus disputandum, an in singulis viuentibus dentur singulæ, ac distinctæ animæ, vel vna, & eadem sit in multis, aut in omnibus.

In hac re quatuor sententias reperio, seu quatuor potius errores Philosophicos, omnes tamen in eo conueniunt, quod non multiplicent animas ad multiplicationem corporum, seu viuentium, sed vnâ, & eandem numero ponunt in omnibus. Differunt tamen, quod quidam eorum in quibuscumque viuentibus, vnâ esse profitentur, & hos retulit Albertus Magnus in Summa de homine. Alij verò in omnibus hominibus duntaxat posuerunt vnâ animam rationalem. Sed isti tripartiti sunt: nam quidam vnâ illam animam posuerunt assistentem tantum, vt Mirandulanus libr. 31. de euersione singularis certaminis section. 1. & libr. 32. section. 2. & 6. Achilinus in lib. de intelligentiis, qui asserunt ita tenendum esse secundum principia Aristotelis, & naturalis philosophiæ, quamuis secundum fidem Catholicam necessariò sint multiplicandæ singulæ pro singulis hominibus. Alij verò, tenuerunt non informare corpora, sed esse tantum assistentem, ita vt licet homo habeat corpus, cui assistit anima, sed corpus non pertinere ad

substantiam, vel essentiam eius, sed hanc in sola anima (quæ vocatur intellectus consistere) co ferè modo, quo Angelus est forma assistens corpori cœlesti ad mortem, non tamen efficit eum eo compositionem substantialem, quia non vniturei substantialiter, sed ipse est substantia quædam quasi per se cõstituta in suo esse. Sic Themistius in suo lib. 2. de anima, c. 17,

234 Commētator verò 3. lib. de anima, commen. 5. & in destructionibus destructionum contra Algazelem, Animam dixit esse intellectum quendam assistentem, ac separatam à corpore, imò ab homine, & ideò eum non constituere: sed hominem habere quandam aliam animam sensitiuam, quam cogitatiuam vocat, informantem quidè corpus, & constituentem eundem hominem in specie propria, ac perfectiorè animabus brutorū, à quibus per eā distinguitur specie, non per rationalem, quam vocat intellectum separatum, & assistentem omnibus hominibus ad intelligendū, ita vt per eum, (licet vnicum) intelligant omnes, Quam sententiam superius explicauimus, & refutauimus.

Alij verò plures, vt Albertus Magnus in suo tractatu contra vnitatem intellectus, & Cardinalis Bessarion lib. 3. contra calumniatorem Platonis affirmant solum Auerroem id tenuisse,

- 235 Consulto omitto Pythagoræ, ac sectariorū eius delirium de transmigratione animarum in corpora: asserbant enim animam vnius hominis à corpore eius separatam per mortem in alienum migrare, non hominis tantum, sed etiam pecudis, aut alterius bruti; ita vt fateretur de se Empedocles prius fuisse piscem, quàm hominem. Et portentum hoc, quasi ab Orco reuocarunt postea hæretici Albanenses, & Albigeneses, quos egregiè insectatur D. Athanas. lib. 6. de beatitudine Filij Dei. Hæc verò relinquenda esse statuimus, quia ad poetarum fabulas reuocata sunt, & inter eas recensentur.

- Præcipuum fundamentum Mirandulani, & Achillini ad asserendum, quod in doctrina Aristotelis, & principiis philosophiæ non sint multiplicandi intellectus, vel animo rationales pro singulis hominibus, est, quia dubitari non potest, quin secundum principia eiusdem Aristotelis, & veræ philosophiæ anima rationalis (quam intellectum vocant) sit vera forma in-
- 236 formans corpus, & constituens hominem in sua specie distincta à cæteris animalibus. Quo supposito probant vnicam esse in omnibus hominibus hoc præcipuè argument. euident est apud Aristotelem 8. lib. phys. in principio, & 1. lib. de cœlo, & mundo, cap. 12. mundum, & generationes rerum omnium esse ab æterno, atque etiam est euident ex 3. lib. physicor. esse impossibile infinitum actu, ac tandem ferè euident est ex diuersis locis horum librorum de anima atque ex lib. 12. meta. text. 19. animam



animam rationalem, seu intellectum esse immortalem. Ex quibus euidenter sequitur vnicam esse in omnibus: nā si generationes æternæ sunt; ergo præcessere infiniti homines, qui licet etiam fuerint corrupti quantum ad corpora, permanent tamen animæ immortales; ergo dabuntur actui infinitæ, nisi dicat non esse distinctas animas in singulis hominibus, sed tandem in omnibus. Nec soluitur argument. si dicatur materiam esse creatam à Deo ex nihilo in principio temporis. Et ideo genera-<sup>217</sup> tiones incepisse. Quia modus iste incipiendi non est conformis principiis philosophiæ, ex quibus non solum nō habetur, quod creatio sit possibilis, imò oppositum, videlicet, quod ex nihilo nihil possit fieri, sed quidquid sit ex præsupposito materia, vel subiecto fieri, quod videtur fuisse quasi principium per se notum, non solum apud Aristotelem: sed apud omnes philosophos, quamuis ex fide habeatur ex nihilo facta esse omnia in principio temporis. Vnde sequitur, quod cum secundum doctrinam Aristotelis, & principia philosophiæ non sit admirandum infinitum actui, nec animam rationalem cum corpore perire, necessariò dicendum sit vnicam esse in omnibus hominibus tanquam veram formam omnium corporum.

Probat etiam ex alijs quæ docet Aristoteles de eodem intellectu, videlicet, non esse actum corporis 2. lib. de anima text. 11. Quod idem est, ac dicere non esse formam: cum forma, & actus sint idem. Et 3. de anima text. 5. intellectum esse immix-<sup>218</sup> tum corpori, & separatum, & 2. de generat. animalium, cap. 3. de foris venire.

Quod probatur etiam rationibus naturalibus, primò, quia nihil potest multiplicari secundum numerum, nisi ratione materiæ, vnde probabile est, & fortè euidens, quod D. Th. Angelos sentiat non posse distingui solo numero, quia materia caret, sed intellectus est immaterialis: ergo repugnat dari plures numero distinctos; quare necesse est vnū numero in omnibus esse. Nec possibile est quod vnus iste intellectus sit forma informans materiam; ergo assistens tantum erit. Probat antecedes,<sup>219</sup> quia quidquid est in materia, debet esse singulare; cum materia, sit prima radix indiuiduationis, vel saltem conditio eius: ergo si intellectus informat materiam: singularis erit, & ideo non poterit intelligere vniuersalia, quæ abstrahunt à materia, sed singularia tantum, sicut sensus, quod patet esse falsum.

Secundò, si intellectus, vel anima vnitur materiæ, tanquam forma: de tali vnione inquiri, an sit substantia, vel accidens? nam si substantia sit, sequitur, quod dissoluta vnione per mortem peribit anima, cum pereat aliquid pertinens ad substantiā eius: nam ex indiuisibili (quale est anima) nihil corrumpi po-

test quin corrumpatur totū, vt per se est manifestum, & idem inconueniens sequitur, si vnio sit accidens proprium eius, quia non potest naturaliter destrui passio, quin simul destruat essentia, si verò sit commune accidens eius, naturaliter poterit  
 240 ab ea separari, & ita poterit permanere vnita corpori destructa vnione, quod inuoluit contradictionem. Deinde siue talis vnio sit substantia, vel accidens, corporea debet esse: cū per eam vnatur anima corpori, & si corporea sit, repugnat inesse eidem animæ, quia corporeum non inhæret spiritali. Quare omnibus modis repugnat intellectum vniri materiæ, & proinde repugnabit esse formam. Nihilominus animam rationalem non esse vnicā in omnibus hominibus, sed pro singulis multiplicari singulas, tanquam veras formas corporum euident est in doctrina Aristotelis, atque etiam secundum veram philosophiam, & certissimum secundum fidem nostram.

Tria hæc sigillatim, (quanquam breuissimè) probanda sunt contra omnes has positiones. Et quidem, quod anima sit vera forma probatū à nobis est suprà nō solum expressis testimoniis Aristotelis, sed euidentibus rationibus, & idē solū restat nunc probandum hoc supposito, quod non sit vnā in multis, vel in omnibus hominibus, sed singulas multiplicari pro singulis.

Probatur ergo quod non sit vnica anima in omnibus, sed pro singulis hominibus singulæ multiplicentur expressis testimoniis Aristotelis, nam 1. lib. de anima, cap. 3. text. 53. & lib. 2. cap. 1. text. 8. asserit non quamlibet animam informare quodlibet corpus, sed determinatam determinatum, & idē reprehendit insanam positionem Pythagoricā de transmigratione animarum in alia corpora, quæ apertè præsupponunt distinctionem earum. Et lib. 1. 2. metæ. cap. 3. text. 20. negat animas antecedere corpora, si autem vnā tantum foret, omnia certè corpora antecederet. Probatur deinde ratione, quia anima non potest informare res diuisas, ac distantes, cū informatio sit vnio  
 241 realis, & intima formæ cum materiā, & eadem anima non possit multis simul vniri propter limitatam, virtutem informandi. Probatur tandē euidenti experientia, quia euident est quosdam homines esse sapientes & insipientes alios, quosdam studiosos, alios verò vitiis deditos, sed virtutes, & scientiæ sunt in anima tanquam in proprio subiecto; ergo non possunt habere eandem animam, nam ex eo sequeretur eandem animam sapientem simul esse & ignorantem, vitiis, & virtutibus oppositis informatam, imò actus virtutis, & vitiij oppositos simul exercere, & actum scientiæ, & erroris circa eandem propositionem; eandem etiam animam beatam simul in cælo, atque in inferno damnatam, quæ vel cæcis impossibilia, & stulta apparebunt.

Quod

Quod verò certissimum sit contrarias esse has positiones fidei nostræ, probant expressa verba Sacræ paginæ, in quibus distinctio animarum rationalium traditur, vel præsupponitur, ut Ezech. 18. *Omnes anima mea sunt sicut anima patris, ita anima filij: anima qua peccauerit ipsa morietur.* Et Lucæ 16. dicitur animam Lazari delatam esse in sinum Abraham, diuitis verò sepultam esse in inferno. Ex quibus, & alij, eas tanquam fidei contrarias damnavit Ecclesia in Concilio Later. sub Leone 10. sess. 8. hisce verbis. *Damnamus, & reprobamus omnes asserentes animam intellectivam mortalem esse, & unicam in cunctis hominibus, & hac in dubium vertentes, cum illa, non solum verè, per se, & essentialiter humani corporis forma existat, verum, & immortalis, & pro corporum, quibus infunditur multitudinis singulariter multiplicabilis, & multiplicata, & multiplicanda sit.* Et ecce probata tria illa, quæ 242 promissimus, aduersus omnes, qui vel vnicam ponunt animam in cunctis viventibus, vel vnicam in solis hominibus, quæ assistens cum sit, ipsa sola est homo, vel etiam si sit forma informans, non multiplicatur in singulis. Ex quibus constat quàm falsum sit, quod positio Mirandulani, & Achilli asserit, videlicet secundum fidem Catholicam multiplicandas esse animas, sed secundum principia philosophiæ vnicam esse, nam cum utraque veritas, nempe supernaturalis diuinæ fidei, & naturalis philosophiæ deriuentur ab eadem, summa, & infallibili veritate diuina, repugnat esse oppositas, & omninò necessarium est in omnibus, & per omnia esse sibi consentaneas.

Ad primum argumentum aliqui respondere voluerunt dicentes, Aristotelem non fuisse certum de immortalitate animæ, & ideo non probari contra ipsum, quod vnicam posuerit in omnibus hominibus: nam plures ponere potuit, pereuntes tamen cum corporibus. Sed hæc solutio non habet locum in doctrina Aristotelis, quia ut suo loco ostendemus, vel certus de 243 immortalitate animæ fuit, vel ut minimum magis in eam inclinavit, ut euidenter probant diuersa testimonia eius. Sed nec habet locum solutio aliorum, quod transmigrationem animarum cum Pythagora tenuerit, cum expressè eam tãquam fabulosam refutauerit primo libro de anima, textu 53.

Sed D. Thom. 2. libro contra gentes, capite 8. asseruit Aristotelem non egisse de infinito in vniuersali, vel se extendit ad spiritualia, sed solum de infinito in corporibus, de quo solum negauit esse possibile, de infinito verò rerum spiritualium intelligi non potest, quid ipse senserit, nam fortè putauit non repugnare: cum sit quasi infinitum per accidens rerum nullum ordinem inter se habentium. Et ideo nihil certum contra ipsum concludi potest.

Alij tandem fiuntur planè contradictionem in doctrina eius reperiri.

144 Ego verò existimo nihil referre ad solutionem argum. quod hoc, vel illo modo senserit Aristoteles de infinito rerum spiritualium, & animarum, præsertim cum non solum in rebus spiritualibus, sed in rebus physicis successiuis ex eius sententia de æternitate mundi euidenter probetur dari motum, & tempus actu infinitum. Quidquid ergo de hac re senserit, euident est in doctrina eius, vt vidimus multiplicari animas secundum multiplicationem corporum, & pro singulis hominibus dari singulas, & ideò euident est nihil posse probari contra ipsum, vel ex principiis eius in fauorem vnitatis animarum. An verò ex multiplicatione animarum ab eo expressè asserta, aliquid aduersus alia, quæ docuit inferri possit, vel contradictionis argui, nihil prorsus refert; nam licet id concedatur, non minus certò constabit multiplicasse animas aduersus prædictas omnes positiones vnicam ponentes.

145 Ad aliud verò; quod ex principiis philosophiæ assertur ad idem probandum. Respondeo non esse eis contrariam creationem mundi in tempore, nec etiam creationem materiæ, & animæ rationalis, sed valde consentaneam, imò, & creationem esse possibilem, atque etiam materiam, & animam rationalem, non nisi per creationem ex nihilo fuisse factas euidenter, probatur ex eisdem principiis veræ philosophiæ, quibus proinde consentaneum non est, quod ex nihilo nihil possit fieri absolute: sed cum hac limitatione, videlicet à causis naturalibus, aut per virtutem earum, in quo sensu id intellexerūt, & asseruerunt philosophi, putantes fortè, nihil aliud posse efficere primam causam præter illa, quæ per secundas efficit, & si ita senserūt: ignorantia absque dubio veræ philosophiæ in hac parte laborasse videntur, quæ planè docet primam causam habere virtutem actu infinitam, & per eam posse ex nullo præsupposito subiecto res perducere, quod est eas ex nihilo creare. Nihil ergo probari potest ex principiis veræ philosophiæ, præsupposita etiā immortalitate animæ eis satis consentanea in fauorē vnitatis animæ.

146 Alia testimonia eiusdem Aristotelis adducta admittimus, sed negamus, quod ex tribus illis, quæ asserit de intellectu, sequatur vnicū ponere in omnibus hominibus. Nam primum, quod non sit actus corporis, & secundum, quod sit immixtus corpori, & ab eo separatus, non significat extra corpus esse, vel solum ei assistere: sed non esse potentiam organicam informantem aliquam partem corporis, vt potentiam visiuam, aut sensitiuas alias, quia sicut actus eius non exercetur per organa corporis, sic ipse nō est forma alicuius organi, sed est in anima  
tanquam

tanquam in proprio subiecto, & propterea dicitur esse in toto corpore, & in singulis partibus eius, in quibus est anima. Vnde sicut multiplicatur anima pro singulis corporibus, & hominibus, pariter multiplicatur intellectus.

Tertium verò, quod asserit de foris venire intellectum, atque intellectiuam animam, significat non educi de potentia materiæ, sicut cæteras omnes formas, & animas, sed disposita eadem materia ab agente particulari, & organizato corpore infundi à primo; quo autem modo infundatur, vel per quam actionem producat à primo agente, nec explicuit Aristoteles, nec fortè intellexit; benè ramen, quod licet non educatur de potentia materiæ, nec ab ea dependeat, vera sit forma eam informans, & non tantum assistens, vt ex verbis eius euidenter probauimus. 247

Ad primum argument. eiusdem sententiæ facile possemus negare antecedens, quod nihil possit multiplicari secundum numerum, nisi ratione materiæ. Nam valde probabile est in Angelis dari plures solo numero distinctos sub eadem specie, vel id saltem non implicare contradictionem; nec D. Thom. negauit hoc secundum, vt primam partem eius interpretantes cum maiori Thomistarum parte tenuimus. Sed etiam si concedatur repugnare numericam multiplicationem sub eadem specie in rebus purè spiritualibus, negandum est repugnare in anima rationali, quæ licet spiritualis sit, haber tamen intrinsecum ordinem ad corpus, tanquam altera pars essentialis componens cum eo hominem, quod sufficere posset, vt per ordinem ad diuersa corpora multiplicarentur animæ, & consequenter intellectus, qui potentiæ eius sunt: à qua emanant, & in qua recipiuntur tanquam in proximo subiecto.

Circa solutionem secundi argument. de vnione animæ cum corpore, tanquam certum præsupponit Peripatetica schola non esse accidentalem, sed substantialem, quia cum vniantur, tanquam potentia, & actus substantialis, non possunt vniri vnione accidentali, sed necessario substantiali, nec medio aliquo accidenti, sed immediatè in hoc sensu, per modum tamen vnionis substantialem, quamuis pauci quidam, & sine fundamento rationis negauerint per modum aliquem vnionis coniungi substantialem, vel accidentalem, sed vnionem ita esse omnino immediatam ac per se, vt medium quodcumque excludat, vt in nostris commentariis physicis admonuimus. In quibus etiam ostendimus medio modo vnionis substantiali vniri, corporeo quidem (etiam in homine) quia de potentia materiæ educto, & in ea recepto, quo supposito;

Ad formam argument. dum quæritur, an vnio animæ rationalis cum corpore sit substantia, vel accidens, respondeo

esse substantiam, non quidem pertinentem ad entitatem animæ, vel corporis, sed modum substantialem de nouo productum à generante hominem, vnde neganda est consequentia, quod dissoluta vnione pereat anima, quia nihil substantiæ eius perit, sed solum substantialis modus de nouo productus per generationem, qui est entitas realis distincta ab ea, atque etiam à corpore. Quo pereunte permanere potest anima, sicut certum est materiam permanere.

## TRACTATUS DE POTENTIIS

### ANIMÆ IN GENERALI.

**I** Bsoluimus omnia, quæ pertinent ad essentiam, & substantiam animæ, atque etiam ad modum informandi corpus, & partes eius pro explicatione primæ, ac secundæ diuisionis positæ ab Aristotele, capit. hoc 3. restat nunc agere de potentiis eiusdem animæ in generali, quod pertinet ad vltimam, de quibus tria disputabimus. Primum, an potetiæ sint res, vel entitates reales distinctæ ab anima, vel solo nomine, aut ratione formali ab ea distinguantur. Secundò, an, & quonam modo emanent ab ea. Tertiò, à quonam capiant vnitatem, ac distinctionem specificam.

### Q V Æ S T I O I.

*An potentia vitales sint res distinctæ ab anima  
vel sola ratione.*

**2** H Oc est primum querendum de potentiis animæ; ex quæ cætera dependent, an sit potens, atque sufficiens ad eliciendas operationes vitales nutritionis, sensationis, intellectiōnis, & volitionis per propriam substantiam immediatè, ita vt sit proximum principium earū, nam si hoc habet, si solo nomine, vel sola ratione distinguantur ab ea potentiæ vitales, vel non sit proximum principium per suam substantiam, sed accidentibus realibus sibi superadditis indigeat ad easdem operationes eliciendas, quæ accidentia superaddita sint potentiæ vitales, & principia proxima, & quasi formalia, seu instrumenta eiusdem animæ ad eliciendas easdem operationes.

Et prima opinio tenet, potentias vitales non esse entitates, distinctas, aut superadditas animæ, imò nec distinctas rationes formales ab ea, sed esse ipsammet animam, quæ in quantum diuersæ operationis principium est, nomen diuersæ potentiæ induit, vt anima vegetatiua in quantum principium est nutritionis, vocatur potentia nutritiua paritèrque de cæteris. Ita Gregor. in

gor. in 2. distin. 3. quæstion. 2. art. 3. Gabr. quæstion. vnica art. 2. conclus. 2. Ockhamus quæst. 24. & 26. Marf. in 1. quæst. 7. art. 3. Burid. cap. hoc 3. quæst. 6. & Saxonia 2. lib. de anima, quæst. de distinct. potentiærum.

Secunda opinio conuenit cum prima in eo, quod asserit, potentias non esse entitates distinctas, ac superadditas animæ, sed eandem entitatem eius, habere tamen distinctas rationes formales ex natura rei, distinctasque definitiones ab ea, eo ferè modo, quo verum, & bonum distinguunt communiter ab ente, non tanquam res distinctas, sed tanquã rationes formales eiusdem entitatis. Ita Henr. quodli. 3. quæst. 14. Scotus in 2. dist. 16. quæst. vnica. D. Bonauent. in 1. dist. 3. qu. 3. Thomas de Garuio in Summa, tracta. 3. quæst. 2. art. 3. Argument. vtriusque opinionis eadem sunt, atque eò tendunt, vt non sint ponendæ entitates, seu accidentia superaddita in anima ad eliciendas operationes vitales, sed per propriam entitatem substantialem sub diuerso nomine significatam, vel sub diuersa ratione formali desumptam esse principium proximum earum.

Quod probatur autoritate, & ratione: nam Aristoteles in primis ita videtur sentire, dum definit animam cap. 2. huius lib. quod sit principium, quo viuimus, sentimus, mouemur, & intelligimus, quasi dicat esse principium harum operationum per se, ac per suam naturam, & essentiam, non per accidentia, alioqui per sola accidentia definiri animam, quod patet esse falsum; sentit ergo potentias non esse distinctas entitates ab anima. Quod docet etiam D. Augustin. 10. lib. de Trinit. cap. 11. Asserens, memoriã, intelligentiam, & voluntatem vnã tantum vitam esse, non tres vitas, & vnã mentem, non tres mentes. Et expressiùs in lib. de spiritu, & anima. cap. 13. his verbis: *Dicitur anima, dum vegetat, spiritus, dum contèplatur, sensus, dum sentit, animus, dum sapit, dum intelligit, mens, dum discernit ratio, dum recordatur, memoria, dum vult, voluntas, ista tamen non differunt in substantia, quemadmodum in nominibus, quoniam omnia ista vna anima est, proprietates quidem diuersæ, sed essentia vna.* Et D. Bern. de interiori domo cap. 67. ait intellectum voluntatem, & memoriã esse vnã animã, sicut Pater, Filius, & Spiritus Sanctus sunt vnus Deus, atque eodẽ modo loquendi vtuntur passim alij sancti: ergo sentiunt non distingui potentias realiter ab anima.

Ratione verò probatur 1. quia agens, & passum mutuã habent correspondentiam, sed materia, quæ passum est respectu cuiuslibet agentis, & actionis circa ipsã, non indiget ad patiendum potètia passiuã, vel accidenti superaddito, sed per suã entitatem, vel substantiam patitur recipiendo: ergo anima, quæ absque

absque dubio sua natura principium actiuum, aut verum agens est respectu operationum vitalium, non indiget aliquo superaddito accidente ad agendum, vel eliciendum operationes vitales, sed per propriam substantiam immediatè potest eas elicere. Secundò, quia si aliqua esset necessitas ponendi accidentia distincta ab anima pro potentiis vitalibus, maximè quia anima non est operatiua per propriam substantiam, & propterea indiget his virtutibus, aut accidentibus superadditis, quibus mediis operetur, sed hæc ratio præsupponit falsum; ergo non probat distinctionem. Minorem sic ostendo; Opposita sententia, quæ distinguit has potentias realiter ab anima, asserit proximè, & naturaliter emanare ab ea tanquam à principio efficiente, & per actionem quidem cum de potentia ipsius animæ educantur ab agente, quod sine actione fieri non potest: cum ipsamet educio sit actio ad quam non solum passiuè, sed actiuè concurrat anima; ergo agit, & operatur immediatè per se, & per suam substantiam in tali emanatione absque accidenti aliquo sibi superaddito, quod sit potentia; poterit ergo per se immediatè agere ad eliciendas operationes vitales, & ideo nõ indigebit superaddito accidenti, seu potentia à se distincta. 3. si anima non est operatiua per propriam substantiam, sed indiget accidentibus superadditis, quæ sunt potentia, vel ex perfectione, vel ex imperfectione, sed ex neutro capite habere potest; ergo falsum est quòd eis indigeat, vel habeat. Probatur minor, quia maior perfectio est per propriam substantiam posse operari, quàm per accidentia, & propterea Deus sine his operatur per substantiam propriam: ergo quod anima operetur per accidentia, non potest ei prouenire ex perfectione, nec etiam ex imperfectione, quia longè imperfectiora sunt accidentia, & operantur per propriam entitatem per se immediatè absque alia potentia, quæ sit accidens superadditum, vt patet de calore, & de cæteris qualitatibus actiuis; quibus cum longè perfectior sit anima, operabitur per propriam substantiam absque potentiis sibi superadditis. Et vndecumque habeat, quod per accidentia superaddita operetur intrinsecum sibi erit: quare implicabit contradictionem fieri à Deo talem animam, quæ possit operari per propriam substantiam sine accidentibus superadditis, quod durum videtur: cum non appareat ratio conuincens talem repugnantiam.

- 6 Tertia opinio affirmat omnes potentias vitales esse accidentia superaddita anima, & ideo entitates distinctas realiter à substantia eius. Ita Magister in 1. d. 3. D. Thom. 1. p. q. 77. art. 1. quod etiam docet verum esse in Angelis, q. 54. art. 3. Alenf. 2. p. q. 65. memb. 2. Albert. Magn. in 1. d. 3. art. ult. & 2. lib. de anima, q. 7. land. q. 9. Henr.



9. Hent. quodlib. 1. q. 9. Capr. in 1. d. 3. q. 3. att. 2. Mars. Ficinus lib. 10. de Theologia Platonis, ubi affirmat fuisse sententiã eiusdem Platonis in Thimeo, Sotus in Logica, capit. de proprio, Toletus in hoc libro quæst. 9. Caiet. & Bañez super loca D. Thomæ, & quantum ad potentias sensitivas, & vegetativas, Durandus in 1. distinct. 2. in 2. part. disput. quod etiam videtur ibidem sentire D. Bonau. quamvis de aliis potentiis uterque cum Scoto sentiat. Et hæc sententia communis est inter recentiores, & nobis videtur vera, & tenenda. Sed tota difficultas eius consistit in inveniendi aliqua ratione efficaci, qua talis distinctio probetur, quia plures, quæ afferri solent, parum roboris habere videntur, & propterea eas omitto.

Probatum ergo testimonio Aristotelis 1. libro de anima, text. 17. & libr. 2. capit. 2. nam in hoc secundo loco definit animam, quod sit actus corporis physici, & organici, in primo verò asserit intellectum non esse actum corporis, neque ipsum, vel aliquam partem eius informare: hæc autem aperte contraria sunt, nisi sentiat Aristoteles, intellectum, & animã esse duas entitates realiter distinctas; ergo absque dubio id sentit. Probo minorem, quia si intellectus solo nomine differt ab anima, ut asserit prima sententia, evidens est, quod si hæc est actus, & forma corporis, intellectus quoque actus, & forma erit: quare non potest in doctrina Aristotelis sustineri. Sed nec secunda, quia licet intellectus distinguatur ab anima quadam ratione formali, impossibile est animam informare corpus, quin eo ipso informet intellectus: nam forma secundum entitatem realem, & per illam informat corpus: sed intellectus est eadem entitas realis cum anima; ergo repugnat hanc informare corpus, quin ille eo ipso informet. Præterea idem Aristoteles 1. lib. Ethicorum ad Nicomachum, cap. 6. de intellectu, & anima loquens, sic ait: *quemadmodum in corpore est visus, sic in anima est mens, & aliud in alio*, quæ non possunt esse vera sine reali distinctione, quia visus realiter distinguitur à corpore, quod patet sine eo esse posse: ergo mens, seu intellectus ab anima. Nec potest esse verum, quod aliud sit in alio, sine reali distinctione: nam intellectus nõ potest esse in anima, nisi tanquam pars in toto, vel tanquam accidens in subiecto, & neutro modo potest esse sine distinctione reali, cum pars distinguatur à toto realiter, & accidens non possit inhxerere subiecto, nisi realiter distinguatur ab eo, quia realis inhxerentia unus in altero præsupponit realem distinctionem. Quod etiam non obscure docuerunt Sancti Patres, & in primis D. Dionys. capit. 11. Cœlestis hierarch. ubi de Angelis ait, quemlibet dividi in substantiam, virtutem, & operationem, ita distinguens virtutem à substantia sicut operationem ab utraque,

utraque, constat verò operationem esse accidens distinctum realiter ab eis, quia in solo Deo operatio est substantia eius; ergò sentit tria illa distinguí realiter. Quod si verum est in Angelis, multò melius in anima. D. Augustinus 15. de Trinitate, capite 7. in principio asserit mentem non esse animam: sed aliquid eius, vel aliquid in ea; mentem verò distinguít expressè à notitia, quare per eam necessariò intelligit potentiam intellectiuam, Anselm. in libro de casu diaboli, expressè ait, potentias animæ non esse substantiam eius, non tamen omninò nihil. Et Damascē. in sua Dialectica ponit potentias animæ in prædicamento qualitatis, & ideò sentit esse vera accidentia realia, quare non esse idem realiter cum substantia eiusdem animæ.

Sed probatur ratione, primò à priori præsuppositis duobus principiis tanquam certis, primum, quod naturalis potentia operatiua alicuius actus constituit secundam speciem qualitatis. Quod docet expressè Aristot. in eo prædicamento, & admittunt omnes.

- 10 Secundum præsuppositum est, quod potentiæ sumunt suam speciem ab actibus, hoc est, per ordinem ad illos, quod docet expressè Aristoteles in hoc 3. cap. & probatur efficaciter, quia potentiæ ordinantur per se primò ad actus, tanquam ad finem, propter quos eliciendos tribuntur rebus à natura; ergò tales
- 11 sunt naturæ potentiæ, quales sunt actus. Ex his duobus principiis constituo hoc modo argumentum, potentiæ vitales, vt nutritiua, sensitiua, & intellectiua sunt operatiuæ alicuius actus, nempe vitalis operationis; ergò pertinent ad secundam speciem qualitatis ex priori principio præsupposito: sed qualitas, & eius species sunt accidentia realia; ergò potentiæ vitales sunt accidentia realia animæ superaddita, per quæ elicit tales operationes. Probatur etiam consequentia ex posteriori principio, quia operationes vitales sunt accidentia; ergò potentiæ per se ordinatæ ad illas, vera quoque & realia accidentia erunt: sed accidens reale non potest esse eadem entitas realis cum substantia, vt sæpe à nobis probatum est. Præferim in prædicamento ad aliquid, & iam recipiunt omnes; ergò potentiæ vitales realiter distinguuntur à substantia animæ.

- 12 Secundò probatur in anima rationali hoc modo; implicat contradictionem, quod res corporea, & materialis sit idem realiter cum incorporea, & spiritali, vt per se est manifestum: sed potentiæ sensitiuæ, & sensationes in homine sunt corporeæ, & materiales: cum sint in organis corporis, vt visus in oculis, & auditus in auribus, & operationes eorum fiant per species corporeas, ab obiectis sensibilibus productas in easdem potentias,
- 37que

atque etiam recipiantur in eisdem potentiis: cum sint immanentes, & exerceantur per eadem organa corporeæ; ergo distinguuntur realiter ab intellectu, & voluntate, quæ sunt potentia eiusdem animæ rationalis: sed ex hoc sequitur euidenter distinguui realiter ab eadem anima, quia si essent idem realiter cum ea, essent etiam, idem realiter inter se: ergo necesse est distinguere omnes realiter ab anima.

Probatur tertio, euidenti inductione discurrente per omnes substantias creatas corporeas, vel corpore præditas: de quibus euidentius est non operari per se immediatè: sed per potentias superadditas, quæ sunt accidentia realiter ab eis distincta: vt de elementis, atque corporibus celestibus, atque etiam de corporibus viuentibus, quæ per calorem naturalem operantur nutritionem, & augmentationem patet; ergo eadem est ratio de anima, non solum vegetatiua, & sensitiua; sed rationali.

Ad testimonia Aristotelis respondeo ex verbis ipsius faciliè intelligi sensum. Afferit enim animam esse principium, quo primo viuimus, sentimus, mouemur, & intelligimus, quasi dicat, animam esse primum principium, ac radicem harum operationum, quod absque dubio habet per suam substantiam: sed hoc non tollit, quin esse principium formale, & proximum habeat per potentias sibi superadditas, atque adeo realiter à se distinctas. Simul ergo stare possunt, quod per propriam substantiam definiatur: sed in ordine ad operationes, cuius prima radix atque principium est. D. autem August. in 1. loco docet omnes potentias animæ radicari in eadem anima, quæ cum sit principium vnius, atque eiusdem vitæ, & non plurium, ipsæ quoque potentia dicuntur esse vna vita, & non plures, hoc est, in vna vita ab anima procedente radicari, & non in pluribus, in quo etiam sensu asserit non esse plures mentes: sed vnam. Sensum verò alterius testimonij plane indicant postrema verba eius, videlicet: *Quoniam omnia ista vna anima est, proprietates quidem diuersas, sed essentia vna*, quibus fatetur proprietates, seu potentias animæ, per quas omnia illa officia, vel operationes exercet distinctas esse inter se, & proinde ab eadem anima; sed emanare ab ea tanquam ab eodem principio, & in hoc sensu esse eandem animam, quæ in quantum, diuersa illa officia per eas exequitur, diuersa nomina sortitur: sed nomina ipsa, neque continere, neque explicare diuersam substantiam: sed eandem: causalis est igitur sensus, per quem simul cum diuersitate potentialium significatur vna, & eadem substantia animæ, in qua radicanatur, & à qua emanant.

Ad primum argumentum concessa maiori, & minori, quod materia sit per propriam entitatem principium passiuum respectu

specu cuiuslibet agentis, neganda est consequentia, quod anima sit principium actuum proximum, atque formale suarum operationum per propriam substantiam. Et ratio differentiae in eo consistit, quod esse principium passiuum perfectionis est, & ideo non indiget aliquo superaddito, quod sit potentia, sed materia ipsa tanquam imperfectissima per se ipsam illud officium exequitur, agere vero maxime perfectionis est, quam non attingit creatura per propriam substantiam, sicut nec actio ipsa, vel operatio propria eius substantia esse potest, solius enim Dei est, tanquam agentis infinitae perfectionis sic agere, ut tam virtus agendi, quam actio ipsa sit eius substantia. Tribuere igitur animae sicut ceteris quibuscumque agentibus creatis accidentia superaddita pro virtutibus, ac potentiis ad operandum, non est multiplicare entitates sine necessitate: sed omnino necessarias eis concedere, sine quibus agere non possent.

15 Pro solutione 2. argum. duo adnotanda sunt, ex quibus duplex oritur solutio eius. Primum est, duplicem esse actionem, unam dependentem non à solo agente: sed ab aliis extrinsecis, videlicet subiecto, aut obiecto, approximatione inter agens, & passum, & per quam producitur aliquid non habens necessariam connexionem cum eodem agente; & hæc vocatur operatio communi appellatione. Sub qua comprehenduntur omnes operationes immanentes, & transeuntes, omnesque mutationes, & motus. Alia est actio non dependens ab aliquo extrinseco: sed à solo agente, cuius essentiam sequitur naturaliter, & necessario, & per quam aliquid producitur habens non solum necessariam: sed immediatam connexionem cum eodem agente, 16 & hæc non vocatur operatio, imò nec vocari solet actio: sed naturalis quædam resultantia effectus ab agente, & uterque modus actionis conuenit animæ, prior quidem respectu operationum vitalium, posterior respectu potentiarum, per quas illas elicit, & ad priorem modum agendi necessario requirit potentias sibi superadditas, non ad posteriorem. Et ratio differentiae est, quia per modum posteriorem agendi, naturaliter, & sine dependentia ab aliquo extrinseco actio sequitur, atque etiam effectus, & talis quidem, qui necessariam, atque immediatam connexionem habet cum substantia eiusdem animæ, & propterea naturalis potius resultantia vocatur, quam actio; quare repugnat per mediam aliquam potentiam, aut virtutem distinctam ab eadem substantia fieri: nam eo ipso immediatior esset hæc eadem virtus, præterquam quod processus in infinitum daretur, ut consideranti facile patebit.

Prior verò agendi modus non habet has condiciones, quia nec naturaliter, vel necessario sequitur actio cum dependentia à solo

à solo agente: sed ab aliis extrinsecis, nec effectus, qui produ-  
citur habet necessariam, atque immediatam connexionem cum  
eo; & propterea necessario ad illum requiruntur potentia, per  
quas determinetur ad diuersa obiecta: nam secundum propriam  
substantiam indifferens est ad omnia. Euidens exemplum ha-  
bemus vtriusque actionis, atque etiam assignati discriminis 17  
inter vtramque in aqua, de qua constat non posse operari cum  
dependentia ab extrinsecis, nisi per frigiditatem, & humidita-  
tem, quæ sunt virtutes, ac potentia ei superaddita, realiterque  
ab ea distincta, & nihilominus si expellatur ab ea frigiditas ab  
igne per calefactionem, senoto igne reducit se naturaliter, &  
necessario ad pristinam frigiditatem, per actionem quidem po-  
sterioris ordinis, non tam actio, quam naturalis resultatio vo-  
cata, sine aliqua virtute, aut potentia media: per quam talis actio  
ab ea procedat: sed immediatè procedit à substantia eius, quo-  
exemplo (nisi ego fallor) conuincitur doctrina tradita. Et sol-  
uitur argument. nam ad formam eius distinguenda est maior  
quod propterea anima indigeat potentiis superadditis ad ope-  
rationes vitales eliciendas, quia non est immediatè operativa  
nam eodem modo agendi, quo est principium earum, verum est  
non esse immediatè per se operatiuam, nec talem modum agē-  
di habet in ordine ad potentias vitales, sed longè diuersum, &  
quem exercere repugnat per potentias superadditas, ut proba-  
tum est: quare ex eo non probatur, quod operationes vitales  
per tales potentias non eliciat.

Adnotandum est secundò ad idemmet agens, quod aliquam 18  
rem producit, pertinere ea omnia cum ea producere, quæ illi  
debita sunt ex vi generationis, aut productionis in eodem in-  
stanti, in quo generatur, vel producit, & cum proprietates: &  
potentia debeantur rei ex vi generationis, & in instati, in quo  
generatur, productio earum generanti tribuenda est, cui natu-  
raliter incumbit, non quomodocumque rem producere, sed in  
bono statu ei naturaliter debito. Itaque dum homo hominem  
generat, vel leo leonem, non solum producit substantiam, sed  
in eodem instanti omnes passiones, & proprietates, atque po-  
tentias naturales eorum, ut vegetatiuas, & sensitiuas: & ita dum  
Deus creat animam ex nihilo, in eodem instati educit de po-  
tentia eius intellectum, & voluntatem: hæ autem potentia, &  
passiones producuntur quidem à generante, vel creante; tan-  
quam ab agente principali, media tamen substantia, vel essen-  
tia animæ, tanquam instrumento, quia naturaliter tam conse-  
quuntur. Vnde anima non concurret effectiue ad emanatio-  
nem, vel productionem potentiæ, tanquam præcipuum a-  
gens, sed tanquam instrumentum eius: & cum instrumentum

non operetur per aliquam virtutem permanentem sibi imptef-  
sam, vel superadditam à præcipuo agente, sed per motionem  
eius, vel tanquam virtus eius, idè anima non solùm non con-  
currit ad productionem, vel emanationem potentiarum per a-  
liquam virtutem, aut potentiam superadditam, sed immediatè  
per propriam substantiam tanquam virtutem præcipui agen-  
tis, & instrumentum eius, sed respectu operationum vitalium  
19 præcipuum agens est, & idè potest per potentias eas elicere,  
imò necessarium est, vt probauimus.

Ex quibus facillè respondetur ad argum. distinguendo etiam  
maiores, sed alio modo, nam cum dicitur idè animam ope-  
rari per potentias, quia nō est immediatè per se operatiua: di-  
stinguo maiorem, tanquam causa principalis verū est, & à no-  
bis probatum, sed tanquam instrumentum generantis, vel pro-  
ducentis substantiam eius, falsum; quia ad rationem instrumē-  
ti non requiritur virtus impressa, vel superaddita, sed sufficit  
extrinseca motio agentis principalis, vel sufficit esse virtutem  
eius per se ordinatam ad talem effectum; quare non benè infer-  
tur ex eo, quod possit effectiue concurrere ad emanationē po-  
tentiarum per propriam substantiam, posse per eādem sine po-  
tentiis mediis concurrere ad operationes vitales, propter di-  
uersum modum operandi, nam ad illam concurrat per modum  
instrumenti, ad has verò tanquam præcipuum agens, constat  
verò plus ad hoc requiri, quàm ad illud in quibuscūque agen-  
tibus. Et ex his duabus solutionibus, posterior hæc magis pla-  
cet, quia tollit prorsus difficultatem argumenti.

20 Ad formam vltimi argumenti respondent plures ex recen-  
tioribus negando maiorem, quod anima indigeat potentiis su-  
peradditis ad operandum propter perfectionem, vel propter  
imperfectiōem, sed propter modum naturalem agendi crea-  
turæ. Ego verò cenſeo non posse negari, quod propter imperfe-  
ctionem eis indigeat, quia id conuincit argumētum, cum mo-  
dus operādi perfectissimus sit per propriam substantiam, & si-  
ne interuentu alicuius virtutis accidentalis effectum attinge-  
re, & propterea soli Deo attribuitur, & nulli creaturæ. Hoc igitur  
admisso, ad illam partem minoris, quæ asserit accidentia  
esse imperfectiora, & operari per proprias entitates sine aliis  
virtutibus superadditis. Respondeo, accidentia esse virtutes sub-  
stantiæ, per quas suos effectus attingunt, & idè non posse per  
alias virtutes operari, quia daretur processus in infinitum, im-  
mediatè autem, & per propriam entitatem attingere effectum  
tanquam virtutem alterius maioris longè imperfectiōis est,  
quàm attingere tanquam agens principale per virtutes pro-  
prias superadditas, vt per se est actum.

DVBIVM INCIDENS.

*An per potentiam Dei absolutam dari possit creatura, qua operetur immediate per propriam substantiam.*

**C**irca aliud, quod in eodem argumento additur, videlicet: quod vndeūque habeat anima indigere potentiis superadditis ad operandum, erit sibi intrinsicum, & ideo implicabit contradictionē, quod sine medijs potentiis possit elicere actus vitales, breue dubium occurrit, an producibilis sit adeo substantia, quæ sine medijs accidentibus possit operari, & ideo idem realiter sint in ea essentia, & potentia, vel contradictionem inuoluat. Et quod non implicet contradictionem dari talem creaturam sic operantem, vt animam, vel Angelum tenent recentiores quidam, quorum hoc est præcipuum fundamētum, quia talis modus operandi sine medijs potentiis superadditis non postulat in operante virtutem infinitā, sed operās immediate per propriam substantiam limitatum foret secundum eam ad certum genus, & differentiam hominis, aut Angeli: ergo non pugnat talis modus operandi cum limitatione creaturæ, & ideo non est censendus omnino impossibilis: præsertim cum prima, & secunda opinio, vt vidimus in præcedenti questione, teneat operari animam per propriam substantiam immediate, hoc est sine accidentibus superadditis, quare durum videtur, non posse fieri à Deo talem substantiam sic operantem.

Oppositam verò sententiam tenet absque dubio D. Thom. locis citatis, præsertim 1. p. q. 54. art. 3. vbi licet expressè nō asserat implicare contradictionem, quod potētia operatiua Angeli, vel animæ sit eius essentia, ratio verò qua vtitur ad id probandū, vel nihil omnino probat, vel probat implicare contradictionem, & ideo euidēs est id sentire. Probat enim ex intrinseca imperfectione, & limitatione creaturæ id prouenire; quod si verum est, contradictionem implicabit, cum repugnet omnino dati aliquam creaturā non habentem esse limitatum, atque imperfectum. Ratio igitur eius hæc est, intelligere Angelum, vel operatio alterius creaturæ non potest esse substantia eius, quia ad solam infinitatem Dei pertinet, quod intelligere, vel operari sit substantia eius: esse verò creatum ex intrinseca limitatione, & imperfectione habet, quod operetur medio accidenti, quod sit eius operatio, vt aduersarij, & omnes concedunt, ergo nec potentia operatiua potest esse essentia, aut substantia eius. Consequentiam probat, quia essentia creaturæ ex sua ratione intrinseca est in potentia ad duos actus, videlicet ad esse substantiale, aut subsistentiam, per quod completur sub-

- stantialiter, atque etiam ad operationem, tanquam ad actum accidentalem, per quem perficitur accidentaliter, sed potentia sumit suam speciem ab actu, ad quem essentialiter ordinatur; ergo potentia creaturæ ad esse substantiale substantialis est: cum actus essendi sit ei substantialis, potentia verò ad operandum accidentalis, sicut operatio ipsa, ad quam ordinatur, & à qua sumit suam speciem, & rationem, est accidens; repugnat igitur, quod potentia operatiua substantiæ creatæ sit ipsamet eius substantia. Quod hac etiam ratione probari potest, ac declarari si-
- 23 inul. Potentia ad operandum præsupponit essentiam ultimò terminatam, atque completam per actum essendi, quem prius respicit, quàm operationem; ergo est potentia accidentalis, Probatur consequentia, quia quidquid aduenit enti ià completo in sua essentia, & per suam subsistentiã, non potest esse substantia eius, sed accidens ei superadditum: atque adeò realiter ab ea distinctum, quia nõ potest entitas realis superaddita esse idem realiter cum entitate, cui additur: Præter quam, quod satis efficaciter probatur repugnare, quod accidens reale sit idẽ realiter cum substantia. Et hæc ratio non est parum efficax ad probandum contra Scoti distinctionem reale potètiarum ab anima, & hæc sententia D. Tho. videtur mihi longè probabilior opposita.
- 24 Ad primum verò argum. negandum est antecedens, quod modus operandi per propriam substantiam sine potètia superaddita non postulet virtutem infinitam in operante, postulat enim, sicut modus operandi operationẽ, quæ sit eius substantia. Hæc est enim summa perfectio diuini esse, quòd sicut est propria essentia Dei, sic est etiã propria operatio eius, quare repugnat communicari creaturæ. Nec durum est asserere, quod contradictionem implicet dari creaturam sic operantem, licet multi teneant actu dari, quia rationes quibus probatur nõ dari, procedunt ex limitatione creaturæ ei essentiali, & ideò eadẽ probabilitate, qua probant non dari, probant quoque implicare contradictionem, quod detur; quod verò non sint demonstrationes, nihil refert, nam satis est esse valde probabiles, ut asseratur implicare contradictionem, & valde probabile esse, quod per potentiam Dei absolutam fieri repugnat, non est enim necessaria demonstratio, nam si talis daretur, non esset disputabile, an per potentiã Dei absolutã fieri possit, sed euidens, quod nõ possit.

---

#### QVÆSTIO. II.

*An potentia vitales possint realiter separari ab anima per potentiam Dei absolutam.*

- 25 **E**X definitis quæstione præcedenti, quod potentia distinguantur realiter ab anima, resultat præsens de separatione ab ea.



ab ea. Præsupponitur autem tanquam certum apud omnes, naturaliter non posse separari ab anima propter naturalem, ac necessariam connexionem, quam habent cum substantia eius, eo ferè modo quo ceteræ proprietates, seu passiones cum propriis essentiis, quas consequuntur. Propterea titulus quæstionis quærit, an per potentiam Dei absolutam talis separatio potentialium ab anima fieri possit, & eadem est quæstio de propriis passionibus, quæ sunt potentia ad operandum respectu subiectorum, à quibus emanant.

Et prima opinio impossibilem reputat talem separationem. Ita Caiet. 1. par. q. 54. art. 3. §. ad 3. rationem, & eiusdem sententia videtur esse Capreol. in 1. distin. 3. q. 3. Ratio Caiet. est, quia potentia habent immediatam, ac necessariam connexionem cum anima, & emanant ab ea, efficienter quidem, non tamen per aliquam actionem mediam, sed per immediatam dependentiam. Sed talis modus dependentia non potest suppleri à Deo, quia 26 est intrinsecus, atque immediatus, & eo ipso, quod à Deo solo dependerent, tolleretur, ergo repugnat omnino talis separatio. Secundò potest probari, quia si intellectus separaretur ab anima, duplex implicatio contradictionis sequi videretur, prior quidem, quod anima ipsa simul sit intellectiva, & non sit intellectiva, nam cum separato ab ea intellecta adhuc sit rationalis, etiam est intellectiva, & cum sit intellectiva per potentiam intellectus, & eam non habens, non erit intellectiva. Posterior est quòd intellectus separatus posset intelligere, quia cum sit potentia naturalis sufficiens est ad actum eliciendum, & ex alia parte non potest actum elicere, nisi radicatus in anima.

Secunda opinio communis est, *quod supposita distinctione reali potentialium ab anima, separabiles sint ab ea per potentiam Dei absolutam.* Ita Ferrar. 4. lib. contra gentes cap. 69. Bañez 1. p. q. 77. art. 1. dub. 1. ad 4. Sotus in prædicab. c. de Proprio, & omnes ferè recentiores; & est vera, & tenenda.

Quam ut probemus, adnotare oportet, proprietates rerum esse triplices, quædam sunt accidentia perfectæ, seu completa superaddita substantia ad operandum per illa, & tales sunt potentia vitales respectu animæ, & omnes potentia naturales operatiuæ, aliæ sunt imperfectæ, & quasi incompletæ, quia potius modi rerum, quas consequuntur, vocari debent, quàm res, quia nihil aliud in re, quàm consequuntur, ponunt, præter talem modum se habendi, & tales sunt præsentia, & figura, nam illa solum ponit talem modum se habendi in ordine ad spatium, & figura talem modum se habendi per proprios terminos. Aliæ denique, neque res sunt, neque modi rerum, sed rationes formales, & speciales entitatis earum, & tales sunt pas- 27

siones, vel proprietates entis, ut verum, bonum, & vnum.

Hoc supposito de solis potentiis quæ sunt accidentia completa substantiæ superaddita ad operandum, intelligitur nostra sententia, ac præsertim de potentiis animæ, quas vitales appellamus. Et probatur, quod possint separari ab anima per potentiam Dei absolutam, hoc modo; potentiæ non habent essentialem, aut intrinsecam cōnexionem cum anima; ergo per diuinā potentiam separari possunt ab ea. Probatur antecedens, quia ex vna parte sunt effectus reales, & realiter distincti ab ea, à quibus procedunt tanquam à causa efficiendi instrumentali per veram actionem, ut superius probauimus, & inferius etiam probauimus; & ex altera non sunt modi eius, sed entitates reales, atque completæ eidem animæ superadditæ. Ex priori igitur habent, quod ita possint separari ab anima, ut possit anima sine illis esse. Quod probatur experientia, & ratione, experientia quidem, 28 nam in cæco permanet anima sine potentia visiva. Ratione verò, quia potest Deus suspendere actionem illam, per quā emanant ab anima, & permanebit anima sine illis. Quod ita probō, magis intrinseca est emanatio esse ab essentia, vel substantiæ à natura, quàm potentiatum ab anima: cum substantia sit modus substantialis essentiæ, per quem substantialiter terminatur: potentiæ verò sint accidentia, sed Deus suspēdit emanationem substantiæ à natura in humanitate Christi non habente substantiam propriam; ergo multo melius poterit suspendere emanationem potentiæ ab anima, & tunc sine illis permanebit. Ex posteriori verò habetur, nec repugnare, quod potentiæ ipsæ separatæ ab anima possint cōsistere: cum sint entitates completæ, quamuis naturaliter dependentes ab ea. Quod efficaciter probari potest exemplo quantitatis in Eucharistia existentis desidente substantia panis, in qua erat: est enim quantitas propria passio substantiæ corporeæ, aut materiæ primæ emanans immediatè ab ea, non minùs quàm potentiæ ab anima, ergo nec ex hac parte potest repugnare separatio earum.

Nec argu. Caiet. probat repugnantiam separationis, quia duo assumit falsa: Primum, quod potentiæ habent intrinsecam cōnexionem, aut dependentiam ab anima. Postremum, quod sine vlla media actione emanant ab illa: primum namque probauimus modò falsum, & falsitas postremi inferius probabitur; interim verò sufficit id negare ad solutionem argumenti.

29 Ad secundum negandum est antecedens, quod duæ illæ implicationes sequantur ex separatione reali potentiæ ab anima. Prior enim hac distinctione tollitur, animum esse intellectiuam duplicem sensum habere potest, videlicet formalem, & radicalem; formaliter intellectiua dicitur per intellectum radica-

radicaliter verò per essentiam, quæ radix est intellectiux potentix, & hoc modo intellectiuam esse, idem est ac esse rationalem, quod proinde prædicatum essentiale eius est ab ea nullo modo separabile. Separato igitur ab anima intellectu non esset anima sine vilo permanens intellectiua formaliter, esset tamen intellectiua radicaliter. Nec posterior implicatio sequeretur, quia si talis separatio fieret, nec posset anima intelligere sine intellectu, nec intellectus sine anima, quia neque anima potest concursum requisitum ad intellectionem præstare, nisi medio intellectu in se radicato, nec intellectus propriam exercere operationem, nisi actu radicans in anima.

---

B R E V E D V B I V M.

*An potentia vitalis separata ab anima, posset vniri subiecto extraneo per potentiam Dei absolutam.*

**S**ed restat breuiter inquirendum, an separans Deus intellectum ab anima rationali, vel quamlibet aliam potentiam, posset eam vnire alteri subiecto extraneæ naturæ, vt lapidi, aut ligno, aut animæ se inferiori, aut alicui bruto, vel plantæ, hæc enim omnia reputarentur subiecta extraneæ naturæ? 30

Et respondeo implicare contradictionem. Quod sic ostendo; implicat contradictionem, quod forma aliqua vniatur alicui subiecto, quin ei conferat proprium effectum formalem, vt quod calor vniatur corpori, quin illud constituat formaliter calidum, sed repugnat intellectum præstare proprium effectum formalem lapidi; ergo repugnat ei vniri. Minorem probabo, quia effectus formalis, quem intellectus præstat subiecto, est constituere illud formaliter intellectiuum, hoc est, formaliter potentem elicere intellectionem tanquam principium formale eius, sed effectus iste repugnat omnino lapidi; ergo repugnabit, quod ei vniatur intellectus. Minor sic probatur, esse principium formale intellectionis est, præstare concursum ad talem operationem, per se quidem, & per intellectum, vel saltem per intellectum, sed neutro modo potest lapis præbere talem concursum, nam per se, hoc est, per propriam virtutem illum præbere euidentem repugnantiam continet, cum sit ordinis superioris, & repugnet essentiam inferioris ordinis esse radicem, aut per se continere virtutem ad operationem, ordinis superioris. Nec continet minorem repugnantiam, quod possit lapis præbere concursum ad intellectionem per intellectum, quia ideo anima potest per intellectum talem concursum præstare, & ita per eum elicere intellectionem, quia est 31

virtus, ac potentia eius à se emanans, sed repugnat intellectum esse virtutem, aut potentiam lapidis, aut emanare ab illa; ergo; repugnat, quod lapis ipse præstet aliquem cōcursum per intellectum ad eliciendam intellectionem, aut per eum intelligat.

### QVÆSTIO III.

*An potentia vitalis separata ab anima existeret per modum perfectissimæ ei superadditum, vel per solam actualem existentiam propriam cum negatione actualis inhærentiæ.*

32 **P**RÆsupposita actuali separatione potentiarum ab essentia, quam probauimus possibilem per potentiam Dei absolutam, scitu dignum est, quonam modo se haberet potentia actu existens sine anima, atque etiam sine alio subiecto, hoc est, an haberet statum violentum, sicut habet lapis in superiori loco positus, vel naturalem, sicut habebat, dum erat in proprio subiecto, aut præter naturam, quia per miraculum ita se haberet.

Sed quæstio hæc præsupponit aliam difficiliorem, circa modum existendi, quem haberet tunc potentia, an videlicet esset per se existens per solam negationem actualis inhærentiæ, quam habebat in subiecto, & efficientiam diuinam sine illa conseruaretur, vel per alium modum perfectitatis sibi à Deo superadditum, per quem terminaretur, atque cōpleretur essentia eius. Et quod de potentia vitali separata proponimus discutendum, intelligitur de quocunque accidenti, quod à Deo separaretur à subiecto, vt de quantitate Eucharistiæ à substantia panis separata, & sine subiecto existente.

33 Et prima opinio tenet non conseruari modo priori, sed per modum perfectitatis sibi superadditum, quem modum existimat Caietan. esse substantialem, nempe existentiam substantialem actualem, quæ licet non possit conuenire naturaliter accidenti, potest tamen virtute diuina, ita tamen, vt licet communicatio huiusmodi substantialis sit supernaturalis, sed postquam communicatus est supernaturaliter, naturale sit accidenti, per illum existere sine subiecto, sicut naturale est cæco, cui visus per miraculum restituitur per eum videre. Hanc tamen sententiam Caietani satis efficaciter impugnât Pater Suarius tomo 3. in 3. partem Diu. Thom. disp. 56. sect. 2. quia modus substantiæ omnino repugnat accidenti, atque etiam Pater Valentia 3. p. disp. 6. quæst. 5. puncto 1. Suarius verò ipse, & recentiores alij entitatem accidentalem asserunt esse talem  
34 modum, sed quasi substantialem quantum ad officium; quia sicut substantia substantiæ determinat actualem existentiam eius, & præstat ei independentiam à quocunque subiecto: quod etiam accidit cam formaliter, & positiue subsistentem per se, ad similitu

similitudinem eius modus per se virtute diuina communicatus accidenti, licet reuera, & quasi materialiter sit entitas realis accidentalis, ac modalis, sed officio est quasi modus substantialis: cum actuali existentiae accidentis separari tribuat independentiam à quocunque subiecto, faciâtque accidens ipsum per se esse, & quasi subsistere realiter. Quod videntur etiam sentire Ferrar. 4. contra gentes, cap. 66. Ruardus art. 14. pagin. 295. Probant testimonius D. Thom. in 4. distinct. 12. quæst. 1. art. 1. quæstiunc. 3. vbi asserit, quantitati Eucharistiæ dari, vt per se subsistat, & expressius 3. par. quæst. 77. art. 1. ad 4. vbi post separationem, inquit, dari accidentibus Eucharistiæ nouam compositionem ex esse, & quod est, hisce verbis: *Accidentia huiusmodi manente substantia panis, & vini non habebant ipsa esse, nec alia accidentia: sed subiecta eorum habebant huiusmodi esse per ea, sicut nix est alba per albedinem, sed post consecrationem ipsa accidentia, qua remanent habent esse, unde sunt composita ex esse, & quod est, &c.* sed non possunt habere nouam compositionem ex esse, & quod est, nisi per acquisitionem noui esse, quod est modus per se, ergo sentit Diuus Thomas acquirere hunc modum, & per eum terminari, atque subsistere per se, & non per solam negationem actualis inhærentiæ in subiecto, & diuinam efficientiam.

Probatnr deinde ratione primò, quia sicut natura substantialis, vt sit in rerum natura, debet esse terminata, atque completa per subsistentiam, ita accidentalis per alium modum, alioqui sicut repugnat substantialem consistere, nisi per propriam, vel alienam subsistentiam compleatur, ac terminetur, pariter repugnat, quod accidentalis consistat, nisi completa per modum proprium actualis inhærentiæ, aut per alterum sibi superadditum: sed euident est per separationem carere primo modo actualis inhærentiæ, quo complebatur inhærens subiecto: ergo necesse est alio modo terminari, dum est separata, & proportionato quidem statui separationis, & idèò opposito actuali inhærentiæ: qualem constat esse modum perfectitatis: iste ergo concedi debet necessario potentiæ vitali separatae ab anima, & conceditur quantitati separatae à substantia panis in Eucharistia. Secundò quia de accidenti separato verum est, quod per se subsistat, aut per se existat, cum habeat esse independens à quocunque subiecto: sed subsistentia, vel existentia per se non est sola negatio inhærentiæ, seu independentiæ à subiecto (vt asseruit Scotus communi ferè consensu scholæ refutatus) sed modus positius terminans, atque complens naturam subsistentem, vt patet in natura subsistentiali; ergo nec existentia per se accidentis sepa-

rari potest consistere in negatione actualis inhærentiæ in subiecto : sed, modus positivus supernaturalis poni debet , per quem compleatur , ac terminetur natura eius. Probatur tandem , quia ex duobus immediatè oppositis non potest tolli unum, nisi per alterum : sed modus actualis inhærentiæ in subiecto immediatè opponitur modo perfectioris ; ergo repugnat illi ut tolli ab accidenti, nisi per hunc, quem proinde accidenti separato necessariò concedere debemus : cum certum sit per separationem ablatum esse ab eo modum actualis inhærentiæ. Maiorem probant evidenti inductione in omnibus oppositis, quia non potest auferri à linea obliquitas , nisi per rectitudinem, nec ab aëre tenebræ, nisi per lumen. Et confirmari potest, quia certum est hunc modum perfectioris esse possibilem per potentiam Dei absolutam, per quem terminetur accidens separatum ; ergo necessariò debet ei concedi : Probatur consequentia, quia meliori modo, & magis sibi cōnaturali conservabitur natura accidentalis per eum terminata, atque completa, quam sine illo per solam negationem inhærentiæ.

Secunda opinio asserit *potentiam visalem separatam ab anima, & quodcumque aliud accidens separatum à subiecto, esse quiddam per se, non per aliquem modum perfectioris supernaturalis ei superadditum : sed per negationem actualis inhærentiæ in subiecto, & divinam efficientiam illud sine subiecto sustentantem per propriam existentiam actualem, quam habet, & per quam est extra causas.* Ita Scotus in 4. distin. 12. quæst. 1. & 6. Richard. ibid. artic. 1. quæst. 2. Sorus distinct. 10. quæst. 2. art. 2. Pater Valentia ubi supra, qui affirmat esse D. Thom. & communem Scholasticorum. In eam inclinant Palud. in 4. distinct. 12. quæst. 1. & 3. atque etiam Mars. ibid. quæst. 9. art. 4. ad 4. eamque sequuntur recentiores non pauci, & videtur mihi magis ad mentem D. Thom. & longè probabilior.

Probo proximum ex quæst. 77. art. 3. vbi sit ait: *Quia speciebus sacramentalibus datum est divina virtute, ut remaneant in suo esse quod habebant, substantia panis & vini existente, consequens est, quod etiam remaneant in suo agere, & ideo omnem actionem, quam poterant agere, substantia panis, & vini existente, possunt etiam agere substantia panis, & vini transiente in corpus, & sanguinem Christi.* Quæ verba sic expendo, esse quod habebant accidentia separata, dum inhærebant substantiæ, non potest esse actualis inhærentia, quia repugnat hanc habere separata ab eis ergo est actualis existentia, quia præter essentiam, nihil aliud habere possunt, quod in subiecto habuerint, nisi actualem existentiam. Hanc igitur intelligit Div. Thomas per esse, quod habebant in subiecto, & in hoc esse permanere affirmat à subiecto

iecto separata, & quia hoc idem esse habent, colligir habere idem agere, vel eandem actionem, quam habebant in subiecto. Et addit datum esse eis diuina virtute, vt in eodem esse remaneant, & in eo sustententur per diuinam virtutem, & efficientiam; sentit igitur D. Thom. non sustentari extra subiectum per aliud esse eis superadditum: ergo nec per alium modum perfectitatis, quia modus perfectitatis superadditus aliud esse est ab eo, quod habebant in subiecto. Itaque factum est 40 per miraculum ex mente D. Thom. vt actualis existentia accidentium, quæ inhærens subiecto sustentabat accidentalem naturam, sustentet illam sine adminiculo talis inhærentiæ, vel subiecti supplente Deo per suam efficientiam totum, id quod præstabat actualis inhærentia in subiecto, aut subiectum per illam in genere causæ materialis, & ideò eadem existentia actualis accidentium, quæ erat in alio per inhærentiam actua-lem, dicitur per se existentia per negationem quidem eiusdem actualis inhærentiæ, & per extrinsecam efficientiam Dei, sine acquisitione alicuius realis modi positiui, & quia tam negatio actualis inhærentiæ, quàm diuina efficiētia eam supplens datur per miraculum eisdem accidentibus, ideo propriissimè asseruit D. Th. diuina virtute datum esse accidentibus, vt per se existant, etiam si nullus talis modus positiuus perfectitatis eis tribuatur.

Sed probatur iam ratione satis efficaci. Modus ille, qui additur potentie vitali separatæ ab anima, vel cuilibet alteri accidenti separato à subiecto, est entitas realis modalis distincta 41 ex natura rei ab eodem accidenti cui additur, vt supponunt opinantes, & nõ est entitas realis substantialis, vt etiam fatentur; ergo est entitas accidentalis: sed cuiusque entitati accidentali essentialis est inhærentia aptitudinalis ad subiectum, quæ non est aliud, quàm aptam esse inhærrere subiecto; ergo tali entitati modali superadditæ accidenti separato essentialis est aptitudinalis inhærentia ad subiectum. Vnde sequitur non posse esse modum per se. Probatur consequentia, quia modus per se est modus independentiæ à subiecto: sed repugnat eandem entitatem esse modum independentiæ à subiecto, & esse aptam dependere à subiecto; ergo repugnat talem entitatem accidentalem superadditam esse modum per se, & consequenter, quod accidens separatum à subiecto conseruetur à Deo per talem modum per se, qui sit entitas accidentalis modalis. Sed huic argumēto respondere conantur aduersarij negantes, quod omne accidens dicat ordinem ad subiectum: sed si sit modus satis esse, quod adhæreat eidem rei, quam modificat, vt de creatione constat, quæ licet vera actio sit, nec dicit ordinē ad subiectum, imò nec dicere potest: sed repugnat ei quicunque ordo 42  
ad sub

ad subiectum, cum ex propria ratione creationis sit productio totius entitatis rei ex nihilo, hoc est, nullo præsupposito subiecto, quod si repugnat ei præsupponere subiectum, repugnet quoque ordinem habere ad illud, quia non potest illud respicere, nisi tanquam sibi præsuppositum in genere causæ materialis; solum ergo respicit creatio terminum per eam productum, non quidem respectu inhæisionis, quia non ut subiectum; sed solum respectu adhæisionis, ea ferè ratione, qua modi substantiales respiciunt rem, quam terminant, aut modificant, ut subsistentia adhæret naturæ substantiali, quam terminat. Sic igitur se habere aiunt modum hunc, qui diuina virtute adderetur potentiae vitali separatae, & reuera additur quantitati Eucharistiae separatae à subiecto, non enim inhæret eidem quantitati, neque ipsam respicit tanquam subiectum. Sed solum adhæret ei eam terminando, sicut adhæret subsistentia naturæ substantiali, quam terminat. Solutio tamen hæc expressè contraria est doctrinæ Aristot. & veritati: doctrinæ quidem Aristot.

43 qui 4. lib. Metaph. text. 2. docet expressè eodem modo se habere ens ad omnia entia, sicut sanum ad omnia sana; ita ut sicut nihil sanum est, aut dicitur vlllo prorsus modo, quod non sit, & dicatur tale per intrinsecam attributionem ad sanitatem formalem animalis, quia aliquid eius est, nempe modus, causa, vel signum, & propterea vna, & eadem scientia datur de sano in tota sua latitudine accepto, quia omnia, quæ ad vnum ordinantur, pertinent ad vnam scientiam illud vnum per se considerantem: pari ratione ens in tota sua latitudine consideratum se habet ad omnia entia, quia omne ens, aut est per se, quod est substantia, aut aliquid entis per se, quod est accidens; ita ut nulla sit entitas accidentalis, siue completa, vel incompleta, siue res, vel modus rei, aut quippiam aliud, quod non habeat intrinsecum respectum attributionis ad ens per se. Et propterea sæpe de accidenti pronuntiavit Aristoteles, quod non tam sit ens, quam entis ens, & hæc est ratio (inquit) propter quam omnis entitas accidentalis pertinet ad

44 vnam, & eandem scientiam Metaphys. cum substantia, quia omnia, quæ ordinantur ad vnum, pertinent ad vnam scientiam, à qua illudmet vnum per se consideratur. Ex quo ita arguo: modus quicumque modificans, aut terminans naturam accidentalem est entitas accidentalis, ut fatentur aduersarij; ergo talis entitas accidentalis dicit intrinsecum respectum attributionis ad substantiam tanquam aliquid eius: cum sit entitas realis, & non substantialis. Probatur consequentia, quia ens adæquata diuisione diuiditur in entitatem substantialem, & accidentalem apud Aristotelem, sicut sanum in omnia sana, ita ut

VERUM



utrumque membrum comprehendat cum attributione vnius ad alterum. Sed repugnat tali modo attributio ab substantiam; ergo repugnat esse entitatem accidentalem. Minorem fatentur aduersarij, & sic probari potest, respectus attributionis ad substantiam, vel est inhaesionis, vel adhaesionis, nec alter excogitari potest, sed uterque ei repugnat, quia euidens est repugnare ei inhaerentiam, & euidentius, quod ei repugnet adhærere substantiæ: cum sit entitas primo diuersa ab ea, à qua non potest eadem substantia terminari. Et totam vim huius argum. ita comprehendo; diuisio entitatis in substantialem, & accidentalem est sufficiens, & adæquata: sed diuisum comprehendit omnem, & quamlibet entitatem; ergo, & membra. Deinde, talis modus per se comprehenditur sub diuiso; ergo sub aliquo membro diuisionis: sed sub neutro comprehenditur; ergo non datur. Probatur minor, quia non sub entitate substantiali: cum sit accidentalis, nec sub accidentali, quia non habet vllam attributionem ad substantiam, inhaesionis, nec adhaesionis; ergo vel diuisio non est sufficiens: cum non comprehendat talem modum, qui est vera entitas realis, vel talis modus non est possibilis, cum non comprehendatur sub vniuersalissima diuisione entis. Probatur etiam ratione eandem solutionem esse falsam, quia modum adhærere rei, quam modificat, non tollit, quin dicat ab intrinseco ordinem aptitudinalis inhaerentiæ ad subiectum, si sit entitas accidentalis; ergo quod talis modus per se accidenti separato adhæreat, non tollit, quin ordinem aptitudinalis inhaerentiæ ad subiectum importet: Antecedens probatur, quia indiuisibilia quantitatis cuiuscumque adhærent ei continuando, aut terminando partes eius, & nihilominus apud aduersarios necessarium est, vt dicant ordinem inhaerentiæ ad indiuisibilia substantiæ, tanquam ad subiectas ergo adhærentia modi qui est entitas accidentalis modalis, non tollit, imo necessario postulat in eo respectum inhaerentiæ ad subiectum.

Probatur secundo, non esse admittendum talem modum perfectitatis, quia non est vlllo modo necessarius; nam bene potest accidens sustentari sine subiecto absque vlllo alio modo ei superaddito per diuinam virtutem supernaturalem; ergo non est necessarius modus superadditus. Probatur antecedens, quia virtus diuina potest per se immediate præstare per modum efficientis, quod præstabat per subiectum in genere causæ materialis sustentando in eo accidens; ergo non indiget modo superaddito. Probatur iterum antecedens hoc modo: actualis inhaerentia in subiecto non est de essentia naturæ accidentalis, & ex alia parte distinguitur ex natura rei ab ea, ergo potest esse sine illa extra causas per actualem existentiam propriam conseruatam

47 tam immediata efficientia diuinæ virtutis sine alio modo superaddito. Probatur consequentia, quia actualis inhærentia in subiecto non est aliud, quam actualis unio cum eo per actua-lem dependentiam materialem; sed actualis unio cum actuali dependentia à subiecto non est intrinseca naturæ accidentali, ut est per se manifestum; ergo potest utraque suppleri à Deo, & sine illa conseruari accidens. Concedunt hæc omnia aduer-  
sarij; sed aiunt posse quidem suppleri; sed non esse congruum naturæ accidentali, quod per solam efficientiam diuinam sup-  
pleatur: sed per modum aliquem, quo terminetur, & complea-  
tur: cum connaturale sit ei non existeri extra causas, nisi termi-  
natam, atque completam: sed non potest in statu separationis à subiecto terminari, atque compleri per modum proprium actualis inhærentiæ; ergo alter ei tribui debet, quo complea-  
tur, & terminetur, qui ita sit modus per se, ut sit entitas ac-  
cidentalis.

48 Hæc tamen solutio repugnantiam inuoluit, quia omnino repugnat, quod natura accidentalis terminetur, aut complea-  
tur, nisi per proprium modum actualis inhærentiæ: ut probat  
discursus iste: si natura accidentalis terminetur per modum, qui  
non sit actualis inhærentia, erit modus per se, & tunc vel sub-  
stantialis, vel accidentalis; non substantialis, ut probatum est  
contra Caietanum, quia entitates primò diuersæ, quales sunt  
substantialis, & accidentalis, non possunt vlllo modo se respi-  
cere, tanquam potentia per se; & actus per se, & ideò nec se ter-  
minare: sed nec potest esse modus accidentalis, ut asserit se-  
cunda opinio; ergo admitti non debet. Minorem sic probo: mo-  
dus iste perfectioris est verè subsistentia, ergo non est modus ac-  
cidentalis, sed substantialis: quare repugnat terminare natu-  
ram accidentalem. Antecedens probo, quia naturam esse subsi-  
stentem non est aliud, quam esse incommunicabilem alteri,  
ut supposito, sed modus iste perfectioris constituit ex propria  
ratione naturam, quam terminat, incommunicabilem alteri,  
ut supposito, & prorsus inassumptibilem, quia eo ipso quod per  
talem modum terminatur: nullo modo assumi potest, etiam si  
ex se foret assumptibilis: quia esset per eum, & per se termina-  
ta; ergo vera subsistentia. Probatur consequentia, quia impossi-  
bile est præstare effectum formalem subsistentiæ illud, quod  
vera subsistentia non est, sicut præstare effectum formalem al-  
bedinis illud, quod vera albedo non est: sed talis modus per se  
præstat effectum formalem subsistentiæ, qui est constituere na-  
turam incommunicabilem alteri, ut supposito; ergo est vera  
subsistentia, quare authores isti volentes tribuere accidenti se-  
parato modum perfectioris, tribuunt ei veram subsistentiam.

Vt autem testimonium D. Thom. secundum germanum eius  
sensum explicemus, adnotandum est primò, aliquid esse per se  
dupliciter intelligi posse: videlicet per modum positivum sibi  
connaturalem, quo pacto substantialis natura dicitur esse per  
se, quia modo positivo propriæ subsistentiæ terminatur; aut  
per negationem actualis inhærentiæ accidentalis in subiecto:  
& hoc modo diceretur esse per se potentia vitalis separata, &  
dicitur esse per se quantitas Eucharistiæ. Duplex est etiam  
actualis existentia rei, una per se, natura sua determinabilis per  
aliud modum independentiæ, qui vocatur subsistentia, & talis  
quidem est existentia substantiæ, & ideo vocatur per se, quia  
apta est esse independens per modum positivum independen-  
tiæ: alia non per se, sed natura sua determinabilis per modum  
actualis inhærentiæ accidentalis, quæ est actualis dependentia  
à subiecto, & propterea vocari potest actualis existentia in alio,  
& quamvis non sit natura per se, quia non est determinabilis  
per modum actualis independentiæ à subiecto, potest tamen  
esse per se negativè, & ab extrinseco, videlicet per divinam vir-  
tutem eam separantem à modo actualis inhærentiæ accidenta-  
lis, ac dependentiæ à subiecto, & tali modo existentia actualis  
accidentis separati à subiecto dicitur existentia per se: non  
modo priori, imo cum ex intrinseca, & essentiali ratione ha-  
beat esse terminabilem per modum actualis inhærentiæ acci-  
dentalis, ac dependentiæ à subiecto, sicut natura substantialis  
habet ex suis principiis essentialibus esse terminabilem per  
modum independentiæ à subiecto, repugnat eidem naturæ  
accidentali terminari per modum actualis independentiæ, qui  
est modus perfectitatis, sicut repugnat naturæ substantiali ter-  
minari per modum actualis inhærentiæ accidentalis, ac de-  
pendentiæ actualis à subiecto. Et hoc est etiam non leve fun-  
damentum nostræ sententiæ propter quod asserimus impli-  
care contradictionem, quod accidenti separato communice-  
tur modus perfectitatis, quia est actus repugnans naturæ eius  
ab intrinseco terminabili per actualem inhærentiam in subie-  
cto: sicut natura substantialis per actum subsistentiæ per se,  
quare sicut repugnat prorsus naturæ substantiali, quod ter-  
minetur per actualem inhærentiam, qui est actualis depen-  
dentia à subiecto; ita repugnat naturæ accidentali termina-  
ri per modum perfectitatis, qui est modus actualis indepen-  
dentiæ à subiecto habens intrinsecam repugnantiam cum pro-  
prio; præter rationes alias desumptas ex propria natura modi  
perfectitatis.

Secundò notandum est, quod cum sit in opinione positum,

an

an existentia actualis cuiuslibet naturæ substantialis, vel accidentalis distinguatur ex natura rei ab eadem eius natura, vel sola ratione, verisimile est, Diuum Thomam (vt ex multis suæ doctrinæ locis probabiliter satis colligitur) existimasse, quod ex natura rei distinguatur, & eandem existentiam sic distinctam terminare naturam, sed esse per se in substantiis, & ideo esse subsistentiam earum constituentem eandem naturam in supposito, vel persona, & cum ea efficientem compositionem realem ex esse, & quod est, aut ex natura, & subsistentia. Et in accidentibus suo modo terminare naturam, & constituere cum ea per realem compositionem, vnum quid per se ex natura, & modo; & hoc vnum per se vniri subiecto per actualem inhaerentiam, ac dependentiam ab eo, & cum hæc vnio dissolui possit per diuinam virtutem potentem separare accidens à subiecto, facta hac separatione, permanere naturam accidentalem, sine subiecto compositam ex esse, & quod est, & ex esse quidem per se negatiue, & ab extrinseco diuina virtute efficienter supplente actualem inhaerentiam in subiecto, per quam dicebatur esse in illo. Et hanc compositionem similem esse compositioni Angelorum ex esse per se positiuo, & quod est. Et hoc est, quod sæpe repetit Diuus Thomas tertia parte quæstione 77. per tres priores articulos, videlicet accidentia separata retinere illudmet esse, quod habebant in subiecto, & per illudmet esse iam non inhaerens, sed sine inhaerentia conseruatum effectiue à Deo, verè dici, quod sint per se, verè etiam dici, quod habeant compositionem similem compositioni Angelicæ, ex esse, & quod est, & non per modum perfectioris de nouo eis additum. Quod efficaciter colligo ex alio testimonio magis expresso ad idem propositum, quod habetur in 4. distin. 12. quæst. 2. artic. 1. quæstiuncul. 3. ad 5. vbi loquens de accidentibus Eucharistiæ separatis à subiecto, ita ait: *Cum ista accidentia habeant esse, & essentias proprias, & eorum essentia non sit eorum esse, constat, quod aliud est in eis esse, & quod est, & ita habent compositionem illam, quam in Angelis inueniuntur.* Est autem valdè notandum his verbis in primis asserere D. Thom. quod accidentia separata habent proprium esse, & propriam essentiam per quæ dicuntur esse per se, per quæ etiam dicuntur habere realem compositionem ex esse, & quod est, sicut Angeli; non ergo sunt per se, neque habent compositionem realem ex esse, & quod est, per esse, vel modum perfectioris eis communicatum apud D. Tho. sed per proprium esse, sicut per essentiam propriam. Hoc autem esse proprium, quod habere docet D. Thom. non videtur posse esse aliud, quàm actualis existentia propria, cum accidentia non habeant, nec habere possint subsistentiam. Et cum affirmet D. Thom. constituere

tueri realem compositionem cum essentia, sentire videtur, quod ex natura rei distinguatur ab ea, quia realis compositio non potest fieri, nisi ex componentibus realiter, vel ex natura rei inter se distinctis. 53

Ad primum argument. distinguenda est maior, quod sicut natura substantialis debet esse terminata per propriam subsistentiam, vel alienam, ita accidentalis per proprium modum, vel alienum: nam ut habeat esse naturale completum per modum dependentiæ, vel actualis inhesionis, verum est, & secundum ordinem naturalem necessarium, sed non est essenziale, nec intrinsecum, ut non possit per absolutam Dei potentiam sustentari natura hæc sine suo termino, cum quo certum est non habere intrinsecam connexionem. Nam sine illo esse potest, sicut reperitur humana natura in Christo sine proprio modo, vel subsistentia. Et sicut sustentatur à Verbo media propria subsistentia eam terminante, posset sustentari sine illa, atque etiam sine propria per immediatam efficientiam divinæ virtutis, quod præsertim intelligi potest, cum à propria subsistentia, imò à quacumque non dependeat natura, nisi in quodam genere formalis causæ secundariæ, atque extrinsecæ, de quo nulla efficaci ratione probari potest, quod à Deo non possit suppleri per immediatam efficientiam, quæ maior esse debet, vel maiori concursu adhibito, quam dum accidens sustentabatur in subiecto, nam ad supplendam causalitatem materiale subiecti, aliquem concursum addere oportet ei, cum quo via ordinata sustentabatur media causalitate eius. 54

Ad secundum concedimus existentiam per se accidentis separati à subiecto non consistere in sola negatione actualis inhesionis, sed in primis importare actualem existentiam positivam ei naturalem, quamvis sola ratione distinctam à natura, atque ex se aptā inherere subiecto, sed per divinam efficientiam sustentatā, sine tali inhesionis, & ex hoc habet esse existentiam per se negativè, unde non dicitur subsistentia, quia subsistentia dicit modum positivum; per quem natura substantialis habet independentiam à quocunque alio ut supposito. Et de hac subsistentia tenuit Scotus consistere in sola negatione dependentiæ, & propterea merito refutatur ferè ab omnibus. 55

Ad tertium distinguenda est maior, quod ex duobus modis oppositis non potest tolli unum ab aliquo, nisi per alterum, nam si illud à quo tollitur, capax sit utriusque, verum est: si verò alterius tantum sit capax, falsum, & quia accidens non est capax utriusque modi, oppositi, videlicet modi independentiæ à quolibet subiecto, & modi actualis dependentiæ à subiecto, non est necessarium, quod auferatur iste ab illo per alterum in actuali

57 separatione, sed ablatio eius sit per diuinam virtutem in genere efficientis causæ suppletent materialem causalitatem subiecti. Et possumus euidenter instare argumentum in substantia, à qua certum est auferri posse à Deo modum independentiæ per se à subiecto, qui est substantia propria, non tamen per modum oppositi actualis dependentiæ, seu inhærentiæ in subiecto, quia non est capax talis modi, licet sit capax oppositi. Exempla verò in argument. adducta continent modum contrariæ oppositionis, cuius extrema se expellunt ab eodem subiecto vtriusque capaci, vel continent subiectum aliquo modo vtriusque extremi capax.

Ad confirmationem negandum est anteedens, quod possibilis sit modus perfectitatis, per quem terminetur natura accidentalis separata, etiam per potentiam Dei absolutam, quia modus perfectitatis, in nullo distinguitur à substantia, ut probauimus: cum formalem effectum substantiæ conferat naturæ, quam terminat, effectus verò formalis substantiæ repugnat naturæ accidentali.

#### Q V Æ S T I O IV.

*An potentia vitalis separata ab anima per diuinam potentiam esse in statu naturali, aut violento.*

58 P Rima opinio asserit potentiam vitalem separatam à subiecto non fore in statu violento, sed naturali: Quam tenet Caiet. 1. p. q. 83. & Conrad. 1. 2. q. 6. artic. 1. hac sola ratione, quia separatur à Deo, & ab eo conseruatur sine subiecto. Nam quæcunque creatura habet potentiam obedientialem respectu Dei, ut authoris naturæ, ac totius esse, & in ordine ad quemcunque motum, aut effectum; ergo quocumque modo ab ipso moueatur, in quocumque statu ponatur, & quocumque modo de illa disponat Deus, non facit ei violentiam: cum per potentiam obedientialem ei subiiciatur. Probatur consequentia, quia violentum debet esse contra naturalem inclinationem, & ideo cum resistentia eius, cui sit violentia, sed nihil à Deo factum circa creaturam potest esse cōtra naturalem inclinationem eius, nec per hanc potest ei resistere: ergo nihil à Deo proueniens potest esse violentum. Et exemplum afferunt de corpore graui ascendente ad replendum vacuum, motu quidem naturali, non violento, quia licet sit contra inclinationem particularem grauitatis, est tamen secundum inclinationem vniuersalem, quam habent corpora naturalia ad bonum totius vniuersi: quod maximum dispendium patitur per vacuum.

59 Hæc tamen sententia sic vniuersaliter accepta falsa est, quod sic probo. Violentum ut docet Aristotel. locis statim citandis est,

est, *Quod fit à principio, vel causa extrinseca passo non conferente vim*, hoc est, nihil iuuante, sed resistente potius per naturalem inclinationem contrariam, vt dum quale sit aqua, violentus dicitur talis motus, quia fit à principio extrinseco, nempe igne calefaciente, resistente aqua per naturalem frigiditatem: sed etiam si motus iste fiat immediatè à Deo imprimente aquæ calorem, dicitur fieri à principio extrinseco efficiente, nempe Deo, & passo nullam vim conferente, quia euident est aquam non iuuare ad talem calefactionem, sed potius ei resistere per qualitatem contrariam; ergo non definit motus esse violentus ex eo, quod fiat à Deo, si contra naturalem inclinationem rei particularis fiat, & ex consequenti, nec desinet potentia vitalis, separata à subiecto esse in statu violento, ex eo, quod à Deo separetur, aut separata conferueretur. Nec tollit hanc violentiam potentia obediens, quam habet creatura, vt Deus prout voluerit, eam disponat, aut moueat, sicut nec tolleretur, quin possit eam mouere, aut disponere contra inclinationem naturalem, ex qua habet motus, aut dispositio eius, quod violenta sit, à quacunque causa extrinseca fiat. Et hoc reputo vniuersaliter verum ac necessarium: an verò in particulari motus corporis ad replendū vacuum contra inclinationem particularem violentus sit, vel præter naturā, seu naturalis ex inclinatione, quam habent partes ad bonum totius, modo non disputo, quia nihil refert ad propositum; cum nec potentia vitalis, nec accidentia Eucharistiæ separantur à subiecto, propter bonum naturale totius vniuersi, sed in commentariis super libros de cælo, & mundo disputandum relinquo.

Secunda opinio quorundam recentiorum, negat etiam potentiam separatam à subiecto esse in statu violento, sed diuerso fundamento innititur ac præcedens, asserens violentum solū esse illud, quod est contra inclinationem naturalem actiuam, aut formalem, non tamen cōtra solam passiuam, & cum actualis inhærentia, qua priuatur potentia, vel accidens, non procedat à natura eius tanquam à principio efficiente, nec formali, quia non est effectus formalis eius, sed solum tanquam à principio passiuo, apto quidem ad eam recipiendā ab agente vniuerse illam subiecto, à quo eam separauit, ideò non patitur violentiam, nec est in statu eius separata à subiecto. Probant testimonio Aristotelis 2. lib. ethicorum ad Eudemum cap. 9. ante medium vbi his verbis definit violentum, *Quando igitur quispiam præter imperium intrinsecum mouerit, sedauerit ve, vi id fieri asserimus, quando verò secus non vi*. In qua definitione verbum illud expendendum esse asserunt, videlicet, *Præter imperium intrinsecum*, nam ( præter ) idem est apud Aristotelem pleribus suæ

doctrinæ locis, atque ( contra) vt etiam verbo Græco id significantur, *impetum verò intrinsecum*, vim agētis significat conantis in contrarium actum, vt granitatem in lapide sursum projecto, vel etiam vim formę informantis subiectum, ex cuius informatione sequeretur expulsio formæ contrariæ, nisi impediretur, vt si calor introduceretur in aqua, & impediretur naturalis expulsio frigoris Deo conseruante vtramque formam simul in aqua, pateretur absque dubio calor violentiam quia inclinatio formæ impetus iure vocatur, sicut inclinatio agentis, quia forma expellens alteram ex parte agentis se tenet, à quo effectiuè procedit expulsio. Inclinatio verò passiuæ materiæ non est impetus, quia impetus conantis in operationem, est, & resistentis extrinseco impediendi, materia verò per passiuam potētiam non conatur in effectum, nec resistit agenti extrinseco; quare etiam si impediatur à causalitate, seu effectui proprio, non dicitur aliquid contra impetum intrinsecum eius fieri, nec ideo dicitur violentiam pati.

63 Probatur deinde ratione, quia si ad rationem violenti sufficeret contra passiuam inclinationem rei esse, hæc sequerentur absurda: nempe quod aer esset violenter sub tenebris, cum habeat naturalem potentiam seu inclinationem passiuam ad lucem tanquam ad perfectionem sibi conuenientem, nam definiens Aristotel. lumen in hoc 2. lib. de anima, capit. 7. ait, *esse actum diaphani*. Deinde cælo esset violenta quies apud eos, qui tenent motum esse ei naturalem solum propter principium passiuum, quia motum ab Angelo factum naturaliter recipit. Præterea dum materia habet vnā formam, esset ei violentum carere alia: cum constet naturalem habere potentiam, appetitum, & inclinationem ad alteram. Et tandem quod caput esse aiunt, humanitas Christi violenter esset vnita Verbo, quia caret propria personalitate, ad quam passiuam tantum inclinationem habet: quod maius absurdum est, & vitari non potest, nisi concedatur violentum non esse, quod solum est contra potentiam naturalem passiuam.

64 Nihilominus sententia hæc nunquam mihi placuit, quia duobus principiis innititur, vt falsis, aut valde incertis, atque infimis. Primum est, quod subsistentia non procedat efficienter à natura substantiali, nec actualis inhærentia à natura accidentali, contra sententiam D. Thom. 3. part. quæst. 2. artic. 5. ad 1. & artic. 12. in corpore, & ad primum, vbi asserit subsistentiam procedere ex principiis intrinsecis eiusdem naturæ, principia autem intrinseca sunt essentia, & ideo non solam materiam, sed simul etiam formam dicunt in rebus corporeis. Et præterea non passiuam tantum, sed efficientem causalitatem, quia forma,



forma, aut modus solum in aliquo receptus tãquam in subiecto non dicitur ab eo procedere, sicut anima rationalis non procedit à corpore, in quo recipitur. Atque etiam contra rationem satis efficacem, quam ita constituto. Passiones emanant effectiue ab essentia propter tria, quæ respectu earum habet, est enim eis nobilior, natura prior, & cum qua passiones ipsæ naturalem, ac necessariam connexionem habent, sed hæc omnia habet essentia, vel natura substantialis respectu propriæ subsistentiæ, atque etiam sub modo accidentalis respectu actualis inhærentiæ; ergo emanat effectiue ab ea. Probatur minor, quia essentia nobilior est subsistentia, cum hæc sit modus illius, & ad speciem eius reducatur, & ideo potest eam virtute continere, sicut essentia passiones; prior est etiam natura: cum sit distincta ab ea ex natura rei, & per eam terminetur, atque compleatur. Sed connexio eiusdem subsistentiæ cum natura intimior est, ac magis necessaria, quàm passionum cum essentia: cum istæ sint accidentia eius, subsistentia verò modus substantialis constituens eam in supposito, vel persona, ex quo intelligitur, maiorem proportionem habere cū ea, quàm passiones, ergo multo maiori ratione procedet ab ea effectiue, quàm passiones.

Sed obiiciunt auctores eiusdem sententiæ contra hanc doctrinam hoc modo:

Ad hanc efficientiam naturæ respectu subsistentiæ ponere oportet duplicem actionem in productione cuiuslibet rei, vnâ per quam producatur natura: alteram per quam ab ea emanet subsistentia, nam cum natura respectu actionis, per quam produci-  
tur, sit effectus, & non causa: & respectu alterius, per quam produci-  
tur subsistentia emanans effectiue ab ea, sit causa efficiens, & non effectus, necesse est distinctas esse actiones per  
quas producuntur ab agente, quia repugnat aliquid esse causam efficientem, & effectum respectu eiusdem actionis, & ideo  
suppositum constans natura, & subsistentia, vt Petrus, vel Ioannes duplici actione realiter distincta producet, & suo etiam  
modo accidens in subiecto, quod in primis est contra D. Thomam, 1. par. quæst. 45. art. vbi ait creari, & fieri esse rei subsistentis, quia eius est fieri, cuius est esse, esse autem subsistentis est; ergo sentit per eandem actionem fieri naturam, & subsistentiam eius, quia vtrique constat, & componitur subsistens, seu  
suppositum per se factum. Et certè superflua esset duplex actio, cum per eandem fieri possit vtrique, atque adeò integrum suppositum, aut integra res subsistens, & ideo secundam actionem, per quam procedere dicitur subsistentia à natura commentitiam vocant. Respondeo, quod natura, & subsistentia, & proinde res subsistens vtrique constans, in primis non produci-  
tur

- 67 vnica actione simplici, aut indiuisibili. Quod efficaciter probatur in anima Christi, imò in humanitate eius, nam illa facta est per creationem, sicut quælibet alia, & humanitas per generationem, & tamen non est producta subsistentia, sed sine illa factæ sunt, & si dimitteretur humanitas Christi à Verbo diuino, produceretur de nouo subsistentia propria eius, non per actionem antiquâ iam transactam, & ideo non existentem; ergo per nouam totalem, aut saltem partialem. Quare non est vna simplex per quam vtraque producit in eodem instanti creationis, vel generationis: cum constet diuidi, aut separari posse; ergo subsistentia non conseruabatur per eandem indiuisibilem actionem: per quam conseruabatur natura, quia impossibile est desinere rem, & non cessare actionem, qua conseruatur; & impossibile est etiam permanere rem, quin permaneat actio per quam conseruatur, & tandem impossibile est permanere actionem, qua conseruatur vnum non permânente actione, per quam
- 68 conseruatur alterum, quin aliquo modo sint distinctæ. Propterea dicendum est duas esse actiones quasi partiales: dixi (quasi) quia non sunt ita partiales, sicut illæ per quas producuntur partes eiusdem rei, gratia exempli. Actio per quam producit calor vt duo, composita est ex duplici actione partiali separabili, sicut totus ipse calor diuisibilis est in duos gradus, tãquam in partes intensiouis, & prior gradus posset produci sine posteriori, & tunc euident esset produci per actiones totales distinctas; ergo quando simul producuntur, eadem quidem est actio totalis, diuisibilis tamen in duas partiales, & ex eis composita.
- 69 Vocantur ergo duæ actiones quasi partiales illæ, per quas producuntur natura, & eius subsistentia, quia sicut natura, & subsistentia se habent tanquam res, & modus eius, ita vna actio sit quasi realis, aut per quam producit res, videlicet natura, & alia modalis, per quam producit subsistentia, quæ est modus eius, & sicut integra res subsistens composita est ex natura, & subsistentia, tanquam ex partibus, sed tanquam ex natura, & modo, seu termino eius, sic suo modo actio per quam vtraque producit, aut integra res subsistens, composita est ex actione reali, seu per quam natura producit, & ex actione modalis, seu ex modo actionis, per quem producit subsistentia. Istæ autem duæ actiones quasi partiales ita se habent, vt prior possit separari à posteriori, quia potest produci natura non producta subsistentia, sed posterior non potest eodem modo separari à priori, sed necessario debet esse simul cum ea, vel certè eam presupponere, vt per se est manifestum, quia se habet ad illam tanquam modus.
- 70 Ex his facili habet sensum, id quod asserit D. Thom. quod creatio

*T, act. de potentiis Anima in generali. Quæst. IIII. 247*  
creatio est subsistentium, non enim voluit creationem im-  
mediatè terminari ad subsistentiam, sed ad tale esse actu existens,  
ad quod consequitur naturaliter subsistentia. Itaque formalis,  
& immediatus terminus creationis actualis existentia rei est  
eadem realiter cum natura: formalis (inquam) quasi partialis,  
nam formalis integer eadem actualis existentia est terminata, 71  
atque completa per subsistentiam, completus verò omnino,  
adæquatus, atque totalis tanquam id quod creatur, res actu  
existens, atque subsistens. Quod sic intelligendum est, ut  
possit etiam creari res actu existens sine subsistentia per poten-  
tiam Dei absolutam: si verò creanda sit iuxta exigentiam natu-  
ræ, non potest creari, nisi terminata per subsistentiam, & hoc  
voluit D. Thom. dum dixit creari esse subsistentiam, quia si  
secundum exigentiam naturæ creanda est res: repugnat creari  
nisi subsistens. Et propterea naturaliter repugnat creari acci-  
dentia, quia nec subsistunt, nec debetur eis subsistentia; imò nec  
modus per se, sed actualis inhærentia, quare non possunt natu-  
raliter produci, nisi dependentes à subiecto, ideò non per crea-  
tionem. Et hinc patet ex verbis D. Thom. in sensu, quem ipsemet  
tenuit intellectus non sequi naturam, & subsistentiam, siue rem  
integrā subsistentem ex eis compositam fieri per vnicā simpli-  
cem, atque indiuisibilem actionem, & idem censendum est de  
natura accidentali, & actuali eius inhærentia modo iam expli-  
cato. Et cum non ponamus duplicem actionem completam, ac  
totalem pro natura, & subsistentia; sed vnā tantum compositā ex  
duplici quasi partiali, ac separabili modo explicato, nihil super-  
fluum, neque cōmentitium ponimus, sed verum ac necessarium.

Alterum cui innitur sententia illa, est testimonium Ari- 72  
stotelis, asserens violentum esse à principio extrinseco contra  
imperum rei, impetus verò solum significat inclinationem  
principij actiui, aut formalis, & ideò non sufficit, quod ali-  
quid sit contra principium passiuum, ut violentum appelletur.  
Hoc autem falsum esse, aut valde infirmum probatur, quia  
Aristoteles eo loci non definit violentum in vniuersali, sed  
quandam speciem eius, nempe illam, in qua violentia sit con-  
tra inclinationem principij actiui nulla facta mentione eius  
quòd sit contra inclinationem formæ, quod etiam est violentum,  
quia repugnat inclinationem principij actiui. Aliis verò  
locis communem definitionem violenti asserit, comprehendentem  
triplicem speciem eius, iuxta triplicem inclinationem natu-  
ralem specie distinctam, contra quam violentum esse potest;  
videlicet 1. Ethicorum ad Nicomachum capit. 3. his verbis.  
*Illud autem est violentum, cuius principium extrinsecus eius modi  
est, ut si, neque qui agit neque qui patitur, quippiam conferat.* Iuxta

- quam definitionem constat violentum esse, quod fit contra inclinationem quancunque siue principij actiui, siue formæ, vel subiecti, aut principij passiui, cum sit à principio extrinseco passo nihil cōferente, hoc est, non iuuante, præsertim cum dicat Aristoteles nihil conferente illo, quod agit, vel patitur, quasi dicat, siue violentia illi fiat, quia cogitur agere contra inclinationē, vt quando graue per impulsū impressum cogitur producere in se motum ab extrinseco proiiciente non iuuans ad eundem motum per inclinationem naturalem suæ grauitatis,
- 73 sed resistens potius, siue fiat violentia subiecto per impressionem alicuius formæ disconuenientis, vt si oculo imprimatur qualitas repugnans temperamento naturali eius, nihil dicitur iuuare ad receptionem eius, sed repugnare potius per potentiam passiuam oppositam. Sectione etiam problema. i. quæst. 6. *violencia* (ait) *contra naturam est*. Natura verò quamlibet inclinationem naturalem comprehendit, vt per se est manifestum:
- 74 ergo violentum in genere sumptum, vt hic definitur ab Aristotele, contra quamlibet inclinationem principij actiui, formalis, aut materialis est: Quamuis inter has tres species violenti perfectior sit illa, quæ contra inclinationem efficientis causæ est, deinde ea, quæ contra inclinationem formæ ad informandum, & infimum locum teneat alia, quæ solum est contra naturalem inclinationem passiuam materiæ, aut subiecti. Nam quod iidem recentiores dicunt naturam solum significare formam, & non materiam, quia materia solum est natura per quandam analogiam, non potest, esse ad mentem Aristotelis, vt nostris comment. physicis ostendimus. Et tandem cum non expresserit Arist. quid per impetum intrinsecum intelligat, pro libito, ac sine fundamento exponunt isti intelligere, nō solum inclinationem principij actiui, sed etiam inclinationem formæ, nam si semel dicatur impetum nō solum inclinationem efficientis causæ significare, sed etiam inclinationem formæ ad informandum, nulla potest assignari ratio, cur non etiam significet inclinationem passiuam materiæ ad recipiendum, quia vtraque inclinatio tam formæ, quàm materiæ naturalis est, & neutra est actiua; ergo non est maior ratio ob quam potius dicatur impetus inclinatio formæ ad informandum, quàm materiæ ad recipiendum. Nam quod dicunt formam se tenere ex parte agētis, nihil ad rem facit, cum sit inclinatio longè diuersa sicut genus efficientis, & formalis causæ.
- 75

Ad primum, quod vocat absurdum de aëre, qui violenter erit sub tenebris, negandum est esse absurdum, imò concedendum, quod sit in statu violento, quia priuatur forma valde conuenienti suæ naturæ, non quidem vt elemento, sed vt diaphano,

vtraque

utramque enim rationem distinguere oportet in aëre, & iuxta  
utramque ei tribuere formas suæ naturæ conuenientes, & ad  
quas recipiendas naturaliter ordinatur. Ad aliud verò de motu  
cœlorum respondeo, non esse huius loci discernere, an, &  
quomodo motus cœli sit naturalis, ex quo dependet, an futura  
sit ei violenta quies.

Id tamen videtur mihi obiter dicendum, quod motus cœli 76  
non est ei naturalis, quia per eum moueatur ad acquirendam  
rem aliquam, aut formam, vel etiam modum, quibus careat,  
sicut mouentur cætera corpora, quia adhuc modo præsentia,  
quem acquirit per motum, non est priuatum: cum habeat alter-  
um eiusdem rationis, sicut aër illuminatus hoc lumine non  
dicitur carere alio, quod posset suscipere, & ideo nec esse in  
statu violento quandiu illud non habet, quare nec dicitur cœlo  
violenta quies: cum propter illam non dicatur carere aliqua  
forma, vel modo sibi debito, nec enim motus ipse debitus illi  
est propter se, sed propter hæc inferiora, quare nec censetur ei  
violenta carentia eius: sed tam motus, quam quies naturalis ei  
esse potest, de quo suo loco ex professo agemus.

Ad tertium de materia respondeo. quod si priuatur vna for-  
ma per aduentum alterius (cùm non possit naturaliter duabus  
simul informari) euidenter est non esse in statu violento, cùm po-  
tentia eius per vnā formam sufficienter, & quantum possibile  
est naturaliter sit actiuata: quare nulla potest ei violentia inferri  
ex eo, quod non habeat omnes simul. Nec etiā erit in statu vio-  
lento, quia vnā habens possit habere cæteras, quia non potest  
simul, sed successiue. Si verò priuaretur forma, quam habet, &  
sine vlla relinqueretur, in statu violento foret: cum ab extrin-  
seco priuatur perfectione sibi naturaliter debita, & ideo talis  
priuatio sit contra imperum propriæ inclinationis.

Ad vltimum de humanitate Christi negandum est, quod ideo  
non sit in statu violento catens propria personalitate, quia pas-  
suam tantum habet inclinationem ad illam. Hoc enim falsum  
esse probauimus, sed habet inclinationem principij actiui ad 77  
illam, nec est in statu violento quia habet aliam personalita-  
tem infinite perfectam, & ideo continentem omnem perfectio-  
nem naturalem propriæ in eodem genere terminandi depen-  
dentiam eius, ac constituendis eam in esse personali, per quam  
magis est satiata, quam foret per propriam, non ergo amittit  
inclinationem ad propriam: imò nec appetitum, sed satiatur  
habet hunc & illam, etiam naturaliter, & ideo appetitum habet  
ad illam, non per modum desiderij, quod carentiam, atque im-  
perfectiorem importat, sed quasi per modum fruitionis, quia  
perfectissime satiatur.

78 Tertia opinio asserit iuxta hanc eandem doctrinam à nobis traditam de humanitate Christi, potentiam vitalem separatam, vel quoduis aliud accidens non esse in statu violento, quia inclinatio eius ad proprium modum actualis inhærentiæ satiatur per modum perfectitatis, ei communicatum, per quem perfectius longè terminatur, atque compleretur, quàm per actua-lem inhærentiam. Esset autem in statu violento, si per talem modum supernaturalem non suppleretur carentia proprii. Ita sentiunt plures ex recentioribus.

79 Nostra sententia duo asserit. Primum est, *quod omne acci-  
dens separatum à subiecto sit in statu violento.* Probatur ex defini-  
tione generali violenti superius allata ex Aristotel. nempe, *Violentum est cuius principium extrinsecum huiusmodi est, ut ei neque  
qui agit, neque qui patitur quippiam conferat.* Sed accidens separa-  
tum priuatur ab extrinseco agente inhærentia actuali sibi na-  
turaliter debita contra impetum intrinsecum propriæ inclina-  
tionis actiui principij, ut probauimus, quia modus iste oritur  
à natura accidentali tanquam à principio efficiente, quamuis  
non sine actuali dependentia à subiecto; ergo statum violent-  
tum habebit sine illa, præsertim cum probatum sit non suppleri  
per modum perfectitatis.

Secundum, quod asserit nostra sententia est peculiare de  
potentia vitali separata à subiecto, quod etiam si ei modus per se com-  
municaretur, adhuc esset in statu violento. Hæc est directè contra  
vltimam sententiam; quod sic ostendo, potentia vitalis ordi-  
natur per se primò, atque essentialiter in eum finem, ut sit  
principium efficiens vitale, atque intrinsecum viuientis ad eli-  
ciendam vitalem operationem: sed non potest esse tale prin-  
cipium separata à subiecto; ergo priuatur ab efficiente extrin-  
seco maxima perfectione sibi debita à natura contra natura-  
lem impetum suæ inclinationis actiui principij; quare necesse  
est habere statum violentum. Minorem sic probo; potentia  
80 vitalis non potest esse principium vitalis operationis, nisi  
tanquam instrumentum actu coniunctum cum primo princi-  
pio vitæ, quod est anima, quia operatio vitalis ex propria ra-  
tione debet procedere à principio intrinseco vitæ, ut suo loco  
ostenderetur; ergo potentia vitalis separata non potest elicere  
operationem vitalem, ad quam elicendam, ut actiuum princi-  
pium ordinata est à natura.

Nec tolleretur status violentus, etiam si separata haberet  
modum perfectitatis, quia etiam si modus iste posset supplere  
carentiam actualis inhærentiæ, quia perfectior esset quasi in  
eodem ordine essendi, nullo tamen modo suppleret modum  
naturalis inclinationis ad elicendas vitales operationes, quia  
sic

*Tract. de potentiis Anima in generali. Quæst. 1<sup>a</sup>. 251*  
sic separata existens, etiam cum modo perfectioris non posset  
esse principium vitalis operationis, esse autem, & operari  
diuersa sunt. Vnde licet suppleri possit modus essendi imper-  
fectior per modum perfectioris, non sequitur posse suppleri per  
eundem modum essendi, modum & inclinationem ad operandum.

### Q V Æ S T I O V.

*Verum potentia vitales oriantur ab anima tanquam  
à principio effectiue.*

**D**E emanatione potentiarum ab anima tria sunt disputan- 81  
da. Primum an effectiue emanent ab ea, & consequenter  
in aliis generibus causarum ab ea dependant. Secundum, sup-  
posito quod ab ea procedant tanquam à causa efficiente, an media  
aliqua actione, vel sine illa. Et tandem an eo ordine ab ea orian-  
tur, ut una earum sit alterius causa, & quonam modo.

Et circa primum de origine potentiarum vitalium ab anima  
fuit prima sententia omnino negans, quod procedant effe-  
ctiue ab ea: sed à solo generante sine villo medio effectiue con-  
currente producantur. Ita comment. 4. lib. Metaph. com. n. 2. ubi  
negat vniuersaliter, quod substantiæ respectu accidentium  
tribuenda sit efficiens, aut finalis causalitas: sed sola materialis.  
Iamd. verò etiam de potentiis, ac passionibus negat, quod effe-  
ctiue procedant ab anima: sed ad summum in genere finalis,  
ac materialis causæ 2. lib. de anima, quæst. 10. & idem sentit  
Nimphus eodem lib. text. 29. atque etiam Ægidius in 1. dist. 3.  
quæst. 18. Probatur primò, quia substantia creata, nec agit per  
se immediatè: sed per accidentia, nec dari potest accidens, quo  
medio concurrat effectiue ad productionem potentiarum, vel  
passionum: cum istæ sint prima accidentia, & si daretur aliud  
prius, procedendum esset in infinitum.

Probatur secundò, quia si potentia naturaliter emanant ab 82  
anima tanquam ab efficiente, sequitur quod si aliqua auferatur  
ab ea per miraculum, ut à rationali intellectus, vel naturaliter  
eam amiserit, ut sensitiua visum, relicta suæ naturæ iterum  
emanabit ab ea, ut frigiditas amissa iterum oritur ab aqua su-  
blato impediante: sed talis emanatio est impossibilis: ergo  
impossibilis erit etiam prior. Minorem sic probo, cæcus homo  
non potest naturaliter acquirere potentiam visiuam amissam,  
quia à priuatione ad habitum non datur naturalis regressus;  
ergo falsum est has potentias naturaliter emanare ab anima  
tanquam ab efficiente.

Secunda opinio communis est, & vera, quod potentia vitales  
naturaliter procedant ab anima, tanquam ab efficiente. Ita D. Thom.  
1. part. quæst. 77. art. 5. & 7. Caietan. & Bañez ibidem. & cæteri  
eius

eius discipuli, omnesque recentiores cum eis. Probatum primò, quia operationes vitales procedunt à principio vitæ, tanquam à prima radice earum: sed potentia vitales sunt virtutes naturales eidem primo vitæ principio concessæ à natura pro eisdem operationibus vitalibus eliciendis: ergo continentur in virtute eius, ab eodemque oriuntur tanquam à prima radice: constat autem primum principium totius vitæ esse animam; ergo sicut procedunt ab ea operationes vitales tanquam à prima radice; ita etiam potentia, quod est effectiue ab ea procedere. Secundò probatur efficaciter exemplo aquæ, cuius potentia naturalis ad infrigidandum est frigus, & quasi naturalis eius proprietas, sicut intellectus, & voluntas sunt potentia animæ rationalis ad intelligendum, & volendum: sed frigus procedit à substantia aquæ effectiue; ergo intellectus, & voluntas procedunt effectiue ab anima. Minorem sic probo, amissa frigiditate per calefactionem, & remoto calefaciente, naturaliter se reducit aqua ad pristinam frigiditatem, ut evidens experientia ostendit: sed non est alia causa efficiens particularis præsens actu, & approximata, à qua possit nova illa frigiditas efficienter produci præter naturam eiusdem aquæ; ergo dicendum est ab ea emanare tanquam ab efficiente. Probatum minor discurrendo per omnes causas naturaliter possibiles, & primò de extrinsecis est manifestum. Sed probatur nullam dari intrinsecam præter naturam aquæ. Nam duæ excogitantur ab aduersariis, dicunt enim in quibusdam partibus aquæ quantumvis calidis semper manere intensum frigus, & ab his partibus infrigidari calidas, & ita se reducere in naturalem suam frigiditatem, quod tribui solet Commentatori 2. libr. de anima comment. 1. & à Caiet. iudicatur probabile 1. part. quæst. 54. artic. 3. Sed evidenter probatur falsum: primò experientia sensibili; nam in vase aliquo igni applicato vehementerque ab ea calefacto sensu tactus experimur totam aquam, & omnes eius partes non solum esse calidas: sed æquali ferè intensione; ergo contra experientiam, & sine villo fundamento dicitur aliquas partes eius intensum frigus habere; nam cum eodem ferè modo sint applicatæ, & approximatae agenti, eodem ferè modo in omnes ager, & æque ferè intensum calorem eis imprimet. Secundò, ratione, quia etiam si daremus partes aliquas habere intensam frigiditatem, evidens est non habere summam, quia repugnat non recipere aliquem calorem ab igne, & à partibus sibi proximis vehementer calefactis: sed si non habeant summam non possunt eam producere in aliis partibus, quia non possunt agere ultra propriam intentionem, præsertim cum nihil operetur forma substantialis eiusdem



aquæ (vt asserunt) ergò repugnat ab eis reduci alias ad summam frigiditatem, vt reduci constat. Ex quo patet etiam falsum, quod ab aliis dicitur: nempe in partibus calidis aliquid frigiditatis permanere semper: cum non possit sine frigiditate saltem remissa conseruari aqua, ab hac igitur frigiditate remissa expelli aiunt calorem sublato calefaciente, & reduci totam aquam ad frigiditatem sibi connaturalem, & hoc asserimus esse euidenter falsum; quia si natura ipsius aquæ nihil agit, repugnat remissam illam frigiditatem intendere se ipsam: nam ex professo probauimus 1. lib. de generatione nullum agens posse se ipsum intendere. Posterior causa intrinseca, qua tribuunt alij, est quidem qualitas virtualis, qua media emanant calor, & frigus ab aqua, & igne, & pariter humiditas, & siccitas in his, & aliis elementis, ab hac ergò qualitate eminenter continente prædictas omnes reducuntur elementa ad summam intensionem eorum, quando eam amittunt per actionem contrarij. Hoc tamen expresse contrarium est doctrinæ Aristotelis, & rationi, vt 2. lib. de generatione copiose ostendimus.

Veritas ergo est, quod primæ qualitates elementorum, quæ sunt naturales potentie earum ad operandum: effectiue procedunt ab eorum substantiis. Ex qua efficaciter probatum est potentias vitales eodem modo emanare ab anima, cum sint naturales pro operationibus vitalibus eliciendis.

Vt autem hæc veritas melius intelligatur, & argumenta opposita facilius solui possint, vnum est adnotandum, videlicet, has potentias produci à generante compositum viuens, vel à Deo creante animam in eodem instanti, quo generatur compositum viuens, vel creatur anima, tanquam à causa quidem præcipua, atque proxima, media tamen anima, tanquam instrumento. Quod tenui 8. lib. physicorum cum Aristotele, & D. Tho. Conimb. & Suario tom. 1. Metaphys. disput. 18. sect. 7. num. 21. & pluribus aliis recentioribus. Probatúrque hac ratione efficaci, quia ad generantem, aut creantem pertinet producere rem cum omnibus, quæ ei debentur ex vi generationis, aut creationis in eodem instanti, in quo generatur, vel creatur: sed rei genitæ debentur proprietates, aut naturales potentie in eodem instanti, in quo generatur, vel creatur ex vi generationis, aut creationis, & natæ sunt ei tunc conuenire, vt sit in statu sibi connaturali, in quo produci debet à generante, vt operari possit, & à contrariis se defendere, quod præstat per potentias, & passiones; ergò ad generantem, vel creantem pertinet producere passiones, & potentias in eodem instanti, sicut pertinet producere substantiam, & ideò tanquam ad præcipuam, atque proximam causam medio tamen subiecto tanquam instrumento,

mento, quia cum substantia sit natura prior, atque nobilior his accidentibus, & quasi actus primus, & substantialis, illa verò quasi secundus, & accidentalis: satis est naturæ eius consonum ut ea virtute contineat, & ideo aliquem possit præstare influxum ad productionem eorum tanquam medium. & quasi virtus generantis.

- 88 Ad primum argumentum oppositæ sententiæ distinguendum est antecedens, quod substantia creata non sit immediate operatiua, sed per accidentia: nam actione dependente ab aliquo extrinseco, vel subiecto, quæ transmutatio vocari solet, & tanquam agens præcipuum, verum est, ad actionem verò, quæ nec ita depêdet, nec transmutatio dicitur: sed simplex quædam, naturalis, atque interna emanatio, & quædam resultantia ex generatione, vel creatione substantiæ: bene potest per se immediate concurrere tanquam virtus generantis: sicut de concursu essentiæ, ad emanationem subsistentiæ superius ostendimus.

- Ad secundum respondeo distinguendo consequens prioris consequentiæ, quod si auferatur intellectus ab anima, vel corpus amittat visum, concedendum sit posse naturaliter restitui sicut frigiditas aquæ: nam de potentia sensitiva falsum est, de intellectiva verum. Et ratio differentiæ est, quia potentia sensitiva non emanat ab anima nisi supposita congruente dispositione organi, in quo recipienda est. Et quia semel corrupta dispositione organi, vel organo ipso destructo non datur agens naturale potens reproducere easdem dispositiones, non potest iterum emanare naturaliter potentia sensitiva ab anima, bene tamen intellectus (si per potentiam Dei absolutam auferatur) & Deus vellet iterum concurrere cum anima, ut fecit in instanti creationis eius. His enim suppositis emanabit intellectus, quia cum non sit potentia organica, non postulat dispositiones in subiecto, & propterea nihil obstat, quin naturaliter emanare iterum possit sublato impedimento.

## QVÆSTIO VI.

*An potentia visuales emanent ab anima per veras actiones realiter distinctas inter sese, & à generatione, vel creatione.*

- PRæsupponit titulus præsentis questionis id, quod definitum est in præcedenti, videlicet animam concurrere ad productionem suarum potentiarum per veram efficientiam tanquam virtutem generantis: quærit verò, an potentiæ producantur à generante media anima per veram actionem distinctam ab ea, per quam procedit anima ipsa à generante, vel creante.

- 90 Et prima opinio tenet non produci per veram actionem: sed  
tunc

sine illa per naturalem resultantiam ex generatione, aut creatione. Ita videtur sentire Caiet. 1. p. q. 54. art. 3. ad finem, sed clarius q. 77. art. 1. ad 2. & 3. ubi expresse asserit hanc resultantiam esse, per efficientiam animæ, sine media actione. Et ita ex professo Bañez 1. p. q. 77. art. 6. dub. 3. qui nonnihil magis explicare videtur mentem Caiet. nam quamvis in resolutione dubij neget passiones, & potentias procedere per veram efficientiam, in solutione tamen ad 2. ita ait. *Licet anima non concurrat ad productionem sui, potest concurrere ad productionem potentia sine nova actione: scilicet applicando actionem agentis, & quasi deferendo illam ad ipsam potentiam.* Et videtur hæc sententia expressa à D. Thom. in eodem art. ad 3. his verbis, *Emanatio propriorum accidentium à subiecto non est per aliquam transmutationem, sed per aliquam naturalem resultantiam sicut ex uno aliud naturaliter resultat, ut ex luce calor.* Probat etiam ratione Bañez hoc modo: tunc aliquid est causa actiua per veram actionem, quando inter agens, & effectum mediat vera actio, sed inter proprietates, aut poten- 91  
tias ab ea emanantes nulla potest esse vera actio media: ergò non emanant per veram actionem. Minorem probat tripliciter: primò, quia si anima produceret in se potentias per veram actionem, cum non possit ad eam concurrere per aliam potentiam, sed necessariò per se ipsam, ageret immediatè per propriam substantiam, & non medio accidente. Quod patet esse impossibile, cum solius Dei sit hoc modo agere. Secundò, quia si media actione eas produceret, talis actio esset alteratio: cum sit ad qualitates, & cum instantanea foret: daretur vera alteratio instantanea, quod 6. lib. physic. probatur impossibile, & tandem, quia vera actio præsupponit causam efficientem tempore priorem se ipsa, & effectù, ut inductione per omnes facta constat, sed anima non est prior tempore emanatione potentiarum, nec etiam ipsismet potentijs: cum omnes incipiant in eodem instanti generationis: ergò non emanant per veram actionem.

Secunda opinio tenet *potentias, & passiones procedere ab anima* 92  
*per veram, & realem actionem distinctam à generatione compositi, vel creatione anima, quamvis non per transmutationem.* Ita Suarius 1. tom. meta. disp. 18. sect. 3. n. 4. & 5. & omnes ferè recentiores, & videtur mihi non solum probabilior, sed vera. Ut autem eam probemus, præsupponere oportet illud, in quo conueniunt auctores oppositæ, & constat ex præcedente quæstione, videlicet subiectum potentiarum, siue sit anima in rationalibus, siue compositum in sensitiuis, & vegetatiuis concurrere ad productionem earum per veram efficientiam, quod expresse docuit D. Thom. 1. part. quæstione 77. articulo 6. his verbis. *Subiectum in quantum est in potentia, est susceptivum formæ accidentaliu, in quantum*

*quantum autem est in actu est eius productum. Et paulò inferiùs applicans distinctionem hanc ad subiectum potentiarum ita ait. Manifestum est, quod omnes potentia anima siue subiectum earum sit anima sola, siue compositum fluunt ab essentia anima sicut à principio.*

- Hoc igitur præsupposito, probatur primò, quod per veram,  
 93 ac distinctam actionem hoc modo. Anima, vel compositum respectu potentiarum habet veram efficientiam: ergò veram causalitatem efficientem, sed causalitas causæ efficientis est actio: ergò concurret subiectum ad productionem passionis per veram actionem, & non per eandem, per quam producitur ipsum à generante (vt Bañes asserit) ergò per distinctam; quare per actionem distinctam à generatione, vel creatione procedet. Minorem sic probo. Vera creatio, & veraeductio formæ de potentia materiæ sunt actiones distinctæ realiter, quia creatio nullum potest subiectum præsupponere, eductio verò ex propria natura, & ratione præsupponit subiectum, & circa illud versatur, sed productio animæ rationalis est vera creatio, emanatio verò intellectus, & voluntatis ab ea est vera eductio utriusque de potentia eiusdem animæ: ergò sunt actiones distinctæ realiter; quare non potest anima concurrere per veram efficientiam ad productionem, vel emanationem potentiarum: nisi concurrat per veram actionem realiter distinctam à creatione, per quam fit ipsa à Deo. Minorem sic probo, eductio formæ de potentia materiæ, aut subiecti est dependentia eiusdem formæ  
 94 à subiecto in esse, & fieri, sed intellectus, & voluntas dependent in esse, & fieri ab anima in esse quidem, quia non possunt esse sine illa naturaliter; in fieri verò quia non possunt naturaliter fieri nisi dependenter ab ea tanquam à subiecto, & causa materiali: ergò de potentia eius educuntur. Et eodem modo probatur fieri potentias corporeas per actionem distinctam realiter à generatione: cum hæc sit productio substantiæ, emanatio verò potentiarum eductio earum de potentia eiusdem substantiæ.

- Secundò probatur, quia actio non est aliud, quam actualis dependentia effectus ab agente, sed productio rei, & emanatio proprietatis ab essentia eius sunt plures dependentiæ actuales ab agente realiter distinctæ; ergò plures actiones distinctæ realiter. Minorem sic probo, duæ entitates reales quarum una non est pars, neque modus alterius, sed ex æquo distinguuntur, non possunt eadem reali dependentia dependere ab agente: ergò neque fieri ab eo eadem actione. Probatur antecedens, quia cum  
 95 dependentia effectus ab agente non sit aliud, quam accipere entitatem ab eo, necesse est acceptionem entitatis distinctæ esse distinctam dependentiam, & ideo distinctam actionem: ergò  
 non

non possunt dependere ab agente eadem dependentia, sed diuerſa, & proinde nec fieri eadem actione, sed multis. Probatur tandem euidenti exemplo aquæ calidæ reducentis se in priſtinam frigiditatem, ex cuius reductione ita arguo: frigiditas amiſſa emanat naturaliter nunc ab aqua per diſtinctam actionem, à productione prima eiſdem aquæ: ergo per diſtinctam actionem emanauit, dum facta fuit aqua, euidentis eſt conſequentia, quia non tollit diſtinctionem vnius actionis ab alia ſimilitas temporis, vel instantis, in quo ſunt: cum conſtet plures actiones eodem tempore, vel instanti fieri poſſe. Sed antecedens probo, quia euidentis eſt, hoc tempore dependere frigiditatem actu ab agente: cum prius non dependeret; quia non erat, sed actualis dependentia ab agente eſt actio, ergo hoc tempore datur actio, quæ prius non erat, eſt igitur actio noua, & ideò realiter diſtincta ab actione antiqua: per quam producta fuit aqua iam non exiſtens, & pari ratione diſtinctæ ſunt actiones, per quas producuntur ſubiectum, & paſſio, vel potentia emanās ab eo, licet non ſint diſtinctæ mutationes, quia ſola actio, per quam producitur ſubiectum, poteſt eſſe mutatio, actio verò per quam producitur potentia, nec eſt mutatio, nec eſſe poteſt: cum 96 non præſupponat ſubiectum, ſed in eodem inſtanti ipſum conſequatur, imò hac duplici de cauſa non ſolet appellari actio, videlicet quia non eſt mutatio ſubiecti, ſed ſimplex dependentia ab eo ſimul, & agente, à quo idem ſubiectum producitur, & quia per naturalem quādam resultantiam ſequitur ex actione, per quam producitur ſubiectum, atque etiam ab eodem agente, & in eodem inſtanti temporis naturalis resultantia vocatur. Et propterea acurè ſatis D. Thom. loco proximè citato aſſeruit emanationem proprietatum, vel potentiarum à ſubiecto non eſſe per aliquam tranſmutationem; quibus verbis non negauit actionem, quam conceſſit eo ipſo quod docuit eſſe per veram efficientiam, ſed ſolùm negauit actionem, quæ eſt tranſmutatio ſubiecti. Vnde non ſolum cenſeo non eſſe contra D. Thom. aſſerere, quod potentia, & paſſiones emanant à ſubiecto per veram actionem diſtinctam ab ea per quam producitur idem ſubiectum, ſed procul dubio ex mente eius. Et ex his conſtat ſenſus verborum eius, quæ pro oppoſita ſententia citauimus.

Ad argumentum verò alterius opinionis conceſſa maiori, 97 neganda eſt minor, quod inter ſubiectum, & paſſionem, vel potentiam ab eo procedentem, non mediet actio.

Et ad primam probationem eius diſtinguendum eſt conſequens, quod ſubſtantia agat per ſe immediatè, & non per accidentia; nam hac actione non dependente ab extrinſeco, & naturaliter emanante ab ea, per quā producitur idem ſubiectum

bene potest agere per se ipsam, præsertim cum non agat tanquam præcipuum agens, ut in aliis actionibus, sed tanquam virtus, aut instrumentum generantis, nam sicut per se immediate est virtutis eius ad producendas passiones, & non per superadditum accidens, ita per se immediate concurrere potest, ac debet: ad alias vero actiones alio modo se habet: cum sit præcipuum agens, & ideo non potest nisi per accidentia concurrere.

Ad secundum concedendum est talem actionem esse alterationem, non propriam, quæ sit inter qualitates contrarias; sed impropriam, cum non ita fiat, nec sit mutatio, sed simplex quædam actio. Quod autem dicitur alterationem non posse fieri in instanti, vniuersaliter loquendo falsum est, ut ostendit illuminatio, quæ per se fit in instanti, & est alteratio quædam licet non propria, sicut nec est propria alteratio emanatio passionis: cum non versetur inter contraria: bene ergo potest in instanti fieri.

Ad ultimam probationem neganda est maior, quod actio præsupponat necessariò causam efficientem, se atque effectum tempore priorem. Quia sol in eodem instanti in quo factus fuit, illuminauit mundum, & etiam est euidens illuminationem esse veram, & realem actionem. Ex hac autem nostra sententia intelligitur, tot esse distinguendas actiones, quot sunt potentie, vel passiones procedentes à subiecto, nam cum sint entitates distinctæ realiter à subiecto, & inter se repugnat dependere ab agente eadem dependentia reali, & consequenter eadem actione: tot verò actiones ponere, quot sunt potentie, aut passiones procedentes, non est eas multiplicare sine necessitate, imò compellente necessaria ratione.

### QVÆSTIO VII.

*An una potentia, vel passio emanet efficienter ab alia.*

99 **V**T facilius intelligatur quæstio, & breuius ad difficultatem eius perueniamus, adnotandum est ex D. Tho. 1. p. q. 77. art. 4. & 7. quod licet anima sit una, plures potentie naturaliter emanant ab ea, sicut riuuli plures ab eodem fonte, & cum opera nature confusa non sint, sed ordinata per se, plures istæ potentie suo ordine emanant ab eadem anima, una prius, & posterius altera, imò & inter se ordinatæ sunt, ita ut quælibet aliquo modo per se, ac per suos actus cum aliis ordinetur. Diuersos autem ordines earum excogitabiles ad quatuor reducere possumus claritatis gratia, ad quos facile referuntur cæteri. Primus ordo perfectionis est: secundus causæ finalis: tertius durationis, aut temporis: posterior causalitatis efficientis.

Et in primis quod attinet ad ordinem perfectionis, certum est sic ordinari, ut spirituales sint priores, videlicet intellectus,

& voluntas. Secundum locum tenent sensitivæ: Infimum verò vegetativæ. Cuius ratio desumitur ex tribus, videlicet ex perfectiori modo essendi, ex perfectiori modo operandi, seu tendendi in obiectum, atque etiam ex perfectiori obiecto. Quæ omnia absque dubio concurrunt in eis eodem ordine: nam potentia rationales habent esse spirituale, & ideo longè perfectius cæteris omnibus ex propria ratione corporeis. Perfectius quoque tendunt in obiectum per actus etiam spirituales, & ideo minus limitatos, & per quos uniuersaliori, ac perfectiori modo attingit obiectum. Maior etiam obiecti perfectio manifesta est: cum cæteræ potentia tanquam corporeæ, & per corporeum organum operantes ad certum, ac limitatum obiectum entis corporei, ac sensibilis solum possint se extendere: ut visus ad solos colores, & lucem. Eadem autem tria concurrunt in potentiis sensitivis, prius quàm in cæteris, & ideo secundum locum perfectionis eis conceditur. Quod ex eo solum euidenter colligitur, quia cognoscitivæ sunt, vel cognitione sequuntur, cum tamen vegetativæ naturali modo sine cognitione operentur eodem modo, ac operantur potentia inferiores non vitales; quare necesse est perfectiores illas esse; & propterea vegetativas infimum locum perfectionis tenere.

Et ex ordine perfectionis colligitur ordo finalis causæ, nam imperfectiores ordinantur ad perfectiores tanquam media ad finem, cuius gratia à natura sunt constitutæ, & ideo idem ordo, quem secundum perfectionem tenent, tribuitur eis in ratione medij, & finis. Manifestum est enim vegetativas ordinari ad sensitivas, ut per proprias operationes disponant organa sensuum producendo illa ad debitum temperamentum, & augmentum, & producendo spiritus vitales, imò & animales quibus mediis operantur. Potentiæ verò sensitivæ ordinantur ad intellectivas subministrando eis species, sine quibus pro statu saltem animæ in corpore non possunt operari. Ipsæ autem potentia intellectivæ ordinantur ad sensitivas eas dirigendo in suis operationibus, & tam istæ, quàm illæ ordinantur ad compositum tanquam ad communem omnium finem, cuius gratia à natura sunt institutæ, & ideo compositum se habet quasi domus quædam, vel familia, aut ciuitas benè cõstituta, in qua inferiores personæ ordinantur, ut superioribus deserviant, superiores verò ut inferioribus imperent, eosque dirigant in suis ministeriis, & operationibus.

Quantum ad rectum denique ordinem durationis spectat: potentia omnes eiusdem compositi, nullum ordinem tēporis inter se habent, nec aliqua est prior alia, vel aliis, sed simul sunt omnes, quia in eodem instanti temporis, in quo generatur vi-

<sup>102</sup> uens: emanant omnes potentia ad ipsum pertinentes, & in eodem instanti habent esse: quauis in suis operationibus, quædam prius aliis operentur, ut vegetatiua prius quàm sensitiva, & vegetatiua: ac sensitiva prius quàm rationales, ut experientia notum est.

Solum restat ordo naturæ ac dependentiæ secundum genus causæ efficientis, & de hoc solo ordine procedit quæstio; nam quod prædicti tres reperiuntur inter potentias modo iam explicato, certum est apud omnes. Dubitamus itaque, an potentia, vel passiones per se immediatè emanent ab anima, ut vegetatiua, sensitiva, atque intellectiva, atque etiam singulæ species horum generum, & similiter omnes passiones à subiecto, ut in homine capacitas disciplinæ, admiratio, & risibilitas, vel non omnes per se immediatè, sed quædam mediis aliis, ut illæ, quæ videntur necessariò præsupponere alias in subiecto, vel actus earum, ut voluntas emanet ab anima medio intellectu, sicque de cæteris, eo quidem modo ut sicut prima producitur à generante medio subiecto efficiënter concurrente, ita secunda procedat ab eodem subiecto media prima etiam effectiue concurrente, & sic tertia media secunda, vel nullum concursum efficiëntem habeat una circa emanationem alterius, sed essentia immediatum circa emanationem omnium.

Et prima opinio affirmat eodem modo emanare efficienter secundam potentiam à prima, ac emanat prima à subiecto, ut voluntas ab intellectu, sicque de cæteris. Ita videtur sentire D. <sup>104</sup> Thom. 1. p. q. 77. art. 7. ubi secundum ordinem efficientis docet unam potentiam emanare ab anima media alia, probatque hac ratione in his, quæ secundum ordinem naturalem procedunt ab uno, sicut illud unum est causa omnium, ita quod est ei propinquius est quodam modo causa eorum, quæ sunt magis remota, sed potentia oriuntur ab anima, quæ ideò comparatur ad illas sicut principium actiuum æquiucum, atque etiam finale, & consequenter tãquam quid perfectius ad imperfectiora: ergo inter potentias, perfectiores sunt propinquiores eidem animæ, & ideò comparantur ad imperfectiores per modum finis, & agentis: unde sequitur has esse effectus illarum, & ex consequenti illis mediis tanquam efficientibus emanare ab anima. Secundò probari potest ex passionibus, quarum unã demonstramus à priori per alteram de subiecto, ut risibilitatem per admirationem, & hanc per capacitatem disciplinæ, ergo una se habet ad alteram, ut causa, qua media, atque effectiue concurrente procedit à subiecto.

<sup>105</sup> Nostra ramen sententia est, quod si strictè, ac propriè loquendum sit de emanatione secundum ordinem efficiëntiæ, omnes potentia, omnesque passiones per se immediatè emanant à sub



à subiecto, & nulla mediante alia effectiue concurrente. Ita tenent omnes ferè recentiores ( nam ex antiquis nullam ferè reperio, qui dubium hoc in particulari attingat. ) Probatur primò, quia si vna potentia emanat effectiue ab altera, vel perfectiores emanabunt mediis imperfectioribus, vel ex opposito imperfectiores mediis perfectioribus, sed vtrunque est impossibile: ergo talis ordo emanationis secundum efficientiam impossibilis est. Probatur minor, quia causa efficiens æquiuoca est perfectior suo effectui: ergo repugnat perfectiores emanare ab anima mediis imperfectioribus effectiue concurrentibus, nam iam daretur causa perfectior effectui. Quod sic vrgeri potest, si ita emanaret, euidenter sequeretur imperfectiores potèntias, & passionès propinquiores esse subiecto, quàm perfectiones, quod manifestam continet repugnantiàm, quia cum subiectum sit quasi fons, à quo emanant omnes, & ideo omnium perfectissimum, non potest, non esse perfectius, quòd magis ei appropinquat, & proximus ab eo emanat. Quod verò non emanent imperfectiores mediis perfectioribus effectiue concurrentibus sic probo. Imperfectiores sunt priores ordine generationis, & temporis, vt docet expressè D. Thom. in eodem articulo 7. atque etiam art. 4. eiusdem quæstionis, quia natura procedit ab imperfectioribus, sed quæ sunt generatione priora, sunt priora secundum esse existentia, quia quod prius generatur, prius existit: ergo prius habent esse imperfectiores potentia, quàm perfectiores, & proinde non possunt illis mediis effectiue concurrentibus produci, quia quod posterius habet esse, non potest esse efficiens causa eius, quod prius sit, ac prius habet esse. Secundò, quia si non omnes potentia emanant per se immediatè ab anima, sed quædam mediis aliis, sequitur nec dependere omnes immediatè ab anima in suis operationibus, sed quasdam mediis aliis. Probatur consequentia, quia ideo dependent ab anima in suis operationibus, quia sunt virtutes eius ad operandum ordinatæ, sed non sunt omnes virtutes eius proximæ, sed mediis aliis, sicut nec immediatè omnes, sed quædam mediis aliis ab ea emanant, ergo nec dependent omnes immediatè ab anima, nec possunt operari sine dependentia ab his, quibus mediis emanant. 106

Consequens autem secundum vtramque partem est falsum: secundum priorem quidem, quia quælibet potentia vitalis est virtus animæ ad eliciendâ operationem vitalem, sed sola anima est principium totius vitæ: ergo ab ea dependet omnis potètia vitalis immediatè: non ergo media alia. Quod verò imperfectiores potentia non necessariò dependant in suis operationibus à potentiis perfectioribus; manifestum est, quia nec po-

tentiæ vegetatiuæ dependent à sensitiuis: cum reperiantur sine  
 107 illis in plantis, nec sensitiuæ ab intellectu: cum reperiantur  
 sine illis in bruis: imò in eodẽ homine possunt sensus operari  
 sine dependentia ab intellectu, & volũtate: inter sensus quoque  
 non reperitur talis dependentia, quia nec visus ab auditu, nec  
 iste ab olfactu, aut gustu, imò neque vllus sensus externus ope-  
 ratur cũ dependentia ab internis: ergo benè probatur à poste-  
 riori, quod neque in suo esse talem dependentiã habeat, & pro-  
 pterea non emanabunt potẽtię istæ imperfectiores à perfectio-  
 ribus, vel ab anima eisdem mediis effectiue concurrentibus.

108 Hæc autem nostra sententia non est vllò modo contra men-  
 tem D. Thom. quia licet verba eius primo aspectu videantur  
 contraria, si diligentius expendantur, contraria non sunt; non  
 enim asserit D. Tho. perfectiores potentias esse principia effe-  
 ctiva imperfectiorum, sed quodammodo esse causam earum,  
 per modum principij effectiui; similitudinem igitur tantum  
 effectiuæ emanationis voluit eis cõcedere, non veram emana-  
 tionem effectiuam vnius ab altera. Quod ex duobus, quæ asse-  
 rit ibidem, planè colligitur; nam primò asserit sensum esse  
 quandam participationem deficientem intellectus, & ideò se-  
 cundum naturalem originem quodammodo esse ab intellectu.  
 Secundò quod asserit, est imperfectiores potẽtias esse principia  
 susceptiua, seu subiecta perfectiorum, vt sensus respectu intel-  
 lectus, quia cum recipere sit quid imperfectum, omne imper-  
 fectum respectu perfectioris habet modum receptiui; neutrum  
 verò horum potest veram causalitatem efficientem significare,  
 sed solam similitudinem, vt verba ipsa ostendunt: imò nec se-  
 cundum potest significare veram causalitatem materialem, sed  
 solam similitudinem, quia sensus non potest esse subiectum, cui  
 inhæreat intellectus.

109 Quod vt melius intelligatur adnotare oportet, quòd cùm ab  
 eadem anima ptoueniant omnes gradus essendi compositi, tam  
 vniuersales, quàm paticulares, ita se habet inter sese, vt gradus  
 vniuersalior sit quasi materia, ac potentia respectu inferioris,  
 quia habet rationem imperfecti, & contrahibilis, seu determi-  
 nabilis per illum, eo modo quo materia determinabilis est per  
 formã: gradus verò inferior se habet vt forma, quia contrahit,  
 ac determinat superiorem; vnde fit, quòd sicut inter materiam,  
 & formam datur mutua ratio prioris, & posterioris in diuerso  
 genere causæ; ita inter prædictos gradus ratione nostra distin-  
 ctos: vt in homine gradus substãtię, corporis, viuentis, sensitiui,  
 & rationalis, ita se habet, vt superiores habeant rationem ma-  
 teriæ, ac potentiæ respectu inferiorum, & inferiores rationem  
 formæ, quia illi habent rationem perfectibilis, & determinabi-

lis ; isti verò rationem perficientis, ac determinantis ; & ideo  
vniuersaliores concipiuntur tanquam priores in genere causæ <sup>110</sup>  
materialis, posteriores verò tanquam priores in genere causæ  
formalis, & quia forma habet rationem actus, atque perfecti, &  
efficiens causat, in quantum est actus, sic enim habet rationem  
perfecti, propterea gradus inferiores habent modum, & simili-  
tudinem principij actiui, nam & ipsa forma principium actiuum  
est respectu operationum, & simili modo se habent potentia:  
nam illæ quæ consequuntur gradus efficiendi, vniuersaliores di-  
cuntur, etiam priores in genere causæ materialis respectu po-  
tentiarum: quæ sequuntur gradus inferiores, vt potentia vege-  
tatiuæ, quæ sequuntur gradum, viuentis, dicuntur priores sen-  
sitiuis in hoc genere causæ, atque etiam sensitiuæ, quæ sequun-  
tur gradum animalis respectu rationalium, quæ sequuntur gra-  
dum rationalitatis, & ex opposito potentia consequentes gra-  
dum inferiorem, sunt priores in genere causæ formalis, & ha-  
bent similitudinem principij actiui respectu earum, quæ con-  
sequuntur gradus superiores, vt sensitiuæ respectu vegetatiua-  
rum, & rationales respectu harum, & illarum, & consequenter <sup>111</sup>  
dicuntur istæ emanare ab illis per modum principij actiui,  
sed esse quasi subiecta earum, non tamen esse verà principia  
effectiua, nec verà subiecta, sed similitudinem vtriusque habe-  
re: Et hæc doctrina continet germanum sensum Diu. Thom.  
vt legenti articulum citatū constabit, & ostendit nostrā sen-  
tentiam de vera efficientia loquentem non esse contra men-  
tem eius, sed valde ei consentaneam.

Et ex his solum est argumentum Diui Thomæ, vel cer-  
te explicatus sensus eius, quia non intendebat probare pro-  
priam efficientiam, sed quandam similitudinem eius, quæ  
sufficiebat, vt intelligeretur ordo emanationis potentiarum ab  
anima.

Ad secundum concedendum est antecedens, quod vna passio  
demonstratur per alteram à priori, sed neganda est consequen-  
tia, quod tanquam per causam efficientem. Nam in primis  
demonstratur tanquam per causam finalem, quia priores, ac  
perfectiores sunt fines posteriorum, atque imperfectiorum.  
Præterea cum perfectiora, vt talia, sint natura priora imper-  
fectioribus, vt docet Aristoteles in Postprædicamen. cap. de  
priori, quodammodo sequitur, perfectiores potentias posse  
à priori demonstrare imperfectiores: quod habent etiam ex  
eo, quod ratione suæ perfectionis propinquiore sunt essen-  
tiæ, licet tanquam ab efficiente æquè immediate omnes ema-  
nent.

## A P P E N D I X

## D V B I V M.

*De subiecto potentiarum vitalium.*

**T**Riplex Genus causæ docuit D. Thom. exercere subiectum respectu passionum, vel potentiarum 1. p. q. 77. art. 6. ad 2. finalis, efficientis, & materialis: & finalis quidem, quia potentia  
 111 sunt propter animam, videlicet ut per operationes per eas elicitas se perficiat. Genus verò efficientis causæ exercere animam, & quoduis aliud subiectum ostendimus in emanatione passionum, & potentiarum. Nunc verò explicandum restat genus causæ materialis.

Pro eius verò explicatione adnotare oportet, potentias vitales duplices esse, quædam sunt organicæ, illæ quidem, quæ per organum corporeum operantur, ut sensus, & istæ sunt corporeæ, & in subiecto corporeo inhærentes, nempe in aliqua parte determinata corporis, quæ vocatur organica, ut visus in oculis. Aliæ sunt potentia, quæ non operantur per organum corporeum, nec proinde in eo recipiuntur, & tales sunt rationales, quarum subiectum proximum & adæquatum est anima rationalis. Ex quibus sequitur potetias organicas corrumpi in morte cuiuslibet viuentis, quia corrumpitur organum, quod est proprium subiectum earum: potentias verò immediatè inhærentes animæ, atque in ea sola, quales sunt rationales, destructo  
 113 composito permanere, sicut permanet anima ipsa. Ita loquendum est de subiecto potentiarum, & permanentia, vel corruptione earum corrupto composito. Sed qui eas non distinguunt realiter ab anima, sed sola ratione formali, ut Scotus, & sectatores eius, concedere tenentur permanere in anima separata omnes potentias sensitivas, & vegetatiuas, & expressè id concedit Scotus loco nuper citato. Quo autem pacto sic permanentes non operentur, difficile explicare possunt; nam licet dicant idè non operari, quia non permanent organa, quæ necessaria sunt ad receptionem specierum; Hoc non satisfacit, quia cum immediatè sint in anima, tanquam in subiecto, vel potius realiter sint anima ipsa, non videntur operari organa per illas, sed anima immediatè, sicut nos dicimus de potentiis rationalibus, intellectu, & voluntate eo ipso, quod tenemus proximè inhære animæ tanquā proprio subiecto; nam eo ipso sequitur non esse in organo corporeo immediatè, & idè non operari per illud, sed animam immediatè per ipsas, & propterea separata à corpore per eas operari sine ulla indigentia organorum. Ex quo apparet falsum esse fundamentum videlicet, quod identificen-

*Tract. de potentiis Anima in generali. Quæst. VIII. 265*  
tur cum anima. Testimonia verò, atque rationes, quas affert  
idem Scotus in 2. dist. 17. q. 3. ad probandum omnes potentias  
sensitivas, & vegetativas permanere in anima separata nullius  
momenti sunt, nec ullam penitus difficultatem continent, &  
ideò consulto eas omitto.

### QVÆSTIO VIII.

*An unitas, ac distinctio specifica potentialium vitalium desumenda  
sit ab actibus, & obiectis earum.*

**D**Vplicem causam potentialium vitalium ex professo dis-<sup>114</sup>  
cussimus in præcedentibus, efficientem, videlicet, & mate-  
rialem. Sed quia perfecta notitia cuiuslibet rei dependet ex  
quatuor generibus causarum, agendum restat de causa formali,  
atque finali, nam & si potentia, quia accidentia sunt, non com-  
ponatur ex materia, & forma, ut ex partibus intrinsecis, nihilo-  
minus ab aliquo debent speciem sumere, quod sit quasi forma,  
& finis earum, de quo quærit titulus quæstionis, an sit actus, vel  
obiectum, aut uterque simul.

Et circa hanc quæstionem fuit prima opinio Scoti in 2. dist.  
16. quæst. vnic. asserentis, quod quamvis à posteriori cognos-  
camus nos unitatem, & distinctionem specificam potentialium  
per actus, quos eliciunt circa obiecta propria, intrinsecam ta-  
men speciem non ab his extrinsecis desumunt, sed ex propriis,  
atque absolutis, intrinsecisque differentiis, sicut res aliæ. Ita  
etiam sentiunt Philopon. Apolin. & Paul. Venet. 2. lib. de anima  
ad text. 33. Tienens. ad text. 29. Iandunus q. 7. & alij. Probant,  
quia potentia sunt entitates absolutæ; ergo habent essentielles  
differentias absolutas: per quas species earum constituuntur, &  
distinguuntur, non ergo per ordinem, vel respectum ad actus,  
& obiecta, cum tam actus quam obiecta sint eis extrinseca.

Secundò probari potest hoc modo: dari possunt potetia spe-<sup>115</sup>  
cie distinctæ habentes actus, & obiecta eiusdem speciei; ergo  
non potest sumi distinctio specifica earum ab actibus, & obie-  
ctis. Antecedens probo, quia potentia visiva hominis, & leonis  
distinguntur specie: cum orientur ab animabus, & animalibus  
specie diuersis, sed utraque versatur circa idem obiectum visi-  
bile, & ideò visiones utriusque eiusdem speciei sunt; ergo po-  
tentia speciei diuersæ habent actus, & obiecta eiusdem speciei.  
Probatur tandem, quia eadem potentia habet actus, & obiecta  
diuersa; ergo nec unitas, nec distinctio earum potest sumi ex  
unitate, vel distinctione actuum, vel obiectorum. Probatur an-  
tecedens, quia in intellectu diuersi actus sunt principiorum, &  
scientiæ, opinionis, & fidei, non solum materiali ratione, sed  
formalissima: cum distinguantur per diuersa media assentiendi,

quæ sunt immediata veritas principiorum, demonstratio, ac probabilis ratio, & testimonium. Et vrgeri potest, quia actus sunt posteriores potentiis, cum sint effectus earum; ergo non potest potentia ab eis speciem capere. Probatur consequentia, quia non solum actus, sed respectus ad illos præsupponunt potentiam in sua specie constitutam.

116 Secunda opinio affirmat *potentias tam vitales, quam eâ inferiores sumere unitatem, ac distinctionem specificam ex actibus, & obiectis*. Ita D. Thom. expressè 1. p. q. 77. art. 3. quem sequuntur sui omnes, Caiet. & Bañez ibidem. Ferr. 2. lib. de anima qu. 9. & omnes interpretes Arist. tam recentiores quàm antiqui ad textum 33. huius libri, præsertim Alex. Aphrodis. Egidius, & Nymphus, estque communis, & vera. Probatur testimonio Arist. c. 4. huius lib. text. 33. vbi acturus de potentiis animæ vegetatiuæ asserit, primò sibi agendum esse de actibus, & obiectis earum, quia non possunt, nisi per hæc extrinseca definiri; ergo sentit habere intrinsecū ordinem ad illa. Probatur consequentia, quia non potest explicari per definitionem essentia potentiarum, nisi positis in ea actibus & obiectis; ergo ordo, seu habitudo ad illa essentialis est potentiis, à qua proinde desument unitatem, ac distinctionem specificam. Et si dicas solum sentire Arist. per actus, & obiecta cognosci, ac definiri quo ad nos. Probatur hoc esse falsum, & verbis eiusdem Aristotelis contrarium, quibus asserit ad inuestigandam, vel tradendam cognitionem scientificam potentiarum, prius esse assignandas definitiones earum, quas assignare impossibile est, nisi cognitis prius actibus, atque obiectis earum tanquam prioribus: sed cognitio scientifica innititur veræ definitioni explicati naturam rei, ergo hanc sentit Aristoteles non posse tradi, nisi per actus, & obiecta potentiarum, & ex consequenti essentialem esse potentiis ordinem ad illa.

117 Probatur deinde ratione, quia potētix sunt quasi instrumenta animæ naturaliter ordinata ad tales actus eliciendos circa talia obiecta; ita vè pro diuersis actibus, & obiectis diuersæ sint à natura tributæ potētix viuentibus, atque etiam inferioribus substantiis; ergo ex sua natura, atque ratione intrinseca ordinantur ad actus, & obiecta, & pro illorum diuersitate diuersa sunt. Probatur consequentia ex instrumentis artium: nam diuersæ artes, diuersa postulant instrumenta, & hæc diuersa sunt inter sese, quia diuersis actibus deservire apta sunt, vt patet de instrumentis fabri ferrarij, & pictoris, intrinseca igitur est habitudo instrumentorum, cuiuslibet artis ad vsum, atque exercitium illius artis, & consequenter ad actus, & obiectum eius, & per diuersam hanc habitudinem distinguuntur specie. Pari ergo ratione de instrumentis naturalibus, qualia sunt

sunt potentia, fatehdum est talia esse à natura instituta pro talibus actibus circa talia obiecta elicienda, & consequenter <sup>118</sup> essentialem eis esse habitudinem ad illa, & per habitudinem diuersam distingui specie. Secundò, ordo, seu habitudo ad proprium finem, cuius gratia res constituta est, pertinet ad essentialiam eius, vt si de homine loquamur, essentialis est ei capacitas beatitudinis in operatione consistentis: sed operatio circa tale obiectum est finis, cuius gratia constituta est à natura potentia; ergo habitudo ad illam est ei essentialis. Minorem probo, quia potentia datæ sunt animæ gratia operationum, nepe vt per illas eliciat operationes circa obiecta (ad alterum enim finem eis non indigebat) intendit igitur natura per potentias operationes circa obiecta; quare istæ erunt proprius finis, in quem sua natura ordinantur.

Hæc autem sententia non est sic intelligenda, vt ab actibus, <sup>119</sup> & obiectis sumatur vnitas, & distinctio potentiarum, quasi actus ipsi, vel obiecta sint de essentia earum: nam cum actus, & obiectum sint res aliæ, non solum distinctæ à potentiis: sed alterius prædicamenti, non possunt essentielles eis esse, sed prorsus sunt eis extrinsecæ. Sed habitudo, seu respectus ad actus, & obiecta intrinsecus, atque essentialis est potentiis, & in propriis differentiis essentialibus earum importatus. Potentia itaque qualitates absolutæ sunt in secunda specie qualitatis collocatæ, non tamen ita sunt absolutæ, quin includant intrinsecum respectum ad actus, & obiecta in propriis differentiis: eiusmodi autem respectus non sunt relationes prædicamenti ad aliquid: sed cum sint de essentia absolutorum, ad speciem, & prædicamenta eorum pertinent.

Sed adhuc est adnotandum secundò ex D. Thom. 1. parte, q. 77. artic. 3. duplicem esse potentiam, actiuam, & passiuam: actiua est illa, quæ sine passione, aut receptione præcedente operatur, vt nutritiua, & generatiua. Passiua verò potentia non dicitur talis in hac parte, quia solum sit ad patiendum, vel recipiendum, hæc enim purè passiuæ est, & non vitalis, vt potentia materiæ ad recipiendam formam: sed passiuæ vocatur, quia actionem eius præcedit passio, non quidem propria (quam corruptiuam vocant) sed pro sola receptione etiam perfectiua subiecti, & talis est omnis potentia cognoscitiua, siue sensitiua, vel intellectiua sit. Vtræque autem potentia respicit actum, & obiectum diuerso tamen modo: nam potentia actiua respicit illud tanquam finem, vel terminum per eam productum, vel etiam tanquam materiam circa quam operatur, quo pacto asserit Aristoteles, cap. 4. huius libri alimentum esse obiectum <sup>120</sup> potentia nutritiua, quæ etiam habet pro obiecto per modum finis.

finis, aut termini producti partialem substantiam viuentem. Potentia verò passiuā potius respicit obiectum tanquā principium motiū, seu effectiuum ad operandum. Vtraque igitur suo modo habet intrinsecā habitudinem, seu respectum ad actum, & obiectum: sed actum respicit proximè, & quasi remotè obiectum: vtrūque verò per se, & essentialiter, & ideo per ordinem ad vtrumque sumit vnitatem, & distinctionem specificam.

Ad primum argumentum oppositæ sententiæ distinguenda est maior, quod potentia sint entitates absolutæ: nam si velit omnino esse absolutas sicut substantia; ita vt nullum prorsus respectum transcendentalem, aut secundum dici in sua essentia importent, falsa est: si verò intelligatur esse accidentia, aut entitates absolutas: ita vt non sint relatiua prædicamenti ad aliquid, nihil præter relationem essentialiter importantia, verum est: sed nihil probat contra nostram sententiam, quia licet sint entitates prædicamenti absoluti, imperfectæ quidem, & quarum essentia per quosdā respectus intrinsecos ad actus, & obiecta completur.

Tertium argumentum priusquā secundum soluendum est, cui hac distinctione sit satis, actus alicuius potentia duplices sunt adæquati, atque inadæquati, actus adæquatus est vltra quem non se extendit potentia: sed ad illum tantum, hoc est, nō ad alterum diuersæ rationis: sed omnes, quos habere potest eiusdem sunt rationis specificæ, vt generatio hominis censetur actus adæquatus potentia generatiuæ eius, quia licet plures possit habere actus generandi, omnes sunt eiusdem rationis specificæ, sicut homines ipsi, quos potest generare: actus verò inadæquatus est vltra quem potest se extendere potentia, hoc est, ad alterum diuersæ speciei, & dicuntur inadæquati, quia nullus per se adæquatur potentia: & tales sunt, quos potest habere intellectus, nempe principiorum, & scientiæ, fidei, & opinionis, nullus enim horum per se adæquatur potentia: sed vltra eum potest se extendere ad alterum diuersæ rationis specificæ. Dum ergo dicimus potentiam sumere speciem ab actu, de adæquato intelligimus, non de inadæquato; adæquatum verò constituere censetur inadæquati omnes secundū vniuersalissimā rationem adæquatam potentia in qua conueniunt considerati, & hæc ratio sumitur ex modo, quo eliciuntur à potentia sub tali ratione immutationis ab obiecto, vt inferiùs explicabitur. Aliud verò quod additur, videlicet actus esse posteriores potentiis tanquam effectus earum, distinguendum est: nam in genere efficiētis causæ verum est, falsum verò in genere causæ finalis, quia in eum finem concessa est potentia subiecto: vt per eam eliciat tales actus, per quos se perficiat, quare actus est finis



*Tract. de potentiis Anima in generali. Quest. VIII. 169*  
nis potentia: & cum causa finalis sit prior efficiente, ac cæteris,  
priores sunt actus potentiis: ideo, per ordinem ad illos speciem  
accipiunt.

APPENDIX  
DVBIUM.

*An potentia visiva hominis, & leonis distinguantur specie.*

SECUNDUM argumentum dubium illud tangit, an potentia vi-  
siva hominis, & leonis sint diversæ speciei, vel eiusdem. Cui  
respondet Caiet. 2. lib. de anim. cap. 10. in principio, & 1. p. q. 77.  
artic. 1. ubi cum sequitur Bañez in solutione ad 1. dubio 2. quod  
istæ potentia possunt dupliciter considerari, videlicet ut pro-  
prietates diversarum specierum, & hoc modo sunt diversæ spe-  
ciei, aut in ordine ad actum, & obiectum visibile, quo pacto ait  
esse eiusdem speciei. Hæc tamen sententia probatur falsa, pri-  
mo, quia species potentialium, ut potentia sunt, sumitur ab acti-  
bus, & obiectis, ad quos per se ordinantur: ergo si hoc modo sunt  
eiusdem speciei, ut conceditur, repugnat distingui specie in or-  
dine ad principia. Quia etiam in ordine ad principia sunt po-  
tentia ab eis emanantes pro talibus actibus eliciendis circa ta-  
lia obiecta: ergo si ut potentia sunt eiusdem speciei, non pos-  
sunt in ordine ad principia distingui specie. Secundò, entitas  
potentia non habet aliud, quam esse instrumentum naturale  
animæ in ordine ad finem operandi circa obiectum, & huius  
rei gratia emanat ab anima; ergo unicam habet speciem ex or-  
dine ad actum, & obiectum desumptam, & non aliam ex ema-  
natione à tali principio: cum ex emanatione ab eo, nihil aliud  
habeat quam esse instrumentum vitale ad talem actum, & ob-  
iectum ordinatum. Apertè ergò falsum est, & sine fundamento  
aliam speciem ei tribuere ex emanatione à principio; quare si  
in ordine ad actum, & obiectum sunt eiusdem speciei visus  
hominis, & leonis, non possunt ex alia consideratione distin-  
gui specie. Et tandem, quia ex emanatione à diverso principio,  
non benè colligitur distinctio specifica earum, cum non ema-  
nent ab eo, ut diverso specie: sed ut idem genere; nam potentia  
visiva hominis non emanat ab anima rationali, ut rationalis  
est, vel ab homine, ut est homo: sed ab anima, ut sensitiva; & ab  
homine secundum naturam sensitivam: sed anima rationalis, ut  
sensitiva non distinguitur ab anima leonis, etiam ut sensitiva,  
nec homo, & leo, ut sunt animalia: sed sub tali gradu tam ani-  
mæ, quam composita sunt eiusdem rationis genericæ: ergò prin-  
cipium à quo emanant, ut tale eiusdem rationis est; quare fal-  
sum est, quod emanant à diverso principio, & quod ex ordine  
ad diversum principium, à quo emanant, distinguantur specie.  
Ad

Ad primum argumentum negandum est antecedens, quod dari possint potentię specie distinctę, quę versentur circa idem obiectum formale, & habeant actus eiusdem speciei, & cum hæc habeant potentia visiva hominis, & leonis, falsum est, quod vilo modo distinguantur specie.

### QVÆSTIO IX.

*Quonam modo assignari debeat cuique potentia actus adequatus, propriumque obiectum, per quod distinguatur specie ab aliis.*

114 **E**X definitis quæstione præcedente solum in communi constat à quonam vnitas, & distinctio specifica potentiarum desumenda sit, non verò in particulari: quænam potentia sit distincta specie ab alia. Ideò explicare oportet, quonam modo assignandus sit cuique potentiæ proprius actus adequatus, propriumque obiectum: per quæ specie distincta ab aliis intelligatur, hoc enim valdè difficile est, & ideò specialem quæstionem postulat. Et priusquam diuersa autorum placita asseramus, excludi debet modus quidam dicendi Ianduni vbi suprà asserentis, pro distinctione reali obiectorum circa quæ versantur potentiæ specie, distinguendas esse. Vnde ait tot distingui potentias visivas, quot sunt colores diuersi, & sic de cæteris. Quod satis apertè falsum esse constat in potentiis spiritualibus, nempe intellectu, & voluntate, quas nemo multiplicat, & tamen versantur circa innumeras penè entitates diuersas, pro quarum diuersitate si multiplicandæ forent iuxta regulam huius auctoris, innumeros penè oporteret intellectus, innumerâsque voluntates in singulis hominibus ponere.

115 **H**oc igitur modo dicendi excluso, aliam regulam ponit Tole. pro distinctione singularum potentiarum, quæst. 8. huius libri sic inquit. Quotiescumque dubitamus de aliquibus actibus, an pertineant ad eandem potentiam, vel diuersæ sint pro singulis potentiæ distinguendæ, considerandum est, an eo ipso, quod ab aliquo eorum impeditur subiectum, propter læsionem organi, vel aliud impedimentum eo ipso priuetur cæteris, vel non: sed etiam si ab illo vno eliciendo impediatur: nihilominus possit cæteros elicere. Et si modo priori res se habeat ad eandem potentiam, iudicandum est pertinere omnes, & per rationem omnibus communem, tanquam sibi adequatam distinguui specie à cæteris potentiis. Si verò modo posteriori, ad diuersas potentias pertinebunt. Hanc tamen regulam nec omninò certam, nec firmam iudico, propter duo. Primum est, quia inter obiecta eiusdem potentiæ constat quædam esse excellentiora, ac perfectiora aliis, vt lux inter obiecta visus, & inter colores albedo, & ex  
alia

alia parte ratione sensibilis communis, cui adiungitur necessa-  
rio proprium, ut percipi possit, contingit quædam esse minu-  
tiora, quædam etiam magis proportionata debilitati, aut imper-  
fectioni potentiæ, ut cõtingit in intellectu, respectu cuius quæ-  
dam sunt veritares vniuersaliores, & quasi omnibus peruiæ,  
quas ideò rudes etiam homines facillè percipiunt, ob quas cau-  
sas aliquando contingit potentiam visuam, aut intellectiuam  
non posse percipere quædam visibilia, aut intelligibilia: cum ta-  
men possit alia, & nihilominus ad easdem potentias iudicantur  
pertinere omnia; fallit ergò regula assignata. Præterea in poten-  
tijs subordinatis videtur manifestum, quia eo ipso, quod ali-  
quis priuatur actibus sentiendi, necesse est priuari actibus in-  
telligendi: cum nihil possit intelligere anima informans corpus,<sup>126</sup>  
nisi medijs sensibus, & eo ipso, quo priuatur, vel impeditur ab  
actibus externorum sensuum, necesse est priuari actibus sen-  
suum internorum. Et tandem eo ipso, quod priuatur, vel impe-  
ditur ab actibus intellectus, necesse est priuari actibus volunta-  
tis, & tamen constat intellectum, & voluntatem, sensus, & intel-  
lectum, arque etiam sensus externos, & internos esse distinctas  
potentias; ergò regula assignata non est sufficiens ad cognos-  
cendam distinctionem potentiarum.

Nostra sententia duo asserit primum, *ad desumendam unita-  
tem, ac distinctionem specificam potentiarum præsupponendam esse di-  
stinctionem genericam superius explicatam ex diuerso modo operandi,  
aut tendendi in obiectum.* Videlicet ex determinatione ad vnum  
sine cognitione, qui modus si à principio vitæ, quod est anima,  
non procedat, constituit genus potentiarum vitalibus inferiorum,  
si verò à principio vitæ, constituit infimum genus poten-  
tiarum vitalium. Modus verò operandi cum cognitione sensiti-<sup>127</sup>  
ua constituit secundum genus potentiarum sensitiuarum, & mo-  
dus intellectiue cognitionis constituit tertium, modus verò ope-  
randi per modum attractionis ab obiecto per cognitionem pro-  
posito, constituit quartum potentiarum appetitiuarum. Et ran-  
dem modus operandi in ordine ad locum supposita cognitione,  
& appetitu; constituit genus potentiæ motiue secundum lo-  
cum, in viucentibus quidem corporeis, nam de spiritibus alia  
erit fortè ratio. Hæc distinctio generica potentiarum secum af-  
fert, vel simul probat distinctionem realem eam, quia non est  
possibile, in creaturis præsertim corporeis adeò limitatis ex sua  
inferiori conditione eadem substantiam per vnum, atque idem  
instrumentum reale modos adeò diuersos operandi exercere,  
sed pro singulis singula postulat instrumenta, seu potentias di-  
stinctas, ut ex instrumentis artis probauimus.

Secundum quod asserimus est *potentias distingui specie sub eo-  
dem*

deus genere per obiecta formalia diuersa, hoc est secundum specialem modum mouendi, aut immutandi potentiam desumpta. Hæc est enim vltima ratio formalis obiecti sub qua potentia versatur circa illud, & ideo per actum, qui versatur circa obiectum diuersum, hoc est, diuerso modo immutans potentiam, distinguere debent potentie specie. Itaque idem modus immutandi, seu mouendi potentiam constituit obiectum sub vna, & eadem ratione formali obiectiua adæquata postulans vnā, & eandem potentiam circa illud operantem: vnde fit, vt omnia obiecta, quibus conuenit talis ratio motiua potentie, pertineant ad eandem potentiam, quantumcunque diuersa sint specie, vel genere secundum proprias naturas. Nam secundum eas accepta materialia obiecta censentur, nec ad potentiam pertinent, nisi vt sub tali ratione motiua, aut immutariua accipiuntur, quæ si vna, & eadem sit, omnia illa obiecta quantumlibet diuersa secundum proprias naturas, vt sub ea contenta censentur eiusdem rationis, & propterea possunt, ac debent ad eandem potentiam pertinere. Hanc autem rationem motiuam, aut immutariuam potentie prius explico. Deinde probabo per illam esse distinguendas potentias. Explicatur autem in sensibus, & intellectu hoc modo, ratio immutariua obiecti visibilis est, quod aptum sit tali modo vñiri potentie visuæ ad eliciendam simul cum ea visionem, videlicet per aliquam extrinsecam illuminationem sui ipsius aut medij, per aliquod medium extrinsecum, & cum alijs conditionibus huic sensui propriis, ex quibus intelligitur specialis modus, quo visibile aptum est immutare visum, diuersus à modo, quo sonus immutat auditum, & alia obiecta immutant alios sensus, qui in intellectu non est minùs manifestus. Nam intellectus animæ in corpore existentis aptus est immutari ab obiecto per phantasmata, & ideo quæcunque obiecta materialia conueniunt sub hac ratione formali immutandi intellectum, & propterea ad eandem potentiam intellectuam pertinere debent. Hæc autem ratio formalis obiectiua immutandi potentiam in primis eò est vniuersalior, & plura, ac magis diuersa obiecta materialia comprehendit, quo perfectior est potentia, hoc est, minùs materialis, quia materialitas limitat potentiam.

Deinde quælibet particularis ratio immutariua vna est vnitatem speciei atomæ, vt oportet ad constitutionem vnius potentie specificæ, & sub illa conueniunt omnia obiecta, conuenientia etiam atomæ speciei, quamuis contingat secundum proprias naturas esse genere, aut specie diuersa, quia talis conuenientia obiectiua, quasi ratio extrinseca eorum est; & ideo non tollit diuersitatem intrinsecam naturarum.

Ab hac igitur ratione formali obiectiua, aut immutariua potentie,

rentiæ, & ab actu, qui circa illā versatur desumenda est distinctio specifica potentiarum. Quod sic probō; potentia specificatur ab actu, & obiecto, ut probauimus, non ab obiecto materiali: cum euidenter constet eandem potentiam versari circa plura, atque diuersa obiecta materialia, ergo ab obiecto formali, & actu, qui circa illud versatur, sed ratio formalis obiectiua est ratio immutandi potentiam: ergo ab ea sumitur species, & per diuersas rationes immutandi distinguuntur specie potentiæ, & ex consequenti per actus, qui circa illas versantur. Minorem probō, quia cætera per se patent, obiectum comparatur ad potentiam passiuam, tanquam principium motiuum aut immutarium eius (ut questione præcedente ostendimus distinguentes potētiās actiuas, & passiuas) ergo ratio formalis obiectiua est ratio mouendi, aut immutandi potentiam: & diuersa ratio immutandi est diuersa ratio formalis obiectiua, & adæquata quidem: cum comprehendat omnia, quæ possunt immutare talem potentiam, & ab ea percipi. Secundo, quia potentia sumit speciem ab actu formali, & adæquato, tanquam ab aliquo priori se: cum sit finis eius, & actus est talis speciei ratione obiecti prioris eodem actu, atque potētia, ut docuit expressè Aristot. cap. 4. huius libri in principio: ergo de primo ad vltimum species potentiæ sumitur ab obiecto, in quantum tribuit speciem formalem, & adæquatam actui: ut quid prius eodem actu, & potentia, sed totum hoc habet obiectum ut immutatum, aut motiuum eiusdem potentiæ: ergo ab eo ut tali sumit potētia speciem, & ex diuerso obiecto, ut immutatio distinctiōnem specificam. Probatur minor, quia tale obiectum, tali modo immutans potentiam est principium determinans ipsam ad actum talis speciei, & prius utroque videlicet actu, & potentia: cum sit finis eorum, ut per se est manifestum.

Ex quibus infero non esse necessarium ad distinguēdas specie potentias prius, vel aliunde probare distinctiōnem realem earum, ut recentiores quidam docent, seu si rectè probetur distinctio specifica ex actu, & obiecto formali iuxta mentem Aristotelis, & D. Thomæ, (generica etiam distinctiōne præsupposita) ut probata à nobis est per diuersam rationem motiuam, seu immutatiuam potentiæ, simul probatur efficaciter distinctio realis. Itaque concedimus non posse assignari singulis potentiis proprios actus adæquatos, propriæque obiecta formalia adæquata, à quibus sumatur distinctio specifica earum, nisi distinguantur realiter eadem potentiæ, & ideo nec poterit probari distinctio specifica, nisi probetur realis, quia eo ipso quod idem realiter sint, quantumcunque assignentur diuersi actus, & obiecta formalia, facile negari potest distinctio specifica po-

tentiarum, si dicatur actus illos inadæquatos esse, illaque obiecta formaliter diuersa etiam inadæquata, ab actibus verò, & obiectis inadæquatis, quia quasi partiales sunt, non potest distinctio specifica sumi; unde eadem potentia plures actus inadæquatos elicere potest circa plura, ac diuersa obiecta formalia inadæquata. Negamus verò hanc distinctionem realem prius esse probandam, vel alio medio proprio distincto, aut præsupposito, sed si rectè assignetur distinctio actuum & obiectorum potentiis eiusdem generis, eo ipso probari vtrumque, videlicet distinctionem specificam, & realem. Et ratio, quæ me mouet ad  
 133 id asserendum, in primis est, quia si non probaretur vtrumque ex debita assignatione actus, & formalis obiecti, insufficiens esset doctrina Aristotelis asserentis potentias distingui specie per diuersos actus, diuersaque obiecta nulla prorsus mentione facta distinctionis realis. Quod si non sufficit distinctio specifica actus, & obiecti, nisi probata prius distinctione reali insufficienter assignasset modum eas distinguendi. Moueor secundo, quia præsupposita distinctione generica, aut vnitatis, ex eodem, vel diuerso modo operandi de sumenda, & assignata obiectorum diuersitate sub diuersa ratione motiua, aut immutatiua potentiarum, ac diuersitate actuum sub diuersis rationibus motiuis tendentium in ipsa, efficaciter satis probatur distinctio realis potentiarum simul cum specifica, ita ut locum non habeat subterfugium illud de diuersis actibus, & obiectis inadæquatis, quia specialis ratio immutatiua ex se est adæquata speciali potentiæ, & ex se eam postulat, & ex se includit realem distinctionem, quod non solum ostenditur in potentiis vniuersalioribus intellectus, & voluntatis, sed etiam efficaciter. In externis sensibus inter se comparatis, quia eo ipso, quod obiectum visibile diuerso modo mouet, aut immutat visum, postulat pro tali modo speciali immutandi potentiam in tali organo, talibus dispositionibus affecto, nimirum luce, transparentia, & aliis, & ideò longè diuersum ab organo auditus, quod organum sic diuersum ab eodem organo visus, & aliorum sensuum postulat diuersus modus immutandi soni, vel audibilis, & pariter probatur in obiectis aliorum sensuum externorum, & internorum. Diuersitas autem organorum realem distinctionem potentiarum in eis residentium euidenter includit: ergo nulla est necessitas probandi prius realem distinctionem, ut fiat assignatio actus, & obiecti adæquati cuiuslibet potentiæ, per quod distinguatur specie ab alia, sed sic probata distinctio specifica eam necessario includit.

C A P V T I V.

TEXTVS ARISTOTELIS.

*Necessarium autem est cum, qui de his per se uationem salutem est, &c.*

Breuis expositio textus.

**E**git capite præcedente Aristoteles de potentiis vitalibus in comuni, in præsentī verò incipit agere de eisdem potentiis in speciali: & quia anima vegetatiua communior cæteris est, ut potest omnibus uiuentibus conueniens, consequenter potentiæ eius sunt communiores, & idcò nobis notiores & propterea prius de his agendum esse docet, quàm de sensituiis, & intellectuiis. Intentum itaque huius capitis est de potentiis animæ vegetatiuæ differere.

Diuiditur autem in tres partes. In prima propositis his, de quibus acturus est, docet vegetatiuam animam, potentias eius, actusque earundem potentiarum communes esse omnibus uiuentibus. In secundo asserit, & probat animam vegetatiuam, & consequenter cæteras triplex generis causæ exercere in corpore, formalis, finalis, atque efficientis, reprehenditque Empedocle, Democritum, & Leucippum, quod causam augmentationis, & nutritionis uiuentium non benè assignauerint. Et tandem differit de alimento tanquam de proprio obiecto nutritiuæ potentiæ. Principio igitur probat, quod potentiæ animæ vegetatiuæ communes sint omni uiuenti; quia anima ipsa vegetatiua omnibus conuenit, ut duo eius officia euidenter ostendunt, nēpe nutrire, & sibi simile generare, quod naturalissimum opus uiuentium esse docet, non quidem omnium, sed perfectiorum, in quibus tres conditiones concurrere debent, per quas ab imperfectis, (quibus nō conuenit generare sibi simile) distinguuntur. Prima, quod perfectæ ætatis sint, defectu cuius, dum viuere incipiunt, non generant. Secunda, ut non sint murila, sed competentibus membris prædita, nec ullo naturali vitio impedita. Tertia ut non sint sponte genita, hoc est, ex sola putri materia, & non ex semine; nam ex his, quæ primo modo sunt, plura reperiuntur facultate generandi sibi similia destituta, ut de vermibus constat. His igitur, quibus tres istæ conditiones competent, naturalissimum opus est generare sibi simile (inquit Aristoteles) quia per talem generationem consequuntur perpetuitatem quandam, in qua diuinæ naturæ ex propria sua ratione æternæ assimilantur, licet enim non possint esse perpetua in indiuiduo, quia natura corruptibiles sunt, efficiunt saltem propriam speciem perpetuam per continuatam generationem sibi

similis, per quam indiuidua, quæ quotidie pereunt, reparantur, & ita salua semper manet species in his, vel aliis indiuiduis.

Docet deinde Aristot. in 2. par. capitis vegetatiuam animam, & pariter cæteras triplex genus causæ exercere in eadem generatione, formale quidem, cum sit forma generantis, & geniti, à qua habent esse specificum; est etiam finis generationis proximus, nam propter animam introducendam per generationem præparat natura, atque disponit materiam, râtâque organorum varietate ornat, vt per ea possit proprias operationes exercere: Et tandem est causâ efficiens, quia omnes operationes viuents propriæ procedunt ab eadem anima vegetatiua tanquã à principio efficiëte intrinseco, quas ad duas reducit, nempe generare, & alimento vti ad nutriëdum, & augëdum viuens genitum.

Ex quibus constare ait, quam fuerint reprehensione digni antiquiores Philosophi nõ benè assignantes causam nutritionis, & augmenti viuentium. Atque in primis Empedocles, qui aiebat causam augmenti plantarum esse elementa, eo quidem ordine, vt inferior pars earum, nempe radices à terra ipsa cui adhærent, augeantur, rami verò tanquã superior pars earum ab igne sursum tendëte, atque degëte. In quibus duo errores continentur; prior in eo, quod inferiorem, & superiorem locum in plantis non rectè assignabat, quia radices non tenent inferiore locû (vt dicebat) sed superiorem, vt constat ex animalibus; nam cum per radices alimentum plâtæ capiunt, sicut per os animalia, radices plantæ correspondent ori animalis, sed os animalis est superior pars eius; ergo radices in planta pars quoque superior erût. Error posterior est, quod causam augmenti viuentiû esse elemëta assererat, quod sic probatur falsum; quodlibet elementum naturalem habet inclinationem ad propriû locum, & elementa contraria ad loca contraria; ergo non possunt in viuento consistere nisi ab aliquo contineantur, ac vnita detineâtur, alioqui in priora loca tendent, & per tendentiam separabuntur, & per separationem viuens ipsum destruunt, illud autem, à quo continentur, nobilius est, & proinde ei debet augmentum tribui, & nõ elementis, hoc verò absque dubio est anima, quæ vnita corpori mixto per informationem, elementa ipsa, quibus constat, dicitur continere. Deinde reprehendit Leucippum, & Democritum, qui nutritionem viuentium tribuebant igni, vt causæ eius, ex eo, quod inter elementa omnia maximè nutriri, & augeri videatur, & ideo esse causam augmenti aliorum omniû, quia quod est maximè tale in genere aliquo, causa est aliorum omniû eiusdem generis. Quod probat esse falsum, tum quia augmentum ignis non habet certum terminum, sed in infinitum abire potest, augmentum verò viuentium ex propria



pria eorū perfectione certum postulat terminum, quia membra corporis viuentis determinatæ magnitudinis esse debēt, vt per ea opera vitæ exercere anima possit: nā tam magna esse possent, vt non possent ab ea moueri. Tum etiam, quia determinatio magnitudinis per augmentum acquirendæ non debet materiæ tribui, sed formæ; hoc est, animæ tanquam nobilioris: ad materiam verò corporis pertinere ignem notū est, cum ex eo, & aliis elementis tanquam ex materia fiat mixtum. Explicata ratione vegetatiuæ animæ asserit Arist. explicare oportere potentiam vegetandi ei propriam ex proprio obiecto eius, quod est alimentum. Et propterea in extrema parte capituli agit de alimento, cuius naturam dubio quodam proposito, ac soluto declarat. Est autem dubium, an alimentum simile sit rei nutriendæ, nempe viuenti, aut dissimile, atque contrarium: & quosdam tenere ait, simile esse oportere, quia si contrarium sit, non nutriet, sed destruet potius corpus viuens, quia vnum contrarium alterum destruit. Alios verò opposito asserere dissimile potius, atque contrarium esse oportere, quia nihil propriè patitur, nisi à suo contrario, sed constat alimentum pati à viuente, à quo decoquitur, & idè immutatur, imò tandem corrumpitur; ergo contrarium ei debet esse alimentum. Hac tamen distinctione veritatem esse explicandam docet, vt in principio nutritionis antequam alimentum digeratur, & in substantiam aliri cōuertatur, dissimile, & contrarium esse oporteat: sed in fine dum iam est decoctum, atque conuersum omninò simile: cum eandem formam, nempe animam suscipiat. Et ita vtramque sententiā in concordiam redigi posse, si de alimento diuersis temporibus considerato intelligantur.

Sed vt ratio eiusdem alimenti clariùs pateat, tribus modis considerari posse affirmat; primò vt substantia est, & hoc modo consideratum est obiectum nutritionis, non enim potest nutrirī viuens, nisi ex aliqua substantia: cū continua deperditio substantiæ ex actione caloris naturalis non possit nisi per conuersionem substantialem alimenti, per quam alia substantia acquiratur, reparari. Secundò consideratur, vt quantum, & sic est obiectum augmentationis, nam augmentum per acquisitionem maioris magnitudinis fieri debet. Tertiò sumitur tanquam quid superfluum ex nutritione, & augmento, & ita pertinet ad generationem, quia ex superfluo alimento fit semen, quod materia generationis est. Ex quibus colligit definitionem potentie nutritiue, atque etiam vegetatiuæ animæ. Et potentia nutritiua (inquit) est: *Virtus anima vegetatiua, per quam viuens in quantum viuens se conseruat.* Præter nutritiuam verò potentiam tria asserit concurrere ad nutritionem, nempe animam vegeta-

tiuum, tanquam principium efficiens eius, principale quidem, quod media potentia nutritiua, tanquam instrumento nutritionem efficit. Alimentum tanquam obiectum, aut materia, circa quam agit anima, vt per conuersionem eius nutriat corpus. Et corpus ipsum tanquam id quod nutritur. Animam autem vegetatiuam perfecti viuentis sic definit: *Est principium generandi tale, quale ip'a habet.* Principium quidem principale, quod per potetiam generatiuam, tanquam per instrumentum efficit generationem. Hac similitudine tandem naturam nutritionis declarat, sicut enim (inquit) natura duobus gubernat nauē, manu, & gubernaculo, ex quibus eadem manus motetur ab eodem nauta, sed mouet gubernaculum, hoc verò non mouet iam aliquid aliud, quod sit instrumentum, sed proximè nauem; ita anima duobus vtitur ad nutritionem perficiendam, nempe calore, & alimento, & calore quidem, quasi cum mouendo, & calor ipse mouet, aut alterat alimentum, idem verò alimentum nihil aliud mouet, quod sit intermedium ad mouendum aliud.

## TRACTATVS DE POTENTIIS

### ANIMÆ VEGETATIVÆ ET

#### actibus eius.



Vcūque egit Aristoteles de potentiis animæ in genere; iam verò incipit agere de eisdem in specie, & primò de potentiis animæ vegetatiuæ, quia vniuersaliores sunt, & cunctis viuentibus communes: nos igitur Aristotelicum sequentes ordinem, tractatum de eisdem instituimus, & ideò quærimus primò de nutritiua potetia eius.

### QVÆSTIO I.

*An potentia nutritiua consistat in temperamento primarum qualitatuum, aut in solo calore naturali, vel alia sit qualitas superior, ac nobilior primis, & temperamento earum.*

10 **ET** in quæstione hac tanquam certum præsupponendum est, necessarias omninò esse primas qualitates, aut temperamentum earum ad nutritionem, & cætera officia vegetatiuæ animæ exercenda, ad quæ eleuantur ab eadem anima vegetatiua tanquam instrumenta, vt docet expressè Aristoteles 2. libro de generatione animalium, cap. 4. præsertim circa medium, & Diu. Thom. 1. parte, quæstione 78. artic. 1. Et probatur primò ratione vniuersali, quia viuēs est corpus mixtum: ergo indiget quatuor primis qualitatibus ad sui generationem,

rationem, conseruationem, & operationes. Secundò ratione speciali, quia nutritio est conuersio alimenti in substantiam aliti, quam conuersionem necessariò præcedere debent plures aliæ actiones per quas disponitur idem alimentum, quas notum est exercere animam mediis primis qualitatibus. Ad dispositiones etiam eiusdem alimenti, vt in substantiâ conuertatur, 11  
cum primis pertinet temperamētum viuenti proprium, & con-  
naturale, quod præsupponi debet ad introductionem animæ in  
materiam; ergo vt fiat nutritio necessarius est concursus quatuor  
primarum qualitatū. Ex quo infero falsam esse, vel certè di-  
minutam, sententiam Galeni lib. 3. de causis symptomatum, cap.  
30. Auicennæ fen. 1. 1. par. doctrina 6. c. 31. atque etiam Valelij  
5. lib. controuers. medica. cap. 11. qui totam efficiētiā instru-  
mentalem soli calori tribuunt. Licet enim præcipuus sit calor  
in concursu dispositiuo, atque etiam instrumētali, & propterea  
Aristoteles sæpe ei tribuat concoctionem alimenti, cæterasque  
actiones, per quas disponitur, omnes tamen quatuor qualitates  
concurrere docet loco citatō, & pluribus aliis.

Hoc supposito, difficultas quæstionis in hoc est posita, an præ-  
ter temperamentum primarum qualitatū, aut præter calorem  
præcipuè concurrentem ad disponendum alimentum, ponenda  
sit alia qualitas nobilior, ac superior, quæ sit potentia nutritiua,  
vel calor ipse, aut temperamentum sit nutritiua potentia.

Et prima opinio tenet potentiam nutritiuam non esse aliam  
qualitatem distinctam à calore naturali, sed calorem ipsum, vel  
temperamentum esse potentiam nutritiuam, à qua tanquam ab  
instrumento animæ vegetatiuæ fit conuersio alimenti in sub-  
stantiam aliti, quam vocamus nutritionem. Ita Comment. 4.  
metaph. cap. 2. Zima Theoremate 73. & cum his recentiores  
quidam non vulgaris autoritatis. Præsupponit autem hæc sen-  
tentia calorem naturalem viuētis, non esse distinctum specie  
à calore elementari, nec proinde in eodem viuente esse distin-  
ctum numero ab eo, sed eundem, quod licet non sit certum, sed  
in opinione positum, est tamen probabilius, & doctrinæ Aristoteli  
magis consentaneum, sed medicis relinquendum, à quibus  
ex proprio instituto disputatur.

Hoc præsupposito, probant primò testimoniis Aristorel. ca- 12  
lori naturali tribuentis concoctionem alimenti, ita habetur in  
fine huius capituli textu 50. his verbis: *Omne autem alimentum  
necessarium est concoqui posse, operatur autem concoctiorum cali-  
dum, unde omne animatum habet calorem.* Imò augmentatio-  
nem ipsam ei tribuit, & ex consequenti nutritionem, in lib. de  
sensu, & sensibilibus, cap. 4. post medium, his etiam verbis:  
*Calidum enim augmentat, & struit nutrimentum.* Et 3<sup>o</sup> lib. de

part. anim. cap. 6. circa finem. *Calor enim est, quod vim obinet augendi.* Sed constat non posse ei tribui tanquam præcipuæ causæ: nam hæc est anima; ergo tanquam virtuti, ac potentiæ eius. Probant deinde ratione primò, quia temperamentum primarum qualitatum est sufficiens dispositio ad introductionem cuiuslibet formæ mixti: sed anima est quædam forma mixti; ergo introductionem eius sufficit temperamentum connaturale viuenti. Vtteriùs nutritio est introductio vegetatiuæ

- 13 animæ in materia alimenti; ergo sufficienter, atque vltimò erit disposita per tale temperamentum, ad quod producendum sufficiunt primæ qualitates. Vnde sequitur esse etiã sufficientem virtutem animæ ad nutritionem: Probatur consequentia, quia vltimam dispositionem consequitur naturaliter forma: ergo quod potest producere vltimam dispositionem, & eo modo, quo potest, debet ei tribui introductio formæ, quare non est necessaria alia qualitas pro nutritiua potentiua. Secundò, ad vnam, eandemque operationem sufficit cum præcipua causa vnicum instrumentum, duo verò, aut plura superuacanea sunt: sed nutritio vnica est operatio animæ vegetatiuæ; ergo ad eam præstandam sufficiet vnicum eiusdem animæ instrumentum: sed hoc est calor naturalis, vel temperamentum, ergo sufficiet cum anima ad talem operationem; & ita erit potentia, seu virtus nutritiua eius. Probatur minor, quia ei tribuit Aristoteles locis citatis vim nutriendi, & augendi, non vt causæ principali: nam hæc est anima; ergo vt instrumento. Tertiò, calor naturalis sufficiens instrumentum animæ est ad omnes operationes præcedentes conuersionem substantialem alimenti, & quas conuersio ipsa naturaliter sequitur; ergo sufficiens instrumentum ad conuersionem ipsam, quæ est nutritio. Maiorem probò, quia omnes actiones proximè prærequisitæ ad conuersionem alimenti comprehenduntur in eo, quod est alimentum concoquere ac præparare: sed ad vtrumque docet Aristoteles in eisdem citatis locis vim habere calorem naturalem; ergo sufficiens instrumentum est pro omnibus, atque adeo pro nutritione; & ita erit potentia nutritiua.

- 15 Secunda opinio asserit calorem naturalem, vel temperamentum non esse potentiam nutritiuam: sed aliam qualisatem superiorem, ac nobiliorem, qua calore, aut temperamento vitur ad dispenendum alimentum, & conuertendum in substantiam aliti, nutritionemque efficiendam. Ita expresse Aristoteles 2. libr. de generatione animalium capit. 4. ante medium, his verbis. *Quemadmodum qua ab arte efficiuntur per instrumenta efficiuntur, sed verum dixerim per motum eorum, qui artis operatio est in alio: sic à facultate, siue virtute anima vegetalis agitur, vt siue in anima-*  
libus

*libet ipsis, & plantis postea ex alimento via eadem efficit incrementum utendo caliditate, & frigiditate quasi instrumento.* Quod etiam docuit in fine huius capituli similitudine gubernatoris navis utens, qui duobus, inquit, instrumentis utitur, vno quidem, quod mouetur ab eo, & simul mouet aliud instrumentum, & hoc est manus mota à nauta, & mouens ipsa remonem, alio verò quod mouetur quidem, non tamen mouet aliud instrumentum, sed immediatè nauem, vt rema, ita anima utitur duobus instrumentis ad nutritionem, vno quidem modo à se, & mouente simul aliud, & hæc est potentia nutritiua mota ab anima: cum sit virtus eius, sed mouens ipsa calorem tanquam aliud instrumentum sibi subordinatum, quod non mouet iam aliud instrumentum, sed alimētum immediatè alterando, ac disponendo illud. Ita etiam D. Thom. in 2. dist. 18. q. 2. att. 3. & 1. p. q. 78. att. 2. ad 1. & quæst. 218. art. 1. ad 3. Albertus Magnus 2. lib. de anima, tractat. 2. cap. 6. Philop. & Themist. cap. præsentis. Apolin. 2. de anima, quæst. 2. Ferrar. 2. contra gentes, cap. 73. Viguc. in institutionibus Theolog. c. 10. §. 2. Tolet. 2. lib. de anima quæst. 10. multique ex recentioribus, & videtur mihi non solum probabilior, sed vera.

Probatnr primò, quia potentia vitales oriuntur naturaliter ab essentia animæ, sicut propriæ passionēs ab essentia cuiuscunque alterius subiecti; ergo sunt eiusdem ordinis vitalis cum anima, ita vt sicut anima est primum principium formale vitæ, & radicale vitalium operationum, sic potentia sint principia formalia earundem operationum vitalium, sed anima est altioris ordinis respectu aliarum formarum naturalium, sicut vita altioris est ordinis, respectu naturalis esse rerum non viuentium: ergo potentia vitales eam consequentes altioris ordinis esse debent respectu potentiarum, seu virtutum naturalium rerum non viuentium. Vtteriùs calor naturalis, vel temperamentum sunt virtutes inferiores consequentes inferiores substantias, nempe elementa, & mixta ex eis compositas; ergo non possunt esse potentia vitales emanantes à principio vitæ, & propterea cum potentia nutritiua sit vitalis, non potest esse calor naturalis, vel temperamentum, sed qualitas alia superioris ordinis esse debet, vt sit eiusdem ordinis vitalis cum anima. Et vim huius argumenti sic vrgeo, & declaro simul, ars quælibet petit instrumenta sibi proportionata ad exequendas operationes sibi proprias, & artes diuersæ diuersa quoque instrumenta pro diuersis operationibus, ad quas ordinantur, & si ars vna altior sit altera, postulat altiora instrumenta pro altioribus, ad quas ordinatur, quas exercere non potest per instrumenta artis inferioris. Sed sicut ars ope-

ratur per instrumenta sibi propria; ita forma substantialis per proprias virtutes, & potentias naturales sibi concessas à natura: altior igitur forma qualis est anima, altiora certe postulat instrumenta, aut virtutes sibi proprias pro operationibus sibi propriis altioris ordinis præstandis, quare non potest eas exercere per virtutes inferiorum formarum tanquam per proprias, quales sunt primæ qualitates, vel temperamentum earum, de quibus proinde efficaciter probatur non posse esse potentias vitales animæ.

19 Probaturn tandem, quia evidens est potentiã nutritiuam hominis distingui specie à potentia nutritiua equi, aut leonis, & multò euidentius potentiam nutritiuã hominis, leonis, & plantæ distingui inter se specie, quemadmodum est evidens potentiam generatiuam horum trium viuientium distingui inter se specie: & ratio vtriusque est, quia potentia generatiua plantæ producit plantam integram, & nutritiua partem eius, nec potest generare animal, aut illud nutrire, & multo minùs potentia generatiua leonis potest generare hominẽ, aut nutritiua eiusdem nutrire hominẽ: sed calor naturalis, aut temperamentum qualitarum non distinguuntur specie in planta, leone, & homine, præsertim apud patronos oppositæ sententiæ, vt in principio quæstionis admonuimus; ergo non est potentia nutritiua.

20 Vt autem hæc veritas melius intelligatur, adnotare oportet, quod licet nutritio solum consistat essentialiter in vnica actione substantiali, videlicet in conuersione substantiali alimenti, plures alias prærequirit actiones accidentales (& fortè inter eas aliquam substantialem) quæ sunt transmutationes alimenti, per quas paulatim disponitur ad conuersionem substantialem, eas verò enumerauimus 1. lib. de generatione, cap. 5. & propterea non iudicamus in præsentia repetendas. Sed vt hoc verbo includantur plures, dicimus per eas peruenire alimentum ad formam sanguinis: quem vocauit Aristoteles vltimum alimentum animalis, vel ad aliquid ei proportionatum: conuerso autem alimento in sanguinem, adhuc ei supersunt transmutationes aliæ, per quas simile efficitur carni, ossibus, neruis, cæterisque partibus animalis, in quas conuerti debet, & istæ sunt quasi organizationes eius: nam vt aptum sit recipere animam, oportet aliquo etiam modo fieri organicum corpus,

21 quia anima actus est talis corporis. Ad hæc igitur officia tam diuersa, & transmutandum tot modis alimentum, ad illudque organizandum, ac perfectè disponendum, sicut necessaria sunt tot vasa, in quibus recipiatur, hoc est, tot partes corporis diuersæ figuræ, capacitatis, ac dispositionis; ita sunt necessaria diuersa instrumenta, aut virtutes, vt attractiua alimenti, re-

tentiuæ,

tentia, concoctiua, discretiua, aut separatiua inutilium partium, expulsiua earum, ac distributiua utilium partium eiusdem alimenti, per omnes partes corporis, quamuis non omnes istæ virtutes sint distinctæ realiter inter has verò numerantur primæ qualitates, aut temperamentum earum, & his omnibus vitur potentia vitalis, & præsertim calore ad plures, ac diuersas functiones magis accommodato: sed tam calor ipse, quàm aliæ qualitates primæ ad eas concurrere possunt virtute eiusdem potentie vitalis: cuius sunt proxima instrumenta, quod constat, cum idem calor, idemque temperamentum corporis viuientis iuxta probabiliorē sententiam non distinguantur specie à calore, & temperamento inferiorum corporum, in quibus 22  
euidens est hos effectus non habere, imò nec habere posse; habent igitur eos in viuente per coniunctionem cum potentia vitali ordinis superioris, & nobilioris, à qua eleuantur: vt possint hæc omnia præstare: imò ad eandem conuersionē substantialem, seu nutritionē, quæ proprius actus eius est cum ea concurrere. Ex quibus in primis patet iam sensus testimoniorum Aristotelis, qui calori naturali, vel temperamento tribuit concoctionē, ac dispositionem alimenti, imò & nutritionem, & augmentum, non tanquam potentie vitalis sed tanquam instrumentis eius, quibus ad tales functiones præstandas vitur.

Ad primum argumentum neganda est maior, quod temperamentum sit sufficiens dispositio ad introductionem cuiuslibet formæ mixti: nam licet sufficiens sit ad introducendam formam mixti inferioris ordinis, non tamen superioris, qualis est anima postulans præter primas qualitates, aut temperamentum, earum organizationem, aliasque altiores dispositiones, quas temperamentum non potest præstare virtute propria: sed vt eleuatum à virtute, seu potentia superiori vitali eidem animæ proportionata, & ab ea emanante. Possumusque exemplum afferre in prima generatione eiusdem viuientis ex semine, ad quam licet sit necessarium temperamentum primarum qualitatū pro dispositione materie, non est tamen sufficiens dispositio ad introductionem animæ, quia non potest organizare materiam, nec superiores alias, ac proximiores, & omnino necessarias dispositiones inducere, sine quibus introduci non potest, & propterea semini tribuit anima perfectiorem aliam virtutem, qua vitur generatiua potentia ad organizandum, ac perfectè disponendum corpus pro receptione animæ, quam virtutem iuuat suo modo temperamentum, ab ea eleuatum ad id præstandum. Vnde sequitur, quod cum nutritio sit 24  
generatio quædam partialis eiusdem viuientis, non sit temperamentum sufficiens dispositio pro introductione animæ in materia

materia alimenti, sicut sufficiens non est ad eandem introducendam in materia seminis : sed necessaria sit perfectior alia qualitas, ad organizandam materiam perfectéque disponendam, cui temperamentum deferuiat tanquam instrumentum.

Ad secundum, negandum est antecedens, quod ad vnam operationem semper sufficiat vnum instrumentum : nam plures sunt, quas non potest præcipua virtus per se præstare, nisi aliis virtutibus se imperfectioribus adiuuetur, vt in operibus artis, non potest præstare ars, nec per artem homo, quemlibet effectum per vnicum instrumentum : sed pluribus indiget, subordinatis tamen præcipuæ virtuti : ita ergo se res habet in  
 25 operationibus animæ. Nam ad intellectionem non sufficit potentia vitalis intellectus : sed prærequiritur species intelligibilis, atque etiam intellectus agens, & phantasma, à quibus producit, cæterum quia subordinata sunt, habent rationem vnius instrumenti completi, atque perfecti potens operationem vitalem elicere. Ita ergo censendum est nutritiuam potentiam non sufficere ad opus nutritionis præstandum, nisi sibi coniungantur minores, atque inferiores virtutes, quæ per talem coniunctionem cum ea possunt attingere idem opus vitale nutritionis : sed quia ei tanquam præcipuæ, ac vitali virtuti emananti ab anima subordinantur, pro eodem completo, ac sufficienti instrumento animæ computantur ad eandem operationem vitalem elicendam.

Ad tertium negandum est antecedens, quod calor naturalis, vel temperamentum sit sufficiens instrumentum ad opus nutritionis præstandum : sed præter illud requiruntur plura  
 26 alia, nempe virtutes illæ à nobis enumeratæ iuuant ad disponendum alimentum, & præter illas virtutes alia perfectior, per quam organizatur suo modo alimentum, & sit aptum ad recipiendam animam, & insuper potentia ipsa nutritiua, à qua tanquam à præcipua virtute animæ fit conuersio eiusdem alimenti in substantiam aliti, quæ conuersio est nutritio ipsa. Nec Aristoteles tribuit calori, vel temperamento concoctionem, ac dispositionem alimenti tanquam sufficienti, aut totali instrumento, & multò minùs nutritionem ipsam, & augmentum : sed tanquam necessariò, & coadiuuanti ad hæc omnia : ita vt ex eo, & aliis virtutibus enumeratis, ac potentia nutritiua subordinatis fiat vnum integrum, atque completum instrumentum animæ respectu talis operationis, & effectus eius.



QVÆSTIO II.

*An nutritiua, augmentatiua, & generatiua ſint tres potentia vitales realiter diſtincta vegetatiua anima, vel una tantum tria habens officia diuerſa.*

**P**Rima opinio diſtinguit realiter, & eſſentialiter has tres po-  
tentias, quam videtur expreſſè tenere D. Thom. 1. par. q. 78.  
art. 2. & quæſt. 79. art. 7. & 2. lib. contra gentes. cap. 89. & tenent  
expreſſè Albert. Magn. 2. lib. de anima, ca. 6. & 2. part. Summæ q.  
de anima vegetabili, art. 2. Ægidius quodlib. 3. quæſt. 12. Caiet.  
ad cap. 4. huius libri, & ibidem Ferrar. cum Aquario, Bañez. 1. li.  
de generatione, cap. 5. & 1. par. quæſt. 78. art. 2. quæſt. 7. Fernel. 5.  
lib. Phyſiologiæ. cap. 3. Thienen. ad tex. 10. huius libri, Iandunus  
quæſt. 13. eiufdem, & refertur pro eadem Galen. lib. de naturali-  
bus facultatibus, cap. 7.

Probatum quantum ad diſtinctionem potentiæ generatiuæ à  
nutritiua, & augmentatiua teſtimonio Ariſtotelis cap. præſen-  
ti, ubi duo attribuit officia valde diuerſa animæ vegetatiuæ, vi-  
delicet generare, & alimento vti. Sed vtrumque præſtat per po-  
tentias, vel virtutes: cum ergò adeò diuerſa ſint, non poteſt per  
eandem virtutem vtrumque præſtare: ſed alimento vtitur per  
nutritiuam, & augmentatiuam, & ſibi ſimile generat per genera-  
tiuam: ergò erit hæc diuerſa ab alijs ex mente Ariſtotelis: Dein-  
de ratione primo, quia realis, & ſimultanea ſeparatio duorum  
euidenter probat diſtinctionem realem eorum: ſed potentia ge-  
neratiua actu ſeparatur à nutritiua, & augmentatiua; ergo di-  
ſtinguitur ab eis realiter. Minorem probo primo, quia nutriti-  
ua, & augmentatiua reperiuntur in multis animalibus imper-  
fectis ſine generatiua, imo in eodem animali, & homine, vt con-  
ſtat experientia. Deinde in eodem animali, in quo omnes iſtæ  
potentiæ reperiuntur, habent ſubiecta realiter diſtincta, quia  
nutritiua, & augmentatiua ſunt diſperſæ per omnes partes  
corporis, generatiua verò ſolùm reſidet in parte determinata.  
Secundo, ex diuerſo modo operandi, per quem ſuperius pro-  
bauimus diſtingui non ſolùm ſpecie: ſed genere potentias; nam  
potentia generatiua operatur priùs producendo ſemen, & per  
ſemen deciſum organizando materiam; & membra corporis  
efformando: nutritiua verò, & augmentatiua modo alio diuer-  
ſo per attractionem, & concoctionem alimenti, ſubſtantialém-  
que conuerſionem eius in corpus viuens ſecundum omnes  
partes: ergò repugnat eſſe eandem facultatem vegetatiuæ ani-  
mæ. Et ex hoc colligitur tertium argumentum hoc modo, quo-  
ties aliqua potentia habet actum aliquem, quem non poteſt ha-  
bere

bere alia, distinguitur realiter ab ea: sed generatiua habet aliquem actum, quem non possunt attingere nutritiua, & augmentatiua: ergò distinguitur ab eis realiter. Minorem sic probo, generatiua habet vim formandi integra, atque perfecta membra corporis; vt caput, cor, brachia, & pedes, quam non habet nutritiua: nam si abscindatur ab animali brachium, non potest eius virtute iterum formari, aut restitui, imò nec vniri corpori.

- 30 Probat ut deinde quantum ad distinctionem nutritiue, & augmentatiue inter se duplici alio argumento. Primò, quia potentiæ distinguuntur specie per actus, & obiecta adæquata: sed nutritiua, & augmentatiua habent actus, & obiecta diuersa: ergò distinguuntur specie. Minor probatur primo ex Aristotele capite præfenti, & 1. lib. de generatione cap. 5. quibus locis, asserit alimentum, vt est potentia substantia viuens, esse obiectum, circa quod versatur virtus nutritiua: sed vt quantum, est obiectum virtutis augmentatiue, de actibus verò diuersis euidentiùs est: nam actus proprius nutritiue potentiæ est conuersio alimenti in substantiam aliti, & mutatio substantialis materiæ eiusdem alimenti à propria forma ad animam, quam per conuersionem recipit, & idè est generatio substantialis partialis, augmentatio verò mutatio accidentalis est; imò propriè motus, & realiter distinctus ab eadem nutritione, vt probauimus, 1. lib. de generatione, cap. 5. Secundò probatur ex reali separatione harum potentiarum, etiam in eodem viuente, in quo potentia nutritiua durat toto tempore vitæ, augmentatiua verò solum vsque ad statum, & tunc cessat protus actus eius, & proinde extinguitur ipsamet potentia.

- 32 Secunda opinio solum distinguit generatiuam à nutritiua & augmentatiua, has verò duas postteriores non diuersas potentias esse censet: sed eandem habentem diuersa nomina, & officia. Ita tenent præter citatos pro opinione præcedente Apollin. 2. li. de anima, quæst. 9. Iauellus, q. 18. & ex recentioribus non pauci: qui identitatem nutritiue, & augmentatiue ex eo probant, quia utraque versatur circa idem alimentum, & licet diuersos actus habeant, subordinatos tamen, & quorum vnus consequitur alterum naturaliter & sine noua difficultate, quemadmodum termini ad quos per se ordinantur, nam quantitas partialis, vel vnio eius cum quantitate viuents, quæ est terminus augmentationis: naturaliter sequitur partialem substantiam productam per nutritionem: ergò neque ad hos actus, neque ad terminos eorum requiritur duplex potentia, vel virtus, sed vna sufficit, quemadmodum ad generationem primam, ac totalem substantiæ, & productionem quantitatis consequentis sufficit

sufficit vna virtus generatiua. Distinctionem vero generatiuæ à nutritiua eisdem rationibus primæ opinionis efficaciter probari censent.

Tertia opinio asserit nutritiuam, augmentatiuam, & generatiuam esse eandem potentiam realem animæ vegetatiuæ habentem tria hæc officia, videlicet nutrire & augere corpus, atque etiam generare sibi simile, & iuxta hæc officia diuersa, diuersis nominibus significari, nempe generatiuæ, & nutritiuæ, & augmentatiuæ. Ita Themisti. 2. libro de anima, capite 4. Titelman. libr. 8. suæ philosophiæ. cap. 8. Durand. in 1. dist. 3. 2. part. quæst. 2. Valesius lib. 2. controuerfar. medic. capit. 19. & 20. vbi asserit sententiam hanc non esse vulgarem, sed solis viris Doctioribus proponendam. Eam etiam sequuntur iam ex recentioribus multi, & nobis videtur sequenda; propter duo, primum, quia est expressa Aristotelis tribus præsertim locis, videlicet 2. libr. de generat. animalium, cap. 4. ante medium, vbi postquam dixerat eandem facultatem vegetalis animæ generare sibi simile, & augere, magis id explicans ita ait: *Sic etiam principio constituitur id, quod natura efficitur, eadem enim materia est ex qua augetur, & ex qua constituitur primum, itaque facultas quoque agens eadem, qua in principio est, sed maior: quod si hæc vegetalis anima est, eademque generatiua quoque est.* Quasi dicat facultatem animæ vegetatiuæ, per quam nutrit, auget, & sibi simile generat, se habere sicut puerum, & virum, nam in principio quasi parua est, non se extendens ad omnes actus sibi proprios, sed ad nutriendum, & augendum proprium corpus, sed tandem fit maior se extendens ad producendum, vel generandum aliud simile, sed eadem est semper, hoc est, in vtroque statu perfecto, & imperfecto, sicut idem est homo in statu pueritiæ, ac virili. Secundus locus est capite præsentis textu 54. vbi sic de hac potentia loquitur. *Vegetatiua enim anima, & alijs est, & prima, & maxime communis potentia est anima, cuius sunt opera generare, & alimento-  
vis.* Et adhuc expressius textu 42. eiusdem capituli his verbis. *Quoniam autem eadem potentia anima est vegetatiua, & generatiua de alimento necessarium est determinare primum, separatur enim ab alijs potentijs opere hoc.* Nihil certè expressius dici potuit. Quod videntes authores oppositæ sententiæ, glossas quasdam huius expressi textus quæsierunt, futes absque dubio, & sine vlllo fundamento. Et in primis Caiet. vbi supra, ait eandem potentiam esse vegetatiuam, & generatiuam dixisse Aristotelem, quia vegetatiuam non pro nutritiua accepit, sed prout communis est nutritiuæ, augmentatiuæ, ac generatiuæ, & tanquam genus ad illas comparatur, & quia genus non ponit in numerum cum specie, non enim dicimus duos esse, animal, & hominem:

hominem: ideo vegetatiua; quæ genus est ad omnes tres, non ponit in numerum cum omnibus, neque cum qualibet per se, & ideo verè dici potuit, eandem esse potentiam vegetatiuam, & generatiuam. Hic tamè sensus ineptam comparationem, & locutionem efficit, & indignam prorsus, quæ nõ solum Aristoteli, sed vel mediocri philosopho tribuatur. Est enim, ac si diceret, sensum, & visum eandem esse potentiam sensitiuam, vel animal, & hominè nõ esse diuersa animalia, sed idem. Quas prorsus ineptas esse comparationes, & locutiones, quis non videat? Quare alij videntes apertè dixisse eandem potentiã animæ esse nutritiuam cum generatiua, asserunt non de idèntitate reali, aut specifica, sed de idèntitate subiecti locutũ fuisse, & ita sensum eius esse, quod idem sint subiecto: cū sint in eodẽ viuente. Hæc tamen expositio non minus friuola est, quia eodem modo posset dicere Aristoteles omnes sensus, tam internos, quam externos, in omnes potentias sensitivas, cognoscitiuas, & appetitiuas esse eandem: cū constet esse in eodem subiecto. Præterea Aristoteles ipse in eodem capite reddit rationem propter quam sint eadem potentia, quia habent idem obiectum, videlicet alimentum: ergò repugnat verba eius intelligi de idèntitate subiecti. Alij tandem putant, quod dum Aristoteles asserit eandem esse potentiam non de idèntitate reali, nec specifica intelligit, sed de idèntitate materiæ circa quam versantur, nam omnes versantur circa alimentum. Sed profecto in hoc sensu dici poterit ignem, vel aërem, vel quodlibet aliud alimentum habere eandem potentiam, aut virtutem agendi: cum circa eandem materiã agere possint, & sæpe agant. Ex quibus patet omnes hos authores fugam potius simulare, quàm rem explicare, quare euident est Aristotelem pro eadem potentia animæ eas posuisse.

- 37 Vt autem secundum, propter quod teneo hanc sententiam ostendam: reiiciendam censeo prius rationem in fauorem eius à quibusdam assignatam, videlicet plures, ac diuersos actus nutritionis, augmentationis, & generationis ab eadem potentia, vel virtute elici posse, & ideo non esse pro illis multiplicanda, quia subordinati sunt, ac se præsupponunt, & plures actus subordinati non postulant plures potentias. Hæc tamen ratio insufficiens est, quia actus sensuum externorum, & actus etiam sensuum, & intellectus magis subordinati sunt, seque præsupponunt ordine naturæ, & nihilominus postulant potentias diuersas, ergò licet nutritio, & augmentatio, & generatio sint actus subordinati, & ordine naturæ se præsupponentes, possunt distinctas potentias postulare. Hoc igitur fundamèto refutato,

Secundum,

Secundum, propter quod hanc sententiam, vt probabiliorem 38  
teneo, est, quia potentia, vel virtutes ad operandum non multi-  
plicantur, nisi vbi vna non est sufficiens pro multis actibus, sed  
maior, ac noua requiritur ex eo, quod nouus actus postulet no-  
uam virtutem, aut propter se, aut propter nouum modum ope-  
randi ad illum necessariò requisitum. Sed eadem virtus nutri-  
tiua sufficiens est omni ex parte pro nutritione, augmento, &  
generatione. Ita vt tres isti actus non postulent maiorem vir-  
tutem, & ideò nec distinctam propter se, nec propter modum  
operandi diuersum, per quem fieri debeant: ergo non sunt pro  
eis multiplicandæ plures virtutes, vel potentia. Minorem sic  
probo, productionem partialis substantiæ sequitur naturali ne-  
cessitate productio quantitatis, quæ etiam eodem modo pro-  
ducitur, hoc est, per eandem conuersionem alimenti, & absque  
noua difficultate: ergo non postulat maiorem virtutem, nec  
proinde distinctam à potentia illa, quæ est sufficiens ad produ-  
cendum substantiam partialem: quamuis per distinctam muta-  
tionem, vel motum, quia partialis quantitas res est distincta à  
partiali substantia, quam consequitur, ideò sicut in generatio-  
ne totali producitur per distinctam actionem, vt de passioni-  
bus probaui, sed per eandem virtutem, eodem modo in nutri-  
tione viuientis postulat actionem distinctam, per quam produ-  
catur, ab eadem tamen potentia nutritiua: Respectu cuius actus  
sunt inadæquati nutritio, & augmentatio, & ideò potentiam  
non multiplicant.

Vt autem probetur eadem minor de generatione, suppono  
id, quod quæstione sequenti probabitur euidenter, nempe po-  
tentiam generatiuam non esse virtutem illam in semine deciso 39  
residentem, per quam organizatur, ac disponitur materia semi-  
nis pro anima introducenda, & composito generando, sed vir-  
tutem factiuam seminis ex superfluo alimenti. Quo supposito  
ita arguo: eadem virtus nutritiua potens est ex eodem alimen-  
to pro quibusdam partibus corporis nutriendis efficere san-  
guinem, pro aliis nempe ossibus medullam, & in mammillis  
pro nutriendo fœtu iam genito, lac (siue lac differat specie à  
sanguine, siue non, nemo enim pro eo conficiendo ex sanguine  
distinctam virtutem à nutritiua posuit) ergo eadem virtus nu-  
tritiua poterit ex eodem sanguine conficere in alia parte cor-  
poris determinata semen pro generando eodem fœtu. Probat  
consequentia, quia nulla ratio afferri potest, per quam probe-  
tur distinctam virtutem requiri ad efficiendum ex eodem san-  
guine lac, quàm semen, non est ergo multiplicanda alia virtus  
pro hoc effectu, sed virtus factiua seminis est generatiua, vt  
suppono; ergo eadem virtus nutritiua est generatiua habens

hos tres actus inadæquatos: circa idem alimentum, & per eundem modum operandi circa illud, videlicet nutrire, & augere proprium corpus, & generare nouum ei simile, sicut habet nutrire, & augere proprium, alimentumque producere pro nutriendo alio de nouo genito.

40 Quod tandem probatur ratione eiusdem Aristotelis, quia sicut potentia passiuæ specificantur ex modo, quo immutantur ab obiecto, ita potentia actiuæ ex modo, quo versantur circa obiectum per proprium modum operandi circa illud, quod idem est, ac ex termino adæquato, quem per se producant, sed nutritiua, & generatiua versantur circa idem obiectum eodem modo operando circa illud, & producant eundem terminum: ergo sunt eiusdem speciei. Probatur minor, quia versantur circa alimentum operando circa illud eodem modo, videlicet disponendo, & transmutando illud diuersis transmutationibus ordinatis ad conuersionem eius substantialem in corpus viuens eiusdem speciei; ergo habent idem obiectum, eundemque modum operandi circa illud, & præterea producant terminum eiusdem speciei; nam nutritiua producit partialem substantiã, generatiua totalem eiusdem speciei, illa per generationem totalem, hæc per generationem partialem, ergo sunt eiusdem speciei.

41 Ad testimonium Aristotelis pro prima opinione concedendum est, quod duo illa officia tribuat Animæ vegetatiuæ, & quod ea præstet per aliquam potentiam, sed negandum, quod per distinctas, quia neutrum eorum, neque vtrumque simul excedit virtutem eiusdem potentia nutritiuæ, quin potius cum circa idem obiectum, nempe alimentum versentur, nec diuersum possulent modum operandi, ab eadem potentia fieri possunt.

42 Ad primum argumentum concessa maiori, quod ex separatione duorum probetur distinctio realis eorum, neganda est minor, quod potentia generatiua separetur à nutritiua, & quod dicitur nutritiuam, & augmentatiuam reperiri in omnibus viventibus, non tamen generatiuam negandum est; quia in his omnibus non generantibus non deficit omnino potentia, sed debilis est; vel deficiente dispositione aliqua ad talem actum requisita, actu generandi priuatur. Potentia enim nutritiua non statim, vel à principio potest in actum generationis prorumpere, quousque robusta sit, & propterea pueri non generant vsque ad robustam ætatem, ut capite præsentis insinuat Aristoteles, & adhuc in robusta ætate deficit ei aliqua conditio, vel dispositio ex parte seminis, cui conueniens calor deficit, aliquando etiam deficit aliqua pars corporis, in qua semine recipi debet, & propterea non producit: quemadmodum si mammilla in feminis deficiat, non generabitur lac, sed non propter hos defectus

fectus censetur deficere potest generatiua. Et ex his intelligitur nunquam separari generatiuam à nutritiuam: quamuis actus separentur, sed nec sepatantur subiecto, quia licet potentia nutritiua solum in parte determinata semen producat, ex quo habet rationem potentia generatiua, quia medio semine præstat actum generationis, eadem tamen est per omnes partes corporis dispersa, & in ordine ad illas diuersos etiam actus, & effectus præstare potens inadæquatos tamen, & modo simili idem habet adæquatum subiectum. Quamuis diuersa partialia, vel inadæquata, ex quibus non potest colligi distinctio eius.

Ad secundum negandum est, quod diuersum modum operandi habeant nutritiua, & generatiua, nam attractio, & con- 43  
coctio per diuersa instrumenta eius fiunt, sed ad eundem finem conuersionis substantialis alimenti ordinantur, conuersio autem substantialis alimenti eiusdem speciei inuenitur in nutritione, & generatione, licet pluribus, vel paucioribus transmutationibus mediis facta. Nam eiusdem speciei sunt partialis substantia, in quam conuertitur per nutritionem, & totalis, in quam conuertitur per generationem, licet hæc posterior conuersio quandam aliam transmutationem postulet, quia sanguis immediatè conuertitur in pattialem substantiam per nutritionem, non tamen immediatè in substantiam totalem generam, sed priùs in semen, quæ conuersio fortè non est substantialis, sed accidentalis, sicut nec conuersio eiusdem sanguinis in lac, ut superius ostendimus; & communis ferè medicorum sententia tenet. Ex peculiaribus verò accidentibus habet semen mirabilem illam virtutem organizandi corpus, & attingendi introductionem animæ, quæ conuersio substantialis est eiusdem seminis in viuens integrum, & simul generatio eius, sed hæc omnia virtuti potius nutritiua attribui debent, à qua eandem vir-  
tutem accipit, & quæ medio eodem semine, ut instrumento sibi 44  
proprio, licet separato generationem attingit, ut prium, ac præcipuum instrumentum animæ, & ratione huius attingentia virtus, vel potentia generatiua vocatur.

Ad tertium distinguenda est maior, quod quando vna potentia habet aliquem actum, quem non potest habere alia, distinguuntur realiter, & specie. Nam si proueniat ex defectu intrinseco potentia, non posse attingere talem actum verum est, si ve- 45  
rò ex alia ratione, vel defectu extrinseco, non est necessarium, & hoc modo contingit in proposito, quia virtutem nutritiuam non posse membra integra proprii corporis abscissa iterum formare, sicut format ad generandum, non prouenit ex defectu proprio, sed ex diuersa dispositione materia, quia materia seminis tenera est, ac disposita ad talem formationem membri ex

ea, quam teneritudinem non habet eadem materia brachij iam forinari, & abscissi. Vnde aliquando contingit in pueris aliqua membra abscissa restitui virtute facultatis nutritiuz, & passim in plantis, in quibus abscissi rami pullulare consueverunt. Vel certè, vt Galenus docet in lib. de semine c. 17. virtus delincans, seu formans membra in generatione prolis efficacior est, quàm in prole genita, & propterea non potest membra integra postea restituere, aut de nouo formare, sicut potuit in principio generationis.

- 46 Ad primum argumentum eorum, quibus probare contendebat eadem opinio, nutritiuam, & augmentatiuam distingui specie, concessa maiori, quod potentiz distinguantur specie per actus, & obiecta adæquata, neganda est minor, quod virtutes istæ habeant obiecta adæquata diuersa. Ad illud verò quod additur ex Aristot. alimentum secundum rationem substantialem esse obiectum nutritiuz, & vt quantum, esse obiectum augmentatiuz, concedendum est, sed dicendum neutram rationem eius per se sumptam esse obiectiuam adæquatam alicuius virtutis, aut potentiz, sed quælibet censetur inadæquata, quia non postulat maiorem virtutem conuersio eius, vt quanti, quam vt substantiz, sed eo ipso, quod per nutritiuam conuertitur substantialiter, naturali necessitate censetur conuersum, vt quatum in quantitatem viuentis de nouo productam per naturalem consecutionem, & ideò sine indigentia alterius virtutis, vel potentiz. Propterea verò dixit idem Arist. officia huius potentiz esse
- 47 generare, & alimento vti, quasi distinguens vsum alimenti ab actu generationis, quia nutritio, & augmentatio sunt per immediatam conuersionem alimenti in substantiam aliti, & ideò vtraque comprehenditur sub alimenti vfu, generatio verò nō fit per immediatam conuersionem alimenti in substantiam, neque in substantiam aliti, sed media transmutatione in semen, quamuis fortè accidentali, & non per cōuersionem in substantiam aliti, sed geniti, sicut nutritio pueri ex lacte non est conuersio alimenti in substantiā eiusdem viuentis, nempe matris, sed alterius de nouo geniti. De actibus verò, nempe nutritione,
- 48 & augmentatione negandum est, quod sint adæquati diuersarum potentiarum, sed inadæquati sunt eiusdem: cum nō postulet vterque simul maiorem virtutem, quàm sola nutritio.

Ad secundum negandum est, quod potentia nutritiua, & augmentatiua separentur in eodem viuente, quia licet verū sit nutritiuam durare toto tempore vitæ, etiā est verum durare augmentatiuam, cuius proprius actus est productio nouæ quantitatis; quod verò maiorem producat, accidentale est actui eius ex maiori perfectione, vel robore eiusdem potentiz, quod habet



bet vsque ad statum. Vnde licet hæc ratio accidentalis ei deficiat post statum, non censetur deficere potentia, sed solum est verum, quod non sit ita robusta, ac erat in primâ ætate, sed infirma iam, vel debilis: sicut non censetur deficere potentia visiva in sene ex eo, quod non possit minora visibilia conspiciere, 49 sed debiliorem habere statum propter debilius organum. Tandem D. Thom. explicari potest in eo sensu, vt has virtutes, seu potentias distinguat, solum ratione diuersorum actuum, ita vt licet eadem sit, plures tamen actus ordinatos habens, ita se habet, ac si multiplex esset, quia secundum vnum actum se ipsam præsupponit, vt elicientem alterum, eo modo quo vna præsupponeret alterâ, si plures virtutes, aut potentiæ forent. Quamuis verba eius in oppositam sententiam valde videantur inclinare.

### QVÆSTIO III.

*Quodnam sit subiectum nutritiua ac generatiua potentia.*

**D**E subiecto nutritiuae potentiae certum est in doctrina Arist. 50  
Ab omnibus recepta, quod sit in partib. corporis ab anima informatis. Quod hoc discursu probari potest: Certum est augmentationem viuentis fieri secundum omnes partes, vt 1. lib. de generatione, c. 5. text. 33. docet Arist. ita, vt quælibet pars viuens nutriatur, & augeatur, sed quælibet pars viuens habet in se animam vegetatiuam, quæ radix est nutritiuae potentiae, necesse est ergo nutritiuam potentiam esse in quacumque parte viuente, & ideò non esse in parte aliqua determinata tanquam in subiecto, sed in toto corpore viuente, & singulis partibus eius. Quod rursus probari potest ex natura eiusdem nutritionis, quæ operatio vitalis est, vitalis verò operatio à principio intrinseco, atque coniuncto eidem viuenti procedere debet, sed quælibet pars viuentis nutritur: ergo in qualibet parte exercet 51 anima operationem vitalem nutritionis, quod impossibile erit, nisi habet in se principium intrinsecum eius, quod non solum est anima, sed potentia ipsa vitalis nutritiua; quare necesse est in toto viuente, & singulis eius partibus reperiri tanquam in subiecto per eam operante, Vtcrius, quemadmodum de anima diuisibili diximus superius habere diuersas partes integrantes, alias quidem perfectiores aliis secundum diuersas differentias indiuiduales partiales, per quas constituuntur partes organicae corporis magis, & minus perfectæ secundum partiales differentias indiuiduales. Pari ratione dicendum est de potentia nutritiua, quia vitalis est naturaliter emanans ab essentia 52 eiusdem animæ, atque etiam diuisibilis, & corporea easdem partes integrantes habere in diuersis partibus corporis, magis, ac minus perfectas ratione differentiarum indiuidualium. Cuius

rario est, quia partes in quibus residet magis, & minus perfectæ usnt; ergo sua natura postulant modum nutrimenti perfectiorem, atque etiam perfectiorem partem substantiæ, per quam nutrantur, & consequenter perfectiorem potentiam nutritiuam partialem, à qua producat, quia perfectior effectus eo modo quo perfectior est, perfectiorem causam postulat. Eiusmodi ergo partes nutritiæ potentiæ per inferiores virtutes, quas habent in partibus corporis residentes, vltimum alimentum, (quod est sanguis) per venas, & poros delatum attrahunt, disponunt, & præparant iuxta exigentiam eorundem partium, vt pars residens in ossibus conuertit alimentum sibi assignatum in medullam, & hanc tandem in naturam ossium; in partibus verò carnis existens, eundem sanguinem conuertit in carnem, in mammillam verò sanguinem attractum cōuertit in lac, pro  
 53 fortu iam in lucem edito nutriendo, & in alia parte corporis residens superfluum sanguinem attractum conuertit in semen pro generatione alterius viuentis.

Ex quibus inféro, falsò quosdam multiplicasse diuersas potentias nutritiuas secundum speciem in diuersis partibus corporis pro his effectibus diuersis præstandis, hac ratione ducti, quia cum sint specie diuersi, diuersas causas secundum speciem postulant, & ab eadem potentia secundum speciem procedere non possunt. Falsam nihilominus esse hanc sententiam affir-  
 54 mo, quia falsum est, quod effectus isti distinguantur specie; nam sicut partes corporis quantūlibet diuersæ figuræ, diuersi temperamenti, ad diuersarum qualitatum, non distinguuntur specie, vt caro, os, & nerui. Ita effectus, quos producit potentia nutritiua ad nutriendas diuersas partes corporis, non possunt differre specie, quia partes substantiæ productæ, ad easdē partes nutriendas eiusdem speciei sunt cū eis, vt pars carnis producta adueniens per nutritionem eiusdem speciei est cū parte carnis, cui adiungitur, & similiter pars ossis, & pariter de cæteris. Vnde sequitur potentiam nutritiuam in diuersis partibus corporis non habere effectus specie diuersos, sed nec alimentum in diuersis partibus transmutatum specie diuersum est, vt sanguis, medulla, lac, & semen, sed eiusdem, diuersum verò accidentaliter iuxta probabiliorem sententiam medicorum, & philosophorum.

*De subiecto potentia generatiua.*

55 **V**T subiectum potentia generatiua inueniamus, necesse est quàm breuissimè disputare de forma substantiali seminis (nam copiosa de hac re disputatio medicis est relinquenda) an sit anima, vel alia forma inferior, sicut de sanguine probauimus in præcedentibus. Nam ex hoc dependet, an possit esse subiectum potentia generatiua, vt quibusdam placuit, vel aliud

aliud sit subiectum eiusdem potentie quærendum præter semen, & quodnam illud sit. In qua re illud tanquam certum inter opinantes præsuppono, quod superius insinuaui, nempe semen animalis fieri ex sanguine superfluo, non ita vt superflui nomine intelligatur impurus sanguis, aut excrementosus, sed potius depuratus, non tamen necessarius ad proprii corporis nutritionem, & ideo quasi reſeruat<sup>56</sup> à natura pro generatione. Ita expreſſè Aristotel. 1. lib. de generat. anim. cap. 17. & 18. & cum eo plures philosophi, ac præcipui Theologi, D. Thom. 1. part. quæſt. 119. art. 2. Albert. Magn. in lib. de animal. tract. 5. & 6. Soranus Ephesus in Iſagoge cap. 16. Scotus in 2. dist. 20. quæſt. 2. Dur. distinct. 30. quæſt. 3. Maior. dist. 13. quæſt. 6. Baſolius dist. 33. quæſt. vnica art. 3. Abulen. in cap. 12. Exod. quæſt. 24. ita etiam Medici plures cum Galeno lib. 2. de semine cap. 4. quod etiam tenuit Pythag. vt testatur Plutarchus lib. 5. de placitis Philoſophorum capit. 3. Et huius ratio ſatis congrua assignatur, quia viuens quodcumque ſe, & ſuam ſpeciem quantum poteſt; intendit conſeruare, ad propriam igitur conſeruationem conuertit alimentum, nempe ſanguinem in propriam ſubſtantiam, ad conſeruationem verò ſpeciei partem quandam eiſdem alimenti quali reſeruat, ex qua ſemen efficit: cui communicat virtutem diſponendi, & organizandi materiam pro introductione alterius animæ.

De ſemine igitur ita factio inquirimus, an informetur anima, & viuat, vel non, ſed formam habeat anima inferior<sup>57</sup>em, vt de ſanguine, & humoribus ſuperius docuimus.

Et prima opinio aſſerit informari anima, & viuere. Ita Galenus in lib. de maraſmo cap. 5. Paramæus in lib. de ſemine, Zima 2. lib. de anima ad textum 43. Valleſius lib. 2. controuerſ. cap. 9. quod tenuit etiam Plato in Timæo, & Themiftius 2. libr. de anima, textu 6. & ex recentioribus nonnulli. Quod probant teſtimonio Ariſtotelis 2. lib. de generat. animalium cap. 3. in principio, vbi ſemen animalium viuere his verbis docet. *Quippe cum nihilominus ſemina, & conceptus animalium viuant, quam ſtirpes, & aliquando prolifica ſint.* Deinde ratione primò; quia arborum fructus ſunt earum ſemina, ex quibus terræ mandatis pullulat arbor alia ſimilis in ſpecie, & tamen viuere conſtat: cum nutriantur, & augeantur: dum in arbore permanent. Et par erit ratio de ſemine animalium in eis permanente. Secundò, quia repugnat in aliquo eſſe potentiam vitalem, per quam eliciat vitalem operationem, niſi in eo ſit anima, & viuat, nam potentia vitalis naturaliter coniuncta eſt animæ & operatio vitalis non poteſt procedere, niſi à viuente: ſed in ſemine eſt potentia generatiua vitalis, per quam organizat corpus: eique

vnit animam, & principium generationis est, de qua nemo dubitat esse operationem vitalem: ergo nec dubitari debet, quin viuat semen, & informetur anima.

Secunda opinio negat *ullum semen sub forma, & specie seminis viuere, vel informari anima, sed aliam habere formam anima inferioriorem*. Hæc est expressa sententia Aristot. 2. lib. de anima cap. 1. text. 10. vbi hæc habet verba, *Non est autem, quod abiiciis animam potentia existens, ut viuat: sed quod habet, semen autem, & fructus potentia huiusmodi corpus est*. Et 2. lib. de generat. animal. cap. 3. non longè à fine: cum proposuisset dubium, an semen animam habeat, necne: respondet habere quidem in potentia. Quare sentit non viuere actu, quia nihil actu viuit, nisi actu habeat  
 59 animam. Et ita sentiunt D. Thom. par. quæst. 119. art. vltimo, & expressius 2. lib. contra gent. cap. 89. Scot. in 4. distinct. 44. qu. 1. Albert. Magn. 2. part. Summæ de homine. Fernelius lib. 7. suæ Physiologiæ, cap. 13. Iaudun. 7. Metaphysic. quæst. 19. Concil. differ. 48. Thom. Garb. lib. 1. tractat. 7. quæst. 5. & nobis videtur non solum probabilior, sed vera. Probatur primò, quia non est corpus organicum; ergo non informatur anima, quæ actus est organici corporis. Secundò, quia nec nutritur, nec augeatur, per intusumptionem, ut viuentia: sed solum per iuxtapositionem, ut sanguis, & cætera, quæ nec viuunt, nec informantur anima. Quod autem quidam respondent; quodammodo  
 60 esse organicum, & heterogeneum, quia habet partes quasdam crassiores, & terrestriores, alias verò subtiliores, & æreas, friuolum est, quia hoc ipsum reperitur in corporibus homogeneis, ut in vino, & aliis mixtis non viuentibus, quare non est sufficiens, ut dicatur esse corpus organicum, vel heterogeneum, ut oportet ad habendam vitam, vel animam.

Probatur tandem, quia semen animalium non est continuatum cum corpore eorum: cum sit liquidum, licet sanguine crassius: sed continetur in eo tanquam aqua in vase, ut de sanguine docuit Aristoteles: ergo naturaliter repugnat informari eadem anima, ac totum corpus.

Testimonium verò Aristotelis per alia longè expressiora à nobis adducta explicandum est, in quibus ex professo, ac perspicuis verbis docet semen animatum esse, ac viuens, non actu:  
 61 sed potentia, cum in proximo sit ad recipiendam animam; ita ergo intelligit Aristoteles semina animalium, atque stirpium animata esse, & viuere, non actu: sed potentia; nam si actu viuerent, non possent ex eis generari viuentia eiusdem speciei, ut docuit D. Thom. in posteriori loco citato.

Ad primum argumentum de fructibus arborum respondeo, dupliciter sumi posse; primò sub ratione fructuum actu coniuncto

iunctorum, cum arbore tanquam partium eius actualium; & ita viuere censentur, & habere animam: cum propriè nutrian-  
tur, & augeantur. Aliò modo tanquam semina ab arbore sepa-  
rata, & hoc modo, nec habent animam, nec viuunt, cum nullam  
habeant operationem vitalem.

Circa solutionem secundi argumenti recentiores quidam <sup>62</sup>  
tenentes semen viuere; id explicant hac distinctione. Semen  
duplex est, vnum actu coniunctum cum animali, aliud iam  
decisum, ac separatum ab eo pro generatione; & primum in-  
formatur ab eadem anima totius: postremum verò, cum non  
sit continuum, non potest ab eadem informari, si sit anima-  
lium perfectorum, quorum anima, aut indiuisibilis est, & ideo  
non potest per aliquam sui partem, etiam diuisam illud infor-  
mare, nec tota ipsa anima propter discontinuationem: sed in  
decisione ipsa, ac separatione accipit quandam aliam animam  
vegetatiuam; quam natura ei tribuit, ordinans ipsum ad gene-  
rationem, non enim posset generatione deservire, nisi anima-  
tum, quia non posset habere virtutem organizandi, atque for-  
mandi corpus, quæ vitalis est, nisi informaretur anima. Si verò  
semen sit animalium imperfectorum, vel plantarum, potest  
etiam decisum informari anima, quæ cum sit diuisibilis, potest  
permanere in partibus separatis. Et hoc supposito asserunt po-  
tentiam generatiuam esse in vtroque semine tanquam in pro-  
prio subiecto. Et isti quidem acutè satis philosophantur: sed <sup>63</sup>  
in primis ex falso principio præsupposito, quod semen viuat:  
deinde gratis omnino, & sine necessitate dicunt semen acqui-  
rere in decisione nouam animam: cum non sit necessarium ad  
generationem, ad quam sine anima, & sine potentia vitali  
concurrere posse mox ostendemus. Imò nec sit naturaliter pos-  
sibile talem nouam animam in decisione accipere, quia si se-  
men in animali perfecto existens informatur anima sensitua,  
aut rationali, & eam amittit per decisionem; ergo non potest  
naturaliter accipere aliam animam inferiorem. Probatur con-  
sequentia, quia non potest animam illam amittere, nisi per ve-  
ram, & realem corruptionem, vera autem, & realis corruptio <sup>64</sup>  
non potest terminari ad corpus viuens: sed ad cadauer; ergo  
nec potest naturaliter animæ sensitivæ succedere immediatè  
vegetatiua in eadem materia: sed cadauer, quo succedente non  
datur virtus in tota natura, quæ possit immediatè restituere  
cadauer ad vitam.

Recentiores tandem isti non videntur sibi constare: nam ex  
vna parte generatiuam potentiam non distinguunt à nutritiua  
cum Aristotele. Ex altera verò eas collocant in diuersis subiec-  
tis: cum nutritiua sit in animali, & partibus eius, quæ nutriun-

tur, & augentur propriè, & generatiuam ponant in semine, in quo non datur potentia nutritiua: cùm nec nutriatur, nec au-geatur propriè, vt probaui; in diuersis verò subiectis repugnat esse idem numero accidens, vt per se est manifestum.

Alij verò potentiam generatiuam non in semine collocant tanquam in subiecto: sed in viuento ipso, existimantes esse potius virtutem factiuam seminis, dicunt tamen non esse in parte aliqua determinata corporis tanquam in subiecto: sed per totum corpus. & omnibus partibus dispersam; & ita in  
65 omnibus partibus semen fieri, & ab omnibus attrahi, dum pro exercitio generationis deciditur. Sic sentit Hippocrates in lib. de genitura, & in lib. de locis, & Albertus Magnus 2. libr. de anima, tract. 2. cap. 7. Probant, quia ex semine, & per virtutem seminales generatur fœtus similis generanti secundum omnia membra: ergo necesse est, quodlibet membrum aliquid proprium conferre, vt tot membra similia singulis membris generantis producantur per generationem: nam si in vna tantum parte determinata formaretur semen, & ab ea solum decideretur, non esset maior ratio ob quam vnum, quàm alterum membrum ex eo fieret, vt cor, quàm caput, imò omnia membra formarentur similia illi parti. Quod posset confirmari à signo, quia ex nimia seminis emissionem debilitatur totum corpus, & omnes eius partes, signum igitur est, quod ex omnibus trahatur semen decisum.

66 Oppositam nihilominus sententiam, quod non fiat semen in omnibus partibus corporis, nec ex omnibus trahatur, & proinde, quod potentia generatiua (si virtus factiua seminis est) non sit dispersa per totum corpus, & omnes eius partes: sed solum in parte quadam determinata, tenet Aristot. 1. lib. de generat. animal. cap. 17. & 18. Galen. in lib. de semine, & Fernel. lib. 7. Physiolog. cap. 2. Paral. in lib. de semine, & multi alij ex medicis, quos citat Vales. 1. lib. controu. med. & hæc est vera. Quæ probatur satis efficaciter ex semine arborum, & aliorum fructuum in parte determinata formatorum, & existentium, atque ex quibuscumque aliis succis, vel humoribus corporis, vt ex atrabili, sanguine, & lacte in parte quadam determinata productis; ita ergo censendum est de semine. Deinde quia fundamentum oppositæ sententiæ planè est insufficiens, quia nec diuersitatem partium, vel organorum corporis similium in genito, & generante efficit materia seminis: sed virtus deriuata in eo ab anima, per quam formantur organa, ac partes corporis; quare cùm in determinata parte sit anima, in ea potest fieri totum semen accipiens ab ea virtutem formandi similia organa his quæ sunt in generante. Et certè si in omnibus partibus deberet formari semen

semen propter similitudinem in omnibus membris, sequitur euidenter, quod si generanti deficeret aliquod membrum, non posset generare fœtum integrum: sed necessario membro illo orbatum, quod patet esse falsum. Debilitas verò ex nimia seminis effusione causata in toto corpore ex eo prouenit, quod pars illa, in qua sit semen, & ex qua deceditur, fugit à vicinioribus sanguinem, & istæ ab aliis, & ita debilitantur omnes.

Nostra igitur sententia circa subiectum potentix generatiuæ duo asserit. Primum *nec esse in semine coniuncto, nec in deciso* contra priorem scientiam: Quod euidenter sequitur ex eo, quod neutrum uiuat, vel informetur anima, nam potentia generatiua vitalis est, sicut actus ipse generandi sibi simile: sed potentia vitalis naturaliter & necessario debet esse coniuncta cum suo principio, à quo emanat, nēpe anima: ergo repugnat naturaliter, quod potentia generatiua sit in subiecto non uiuente, aut in quo non est anima: sed probatum est nullum semen viuere; ergo repugnabit esse in eo tanquam in subiecto.

Secundo asserit *potentiam generatiuam solum esse in ea parte* 68  
*uiuentis in aqua semen sit tanquam, in subiecto* contra posteriorem. Quod ut intelligatur in memoria reuocandum est illud, quod superius docuimus, videlicet nutritiuam potentiam habere diuersas partes in diuersis partibus uiuentis corporis, & quasdam quidem perfectiores aliis ex differentia individuali partiali, & consequenter effectus diuersos. Quos omnes operando circa alimentum per diuersas virtutes inferiores, quibus pro instrumentis utitur præstat; ita ut ex eodem sanguine efficiat medullam in ossibus, & partem ossis per conuersionem substantialem eiusdem medullæ. In partibus verò carnis efficiat carnem, & in mammillis præter nutrimentum earum, ex eodem sanguine efficiat lac pro nutrimento fœtus; in alia verò parte corporis efficiat semen, cui tribuit virtutem organizandi materiam, & attingendi introductionem animæ in ea.

Quæ virtus seminalis ( quantumuis mirabilis ) vitalis non 69  
est: sed inferior potentia vitalis generatiua, & instrumentum eius, separatam quidem, quo medio hæc præstat. Et ideo hæc omnia animæ, ut principio, formali, & incompleto: sed in hoc genere præcipuo tribuuntur, uiuenti verò per illam, ut principio completo, & potentix nutritiæ secundum illam partem, per quam producit semen ex sanguine mediis instrumentis inferioribus, & à qua habet rationem potentix generatiuæ tanquam præcipuo instrumento vitali coniuncto animæ tanquam vitali potentix eius. Et ecce tibi subiectum potentix generatiuæ esse determinatam partem corporis, in qua residet tanquam pars quædam integralis nutritiæ potentix inter præcipuas numeranda.

- 70 Vnum in calce huius quæstionis animaduertendum iudico, quod apud authores quosdam reperio, videlicet semen, vt generationi deferuiat, prius conuerti in sanguinem. Quod non videtur mihi necessarium; imò nec verum, aut naturaliter possibile; nam cum semen factum sit ex depurato sanguine non potest iterum in sanguinem conuerti; imò nec possibile est, quod iam decessum sub forma seminis conuertatur in sanguinem, quia dum fit ex sanguine: accipit seminalem virtutem, quam sub forma sanguinis non habebat: ergo non potest conuerti rursus in sanguinem, quin eam amittat, ea verò amissa non poterit naturaliter organizare corpus, nec efformare membra, nec generationem attingere.

## Q V Æ S T I O I V.

*Qui nam sit generatio viuentium propria, & in quo sensu vocata sit ab Aristotele naturalissimum ipius viuensis.*

- 71 **V**T explicemus, quid generatio sit, quod est primum in titulo quæstionis contentum, duplex acceptio generationis distinguenda est: communis, atque impropria; & specialis, ac propria; & generationis quidem modo priori acceptæ duplex definitio colligitur ex doctrina Aristotelis, prior ex 5. libro Physic. cap. 1. text. 7. quæ talis est. *Generatio est mutatio à non esse simpliciter ad esse simpliciter.* Posterior verò ex 1. lib. de gen. cap. 4. text. 23. ita habens. *Generatio est mutatio huius totius in hoc totum nullo sensibili remanente eodem, ut subiecto.* Et dux istæ definitiones eadem sunt, & solum differunt in eo, quod posterior explicatior est.

Generatio verò specialiter, & propriè sumpta in solis viuentibus reperitur, cuius definitionem integram non inuenio apud Aristotelem, eam tamen ex diuersis, quæ de illa docet pluribus suæ doctrinæ locis, præsertim 7. lib. Metaph. cap. 8. text. 28. 8. lib. Ethicor. cap. 12. sect. 4. prob. quæst. 14. atque etiam in lib. de gener. anim. & de historia anim. collegit, atque composuit D. Thom. 1. part. quæst. 27. art. 2. & recepit ab eo schola Theologorum, quæ sic habet. *Generatio est origo viuentis à viuente conueniēto secundum similitudinem eiusdem naturæ specificæ.*

- 72 Hoc autem modo explicanda est, vt per primam particulam, nempe, *origo viuentis à viuente*, significetur processio, seu emanatio vnus viuētis ab altero tanquam à principio effectiuo, & idè excludatur cōmunis, atque impropria generatio superius explicata, quæ licet dicat processionem vnus substantiæ ab altera. Dicit præterea imperfecta generatio, transmutationem de non esse substantiæ ad esse substantiæ, quam nō dicit eadem particula



particula posterioris definitionis; nam origo vnius viuentis ab altero communis est rei transeunti de non esse ad esse, atque ei, quæ semper habuit esse. Quare in hac particula nihil imperfectionis importatur: cum tamen in prioribus definitionibus importetur intrinseca imperfectio rei genitæ incipientis habere esse post non esse, & ex consequenti ipsiusmet generationis, per quam accipit esse post non esse. Per secundam vetò particulam videlicet, *coniuncto*, explicariùs distinguitur generatio viuentium. Nam generationem viuentis esse a principio coniuncto denotat, quod aliquid de substantia propria generantis communicetur rei genitæ, & ita contingit in hac generatione propria, in qua vnum viuens producit aliud, non ex alia extrinseca substantia, cuius materiam disponat pro introductione formæ suæ speciei, sed aliquid propriæ substantiæ exhibens. cui virtutem communicat disponendi, & organizandi materiam, & vniendi ei formam, & id quidem in generatione viuentium, atque imperfectorum contingit, non tamen necessarium est ad propriam generationem viuentis, sed quod ei communicet generans propriam substantiam absque his imperfectionibus, abundè satis sufficiet; imò perfectissima erit, generatio verò nō viuentium non fit ex propria generantis substantia, quia nihil proprium exhibet generans, ex quo genitum fiat, sed extraneam materiam disponens, & ex ea similem formam educens, aut ei vniens compositum dicitur generare. Vltima particula definitionis est: *Secundum similitudinem naturæ specificæ* per quam (inquit D. Thom.) excluditur productio vermium ex animali, vel homine, quia non procedunt secundum similitudinem eiusdem naturæ specificæ: capilli verò, & ungues geniti non sunt, etiam si informantur anima, & procedant in similitudinem naturæ, quia generatio est origo vnius viuentis ab alio, capilli verò, & ungues non sunt aliud viuens distinctum, sed partes eiusdem viuentis, quæ vel in eo producuntur à principio generationis, vel virtute nutritiæ potentiæ postea fiunt ex alimento. Itaque generationem esse originem viuentis à viuentem coniuncto in similitudinem naturæ specificæ significat planè, quod procedens sit viuens completum realiter distinctum à viuentem, à quo procedit, & non sit eius pars. Alioqui nutritio eiusdem viuentis esset completa generatio. Per eandem particulam, *Secundum similitudinem naturæ specificæ*, excluduntur etiam omnes generationes æquiuocæ, etiam rerum viuentium, & ostenditur solam conuenire definitionem generationibus vniuocis, & has solam esse propriè generationes.

Ex definitione sic explicata colligo primò, rem propriè generatam so

nitam solum dici eam; cui ex propria ratione generationis conuenit esse similem generanti in atoma specie, & non aliunde, aut ex alio capite, nam si generatio viuientium ex propria, atque essentiali definitione debet terminari ad rem similem in natura specifica, sequitur rem genitam ex propria ratione generationis, & non aliunde similem esse debere in specie principio generanti, vel si aliunde talem habuerit similitudinem, & non ex ratione suæ productionis, talem eius productionem non esse generationem, quia non est per se productiua rei similis in specie principio generanti, nec rem productam genitam esse. Secundò colligo generationem muli ex equo, & alina, & ceteras omnes generationes æquiuecas non comprehendere hac definitione, quia per illas non consequitur natura finem primariò intentum nec tales dicuntur naturalissima viuentis opera, nec efficiunt propriè, & per se simile, sed improprium, & per accidens: quare impropriissimam rationem generationis habent, veluti generationes non viuientium. Et ideò prima mulier producta à Deo ex costa viri, nec fuit genita, nec productio illa fuit generatio, quia licet processerit similis viro in atoma specie, non ex vi talis productionis, quia sicut ex costa viri facta est à Deo mulier: potuit fieri vir alius, imò, & leo, vel equus, & solum facta est mulier potius, quàm res alia ex diuina voluntate, sic vel alio modo disponente in materiam, vt postularet introductionem animæ rationalis mulieris, potius quam viri, & potius, quàm alterius animæ, aut formæ, productio verò de se erat indifferens ad quamlibet substantiam corpoream producendam, & ideò generatio propria viuentis esse non potuit.

Colligatur tertio, quod si detur productio aliqua, vel processio vnius viuentis ab alio adeò perfecta, vt ex propria sua ratione, quod per eam producit, procedat simile producenti, non solum in specie, sed in eadem numero natura ei communicata, talis processio non solum erit vera, & propria generatio, sed perfectissima, cui perfectissima conueniet definitio tradita. Et talis est processio Verbi diuini à Patre æterno. Quæ cum sit intellectualis, & intellectus operetur per modum similitudinis, & assimilationis producens terminum, qui sit similis principio intelligenti, vt intelligens est, & cum in hac eadè ratione intellectualis processionis sit infinite perfecta, habet pro terminore propriissimè ac perfectissimè similem, non solum in natura specifica, sed individuali, nempe Verbum diuinum eiusdem naturæ cum Patre ex ratione eiusdem productionis, & ideò productum ipsa est propriissimè generatio, & Verbum diuinum perfectè genitum, nam quod in eadem definitione ponatur similitudo in eadem specie, non tollit, quin si maior sit possibilis, quo maior sit, eo sit gebe

fit generatio perfectior. Vnde sensus illius particulæ est ( vt ostendimus ) quòd sit origo viuientis à viuente coniuncto secundum propriam similitudinem, quæ vt minimum debet esse in specie atoma, nam generica iam est impropria, & cum euidentius sit perfectiorem esse, aut summam similitudinem, si sit in eadem numero natura, perfectiorem habebit rationem generationis ea, per quam procedit hoc modo simile. Processioni verò Spiritus Sancti non conuenit definitio generationis, quia cum sit per voluntatem, non habet modum similitudinis, aut assimilationis, sed potius modum inclinationis in bonum, nec ideo procedens ea ratione talis processio procedit simile, sed quasi actualis inclinatio, vel actualis amor per actum voluntatis productum, qui etiam est amor, nihilominus cum talis processio sit diuina, & quidquid in Deo est, sit ipsa diuina substantia, amor ita procedens Deus est, & ideo similis principio spiranti, videlicet patri, & filio, non quidem ratione suæ processio- nis, sed ex eo, quod intra Deum ipsum procedit, & ideo non est Deus genitus, sed Deus spiratus, hæc verò Theologis sunt relinquenda.

*Posterior questionis pars.*

**S**ed restat in posteriori parte eiusdem quæstion. explicanda vniuersalis illa propositio Aristot. c. præsentis text. 34. contenta, nempe. *Naturalissimum opus viuientis, est generare sibi simile.* Circa cuius sensum certum est, quod generatio sibi similis sit opus naturale viuientis: cum sit operatio vitalis eius, & per potentiam generatiuam sibi naturalem elicitæ. Difficultas ergo solum esse potest, quare dicatur naturalissimum opus viuientis: nam vt hoc sit verum, non satis est, quod opus sit naturale, sed quod magis sit naturale, quàm cætera, vel quod nullum dari possit ita naturale: Et mihi videtur etiam in primis certum comparationem hanc solum fieri ab Aristotele inter opera viuientis, vt viuens est, & ideo solum inter opera, quæ ex gradu vitæ omnibus communi procedunt. Eiusmodi autem tria tantum sunt, nempe nutritio, augmentatio, & generatio sibi similis: ergo inter has tres operationes tantum constituit Aristoteles comparationem dicens, quod licet naturales sint viuenti omnes, magis tamen naturalis est generatio, quàm nutritio, & augmentatio, & de veritate huius comparationis sic expositæ difficultas esse potest.

Circa quam omisiss multis aliis expositionibus, duas tantum proponam, quæ mihi placent. Prior est omnium ferè interpretum huius loci, quod generatio sit opus magis naturalis cæteris ex proprio fine, cuius gratia à natura intenditur, qui est bonum speciei consistens in perpetua conseruatione eius, ideo enim data est

data est viuenti potentia generatiua à natura, vt per eam producat aliud, vel alia indiuidua, vt cum non possit per se ipsum (quia corruptibile est) conseruare perpetuò speciem, eam efficiat perpetuam in aliis: finis verò nutritionis est conseruatio indiuidui, quia per eam quodlibet indiuiduum intendit se conseruare in proprio esse indiuiduali, sed commune bonum speciei perfectius est, & quasi diuinius bono particulari cuiuslibet indiuidui, & ideò magis, ac prius intentum à natura, quæ propter conseruationem speciei intendit conseruationem indiuidui: quod verò magis, ac prius est intentum à natura, dicitur, & est magis naturale; merito ergò Aristoteles inter opera animæ

- 81 vegetariæ naturalissimum vocauit generationem. Nec probat aliquid contra hunc sensum, quod de nutritione obijciunt recentiores quidam, videlicet non solum ordinari ad bonum, & conseruationem indiuidui, sed etiam ad bonum, & conseruationem speciei, quia propterea natura nutrit, ac fouet indiuiduum, vt in eo conseruet speciem. Nam hunc finem conseruandi speciem non intendit per se primò, atque immediatè nutritio, sed quasi secundariò, aut ex consequenti, & per se primò conseruationem indiuidui. Generatio verò sibi similis nullo modo respicit bonum indiuidui, sed per se primò, & solum, bonum speciei, & propterea semper est verum, quod sit naturalius nutritione, & omnium operum viuentis, vt viuens est, naturalissimum, vt asseruit Aristoteles, qui hanc doctrinam eleganter scripsit cap. præsentis text. 3; hisce verbis. *Quoniam igitur communicare non possunt ipso semper, & diuino continuatione, propterea quod nihil contingit corruptibilem idem, & unum numero permanere, secundum quod potest participare unum quodque, sic communicas, hoc quidem magis, illud verò minus, & permanet non ipsum, sed quale ipsum. numero quidem non unum, specie autem unum.* De nutritione verò, & opere eius loquens textu 47. eiusdem capituli ita ait, *Quare huiusmodi anima principium potentia est talis, vt conseruet habens ipsam secundum quod est huiusmodi.*

- 82 Præter hanc expositionem communem, ita à nobis explicatam, particularem aliam excogitauimus, illud tanquam certum fundamentum præsupponentem, quod naturalissimum sit bono perfecto se diffundere, atque communicare aliis, quantum potest, ita vt bonum non communicatum, vel saltem non potens se communicare quasi sterile, atque imperfectum merito censetur, iuxta illud, quod de se ipso per accomodationem Deus ipse protulit Isai. 66. *Nunquid ego, qui alios parere facio, ipse non pariam dicis dominus? si ego, qui generationem cæteris tribuo sterili ero.* Sed certum quoque est viuens non posse communicare aliis maximum bonum vitæ, nisi per generationem, quia per

quia per nutritionē non se cōmunicat aliis, sed propriam tantū vitā in se cōseruat; ergo generatio, per quā viuēs diffundit bonum vitæ cōmunicans illud cæteris, perfectissimum opus naturale est omnium, quæ potest habere anima vegetatiua, & ideo naturalissimum, & iure tale vocatum ab Aristotele.

C A P V T V.

TEXTVS ARISTOTELIS.

*Determinatis autem his dicamus cōmuniter de omni sensu.*

Breuis expositio textus.

**E**Xplicatis his, quæ ad potentiam animæ vegetatiuæ pertinent, gradum facit Aristoteles ad explicandas potentias animæ sensitiuæ; primò quidem in cōmuni, deinde in particulari. Vt autem naturam earum in cōmuni ostendat, duo intendit docere ac probare capite præsentī. Primum quod sensus sit potentia passiua. Postremum, quod excitetur, ac reducatur ad actum à suo obiecto: propterea in duas partes, diuidendum est, nam in priori ostendit illud, in posteriori hoc.

Ad explicationem igitur primi accedens, asserit potentias vegetatiuas esse actiuas, hoc est tales, quarum proprium officium sit agere circa suum obiectum, non pati ab illo: vt officium nutritiuæ potentie est agere circa alimentum, tanquam circa obiectum proprium, vt illud conuertat in substantiam aliti, & ideo potentia actiua dicitur: Sensus verò omnes passiuæ potius potentie sunt. Quod probat ex duobus; primò ex actu earum, deinde ex obiecto. Ex actu quidem, quia tunc sentire dicuntur, quando alterantur, sed alterari est pati; ergo tunc sentiunt, quando patiuntur, quare sentire erit pati, vel certè cum passione fiet. Ex quo tandem sequitur sensum esse potentiam passiuam. Maiorem illam probat, quod sensatio fiat per alterationem, & motum sensitiuæ potentie, quia vt sensus sentiat, aliter se habere debet, quàm prius, dum non sentiebat, aliter autem se habet per receptionem alicuius, videlicet speciei, aut proprii actus sentiendi, vel vtriusque, sed recipere est alterari, & consequenter pati; ergo potentia cum quadam passione operatur, quod est esse passiuam. (An verò patiatur à simili, vel dissimili, iam se explicuisse docet in lib. de generatione, vbi docuit id quod patitur in principio esse dissimile agenti, sed in fine simile, & ita potentia sensitiua in principio hoc est, antequàm patiatur ab obiecto recipiendo similitudinem eius, dissimilis est ei, sed per receptionem eiusdem speciei fit similis, quia habet

iam in se similitudinem obiecti ipsam aliquo modo repræsentantem, ratione cuius quasi ipsummet obiectum in se habere censetur, & ex hoc facta est ei similis.) Probat secundò ex obiecto, per modum dubij proponens, quare sensus nò sentiat seipsum, vel ea sensibilia, quæ in se, vel apud se habet, nò enim videt se oculus. Et respòdet, ideò sensum non sentire seipsū, quia ex propria natura habet, q̃ ab alio debeat immutari, vt sentiat, & hoc est, esse potentiā passiua, quia si actiua foret, nò indigeret immutatione ab alio ad operandū, vt patet in omnibus potentiis actiuis tali immutatione non indigētibz ad operandū.

3 In posteriori parte capitis, explicaturus, à quonam potentia sensitiva exciteretur, vel ad actum reducatur, duo præsupponit, primum duobus modis dici aliquid potens sentire, videlicet secundum potentiam remotam, & proximam; quemadmodum potens scire, nam habens habitum scientiæ, dum nihil per eum contemplatur, dicitur potens scire potentia proxima, quia nihil ei ad sciendum actu deficit, nisi applicatio ad opus, quam statim habere potest, aut, cum voluerit, nisi aliquod adsit impedimentum extrinsecum infirmitatis, vel somni, aut quippiam aliud. Qui verò solam habet potentiam intellectiuam sine habitu scientiæ, vt puer, dicitur sciens in potentia remota, quia proxima caret, quæ habetur per habitum. Et qui hoc tantummodo dicitur sciens in potentia, non erit sciens actus, nisi præcedente alteratione, ac passione, hoc est, receptione habitus, per quem perueniet ad actum, quæcunque enim receptio qualitatis, vel habitus, alteratio quædam, ac passio vocatur. Sciens verò in potentia proxima peruenire potest ad actum scientiæ, sine præuia alteratione, hoc est, sine receptione habitus, per quem iam censetur esse in proxima potētia. Pariter ergo potens sentire dupliciter dicitur, aut secundum potentiam proximam, aut secundum remotam tantum; secundum proximam quidem, si potentiam sensitivam habeat, & ideò quodcunque animal hoc modo dicitur sentire potens: potens verò sentire in potētia remota erit illud, quod nec potentiam sensitivam habet, sed in proxima dispositione censetur esse, vt eam habere possit, quo pacto semen organizatum pro introductione animæ sensitivæ dicitur sentire potens secundum potentiam remotam. Itaque idem est in ordine sentiendi habens potentiam, ac in ordine sciendi habens potentiam cum habitu, & etiam nondum habens potentiam sensitivam, sed proximè habere potens, idem est in ordine sentiendi, ac in ordine sciendi habens intellectum sine habitu.

Secundum præsuppositum est distinctio passionis propriæ sumptæ ab impropria; & passionem propriam tantum sumi ait

pro receptione alicuius discōuenientis, ac disponentis ad corruptionem, & talis passio est quæcūque receptio actiue qualitatis habentis contrarium in eodem subiecto; nam per talem receptionem ad corruptionem disponitur subiectum. Passio verò impropria dicitur receptio quæcūque etiam rei perficientis. Quando ergo dicitur sensus potentia passiua, quia non operatur, nisi imminutetur ab obiecto, per receptionem speciei ab eo impressæ, non de passione propria, sed de sola impropria intelligitur, quia recepta species non disponit sensum ad corruptionem, sed potius eum perficit.

His suppositis explicat iam, quid sit illud, quod potentiam sensitivam reducit ad actum hac distinctione. Potens sentire secundum potentiam remotam reducitur ad actum eiusdem potentie à generante, ut semen proximè dispositum pro receptione animæ sensitivæ, simul cū eadem anima recipit à generante potentiam sensitivam: per quam dicitur sensitivum actu, aut in proxima potentia. Sensitivum verò in potentia proxima, quale est habens potentiam sentiendi nondum applicatam ad actum, reducitur ad actualem sensationem ab obiecto sensibili, quemadmodum intellectivum in potentia proxima, quale est, habens intellectum cum habitu reducitur ad actum intelligendi ab obiecto intelligibili. Differunt tamen obiectum sensus, & intellectus (inquit Aristoteles) quia obiectum sensus est singulare existens extra intellectum, intellectus verò vniuersale non existens extra intellectum, sed intra ipsum, quia ut intellectus intelligat, opus est speciem obiecti intra se habere, per quam in memoria reservatam, atque repræsentantem obiectum, dicitur obiectum ipsum intra se habere, non quidem in esse reali, vel materiali, sed in esse intelligibili, in quantum per speciem repræsentatur, per hanc verò potest semper ipsum intelligere, licet non sit in natura rerum. Sensus verò cum sit potentia materialis, materialia solum, ac sensibilia sentire potest, & ideo solum singularia extra se existentia, quæ proinde non potest cognoscere, nisi actu existant, & per se excitent sensum, & sensationem eius terminet: loquitur enim Arist. de sensibus externis, in quibus vera sunt hæc. Ex quo aliud discrimen colligit inter potentias ipsas sensitivas, & intellectum, nam per intellectum cum volumus operamur, aut intelligimus, siue obiectum præsens sit per se extra, vel non, quia intra eundem intellectum adest per speciem repræsentatum. Quod planè intelligendum est postquam semel illud percipimus media specie, nam ad primam perceptionem eius, etiam requiritur aliquo modo obiectum extra intellectum, quod non semper adest. Sed non sentimus cum volumus, quia deficit sæpe obiectum per se ipsum præ-

sens, quod omninò requiritur ad sensationem sensuum exteriorum. non solum primam, sed quamlibet aliam.

## CAPVT VI.

## TEXTVS ARISTOTELIS.

*Dicendum autem secundum unumquemque sensum, & de sensibilibus primo.*

## Breuis expositio textus.

8 **C**apite præcedenti docuit Aristoteles sensum esse potentiam passiuam, parique ab obiecto, à quo reducitur ad actum sentiendi. Intentum verò huius capitis est communem rationem obiecti sensibilis, à quo patitur, nobis ostendere. Diuiditur autem in duas partes; in priori diuidit sensibile duplici diuisione. In posteriori verò comparat membra vtriusque diuisionis inter se, vt ex comparatione magis elucescat ratio omnium.

9 Sensibile igitur in commune diuidit Arist. priori diuisione in sensibile per se, & per accidens; sensibile per se est, quod per se, hoc est, ratione sui, & non alterius immutat sensum, vt color per se immutat visum, & sonus auditum; rationem verò sensibilis per accidens post modum explicat. Posterior diuisione est quasi subdiuisione alterius membri prioris, nempe sensibilis per se, quod duplex esse ait, commune, & proprium; sensibile proprium tribus describit modis, primò: *Quod vnum tantum sensus obiectum est, & ab eo solo percipitur non ab alio*, vt sonus à solo auditu. Deinde *Circa quod non erat sensus*, vt circa calorem, vel lucem non errat visus. Tertiò etiam illud describit in calce capitis, dicens esse: *Id cui temperamentum proprii organi proportionatur*, vel vt alij exponunt, ad quod talis sensus per se primò ordinatur, vt ad visibile visus. Sensibile commune est, *Quod à pluribus sensibus percipitur*, vt motus à visu, & auditu. Quinque autem esse docet sensibilia communia, videlicet, figura, magnitudo, seu quantitas, numerus, motus, & quies. Sensibile per accidens illud esse asserit. *Quod non immutat sensum, nec ab eo patitur sensus per se*, sed vtrūque habet ratione alicuius sensibilis per se ei coniuncti, vt substantia non immutat sensum per se, nec ab ea sensus patitur, sed ratione coloris, vel alterius accidentis per se sensibilis; vnde non dicimus videre Petrum, aut Ioannem, quia tales homines sunt, sed quia talem, habent colorem per se visibilem ratione cuius videntur.

10 In posteriori tandem parte comparat primo sensibile proprium, & commune ex vna parte cum sensibili per accidens ex altera, asseritque hoc differe, quod commune, & proprium agunt per se, hoc est, ratione sui in sensum. Sensibile verò per accidens,



accidens, non ratione sui agit in sensum, sed solum ratione alterius, cui coniungitur. Comparat secundò sensibile proprium, & commune inter se in eo, quod licet sensibilis per se vtrique conueniat, proprius tamen, atque perfectius conuenit sensibili proprio, quàm communi, quia temperamentum organi cuiusque sensus magis est proportionatum proprio sensibili eiusdem sensus, quàm communi.

TRACTATUS DE OBIECTIS SENSIBILIBVS, ET MODO, QVO IMMUTANT SENSUS PER SPECIES INTENTIONALES,  
ac de natura earundem specierum.

QVÆSTIO I

*An sensus sit potentia passiva.*



Rimum, quod Aristot. docuit cap. 5. fuit, quod <sup>11</sup> sensus sit potētia passiva, & hoc est etiam primum, quod in controuersiam vocamus.

Et prima opinio ponit in quolibet organo sensus duplicem potentiam sensitivam, passiuam vnā, quæ immutatur ab obiecto per receptionem speciei ab eo, & ideo officium eius solum est recipere speciem obiecti, & actiuam alteram ad eliciendum actum sensationis præsupposita receptione speciei. Ita Apollinaris 2. lib. de anima, q. 1 3. & Iand. q. 1 6. Probāt testimonio Arist. 3. lib. de anima, c. de intellectu agente; vbi duplicem posuit virtutem, aut potentiam necessariam ad intelligendum, vnā quidem actiuam quæ vocatur intellectus agens, & aliam passiuam, quæ vocatur intellectus possibilis; ergo censet duplicem aliam eiusdem proportionatam esse necessariam ad sentiendum. Probatur consequentia, quia eodem modo loquitur de potentia sensitua, & intellectiua, & eodem modo fiunt intellectio, & sensatio per receptionem, & actionem. Probant deinde ratione, quia in <sup>12</sup> quolibet genere debet correspondere cuicunque potentia passiuæ alia actiua, à qua reducat in actum, quia repugnat eandem potentiam esse simul actiuam, & passiuam, sed ad sentiendū requiritur receptio simul, & actio; ergo potentia recipienti, vel patienti correspōdere debet potentia agēs, & ita duplex erit necessariò ponēda in organo cuiuslibet sensus, actiua, & passiva.

Hæc tamen sententia contraria est doctrinæ Arist. & rationi. <sup>13</sup> Probatur primū ex capite præsentī, vbi cū docuisset sensum esse potentia passiuā, addidit reduci ad actum à virtute actiua

externa, nempe ab obiecto, & nō ab alia virtute interna, quę sit potentia sensitiva agens, neque vsquā alibi talem sensum agentem posuit. Imō in 3. lib. ubi pręter intellectū possibilem posuit agentem, nō posuit illum ad intelligendum, sed ad solam productionem speciei intelligibilis, per quā fieret possibilis in actu primo ad intelligendū, sed sensum fieri in actu primo ad sentiendū docuit per immutationem, & actionem obiecti externi in ipsum, & non per virtutem internam, aut sensum internum; ergo nō censuit esse necessarium, nec ideō in doctrina eius potest poni. Probatur etiā ratione nō esse ponendum; sensus agēs non est necessarius ad productionē speciei sensibilis, quia hęc producitur sufficiēter ab externo sensibili eidem potentia sensitivę proportionato, sed nec ad recipiendā speciem ab eo productā requiritur alia potētia distincta ab activa eliciente sensationē, sed hęc sufficit pro utroque officio recipiendi speciem ab obiecto, & eliciēdi sensationem; ergo frustra additur sensus agens, & ideō nō est vllō modo admittēdus. Probatur minor ex intellectu possibili sufficiente ad eadem duo officia, etiam apud adversarios, nam eadem est potentia intellectiva recipiens speciem obiecti ei impressam ab intellectu agente, & phantasmate, & eliciens actum intelligendi; ergo eadem potentia sensitiva erit sufficiens ad recipiendam speciem ab obiecto externo, & ad eliciendam sensationem, quare nō est necessarium multiplicare aliam. Et ex hoc deprehenditur deceptio huius sententię in eo consistens, quod non est necessaria alia potentia animę ad producendam speciem sensibilem, per quam uniatur obiectum sensui, sed obiectum externum sufficit, cū sit ei proportionatū; in parte verō intellectiva requiritur potentia activa ad producendam speciem intelligibilem in intellectu cognoscente, qui passiva potētia est, quia obiectum materiale externum non est proportionatū eidem intellectui cognoscenti, & ideō non potest per se imprimere ei speciem sui, nisi eleuetur ab alia virtute spiritali activa. Et ex his exposita est mens Aristot. ponentis

14 duplicem virtutē ad intelligendum, & ad sentiendū vnam tantum, atque etiam solum argumentum eiusdem sententię. Nā potentia passivę debet correspondere activa ei proportionata, a qua reducatur in actum, & ita correspondet sensui, ut est potentia passiva, alia activa, sed extrinseca, nempe obiectū cuius virtute producitur species, & immutatur sensus, quia satis proportionata est eidē sensui, quare nō requiritur activa intrinseca, sicut in intellectu, cui non datur extrinseca proportionata.

Secunda opinio solum ponit vnam potentiam sensitivam in quocunque organo, & hęc dicit esse purē passivam, ita ut nihil efficiat ad sensationem, sed solum pręstet concursum passivum recipien-

recipiendo speciem, nihilominus sentire dicatur, quia sensatio non consistit in actione aliqua, sed solum in receptione speciei, siue in vnione eius cum potentia sensitua. Sed receptionem speciei dupliciter distinguunt: prior distinctio est, posse sumi in ratione accidentis, vel vt est virtus obiecti repræsentans illud, & receptio speciei vt accidentis non est sensatio, sed vt virtutis obiecti. Sed adhuc hoc modo sumpta distinguitur posteriori distinctione in receptionem quasi materialem, vt quando recipitur in potentia non attendente, vel aduertente, ac recipitur in aëre, & hoc modo receptio speciei non est sensatio, quia ad sensationem requiritur aduertentia ex parte potētiae; si verò cum aduertentia potētiae recipiatur: sola ipsa receptio, vel vnio speciei cum potentia aduertente erit sensatio. Dum ergo dicunt receptionem speciei, vel vnionem eius cum potētia esse sensationem, non de vnione speciei, vt accidentis loquuntur, sed vt virtutis eiusdem obiecti ipsum repræsentantis, & cum aduertentia eiusdem potētiae receptæ. Ita sentiunt Ægidius quæst. 1. de cognitione Angelorum. Nimphus in libello de sensu agente. Thicnensis. 2. lib. de anima comm. 61. Venerus in Summ. de anima c. 10. Caiet. c. 5. huius libri. Probatur testimoniis Aristot. qui tria asserit de potentia sensitua, & sensatione: primum, c. 5. huius libri per totum, quod sensus est potētia passua, & reducitur in actum ab externo efficiente, nempe obiecto. Ex hoc autem sequitur sensationē effectiuē à solo externo principio procedere, sensum verò pati tantum ab eo, & ideò sensationem in sola receptione speciei ab obiecto consistere, quæ quidem ab eodem obiecto procedit effectiuē. Secundum, quod asserit textu 59. eiusdem capituli est, principia effectiua sensationis extra sensum esse. Et tandem in 3. lib. text. 140. ait, eundem esse actum sensibilis, & sensitiui, vel sensus, & hūc in sensu, non in sensibili esse, sicut idem motus sunt actio, & passio, & vtraq; in passio recipitur, hæc sunt verba Aristotelis; *sicut enim actio, & passio in patiente est, sed non in agente, sic & ipsi sensibili is actus in ipso sensitiuo existit*, quibus planè docet ad sensationem solum concurrere sensum recipiendo actionem sensibilis, quæ prout in sensu recepta sensatio dicitur. Probatur etiam ratione, quia sentire nihil aliud est, quàm percipere obiectum sensibile, sed eo ipso, quod potentia recipit speciem cum aduertentia; dicitur percipere obiectum sensibile; ergo eo ipso dicetur sentire absque vlla alia actione.

Hæc tamen sententia in primis est contra doctrinam Aristotelis, qui duo docet de sensationibus, videlicet esse operationes vitales, dum animam ca. 2. huius libri definit dicens, esse principium, quo viuimus, sentimus, mouemur, & intelligimus, docens

hos omnes esse actus vitales, quos exercet anima per potentias vitales, sed receptio speciei in potentia non est actio eiusdem potentiae, sed obiecti, ut faretur eadem sententia: potentiae verò solum est passio, respectu verò obiecti cuius est actio, vitalis esse non potest, cum non sit ab eo tanquam à principio vitae; ergo non est actio vitalis. Secundo asserit esse actiones immanentes  
 18 9. l. Metaphys. c. 4. text. 16. ergo non possunt consistere in receptione speciei ab obiecto, quam sub ratione actionis patet esse transeuntem & cum procedat ab obiecto, & transeat ad potentiam, in qua recipitur.

Deinde est etiam contra rationem; primò quia experientia constat recepta specie in oculo saepe non fieri visionem, ut in dormiente, aut vigilante, sed distracto ad alia; ergo non consistit in sola vnione speciei cum potentia. Nec soluit argumentum, quod dicunt non recipi in his casibus cum aduertentia, aut conatu potentiae, & ideò non dari sensationem, quia conatus, vel aduertentia nò est intelligibilis sine aliqua actiuitate, vel actione potentiae, nam per solam receptionem alicuius in se non dicitur recipiens conari, neque advertere; ergo sensatio præter receptionem speciei in potetia dicit actionem eiusdem potentiae habentis speciem. Secundo probatur ex intellectione, & sensatione interiorum sensuum, quibus omninò assimilantur sensationes externae, ut visio, sed intellectio, & sensatio interna non potest in sola receptione speciei consistere: sed præter illam dicit actionem eiusdem potentiae informatæ specie; ergo idem habere debet externa sensatio. Minorem probo, quia sensus internus discernit iudicio quodam imperfecto sensatum per visum, non esse sensatum per auditum, atque etiam suo modo externi sensus de suis obiectis iudicant: iudicium verò (quoduis illud sit) aut discretio non potest fieri per solam receptionem speciei, sed actiuitatem potentiae postulat; ergo sicut intellectio: ita quæcunque sensatio interna, vel externa, præter vnionem speciei cum potentia actionem eiusdem potentiae important, in qua præcipuè consistunt.

20 Tertia opinio etiam asserit sensum esse potentiam purè passiuam: sed alia via procedit, non enim in sola receptione speciei sensationem consistere intelligit: sed in actione quidem, non quam eliciat effectiuè potentia: sed anima media specie recepta: potentiam verò nihil aliud præstare præter passiuum concursum ad speciem recipiendam requisitum, eo ferè modo, quo aqua per calorem receptum ab igne calefacit, nullum tamen concursum actiuum ad calefactionem præstat: sed à solo calore in ea existente effectiuè procedit calefactio. Ita Albertus Magnus 2. par. Summæ de homine, tractatu de sensibus

sibus animæ. Et ad hanc ferè reduci potest sententia illa, quæ 21  
asserit potentiam sensitivam nihil præstare ad sensationem  
præter receptionem speciei, neque speciem ipsam efficere sen-  
sationem: sed quasi obiectivè excitare animam veluti con-  
sopitam, à qua sola sic excitata procudit effectivè sensatio.  
Ita enim senserunt Plotinus *Æneade* 4. lib. 6. *Simplic.* 2. lib. de  
anima, textu § 1. & § 2. & utraque sententia potest probari hoc  
argumento. Sensatio est unica, atque simplex actio; ergo ab  
unico, ac simplici principio debet procedere: sed anima, po-  
tentia, & specie sunt res distinctæ; ergo non potest ex omni-  
bus, nec ex duobus effici vnum principium eius: sed ab vno  
eorum debet procedere, & cum non procedat à nuda potentia ex  
se indeterminata, necessario dicendum est, à sola specie proce-  
dere effectivè, ut Albertus docet, vel à sola anima, ut docent alij.

Utraque hæc sententia denegat omnino potentiis sensitivis 22  
effectivum concursum ad sensationes, & eas efficit purè passi-  
vas, & ideo utraque probatur falsa. Primò ex doctrina Aristo-  
telis in libro de Somnio, & Vigilia, cap. 1. ubi docet expressè  
sensationem non esse animæ solius, neque corporis: sed con-  
iuncti, hoc est, organi compositi ex anima, potentia vitali, &  
corpore, falsum est ergo eam tribuere soli animæ, vel soli  
speciei; imò etiam animæ per speciem, & potentiam vitalem  
omnino ab eius efficientia excludere. Quod probò duplici  
argumento; primo, quia potentiæ concessæ sunt animæ à na-  
tura: ut per eas tanquam per instrumenta opererur, sicut cæ-  
teris rebus inferioribus concessit inferiores potentias ad suas  
operationes inferioris ordinis tanquam per naturalia instru-  
menta præstandas. Sed instrumenta cōcurrunt effectivè ad ope-  
rationes; ergo falsum est excludere potentias ab omni con-  
cursu effectivo, & eas purè passivas efficere. Secundo, quia si  
puræ passivæ forent, evidenter sequeretur perfectiores esse  
potentias animæ vegetariæ, quàm sensitivæ. Probatur conse-  
quentia, quia nobilius est agere, quàm pati: sed potentiæ vege-  
tariæ sunt activæ, & purè activæ; ergo nobiliores erunt poten-  
tiis sensitivis purè passivis.

Argumentum vero, pro eisdem sententiis factum, nihil pro-  
bat, quia falsum est simplex esse debere principium effectivum  
cuiuslibet operationis, imò propter rerum imperfectionem  
sæpe requiritur unio duorum ad agendum, ut patet in multis  
trahentibus navim, ac similibus. Quare nihil repugnat, quod  
ex potentia vitali, & specie in ea recepta fiat vnum integrum  
principium sensationis, quo medio eliciatur ab anima.

Vera sententia, & tenenda est, quod sensus si quidem potentia  
passiva: non tamen purè passiva, sicut materia prima; sed ex parte

*passiva, & ex parte actiua, qua sic explicanda. est* In sensatione tria reperiuntur, primum est obiectum vniri potentia per speciem sui, quam ei imprimit, per quam sufficienter constituitur potentia in actu primo ad operandum, & simul determinatur ad operandum circa tale obiectum. Secundum, potentiam ipsam actuatam per speciem receptam in se ab obiecto elicere sensationem tanquam principium effectiuum eius. Postrimum eandem potentiam recipere actum à se elicited. Itaque tria hæc præstat potentia sensitiva, non enim verum est, quod plures ex Græcis interpretibus cap. præsentis sentiunt, obiectum imprimere speciem in nudum organum, & non in potentiam. Sed quod Latini ferè omnes sentiunt, videlicet in organum quidem potentia informatum; ita vt sicut potentia est forma eiusdem organi, per quam operatur; ita etiam sit ratio recipiendi speciem. Quod colligitur ex his, quæ docuit Aristoteles cap. præsentis asserens potentiam sensitivam passivam esse, & immutari ab obiecto, & per hanc immutationem quasi excitari ad operandum: immutatio verò non potest alio modo fieri, quàm per receptionem speciei eiusdem obiecti; sentit ergo speciem in eadem potentia recipi, & non in nudo organo, alioqui nõ esset potentia passiva, quia nihil in se recipiens, non pateretur. Supposito verò, quod potentia ipsa speciem in se recipiat, per eam quoque operabitur, & proprium actum in se etiam recipiet, quia actio immanens (qualis est sensatio) in eodem principio à quo elicitur, effectiue; tanquam in subiecto recipitur. Hanc sententiã sic explicatam tenent Philop. 2. lib. de anima, cap. 12. Alexand. 1. lib. de anima, cap. de intellectu practico, & speculativo. D. Thom. 1. p. quæst. 5. 6. art. 1. & q. 79. art. 3. Scotus in 1. dist. 3. quæst. 7. & 2. lib. de anima, qu. 1. art. 3. Gregor. & Capreol. ibidem, quæst. 2. Ferrar. 2. contra gentes, cap. 82. Sorus in 4. dist. 14. quæst. 1. art. 7. Tolet. 2. lib. de anima, quæst. 12. Conimb. cap. 6. q. 1. art. 2. & omnes ferè recentiores. Et videtur mihi non solum probabilis: sed vera, & in doctrina Aristotelis certa, vt ostendunt testimonia aduersus alias opinioniones adducta. Quod autem Aristot. in hoc 5. cap. docet sensum esse potentiam passivam, & lib. 3. cap. 4. text. eundem prorsus de intellectu, vbi etiam asserit intelligere esse quoddam pati, non est vlllo modo contrarium huic sententiæ, quin potius ex eius explicatione à nobis tradita constat germanus sensus vtriusque testimonij: nam ex tribus illis, quæ in sensatione reperiuntur, primum, & vltimum passionibus potentia sunt, vna quidem antecedens actum sensationis, nempe receptio speciei ab obiecto, & altera consequens eundem actum, videlicet receptio eiusdem actus immanentis in eadem potentia: vnde  
sic

*Tract. de obiectis, atque speciebus sensibilib. Quæst. II.* 315  
sic potentia sensitiva est activa, ut actus eius, in quo sensatio  
consistit, non fiat sine duplici passione antecedente, & conse-  
quente; & ita est passiva ratione utriusque passionis, ut etiam  
sit activa ratione proprii actus, imò præcipua ratio eius est  
elicere actum vitalem sensationis, nihilominus passiva voca-  
tur ab Aristotele ad distinctionem potentiarum vegetativæ  
animæ, quæ purè activæ sunt, & nullo modo passivæ.

## Q V Æ S T I O II.

*An principium effectivum sensationis sit sola potentia sensitiva, vel  
simul etiam cum ea species ab obiecto impressa.*

**Q**uæstione præcedenti definitum est, potentiam sensiti- 27  
vam informatam specie ab obiecto sibi impressa elicere  
actum sensationis. An verò ad eundem actum sola potentia  
concurrat effectivè, vel etiam species cum ea, satis difficile est,  
& propterea propria quæstione disputandum. Circa quam:  
Prima opinio tenet speciem non concurrere effectivè ad actum  
sensationis: sed solâ potentiam, quamvis non possit effectivum  
concursum præstare, nisi disponatur prius per receptionem spe-  
ciei, quæ ideò solùm concurrat disponendo potentiam, & eam  
obiectivè movendo, atque excitando ad actum loco obiecti,  
cuius virtus est. Ita Henric. quodlib. 4. qu. 7. Toletus vbi suprâ  
conc. 2. Qui eam probat primò, quia sentire est propria opera-  
tio animæ; ergo debet procedere à principio animato media  
potentia eiusdem animæ: sed species est inanimatû quid, & ac-  
cidents extrinsecum, & quasi mortuum productum in potentia  
ab alio accidenti etiam mortuo, ut species visibilis à calore; er-  
go non potest esse principium vitalis operationis animæ.

Secunda opinio communis est, & vera, quod species concurrat 28  
effectivè simul cum potentia ad sensationem, ita ut ex utraque fiat  
unum totale principium compositum ex duplici quasi partiali. Ita  
D. Thom. 1. par. quæst. 56. art. 1. & 1. 2. quæst. 51. art. 5. Scotus  
in 1. dist. 3. quæst. 7. §. 1. *Ad quæstionem respondeo, & dico*, & omnes  
illi, quos citavimus pro nostra sententia, quæst. præcedente,  
quod potentia concurrat effectivè ad sensationem, præter  
vnum Toletum. Et colligitur in primis ex verbis D. Aug. lib. 9.  
de Trinit. cap. vlt. *Ab utroque enim paritur notitia à cognoscere: &  
cognitio*, absque dubio tanquam ab efficientibus, sicut partus, vel  
generatio proles, cum procedat à specie impressa potentia, tan-  
quam à virtute quasi seminali eiusdem obiecti, à quo ei impri-  
mitur, non enim agit obiectum sensibile per se ipsum cum po-  
tentia: sed eam immutando per speciem, ergo effectivum con-  
cursum, quem præstat ad sensationem, non per se, sed per spe-  
ciem

ciem præstat: quare necesse est speciem effectiue concurrere cum potentia tanquam virtutem obiecti.

- 29 Probatur deinde ratione, quia potentia sensitiva ex se non est sufficienter constituta in actu primo ad operandum: cum ex se sit indifferens ad quamlibet operationem sui ordinis eliciendam, & ad nullam in particulari determinata, determinatur vero ab obiecto media specie sibi impressa eiusdem obiecti; ergo sicut per speciem terminatur: ita per eam constituitur sufficienter in actu primo, quia non potest operari, nisi determinatam operationem, sicut nec elicit operationem in communi, sed talem, determinatur vero per speciem, tanquam per formam sibi inhaerentem; ergo species est forma potentie determinans, atque complens potentiam, ut sit principium completum, & determinatum ad eliciendam operationem: sed forma agentis est principium formale effectuum operatioais; ergo species concurret effectiue cum potentia ad sensationem: bene igitur concludit D. Thom. 1. p. q. 56. art. 1. agens de concursu speciei ad sensationem his verbis: *Sicut enim calor est principium formale calefactionis in igne, ita species rei visa est principium formale visionis in oculo.*

- 30 Ut autem hæc nostra sententia intelligatur melius, explicare oportet quonam modo procedat actus sentiendi à potentia simul, & specie, nepe tanquam ab agentibus totalibus subordinatis, vel partialibus. In qua re certum mihi videtur, quod non procedat ab eis tanquam à duobus agentibus totalibus sufficientibus, & adæquatis, quia nec sola potentia potest elicere actum vitale sensationis, nisi determinetur, & compleatur per speciem, nec species potest per se elicere operationem vitalem, quæ ex sua ratione debet procedere à principio vitali, & proinde intrinseco, quia vita à principio intrinseco provenit, & consequenter vitalis operatio: unde necesse est, quod à neutra procedat sensitio tanquam à principio totali, & adæquato: sed tanquam à partiali, & inadæquato: ita ut ex utraque cõpleatur unum totale, & adæquatum principii effectuum eius. Sed principia partialia alicuius operationis, vel effectus dupliciter se habere possunt, vel modo imperfectissimos: ita ut singula per singulas operationes partiales operentur, & ex multis operationibus partialibus eorum componatur una operatio totalis, per quam sit etiam totus effectus, qui etiam correspondeat illis quasi per partes, & hoc modo se habet plures portantes pondus: singuli enim per suas actiones partiales distinctas concurrunt, & singulis correspondet pars portationis eiusdem. Hunc autem modum se habendi causarum partialium imperfectissimum voco, quia non per se sed quasi per accidens cõiunguntur nullum habentes ordinem, aut subordinationem



natione per se. Alio modo minus imperfecto se habere possunt, si per se sint subordinatae, & una se habeat ad alteram tanquam actus, vel potentia, quæ per eum determinetur, ac perficiatur in ordine ad operationem; & ita ut non per plures actiones partiales concurrant: sed ita ab utraque procedat tota ipsa actio, ut singulis non correspondeat pars eius, vel partialis actio, nec actio ab utroque elicitæ sit composita ex multis actionibus partialibus: sed actio ipsa in hoc genere simplex sit, hoc est, non composita ex multis actionibus partialibus agentium: & pari ratione nec terminus actionis, vel effectus correspondeat eis per partes: sed singulis totus, quamuis tam actio, quam effectus cuilibet eorum secundum propriam ac distinctam rationem formalem, vel prædicatum correspondeat, videlicet potentia ratione vitalitatis, speciei vero ratione determinationis ad tale obiectum. Et hoc posteriori modo se habent potentia, & species in ordine ad operationem vitalem sensationis, non modo priori. Quod probo, quia nec soli potentia, nec soli speciei possunt correspondere omnia prædicata essentialia eius, etiam secundum rationem incompletam, & partialem, nam licet potentia correspondeat ratio vitalitatis, non potest ei correspondere ratio specifica, quia sine specie non est determinata etiam modo incompleto ad partialem operationem circa obiectum, aut obiectum tale, sed omnem prorsus determinatione ab eadem specie accipit: speciei vero non potest ullo modo correspondere ratio vitalitatis: cum sit virtus obiecti extrinseci.

Et ex hoc colligitur modus incompletus, & partialis, quo duo hæc agentia per modum vnius ex utroque compositi eliciunt eandem operationem. Ita quidem subordinata per se in ordine ad illam, ut sensus sit quasi vniuersalis causa, quia indeterminatus de se ad plures actus, species vero quasi particularis eum determinans, sed eo ipso, quod singulis non potest correspondere secundum omnia sua prædicata, non potest modo completo, ac totali singulis attribui, sed incompleto, & partiali. Quod verò dicimus potentiam, & speciem se habere ut actum, & potentiam in ordine & operationem, non debet sic intelligi, ut censeatur potentia passiuè concurrere ad operationem, sed comparatur ad speciem ut potentia, quia licet ex se actiuitatem habeat, non tamen completam, nec determinatam, sed completur & determinatur per speciem tanquam per virtutem obiecti, & per eam tanquam per formam, quam in se recipit constituitur in actu primo completo, & sufficiente ad eliciendam operationem.

Et ex his facile soluitur argum. alterius opinionis: concedimus namque sensationem esse propriam operationem animæ

sensitiuæ, & debere procedere à principio animato operante per potentiam vitalem. Et tandem concedimus, speciem, nec animatum esse, nec vitale. Ex quibus non sequitur non posse esse principium effectiuum talis operationis, quia nec anima sentit, nec animatum potest se solo, aut per solam suam potentiam vitalem elicere sensationem, nisi fiat potentia similis obiecto, ab eoque determinetur, & tali similitudine effectiue cum ea cōcurrente vice obiecti, elicit operationem. Cū enim potentia sensitiuæ sint passiua, operari nequeunt, nisi ab obiecto prius perficiantur, & quasi fecundentur per speciem, & hinc est, quod nec possunt partum propriæ operationis in lucem edere, nisi coadiuuante, & cooperante cum eis obiecto per propriam virtutem eis impressam.

## A P P E N D I X

### D V B I V M.

*An species sit causa principalis sensationis, vel solum instrumentalis, atque etiam potentia.*

- 35 **P**Ræsupposito, quod tam species, quàm potentia sint partiales causæ effectiuæ sensationis constituentes vnam totalem, merito dubitamus, an sint causæ partiales præcipuæ, vel solum instrumentales. Et videntur principales causæ, & non instrumentales: primò, quia potentia informata specie est causa principalis sensationis: ergo partiales causæ, ex quibus constat, nempe potentia secundum se, & species secundum se erunt principales partiales: Antecedens probatur, quia sensatio aliquam causam habere debet proximam, & principalem, hæc nõ potest esse alia, quàm potentia informata specie: ergo erit causa principalis. Minorem probo, præter potentiam sola anima potest esse causa principalis sensationis, sed anima non est causa proxima, sed remota, quæ per suas potentias operatur tanquam per proximas: ergo istæ simul cum specie obiecti principales, & proximæ sunt. Secundò, causa principalis est illa, cuius virtutem, & perfectionem non excedit operatio, vel effectus: sed in ea continetur, vt calor productus non excedit virtutem caloris producentis, & ideò dicitur causa principalis eius, sed actus vilitatis sensationis non excedit virtutem potentia vitalis informatæ specie obiecti: ergo causa principalis eius, & non instrumentalis censenda est. Minorem probo, quia potentia vitalis specificatur ab actu vitali, vt sibi proportionato, in quem à natura ordinata est: ergo non excedit virtutem eius. Hanc partem tenent recentiores quidam quantum ad potentiam asserentes causam principalem partialem esse, & non instrumentalem

instrumentalem : & quantum ad speciem referunt pro eadem  
Scotum in 1. dist. 3. quæ. 7. etiam asserentem esse causam prin- 36  
cipalem partialem, quamvis ipsi talem causalitatem principalem  
speciei denegent, & instrumentalem tantum esse sentiant.  
Sed Scotum immerito pro hac parte referunt, quia quæ illa 7.  
nihil de hac re loquitur; quæstione autem sequenti, in qua  
quærit, utra earum principalius concurrat ad sensationem, po-  
tentia, vel species, nihil aliud asserere inuenietur, quam quod  
principalius concurrat potentia, & ideo nec pro una, nec pro  
altera parte citari debet Scotus.

Nostri verò sententia asserit neutram esse causam sensatio-  
nis principalem, sed utramque instrumentalem partialem, quod  
verò ex eis simul sumptis resultat, nempe potentia specie in-  
formata, instrumentalis totalis, atque proxima, principalis verò  
intellectionis quidem est anima simul cum obiecto, ita ut ex  
utroque una causa totalis integra, atque completa constituatur:  
sensationis verò animal per illam partem, quam vocamus orga-  
num potentia simul cum obiecto, ita ut ex utroque integra at-  
que completa coalescat: duo enim hæc per suas virtutes tanquam  
per instrumenta partialia uniuntur, & efficiunt unum comple-  
tum principium sensationis. Probatur primò ex modo con- 37  
currendi potentia, & speciei, nam modus operandi causæ prin-  
cipalis, & instrumentalis hoc distinguuntur, quod principalis  
causa operatur per virtutem propriam, & non ut virtus alterius,  
instrumentum verò præcise in quantum virtus alterius est,  
sed tam potentia, quam species operantur, non virtute propria,  
sed in quantum sunt virtutes alterius, potentia quidem animæ  
cuius virtute, ut principij totius vitæ, ac vitalis operationis ( &  
proximi quidem) potest eandem operationem elicere, species  
verò obiecti, quod in ordine ad talem operationem elicien-  
dam eam sibi substituit, ut unita potentia vices eius gerat; er-  
gò instrumentum utraque est, & ut tale concurrat ad operatio-  
nem. Secundò, quia sicut anima principaliter, & proximè est  
actus primus, & forma corporis, ita principaliter, & proximè  
est principium effectuum operationum, quæ proximè, ac præ-  
cipue procedunt ab esse rei, sed hæc immediatio non tollitur  
per concursum potentiarum: ergò solum potentia concurrunt  
tanquam instrumenta, nam si tanquam præcipue causæ concurrerent,  
tolleretur prorsus, & anima solum esset remotum principium operan-  
di: quod patet esse falsum. Probatur minor, quia anima est unicū  
principium totius vitæ, ergò proximū, non solum vitæ substantia-  
lis, sed etiam operationum, quæ habent esse vitale ab eodem unico  
principio vitæ, a quo solo participatur omnis ratio vitalis, si-  
cut ratio

cut ratio vitæ, restat igitur potentias solum esse vitalia eius instrumenta operationum.

- 38 Ad primum argumentum pro opposita parte, concessa maiori neganda est minor, quod anima non sit causa principalis, & proxima sensationis, non enim verum est, quod per suas potentias operetur, tanquam per causas proximas, sed tanquam per instrumenta: cum præcisè, ut virtutes eiusdem animæ eliciant operationes.

- 39 Ad secundum distinguenda est maior, quod causa principalis ea sit, cuius virtutem non excedit effectus, nam dupliciter id contingere potest: primo quidem, ita ut virtus, atque perfectio causæ, quam effectus non excedit, sit ei propria, & non sit virtus alterius, & ut talis operetur: nam si propria sit, præcipua causa erit, si verò sit virtus alterius, & ut talis operetur, potius erit instrumentum: esse autem virtutem alterius, & ut talem operari non consistit in eo solum, quod ab eo procedat, vel accipiat, nam plura sunt, quæ ab alio procedunt, & virtutem operandi accipiunt ab eo, sicut accipiunt esse, & tamen non sunt instrumenta eius, sed tanquam propriæ causæ eliciunt suas operationes, & producant proprios effectus, ut patet in igne producto ab alio igne. Sed sic se habere debet, ut nihil aliud habeat, quàm esse virtutem alterius naturæ eius debitam, & solum in eum finem concessam, ut per illam exerceat operationes sibi proprias, & tunc licet operatio non excedat talem virtutem, aut perfectionem eius, non est verum, quod sit causa principalis eius, sed potius est instrumentum: per quod illud idem cuius virtus est, & à quo emanat, operatur, & hoc modo se habent potentiæ virales respectu operationum ab eis procedentium, quæ quidem perfectionem earum non excedunt; non tamen, ut eis propriam, sed ut virtutem alterius in eum dumtaxat finem ei concessam à natura, ut per eam eliciat proprias operationes, quod est esse proprium, ac naturale instrumentum eius, idque euidenter constat in cæteris omnibus potentiis animæ, atque etiam rerum naturalium inferiorum, & distinctio prædicta præ oculis habenda est pro multarum similium questionum solutione.

### QVÆSTIO III.

*An dentur species, per quas obiecta sensibilia immutant sensum.*

- 40 IN duabus præcedentibus questionibus plura de speciebus tetigimus: quasi præsupponentes dari, & ad sensationem eliciendam necessarias esse. In præsentī verò quærimus, an dentur, & necessariæ sint.

Et prima

Et prima opinio, vel negat omnino tales species dari, aut ab obiectis produci, vel licet dari admittat in medio, vel in organis sensuum, negat tamen produci in potentiis, aut per receptionem earum immutari easdem potentias ab obiectis, imò negat esse necessarias, tanquam aliquid effectuum sensationis simul cum potentia. Et dari quidem negauerunt omnino Plotinus æneade 4. lib. 5. ubi id etiã tribuit Platoni, Caluinus lib. 7. de decretis. Hippoc. cap. 6. Seneca libro 2. naturalium quæstionum cap. 5. produci verò in potentiis, & consequenter concurrere effectiue cum eis, negauerunt Henric. quodlib. 5. quæ. 14. Ocham in 2. q. 17. & 18. Gab. in 1. dist. 8. q. 2. Gregor. in 1. dist. 8. q. 1. & in 2. dist. 7. q. 3. Durand. in 2. dist. 3. q. 6. Vales. 2. lib. controu. medicarum cap. 29. Et speciatim in visu negauit esse necessarias ad videndum, Thomas Garbius in Summa lib. 1. tract. 5. q. 63. asserens hanc sententiam se defendisse in Bononiensi Academia. Et hi omnes sufficere aiunt ad eliciendam effectiue sensationem solam potentiam: dummodo obiectum præsens sit. Toletus verò securus Simplicium, & Philop. 2. lib. de anim. ca. 5. solum concessit in nudo organo produci, negans effectiue concurrere ad sensationem, ibidem q. 34.

Probat Durandus non dari, primò quia si species essent necessariæ ad sensationem, maximè vt rationes cognoscendi obiectum, sed non sunt rationes cognoscendi; ergo nec sunt necessariæ. Probatur minor, quia ratio cognoscendi aliud prius ipsa debet cognosci, alioqui non potest ducere potentiam in cognitionem alterius, quia nihil potest cognosci per incognitum, sed nullus vnquam cognouit species per sensus externos, ergo non sunt necessariæ ad eorum sensationes, & ideò nec ad sensationes interiorum, vel ad intellectionem. Et confirmat Durandus exemplo imaginis, quàm necesse est prius cognoscere, vt per eam cognoscamus rem repræsentatam. Secundò probatur, quia si necessaria foret species maximè propter similitudinem, vel assimilationem potentia cum obiecto, sed hanc assimilationem non potest efficere, ergo nec poterit deseruire sensationi. Probatur minor, quia species nò potest esse similitudo obiecti, nec ipsum repræsentare, cum sit alterius naturæ ab eo.

Communis tamen sententia scholæ est, dari species impressas ab obiectis, non solum in medio, vel in nudo organo, sed in ipsismet potentiis: cum quibus effectiue concurrunt ad eliciendos actus sensationis, quàm nò solum probabiliorē censemus, sed veram, & ex doctrina Aristotelis efficaciter deductam. Eam tenent in primis Sancti Patres, August. lib. 10. conf. cap. 10. & ca. 15. lib. 12. super Genes. ca. 10. & lib. 11. de Trinitat. c. 4. Ansel. in monol. cap. 36. Damasc. 2. lib. fidei ortho. cap.

20. D. Thom. 3. lib. contra gentes, cap. 49. & 1. p. quæst. 55. artie. 1. & 3. Deinde Scholastici maioris momenti. Alens. 2. p. summæ quæst. 22. Albert. Magn. 2. p. Summæ de homine, tract. 4. q. 14. & de quatuor coæuis, quæst. 5. cæteri verò in 2. dist. 3. D. Bonau. art. 4. q. 1. Scotus q. 10. & 11. Ricard. q. 5. Argent. q. 2. art. 4. Marsil. in 1. qu. 7. Egidius quodlib. 1. qu. 11. Heru. quodlib. 5. q. 6. Et quod Plato eas posuerit saltem in visu, vt simul cum radiis ab oculo ad obiectum emisissis visionem eliciat testatur Chalcidius super Timæum, vbi idem Plato docere videtur. Et concursum quidem effectiuum earum cum potentiis ad sensationem (præsupposito, quod dentur) probauimus, quæst. præcedenti. Ex quo  
 43 euidenter sequitur, non solum medio, nec solum nudo organo, sed ipsismet potentiis imprimi, quia nisi in eis sint: repugnat cum eis effectiuè concurrere. Nunc igitur solum est nobis probandum, quod dentur, & necessariae sint ad sentiendum. Quod ex triplici capite probo, nimirum testimoniis Aristotelis, experientia, & ratione.

Primum testimonium Aristotelis habetur in lib. de memoria, & remin. sum. 2. non longè à fine, vbi cum quæsisser, qua ratione rei absentis per memoriam sensituiam recordemur. Respondet memorationem fieri per phantasinata earum, quas prius vidimus, vel alio sensu percipimus in memoria reseruata (quas constat species obiectorum esse:) verba Aristotelis hæc sunt: *Qui ecstasim patiebantur phantasmas dicebant, vt facta & qui meminissent, hoc autem fit cum aliquis non imaginem, tanquam imaginem considerat.* Ex quibus constat pro certo intelligere Aristot. quod species obiectorum dentur, imò & custodiantur in sensu interno. De externis verò nō minùs efficaciter probatur ex 2. lib. de anima, text. 21. vbi sensum vniuersaliter acceptum, his verbis definit.  
 44 *Sensus est id, quod est susceptivum formarum sine materia.* Et exemplum definitionis assignat dicens: *Vt cera annuli, sine ferro, & auro recipit signum, accipit autem aureum, aut æreum signum, sed non in quantum aurum, aut as; similiter autem, & sensus vniuscuiusque ab habente odorem, aut saporem, aut sonum patitur.* Quo exemplo sensibus externis acutè satis accommodato clarissimè docet, quod sicut sigillum aureum imprimit sui similitudinem in cera, non impresso auro, ita coloratum, vel quodlibet aliud sensibile obiectum imprimit sui similitudinem in potentia sensitiva, non impresso colore ipso, vel sapore, aut sono, & has similitudines obiectorum sensibilium impressas potentiis ab ipsis vocat formas sine materia, vt patet etiam textu 234. huius lib. vbi sic ait: *Vnumquodque enim sensorium susceptivum est sensibili sine materia, unde, & abeuntibus sensibilibus insunt sensus, & imaginationes in ipsis sensorium.* Quia non habent illud

illud esse naturale obiectorum, sed aliud magis diminutum, communis verò schola vocat eas species.

Secundum caput ab experientiis sumitur: & prima sit interni sensus, qua vitur Aristoteles in primo loco citato. Nam experientia constat, notitiam hominis semel visi, iam verò absentis, in memoria sensitiva permanere, sed hoc esset impossibile, nisi aliqua eius similitudo permaneret in memoria, quæ internus sensus est; ergo negari non possunt species. Minorem probo, quia obiectum non est præsens per se; ergo nec mouet sensum per se, nec terminat per se sensationem; quare non potest sentiri, nisi per aliquid à se relictum, aut reueratū in memoria sit præsens, & per præsentiam suæ virtutis moueat sensum, & per aliam virtutem per sensationem productam, sensationem eius terminet, non est igitur hæc neganda. Secūda experientia sit in visu, utpotè notiori sensu. Nam oculus nō potest se videre, neque vnus homo hominem alium à tergo existentem, & tamen, experimur oculum vnus se videre in pupilla oculi alterius è regione posiri, quod non est intelligibile, nisi ex eo, quod oculus vnus producit aliquam similitudinem propriam in oculo alterius, quæ per reflexionem producit aliam in oculo eiusdem, & ita conformatur oculus propria specie, & se videt. Posito etiam è regione speculo videmus hominem, vel aliud corpus à tergo positum. Et quod mirabilius apparet, si duo specula è regione ponantur, quodlibet apparet, ac videtur in altero. Horum autem nulla potest dari causa, nisi quod homo à tergo positus producit speciem sui vsque ad speculum, in quo eadem species producta reflectitur, & per reflexionem aliam similem imprimit oculo alterius, qui à tergo illum habet, & per eam videtur, ac si à tergo specuali, & è regione videntis existeret, & quodlibet speculum multiplicat speciem sui vsque ad aliud, & illæ per reflexionem alias. Et tandem experientia constat per inspicilia concaua, quosdam acutiùs videre, quàm per plana, cuius nulla ratio reddi potest, nisi quia in centro illorum magis vniuntur species obiecti, & efficaciores redduntur in repræsentando, quia vnica virtus fortior sit se ipsa dispersa.

Vltimum caput rationibus constat; quare prima est, cognitio fit per assimilationem potentiæ cum obiecto, ut docuit expressè Aristoteles, capit. 5. huius libri, & conuincitur ex modo operandi potentiæ cognoscitiuæ per modum attrahendi ad se obiectum: cum potentia appetitiua operetur per modum inclinationis in illud. Sed nec est possibile potentiam attrahere, vel coniungere sibi obiectum per se ipsum, cum sit disiunctum ab ea, nec ei assimilari: cum secundum se sit valdè dissimile,

nisi per aliquam sui similitudinem in eadem potentia productam ei uniatur, & intra eam dicatur quasi se recipere; sibi que similem reddere; negari ergo non potest, quod talis detur similitudo, nisi negetur sensationem esse possibilem. Secundo, 48 potentia sensitiva ex se est indifferens ad plures actus; ergo non potest hunc potius, quam alterum elicere, & ex consequenti nullum, nisi determinetur ab obiecto: sed non potest obiectum per se ipsum determinare potentiam; ut contendunt negantes species, ergo necessario tenentur concedere, quod per aliquam similitudinem sui ei impressam eam determinet, & ideo hæc erit necessario admittenda. Minorem probant efficaciter experientia omnes adductæ; nam obiectum absens non potest per se determinare memoratiuum sensum ad sui cognitionem potius, quam alterius. Sed neque obiectum à tergo existens potest per se determinare visum ad sui potius, quam alterius visionem; cum non deuseatur ei præsens, sed eodem modo se habens, ac si absens foret.

49 Ad primum Durandi, concessa maiori, quod species sit necessaria ad sensationem, tanquam ratio cognoscendi obiectum, neganda est minor, quod non possit esse ratio cognoscendi obiectum, nisi cognoscatur ipsa à sensu; nam duplex est ratio cognoscendi aliud, una intrinseca ipsius obiecti, ratione cuius à tali potentia cognoscibile est; alia extrinseca, quasi medium extrinsecum est cognoscendi obiectum. Et hæc adhuc est duplex, una habens eundem modum essendi cum obiecto, in cuius cognitionem ducit, & hanc vocant instrumentale signum, per quod repræsentatur, atque cognoscitur, & talis est imago externa habens eundem modum essendi cum prototypo, aut re, quam repræsentat. Altera non habens eundem modum essendi, sed magis diminutum, obiectum quadam saltem ratione imperfecta repræsentans, & simul se tenens ex parte potentiaæ tanquam forma eius, per quam determinatur ad operandum, & hoc modo se habet species. Et de ratione formali intrinseca obiecti certum est, semper, & necessario percipi à potentia, non enim potest videri partes, quin videatur albedo, à qua habet rationem visibilis. Certum quoque est, rationem cognoscendi extrinsecam habentem eundem modum essendi cum obiecto, semper, & necessario percipi à potentia, non enim potest videri res, quam imago repræsentat, quin imago ipsa videatur, quia habet eundem modum essendi naturalem, ac materialem, atque sensibilem cum eo, species verò longè diuersum: nam modus essendi obiecti visibilis naturalis est, ac materialis: modus essendi speciei, intentionalis, ac diminutus, ut questione sequenti dicetur. Et propterea Aristoteles locis nuper citatis vocavit



*Tract. de obiectis, atque speciebus sensibilibus. Quæst. VI. 325*  
vocauit species formas sine materia, hoc est, non habentes eun-  
dem modum naturalem, ac materialem essendi cum obiecto;  
non ergo habet species proportionem cum visu tanquam ob-  
iectum eius, sed solum tanquam forma intentionalis aliquo  
modo repræsentans obiectum, & uniens ipsum cum eodem vi-  
su. Quare falsum est, quod debeat ab eadem potentia sensitua  
cognosci: cum non habeat esse sensibile sicut obiectum, atque  
etiam sicut imago externa: sed esse diminutum, & intentiona-  
le, non perceptibile per sensum.

#### QVÆSTIO IV.

*An species sint eiusdem naturæ cum obiecto.*

**P**erit titulus quæstionis, quæ sit natura harum specierum,  
per quas obiecta sensibilia immutant sensus, & ab eis sen-  
tiuntur.

Et prima opinio affirmat, non solum esse eiusdem generis § 1  
cum utraque sit qualitas, sed eiusdem atomæ speciei, sicut vna  
albedo cum alia: quam tenet Durand. in 2. dist. 3. q. 6. nu. 17. &  
in 4. dist. 49. quæst. 1. nu. 13. & Valef. 2. lib. controu. medicarum,  
cap. 28. Probât primò, quia species sensibilis est imago obiecti  
ipsum repræsentans solum secundum accidentia sensibilia, vt  
secundum colorem, quantitatem, & figuram, ergo est eiusdem  
speciei cum eo. Probatur consequentia, quia euident est ima-  
ginem esse aliquo modo similem obiecto, alioqui non posset  
illud repræsentare, similitudo verò propria fundatur in conue-  
nientia vniuocæ extremorum, vt 7. lib. phys. probauimus: ergo  
habet eandem naturam specificam cum eo. Secundò, quia vel  
species habet naturam corpoream, & materialem, vel incor-  
poream, & spiritualem, non spiritualement, cum inhæreat subie-  
cto materiali, nempe potentie sensitivæ, & organo eius. Habet  
igitur esse corporeum, & materiale, & consequenter sensibile  
sicut obiectum, quare erit eiusdem speciei cum illo, cum sit se-  
cundum se ei similis.

Secunda opinio asserit diuersam naturam esse speciem sensibilem ab § 2  
obiecto. Ita D. Tho. de sensu, & sensibilibus lect. vltima, 7. meta.  
lect. 6. & quæst. 8. de veritate, art. 11. ad 3. his verbis, *Dicendum,*  
*quod inter cognoscens, & cognisum non exigitur similitudo, qua est se-*  
*cundum convenientiam in natura: sed secundum representationem*  
*santum, constat enim quod forma lapidis in anima est longè alterius*  
*naturæ à lapide in materia.* Ita etiam Albert. Mag. 2. lib. de anima,  
tractat. 4. cap. 11. Tolet. quæst. 33. & 34. Molina 1. part. quæst.  
12. artic. 9. & Fonseca 2. Metaphys. cap. 2. quæst. 2. sect. 5. in fi-  
ne, quod etiam sensit Comm. com. 27. imò & D. Aug. 7. lib. su-  
per Genes. cap. 1. & videtur nobis probabilior. Probatur testi-

monio Arist. 2. lib. de anima, textu 114. ubi receptionem qualitatis naturalis in subiecto vocat passionem cum materia, receptionem verò speciei in potentia, passionem sine materia, & textu 121. eandem speciem vocat formas sine materia: cum tamen obiectum sit omnino materiale. Ex quibus efficaciter colligitur sentire, quod longè diuersæ naturæ sint ab obiecto. Pro-

53 batur deinde ratione primò, quia si species, & obiectum essent eiusdem naturæ, sequeretur species obiectorum contrariorum vt albi, & nigri esse cōtrarias, sicut obiecta ipsa contraria sunt: sed non sunt contrariæ, ergo nec eiusdem naturæ. Minorē probò, quia contraria non possunt simul produci in eodem subiecto, quia productionem vnius sequitur naturaliter expulsio alterius: sed species albi, & nigri in quacunque intensiōe producuntur simul ab albo, & nigro in eadem parte aëris, vt adnotauit benè D. Thom. 7. Metaph. lectio 6. ergo non sunt contrariæ, nec proinde eiusdem naturæ cum obiectis. Secundò, quia in sensu interno permanent species sensibilibus externorum, vt soni, odoris, & saporis; ergo si sunt eiusdem naturæ cum obiectis, permanebit verus sonus, verus sapor, ac verus odor in eodem sensu interno, quod planè absurdum est.

54 Ad primum pro opposita sententia, concessio antecedente, quod species solum repræsentet per se obiectum secundum accidentia sensibilia, neganda est consequentia, quod sit eiusdem speciei. Et cum dicitur speciem esse similem obiecto: distinguendum est cum D. Thom. cuius verba retulimus: nam secundum repræsentationem, verum est: sed secundum esse, aperte falsum, quia vt statim ostendemus, longè diuersum modum essendi habet species ab obiecto. Quod interim probò ex speciebus intelligibilibus Angelorum, quæ non solum accidentia obiectorum repræsentant, sed magis per se substantiam, & tamen constar ipsas esse accidentia: cum inhæreant in intellectu eiusdem Angelis; ergo nõ requiritur similitudo inter speciem, & obiectum secundum esse: sed solum debet ei assimilari species secundum repræsentationem.

Ad secundum respondeo, species sensibiles habere esse corporeum, & non spirituale: sed non corporeum naturale: sed à naturali valdè degenerans; & ideo vocatur intentionale, & reuera est esse quoddam diminutum, & respectu esse naturalis obiecti longè inferius; & propterea non est sensibile, quamuis sit medium, vt sentiatur obiectum: itaque esse speciei est

proportionatum ad vniendum obiectum potentia, non tamen vt sentiatur tantumquam obiectum.

\*\*\*

QVÆ

QVÆSTIO V.

*An species sint perfectiores obiectis representatis.*

**S**upposito, quod species sensibiles non sint eiusdem naturæ sicut obiectis per eas representatis, sed diuersæ; Occurrit quæstio quinta, an comparatæ secundum entitatem cum obiectis perfectiores sint, vel imperfectiores eisdem obiectis.

Et prima opinio absolute docet perfectiorem esse speciem sensibilem quocunque obiecto à se representato. Ita Ferrar. 1. lib. contra gentes; cap. 65. §. ad primum. Et potest probari, quia Aristoteles in hoc 2. lib. text. 121. & 124. species impressas externorum sensuum, quas constat esse imperfectissimas omnium, vocat formas sine materia; ergo censet esse immateriales, perfectiores ergo sunt obiectis materialibus representatis. Et D. Thom. affirmat esse minùs materiales, quàm obiecta, q. 5. de potentia art. 8. imò spirituales eas vocat 1. p. q. 78. artic. 3. idem ergo sentit.

Nostra tamen sententia duo asserit. Primum *quascunque species externorum sensuum imperfectiores esse obiectis per eas representatis.* Hæc est communis ferè sententia recentiorum, quam tradidit D. Aug. epist. 56. Et quam hoc discursu ex præcedentibus quæstionibus elicit sic probo. Species istæ producuntur ab obiecto tanquam à præcipua causa: ut ostendimus, quia non est excogitabilis altera particularis. Nec in hac parte sine fundamento, vel necessitate recurrendum est ad vniuersales, vel occultas. Deinde producuntur ab eo tanquam à causa æquiuioca, cum sint diuersæ naturæ, & speciei: ergo sunt imperfectiores obiecto. Probat euidenter consequentia, quia omnis causa æquiuioca ex propria natura est perfectior suo effectu. Secundò, quia species istæ non habet esse physicum, aut naturale sicut obiectum, sed intentionale, & propterea non denominant subiectum, cui inhaerent: ergo habent esse inferioris ordinis comparatæ cum obiectis, & consequenter sunt imperfectiores.

Vt autem hæc veritas intelligatur melius; & modos loquendi Aristotelis, ac D. Thomæ explicemus, adnotare oportet species istas intentionales sic vocatas, quia cognitionibus (quæ intentiones, hoc est, quasi attentiones animæ ad cognoscenda obiecta vocantur) deseruiunt id peculiare habere, quod licet ab obiectis procedant tanquam à principiis efficientibus præcipuisque causis, indifferenter procedunt à qualitatibus actiuis physica actiuitate, & actione, & etiam ab his, quæ nullam actiuitatem physicam, seu naturalem habent, non enim sunt qualitates actiue physica actiuitate albedo, nigredo, raritas, densitas, & similes, quia nunquam producant, imò nec pro-

ducere posse censeretur alias sibi similes, nec dissimiles, & nihilominus producant effectiue species intentionales in sensibus, atque etiam in medio. Et ex hoc efficaciter satis colligitur primò, modus agendi imperfectissimus, quem habent obiecta ad productionem specierum (qui non vocatur physicus, aut naturalis: sed intentionalis, sicut ipsæ species) longè inferior modo agendi physico & naturali, qui solum reperitur in qualitatibus naturalibus omnium perfectissimis, quales sunt primæ, ex quarum permixtione procedunt cæteræ omnes: modus verò agendi intentionalis omnibus ferè secundis, quantumlibet imperfectissimis communis est, & propterea iure vocatur imperfectissimus. Secundò colligitur effectum per talem modum agendi productum, qui est species intentionalis longè imperfectiorem esse effectum producto per modum agendi physicum, & naturalem, à quo degenerat: cum modus procedendi à sua causa, imò & causa ipsa ut talis imperfectior sit. Et ideo iure posse vocari esse intentionale diminutum respectu naturalis: quod in suo ordine, & gradu integrum, perfectum, & quasi completum est. Et ex hoc colligitur tertio confirmatio satis efficax nostræ sententiæ, quod species istæ sint imperfectiores suis obiectis; cum obiecta habeant esse naturale; species verò solum esse intentionale ab eo degenerans, & ideo diminutum ac magis imperfectum. Et ex hac imperfectione provenit, quod species istæ non denominant subiectum, in quo recipiuntur, cum tamen omnes formæ accidentales realem denominationem ei tribuant.

Ultimò colligitur sensus, quem Aristoteles, & D. Thom. tenuerunt: dum species vocarunt formas sine materia, vel dixerunt esse immateriales, aut spirituales. Non enim ignorarunt, quin potius expresse docuerunt procedere ab obiectis sensibilibus, & corporeis, atque etià in subiectis sensibilibus, & corporeis, qualia sunt organa sensuum, & ær, vel aqua recipi: non ergò potuerunt sentire, quod accidentia forent incorporea, aut immaterialia, vel spiritualia, cum euidentius nossent spiritualia, vel incorporea accidentia recipi non posse in subiectis materialibus extensis, atque corporeis propter manifestam improportionem. In hoc ergo sensu dixerunt esse incorporeas, aut spirituales, vel formas sine materia, quia in gradu essendi materiali, & corporeo diminutæ sunt, & sicut degenerant ab esse naturali materiali, quod intra latitudinem esse corporei perfectum est; ita dicuntur minùs habere de materia, & minùs de corpore, hoc est, diminutum, atque infimum esse corporeum, & materiale, & ideo nec habent esse sensibile sicut obiecta sensuum.

Q V Æ S T I O V I.

*An species sint formales similitudines obiectorum.*

**C**ertè constat ex præcedentibus speciem esse similitudi- 60  
nem obiecti : sed quærimus nunc , an sit formalis simili-  
tudo eius ipsum repræsentans per modum imaginis, vel solùm  
quadam ratione virtuali , quia virtus , & quasi semen eiusdem  
obiecti sit ; & ita sicut semen est principium effectuum gene-  
rationis, vt instrumentum viuentis absque alia ratione forma-  
lis similitudinis : sic species sit principium effectuum sensa-  
tionis tanquam semen , ac virtus obiecti absque ratione for-  
malis similitudinis imaginis.

Et prima opinio solùm tribuit speciei hoc post. enim negans ei  
rationem formalem similitudinis repræsentantis obiectum per modum  
imaginis. Ita sentit maior recentiorum pars , à quibus solis  
disputatur præsens quæstio. Quorum potissimum argumen-  
tum, hoc est, repræsentatio formalis obiecti solùm potest esse  
duplex, aut realis naturalis, qualis est in imagine externa ; aut  
realis intentionalis, qualis tribui solet speciei expressæ à sensu  
productæ : sed nullo ex his modis potest species impressa ab 61  
obiecto ipsum repræsentare ; ergo non est similitudo formalis  
eiusdem obiecti. Minorem probant , quia naturalis similitudo  
imaginis fundatur in vnitatem eius cum obiecto ; primò, & per  
se repræsentato , & præterea non ducit in cognitionem eius-  
dem obiecti, nisi prius ipsa cognoscatur, constat vtrumque in  
imagine externa. Sed species intentionalis neutrum habet,  
quia nec est eiusdem naturæ cum obiecto per se primò repræ-  
sentato, nec ducit in cognitionem eius prius cognita , vt in  
præcedentibus ostendimus ; ergo non est similitudo formalis  
naturalis obiecti. Quod verò nec sit similitudo formalis in-  
tentionalis , probant , quia formalis similitudo intentionalis  
obiecti informans potentiam , & repræsentans ei obiectum  
reddit ipsam formaliter cognoscentem. Sed hoc non præstat  
species impressa, alioquin neque expressa, neque cognitio ipsa  
foret necessaria: sed eo ipso, quod potentia informaretur specie 62  
impressa, absque alio quocumque cognosceret obiectum, quod  
patet esse falsum : ergo falsum est, quod species impressa sit si-  
militudo formalis obiecti. Quod vrgeri potest , ac declarari si-  
mul: nam tunc potentia cognoscit actu obiectum, quando facta  
est in actu, & formaliter similis, quia cognitio consistit in actuali:  
assimilatione eius cum obiecto: sed si impressa species est simi-  
litudo formalis obiecti, eo ipso, quod actu inhæret potestati eam  
informans, constituet eam actu, & formaliter similem obiecto:  
ergo constituet eam formaliter cognoscentem. Et si respondeas

non sufficere similitudinem quamcunque ad cognitionem, sed perfectam requiri, quam non constituit, nisi species expressa, quia hæc sola est perfecta similitudo eius, impressa verò imperfecta, quia quasi habitualis: cum per modum permanentis sit in potentia, sola verò expressa est actualis, & ideò modum actus habens transit cum ipsa cognitione. Hoc non soluit arg. quia in eo ipso, quod species impressa ponitur formalis similitudo obiecti, actu informans potentiam, est similitudo formalis actualis: ergo constituit potentiam actu, & formaliter similem obiecto. Quod est esse perfectè similem, quia formalis, & actualis similitudo obiecti perfecta est, & nihil aliud habet species expressa.

- 63 Secunda opinio tenet, quod species sit similitudo obiecti per modum imaginis ipsum repræsentantis. Sic videtur sentire Aristoteles 2. lib. de anima textu 21. & in lib. de Memoria, & Reminisc. cap. 1. quibus locis eodè modo imprimere ait obiecta proprias similitudines in potètiis sicut sigillantes annulis imprimunt eorundem sigillorum figuras, & imagines obiectorum vocat species intentionales: sentit igitur ea repræsentare per modum formalium similitudinum. Et eodem modo loquitur D. Thom. pluribus aliis suæ doctrinæ locis vocas speciem similitudinem obiecti vniuentem ipsum cum potentia, præsertim 1. p. q. 1. 2. art. 2. 2. contra gentes, cap. 98. & lib. 3. c. 49. ita etiam loquuntur plures interpretes Aristotelis, eisdem locis citatis. Probatum autem ex eo, quod Arist. docet cap. 5. huius lib. text. 62. videlicet, quod sicut corpus physicum per physicam, ac propriam alterationem contrarij in principio alterationis patitur à dissimili: sed in fine factum est perfectè simile, ut patet de eo, quod patitur ab igne calefacientes; ita sensus patitur à sensibili passione, non propria: sed intentionalis & ideò in principio, hoc est, antequam imprimat illi speciem à dissimili patitur, quia visus, & color dissimiles sunt: sed in fine per passionem ipsam, quæ est receptio speciei, factus est idem sensus perfectè similis eidem obiecto, verba Aristotelis hæc sunt. *Sensuum autem potentia est tale, quale iam actu sensitile, sicut dictum est, patitur igitur non simile existens, passum autem assimilatum est, & est quale illud* Ex quibus efficax videtur desumi argumētum hoc modo: potentia antequam recipiat speciem ab obiecto dissimilis est eidem obiecto, & per receptionem fit ei similis, & qualis est obiectum ipsum. Quod est esse perfectè similem secundum esse intentionale: ergo species, est similitudo intentionalis obiecti, alioqui non redderet potentiam ei similem, & est forma eiusdem potentie determinans eam ad actum sentiendi obiectum; ergo est similitudo formalis eius. Secundo, evidens est speciem

speciem esse virtutem obiecti impressam potentiae ab illo; vel ergo est virtus eius per modum formalis similitudinis ipsum repraesentantis, vel tantum per modum effectus intentionalis ab eo praecedentis, & ordinati, ut sit principium sensationis, eo 65  
ferè modo, quo semen est virtus animalis ab eo decisa, & naturaliter ordinata ad generationem naturalem viventis (non est enim alius modus excogitabilis: si primum dedetis, habeo intentum; si solum habet secundum, non potest esse principium effectuum sensationis; ergo falsa est prior sententia. Probatur minor, quia cognitio sensitiva fit per modum assimilationis; sed species non potest efficere assimilationem potentiae cum obiecto, si solum sit virtus, vel semen eiusdem obiecti per modum effectus; & non per modum formalis imaginis; ergo necessarium est illi concedendum hoc postremum. Minorem probabo, quia effectus causae æquivocae, cum sit alterius naturae ab ea, non procedit ei similis: ut patet de calore producto à sole; sed species procedit ab obiecto tanquam à causa æquivoca, & ideo est extraneae naturae ab eo, ut probauimus: ergo non potest habere modum assimilationis potentiae cum obiecto. Et si respondeas speciem impressam non assimilare potentiam obiecto formaliter: sed effectivè, & quasi virtualiter, tanquam principium productivum cognitionis. Contra hoc arguo, quia re- 66  
pugnat produci terminum similem, imò nec actionem procedere per modum assimilationis, nisi à principio producti simili: sed species impressa per se non est similitudo formalis obiecti: sed virtus eius tanquam causae æquivocae; ergo non potest assimilare potentiam obiecto, nec esse principium sensationis per modum assimilationis ei proprium.

Nihilominus prior sententia plausibilior est, & cum non sit minus probabilis, quam posterior, libentius eam amplectimur.

Et ad testimonia quae pro se affert posterior, Respondeo Aristotelem, & D. Thom. per quandam analogiam, ac similitudinem loqui de impressione speciei ab obiecto in potentiam, dum eam explicant per impressionem materialem sigilli, ut melius naturam eius explicant, non quod veram imaginem; aut similitudinem formalem imprimere intelligant: sed vir- 67  
tualem duntaxat, qua media obiectum vnitur potentiae, ut expressam, ac formalem sui similitudinem exprimat, quae inhærens eidem potentiae sit formalis eius notitia, seu cognitio. Et sic per eam à potentia cognoscatur, & eodem modo debet intelligi, quod idem Aristoteles docet nempe potentiam in principio pati ab obiecto passione intentionali, atque impropria, tanquam ab omnino dissimili: sed recepta iam specie fieri similem quadam ratione virtuali, quasi per semen eius ab eo susceptum, ut tandem fiat perfectè, ac formaliter ei similis

68 per productionem speciei expressæ, quæ est, quasi conceptus formalis, expressaque similitudo, atque etiam imago eiusdem obiecti. Et sic soluitur primum argumentum ex eodem testimonio Aristotelis desumptum.

Ad secundum respondeo, speciem esse virtutem obiecti impressam potentia ab eo quasi feminalem: & ideo non per modum formalis similitudinis; sed per modum effectus, non communis: sed specialis, quo medio idem obiectum, cum potentia exprimit propriam, ac formalem sui similitudinem, eo fere modo, quo viuens medio semine à se deciso producit effectum sibi propriè, ac formaliter similem. Quod verò additur speciem procedere ab obiecto, tanquam à causa æquiuoca, concedendum est, & consequenter esse extraneæ naturæ respectu eiusdem obiecti, quia alterius speciei, sicut decisum semen alterius est naturæ à viuente, à quo decisum est: sed eadem species est virtus obiecti, qua media exprimit perfectam sui similitudinem, sicut viuens medio semine. Per talem igitur virtutem impressam fit potentia similis obiecto virtuali quodam, atque imperfecto modo, similis tamen futura modo perfecto.

### Q V Æ S T I O VII.

*Quonam modo fiat vnum ex potentia, & specie in ordine ad sensationem.*

70 V T ad difficultatem quæstionis citò perueniamus, duo sunt statuenda. Primum est *species sensibiles non esse paruas quasdam substantias, vel corpuscula subtilia, sed id quidam dixerunt*, quos refert, & reiecit Scaliger exercitatione 128. & hac ratione probatur falsum: quia species istæ procedunt ab obiecto per se sensibili, tanquam à causa præcipua, vt superius ostendimus, sed obiectum per se sensibile non est substantia, sed accidens. Repugnat verò substantiam produci ab accidenti tanquam à causa principali; ergo impossibile est, quod species sensibiles sint substantiæ, vel corpora subtilia. Et certè si corpora forent quantumlibet subtilia, non possent plura recipi in eadem parte medijs, atque sensorijs (vt recipi constat) sine penetratione naturaliter impossibili; necesse est ergo fieri, quod accidentia sint, ita vt possint recipi in potentia, & organo, eique inhærere, & ita cum ea concurrere tanquam vnum principium operationis.

71 Secundò statuo, *accidentia hæc educi potentia subiecti, in quo recipiuntur, potentia videlicet, ac sensorio, seu organo in quo resides potentia, atque etiam medio nempe aëre, vel aqua, de quorum potentia educi assero per actionem eiusdem obiecti sua virtute immu-*



*sare potentis intensionaliter eadem subiecta per productionem harum specierum, ut per eas tanquam per proprias virtutes concurrat cum potentia ad sensationem.* Contra Soncinatam 7. meta. quæst. 8. & alios id negantes: Probatur autem duplici argumento efficaci; primò quia educi aliquid de potentia materiæ, vel subiecti est dependere ab eo in esse, & fieri, sed species istæ dependent in esse, & fieri à subiecto, in quo recipiuntur: ergò educuntur de potentia eius. Minorem sic robo, species non possunt esse extra subiectum, vel separatæ ab eo; cum sint accidentia realia: ergò dependent ab eo in esse, sed fieri alicuius ordinatur ad esse; ergo sic se habet ad fieri sicut ad esse; quare si dependent à subiecto in esse, necesse est dependeant in fieri: & proinde ex eius potentia educantur. Secundò, si species non educuntur de potentia subiecti: ergò creantur, sed creari ab obiectis ( à quibus producuntur tanquam à præcipuis causis ) repugnata ergò necesse est admittere, quod educantur de potentia subiecti. Probatur prior consequentia, quia creatio est productio rei ex nihilo, hoc est, ex nullo præsupposito subiecto concurrente ad productionem in suo genere materialis causæ, ut omnes exponunt, sed si species non educuntur de potentia subiecti, non fient ex aliquo præsupposito subiecto concurrente materialiter ad productionem earum: ergò fient ex nullo præsupposito subiecto, & ideò creantur. 72

His præsuppositis, atque probatis constat species recipi in potentia tanquam formas accidentales in subiecto. Ex quo inferunt recentiores quidam ex specie, & potentia non fieri magis vnum quàm ex accidenti, & subiecto quocumque, ut ex albedine, & corpore, & ideò vnum tantum accidentale, vel vnum per accidens. Quod probant, quia species sunt accidentia: ergò non possunt vniri subiecto, nisi vnione accidentali, sed ex quibuscumque vnitis vnione accidentali non potest resultare nisi vnum accidentale: ergò non resultat ex potentia, & specie, nisi vnum accidentale. Et ex hoc dicunt colligi falsum esse dictum illud Commentatoris sæpe in schola vsurpatum, *Ex potentia, & obiecto fit magis vnum, quàm ex materia, & forma.* Quamuis à Caiet. 1. p. q. 14. art. 1. & ab aliis Thomistis defendatur 3. lib. de anima, text. 5. nam ex materia, & forma fit vnum per se substantiale: ex potentia verò, & specie non nisi vnum accidentale: ergò non magis vnum, sed minus vnum.

Huic tamen quæstioni sub distinctione respondendum est: 73  
nam species sensibilis duplicem considerationem habet, priorem quidem in ordine ad subiectum quatenus accidens, quoddam intentionale est, posteriorem vero in ordine ad obiectum, quod repræsentat, in quâ tum similitudo eius est. Quam distinctionem

ctionem posuit Aristoteles in lib. de Memoria, & Reminiscenzia ca. 1. Si igitur consideretur species modo priori non potest cum potentia efficere, nisi vnum accidentale, quod quasi tertium est ab utraque distinctum, si verò consideretur modo posteriori sub ratione qua repræsentat potentiæ obiectum, quasi obiectum ipsum esse censetur, non quidem in esse rei, sed in esse repræsentati, & hoc modo sic vnitur potentiæ, vt non efficiatur ex utraque aliquid tertium: sed ipsamet potentia quodam modo fiat obiectum, nam habens in se similitudinem eius, quodammodo dicitur habere ipsum in se, cum repræsentatum habeat, & sub eadem ratione dicitur esse ipsummet obiectum, sicut species ipsa vocatur obiectum, vt repræsentatum. Et sic obiectum dicitur esse intra intellectum, vel sensum per suam similitudinem, ratione cuius intellectus ipse, vel sensus in actu primo, fit res ipsa intelligibilis secundum esse intentionale repræsentatum. Ita docet expressè D. Thom. multis suæ doctrinæ locis ex mente Aristotel. præsertim. 2. lib. contra gent. capit. 98.

- 74 non longè à fine his verbis, *Intellectus in actu est intellectum in actu secundum doctrinam Aristotelis.* Et in hoc sensu verum dixit Comment. quod ex intellectu, & intelligibili fit magis vnum, quàm ex materia, & forma, nam neque materia fit forma, nec forma fit materia, sed ex utraque fit tertium à qualibet realiter distinctum; ex sensu verò, & sensibili, aut ex intellectu, & intelligibili ita fit vnum, vt sensus ipse quodam modo fiat ipsummet sensibile, & intellectus fiat intelligibile, non quidem in esse rei, sed in esse intelligibili, aut intentionali, hoc est, secundum modum repræsentationis intentionalis expositum & in ordine quidem ad operationem sensitivam aut intellectivam, cuius sensus factus sensibile ipsum, aut intellectus intelligibile, vnum principium per se est sensationis. Immeritò ergò à recentioribus hic sensus reicitur solum considerantibus unionem speciei cum potentia secundum entitates earum, & ideo quasi materialiter, quo pacto vnum tantum accidentale ex his fieri posse dicendum est, consideratis verò in esse sensibili, & intentionali repræsentatiuo, aut repræsentato magis vnum fit, quàm ex materia, & forma, quia non fit ex duobus tertium, sed vnū potius dicitur fieri aliud, videlicet sensus sensibile, aut intellectus intelligibile, & hoc tantum probat argument. eorum.
- 75

### QVÆSTIO VIII.

*An speciebus sensibilibus præter diuisibilitatem, aut extensionem, quam habent à subiecto sit eis concedenda alia in ordine ad obiectum.*

**N**ihil de diuisibilitate specierum reperietur apud antiquiores, sed à solis recentioribus disputari capit. Vnum vero

vero præsupponit titulus quæstionis, & quærit alterum, præsupponit quidem species sensibiles receptas in potentia, aut in medio tanquam in subiecto, esse extensas ac diuisibiles ad extensionem superficiæ eiusdem subiecti, qua media recipiuntur in eo, sicut cætera omnia accidentia corporea. Quod probatur primo; quia repugnat accidens corporeum receptum in subiecto media quantitate non coextendi eidem subiecto: cum inter accidens, & subiectum naturalis proportio dari debeat. Tot igitur partes habere debet accidens, quod habet superficies subiecti. Sed species sensibilis est accidens reale, & corporeum receptum in corporeo subiecto: ergo coextenditur superficiæ eius, & tot, quot ea habebit partes. Secundo, quia repugnat ab agente diuisibili, ut tali procedere effectum indiuisibilem, sed species procedit ab obiecto diuisibili, ut tali, ergo procedit diuisibilis, & habens partes sicut agens ipsum. Et hinc sequitur falsum esse, & sine fundamento excogitatum à quibusdam, quod species sint indiuisibiles, & ita tota species recipiatur in toto subiecto, & tota etiam in qualibet eius parte, aut indiuisibili, quod renuisse aiunt Venetum 2. lib. de anima ad textum 127. & Pisandum in sua perspectiua parte 5. Hanc vero diuisibilitatem specierum possumus vocare extensiuam, atque subiectiuam, cum ex ordine ad subiectum, atque extensionem eius illam habeat.

Qua præsupposita quærit titulus quæstionis, an præter hanc indiuisibilitatem extensionis subiectiuam aliam diuisibilitatem extensionis habeat species in ordine ad obiectum, quæ ideo appellatur extensio obiectiua. Et ratio dubitandi est, quia sicut subiectum in quo recipitur: habet partes extensionis, ita obiectum, quod representat: ergo sicut coextenditur subiecto, ita ut quælibet pars speciei sit in parte subiecti, & non tota in aliqua eius parte, videtur necessarium, quod coextendatur etiam obiecto in modo representandi illud, & cum obiectum sit diuisibile, & extensum, species ipsa modo diuisibili illud representabit, ita ut tota representat totum, & pars partem, & consequenter indiuisibilia speciei indiuisibilia eiusdem obiecti: & ita sicut tribuitur speciei extensio subiectiua ex ordine ad subiectum extensum: pari ratione tribuenda ei sit extensio obiectiua in ordine ad obiectum extensum.

Nihilominus prior sententia concedens speciei intensionem subiectiuam, denegat illi obiectiuam asserens modo indiuisibili ipsum representare, ita ut sicut tota ipsa species representat totum obiectum, & omnes eius partes, sic pars quælibet speciei representet totum obiectum, & omnes eius partes. Sic Cardinalis Toletus 2. libro de anima, quæstion. 34. & alij ex recentioribus. Probat exemplo luminis in medio producti ab aliquo luminoso

luminoso, quod ita se habet ad productionem eius, ut omnes eius partes coniungantur per modum vnius agentis, sicut omnes partes ignis ad producendum calorem in ligno. Vnde sequitur totum ipsum lumen productum, & quamlibet eius partem dependere à toto luminoso, & qualibet eius parte, & non hæc pars ab illa parte, quod est modo indiuisibili dependere ab eo, pari ergo ratione totum obiectum, & omnes eius partes coniunguntur per modum vnius agentis ad producendam speciem in eodem medio, vel potentia: ergo sicut tota species dependet à toto obiecto, ita quælibet etiam pars à toto, & non vna pars ab alia, sed eodem modo repræsentat species obiectum: ac dependet ab illo: ergo tota repræsentabit totum, & quælibet etiam pars totum, & non pars partem, quod est modo indiuisibili, atque in extenso ipsum repræsentare. Vnde etiam sequitur nullam esse ei tribuendam extensionem obiectiuam.

Secundo probari potest experientia: nam videmus plura obiecta minutissima, quorum quodlibet per se separatim videri non potest, coniunctum cum aliis videri, imo cum nullum posset videri separatim ab aliis, si coniungantur, videri poterunt omnia, & singula, ut plura grana tritici, vel plura oua, quæ ad tantam distantiam non viderentur per se separata, videri possunt coniuncta, non solum omnia, sed etiam singula, quod non potest aliunde prouenire, nisi quia mutuo se iuant ad productionem speciei, & quasi per modum vnius agentis perfectioris coniuncta: perfectiorem speciem, & quasi magis extensam producant, per quam videri possunt omnia, & singula, cum tamen singula separata non possent, nisi imperfectas producere species, per quas non possent ad tantam distantiam videri. Ad talem autem speciem perfectiorem non se habent sicut partes eiusdem totalis obiecti, sed ita ut à qualibet dependeat tota species, cum per modum vnius agentis eam producant, & consequenter modo indiuisibili, atque inextenso repræsententur per eam tota ipsa specie repræsentante omnia, & singula, & qualibet parte eiusdem speciei omnia etiam, & singula, multo ergo melius hoc verum erit de partibus obiecti continuis, si de discontinuis ostendit experientia esse necessarium: cum continuæ partes magis sint unitæ, quare nulla potest tribui extensio obiectiua speciei.

Secunda opinio recentiorum probabilior est tribuens speciebus extensionem obiectiuam, ita ut modo diuisibili obiectum repræsentent, tota quidem ipsa species totum, & pars partem eius duntaxat, non totum. Probatum primo, quia si in præsentia alicuius augeatur obiectum aliquod, nouamque extensionem acquirat successiue per additionem partium quantitatis, &

ris,& albedinis. Tunc inquiri,an sicut additur ei noua pars,ita addatur noua pars speciei præexistenti: per quam prius videbatur, ita vt per nouam partem speciei additam repræsentetur noua pars addita obiecto,vel nihil addatur speciei, sed præexistens sine additione repræsentet obiectum cum noua illa parte ei superaddita, ex eo quod incipit dependere tota cum omnibus suis partibus, non solum ab obiecto præexistenti, à quo dependebat prius, sed etiam à superueniente parte præexistentibus vnita per modum vnius agentis ad conseruandam totam præexistētem speciem cum omnibus suis partibus,quæ dependentia sufficit, vt per eam repræsentetur non solum antiquum 81 obiectum, sed etiam superueniens pars; sed hoc secundum non potest esse verum; ergo primum est necessarium, quia non est extogitabilis alius modus repræsentandi in specie, quare concedenda erit speciei extensio obiectiua. Minorem sic probō, species est virtualis imago, ac similitudo obiecti: ergo solum potest repræsentare obiectum, à quo procedit, sed non procedit ab illa parte obiecti de nouo producta: ergo impossibile est eā repræsentare, aut per eam videri. Antecedens prioris consequentiæ iam supra probaui, sed eandem consequentiam probō; nam cætera per se patent; quia species accipit esse ab obiecto, à quo producit, & non ab alio, à quo postea conseruatur (etiam si posset ab vno produci, & ab alio conseruari, quod statim constabit falsum) ergo accipit ab illo esse repræsentatiuum, quod habet, & non ab alio. Probatur euidenter consequentia, quia esse repræsentatiuum pertinet intrinsecè ad eandem entitatem, atque ad idem esse speciei acceptū ab obiecto producēte; quare sicut ab hoc solum accipit esse, & non ab alio postea conseruante, ita ab eo solo accipit repræsentationem, vnde sequitur hoc solum, & non aliud posse repræsentare, & ideo nisi noua addatur pars speciei præexistēti, impossibile est, quod partem de nouo additam obiecto repræsentet: quod si pars noua ei addatur, diuisibilis erit in modo repræsentandi obiectum. Sed probō secundo, quod præexistens species non possit conseruari à nouo, ac distincto obiecto, vel parte obiecti superueniente, & proinde quod non possit ab ea dependere, & ratione dependentiæ eam repræsentare, vt asserit opposita sententia, sed à solo Deo producente illam, quia imago, vt imago, 82 solum habet correspondentiam naturalem cum obiecto repræsentato, cum relatio repræsentationis in naturali esse speciei, vt repræsentatiuo fundetur, vel illud sequatur: sed impossibile est repræsentare speciem aliud obiectum, à quo non accipit esse repræsentatiuum, vt probaui: ergo impossibile est esse repræsentatiuum speciei referri, vel ordinari ad aliud, & ex conse-

quenti impossibile erit conseruari ab alio : cū conseruatio naturalem fundet ordinationem.

Et si aliquis uellet pro opposita sententia respondere his argumentis, quod dum obiectum præsens potentia extenditur successiue, non additur speciei præexistenti pars aliqua representans partem etiam superadditam obiecto, nec ab ea representatur pars superaddita, sed noua species producitur representans ipsum cum superaddita parte, & cæteris omnibus modo indiuisibili. Ex hac solutione sequitur euidenter species totales, & completas actu infinitas successiue producendas esse, atque etiam alias actu infinitas corrumpendas in extensione successiua obiecti. Probatur consequentia, quia cū extensio obiecti successiua fiat per partes proportionales, quæ sunt actu infinitæ, & per additionem cuiuslibet corrumpenda sit tota species, & producenda alia: sequitur actu infinitas esse corrumpendas, & totidem de nouo producendas, quod uidetur maximum inconueniens in entitatibus absolutis, atque completis (quales sunt species) concedere, si alia uia possit benè explicari representatio speciei (ut reuera potest) tribuendo illi obiectiuam extensionem: ergo non est ullo modo admittenda representatio speciei indiuisibilis, sed extensio obiectiua ei tribuenda est.

Quam in primis oportet intelligere, ut eadē sit entitas realis speciei habēs diuersos respectus ad subiectum, & obiectum, quia sicut eo ipso, quod producitur in subiecto diuisibili: habet partes extensionis subiectiue; eo etiam ipso, quod producitur ab obiecto extenso: habet in representando partes extensionis obiectiue. Deinde tria sunt necessariò præsupponenda, in quibus fundatur extensio obiectiua specierum.

Primum est, quod quælibet pars organi, aut subiecti, in quo producitur species, immutari potest a toto obiecto, & ab omnibus partibus eius. Vnde sequitur sic produci speciem ab obiecto in toto subiecto, & qualibet eius parte, ut ab ea parte possit percipi totum ipsum obiectum, & quælibet eius pars; quare necesse est ut in toto subiecto, & qualibet eius parte tot reperiatur partes obiectiue extensionis specierum, quot sunt partes eiusdem obiecti, in ordine ad quod eadem extensio obiectiua accipitur, alioqui non posset percipi ex qualibet parte parte subiecti totum obiectum, & omnes partes eius, quod repugnat experientiæ.

Eiusmodi autem partes obiectiue extensionis suis indiuisibilibus vniuntur, & continuantur, quemadmodum partes extensionis subiectiue, quia quælibet res continua iuxta proprium modum essendi debet habere propria indiuisibilia, quibus

bus partes eius copuletur, vt ex eis fiat vnum continuum in tali modo essendi, sicut de partibus intensiōis, & extensionis qualitarum naturalium docuimus 6. libro physicorum, & 1. lib. de generatione, cap. 4.

Et hinc sequitur secundum necessariò præsupponendum, videlicet, quamlibet partem eiusdem extensionis obiectiuæ specierum, & quodlibet indiuisibile, quo continuantur extensum esse per totum subiectum, & tot habere partes extensionis subiectiuæ, quot sunt partes eiusdem subiecti, quemadmodum eisdem locis citatis ostendimus, totam intensiōem, qualitatis naturalis, & omnes eius gradus: vel partes atque etiam indiuisibilia extensa esse per totum subiectū, & ideo tot habere partes extensionis quodlibet indiuisibile intensiōis, quot sunt partes subiecti, imò tot, quot habet integra ipsa qualitas intensa, & omnes partes intensiōis eius, quia cum qualitas ipsa sit extensa per totum subiectum, consequenter extensa est etiam per totum quælibet pars intensiōis eius, & cum partes istæ intensiōis sint continuatæ per indiuisibilia intensiōis, non minùs necessarium est, quodlibet horum indiuisibilium extensum esse per omnes partes subiecti, quàm totam qualitatem intensam, & quamlibet eius partem, & tot habere partes extensionis quodlibet indiuisibile eiusdem intensiōis, ac totam qualitatem intensam, & quamlibet partem intensiōis eius. Et tandem sequitur non minùs posse percipi totum obiectum, & omnes partes eius per quodcumque indiuisibile extensionis subiectiuæ speciei, ac percipi possunt per omnes, & singulas partes eius; & ideo per totam extensionem subiectiuam specierum, alioqui non possent percipi à qualibet parte potentia, vel organi, quod contradicere experientiæ: nam videmus per quamlibet partem oculi videri totum obiectum, & omnes eius partes, quod non esset possibile, nisi per minimam partem extensionis subiectiuæ speciei posset percipi: cum nihil percipiat potentia, nisi informata specie, eodem igitur modo sequitur, per quodlibet indiuisibile eiusdem subiectiuæ extensionis percipi totum obiectum, & omnes eius partes: cum non minùs sit extensum per totum organum, quàm partes. Quæ etiam satis efficaciter confirmantur ex his, quæ eisdem locis citatis dicta sunt de indiuisibilibus intensiōis, & extensionis qualitarum naturalium.

Sed vt hæc duo vera sint, & necessaria (vt absque dubio sunt) necessarium est etiam tertium, nempe, quod in qualibet parte medij, atque etiā organi producantur omnes, & singulæ partes extensionis obiecti partes specierum, per quas in qualibet parte organi repræsententur omnes, & singulæ, alioqui extensio sub-

iectione, iam explicata non habebit sufficiens fundamentum veritatis, quia cum pars quælibet speciei non possit repræsentare, nisi determinatam partem obiecti, à qua procedit, si in singulis partibus mediæ, & organi non producatur partes specierum repræsentantes omnes, & singulas partes obiecti, non poterit ratione obiecti extensionis per quamlibet minimam partem, & per quodlibet indivisibile speciei repræsentari, ac percipi totum obiectum, & singulæ eius partes in singulis partibus organi, ut consideranti erit manifestum.

Quibus sic expositis ad primum argumentum oppositæ sententiæ concedendum est totum antecedens, quod quælibet pars luminis procedit à toto luminoso, cuius partes uniuntur ad producendum illud per modum unius agentis: sed neganda est paritas rationis, quæ infertur de partibus speciei, quod quælibet procedat à toto obiecto. Et ratio disparitatis consistit in diversitate luminis, & speciei, nam species repræsentat obiectum quasi per modum imaginis, & propterea non sic procedit tota à toto obiecto, quin quælibet etiâ pars à toto etiam procedat, sed ita per singulas partes producat singulas partes eiusdem speciei, & sic quælibet sicut est determinata, atque distincta ab alia, determinatam quoque partem obiecti repræsentet, atque distinctam à quacumque alia, nec una alteram repræsentare possit.

Quod in obiecto heterogeneæ figuræ probat experientia, cuius pars speciei repræsentans figuram capitis, nequit repræsentare figuram manus, cum sit longè diversa, sicque de cæteris. Et eadem certè ratio, ( licet non adeò manifesta ) est de specie figuræ homogeneæ, quia modus imprimendi speciem quem habet obiectum sigillo, aut imagini similis, ex sua propria ratione determinatam repræsentationem, & determinatam rem repræsentatam postulat. Negandum igitur est, quod partes obiecti uniuntur ad producendam speciem per modum unius agentis intentionalis, sicut uniuntur in agentibus naturalibus, in quibus non reperitur modus aliquis imaginis, nam in illis non agunt partes distinctis actionibus partialibus, & ideo nec tribuitur effectus eis quasi per partes, sed modo indivisibili, ita ut totus toti, & singulis etiam partibus totus, licet modo inadæquato, aut tanquam agenti inadæquato. Partes verò obiecti sic uniuntur per modum unius agentis, ut quælibet operetur per virtutem propriam tanquam distinctam à virtute alterius, imò à virtute totius, quare per proprias actiones parciales, quamvis unitas ad constituendum unam totalem concurrunt, & totus ipse effectus tribuitur eis per partes, quamvis ex partibus singularum efficiatur unus totalis. Quod hoc exemplo explicari potest, dum homo aliquis imprimat speciem suæ figuræ



figuræ oculo, manifestum est, partem speciei repræsentantem brachium non repræsentare caput, quare nec à capite procedere, sed à solo brachio, quia neque caput habet virtutem intentionalem imprimendi similitudinem brachij, neque brachium similitudinem capitis: cum diuersæ sint figuræ; quare necesse est per virtutes distinctas, vt distinctas operari, & consequenter per distinctas actiones partiales, quibus distinctæ partes effectus corresponsdeant, quamuis ex virtutibus singularum, & ex partialibus earum actionibus componatur vna virtus, & vna actio totalis, atque etiam ex partialibus effectibus eis correspondentibus vnus totalis effectus, hoc enim necessaria conditio est vnus agentis diuisibilis. 90

Pro solutione secundi argumenti, tanquam certum est præsupponendum, quod sicut plura corpuscula eiusdem rationis, aut coloris, vt plura grana tritici coniuncta videri possunt: cum tamen quodlibet separatim ab aliis non posset videri in eadem distantia, ita etiam verum est de pluribus diuersæ rationis, aut coloris, quod facile experiri possumus. Vnde sequitur non id prouenire ex eo, quod se iuuent ad producendas perfectiores species, quàm separata producerent. Probatur consequentia, quia quæ diuersi coloris sunt, non possunt se inuare: cum repugnet obiectum album iuuare, vel concurrere ad productionem speciei repræsentantis obiectum nigrum, vt per se est manifestum, & tamen non minùs certò constat corpuscula diuersi coloris simul sumpta videri, & distinctè videri in ea distantia, ad quam videri non posset quodlibet separatim ab aliis, vel certè non distinctè; ergo hoc non prouenit ex concursu vnus cum altero ad productionem speciei. 91

Quod alia potest experientia confirmari, nam contingit idemmet paruum corpus à tanta distantia videri ab vno homine, & non ab altero, quod constat non prouenire ex defectu speciei: cum eodem modo eam producat respectu vtriusque; imò si ex defectu speciei proueniret, à neutro videretur, prouenit ergo absque dubio ex perfectiori, aut imperfectiori potentia, aut organo, quia potentia quælibet, vel organum eius iuxta mensuram propriæ perfectionis petit perfectiorem, vel imperfectiorem speciem secundum intensionem, & extensionem ad operandum: ita vt cum improporcionata specie omninò non possit operari, vel certè non ita benè, vel non ad tantam distantiam secundum maiorem, vel minorem improporcionem: quod ergo contingit parua corpuscula inter se separata non posse videri ad tantam distantiam, videri autem non solum omnia, sed etiam singula ad eandem distantiam, si sint coniuncta: defectui potentia tribuendum est, atque etiam paruita: 92

si cuiuslibet per se sumpti; ratione cuius improporcionatum est potentiz, & imperfectum producit speciem, per quam videri nō potest ab ea, quæ improporcio ex parte vtriusque proueniens, suppletur per coniunctionem eorum, quia licet quodlibet coniunctum aliis non producat perfectiorem speciem, quàm produceret separatum, nec maioris extensionis, omnia tamen coniuncta producunt simul plures species eiusdem extensionis; & ita multitudo supplet defectum singularum, & visus immutatur, multò fortius ab omnibus simul, quàm à quolibet separata, & ided operari potest circa singulà: quia simul operatur circa omnia; cū tamen circa singula separata non posset, & id quidem contingit absque concursu vnius obiecti, cum alio ad productionem speciei, ex eo solū quod simul operantur omnia, simulque immutant potentiam, & simultanea illa immutatio omnium æquiualeat maiori, aut fortiori immutationi singulorum potentiz proportionatz in tali distantia, illa etiam omnia corpora parua, quamuis per proprias species, propriasque immutationes potentiam immutent, & per singulas visiones percipiuntur ab ea, quasi inadæquata censentur respectu vnius, & eiusdem obiecti æqualis magnitudini omnium, quod per vnicam immutationem, & visionem vnicam adæquatam videre posset potentia in eadem distantia, & ex his constat solutum esse argumentum.

### QVÆSTIO IX.

*An species impressa ab obiecto diuisibili secundum intensionem sit etiam diuisibilis secundum intensionem.*

- 93 **P**Ars negatiua, quod species impressa nullam habeat diuisibilitatem intensionis, videtur probari primò, quia dupliciter potest intelligi, quod species impressa ab obiecto sit diuisibilis secundum intensionem; primò ex eo, quod plures gradus intensionis obiecti repræsentat: secundò quia eosdem repræsentat magis, & minus perfectè. Vterque autem modus videtur impossibilis; ergo impossibile est, quod species sit diuisibilis secundum intensionem. Euidens est consequentia, quia non supersunt alij modi, quibus diuisibilis possit excogitari species secundum intensionem, præter hos duos. Sed probatur antecedens, quia plura in primis dantur obiecta sensibilia, in quibus nulla datur latitudo intensionis, vt de multis sensibilibus communibus, nempe magnitudine, numero, & figura constat; ergo ab his non potest produci species diuisibilis secundum diuersos gradus intensionis obiecti, quos repræsentat: sed

sed nec repræsentans eundem gradum, vel entitatem eiusdem obiecti magis, aut minùs perfectè, quia cum obiectum careat gradibus intensiõis, non operatur perfectiùs, aut minùs perfectè intensiue: sed eodem modo semper, quia per eandem entitatem omninò in se immutatam; ergo non producit speciem se repræsentantem secundum maiorem, vel minorem perfectionem; nec proinde diuisibilem secundum intensiõem adhuc hoc modo.

Secundò probatur in obiectis sensibilibus habentibus plu-<sup>94.</sup> res gradus intensiõis, quia omnes isti gradus constituunt eandem numero qualitatem tantæ intensiõis, & consequenter tantæ virtutis ad agendum, vt octo gradus albedinis, vel caloris constituunt vnâ numero albedinem, aut vnum numero calorem intensiõis, vt octo, & virtutis, vt octo ad agendum; ergo omnes isti gradus vniuntur ad agendum, & per modum vnius agentis operantur. Vnde sequitur effectum à tali agente productum dependere à toto ipso agente sic intenso, & à qualibet parte, vel gradu intensiõis eius: sed species, quam producit est effectus adæquatus totius intensiõis; ergo dependet à tota ipsa intensiõne, & qualibet eius parte, vel gradu, & proinde repræsentabit totam, & quamlibet partem modo indiuisibili secundum intensiõem. Probatur hoc vltimum, quia species repræsentat obiectum, à quo procedit secundum modum procedendi ab illo, erit igitur indiuisibilis secundum intensiõem. Nec locum habet solutio tradita quæstione præ-<sup>95</sup> cedente, quod in effectibus naturalibus verum hoc sit, non in intentionalibus, qualis est species, quæ cum sit quasi imago obiecti, non potest quælibet pars eius repræsentare aliam partem obiecti, præter illam à qua procedit, & multò minus totum ipsum obiectum, & ideò per partes, & modo diuisibili debet repræsentare. Nam diuersa longè ratio est de intensiõne, & extensione obiecti, extensio enim diuersas partes entitatis eius dicit, nec in vna reperitur, in eadem subiecti parte: sed necessario in diuersis; & ideò quælibet potest agere per propriam virtutem distinctam ab alia ad productionem speciei, & propterea modo diuisibili, secundum extensionem debet procedere ab omnibus, & singulis, & propterea modo diuisibili eas repræsentare. Tota autem intensio obiecti, & omnes eius gradus reperiuntur in eadem parte subiecti, & in eadem parte extensionis, vel entitatis obiecti, quia intensio formæ est perfectio eius circa eandem partem: ergo non potest operari obiectum, vel pars eius; quin operetur secundum omnes gradus intensiõis, quos habet, nec proinde producere speciem, quin ab omnibus simul, & necessario dependeat, omnes-

que, & singulos simul, & necessatio repræsentet, quod est modo indiuisibili obiectum intensum, & omnes gradus intensiōis eius præsentare. Et ita tenent nonnulli ex recentioribus. Nam antiquiores interpretes Aristotelis hanc diuisibilitatem intensiuam specierum non attingunt, sicut nec extensiuam.

- 96 Nihilominus probabiliorē iudico sententiam oppositam, tribuentem his speciebus modum diuisibilitatū intensiua natura obiecti proportionatum, quam maior recentiorum pars sequitur. Eam verò his duabus assertionibus explico.

Prior est, species impressa diuisibilis est secundum intensiōem in ordine ad plures gradus intensiōis obiecti, quos modo diuisibili, & per partes repræsentat, ita ut nec una pars intensiōis eius repræsentat totam intensiōem obiecti, neque aliam partem intensiōis eius, sed qualibet pars suam partem determinatam intensiōis, & non aliam. Hanc assertionem sic prius declaro, & deinde eam probabo. Eadem numero albedo extensa per totam manum, & singulas partes eius, perfici potest in tota ipsa manu, & singulis eius partibus per additionem noui gradus, usque ad octo, & gradus isti, qui ei adduntur, vocantur partes intensiōis eius, & ad similitudinem huius intensiōis intelligi debet intensiō speciei repræsentantis eandem albedinem, ut si excogitemus per quandam alterationem continuam intendi albedinem. Et in principio huius intensiōis successiuæ produxisse in medio,

- 97 vel potentiam quandam speciem repræsentantem ipsam secundum partem illam intensiōem quam tunc habet, procedente vero intensiōe, sicut additur eidem albedini in eadem manu, & in eisdem partibus eius existenti alter gradus eductus de nouo ex potentia subiecti; ita suo modo additur speciei prius productæ ab ea in medio, vel organo alter gradus, vel pars tanto perfectior in repræsentando, quanto intensior, ac perfectior facta est albedo repræsentata, à qua producitur, & de potentia eiusdem organi, aut mediij educitur, & sic intenditur species iuxta intensiōem obiecti ita ut sicut in fine totius intensiōis una, & eadem numero albedo existens in eodem subiecto, aut in eadem parte eius habet octo gradus intensiōis in essendo, quorum quilibet est diuisibilis in infinitum per
- 98 partes proportionales intensiōis; ita eadem numero species in principio producta sub intensiōe repræsentatiua imperfecta habeat octo gradus intensiōis, aut perfectionis intensiue in repræsentando obiectum, quorum quilibet est diuisibilis in infinitum per partes proportionales intensiōis correspondentes infinitis partibus proportionalibus intensiōis eiusdem obiecti, quas repræsentant. Et rursus quemadmodum omnes gradus intensiōis obiecti, & omnes partes eorum

uniuntur,

*Tract. de obiectis, atque speciebus sensibilib. Qu. IX. 345*  
vniuntur, & continuantur propriis indiuisibilibus intensiōis,  
sic suo modo gradus intensiōis speciei, & partes eorum illos  
repræsentantes vniuntur, & continuantur indiuisibilibus sibi  
proportionatis repræsentantibus eadem indiuisibilia, quibus  
continuantur gradus, & partes intensiōis obiecti, & iste est  
modus indiuisibilitatis intensiū, quā tribuit hæc prior asser-  
tio nostra speciebus sensibilibus.

Quam sic probo primò, quia obiectum extensum produ-  
cens speciem sui communicat ei extensionem, quā habet;  
ita vt sicut totum obiectum producit totam speciem, & pro-  
pterea totum ab ea, tanquam à similitudine repræsentatur, 99  
sic singulæ partes extensionis eius concurrunt per proprias  
entitates distinctas ad productionem eiusdem speciei, quæ  
cum eiusdem rei, à qua producit quasi imago sit, & non al-  
terius, sequitur quamlibet speciei partem solum esse repræsen-  
tatiuam determinatæ partis obiecti, à qua producit, & non  
alterius: quod in figura heterogenei corporis ostendimus; sed  
obiectum non minus est diuisibile secundum partes graduales  
intensiōis, quā secundum partes extensionis, vt de albedine  
constat; ergo sequitur producere speciem sui secundum ean-  
dem intensiōem; ita vt quælibet pars secundum maiorem,  
vel minorem intensiōem, quā habet concutrat ad produ-  
cendam partem speciei eiusdem intensiōis, & non alterius,  
& consequenter pars illa speciei eandem partem sic intensam,  
& non alteram, neque totum ipsum obiectum intensum re-  
præsentet, quod est modo diuisibili ipsum, & partes eius re-  
præsentare, & suas partes intensiōis habere. Quod efficaci-  
ter potest ostendi in obiecto habente partes magis, & minus  
intensas, vt si albedo intensior sit in facie, quā in manu, vt  
sæpe contingit, sequitur producere perfectiorem partem spe-  
ciei in medio; aut in oculo. Probatur consequentia, quia cum 100  
producat eam secundum perfectionem, quā habet, & in facie  
habeat maiorem, absque dubio producet partem speciei maio-  
ris perfectionis intensiū: nam eò est perfectior species, quò  
perfectius obiectum repræsentat. Tunc ergo negari non potest  
primò, quod species albedinis à toto homine producta habeat  
partes magis, ac minus perfectas secundum intensiōem, quæ  
repræsentent partes eius magis, & minus intensas in eadem  
albedine. Ex quo efficaciter satis inferitur speciem esse diuisibi-  
lem secundum partes intensiōis.

Secundò negari non potest eandem speciem habere mo-  
dum repræsentandi diuisibilem secundum intensiōem, quia  
in eo consistit modus diuisibilis secundum intensiōem, quod  
est nullam partem repræsentare totum obiectum sic intensum.

neque aliam partem intensionis eius: sed vnam tantum determinatam; ex hoc enim sequitur necessario, nec vnam partem speciei depēdere à toto obiecto, nec ab aliis partibus: sed quamlibet à parte distincta, eamque duntaxat repræsentare: sed pars speciei procedens ab albedine existente in facie, non potest procedere ab albedine existente in manu; cum sint diuersæ intensionis, ac perfectionis; ergo modo diuisibili secundum intensionem repræsentant tota ipsa species, & singulæ partes eius. Secundo probatur, quia si obiectum præfens potentia intendatur successiue, vel speciei præexistenti à qua repræsentabatur prius additur noua pars intensionis, per quam ipsum magis inrensum repræsentet, vel non: sed alia species perfectior de nouo producitur: à qua cum maiori illa intensione repræsentatur, & si primum concesseris habetur intentum, quod species habeat partes intensionis, quarum quælibet repræsentet partem intensionis obiecti determinatam, & non aliam, quod est esse diuisibilem secundum intensionem: si verò corrumpi dixeris, & produci nouam, sequitur corrumpi actu infinitas totales, atque completas, & alias etiam actu infinitas produci de nouo. Probatur consequentia, quia successiua intensio obiecti habet partes proportionales actu infinitas; & ad nouam productionem cuiuslibet sequitur productio nouæ speciei totalis, atque cōpletæ repræsentantis totum obiectum cum noua intensione: cum de nouo debeat repræsentari pars illa proportionalis intensionis obiecti de nouo producta, nec possit repræsentari per speciem præexistentem, si nulla pars intensionis ei additur, admittere autem productionem specierum completarum actu infinitarum satis magnum incommodum est nullo modo admittendum, si repræsentatio obiecti de nouo intensi alio modo probabili saluari potest eo non admissio, (vt reuera potest) concessa diuisibilitate speciei secundum intensionem: hæc igitur concedenda est. Et si dixeris in tali intensione successiua obiecti, nec produci nouam partem speciei, nec nouam speciem: sed nouam illam intensionem obiecti per speciem præexistentem repræsentari, absque vlla additione partis, quia eo ipso quod noua intensio obiecti producitur, incipit dependere species præexistens ab ea; sicut à toto ipso obiecto, & omnibus partibus eadem ratione, ac noua intensio caloris inciperet dependere à toto igne, & omnibus partibus eius, & consequenter poterit repræsentari per eandem speciem, quia species totum illud à quo dependet in suo esse, repræsentat. Probarur efficaciter hoc esse impossibile, quia cum species sit quasi naturalis imago obiecti modo iam explicato; repugnat aliquid repræ

repræsentare, à quo non sit producta, quia à quo non accipit esse, nec potest accipere repræsentationem, in qua consistit eius esse, nec proinde ab ea poterit repræsentari, quare aperte falsum est, quod præexistens species possit dependere à noua parte intensionis obiecti producta, etiam in conseruari, quia species nec in esse, nec in conuersari potest dependere, nisi ab obiecto quod repræsentat, & à quo producitur, & hoc habet ex propria ratione, ac natura intentionalis similitudinis.

Assertio posterior, non solum species habet diuisibilitatem intensionis, ex eo, quod plures gradus, aut graduales partes obiecti repræsentat, sed etiam ex eo, quod eisdem, vel eundem potest magis, & minus perfecte repræsentare, atque etiam obiectum nullam habens intensionem. Hæc etiam prius declaranda est, deinde probanda. Eam verò declarat experientia, quia videmus idem obiectum prorsus in se immutatum, magis, & minus perfecte repræsentari per speciem à se productam ratione mediij, vel organi mediij dispositi, & per eam perfectius videri ab eadem potentia eodem modo disposita; vbi autem magis, & minus datur, necessesse est dari intensionem, & hoc est, eam habere speciem in modo repræsentandi obiectum, & esse diuisibilem secundum intensionem.

Quam diuisibilitatem sic probo esse concedendam speciei, à ponatur obiectum alicuius intensionis in loco ita distanti à potentia, ut imperfectè, aut confusè videatur, & tunc incipiat potentia moueri, & accedere ad ipsum, quo propinquior fit, perfectius, hoc est, distinctius, atque clarius illud videt, secundum eundem, vel eisdem gradus intensionis, ita ut possit eisdem gradus obiecti, vel obiectum ipsum nullam habens intensionem repræsentare species secundum vnum gradum perfectionis, & secundum duos, & tres, ac plures; ergo perfectius sibi repræsentantur iidem gradus per speciem, quam prius repræsentabantur, & si propinquior fiat, perfectius ei repræsentabuntur, habet igitur species præter diuisibilitatem intensionis respectu graduum intensionis obiecti, in quantum potest pauciores, atque etiam plures repræsentare, aliam distinctam respectu eundem, vel eiusdem: in quantum potest eos repræsentare magis, ac minus perfecte & consequenter secundum maiorem, & minorem intensionem. Et quod diuisibilitates istæ sint distinctæ in specie, possumus probare ex reali separatione earum in obiecto nullam intensionem habente hoc modo. Eadem figura, vel magnitudo obiecti videtur imperfectius, magisque confusè, quo plus distat à potentia, & quo magis ad eam accedit, videtur clarius, atque distinctius; ergo magis, & minus perfecte repræsentatur per speciem, non quidem diuersam de nouo productam, quia cum distantia habeat partes infinitas petcurrendas per

per infinitas partes motus eiusdem obiecti accedētis in potentiam, vel potentia accedentis ad obiectum, sequeretur species actu infinitas produci de nouo, & alias actu infinitas corrumpi; quod nullo modo admittendum est; ergo per eandem numero speciem, quam magis, & minus perfectē representare idem obiectum impossibile est, sine aliqua additione partis, vel gradus intensiōis, quia quo perfectiūs representat, eo est perfectior in suo esse, perfici vero in suo esse sine additione alicuius nouæ entitatis repugnat, sicut repugnat qualitatibus naturalibus, ut probauimus i. lib. de generatione, cap. 4. necesse est ergo eidem speciei, concedere gradus intensiōis in modo repræsentandi idem obiectum, & omnino immutatum, & secundum eos aliam diuisibilitatē intensiuam, præter eam, quam habere probauimus in priori assertione.

106 Sed posset aliquis huic argumento respondere concedendo, quod magis, & minus perfectē videatur idem obiectum in se immutatum, quo magis accedit ad potentiam, vel potentia ad ipsum, quia nullo modo negari hoc potest, sed negando, quod ex hoc inferitur, videlicet id contingere ex eo quod magis & minus perfectē repræsentetur per speciem, quia bene potest magis & minus perfectē videri, etiam si secundum eandem perfectionem repræsentetur ex parte speciei propter maiorem, aut minorem distantiam à potentia; nam approximatio obiecti est conditio necessaria, ut percipiatur à potentia, & ideo sola maior, vel minor distantia potest esse sufficiens causa, ut magis, aut minus perfectē, vel distinctē percipiatur. Vnde sequitur posse magis, & minus distinctē, aut clarē percipi immutata omnino speciei; quod sic probō: obiectum omnino immutatum percipitur magis, & minus distinctē propter maiorem, vel minorem distantiam à potentia, ut docet experientia; ergo immutata omnino specie, poterit magis, & minus clarē percipi propter solam maiorem, vel minorem distantiam.

107 Probatur consequentia, quia quo propinquior est potentia respectu obiecti, eo perfectius operatur circa illud cæteris paribus ex parte aliorum, vel cæteris omnino immutatis, sicut propter maiorem, vel minorem approximationem aliis omnibus omnino immutatis perfectiūs operatur quodcūque agens naturale. Ex ratio veriūque est modus operandi cuiuslibet agentis naturalis limitatæ virtutis, quod fortius operatur in passum, vel circa obiectum proximum, quam remotum, quare non probat argumentum intensiōem speciei, vel diuisibilitatem secundum illam.

Hæc tamen solutio aliquam habet apparentiam veritatis, sed nec potest esse vera, nec argumento satisfacere, quia ratio ipsa,



ipsa, in qua fundatur, probat, non posse provenire visionem magis, & minùs perfectam eiusdem obiecti, magis, vel minùs distantis, nisi à specie magis, aut minùs clarè; atque distinctè ipsum representante: Quod sic probo; agens naturale fortius agit in passum sibi proximum, quàm in remotum; ergo perfectiorem ei imprimit effectum, sed obiectum agit naturaliter in medium, atque etiam in organum, & potentiam imprimendo illis speciem; ergo quò minus distat ab eis, perfectiorem producit speciem, hoc est, clariùs, atque distinctiùs se representantem, & si successivè propinquius fiat per maiorem accessum ad potentiam, vel potentia ad ipsum, intensiorem producit speciem, quemadmodum naturale agens intensiorem qualitatem producit, quò magis appropinquat ad passum. Unde sequitur non posse videri perfectius à potentia propter solam minorem distantiam, sed per se primò videri perfectius; propter intensiorem speciem, quam à minori distantia producit, ad cuius productionem evidens est iuvare minorem distantiam, aut maiorem approximationem, tanquam conditionem necessarium. Quare falsum est, & omninò negandum, quod in argumento assumitur, nempe clariùs, atque distinctiùs videri obiectum appropinquans ad potentiam propter solam minorem distantiam cæteris paribus ex parte speciei, imò præcipua causa perfectioris visionis est intensior species, quam obiectum à minori distantia producit.

Quod sic virgeo, perfectior operatio non potest procedere, nisi ex perfectiori principio, ac perfectiori concursu eius, sed species cum potentia est principium sensationis; ergo repugnat perfectiorem sensationem procedere, nisi à perfectiori specie, vel eadem perfectiùs concurrente, quod patet non esse possibile ab eadem distantia. Itaque eodem argumento, quo probatur potentiam perfectiùs operari circa obiectum magis sibi approximatum, convincitur planè obiectum magis approximatum potentia perfectiùs operari circa illam, & intensiorem sui speciem ei imprimere, & cum prius sit obiectum imprimere potentia speciem sui, quàm operari potentiam circa illud, & species impressa sit principium operationis cum potentia, à posteriori probatur ex perfectiori visione eiusdem obiecti à minori distantia maior perfectio intensiva speciei, & consequenter diuisibilitas intensiva eius, & ita ex solutione obiectionis propositæ fortius confirmatur assertio nostra. Duas itaque diuisibilitates secundum intensiorem concedimus his speciebus, vel duos modos diuisibilitatis intensivæ per duas assertiones nostras: prior diuisibilitas est ratione plurium graduum; vel gradualium partium intensiorem obiecti, quas potest re

test repræsentare; posterior ratione maioris, vel minoris perfectionis secundum quam potest repræsentare eundem, vel eodem gradus intensiōis obiecti, vel certe eandē eius entitatem nullam intensiōem in se habentē, sed solum respectu speciei.

- 110 Ad primum argumentum pro negatiua parte propositum, neganda est minor, quod impossibilis sit vterque ille modus diuisibilitatis intensiū. Et cum impugnatur posterior ex eo, quod plura sunt obiecta nullam intensiōem in se habentia, distinguendum est de intensiōe obiectiua. Nam duplex est; formalis vna, & virtualis altera: formalis est, quam habent qualitates ipsæ, quæ sunt obiecta sensuum per additionem graduum. Virtualis verò est perfectio essentialis, aut entitatiua, quam habet in se obiectum ex propria natura quantumlibet indiuisibili, in quantum magis, aut minus clarè ac distinctè potest percipi à potentia, quæ versatur circa illud, quæ (nisi ego fallor) etiam in diuina essentia in se simplicissima necessariò ponenda est: cum possit magis, & minus clarè ac distinctè videri à beatis, quorum beatitudo essentialis magis, & minus perfecta est ratione huius intensiōis: virtualis quidem in obiecto, formalis verò in actu intellectus illud videntis. Et ex ea intelligitur ratio à priori, propter quam non potest comprehendi diuina essentia ab aliquo intellectu creato, quia intensiō illa virtualis obiectiua est actu infinita, sicut entitas eius infinitè perfecta est in se: ergo non potest secundum totā videri ab intellectu creato, & proinde nec ab eo cōprehendi, cū cōprehensio sit cognitio obiecti, quantum cognoscibile est. Et hæc distinctiō intensiōis obiectiue sic est applicanda ad obiecta sensibilia, vt aliquando formalis sit in eis, nempe in omnibus, quæ sunt qualitates intēribiles, & remissibiles, aliquando verò virtualis, vt in eisdem in quantum secundum eandem intensiōem adhuc possunt clarius, ac distinctius videri, atque repræsentari per speciem, atque etiam in his, quæ non suscipiunt intensiōem, & remissionem, vt in quantitate, & figura, in quantum entitas earum magis, & minus clarè, ac distinctè potest repræsentari per speciem iuxta perfectionem eius, & sic repræsentata magis, ac minus clarè, ac distinctè percipi in potentia. Itaque obiecta quædam habent vtramque, ea videlicet quæ habent in propria entitate latitudinem intensiōis, & remissionis: alia verò virtuale tantum, si latitudine intensiōis propriæ entitatis careant, vtræque tanquā intensiō obiectiua causat formalem intensiōem in specie expressa, & cognitione, per quam percipitur obiectum, quia species ipsa in se, atque etiam cognitio formaliter repræsentant obiectum secundum maiorem vel minorem claritatem, ac distinctiōem, & ideò maior perfectiō,

perfectio, vel minor representandi, in qua consistit intensio earum: necessariò debet esse formalis: cum non detur in imagine representatio virtualis, sed representatio ipsa sit perfectio formalis eius. Negandum igitur est, quod species non habeat semper diuisibilitatem intensiuam formalem, siue obiectum, à quo producit, & quod representat, formalem habeat, aut virtuale tantum: nam unam, aut alteram habere omninò necessarium est, & quælibet sufficit ad producendam speciem, & cognitionem imaginis, aut minus intensam formaliter, ut expositum est. 112

Ad secundum neganda est maior, quod omnes gradus intensiōis totius obiecti, & cuiuslibet partis eius sic uniatur per modum unius agentis, ut per eandem actionem simplicem operentur ad producendam speciem, sicut uniuntur omnes gradus eiusdem obiecti in ratione qualitatis naturalis intensæ ad producendam aliam qualitatem naturalem intensam eiusdem speciei. Quia cum species sit velut imago obiecti, ipsum representans (modo superius explicato) & ex se ordinata ad productionem speciei expressæ, quæ vera, ac formalis imago est, quælibet pars intensiua speciei est quasi imago alicuius determinatæ partis intensiōis obiecti, & non alterius, sicut de partibus extensionis eiusdem speciei probauimus.

---

### Q V Æ S T I O X.

*An omnes species sensibiles, quæ multiplicantur in medio, atque in potentia, producantur immediatè ab obiecto, vel quadam mediis aliis.*

**C**irca hanc quæstionem tres sunt opinioniones, duæ extremæ, & altera media. 113

Prima opinio extrema negat ullam speciem producere alteram, sed omnes asserit produci ab obiecto immediatè, & per se, tam in medio, quàm in potentia. Hanc tenet in visione luminis Scotus in 2. dif. 16. quæst. unica asserens lumen productum à sole in medio esse speciem intentionalem, per quam videtur, nec tamen producere aliud sibi simile, imò nec esse ullo modo actiuum pro tali productione, sed quoduis lumen, aut partem eius immediatè produci à sole. Et cum eadem ratio esse videatur de caloribus, atque speciebus ab eis productis, vniuersaliter videtur sentire, nullam speciem producere alteram, vel actiuè concurrere cum obiecto ad productionem eius. 114  
Cum Scoto sentiunt sectatores eius, & ex recentioribus nonnulli. Probatum primò, quia omnes dependent per se immediatè ab obiecto in conservari, & nulla earum ab altera: ergo etiam in esse, & fieri. Evidens est consequentia, quia hæc accidentia

dentia intentionalia, ab eodem producente dependent in esse & fieri, & conseruari. Sed probatur antecedens, quia permanente obiecto presente, potest perire una species permanentibus aliis, ut species producta in medio non pereunte specie producta in organo, ergo non dependebat ab ea in conseruari.

Secundò, species repræsentat rem à qua procedit, & sicut ab ea accipit esse, sic accipit repræsentationem: sed omnes species repræsentant per se immediatè obiectum, & nulla repræsentat aliam: ergo nulla procedit ab alia, sed omnes immediatè ab obiecto. Probatur minor, quia illud repræsentat species, quod per eam cognoscitur, sed per nullam cognoscitur altera; sed per omnes obiectum, & nihil aliud; ergo omnes repræsentant solum obiectum, & nulla repræsentat alteram. Probatur tandem duabus experientiis, prima, quia constat obiectum existens extra cubiculum non videri à quocunque angulo eiusdem cubiculi, sed videretur necessariò, si species productæ immediatè ab obiecto producerent alias, ergo non est hoc villo modo admitendum. Probatur minor, nam si species producta ab obiecto produceret alteram, eodem modo eam produceret, ac producta est ipsa ab obiecto, sed obiectum producit species versus omnem partem mediij, aut versus omnem differentiam loci, cum ab omni parte mediij videatur, aut videri possit, ergo etiam una species multiplicaret aliam versus omnem partem mediij, aut versus omnem differentiam loci, quare in roto aère cubiculi, & non solum in medio eius; producta verò specie in toto cubiculo videri posset obiectum ex quocunque angulo eius, quia statim ac species peruenit ad porenriam, sequitur necessariò visio obiecti per illam: cum principium sensationis sufficiens sit potentia informata specie. Secunda experientia est: quia experimur obiectum ingentis magnitudinis non videri totum ex angusto loco, ut turris magna ex parte aliqua interiori cubiculi, non videtur tota, sed tantum pars eius, quæ per fenestram mouere potest visum, & actum eius terminare, sed si una species producat aliam, sequitur necessariò totam videri, ergo talis productio vnius speciei ab alia experientia aduersatur. Minorem sic probò, in qualibet parte mediij, producit turris, & omnes eius partes speciem, per quam rota potest videri ex quacunque parte eiusdem mediij: si ergo species hæc producta in medio multiplicat aliam in potentia: ergo producet eam in oculo existentis in cubiculo à regione turris, & idcò informabitur specie totius turris, & eliciet visionem totius turris cōtra manifestam experientiam.

117 Secunda opinio extrema, non solum concedit produci species aliquas ab aliis, sed ab eis solis, quia absque vlla dependentia ab

dentia ab obiecto eas producant. Itaque obiectum ad certam quandam distantiam multiplicat species, & hæc, vel earum partes per se immediate producant alias in potentiam sine ullo concursu obiecti. Ita Albertus Magnus 2. lib. de anima, tractatu 3. quem recentiores quidam sequuntur. Probatur primò, ex fine, in quem producantur species ab obiecto, videlicet, ut per ipsas perueniat ad potentiam, & ei coniungatur, constat autem dum maximè distat obiectum à potentia, non posse per se immediate producere in eam speciem, sed solum in medio sibi proximiori; quare nec potest coniungi potentia per species immediate à se productas, ut igitur ei coniungatur necesse est concedere: quod species istæ productæ ab obiecto possint alias producere in potentiam, atque in partes medijs propinquiores, & sine ulla dependentia ab obiecto. Minorem sic probo, species istæ sunt separatæ ab obiecto: cum sint ab eo productæ in medio, & non in se ipso, dum ergo producant alias in potentiam, vel producant eas tanquam instrumenta eiusdem obiecti; & hoc non, quia species productæ non sunt perfectiores ipsis, sed æqualis perfectionis, aut minoris: ergo non concurrunt ad productionem earum tanquam instrumenta, sed tanquam præcipua causa, sed eo ipso, quod concurrunt, ut præcipua causa, non potest esse cum dependentia ab obiecto, nec potest obiectum immediate concurrere, sed solum ut causa remota: ergo ita tenendum est, quod species istæ sine dependentia ab obiecto producant alias. Probatur minor, quia præcipua causa alicuius effectus solum potest agere cum dependentia à causis vniuersalibus, & non ab aliqua causa particulari, nam si à particulari dependet, neque ipsa, neque alia particularis, à qua dependet, erunt totales causæ, sed partiales: cum duæ causæ particulares, & totales non possint simul concurrere ad eundem effectum, quia subordinati non possunt, nam subordinatio solum reperitur inter particulares ex vna parte, & vniuersales ex altera. Constat autem species, & obiectum non esse partiales causas alterius speciei, quia quælibet habet sufficientem virtutem producendi illam: ergo vna species producit alteram sine dependentia ab obiecto. 118

Tertia opinio est media duo asserens contra duas extremas 119  
propositas; Primum est, quod species producta ab obiecto in medio possint quidem multiplicare alias, vel cerè nouas partes in medio, atque in potentia. Postremum, quod eas producant cum actuali dependentia ab obiecto, à quo ipsa productæ sunt, & sine illa non possint. Ita Palatius 2. lib. de anima, cap. 1 2. fol. 193. referens pro se Ioannem Arianum, ita etiam recentiores multi, & videtur nobis probabilior. Quam primò colligimus ex D. Thom. quæst. 16

de veritate, artic. 1. ad 1. ubi asserit, quod dum lapis videtur in speculo per reflexionem, species eius producit in oculo, non immediate ab ipso lapide, sed à speculo, hoc est, à specie eiusdem lapidis producta ab eodem lapide, & reflexa in speculo, quare sentit speciem productam ab obiecto producere aliam per reflexionem in potentia, per quam videtur, & virtute quidem obiecti, quia reflexio speciei fit virtute eiusdem obiecti.

Probat autem primum, quod species producta in medio ab obiecto producat alteram, aut partem eius in potentia eiusdem experientia obiecti à tergo positi, & visi in speculo per reflexionem, non enim potest videri per speciem immediate productam ab obiecto: cum nec sit in situ, vel distantia, à qua possit eam in oculo videntis producere; ergo per speciem productam ab eo in speculo, ratione cuius idemmet obiectum apparet in eodem speculo ab ea representatum, sed non potest videri, nisi per aliam productam in oculo, quam cum non possit obiectum per se producere, necesse est eam producat media eadem specie in speculo reflexa, & ita una species producit alteram.

Probat secundum, quod non possit una species producere aliam effectivè, nisi cum actuali dependentia ab obiecto, ex duobus; ex priori quidem, quia species producta ab obiecto est virtus eius, quam sibi substituit ad immutandam potentiam, & concurrendi cum ea ad sensationem; ergo quidquid agit in tali ordine, operatur tanquam virtus, atque instrumentum eiusdem obiecti, & proinde dependenter ab illo. Ex posteriori verò probatur, quia species producta ab obiecto in medio non dependet quomodocunque in conservari ab eo, sed ex continuata emanatione; ergo ex eadem continua emanatione ab obiecto dependebit agere eius ad producendam aliam speciem.

Ad primum argu. primæ opinionis distinguenda est maior, quod secundæ qualitates non sint actiue; nam de actiuitate naturali, verum est; de intentionali verò falsum; hæc autem actiuitas intentionalis non solum ipsis qualitatibus naturalibus concedenda est, sed speciebus intentionalibus ab eis productis tanquam virtutibus earum, quarum actiuitate mediè immutant potentias, & cum eis concurrunt ad sensationes. Ad confirmationem negandum est antecedens, quod omnes dependant per se immediate ab obiecto, & nulla ab alia, quia sicut una producit ab altera cum actuali dependentia ab obiecto, ita dependet in conservari ab ea, vel certe ab eodem obiecto per eam. Quare negandum est, quod permanere possit naturaliter species producta ab altera pereunte producente, quia sicut producit ab obiecto per illam, ita etiam per eandem conservatur.

Ad secundum distinguenda est maior, quod species representet

sentet illud à quo procedit : nam solū est vera de eo , à quo procedit tanquam à præcipua causa, & cuius virtus est , quæ cum omnes habeant respectu solius obiecti , & non respectu alterius, sit vt solius obiecti sint similitudines , sicut solius obiecti sunt virtutes.

Ad primam experientiam , quam affert vltimum argumentum , concessa maiori , quod obiectum extra cubiculum existens non videatur ex quocunque angulo eius, neganda est minor , quod videatur , si species producta in medio multiplicet alteram, quia nō multiplicat eam, nisi eo modo, quo obiectum, à quo procedit , obiectum autem visus sicut non videtur per lineam transversalem, sed solū per lineam rectam , vt docet experientia, ita non multiplicat species per lineas transversales, sed solū lineas rectas, quamuis versus omnes differentias oculi, & ita species producta in medio hoc tantummodo potest producere alteram , ex quo non sequitur , quod producat eam in angulis cubiculi, nec proinde , quod ab eis possit videri obiectum.

Ad experientiam de turre negandum est , quod videatur tota ab existente in cubiculo. Negandum quoque est , quod species à turre producta in medio producat aliam representantem totam ipsam turrem in oculo eius , sed solū producit speciem representantem partes eius , quæ per lineam rectam recipi possunt ab existēti in cubiculo. Cuius ea est ratio, quia species producta ab obiecto non potest producere aliam , nisi cum actuali dependentia ab eo , & iuxta modum , quo potest obiectum cum ea concurrere. Constat verò obiectum non posse concurrere, nisi per lineam rectam, quia iste est modus eius immutandi potentiam, sicut est etiam modus operandi eiusdem potentie. Vnde fit, quod licet species producta in medio à turre totam ipsam turrem representet ratione extensionis obiectiue, non tamen possit producere aliam in tali oculo representantem integram turrem , sed solū secundum eas partes eius, quæ per lineam rectam possunt immutare oculum existentem in cubiculo, quia solū secundum illas potest turre concurrere cum eadem specie ad immutandum oculum , limitatur ergo virtus, atque concursus talis speciei ad producendam aliam in oculo ab obiecto, quod solū potest secundum quas partes ad talem speciem producendam concurrere; tunc non videbitur integra turris, sed solū secundum alias partes, vt docet experientia.

Ad primum secundæ opinionis concessa maiori, neganda est minor, quod possit vna species producere aliam, sine dependentia actuali ab eodem obiecto, & cum additur speciem produ-

etiam ab obiecto in medio esse separatam ab eo : distinguendum est, nam si nomine separationis intelligatur distinctio realis ab illo, atque existentia in subiecto ab eodem discontinuo, verum est, si verò separatio neget actualem, & quasi continuam emanationem ab eo, sicut luminis à sole, falsum erit. Itaque eidem obiecto coniuncta est: cum sit ab eo producta, actusque conseruetur ab eodem, & ita quidem, ut inter speciem ipsam in aëre productam, atque obiectum nihil sit medium: quod satis est, ut ad producendum nouam aliam speciem, aut nouam partem in potentia coniungi possint per modum vnius agētis, sicut calor productus ab igne in aërem, & ignis ipse coniungitur, ad producendum calorem in aqua. Quo supposito dum querit argumentum, an species medij producat aliam tanquam instrumentum obiecti vel tanquam præcipua causa. Respondeo non ut præcipuam causam, sed ut instrumentum, quia præcisè tanquam virtus obiecti à se substituta.

<sup>135</sup> Sed vnum est discrimen in hac parte obseruandum inter modum, quo luminosum multiplicat lumen per medium, & obiectum species; nam licet vtrumque per lineam rectam operetur, lumen verò cum maiori diffusionem per idem medium propter maiorem perfectionem agendi, idè potest ad altera declinare effectus eius, non solum in actione directa, sed etiam in reflectione: Obiectum verò solum multiplicat speciem per lineam rectam, tam in actione directa, quam in reflexa, quia modus agendi intentionalis imperfectior est, & idè magis limitatus; quare multiplicatio specierum, nec ad latera, nec ad cubiculum declinat, sicut diffusio luminis: & hinc procedit quod non possit videri obiectum ex cubiculo, vel angulis eius; quia non producantur ibi species sicut lumen.

### Q V Æ S T I O X I.

*Quid, & quotuplex sit commune sensibile, & quo pacto immuet sensum.*

#### Prior quæstionis pars.

<sup>136</sup> **I**N duas partes placet quæstionem diuidere: in quarum priori duo explicanda erunt; nempe quid per commune sensibile intelligatur, & quotuplex sit commune sensibile; in posteriori vero modum quo commune sensibile moueat sensum discutiemus.

Circa primum, non est intelligendū nomine sensibilis communis aliquis conceptus communis abstractus à particularibus sensibilibus, quia nec ratio ista communis à sensu potest percipi, nec ab ea immutari, & idè nec ad ipsum aliquo modo pertinere,



tinere; nam sensus singularia tantum sensibilia percipere possunt: quare per communia sensibilia singularia absque dubio intelliguntur. Sed nec intelligitur per sensibile commune illud singulare sensibile, quod percipitur à solo sensu communi interno, ut asseruit Apollinaris 2. lib. de anima, c. 8. nam experientia constat sensibilia communia, quæ ab Aristotele, & omnibus pro talibus numerantur à sensibus externis percipi, ut magnitudinem, figuram, & motum. Nec etiam dicuntur talia, quia non possunt percipi à sensibus externis sine cōsensu eiusdem sensus communis interni, ut Perspectiui quidam voluerūt, quos citat Toletus 2. lib. de anima, q. 15. quia sensus externi non indigent operatione sensus communis interni ad exercendas proprias. Nec tandē significatur nomine sensibilis communis illud tantum, quod ab omnibus externis percipitur, ut placuit Themistio cap. 6. huius libri, & videtur esse mens Aristotelis ibidem text. 63. & 64. ubi distinguens propria sensibilia à communibus asserit illa esse propria, quæ ab vno tantum sensu percipiuntur, cōmunia verò quæ ab omnibus. Nam certum est non omnia sensibilia communia percipi ab omni sensu externo, quia per olfactum non percipimus figuram rei. Vnde Aristoteles ipse eodem loco se explicuit probans motum esse sensibile commune, quia per visum, & per tactum percipitur. Ex quo deducimus, quid sit per sensibile commune intelligendum: videlicet illud, quod pluribus sensibus percipi potest, & iste est cōmunis ferè sensus expositorum in eodem 6. cap. Ideò autem omnibus sensibus esse commune asseruit Aristoteles, quia omnia ferè sensibilia communia ab omnibus sensibus percipi possunt.

Circa numerum verò communium sensibilium adnotare oportet, plura, vel pauciora numerari, prout magis, vel minus vniuersaliter numerantur. Ideò Perspectiuos speciales rationes eorum considerantes 19. enumerasse refert Buelio lib. 3. in principio, & Aristoteles ipse aliis locis quædam alia enumerasse constat, præter illa quæ recensuit ca. 6. huius libri; ut Vnitatem 3. lib. de anima; textu 32. & in lib. de sensu, & sensibili, cap. 4. obtusum, Acutum, Asperum, & Lene. Congruentius tamen fuit quinque solum enumerare tanquam vniuersaliora capita, sub quibus comprehenduntur omnia, & ad quæ reducitur faciliè. Ut ita sub breuioti numero comprehensa memoria retineri possint. Hæc autem sunt, motus, quies, numerus, figura, & magnitudo. Et ad numerum quidem reducuntur discretio, & vnitatis, quia & numerus discretionem importat, & principium eius vnitatis est. Obtusum verò, & acutum, asperum, & lene, curuum, & rectum ad figuram, distantia, & situs ad magnitudinem. Singularis est igitur, & falsa sententia Ga-

leni 3. lib. de cognoscendis pulsibus, quam sequutus est Vega;  
lib. I. de arte medendi, ca. 5. motum & quietem à numero com-  
munium sensibilium reiiciens, quia motus, inquit Galenus,  
non est per sensum cognoscibilis, sed solum per intellectum,  
& proinde neque quies, ultra hoc habens, quod in negatione,  
vel priuatione consistat, de qua etiam videtur certum non co-  
gnosci per sensus. Singularem nihilominus esse affirmo sen-  
tentiam hanc, quia omnes interpretes Aristotelis cap. 6. huius  
libri motum, & quietem inter sensibilia communia cum eo e-  
numerant. Falsam verò, quia experientie contrariam, qua con-  
stat motum percipi per visum, & tactum, ut docuit idem Ari-  
stoteles in eodem capite, & consequenter quietem, quæ nō su-  
mitur pro ratione formali priuationis, aut negationis in hac  
parte, sed pro stabilitate, vel consistentia rei, in qua fundatur  
negatio, aut priuatio motus: quare falsum est, quod per solum  
intellectum, & non per sensum percipiantur. Ad motum tan-  
dem reducitur tempus, vel sub eo comprehenditur, quia licet  
sensu percipiat, & per se, ut docet Aristotel. 4. lib. physicor.  
cap. 1. textu 98. non secundum rationem formalem temporis,  
sed solum ut consequitur motum, eique coniunctum est, &  
12<sup>o</sup> hæc de significatione, & numero sensibilium communium. Quæ  
sic explicari debent, ut per numerum, nec ratio formalis discre-  
tionis intelligatur, nec ordo numerabilitatis, nam nec sensus  
numerat, nec rationem formalem discretionis percipit, sed ma-  
terialiter omnino accipitur, ut est commune sensibile pro mul-  
titudine rerum sensibilium discontinuata. Sed nec figura pro  
formali ratione qualitatis, quam nec sensus percipit, sed pro  
materiali terminatione quantitatis, ut corporibus naturalibus  
inhærente, nec motus sumitur, prout dicit rationem formalem  
viæ, aut fieri termini, sed pro sola ratione materiali, consisten-  
te in variatione situs, & loci, aut localis præsentie; quies verò  
pro consistentia, seu permanentia rei sensibilis in eodem situ,  
vel loco.

## D V B I V M.

*Quidnam per Magnitudinem intelligatur.*

13<sup>o</sup> **C** Vin Magnitudo idem sit, quod extensio partium, ratio-  
ne cuius proprium sensibile dicitur tantum vel maius,  
aut tantæ, vel maioris extensionis, hoc modo distinguunt ex-  
tensionem recentiores quidam. Quædam est intrinseca, atque  
propria cuiuslibet rei, vel accidentis corporei, quam non acci-  
pit à quantitate; sed à se habet, consistit autem in hoc, quod est  
habere proprias partes integrâtes suæ entitatis propriis etiam  
indivisibilibus copulatas, & distinctis partibus spatij corres-  
ponden-

spondentes, licet non coextensas eidem spatio, nec partes eius occupantes, ratione cuius extensionis una entitas dicitur maior, vel minor altera, vel æqualis, si plures, vel maiores, aut æquales habeat partes aliquotas: & cum totum hoc habeat à se, & non à quantitate, possitque illud habere separata à quantitate, sequitur per se posse sentiri sine quantitate, saltem, ut commune sensibile: cum habeat intrinsecam extensionem, quæ est sensibile commune. Præter hanc verò extensionem dicitur aliam accipere à quantitate, hanc tamen non intelligi nomine communis sensibilis: sed propriam tantum. Sed hanc sententiam non recipiunt antiquiores, imò neque ullus ex interpretibus Aristotelis inuenitur, qui nomine magnitudinis hac in parte non intelligat veram quantitatem, aut veram extensionem prædicamenti quantitatis, quam si aliquo modo non habeat sensibile proprium, non posse sentiri docent cap. 6. huius libri, atque etiam Divus Thomas verbis superius citati se sentire testatur, nec minus expressè id asserit Scotus in 4. distinct. 12. quest. 3. Et potest sic efficaciter probari primum; quia si magnitudo, ut est commune sensibile, significat propriam illam extensionem in eo solum consistentem, quod res habeat partes integrantes propriæ entitatis copularas propriis indiuisibilibus, in quas diuisibilis sit, licet nullam accipiat extensionem à quantitate; sequitur substantiam ex propria natura, & intrinseca extensione esse per se sensibilem, sicut cetera sensibilia communia, ut recentiores isti concedunt.

Hoc autem expressè contrarium est doctrinæ Aristotelis asserentis substantiam non esse vilo modo per se sensibilem, hoc est, nec tanquam proprium; nec tanquam commune sensibile: sed omnino per accidens ad finem 6. capitis, text. 65. his verbis. *Secundum a cogens autem dicitur sensibile, ut si album sit. Diuina sunt, secundum accidens enim hoc sentit, quoniam accidit albo hoc, quod sentit, quapropter nihil patitur secundum quod huiusmodi est à sensibili.* Secundo probatur, quia si proprium sensibile per illam extensionem (quam propriam vocant) sentiri potest sine vlla extensione quantitativa, quam accipiat à vera quantitate, euidenter sequitur albedinem, & quoduis aliud sensibile proprium per suam intrinsecam extensionem modificatam sentiri, & non modificatam per quantitatem. Et ex consequenti naturaliter posse sentiri etiam separatam à quantitate. Et ex hoc sequitur albedinem corporis Christi, ut in Eucharistia existentis naturaliter videri posse, & consequenter Christum ibi existentem contra communem sententiam Scholasticorum. Probatur consequentia: nam albedo est sensibile proprium. Et habet extensionem sibi propriam, & ratione.

eiusdem extensionis est sensibile commune, quamvis nullam ibi accipiat extensionem localem à quantitate, quod non tollit ab ea rationem proprii, neque communis sensibilis, quia talis extensio localis obiecti non requiritur apud recentiores istos ad sensationem; ergo nec tollit, quin sentiri possit naturaliter. Probatur consequentia, quia etiam si separaretur à quantitate, posset videri naturaliter, ut fatentur: cum tamen nullam haberet extensionem localem; ergo etiam si eam non habeat in Eucharistia: naturaliter sentiri poterit.

Argumentum hoc solum posset effugere, qui negaret Christum in Eucharistia habere propria accidentia, quæ habet in cælo, & quæ naturaliter convenit corpori eius, quantitatem videlicet, & qualitates, ut asseruit Durand. in 4. distinct. 10. quæst. 2. Sed ex hoc multa sequuntur incommoda, ut probavit Pater Suarius in 3. part. D. Thom. tom. 3. disput. 51. sect. 2. Propterea hæc sententia recentiorum tribuens accidentibus proprias extensiones distinctas ab extensione quantitatis falsa censenda est, & quæ vocabulo extensionis abutitur. Non enim consistit vera, ac propria extensio in eo, quod est habere partem extra partem secundum entitatem: sed secundum modum, quo res coextendi potest spatio, illudque replere, aut occupare; ita ut quælibet pars petat coextendi distinctæ parti spatij, eamque occupare, & aliam excludere ab ea, quod est esse cum quacunque alia impenetrabilem. Quam extensionem patet non habere vllas partes entitativas ex se: sed solas partes quantitatis prædicamentalis, à quibus eam recipiunt partes integrantes substantiæ, & aliorum accidentium, & sine illa non tam extensæ dicuntur, quam entitativæ distinctæ, & aptæ, ut per quantitatem extendantur, quare abusus vocabuli extensionis est, nimisque impropria locutio quacunque multitudinem partium entitativarum extensionem vocare. Hæc igitur extensio quantitativa, quæ sola vera est, & propria, necessaria conditio est cuilibet agenti corporeo ad agendum in extrinsecum, vel illud immutandum: & cum sensibilia communia per se sint immutativa sensuum nec debet, nec potest vlla alia extensio præter hanc commune sensibile vocari, & hæc de priori parte quæstionis.

*Posterior quæstionis pars.*

**H**is de significatione, & numero sensibilibus communium ita expositis discutiendum restat, quonam modo immutent sensum, vel ab eo percipiantur, videlicet per speciem, aut sine illa, & si per speciem, an per distinctam à specie, per quam immutat, atque percipitur sensibile proprium, vel per eandem.

Et prima opinio asserit aut sine vlla specie percipi à sensu, vel omnino per speciem proprij sensibilis ab hoc solo impressam, & nullo modo ab eisdem communibus sensibilibus. Ita <sup>134</sup> Ferrar. 2. lib. de anima, quæst. 11. Caiet. & Palacius ibid. cap. 6. Fonseca 2. lib. Metaphys. cap. 2. quæst. 2. sectione 5. Sed hæc sententia falsa est, quantum ad vtrumque. Et quantum ad primum quidem probo esse falsum testimonio Aristotelis, & ratione, Aristoteles enim ad finem 6. capitis definiens sensibile per accidens asserit nihil pati ab eo sensum, neque aliquid in sensum agere: sed ex eo solum percipi, quia accidit sensibili per se. Ex quo ita arguo, sensibile commune est sensibile per se; ergo per se immutat sensum, & non per accidens, & sensus per se ab eo patitur: sed non immutatur sensus à sensibili, neque hoc agit in sensum, nisi per impressionem speciei; ergo contra sensum Aristotelis est dicere, quod sensibile commune sentiat sine vlla specie. Quod verò sit contra rationem sic probo. Perfectiorem rationem sensibilis habet proprium, quam commune: sed proprium non potest percipi à sensu, nisi ei uniatur per suam speciem, qua media concurrat cum eo ad sensationem; ergo multò minùs poterit percipi sensibile commune à sensu, nisi ei uniatur, ut sic possit esse cum principio sensationis; sed constat non posse per se, hoc est, sine specie uniri, quia nec potest proprium, licet sit perfectius: ergo impossibile est, quod sentiat, & non per vllam speciem. Quod verò non possit percipi per speciem omninò alienam, quam ipsum nullo modo producat, videlicet per speciem sensibilis proprij, sic probo. Non potest obiectum uniri potentia per speciem, nisi <sup>135</sup> ab ea repræsentetur: sed non potest secundum communem ordinem rerum species sensibilis repræsentare obiectum, à quo non procedat aliquo modo; ergo nec est possibile, quod commune sensibile uniatur potentia per speciem proprij nullo modo procedentem ab eo, ut asserit eadem sententia.

Secunda opinio per extremum opponitur præcedenti, asserens sensibile proprium imprimere sensui propriam speciem se repræsentantem, atque distinctam à specie proprij sensibilis, & per illam percipi. Ita Scotus in 4. dist. 12. quæst. 3. Gandau. 2. lib. de anima, quæst. 17. Ægidius in eodem lib. ad textum 65. dub. 2. & Iandun. quæst. 18. Probatur primò, quia sensibile proprium, & commune per se mouent sensum; ergo imprimunt ei propriam speciem, non vnā, & eandem; ergo distinctas, quare percipietur commune per speciem propriam, sicut percipitur proprium. Probatur minor, quia sensibile proprium, & commune non solum specie: sed genere differunt, ut albedo, & quantitas; ergo non possunt repræsentari per eandem speciem, quia

rerum adeò diuersarum non potest dari eadem imago; necesse est ergo per diuersas representari sensui. Secundò, quia cōtingit sensibile proprium videri per propriam speciem, & variari commune, cum quo simul videbatur, vt si videatur album sub figura triangulari, & hæc fiat postea quadrangularis: tunc ergo inquiri, an mutata sit species, per quam videbatur prius idem album, vel non: si mutata esse dixeris in alteram: cum solum sit mutatum commune sensibile, sequitur propriam speciem imprimere, & illam esse corruptam: nam cum ex parte proprii nihil sit mutatum, nec potest noua eius species esse producta: sed per antiquam permanentem, atque immutatam videri, si verò eadem perseuerat species proprii variato communi, sequitur hoc nihil imprimere sensui, & ideò vel omninò sine specie videri, aut per speciem proprii, quam nullo modo producit, quod esset incidere in præcedentem opinionem refutata. Probarur tandem, quia sensibile commune percipitur à sensu sine proprio: ergo per distinctam speciem, quia omninò sine specie percipi repugnat. Probatur antecedens in eo, qui manu tangeret cælum, quod sine sensatione tactus non posset fieri: sed cælum nullum habet sensibile proprium pertinens ad sensum tactus, quia caret omni qualitate tangibili ratione suæ incorruptibilitatis: ergo solum sentiretur magnitudo eius, quæ est commune sensibile, & consequenter commune sine proprio, quod videtur etiam contingere, dum à longè videtur turris nullo in ea viso colore: sed solum magnitudine.

Tertia opinio quasi media est inter primam, & secundam, asseritque *sensibile proprium per speciem videri, quam aliquo modo producti contra primam, non tamen per distinctam à specie sensibilis proprii, sed per eandem à se modificatam contra secundam*, & hæc est ferè communis, & vera, quam tenet D. Thom. 2. lib. de anima lect. 13. 1. part. quæst. 17. artic. 2. & quæst. 78. art. 3. ad 2. & ibidem Bañez, Philop. Tienenfis, & Paulus Venetus, cap. 11. huius libri, Toletus quæst. 14. Ferrar. cap. 6. & omnes ferè recentiores. Quam in primis oportet explicare, & deinde probare. Explicatur autem hoc modo, sensibilia propria non percipiuntur à sensibus separata à subiectis sensibilibus: sed in eis, non enim videtur albedo abstracta: sed in concreto: in concreto verò naturaliter, & necessariò sunt coniuncta cum sensibilibus communibus, & ab eis determinantur ad talem modum essendi, & cum ex determinabili, ac determinante fiat aliquid vnum, sequitur quod sensibile proprium, & commune ex natura rei percipiuntur à sensu per modum vnius obiecti; sed eo modo, quo percipiuntur, inmutant sensum; etgò per modum vnius cum inmutantur, & inmutatio sit per productionem speciei

speciei; ergo per modum vnius imprimunt ei speciem, & consequenter vnam speciem representantem vtriusque sub ratione vnius, & non plures: nam si plures imprimebant, vt plura ac distincta immutarent, & non vt vnum. Per modum autem vnius coniungi dicimus ad immutandum sensum, & producendam in eo speciem propriam, & commune sensibile, non quidem per accidens: sed per modum vnius per se, quia in ordine sensibili per se modificatur, ac determinatur proprium per commune, licet in ratione entis non constituent, nisi vnum per accidens. Quod hoc exemplo fiet manifestum, visus non videt albedinem separatam à subiecto: sed in eo existentem, in quo talis, aut tanta extensio reperitur, talis etiam figura videtur etiam cum motu, vel in eodem loco consistens, hæc autem sunt communia sensibilia, quibus per se coniuncta, atque modificata percipiuntur propria naturaliter; & ideo per modum vnius per se, atque per vnam speciem per se modificatam. Vnde fit speciem, per quam percipitur sensibile proprium, duo habere, videlicet entitatem, & modum, & ratione entitatis representat proprium sensibile: ratione verò modi representat commune; & ideo vtrumque concurret ad productionem eius per modum vnius, & singulis correspondet species ipsa secundum eam rationem, qua concurret ad productionem eius, proprio quidem correspondet secundum entitatem, comuni verò secundum determinationem, & modum. Et eodem modo correspondet eis sensatio ipsa, cuius simul cū potētia principiū sunt.

Ad probandam verò hanc sententiam sic explicatam præsupponendum est, quod licet vtrumque sensibile tam proprium, quam commune sit sensibile per se, proprium tamen per se primo, & ideo tanquam primarium obiectum sensus; commune verò eius ratione, hoc est, tanquam aliquid eius, vt tanquam extensio, figura, aut motus eius. Et ideo tanquam determinatiuum, vel modificatiuum, nam quantitas, vel figura non possunt per visum percipi, nisi ratione coloris, vel lucis: sensibile igitur commune, quasi per se secundo percipitur. Hoc igitur supposito sic arguo; sensibilia communia non sunt obiecta primaria sensuum, & consequenter nec separata à propriis suis immutatiua eorum, sed vt aliquid eorum sunt, naturaliter eis coniuncta immutant; ergo non possunt imprimere speciem sui in sensu, nisi præsupposita immutatione proprii, sed nec propria possunt immutare nisi determinata, & quasi modificata à communibus, quia agens debet esse determinatum in singulari existenti. Vnde sequitur neutrum posse immutare sensum, nec producere in eo speciem saltem naturaliter, nisi vt vnitum alteri, quare per modum vnius principij immutare possunt, & non alio

alio modo, & proinde per vnam tantum actionem, sed ab vno principio per vnam tantum actionem non potest procedere nisi vnus effectus; ergo nec possunt plures, ac distinctas species imprimere, sed vnicam secundum diuersas rationes vtrisque correspondentes modo iam exposto.

141 Secundò probatur, quia nec sunt necessariae plures species, sed per vnam percipi possunt: cum percipiantur per modum vnus sensibilis determinati. Nec si intelligibilis modus; quo vniri possint tanquam principium vnus, eiusdemque sensationis: si plures, ac distinctae ab vtroque producantur.

142 Ad primum argumentum secundae opinionis concessa maiori, neganda est minor, quod sensibile commune, & proprium non producant vnam, & eandem speciem. Et cum dicitur esse diuersa, non solum specie, sed genere distinguendum est, & in esse rei concedendum, sed in esse sensibilis negandum. Hoc enim modo sumpta per se communicant in eadem ratione obiectiua immutandi eandem potentiam sensitivam, à qua vtrumque percipitur sub ratione vnus, atque eiusdem obiecti, quia commune est quasi modus proprii, & determinatiuum eius, cum quo constituit vnū per se immutatiuum potentiae, ac productiuum vnus, atque eiusdem speciei, à qua sub tali ratione, & conuenientia potest vtrumque representari.

Illud verò, quod in secundo argumento quaeritur, an variato sensibili communi, & permanente inuariato proprio, pereat species, à qua representabatur vtrumque. Distinguendum est, nam secundum entitatem, non perit, sed integra perseverat, quia secundum eam non procedebat nec tribuebatur communi sensibili, sed proprio; perit verò secundum modum, ratione cuius tribuebatur, & procedebat à sensibili communi, illudque representabat.

143 Et quod pro incommodo infetti potest ex hac solutione, videlicet infinitos modos speciei perire posse, & alios infinitos de nouo produci, concedendum est, quia sicut sensibile proprium, quod mouetur, acquirit, & amittit infinitas praesentias locales, atque etiam infinitas partes motus, non mirum est, si pro earum acquisitione, ac deperditione infinitos modos eas representandi acquirat, ac deperdat species, nec debet reputari incommodum, cum tam praesentias, quam modos, quibus representantur sint entia incompleta.

144 Circa solutionem vltimi argumenti, Caietanus cap. 6. huius libri, concedit sensibile commune posse percipi à sensu sine proprio. Nihilominus ex doctrina à nobis nuper tradita probatur efficaciter hanc sententiam esse falsam, quia repugnat secundarium obiectum percipi à potentia, sine primario, sed sensibile



sensibile proprium est primum obiectum sensus; commune verò non nisi secundarium tanquam aliquid eius : ergo non potest sine illo percipi. Secundò, commune sensibile solum pertinet ad sensum, in quantum determinat, ac modificat proprium; & idè nec species ratione suæ entitatis ipsum repræsentat, sed ratione modi, per quam determinatur, sed modus non est vlllo modo separabilis à re, quam modificat; ergo nec potest species representare commune, sensibile separatum à proprio, & consequenter sine illo nequit à potentia percipi.

Ad argumentum igitur, præsupposito quod cælum nullam habeat qualitatem tangibilem, ( quod valdè probabile est ) negamus, quod posset per tactum sentiri quantitas eius, quemadmodum, nec posset videri, nisi haberet lucem, manus verò illum tangens impediretur, ne posset ulterius progredi à quantitate eiusdem cæli ratione suæ impenetrabilitatis, propter quam non admittit naturaliter aliam in eodem loco, & tunc si manus ipsa tangens cælum conaretur progredi, causaretur compressio aliqua in brachio, & ratione compressionis dolor siue aliqua impressione qualitatis à cælo, vel sine distemperie, quia sola compressio partium, sicut sola diuisio sufficiens causa doloris est, nullam igitur sensationem tactus causaret cælum, vel quantitatis eius, quare nec probatur hoc exemplo, quod commune sensibile possit sine proprio percipi à sensu.

---

Q V Æ S T I O XII.

*An sensibile proprium indiuisibili modo existens possit per sensum percipi saltem per potentiam Dei absolutam.*

**A**sseruimus quæstione præcedente nullum sensibile proprium percipi posse sine extensione aliqua quantitativa, aut sine locali præsentia, quæ communia sensibilia sunt. Quærimus modo, an ita sit necessaria extensio hæc communis sensibilis ad percipienda propria, ut si per miraculum ea caruerint, & indiuisibilem modum habuerint, possint percipi à sensu naturaliter, vel saltem per potentiam Dei absolutam, possumusque exemplum designare in corpore Christi existentis in Eucharistia, & nullam habentis extensionem localem, sed modum potius indiuisibilem, & ita totum in tota hostia contineri, atque etiam in qualibet parte totum, an videlicet sub eo modo indiuisibili possit oculis corporeis videri color eius, atque etiam quantitatis, & consequenter Christus ipse, sicut modo videtur à nobis Petrus.

Et prima opinio affirmat proprium sensibile nullam habens magnitudinem, aut extensionem quantitativam, vel locativam præsentiam, sed modum indiuisibilem, non solum naturaliter  
videri

videri posse, sed de facto videri, nisi impediatur visio eius, & ideo corpus Christi, ut in Eucharistia existens ratione proprii coloris quantumlibet modum indiuisibilem habentis videri posse naturaliter: & nisi propter meritum fidei per miraculum occultaretur, de facto videretur ab omnibus intuentibus hostiâ consecratam. Ita Ocham in 4. dist. 10. q. 5. art. 2. Maior. qu. 5. & probabilem censet Gabriel. lect. 45. in can. Missæ lit. P. Probat Ocham, quia corpus Christi ratione sui coloris est visibile, & licet non habeat præsentiam circumscriptiuam, est tamen præsens speciebus sacramentalibus; ergo habet virtutem imprimendi speciem sui in oculo, sicut potest alias actiones exercere circa medium, vel aliud extrinsecum corpus; nihil ergo obstare potest: quin naturaliter videatur, nisi aliquod extrinsecum impedimentum.

146 Hæc tamen sententia tanquam singularis, & falsa reiicienda est; nam ceteri omnes Scholastici, quos statim citabimus, in eo conveniunt, quod corpus Christi ut indiuisibiliter existens sub speciebus sacramentalibus non sit naturaliter visibile, vel sensibile per quemvis alium sensum. Quod verò sit falsa probant omnes, quia ut videatur Christus, ut ibi existens, immutare debet visum imprimendo ei speciem, & diuisibilem quidem, quia in subiecto diuisibili, nempe in oculo produci, atque inhaerere debet, sed secundum modum indiuisibilem, quem habet, non potest producere effectum diuisibilem: ergo nec potest immutare sensum, nec ab eo percipi. Secundò, quia corpus Christi, ut sic existens modo inextenso non respicit villo modo extrinseca corpora, circa quæ possit agere, vel à quibus possit pati: vnde nec percuti potest, vel lædi ab aliquo extrinseco, neque extrinsecum ledere, vel quoquo modo in ipsum agere, quia agere, & pati approximationem corporum tanquam conditionem necessariam postulat: ergo nec potest imprimere speciem sui sensui: ut ab eo percipiatur, nec sensum ipsum aliquo modo respicere, ut corpoream eius, atque extentam actionem terminet: quia impressio speciei realis actio vnius corporis in alterum est, quamvis intentionalis.

Propterea secunda opinio negat naturaliter videri posse proprium sensibile sub modo indiuisibili existens, nec proinde corpus Christi, ut est in Eucharistia, bene tamen per potentiam Dei absolutam. Ita videtur sentire D. Thom. in 4. dist. 10. quæst. vnica. art. 4. quæst. 1. præsertim ad 2. vbi loquens de oculo glorificati corporis, ait non implicare contradictionem & 1. part. quæst. 76. art. 7. ad 2. affirmat oculum Christi existentis in Eucharistia videre se ipsum, quamvis non videat modum, quem in ea habet. Ita etiam Alexand. Alens. 4. part. q.

10. memb. 7. artic. 3. §. 8. vericulo, *Consequenter queritur*, addens 148  
pium esse credere Beatam Virginem oculis suis vidisse Christum prout in Eucharistia existentem, quod speciali privilegio ei fuit concessum, atque etiam Scotus in 4. distinct. 10. quest. 1. artic. 7. & habetur in Summa Victorie, Eucharistia num. 61. Et pro eadem sententia citantur Bonau. & Vualdens. sed immerito, quia non id asserunt. Citatur tandem Scotus, qui oppositam potius sententiam quodammodo tenet, vt statim ostendimus; Eam tamen sequuntur nonnulli ex recentioribus.

Et quantum ad priorem eius partem, quod non possit videri naturaliter, efficaciter probata est duobus illis argumentis, quibus præcedentem impugnauimus. Solùm igitur restat probanda quantum ad posteriorem, quod per potentiam Dei absolutam non repugnet.

Quod probant primo hoc discursu: color existens in corpore Christi est sensibile proprium, & eiusdem rationis, & nature cum colore aliorum corporum; ergo est per se visibile, & accommodatum visui, vt videri ab eo possit. Solùm potest ob- 149  
stare, vt videatur defectus sensibilis communis, nempe extensionis localis, aut præsentie quantitatiue, quam in Sacramento non habet, aut modus indiuisibilis, quem loco eius habet, sed hæc non obstant, quin videri possit: ergo non repugnat videri.

Minorem probant, de defectu localis præsentie; quia præsentia localis est ratio formalis vbiuationis, vel ipsi inuenit vbi, quod acquirunt corpora per motum localem, sed eiusmodi vbi non est obiectum sensus, sed solùm potest percipi ab intellectu: tum quia importat respectum ad spatium, quem non potest sensus percipere, tum etiam, quia non est certum, quod sit aliquid intrinsecum in ipso mobili, quod idem per sensum possit percipi, sed plures asserunt esse solam denominationem extrinsecam, quam habet corpus à loco sive circumscribente, si autem esset commune sensibile certissimum foret, ergo non est necessaria talis præsentia, vt videatur, sed sine illa videri poterit ratione specierum, quibus præsens est: & si moueatur ad motum illarum, poterit etiam videri, vt in naui mota constat, cuius motum ab aliquo cubiculo non percipimus, nisi per aquam & corpus aliud interiectum.

Quod verò modus indiuisibilis, quem Christus habet in Eu- 150  
charistia non obstat, vt videatur, dupliciter probant: primo, quia indiuisibilitas non est modus positius, sed sola negatio extensionis, negatio verò non est perceptibilis per sensum: ergo vt sentiatur obiectum indiuisibili modo existens, non est necessarium, quod indiuisibilitas ipsa sentiatur. Probat antecedens, quia rem indiuisibiliter existere, hoc est, totam in

tam in toto, & totam in qualibet parte, bene potest per solam negationem extensionis intelligi: ergo non est ponendus modus positivus, cum non sint positivæ entitates multiplicandæ, sine urgente necessitate. Et esto concedatur modum indivisibilitatis, quem Christus habet in Eucharistia esse positivum, non sequitur, quod sit imperceptibilis per sensum, quia non esset supernaturalis secundum substantiam, vel entitatem: cum reperiatur in substantia naturali, sed solum ex parte efficientis aut ex modo, quo efficitur, sicut visus restitutus ex eo naturalis est secundum substantiam, & ideò naturaliter videri potest etiam si ex modo, quo restituitur ab efficiente sit supernaturalis. Imò etiam si talis modus indivisibilis supernaturalis esset, videri posset, quia si daretur color supernaturalis absque dubio foret sensibile proprium, non minus quàm naturalis: ergo posset per sensum percipi, & consequenter poterit videri præsentia indivisibilis, etiam si concedatur supernaturalis secundum entitatem. Et consequenter Christus ipse, ut eam habet. Secundo probant, quia licet sensibile commune non possit villo modo percipi à sensu sine proprio, non tamen repugnat percipi proprium sine communi: ergo nec repugnabit percipi sub modo indivisibili. Probatur antecedens, quia commune sensibile non est ratio sentiendi proprium: ergo proprium non dependet à communi, quantum ad sui sensationem dependentia essentiali, quemadmodum nec à subiecto, sed solum dependet secundum modum naturalem, quia naturalis modus essendi eius est inherere in subiecto media quantitate: ergo sicut non repugnat, quod separaretur color à subiecto, atque etiam à quantitate, figura, & aliis communibus sensibilibus: non repugnabit, quod separatus ab eis videatur, separatus vero ab eis haberet modum indivisibilem: ergo sub tali modo potest percipi à sensu, quamvis non naturaliter: bene tamen per potentiam Dei absolutam. Cuius exemplum sumere possumus in accidentibus Eucharistiæ, quæ sicut separavit Deus à substantia panis, posset separare etiam inter se, ita ut quantitas sola existeret separata ab omnibus qualitatibus, & quælibet harum separata ab aliis: cum sit certum distingui realiter à quantitate, & inter sese. Tunc ergo posset sentiiri color per visum, quia nulla apparet implicatio contradictionis, & tamen haberet modum indivisibilem: cum esset separatus à quantitate.

Probatur tandem, quia color per se primò est visibilis: ergo ut videatur, non dependet per se à modo divisibili, vel indivisibili, cum quolibet ergo videri, aut sine utroque non dicit intrinsecam repugnantiam, quare poterit cum modo indivisibili videri per potentiam Dei absolutam. Probatur prior

confe

consequentiæ: quia visibilitas coloris non dependet ab his modis: cum sit ei intrinseca. Et vrgeri potest argum. hoc modo, duo solum requiruntur per se, & sufficiunt ad sensationem, videlicet potentia, & obiectum ei unitum per se, vel per suam similitudinem, sed non implicat contradictionem, quod Deus imprimat speciem visui talis coloris indiuisibiliter existentis: cum sit per se representabilis per speciem: ergo nec potest implicare contradictionem, quod ut sic existens videatur. 153

Tertia opinio negat omnino, quod proprium sensibile sub modo indiuisibili existens videri possit, non solum naturaliter, sed per potentiam Dei absolutam, & ideo affirmat implicare contradictionem, quod Christus prout in Eucharistia existens videatur, aut sentiat alio sensu. Ita Ricar. in 4. dist. 10. arti. 5. q. 2. Palu. & Capr. q. ult. Hisp. q. 1. artic. 3. ad 6. contra quintam conclusionem, Suar. in 3. p. D. Tho. 10. 3. disp. 53. section. 4. fundamenta huius sententiæ mox proferenda sunt.

Vltima opinio videtur media inter secundam, & tertiam, quia visionem sensibilis proprii sub modo indiuisibili existentis, aut corporis Christi in Eucharistia, duobus modis sumi posse docet; primò quidem secundum considerationem absolutam: secundò cum reduplicatione, ut sub tali modo indiuisibili existentis; & ut modo priori videatur, necessarium non est videri talem modum indiuisibilem, & ideo per potentiam Dei absolutam videri potest: sed modo posteriori implicat contradictionem videri, quia modus indiuisibilis, non est visibilis: nec proinde proprium sensibile, ut sub eo existens. Ita expressè Scot. in 4. d. 10. q. 9. §. *Ad questionem dico.* Probat primum: quia visio est forma absoluta potentiæ visuæ; ergo fieri potest sine ullo respectu ad modum præsentialitatis obiecti diuisibilem, vel indiuisibilem: quare non repugnat videri proprium sensibile, vel corpus Christi in Eucharistia, etiam si non habeat diuisibilem præsentiam, atque etiam si non videatur modus indiuisibilis, quem habet, sed ita ut corpus ipsi videatur neutro horum modorum viso. 154

Probat verò secundum, quia si videatur proprium sensibile, ut sub modo indiuisibili existens, sequeretur, quod prout est tali modo, causaret primò in potentia visionem sui: & etiam eam primò terminaret, sed hoc implicat contradictionem: quia causare primò visionem sui, & eam primò terminare requirit necessario in obiecto primo causante, & primò terminante debitam dispositionem, hoc est, debitam approximationem, & debitam distantiam à potentia, sed tale sensibile prout sic existens, vel corpus Christi, prout est in Eucharistia, nec potest debito modo ab ea distare, quia ut habens talem modum essendi non 155

est in loco, & ideo nec potest esse approximatum, vel distans ab alio corpore: ergo si sub tali modo essendi reduplicatiue accipiat, non est vlllo modo visibile, aut sensu perceptibile.

Nostra sententia duabus continetur assertionibus. Prior est, neque proprium aliquod sensibile, prout habet modum indiuisibilem, aut inextensum, neque corpus Christi, prout est in Eucharistia, vlllo modo videri potest per sensum etiam de potentia Dei absoluta. Sensus huius assertionis est implicare contradictionem, quod videatur modus indiuisibilis corporis Christi, aut cuiuslibet alterius corporis eum habens, & ideo implicare contradictionem, quod videatur, vt sub tali modo indiuisibili existens. Hæc est contra secundam opinionem, & eam tenent omnes auctores citati pro tertia, atque etiam Scotus verbis expressis. Est etiam expressa apud D. Thom. 3. p. q. 76. art. 7. in corpore vbi ita ait: *Et ideo proprie loquendo corpus Christi secundum modum essendi, quem habet in hoc Sacramento, neque sensu, neque imaginatione perceptibile est, sed solo intellectu, qui dicitur oculis spiritualis.* Et in solutione ad secundum, *Oculus corporalis Christi videt seipsum sub Sacramento existentem, non tamen potest videre ipsum modum essendi, quo est sub Sacramento, quod pertinet ad solum intellectum.*

Et probatur efficaci ratione hoc modo: non potest videri sensibile secundum modum indiuisibilem, nisi viso modo ipso indiuisibili, quem habet, neque Christus prout est in Eucharistia, nisi viso modo, quem ibi habet; sed talis modus indiuisibilis non est vlllo modo sensibilis: ergo neque Christus in quantum illum habet vlllo modo sentiri potest. Maior expressa est in verbis D. Tho. citatis, & etiam est per se euidens; quia euidens est non posse videri corpus, vt album, nisi visa albedine, & etiam est euidens non posse videri corpus, vt habens figuram, nisi visa figura; ergo euidens est non posse videri sensibile proprium secundum modum indiuisibilem, neque Christum, vt habentem talem modum indiuisibilem in Eucharistia, nisi viso modo indiuisibili. Minore vero, nempe contradictionem implicare, quod videatur talis modus indiuisibilis; probo hoc discursu. Sensibile diuisum est ab Arist. c. 6. huius libri ad æquā diuisione, in sensibile proprium, commune, & per accidens, sed modus essendi indiuisibiliter nullum horum est; ergo non pertinet ad sensum, nec vlllo modo sentiri potest. Euidens est consequentia, quia nulla potentia potest versari circa illud, quod est extra rationem sui obiecti; ergo sensus versari non potest circa id, quod non est vlllo modo sensibile. Sed probatur minor de sensu visus in speciali, cuius propriū obiectū solum est color, & lux, sed modus indiuisibiliter essendi non est color, neque lux; ergo non est propriū sensibile visus. Quare aperte falsū est, quod asserit secunda opinio,

*Tract. de obiectis, atque speciebus sensibilib. Qu. XII. 371*  
 nio, videlicet modū essendi indiuisibiliter ( etiā si positius cō-  
 cedatur) non esse supernaturalem secundum entitatem, sed na-  
 turalem, & solū ex modo, quo producitur ab efficiēte super-  
 naturalem, vt oculus restitutus cæco, quod apertè falsum voco,  
 quia si esset naturalis secundū entitatem, cōnaturalis foret co- 158  
 lori, sicut visus restitutus cæco, sed non est ei cōnaturalis, quin  
 potius opponitur modo eius cōnaturalis; nam cū dolore ex pro-  
 pria essentia, & natura sit accidēs corporeum aptum inherere  
 subiecto media quantitate: sua natura postulat modum essendi  
 diuisibiliter: ergo non potest esse cōnaturalis; quare ne-  
 cesse est esse supernaturalem secundum substantiam. Et ex hoc  
 etiam efficaciter colligitur non esse vllō modo sensibilem, nec  
 videri posse. Quod enim excogitari posset visibilem fore colo-  
 rem supernaturalem, cui modus iste cōnaturalis esse posset,  
 fundamento caret, quia sicut communis ferè omnium senten-  
 tia tenet, non posse vlla ratione dari supernaturalem substan-  
 tiam creatam, quia ex propria essentia est ordinis naturalis,  
 eodem modo non potest dari corporeum accidens supernatu-  
 rale secundum substantiam, vel entitatem: quia ex intrinseca  
 sua ratione naturale est accidens, sicut nec dabilis est quantitas  
 supernaturalis: quia media inherere aptū esset, si daretur. Hinc  
 ergo cōstat talem modum indiuisibiliter essendi non esse pro-  
 prium sensibile visus. Quod verò non sit commune, euiden-  
 tius est, cum nullum sit ex quinque enumeratis ab Aristotele,  
 capir. 6. ad quæ reducuntur omnia. De sensibili verò per acci-  
 dens non est minùs euidens, quia sensibile per accidens, vt lo-  
 cis citatis docuerunt Aristoteles, & D. Thom. & docent om-  
 nes, comparatur ad commune, & proprium tanquam subie-  
 ctum eorum, cuius formæ sunt, & ideò perceptis per se for-  
 mis dicitur per accidens percipi subiectum, licet nullam ha-  
 beat rationem sensibilis ex propria natura, sed constat hunc  
 modum non posse sic comparari ad sensibilia propria, & com-  
 munia; ergo nec potest esse sensibile per accidens. Quod verò  
 dicitur ab his, qui defendunt secundam opinionem, videlicet  
 modum indiuisibiliter existendi non esse entitatem positiuam,  
 sed solam negationem extensionis, & ideò non esse sensibilem,  
 quia negationes non sentiuntur; quare vt videatur proprium  
 sensibile secundum talem modum, vel Christus in Eucharistia,  
 vt ibi existens non esse necessarium videri modum. In primis  
 est falsum, quia modus iste indiuisibilis ( vt docuit D. Tho. lo-  
 co citato ) similis est modo essendi substantiæ sua natura indi-  
 uisibili, ac positiuo iuxta omnium sententiam, quia magna  
 perfectio substantiæ est: ergo positius esse debet modus in- 160  
 diuisibilis communicatus sensibili proprio, vel corpori Chri-

bilis, quemadmodum nec potest representari modo diuisibili, quin representetur modus ipse extensus, ac diuisibilis; & ideo nec videri per eam sic representantem, quin videatur modus indiuisibilis, de quo probauimus iam non esse villo modo visibilem. Et eadem ratione probatur non posse representari modo diuisibili; quia nec talem modum habet obiectum representatum: sed oppositum, nec posset videri, nisi viso modo diuisibili, si diuisibiliter representaretur. Secundò probatur argumentum Theologico, quia corpus Christi, vt in Eucharistia existens, est organicum, & vt organicum continetur sub specie panis per se, hoc est, ex vi verborum; ergo non potest videri, nisi organicum videatur: sed non potest videri corpus organicum, nisi videatur figura eius, quæ est cõmune sensibile, ergo repugnat videri sine sensibili communi. Minorem probo, quia corpus organicum dicit corpus heterogeneum habens partes organicas diuersæ rationis, sed partes organice diuersæ rationis sunt diuersæ figuræ: ergo non potest videri organicum corpus, nisi visa figura. Probatur tertio, quia organum sensus, imò & sensus ipse habet esse extensum, ac diuisibile; ergo nõ potest capax speciei indiuisibilis: siue ergo recipiat speciem sibi ab obiecto impressam, vel immediatè adeò diuisibilis debet esse, atque extensa, imò, & modo diuisibili representare, ita vt quælibet pars determinata eius representet partem obiecti determinatam, vt superius probauimus, & non aliam, neque totum obiectum, sed modus iste representandi est diuisibilis: ergo implicat contradictionem representare obiectum, nisi sub modo diuisibili existens, quia inter speciem representantem, & obiectum representatum intrinseca proportio requiritur, non solum in esse rei, sed in esse sensibilis representati: quare obiectum sensibile sub modo indiuisibili non est representabile per speciem sensibilem villo modo, nec sentiri potest per eam.

Probatur tandè, quod non possit videri sine specie suppletæ Deo concursum speciei: quia visio est forma diuisibilis inherens subiecto diuisibili, nempe visui. & per eam producit omninò necessariò species expressa diuisibilis, non solum in modo essendi, sed in modo representandi: ergo concursus, quo Deus suppleret vicem speciei impressæ, diuisibilis esse deberet eisdem modis, cum sit eadem ipsa visio, vt à Deo proueniens: quare non posset per eam videri obiectum, nisi modum diuisibilem habens, sicut probatum est non posse videri per speciem à se impressam.

Ad argumentum igitur Ochami concedendum est antecedens, quod corpus Christi secundum se sit visibile per suum colorem, ceterum vt videatur postulat pro conditione intrinseca mo-



Item dependentiam à communi, ut sentiatur, distinguendum <sup>166</sup> est: nam tanquam à ratione suæ sensibilitatis non dependet, bene tamen tanquam à conditione intrinseca, quæ dependentia ad essentialem reduci potest, quare non potest ullo modo suppleri. Et tandem assero, quod licet non probetur evidenter implicare contradictionem, quod proprium sensibile videatur sine communi, ut Christus in Eucharistia, probatur tamen efficaciter intra latitudinem probabilitatis; ita ut non bene possit argumentis satis fieri, nisi negando aliqua ab omnibus ferè in schola recepta, atque etiam alia valde proxima principiis veræ philosophiæ, aut Metaphysicæ, ut facile potest constare ex discussu totius questionis. Et hoc satis est, ut teneamus implicare contradictionem, in quo nulla fit iniuria divinæ omnipotentiæ.

Quod verò attinet ad D. Thom. satis expressa est eius sententia in ultimo loco, in quo diuerso modo loquitur ac in aliis, in quibus sub dubio id reliquisse videtur, quod videatur corpus Christi in Eucharistia. Re tamen melius considerata in <sup>167</sup> Summa firmiter asseruit non posse ullo modo videri, & huic testimonio tanquam extremæ eius sententiæ standum est. Quod verò in solutione ad secundum asseruit oculum Christi videre se ipsum in Eucharistia existentem, ex duobus aliis, quæ in eadem solutione addit, facile explicatur; primum est, quod neque oculus Christi videat modum, quem habet in Eucharistia, qui nullo modo visibilis est. Postremum, quod non est eadem ratio de alio oculo glorioso, ac de oculo Christi; nam alter oculus non est in Eucharistia sicut oculus Christi. Ex primo enim evidenter sequitur sentire D. Tho. quod neque oculus Christi videt se secundum modum, quem habet in Eucharistia, quia repugnat videre se, ut ibi existentem: si non videatur modus, quo ibi existit. Quo supposito ex secundo intelligitur, quem sensum te- <sup>168</sup> nuerit, dum asseruit oculum Christi in Eucharistia existentem videre seipsum, videlicet ratione identitatis numericæ eiusdem Christi; & eiusdem eius oculi in cælo, & in Eucharistia existentis. Ratione cuius verum simpliciter est quod oculus Christi videt seipsum in Eucharistia existentem: cum videat seipsum extra Eucharistiam, non enim requiritur ad veritatem huius: *Oculus Christi videt seipsum in Eucharistia existentem*, quod ut in Eucharistia existens habeat visionem suam sed sufficit, quod alicubi eam habeat: nam cum idem numero sit oculus eius extra, & intra Eucharistiam existens, sufficit utcumque, & ubicumque se videre, ut dicatur se videre in Eucharistia existentem. Quemadmodum sola identitas numerica eiusdem oculi sufficit, ut verum sit affirmare de eo, Oculum Christi in cælo existens habet modum indivisibilem, nec requiritur, ut eum habeat secun-

dum modum, quem habet in cœlo. Et possumus exemplum asserre in corpore existente simul Compluti, & Romæ per potentiam Dei absolutâ, quod sufficeret Romæ calefieri ab igne, licet non caleficeret Compluti, ut verum foret de eo affirmare, *Petrus existens Compluti calefit ab igne*, ut autem significaret D. Thom. hunc se tenere sensum, adiecit hæc verba. *Nec tamen est simile de alio oculo glorioso: quia etiam oculus Christi est sub Sacramento, in quo non confirmatur ei alius oculus gloriosus*, quasi dicat idè non esse verû, quod alius oculus gloriosus videat oculum Christi in Eucharistia existentis, sicut verû est de oculo Christi, quod se videat in Eucharistia existentem. Quia numerica identitas non conuenit alteri oculo glorioso ab eo distincto.

### Q V Æ S T I O XIII.

*An præter speciem impressam sit necessaria præsentia obiecti ad sensationem externam.*

189 **S**ensus quæstionis est, an præter speciem sui, quam obiectum imprimit potentia, per quam concurrit ad sensationem cum potentia tanquam principium eius, necessario requiratur actualis existentia, ac præsentia eiusdem, ut per se terminet eandem sensationem; vel sufficiat esse ei præsens per eandem speciem ad terminandum, & idè in absentia, vel iam non existens percipi possit à sensu.

Et prima opinio tenet, præsentiam obiecti ita esse necessariam, ut nisi præsens per se ipsum sit, non possit per vllum sensum externum percipi, etiam per potentiam Dei absolutam. Ita Gubr. in 2. dist. 3. q. 2. concl. 2. quem recentiores aliqui sequuntur. Probatum testimonio Arist. 2. lib. de anima, text. 6. ubi propria obiecta sensus, & intellectus his verbis distinguit. *Singularium quidem secundum actum sensus, scientia autem universalium, hæc autem in ipsa quodammodo sunt anima, unde intelligere in ipso est, cum vult, sentire autem non est in ipso, necessarium est enim esse sensibile.* Ex quibus ita arguo, nulla potentia potest versari circa

170 illud, quod intra latitudinem sui obiecti non continetur, etiam per potentiam Dei absolutam, ut visus non versatur circa sonum: sed proprium obiectum sensus est res singularis actu existens ex mente, & verbis Aristotelis: ergo nullo modo operari potest circa sensibile non existens, & consequenter nec circa absens: nam ita se habet absens ad effectum sensationis, ac si non esset in rerum natura. Quod etiam D. August. sensisse videtur, ut probant verba sequentia ex 11. lib. Confess. cap. 19. de sumpta. *Quoquo modo se itaque habeat arcana præsentia futurorum: videri nisi quod est, non potest.* Probatum deinde ratione; primo ex hac, in quem dari sunt sensus isti à natura animalibus, qui

qui absque dubio non est alius, quàm vt per eos, regere se possint circa sensibilia præsentia; nam pro absentibus, aut præteritis, etiam iam non existentibus dati sunt eis sensus interni, & ex hoc fine desumitur modus, quo immutantur omnes à suis obiectis, videlicet per speciem in eis productam, qua repræsentantur. Et ex utroque sequitur sensationem externam adeò necessariò postulare præsentiam obiecti sensibilis, circa quod versatur, vt non possit etiam supernaturaliter versari circa obiectum absens, vel actu non existens, quia nec potest, nisi per se præsens immutare potentiam,

Secundò, quia si sensibile potest in absentia, vel actu non existens percipi à sensu; ergo poterit sonus non existens audiri, cælum ab homine in terra degente tangi, atque etiam mel gustari, & consequenter nutrire corpus, quæ quidem portentosa in primis videntur; & deinde apertè falsa, quia omnes sensationes externæ sunt intuitiux notitiæ, de ratione autem intuitiux notitiæ est, quod tendat ad obiectum per se præsens, alioqui si absens sit, non dicetur intueri ipsum: ergo impossibile omninò censendum est externum sensum percipere posse sensibilia, nisi actu præsentia.

Secunda opinio huic ex diametro opposita asserit actualem sensibilibus præsentiam nullo modo esse necessariam: sed percipi posse à sensibus obiecta absentia, aut non existentia per suam speciem, non solùm supernaturaliter: sed etiam naturaliter, & sæpe contingere, quod ita percipiantur. Ita Buridanus 2. lib. de anima, q. 21. & 22. quem sequuntur recentiores quidam non vulgaris authoritatis. Probantque egregiis in primis testimoniis eiusdem Arist. ac D. August. Aristoteles enim in lib. de insomniis cap. 2. iuxta antiquam translationem id expressè asserit hisce verbis. *Manifestum autem, id est, cum continenter aliquid sentimus: nam licet sensum transferamus, ea nihilominus comitatur passio, ut de sole ad umbram, contingit enim nihil tunc cernere ob motiunculam à lumine adhuc in oculis restantem.* Et vniuersaliter de omni sensu externo; ac de omni sensibili docuerat in principio eiusdem capituli in hæc verba: *Sensibilia enim secundum singulum sensorium in nobis efficiunt sensum, & quæ sit ab eis passio, non solùm inest in sensoriis, dum sensus agunt, sed, & dum abierunt.* Et D. Aug. 1. lib. de Trin. cap. 2. non minùs expressè id docet sic loquens: *Nam insertarum fenestrarum cancelli, si eos forte intuebamur, sæpe in illis apparere coloribus, ut manifestum sit hanc affectionem nostro sensui ex ea re, quæ videbatur impressam ascendimus quaque luminaria, & inde oculos clausimus, quasi versantur in conspectu.* Probant deinde ratione simili, quia dum proiectus lapis sursum mouetur, imprimatur ei impulsus quidam

aliquandiu durans: qui tandem se ipso, ac sine contrario paulatim languescit, ac deficit: ita ergo res se habebit in specie impressa à sensibili præsentia, ut post sensationem factam absente iam obiecto languescere incipiat, & tandem deficiat, non enim probari potest plus dependere speciem ab obiecto, quam à propiciente impulsu: pertinanebit ergò visio aliquantulum in absentia obiecti: cum permaneat species, quæ cum potentia, & tanquam virtus eiusdem obiecti sufficiens principium sensationis est, quare non erit necessaria semper obiecti præsentia ad sensationem, etiam naturaliter.

Ultima sententia quasi media est inter duas priores, & asserit duo. Primum, *naturaliter quidem non posse percipi à sensu externo obiectum absens, vel non existens: sed præsentiam eius naturaliter esse necessariam, ut sentiatur.* Secundum, *per potentiam Dei absolutam percipi posse à sensu sine præsentia reali, & sine existentiæ actuali, per speciem sui conservatam à Deo in sensu, aut de nouo ab eo productam, per quam dicitur præsens in esse cognito, vel obiectiuo.* Ita Molina 1. p. quæst. 55. art. 2. disp. 2. memb. 5. Suarius tomo 3. in 3. part. D. Thom. dif. 53. sect. 4. & disp. 55. sect. 2. & est iam fere communis inter recentiores: Et colligitur euidenter ex doctrina D. Thom. 3. part. q. 76. art. 8. ubi docet aliquando in Eucharistia miraculosè videri Christum sub specie pueri, aliquando sub specie iuuenis, aliquando etiam videri carnem eius, ut etiam sanguinem, in cuius testimonium perseverat vsque in hodiernum diem miraculum illud continuatum in oppido Scalabitano in regno Lusitanix bis in anno expositum, ut ab omnibus videatur, his modis apparente, aut viso Christo, & carne, & sanguine eius. In his vero apparitionibus miraculosis ait D. Thom. nunquam videri verum corpus Christi, aut veram eius carnem, aut sanguinem: sed representari hæc in oculis videntium, per species eis impressas à Deo, ac si verè ibi essent, eo fere modo, quo Christus Dominus sub peregrini specie à duobus discipulis visus est. Sentit ergo in his apparitionibus apparere res ibi non existentes, vel non præsentis per species productas in potentia: sed absque mendacio, quia tales apparitiones ostenduntur, & sunt in confirmationem veritatis fidei, & non ad decipiendos homines. Pro hac etiam sententia possunt referri omnes, qui cum D. Thom. eodem modo loquuntur de his apparitionibus, ut Scotus in 4. distinct. 10. quæst. 1. Ledesma 1. part. 4. quæst. 14. art. ultim. Anton. 3. part. Theolog. tit. 13. cap. 14. Victoria in relatione de Eucharistia, num. 82. & Sot. in 4. distinct. 10. quæst. 1. art. 8. hæc ultima sententia videtur mihi probabilior,

Ad cuius veritatē ostendendam duo sunt à nobis probandæ  
Primum,

Primum, quod sensus externi non possint naturaliter operari, nisi circa res per se ipsas presentes; quod probo expresso in primis testimonio Arist. 2. lib. de anima, text. 60. in fauorem primæ opinionis relato, quo testatur Aristot. intellectum operari posse quotiescunque voluntas eum applicauerit, quia habet intra se obiecta vniuersalia, circa quæ operatur representata per species conseruatas in memoria; sensus verò cum operetur solum circa singularia sensibilia actu existentia extra se, non potest operari, nisi eisdem sensibilibus actu existentibus. Probat<sup>176</sup>ur deinde ratione, primò, quia obiectum non potest concurrere ad sensationem per se: cum nec sit præsens potentia, nec ei proportionatum, concurret igitur per speciem, quam in sensu producit, per quam consequitur præsentiam, & proportionem, sed species dependet ab eo, tanquam à causa naturali, non solum in esse, & fieri, sed etiam in cōseruari; ergo non potest permanere in potentia eo absente, vel non existente, & ex consequenti, nec poterit fieri sine illo sensario naturaliter. Et si respondeas non posse diu durare, nec omnino permanere absente obiecto, nisi vehementer fuerit ab eo immutata potentia, vel ipsa intenso quodam conatu in eum prius intenderit, & tunc non nisi paruo tempore, & ita vt non tam sensatio præterita permanere dicatur secundum eam perfectionem, quam habuit prius, quàm secundum quasdam reliquias eius. Probo hoc esse falsum duplici argumento: primò, quia dependentia effectus à sua causa naturali in cōseruari non minùs est naturalis, quàm dependentia in esse, & fieri; ergo sicut semper dependet eodem nodo in esse, & fieri, ita etiam in cōseruari, sed euident<sup>177</sup> est eodem modo, & semper dependere effectum à sua causa naturali in esse, & fieri, siue sit intensior, vel remissior, siue paruo, vel magno tempore, ita vt nec per minimum tempus possit esse, vel fieri naturaliter, nisi cum actuali dependentia ab ea: ergo eodem modo dependebit in cōseruari semper, siue remissior sit, vel intensior, siue paruo, vel magno tempore, ita vt nec per minimum tempus possit cōseruari, sine actuali dependentia ab ea, & consequenter, sine actuali eius præsentia, vel existentia. Et certè si semel conceditur posse cōseruari, sine actuali dependentia à causa paruo tempore, euidenter sequitur posse etiam diu cōseruari: nam si aliquo tempore sine illa cōseruatur, ergo actualis dependentia ab ea non est necessaria ad sui cōseruationem: quare sine illa poterit quocumque tempore cōseruari, & multo melius secundum esse intensum, aut perfectum, quàm secundum esse remissum, aut imperfectum, quia quo debilius est, plus dependet à sua causa. Et vrgeri potest cuiuslibet experientia in luminis, & quocumque alio effectū dependentē

aliquandiu durans: qui tandem se ipso, ac sine contrario paulatim languescit, ac deficit: ita ergo res se habebit in specie impressa à sensibili præsentia, ut post sensationem factam absente iam obiecto languescere incipiat, & tandem deficiat, non enim probari potest plus dependere speciem ab obiecto, quam à proiciente impulsu: permanebit ergò visio aliquantulum in absentia obiecti: cum permaneat species, quæ cum potentia, & tanquam virtus eiusdem obiecti sufficiens principium sensationis est, quare non erit necessaria semper obiecti præsentia

174 ad sensationem, etiam naturaliter.

Ultima sententia quasi media est inter duas priores, & asserit duo. Primum, *naturaliter quidem non posse percipi à sensu externo obiectum absens, vel non existens: sed præsentiam eius naturaliter esse necessariam, ut sentiatur.* Secundum, *per potentiam Dei absolutam percipi posse à sensu sine præsentia reali, & sine existentia actuali, per speciem sui conservatam à Deo in sensu, aut de nouo ab eo productam, per quam dicitur præsens in esse cognito, vel obiectiuo.* Ita Molina 1. p. quæst. 5. art. 2. disp. 2. memb. 5. Suarius tomo 3. in 3. part. D. Thom. dist. 5. sect. 4. & disp. 5. sect. 2. & est iam fere communis inter recentiores: Et colligitur euidenter ex doctrina D. Thom. 3. part. q. 76. art. 8. ubi docet aliquando in Eucharistia miraculosè videri Christum sub specie pueri, aliquando sub specie iuuenis, aliquando etiam videri carnem eius, ut etiam sanguinem, in cuius testimonium perseuerat vsque in hodiernum diem miraculum illud continuatum in oppido Scalabitano in regno Lusitanie bis in anno expositum, ut ab omnibus videatur, his modis apparente, aut viso Christo, & carne, & sanguine eius. In his vero apparitionibus miraculosis

175 ait D. Thom. nunquam videri verum corpus Christi, aut veram eius carnem, aut sanguinem: sed representari hæc in oculis videntium, per species eis impressas à Deo, ac si verè ibi essent, eo fere modo, quo Christus Dominus sub peregrini specie à duobus discipulis visus est. Sentir ergo in his apparitionibus apparere res ibi non existentes, vel non præsentis per species productas in potentia: sed absque mendacio, quia tales apparitiones ostenduntur, & sunt in confirmationem veritatis fidei, & non ad decipiendos homines. Pro hac etiam sententia possunt referri omnes, qui cum D. Thom. eodem modo loquuntur de his apparitionibus, ut Scotus in 4. distinct. 10. quæst. 1. Ledesma 1. part. 4. quæst. 14. art. ultim. Anton. 3. part. Theolog. rit. 1. 3. cap. 14. Victoria in relatione de Eucharistia, num. 82. & Sot. in 4. distinct. 10. quæst. 1. art. 8. hæc ultima sententia videtur mihi probabilior,

Ad cuius veritatē ostendendam duo sunt: nobis probanda;  
Primum,

Primum, quod sensus externi non possint naturaliter operari, nisi circa res per se ipsas presentes; quod probo expresso in primis testimonio Arist. 2. lib. de anima, text. 60. in fauorem primæ opinionis relato, quo testatur Aristot. intellectum operari posse quotiescunque voluntas eum applicauerit, quia habet intra se obiecta vniuersalia, circa quæ operatur repræsentata per species conseruatas in memoria; sensus verò eum operetur solum circa singularia sensibilia actu existentia extra se, non potest operari, nisi eisdem sensibilibus actu existentibus. Probat<sup>176</sup>ur deinde ratione, primò, quia obiectum non potest concurrere ad sensationem per se: cum nec sit præsens potentia, nec ei proportionatum, concurrit igitur per speciem, quam in sensu producit, per quam consequitur præsentiam, & proportionem, sed species dependet ab eo, tanquam à causa naturali, non solum in esse, & fieri, sed etiam in cōseruatiōe; ergo non potest permanere in potentia eo absente, vel non existente, & ex consequenti, nec poterit fieri sine illo sensario naturaliter. Et si respondeas non posse diu durare, nec omnino permanere absente obiecto, nisi vehementer fuerit ab eo immutata potentia, vel ipsa intenso quodam conatu in eum prius intenderit, & tunc non nisi paruo tempore, & ita vt non tam sensatio præterita permanere dicatur secundum eam perfectionem, quam habuit prius, quàm secundum quasdam reliquias eius. Probo hoc esse falsum duplici argumento: primò, quia dependentia effectus suæ causæ naturalis in cōseruari non minùs est naturalis, quàm dependentia in esse, & fieri; ergo sicut semper dependet eodem modo in esse, & fieri, ita etiam in cōseruari, sed euident<sup>177</sup> est eodem modo, & semper dependere effectum à sua causâ naturali in esse, & fieri, siue sit intensior, vel remissior, siue paruo, vel magno tempore, ita vt nec per minimum tempus possit esse, vel fieri naturaliter, nisi cum actuali dependentia ab ea: ergo eodem modo dependebit in cōseruari semper, siue remissior sit, vel intensior, siue paruo, vel magno tempore, ita vt nec per minimum tempus possit cōseruari, sine actuali dependentia ab ea, & consequenter, sine actuali eius præsentia, vel existentia. Et certè si semel conceditur posse cōseruari, sine actuali dependentia à causâ paruo tempore, euidenter sequitur posse etiam diu cōseruari: nam si aliquo tempore sine illa cōseruatur, ergo actualis dependentia ab ea non est necessaria ad sui cōseruationem: quare sine illa poterit quocumque tempore cōseruari, & multo melius secundum esse intensum, aut perfectum, quàm secundum esse remissum, aut imperfectum, quia quo debilius est, plus dependet à sua causâ. Et vrgeri potest euidenti experientia in lumine, & quocumque alio effectū dependent<sup>178</sup>

dente à sua causa in conseruari; quod nec remissum, nec paruo tempore, imò neque vlllo alio modo potest, sine actuali dependentia naturaliter conseruari; ergò vel negandum est, quod species dependeat naturaliter in conseruari ab actuali præsentia obiecti contra manifestam experientiam, & rationem, vel negandum quod possit vlllo modo, vel vlllo tempore, quamuis minimo conseruari, sine actuali eius præsentia, vel sine illa percipi à sensu, vel sensationem eius durare. Probatur tandem falsitas huius sententiæ, quia si abeunte sensibili perseverat eadem eius visio: ergò videtur per eam in eodem situ, & in eadem distantia, sed dum priùs videbatur, erat extra oculum, & in tali distantia ab illo; ergò in eadem dispositione videri debet, sed non potest clausis oculis videri aliquid extra illos propter impedimentum appositum, imò nec apud defensores primæ opinionis extra videtur, sed intra oculos, quod manifestam continet repugnantiam; ergò naturaliter est impossibile, quod clausis oculis permaneat eadem species, eadem visio, & eiusdem obiecti, ac antea.

- 179 Probatur iam secundum, quod per potentiam Dei absolutam possit videri obiectum absens, vel non existens contra secundam opinionem. Primo, quia si id non foret possibile, maxime quia species obiecti producta in potentia non solum habet naturalem dependentiam ab eodem obiecto in conseruari: sed omnino intrinsecam, hoc autem est falsum; ergo nulla potest assignari ratio talis repugnantie. Probatur minor, quia lumen productum in medio dependet in conseruari à luminoso, à quo producitur: & nihilominus potest conseruari à Deo extincto, luminoso, & vniuersaliter loquendo, omnem effectum purè efficienter productum à causa secunda, potest conseruare per se prima, sicut potest producere, sed species non dependet ab obiecto plusquam efficienter, sicut à luminoso lumen: ergo potest Deus supplere efficientiam obiecti, à quo conseruabatur. Secundo, quia Deus potest ex se solo producere specie cuiuscunque obiecti, & in quacunque potentia, quæ versatur circa illud: cum constet eas produxisse in intellectu Angeli à principio; atque etiam cum infinita virtus eius eminenter contineat obiectum quodcumque, atque etiam virtutem eius obiectiuam, ac productiuam specierum. Et eadem ratione potest speciem à se productam sine obiecto conseruare, sine illo in eadem potentia: sed ex potentia, & specie tanquam virtute obiecti constituitur vnum principium sufficiens sensationis, quia per speciem determinatur potentia, & constituitur sufficienter in actu primo ad operandum circa tale obiectum: ergo poterit elicere actum, sine præsentia obiecti, vel actuali existentia eius.



Sed respondent obiectum duobus modis concurrere ad sensationem, videlicet tanquam comprincipium eius media specie impressa in potentia, atque etiam terminando eandem sensationem, per se quidem præsens, quia sensationes externæ sunt quasi notitiæ quædam intuitiue, quibus intrinsecum est terminari ad rem præsentem: unde licet possit Deus supplere priorem concursum obiecti per speciem à se productam in potentia, non tamen posteriorem. Hæc tamen ratio solum habet apparentiam, non tamen probat repugnantiam, quam intendit: nam licet sensationes quasi intuitiue sint notitiæ, non est tamen necessarium ad rationem intuitiue notitiæ, quod terminetur ad rem secundum esse reale præsentem, sed satis est terminari ad eam, ut habentem esse præsens repræsentatum potentiæ, quod habet per speciem expressam tanquam per rationem intrinsecam terminantem à qua repræsentatur obiectum ut actu, & expressè cognitum, quo pacto terminus est quasi intrinsecus eiusdem cognitionis. Non est igitur necessarium, quod hæc ratio causæ formalis extrinsecæ suppleatur à Deo per aliquem concursum, quia non est necessarium, quod eam exerceat obiectum per propriam præsentiam realem, sed potest per præsentiam quasi extrinsecam, quam habet in specie expressa eiusdem cognitionis eam terminare, supposito quod species ipsa expressa proxima, atque intrinseca ratio terminandi est eiusdem sensationis, sicut potest esse per sensibile, quod habet repræsentatum in specie impressa esse principium eius. 182

Ad testimonium Aristotelis pro prima opinione adductum respondeo, ita existimasse Aristotelem, non posse sensus externos operari circa sensibilia absentia, vel non existentia, quia solum cognouit ordinem naturalem rerum, iuxta quem verissimum id est; per potentiam verò supernaturalem non cognitam ab eo, aliter fieri potest, ut probauimus. Ad argumentum verò ex testimonio deductū concessa maiori, distinguenda est minor, quod obiectum adæquatum externi sensus sit res singularis actu existens, vel actu præsens, nam secundum naturalem modum operandi visus ita est, quia circa illam tantum operari potest, absolute verò falsum; sed adæquatum obiectum externi sensus est singulare sensibile externum, realiter præsens, vel repræsentatum præsens per speciem. Testimonium verò Diui Augustini eodem modo intelligendum est de potestate naturali sensus, supernaturaliter verò conseruata specie obiecti; etiam in absentia eius operari potest. 183

Ad primum argumentum concessio antecedente, quod in eum finem sint sensus à natura concessi animalibus, neganda est consequentia, quod non possint supernaturaliter operari, nisi  
circa

*Tract. de obiectis, atque speciebus sensibilib. Quest. XIII. 38* ;  
 sensibilibus aliquantulum. Ex quibus licet re vera nulla resul-  
 tet visio, resultat tamen in imaginatione deceptio quædam, per  
 quam indicat permanere actum visionis circa eadem obiecta:  
 imaginantur enim se adhuc videre illa, eo ferè modo, quo con-  
 tingit dormientibus, aut infirmis propter nonnullas impressio-  
 nes receptas ab obiectis, quarum ratione imaginantur se vide-  
 re, vel audire illa. Et hunc sensum tenuerunt absque dubio D.  
 August. & Aristotel. quamvis loquentes simul de externis, at-  
 que internis sensibus obscure loquantur, ita ut facillè sit quædã  
 eorum verba de internis intelligenda externis tribuere, & ita  
 decipi, sed cõsiderata natura, & modo operandi utriusque sen-  
 sus, prædicto modo intelligenda sunt.

Sed obiiciunt recentiores non posse de imaginatione in-  
 telligi prædicta testimonia, quia in potestate voluntatis est  
 imaginationem diuertere à quocumque obiecto, efficereque ut  
 ab actu circa illud cesset; ergo si ad imaginationem pertineret  
 opus illud, & non ad visum, posset homo, cum vellet à tali actu  
 sensationis cessare; sed docet experientia oppositum, nempe  
 quod pro paruo illo tempore non est in potestate eius cessare:  
 ergo non est imaginationi tribuendus talis actus, sed sensui  
 externo, qui voluntati non subditur. Ego verò respondeo fal-  
 sum esse, & contra euentem experientiam, quod opus imagi-  
 nationis semper sit in potestate voluntatis: imò sæpe constat  
 ita vehementer rapi imaginationem, ut non possit detineri, vel  
 prohiberi à suo actu, nec sit in potestate hominis eam aliò di-  
 uertere, aut efficere, quod cesset ab operando, circa vehemens  
 sensibile, & ita censendum est in casu nostro, quod pro paruo  
 illo tempore, non est in potestate voluntatis imaginationem  
 sic vehementer excitatam cohibere.

Ad argumentum eiusdem sententiæ ex similitudine impul-  
 sus desumptum respondeo, impulsus non dependere à proi-  
 ciente, à quo imprimitur in conseruari, & ideo potest perma-  
 nere in absentia eius: sed species dependet ab obiecto in cõser-  
 uari, & ideo, nec pro paruo tẽpore potest eo absẽte permanere.

## Q V Æ S T I O XII.

*An possit sensus elicere sensationem circa obiectum absens, vel non  
 existens etiam sine specie eius per potentiam Dei absolutam.*

**D**Vbiũ hoc solum habet locum inter eos, qui nobiscum  
 tenent, per potentiam Dei absolutã posse operari sensus  
 abentibus sensibilibus, vel actu nõ existẽtibus. Quo supposito,  
 merito

intellectus, & phantasia, nam intellectus fertur in rem tam absentem, quam præsentem, tam singularem, quam vniuersalem, <sup>190</sup> phantasia etiam in rem præsentem, & absentem, sed singularē tantum. At externi sensus tanquam in infimo gradu potentiarū cognoscitiuarum existentes tendunt in solam rem singularem, & præsentem, vel exhibitam in specie, vt præsentem.

Alij verò sine limitatione tenent tam sensum, quam intellectum creatum ad cognitionem cuiuslibet obiecti creati singularis, vel vniuersalis indigere præsentia obiecti per se, vel per speciem, & ita implicare contradictionem, quod potentia nuda omni specie obiecti possit in absentia, eiusdem obiecti elicere cognitionem. Ad hoc autem probandum præsupponunt, tanquam certissimum fundamentum, quod ad naturam, & essentiam cuiuscumque cognitionis omnino necessariò requiritur quod potentia cognoscitiua, vt sit principium cognitionis, fiat similis obiecto à se cognoscendo, vt docent Aristoteles 3. lib. <sup>191</sup> de anima, textu 3. 6. & 37. & D. Thom. 1. part. quæst. 1. art. 2. & q. 14. art. etiam 2.

Hoc fundamento præsupposito probatur hæc sententia: primo, quia concursus obiectiuus ad sensationem, vel intellectiōnem non est efficientis quomodocumque, sed efficientia obiectiue in eo consistente, quod obiectum, vt actu sensibile, vel intelligibile à potentia per talem sensationem, vel intellectiōnem ei sic vniatur, vt sit comprincipium eiusdem sensationis, vel intellectiōnis cum eadem potentia, sed repugnat potētiam ita fieri similem obiecto per solum concursum diuinum, quia similitudo debet fieri per formam inhærentem, auxilium autem, vel concursus diuinus non est forma inhærens, sed extrinsecū quid: ergo per eum non fit potentia similis obiecto, nec poterit esse sufficiens principium operandi circa illud. Et vrgeri potest argumentum hoc modo. Actus sentiendi, vel intelligendi est expressa similitudo obiecti, vt tale obiectum est, & producit speciem expressam, quæ est expressa, ac formalis, atque perfectior <sup>192</sup> etiam similitudo eiusdem: ergo procedit à principio simili eidem obiecto, vt tale obiectum est, sed per solum concursum diuinum non fit nuda potentia similis obiecto, vt probauimus: ergo nec potest elicere sensationem, vel intellectiōnem sine specie, per quam, vt formam inhærentem similis fiat.

Nihilominus priorem sententiam probabiliorē iudicamus, quia non probatur per argumenta posterioris repugnancia, vel implicatio contradictionis in eo reperiri, quod Deus suppleat concursum obiecti, ac speciei, ita vt cum eo possit potentia elicere sensationem, vel intellectiōnem. Et in primis scire expressa est apud D. Thom. vt ostendunt verba eius pro ca-

dem opinione citata. Sed probatur ratione, quia concursus obiecti per se, aut per speciem quantumcumque obiectiuus, non est intrinsecus: cum sit efficiens, & non vitalis, non est enim excogitabilis concursus causæ efficientis intrinsecus, vel à quo essentialiter dependeat actus vitalis, præter vitalem animæ, aut potentie, & propterea de his solum probari potest, quod non possit suppleri à Deo: his igitur adhibitis poterit Deus supplere quemvis aliū concursum efficientis causæ, etiam obiectiuum, nam obiectiuus concursus solum determinat efficientiam eius, circa quod versatur operatio vitalis, nihil verò intrinsecum addit respectu eius: ergo ratio obiectiui concursus non tollit, quin possit suppleri à Deo: cum sit efficientis extrinseci, etiam ut obiectiuus concursus est, & possit benè intelligi, quod operatio vitalis versetur circa obiectum sine concursu eius effectiuo; sine quo produci potest à potentia species expressa eius supplente Deo concursum obiectiuum, & tunc terminabit idem obiectum operationem vitalem per speciem expressam representatum à Deo cum potentia productam, per quam dicitur esse eidem potentie præsens, imò intra ipsam in esse representato, eique unitum, ut actu intellectum, quamvis nō fuerit unitum, ut actu intelligibile, quia unio hæc purè efficientis extrinseci est, & ideò non repugnat, quin à Deo suppleatur.

193 Unio verò per speciem expressam suppleri non potest, quia formalis ratio cognitionis consistit in actuali inhesionem speciei expressæ cum potentia, & hæc eadem actualis inhesio speciei expressæ est unio intentionalis obiecti, ut actu intellecti cum potentia, quia ab eadem specie representatur expressè, & ideò per eam unitur perfectissimo modo potentie.

Ad primum igitur argumentum sententiæ oppositæ distinguenda est maior, quod potentia ad elicendam sensationem debeat esse similis obiecto, nam de similitudine, & identitate virtuali verum est; de formali verò falsum, quia ut sit principium sensationis, vel intellectionis sufficit virtualis similitudo, per quam consequitur formalem producta specie expressa, per quam sit actu, & formaliter similis, sicut sit actu, & formaliter cognoscens, nam per impressam tantum sit cognoscens, ut principium, & potens elicere cognitionem, hoc est, habens virtutem cognoscendi. Et hanc virtualem similitudinem, quam acquirit per speciem impressam, cum sit purè efficiens, & non vitalis, potest ei tribui à solo Deo præstante per se concursum, quem præstaret species. Quod verò talis concursus sit obiectiuus: nihil refert, cum sit efficiens, & non vitalis, sed extrinsecus, ut probat ratio nostræ sententiæ.

Ad secundum concessa maiori in sensu prædicto, neganda est

*Tract. de obiectis, atque speciebus sensibilib. Qu. XV. 387*  
est minor; quod per concursum diuinum non fiat potentia virtualiter similis obiecto, quia esse ei similem virtualiter non est aliud, quàm esse potentem producere expressam, & formalem similitudinem eiusdem obiecti, quod habet per concursum diuinum, per quẽ etiam determinatur ad operandum circa tale obiectum. Terminatur verò operatio eius ab specie expressa tanquam à termino intrinseco, à quo suppletur extrinseca terminatio obiecti non necessaria, nisi secundum naturalem modum operandi potentia. Itaque virtualis similitudo, cum non sit, nisi virtus ad operandum, non est necessariò constituenda per intrinsecam formam inhærentem potentia, sed per auxilium diuinum, quauis extrinsecum constitui potest.

#### QVÆSTIO XV.

*An sensus errare possit circa proprium sensibile.*

**Q**uestionem hanc excitauit definitio sensibilis proprii assignata ab Aristotele capit. huius libri hisce verbis, *Dico autẽ proprium quidem, quod non contingit alio sensu sentiri, & circa quod non contingit decipi.* Ex qua definitione sequi videtur nunquam contingere, quod sensus aliquis erret circa sensibile sibi proprium, vt visus circa colorem, vel auditus circa sonũ; quod cum multis experientiis videatur constare oppositum, meritò vocatur in quæstionem, an sensus circa proprium sensibile errare possit: quæ non est intelligenda de errore, aut falsitate formali (quam compositam vocare solent) nam hæc solùm reperitur in formali iudicio intellectus, qui iudicare simpliciter potest, & vnum attribuere alteri, vel remouere ab eo per modũ compositionis, aut diuisionis, quam perfectionẽ iudicandi non attingunt sensus. Sed intelligitur de errore apprehensionis (si propriè error vocari potest) per quem potentia non apprehendit rem, sicut est in se: sed aliter, & sua apprehensione occasionem errandi tribuit intellectui, vt dum visus apprehendit solem sub parua quantitate: cum magnam in se habeat.

Et in primis circa vniuersalem sensum quæstionis, an errare possint sensus, vel non; fuit opinio Epicureorum asserentium, numquã omninò errare sensus, cuius meminit Tullius in quæstionibus Academicis, & D. August. lib. 8. de ciuitate, capit. 7. & quam videtur magna ex parte sequi Tertullianus in suo lib. de anima, capit. de quinque sensibus. Et probari potest primò, quia sensus omnis apprehendit rem sicut ei repræsentatur per speciem, sed species producitur ab obiecto, & est naturalis imago eius; ergo non potest illud repræsentare aliter, quàm est: & consequenter non potest decipi.

Secundò, quia si admittatur error in sensibus, sequitur cui-

denter admittendum esse in nostris scientiis, imò in principiis earum, & quod maius absurdum est, in fide diuina. Probatur consequentia, quia intellectus noster pro hoc statu, nec notitiam principiorum, nec alicuius scientificæ conclusionis (præsertim philosophicæ procedentis semper ab effectibus ad causas) nec aliquem assensum diuinæ fidei assequi potest, nisi mediis operationibus sensuum; quare si in his admittitur error: necessario redundabit in fide, in scientiis, atque principiis, & ideo nihil erit certum.

Secunda opinio fuit ex diametro opposita, quæ frequenter adeo errare sensus asseruit, ut nulla sit penitus eis adhibenda fides. Ita senserunt ex Academicis Philosophis nonnulli, aduersus quos libros quosdam scripsit D. August. qui habetur in primo tomo operum eius. Probari autem potest multis experientiis: nam visus decipitur frequenter, ut circa magnitudinem solis. Et his, qui icterica laborant infirmitate, alba omnia pallida videntur: infirmi etiam amara sentiunt omnia, quare nulla potest certa fides eis concedi.

197 Tertia opinio videtur medium tenere inter hæc extrema duo asserens. Primum est, circa propria sensibilia raro decipi sensus. Secundum, circa sensibilia communia plus deceptionis admittere. Hæc est expressa sententia Arist. 2. lib. de anima, text. 101. cuius hæc sunt verba. *sensus circa proprium quidem est verus, aut quàm paucissimum habens falsum. secundo autem eius eni accidit hæc, & hic iam contingit, ut falsus sit* Sed diuersis modis exponitur à diuersis interpretibus. Et prima expositio est Alberti Magni, 2. lib. de anima, tract. 3. cap. 5. & Apollinar. ibid. q. 13. asserentium sensum non posse errare circa proprium sensibile. Probant, quia licet obiectum aliquando appareat aliter, quàm est, nunquam tamen apparet sensui aliter, ac sibi repræsentatur per speciem, imò repugnat aliter apparere: sed iudicans de illo secundum quod sibi repræsentatur, falli non potest: cum repræsentatio sit naturalis; ergo nec possibile erit errare sensum circa proprium sensibile, nec videtur in quoniam error eius possit consistere. Hæc tamen expositio, nec vera esse potest, nec satisfacit difficultati. Primum, quia eadem ratione probatur sensum non posse falli circa sensibile commune, quod constat esse falsum, cum illud semper cognoscat, ut sibi repræsentatur per speciem ab eo productam, vel modificatam, & repræsentatio sit naturalis. Secundum, quia error consistit in eo, quod aliter cognoscatur obiectum, ac est in se: sed sæpe hoc accidit, ut probant omnes illæ experientiæ pro secunda sententia allatæ; ergo decipitur sensus circa proprium sensibile.

198 Secunda expositio est Simplicij, atque Themistij 2. lib. de anima,

anima, cap. 12. quam videtur sequi D. Thom. ibidem lect. 13. & alij; & asserit sententiam Aristotelis cum triplici conditione intellectam esse veram. Prima conditio est, quod organum potentia sit bene dispositum: nam defectu huius conditionis decipitur infirmus iudicans amara esse, quæ dulcia sunt. Secunda conditio est, quod medium etiam sit benè dispositum, defectu cuius rubea apparet manus, vel facies, si per intermedium vitrum rubeum videatur. Tertia conditio est debita distantia; nam si nimia intercedat inter obiectum, & potentiam, decipi solet, circa illud iudicans esse alterius coloris: cum sit in se album. Sed nec expositio hæc satisfacere potest, quia cum his tribus conditionibus sicut non potest errare sensus circa proprium sensibile, sic etiam nec circa commune, quare non erit verum discrimen positum ab Aristotele.

Propterea Toletus quæst. 13. huius libri alio modo exponendum esse Aristotelem docet; & expositio eius consistit in tribus. Nam primò asserit sensum circa rationem cōmunem proprii sensibilis non posse errare, ut circa rationem coloris, non enim potest visus iudicare coloratum esse, quod nullum colorem habet. Ita docet etiam D. Thom. 1. p. q. 85. art. 6. & rationem eius talem assignat; quia repugnat potentiam versari circa aliquid, quod non contineatur intra latitudinem sui obiecti proprii, ut auditus non potest audire, nisi sonum; sed si sensus erraret circa rationem communem proprii sensibilis: versaretur circa aliquid, quod extra obiectum eius est: ergo repugnat errare circa propriū sensibile sub ratione communi sumptum. Secundò asserit circa sensibilia propria in particulari errare posse, ut circa album, vel nigrū, ut talia sunt, accipiens tanquam nigrum, quod in se est album. Asserit tertio circa applicationem proprii sensibilis ad tale subiectum, vel ad talem locum errare posse sensum, sicut errat applicando rubeum colorē manui, quam medio rubeo vitro rubeam percipit. Sed nec expositio hæc videtur sufficiens, quia eisdem modis verum est errare posse sensum, vel non errare circa sensibile commune: ergo nunquam erit verum discrimen positum ab Aristotele inter utrumque. Probaturs antecedens, quia circa particularia sensibilia communia, ut circa motum, aut circa quietem constat errare sensum percipiens corpus, ut in quiete, quod teuera mouetur. Et similiter in applicatione sensibilis communis ad tale subiectum, vel locum: cum constet aliquando applicare parvam extensionem rei habenti magnam, vel ad tantum locum, aut spatium extendi, quod ad maius, vel minus extensum est. Et tandem circa rationem vniuersalem sensibilis communis, non potest falli sensus, sicut nec circa rationem communem sensibilis

proprij, quia sicut nihil potest visus percipere, quod non sit visibile; ita nihil visibile potest percipere, quod non sit modificatum per commune sensibile, æqua igitur est utriusque ratio sic sumpta in ordine ad deceptionem sensuum.

201 Omnes istę expositiones, & singulę earũ plura cõtinent mēti Arist. atque etiã veritati cõsona: sed nulla earũ utramque plenē attingit. Duabus ergo assertionibus propositæ quæst. respõdeo.

Prima talis est: *Sensus externi per se loquendo non possunt falli circa sensibilia propria, siue in communi, siue in particulari considerata: sed solum per accidens.* Circa communia verò etiam per se falli possunt, & multo magis circa sensibilia per accidens. Hanc reperiō apud D. Tho. 1. p. q. 17. art. 2. in corpore: eam autem sic probo quantum ad priorem eius partem de sensibilibus propriis, sensus respiciunt per se primò ad æquatas rationes priorum sensibilium, tanquam propria, & ad æquata obiecta, à quibus speciem accipiunt: ergo habet naturalem, atque intrinsecam proportionem cum eisdem sensibus, & sensus cum ipsis; quare ex hac parte repugnat operationem sensuum deficere à perfectione sibi debita: sed quæcumque deceptio, vel error est maxima imperfectio sensitiuæ operationis; ergo repugnat ex parte proprij sensibilis prouenire, & consequenter, quod per se circa illud decipiatur. Et ex hoc infero per accidens contingere quemlibet errorem sensus circa proprium sensibile; nempe ex defectu alieuius conditionis, seu accidentis, vel extrinseci ad eam requisiti: & cum medium sit conditio requisita ad sentiendum, ex defectu, aut indispositione eius per accidens decipitur sensus circa proprium sensibile, ut experimur in visu, qui turbato medio circa colores decipitur. Deinde quia bona dispositio organi, in quo residet potentia sensitiua, requiritur ad bonam operationem eius: decipi etiam solet sensus ob aduersam dispositionem organi, ut experiuntur infirmi, quibus cibi omnes amari videntur. Et tandem, quia debita approximatio obiecti requiritur ad eandem operationem eliciendam, quemadmodum ad operationem cuiuslibet agentis approximatio passi circa quod operatum est, & ideò ex defectu debitæ approximationis errare etiam solet sensus longè ab eo distante obiecto, & existimare album esse nigrum.

202 Posterior verò pars, quod per se errare possint sensus circa sensibile commune, & facilius multò circa sensibile per accidens, probatur; quia commune sensibile non pertinet per se primò ad sensum, nec conuenit ei ratio obiectiua sensus, nisi ratione proprij, in quantum modus eius est, vnde sequitur nec ab eo speciem sumere sensum: sed à proprio tantum, nec habere essentialē proportionem cum eo. Et hinc est etiam, quòd error circa commune sensibile non tangit entitatem, vel sub-



stantiam sensationis: sed quandam modificationem eius, qua variata eadem manet sensatio secundum substantialia, ut quod Solem apprehendat visus sub pedali magnitudine, aut cum apprehenderet sub tota, quam habet, non lædit, aut variat visionem eius, nisi sola accidentali ratione: & propterea per se dicitur errare posse sensum circa illud: non tamen circa sensibile proprium, quod essentialiter respicit sensus. Sensibile verò per accidens non mouet sensum: sed solum percipitur, quia sensibilibus per se subiectum est, non ergo mirum si frequentius circa illud errare contingat sensum.

Secunda assertio, *sensus secundum communem modum operandi, quem habent, raro decipiuntur circa sensibilia propria, etiam secundum speciales rationes considerata: circa communia verò frequenter, & multò magis circa sensibilia per accidens.* Hæc est absque dubio expressa sententia Aristotelis, & iste eius sensus; ita ut nec loquatur de solis sensibilibus propriis secundum vniuersalem rationem eorum tantum: sed etiam secundum speciales, nec loquatur cum limitatione illarum trium conditionum quas posuit secunda expositio: sed secundum communem modum operandi, quem habent sensus sublata quacumque conditione. Probatur primum ex verbis eius, quæ habentur 2. lib. de anima textu 161. ubi ita ait: *Sensus propriorum quidem est verus, aut quàm paucissimum habet falsum. & paucis interpositis, quod enim album sit, non est falsum, & paulò inferius. Dico autem, ut motus, & magnitudo, qua accidunt sensibilibus: circa qua maxime iam est decipi secundum sensum:* euident est ergo cum loqui de sensibilibus tam propriis, quàm communibus in particulari.

Quod verò non loquatur cum illis limitationibus: sed ut operari solent sensus probatur primò, ex ultimis verbis relatis, quibus asserit maxime decipi sensum circa communia sensibilia, quod non potest esse verum, si cum illis limitationibus intelligatur, cum quibus cõstat vix, aut nunquam decipi. Imo nec verum esset, quod plus deceptionis haberet circa communia, quàm circa propria: nam seruatis illis conditionibus, ita raro circa communia, quàm circa propria erat, ut consideranti est manifestum. Et tandem quod secundum communem modum operandi raro decipiatur circa propria, & frequenter circa sensibilia communia, & per accidens, docet euident experientia in omnibus sensibus, quam negare nemo potest. Et probatur ex prima assertione, ex qua talis ratio deduci potest: sensus non possunt per se errare circa sensibilia propria; sed solum per accidens, circa cõmunia verò non solum per accidens: sed etiam per se, ut probatum est in tertia assertione; ergo frequentius errare possunt circa communia, quàm circa propria. Probatur

consequentia, quia, quod est per se, frequentius cōtingit, quā quod solum est per accidens.

306 Sed contra utramque assertionem hanc ita potest quispiam obicere, si circa propriū sensibile non potest per se errare sensus, sed solum per accidens ex defectu alicuius conditionis, vel accidentis extrinseci. Circa commune verò etiam per se errare potest, sequitur quod posito sensibili proprio in debita distantia, organo, ac medio benè dispositis nullo modo errare possit circa illud. Et ex opposito adhuc his positis poterit errare circa commune, & utrumque videtur falsum; primum quidem, quia existente iride in debita distantia, atque etiam collo columbæ percipit lucem pro colore, ergo fallitur circa proprium; circa commune verò non videtur, qua ratione possit falli. Respondeo non falli circa propriū, quia si duo illa sint debite approximata iuxta cōmunem modum operandi sensuum non iudicabit sensus colorem in eis esse: sed lucem, quāvis valde similem colori secundum apparentiam, vel certè, si id iudicet ratio illud iudicabit. Circa commune verò frequenter adhuc errare posse ostendunt motus, & quies.

307 Ex his colligitur falsas esse duas illas sententias extremas in principio quæstionis propositas. Et prior quidem Epicureorum, quod nunquam sensus errant, euidentiis experiētiis omnibus manifestis ostenditur falsa: nam gustus infirmi dulciores cibos sentit amarus.

Posterior etiam Academicorum, quod semper errent sensus, & ideo nulla sit eis adhibenda fides, quia sapientibus, & insipientibus notū est sæpissimè sensus percipere res, ut in se sunt, sed veritas cognitionis consistit in conformitate cum re cognita: ergo sæpissimè vera est cognitio externorum sensuum. Probatum etiam ex utraque philosophia naturali, & morali, quarum principia, & conclusiones aliquam habent certitudinem, experiētiæ sensuum innitenti, quod foret impossibile, si semper sensus errarent. Et tandem quia veritas diuinæ fidei habetur etiam mediis sensibus, iuxta illud Christi Ioannis ultimo: *Quia vidisti me Thoma, credidisti.* Et illud etiam Pauli: *Fides ex auditu, auditus autem per verbum Christi.* Et rursus: *Quomodo credent in eum quem non audierunt?* &c. ergo non semper errant sensus, quia si semper errarent, nihil certum in fide per cognitionem assequi posset intellectus.

308 Ad primum igitur, & tertium argumentum sententiæ prioris respondeo, satis esse, quod sensus, nec per se vnquam decipiantur circa propria sensibilia, nec etiā per accidens frequenter: sed ut plurimum res apprehendant, sicut in se sunt, ut media eorum notitia possit intellectus certam, ut plurimum cogni-  
tionem

tionem naturalium, & moralium effectuum consequi: nam materia harum scientiarum, & modus abstrahendi ab illa, non semper postulat maiorem certitudinem. Nec tollitur certitudo hæc ex eo, quod per accidens decipiantur sensus, quia non innituntur singularibus sensationibus, vel experienciis: sed vniuersali experimento ex multis singularibus experienciis repetitis collecto, ut docuit Arist. 2. lib. Posteriorum, cap. ult. vniuersale verò experimentum fallax esse non potest. Veritas verò diuinæ fidei eisdem experimentis, ut conditionibus iuuatur, eis tamen non innititur, tanquam rationi credendi, vel assentiendi veritatibus fidei, sed testimonio infallibili primæ veritatis reuelantis credenda omnia; quare licet decipiat ali- quando sensus, non propterea poterit esse falsa fides.

Ad secundum argumentum eiusdem sententiæ respondebitur quæstione sequente.

Ad argumentum secundæ opinionis ab experienciis desumptum, respondeo solum ex eis sequi, quod sensus decipiatur sæpe circa communia sensibilia, & frequentius circa sensibilia per accidens, circa propria vero nec semper; nec sæpè, sed raro: ut plurimum verò ea cognoscunt sicut in se sunt; quare non sequitur nullam esse eis adhibendam fidem.

# Q V Æ S T I O XVI.

*An dum sensus errant, operantur per speciem veri sensibilis, ac si non errarent, vel per aliam diuersa rationis.*

**S**ecundum argumentum postulat quæstionem aliam satis <sup>209</sup> difficilem, & à nemine hucusque agitatam, videlicet, an, dum sensus errat videns apparentem colorem; qui verè lux est, & non color, videat illum per speciem veri coloris, aut per speciem lucis, & ita eiusdem rationis sit talis visio, ac si videret sine errore lucem, vel diuersæ rationis.

Et videtur, quod per speciem veri coloris eum videat; primò, quia in tali visione errat: & idè aliter sibi apparet obiectum, ac in se est: sed non potest ei aliter ac est, apparere, nisi aliter, ac est, repræsentetur ei per speciem, ergo quod ei apparet, repræsentatur sibi per speciem, quia quod ei apparet, id sentit, sed nihil sentire potest nisi media specie; ergo quod ei apparet, nempe color repræsentatur ei per speciem: sed color non <sup>210</sup> potest repræsentari per speciem lucis, cum differat specie à luce; ergo repræsentatur ei per speciem coloris; quate non potest esse talis visio eiusdem rationis, ac si non errans videret lucem. Secundò quia si colorem apparentem videret per speciem lucis, non erraret in tali visione, ut supponimus: probatur aperte, quia speciem lucis non potest ei repræsentari, nisi,

vera lux, nec videri nisi vera lux, ergo representatio, atque etiã visio essent conformes obiecto, & consequenter nulla esset deceptio, quod cum sit falsum: necesse est concedere, quod non per speciem lucis, sed coloris videatur. Ideò hanc partem probabilem esse docet noster Fonseca 1. lib. metaph. c. 2. q. 3. sect. 8.

- 311 Opposita nihilominus sententia tenenda est, quod in his deceptionibus fiat sensatio per speciem obiecti, ut in se existens, ita ut dum oculus videt lucem in iride apparentem sibi colorem rubeum, vel alterius speciei, non per speciem coloris, sed eiusdem lucis ea videat, & proinde visione eiusdem rationis cum ea, per quam sine deceptione videretur idem obiectum. Quod sic probò; colorem illum apparentem, qui verè lux est, videt oculus per speciem, non coloris; ergo lucis. Evidens est consequentia, quia cum obiectum sit vera lux, & appareat color, non potest dari alia species, per quam videatur, nisi lucis, vel coloris. Sed probatur minor, quod non videatur per speciem coloris primò, quia species producitur naturaliter ab obiecto existente in rerum natura: cum evidens sit obiectum non existens, non posse producere speciem sui, sed ibi non est color existens, à quo producatur; ergo non potest produci, nisi à luce, nec potest aliud quàm lucem representare. Secundò probatur, quia si lux, quæ videtur in iride sub apparentia coloris propè esset, produceret absque dubio speciem sui in oculo, per quam videretur tanquam vera lux; ergo procul existens producit eandem speciem sui in eodem oculo, quamvis imperfectam: quia omne agens naturale magis, & minùs approximatum semper producit effectum eiusdem rationis, magis, aut minùs perfectum, sed lux est naturale agens respectu speciei: ergo à maiori distàtia producet speciem eiusdem rationis, ac produceret à minori; longè tamen imperfectiorem, minùsque distinctè se representantem, per quam fiet visio eius, licet sub apparentia coloris.

Circa solutionem verò argumentorum consistit maxima difficultas præsentis quæstionis posita in assignanda vera causa uniuersali, ac suffiendi erroris cuiuslibet sensus, tam circa sensibilia propria, quàm circa communia, atque explicando modo, quo talis sensatio erronea fiat, & per quam speciem.

- 312 Et prima opinio asserit, quod dum sensus errat propter organi indispositionem, sensationem elicit per speciem veri sensibilis, in eo autem errat: quod sensibile verum applicat subiecto, cui non conuenit, ut dum infirmus amara sentit omnia, elicit sensationem veræ amaritudinis, & per speciem eandem amaritudinem representantem, & ex hac parte non accidit error, sed ex applicatione veræ amaritudinis ad alienum subiectum, in quo reuera non est, nempe ad cibum verè dulcem.

Quo

Quo autē modo fiat, vt cibus dulcis imprimat sensui speciem amaritudinis; inde euenire docent, quod sensorium infirmi est affectum humore bilioso, & eius ratione amaritudine, quam imprimit cibo dulci, cum inficiens, cibus autem dulcis eo humore infectus verē amarus sit, & ideò habet vim imprimendi speciem veræ amaritudinis, per quam sentitur amarus. Et si dicas talem sensationem non posse esse falsam; quia id quod sentitur amarum per speciem veræ amaritudinis, verē est amarum; ergo sentitur sicut est, & proinde vera sensatione. Respondent adhuc esse sensationem falsam, quia cum cibus non sit verē amarus, nisi secundum quid, hoc est, secundum eam partem, secundum quam afficitur humore bilioso, gustus tamen iudicat cum amarum simpliciter, & ideò aliter de eo iudicat, ac est in se, quod est falsò iudicare. Hæc tamen sententia nec in gustu potest esse vera, nec in aliis sensibus. Ostendo primum; quia gustus non iudicat, imò nec potest iudicare de obiecto, nisi per speciem quam ei imprimit, & ideò nec potest iudicare cibum secundum omnes partes esse verē amarum, quia non imprimit ei speciem veræ amaritudinis, nisi secundum priores partes infectas humore illo, non secundum alias: vnde sequitur nec elicere falsam sensationem: Probatur consequentia, quia de parte illa infecta, quam tantum cognoscit per speciem veræ amaritudinis, non est falsum esse amarum, sicut sentitur: de cæteris verò non infectis, non potest ferre iudicium: cum non recipiat ab eis speciem: ergo nullo modo verum est, quod in tali sensatione erret, vel falsum habeat iudicium. Secundò quia vel sensorium infirmi infectit cibum producendo in eo veram amaritudinem, vel solum ei applicando aliquam substantiam, in qua vera amaritudo cum humore illo bilioso inhæret, vt saliuam, vel quid aliud, per quam euident est non posse penetrare omnes eius partes, & ideò nec eas inficere, sed superficiales tantum; quare nec omnes poterunt imprimere eidem sensorio speciem veræ amaritudinis, aut per eam sentiri, sed impriment speciem propriæ dulcedinis, & per eam sentientur; quare non sentientur amaræ, quod patet esse experientie contrarium: si verò dicatur veram amaritudinem producere in toto sensorio infecto.

Probatur falsum esse ex duobus: ex priori quidem, quia sapor est secunda qualitas, sicut albedo, & cæteri colores, & ideò non est productiua sui similis per alterationem, sed solum speciei intentionalis; ergo falsum est, quod producat aliam amaritudinem in cibo: & iam, quod eam produceret, necesse foret per realem alterationem eam producere expellendo dulcedinem contrariam ab eodem cibo, sed alteratio inter contraria est successiua; ergo non potest dari in primo instanti, quo cibus tangit

tangit sensorium , sed immediatè post ; datur verò in eodem instanti productio speciei intentionalis eiusdem cibi in eodem sensorio: cum sit instantanea ; ergo prius imprimet cibus speciem propriæ dulcedinis per eam , quàm in se recipiat veram amaritudinem per alterationem: quare prius sentietur per speciem dulcedinis , quàm veræ amaritudinis : falsum igitur est, quod per speciem veræ amaritudinis fiat semper sensatio cibi  
 215 ab infirmo. Quod euidentius adhuc conuinci potest, quia si totum cibum per amaritudinem ei impressam inficeret, & ideò in toto sentiret veram amaritudinem , nunquam sensus infirmi deciperetur : cum semper amarum sentiret id , quod re vera amarum est, vt ab eo sensarum.

Sed, quod modus iste, nec sit vniuersaliter verus in aliis sensibus , nec possit per eum explicari deceptio eorum , probatur (nisi ego fallor) euidenti ratione ; quia dum visus propter eandem indispositionem organi decipitur , obiectum verè album tanquam pallidum iudicans, vt contingit his qui laborant icterica infirmitate ( quam Hispani vocamus *Tiricia*) impossibile est talem sensationem falsam , fieri per speciem veri palloris: cum nullum sit obiectum verè pallidum, à quo imprimatur; nec  
 216 possit ab obiecto albo imprimi , vnde nec potest eo modo explicari falsitas talis sensationis.

Nostra igitur sententia vniuersalis est ; quod dum sensus decipiuntur , siue circa communia sensibilia , siue circa propria , non sit sensatio per speciem apparentis sensibilis , sed veri, aliter tamen apparentis , ac in se est , atque etiam aliter ac per speciem representatur & in hoc consistit deceptio. Gratia exempli , dum omnia apparent pallida visui icterico, non videt ea per speciem palloris, sed albedinis, vel alterius coloris , quem intuetur , & à quo speciem recipit , propter indispositionem tamen organi , id quod verè album est, & cuius speciem habet, & per quam operatur circa illud , apparet sibi pallidum. Itaque obiectum, quod sentitur, album est : & per speciem albedinis sensorio impressam sentitur , & operatio ipsa verè est sensatio albedinis , sed sensui sic indisposito apparet sub ratione palloris , & ideò falsò iudicanti (eo modo , quo iudicare potest) esse pallorem, & in hoc iudicio apparenti consistit falsitas , quia iudicat sensus de obiecto , aliter ac in se est , applicans ei pallorem, quem non habet , & tota causa falsi iudicij est indispositio organi , quæ facit , vt vera albedo per speciem propriam representata sensui indisposito, appareat ei , ac si esset pallor;  
 217 & ratio huius apparentiæ est , quia sensus sic dispositus, vel ad magnam distantiam recipiens speciem, vel per turbatum medium, adeò imperfectam , vel adeò imperfectè eam recipit, vt  
 per

per eam non distinguat lucem à colore, vel dulcedinem ab amaritudine, sed vna pro altera recipiat; eamque applicet subiecto eam non habenti, sed potius oppositam. Nec ad hanc deceptionem est necessaria species obiecti apparentis, imò nec possibilis naturaliter: cum non existat, vel non sit præsens, & eo ipso, quod daretur in sensu, non posset per illam falsam elicere sensationem, quia per illam non iudicaret album esse pallidum, in quo consistit salùtas, sed verum sentire pallidum cuius speciem habet, & per quã ipsam percipit esse pallidum, quod verissimum est. Et modus iste explicandi deceptionem in sensu similis est modo, quo intellectus decipitur. Nam per species veri hominis, ac veri lapidis iudicat hominem esse lapidem, & in tali iudicio decipitur attribuens, vel applicans homini verum significatum lapidis, quod ei non cohuenit, eo quod ei apparet conuenire, & apparentia hæc est tota ratio deceptionis; quod verò intellectus efficit per iudicium verum, atque perfectum, sensus efficit per imperfectum, & quasi inchoatum, aut virtuale, quod non est difficile intelligere.

Et ex hac doctrina facile soluuntur argumenta pro opposita parte. Nam ad primum concedendum est, quod dum sensus errat, aliter ei appareat obiectum ac in se est, sed negandum, quod representetur ei per speciem aliter, ac in se est, non enim apparet sensui aliter ac in se est propter indebitam representationem speciei, sed ratione alicuius extrinseci, videlicet maximæ distantiae, aut indispositionis organi, vel mediij, in quibus species eius recipitur: nam, licet species representet obiectum, vt est in se, sed recepta in organo indислопо to non potest causare cum potentia sensationem, nisi cum illa imperfectione apparentiæ obiecti diuersi.

Ad secundum negandum est antecedens, quantum ad illam partem, quod si videatur lux apparens color per speciem lucis, non possit visus errare circa illam, quia licet per speciem representetur, imperfectè tamen, quia ad maximam distantiam producta est, atque etiam propter maximam distantiam non potest visus per illam distinguere lucem à colore, sed potius iudicat esse colorem. Et vniuersaliter loquendo maxima distantia, vel indispositio organi, aut mediij sufficiens causa est, vt sensus non distinguat inter diuersa obiecta, aut opposita; sed vnum pro alio accipiat, hoc est, sub apparentia eius, & ideo aliter ac in se est. Quod verò de gustu infirmi afferebat illa sententia veram amaritudinem sentire, falsum est, quia licet humor biliosus aliqua ex parte cibum inficiat, non imprimat ei veram amaritudinem, quam non habet, sed infectio illa solum inducit in quibusdam partibus eius dispositionem im-

pedientem rectam sensationem naturalis dulcedinis. Vnde nec facit, quod partes illæ cibi infectæ producant speciem veræ amaritudinis, sed solum, quod per speciem dulcedinis impressam, non valeat sensus dulcedinem representatam percipere, nec eam ab amaritudine distinguere, sed tanquam veram amaritudinem eam apprehendere, & ita falsam habere apprehensionem.

## CAPUT VII.

*De visu, visibilibus, ac medio, perspicuo, ac lumine.*

## TEXTVS ARISTOTELIS.

*Cuius igitur est visus, hoc est visibile, visibile autem est, & color, &c.  
Brevis expositio textus.*

**1** POST tractatum de sensibus in communi, ac modo operandi eorum, incipit iam Aristoteles agere de eisdem in particulari, & incipit à visu, tanquam à perfectissimo omnium: quod ex tribus probari potest, videlicet ex perfectiori organo, quod pro perfectiori absque dubio potentia natura ipsa constituit, & maiorem eius perfectionem ostendit oculorum compositio omnibus manifesta. Ex perfectiori etiam obiecto, sub quo lux comprehenditur, quæ est omnium qualitatum naturalium perfectissima, & perfectissimis corporibus, atque incorruptibilibus conueniens, nempe cælestibus sub eodem obiecto visus eius ratione comprehensibilis. Et tandem ex modo operandi perfectissimo, & valde simili intellectu, quæ omnia ex eiusdem capituli expositionibus constabunt. Intentum igitur Aristotelis in capite isto est explicare naturam potentie visuæ. Diuisio autem binembris, nam in priori parte de obiecto eiusdem potentie, & eorum quæ sub se comprehendit, disserit, in posteriori verò quodnam, & quale sit medium videndi explicat.

**2** Principio igitur adæquatum obiectum visus esse ait visibile, hoc est, quod videri potest, sub quo non solum omnes colores, sed lucem, & quævis alia lucem, vel splendorem participantia comprehenduntur, ut putrefacta quædam ligna, quorundam piscium squamæ, & id genus alia. Ut autem singulorum visibilium naturam explicet, agit in primis de colore, quem tali definitione explicat, color est, *Motius perspicui in actu*, quid autem perspicuum sit, his verbis explicat, ut definitio coloris innoscat: *Perspicuum autem dico quod est quidem visibile, non autem secundum se visibile, ut simpliciter dicam, sed per externum colorem*, ut aer, inquit, & aqua. Nomine autem externi coloris lumen intelligit quia in ordine ad visum cum colore communicat, nec



cat, nec aliter potest intelligi color in eadem explicatione, quia neque aër, neque aqua calorem alienum suscipiunt, & tamen perspicua esse docet; ergo per externum colorem lumen intelligit ab extrinseco eis proueniens. Quod etiam probatur efficaciter, quia definiens statim lumen, inquit esse: *actum perspicui, ut perspicuum est*, fit autem actu visibile per lumen; ergo dum dicit perspicuum esse visibile per externum colorem: lumen potius nomine externi coloris intelligit, non verum colorem. Quod satis aperte insinuat statim post definitionem luminis declarata, his verbis: *Lumē autē, ut color est perspicui, &c.*

Deinde, quia in explicatione perspicui colorem pro lumine posuit, & idem lumen est præcipuū visibile, definit lumen hoc modo: *Lumen est actus perspicui, ut perspicuum est*, ac si diceret albedinem esse actum albi, ut album est, sicut enim albedo constituit corpus actu, & formaliter album, ita lumen constituit corpus, in quo recipitur perspicuum, hoc est, illustratum, aut splendens. Dixit verò lumen esse actum perspicui, ut perspicuum est; quia duplex est perspicuum, actu, vel potentia: perspicuum potentia dicitur omne corpus capax lucis, etiam si illam non habeat: actu verò perspicuum non est, nisi sit luce perfusum, seu illustratum, ut perspicuum in potentia est aër tenebrosus, perspicuum actu, dum illuminatus est.

Ex quibus colligit falsam esse sententiam Empedoclis, & aliorum asserentium lumen esse corpus. Quod probat triplici argumento: primo, quia cum evidens experientia nos doceat lumen peruadere totum aërem, hoc est, per omnem dimensionem eius se diffundere, si lumen esset corpus, euidenter sequeretur se penetrare cum corpore diaphano, in quo recipitur, penetratio autem corporum naturaliter est impossibilis. Secundo quia tenebræ opponuntur lumini, tanquam priuatio eius, sed oppositio priuatiua est inter priuationem, & habitum, seu formam circa idem subiectum; ergo lumen forma quædam est. Falsum igitur est, quod sit corpus, nam corpus substantia est, & non forma in corpore alio recepta. Et tandem, quia si lumen esset corpus, localiter moueretur, dum se diffundit per mediū, sed motus localis: cum sit ex propria natura successiuus necessatio fit in tempore: ergo illuminatio totius mediij à sole facta per se, & necessario fieret successiuè, & in tempore contra euidentem experientiam, quia videmus luminosum in medio spatio positum in momento ipsum illuminare, & etiam contra rationem, quia lumen contrario caret, & propterea non potest per se produci in tempore. Nec satisfacit ( inquit ) huic argumento Empedocles asserens, breuissimo quidem tempore, & ideo imperceptibili per sensum lumen percurrere totum medium, &

dium, & ideo videri in instanti diffundi. Quia licet breue spatium fortè posset imperceptibili tempore percurrere, sed magnum adeò, quale est intervallum ab Oriente in Occidentem, repugnat pertransire, nisi in mora temporis sensu perceptibili, quare non posset nos latere successio talis motus. Præter colorem verò, & lumen quædam alia esse ait visibilia per se, vt fungos, cornu, capita quædam piscium, squamas, & oculos cati. Et hæc quidem non sunt visibilia sicut color, qui non potest videri sine aduentitio, aut externo lumine, quo illuminetur medium, sed per se, hoc est, non per extrinsecum lumen necessario in medio præsuppositum videri possunt: quod patet experientia: cum in tenebris videantur. Vnde falsam esse ait Democriti sententiam asserentem medium corpus inter obiectum, & potentiam quantumlibet diaphanum impedimento nobis esse ad videndum, quare, inquit, si intervallum inter cælum, & terram existens vacuum foret, longè melius videremus, ita vt vel formicam in cælo existentem possemus distinctè visu percipere. Falsam verò probat esse hæc sententiam, quia non potest fieri visio nisi immutato oculo ab obiecto, sed non potest immutari ab eo, nisi species transcant per medium, quia sensibili supra sensum posito non fit sensatio: ergò non posset per vacuum fieri visio, & hæc est sententia totius capituli.

TRACTATUS DE  
NATURA, ET RATIONE VISI-  
uæ potentia, ac de organo, vel sensorio eius,  
colore, & lumine, ac cæteris ad actum,  
& obiectum eius pertinentibus.

## QVÆSTIO I.

*An color sit qualitas diuersa à lumine, & qua sit propria ratio eius.*

**E** natura, & diuersitate colorum libellum quēdam composuit Aristoteles inter opera eius relatū post Metaphysicam, quāuis Theophrasto potius, vel alteri eius expositori antiquo tribuēdū omnino esse censent.

cessant nonnulli ob aliquam styli diuersitatem. De eisdem etiam differit (quamuis obscure satis, ut solet) in lib. de sensu, & sensibilibus, cap. 3. per totum, Vbi refert primam opinionem Pythagoreorum asserentium colorem esse ipsammet extremam superficiem cuiuslibet corporis. Quod hoc argumento probat; color ex propria natura diuisibilis est, sed sola quantitas est per se diuisibilis; ergo color quantitas esse debet, & non est corpus, nec linea, ut per se patet; ergo superficies, non quæcunque, sed extrema, vel extrema corporis, nam hæc sola visibilis est.

Secunda opinio non distinguit colorem à lumine, sed asserit <sup>8</sup> lumen ipsum, prout receptum in corpore opaco, præsertim mixto colorem esse: iuxta diuersitatem verò dispositionum eiusdem corporis, diuerso modo apparet, & ut apparet tanquam disgregatum visus vocatur albedo, apparens verò sub aliis formis induit nomina aliarum specierum coloris. Itaque absente lumine nullus est color in corporibus, neque albedo, nec nigredo; sed eo adueniente fiunt omnes, hoc vel illo modo diuersi, iuxta diuersum modum, quo lumen ipsum recipitur in corporibus opacis. Ita sensit Plato in Timæo, ita etiam omnes ferè Arabes, Aucupace, ut citat Comment. 2. lib. de anima, comment. 65. Auicenna 6. lib. naturalium, part. 3. capite 2. vbi citat Alpharab. Alphrodif. lib. 1. naturalium questionum, questio. 1. capit. 2. & eadem videtur fuisse sententia Alberti Magni, in libro de sensu, & sensibili tractatu 2. capit. 1. vbi existimauit colorem <sup>9</sup> duo importare: vnum quidem tanquam materiam, nempe qualitatem secundam ortam ex mixtione primarum, aliud verò ut formam, nempe lumen, unde extincto lumine per absentiam luminosi (inquit) non permanere colores formaliter, & ita colorem formaliter sumptum idem esse cum lumine. Imò etiam D. Thom. 2. lib. de anima lectione 14. ad finem, vbi sic loquitur de colore, *color nihil aliud est, quam lux quadam quodammodo obscurata ex admixtione corporis opaci*. Probatur hæc sententia primo ex definitione perspicui tradita ab Aristotele capite præsentis textu 68. his verbis: perspicuum autem dico quod est *visibile per externum colorem*, sed constat esse visibile per lumen ex ipsomet Aristotele statim definiēte lumē *quod sit actus eiusdem perspicui, ut perspicuum est*: ergo putauit Aristoteles idem esse colorem, & lumen: Probatur consequentia, nam alioqui non posset definitio perspicui omnibus perspicuis conuenire, cum plura eorum nullum alterum colorem externum habeant præter lumen, ut aer, aqua, cælum, & id genus alia. Prior verò definitio coloris hoc etiam loco assignata, ita ait, color est: *Motus perspicui in actu*, sed hæc definitio conuenit luminis; ergo nō distinguitur ab eo color. Minorem sic probō; lumen solis videtur <sup>10</sup>

per aërem illuminatū, quod constat esse perspicuum actū: ergo producit speciem sui in eo, sed hoc est cum mouere, quia nō alio modo cum mouet color, nisi producendo in eo speciem sui transeuntem ad oculum, ut per eam videatur; ergo lumen est motuum perspicui in actu, & proinde non distinguitur à colore. Et tandem ex posteriori definitione coloris tradita in libro de sensu, & sensibili, cap. 3. sic inquit, color quippe erit,

- 11 *Perspicuus in corpore d. terminatio extremas* Ex qua sic arguo, corpus terminatum, seu determinatum est corpus opacū, in quod terminatur visio: nam corpus purè diaphanum, ut aërem videre non possumus, nisi in aliud corpus opacum terminetur visio: ergo color iuxta hanc definitionem est extremitas huius perspicui dēsi, vel opaci terminantis, seu determinantis visionem, sed constat hoc perspicuum esse tale per lumen in extremitate eius, hoc est, in superficie extrema receptum, per quam ut sic illuminata videtur, ergo color erit extremitas eiusdem perspicui sic illuminati, & proinde erit lumen ipsum ratione cuius illuminatur, & visibile est idem corpus.

Probatum deinde ratione, primò, quia lumen facit colores omnes actu visibiles; cum ipsi solum sint visibiles in potentia: ergo est actus, & forma eorum, & consequenter colores ipsi formaliter sumpti erunt idem, quod lumen. Evidens est consequentia, & antecedens expressum apud Aristotelem 3. lib. de anima, text. 18. his verbis: *Quod. in enim modo. & lumen facit potentia existentes color. s. actu colores.* Quod etiam cecinisse videtur

- 12 Poëta 6. lib. *Æneidos*, dicens: *Rebus nox abstulit ira colorem*, atque etiam Ecclesia in quodam Hymno: *Rebusque iam color reddit, vultu mentis sidera.* Secundò, quia eiusdem prorsus rationis sunt colores, qui videntur in iride, atque etiam in collo columbæ, cum his, qui videntur in cæteris corporibus, ut docet experientia visus, sed de illis constat esse lumen in nube, vel alio corpore refractum: ergo, & cæteri colores lumen erunt.

Secunda opinio *distinguit duplicem colorem, verum, & apparentem; & hunc non esse distinctum à lumine tenet, illum verò specie distingui.* Ita omnes fere interpretes Aristotelis in commentariis huius capituli. Et est communis, & vera, sed primo declaranda est, deinde probanda; Declaratur autem hoc modo. Veri colores sunt secundæ qualitates resultantes ex permixtione primatum, atque adeò ex certo temperamento mixti, ut docet Aristot. in lib. de coloribus, cap. 1. 2. & 3. atque etiam in lib. de sensu, & sensibili, cap. 3. & hinc est, quod cum temperamentum mixtorū causa intrinseca sit, & fere semper stabilis verus ipse color ab intrinseca causa proveniat, & fere semper sit qualitas permanens, apparens verò ab extrinseca causa provenit, à qua depen

dependet, etiam in conseruari, & ex eius motu, vel mutatione, atque ex facili variatione alterius extrinseci facile variatur, ex sola enim reflexione radiorum lucis causatur, quæ refractione cum dependeat ex situ, & dispositione corporis opaci, circa quod fit, atque etiam ex præsentia corporis luminosi, & hæc facile mutantur, atque etiam luminosum facile moueatur, ita etiam apparentes colores non solum facile mutantur, sed facile dispareant. Non tamen dicuntur, apparentes, quia non habent veram entitatem, sed quia cum vera entitas eorum sit lumen ipsum, habent tamen apparentiam colorum, & diuersorum colorum, ex diuersa reflexione lucis. Vnde experimur ex tali modo reflexionis lucis in corpore opaco apparere in eo colorem album, ex alio verò rubeum & ex alio viridem, & ex remissione eiusdem lucis refractæ apparere nigrum colorem. Itaque dicimus hos colores apparentes esse lumen ipsum diuerso modo refractum in corpore opaco; quare non distinguuntur inter se specie, à veris verò coloribus specie distinguuntur, non ita ut color sit genus ad veros colores, & apparentes, quia non habent vniuersam conuenientiam cum eis, sed analogicam tantum; nam licet veram habeant entitatem lucis, solam tamen similitudinem, & apparentiam colorum, & ideo dicuntur colores per attributionem ad veros colores: & propterea non distinguuntur specie ab eis sub genere immediato coloris, sed sub alio superiori qualitatis, in quo conueniunt veri colores cum lumine.

Nostra igitur sententia sic explicata, Probatur testimonio Arist. qui cap. præsentis diuersis definitionibus definit, utrumque: nam colorem esse ait: *Motuum perspicui in actu*; lumen verò, *actum eiusdem perspicui*; ergo color præsupponit lumen in subiecto, per quod idem subiectum fiat perspicuum actu, & ipsum mouere possit producendo in eo speciem propriam, Gratiæ exempli, aer secundum se est perspicuum in potentia, quem proinde non potest mouere color producendo in eo speciem, nisi prius fiat perspicuum actu; sit verò perspicuum actu per lumen in se receptum; ergo color ex propria ratione præsupponit lumen in subiecto; quare necesse est, quod sit qualitas realiter, atque essentialiter distincta ab eo. Et si dicas lumen etiam esse motuum perspicui in actu, quia si aer aliquantulum sit illuminatus, moueri potest ab aliquo luminoso per productionem specierum, & ita videri per tale medium. Respondeo res distinguendas esse ex his, quæ eis conueniunt per se, non ex his, quæ conueniunt per accidens, color igitur per se habet mouere perspicuum actu. nec potest illud actu perspicuum constituere: lumen verò per se illud constituit perspicuum in

actus quare per se habent rationes distinctas. Vnde per se color quicumque intensus, vel etiam remissus præsupponit lumen in subiecto, lumen verò non præsupponit per se colorem, neque etiam aliud lumen, sed per solum præsupponit perspicuum in potentia, & illud constituit in actu formali; quare non habet per se, quod sit motuum perspicui in actu, sed quod illud constituat in actu. Contingit verò per accidens, quod factum iam perspicuum actu per lumen remissum, moueatur ab intensiori, quod non tollit distinctionem eius à colore ex rationibus per se, ac propriis per definitiones explicatis desumendam. Capite etiam de Qualitate in prædicamentis, docet expressè Aristoteles, colores esse passibiles qualitates tertiæ speciei habentes contrarium, & 7. lib. Physicor. terminare per se motum alterationis, constat autem lumen non terminare motum per se, quia contrario caret, & ideò per se producitur in instanti, veri autem colores per se successiuè; ergo diuersa qualitas est color à lumine ex mente Aristotelis.

- 17 Probatur deinde ratione, quia lumen contrario caret, & solum habet oppositionem priuatiuam cum tenebris, conuenit etiam incorruptibilibus corporibus, & perfectissima omnium qualitas est habens virtutem producendi colorem, & omnes ferè primas qualitates elementorum; veri autem colores contrarij sunt, vt albedo, & nigredo: quibus nihil horum conuenit; ergo realiter, atque essentialiter distinguuntur à lumine. Secundò colores distinguuntur specie inter sese, vt albedo, & nigredo, & permanent absente, vel extincta luce; absurdum est enim dicere veros omnes colores extinguì abscedente sole, aut quouis alio luminoso, & eisdem aduenientibus de nouo produci, sed lumina omnia sunt eiusdem speciei, & dependent in conseruari à præsentia luminosi, còque absente extinguuntur prorsus in medio; ergo dubitari non potest, quod præter lumen dentur veri colores, qui sint qualitates realiter, & specie distinctæ ab eis.

- 18 Vt respondeamus argumentis oppositæ sententiæ exponendæ in primis sunt tres illæ definitiones perspicui, & coloris Aristotelis, vt intelligatur nihil continere contra nostrâ sententiam. Prima est definitio perspicui, quod asserit esse visibile per externum colorem, nomine autem coloris lumen intelligit, vt explicui, atque probavi in expositione textus; quare ex hoc non sequitur colorem esse lumen, nisi per quandam similitudinem, quia sicut corpus coloratum dicitur visibile per colorem superuenientem accidentaliter, sic perspicuum dicitur visibile per lumen ei ab extetno luminoso proueniens accidentaliter, colorem ergo sumit Aristoteles in hac parte sub  
commu

communissima ratione ad verum colorem & lumen, non sub propria, nec definit omne perspicuum: cum constet perspicua quædam esse visibilia per internam lucem ut ignem, & semper esse talia actu, sed ea tantum, quæ non semper in actu sunt: sed aliquando in potentia, & hæc fiunt in actu per lumen externum. Expositio secundæ definitionis, quæ est prima coloris, ex doctrina nuper tradita constar: atque ex ea realis, atque essentialis distinctio caloris à lumine. Illud tamē adnoto, quod perspicuum in hac definitione nō sumitur vniuersaliter pro quocumque: sed solum pro diaphano, aut transparente, quod potest esse medium visionis: nam multa sunt perspicua, quæ ob densitatem medium videndi esse non possunt, de quibus certum est, non posse à colore moueri. Quare in duabus definitionibus coloris, & in definitione luminis tribus modis sumit Aristoteles perspicuum, magis, & minus vniuersaliter, in definitione quidem luminis pro quocumque, quia cuiuscumque potest esse actus; nam quodcumque est capax luminis: in prædicta verò definitione coloris, pro eo tantum, quod medium videndi esse potest: & in posteriori definitione eiusdem coloris mox explicanda solum pro perspicuo per se terminato, ut dicemus, & nisi diuersi isti modi accipiendi perspicuum distinguantur, impossibile erit has definitiones intelligere. Præter has verò tres acceptiones perspicui adhuc secundum aliam distinctam definit illud Aristoteles, ut nuper in eius definitione adnotaui-  
mus, quod etiam si non aduertatur, non erit intelligibilis illa eius definitio. Nec vitio tribui debet Aristoteli, quod diuersis acceptionibus perspicui vtatur, quia necessarium fuit ad naturam luminis, & coloris, atque etiam ipsiusmet perspicui commodè explicandam.

Altera denique definitio coloris obscurissima est, quare licet in eius expositione desudauerint recentiores interpretes, nescio an sensum eius, mentemque Aristotelis attigerit. Germanum igitur sensum Aristotelis eruere, nisi ex contextu capitis impossibile est, quod semel, & iterum attentè percurrans, simulque egregiam commentationem D. Thom. hoc modo declarandam esse censeo. Eo in primis tanquam certo fundamento præsupposito, quod in definitione hac non sumit colorem Aristoteles, prout est secunda qualitas ex mixtione primarum orta: sed in quantum rationem visibilis habet, quamuis priorem illam rationem tanquam fundamentum posterioris, à quo oritur, ibidem quoque explicet.

Hoc supposito duplicia corpora distinguit, quædam quidem interminata, quæ sicut ex se non habent terminum suæ extensionis, vel difficile cum habent, nisi alieno terminentur, ut pa-

ret de aëre, igne, & aqua, ita nec habent determinatam partem, vel terminum in ordine ad visum, per quem videantur: sed vel secundum totam profunditatem penetrari possunt per visum, vel certe secundum magnam partem eius, & adhuc indeterminatam, cuius non est à nobis assignabilis terminus, vel extremum, & si omnino careant termino, vel extremo, per quod videantur, ut aër, & ignis elementaris, videri non possunt, nisi per aliquod corpus opacum terminetur visio eorum, si verò magna tantum ex parte extremo per quod videantur, careant, non indigent corpore opaco pro termino extrinseco suæ visionis: sed sufficit sibi naturalis densitas, quam habent ad eam terminandam, quia eius ratione visus non potest omnem eorum profunditatem peruadere, aut penetrare, & talia sunt corpora magna ex parte transparentia, non tamen omnino ob densitatem, ut vitrum, cristallum, & lapides quidam, atque etiam stellæ, & id genus alia. Alia sunt corpora, quæ sicut propriis extremis suæ extensionis materialiter terminantur, sic etiam in ordine ad visum per propria extrema ex se determinata videri possunt, hoc est, per superficiem extremam; nam licet in profunditate etiam visibilitatem habeant: non possunt per eam videri nimia eorum densitate, & opacitate impediente, & quasi eam suffocante, & talia sunt corpora nimis densa, & omnino opaca, hoc est, nulla ferè ex parte transparentia.

24 Secundò adnotat D. Tho, perspicuitatem (quæ non est aliud quam capacitas lucis) diuersos habere gradus in corporibus; & ideo diuersis modis sumi ab Aristotele iuxta illos diuersis locis: primus, ac perfectissimus gradus tribuitur corporibus omnino diaphanis, aut transparentibus, & inter hæc primum locum perfectionis obtinent corpora cælestia; deinde ignis, & aër, multo verò inferiorem aqua ob densitatem, his verò succedunt corpora illa magna ex parte transparentia, ut vitrum, cristallum & tandem corpora omnino opaca, qualia sunt mixta omnia ex elementis composita, quæ ex ea parte, qua participant perspicuis elementis, nempe igne, aëre, & aqua, aliquam perspicuitatem habent, maiorem, vel minorem, secundum quod plus habent de his elementis, & minus terrestria sunt.

25 Ex his patet iam sensus definitionis: qui talis est, color est extremitas perspicui non cuiuscunque: sed per se terminati in ordine ad visum, ut excludantur diaphana non per se terminata in ordine ad visum: sed per extrinsecum corpus opacum, atque etiam ut excludatur lumen, quod ex propria ratione non respicit extremitatem corporis determinatam: sed indifferenter quodcumque perspicuum, & quamlibet eius dimensionem, ac dimensionis partem tanquam actum formalem eius:



eius: hoc est, constituendo illud actu, & formaliter perspicuum; & ideo definitur, quod sit: *actus perspicui, ut perspicuum est*. Itaque lumen, & color adhuc in ordine ad extremitatem perspicui valde differunt per diuersum modum eam recipiendi: nam licet vterque sit in ea, lumen quidem constituendo eam actu, & formaliter perspicuam, sicut constituit perspicuum totum corpus diaphanum, & quamlibet eius partem, nullam verò efficiendo terminatam, per quam videatur totum; quare non est in extremitate tanquam in per se terminante visionem, quod constat habere colorem, & in hoc consistere rationem eius, ut per hanc definitionem explicatur, & in qua non accipitur perspicuum prout commune quid ad perfectè, & imperfectè perspicuum, qualia sunt diaphanum, & opacum, & multo minus pro perspicuo perfectò, quale est solum corpus diaphanum: sed pro imperfectò tantum, nempe pro opaco habente aliquam participationem perspicuitatis ex propria permixtione elementorum, qua constat, & ad hanc rationem perspicui imperfecti determinatur, per vltimam particulam, nempe corporis per se terminati. Et ita exposita definitione constat per eam optimè explicatam esse ab Aristotele naturam coloris, ut ordinatur ad visum, & à lumine, ac cæteris distingui. Cuius sensus talis est, color est: *Extremum perspicui per se terminati in ordine ad visionem*. Definitur autem per extremum perspicui tanquam per subiectum loco generis positum; quod per aliam particulam, per se terminati, determinatur ad imperfectissimum perspicuum, & distinguitur à lumine, & cæteris.

Ad i. argum. respondeo, negando vtramque partem antecedentis, nempe, quod lumen constituat colores actu visibiles tanquam forma eorum; constat enim ex verbis expressis huius capituli eos habere in se causam visibilitatis; & ideo esse per se visibiles, ut omnes ferè interpretes docent. An verò lumen tanquam conditio necessaria ex parte ipsorum compleat hanc rationem visibilitatis, vel solum sit necessarium ex parte medij: inferius explicabitur, atque etiam comparatio eiusdem luminis cum intellectu agente constituta ab Arist. in 3. lib. Sensus vero vtriusque testimonij in eodem argumento adducti est, noctem quidem colores abstulisse, vel diem eos restituisse in ordine ad actum videndi, in quantum extincta luce aufertur conditio requisita, ut videantur, nempe dispositio medij, & species eorundem colorum in eo existentes, sine quibus videri non possunt, & per lumen diei restituantur.

Vltimum argumentum solum est ex doctrina tradita. Et ad formam eius neganda est maior, quod idem sint colores veri, & apparentes in ordine ad visum: nam licet in comuni

ratione visibilis conueniat, distinguuntur tamen in propriis naturis per definitiones explicatis ab Aristotele, & in multis aliis à nobis adductis.

## Q V Æ S T I O II.

*An lumen sit qualitas naturalis, & physica, vel intentionalis tantum.*

- 28 **Q**uamplura lucis encomia asferre possemus, quibus disputatio de natura eius illustrior fieret: sed breuitatis studio ea omittimus, præsertim cum à Conimbricensibus nostris, non minùs copiosè, quàm eruditè tradantur 2. lib. de cælo, & mundo, cap. 3. quæst. 5. art. 2. Vt autem ad propositam quæstionem veniamus, præsupponendum est iuxta communem sententiam perspectiuorum, quam affert, & approbat D. Thom. quæst. 9. de veritat. art. 1. ad 7. & 2. lib. de anima, lect. 14. atque etiam Albert. Magn. quem citat, & sequitur Tolerus 2. lib. de anima, qu. 18. lucem, & lumen non distingui essentialiter: sed ex eo solùm, quod eademmet qualitas, vt est in corpore luminoso: à quo emanat, vocatur lux: sed vt producta est ab eodem luminoso in alio corpore diaphano, aut perspicuo, vocatur lumen. Quo supposito circa eius naturam non eodem modo sentiunt omnes. Et in primis corpus esse dixerunt Empedocles, & ex Academicis philosophis plures; imò & D. August. 2. lib. de libero arbitrio asferit lumen primum locum tenere inter corpora, & Theod. in quæst. super Genes. q. 7. lucem ait esse substantiam per se coherentem, eandemque sententiã tenuit Damasc. 2. lib. orthod. fidei, c. 7. Quorum fundamentum viderut fuisse, reflexio radiorum, & mirabilis effectus eius. Experimur namque radios
- 29 lucis refrangi in speculo, aut alio denso, ac terso corpore, & per coniunctionem eorundem radiorum aërem intercipi, & quasi partes eius comminui, & in ignem conuerti: sed constat refractionem corporibus tantum cōuenire, & corpus à solo corpore alterari, aut comminui posse: ergo ex utroque probatur radios lucis, & consequenter lucem ipsam esse corpus.

Hanc tamen sententiam duplici ratione euidenti refutauit Aristoteles cap. præsent. Prima, quia cum lumen peruadat totam profunditatem corporis diaphani, si lumen esset corpus, duo corpora essent in eodem loco, & ideò se penetrarent. Secundò, quia motus localis fieret in instanti: nam cum lumen cateat contrariò: euident est illuminationem fieri per se in instanti, & ideò lumen extendi in instanti: sed extensionem luminis per medium comitatur motus localis: ergo iste fieret in instanti, quod repugnat.

- 30 Secunda sententia asserit lucem esse formam substantialem corpo

corporum lucidorum, quam tenuerunt nonnulli, quos citant D. Thom. 1. part. quest. 67. art. 3. & Ægidius 2. lib. exam. cap. 11. probatque potest primo, quia caret contrario, omne autem accidens sensibile contrarium habet: ergo potius censenda est substantialis forma, cui conuenit carere contrario. Secundo, quia nullus effectus accidentalis formæ dependet ab ea in conseruari, vt euidenti inductione constare potest: sed experientia docet lumen productum in medio dependere in sua conseruatione à luminoso, à quo producitur: & quo abeunte extinguitur; ergo non est accidentalis forma: sed substantialis. Sed hæc etiam sententia euidenter falsa probatur; quia substantia non est per se sensibilis, vt superius docuit Aristoteles: sed solum per accidens; sed constat lumen esse per se 31  
sensible: ergo non est forma substantialis corporum lucidorum. Secundo, quia si esset forma substantialis informaret materiam eorum: ergo duæ formæ substantiales informarent simul eandem materiam. Probatur consequentia, quia præter lumen habent corpora diaphana, vt aër, & ignis proprias formas substantiales, quas constat retinere in tenebris extincto prorsus lumine. Et tandem, quia experientia docet lumen intendi, atque remitti, intensio autem, & remissio pugnat cum naturâ substantialis formæ.

Ad has duas sententias reduci possunt duæ alie; nam quidam tenuerunt lumen productam esse ipsammet substantiam solis, quam per medium diffundit, & cum substantia solis sit corporea, consequenter dicunt lumen esse corpus. Quod præter inconuenientia illa deducta ex prima sententia id asserente, quæ non minùs euidenter ex hac sequuntur, vt consideranti patebit. Duplici alia ratione probatur falsa, priori quidem, quia euidenter experientia docet absente sole lumen hoc in medio productum extinguere, quod non est intelligibile, nisi per anihilationem: cum neque aliquid eius permaneat actu, vel in potentia materię, & si dicas ad motum solis retrocedere, & tandem se reducere ad illum, & ideo non corrumpi. Probatur falsum, quia si hoc ita esset, nihil aliud foret illuminatio, quàm extensio substantię solis ad maiore locum, & retractio ad eundem, quod non est excogitabile fieri sine rarefactione, & condensatione, nec sine motu locali recto, quæ non possunt naturaliter ei conuenire. Posterior ratio est, quia cum talis diffusio proprię substantię sit continua, & ea, quæ diffunditur extinguatur, consumpta iam foret tota substantia solis.

Alij vero existimarunt lumen esse speciem ignis, quod videtur idem esse, ac dicere formam esse substantialem; Ita Proclus in commentariis super Timæum Platonis cap. 3. & videtur id 33

sentire Aristoteles, vt testatur D. Thom. 1. part. quæst. 67. art. 2. ad 2. Sed probatur falsum, quia siue per speciem ignis intelligatur ignis compositus ex materia, & forma, siue sola forma ignis, eadem omnino inconuenientia allata contra duas illas priores sententias sequuntur.

- His igitur refutatis sententiis cæteri omnes auctores tenent lumen, nec esse corpus, nec substantialem formam, neque omnino substantiam, sed affirmant esse formam quandam realem accidentalem, tam in corpore luminoso, quam in corporibus ab eo illuminariis. Ita vt in sole, vel igne sit qualitas quædam propria, & quasi innata, in aëre verò ab extrinseco producta. Hoc verò non ab omnibus intelligitur eodem modo: sed quidam asserunt lumen esse qualitatem intentionalem, hoc est, non habentem esse naturale in subiecto, sed intentionale, sicut species coloris in aëre, est enim lumen lux producta à sole in aëre, vt per eam videatur. Ita Scotus in 2. dist. 13. quæst. vnica. Ægidius ibidem, atque etiam 2. lib. de anima, ad textum 76. dub. 2. & 3. Thienensis ad text. 71. Burid. quæst. 17. eiusdem lib. & Assian. in quæstionibus perspectiuis. Huius autem sententiæ meminit D. Thom. eamque refutauit 1. part. qu. 76. art. 3. Probatum verò falsa primo, quia qualitates intentionales: cum non habeant esse naturale, sed diminutum, non possunt producere effectus naturales, nec sentiri, aut videri, constat vtrumque in speciebus intentionalibus aliorum obiectorum: sed euidentis experientia docet lumen productum in medio calefacere aërem ipsum, & cætera corporea in eo existentia: ergo non habet esse intentionale. Et si dicatur habere vtrumque modum essendi, probatur euidenter esse falsum, quia inferioris, & superioris ordinis sunt modus essendi naturalis, & intentionalis valdeque diuersi: ergo repugnat eidem rei conuenire. Et vrgeri sic potest: lux, & lumen solum differunt ex communi sententia perspectiuorum, sicut calor existens in igne, & calor, quem producit in medio, sed constat hos calores esse eiusdem speciei; ergo sic se habebunt lux solis, & lumen medij: quare si illa est accidens naturale, & intentionale, pari ratione hoc. Et tandem, quia si lumen in toto medio productum esset species intentionalis, repræsentaret solem, aut eius lucem, vel vtrumque in ea magnitudine, situ, & figura, quam habet sicut species cuiuscumque alterius obiecti, à quo procedit, repræsentat illud. Vnde sequitur, quod ex quacumque parte medij, & ab oculo sub quacumque dispositione, vel situ existente, quauis non è regione eius posito, non solum videri posset, sed necessario videretur, quod contradicit experientiæ. Probatum consequentia, quia oculus habens speciem obiecti, etiam à tergo existentis, necessario illud videt

Communis igitur, & vera sententia est, *lumen esse qualitatem realem, physicam, naturalem, & non intentionalem.* Ita Alexand. Simp. Albert. Magn. & alij interpretes Aristotelis cap. præfenti, atque etiam D. Thom. 1. part. quæst. 67. art. 7. & quæstion. 10. de Veritate art. 8. ad 10. & alij Scholastici in 2. dist. 13. quam efficaciter satis probant argumenta: quibus omnes præcedentes refutauimus. Huius autem veritatis signum est, quod accidentia intentionalia propter diminutum esse, quod habent, non denominant subiectum, vt patet de speciebus intentionalibus omnium sensuum, sed quodcunque corpus capax lucis denominatur lucidum ab ea; ergo non est qualitas intentionalis, sed physica & naturalis.

Ad argumentum primæ sententiæ respondeo, reflexionem radorum non esse materialem, quæ per motum localem lucis fiat, non enim transit vnum accidens ab vno subiecto in alterum, sed per quandam similitudinem dicuntur radij reflecti, non quidem ita vt iidem retrocedant per motum localem, quia hoc est contra rationem accidentis, sed per extensionem, ita vt noui producantur versus anteriores partes mediij, vel saltem nouæ partes radorum. Et ex hoc intelligitur, quod quamuis materialis reflexio corporibus tantum conuenire possit, metaphorica ex eius similitudine desumpta possit conuenire accidenti corporeo, quare non probatur lumen esse corpus ex reflexione radorum, sed solum esse qualitatem corpoream. Nec verum est radios solares producere ignem in partibus aeris, in quibus concurrunt, vel vniuntur, per attritionem, vel comminutionem earundem partium, sed quia vniti maiorem vim habent ad calefaciendum eandem partem aeris, in qua vniuntur, & ideo intensiorem calorem in ea producant, & consequenter intensiorem siccitatem, quibus simul cum raritate naturali disposita facile conuertitur in ignem.

Et Sancti Patres hac distinctione explicandi sunt. Lumen dupliciter sumitur, aut pro qualitate, quæ est accidens luminosi corporis, aut pro corpore ipso luminoso, à quo qualitas hæc emanat, & cui propria est, & corpora hæc perfectiora sunt aliis in suo ordine, vt patet de sole, & igne. Patres verò locuti sunt de luce posteriori modo, non priori, & ideo eam dixerunt esse corpus, & huius sensum eos tenuisse colligitur ex contextu eorundem locorum. Et eundem tenuit Aristoteles, vel si lumen ipsum aliquando adducit in exemplum tanquam corpus, non ex propria sententia, sed illorum Philosophorum, qui corpus esse dicebant: tale exemplum affert, nam aliquando vtitur exemplis ex aliorum sententia, quia melius per illa res declaratur, quibus & nos cum multis aliis authoribus vti solemus. Theodoretus

doretur verò per substantiam per se coherentem veram entitatem realem lucis intellexit, quamuis accidentalem, sicut in communi modo loquendi vocare solemus entitatem realem coloris eius substantiam.

Ad primum argumentum secundæ sententiæ negandum est antecedens, quod omne accidens sensibile habeat contrarium; 40 nam licet verum hoc sit de accidentibus mixtorum corporum, quæ ex contrariis componuntur, & ideo ex eorum temperamento oriuntur qualitates secundæ etiam contrariæ, non tamen de accidentibus superioris ordinis, quæ incorruptilibus corporibus præcipuè conueniunt, à quibus longè abest contrarietas qualitarum, præcipuè actiuarum, ex quarum permixtione oriuntur cætera cōtraria, & talis est lux tanquam ex præcipuo fonte à sole orta; quare non probatur esse formam substantialem ex eo, quod careat contrario; sed solum quod sit qualitas longè perfectior his, inter quas reperitur contrarietas.

Et ex hoc etiam soluitur secundum argumentum: nam falsa est vniuersalis illa propositio in argument. assumpta, quod nullus effectus aliarum qualitarum sensibilium dependeat in conseruari ab eis, vt ostendunt species intentionales. Hæc enim maxima dependentia aliquando ex imperfectione effectus prouenit, vt in intentionalibus, aliquando ex maxima perfectione eius, vt in luce; aliquando etiam ex maxima perfectione suæ causæ, vt in Deo cernimus, à luce verò dependet in conseruari, non solum effectus intentionalis, qualis est species, sed etiam realis vniocus, qualis est lumen, quod argumento est eximie perfectionis eius.

### Q V Æ S T I O III.

*An lumen videatur per se sine specie intentionali, vel per speciem à se productam sicut videntur colores.*

41 **P**robauimus in præcedenti tractatu necessarias esse species intentionales in sensibus, vt per eas externa sensibilia vniantur potentiis, simulque cum eis constituent integrum principium sensationis. Et hoc ideo, quia cum nimis materialia sint obiecta, non possunt per se vniri potentiis. De luce verò, cum sit qualitas omnium perfectissima, & ex consequente longè imaterialior cæteris, specialis est difficultas, an per semetipsam vniatur potentiæ visuæ, vel non minùs quàm cæteræ indigeant specie intentionali, per quam vniatur, & ab eadem potentia visuua percipiatur. Et hoc est, quod titulus questionis seiscitur.

Circa quam prima opinio affirmat lumen per se ipsum videri, & non per speciem, quia cum sit perfectissima qualitas, ita

ita est realis, & naturalis, vt cõtineant etiam perfectionem qualitatũ intentionalium, nempe specierum, & ideò vocari potest naturalis simul, & intentionalis, sed perfectissimo modo, quia non habet esse intentionale diminutum, atque imperfectum, sicut habent species, sed perfectissimum, & quasi per eminentiam, ratione cuius per se immediatè, ac sine specie vniri potest potentiæ, tanquam obiectum actu visibile, vt tale per se eidem potentiæ præsens, & per se immediatè videri, imò non potest naturaliter producere speciem sui, quia vt minimum esset superflua. Ita Caiet. quem sequuntur plures. Et videtur expressa sententia D. Thom. 1. part. quæst. 56. artic. 3. in corpore his verbis. *Considerandum est, quod aliquid tripliciter* 42  
*cognoscitur, uno modo per præsentiam suam essentia in cognoscente, sicut si lux videatur in oculo, & sic dictum est, quod Angelus intelligit se ipsum, alio modo per præsentiam suam similitudinis in potentia cognoscentis, sicut lapis videtur ab oculo, per hoc, quod similitudo eius refertur in oculo.* Quibus duo asserit expressè; primum, quod lux videtur ab oculo per se ipsam immediatè præsentem oculo, sicut essentia Angeli intelligitur per se ipsam immediatè præsentem intellectui proprio. Secundũ, quod alio modo videtur lux ab oculo, ac lapis, nã hic præsens fit oculo per speciem sui productam in eo: lux verò per suam essentiam præsens est oculo, & ideò per eã videtur, & neutrum potest esse verũ, si lux videatur per speciẽ, nam nec videretur, sicut intelligitur essentia Angeli, nec alio modo, ac videtur, lapis præsens oculo per speciẽ sui, & idẽ docet, quæ. 8. de Veritate ar. 3. ad 17. & quæ. 10. ar. 8. ad 10.

Sed ratione probatur primò, nam species ideò necessaria est ad videndum colores, quia non possunt esse per se præsentẽs 43  
oculo, nec ideò per se ei vniri, vt obiecta actu visibilia, sed lumen est præsens per se potentiæ, cum sit diffusum per medium vsque ad potentiam ipsam, imò & organum ipsum illuminer, sicut parietem simul ac medium, vsque ad ipsum, & est actu, ac perfectissimo modo visibile: ergò nihil ei deficit, vt per se immediatè videatur, nec indiget specie ad sui visionem. Et si fortè dicatur, quod licet hæc habeat, nihilominus specie indiget, quia vniuersaliter loquendo sensibile supra sensum positum impedit sensationem sui. Contra hoc est maxima perfectio luminis, quod sicut per medium diffusum, & inter potentiam, & obiectum positum non impedit sensationem aliorum obiectorum magis distantium, sicut impediunt colores, ita quamuis ponatur iuxta sensorium, imò supra illud, non impedit 44  
visionem propriam, nec aliorum. Et vrgeo argumentum, quia ipsummet sensorium visus maxima ex parte diaphanum est, & lumen in se habet, à quo non solũ non impediuntur sensationes, sed nul

sed nulla posset fieri sine illo, impedirent tamen colores; ergò lumen per se immediatè, inhærere potest organo, & esse præfens potentia, quare nullo modo erit necessaria species.

Secundò, quia si lumen esset qualitas purè naturalis, & non simul intentionalis, sequeretur duo accidentia purè naturalia solo numero diuersa simul esse in eodem subiecto, quod à nemine admittitur. Probaturs consequentia, quia si inter duo luminosa se respicientia ponatur corpus solidum, vel opacum, resultant duæ vmbrae; ergò produciunt duo lumina numero distincta. Probaturs consequentia, quia vmbra non est aliud, quàm priuatio luminis, vel remissum lumen, duæ autem priuationes inferunt duas formas oppositas; quare etiam si nullum esset tale corpus inter medium, quod lumina producerent in eisdem partibus medijs, & ita darentur duo talia accidentia solo numero distincta in eodem subiecto, quod à nemine ferè admittitur; propterea concedendum est lumen esse qualitatem naturalem simul, & intentionalem, & ita non indigebit specie, vt videatur, sed per se immediatè videri potest.

Nostra tamen sententia est opposita, quod sicut colores non videtur per se immediatè, sed per speciem sui productam in medio, atque etiam in potentia, sic etiam lumen, vel lux quacumque non videtur nisi per speciem sui, quam producit in medio, atque in potentia; unde non est qualitas ullomodo intentionalis, sed pure naturalis. Ita expressè D. Thom. quæst. 1. c. de Veritate artic. 8. in solutione ad 10. arg. ex his, quæ proposuit in 2. loco in hæc verba: *Ipsa enim lux, quæ est in sole, non videtur à nobis; nisi per similitudinem eius in visu nostro existentem.* Ita etiam Alexand. Simp. Alber. Toletus, cæteri quæ omnes interpretes capite præsentis, & idè communis est iam in schola.

Quam sic probò; primò de luce distante ab oculo hoc modo non potest obiectum còcurrere cum potentia ad operationem vitalem, nisi ei coniungatur per se, vel per sui similitudinem productam in potentia, sed lumen distans ab oculo non potest ei vniri per se; cum sit per se separatum ab eo, ergò necesse est, quod propriam speciem producat in eodem oculo, per quam vnietur potentia, & videatur ab ea, sicut colores. Et si dicas per lumen, quod est in ipso oculo, vel prope ipsum videri lumen extra existens. Probaturs hoc esse falsum primò, quia omnes partes luminis sunt eiusdem rationis: ergò neutra repræsentat alteram, nec per illam videri potest.

Secundò, quia si lumen quod est in oculo, vel prope ipsum, repræsentaret aliud distans ab oculo, & idè per illud videretur, sequeretur semper, & in quacumque positione, vel situ videri, etiam si esset à tergo videntis, imò etiam, si valde distaret à



ret à potentia, vel omnino extingueretur, quod patet esse falsum. Probatur consequentia, quia potentia informata specie obiecti est sufficiens principium sensationis, ut superius ostendimus. Secundò probatur de lumine in oculo existente, quia experientia docet, idem lumen pupillæ, quod sine reflexione non videtur à proprio oculo, videri per reflexionem in speculo è regione posito: ergo non videtur per se, sed per speciem. Probatur 47 consequentia, quia si per se videretur, sine reflexione videretur. Et præterea, quia hæc fuit potissima ratio superius tradita ad probandam necessitatem specierum: ergo hæc eadem conuincit videri lumen per speciem in eadem reflexione.

Probatur tandem, quia cuius experientia ostendit, nullum potius videri obiectum, siue sit lumen, vel color, nisi aliquali medio interiecto inter ipsum, & potentiam: ergo nullum potest per se immediatè videri, nec necessario per speciem. Probatur consequentia, quia eo ipso, quod aliquale intercedat medium, non potest obiectum videri per se potentia: cum sit per se separatum ab ea: ergo nec potest per se immediatè concurrere cum ea ad visionem, sed utrumque debet præstare per speciem.

Ad testimonium D. Thom. respondeo, illis verbis non affirmare, quod lumen existens in oculo videatur per suam essentiam, & non per speciem, sed sub conditione loquitur, inquit, 48 quod si lux videretur in oculo, videretur per præsentiam suæ essentiæ immediatè, & non per speciem, & quod ita intelligitur essentia Angeli, & conditionalis illa vera est, sed cum nihil affirmet, non deducitur ex hoc testimonio D. Thom. sentire, quod lumen per se immediatè, & non per speciem videatur. In aliis verò duobus testimoniis videtur clariùs dicere, quod vno modo videtur res per essentiam suam, sicut quando essentia visibilis coniungitur visui, sicut oculus videt lucem, sed eundem planè sensum conditionalem tenet, quem expressit postea in loco primæ partis iam exposito, nam eisdem ferè verbis, & ad idem propositum allatis loquitur, ad quod nihil referebar, quod lumen videatur per speciem, vel sine illa, nam idem argumentum desumitur, si ex conditione supposita videretur per se, ac si de facto videatur. Per posteriorem igitur locum primæ partis explicantur bene hæc priora tanquam per præcipuum, & ultimum; atque etiam alia, si quæ sunt, in quibus eodem modo loquatur D. Thom. verba autem nostri testimonij non solum 39 sunt absoluta, sed clara, atque perspicua, per quæ fatetur lumen videri per speciem, quibus omnino standum est.

Ad primum argumentum. concessa maiori neganda est minor, quod lumen sit per se præsens potentia, ex eo quod per totum medium sit diffusum vsque ad potentiam, nam lumen illud,

illud, quod attingit organum, sicut non videtur, ut experientia docet, quia siue aliquo medio inter ipsum, & potentiam interiecto videri non potest: ita nec potest per se vniri potentia, ut cum ea concurret ad sui visionem, quia eo ipso, quod medium intercedat, per se separatum est à potentia, & ideo non potest nisi per speciem sui eidem vniri, quantumcūque sit per se visibile. De lumine verò in pupilla eiusdem oculi existente, iam probauimus videri nō posse per se, nec per speciem. Aliud verò  
 50 quod additur de perfectione luminis, ratione cuius positum inter potentiam, & alia sensibilia non impedit visionem eorum, concedendum est: sed negandum, quod ex eo inferitur, esse qualitatem intentionalem, & ideo sine specie videri per se immediatè, quia non impedire visionem aliorum habet ex maxima perfectione qualitatis naturalis, nō ex ratione intentionali, & ideo, nec videri sine specie potest, ut probauimus. Quod tandem lumen pupillæ, vel sensorij non videatur, non procedit ex vniuersali illa causa, quod sensibile positum supra sensum impediatur sensationem: nam hoc forte non est vniuersaliter verum: ut inferius ostendetur: sed prouenit ex ratione speciali huius sensorij, euidenti experientia comprobata, qui operari nō pōt, nisi medio aliquo interiecto inter ipsū, & obiectū.

Ad secundum neganda est consequentia, videlicet duo accidentia purè naturalia, & solo numero diuersa dari in eodem subiecto, quia nec casus argumenti id probat: nam licet dux causentur vmbra propter opacum corpus inter duo illa luminosa positum, non tamen duo lumina numero distincta, quia  
 51 vmbra non est priuatio luminis: cum videamus in ea existētes obiecta, etiam intra ipsam posita, sed est remissio luminis in ea parte medij quæ non tollit continuationem luminis ab utroque luminoso producti, & consequenter, nec identitatem numericam eius, quia vnum continuum, & vnum numero idem sunt. Negandum igitur est, quod luminosa illa sic se respicientia producant duo lumina numero distincta, siue opacum corpus inter vtrumque intercedat, siue non.

## Q V Æ S T I O IV.

*An lumen sit in solo diaphano, tanquam in subiecto,  
 vel etiam in corpore opaco.*

52 **D**E hac re parum, aut nihil reperietur apud antiquos aucthores. A recentioribus verò breuiter attingitur, &

Prima opinio eorum negat omninò in corpore opaco recipi lumen, sed solum hæc illuminari quadam ratione extrinseca à lumine existente in parte medij attingente superficiem eorum, ut paries v.g. non recipit in se lumen, nec illuminatur formaliter à

ter à lumine sibi inhærente, sed extrinseca ratione à lumine existente in aëre eundem parietem attingente, quod lumen formaliter illuminat aërem, & ex formali illuminatione aëris resultat extrinseca parietis.

Probatur testimonio Aristotelis, & ratione. Nam Aristoteles 53 capite præsentis definit lumen, quod sit actus perspicui, ut perspicuum est, sed perspicuum idem est ad diaphanum secundum communem expositionem interpretum: ergo sensus definitionis erit lumen esse actum diaphani, ut diaphanum est, per quod evidens est definiri tãquam per proprium subiectum, unde sequitur nullum corpus præter diaphanum esse susceptivum luminis, sed corpus opacum non est diaphanum ut cõstat de pariete: ergo non est susceptivum luminis. Quod etiam probat ratio, quia si corpus opacum recipit in se lumen, vel illud recipit in sola superficie extrema, vel etiam in profunditate, sed utrumque est impossibile; ergo impossibile quoque erit, quod in se recipiat lumen. Minorem sic probo, quia lumen est accidens corporeum; ergo sua natura aptum inhærere corpori, ut corpus est; sed non est corpus ratione superficiei, sed ratione profunditatis, quã terminat superficies (imò solum habet superficies in corpore, quod terminet profunditatem eius) ergo non potest inhærere corpori ratione solius superficiei, sed necesse est inhærere ei etiam secundum profunditatem.

Quod verò non possit in profunditate opaci corporis recipi, 54 probatur quia si in partibus profunditatis recipitur, nõ est maior ratio ob quam in his, quã in illis recipiatur: cùm omnes sint eiusdem rationis, & idem impedimentũ densitatis habeãt, quare vel in omnibus recipietur, vel in nulla: sed in tota profunditate recipi impossibile est, & à nemine excogitatum, quia iam lumen peruaderet, & quasi penetraret totum corpus opacum secundum omnes dimensiones, ac omnes partes earum, sicut peruadit diaphanum, totumque illuminaret, sicut totum aërem illuminat, quod planè absurdum est. Et ideò omnino negandum, quod in corpore opaco recipiatur lumen per informationem. Quod videtur sentire D. Thom. in lib. de sensu, & sensato, lectio. 6. docens corpora nimis opaca, qualia sunt valde terrestria, non esse lucis capacia.

Secunda opinio concedit corporibus opacis aliquam capacita- 55 tem luminis, per quam non solum extrinseca ratione, sed formaliter illuminantur. Sed diuerso modo à diuersis intelligitur.

Nam quidam solum secundum extimam, vel extremam superficiem posse recipere lumen concedunt, & ideò non illuminari secundum profunditatem, quod videtur sentire D. Thom.

in 2. d. 14. art. 3. ad 10. & illud confirmare ex D. Dionysio. Verba D. Thom. sunt; *Dicendum, quod sicut dicit Dionysius in 4. capite de diuinis nominibus lumen solus recipitur in diuersis corporibus diuersimodè secundum diuersam capacitatem eorum; & ideo aliqua sunt, qua illuminantur in superficie tantum, ut corpora opaca, aliqua etiam sunt qua illuminantur in profundo sicut diaphana.*

Alij verò etiam secundum profunditatem illuminari volunt, non quidem secundum omnes eius partes, sed solum secundum quasdam eadem superficiem externa proximiores. Ita Caiet. cap. præfenti, Tolerus quæst. 17. huius libri ad primum, & iam fere communis inter recentiores, videnturque nobis, ut probabilior sequenda. Duo igitur probanda sunt, ut maiorem eius probabilitatem ostendamus: Primum est, quod lumen recipiatur in corpore opaco.

56 Secundum, quod non in sola eius superficie extrema, sed etiam in partibus profunditatis ei proximioribus. Primum probatur ex definitione luminis ab Arist. tradita: *Lumen est actus perspicui, ut perspicuum est*, ex qua ita arguo: proprium subiectum luminis est perspicuum, ut perspicuum est: ergo corpus in tantum est susceptivum luminis, in quantum est perspicuum; & quo plus habet de perspicuitate, eo magis est capax luminis: sed corpora opaca habent aliquid perspicuitatis; ergo habent aliquam capacitatem recipiendi lumen, & ideo necesse est fateri, quod in eis recipiatur. Minorem probo ex definitione coloris assignata ab Aristot. lib. de sensu, & sensibili, cap. 3. & quæst. 1. huius tractatus à nobis elucidata. *Color est extremitas perspicui in corpore determinatio* In qua per corpus determinatum non intelligit diaphanum, alioqui lumen esset color: cum sit in extremitate eius, sed intelligit corpus opacum, quod per se habet partem determinatam, per quam visionem terminat, & vocat illud perspicuum, in cuius extremitate asserit esse colorem: ergo capax lucis absque dubio esse censet. Probatum deinde ratione, quia corpus opacum præcipue differt à diaphano ratione densitatis transparen-  
tientiæ oppositæ: ergo omne corpus habens densitatem opacum est, & quo densius, magis opacum, quia magis oppositum diaphano, sed evidens est plura corpora densa, atque opaca esse lucis capacia, & formaliter recipere in se lumen, ut patet de speculo, Christallo, Luna, & Stellis: ergo negari non potest,

57 quod corpus opacum sit capax luminis, & ex consequenti corpora alia magis opaca erunt quoque lucis capacia, minus tamen, quia quo plus densitatis habent, eo minus de perspicuitate, & ideo minorem lucem recipere poterunt. Sicut constat de aliis qualitatibus, quæ magis, vel minus perfecte recipiuntur in subiectis secundum maiorem, vel minorem capacitatem eorum. Et tandem, quia constat reflexionem luminis fieri in corpore opaco,

opaco, hoc est dēso, ac terfo, vt in speculo, aut in pariete albō, sicut fit etiā in aqua: sed nō potest intelligi, quod reflexio fiat in corpore, nisi sit capax luminis, & verē, ac formaliter illuminetur; ergo lumen recipitur in corpore opaco. Probatur secundum, quod non recipiatur in sola superficie, quia lumen ex propria natura est accidens corporeum: ergo aptum inhærere corpori secundum trinam dimensionem longitudinis, latitudinis, & profunditatis, pugnat igitur cum natura eius, quod in sola superficie inhæreat.

Secundō, quia si lumen inhæret in sola superficie corporis opaci, sequitur dari extensionem latitudinis qualitatis corporis separatam à partibus profunditatis extensionis eiusdem, quod est idem, ac dari superficiem separatam à corpore. Probatur consequentia, quia lumen, quod informat aërē contingentem parietem illuminatū, secundum omnes dimensiones eiusdem aëris extensum est: ergo vel idemmet informat superficiē parietis, vel aliud distinctū: sed idem esse non potest, quia idem accidēs numero non potest inhærere in duobus subiectis discontinuis, est ergo aliud, si igitur non est extensum, nisi in superficie parietis, & nō in profunditate, ergo datur accidens extensum secundum solam latitudinem, sine profunditate, quod est dari quasi superficiem extensionis qualitatis separatam ab extensione profunditatis: hoc est, accidens longum, & latum, & non profundum, & hoc non est minùs impossibile, quàm dari corpus latū, sine profunditate: nisi quod hoc est per essentiam, & illud per participationem, sed æqualiter repugnat vnum, ac alterum comparatum cum natura corporis, & corporei accidentis, vt consideranti faciliè constat.

Pro solutione primī argumēti adnotare oportet perspicuum in definitione luminis, non sumi pro omni corpore pellucido, sed solū pro eo, quod lucere potest lumine externo ab alio suscepto, vt in eius definitione dicitur; sic autem sumptum plures gradus habet, vt superiùs ostēdimus; & in primo gradu eius est corpus diaphanum, vel omninò trāsparens, quod perfectissimè recipit lumen ab alio, hoc est, secundum omnes dimensiones, & omnes earū partes, & id quidem perfectissimo modo, vt patet de aëre, atque etiam de corpore cœlesti, quo medio solē, & omnes Stellas videmus, hoc autem impossibile foret, nisi esset perfectè diaphanum. In secundo gradu collocantur corpora illa magna ex parte diaphana, sed non omninò propter naturalem densitatem, ratione cuius inter opaca numerantur, vt patet de Christallo, Luna, & Stellis. In tertio gradu perspicuitatis sūt densiora, ac imperfectiora corpora, quorū extremitatem colorem appellauit Aristoteles: & quò eiusmodi corpora densiora,

- ac magis terrestria sunt, eo sunt minùs perspicua. Hanc distinctionem desumpsi ex D. Thom. lib. de sensu, & sensibili lectione 6. ex qua deducitur Aristotelē in definitione luminis sumplisse perspicuū prout quid commune ad hos tres gradus, quia secundum omnes sunt corpora lucis capacia ab externo suscipiēda, vt ita dicantur visibilia per externum colorem, hoc est, per lumen ab externo susceptum, quia per colorem externū in definitione perspicui lumen intelligere Aristot. docui, & probaui: ergo & lumen potest esse actus eorum, vt perspicua sunt.
- 60 Vel si pro solo diaphano sumpsit perspicuum, voluit certē per subiectū perfectissimum susceptiuum luminis ab externo illuminante illud definire: ita tamen vt omnibus possit accommodari iuxta gradum perspicuitatis cuiuscumque. Quare non benē infertur ex definitione Aristotelis, solū corpus diaphanum, vel transparens esse subiectum luminis ab extrinseco recepti, licet hoc solum sit subiectum perfectissimum, & propterea non pugnat cum definitione, quod etiam corpora opaca iuxta gradum suæ perspicuitatis sint luminis receptiua.
- 61

Ad secundum argumentum respondeo, lumen recipi in corpore opaco, non secundū solam superficiem: sed etiam secundum partes profunditatis. Et quod dicitur omnes partes profunditatis esse eiusdem rationis, etiam est concedendum, negandum tamen, quod infertur, videlicet omnes illuminari, vel nullam: sed proximiores quidem illuminantur, non remotiores. Et ratio huius duplex est, vniuersalis vna; quia virtus luminosa est finita: & ideo non potest nisi limitatam extensionem formæ efficere, etiam si forma, quam extendit, careat contrario, & per diaphanū extendatur, vt patet de luminosis particularibus. Altera ratio particularis est, quia cū corpus nimis opacū nimiam densitatem habeat, & perspicuitatis parū, non præbet facilem transitū luminis; & ideo non potest peruadere, nisi proximiores partes profunditatis, & id quidem imperfectē ob capacitatem, & dispositionem subiecti imperfectissimā, iuuat etiam, quod cum pori eiusdem corporis sint aliqualis dispositio ad suscipiendum lumen in partibus profunditatis, & pori non recta via; sed obliqua procedant, & passim contrahantur, & aliquādo occludantur, difficilis etiam efficitur via, & transitus eiusdē luminis per easdem partes profundas ex hac parte. Et hinc est quod non possit, nisi in proximiorib. recipi, & remissius multo, atque imperfectius, quā in superficie. Sensus autem verborū D. Tho. non est, quod lumen inhæreat in sola superficie, vt in diuisibili, atque condistincta à profunditate, eāque terminante: sed nomine superficiē partes etiam profunditatis superficiē proximas, quas superficiales vocare solemus, intellexit.

## QVÆSTIO V.

*An lumen sit necessarium ex parte mediij ad videndum quodcumque obiectum visibile.*

**V**T difficultatem quæstionis aperiamus, tanquam certum, <sup>62</sup> atque evidenti experientia comprobatum præsupponi debet potentiam visiuam non posse naturaliter operari circa vllum obiectum visibile, nisi medium aliquod intercedat inter vtrumque. Quod vt ostenderet Aristoteles de colore, definiuit eum dicens, *esse motuum perspicui in actu*, hoc est, mediij inter ipsum, & potentiam interiacentis, quasi dixerit non posse immutare potentiam, nisi immutando prius medium, & eadem prorsus ratio est de lumine, vt ostendimus. Supposita igitur necessitate mediij, merito inquirimus, an necessario debeat esse illuminatum, vt possit per illud fieri quælibet visio.

Et prius quam probabiles sententias referamus: reiicienda est singularis quædam, & planè falsa, non solum vniuersaliter negans necessitatem luminis ex parte mediij: sed affirmans penitus impedire visionem. Quam tenuit Andreas Cifalpinus quodlib. 5. quæ. 7. & verum esse posset, si solum vellet aliquando impedire: nam adeò intensum potest esse lumen in medio, vt vel colores, vel minora quædam luminosa offuscata non appareant, nec videri possint, vt constat de Luna, & Stellis, quæ in præsentia Solis, non videntur propter medium nimis illuminatum, atque etiam ex opposito propter medium remissè illuminatum non videntur colores. Quod etiam constat in quibus- <sup>63</sup> dam corporibus noctu lucentibus, quorum colores ob paruum illuminationem mediij, tunc non apparent: sed medio magis illuminato diu videntur. Ex quibus intelligitur lumen ex parte mediij contemperatum esse debere, ac proportionatum naturæ, & qualitati obiectorum, vt visionem iuuet, & non impediat. Vniuersaliter verò asserere, quod impediat semper & nunquam iuuet, evidenti experientie repugnat: cum experiamur omnes idem obiectum, & in eadem distàtia videri à nobis, aut melius videri per medium magis illuminatum: cum prius, vel non videretur, vel minùs benè per medium obscurum, vel remissiori lumine illustratum. Hac igitur exclusa sententia duas alias extremas, atque probabiles reperio.

Prima affirmat ad quamlibet visionem, non solum coloris: sed etiam luminis necessarium esse medium illuminatum; ita vt per medium omninò tenebrosum, nullum prorsus obiectum videri possit. Ita videntur tenere Comment. 2. lib. de anima, <sup>64</sup> comment. 67. D. Thom. lect. 14. atque etiam Auicenna lib. naturalium quæstionum, p. 3. ca. 3. & expressè Ferras q. 13. huius lib.

Sonc. lib. Metaph. quæst. 9. Tolet. q. 17. huius lib. Hi enim omnes asserunt, quæcumque lucida, quæ noctu videntur imperfectè saltem illuminare medium, sufficienterque, ut videri possint. Et probatur, quia color ut definit Aristot. cap. præsentis, est motuius perspicui in actu: ergo actu illuminati; sed mouet illud per impressionem speciei: ergo impressio speciei coloris necessario præsupponit medium illuminatum; ita ut tenebrosus non sit subiectum capax illius: sed lumen videtur etiam per speciem productam ab eo in medium: ergo præsupponit medium illuminatum. Probatur consequentia, quia sicut non est capax speciei coloris, nisi illuminatum, pari ratione non est capax speciei eiusdem luminis; quare non potest lumen producere speciem sui in medio, nisi illuminatus præsupponatur, & consequenter, nec videri per illud, nisi illuminatum: ideo necessarium erit lumen ex parte medij ad videndum lumen ipsum, & quoduis aliud obiectum visibile.

Secundo, quia siue color sit, qui videtur, siue lumen, impossibile est videri, quin medium aliquo modo illuminet: ergo nec potest visio vlla fieri, nisi per illuminatum medium. Antecedens probo, quia de colore docuit expressè Arist. cap. præsentis non posse videri sine lumine: ergo sentit necessarium esse requisitum, vel ex parte medij, vel obiecti: & si primum concedatur, habetur intentum; atque etiam si postremum, quia si color, qui videtur necessario debet esse illuminatus; idem lumen, à quo illuminatur, illuminabit medium, saltem secundum partes ei proximas, quod necessarium planè est, ut possit medium immutari, & per illud videri. Si verò sit lumen, quod videtur, multò magis necessarium erit illuminare aliqua saltem ex parte idem medium; & ita efficietur necessarium, quod nulla visio fieri possit, nisi per medium aliquo modo illuminatum.

Secunda opinio extrema tenet, nec ad visionem coloris, nec ad visionem luminis esse necessarium lumen ex parte medij; sed utrumque videri posse per medium omninò tenebrosus. Ita recentiores quidam putantes se eam probare efficaciter, hoc arg. ab experientia deducto, contingit hominem in loco obscuro existentem videre colorem illuminatum à tali loco valde distantem; imò & corpus lucidum, ut qui intra puteum valde obscurum latet, videre solet stellas cæli: ergo conuincitur ad similes visiones non esse requisitum lumen ex parte medij. Et si dicatur primo, non requiri lumen ex parte totius medij; sed solum ex parte proximiori eidem obiecto, ut circa illam speciem producat, & ab ea in potentiam multiplicetur, & ita obiectum videatur, sic vrgent: Quodcumque agens naturale fortius operatur in partes sibi proximas, quam in remotiores eodem



dem modo dispositas: sed species producta ab obiecto in partibus propinquantioribus illuminatis potest multiplicare aliam in partibus remotioribus non illuminatis: ergo multò melius poterit obiectum producere speciem in eisdem partibus propinquantioribus, etiam si non sint illuminatæ, quia species producta ab obiecto in partibus propinquantioribus illuminatis multiplicat aliam in remotioribus non illuminatis virtute obiecti, à quo processit: ergo principalius procedit secunda species ab obiecto, quam à prima specie: tunc ergo argum. manet in suo robore. Probatur euidenter consequentia, quia si obiectum media specie à se producta, potest producere aliam in partibus remotioribus non illuminatis, multò melius potuit per se immediate producere priorem speciem, in partibus propinquantioribus, etiam non illuminatis: sed obiectum in casu argumenti potest producere speciem in partibus remotioribus non illuminatis: ergo multò melius poterit eam producere in proximioribus etiam non illuminatis: quare absque illuminatione alicuius partis medij poterit speciem producere in eo, & per ipsum in potentia.

Alij verò respondent in omni loco quantumvis tenebroso, ex quo videtur obiectum, esse aliquid luminis, ratione cuius (licet imperfectè) dicitur medium illuminatum: sed hoc esse falsum probant, quia videmus luminosa quædam noctu videri, & eò melius videri, quò medium est magis obscurum: ergo non requiritur ad visionem eorum, quod sit illuminatum. Præterea, quia si color illuminatus extra obscurum locum existens potest producere speciem in loco illotenebroso, atque etiam in potentia visiva in eodem loco existente, quia aliquantulum est illuminatum, non minùs poterit eam producere, si ponatur intra eundem locum tenebrosam parum illuminatum. Probatur consequentia; quia quò agens magis est passio approximatum melius potest operari circa illud, videretur ergò etiam in loco tenebroso positus, quod est contra experientiam.

Nostra sententia modum ponit inter hæc extrema, & ideo duo asserit. Primum est *ad videndum lumen non esse necessarium*, quod medium sit illuminatum: sed per medium omninò tenebrosam videri posse; & idè *lumen non esse necessarium ex parte medij ad videndum aliud lumen contra primam opinionem*. Hæc est expressa sententia Arist. in lib. de sensu, & sensibili, c. 2. ubi asserit, corpora quædam esse splendida, quæ in tenebris videntur, ut sunt vermiculi, quos Hispanicè vocamus, *lucernigas*, atque etiam fungi, oculi cati, & capita quædam piscium, sentit ergò ad videnda hæc non esse necessariū medium illuminati. Sed respondent non illuminari medium ab aliquo luminoso extrinseco, & idè docet Arist. videri in tenebris, nihilominus non videri omninò, siue

aliquo paruo lumine ab eis producto in medio, quod cum minimum sit, non tollit, quin medium dicatur simpliciter tenebrosum, & solum secundum quid illuminatum. Hæc tamen solutio expressè contraria est eidem Arist. ibidem docenti splendentia hæc fulgere quidem in tenebris: sed lumen non facere: ergo falsum est dicere, quod vilo modo illuminent medium: nam quæcumque parua illuminatio medij est productio luminis in eo. Verba autem Aristotelis hæc sunt. *Lumina enim in tenebris nata sunt fulgere, non tamen lumen facere.* In quorum expositione D. Thom. tribuit causam huius fulgoris dicens eum habere eiusmodi corpore, quia posita, & tercia sunt, faterurque  
 70 nullum lumen producere in medio his verbis; *Quamuis in se aliquantulum fulgeant huiusmodi corpora, non tamen habent tantum de fulgore, quod de se possint facere medium lucidum in actu.* Probatur deinde experientia: nam corpora lucida non solum videntur in tenebris: sed quò magis obscurum est, ac tenebrosius medium, videntur melius, ut de igne, & Stellis est manifestum: ergo non est necessarium lumen ad visionem eorum.

Secundum, quod asserit nostrâ sententia est, *lumen esse necessarium ad videndum colorem contra secundam sententiam.* Hoc non solum colligitur ex verbis Aristotelis: sed continetur expressè in eis, ita ut nullam prorsus explicationem patiantur. Colorem enim his verbis definit cap. præsentis textu 67. *Omnis enim color motius est eius, quod est secundum actum, perspicui, & hoc est, ipsius natura. Unde non est visibilis sine lumine: sed omnis cuiusque color in lumine visibilis.* Loquitur autem de lumine medij in his omnibus, ut ipsamet verba, & eorum contextus ostendunt: ergo expressa est eius sententia, quod sit necessarium ex parte medij ad videndum colorem, quod non minus expressis hisce verbis docuit textu 73. eiusdem capituli: *Id quidem, quod in lumine, hoc enim erat ipsi colorem esse, motius esse secundum actum perspicui, actus autem perspicui lumen est.* Quibus tale constituit argumentum: omnis color est motius perspicui in actu: sed actus perspicui est lumen: ergo omnis color est motius perspicui illuminati, ex quo euidenter sequitur vniuersalis negatiua, videlicet nullum colorem posse videri nisi per medium illuminatum, & ex consequenti, nec sine lumine ex parte medij.

Ratio autem à priori ad id probandum ex natura luminis, & coloris desumenda est. Nam lumen longè perfectior qualitas est colore, non solum secundum suam naturam: sed etiam secundum rationem visibilitatis eam consequentis: ergo sicut habet ex maiori hac perfectione constituere actum perspicuum per  
 72 realem, & naturalem illuminationem: & ideo solum præsupponit perspicuum in potentia tanquam subiectum, pari ratione habet

habet mouere posse intentionaliter idemmet perspicuum in potentia, quod est propriam speciem ei imprimere posse sine vlla præcedenti illuminatione. Color verò longè imperfectior est, & multò magis materialis, & ex eadem imperfectione, & materialitate habet, vt non possit naturaliter immutare medium, sed neque intentionaliter, nisi dispositum per illuminationem; quare verum est vtrumque à nobis assertum, nempe ad visionem luminis non esse necessarium medium illuminatum, sed per tenebrosum videri posse, esse tamen omninò necessarium ex parte medij ad videndum colorem, ita vt non possit in tenebris videri. Quod verò D. Thom. asseruit medium illuminari saltem imperfectè à lucidis, quæ noctu videntur, de quibusdam perfectioribus intelligi debet, quæ non solum fulgent, sed lumen efficiunt. De aliis verè non potentibus lumen  
73  
efficere, ipsemet D. Thom. docuit expressè in postremo loco à nobis citato non efficere perspicuum actu: quia non valent lumen in eo producere.

Ad primum argumentum prioris sententiæ oppositæ concedenda sunt omnia, quæ in maiori, & minori assumuntur de specie coloris necessariò præsupponente illuminatum medium, in quo recipiatur, sed neganda de specie luminis; imò potius sicut lumen ipsum solum præsupponit pro subiecto, in quo recipiatur perspicuum in potentia, sic etiam species eius. Et dictum hoc fundatur in eiusdem luminis perfectione, vt ostendimus. Quod exemplo eiusdem aëris, vel aquæ fit manifestum: nam color perfectior est frigore, & frigus perfectior humiditate, & tamen non postulat perfectius subiectum, sed in eodem prorsus recipiuntur; perfectius tamen efficiunt, quia idem corpus perfectius esse habent per calorem; quàm per frigiditatem, & perfectius per hanc, quàm per humiditatem, & par est ratio de albedine, & nigredine.  
74

Ad secundum negandum est antecedens, quod nullum possit videri obiectum, siue sit lumen, vel color illuminatus, quod non illuminet medium; nam de multis noctu fulgentibus ostendimus videri omninò in tenebris, & nullo modo illuminare medium, quia licet splendentia sint, non tamen efficientia luminis, & ideò nec illuminatiua medij.

Ad argumentum secundæ opinionis concedendum est colorem illuminatum videri ex obscuro loco, non tamen omninò tenebroso, sed aliquantulum illuminato lumine, quo illustratur idem color; sufficit enim aliquantulum illuminari, vt possit idem obiectum producere aliqualem speciem sui, licet imperfectam in eo, & ea media in oculo. Quod verò inferitur, videri posse eundem colorem illuminatū extra obscurum locum

existens, si intra eundem obscurum locum ponatur, concedendum est, sed negandum, quod hoc sit contra experientiam; nemo enim expertus est aliquando in simili casu non videri. Et quod tandem de lumine affertur, posse videri in tenebris, concedendum est, sed negandum de colore propter discrimen adductum.

## Q V Æ S T I O VI.

*An lumen non solum sit necessarium ad videndum colorem ex parte mediij, sed etiam ex parte obiecti, nempe ipsiusmet coloris.*

**Q**uestio hæc longè difficilior est præcedente; & de sola visione coloris procedit, an dum videtur color lumine per totum medium vsque ad parietem (in quo color ipse residet) diffuso, non solum lumen ipsam concurrat necessariò illuminando medium, sed etiam ex parte eiusdem coloris coadiuuando, vel disponendo ipsum, aut aliquo modo cum eo concurrendo ad sui visionem, vel non habeat talem concursum cum obiecto, nec sit necessarius ex parte eius.

Et prima opinio affirmat necessarium esse concursum luminis ex parte obiecti ad visionem. Ita videtur sentire D. Thom. pluribus suæ doctrinæ locis, præsertim in 1. dist. 45. art. 2. ad 1. & dist. 48. art. 2. & in 2. dist. 20. quæst. 2. art. 2. ad 2. 1. contra gent. cap. 67. 1. 2. quæst. 8. art. 3. ad 2. vbi idem videntur sentire Conradus, & Medina; & tandem 22. quæst. 1. art. 3. Hanc tenent Palatios, Petrus Martinez, Sebast. Perez, Conimb. & plures alij recentiores cap. præsentis. Probant testimonio Aristotelis in lib. de sensu, & sensibili cap. 3. vbi definit colorem: *Quod sit extremitas perspicui in corpore determinato*, vel ergo definit colorem secundum propriam naturam; & hoc non; quia hoc modo non solum est in extremitate corporis, sed etiam in profundo eius: vel definit colorem, vt visibilem, sed dicit esse extremitatem perspicui: ergo illuminati. Probatur consequentia, quia corpus capax lucis perspicuum non est in tenebris existens, nisi luce ipsa perfundatur, idem ergo est dicere, quod sit  
 76 extremitas perspicui, & quod sit extremitas illuminati, vnde sequitur colorem, vt visibilem, & proinde, vt obiectum visus lumen includere ex mente Aristotelis, & idè ex parte obiecti necessarium esse ad visionem coloris.

Probant deinde multis experienciis: Prima, quia ex loco obscuro videatur color illuminatus, sed ex loco eiusdem coloris illuminati non videtur color alius in eodem obscuro loco positus. Quare discrimen hoc ex parte solius obiecti illuminati, vel non illuminati prouenit; ergo lumen tenet se ex parte coloris, tanquam necessarius ad eum videndum. Secunda experientia

rientia est, quia quò magis illuminatus est color, etiam si medium eodem modo se habeat, melius videtur. Tertia, si maior sit illuminatio medij, quàm obiecti, offuscatur obiectum, ita ut penitus non videatur, ut patet in quibusdam splendoribus, quæ noctu videntur splendoris ratione, sed latet color eorum, quousque sole illucescente illustretur magis, & tunc apparet, & videtur lumine eorum obimperfectiorem offuscato.

Probant tandem ratione, quia non est naturaliter possibile, quod illuminetur totum medium, quin illuminetur simul color existens in superficie corporis opaci: ergo nec potest videri color, nisi illuminatus: quare frustrà negatur necessitas luminis ex parte eius. Antecedens probatur, quia non potest illuminari totum diaphanum, usque ad parietem, quin ultima superficies eius illuminetur, alioqui daretur extensio luminis naturaliter, sine ullo termino, sed non potest illuminari ultima superficies diaphani, quin illuminetur ultima superficies parietis ei contigua, imo cum ea penetrata: ergo illuminato medio necesse est colorem illuminari, quare non poterit nisi illuminatus videri, & sic erit necessarium lumen ex parte obiecti.

Hæc tamen sententia non defenditur eodem modo ab omnibus, sed quinque modis valde diuersis. Primum tenuit Avempace, ut testatur Commenta. 2. libr. de anima, comment. 67. atque etiam Auicen. lib. 6. naturalium, part. 3. capit. 1. afferentium, non dari colores in corporibus absente lumine, sed per illuminationem produci ab eo, & per absentiam corrumpi, quia re vera non sunt aliud à lumine ipso in variis corporibus recepto.

Secundum modum tenet maior pars eorum, quos citauimus, præsertim Albertus Magnus in Summa de homine, questione de substantia coloris fol. 95. asserunt verò lumen concurrere ex parte obiecti, tanquam formam coloris, ut visibilis, quia tribuit ei visibilitatem hoc modo, ut ipse solum sit visibilis in potentia, per lumen verò constituatur visibilis actu, & ita adæquatum, & totale obiectum cuiuslibet visionis coloris coalescat ex materiali, quod est color, & ex formali, quod est lumen. Sic etiam videtur sentire D. Thom. locis citatis, & cum eo Conrad. Medina, Palacios, Petrus Martines, Sebastian. Perez, & alij: fauet autem huic viæ comparatio illa constituta ab Aristotele 3. libro de anima, textu 18. inter intellectum agentem, & lumen, his verbis: *Quodam enim modo, & lumen facit potentia existentes colores, actu colores.*

Tertius modus defendi eandem sententiam asserit lumen non concurrere ex parte coloris efficiendo illud visibile formaliter,

maliter, & ideò nec tanquam rationem formalem videndi colorem, sed solum tanquam aliquid cum quo color habet necessariam connexionem non secundum propriam naturam, sed in ordine ad visionem, ita ut non possit videri, nisi cum eo coniunctus, nec nisi eo viso; eo ferè modo, quo sensibile proprium habet necessariam connexionem cum communi, ut idem color cum extensione, vel figura, quia non potest videri nisi extensus, vel figuratus, sic etiam non potest videri nisi illuminatus. Vnde dicunt, quod sicut sensibile proprium, & commune videntur per eandem speciem totalem modificatam, siue per proprias partiales unitas inter se quasi rem, & modum, & ideò quasi integrantes vnam; pari ratione lumen, & color videntur per eandem speciem totalem, siue per proprias species partiales unitas inter se, & integrantes vnam speciem totalem. Ita sentiunt ex recentioribus nonnulli.

Quartus modus non tribuit lumini respectu coloris efficientiam aliquam in ordine ad visionem, sed colorem censet se solo producere speciem sui in medio illuminato, atque etiam in potentia, ut tamen eam producat, quasi pro dispositione postulat, quod lumine perfundatur, ea ferè ratione, qua postulat eandem illuminationem in medio, ut possit ei imprimere speciem. Et hæc necessitas luminis ex parte coloris, tanquam dispositionis videtur insinuata illo verbo Christi in Euangelio: *Omne quod manifestatur, lumen est*, quasi dicat omne, quod manifestatur, medio lumine fit manifestum. Et hæc via soluit omnia, quæ Aristoteles de colore docet, atque etiam ab omnibus difficultatibus, quæ aduersus alias obijciuntur, expedit se, ut mox videbimus; distinguitque semper speciem coloris ab specie luminis, atque etiam visionis utriusque, sed ponit necessariam esse simultatem speciei, & visionis, luminis cum specie, ac visione coloris tanquam vniuersalis dispositionis requisitæ ad videndum quæcunque, ut videri posset color. Dicemus verò statim quantum probabilitatis habeat.

Ultimus modus asserit lumen requiri ex parte coloris, non ut sit forma eius tribuens ei visibilitatem, neque ut concurrat cum eo ad producendam eandem speciem, per quam representetur utrumque, ad modum, quo sensibile commune concurret cum proprio, neque ut dispositionem sine efficientia, sed ut concurrat cum colore, tanquam partialis causa ad producendam speciem eiusdem coloris, simul etiam producendo speciem sui, per quam videatur. Docet itaque hæc sententia ex colore, & lumine, tanquam ex duplici causa partiali coalescere vnam causam totalem speciei coloris, totalem quidem efficientem, sed non totalem obiectiuam, quia solus color est  
causa

causa obiectiua suæ speciei, sed non potest solus præstare totam efficientiam requisitam ad productionem eius nisi adiuuetur per causalitatem partialem luminis. Et hinc est, quod cum species solum repræsentet obiectum sub ratione obiecti, species coloris quamvis à colore simul, & lumine producta, tanquam à duplici causa partiali efficiente, nihilominus solum repræsentet colorem, quia ab eo solum procedit tanquam ab obiecto efficiente, à lumine verò tanquam à puro efficiente, hoc est, non obiectiuo. Quod quidam explicant exemplo intellectus agentis, quod quasi vniuersalis causa omnium specierum intelligibilium simul cum obiecto, aut phantasmate concurrit, & ideo tanquam omninò necessarium ad quamlibet intellectiorem rei materialis, nec per vllam repræsentatur species eius: sic lumen concurrit cum omnibus coloribus ad producendas proprias species, quasi vniuersalis causa partialis, & ideo non repræsentata per easdem species, ita enim Aristotel. comparauit intellectum agentem cum lumine: & ita dixit fieri ab eo colores actu visibiles. 3. lib. de anima, textu 18. Et fundamentum huius viæ asserunt esse, quia per eam facile intelligitur, & defenditur necessitas luminis ad visionem coloris, nec potest alio modo commodè defendi. Cui addunt in ipsa etiam natura coloris, & luminis fundari; nam lumen est perfectissimum visibilium, & lōgè diuersæ rationis ab aliis, & propterea posse per se solum, atque independenter ab aliis immutare medium, atque potentiam: colores verò tanquam imperfecta visibilia nō posse sine dependentia ab illo, & ideo habet se ad visionem eorum, quasi vniuersalis causa concurrens cum omnibus. 82

Vltima sententia negat omninò lumen requiri ex parte obiecti, sed illuminato medio posse absque aliquo concursu efficienti, vel dispositiuo luminis videri colorem. Ita Comm. 2. lib. de anima comm. 67. Thienensis, & Iandunus ibidem quæst. 19. Ferrara 2. lib. de anima quæst. 14. & ibidem Aquarius, Toletus 2. libr. de anima, quæst. 17. affirmans esse communem sententiam, & propriam, atque expressam D. Thom. pro qua etiam citantur Ægidius, & Sonci. Præcipuum fundamentum huius sententiæ desumitur ex definitione coloris tradita ab Aristotele cap. præsentis, hisce verbis: *Color est motiuus perspicui in actu*, cui addit Aristoteles, hoc esse naturam eius, id est, à natura eius emanare, vt exponunt omnes interpretes nullo excepto, sed mouere perspicuum in actu est producere in eo speciem sui; non enim habet aliam actionem color circa perspicuum, nec habere potest: ergo ex sua definitione, & naturali proprietate habet posse producere speciem sui in medio, atque adeò in potentia, non, ergo à lumine externo. Sed huic argument. respondere conantur 84

conantur recentiores diuersis modis etiam diuersis exponentes prædictam definitionem, & verba Aristotelis. Et primo fatentur negari non posse, quin Aristoteles senserit colorem esse per se visibilem, quia per se ipsum terminat visionem, sed non intellexisse, quod sit per se sufficienter visibilis, ita ut nullo indigeat, quantum est ex parte sua, ut videatur: indiget enim lumine, à quo adiuvetur, ut possit producere speciem sui, & videri.

85 Quod verò expositio hæc non satisfaciat, probo, quia si color per se ipsum est motuius perspicui in actu: ergo non per lumen, quia lumen etiam in ordine ad visum sit à se distinctum, repugnat quod conueniat ei per se, quod conuenit ratione luminis, sed esse per se motuium perspicui est esse productiuum speciei in eo, per quam illud mouet: ergo per se habet virtutem mouendi visum, & concurrendi cum eo ad visionem; quare ex parte sua non indiget lumine ut videatur. Quod verò visibilitas coloris sit virtus sufficiens producendi speciem in medio illuminato; probatur: quia color est sensibile proprium talis speciei: ergo ex se habet sufficientem proportionem obiectiuam cum potentia, ut ab ea sentiatur; sed ex sola potentia, & obiecto completur sufficiens principium sensationis: ergo color sufficiens principium obiectiuum sensationis est, & proinde poterit simul cum potentia absque adminiculo alterius ex parte sua requisiti efficere sui visionem. Affirmans ergo Aristoteles, quod color sit per se visibilis, euidenter docere voluit, quod nec lumine, neque aliquo alio indigeat ex parte sua ut videatur. Et multò minùs satisfacit expositio aliorum asserentium sentire quidem Aristotelem, quod color sit per se visibilis, non tamen actu visibilis, sed potentia. Quia colorem asseruit Aristoteles per se, & ex propria natura esse motuium perspicui in actu, sed mouere ipsum est per productionem speciei propriæ, per quam euidenter est fieri actu visibile: ergo sentit planè Aristoteles esse visibile actu, quia non alia ratione lumen est visibile, nisi quia potest producere speciem sui in potentia, & hoc est esse visibile actu.

86

Germanum igitur sensum huius definitionis, quem euidenter tenuit Aristoteles, ut perspicua verba eius ostendunt. Attulit D. Thom. 3. lib. de anima, textu 18. (explicans comparationem illam ibidem constitutam ab Aristotele inter intellectum agentem, & lumen) hæc verbis: *Vnde dicit, quod est habitus, ut lumen, quod quodammodo facit colores existentes in potentia esse actu colores, & dicit, quodammodo quia superius ostensum est, quod color secundum se ipsum est visibilis, hoc autem solūmodo facit lumen ipsum esse actu colorem, in quantum facit diaphanum esse in actu, ut moueri possit à colore, & sic color videatur, &c.* Hanc igitur sententiam, ut Aristot.



ut Aristot. & D. Thom. propriam, ac probabiliorem tenco.

Quæ cum sufficienter sit testimoniis utriusque probata, probanda nunc est, primò ex refutatione aliarum, deinde positiva 87.  
ac propria ratione. Prima igitur via Auicennæ, & aliorum, quod colores non sint aliud, quàm lumen ipsum, ut in diuersis corporibus receptum sufficienter fuit à nobis superius impugnata, atque expugnata: Secunda verò via, quod lumen sit forma coloris, non secundum suam naturam considerati, sed in ordine ad visum, expressè contraria est doctrinæ Aristotelis, ut probant testimonia citata. Ex quibus sic arguo, color est per se, atque ex propria natura visibilis, atque etiam per se motius perspicui in actu, ergo utrumque habet à se formaliter. Probatur consequentia, quia quæ prædicantur de aliquo per se, formaliter de eo prædicantur, & ideò formaliter ei conueniunt: ergò non sit per se visibile à lumine, tanquam à forma. Quod verò sit contraria rationi, probò, quia color distinguitur specie à lumine, ut modo probauimus contra primam sententiam, sed una species non potest esse forma alterius: ergo lumen non potest esse forma coloris. Et si dicatur non esse formam eius secundum suam naturam considerari, sed in ordine ad visum, & adhuc hoc modo non intrinseca, sed extrinseca. Contra hoc est, quod proprietas sequitur essentiam, & emanat ab ea: ergo si repugnat vnâ speciem esse quomodocunque formam alterius per propriam naturam, vel essentiam: repugnabit quoque ratione proprietatis, sed visibilitas est proprietas luminis, atque etiam coloris: ergo repugnat, quod per visibilitatem lumen sit forma coloris; non minùs quàm ratione naturæ, vel essentiæ.

Deinde probatur falsum, quia quædam sunt colorata, quæ simul habent exiguum lumen, ratione cuius noctu videntur, sed non eorum colores, quos tamen videmus diu, ergo lumen adhuc in ratione visibilis non est forma coloris: Probatur consequentia, quia si forma esset, sicut parua illa lux noctu videtur, videretur etiam color in eodem subiecto cum ea existens, à qua fieret formaliter visibilis, visa enim forma, non potest non videri res per eam constituta. Secundò quia si lumen est forma coloris, & per eandem speciem indiuisibilem repræsentatur, sequitur, quod si alter eorù successiuè intentatur, color quidem per se, lumen verò saltem per accidens, corrumpatur species illa, quia repugnat rem alio modo se habentē eodē modo repræsentari, & repugnat etiam eandem indiuisibilem speciem repræsentare rursus diuerso modo se habentes, corrupta verò illa specie produenda erit altera totalis, atque completa, & cum intensio procedat per infinitas partes proportionales, corruptentur species totales, atque completæ actu infinitæ; & totidē producen

producentur de nouo, quod non potest admitti.

- 90 Tertium modū asserentem lumen concurrere ex parte coloris ad visionem per modum vnius obiecti cum eo, & ita vt per eandem speciem vtrumque repræsentetur, vel per singulas quasi partiales, & vnitas ad concurrendum cum potentia: sic impugno. Lumen, & color sunt sensibilia propria specie distincta: ergò quodlibet est per se primò representabile per propriam speciem distinctam ab alio; quare repugnat, quod per eandem repræsententur. Probatur consequentia, quia impossibile est eandem speciem esse similitudinem duorum specie distinctorum. Nec est simile exemplum de sensibili proprio, & cōmuni, quia sensibile cōmune non est per se primo representabile per speciem: sed quasi secundariò, in quantum est modus proprii: color vero, & lumen sunt per se primò representabilia sicut sensibilia; quare non possunt per eandem speciem representari: cū ex alia parte sint specie diuersa: & eadem ratione non possunt per modum vnius coniungi ad producendam eandem speciem, & ex cōsequenti nec videri per eandem visionē, sed necessariò per diuersas. Quod vero nec possint representari per distinctas species partiales vnitas ad eandem sensationem, probatur, quia color est per se, ex propria natura visibilis, & visibile completum: cū habeat completā naturam, & speciem independentē à quocunque alio visibili: ergo per speciem completam representabilem, & ideò non per partialem. Secundò, quia si color, & lumen essent partialia visibilia: se haberent, tanquam materia, & forma: nam alio modo vniri tanquam partes ipsæ, vel species eorum repugnat, lumen ergo esset forma coloris quod iam impugnauius. Et tandem si per diuersas species partiales concurrerent, per diuersas visiones partiales viderentur, & cuilibet corresponderet pars eiusdem visionis totalis, & non tota ipsa visio, quod non est intelligibile.

- 91 Vltimum deinde modū prius impugnare placet, quàm quartum, de cuius probabilitate quid sentiam statim explicabo. Duo igitur præsupponit hæc vltima via: & duo alia asserit.

Primum præsuppositum eius est non posse colorem, & lumen repræsentari per eandem speciem, nec videri per eandem visionem. Secundum præsuppositum, vtrumque esse per se visibile, vt expressè docet Aristoteles, & tenent ferè omnes, sed diuerso modo, quia lumen est primum, ac perfectissimum visibile, colores verò imperfecta tantum visibilia, & quasi per participationem eius.

Et ex hoc colligit primum assertum, videlicet non posse colores mutare medium, & potentiam per productionem speciei, nisi dependenter à lumine necessariò eum eis concurrente  
non

non quidem tanquam forma eorum, quia alioqui non essent per se visibiles contra secundum præsuppositum, sed tanquam partiali causa integrante cum eis, ac potètia vnum principium totale visionis, nō sui, sed eiusdem coloris: cum ex primo præsupposito, non possint per eādem speciem repræsentari, nec per eandem visionem videri. Secundo asserit hunc concursum partialem luminis cum colore non esse obiectiuum, alioqui concurrerent per modum vnius obiecti ad producendam speciem coloris, & ideo necessario deberēt repræsentari per illam, quia quidquid producit speciem, tanquam causa obiectiua non potest non repræsentari per eam, efficiunt ergo color, & lumen vnam causam totalem speciei, totalem quidem efficientem, non totalem obiectiuam, sed coalescentem ex partiali obiectiua, & partiali purè efficiente, posse autem lumen præstare concursum purè efficientem ait, quia quasi vniuersalis causa est concurrens cum omnibus coloribus.

Et duo quidem ab hac via præsupposita vera sunt, sed duo asserpta planè falsa. Quod probatum erit, si ostēdamus impossibile esse, quod lumen concurrat cum colore ad producendam speciem, nisi concursu obiectiuo, & ideo necessario debere repræsentari per eandem speciem coloris. Ostenditur autem primò, quia color ex primo præsupposito est per se visibilis: ergo habet à se propriam visibilitatem, & non à lumine. Vel ergo per hanc visibilitatem est sufficiens causa obiectiua speciei; vel insufficiens ac diminuta: si primū dederis, euidenter ex eo infero posse solum colorem sine cōcursu effectiuo luminis producere speciem sui in medio, & potentia, per quā videatur. Probatur consequentia, quia causa obiectiua sensationis est etiam efficiens, atque sufficiens ad producendā speciem, & per eam simul cum potentia sensationem: ergò sufficiens causa obiectiua erit etiam sufficiens in genere efficientis; quare si non indiget lumine, vt causa obiectiua, non potest indigere illo vt efficiente. Si verò dicas visibilitatem coloris esse diminutam, aut imperfectam, & ideo nō esse sufficientem causam obiectiuam speciei, sequitur hunc defectū causalitatis obiectiue suppleri à lumine, sed non potest suppleri, nisi per concursum obiectiuū: ergo falsum est, quod non præbeat obiectiuū concursum, sed purè efficientem. Minorem probo, quia species est virtus solius obiecti, quā sibi substituit ad concurrendum cum potentia ad sensationem; ita vt ex potentia, & specie cōstituatur vnum principium sufficiens sensationis: ergo solum obiectum sub ratione obiecti producit speciem, quare solus color sine concursu luminis producit speciem. Probatur consequentia, quia illud solum habet rationem obiecti, à quo solo producit species, sicut illud solum per eā

repræsentatur: nullus ergo concursus obiectiuus deficit colori, qui suppleri debeat, vel possit per lumen; quare commentitius  
 39 est concursus iste luminis ex parte obiecti cum colore. Quod ex aliis sensibus efficaciter probatur; quia nullum datur in eis proprium sensibile, quod per solum concursum obiectiuum, non possit producere speciem in potentia, & per eam concurrere ad sensationem, absque alia causa efficiente ipsum coadiuuante, præter primam: ergo non minus erit sufficiens color absque concursu efficienti luminis ad producendam speciem sui impotentia, & cum ea visionem.

Quod sic vrgeo, & probo talem concursum luminis cum colore non posse esse vniuersalem, vt asserit hæc sententia, sed necessario particularem, quia vniuersalis concursus non potest esse partialis, vt per se est manifestum, sed concursus luminis cum colore conceditur ab hac via partialis, ergo non potest esse vniuersalis, vel si vniuersalis vocatur, propterea quod ad quamlibet visionem concurrat necessario lumen: friuolum profecto est propterea ipsum vocare causam vniuersalem visionis coloris, atque etiam concursum eius vniuersalem: nam species obiecti concurrat ad omnes sensationes, atque etiam potentia sensitiva, & tamen nemo umquã dixit speciem esse causam vniuersalem. Et de concursu eius euidenter constat non esse vniuersalem, sed particularem, quia hæc species ad hanc solam visionem particularem concurrat, & ideo tanquam causa particularis, quamuis aliæ species concurrant ad singulas sensationes alias particulares, quod patet sufficiens non esse, vt aliqua earum sit, vel dicatur causa vniuersalis, nec eius concursus sit vniuersalis: si verò particularis, & partialis est, eo ipso non est necessarius, quia cum solus color sit totalis causa obiectiua producendi speciem, eo ipso est totalis causa efficiens eius, quia species à solo obiecto producit obiectiuè, sicut ipsum solum repræsentat; ergo ab eo solo producit efficienter, quia nulla causa efficiens præter obiectiuam; & vniuersales concurrat, nec concurrere potest ad sensationem, vt probauimus. Probatum tandem (nisi ego fallor euidenter) quia lumen concurrat cum colore ad producendam speciem tanquam causa partialis; ergo concurrat obiectiuè, & concursu obiectiuo, & proinde vt constituens cum eo vnum totale obiectum per eandem speciem coloris repræsentatum. Probatum primo consequentia hoc modo, lumen est obiectum visus sub ratione visibilis, sicut etiam color: sed lumen concurrat cum colore ad productionem speciei sub ratione visibilis, ac per visibilitatem, quam habet; ergo concurrat tanquam obiectum visus, & ideo concursu obiectiuo. Secundo eam probo, quia lumen concurrat  
 cum

cum colore, tanquam perfectissimum visibile habes visibilitatem independentem ab aliis, & à qua dependet cetera visibilia, & propterea potest supplete defectum visibilitatis eorum; ergo concurrit per visibilitatem, & ideo tanquam obiectum visus perfectissimum, & consequenter concursu plane obiectiuo. Quod 96 hoc modo urgeo; color, & lumen ut sunt qualitates absolutæ talis naturæ nullam habent inter se connexionem; ergo neque hoc modo color indiget lumine, neque lumen est necessarium colori; quare solum possunt eam habere, ut visibilia sunt, & non alio modo. Vnde si lumen necessatio debet cum colore concurrere, talem concursum non præstabit secundum rationem qualitatis: sed secundum rationem visibilis: sed ut visibile est obiectum visus: ergo per concursum obiectiuum debet necessario concurrere, & non alio modo.

Restat iudicium ferre de secunda via asserente lumen requiri ex parte coloris, non ad adiuuandum colorem concursu obiectiuo, nec efficiente: sed solum tanquam dispositio necessaria; aut quasi dispositiua conditio, ut possit producere speciem sui, eo ferè modo, quo concurrit ex parte medijs ipsum disponendo, ut possit recipere speciem coloris, in quo solum potest esse discrimen, quod ex parte medijs est quasi dispositio materialis subiecti ad recipiendum, ex parte verò coloris, non subiecti: sed agentis, ut possit virtus eius prodire in actum intentionalem producendi speciem, quia bene potest intelligi, quod virtus actiua ex se sufficiens ad agendum, postulet certam dispositionem in subiecto, ut possit in actum exire, sine qua non poterit, & exemplo nobis esse potest potentia visiva, aut quilibet alia sensitiva postulans necessario tales dispositiones in organo, ut possit per illud propriam exercere operationem; ita ut ex defectu alicuius non possit exire in actum, & similiter potentia motiua, quod experimur passim. 97

De hac igitur sententia cenfeo probabilem esse, & inter omnes vias, quibus defendi potest, colorem esse necessarium ex parte obiecti esse à difficultatibus magis expeditam, & absque dubio probabilior, & faciliorem; & habet pro se argumenta illa, quibus communi ratione probatum est lumen esse necessarium ex parte coloris, cuius necessitatem ad dispositiuam reducit, quia non videtur alia via commodè defendi posse.

Sed ut ad nostram sententiam reuertamur, hoc breui argumento ex prædictis omnibus eliciendo probanda est, color est per se visibilis, ut ex definitione eius constat; ergo sua sola virtute potest producere propriam speciem in medio illuminato, per quam videatur absque aliquo concursu luminis, non solum obiectiuo, atque effectiuo: sed dispositiuo. Consequentia satis 98.

efficaciter probata est ex impugnatione aliarum opinionum, quantum ad effectuum concurrentium luminis, quantum ad dispositum verò efficaciter satis conuincitur ex eo, quod nulla potest adduci ratio alicuius momenti ad probandam talem necessitatem, quæ proinde ponenda non est, quia nihil est ponendum tanquam necessatio requisitum ad visionem ex parte obiecti præter illa, quæ ponuntur necessaria ad alias sensationes sine virginti ratione id probante.

- 99 Restat soluere argumenta pro secunda opinione proposita ad probandam necessitatem luminis ex parte obiecti. Et ad definitionem Aristotelis respondeo: hæc distinctio, perspicuum, quod significat corpus capax lucis, dupliciter sumitur, pro perspicuo actu, quod est tale per lumen; & pro perspicuo in potentia: & hoc modo sumitur in illa alia definitione coloris, quod sit: *Extremitas perspicui in corpore determinata*, quod est sufficiens subiectum coloris, ita ut etiam si actu non sit illuminatum, nihilominus color eius erit per se visibilis, poteritque in medio illuminato imprimere speciem suam absque alio concursu effectiuo luminis, ut probauimus; non est ergo sensus definitionis, quod color sit extremitas perspicui, id est, illuminati, sed solum, ut lucis capacis, quod habet paries in tenebris, & ideo eius extremitas tunc est verus color per se visibilis. Quod verò addit iuxta hanc sententiam non magis esse colorem in extremitate perspicui, quam in profundo, negandum est, quia in extremitate existens, potest mouere perspicuum constitutum in actu per lumen, ut aërem illuminatum, quod non potest existens in partibus profunditatis: nam latitudo profunditatis corporis ratione opacitatis hoc planè impedit: & hæc fuit ratio ob quam per extremitatem perspicui definiuit colorem Aristoteles in ordine ad visum consideratum, quia medium videndi diaphanum esse oportet.

- 100 Ad primam experientiam concedimus colorem valde illuminatum videri ex obscuro loco, quia lumine eius illuminatur aliquantulum totum medium, usque ad obiectum, quo eodem lumine plus illuminato medio iuxta colorem extra existentem offuscat color in eodem loco obscuro existens, & apparere non potest. & ideo non videtur.

Ad secundam verò respondeo, quod si totum medium sit illuminatum usque ad superficiem parietis, apparebit color, & videri poterit per speciem, quam statim producet in medium.

Ad tertiam negandum est, quod magis videatur color, quo magis fuerit illuminatus medio eodem modo se habente; nam eo ipso, quod magis sit illuminatus, etiam erit magis illuminatum medium, & si non esset, non videretur magis, quia visibilitas

bilitas obiecti quantum ad proprium actum omnino proportionatur dispositioni medij, cum debeat fieri per speciem de potentia eius eductam, & in eo tanquam in subiecto proportionato recipi. Vnde eadem experientia docet pro ratione illuminationis medij attemperatæ, videri magis, aut minùs obiectum, quomocumque se habeat circa illud lumen.

Ad ultimam verò concedendum est corpora exiguæ lucis<sup>101</sup> diu non videri propter maximam illuminationem medij ab intensiori luminoso factam, & videri in tenebris, quia non indigent illuminatione medij. Verum est etiam colorem eorum non videri nocturnis, sed diu, quia requirit illuminationem medij, & per illuminationem diu existentem non offuscatur.

Ad rationem verò de illuminatione coloris necessaria illuminato toto medio, concedendum, id est, sed neganda est consequentia, quod ideò sit necessarius còcursus eius ex parte coloris, quem licet perfundat lumen simul cum medio, nullum tamen concursum ex parte eiusdem coloris præstat ad productionem speciei, aut visionem eius: sed propriam tantum producit speciem distinctam à specie coloris, per quam videtur distincta visione.

Comparatio tandem adducta pro secunda via, quam constituit Aristoteles inter intellectum agentem, & lumen, iam fuit ex mente D. Thom. explicata pro nostra sententia. Cætera verò, quæ afferuntur à recentioribus pro ultima via, ex nostris argumentis, quibus eam refutauimus soluta sunt.

Pro sensu autem D. Thom. circa quæstionem hanc, adnota-<sup>102</sup> uit benè Bañez, i. p. quæst. 79. art. 3. in fine, & ex parte Ferrar. i. lib. contra gentes, cap. 76. in principio. D. Thom. diuersis illis locis citatis, vtramque sententiam, vt probabilem acceptare, vt patet ex 1. part. quæst. 79. art. 3. ad 2. & modo vna, modo altera vti, prout magis ei fauet ad explicandam Theologicam doctrinam, quam eisdem locis tradit: nam ad intentum hoc nihil referebat, quod probabilius sit vna, vel altera. Quare ex his omnibus locis non licet colligere, quid de hac re senserit. At ubi commentatorem Aristotelis agebat, vt loco à nobis citato, propriam mentem explicare oportebat, eamque esse docuit expressè, quod lumen non sit necessarium ex parte coloris: sed solum ad illuminandum medium.

## QVÆSTIO VII.

*An visio fiat per extramissionem alicuius à potentia visiva, vel per receptionem speciei ab obiecto.*

**C**irca modum, quo fit vel procedit visio à potentia visiva,<sup>103</sup> celeberris fuit in schola opinio Platonis in Timæo, & in  
Ec 3

Theteto afferentis fieri per emissionē alicuius à potentia ipsa extra se in obiectum; quod etiam sequuti sunt Stoici cum Empedocle, Gale. 7. libro de placitis Hippocratis, & Platonis ad finem, lib. 10. de vsu partium, & lib. 1. prognost. sent. 19. Seneca 1. natural. quæst. Aphrodis. 1. lib. problematum, quæst. 75. Euclydes in libello de perfectiua. Ptolomæus in catoptico, Chalcidius in commentariis super Timæum, Alchindus in lib. de aspectibus, Lactantius in lib. de opificio Dei, cap. 8. & quamuis ab aliis alio modo explicetur sensus Platonis, hi tamen omnes, & cum eis Plutarch. lib. 4. de placitis philosophorum, cap. 13. 104 & Gregorius Nissen. lib. 4. de viribus animæ, cap. 2. hunc sensum tenuisse docent, ut potentia visiva nullam ab obiecto speciem recipiat: sed ex se emittat radios quosdam lucis (quos visorios appellant spiritus, Galenus verò fulgorē, aut splendorem egredientem ab oculo) per medium vsque ad obiectum, quod attingunt, & suo contactu visibile efficiunt, iidem verò spiritus, postquam obiectum contigerunt, ad oculos reuertuntur quasi alterati, aut infecti ab eodem visibili ab eis alterato, aut infecto, & cum primum attingunt pupillam fit visio.

Et in primis videtur in eadem sententia fuisse Aristoteles, 2. lib. de Cælo, & Mundo, text. 49. asserens nihil referre siue dicamus, quod visus moueatur ad visibile, vel hoc ad visum, & 3. lib. Meteor. Summa, 2. c. 3. concedit visum egredi à potentia, & potentia reflecti ad ipsum, & ibidem affirmat hominem quandam fuisse, qui continuo præ oculis ferebat simulachrum, seu idolum proprium, quod semper intuebatur, quod non videtur possibile, si per speciem fiat visio intra potentiam, & oculum recepta: sed ex eo solū, quod extra eam fiat in medio. Præterea 5. lib. de generatione animalium, cap. 2. sic de visione quorundam hominum loquitur: *Qui intus in concauo oculos pos-* 105 *itos habent, longè aspicere possunt, quoniam motus in vastum non dissipatur, sed recto tramite meatur.* Quibus verbis sentire videtur, visionem fieri per motum alicuius emissi ab oculo, quem motum ait non dissipari: sed firmiter tendere in obiectum. Atque etiam D. August. lib. 6. Musicæ, vbi asserit radios visuales productos vsque ad rem visam vegetari ab anima viuētis. Probatur autem experientia fascinantium, qui obiectum, quod aspiciunt reali alteratione, & qualitate afficiunt, per quam vehementer lædere solent, & aliquando occidere, & nos quoque experimur in tenebris emicare ab oculis nostris eiusmodi radios, aut pruritus, vel splendorem; ergo horum visio per extramissionem alicuius à potentia emissi in obiectum fit.

106 Probatur deinde ratione; primò quia idem obiectum à longè visum apparet minus; quàm si è propinquo videatur: ergo non



non percipitur per speciem : sed per aliquid à potentia emissum. Probaturs consequentia, quia species ad quamcumque distantiam repræsentat naturaliter obiectum, & omnes partes secundum eandem magnitudinem, quam habent ; ergo impossibile est per eam visum interdum maius, interdum verò minus apperere : censebitur verò possibile , si per emissionem radiorum videatur, quia radij minores euadunt ad maiorem distantiam: cum virtus potentie à qua emittuntur finita sit, & consequenter minorem habebit effectum ad distantiam maiorem, sicut cætera agentia naturalia. Secundò, quia potentia visiva non solum percipit obiectum: sed distantiam eius ab oculo: sed distantia non potest cognosci per speciem, sicut nec potest per eam repræsentari: cum non sit sensibile per se, nec per accidens; poterit verò cognosci si per extramissionem radiorum fiat visio, qui totum medium usque ad obiectum percurrentes inde ad potentiam regrediantur, & suo motu quasi distantiam metientes, eam manifestam efficiant potentie.

Secunda opinio quasi media asserit utroque modo visionem <sup>107</sup> fieri, videlicet per emissionem alicuius ab obiecto in potentiam, atque etiam à potentia in obiectum : ita tamen ut prius obiectum emittat à se speciem in potentiam ; potentia verò recepta in se specie emittat à se spiritum visorium videndi facultate præditum; quo spiritu attingente obiectum fit visio, non in oculo, sed in medio, ubi spiritus attingit obiectum, in qua attingentia consistit visio. Ita Valef. 2. lib. controuersiarum medicarum, cap. 18. eisdem verò rationibus, & experienciis potest probari hæc sententia, ac probata est præcedens.

Hæc tamen sententia contradicit principiis veræ philosophiæ, quod sic probò, aut spiritus ille visorius, seu splendor, vel radius, qui egreditur ab oculo, & tendit in obiectum ; permanet extra eundem locum, vel reuertitur ad illum sine aliquo ei superaddito, vel onustus aliquo alio, sed nullo ex his modis se habere potest, ergo commentitia est & falsa talis emissio eius à potentia pro efficienda visione. Probaturs minor, quia si extra oculum manet, fieret visio in aëre, vel in obiecto, & non in oculo, & idcò nec esset actio vitalis, neque immanens, nec videret homo propriè loquendo, sed aër, vel obiectum. Hæc verò veræ philosophiæ aduersantur, & euidenti experienciæ. Quod vero vacui, aut nudi reuertantur spiritus ad oculum, aut etiam onusti, fundamento prorsus rationis caret, quia nulla datur <sup>109</sup> virtus in obiecto, vel in medio, à qua compellantur regredi: cum utrumque sit corpus infimi ordinis, hoc est, vita carens, & quasi emortuum; quare absque vlllo fundamento fingitur, quod per talem emissionem, & regressionem spiritus fiat visio. Se-

cundò, quia vel illud, quod egreditur à potentia est substantia, vel accidens, sed neutrum esse potest; ergo commentitia est talis egressio. Minorem probò primò, quod non sit substantia; quia nec à tam patuo corpore, ac est oculus totus, emitti posset, nec ad tantam distantiam. Secundò, quia non posset visio in instanti fieri, ut experiètia docet cum substantia illa egrediens corporea esse deberet: unde nec ad obiectum peruenire posset, nisi per motum localem, quod cōstat non posse in instanti fieri. Tertiò, quia corpus illud, nec cōelos posset, imò nec visum penetrare, ut fieret visio: & stante magno vento huc, atque illuc deferretur corpusculum illud, ita ut non posset visio in directum fieri ab eo, quod contradicit experiètiæ. Quod verò non sit accidens, non minùs euidenter probatur; quia omne accidens est in subiecto per realem inlaxionem dependentem ab ipso subiecto, & idèò ita fixam, atque stabilem, quæ variari non potest per transitum eiusdem accidentis ad aliud subiectum qui naturaliter proinde repugnat, quare talis visio naturaliter impossibilis est.

- 110 Propterea oppositam sententiam, quod visio non fiat per emissionem alicuius à potentia, sed potius per emissionem speciei ab obiecto in ipsam, & receptionem eius intra eandem potentiam, qua receptione media idem obiectum vnitur potentiae, & à potentia, & obiecto sic unitis per modum vnius principij elicitur visio propria. Est Aristotelis expressa in hoc 2. lib. de anima, capit. 7. textu 67. & 74. cap. 12. textu 121. lib. 3. capit. 1. 2. & 3. & in lib. de sensu, & sensibili, c. 2. quam semper sequuta est tota Peripatetica schola. Et probatur efficaciter: nam species emittuntur ab obiectis ita necessariæ ad visionem, ut in multis casibus conuincatur, non posse nisi per illas visionem fieri, ut patet in reflexione facta in speculo, per quam euidenter experientia probat videri obiectum à tergo videntis positum, quod per solam emissionem visorij spiritus, vel visualis radij fieri repugnat: cum non sit possibile spiritum quasi recto tramite egressum ab oculo, & eodem modo ad illum reuersum obiectum in ea dispositione existens tangere. Vnitur verò per speciem ab eodem obiecto egressam, & reflexam in speculo, per reflexionemque producentem alteram in eadem potentia, & ita sit absque vlla difficultate visio; ergo absque fundamento excogitatur fieri per extramissionem visorij spiritus tot difficultatibus implicatam.

- 111 Ad argumenta oppositæ sententiæ respondeo Aristotelem, ac Diuum Augustinum, ex sententia Platonis loqui, ut de Diu. Augustin. docet D. Thomas, in quæstio. de spiritualibus creaturis, art. 9. ad 12. parum enim referebat ad institutum illorum locorum,

locorum, quod vno, vel alio modo fieret visio, & fortè melius explicabatur iuxta sententiam Platonis, & propterea illa potius, quàm proptia vtuntur, reseruantes propriam suis locis tradendam. Exemplum verò illud ab Aristotele de homine proprium simulachrum semper præ oculis ferente in questionem ultimam huius capituli commodius explicandum remittimus. Sensus autem alterius loci est, eos, qui reconditos habent oculos, longius, & acutius videre, quàm qui prominentes habent, quia in reconditis oculis melius vniuntur species, quod experimur per fistulam aspicientes. Et ratio Aristotelis optima est, quia motus in vastum non dissipatur, sed recto tramite procedit, motus quidem qui sit ab obiecto in potentiam per emissionem specierum, vt ibidem docet Aristoteles, non à potentia in obiectum, vt docuit Plato. Quamuis alia posset reddi ratio eiusdem effectus, quia prominentiores oculi nimia luce perfunduntur, qui magna ex parte offuscantur, & ideò imperfectius, & ad minorem distantiam aspicere possunt, oculi verò reconditi lucem magis temperatam suscipiunt, à qua non impediuntur, sed potius adiuuantur, cuius signum est, quod cum versùs solem inspicimus, solemus manum supra oculos extendere, ne nimia luce impediuntur.

Exemplum verò fascinantium difficultate caret, quia nociva illa qualitas ab eorum oculis egressa, nihil ad visionem confert.

Fulgor verò ille, qui noctu egreditur ab oculis clausis derivatur planè ab aliqua parte oculi luminosa, vel ab aliquo spiritali quasi incenso, sed remissus adeò est, vt nihil ad visionem alterius obiecti conferat; sed per aliquam reflexionem speciei in parte densiori eiusdem oculi facta videatur ipse.

Aliud verò de perceptione distantie, verum est, sed falsum, quod distantia ratione extensionis, non sit commune sensibile, quod percepto medio sentiat: & quia obiecta à maiori distantia imperfectiorem producant speciem, & imperfectius mouentem potentiam, sit, vt appareant partes, & consequenter totum minorem habere extensionem, quàm reuera habent.

Opinio verò Valesij tria continet, non solum doctrinæ Aristotelis, sed communi sensui scholæ contraria. Primum, quod visio non sit operatio vitalis, secundum, quod non sit actio immanens, sed transiens, cum non possit recipi in potentia, sed in medio, vel obiecto vbi sit, permanere debeat.

Tertium, oculum non videre, imò nec hominem, sed aërem, vel obiectum, in quo sit visio. Quæ omnia falsa sunt, & ideò sententia ipsa, tanquam falsa est reiicienda.

## QVÆSTIO VIII.

*An oculus sit sensorium visus, & in qua eius parte resideat potentia visiva, & fiat visio, & an una sit potentia visiva in uno animali, vel dupl. x.*

**T**Ria proponit titulus quæstionis; duo priora pertinent ad sensorium huius potetie, aut proprium, atque proximum subiectum eius: postremum verò ad unitatem. Ut autem explicari possint omnia, breuiter agendum est de structura, & compositione oculi, qua exposita longè facilius explicabuntur cætera.

- 115 Ut autem structura, & compositio oculi explicetur, adnotandum est ex obseruatione anotomica, atque etiam ex Aristot. 2. lib. de histor. animalium, cap. 9. & lib. 4. cap. 8. 5. de gen. animal. cap. 1. & lib. 2. de partibus animal. cap. 1. ex Galeno 8. lib. de vsu partium, cap. 6. & lib. 10. cap. quod oculi structura quinque constat tunicis, tribus humoribus, & septem musculis; licet hæc omnia non attingantur ab omnibus his autoribus; sed præcipua, quæ, vt distinguamus, & explicemus; Supponendum est illud omnibus peruium, videlicet oculum habere quasi globi figuram ex se aptissimam, & accommodatissimam, vt possit ex omni parte, & versus omnem partem inspicere.

- In centro igitur, & quasi medio oculi residet humor quidam pellucidus, atque crystallo valde similis, & ideo *Chrysalinus* appellatus, quamuis aliquantulum mollis sit, habetque figuram similem lupino, vel lenticulæ. Hunc humorem circumdat tenuissima quedam tunica *Specularia*, siue *Aranea* nuncupata, quia  
116 & speculi valde similis est, quia, & nitet, & splendet, atque etiam aranearum telæ ob tenuitatem similis est; & propterea vtramque denominationem habet. Deinde humor crystallinus quasi immersus est alteri humori, qui vocatur *Vitreus*, quia vitri liquefacti, atque splendentis persimilis, sic verò huic humori immersus est crystallinus, vt media eius pars superemineat, ac si globus ligneus in aquam immergeretur. Et quod valde mirandum est: cum humor iste crystallinus diaphanus sit, ac pellucidus ad modum speculi, non possint in eo reflecti species, per quas posset quisque in oculo alterius se videre; sicut nec in speculo, nisi habeat opacum corpus à tergo constitutum, propterea nigrorem quendam eidem humori crystallino à tergo adiunxit, vt quasi pro speculo nobis esse posset, & verum de eo foret vulgatum illud sæpè vsurpatum, quod sicut speculum est oculus attris, ita oculus ipse speculum est naturæ. Humorem vero  
117 virtutem circumdat secunda tunica *Retina* nuncupata, quia venulis multis, & quasi arteriis intexta, modum quendam retis habet, & ad eam pattem desinit, qua crystallinus humor  
eminere

eminere incipit super vitreum, utrumque autem humorem prædictum ambit tertia tunica, quam *Vucam* vocant, quia similis est vucæ folliculo, à quo pendulum detraxeris, propter foramen in eo relictum. Hæc verò tunica non est omnino diaphana, sed affecta colore aliquo subobscurò, & propterea non debuit omni ex parte contegere pupillam, sed ex anteriori parte parentem relinquare, ne visio impediretur, nec eodem colore efficitur tunica vucæ, in quibuscunque oculis, sed diuerso, ex euaus diuersitate diuersis nominibus vocantur oculi diuersorum, nempe, cæcij, nigri, virides, aut alterius coloris, vt docet Aristoteles 1. libro de historia animalium, cap. 10. nihilominus vocari solet eadem tunica, *nigrum oculi* Hanc tertiam tunicam, sequitur tertius quoque humor, qui *Aquæus*, vel *Albuginem* dicitur similis albo oui, à quo humore aqueo humectatur pupilla ne exsiccata ab intrinseco destituatur temperamentum oculi, & potentia ipsa pereat. Et hunc humorem sequitur quarta tunica, quam *Corneam* vocant, quia valde similis est laminae corneæ, sed splendida, ac diaphana totum ambiens oculum. Itaque aqueus humor, quasi inter has duas tunicas vucam, & corneam residet. Et tandem sequitur quia tunica *Alba* quodam prædita foramine, sicut vucæ, per quod pupilla conspiciatur: ad eandemque transmitti possunt species. Et tunica hæc vltima foris est & *adharens* etiam vocari solet, quia integrum oculum quasi fitmat, & in propria sede consistere facit, deriuaturque tunica caluariam ambiente, ex quo alio nomine vocatur pericranium, estque calidior cæteris, vt suo calore prædictos oculi humores foueat ne congerentur, & destruat organum, & appellari eadem solet album oculi.

Totus vero hic oculi globus quasi ligatus est septem musculis, qui non sunt aliud, quam ligamenta quædam facile mobilia, quibus oculus sustinetur, & in varias partes hinc inde moueri facile potest, hoc est, sursum, deorsum, in partem dexteram & sinistram, & reliquas.

Ad eandem quoque oculorum structuram (quamuis extrinseca quadam ratione) concutunt duo nerui originem trahentes à cerebro, & ad oculos vsque protracti, vnus quidem per partem dexteram, alter verò per partem sinistram, sed protracti, vt postquam tantisper à cerebro distant inter se coniungantur, & rursus priusquam oculos pertingant, separentur, vocantur verò eiusmodi nerui *op. ici*, seu *viserij*, quia, & per eos tendunt species ab externis sensibus vsque ad internos, & spiritus animales deriuantur à cerebro, vsque ad oculos, vt his mediis possint, idem otuli suam visionem elicere, quam  
sine

sine eis minimè possent, ambiunturque duplici tunica, intimiori quidem tenui, externa vero dura, ex quibus ortum habent dux aliæ tunicae vana, & cornea. Vnde ex his duobus nervis adeo dependet bonus status potentia visus, ut si forte disconvenientem aliquam patiantur alterationem, ex hoc solum quasi haberetur: & operationes eius maxima ex parte debilitentur, & aliquando omnino impediuntur.

- 120 Situs denique corporis, in quo natura collocauit oculos, ac visuum potentiam, accommodatissimus est pro operationibus ab eis exercendis, videlicet in parte capitis anteriori, ut quasi in specula constituti omnia inspicere, & omnibus partibus corporis prospicere possint, & huius rei gratia oportuit palpebris, atque etiam ciliis, ac superciliis, ab eadem natura protegi adversus externas iniurias, ut exponit Aristoteles primo libro de historia animalium, cap. 9. & hæc de primo, hoc est de oculorum structura dixisse sufficiat.

- 121 Quibus prælibatis sequitur disputandum, in quam parte resideat potentia visiva, tanquam in proprio subiecto, vel organo, in quo visio fiat.

Et prima opinio tenet in coniunctione illa duorum nervorum opticorum residere, & ibidem visionem fieri. Ita Avicenna 6. naturalium, part. 3. cap. 8. & alij. Cuius unicum fundamentum est, quia unica est potentia visiva in uno, & eodem animali; ergo unicum debet esse organum eius: nam ex unitate subiecti sumitur unitas numerica accidentis; sed oculi sunt duo ac omnino distincti: ergo si in eis ponatur potentia visiva, non erit una, sed duplex; quare necesse est eam ponere in uno subiecto: quale est coniunctio nervorum.

- 122 Secunda opinio est opposita, potentiam visivam in oculis tanquam in proprio subiecto, vel sensorio collocans: quam cæteri omnes interpretes Aristotelis, tenent, & ideo communis est (quamvis Albertus Magnus, quasi medius incedere videatur dicens quantum ad initium esse in oculo, quantum ad progressum in nervo, quantum ad perfectionem verò in sensu interiori: ) quam sic omnes intelligunt, ut sensorium visus, in quo residet potentia, & fit visio, sit oculus, non tamen sit in toto oculo, sed in parte quadam determinata eius, quæ ab omnibus vocatur pupilla, quod hoc discursu efficaciter satis probari potest. Nam tota structura oculi ordinatur ad recipiendam, & conservandam potentiam visivam, eo ferè modo quo structura annuli ordinatur ab arte, ad includendam in eo gemmam pretiosam; ergo sicut pretiosior pars totius annuli, & quasi centrum eius est illa, in qua gemma ipsa proximè recipienda est, sic pars illa oculi, in qua proximè recipienda est pretiosa gemma,

scilicet

nempe potentia visiva, perfectior, atque pretiosior pars oculi debet esse, sed pupillam esse perfectiorem, ac pretiosiorē partem oculi, plurisque æstimandam colligitur planè ex verbis Scripturæ Sacræ Psalmo. 116. *Custodis me, ut pupillam oculi.* Et Zachar. *Qui enim tetigeris vos: tangis pupillam oculi mei:* ergò hæc pars oculi pro organo haberi debet, in quo potentia visiva collocanda est. Sed quænam pars potius, quàm aliæ pupillæ nomine intelligatur, non est inter omnes certum; sed quidam humorem vitreum; quidam tunicam retinam; alij araneam intelligunt; quos omnes refert Toletus quæst. 17. huius lib. ipse vero Toletus duo asserit; primum pupillæ nomine nullum posse humorem intelligi, nec proinde in humore vlllo collocandam esse potentiam, tanquam in sensorio; in quo visio fiat. Quod probat, quia neque vllus humor potest habere vitam sensitivā, nec omninò sentire, ergò nec potest esse subiectum sensitivæ potentiae, vel organum eius. Asserit secundò, pupillam in qua residet hæc potentia esse tunicam araneam, quod probat ex duobus; ex priori quidem, quia læsio quæcunque in ea facta visionem impedit; imò & aufert: ergò signum est in ea residere potentiam. Ex posteriori verò, quia ad hanc dirigitur quodcunque obiectum videndum recto tramite, rectaque oppositione.

Nostra sententia duo asserit: Primum est, quod organum huius potentiae, nec nervus esse potest, nec nervorum c. coniunctio, sed omninò <sup>124</sup> ponenda est in oculo. Hoc est contra primam sententiam Avicennæ, & aliorum. Postremum, quod organum huius potentiae, quod pupilla nomine intelligi debet, nec vlla ex quinque tunicis superius enumeratis est, nec vllus ex cæteris humoribus, sed solus crystallinus. Hoc est contra Toletum, & alios opinantes. Quod tenet expressè Aristoteles, lib. 1. de histot. animalium, cap. 9. hisce verbis: *Humor oculi interior, quo videmus, pupilla est, quæ eam ambit: nigrum dicitur. Quod postremo nigrum circumdat, candidum, siue albugo.* atque etiam libro de sensu, & sensibili, cap. 2. & lib. 5. de gener. animal. cap. 1. ita etiam Galenus lib. 8. de vsu partium, ca. 6. & lib. 1. capit. 10. quod sequuntur etiam insigniores Medici, ut Vega in Galen. de locis affectis, lib. 4. cap. 1. Vales. lib. 2. controuer. medic. cap. 8. & alij; & est iam communis sententia recentiorum omnium.

Circa quam illud obiter adnoto, recentiores quosdam humorem crystallinum cum vitreo confundere, & pro eodem numerandum esse censere, ex eo solùm quod Aristoteles locis citatis nullam mentionem fecerit humoris vitrei, sed crystallini dumtaxat. Hæc tamen ratio friuola est, quia Aristoteles non omnia, quæ ad structuram oculi pertinent expressè tetigit, & ideo non sequitur: quod non sint distinguenda, nisi quæ ipse, ut <sup>125</sup> distincta

distincta nominauit. Standum igitur est Galeno, qui in posteriori loco citato vtrumque humorem distinguit, docens crystallinum proximè nutriti ex vitreo, vitreum verò ex sanguine in vènulis tunicæ reticularis præparato. Et ita sentiunt omnes ferè recentiores solum humorem crystallinũ, & non vitreũ pupillam vocâtes, & in eo solo collocantes potentiam visuam.

126 Probatur ergo iam primum assertum nostrum, quod coniunctio neruorum non sit sensorium visus, quia experientia anatomicæ artis constat aliquando hos neruos non coniungi, sed à cerebro vsque ad oculos diuisos semper procedere, vt testatur se vidisse Vesalius libro 4. de fabrica corporis humani, cap. 4. falsum est ergo, quod in eorum coniunctione ponenda sit potentia visuã. Secundò, eadem experientia docet, quod altero oculo clauso, alter acurius videt, idque adnotauit Aristoteles, & rationem eius tradidit section. 31. proble. quæst. 4. quia virtus animæ applicanda per duplicem potentiam applicatur per vnã, & ideo perfectiorem habet effectum: cum quo stare non potest, quod visio fiat in neruis, vel eorum coniunctione, sed necesse est fateri, quod fiat in oculis, quia nisi in oculis fieret, nulla posset reddi ratio eiusdem experientie, imò nec experientia ipsa vera esse posset.

127 Probatur deinde postremum assertum, quod solus humor crystallinus sit pupilla, & proprium sensorium visus, quia in eo maximè, ac præcipuè concurrunt conditiones requisitæ ad organum visus: in primis enim hæc pars oculi maximè splendida est, conspicua, atque diaphana, habetque à tergo opacum alium humorem eo modo quo speculo à tergo adiunctum est plumbeum, vel staneum bitumen, vt possit in eo fieri specierum reflexio, & propterea à iure vocatur humor iste quasi speculum, in quo per reflexionem specierum videt se homo à regione positus. Est etiam in cetro oculi, atque etiam in medio aliarum omnium partium collocatus, ita vt omnes videantur ordinatæ à natura ad eum ornandum, tuendum, & conseruandum, omnibusque quasi septus, atque munitus videatur. Ex quibus facile potest colligi esse partem oculi omnium perfectissimam; sed certum est in parte eius perfectissima esse collocandam potentiam, ad quam recipiendam, & actus eius exercendum ordinatur à natura tota structura oculi: ergo in hac parte potius quàm in cæteris (merito suæ perfectionis pupilla vocata) residere debet potentia visuã, & per eam exercere visionem.

129 Ad argumentum igitur primæ opinionis concedendum est, duplicem esse potentiam visuã in singulis animalibus, non solum realiter, sed numero distinctam, quia cum organum eius sit pupilla (vt probauimus) & hæc sit duplex, quia non  
continua



continuat<sup>r</sup> vna cum altera, duplex est etiam potentia visua, quia distinctio numerica accidentium efficaciter probatur ex distinctione subiectorum. Hanc verò potentiam multiplicare, non solum non est inconueniens, sed fuit omnino necessarium duplicem ponere, sicut etiam duplicem potentiam audituam, propter duo. Primum est perfectio, atque necessitas harum potentiarum ad cæteras operationes vitæ exercendas, atque etiam ad opera intellectus, quod per se est manifestum. Postremum, quia cum sint in parte, aut situ valde eminentiori corporis collocatæ, externorum corporum iniuriis patent; propterea quasi duplicare oportuit has duas potentias, vt vna saltem permanere possit, si corrumpatur altera. Et si fortè duplicatur olfactus, non tam propter necessitatem sui actus, quàm propter alios vsus organorum factum est, vt suo loco dicetur.

Ad primum Toleti negandum est antecedens, quòd nullus humor possit habere vitam sensitiuam, nam licet verum hoc sit de sanguine, & cæteris humoribus fluidis, qui non continuantur cum partibus solidis, & ideo non possunt ab eadem anima informari, falsum tamen de pupilla, quæ non est humor fluidus sed quasi congelatus, sicut crystallus est quasi congelata aqua, & ideo valde similis est partibus solidis, cum quibus continuatur. Benè ergo potest informari anima, & accipere ab ea vitam sensitiuam, esseque organum sensitiuæ potentia. Quod verò visus ex læsione tunicae araneæ lædatur, non probat esse organum eius, quia non solum potentia læditur ex læsione organi, sed eorum à quibus dependet conseruatio eius; constat verò pupillam dependere ab his, à quibus circumscribitur in propria conseruatione, quia temperamentum eius per coniunctionem cum eis conseruatur. Præcipuè verò atque directè læditur potentia visua ex sola læsione pupillæ, ad quam recto tramite diriguntur obiecta videnda, potius quàm ad tunicam araneam.

#### Q V Æ S T I O V L T I M A.

*An quod per reflexionem videtur in speculo, sit species, vel imago obiecti, aut obiectum ipsum, vel utrumque.*

**I**N quibuscunque corporibus politis, ac pellucidis experimur reflexionem fieri, & per eam videri corpora è regione eorū posita, etiam si à tergo videntis sint, ex quo oritur dubium an illud, quod videtur in corpore, in quo fit reflexio, vt in speculo, sit species intentionalis obiecti, vel obiectum ipsum.

Et prima opinio affirmat vtrum videri, nempe obiectum, atque speciem, vel simulacrum eius. Ita D. Tho. q. 2. de Veritate, art. 5. & 1. p. q. 58. art. 3. quibus locis asserit lapidē & imaginem eius simul videri in speculo, quem sequuntur Capreolus in 1. d. 35. q. 2.

d. 3 q. 2. artic. 1. in solutionibus argum. contra secundam conclusionem. Caiet. 1. p. q. 56. art. 3. comment. in lib. de sensu, & sensa. cap. 1. Scotus in 2. 1. 3. q. 1. Cœlius lib. 1. 5. cap. 1. Ioan. Gandau. in lib. de sensu, & sensib. quæst. 9. Tim. 3. lib. meteo. quæst. 4. <sup>133</sup> Probatur testimonio Aristot. 3. lib. meteo. cap. 4. ubi refert hominem quendam propriam imaginem in aëre reflexam ante oculos per totam vitam detulisse, quod non foret possibile, nisi id quod videtur in reflexione præter obiectum, esset etiam ipse imago. Probatur deinde ratione, quia id quod videtur per reflexionem in speculo, minoris longè magnitudinis est, quàm obiectum ipsum. Situs quoque ac dispositio, in quibus videtur, longè diuersi sunt ab his, quos obiectum habet, nam magis distans ab oculo videtur, quàm sit secundum se. Imò, & aliquando <sup>134</sup> suprema pars obiecti apparet infima & è conuerso. Et aliquando in quibusdam speculis tali modo compositis plura apparent obiecta: cum solum extet vnum. Ex quibus euidenter sequi videtur, vel non videri obiectum, vel non videri ipsum tantum, sed etiam simulacrum eius ratione cuius his modis diuersis apparere potest: nam si ipsum dumtaxat videretur, eodem modo appareret semper. Probatur tandem, quia si obiectum videretur & non simulacrum eius, in ea distantia videretur, in qua sit reflexio speciei, sed constat videri in alia longè diuersa, nam reflexio speciei fit in superficie speculi: obiectum verò videtur in profundo eiusdem speculi, imò aliquando distans ab eò ex posteriori parte, quod non videtur possibile, nisi ratione simulacri simul cum eo visi.

- <sup>135</sup> Secunda opinio *negat omninò videri per reflexionem speciem vel simulacrum obiecti, sed obiectum dumtaxat videri censet* Ita Ricard. in 4. d. 1. q. 1. ad 6. principale. Palatius in 2. d. 3. disp. 5. Apollinar. 1. lib. de anim. q. 17. Tolet. q. vltim. & omnes fere recentiores, & est còmunis omnium fere Perspectiuorum, vt constat ex Ciriuelo lib. 2. Perspectiuæ. c. 2. concl. 13. & Vitellione li. 5. nec est probabilior tãtum, sed vera. Quam probo primò, quia obiectum visus, ex omnium consensu solum comprehendit lucem, & colores, sed species intentionalis obiecti non est lumen, neque color, sed quædam alia diminuta qualitas specie distincta: ergo non pertinet ab obiectum, quod videtur, quare nec videri potest. Probatur minor de veris coloribus: quia colores sunt secundæ qualitates, & ideo non actiue physica ac naturali actione ad producendum alias habentes esse naturale, & physicum, quod solum conuenit primis qualitatibus: ergo colores obiecti non possunt producere alios per reflexionem in speculo, ita vt tanquam simulacrum eorum aut eiusdem obiecti videantur: & multo minùs potest dici, esse colorem apparentem illud,

Illud, quod videtur in speculo, quia colores apparentes verum lumen sunt, verum autem lumen non potest produci à colore: cum sit longè perfectius illo; quare ex hoc etiam conuincitur simulacrum illud, vel species apparens non esse lumen; quod videatur. Præterea colores apparentes non sunt permanentes, sed mox euanescent, præsentem etiam luminoso, à quo causantur: sed colores visi in speculo permanent, quandiu præsens est obiectum; veri ergo sunt, & non apparentes. 136

Secundò probatur, quia species obiecti producitur in speculo, & ab eo fit reflexio ad oculum, nec in toto speculo, sed in parte eius (quantumlibet paruum sit) ergo species producta in speculo, non potest esse maioris magnitudinis, quàm sit magnitudo illius partis speculi, in qua producitur, quia accidens sumit extensionem quantitativam à subiecto: ergo non potest habere maiorem extensionem, quàm sit extensio, aut magnitudo subiecti. Sed experientia patet habere multo maiorem, quia in minima parte speculi videtur magnum obiectum: ergo non est intelligibile, quod simulacrum obiecti videatur. Et tandem quia si videretur simulacrum, cum non habeat esse naturale, sed intentionale, viderentur species intentionales, & nunquam fuisset dubitatum, an dentur in natura rerum. 137

Nec sanctus Thomas tenet oppositam sententiam, quia illis locis non agit de sensationibus, sed de modo intelligendi Angelorum sine discursu, qui eadem cognitione cognoscunt principium, & conclusionem in eo contentam. Ad hunc autem modum cognoscendi explicandum vitur exemplo visionis reflexæ iuxta illam sententiam asserentem, visum simul per eam cognoscere obiectum, & eius simulacrum, quod valde simile, & accommodatum est ad id intelligendum. Sed ex hoc non bene colligitur, quod D. Thom. teneat sententiam illam, nam (ut superius ostendimus) sæpe solet Sanctus Doctor exemplis ex aliorum sententia uti ad explicandas difficultates Theologicas, quas ex professo discutit. Testimonium verò Aristotelis superius à nobis expositum est. Nam, vel ab oculis Antiphetontis ophthalmia laborantibus crassus aliquis humor fortè diffuere solebat, à quo proximus aer densabatur, & in aëre sic densato reflectebatur species propria à se emissa, & per talem reflexionem se videbat semper: vel certè non visu externo, sed per internam imaginationem læsam se videre semper falsò apprehendebat. Nam de eodem homine testatur Aristoteles in lib. de memoria, & reminiscencia, cap. 1. simulacra omnia, quæ phantasia concipiebat tanquam verè facta, aut gesta narrasse. Et Galen. lib. 3. de locis affect. c. 6. docet, propter cerebrum humore melancholico affectum sibi persuasisse quosdam plura obiecta. 138

sta ante oculos versari, scēque ea videre, quæ tamen interiùs solummodo conficta erant.

Ad primum argum. ex illis experiētiis deductum respondeo alio modo se habere obiectum in multiplicanda specie directa, & reflexa; nam directam per se ipsum producit, sine alio corpore medio: reflexam verò non nisi medio speculo, in quo fit reflectio, & iuxta conditiones reflexionis iudicandum est tan de specie producta in oculo, quàm de visione obiecti. Species igitur reflexa non repræsentat obiectum, in ea distantia ac situ, in qua est: quia non mouetur visus immediatè ab ea, sed media reflexione in speculo facta, & cum in alio loco, aliàque distantia, & situ sit speculum, in eadem repræsentatur obiectum,

141 & sub minori magnitudine, iuxta naturam reflexionis factæ in corpore minori, alteriusque dispositionis, cæteræque varietates in repræsentatione obiecti contingentes ab eadem etià causa proueniunt, adiuncta varia dispositione, & compositione speculorum, & ipsiusmet videntis, vt eadem experientia notum est.

142 Ad secundum respondet Tolet. vbi supra, quod cum in productione speciei reflexæ interueniat distātia obiecti ab speculo, & speculi ab oculo: necesse est eandem speciem repræsentare obiectum cum vtraque distantia, ita tamen vt ex recta, & reflexa fiat vna quasi duplicata, & propterea, inquit, repræsentatur obiectum, quasi vltra speculum esset. Ego verò non credo repræsentari obiectum, tantum distans à speculo, quantum verè ab eo distabat, quia licet in profundo eius repræsentetur, & vltra illud, non tamen separatum, sed prope idem speculum positum, vt visu iudicamus omnes.

143 Vnde nec verum puto, quod cum tota distantia recta, & reflexa quasi vnā componentibus repræsentari debeat. Sed repræsentari in profundo speculi, & vltra illud potius, quam in superficie extima, propter naturam reflexionis, quæ sicut est motus oppositus directo, per quem obiectum producit speciem sui in speculo, ita repræsentat ipsum modo quasi opposito, hoc est, versa facie ad oculum: cum per speciem directam ab eo in speculum procedentem repræsentaretur, versa facie ad speculum. Et ita contingit in repræsentatione distantia; nam per speciem directam repræsentatur citra speculum, & quasi ante illud, sicut reuera est, & ideo per speciem reflexam vltra speculum, & quasi post ipsum, prope ipsum tamen speculum positum, cum ab eo reflectatur species, & hæc de sensu visus dicta sufficiant.

## CAPUT VIII.

*De auditu, sono, ac medio, de ipsa echo, atque etiam  
de voce.*

## TEXTVS ARISTOTELIS.

*Nunc autem primum de sono, & auditu determinemus.*

*Breuis expositio textus.*

**E**xplicata in primo loco, sensitiua potentia omnium perfectissima, nempe visiva, pergit Aristoteles explicare auditum, qui secundum locum perfectionis post visum obtinet, quia minus est materialis, quam ceteri sensus, ut ex modo operandi pure intentionalis; & ideo perfectiori in genere cognitionis intelligi potest. Intertum igitur huius capituli est explanare naturam auditivae potentiae. Divisio autem eius quadrimestris: nam in prima parte insinuata divisione soni in rectum, & reflexum (qui vocatur echo) exponit modum, quo directus sonus efficiatur, & à quibus causis. In secunda agit de sono reflexo. In tertia de organo, in quo residet haec potentia. Et tandem de diversis sonis praesertim de perfectissimo, qui est vox.

In prima igitur parte, ut explicet naturam soni, dividit eum in sonum actu, & sonum potentia, quae divisio sonorum potius corporum est: nam quaedam sunt, quae sonora quidem vocantur, quia effectiva soni sunt, quamvis actu eum non efficiant; & ideo dicuntur sonora in potentia, quod est esse sonativa. Alia sunt, quae non solum valent sonum edere: sed cum actu efficiunt, ut sonativa corpora, dum actu se collidunt, aut percutiunt. Supposita autem distinctione soni in rectum, atque reflexum docet, quonam modo rectus fiat, asserens tria ad productionem eius requiri corpora, duo quidem, quae se percutiant, & medium per quod se percutiant. Quod sic probat, sonus resultat ex percussione: sed unum, & idem corpus, non se percutit: ergo percussio duo postulat quasi extrema corpora: sed percussio non potest fieri, nisi medio motu locali, quia non se percutiunt corpora, quamdiu permanet utrumque immotum, nec motus localis potest in vacuo fieri; sed in pleno: ergo tria requiruntur necessario corpora, ut efficiatur sonus. Qualia vero esse oporteat eiusmodi corpora, statim exponit, & prius quidem, qualia esse debeant duo corpora se percutientia his conditionibus: nam oportet (inquit) dura esse, alioquin non poterunt medium corpus diuidere, & ideo nec sonus causabitur ex mutua eorum percussione; propterea mollia corpora sonum non faciunt, etiam si se percutiant, ut si lana percutiat lanam. Se-

cundum requiritur, ut leuia sint, hoc est, ut aliquas superficierū partes planas habeāt, & idēd quāsi perpoliras, non super eminentes; si enim talia sint, integram ac maximam mediū corporis partem simul percutient, & cum maxima resistentia eius, & ex  
 5 tali percussione sonus efficietur; si verō supereminentes partes habeant, medium potius in minutissimas partes secabunt paulatimque, ac sine vlla ferē resistentia dilabatur, & sonum non efficiet. Tertia conditio est, quod alterum saltem eorum sit cōcauum: nam ita fiet, ut medium corpus percussū ab altero non facillē dilabatur: sed partes potius eiūdem concavi corporis percussū ab altero, & ipsum frequenter percutiat; & ita efficiatur sonus, ut patet in tinnitu permanente post sonum campanæ, quem Hispani vocant, (*reintin*) Ultima cōditio est, quod velox sit percussio corporum, alioqui si tarda sit, locus dabitur medio corpori, ut sensim, & sine sono dilabatur. Dux autē istæ conditiones extremæ non requiruntur simpliciter ad productionem soni, quia aliquis potest sine illis fieri: sed solū, ut perfectus efficiatur, & hæc de sono directo.

6 De reflexo verō (qui vocatur echo) statim in 2. parte, docet ita fieri, ut sonus directus ex percussione corporum medio aëre factus, feratur cum ipso aëre, ad aliquam distātiā, in qua occurrere ei solet corpus solidum prohibens vltiorem dilationem eius, quare retrocedere eum cogit, cum aëre, in quo  
 7 ferebatur versus audientem, à quo rursus auditur. Quod egregiē explicat exemplo lapidis in aquam proiecti, qui suo ictu circulum quendam spargit in aqua sibi proxima, & iste circulus maiorem alium, & secūdus tertium se maiorem, quousque occurrit litus, vel saxum impediēs vltiorem multiplicationem circulorum, & vim aquæ cogens, ut per minores circulos reuertatur. Ex quibus colligit benē locutos fuisse antiquos Philosophos asserētes in vacuo fieri sonum, per vacuum intelligentes aërem, & n tamen non facientes præcipuam causam soni: sed mediū tantū, quo causatur sonus à corporibus se collidentibus, tāquam à præcipuis causis, quod verum est; sic autem intelligendum, ut continuus esse debeat aër, vsque ad auditum, alioqui si interrumpatur, non poterit sonus per eum fieri, vel certē non poterit audiri, quia non poterunt species eius vsque ad auditum peruenire, de quo inferiūs dicetur.

Explicat deinde in 3. parte capitis modum, quo fiat auditio, atque ita fieri, videlicet ut aër externus intercedens inter corpora sonantia, & auditum continuus esse debeat cum aëre interno intra aures consistente, & sub quadam tunica (quæ vocatur miringa) comprehenso; ita tamen, ut aliqua ex parte contingatur ab externo aëre. Hunc ergo externum aërem contri-  
 nuatum

uatum vsque ad auditum mouent corpora sonantia per eum producendo sonum, vel multiplicando species eius, quousque pertingant internum aërem, & in eo recipiatur, post receptionem verò fiat auditio. Hoc autem esse discrimen inter internum, & externum aërem docet, vt iste facile dissipetur, vel fluat: internus verò nec dissipetur, nec fluat, sed in eodem semper loco perseueret. Quod vsque adeò verum esse putauerunt quidam ex antiquioribus Philosophis, vt dixerint auditionem fieri posse, etiam si aër externus non esset: sed medium omninò vacuum, quia sufficit (inquiunt) internus aër, quem quidem adeò necessarium esse existimat Aristoteles, vt si aliquo motu moueri contingat, vt dum auris quodam veluti bombo personat instar cornu, minimè audiamus, imò etiam si alia de causa aër ipse malè sit affectus, vel membrana qua continetur.

Sed dubitat Aristoteles, an supposito, quod ex percussione duorum corporum resultat sonus, vtrumque eorum sit præcipua causa eius, vel alterum tantum, nempe percutiens, vel percussum, & ideò vtrumque sonatium dicatur, vel alterum tantum. Et respondet vtrumque esse causam soni, & vtrumque sonatium vocari diuersa ratione: nam sonus non fit, nisi violentèq; pertingatur medium ab extremis se collidentibus, ac tangentibus, vt autem per violentum contactum eorum pertingatur medium, necessariò requiritur concursus vtriusque, vnius quidem percutientis, ac mouentis medium corpus, alterius verò, vt percussi, & resistentis eidem medio, prohibentisque ne paulatim dissipetur, ac dilabatur: sed cum magna violentia perfringatur ab vtroque se tangente, & collidente: & ecce quo pacto vtrūque corpus sonans suo modo concurrat ad violentam perfractionem, ac diuisionem, mediij (quam proximè sequitur sonus) & consequenter ad eum producendum; ita vt ex vtroque vna causa totalis, & proxima integretur.

In extrema tandem parte capituli agit de speciebus; ac differentiis sonorum, quos in primis distinguit in acutos, & graues, cognoscuntur verò per sonatiua corpora: nam sicut acutum, & obtusum in ordine ad tactum se habent, item sonatiua corpora acutum, & grauem sonum efficientia in ordine ad auditum; sicut enim acutum in ordine ad tactum dicitur corpus, quod breui tempore magnam corporis sessionem efficit, & obtusum quod non nisi magno tempore efficit paruam. Ita acutum est illud quod breui tempore auditum acriter mouet; graue verò, quod mouet parum: & ob id tardum dicitur, non quod tardum, & vclor sint idem, quod graue, & acutum: sed quia causa sunt, vt sonus grauis, & acutus, vel sonatiua corpora sic moueant auditum. Sonus omnium perfectissimus est vox, quam propria do-

finitione explicare contendit, dicens esse sonum animalis; nam sola animalia propriam vocem emittunt; tibia verò, aliàq; instrumenta solum per analogiam. Nam carent distinctione syllabarum, quæ est potissima ratio vocis, & propterea solum dicitur vox per similitudinem. Nec tamen sonus cuiuslibet animalis vox est, nisi eius, qui sanguinem, ac respirationem habet, & cum vetù sit ea sola animalia respirare, quæ pulmonem habent: *Erit vox sonus animalis factus ab aëre à pulmone per respirationem ad guttur usque emissio, cum intentione aliquid significandi.*

Quam definitionem, ut explicemus, adnotare oportet cum eodem Aristot. animalia respirantia quandam habere viam à pulmone, usque ad os productâ, quæ vocatur guttur, per quam pulmo iuxta cor calidissimum residens, & ipsè quidem ex proprio temperamento calidus valde existens, externum aërem, ac frigidum attrahit, & calidum à se expellit, sicque se simul, & cor refrigerare potest. Extrema verò pars huius viæ versus os in suprema parte colli posita *gurgulio* vocatur, in quo detinetur semper aër, & aër in hac parte detentus percutitur ab aëre emissio à pulmone per respirationem, & ex hac percussione fit sonus ille, qui vocatur vox; fitque à cunctis animalibus respirationem habentibus: sed à solo homine dearticulatur, lingua, dentibus,

& palato cæterisque instrumentis ad dearticulationem cōcurrentibus; quæ ut applicantur ab appetitu per imaginationem moto, aliam perfectionem eidem voci dearticulatæ tribuunt, quia ex hoc ordinari potest ad significandum, non solum ea quæ per imaginationem apprehenduntur, & affectus appetitus: sed conceptus mentis, & affectus voluntatis: & hoc explicatur per ultimam particulam eiusdem definitionis: *Cum intentione aliquid significandi*, hoc est, affectum aliquem, vel conceptum, ut distinguatur vox à cæteris sonis eisdem instrumentis factis, ut à tussi, & reliquis. Ex quibus duo colligit. Primum est, aërem attractum, & emissum per respirationem duo habere officia, vnum quidem ad vitam necessarium: videlicet refrigerationem pulmonis, & cordis sine qua peribit citò animal, aliud nō quidem necessarium ad vitam: sed valde accommodatum, in quantum per illam vocem explicato modo formamus; & loquimur

nostros conceptus, atque effectus aliis significantes. Colligit secundo pisces non edere vocem, quia guttute, ac respiratione carent, sonus verò, quem cuiusdam fluuij pisces edunt branchiis, aut ore, cauda, aliòve instrumento causatus, licet appareat vox, non est tamen vera: sed solam similitudinem vocis habet, quia instrumentis veræ vocis accommodatis non fit.



TRACTATUS DE POTENTIA

AVDITIVA ET ACTIBVS

eius, ac sono recto, atque reflexo.

QVÆSTIO I.

*An sonus sit motus ipse percussione, vel medij resiliens, vel qualitas à motu distincta permanens, vel successiva.*

Prior quæstionis pars.

**D**E natura soni duo quærit titulus quæstionis: Primum, an sit motus ipse corporum à quibus fit, vel qualitas per talem motum producta. Postremum an dato quod sit qualitas, successiva sit, vel permanens.

Vt autem intelligatur primum, adnotate oportet, duplicem <sup>16</sup> motum concurrere ad sonum, vnus est corporum se collidentium; alter corporis medijs per eorum collisionem resilientis, vt aëris exempli gratia, quo medio se percutiunt corpora sonantia. Et de motu priori nemo ferè vnquam dubitauit, quod sonus non sit: sed de posteriori.

Fuit prima sententia affirmans esse sonum, pro qua Tolet. q. 19. huius libri citat Themistium, & cæteros expositores Græcos, & ipsemet docet non esse improbabilem. Probaturo vero testimonio Arist. cap. præsentis tex. 85. sonum his verbis definiens: *Est enim sonus motus eius, quod potest moueri hoc modo, quo resultantia à vniuersis cum aliquis percussit.* Deinde ratione, quia <sup>17</sup> omnis qualitas denominat subiectum, in quo est, ipsum determinando, & qualificando: sed sonus nullum subiectum denominat; ergo non est qualitas. Minorem sic probabo, quia vel denominaret corpora sonantia, vel aëtem medium, vel auditum, non est enim exco- gitabile aliud, quod tanquam subiectum denominet: sed nullum horum denominat: ergo non est qualitas: sed motus aëris resilientis denominans aërem ipsum motum. Minor satis est per se manifesta. quia nulli horum aliquam denominationem formalem à sono, tanquam à forma quispiam tribuit: sed corpora se percutientia extrinsecè tantum denominantur ab eo sonantia, tanquam ab effectu, & ideo denominatione causæ; auditus verò nunquam fortè recipit in se realem sonum, neque motus resilientis aëris formaliter sonans dicitur: sed solum, vt effectus corporum sonantium vocari potest sonus, quod est esse ipsummet sonum ab eis productum. Secundò sonus neque est prima, neque secunda qualitas, cum nec sit aliqua ex quatuor, nec ex earum permixtione resulter. <sup>18</sup> Imò nec si esset qualitas, posset per motum localem produci,

qui ad vbi potius quàm ad qualitatem terminatur.

Opinio posterior communis est, quod sonus non sit motus aëris resiliens, sed qualitas realiter ab eo distincta, & per motum causata à corporibus sonantibus, & ita tenendum est. Ita Auicenna, lib. 6. naturalium, parte 2. cap. 5. Albert. Magn. in Summa de homine parte 2. quest. 1. D. Thom. lect. 16. huius lib. cum cæteris interpretibus cap. præfenti, Toletus quest. 19. Bannez 1. p. q. 78. art. 3. dub. de auditu, & reliqui iuniores. Et colligitur planè ex doctrina Aristotelis cap. 6. huius lib. vbi distinguit sensibilia propria à communibus in eo, quod communia à multis sensibus percipi possunt, propria verò ab vno tantum, vt color à visu, & sonus ab auditu. Deinde inter communia sensibilia enumerat motum. Ex utroque verò ita arguo. Sonus est sensibile proprium; ergo ab vno tantum sensu percipi potest: motus verò est sensibile commune; ergo à multis sensibus perceptibilis, sed repugnat idem obiectum sensibile, ab vno tantum sensu percipi posse, & etiam à multis: ergo repugnat sonum à solo auditu perceptibilem, esse motum.

Probatur etiam ratione primò; quia motus, & sonus habent diuersa accidentia, aut proprietates, dicitur enim sonus grauis, & acutus, quæ accidentia, ac denominationes non conueniunt, motui; nam motus solum dicitur tardus, & velox, non grauis, & acutus; ergo non sunt idem. Secundò, quia entitas illa, quæ potest esse naturaliter sine alia, distincta debet esse realiter ab illa, sed experimur sonum campanæ permanere transacto motu corporum sonantium, atque etiam aëris resiliens: ergo sonus res distincta est ab omnibus his motibus. Tertiò; quia omnia sensibilia propria, quia per se causant passionem in sensu, collocantur in tertia specie qualitatis, vt docet expressè Aristoteles in eo prædicamento; sed motus nullum habet per se prædicamentum, quia incompletum quid est. Et ideo reicitur ab Aristotele ad Postprædicamenta, vt patet ibidem cap. de motu: ergo distinguuntur essentialiter; quare non potest sonus in motu resiliens aëris consistere, sed qualitas esse debet distincta essentialiter à motu.

Ad testimonium Aristotelis respondeo ex integro contextu literæ constare, quod explicuerit illis verbis sonum per causam, non ita vt motus ipse mediij corporis sit præcipua causa soni, quod ipse etiam Aristoteles docuit ibidem, inquit, aërem, & aquam media esse per quæ sonus efficitur, sed non esse auctores soni, hoc est præcipuas causas, sed corpora sonantia, quare nihil refert, quod motus sit imperfectior sono ad hoc, vt sit qualitas ab eo distincta, ac per eum producta à præcipua causa perfectiori.

Ad argument. verò responderetur, sonum esse in corpore medio resiliente, ut in aëre, quem ideo non denominat, quia non est qualitas omnino permanens, sed citò transiens, sicut impulsus in lapide, aut rubor in facie causatus ex verecundia.

Aliud verò, quod dicitur, sonum non esse primam, nec secundam qualitatem, concedendum est, quia diuisio illa qualitatis in primam, & secundam, non est adæquata comprehendens omnes qualitates, ut in 2. lib. de generatione docuimus. non enim comprehendit lucem, neque impulsum. Et quod tandem additur non produci sonum per motum localem, distinguendum est. Nam per se, & tanquam proprius terminus verum est, sed quasi ex consequenti, & per accidens eo ferè modo, quo idem motus localis producit sæpe calorem. Per se verò produ- 23  
citur sonus per alterationem propriam consequentem, aut comitantem motum localem, quæ alteratio licet proprio, atque speciali nomine careat, vocari potest sonatio, id est productio soni tanquam termini per se intenti per illam.

*Posterior quæstionis pars.*

**P**RÆsupposito iam primo, quod sonus sit qualitas distincta à motu aëris resilientis, sequitur secundum, an sit qualitas successiua nullam habens partem permanentem.

Et prima opinio tenet successiuam esse sicut motum, ita ut nullam habeat permanentiam. Ita Palatius, ad text. 8. huius lib. Fonf. 5. meta. ca. 10. q. 1. sect. 3. à quo non longè abest Tol. q. 19. huius lib. q. 3. nec etiam Conimb. qui hoc solo distinguunt successionem soni, à successionem motus: quod hæc conuenit motui per se, illa verò conuenit sono per accidens: quare videntur sentire sonum in successionem consistere, licet conueniat ei ratione motus. Sed probatur ex definitione Aristotel. qua dicit sonum esse, *ictum, vel motum corporu*, quæ definitio causalis ad 24  
minus est hunc sensum continens, *sonus habet esse per motum, & cum motu*: ergo repugnat fieri, aut esse nisi cum motu, & existente motu, ut asseruit etiam D. Thom. lect. 16. huius lib. & verum esse non potest, nisi habeat esse successiuam sicut motus, Probatur deinde ratione, quia sonus in fieri, & esse sese accomodat motui, sed motus nullam habet permanentem partem, sed omnes successiuas, ergo nec sonus. Probatur consequentia, quia si aliquam habet permanentem, verum erit, quod sit, quando non est motus, quia in tali permanentia non est motus; imò non dependebit in esse, & conseruari à motu; quare non repugnat naturæ eius diu conseruari sine motu; nam postquam semel sine eo conseruatur semper conseruari potest. Secundo, si aliquo tempore sine motu permanet, sequitur audiri tunc à potentia existente intra sphaeram actiuitatis eius, sed tunc non

25 possunt audiri sonantia corpora, quia non mouentur, nec se percutiunt, nec sonum efficiunt, audietur ergo sonus non auditis corporibus sonantibus, quod pater esse impossibile. Imò sequetur eundem sonum non semel tantum, sed iterum, ac plures audiri auditione recta contra experientiam. Probatur consequentia, quia auditio fit in instanti, si in instanti fit sonus, & post illud instans permanet, ergo audietur iterum, quia obiectum existens intra sphaeram actiuitatis potentiae naturaliter emittit speciem sui ad potentiam, per quam percipi potest, & cum infinita sint instantia in tempore, quo durat sonus, pluries imò infinities audiri poterit.

Secunda opinio negat sonum esse qualitatem omnino successiuam sicut motum, sed aliquam tribuit ei permanentiam, & ita quasi mediam esse asserit inter entia pure successiua, & pure permanentia. Hæc est iam ferè communis inter recentiores, & videtur mihi non solum probabilior, sed vera. Quam sic declaro & confirmo, si inceptionem, & desitionem soni consideremus, inueniemus ex utraque habere quandam successionem: ex inceptione quidem, quia non potest fieri, nec incipere esse, nisi cum motu corporum se percutientium, & aëris resilientis, sed motus est successiuus, ergo aliquam habet successionem sonus, quantum ad suum fieri. Quantum ad desitionem quoque non potest negari ei successio: cum experientia auditus nobis constet sonum paulatim, ac successiue languescere, quousque tandem omnino euanesceat. Permanentia verò eius, duplici experientia probatur: prior est, quia euidenter nobis constat eundem numero sonum à multis audiri successiue; primò quidem ab his, qui sunt intra sphaeram actiuitatis eius; deinde verò ab aliis, qui vel ipsi per motum proximiores fiunt, & eam ingrediuntur; ergo euidenter est toto illo tempore durare, & ideo aliquam habere permanentiam. Posterio-  
 26 rem experientiam habemus omnes in voce reflexa, quæ vocatur Echo, nam constat prius audiri vocem directam, postmodum verò reflexam: constat etiam per moram illam temporis inter vnam, & alteram auditionem intercedentem necessario permanere sonum, siue fiat echo per reflexionem eiusdem, vel specierum; nam species ab eo dependent in conseruari: ergo euidenter probatur, per eandem moram temporis eundem numero sonum durare.

Veruntamen, ut melius successio, ac permanentia soni intelligatur, & argument. opposita commodius soluantur, adnotare oportet, ita fieri à corporibus sonantibus, siue se collidentibus, vel inter se separatis, aut diuisis, ut medio motu resilientiæ medijs corporis, ut aëris, vel alicuius alterius fiat, &  
 in

in corpore ipso medio resistente, tanquam in subiecto recipiatur. Resilientia verò medij corporis quasi fuga eius violenta est ab ipsisnet corporibus, quasi illud à se repellentibus causata. Causatur verò medio impulsu, ei impresso ab eisdem, sed per se sic per alterationem propriam distinctam ab eodem motu locali resilientis corporis, à quo causatur, eo ferè modo, quo causatur calefactio corporum medio motu locali eorum, 27 & per eam calor. Sed hoc puto esse discriminis inter calorem productum per motum localem, & sonum, quod calor productus dependet quidem in fieri à motu locali non tamen in conseruari: cum videamus eo transacto permanere calorem. Sonus verò non solum in fieri dependet à motu resilientis corporis, sed etiam in conseruari, quamuis à motu corporum sonantium in conseruari non dependeat, sed eo transacto permaneat, quia non causatur immediate ab eis medio tali motu, sed medio motu resilientis medij corporis. Ab hoc igitur affero dependere in conseruari, & tandiu durare sonum, quamdiu motus aliquis aëris durat, & non amplius, sed quia non sic per ipsum, tanquam proprius terminus eius, sed per propriam alterationem, quam sonationem propriè vocare possumus, cum sit per se, ac proxima productio soni, ideo non est successiua qualitas, sicut successiua est motus, sed aliqualem habet permanentiam, vt probauimus; quamuis dependentem à motu, non quidem tantam, quantam habet calor per motum localem productus, sed longè minorem, quia debilioris est conditionis, & naturæ. Et eo quidem paruo tempore, quo permanet, conseruatur medio motu ab vniuersalibus causis, vel etiam ab eisdem corporibus sonantibus, cuius virtus esse videtur motus, per què possunt concurrere ad eum conseruandum, sicut ad producendum, quamuis diuerso modo immediationis virtutis, aut suppositi. Vt varias opiniones comprehendamus. 28

Ex quibus ad testimonium Aristotelis respondeo, verum esse, quod sonus per motum; & cum motu fiat, sed dupliciter hoc debet intelligi; quia duplex motus in productione soni interuenit; vel certè triplex; nam duplici in primis locali motu medio fit, prior est corporum sonantium se collidentium, vel separantium; posterior verò motus est corporis medij resilientis, proximè concurrentis, nam ille quasi remotè concurrat. Tertius verò, & proprius, quem per se terminat sonus est alteratio, & cui speciem confert. Et licet tres isti motus omnino sint successiui nullam habentes permanentem partem, non sic est successiua sonus, sed licet ab hac successione dependeat, esse tamen eius aliqualem habet permanentiam, vt probauimus, sicut calor productus per motum localem dependet ex eius 29

eius successione, & nihilominus ea transacta permanet, quia quamvis sonus causetur medio motu, alterius est naturæ ab eo, cum sit qualitas, & non sit fieri, aut via ad terminum, sicut est motus. Quod verò infertur posse conservari sonum sine motu, negandum est, nam cessante omnino motu aëris, cessat quoque sonus, & paulatim cum motu ipso languescit.

Ad aliud verò, quod obiicitur non audiri corpora sonantia, quia dum auditur sonus, iam non moventur. Respondeo hac distinctione, non enim audiuntur in se, & per se, quia nihil potest audiri, nisi sit sonus, vel sonum aliquo modo participet; audiuntur verò in suo effectu, quem causant, ita ut cum sonus audiatur, tanquam productus per motum collisionis eorum, ipsa met corpora, atque eorum collisio audiri dicantur; alio verò modo audiri non possunt.

Illud verò, quod tandem dicitur semel, & iterum audiri eundem numero sonum rectum, etiam est distinguendum; nam à diuersis successiue ingredientibus sphaeram eius, per motum ipsorum, vel eiusdem soni, semel, & iterum auditur; non tamen ab eisdem, sed toto tempore, quo permanent intra sphaeram eius, eadem auditione continuata, & non interrupta audiuntur, non multis per discontinuationem distinctis.

## Q V Æ S T I O II.

*An necessarium sit ad productionem soni concursus trium corporum, & omnia sint causa efficiens eius.*

Prior questionis pars.

<sup>31</sup> **D**Vo petit titulus questionis. Primum, an ad efficiendum sonum necessario requirantur tria corpora; duo extrema se collidentia, & medium. Postremum; an omnia hæc sint causa effectiua eiusdem soni, & utrumque erit eodem ordine sigillatim disputandum. Et circa primum duæ versantur opiniones inter recentiores, quamvis non videantur oppositæ.

Prior tenet omnino requiri tria corpora, & hæc videtur expressa sententia Aristotelis capit. præsentis, textu 78. ubi ita ait, *Sic autem secundum actum sonus semper alicuius ad aliquid, & in aliquo, percussio enim est qua facit.* Et probatur ratione, quia duobus modis fieri potest sonus vel violenta percussione, vel violenta diuisione, sed utraque postulat necessario tria corpora, ergo & productio soni non potest minùs, quàm per tria corpora fieri. Maior certissima est. Minorem verò sic probò. Percussio fit per contractum, & diuisio per separationem diuersarum partium eiusdem corporis, sed contractus non datur minus, quàm

inter

inter duo corpora contingua: separatio vero efficit partes eiusdem corporis corpora diuersa, cum eo ipso, quod separantur, quælibet fiat integrum corpus distinctum ab alio, ergo tam violenta percussio, quam violenta diuisio postulant duo extrema corpora: & neutra potest, nisi per medium corpus fieri, non solum quia motus localis est, qui per vacuum non potest naturaliter fieri, sed etiam in ordine ad sonum, quia si in vacuo fieret percussio vel diuisio, nullus efficeretur sonus: ergo ad productionem soni tria corpora necessario requiruntur, ut docuit Arist.

Secunda opinio negat necessitatem trium corporum ad productionem soni, sed duo sufficere affirmat. Aristotelem vero sic explicat, ut tria requiri voluerit, non quidem ad productionem soni simpliciter, sed ad perfectam, vel quod idem est, ad perfectum sonum. Probat multis exemplis: nam si aerem virga percutias sonum efficies, ad quem solum concurrunt duo corpora videlicet virga percutiens, & percussus aer, sine alio medio corpore. Et ex sola percussione aeris ad arteriam vocalem fit sonus absque illo medio: nam aer qui medius esse potest, potius est percutiens, & arteria ipsa percussa ab eo immediate. Solus denique aer percutiens aquam, vel aliud corpus sonum efficit sine corpore medio. Et tandem per diuisionem solidi corporis ut panni, vel papyri fit sonus, ubi nec dantur extrema corpora se percutientia, nec medium, quo se percutiant: ergo sine fundamento dictum videtur, quod tria requirantur corpora ad productionem soni: extrema se percutientia, & medium.

Ego vero media quadam via in hac re incedendum arbitror, per quam duæ istæ extremæ sententiæ sic possunt conciliari, ut solo nomine differre videantur, & germanus sensus verborum Aristotelis constabit.

Dicendum ergo tria corpora distincta realiter semper, & necessario requiri, ad quemlibet sonum producendum, sed non semper discontinua. Quod probant expressa verba Aristotelis, & ratio à nobis facta pro priori sententia, quia neque per contactum, nec per separationem, nec in æte, & aqua, aut in aëre, & alio corpore, neque in gutture potest sonus aliquis aut vox fieri, nisi duæ partes aeris, vel aquæ distinctæ realiter (quamuis non discontinuæ) se percutiant: vel una earum percutiat corpus aliud media altera. Quod in omnibus exemplis pro opinione posteriori adductis euidenti experientia constat. Et ita conciliari poterunt extremæ illæ sententiæ, ita ut prior affirmet omnino necessario requiri concursum trium corporum realiter distinctorum, sed non semper realiter discontinuorum, quod plane verissimum est. Posterior vero solum negat, quod semper sint necessaria tria corpora discontinua, quod non est minus verum, & con-

& communi modo loquendi consensaneum; nam solum vocantur tria corpora illa, quæ discontinua sunt; partes verò eiusdē, licet distinguantur realiter, non dicuntur tria corpora, quia sola corpora realiter discreta, aut discontinua efficiūt numerum.

36 Aristoteles verò illis verbis vniuersaliter locutus per tria corpora solum intellexit realiter distincta, non realiter, discontinua, nam quantum pertinet ad efficiendum sonum, diuersæ partes eiusdem corporis æquivalent planè corporibus discontinuis, cum eundem præstent effectum soni, ac si essent discontinua corpora; quare in ordine ad sonum efficiendum propriissimè vocantur tria corpora diuersa: videlicet extrema cum medio. Et ita patet solutio ad argument. posterioris sententiæ, & germanus sensus verborum Aristotelis.

*Posterior questionis pars.*

**S**ed restat disputandum, an, & quomodo hæc tria corpora concurrentia ad sonum iuxta modum expositum sint efficiens causa eius.

Et prima opinio asserit corpora sonantia se percutientia nō esse proximam causam soni sed impulsū, quem per motum, quo se percutiunt, imprimunt aëri intermedio, à quo impulsu procedit motus resilienciæ ipsiusmet aëris, & medio isto motu, tanquam conditione necessariò requisita procedit ab eodem impulsu sonus, eo ferè modo, quo idem impulsus est proxima causa motus lapidis sursum proiecti: projiciens verò, à quo impulsus imprimitur, solum est causa remota, cui nihilominus idem motus proiecti attribuitur; quia impulsus à quo proximè fit, ab eo imprimitur. Sic igitur sonus proximè fit ab impulsu eidem aëri impresso à corporibus se percutientibus medio motu, ut conditione, & remotè ab eisdem corporibus, quibus nihilominus sonus attribuitur, quia ab eis imprimitur impulsus, per quem fit. Et hoc modò aiunt debere intelligi Aristotelem, quotiescumque asserit capit. præsentī corpora sonantia se percutientia esse causam effectiuam soni. Probant hoc argumentum: sonus proximè sequitur ex resiliencia intermedij corporis, sed resiliencia est motus quo idem medium percussum resilire cogitur: ergò ista erit proxima causa soni, quæ fuerit proxima causa motus resilienciæ, sed proxima causa huius motus est impulsus eidem medio impressus à corporibus sonantibus se percutientibus: ergò erit etiam causa proxima soni, sonantia verò corpora erunt remota tantum. Secundo probatur, quia Aristoteles textu 85. huius capitis asserit sonū esse motum resilienciæ, quo mouetur medium percussum à corporibus sonantibus, quod ad minus debet causaliter intelligi, ut sit



ut sit verum, sicut docent omnes ferè interpretes: ergo per talem motum fit sonus, sed causa eiusdem motus est impulsus impressus eidem aëri: ergo impulsus est proxima causa soni.

In hac re tanquam certum præsuppono nullam dari causam per se particularem soni, sed præter vniuersalem, aut primam, à qua fit per se, solum dati causam particularem per accidens, quemadmodum caloris producti per motum localem nulla datur causa particularis per se, sed solum per accidens. Probatur hoc, quia causa per se est illa, ex cuius influxu per se sequitur effectus, sed nulla datur causa particularis per se influens in productionem soni: ergo nec dabitur particularis causa per se eius. Minorem probo, quia sonantia corpora ferè semper mouentur per impulsum ab extrinseco impressum, per quem solum intenditur per se præsentia localis per motum adquirenda; & pari ratione, si aliquando mouentur naturaliter, per accidens sequitur resiliencia medijs, aut diuisio eius, & ex consequenti, per accidens sequitur sonus: ergo nulla datur particularis causa per se eius. Dum ergo causam efficientem particularem eius querimus, de sola causa per accidens particulari, & proxima potest quæstio procedere. Et hanc dicit sententia proposita esse impulsus, per quem mouetur medium motu resiliencie: sonantia verò corpora remotam tantum. 39

Ego verò probabilius existimo, quod causa per accidens proxima, & principalis soni sint corpora sonantia, ut se collidentia, vel ut violentè diuisa, resiliencia verò medijs, & consequenter impulsus eis impressus, quo medio mouentur tali motu, solum esse medium, vel instrumentum, quo efficiunt sonum. Hanc puto esse sententiam Aristotelis, & omnium interpretum eius. Et de Aristotele quidem patet ex principio huius capituli, ubi corpora sonantia vocat ea, quæ virtutem seu potentiam habent efficiendi sonum per mutuam collisionem, nulla facta mentione medijs, aut impulsus ei impressi; ergo hæc sola, ut se collidentia causa soni sunt, & non impulsus medio impressus. 40

Et textu 79. docet expressè corpus medium resiliens non esse præcipuam causam soni, sed sonantia corpora se percutientia hisce verbis, *Non est autem soni dominus aer, neque aqua, sed oportet solidorum percussione fieri ad inuicem.* Ex quibus, verbum illud (dominus) de causa præcipua soni exponunt omnes interpretes (nullo excepto) quam negat esse medium motum à corporibus sonantibus, & consequenter neque impulsus ei impressus, per quem mouetur, aut resilire cogitur.

Sed ratione probatur primò, quia duo concurrunt ad sonum; nempe corpora se collidentia, & medium resiliens, sed medium resiliens, per motum resiliencie non est causa soni, sed medium tantum,

tantum, quo sonantia corpora causant sonum, quare nec inter causas numeratur ab Aristotele: ergo causa unica principalis, & proxima sunt corpora sonantia medio motu resilientiæ ab eis factæ, eum producentia. Probatur minor exemplo caloris, qui sic producitur medio motu locali; ac sonus medio motu resilientiæ, sed constat non esse causam præcipuam coloris, sed corpus, motum: & motus ipse tantum est medium, quo eum producant, ergo motus resilientis aeris non est causa præcipua soni, sed medium tantum, quo eum producant sonantia corpora, ut præcipua causa, nec motus potest habere ullam actiuitatem ad causandum sonum. Secundo, quia impulsus, ut alibi docui, & probaui, solum concurrunt ad motum, tanquam virtus corporum sonantium impressa aëri, sibi que substituta ad ipsum mouendum, sed quidquid agit præcisè, ut virtus alterius, quam sibi substituit ad talem effectum producendum, concurrat, ut instrumentum, quia ex eo præcisè: quod virtus eius est concurrat, & non ex propria: ergo impulsus non potest esse præcipua causa motus resilientiæ, quare etiam si gratis concederetur, hunc motum efficere sonum, non efficeretur ab eo, vel ab impulsu, tanquam à præcipua causa, sed tanquam ab instrumento. Et ita censeo impulsus solum efficere sonum medio motu, tanquam instrumentum corporum sonantium.

Ad argumentum respondeo distinguendo minorem, quod impulsus sit causa efficiens motus resilientiæ, nam de præcipua causa negandum est, de instrumentali concedendum.

### Q V Æ S T I O III.

*An sonus sit in corporibus sonantibus, vel in solo medio.*

Prior pars quæstionis.

42 **E**X præcedentibus constat tria corpora necessario requiri ad productionem soni; nempe duo se collidentia, & medium, per quod se collidunt: quæ non semper requiruntur discontinua: sed sufficit esse partes diuersas eiusdem corporis continui, ut cum aer, & aqua se percutiunt sonumque efficiunt, una pars aeris, vel aquæ habet rationem percutientis, & altera rationem medij. Quo supposito duo quærit ritulus quæstionis. Primum, in quonam horum trium corporum recipiatur sonus tanquam in subiecto, in extremis se percutientibus, vel in solo medio? Postremum, an medium quod est subiectum soni, sit solus aer, vel etiam aqua, & consequenter quodcumque aliud corpus habens conditiones similes.

Et circa primum tenet prima opinio, sonum non solum recipi tanquam in subiecto corpore medio: sed etiam in extre-  
mas se

mis se collidentibus, quæ sonantia, vel sonantia vocantur, & hæc asserit recipere in se sonum quantumcumque sint solida, densa, ac dura. Ita Venetus, quem citat Palatius cap. præsentis ad text. 85. Vega 1. lib. de arte medendi fol. 144. quam nonnullos ex antiquioribus interpretibus Aristot. tenuisse testatur Apollinarius, q. 21. huius lib. ita denique recentiores quidam:

Probant primò ratione, & experientia: Ratione quia, quia sonus, & impulsus, eiusdem conditionis sunt: sed quocumque corpus quantumlibet solidum, dæsum, ac durum est capax impulsus: ergo erit etiam capax soni.

Secundò, quia dum sonus fit per violentā perfractiōem ac diuisionē solidi corporis, ut panni serici, aut papyri, nō videtur negari posse, quod in partibus eorū diuisis recipiatur sonus: ergo nec potest negari, quod dum fit per collisionē recipiatur in corporibus se collidentibus. Experientia etiā probāt, quia post factum sonum remanet tinnitus cymbali, qui sonus quidā languescens est, & statim cessat, si cymbalū manu apprehendatur: ergo euidentis signum est in cymbalo tanquam in subiecto recipi. Nam si in solo aëre intercepto foret, nihil ad cessationem eius efficeret apprehensio cymbali. Et præterea sonus auditur, etiā si fiat intra vas omnino clausum, quod non posset fieri, nisi sonus in partibus eius solidis reciperetur, & eas penetraret. Quod enim dicitur recipi in aëre existente in poris eius, nihil valet, quia non minùs audiretur si fieret intra vas non habens poros. Et præterea, quia quos habet, nec via recta protracti sunt, nec continui, ut per eos possit sonus deferri.

Secunda opinio negat sonum recipi in corporibus sonantibus tanquam in subiecto, sed in solo medio recipi affirmat. Ita omnes fere interpretes Arist. tam antiqui, quàm recetiores capite præsentis conueniunt. Auicenna, Simplicius, Albertus Magnus, D. Thom. Caietan. Banez, Toletus, quæst. 20. huius libri, Themistius cap. 16. sui libri de anima, & Conimbr. quæst. 2. huius cap. præsentis. & cum his ceteri. Et hæc videtur nobis non solum probabilior, sed in doctrina Aristot. necessaria. Probatur hoc secundum ex duobus, quæ de sono docet Aristot. cap. præsentis: Primum quidem text. 78. ubi loquens de modo, quo à tribus corporibus producat sonus: ita ait: *Fit autem secundum actum sonus semper alicuius ad aliquid, & in aliquo percussio enim est, quæ facit.* &c. sentit ergo duo corpora se percutientia producere effectiue sonum in medio, tanquam in proprio subiecto, non ergo in se ipsis. Probatur consequentia, quia si in medio producant: ergo per actionem transeuntem, sed actio transiens non permanet in agente, sed transit ad passum, & consequenter terminus per eam productus, quia in eodem subiecto cum ea reci-

pi debet: ergo nec actio per quam sonus producitur, nec sonus ipse potest recipi in corporibus sonantibus. Quod text. 82. confirmat definiens sonantium corpus, quod sit, *continuum unum aeris* *continuitate, usque ad auditum*. mouet autem aërem per productionem soni in eo, & hoc est, esse sonantium actus: ergo in solo medio, tanquam in subiecto recipitur sonus: alioqui si in corporibus etiam sonantibus reciperetur, non bene esset definitum sonantium corpus per motionem aëris. Et textu 88. vocem ait, *esse sonum animalis*, sed vox est particularis quidam, & perfectissimus sonus factus à corporibus sonantibus sicut cæteri, & tamen non recipitur in eis, ut in arteria, lingua, palato, ac cæteris, sed in solo aëre: ergo neque alius quilibet sonus. Probatur consequentia quia omnes eodem modo fiunt, ac de potentia eiusdem subiecti educi debent: sentit ergo Aristoteles nullum prorsus recipi in corporibus sonantibus, sed omnes in solo medio. Quod verò probabilius hoc sit, ostendo primò; quia euidenti experientia constat sonum à longè factum non statim audiri: tamen si statim videatur percussio facta, vel aliquis effectus eius, ut patet in fulmine, & tonitruo; nam prius illud videmus, quàm audiamus hoc. Cuius nulla potest ratio conueniens assignari, nisi quia maiorem habet spheram actiuitatis obiectum visus, quàm auditus; & idè non diffundit sonus species ad tantam distantiam, ac propterea non auditur, quousque appropinquet ad nos appropinquante aëre, in quo deferretur: vnde sequitur in solo medio recipi, & non in corporibus sonantibus, quæ cum non moueantur eodem modo: non possunt deferre sonum, nec

48 sonus in eis receptus potest audiri.

Et vigeri potest hæc ratio, supposita cõmuni sententiã, quam sequuntur etiam recentiores isti circa modum, quo fit auditio: videlicet sonum deferri aliquantulum per aërem secundum esse reale, & ab ea distantia ad quam deferretur usque ad auditum, multiplicare suas species, & per eas audiri. Quod nõ potest esse verum, si sonus recipiatur in corporibus sonantibus. Probatur apertè, quia sonus realis nõ deferretur per medium, nisi moto per spatium aëre in quo est: sed corpora sonantia non mouentur per spatium: sed in suis locis permanent: ergo non recipitur sonus in eis. Et si dicatur sonum receptum in corporibus sonantibus non audiri ex eo, quod per medium se diffundat secundum esse reale: sed solum secundum esse intentionales: ita ut per species à se multiplicatas perueniat usque ad auditum.

Obiicio aliam experientiam satis notam: nam sæpe experimur omnes, quod flante in contrarium vento non auditur sonus existens intra spheram auditus, quod non potest esse verum, si per solas species intentionales se diffundat: nam diffusionem

tionem harum impedire non potest status aëris contrarius: sed eo non obstante semper eas multiplicat sonus vsque ad auditum intra propriam sphaeram contentum, & ideo non posset impediri auditio eius, impeditur verò, quia aër in quo defertur realis sonus, vsque ad aliquam distantiam stante vento mouetur in contrarium, & cum eo sonus, & ita ab auditu elongatur, vt extra propriam eius sphaeram sit, & non possit vsque ad illum multiplicare species, quas absque dubio posset, nisi contrarius ventus obstaret: quare nec potest audiri, nisi auditus ipse ad illum appropinquet.

Vt autem quàm sit probabilis nostra sententia percipiatur melius, & arg. commodius solui possint: adnotandum est discrimen maximum inter impulsus ex vna parte, & sonum ex altera: nam licet in multis assimilentur, valdè diuersi sunt in modo, quo producuntur, ex quo colligitur valdè diuersa subiecta postulare, vterque quidem producit medio motu locali: sed valdè diuerso, quia impulsus per separationem corporis, cui imprimitur à proiiciente, à quo separatur, vt dum lapis sursum proiicitur: imprimitur ei impulsus medio motu, quo separatur à proiiciente. Quare impressio impulsus sit per immediatam actionem proiicientis in corpus proiectum: quæ actio est motus localis separationis ipsius ab eodem proiiciente, & ideo solum postulat per se duo corpora, nempe proiciens, & proiectum, medium verò solum propter communem rationem motus, & actionis transeuntis: quæ non potest naturaliter in vacuo fieri, vnde supposito quod motus, vel actio transiens posset fieri in vacuo, absque dubio posset quis lapidem sursum proicere per impressionem impulsus, sicut potest modo: sonus verò non fit per immediatam actionem vnius corporis in aliud: sed media perfractioe medij corporis. Itaque licet fiat per motum, quo duo corpora se percutiunt, atque collidunt, non tamen est sufficiens talis motus collisionis, nisi per eundem motum compellatur resilire medium inter vtrumque corpus: à quibus violentè se collidentibus, violentè etiam resilire cogitur secundum suas partes; quam resilienciam ab eis causatam, proximè sequitur sonus, corpora igitur se percutientia non causant sonum ex eo, quod vnum agit in aliud; ita vt hoc sit agens, illud verò patiens: cum constet vtrumque esse agens, vt docuit expressè Aristot. text. 85. huius capituli, hisce verbis. *Virum autem sonat id quod verberat an id quod verberatur, an et vtrumque modo aut ali-* 51

*mo.* Et docet euidens experientia: nam sæpe videmus corpora sonantia actu mota in contrarium se collidere, & sonum causare. Ex quibus sequitur primò sonum ex proprio modo suæ productionis fieri circa medium, & ex potentia eius educi ac in eo

tanquam in proprio subiecto recipi: impulsus verò semper imprimatur vni extremo ab altero. Vnde licet imprimatur etiam impulsus aëri à corporibus sonantibus, diuersa ratione se habet ac respectu soni, videlicet vt alterum extremum, in quod tanquam in passum per se agunt corpora sonantia.

Secundò sequitur non repugnare, quod sonus recipiatur in corporibus sonantibus, ex eo solùm, quod solida, densa, ac dura sint: sed primaria repugnantia est modus ipse productionis soni, ex quo prouenit, vt nec ex potentia ipsorum educi possit, quia neutrum concurrit ad illum tanquam passum: sed vtrumque tanquam agens in tertium, vt in passum, & quidem per actionem transeuntem, quæ simul cum suo termino recipi nequit in agente: sed in passu, respectu igitur sonationis, & soni vtrumque agens est, & neutrum se habet, vt passum respectu alterius: sed quasi per modum vnius agentis totalis.

Et ex his tandem intelligitur impulsu accommodatiùs postulare pro subiecto corpus solidum, quàm fluidum; quia illud faciliùs potest proiciens à se separare per motu localem, quàm hoc. Sonus verò omnino postulat corpus fluidum, & quod facile possit inter duo corpora se collidentia resilire, extrudi, atque disrumpi. Et ex tota hac doctrina abundè satis solutum est primum argumentum quantum ad comparationem soni cum impulsu.

Ad secundum negandum est antecedens, quod sonus productus per violentam diuisionem aëris à solidis corporibus recipiatur in partibus eorum solidis; in poris verò earum ratione aëris, quo pleni sunt, recipitur quidem, quia aër in eis existens non habet rationem corporis sonantis: sed ad medium potius pertinet, & quasi pars eius est, suoque modo mouetur motu resilientiæ, ratione cuius capax soni est, & eius ratione magna ex parte, permanet tinnitus cessante iam sono cymbali, & manibus compresso eodem cymbalo quiescit idem aër, & tinnitus idem paulatim languescit.

### Posterior quæstionis pars.

*An medium in quo fit sonus tanquam in subiecto, sit solus aër, vel etiam aqua, ac cætera corpora fluida, & qua facile resilire possunt*

Ostenso iam in priori parte quæstionis sonum solùm recipi in corpore medio, tanquam in subiecto sequitur disputandum in posteriori parte, quale debeat esse corpus medium, in quo recipiendus sit sonus, videlicet an solus aër, vel etiam aqua cum cæteris corporibus fluidis ei similibus.

Et prima opinio tenet solum aërem esse medium, per quod sonantia

sonantia corpora possunt se collidere ad productionem soni, & ideo in solo aëre recipi sonum tanquam in subiecto, non in aqua, nec in cæteris. Ita Comm. loco nuper citato. Albert. Magn. tract. 3. huius libri, cap. 18. Ægidius comm. 7. eiusdem capituli, & pro eadem citatur D. Thom. in commentariis huius capituli: sed immerito, quia lectione 16. ad text. 79. expressis verbis asserit, etiam in aqua fieri, & recipi sonum, quamvis non ita perfecte sicut in aëre. Probatur hæc opinio testimonio Aristot. in hoc 1. lib. cap. 7. ad finem. Vbi media singulis assignans sensibus, de medio auditus, in quo recipitur sonus, his verbis loquitur: *Medium autem sono quidem aër est, odori autem innominatum est, communis enim quadam passio est in aëre, & aqua.* Quibus cū pro medio odoris aërem, & aquam posuerit, pro medio soni solum aërem designauit, sentit igitur aquam non esse medium, quia si medium esse intelligeret, sicut pro odore designauit vtrumque, sic designaret vtrumque pro sono. Probatur deinde ratione, quia ad productionem soni requiritur, quod corpus medium confestim, & quasi vno ictu extrudatur, atque disrumpatur, alioqui si sensim extrudatur, sonum non efficit: sed densitas aquæ, & maxima eius fluxibilitas impedit, quin ita extrudi possit, atque disrumpi vno ictu, & ideo sensim elabitur: ergo ineptum omnino medium est ad productionem soni, & receptionem eius.

Secunda opinio expressa est ab Aristot. cap. præsentis, text. 79. hisce verbis: *Amplius auditur in aëre, & in aqua, sed minus, quibus duo asserit: Primum in utroque elemento auditionem fieri. Postremum minus bene in aqua.* Et ita sentiunt cum Aristotele cæteri omnes interpretes, tam recentiores, quam antiqui, præter citatos pro sententia opposita Auicen. Them. Simpl. D. Tho. & cæteri ea. præsentis, atque etiam Scaliger exercita. 297. & videtur nobis hoc non solum probabilius: sed omnino verum. Et quod ad verba Arist. attinet, asserunt recentiores quidam iuxta ipsum, deferri quidem sonum genitum in aëre per aquam per species intentionales, quia licet nec in ea generetur, nec per eam se diffundat realiter, bene tamen per suas species, quas per aquam multiplicat, & per has audiunt pisces sonos extra aquam factos: sed in aqua factos nunquam.

Sed obijcio in primis illis eundem Arist. 4. li. de historia, anim. cap. 9. vbi de piscibus expressè asserit sonos edere sub aquis: ergo non solum putat aquam esse subiectum deferens sonum: sed medium, in quo producit. Verba Aristot. hæc sunt: *Pisces vocis quidem expertes sunt: quippe qui neque pulmonem, neque arteriam, aut guttur obtineant: sed sonos quosdam stridorésque mouent, quia vocales esse existimantur. Vt lipæ, & chromis, ab his enim quasi grunitus qui-*

dā emittitur. Et de ranis paulò inferiùs, sic loquitur: *Et quidē gē-  
nus illud ululatur, quam ololyginem nominandi mares intra aquas  
reddunt, ut citant ad coitū fēminas.* Et paucis interpositis, *reddū  
rana, suā illam maxilla inferioris labro demisso pari libra cum aqua  
modicē recepta in fauces superiorēque intinā.* Et si rursus dicatur  
cum Alb. Mag. ubi supra, adhuc non sequi ex hoc Arist. sentire,  
quod in aqua producat sonus: sed in quibusdā parribus aëris  
aquam subinrantibus: cuius signū esse ait, quod cū soni isti sub  
59 aquis editi audiuntur, statim supra easdē aquas apparent bullæ  
quædam ascendentes, quæ non nisi medio aëre fieri possunt.

Hoc apertè falsum est, & contra mentem Aristotelis, qui per  
collisionem aquæ docet ranas sonos edere; falsum verò, quia  
experientia constat pisces quocumque tempore sonum edere,  
audiuntur enim motus eorum sub aquis: ergo si in aëre, & non  
in aqua fit talis sonus, sequitur plurimum aëris degere sub a-  
quis, & continenter quidem, quia non potest ubicumque sunt  
pisces sonus generari nisi semper, & in cunctis locis eorum  
reperiatur aër, & in singulis locis non parum, quia magna aëris  
pars requiritur ad tam magnos sonos edendos. Consequens au-  
tem apertè falsum est, & naturæ elementorum cōtrarium, quæ  
60 non patitur sub grauioribus leuia degere corpōra, præsertim  
in magna quantitate, ac semper, & ubique: ergo efficaciter con-  
uincitur sonum non solum in aqua deferri, ut fiat auditio: sed  
in aqua planè generari, tanquam in medio, & ideò in ea reci-  
pi, tanquam in subiecto. Quod alia experientia non minùs eui-  
denti conuincitur: nam sæpe audimus lapillos sub aquis impe-  
tu motos, ac se percutientes sonum edere. Nec credibile est,  
quin si quispiam sub aquis cymbalum percutiat, sonum ali-  
quē edat, licet imperfectum.

Probaturn tandē ratione ex modo, quo generatur sonus iux-  
ta Aristotelem, & omnes, videlicet per collisionem corporum  
sonantium circa medium, & extruccionem, ac disrutionem  
eius: sed aqua in profundo, ubi nullus est aër, confestim, & vno  
ictu violenter potest disrumpi lapide, aut baculo, violentèrque  
resilire: ergo & sonus generari. Verum quidem est, quod non  
est medium; ita accommodatum aqua, ac aër pro generatione  
soni, & propterea imperfectus sonus dumtaxat in ea fieri po-  
test, ut asserit nostra sententia.

61 Testimonium verò Aristotelis pro contraria sententia ad-  
ductum, per alia à nobis citata explicandum est, in quibus ma-  
gis ex professo de natura medio, ac subiecto soni agebat singu-  
la explicans, ita ut in eo non tradiderit medium soni secun-  
dum totum ambitum, vel extensionem, quam habet: sed solum  
primarium, & accommodatissimum, per quod fit perfectissi-  
mus



mus sonus, in nostris verò testimoniis, ubi ex professo naturam soni, & modum productionis eius discutiebat, necesse fuit alia corpora (præter potissimum) circa quæ potest sonus (licet imperfectus) produci, declarare; nempe aqua, sub qua certissimum est intelligere Aristotelem cætera corpora liquida, ac fluida, de quibus eodem modo constat resilire, & disrumpi posse, atque aquam ipsam, & propterea esse medium soni saltem imperfectum, ut vinum, acetum, lac, & similia. 62

Argument. verò eiusdem sententiæ difficultate caret: nam facile negatur antecedens, videlicet non posse corpora se collidere per aquam, & hanc confestim extrudere, atque disrumpere, sonumque causare; quâvis non tam citò, nec tam celeri mbru propter densitatem eius.

Sed restat hoc loco inquirendum breue dubium, an sicut aër, & aqua, cæteraque corpora eis similia sunt medium soni, eiusque subiecta, in quibus recipitur, sic etiam sint corpora sonantia, ex quorum collisione possit fieri sonus circa medium. Videtur enim quod non, quia non convenit eis definitio sonatiui corporis assignata ab Aristotele. text. 82. huius capituli hisce verbis: *Sonatiuum est, quod motuum est unius aëris continuitate usque ad auditum.* Ex quibus infero aërem non esse sonatiuum, sed aliud corpus à se distinctum, quod eum mouere potest; & multo minus aquam, nec eis conueniunt condiciones corporis sonantis posita ab Aristotele capit. præsentis, non enim sunt solida, nec dura corpora; quare non videtur per contactum, vel percussionem eorum posse causari sonum. Et ita videtur sentire D. Thom. lectione 16. huius lib. ubi ita ait: *Manifestum est, quod neque aër, neque aqua habent proprium sonum, sed necessarium est ad soni generationem in aëre, vel aqua quod aliqua corpora firma, vel solida, & dura percussant se inuicem, & percussant aërem.* atque etiam Philoponus, Albert. Magn. & Ægidius locis nuper citatis. 63

Oppositum verò tenent alij, ut Auicenna 6. naturalium part. 2. cap. 6. Simplic. atque Themistius, & Scaliger locis nuper citatis, & videtur mihi probabilius, & tenendum; quia dum nubes disrumpitur à fulmine, quod non est aliud, quàm ignita exhalatio, generatur sonus, & tamen nullum ibi interuenit corpus solidum, nec durum; ergo non requiritur semper tale corpus ad productionem soni. Præterea tempestate maris ingruente fit magnus sonus, absque interuentu alterius corporis ab aëre, & aqua distincti; ergo duo hæc elementa, non solum sunt medium in generatione soni, sed sæpe etiam sonantia, vel sonatiua corpora. Et tandem aëre violenter emisso per fistulam fit sonus; ergo dantur ibi corpus percussans, & percussum; cum alterum 64

tantum solidum sit; quare necesse est fateri aërem percussurum esse, vel percutientem, quod est esse sonatium corpus.

65 Nec tamen existimo oppositas esse has duas sententias; sed hac distinctione ad concordiam redigi, quia si de sono perfecto, modoque perfecto ediro sermo sit, neque aër, neque aqua; imò neque ullum corpus fluidum, aut liquidum potest sonatium corpus esse. Si verò de quolibet sono etiam imperfecto, & quocunque modo producto loquamur, nullum ferè corpus solidum, vel liquidum, durum, vel molle, aut cuiuscunque alterius conditionis esse potest, quod non possit aliquem edere sonum, & aliquo etiam modo sonatium vocari. Aristoteles verò sonatium corpus perfectum solum definiuit, & in ordine ad perfectum sonum, perfectoque modo edendum, & eius dumtaxat condiciones tradidit, ut benè adnotauit Themistius, capit. præsentis dicens Aristotelem non tam sonantia definisse corpora, quam benè sonantia; & in priori sensu negauit prior sententia aërem, & aquam esse corpora sonantia; non in posteriori, in quo loquitur sententia posterior, hoc autem modo sonantia esse corpora conuincunt eius argumenta, sicut argumenta sententiæ prioris probant non esse sonantia, ita ut perfectum edere possint sonum, vel modo perfecto, quare neque hæc, neque illa soluere oportebit.

#### Q V Æ S T I O I V.

*An sonus realiter perueniat usque ad auditum, vel solum species intentionales eius.*

66 **P**lures sunt de hac re sententiæ, quas claritatis, ac breuitatis gratia possumus ad tres reducere.

Prima affirmat necessarium esse, ut audiatur sonus, quod secundum esse reale, & naturale perueniat usque ad organum auditus. Ita Auicenna l. 6. naturalium, cap. de auditu. Albert. Magn. in Summa de homine, tractatu etiam de auditu, Alexand. cap. præsentis, Simpl. ibidem in quadam digressiuncula contra Alexand. Ægidius ad text. 84. & ex recentioribus nonnulli. Non tamen intelligitur ab his omnibus eodem modo, sed valde diuerso. Nam Auicenna eundem numero sonum productum in parte aëris attrita, aut disrupta à corporibus sonantibus deferri putat ab eadem parte discurrente per medium aërem, usque ad organum auditus, eo ferè modo quo sagitta pergit per medium aërem usque ad scopum. Simpl. verò putat moueri totum aërem continuum, usque ad auditum mota illa parte percussa in qua fit sonus, quia non potest moueri vna pars continui corporis, quin totum ipsum corpus moueatur, ut pars ligni, quin moueatur totum lignum; unde sicut in parte illa percussa causatur sonus

sonus per motum, ita eo ipso producit in toto aëre vsque ad auditum. Alexander verò asserit sonum vsque ad auditum produci, non eadem percussione, sed diuersis, ita vt prima pars percussa à corporibus sonantibus percutiat alteram sibi proximam, & per hanc percussione fieri in ea sonum, & hæc alteram & ita multiplicari vsque ad organum, eo ferè modo, quo proiecto lapide in aquam multiplicantur circuli. Præter hos autem tres modos explicandi hanc sententiam extat quartus, quo eam sic intelligunt recentiores quidam, vt dicant sonum non produci in aqua, nec recipi in ea secundum esse reale, sed solum per suas species, per quas fit auditio eius in eadem aqua, ex opposito verò non posse in aëre producere suas species, nec per eas audiri, & cum audiri constet, dicunt necessarium esse, vt multiplicetur sonus ipse realis per totum aërem vsque ad auditum.

Probatur verò auditionem fieri perueniente sono reali vsque ad auditum, quod vniuersaliter asserit hæc sententia, testimoniis Aristotelis, & ratione. Primum testimonium desumo ex cap. præsentis, textu 82. vbi sonantium corpus hoc modo definit. *Sonantium igitur est: Quod motuum est vnius aëris continuatione vsque ad auditum.* Ex qua definitione sic arguo: sonantium corpus mouet aërem continuum vsque ad auditum; ergo vel illud mouet motu locali, hoc est, continua agitatione, vel motu alterationis alterando illud; si continua agitatione, producet absque dubio per eam sonum; cum sonus causetur per agitationem aëris à corpore sonante collidente se cum alio, si verò alterando illud, non potest alia specie alterationis illud mouere, nisi sonatione, hoc est, productione soni in eo, quia sonantium, vt sonantium, non potest nisi productione soni alterare corpus, sicut calefactuum, vt tale non potest alterare nisi producendo calorem. Et si dicas non mouere continuum aërem motu physico, sed intentionali per multiplicationem specierum vsque ad auditum, vt per eas auditio fiat. Contra hoc est, quod solum obiectum sensus potest mouere medium tali motu intentionali, sicut color mouet visum; sed sonantium non est sonus, sed valde ab eo distinctum tanquam causa ab effectu; ergo non potest mouere continuum aërem hoc motu, sed naturali, & reali per productionem soni realis in eo, cuius est propria causa, lib. etiam de sensu, & sensib. cap. 7. proposito dubio an sensibilia prius moueant medium quam sensum (loquitur autem de his sensibus tantum; qui medium habent externum, vt bene adnotauit ibidem D. Thomas) responderi visibile simul mouere medium, & potentiam, duos verò alios, nempe auditum, & olfactum, prius mouere medium, quam sensum; & rationem discriminis reddit; quia sonus, & odor non solum

medio motu medij, sed per multos motus eius producuntur in eo, & per eisdem. perueniunt ad gustum, & auditum, & cum motus necessario fiat successiuè, atque in tempore, necesse est prius sonum fieri in medio, quàm perueniat ad potentiam; hoc autem non potest esse verum, nisi realiter perueniat, quia si per solas species intentionales, cum istæ fiant in instanti non habentes contrarium, sequitur simul ac sonus factus est, multiplicare suas species usque ad auditum, simulque audiri, & ideo non prius, sed simul sonum mouere medium, & potentiam. De visu verò notum est non peruenire colorem ad medium secundum esse naturale, sed solum per lumen, vel species, & tam istæ, quàm illud producuntur in instanti, & propterea non potest visibile mouere prius mediū, quàm potentiā, sed simul vtrumque: verba Aristotelis hæc sunt: *An circa sonum quidem, & odorem hoc accidere rationabile, quemadmodum enim aer, & aqua continua quidem, partibiles autem amborum motus.* Et quibusdam interpositis sic prosequitur: *De lumine autem alia est ratio, per id enim quod est esse aliquid, lumen est, sed non motus aliquis, omnino autem, nec similiter in alteratione se habet & latrone, lationes namque rationabiliter medium prius attingunt. Videtur autem sonus cuiuspiam, quod fitur esse motus, quacunque verò alterantur, non amplius similiter, contingit enim simul totum alterari, & non dimidium prius, velut aquam simul omnem congelari.*

- 72 Proponit deinde aliud dubium, an dum plures sunt intra spheram soni tintinabulo facti, simul omnes audiant eundem sonum, vel non nisi distinctum. Videtur enim non posse omnes eundem audire: cum non possit idem sonus ad aures omnium peruenire. Cui respondet, non omnes audire eundem numero sonum, sed eundem tantum specie, quia sonus primò factus à tintinabulo, qui vnus numero est, non peruenit ad omnes, sed alij multiplicantur usque ad auditum, & ita sonus, qui proximè ad auditum perueniunt, diuersi numero sunt, sicut & potentie ad quas protueniunt. Ecce verba eius: *Videtur autem quibusdam esse dubitatio, & de his, impossibile enim dicunt quidam alium alij idem audire, aut videre, & odorari, non enim possibile esse multos, & seorsum existens audire, & odorari, quod enim unum seorsum idem*
- 73 *à seipso efficit, hoc est dubium. Sequitur solutio eius. An motus primum ut tintinabulum, vel ignis, vel ignem, idem, & unum numero sentiunt omnes, id autem quod iam proprium alterum numero, specie autem idem, quare simul multi vident, & odorantur, & audiunt.* Ex utroque autem testimonio duo colligo. Primum quod auditio non fiat per species intentionales ex mente Aristot. sed per sonum realem peruenientem ad auditum. Probatur aperte, quia si per species fieret, omnes audientes eundem numero sonum,

Sonum, primò productum audirent, quia omnes species, quas in auribus omnium produceret, ipsummet, & non alterum numero distinctum repræsentarent, ut per se est manifestum in visu, ac cæteris sensibus; idem enim numero color videtur à multis per diuersas species ab eo productas in oculis singulorum. Sed asserit Aristoteles, non omnes simul audientis tintinabulum eundem numero sonum audire: sed numero diuersos, quia quauis sonus primò factus sit vnus, & idem numero qui tamen proximè ad aures diuersorum perueniunt, numero diuersi sunt: ergo sentit planè primum sonum per alios sonos reales diuersos multiplicatos per mediū vsque ad potentiam audiri à multis, & non per species. Postremum, quod colligo est, non solum esse necessariū, ut audiat sonus, quod perueniat secundū esse reale vsque ad auditum, ut asserit prædicta opinio, sed multiplicari per multas, ac diuersas percussiones, quasi per modum circulorum factas in aëre iuxta ultimam expositionem Alexandri.

74

Sed probatur iam non posse sonum in aëre producere species, nec per eas audiri, sed omnino necessarium esse, ut audiat, quod perueniat secundum esse reale, vsque ad aures duplici ratione. Prior est, quia species intentionalis carens contrario in instanti deberet produci per totum medium vsque ad auditum; ergo eo ipso quod factus est sonus absque vlla mora audietur, quod est contra euidenter experientiam, nam facta percussione arboris in sylua, aut pertracta nube à fulmine, & utrobique facto sono, non statim fit auditio eius, sed post aliquantum temporis, ergo non fit per species intentionales.

75

Secundò, si sonus auditur in aëre per species, & non per realem multiplicationem vsque ad auditum, sequitur quemlibet sonum rectum bis audiri. Probatur consequentia, quia sonus realis defertur per aërem percussum, & commotum à corporibus sonantibus vsque ad aliquam distantiam, vel vsque ad illam multiplicatur (ut asserunt opiniones huic contrariæ) sed in principio sui esse producit specie vsque ad auditum in instanti (ut probatum est,) ergo si delatus per motum, vel multiplicatus vsque ad illam distantiam adhuc durat, producet nouas species, per quas transacta iam prima auditione in instanti facta, iterum audiat, imò pluribus; & infinitis additionibus: eum infinita dentur instantia, atque infinitæ partes in tempore illo, quo defertur, vel multiplicatur secundum esse reale, & in quolibet instanti distincto ab alio, possit fieri auditio, atque distincta auditio.

76

Hæc tamen sententia secundum se sumpta falsa est, atque etiam iuxta omnes modos, quibus explicatur, vel intelligitur ab omnibus autoribus citatis. Vtrumque verò constabit si probemus

77

bemus impossibile esse & nullo modo necessarium ad auditionem, quod sonus realis perveniat usque ad auditum. Hanc probatio efficaciter impugnat, singulos modos, quibus talis multiplicatio soni, usque ad auditum excogitatur fieri; & primo, quod eadem numero pars aeris percussa, in qua fit sonus, perveniat usque ad auditum, & idem numero sonus in ea factus, probatur falsum, quia aliquando percussio parva est, & minimis quibusdam instrumentis facta, ut constat de voce humana, & tamen auditur ad magnam distantiam, & à multis intra illam contentis; repugnat verò per tam parvam percussionem tantum ei imprimi impulsus, ut possit ad tantam distantiam moveri.

- 78 Præterea esto moveri possit: cum motus localis per tam parvam percussionem factus licet velox sit; tempus consumat, & notabile quidem, ac sensu perceptibile, sequeretur non statim ac fit vox audiri ab eis posse, sed auditionem differri per tempus sensu perceptibile contra experientiam, propterea hic modus defendendi illam sententiam omnino improbabilis mihi videtur. Probatur deinde falsum quod sonus realis perveniat usque ad auditum per productionem alterius sibi similis, primo quia non est intelligibile, quod sonus aliquis producat in medio sine percussione, ac motu eiusdem medij, sicut non est possibile, quod producat impulsus sine motu proicientis, vel proiecti, aut utriusque; tunc ergo vel producat sonus realis usque ad auditum una percussione proximæ partis aeris, qua mota movetur totus aer usque ad auditum, ut dicebat Simplicius, vel multis percussionibus quasi in circulo factis, eo modo, quo per motum lapidis in aqua moventur partes aquæ per modum circuli, & utrumque manifestè impossibile est, quia tam parva percussio aeris in ore facta, non potest vim obtinere movendi tam magnum aerem. Est etiam contra experientiam cum immoto omnino, atque quieto aëre qui circa nos est, audiamus sonum à longè factum, imò, & factum propè, quod possibile non esset, si totus aer moveretur, perciperemus enim absque dubio, vel tactu talem motum. Præterea cum motus totius aeris per partem illam, aut per multas percussiones factas moram temporis & non parvam inducat, sequitur non statim ac vox formatur in ore, audiri à cunctis circumstantibus. sed post moram temporis sensu perceptibilem, contra evidentem experientiam. Et quod plus est, & evidentiùs ostendit falsitatem oppositæ sententiæ; simul auditur ab his qui propè, & ab his, qui longè sunt, quod repugnet, si per unum, vel plures motus aeris multiplicaretur sonus usque ad auditum, quia prius tempore moverentur partes proximiores aeris, quam remotæ & prius, in illis, quàm in his sonus produceretur, & prius à proximioribus audiretur.

Probatur

Probarur tandem quia si sonus fiat extra locum aliquem, unde quaque clausum, auditur in eo, & sic fiat in eo, ut intra æneum vas magnæ profunditatis, omni etiam ex parte clausum auditur extra, & tamen non potest sonus realis produci in duro, ac denso corpore (ut probauimus supra) & ideo nec penetrare tale corpus; ergo falsum est quod semper sonus realis, usque ad auditum perueniat, aut peruenire possit. Sed respondent iuniores produci sonum in poris eiusdem vasis, per agitationem aëris in eis inclusi. Et ita posse penetrare totum corpus. Hæc tamen solutio friuola ostenditur ex duobus: ex priori quidem, quia licet poros admittamus in his corporibus, pauci 81 admodum, & nimis angusti sunt, in quibus proinde nihil ferè aëris reperitur, esset verò necessaria magna aëris copia intus existens, atque egrediens, ut per vtriusque percussionem fieret tam magnus sonus ac est ille, qui foris auditur, si magnum sit vas. Ex posteriori verò quia licet dentur tales pori non sunt ordinati, nec recta via tendentes, sed passim interrupti per densiores partes à quibus vndique circumdati sunt, qua ratione per varios anfractus tendere necesse est: & ita redditur impossibilis productio realis soni per eos penetrantis totum ipsum corpus.

Secunda opinio negat quidem peruenire sonum realem usque ad auditum, sed asserit sonum ad aliqualem distantiam multiplicari, ita ut à sono primo producto producat alter usque ad illam distantiam, & ab ea usque ad auditum species multiplicet, per quas audiatur. Ita videtur sentire D. Thom. in 2. dist. 2. quæst. 2. artic. 2. ad 5. vterque Caietan. cap. præsentis, Conimb. ibidem, quæst. 2. artic. 2. & plures alij. Ad illam verò distantiam multiplicari existimant per varias motiones, & agitationes aëris in circulo factas, eo ferè modo, quo in aqua nunt iniecto lapide. Probant hoc solo argumento, quia primus sonus 82 sit per commotionem, & agitationem aëris, sed agitatio hæc non statim cessat, sed aliquantulum extenditur per aërem: ergo nec cessat statim productio soni, sed sicut pars aëris agitata, in qua primò producitur sonus, agit aliam sibi proximam, quousque impulsus eis impressus extinguitur, ita post sonum primò productum producitur alter usque ad eam distantiam, ad quam potest impulsus mouere, & agitare aerem.

Sed ut melius hæc sententia intelligatur adnotare oportet dupliciter exagitari posse, quod sonus multiplicetur, vel per virtutem actiuam eius, ita ut sonus primò productus à corporibus sonantibus sua virtute producat alterum, sicut calor vnus productus ab igne in ferrè, producit alterum in manu, vel non per virtutem eius, nec eo actiue concurrente, sed per agitationem aeris sequentis, ita ut aer, in quo producitur primus sonus

sonus per impulsu ei impressu à corporibus sonantibus resilienti imprimat suo motu impulsu aëri sequenti, à quo ageretur, & nouus sonus producatut. Videntur autē auctores omnes huius sententiæ intelligere, quod multiplicatio soni ad certā distantia fiat, non per virtutem actiuā soni prioris, sed per vltiorem agitationē aëris ab eo factam, quia nihil de virtute actiua soni insinuat, sed ex sola aëris agitatione id probare cōtendūt.

- 83 Nostri tamen sententia duabus assertionibus explicatur. Prior est, *à principio, quo fit sonus, multiplicat speciem sui per aërem, usque ad auditum, & per has species auditio fit semper, quare nulla prorsus multiplicatio soni realis uno, vel alio modo excogitata à predictis opinantibus necessaria est ad auditionem, sed valde superflua, atque imperinens.* Probatur primò ratione vniuersali aduersus utramque sententiā, & omnes modos defendendi primam, quia sonus est proprium sensibile sicut color, sed propria sensibilia habent virtutem producendi proprias species intentionales in medio, & potentia: ergo hanc habet sonus, sicut probauimus, cap. precedente eam habere colorem: tunc ultra agens appropinquatum passo, & non impeditum naturaliter, & necessariò producit in eo effectum propriæ virtutis, sed sonus statim ac fit est appropinquatus aëri: qui est passum benè dispositum, & non impeditum ad recipiendas species intentionales soni: ergò producit eas, & illarū alias usque ad auditum, & ita fiet auditio sine multiplicatione soni realis, quia potētia informata specie sufficiens est principiu sensationis. Quod sic vrgeo, euidenter experientia piscatorū constat pisces audire voces in aëre emissas, & hoc fieri sine vlla cōmōtione aquæ, imò in summa quiete eius melius audire, & propterea ad profundiores partes, aque se recipere: ergò talis auditio nō fit per reale productionē soni in aqua, sed per solas species intentionales per eā multiplicatas: pari ergo ratione auditur sufficēter in aëre sine vlla alteratione naturali eius simultanea, vel comitate, quæ sit productio realis soni.

- 84 Secundo probatur argum. ad hominem satis efficaci aduersus secundam opinionem admittentem sonum à certa illa distantia (ad quam usque multiplicatur realiter & naturaliter) producere speciem sui in medio, & potentia per quam solam auditui sufficenter. Hoc inquam supposito, sic atquo: non minùs potest sonus à principio suæ productionis multiplicare speciem sui in medio, & potentia, quā post realem multiplicationem ad illam distantia: cum per eam nec naturam mutauerit, nec maioris, sed minoris fortè virtutis factus sit: ergo à principio eas multiplicat, & per eas solas audiri potest. Probatur euidenter, quia per eas solas auditur ab illa distantia apud auctores huius sententiæ. Ex quibus infero, quā sit falsus, & sine fundamento vltimus mo-



86  
 dus explicandi priorem opinionem negas in aqua produci posse sonum realem, sed audiri sonum in aëre factum per species intentionales, & negans quoque ex opposito, quod in aëre possint produci species intentionales soni, & concedens produci sonum realem, usque ad auditum, certum est enim aërem omnibus esse medium accommodatum ad auditionem, & magis accommodatum, quam aquam, ut expressis verbis asseruit Aristoteles cap. præsentis; si igitur est medium accommodatum ad productionem soni realis; ergo erit etiam ad productionem specierum; quare ex hac parte non repugnabit in eo produci, sed nec repugnat ex parte eiusdem soni, qui cum sit sensibile per se, & proprium, non minus, quam color, & cætera obiecta aliorum sensuum, necesse est ei concedere virtutem eas producendi, atque etiam, quod verè eas producat. Præterea si est medium magis accommodatum ad auditionem, quam aqua, & in hac possunt produci species soni, sine fundamento negatur, quod non possint produci in aëre.

87  
 Assertio posterior, nec multiplicatur sonus realis usque ad auditum, neque ad certam distantiam, neque ullo alio modo, sed sonus primò productus deferretur ad aliquam distantiam per aërem commotum, & resilientem, maiorem quidem aut minorem secundum maiorem, vel minorem resilientiam aëris, in quo deferretur, ita tamen ut à principio producat species, & per eas audiat tam in aqua, quam in aëre. Hæc est etiam contra utramque opinionem, & modos omnes explicandi primam, eamque simul cum priori tenet Toletus, q. 21. huius lib. & videtur etiam tenere noster Molina 1. part. quæst. 65. art. 2. disp. 1. non longè à fine, & cum his maior recentiorum pars. Et probat efficaciter argumentis factis contra easdem opiniones, & modos eas defendendi.

88  
 Testimonium Aristotelis difficile satis apparet, nisi contextus illius loci paulò attentius consideretur, in quo Aristoteles hoc solum intendit, quod obiecta auditus, & olfactus non possint mouere potentiam, quin prius moueant medium motione reali, & naturali, quia sonus in eo producitur secundum esse reale per motum collisionis eorum, & ideo necesse est prius alterari aërem per productionem soni realis, & receptionem eius, quam moueat in potentia, odor verò non mouet olfactum, nisi per effusionem odoriferæ exhalationis per medium. Prioritas verò hæc mouendi medium realis est in utroque sensu, & sensibilibus, sed non necessario est temporis, vel durationis, sed naturæ saltem, quia prius natura est sonum fieri, & esse, atque in aëre recipi secundum esse naturale, quam mouere sensum siue eum moueat secundum esse naturale, siue solum secundum esse intentionale,

tionale, & pariter de odore debet intelligi, ergo Arist. asserens hæc duo obiecta prius mouere medium, quam potentiam, de reali, & naturali motione loquitur; prioritatem verò vniuersaliter accipit prout communis est ad prioritatem naturæ, & temporis neutram determinans, sed determinandam relinquens iuxta diuersas sententias de modo, quo fit auditio, quas in fine huius tractatus explicabimus. Visibile verò nō prius mouet medium, quam potentiam, quia non mouet ipsum motu physico, aut naturali; cum nec fiat in aëre per motū, vel agitationem eius, nec se diffundat per eum, sed solū moueat ipsum, & potentiam motione intentionali, per productionem specierū, quæ simul tempore, & natura fieri solent in aëre, & potentia visiva iuxta communem omnium sententiam. Aliud verò quod Aristoteles asserit in eodem testimonio, videlicet omnes quidem audire primū sonū eundem numero, licet ille qui immediatē peruenit ad singulos, sit numero diuersus, sepe accidit iuxta nostrā sententiam, nam licet sonus, & vox primò producta eadē numero sit, diuiditur tamen se diffundens per diuersas partes mediij, & versus diuersas differentias loci, & sic diuisa defertur in diuersis partibus aëris, vsque ad aliquam distantiam à qua multiplicat species: vnde cū ratione diuisionis diuersa numero fiat, verū est diuersū numero sonū à multis audiri intra sphaeram actiuitatis auditus, quāuis per species audiatur, non tamē ab omnibus, quia plures etiā sunt, qui versus eandem differentiam loci existentes eundem numero sonū, & vocē audiūt, quare non bene colligitur ex eo, quod Arist. docet non omnes proximē audire eundem numero sonū, quod sentiat ipse semper, & necessariō peruenire sonum, vsque ad auditum secundum esse reale, & naturale, & doctrinam huius solutionis tenet Ferrar. 2. lib. de anima. quæst. 15.

Pro solutione primi argumenti in memoriam in primis reuocare oportet illud, quod superiūs dicere cœpimus de modo quo producit sonus, videlicet medio motu locali resilientiæ, quo medio corpus, vt aër percussus à corporibus sonantibus & quasi fugiens ab eis mouetur per impulsū, quem dum vehementer se collidunt aut sepatantur per diuisionem, ei imprimunt. Per talem enim motū (quem resilientiæ vocant) causatur sonus, & propterea licet contratio careat, successiue fit, quemadmodū lumen contratio carens successiue nihilominus producit à Sole in aëre, quia medio motu locali, per quem approximatur eidē aëri producit: vnde sequitur, quod sicut lumen successiue producit species in oculo, & successiue ab eo videtur, pari ratione sonus producit successiue, quia medio motu locali, & ideo successiue producit species in medio, & potentia: hoc tamē est discrimen, quod lumen non postulat successiue produci

produci: sed in instanti: sed quia accidit luminosum appropinquare per motum, per accidens producit lumen successiue, & successiue videntur: sonus verò naturaliter postulat produci successiue, non propter latitudinem contrarietatis, quam habeat: sed quia ex propria natura petit produci medio motu resiliencie essentialiter successiuo: ideo semper producit species in tempore, & etiam auditur in tempore. Cuius ea est ratio quia modus operandi sequitur modum essendi: sed sonus habet semper modum essendi successiuum; ergo eundem modum habet operandi, ac mouendi medium, & potentiam. Vnde si in instanti produceretur sicut aliquando producit lumen in instanti multiplicaret species, & in instanti audiretur, sicut in instanti ea producit lumen, & in instanti videtur: nam productio specierum cum sit intentionalis actio contrario catens, quasi per se petit in instanti fieri, & quasi per accidens successiue, & in tempore.

Secundò notandum est, quodlibet agens corporeum limitatam habere sphaeram, intra quam potest operari, & non extra illam & iuxta maiorem, vel minorem virtutem operandi maiorem, vel minorem habet sphaeram. Constat verò obiectum visibile perfectius esse sono, sicut & sensus ipse visus perfectior auditu est, vnde maiorem habet sphaeram actiuitatis, & ad maiorem distantiam potest mouere visum, quam sonus auditum. Et ex utroque hoc notabili sequitur duplici de causa contingere posse, quod ab eadē distantia prius videatur lumen, quam audiat sonus, ex priori quidem si lumen non fiat successiue: sed in instanti, ut postulat natura eius: cum tamen sonus semper postulet fieri in tempore. Ex posteriori verò, quia licet utrumque fiat in tempore, ut contingit in fulmine, & tonitruo, maiorem longè sphaeram actiuitatis habet lumen, quam sonus: ideo quamuis vterque multiplicet species in tempore, citius tamen lumen ad eandem distantiam. Et hinc prouenit, quod licet sint in eadem distantia, prius videtur lumen, quam audiat sonus, etiam à visu, & auditu existentibus intra sphaeram actiuitatis cuiusque. Prius autem videri aio lucem, quam audiat sonus, quia dum videtur hoc, nondum auditur iste: sed postmodum, tum quia videns fortè nō erat intra sphaeram soni, erat tamen intra sphaeram luminis, tū etiam, quia licet intra sphaeram vtriusque foret, citius operatur lumen, præsupposito, quod vterque operetur successiue, propter maiorem perfectionem, maioremque virtutem actiuam, non solum respectu actionis naturalis: sed etiam intentionalis; post modum verò audiri incipit sonus, audiri verò incipit, dum iam sphaeram auditus attingit propinquior ei factus per motum aëris resi-

92 *lientis, in quo defertur. Et eodem modo se res habet in sono per ictum securis circa lignum causatam.*

Et ex his constat solutum esse primum argumentum, quia licet verum sit sonum statim ac incipit esse, multiplicare species: sed quia incipit esse in tempore, successivè eas multiplicat, quare non potest audiri tam citò, ac videtur lux ob rationes assignatas: licet ergo statim ac incipit esse, producat speciem, non ad tantam distantiam ac visibile; ideò sæpe non auditur à vidente lucem: sed necessariò spectandum est ad auditionem, quod per motum localem aëris, in quo defertur, ad auditum appropinquet, & minorem eius spheram attingat.

Ad secundum concessio antecedente neganda est consequentia, quod bis audiatur idem numero sonus auditione directâ ab eodem auditu existente intra spheram eius, non enim incipit in instanti: sed successivè, & in tempore, & per motum resilientis aëris defertur: & aliquo tempore durat, sed falsum est, quod interrumpatur, vel cesset auditio, per quam audiebatur, & post aliquod tempus iterum audiatur: sed solum sequitur toto illo tempore continuo audiri vna auditione continuata.

### Q V Æ S T I O V.

*Quidnam sit vox, & quid echo, vel reflexus sonus, & quoniam modo fiant.*

93 **P**rimum, quod postulat titulus quæstionis est explicatio naturæ vocis, quam tradere cœpimus in expositione textus, & nunc perficiemus adnotantes naturam duas statuisse vias ab ore animalis, per interiores partes pectoris procedentes, quarum vna pergit vsque ad ventriculum, seu stomachum, & vocatur *gula*, quia per eam emittitur cibus in ore præparatus ad eundem ventriculum; & via hæc habet ex parte oris extrema cavitatem grandem, quam vocamus *fauces*, & est orificium illud gulæ satis magnum, quo deglutimus. Altera via tendit ad pulmonem, & durior est, ossi potius, quàm carni similis, nec recta: sed obliqua habens circulares quosdâ anfractus, nec æquales habens partes: sed quasdam supereminentes, & ideò asperitatem in ea causantes; & propterea vocatur *arteria aspera*, atque etiam *guttur*. Defertur autem non ad transmittendum cibum, aut potum: sed respirationi, quia per eam pulmo attrahit aërem pro temperando maximo calore cordis. Est enim *pulmo*, ut docet Aristot. 3. lib. de part. animal. cap. 3. spongiosa quædam substantia; & quasi folles cordis, & ideò valdè accommodatus pro aëre recipiendo, atque expellendo: proceduntque ab eo duæ aliæ viæ tendentes in ipsum cor, vna per quam transmittit aërem in cor, & remittitur ab eodem corde, & hæc dicitur *arteria venosa*,

*venosa*, quia unicam habet tunicam sicut venæ sanguinis: per alteram viam desumit sibi pulmo ipse proprium alimentum à corde, & dicitur *vena arteriosa*, quia duplicem habet tunicam, sicut arteriæ sanguinis. Pulmo igitur virtute animæ in se existentis habet facultatem attrahendi ad se externum aërem, eundemque à se emittendi per asperam arteriam ad efformandam vocem, quæ ideò *arteria* etiam *vocalis* nuncupatur, & cum sit angusta via, aër per eam emissus magna vi percutit aërem retentum in magna illa cavitare, quam pro extremo habet circa os, & vocatur *larinx*, siue gurgulio, & per hanc collisionem aëris attracti, atque emissi per respirationem, aërisque retenti fit sonus, qui aliis instrumentis in ore residentibus quasi distinctus, expolitus, ac dearticulatus fit vox, & in quantum ab anima cum imaginatione aliqua mouente appetitum, à quo prædicta omnia instrumenta applicantur ad eiusdem soni, ac vocis formationem procedit affectum animæ significat, & ad significandos conceptus intellectus, & his mediis res conceptas naturalem habet aptitudinem & actuaalem significationem earum consequitur media impositione hominum. Ex quibus intelligi potest definitio vocis insinuata ab Aristot. in fine huius capituli, quam his verbis ad formam definitionis reduci posse dicebamus in expositione textus. *Vox est sonus animalis factus per collisionem aeris à pulmone attracti, atque emissi per respirationem cum aere in gurgulione, vel laringe retento, & cum quadam imaginatione,* quam definitionem, ut intelligamus, tria hæc distinguere atque ordinare oportet, videlicet, *sonum, vocem, & sermonem*: nam se habent tanquam superius, & inferius, quia sonus superior est, utpote communis omnibus corporibus, quæ possunt se percutere, vox verò solis animalibus conuenit, & ideò inferior est sono, & propterea in definitione dicitur vocem esse sonum, non quemcumque: sed animalis. & quia non quibuscumque animalibus conuenit vocem edere, licet possint sonum efficere, nisi habentibus pulmonem, arteriam vocalem, & cætera instrumenta, quibus mediis formatur vox: ideò adduntur cæteræ particulæ in definitione, per quas distinguitur vox à cæteris sonis tanquam perfectum quid ab imperfecto, & quia ex eo, quod cum imaginatione mouente appetitum ad applicationem instrumentorum formatur, consequitur significationem alicuius affectus naturalis, necesse fuit addere, quod cum imaginatione fiat. Sed adhuc vox communis iisdem animalibus determinatur per dearticulationem ad sermonem, quia peculiariibus instrumentis ab appetitu per imaginationem moto applicatis exposita, atque distincta in syllabas apta sit ad significandum, non solum naturales affectus quod habent brutorum vo-

res: sed conceptus intellectus; & res alias, quas per conceptus intelligimus: sed neque has, neque illos actus significant voces, nisi ex hominum impositione. Ex actuali vero significatione conuenit illi vltima perfectio, nempe sermonis: nam sermo vox humana est, hoc est, dearticulata, & ad significandum res, & conceptus imposita, qua vtuntur homines in communi conuictu ad sensa mentis, & res per ea concepta aliis significanda.

*Quonam modo fiat reflexio soni, qui vocatur echo.*

**E**cho idem significat, ac sonus reflexus, reflexio autem soni explicatur ab Aristot. in textu per reflexionem pilæ ad parietem protectæ, quia sicut pila per impulsu ei impressum à proiiciente mouetur motu recto, quamdiu non occurrit ei corpus obstitens, vel impediens, tali verò occurrente corpore, videlicet pariete, statim ac illud cōtingit, per eundem impulsu, quo ferebatur, retrocedit, aut retrorsum redit, & retrocessio ista vocatur reflexio, aut reflexionis motus. Quod patet etiā in radiis solaribus recta via per aëre extensis, qui si corpus opacū reperiunt, à quo vltior transitus rectus impediatur, retrorsum reuertuntur, & eam partem aëris, in qua coincidunt cum recta illuminatione à se facta, intensius illumināt, motus ergo iste retrocessionis vocatur reflexio luminis, & lumen ipsum, vel radij reuertentes appellatur lumen reflexum, vel reflexi radij. Ita ergo intelligendum est de sono, qui siue diffundatur per totum medium secundū esse naturale, aut reale, siue solum secundum esse intentionale per speciem, procedit diffusio vna vel alia recta via, quousque occurrat corpus aliquod eam impediens, & tunc aër via recta tendēs, atque in eo sonus, vel eius species in eo delata, eodem quo ferebatur impulsu, retrocedit vsque ad sphaeram auditus, & iterum auditur, & sonus iste, vel species eius retocedens vocatur echo. De quo querimus quonam modo fiat. Et quamuis plures sint de hac re sententiæ, ad duas tamen extremas reducere possumus omnes claritatis gratia.

**99** Et prior tenet echo fieri per reflexionem soni realis in corpore obstitente; & reuersionem eius vsque ad auditu, vel certe vsque ad aliquā partem medij, ex qua speciem sui producat in organo. Ita videtur sentire Plato in Phedro asserēs echo esse sonu, qui à solidis, & concavis corporibus reflectitur instar amoris. Ita expressè Auicenna lib. 6. natural. cap. de auditu, Simplic. Alex. Philop. cap. præsentis, & idem videtur sentire D. Tho. Alb. Magn. tractat. 3. cap. 19. Palatius, & alij ex interpretibus huius capituli. Et cum eis recentiores quidam: sed ferè omnes diuisi sunt in modo particulari loquendi: nā Auicenna putat eundem numero sonum primò productum in parte aëris deferri in ea vsque

Vsq̃ue ad locum reflexionis, & percussio corpore obistente re-  
 uerti cum ea vsque ad auditum; & ita echo esse eundem nume-  
 ro sonum realem euntem per motum directum, & redeuntem  
 ad auditum per reflexū. Simplicius verò reflexionem fieri cen-  
 set ex eo, quod commota parte aëris proxima corpori obistēti  
 iterum commouetur totus aër in contrarium, hoc est, versus  
 auditum, & multiplicatur sonus vsque ad illum, iterūque au-  
 ditur. Quare videtur sentire echo esse quidem realem sonum, 100  
 non eūdem numero cum eo, qui primò productus est: sed eun-  
 dem specie. Alex. verò alia ratione sonum reuerti putat. Ita vt  
 vltima pars aëris quæ sonum deferebat, percutiat corpus obis-  
 tēs, & hæc eadem retrocedens aliam sibi proximam percutiat  
 mouens eam in contrarium, simulque imprimens ei sonum, &  
 hæc aliam, & sic vsque ad auditum, vt iterum audiat sonus,  
 non idem numero: sed specie. Alij verò, quos citat Iandunus 2.  
 lib. de anim. quæst. 13. sic multiplicari sonum vsque ad corpus  
 obistens credūt, vt ex eius percussione producat alter, & re-  
 uertatur vsque ad auditum, non idem secundum numerum, nec  
 secundum speciem: sed specie distinctum à priori, quia prior  
 productus fuit à viutente: imò ab homine, cum esset vox eius,  
 posterior verò producitur à nō viutente. Alioqui tandem ex his, 101  
 qui solū multiplicari sonum per medium existimant vsque  
 ad aliquam distantiam, adhuc putant pertingere vsque ad cor-  
 pus obistens, & ab eo aliquantulum reflecti secundum esse rea-  
 le, & ab ea distātia peruenire vsque ad auditum solum per spe-  
 cies intentionales. Et ita echo non esse eundem numero so-  
 num, qui primò fuit auditus: sed numero distinctum, & audi-  
 tione quidem recta audiri secundum esse reale, reflexa verò so-  
 lū per species intentionales, omnes itaque sententiæ istæ  
 conueniunt in eo, quod echo fiat per reflexionem soni realis,  
 quamuis diuersis viis incedant circa modum, quo realiter per-  
 uenit vsque ad corpus obistens, & ad auditum vsque reuertit-  
 ur: idē per eadem sententia numeramus omnes.

Probatnr testimonio Aristot. cap. præsentī, vbi reflexionem 102  
 soni docet fieri sicut reflexionem pilæ ad parietem allisæ: sed  
 constat motum reflexionis pilæ, non min⁹ esse realem, & na-  
 turalem, quā directū: ergo etiam reflexio soni, realis, & natu-  
 ralis erit ex mēte Aristotel. qui expressi⁹ id videtur asseruisse  
 sect. 11. prob. q. 13. vbi postquā quæstionem proposuerat; quare  
 vox prolata sæpe amittat formam, & nihilominus eam iterum  
 per reflexionem audiamus, quod est fieri echo: hisce verbis res-  
 pondet. *An quod refractio est, non perfractio, sic enim cum totum per-*  
*manet, cum paries ab eo dua uniformes profisciscuntur, quippe cum per*  
*similem angulum refractio existere solent:* itaque vox resonandi siq̃

milis primæ efficitur, quibus expresse videtur dicere per reflexionem produci nouam vocem realem, & naturalem priori similem, quæ resonare dicitur, & iterum audiri, quod est asserere echo fieri per reflexionem realis soni, & non solius speciei, & hoc idem assertum videtur, Sapientix decimo septimo, illis verbis: *Resonans de altissimis montibus echo*, resonare enim sicut sonare, non conuenit speciebus intentionalibus, sed sono reali, ac naturali.

103 Sed probatur ratione primò, quia euidenti experientia constat sonum directum, & reflexum non audiri simul, sed vnum post aliud, ita ut inter auditionem vtriusque aliquantulum, intercedat tempus, sed si per solas species intentionales fieret reflexio, simul omninò fieret vtraque auditio; ergo nò fit per solas species, sed per reale soni retrocessionem. Probatum minor, quia species intentionales producuntur in instanti; ergo simul ac sonus auditur, directa auditione multiplicat species usque ad corpus obfistens, & istæ simul reuertuntur usque ad auditum, & iterum fit auditio. Et vrgeo argument. hoc modo, inter auditionem directam, & reflexam mediat tempus; in hoc igitur medio tempore inquirò, vbinam sit sonus directè auditus, & si dicas esse in aëre, statim infero iterum, atque iterum audiri ante reflexionem; si verò dicas nullibi esse, euidentius infero, nec posse producere species, per quas fiat reflexio, quia quod non est, agere non potest, etiam si immediatè prius extiterit, imò nec possunt eodem tempore permanere species iam productæ ab eo, dum erat, ut per eas fiat reflexio, quia species dependent in conservari ab existentia obiecti; ita ut eo extincto statim euanescent.

Secundò, quia si reflexio soni fit per solas species, eodem modo fiet, ac visio reflexa alicuius rei in speculo, sed non potest hoc modo fieri; ergo non fit per species. Minorem probò, quia per visionem reflexam in speculo videtur res in profundo speculi, & quasi ultra illud, sed in echo non sentitur sonus in profundo corporis obfistentis, vel ultra illud, sed in ipsomet: ergo non sentitur per speciem, sed realis ipse sonus, qui in ipso corpore reflectitur est, quod auditur.

Secunda opinio asserit echo non fieri per reflexionem soni realis, sed solum per reflexionem specierum intentionalium in corpore obfistente, ita ut cum aëre deferantur, & aer per motus reperiat corpus obfistens, atque impediens proprium motum, quasi allisus ad sale corpus, resilit in oppositam partem, moueturque easdem species deferens versus auditum, & species sic delata, cum primum perueniunt ad spheram auditus, qui eundem sonum directæ auditione potentia auditus, producunt aliam speciem per quam iterum auditur, & reflexa



*Reflexa auditio ita facta, vel sonus ut sic auditus per reflexionem vocatur echo.* Ita sentiunt Buridan. 3. lib. de anima, quæst. 12. Apolina. quæst. 24. noster Molina 1. part. quæst. 58. art. 2. disp. 1. Toletus 2. lib. de anima, quæst. 22. & recentiores permulti, ita ut iam sit ferè communis inter eos, nobisque videtur probabilior. Quam probamus eisdem rationibus, quibus probatum est quæstione præcedente sonum non multiplicari per medium secundum esse reale, nec peruenire usque ad auditum, <sup>106</sup> sed per solas species intentionales audiri. Si enim sonus non multiplicatur, nec per se potest usque ad auditum ut plurimum peruenire, nec poterit reflecti, sed sicut recta auditione auditur per species intentionales; ita etiam auditione reflexa. Ut plurimum verò assero non posse reuerti sonum realem, quia aliquando ad tam paruum distantiam contingit fieri reflexionem (quia contingit propè inueniri corpus concauum obstitens) ut sonus primò productus in aëre deferatur usque ad locum reflexionis, & cum aëre ipso reflectatur, sed addo non esse talem reflexionem soni realis adhuc in casu isto necessariam, ut fiat echo, nec etiam audiri sonum ipsum reflexum per se, nec per se ad auditum peruenire, sed per speciem intentionalem, quæ sufficienter reflecti potest in corpore concauo, ita ut per eam, vel per aliam ab ea multiplicatam fiat auditio reflexa absque reflexione soni realis.

Ex his infero, quod dum fit echo, idem numero sonus, & eadem numero vox primò audita, iterum auditur, & non sonus, vel vox numero à prima distincta, quia cum utraque auditio, recta, atque reflexa fiat per species primò productas ab eadem numero, voce, & per reflexionem multiplicatas reuertentes usque ad auditum, necesse est eandem numero vocem repræsentare, & consequenter eandem numero vocem audiri, licet per distinctas species repræsentatam.

Ut autem sententia nostra intelligatur melius, & opposita <sup>107</sup> argumenta facilius solui possint, adnotandum est sonum realem, post primam sui productionem deferri in aëre resiliente, & quandiu non recedit à sphaera auditus, quasi continuata, vel conservata auditione, atque directa auditur, recedente verò ab eius sphaera cessat auditio eius, sed contingit species à se diffusas per medium, & in aëre delatas inuenire corpus solidum, & concauum (tale enim esse debet illud in quo fiat reflexio) à quo impeditur aër, ne ulterius progrediatur, & sic impeditus reflectitur versus auditum, & in eo species, quæ cū primū perueniunt ad sphaeram auditus, iterū auditur sonus & sonus per species reflexus, & iterū auditus vocatur echo, & ecce tēpore illo intercedente inter auditionem rectam, & reflexā sonus tēdit

per medium delatus in aëre, quousque accedit magis ad locum reflexionis, & recedit ab sphaera auditus, & ita non auditur tempore illo, quousque species, quas producit motus in aëre pertingentes corpus concavum reflectuntur in aëre reflexo, & peruenientes ad sphaeram auditus iterum per eas auditur sonus.

108. Ex quibus non erit difficile argumenta opposita soluere, & primum testimonium Aristotelis parum momenti habet, quia similitudo reflexionis pilæ non tenet in omnibus, sed in eo, quod propter impedimentum, & resistantiam obfistentis corporis, tam pila, quam aër, in quo sonus deferretur eodem impulsu, quo feruntur, retrocedunt, & mouentur versus impellentem, & ad hoc tantum explicandum videtur Aristoteles similitudine pilæ. In cæteris verò diversus est reflexionis modus, ut potest facile constare ex reflexione soni à nobis exposita.

- Secundum testimonium longè difficilius est, sed exponi adhuc potest iuxta sensum nostræ sententiæ; nam species, quæ reflectitur in corpore concavo aliam multiplicat versus sphaeram auditus repræsentantem eandem vocem; & ideo verum est quod per reflexionem efficiatur vox priori similis, hoc est, iterata similitudo eius; tantundem namque valet, & efficit species in ordine ad auditionem, ac vox ipsa naturalis; & cum sit similitudo eius, vocari potest vox alia ei similis. Cætera verò, quæ dicuntur in eodem testimonio de diuisione vocis per refractionem; & de modo perueniendi ad visum per suos angulos, bene etiam possunt refertri ad species intentionales ut consideranti patebit. Et pari ratione verba sapiētis; nā resonare dicitur sonus in montibus, quia ab illis reflectitur vsque ad sphaeram auditus, ut iterum audiatur, siue reflectatur per se, vel per suas species.

- Ad primum argumentum negandum est antecedens; quod sonus fiat in instanti; nam quamuis contrario per se careat, consequitur tamen ex propria natura motum localem resilientiæ, & eo medio fit; & propterea in tempore fit, atque etiam in tempore auditur. Sicut lumen medijs à sole illuminati fit successiue, quia sol illuminat per motum, & ita multiplicat in tempore species, atque etiam videtur in tempore, sed etiam si concedatur antecedens, ut maiorem locum difficultati argum. tribuamus, neganda est consequentia, quod simul sint auditio recta, & reflexa; vel quod simul audiantur directus sonus, & echo, quia licet species intentionales producantur in instanti, deferuntur tamen in aëre resiliente successiue, vnde successiue perueniunt ad locum reflexionis, & successiue etiam reuertuntur vsque ad sphaeram auditus; & ideo non statim per eas audiri potest sonus auditione reflexa; nec ideo simul, ac auditur auditione directa, sed necesse est tempus aliquod (licet breuissimum)

num) inter vtramque auditionem intercedat. Et dum vrgetur argum.inquirendo, vbinam sit sonus in illo intermedio tempore. Respondeo esse in aëre, & cum infertur, iterum, atque iterum audiri auditione directâ; neganda est consequentia, quia dum intra sphæram auditus continetur, auditur quidem, non alia auditione directâ, sed eadem continuata, vel conseruata, dum verò iam ab sphæra recessit, & ad locum reflexionis appropinquauit, neque auditur auditione directâ, quia non est intra sphæram auditus; neque reflexa, quia species eius, quæ reflectuntur, & per reflexionem multiplicantur, in eodemque aëre reflexo deferuntur, nondû pertenerunt ad sphæram auditus, & ideo nondum potuit per eas audiri sonus, nec per alias ab eis multiplicatas, quia dum obiectum, vel eius species non sunt intra sphæram potentiæ, non possunt eam immutare.

Ad secundum respondeo, quod licet vtraque sensatio reflexa, nempe visio, & auditio fiat per species intentionales, diuersa tamen ratione; nam reflexio soni fit per reflexionem aëris, qui statim in superficie obfistentis corporis cõcaui resistentiâ reperit, & ideo statim ab illa reflectitur, & cû eo species soni; quare nõ potest sonus in profundo eiusdem cõcaui corporis, vel vltra ipsum repræsentari, sed in ipsomet, quod in obiecto visibili, aut specie eius non reperitur, & propterea non mirum est, si alio modo repræsentetur obiectum per speciem reflexam eius, ac repræsentatur sonus, quamuis dum species visibilis reflectitur in corpore minùs terfo, imò & in speculo minùs puro, repræsentet etiam obiectum non in profundo speculi, sed in extrema superficie eius.

Et si quærat aliquis, an species possint recipi in corpore solido; etiam secundû partes densas eius; nam in poris certû videtur posse recipi propter aërem in eis degentē, ex vtroque sequitur, non posse species reflecti, sed in corpore ipso concauo inhærere; quare nec per reflexionem specierum poterit echo fieri.

Huic respondent recentiores quidam ex his, qui nostram sententiam de modo reflexionis sequuntur, concedendo, quod species soni possint recipi in corpore solido, ac duro, etiam secundum partes densas, sed difficiliùs, atque imperfectiùs longè in eis recipiuntur, & propterea necesse est cum ipso aëre citò resiliente magna ex parte resilire; non ergo omnes species soni hærent in corpore concauo, licet aliquæ hæreere possint; præsertim in partibus porosissimis eius, in quibus non recipiuntur, cum tanta difficultate; quare adhuc datur locus reflexioni per species reuertentes faciendæ.

Ego verò alio modo respondeo, species per se non reflecti, sed ratione aëris resilientis, aër verò per impulsus delatus, &

impeditus hærere non potest, sed necessariò retrocedit, quare necessariò etiam retrocedunt cum eo species, quia non possunt transire ad corpus concauum; cum non possit naturaliter idem accidens numero transire de vno subiecto ad aliud. Negandum igitur est, quod in concauo ipso corpore hærant, quamuis fortè in puncto reflexionis producant alias, in eodem concauo corpore hærentes, quod constat nihil ad reflexionem per eas faciendam referre.

## QVÆSTIQ VI.

*Quodnam sit organum, seu subiectum proprium auditivæ potentia.*

- 113 **S**olum restat circa sensum auditum explicandum, quænam pars animalis sit organum huius potentia, in quo tanquam in proprio subiecto resideat. Et quamuis quædam animalia sint quæ auditum habent in medio corporis intra anfractus quosdam à natura collocatum, ut testatur Arist. 4. lib. de hist. animalium, cap. 8. & 2. lib. de partibus animal. c. 12. & alia etiam sint, quæ cum audire sit certum, incertum tamen per quamnam partem tanquam per organum huius potentia audiant. Non est tamen minùs certum omnia fermè animalia, quæ potentia auditivæ gaudent, situm habere in ea parte temporum extrema, quæ auribus contegitur; nam sicut natura pilos superciliorum supra oculos statuit, in quibus residet potentia visiva, ut eam ab iniuriis externorum quantum possibile est defendant; ita statuit aures, quibus circumdata, & quasi vallata, atque munita sit pars illa, in qua tanquam in organo ac subiecto constituitur potentia audiendi, quo melius possit conservari: & propterea aures ipsas, nec nimis molles fecit, ne nimis facile contundi possent, nec nimis duras, ne faciliè constringerentur, sed mediam naturam tenentes, cartilaginosas quidem, hoc est ex partibus carnis, atque etiam ossis compositam. Et aures istæ habent internam viam anfractibus quasi cochlearibus, atque obliquitatibus plenam, quasi in modum labyrinthi, ne fortè sonus in rapido delatus aëre, suo impetu cœcutiens sensum eum lædat. Nec solum obliqua est, & anfractuosa via hæc, sed angustissima, ne fortè aqua, vel quid aliud externum per eam ingrediatur, à quo temperamentum sensorij lædatur, ut insinuavit Aristot. cap. præsentis textu 83. Et tandem in hac eadem via collocavit natura humorem quandam densum, atque viscosum, ut si fortè bestiolæ ingredi attentaverint, hærant in via, & faciliè
- 114 capiantur, & his de causis *foramen* hoc *cacum* vocari solet, quasi per ipsum aditus non pateat ad internas partes auditus, sed quamuis angustissimum sit, desinit tamen versus cerebrum in cavitatem quandam, & amplitudinem quasi orbicularem, cuius
- medie

medietatem operit pellicula quædam, siue membrana, quam *tympanum* auditus, atque etiam *myringam* vocant: nam similitudinem tympani cuiusdam habet. Sustentatur autem membrana hæc tribus ossiculis, quorum vnum similitudinem *incudis* habet veluti duobus innixi pedibus, alterum quasi figuram *malleoli*, & tertium similitudinem *stapedæ*. Membrana etiam hæc affixa est neruo cuidam à cerebro descendenti, per quam, & spiritus animales necessarij ad sensationem eliciendam derivantur, & species sensatæ sonorum ad sensum communem internum transmittuntur. Intra medietatem illius cavitatis versus cerebrum, in quam definit cæcum foramen, residet substantia quædam subtilissima eodem tympano circumdata, & quasi versus externam partem autium vallata: quam ob nimiam subtilitatem aërem vocant, sicut subtilissimum sanguinem vocamus spiritum. Itaque non est verus aër, sed aëri similis, & quia ab ipsa hominis formatione collocatus est ibi à natura, & ibi semper, & immobilis permanet, vocatur aër innatus, atque immobilis, imò propter rationem statim tradendam vocatur à multis vitalis aër. His explicatur modo saltem imperfecto fabrica auditus, & simul aperitur via ad intelligendum varias autorum sententias de organo eius.

Themistius igitur cap. præsentis ad textum 83. organum auditus asserit esse spiritum animale derivatum à cerebro in has internas partes aurium, ad quem per innatum aërem perveniunt species soni, & efficitur auditio. Sed hæc sententia falsa probatur, quia spiritus siue vitales sint operationibus animæ vegetatiuæ deseruietes, siue animales deseruietes operationibus animæ sensitiuæ, non sunt aliud, quàm putissimus quidam, ac tenuissimus sanguis aëri persimilis: sed de sanguine probatum est nec vivere, nec informari anima; ergo talis spiritus non vivit, nec informatur anima, nec proinde potentia vitalis capax esse potest.

Alij verò organum huius potentia dicunt esse neruum illum à cerebro descendente, cui diximus affixum esse tympanum. Ita Avicenna, quem sequitur Albert. Magn. tractatu de auditu, quest. 1. pro qua etiam sententia citatur à quibusdam Galen. lib. 1. de causis symptomata. cap. 13. sed immerito: cum pro organo huius potentia expressè ponat innatum aërem. Refertur etiam Nissenus lib. 4. de viribus animæ, cap. 6.

Vesalius verò lib. 1. de humani corporis fabrica, cap. 8. asserit organum auditus esse ossicula illa, cui affixum esse tympanum diximus, cuius rationem reddit, quia sicut malleus incudem pulsans producit sonum, ita vnum ex his ossiculis mallei figuram habens, per ingressum externi aëris quasi agitatur, & se collidit

117 se collidit cum membrana, seu tympano, & hac agitatione incurrit in ossiculū aliud habens similitudinem incudis, ipsumque percutiens sonum edit, ex quo factō tanquam à signo colligit in his ossiculis edentibus sonum residere potentiam auditivam tanquā in organo, potius quā in alia parte. Hoc tamen fundamentum satis incertum est, & ad probandum ossicula illa esse organū auditus satis friuolum, & nullius momenti. Incertum esse assero, quia nec ratione, nec experientia probari potest talis motus, per quem vnum eorum incurrat in alterum, & sonum efficiat. Sed quam sit friuolum existimare, quod talis sonus (etiam si daretur) conducirēt ad auditionem soni externi, ut ex hoc putari posset in eisdem corporibus residere potētiam auditivam, probatur; quia quilibet sonus in ea parte editus impedit auditionem soni externi; & esto, non impediret, nihil certē iuvare potest ad audiendos alios sonos: ergo futilis ratio  
 118 ex hoc potest colligi ad probandum ibi residere auditum. Propterea Toletus quæst. 21. huius libri tympanum docet esse organum huius potentia, quod vero simile videtur; quia cum primum sonus externus, vel species eius tympanum attingit, videtur necessarium fieri auditionem, quia non potest ulterius pertransire eam penetrando.

Nihilominus ultima sententia ponit auditivam potentiam in substantia illa subtilissima, aëri simili, tympano contacta. Ita expressē Aristot. 2. lib. de partibus animalium cap. 10. hisce  
 119 verbis. *Auditum etiam nonnulla animalia sicut in capite habens debita ratione, quod enim inane vocatur, plenum aëre est. sensorium autem audiendi aërem esse fatemur* Et cap. præsentī text. 83. de eadem aërea substantia hæc verba scribit. *Hic autem in auribus edificatus est, ad hoc ut immobilis sit, quatenus certe sentias omnes differentias motus. propter hæc autem, & in aqua audimus, quoniam non ingreditur ad ipsam connaturalem aerem, cum autem hoc accidit, non audit, neque si membrana laboret, sicut utrumque super pupillam est pellis laboras.* Quibus expressē sentit, quod sicut pupilla est organum visus; ita naturalis iste aër est organum auditus. Idem quoque expressē in lib. de sensu, & sensibili c. 2. ita etiam Galen. lib. 8. de usu partium cap. 6. in hæc verba. *Alteratur non à quovis sensibili omne sensorium, sed splendidum quidem, ac lucidum à coloribus, aerium à sonis, vaporosum ab odoribus, & ut in summa dicam simile simili notum est, ac familiare.* Quibus hanc rationem satis congruentem, ac probabilem insinuat. Sensoriū cuiuslibet sensus debet esse congruum receptaculum specierum eius, per quas sensatio fiat à potentia in eo residente. Sed aër maximē, ac primò est receptivus soni, & specierum eius: ergo aëri simile debet esse organum auditivæ potentia, ut congruentissimum  
 sit re

fit receptaculum earum, & est talis subtilissima illa substantia.

Secundā rationem congruentiæ insinuauit Aristoteles verbis citatis, quia sicut de pupilla dicebamus potissimā partem oculi esse, & magis septam, & quasi muris vallatam à natura, ut melius in ea conseruetur potentia visua. Ita aërea hæc substantia cæteris partibus contacta est, & quasi eas pro muris habet, quod certè maximum indicium est, quod in ea constituerit natura audituam potentiam, quantum fieri potest conseruandam tanquā valde necessariam ad comparandas scientias, rerūque omnium notitiam.

Sed obijciat aliquis nullam partem corporis posse esse organum potentiæ vitalis, quæ non informetur anima, sed aër non est capax animæ, cum non possit cum cæteris partibus corporis continuari, nec proinde ab ea informari: ergo neque substantia aërea capax erit animæ, & consequenter, nec potentiæ vitalis eius. Respondetur tamen hanc substantiam non esse aërem, sed quid ab eo diuersum, quamuis propter subtilitatem similem, nec tantam subtilitatem habet ac spiritus, sed aliquantulum crassior est, unde nec mobilis sicut spiritus, sed immobilis facta est à natura, & cum cæteris partibus corporis continuata quod sufficit ut capax sit animæ, & ab ea informetur, & consequenter potentiæ vitalis.

Ut autem explicemus illud, quod pro Toletio opponebamus, videlicet nec sonum realem, nec speciem eius posse membranam penetrare, ut ad aëream substantiam tanquam ad organum perueniat, adnotare oportet auditionem sic fieri, ut cum primum sonus attingit tympanum, producat speciem sui in substantia illa aërea inclusa, quod præsertim necessarium est apud Aristotelem asserentem, quod in cæteris saltem sensibus præter tactum, sensibile supra organum positum non sentitur, si enim, hoc ærum est, non poterit in eadem substantia inclusa recipi sonus realis, ut sentiatur, sed per speciem ita productam debet eam immutare, quod multò facilius intelligitur iuxta nostram sententiam: nam cum primum species soni attingit tympanum, potest aliam similem in eadē illa substantia multiplicare. Quod non impedit tympanum, quia subtilissima quædam pellicula est, per quam potest sonus realis alterum sibi similem producere in eadem substantia aërea (si productius ponatur) vel saltem illuc usque deferatur, vel quod verosimilius, ac facilius est species in aëre, illuc usque delata potest producere aliam in organo, & per eam fiet auditio.

## CAPVT IX.

*De olfactu, olfactibili, & medio.*

## TEXTVS ARISTOTELIS.

*De odore autem, & olfactibili minus facile determinabile est dictis, &c.*

Breuis expositio textus.

**P**ost tractatum de visu, & auditu tertium locum concedit Aristotel. sensui olfactus, propter maiorem similitudinem, quam habet cum eis, in eo saltem, quod per medium externum aëris, & aquæ immutatur ab obiecto, quo carent gustus, & tactus. Intentum igitur huius capituli est naturam olfactus exponere. Quod præstat Aristot. tribus, hoc ordine ad eum spectantibus expositis, videlicet natura odoris, atque speciebus eius, medio per quod ab eo immutatur, & organo in quo tanquã in proprio subiecto residet, & ita trimembris est diuisio totius capituli.

Sed prius quàm naturam huius sensus explicandam aggrediatur, difficultatem eius proponit in eo positam, quod sensus iste in nobis imperfectissimus sit, cum constet nos non percipere minora, vel remissiora odorabilia, sed intensiora tantum sicut animalia illa quæ duos, ac supereminentes habent oculos dicimus, imperfectiorem habere visum, quia non vident nisi maiora visibilia, quare difficile quoque nobis est per experientiam cognoscere naturam odoris, & specierum eius; ex quibus cum dependeat maximè notitia eiusdem potentia, difficile est eam cognoscere. Sed cum magnâ similitudinè habeant odores cum saporibus, usque adeò, ut eisdem ferè significantur nominibus, dicuntur enim odores quidam dulces; alij verò amari, odoratum videtur natura concessisse animalibus, propter gustum, per sapores igitur cognoscendi sunt à nobis odores, & olfactus per gustum, quam viam parasse nobis videtur eadem natura excellentissimum gustum (præter cætera animalia) nobis concedens, quod etiam probat ex sensu tactus, nam gustus, quasi quidam tactus gustabilium est: ergo meliorem tactum habens habebit meliorem gustum, sed cætera animalia bonitate tactus excedimus, ergo etiam bonitate gustus. Minorem sic probat, bonitas tactus indicium maximum prudentia, atque ingenij est, quia arguit optimum temperamentum corporis, à quo maximè dependent operationes internorum sensuum, atque intellectus. Vnde eos, qui carne molles sunt, ingenio præstare iudicamus; duriores verò hebetiores dicimus. Sed constat hominè prudentia excellere cætera animalia, ergo excedit ea sensu tactus, & gustus.

Species igitur odoris explicat per analogiam ad sapores digens, quod sicut dantur duæ species contrariæ saporis extremæ sub qu



sub quibus continentur medij, vt dulces, & amari, acres, & pingues; ita dantur extremi odores, sub quibus continentur medij eisdem nominibus significati; non quidem ita vt semper reperiuntur in eisdem subiectis; nam aliquando id quod habet odorem dulcem, non habet dulcem saporem, sed amarum: sed quia sicut se habent extremi saporibus ad gustum; ita extremi odores ad odoratum. Addit tamen quod per odoratum non solum percipimus odorabile, sed etiam inodorabile, seu odore carens. Sed tribus modis ait dici aliquid inodorabile. Primò, quia omnino caret odore. Secundò, quia debilissimum, aut valde remissum habet, ita vt vix sentiri possit. Et tertio, quia pessimum habet ac nocuum.

Agit in secunda parte capitis de medio odoratus, asseritque non solum aërem, sed etiam aquam esse, & quia de sola aqua <sup>125</sup> dubitari posset, probat euidenti experientia, quia animalia in aquis degentia, vt pisces ad cibos accurrunt, quod possibile non esset, nisi odore attraherentur. Vnde infert, quod vniuersaliter omnia ferè animalia, tam aquatilia, quam terrestria, tam sanguine prædita, quam exanguia, tam pulmonem habentia, & ideo respirantia, quam quæ eo carent, & consequenter respiratione, sensu odoratus prædicta sūt, sed diuersa, inquit, ratione odorantur illa, quæ pulmonem habent, & quæ eo carent; nam illa spirando, hoc est, spiritum, aut aërem attrahendo, hæc verò absque inspiratione. Sed ex hoc discrimine in modo percipiendi odorem ait dubium quoddam oriri, nempe an odoratus sit eiusdem speciei in vtriusque, & omnino in quibuscunque animalibus, vel diuersæ. Et respondet esse eiusdem speciei in omnibus. Probatque ex eodem obiecto, quod est odor respectu omnium. Nam tam benè, quam malè olentia, tam per <sup>126</sup> inspirationem, quam sine illa habent odorem pro obiecto, sed vnitas specifica potentie sumitur ex vnitatem obiecti: ergo eadem est potentia specifica olfaciendi in omnibus. Et rationem dubitandi de modo odorandi diuerso cum inspiratione, & sine illa soluit, quia discrimen hoc non se tenet ex parte potentie, sed ex aliquo extrinseco prouenit; hoc signo probandum, quia animalia respirantia organum olfactus coopertum habent, & ideo non odorantur nisi per inspirationem, quæ viam odoribus aperiat perueniendi ad organum, quia inspiratione non indigent cætera, quorum organum patet. Et ex hoc prouenit discrimen aliud; nimirum, quod sub aquis vbi aër non est inspirationi deseruiens, non odorantur illa, sed benè hæc, quia impedimento illo per inspirationem tollendo carent; hoc verò discrimen non se tenet ex parte obiecti, sed ex parte alicuius extrinseci, & propterea speciem olfactus non variat in eis.

Vt tan

Vt tandem quale esse debeat organum huius potentie exponat, vno verbo naturam odoris indicat dicēs, quod sicut sapor humilitate abundat, ita odores abundant siccitate; unde cum organum potentie debeat esse aliquo modo simile obiecto, talis temperamenti esse debet, vt siccitas in eo prædominetur.

000


OLFACTVS, ET ODORE

eius objecto.

## Q V Æ S T I O I.

Quidnam odor sit, quomodo gignatur, & in quo sit subiecto.



 Itca naturam odoris fuit sententia Heracliti, quam citat Aristoteles in lib. de sensu, & sensibili cap. 5. asserentis esse vaporem quendam, aut fumosam exhalationem quam res odoriferæ spirant: quam videntur sequi Plato in Timæo, Galenus in lib. de instrumento olfactus, Avicenna lib. natural. par. 2. c. de odore, Theophrastus lib. 6. de causis plantarum cap. 5. D. Damasc. 2. lib. orthodoxæ fidei cap. 18. Alfab. quem citat Venerus capit. præsentis ad textum 97. Probatum testimonio Aristotelis, scet. 13. problem. quæst. 5. ita quærentis. *Odor verò fumosa evaporatio est, quam ob causam vis male olida gravius olent, cum calens, quam cum frigus.* Respondet, *an quod natura odoris vapor quidem, & exhalatio est, qua calore existunt.*

Probat<sup>r</sup> deinde ratione, quia odores cerebrum temperant, atque etiam lædunt vsque adeò, vt Arist. in lib. de sensu, & sensib. cap. 5. dixerit in hunc finem productos esse à natura: nempe ad cerebrum temperandum, ac refrigerandum. Et quod amplius est nutrimento corporis deseruiunt, vt Galen. 2. aphorif. docere videtur, distinguit enim duplices partes in animali, quasdam solidas, quas cibo nutriri ait; tenues verò alias, & quasi aëreas, quales sunt spiritus vitales, & animales, quas affirmat aëre attracto, & odore nutriri. Sed nec temperare cerebrum, nec nutrire corpus possunt, nisi substantiæ sint, quia effectus isti à sola substantia, & non à nudis accidentibus præstari possunt: ergo odores sunt subtilis illa substantia, quam res odoriferæ spirant, videlicet fumosa euaporatio, aut exhalatio. Hæc tamen sententia falsa est, quam vt talem refutauit Arist. in libro de sensu, & sensibili c. 5. & iuxta principia eius sustineri non potest, quia c. 6. huius lib. docuit substantiam non esse per se sensibilem: sed constat odorem sentiri per se, ergo non est subtilis illa, aut vaporosa substantia. Sed ratione probatur, quia obiecta sensuum externorum, quæ passionem in sensibus causant, sunt

sunt qualitates passibiles tertiæ speciei, vt docet Aristot. cap. de qualitate in prædicamentis, sed odor causat passionem in sensu olfactus, sicut colores in visu & sonus in auditu: ergo erit passibilis qualitas, & non substantia, & consequenter, nec fumosa euaporatio, aut exhalatio, quas constat esse substantias.

Nostra igitur sententia duo asserit. Primum est, *quod odor sit qualitas quadam per se sensibilis à sensu odoratus*. Secundum, *quod sit secunda qualitas causata ex certa permixtione primarum, seu ex temperamento rei odorifera*: quare in solis mixtis corporibus, & non in putis elementis reperitur. Vtrumque sine dubio tenet Aristoteles libro de sensu, & sensib. cap. 6. cum sententiâ Heracliti ex professo recipiat, atque etiam capit. præsentis, in cuius fine sic definit odorem: *Est autem odor siccus, sicut sapor humidus*. Siccum verò, & humidum de qualitatibus solis, vel earum ratione de subiecto dici possunt. Vtrumque etiam tenent Albert. Magn. 2. part. summæ de homine, titulo de olfactu, quæst. 5. & lib. 2. de anima, tract. 3. cap. 25. D. Thom. Alex. Aphrodis. & cæteri antiquiores lib. de sensu, & sensib. cap. 5. Iandu. 2. lib. de anima, q. 27. Toletus quæst. 25. Conimb. cap. præsentis, q. 1. art. 2. vbi etiam recentiores vniuersi. Et primum quidem probatum est aduersus priorem sententiam; quare solum restat explicare secundum.

De generatione igitur odoris agit Aristoteles non solum, c. præsentis, & per duas sectiones integras 12. & 13. problem. sed copiosius in lib. de sensu, & sensib. c. 5. quibus locis odorem ait resultare in mixtis corporibus odoriferis ex temperamento primarum qualitatum, in quo siccum comprehendit humidum, hoc est, ipsum superat. Vnde quamuis quatuor primis qualitatibus res odorifera constet, in eo tamen gradu, ac dispositione, vt ex his præcipua dispositio materiæ eius sint humiditas, & siccitas tali modo permixtæ, vt siccitas vincat humiditatem, & absolutè sit superior, ac prædominans, causa autem efficiens à qua tali modo attemperantur, est externus calor, à quo sic humidum resoluitur, diluitur, & quasi attenuatur, vt ab humido comprehendatur, ac superetur, vnde efficiens causa odoris est calor externus, materialis verò humidum, & siccum in ea proportionem, vt siccum comprehendat humidum.

Hæc autem ita se habere manifestis experiētiis comprobari potest. Et in primis, quod odor sit secunda qualitas distincta à quatuor primis, & ex earum permixtione procedens; probatur experientia elementorum omnium, in quibus nullus est prorsus odor, vt docuit expressè Aristot. lib. de sensu, & sensib. cap. 5. esset verò si odor foret qualitas prima: ergo cum non sit in eis, sequitur esse secunda ex permixtione primarum causa-

- 6 tam in solis corporibus mixtis. Quod verò elementa odore carcant, intelligimus, si pura sint, & nullam permixtionem alterius corporis habeant. Nam dum terra post nimiam siccitatem madefacta redolet, per mixtionem humiditatis aquæ id habet, non ex ratione elementari. Quod verò ex tali temperamento, in quo siccum comprehendat humidum, sequatur odor, colligitur planè ex eo, quod res odoriferæ dum calefiunt, magis redolent calore excitante, & augente siccum, magisque decoquente humidum, efficientique ut magis à sicco comprehendatur. Vniuersaliter etiam verum est easdem res plus redolere verno tempore, quam hyemali propter caloris abundantiam. Imò plures ex eis, eum incenduntur suauiore lōgè odorem spirant. Et tandem quod aliquid humiditatis permixtæ necessarium sit, constat eadem experientia: nam eisdem rebus odoriferis, quas ut redoleant, incendimus, humiditatis aliquid petimiscemus, & si hæc, & alia nimis terreantur, vel vehementi consummantur incendio, parum, vel nihil odoris ex se emittūt,
- 7 ut constat etiam in cineribus ligni odorati. Ex quibus colligere possumus definitionem odoris intentam, quæ talis erit: *Odor est qualitas secunda ex certo temperamento primarium, in quo siccum comprehendit humidum resultans, ac per se mouens sensum odoratus.*

Sed aduersus doctrinam traditam de generatione odoris ex tali temperamento, in quo siccum comprehendat humidum. Sic obiici potest, odor, & sopor opposita lequuntur tēperamenta primarum qualitarum: ergo repugnat esse simul in eodem subiecto. Probarur consequentia, quia repugnat naturaliter idē subiectum opposita temperamenta habere, ut per se est manifestum. Consequens autem pugnat cum euidenti experientia, quia videmus poma, succos, & plura alia simul cum sapore suauissimo, non minùs suauissimum spirare odorem. Imò nullum ferè corpus designari potest odoriferum, quod non habeat bonum, vel malum odorem, neque sapidum odorem non habens.

- 9 Respondet Toletus, & Conimbricenses cum eo, pluresque alij ex recentioribus, corpora odorifera diuersas partes habere, & in quibusdam siccum comprehendere humidum, in aliis verò humidum potius comprehendere siccum, odorem igitur spirant partes priores; sapor verò reperitur in posterioribus, & idē non sunt odor, & sapor in eadem parte subiecti; sed in diuersis, quod nullam continet repugnantiam; licet opposita lequantur temperamenta; quia idē corpus secundum diuersas partes habere potest temperamenta illo modo opposita.

Sed aduersus hanc solutionem obiici potest: Primò, quod licet possibile sit idē corpus heterogeneum habere partes oppositi temperamenti, & in his vera possit esse solutio: sed in  
homo

homogeneis non videtur vniuersaliter vera: nam cum habeant partes eiusdem rationis, & omnino similes, non videtur posse in eis dari tanta diuersitas; imò tanta oppositio temperamenti, nec etiam videtur negari posse, quod eadem pars vini habens eundem saporem habeat etiam eundem odorem: nam si nō habet eundem, nullum prorsus habebit: eum non videatur posse habere diuersum. Quod verò nullum habeat, non videtur intelligibile. Secundo obiicio, quod etiam in eisdem partibus homogenei, vel heterogenei corporis vtraque qualitas reperitur simul: nam eadem partes corporis suauissimum odorem spirantes, pessimum habent saporem, qui etiam si pessimus sit, nihilominus oppositum temperamentum postulat, in quo humidum comprehendat siccum: ergo adhuc probatur odorem, & saporem simul reperiri in eadem parte subiecti, & consequenter opposita temperamenta; & ideo solutio eadem id negans falsa est.

Alio igitur modo respondent recentiores quidam, quibus 11 propter primum argumentum non placet prædicta solutio, asseruntque non esse intelligendum, quod sapor quicumque sequatur humidum comprehendens siccum, & odor quicumque siccum superans humidum de quocumque sapore, & odore: sed de excellentissimis, cæteri verò sapes, qui non ita excellunt, benè possunt sequi ex siccio superante humidum, vnde solum repugnat, quod suauissimus sapor sit simul in eodem subiecto cum suauissimo odore, non tamen cum alio minùs perfectò, & pariter odor simul cum sapore. Sed hæc etiam solutio non est minùs difficilis, quàm prima; quia experimur non solos odores suauissimos sequi siccum comprehendens humidum: sed etiam medioeres, & pariter de saporibus. Patet hoc in vino, & aliis humidis medioeriter sapidis, atque etiam in floribus medioeriter odoriferis, necnon in speciebus aromaticis, vt de thure, & aliis patet, quæ licet non sint suauissimi odoris, nihilominus magis redolent, quò magis incalescunt, & vniuersaliter loquendo experientia omnes superiùs adductæ, vel non probant odorem sequi siccum comprehendens humidum, vel si probant de excellentissimo, eodem modo probant de medioeri, quare falsum supponit solutio hæc.

Et mihi videtur priori standum esse, quam vt explicemus, 12 adnotare oportet res omnes in quibus simul esse possunt sapor, & odor, vel partes esse rerum viuentium, vel fructus, aut ex his, vel illis procedere, & cum viuentia habeant partes diuersi temperamenti, pariter fructus eorum, & quæ ex his procedunt. Quare in his partibus, in quibus humidum superat siccū saporem habent, in aliis verò in quibus siccū superat humidum ha-

bent odorem, neque vnquam in eadem parte reperitur vtraque qualitas, neque temperamenta opposita, quæ sequuntur. Si verò aliquando in aliis rebus præter has reperiatur simul, quod rarò, vel nſiquam accidit, tales erunt, quæ possint etiã habere partes diuersi, atque oppositi temperamenti, vt si in terra cui adinſcitur pluuiã, aliquid saporis sit simul cū odore aliquo, quem pro paruo illo tempore spirare solet, locum habebit diuersitas temperamenti secundum diuersum modum, quo permiscerentur partes: ita vt in quibusdam comprehendatur siccum ab humido propter maiorem aquæ admixtionem, & in his partibus reperiatur solus sapor, in aliis verò siccū comprehendat humidum propter minorem aquæ admixtionem, & in eisdem reperiatur solus odor. Et ex his soluitur facillè vtrumque argumentum.

- 13 Primum quidem, quia res istæ in quibus simul sunt sapor, & odorita sunt homogeneæ, vt ex heterogeneis procedant: quare permanet in eis conditio heterogeneorum, quantum ad partes diuersi, atque oppositi temperamenti, licet non tanta, ac in eisdem à quibus procedunt, si quæ verò sunt ex his non procedentibus, ex elementis tali modo permixtis fiunt, vt possint etiam habere partes diuerso modo temperatas, vt expositū est.

- Et eodem modo soluitur secundum: nam de vino, floribus, ac cæteris, quæ in eo opponuntur, constat ex heterogeneis procedere, & propterea secundum diuersas partes diuersa, atque opposita temperamenta habere, & iuxta ea simul saporem, & odorem. Huic solutioni addo rarò inueniri in eodem corpore suauissimum saporem cum odore etiam suauissimo.

Ad testimonium Aristotelis pro prima sententia respondeo Aristotelem, non tenuisse sensum formalem: sed causalem materialis causæ, quare idem fuit apud ipsum dicere odorem esse fumosam exhalationem, ac si diceret ei esse coniunctam, tanquam subiecto cui inhæret.

- Ad argumentum verò negandum in primis est odorem nutrire, quod negauit expressè Aristoteles lib. de sensu, & sensib. cap. 5. Quod verò de gente quadam refertur solis odoribus, ne vlllo cibo viuere, fabulosum censendū est. Confortationi verò cerebri non semper habet, nec id omnibus odoribus conuenit: sed quibusdam, hunc verò effectum habent coniuncti cum fumosa exhalatione (quæ substantia est) in qua tanquam in subiecto deferuntur, cuius etiam ratione nutrire dicuntur spiritus, qui cum sint ætea quædam substantia ex ærea etiam substantia, cui inest tale accidens, nutrirī debent.

Q V Æ

Q V Æ S T I O II.

*An sensorium olfactus immutetur ab odore realiter, vel solum intentionaliter.*

**P**RÏUS quàm ad quæstionem veniamus, præsupponendum est medium huius sensus, prò quod immutatur ab obiecto, esse aërem, & aqua, ut docuit, & probauit expressè Aristoteles cap. præsentis, text. 97. & lib. 4. de historia anim. cap. 8. cui consentiunt in primis omnes interpretes, atque etiam Theophrastus lib. 6. de causis plantarum, cap. 1. Alber. Magn. 2. par. Summæ de homine tract. de olfactu, Them. 2. lib. de anima, cap. 34. suæ paraph. Garb. in Summ. quæst. 69. Fernel. lib. 6. physiologiæ, cap. 10. & cæteri omnes. Nec obstat ex parte aquæ, quod pisces in ea degentes respiratione careant, sine qua olfactio non potest fieri, quia non omnia animalia respirando olfaciunt, nisi ea tantum, quæ organum olfactus absconditum, vel coopertum habent, idèoque ad illud reperiendum respiratione, seu inspiratione indigent, & propterea sine illa olfacere non possunt, ut cap. præsentis docuit Aristoteles. Aquatilla verò, atque etiam ex terrestribus plura patens habent organum; quare non indigent operatione respirandi præuia, vel comitante ad olfaciendum. Malè igitur Plinius lib. 9. naturalis historiæ, cap. 7. affirmans aquatilia omnia respirare, asseruit, aërem sub aquis degere, quo respirare, atque olfacere possint; imò & odorem ipsum nihil aliud esse voluit, quàm infectum aërem. Vtrumque autem falsum est, quia naturalis ordo vniuersi non patitur elementum aëris sua natura leue, sub graui corpore quale est aqua degere: sed eo ipso, quod ob extrinsecam causam contingit aliquas aëris particulas sub aquis ingredi, naturali vi expelluntur. Nec verum esse potest, quod odor sit infectus aër, cum in corporibus solidis odor existat, & ab eis in aërem per exhalationem transmittatur, ut quæst. sequenti ostendemus. 16

Medio igitur huius sensus præsupposito, atque exposito, queritur titulus quæstionis, quonam modo per illud immutetur sensus iste ab odore. Videlicet multiplicato per ipsum secundum esse reale vsque ad organum, vel solum secundum esse intentionale. 17

Et prima opinio tenet odorem non immutare olfactum, nisi calor solis agens circa odorifera corpora per humidi resolutionem, & attenuationem extrahat exhalationem siccam, quæ est substantia quædam subtilissima, aëri, aut fumo similis; & propterea vocatur exhalatio, quia exhalationes quasi aëteæ naturæ sunt, ab aliis verò fumosa euaporatio, quia vaporibus calore solis ab aqua extractis persimilis est, in qua exhalatione 18

- odor ipse, tanquam in proprio, & proximo subiecto deferatur. Vique ad organum, vnde per totum medium secundum esse reale hoc modo deferri affirmat, & eodem prorsus immutare organum. Ita Auicenna 6. naturalium part. 2. cap. de olfactu, Albert. Magn. 2. lib. de anima, cap. 3. vbi pro eadem sententia citat Platonem. Probari potest duplici ratione ex duplici alia experientia deducta. Prior est, quia experimur in rebus pessimi, ac vehementissimi odoris simul ac eas sentit olfactus organum lædere; imò & cerebrum, quem effectum non potest odor causare per solas species intentionales: cum realis, & naturalis sit; imò nec solus ipse etiam secundum esse reale: cum sit accidens, nisi in aliqua substantia deferatur: ergo necesse est concedere, quod vsque ad organum perueniat in exhalatione delatus, &
- 19 ita totum medium afficiat, & sensum immutet. Posterior ratio ex alia experientia deducitur; nam experimur vento in contrarium flante olfactionem sæpe impediri, atque etiã aliquando adhuc iam extracta exhalatione odorifera retardari, ita vt non statim sentiatur odor, sed post aliquod tempus: sed neutrum foret possibile, si per solas species intentionales immutatet medium, & organum, quia nec ista possunt à tali causa impediri, nec productio earum retardari, cum (nullum habentes contrarium) in instanti fiant.
- 20 Hæc tamen sententia falsa est, & Aristoteli contraria. Probo vtrumque duplici testimonio Aristot. Primum habetur, sectio. 12. problem. quæst. 10. vbi hoc argumento impugnat Heraclitum asserentem odorem esse exhalationem emissam à re odorabili. Quia si odor esset talis exhalatio, semper diminueretur, & breui consumeretur eadem res odorabilis per continuam emissionem propriæ substantiæ, quod constat esse contra experientiam; nam licet aliquantulum diminuantur plures, & consumantur tandem, diu tamen redolentes durant, & plures neque diminuuntur, neque consumuntur, etiam si semper redolect: odor igitur non est exhalatio. Ecce argument. hoc non minùs efficaciter probat contra Auicennam, quia continuæ emissioni exhalationis innititur, quam concedit ipse, licet non dicat cum Heraclito odorem esse ipsam exhalationem. Vltimus locus Aristotelis est cap. præsentis, vbi docet, & probat medium olfactus esse aërem, & aquam, ex quo ita arguo; si odor deferatur in exhalatione vsque ad organum, cum exhalatio sit substantia, neque ipsa, neque odor in ea delatus afficiet aërem, vel aquam, sed omninò independentem ab eis differetur: cum sit substantia ab eis distincta; quare sine vlllo medio externo odor afficiet organum, & ideo falsum erit, quod ab Aristotele, & omnibus asseritur olfactum habere pro medio externo aërem, & aquam.

Secunda



Secunda opinio ex diametro huic opposita negat odorem 21  
secundum esse reale mouere vlllo modo medium, vel organum,  
sed solum per species intentionales sicut color, qui nullo modo  
à se ipso egrediens mouet vtrumque per species; ita ergo odo-  
rem asserit nec per se, nec per exhalationem ad medium, vel  
organum peruenire, sed per solam speciem immutare intentio-  
naliter vtrumque. Ita Comm. 2. lib. de anima, comm. 97. impu-  
gnans Auicennam duplici argument. priori quidem, quia à  
multis refertur de olfactione vulturum ad maximam, & ferè  
incredibilem distantiam fieri, oportebit ergo tot, vel tam ma-  
gnas exhalationes emitti, vt non sufficiat substantia rei odo- 22  
rabilis, sed statim consumatur. Posteriori verò, quia si per ex-  
halationem deferretur odor, exhalatio illa cum sit corporea  
substantia, se penetraret cum aëre, & aqua.

Tertia sententia quasi media inter duas prædictas extremas  
asserit odorem immutare medium secundum esse reale vsque  
ad aliquam distantiam, ab illa verò solum per species inten-  
tionales medium, & organum. Sed in modo immutandi medium  
realiter vsque ad illam distantiam diuerso modo sentiunt.

Nam quidam per exhalationem, aut fumosum vaporem id  
præstare censent, & non per multiplicationem odoris, ita vt  
vnus odor producat alterum in medio. Sic loquuntur D. Thom.  
lect. 20. huius lib. atque etiam in 2. dist. 2. quæst. 2. art. 2. ad 5.  
Philoponus cap. præsent. Apollina. quæst. 26. huius lib. Iandua  
quæst. 24. & in lib. de sensu, & sensibili, quæst. 27. Contacen. lib.  
5. de elementis. Marcell. in suo lib. 3. de anima, cap. 27. & vter-  
que Caietat. hoc loco. Ferrar. quæst. 27. huius lib. Conciliator  
diff. 155. & maior recentiorum pars.

Alij verò absque emissionem exhalationis id præstare existi- 23  
mant per multiplicationem realem, ita vt vnus odor producat  
alterum vsque ad certam distantiam medijs à qua reliquam par-  
tem medijs vsque ad organum, atque etiam ipsummet organum  
solum per species intentionales immutet: ita Alexand. in lib. de  
ens. & sensibilib. cap. de odor. Amon. & Boëtius cap. 2. antepædi-  
cam. Garbius in summa quæst. 69. quod etiam defendunt tan-  
quam probabile Conimb. nostri 2. lib. de anima cap. 9. quæst. 3.  
art. 1. probantque testimonio Aristotel. cap. 12. huius lib. text.  
127. ubi ita ait. *Vt aër oles enim, ut passus aliquid, quid igitur est  
odorare præter pari aliquid aut odorare sentire est, aër autem passus,  
mox sensibilis sit.* Et probari etiam potest ratione sic; quia parum  
aquæ odoriferæ infusum in vas plenum aqua elementari red-  
dit totam aquam benè olenrem; quod non potest fieri, nisi per  
productionem odoris sibi similis in tota aqua ab odore existen-  
te in parua illa portione. Secundò, quia aër contingens rosas,

vel aliam rem odoriferam suauiter olet; ergo quia recipit in se realem odorem ab ea in se productum.

- 24 Quid autem in tanta sententiarum varietate nos de hac re sentiamus, his assertionibus sit manifestum. Prima assertio sit, *odor nec medium, nec aliquam partem eius, nec organum immutat per multiplicationem realem, nec talis multiplicatio necessaria est ad sensationem odoris.* Ad hanc probandam præsuppono cōmunem illam sententiam Aristotelis, & omnium in principio huius quæstionis præsuppositam, & probatam, quod medium odoratus sint ær, & aqua, ex quo ita arguo. Odor consistit in sicco superante humidum, cui temperamento opposita sunt elementum æris, & aquæ: cum vtrumque sit valde humidum, & aqua nimis frigida; ergo non potest in eis produci realis odor. Probatur consequentia, quia si produceretur; ergo per educationem eius de potentia eorum, sed repugnat, quod de potentia eorum educerentur; ergo repugnabit, quod multiplicetur in eis.
- 25 Minorem sic probo: non potest educi de potentia alicuius subiecti accidens, nisi in potentia eius contineatur, sed odor non continetur in potentia horum elementorum; ergo nec potest educi de potentia eorum. Probatur minor, quia odor ex propria natura est accidens corporis mixti præsupponens temperamentum eius, ut ex Aristotele ostendimus superius; quare nec in eius potentia continetur; nec de ea educi potest, sicut nec de potentia corporis cœlestis, quod si aliquando in terra, vel aqua producitur aliquis odor, præsupponit absque dubio aliqualem permixtionem, ratione cuius de potentia eius educi potest; repugnat verò de potentia elementari eius educi, vel ei, ut puto elemento conuenire.

26 Secundò quia odor est secunda qualitas naturalis sicut color, sed secundæ qualitates non sunt actiue, ad producendum sibi similes, ut patet de eisdem coloribus; ergo nec odor erit actiua qualitas; ita ut possit, super physicam productionem sibi similis multiplicari in medio. Addidimus in nostra assertionem, non esse talem multiplicationem physicam odoris in medio necessariam ad sensationem eius, quia sine illa potest sufficienter sentiri per species intentionales à principio productas, sicut sentitur per eas ab illa distantia ad quam multiplicantur iuxta eandem sententiam.

Secunda alteratio *non semper deferatur odor per medium in exhalatione etiam ad aliquam distantiam, nec semper id est necessarium ad olfaciendum, licet aliquando deferatur & necessarium sit, sed nunc adhuc non fit olfactio per exhalationem ipsam immutantiem organum.* Præsupponit assertio hæc olfactionem non semper fieri per exhalationem peruenientem usque ad organum, quod proba

probatum à nobis est efficaciter cōtra Auicennam. Afferit verò primò, non semper odorem deferri in exhalatione; sed aliquando. Quod declaratione potius, quàm probatione indiget; declaratur verò hoc modo. Odorabilia sunt in duplici differentia; quædam in quibus, vel ob nimium humidum, vel ob siccum terrestre non benè comprehendente humidum, imperfecti sunt odores, ita vt quædam nullum potius odorem emittat; perficiuntur verò calore resolvente humidum, vel deputante siccum, cumque perfectè cum humido permiscente; & per talem resolutionem, extrahitur exhalatio ab eis, in qua odor emittitur. Alia verò sunt odorabilia, quæ à principio generantur perfectiora, quia materia in qua fiunt perfectior est, sic eo à permixtione terrea libero; perfectèque comprehendente, aut superante humidum; quare non indigent noua resolutione caloris per quam exhalatio aliqua ab his extrahatur deferens odorem, sed sine illa perfectè odoratum mouent. Et huius signum euident est; quod semper redolent sine vlla diminutione, aut consumptione; imò neque vnquam marcescunt.

Secundum quod continet nostra assertio est, quod dum adhuc deferretur odor per exhalationem, vsque ad aliquam partem medijs, imò etiam vsque ad organum, si prope sis, non moues ipsa olfactum, ita vt per immutationem naturalem eius fiat olfactio, sed sit per species intentionales, quas odor in ea delatus producit in sensorio. Hoc probò primò ex Arist. cap. presenti, vbi expressè docet sensum olfactus habere medium externum, nempe aërem, & aquam, quod non esset verum si exhalatio per se coniungeretur organo; & illud per se moueret, tunc enim nihil externum esset medium inter exhalationem ipsam, & organum. Deinde ratione; quia sensibile debet coniungi immediatè, sensui per se, vel per suam speciem, sed odor in exhalatione delatus non potest per eam coniungi immediatè sensui, nisi producat in eo speciem sui: ergo per solam exhalationem etiam vsque ad organum in casu peruenientem non potest sentiri odor. Probat minor, quia exhalatio non est odor ipse, sed corpus distinctum ab odore; ergo exhalatione attingente organum mediat corpus inter ipsum, & odorem, & consequenter inter sensum, & eius obiectum; non ergo coniunguntur immediatè, nec possunt sensationem elicere, nisi coniungantur per speciem eiusdem odoris in organo productam, & per se immediatè inhxerentem potentia. Ex quibus duo infero; primum, quod dum adhuc exhalatio datur deferens odorem, non concurrat per se ad sensationem olfactus, sed hæc solum sit per se, ob odorem per speciem intentionalem mouentem sensum. Probat, quia si aliquo modo posset per se naturaliter immutare medium, & potentiam vel id posset per

se ipsam, vel per odorem, sed vtrumque est impossibile: ergo impossibile est exhalationem cōcurrere per se ad sensationem. Probatur minor, quia exhalatio est substantia, sed substantia non est per se sensibilis, ergo nō est per se immutativa sensus, nec mediū, nec producit odorem, quia odor nō potest alium sibi similem producere in medio, vt superius probauimus: ergo neque vllō modo potest per se concurrere ad sensationem olfactus. Infero secundo sensationem odoris semper, & necessario per se fieri per immutationem intentionalem mediū, & organi, & ab odore ipso, & non ab exhalatione per se, quod ex  
 30 priori illato est manifestū: Vnde sequitur quod per se loquendo operatio huius sensus solum fit per immutationem intentionalem, & nunquam per naturalem, immutatio verò intentionalis à principio extractæ exhalationis fit, quia à principio verum est, ac necessarium odorem in exhalatione existentem esse per se sensibilem nullum habens contrarium in productione specierum: ergo necessarium est eas à principio producere, & à principio fieri sensationem intra sphæram actiuitatis eius per immutationem intentionalem mediū, & organi.

- 31 Ad 1. argu. pro Auicenna, concessa experientia illa vehementissimi odoris lædētis sensum dicimus læsionem nō procedere ab odore, nec exhalatione, sed ab alia qualitate actiua, vel organi simul cum odore etiam delata ab eadem exhalatione, itaque à corpore odorabili extrahitur exhalatio odorifera, non solo odore affecta, sed aliis qualitatibus eiusdem odorabilis corporis  
 32 & actiuis quidem, atque conuenientibus, vel nociuis. Quarum ratione odor infectus iudicatur, & per quas exhalatio ipsa in organum, vel cerebrum agit, & vnum vel alterum, aut vtrumque lædit: & eodem modo censendum est de suauissimis odoribus in eisdem exhalationibus delatis, quæ cerebrum confortant, & quasi demulcent ratione alicuius qualitaris actiue, valdeque conuenientis simul cum odore ipso delatæ. Hanc solutionem indicauit D. Thom. 1. part. q. 78. art. 3. asserens organum olfactus non alterari realiter, nisi per accidens, hoc est, ab adiuncta qualitate actiua secum in exhalatione delata.

Ad secundum concedimus etiam aliquando impediri olfactionem flante in contrarium vento, quia ventus ipse secum fert exhalationem simul, & species ab odore in ea delato productas, & ita secum exhalationem defert vt eam extrahat à sphæra actiuitatis olfactus; quare licet species semper multiplicet odor intra suam sphæram, non tamen intra sphæram olfactus, & propterea non sentitur.

- 33 Ad testimonium Aristotelis respondeo intelligi de passione intentionali, non naturali; nam eodem modo docet Aristotel.  
 cap. 6.

cap. 6. huius lib. de omnibus sensibus esse potentias passivas, quod de sola passione intentionali verum esse potest, de qua intelligitur absque dubio ab Aristotele; eodem igitur modo intelligi possunt hæc, ita ut bene olete dicatur aer, quia habet in se speciem intentionalem, sicut in hoc testimonio asserit aerem pati à colore, & bene olere tanquam aliquid passum, & ita intelligi debet experientia posterioris argueri.

Ad experientiam verò prioris dicimus totam illam aquam redolere, quia permiscetur ei portio rei odorabilis, à qua producuntur species intentionales, & non alio modo.

Q V Æ S T I O I I I.

*Quidnam sit organum olfactus, & in quo potentia tanquam in proprio subiecto residens.*

**V**T quæstionem, ac difficultatem eius intelligamus, adnotare oportet ex usu anatomicæ artis à cerebro derivari duos quasi canales, usque ad ossa foraminosa narium, quæ sunt 34 prope concavitates oculorum, & canales isti in extremitatibus efficiunt quasi duas carunculas ad modum extremitatis mammillæ, & propterea *processus mammillarum* vocari solent, per quos cerebrum transmittit excrementa in nasum, & respirationis usu ascendunt fumi usque ad cerebrum, & per eosdem canales descendunt rami nervorum usque ad nasum, quos alij membranarum narium appellant, quia narium nomine canales isti intelliguntur, quos nasus operit. Illas verò carunculas (quas mammillas vocant) voluerunt nonnulli operiti tunicis quibusdam, quas appellasse aiunt Aristoteles. *opercula olfactus*. cap. præsentis, text. 100. & in lib. de sensu, & sensib. cap. 5. sed quia usus anatomicæ artis eas non repperit, medici irrident Aristot. Verumtamen nunquam Aristoteles talem tunicam pro operculo posuit: ut bene Tolet. quæst. 26. huius lib. & Conimb. cap. præsentis, quæst. 4. art. 3. adnotarunt, sed operculi nomine intellexisse carnem quandam spongiosam, atque porosam, quæ cernitur ante mammillas, & dilatatur, atque extenditur per respirationem, usque pori aperiuntur, per aeris verò detentionem constringuntur, & quasi clauditur & propterea satis propriè vocari potest 35 operculum mammillarum, & olfactus, si in eis residet, tanquam in organo, quod verba Aristotelis non obscure indicant, ita enim habent text. 100. huius cap. *Odoratum sensorium aliis quidem sine operculo est, sicut oculus, aliis verò aerem recipientibus habes cooperimentum, quod respirantibus discooperitur dilatatum venis, & meatibus.* Et ecce distinctionem omnium partium, in quibus aut in cerebro ipso à quo derivantur, residere potest potentia odorandi, & hoc inquit titulus quæstionis.

Et

36 Et prima opinio negat in aliqua harum partium residere, sed in ventriculis, vel finibus anterioribus cerebri, à quo deriuantur. Hanc existimant plures esse sententiam. Galen. 8. lib. de usu partium, cap. 6. atque etiam in lib. de olfactu. vt Valesius 2. lib. controuers. med. cap. 24. quamuis Toletus cum referat pro alia. Probatur primò, quia cerebrum percipit odores, cum ex eorum perceptione confortetur, aut lædatur: ergo continet in se organum odoratus. Secundò, quia si in his receptaculis anterioribus cerebri, esset sensus iste, non esset nobis necessaria respiratio ad olfaciendum, sed sine illa possemus contra euidentem experientiam: ergo necessariò fatendum est in eis esse. Antecedens probatur, quia respiratio est attractio, atque ascensio aëris, sed si in superiori parte non esset organum, non esset necessarium aërem ascendere: ergo nec esset necessaria respiratio, sed sine illa sentiremus odorem.

37 Sed hæc sententia falsa probatur testimonio Aristol. in lib. de sensu, & sensib. cap. 2. vbi de organo olfactus sic loquitur, *Qua propter, & circa cerebrum loco odoratus proprium sensorium est. potentia enim calida frigidi materia est.* Sentit igitur in loco cerebri inferiori consistere, cuius rationem satis congruam insinuat, nempe quia organum olfactus, simile temperamentum postulat ei, quod materia odoris est; nempe calidum, & siccum comprehendens humidum, sed cerebrum habet omninò oppositum: cum frigidissimum, atque humidissimum sit: ergo non potest esse organum olfactus.

38 Secunda opinio ponit sensum odoratus in ramis neruorum deriuatis à cerebro, vsque ad nasum, quos alij vocant nasi membranam. Ita Comm. 2. collectan. cap. 17. probat testimonio Aristotelis lib. 1. de historia animal. cap. 11. vbi docet expressè olfactum, per nares administrati: ergo sentit intra ipsas, vel in aliqua parte earum interna residere. Deinde ratione primò, quia olfactus non potest residere in cerebro, qui expers sensus est, vt docet Arist. 2. lib. de partibus animal. cap. 10. & consentit Gal. 3. lib. de causis symptom. vocas cerebrum organum non sentiens, & processus mammillares sunt eiusdem substantiæ cum cerebro: ergo in neutra harum partium est, quare solum restat esse in neruis. Secundò, quia si processus mammillarum, vt multi tenent esset organum, sequeretur posse à nobis sentiri odorem eorum, quæ intra nos sunt, per foramen, quod à palato tendit in earunculas; quod nunquam aliquis expertus est.

Sed neque hæc sententia placet primò, quia cum nerui isti, seu membrana expansi sint vsque ad extreimas partes internas nasi, sequeretur odores percipi à nobis vsque vlla inspiratione contra experientiam. Probatur consequentia, quia statim species odo

cies odorum incurrerent in organum absque vlla attractione  
aëris, & fieret sensatio. Secundo, quia omnes experimur in par-  
te aliqua secretiori magis, quam externa sentire odotes, ergo  
non debet poni organum sensus in his nervis adeò patentibus,  
& externis. 39

Tertia sententia affirmat olfactum esse in interiori parte na-  
si, atque etiam in tota respirationis via ad ipsa vsque interna  
viscera. Ita Valesius loco nuper citato existimans se Platonem  
sequi in dialogo de natura. Hæc tamen sententia magis est à  
veritate aliena, quam duæ præcedentes. Quia si ita esset, fieret  
olfactio non solum in partibus cerebro vicinis, sed in intimis  
visceribus, quod patet esse cōtra experiētiā, & valde absurdū. 40

Ultima igitur sententia est, *processus mammillares esse organum, in quo olfactus residet.* Hæc est communis, & longè proba-  
bilior, nam eam sequuntur Philopon. capit. præsenri. Albert.  
Magn. 2. parte Summæ de homine, tractatu de olfactu, ubi pro  
ea citat Algaz. D. Gregor. Nicenus lib. 4. de viribus animæ cap.  
5. Fernel. in lib. de partibus corporis humani cap. 9. Garbi. quæ-  
stion. 59. Conci. diff. 55. pro qua etiam referunt Auicennam  
fen. 3. can. 1. Toletus quæstion. 27. huius libri, Conim. cap. præ-  
senri quæsti. 4. articul. 2. & omnes, ferè recentiores, estque satis  
probata ex refutatione aliarum.

Ideò ad primum argumentum primæ opinionis negandum  
est antecedens, quod cerebrum sentiat odores, sed confortatur, 41  
aut læditur ab exhalatione ipsum tangente, in qua odor defer-  
tur, non tamen ratione odoris, sed alterius qualitaris actiue,  
atque etiam nociue, aut conuenientis simul cum odore delatæ,  
quare non probatur organum olfactus esse in cerebro.

Ad secundum negandum est etiam antecedens, quod si orga-  
num non esset in cerebro, non esset necessaria respiratio ad ol-  
faciendum, & cum dicitur, respirationem esse attractionem  
aëris sursum; Respondeo primò non esse hoc necessarium, imò  
potest per respirationem attrahi aër versus quamcumque diffe-  
rentiam loci, prout oportunum fuerit, vel necessarium. Deinde  
dici potest secundò satis esse, quod propè cerebrum sit orga-  
num, vt sursum aër attrahi dicatur per respirationem.

At testimonium Aristotelis, quod pro se affert secunda opi-  
nio. Respondeo per nares administrari olfactum tanquam per 42  
medium, seu viam, qua species odoris organum perueniunt  
in parte magis interna residens, quemadmodum etiam dici  
potest administrari per aërem, vel aquam; cum tamen certum  
sit in eis non esse organum.

Ad primum argumentum respondeo processus mammilla-  
res coniunctos esse cū cerebro, & ideò similes ex parte substā-  
tiæ eius,

tia eius, nihilominus diuersum habent temperamētum à cerebro, quia non sunt adeò frigidi, nec adeo humidi, sed magis temperati, meliùsque permixtas habent qualitates has cum calore, & siccitate eis contrariis, ideò conueniens subiectum odoratus esse possunt.

Ad secundum respondeo, non sentiri internum odorem stomachi, sed neque oris, aut ciborum, qui in ore versantur, quia cum non sentiamus, nisi inspirantes, & aërem ab ore per inspirationem non nisi via recta per fauces ad pulmonem attrahamus, non habet locum odoratio per foramen illuc facienda.

- 43 Et si quæras, quid de hac re senserit Aristoteles. Respondeo nihil certum haberi apud ipsum circa determinatam partē, in qua sit sensus iste sicut de aliis organis sensuum reperitur, sed fortè dubius de hac re ipse fuit: vel propriam sententiam non omnino explicuit: sed diuersis locis videtur fauere diuersis.

### QVÆSTIO IIII.

*An olfactus hominis infectior sit, quàm aliorum animalium.*

- Videtur perfectiorē esse sensum olfactus in homine, quàm in feris propter hæc argumenta, Primum, quia perfectior est anima sensitiua hominis, à qua oritur, sicut cæterę potentię, quàm anima sensitiua ferarum. Secundò, quia organum huius potentię perfectius habet, utpote magis libetum à conditionibus obiecti, cum habeat illud magis humidum, ac frigidum propter vicinitatem cerebri, & odor sequatur ex temperamento, in quo prædominatur siccum: ergo perfectiorem quoque habebit potentiam in eo residentem: Probatur consequentia, quia quò organum eius magis est liberum à conditionibus obiecti, plures differentias eiusdem obiecti percipere potest: ergo perfectior est. Quod vrgeri potest ex eo, quod olfactus hominis  
44 percipit suauissimos florum odores, quos constat feras non percipere: ergo percipit plures differentias proprii obiecti, & quò plures differentias eius percipit, perfectius percipit obiectum ipsum. Et ideo perfectior potentia erit.

Oppositam verò sententiam, quod imperfectior sit sensus iste in hominibus, quàm in multis feris. tenet expressè Aristoteles cap. præsentis, & cum eo omnes interpretes nullo excepto. Sic enim loquitur in huius capituli initio: *Sensum hunc non habemus certū, sed peiorem multis animalibus, prauè enim odoratur homo, & nihil sentit odorabilium sine molesto, & iocundo tanquam non existens certo sensorio. Rationabile autem est sic, & qua duos oculos habens, colores sentire, & non manifestas esse ipsis differentias colorum, nisi terribili re, & non terribili, sic autem, & odores hominum genus.*

Eandem



Eandemque sententiam expressit in lib. de sensu, & sensibili, c. 4.

Sed hac distinctione explicanda prius est, & deinde probanda. Dupliciter potest considerari perfectio huius potentia, vel ex parte essentialis differentia, quæ sumitur ex ordine ad odorem, tanquam ad proprium obiectum, atque etiam ex modo attingendi illud, aut ex rationibus accidentalibus, & si modo priori consideretur, non potest esse perfectior in homine, quam in animalibus, quia idem prorsus obiectum respicit in utrisque, quod etiam eodem modo respiciunt, atque attingunt omnia: ergo non potest esse essentialiter perfectior in homine, quam in cæteris animalibus. Ex aliis verò accidentibus statim attingendis minorem longè perfectionem, habet in homine 45 quam in multis animalibus. Et iuxta hanc distinctionem explicanda est, atque intelligenda sententia Aristot. communis & vera. Quæ secundum priorem partem efficaciter satis probata est ex ordine ad idem obiectum, & ex eodem modo illud attingendi, ex quibus essentialis perfectio potentiarum desumitur. Probatur verò quantum ad posteriorem, duplici ratione insinuata ab Aristot. in eisdem verbis relatis. Ait enim primò quod sicut animalia duros habentia oculos non percipiunt omnes differentias colorum; ita homines non percipiunt omnes differentias odoris. Quod etiam sensit Plato in Timæo, & post ipsum Teophrastus lib. 6. de causis plantarum, cap. 5. & Theophilus cap. præsentis. Et probatur evidenti experientia: nam canes per olfactum sentiunt leporum, avium, & aliorum ani- 46 malium vestigia, & dominos etiam absentes odoratione perquirunt, & inter homines alios agnoscunt, & plures aliæ feræ odoratione insectantur alias, easque præsentiant, & fugiunt, vel prosequuntur, quos odores evidens est non pervingere olfactum nostrum: ergo evidens est plures odorum differentias percipere, & ad maximam quidem distantiam, ut eadem experientia docet, præsertim in vulture, quare necesse est fateri, quod perfectiorem olfactum sortiantur perfectione accidentali.

Secundò asseruit Aristoteles eiusmodi olfactus imperfectionem in homine ex imperfectione, atque imbecillitate organi provenire, quod cum iuxta cerebrum situm sit, plus ab eo humiditatis, ac frigiditatis participat, quam naturæ olfactus, & operationi eius conveniret, cuius ratione minùs stabile, ac firmum est, & odorum species minùs firmas, minùsque distinctas percipit, & quæ remissiùs multo ipsum, ac potentiam afficiunt, ideo minùs distinctam cognitionem obiecti elicit potentia, paucioraque cognoscit obiecta, & ad minorem distantiam. 47

Ad primum argumentum concessa maiori, distinguenda est minor, quod anima sensitiva perfectior sit in homine, quam in bru

in brutis, nam considerata sub conceptu generico formæ sensitivæ falsum est. Et cum eam sic consideratam sequantur potestativæ sensitivæ, sequitur eiusdem perfectionis essentialis esse in homine, & feris, sicut gradus sentiendi secundum rationem genericam eiusdem perfectionis in omnibus est: quod verò ad perfectionem accidentalem pertinet, singulis specierum animalium contulit natura sensitivas potentias perfectiores, vel minùs perfectas, ut congruebat bono eorum statui, & conseruationi vitæ, & quia odorum sensus parum, vel nihil deserviebat ad bonum statum rationalis animæ in corpore, vel ad operationes eius, ideò minùs perfectum contulit ei hunc sensum natura usque adeò, ut non pauci sint homines, qui operatione eius omninò destituti sint, quod ex organi indispositione provenire arbitror. Congruerat verò maximè statui animalium, & conseruationi eorum, ut perfectior olfactus eis concederetur, quia sensus alimèti vocari in eis potest, sicut in nobis sensus tactus, per olfactum namque præcipuè alimentum sibi còueniens agnoscūt, & à disconuenièti, & nociuo distinguūt.

Ad secundum neganda est maior, quod organum olfactus sit perfectius in homine, nec verum est, quod temperamentum organi debeat esse omninò dissimile obiecto eiusdem sensus, ut cap. de tactu declarabitur. Si enim nullam similitudinem cum eo habeat, non erit conueniens receptium specierum eius. Hoc autem est certum, quod organum olfactus in nobis ex vicinitate cerebri nimis humidum, ac frigidum est, & ideò nimis imperfectum comparatum ad odorem temperamentum oppositum postulantem, ut ostendimus.

Ad tertium neganda est minor, quod olfactus hominis plures differentias odoris percipiat, cuius oppositum probauimus.

## CAPUT X.

*De gustu, & gustabili.*

## TEXTVS ARISTOTELIS.

*Gustabile autem est tangibile quoddam, & hac est causa cur non sit sensibile per medium extraneum.*

## Breuis expositio textus.

**I**ntentum Aristot. in isto capite est explicare naturam quarti sensus extetni, qui dicitur, gustus, quem nobilitate vult præcedere tactū propter minorem aliquam rationem materialitatis. De quo explicat quatuor, quid sit gustabile, aut sapor, quem pro obiecto habet, species eius, medium, & organum, ideò quadrimembris est diuisio totius capitis.

Ut igitur obiecti naturam explicet, asserit gustabile esse quod

quoddam tangibile. Quod probat duplici argum. 1. gustus non fit per medium externum: sicut visus, sed sine medio sentire, est per contactum; ergo nequit gustari sapor, nisi per contactum, quare gustabile quoddam tangibile est. Secundò sapor non percipitur à gustu, nisi media humiditate, quam pro materia habet sapor ipse: sed humiditas non sentitur, nisi per tactum: cum sit qualitas tangibilis; ergo gustabile quoddam tangibile est. Sed aduersus priorem rationem arguit hoc modo. Aliquando existentes in aqua percipimus cibos à longè in ea iniectos, vt si quis vnā partem aquæ attingat, & in alia parte eius distantiori infundatur mel, sentiet illud, & non nisi per intermediam aquam; ergo falsò supponit ratio hæc, quod gustus non habeat medium externum. Respondet non sentiri mel in casu, nisi quia dulciorem efficit aquam: ita vt illa, quæ tangitur gustu, dulcis sit participationem mellis habens, & ecce mel ipsum sine medio gustatur. Arguit contra posteriorem rationem, sic dantur gustabilia sine humiditate, vt sal, & saccharum; ergo falsum supponit, quod gustabile non percipiatur nisi percepta humiditate. Respondet gustabile habere humiditatem actu, vel potentia, quæ potentia ad actum reducitur per saluam, qua afficitur, priusquam gustetur, & ideò verum est non percipi vllum gustabile, nisi percepta humiditate, & his in commune saltem explicuit obiectum gustus. Sed vt explicet illud in particulari, asserit ad gustum, non solum pertinere gustabile: sed etiam oppositum, nempe ingustabile: sed tripliciter ait dici aliquid ingustabile. Primò, quia adeò minimum saporem habet, vt gustari non possit. Secundò, quia saporem habet adeò vehementem, & nociuum, vt vix gustari possit. Et tertio, quia paruum habet saporem. Sed, inquit, ingustabile primo modo dupliciter dici, aut per puram negationem saporis, quia nullum prorsus habet, & tale dicitur ingustabile, sicut Angelus inuisibilis. Secundò dicitur ingustabile priuatiuè, quia licet non habeat saporem perceptibilem, habere tamen potest sicut tenebrosus aer potest habere lumen. Dum ergo dicitur ingustabile oppositum gustabili pertinere ad gustum, de hoc posteriori ingustabili debet intelligi, non de priori purè negatiuo. Addit tamen non solum gustabile, & ingustabile pertinere ad gustum: sed etiam potabile, & impotabile; dicitur autem potabile, quia aliquid saporis participat. Agit in tertia parte de sensorio gustus, inquiens esse humidum, non actu: sed potentia, quod de humido saporifero intelligitur, hoc est, habente saporem admixtum, hoc enim modo non potest organum habere in se humidum actu: sed potentia tantum, non verò de humido elementari: nam humiditas elementaris etiam actualis bene

possesse in organo; imò necessaria est ei: sed permixtam sapor non debet habere actu: sed solum potentia. Vnde quamdiu lingua infirmi amarum humoribus est affecta, non percipit vllum alium saporem: sed amara omnia iudicat.

5 Explicat tandem species saporis dicens duos esse extremos sapes, qui simpliciore sunt, vt dulcis, & amarus: sicut album, & nigrum inter colores; simpliciore autem eos vocat, quia iuxta illos sunt duo alij extremi, nempe iuxta dulcem, pinguis, & iuxta amarum, falsus: sed non sunt iam ita simplices. Alij sunt sapes medij inter hos extremos, vt acer, austerus, acerbus, & acidus: ita omnes species saporum sunt octo, ad quas reducuntur omnes sapes. Ex tota hac doctrina colligitur definitio huius sensus, & obiecti eius. Nam gustabile, aut sapor est qualitas realis immutativa gustus, & gustus est potentia, seu facultas perceptiva gustabilis, vel saporis.

---

**TRACTATUS DE SENSU GUSTVS,**  
**DE SAPORIBVS, DE MODO**  
**quo immutatur ab eis, & distinctio-**  
**ne eius à sensu tactus.**

---

**QVÆSTIO I.**

*Quid sapor sit, quot, & quæ species eius, & quonam modo immutent gustum.*

6 **S**APOR vt colligitur ex Aristotele, lib. de sensu, & sensib. cap. 4. Est secunda qualitas resulcans ex tali permixtione primarum, in qua humidum comprehendit, vel superat sicca, immutativa gustus. Per priores particulas, vsque ad vltimam distinguitur à primis qualitatibus elementorū pertinentibus ad obiectum tactus; & ita se habet respectu illarum, vt quasi pro materia, aut subiecto permixtionem earum præsupponat, vel certè corpus mixtum ex eis compositum, in quo ita prædominatur humiditas, vt siccitatem comprehendat, vel superet. Non tamen quamlibet humiditatem, & siccitatem consequitur: sed siccitatem terream, & humiditatem aqueam: nam licet non sint diuersæ speciei siccitas terræ, & ignis; nec humiditas aquæ, & aeris, sic tamen accidentali modo differunt, vt siccitas terrea, & humiditas aquea densiorem materiam præsupponant, & permaneniores sint in ea, & ideo ad immutandum organū gustus magis idoneæ, siccitas verò ignis, & humiditas aeris subtilioris materiæ sunt, & non ita permanentes: sed citò potius euanescent, & propterea non sunt apta materia saporis, nec idoneæ ad immutandum organum gustus, talē igitur  
 7 permixtionem illarum sequitur sapor, & non istarum. Per vltimam

zimam verò particulam distinguitur sapor à cæteris secundis qualitatibus, præsertim ab his, quæ sunt obiecta aliorum sensuum. Sed ex tota definitione colligitur saporem esse accidens mixti corporis, & ideo non conuenire elementis suam puritatem retinentibus: nam ratione alicuius extrinsecæ admixtionis aliqualem possunt saporem contrahere.

Circa species verò saporis dissentiunt antiqui in duobus; videlicet in numero carû, & modo, quo inter se ordinentur: nam circa numerum: Plin. lib. 15. naturalis hist. ca. 27. tredecim enumerauit, videlicet dulcem, suauem, pinguem, amarum, austerum, qui est stipticus, acrem, acutum, acerbum, qui est ponticus, acidum, 8  
salsum, & tres alias, quas mirabilis naturæ appellauit, quia plures continere videntur saporibus proprios, vel alienos, videlicet saporem vini, saporem etiam lactis continentem pingue tanquam proprium, dulcem, alienum. Et tandem sapidis aquis suum peculiarem tribuit saporem. Aristoteles verò ad finem præsentis capituli octo species saporum numerauit, videlicet dulce, amarum, pingue, salsum, acre, austerum, acerbum, & acidum. Sed in lib. de sensu, & sensibili. ad septem eas reuocauit, quia pingue reduxit ad dulce, salsum verò ad amarum. Sed si ita numerandæ sunt, non septem: sed sex tantum numerabuntur, quia si ab octo demas duo, nempe pingue, & salsum, quæ in dulci, & amato imbibuntur, solum restabunt sex, & ita esset profecto, nisi in utroque loco citato per incuriam fuisset prætermisus acutus, ut bene adnotauit Tolet. q. 29. huius lib. quod merito supplendum asseruit, ut ita constare sibi possit Aristot. nouem species ponens: sed eas ad septem reuocans. Galenus verò aliam videtur speciem addidisse, nempe insipidum, quale est in albugine oui.

Communis tamen omnium interpretum consensus Aristotelicum numerum sequitur, cui assentiendum est. Quamuis parum momenti habeat, maiorem numerum ponere omnes distinguendo, vel minorem, quasdam sub aliis numerando, vel ad eas referendo ratione similitudinis.

Sed in modo ordinandi has species sub vna prima contrarietate duorum extremorum simplicium maxime distantium in tali genere dissentit planè Arist. à Platone, & Galenus ab Aristotele. Nam Plato in Timæo, & Galen. loco citato, quos Conciliator sequitur differ. 145. primam contrarietatem, sub qua collocantur reliquæ species saporum, non constituunt ex dulci, & amaro; sed ex acerbis, & acuto. Aristoteles verò cap. præsentis, & lib. de sensu, & sensibili. c. 5. primam contrarietatem saporum, sub quibus continentur reliquæ, quasi secundariæ, constituit ex dulci, & amaro. Sed grauissimi isti Philosophi contrarij in hac parte non sunt: sed diuerso modo locuti ex diuersa considera-

10 rione saporis. Nam Galenus tanquam peritissimus medicus naturam eius ex ordine ad temperamenta corporum diuersa, ex quibus oriūtur, species eius considerauit, quæ absque dubio accidentalī ratio earum est; cūm contingat eandē speciem saporis in diuersis corporibus repertā, diuersa, atque omninō opposita temperamenta eorum sequi, vt amaritudo in apio reperta sequitur temperamentū eius, in quo prædominatur calor. In radice verò peponis sequitur temperamentum oppositum, in quo prædominatur frigus. Et præterea sapor, & odor sequūtur temperamenta primarum qualitatum opposita: nam odor sequitur temperamentū, in quo siccum comprehendit, vel superat humidum, sapor verò oppositū, in quo humidum comprehendit, vel superat siccū. Et tamen cōstat non esse qualitates contrarias, licet sint diuersæ: ergo ex ordine ad talia temperamenta, non potest tanquam ab essentiali, nec ideo tanquam ex infallibili regula sumi primā contrarietas saporum, nec ordinatio aliarum specierū sub ea. Propterea Arist. ex essentialibus saporis eā desumpsit, & ideo infallibilē regulā tradidit, quam absque dubio admitteret Galenus, & alij. Essentialis verò ratio saporis, ex qua primā contrarietatem desumpsit Arist. est saporē esse qualitatem talis naturæ, vt possit immutare gustū; nam ex hac ratione constituitur in specie passibilis qualitatis, vt docet idem Arist. in eo prædicamēto. Prima verò extrema immutatiua gustus sunt sapor dulcis, & amarus, quia ille modo perfectissimo eum immutat, iste verò pessimo, reliquæ verò species magis, & minùs perfectè, aut modo magis, aut minùs inepto, prout magis, & minùs accedunt, vel recedunt ad illas, & hæc regula sumendi primā contrarietatem specierum saporis, & ordinandi  
 11 omnes species sub ea, nunquā fallit, & propterea illam sequuntur omnes interpretes Aristot. præsertim D. Thom. de sensu, & sensibili, lect. 11. Comment. cap. præsentī, ad text. 105. & 5. collectan. cap. 27. Garb. in Summ. tract. 5. quæst. 71. Conta. in lib. de elem. Iauel. 2. lib. de anima, quæst. 46. & ita sentiendum est, & hæc de duobus in titulo quæst. propositis.

Sed restat vltimum, ac magis difficile, quomodo sapor immutet gustum, videlicet se coniungendo cum eo, vel sensorio eius, secundum esse reale, & physicum, vel solum secundum esse intentionale per species proprias, vel vtroque modo.

12 Et primā opinio asserit gustum immutari à sapore secundum esse reale, & naturale. Ita Valef. 2. lib. controuerf. med. cap. penult. Probatur testimonio Aristot. cap. præsentī textu 101. & 102. vbi dup. asserit, primum quod sensus gustus, cum sit quidam tactus, non habet medium externum, ex quo infero moueri sensum sine medio, & ideo per se immediatè attingendo organum,

organum, & potentiam, & non per speciem.

Ex quo idem colligitur, quia humiditas cum sit qualitas tangibilis, sine medio mouet organum, & ideò secundum esse reale, & naturale, non secundum esse intentionale, & consequenter sapor per illam mouens. Secundum nihil posse causare sensationem in gustu, nisi eum per humiditatem moueat. Quod 13 sentit plane D. Thom. 1. part. quæst. 78. art. 3. sic inquit: *Ex parte autem organi est immutatio naturalis tactu & gustu; nam & manus tangens calida calefit, & lingua humectatur per humiditatem saporum.* Probatum deinde ratione; quia ubi obiectum est per se præsens, & proportionatum potentie, per se illam mouet, & ideò specie intentionali non indiget, per quam præsens, & proportionatum fiat, ac moueat, sed ita se res habet in sapore respectu gustus; ergo non indigebit specie: sed per se immediate mouebit sensum, & sentietur. Minorem sic probō; sapor tangit per se, & sine medio organum, sicut tangit humiditas, per quam mouet ipsum; ergo per se ipsum fit ei præsens. Probatum consequentia, quia contactus fit per immediatam præsentiam vnius ad alterum, & ea se tangunt, vt docuit Aristotel. 3. lib. phys. quorum vltima sunt simul. Est etiam per se proportionatus gustui in esse gustabili: cum sit per suam naturam realem actu gustabilis.

Secunda opinio tenet saporem mouere gustum, & sentiri ab eo, non per se ipsum immediate, sed per speciem sui productam in organo, & potentia. Ita expressè D. Thom. 1. p. quæst. 78. art. 3. in corpore, & ad 4. ubi organum gustus dupliciter immutari dicit dum sentit, immutatione naturali ab humiditate gustabilis, & immutatione spiritali, siue intentionali à sapore eius, & cum D. Thom. sentiunt omnes ferè interpretes huius cap. 14 præsertim recentiores, & videtur nobis expressa ab Aristotele, & longè probabilior. Aristoteles enim ca. 12. huius lib. in principio sic loquitur de sensibus: *Oportet autem vniuersaliter de omni sensu accipere, quod sensus est id, quod est susceptivum formarum sine materia, vt cera annuli sine ferro, & auro recipit signū,* quæ verba de speciebus intentionalibus intelligunt omnes interpretes, eaque ad particulares sensus, visus, odoratus, & gustus applicat (paucis interpositis) sic inquit: *Similiter autem, & sensus unuscuiusque ab habente odorem, aut saporem, aut sonum patitur, &c.* Senti igitur Aristoteles, gustum immutari à sapore per 15 species intentionales, sicut visum, & auditum, & non secundum esse naturale.

Vt autem ratione probent hanc sententiam recentiores quidam, videntur supponere, quod sapor nō possit esse præsens per se organo huius potentie, quia cum sit nervus quidam lingue

quadam spongiosa, ac nimis porosa carne contextus, habet potentia gustandi hanc carnem pro medio, non quidem externo, sed interno, nam solum negauit Aristoteles habere medium externum. Quo supposito ita arguunt: sapor non potest per se ipsum tangere organum huius potentiae: ergo nec potentiam in organo existentem, nec etiam per alium saporem sibi similem in ea productum, quia sapor non est actiua qualitas, sicut neque odor, ut cap. praecedente probauimus: ergo nec potest ei coniungi per se, nec per sui similem in esse reali; quare necesse est, quod ei coniungatur, & praesens fiat per sui similitudinem intentionalem productam in hac media carne, atque etiam in potentia ipsa. Hoc tamen argumentum vnum videbitur praesupponere incertum, & fortasse falsum, videlicet quod sapor solum possit tangere secundum esse reale carnem illam spongiosam, quae est medium internum gustus; non tamen organum eiusdem potentiae sub ea existens, videlicet neruum in quo residet potentia. Quod si esset certum, vel ab aduersariis concessum, probaret quidem efficaciter intentum. Verisimile tamen est alimentum, in quo deferitur sapor, saltem secundum subtiliores partes per meatus, ac poros illius spongiosae carnis penetrare usque ad neruum, eumque tangere per se, & consequenter saporem in eo delatum, satisque erit, ut sapor in his partibus subtilibus delatus sentiatur, ut verum sit, quod sapor secundum esse naturale moueat gustum: Imò ut gustus suam habeat operationem sine speciebus intentionalibus, non est enim necessarium, ut sapor omnium partium alimenti degustetur, ut totum ipsum alimentum assumptum nutrire possit corpus, sed

16 sufficit secundum aliquas partes degustari; quare non probabitur per species intentionales mouere gustum.

Ut igitur efficaciter impugnetur, admittendum est aduersus nostram sententiam saporem secundum esse reale, non solum ad mediam illam carnem spongiosam regentem organum peruenire, sed usque ad organum. Quo admissio adhuc potest efficaciter probari, quod sapor non per se, sed per species intentionales moueat organum, atque potentiam, & sentiatur hoc modo.

Ut obiectum concurrat cum potentia ad operationem vitalem, debet esse ei intimè praesens secundum motum talis potentiae, ut si sit intellectiua debet esse ei intimè praesens, non solum in esse reali, sed in esse intelligibili, si verò sit sensitiua in

18 esse sensibili, & si sit talis potentia sensitiua in esse obiectiuo eius, ut sapor eius, debet esse intimè praesens potentiae gustus in esse gustabili. Et ratio à priori huius intimae praesentiae necessario requisitae est perfectio operationis vitalis procedentis à principio intrinseco, ex qua planè colligitur potentiam, & ob-

iectum;



iectum, ex quibus sit integrum principium vitalis operationis, prius debere effici vnum intrinsecum principium, quam eliciant operationem, non possunt autem fieri vnum principium intrinsecum autem operationem per solum contactum, qui sufficeret, quidem ad rationem alterius operationis inferioris; & non vitalis, vt ad calefaciendum, cuius ex eo solum vnum principium esse dicuntur, quia simul concurrunt ad agendum circa passum extrinsecum, non tamen sufficit, vt sint vnum principium vitalis operationis, quæ non est actio circa passum extrinsecum, sed interna, ac propria eiusdem potentie in se, & circa se ( vt sic loquamur ) in eaque permanens; ergo necessarium ad eam requiritur, vt fiant vnum per internam, seu intimam præsentiam obiecti ad potentiam, quæ intima præsentia non est excogitabilis, nisi obiectum ante operationem intra eandem potentiam sit secundum esse obiectiuum, sed constat non posse saporem esse intra potentiam gustus per se inhærens illi, nec per alterum saporem sui similem in ea productum, ergo solum per speciem intentionalem ei inhærentem. Quod sic declaro simul, & confirmo, nam duo solum possunt sine specie intentionali per se intelligi, quia per se sunt intra ipsam potentiam secundum esse intelligibile. Primum est diuina essentia non solum respectu diuini intellectus, sed etiam respectu intellectus Deum clarè videntis, quia cum sit infinita, atque immensa, per se est intimè præsens cuicunque creaturæ, & per se potest fieri præsens in esse intelligibili cuicunque intellectui creato, cum per se sit intra ipsum, & quia hanc intimam præsentiam in esse intelligibili potest habere per suam infinitatem, & immensitatem, per quam est intra intellectum, & potest ei vniri in ordine ad visionem sui, repugnat quod eam habeat per aliquam creaturam, & hæc est præcipua ratio, ob quam repugnat dari speciem impressam diuinæ essentiae, per quam videatur à beatis. Postremum est, Angelus ad se intelligendum, quia ratione identitatis dicitur esse intra proprium intellectum, quem intra se habet tanquam virtutem intelligendi, & ideo non indiget specie, vt se intelligat, sed per se vnitur cum suo intellectu, & per se efficit cū eo vnum principium intrinsecum intellectio-  
nis. Cætera verò omnia specie indigent, vt intelligantur, etiam si simul sint cum re intelligente per præsentiam, vel se penetrent cum ea. Et hinc est, quod licet duo Angeli sint in eodem loco, vel vnus sit intra alterum per illapsum, (eo modo, quo excogitetur possibile per diuinam potentiam) neuter potest alterum intelligere sine specie, quia nulla harum est intima præsentia in esse intelligibili, qualis requiritur ad constituendum vnum principium intrinsecum vitalis operationis, sed realig

tantum extrinseca (& ut ita loquamur) quasi materialis in ordine ad intellectionem: intima enim presentia in esse intelligibili quasi intentionalis est, quam non habet per se res una respectu alterius nisi sit infinita, atque immensa, nam infinitudo, & immensitas omnem modum presentiae possibilem includunt. Creatura verò limitatum esse habens solum potest habere respectu alterius extrinsecam, & quasi materialem presentiam, at respectu sui etiam intentionale, non ratione immensitatis, sed ratione identitatis, quia nullus potest excogitari modus presentiae quo res non dicatur esse libimet praesens iuxta modum essendi quem habet ex propria perfectione essentiali. Ex quibus efficaciter colligitur saporē non esse intimè praesentem per se potentiae gustus in esse gustabili, ut requiritur ad constituendum cum ea unum principium sensationis sui, quantumcunque tangat per se organū, imò etiam si alimentum se penetraret cum eo, & idem sapor cum potentia, quia per contactum, vel penetrationem nō dicitur esse intra potentiam, sed solum esse simul loco cum ea; adhuc ergo remanet extra illam secundum proprium esse gustabilis, & propterea specie indiget, per quam constituatur sub tali esse intentionali, & ita uniatur ei constituens cum ea, unum principium intrinsecum sensationis.

22 Et ex eadem doctrina intelligitur nihil probare testimonio Aristotelis, & D. Thom. adversus nostram sententiam, quia licet alimentum tangat organum, & humiditate eum afficiat, hoc non est cum afficere ut gustabile, sed solum ut tangibile, quia non afficit illud per saporem in eo productum, sed per humiditatem non pertinentem per se ad gustum, sed ad tactum: quare nec potest gustum secundum propriam rationem gustus mouere, vel afficere, nisi per speciem intentionalem, ut probauimus.

Ad argumentum verò neganda est minor, quod sapor sit intimè praesens gustui per seipsum; quia non est per se intra ipsum ut probauimus. Vnde quamvis concedatur praesens loco, imò quamvis concederetur penetratus cum organo, & potentia, extrinseca prorsus est, verāque presentia, & quasi materialis, non intima, nec secundum esse gustabilis: quare non sufficit ut ita uniatur potentiae constituens cum ea unum principium intrinsecum sensationis, quam proinde unionem non potest habere secundum esse naturale, sed solum per speciem intentionalem sui productam in eadem potentia.

QVÆ

Q V Æ S T I O I I

*Quod sit organum, ac medium gustus.*

**D**Vo petit titulus quæstionis, videlicet quamnam sit illa <sup>23</sup>  
pars corporis, in qua residet potentia gustandi: hæc enim  
vocatur eius organum, atque etiam quodnam sit medium per  
quod sapor, vel species eius ad eandem potentiam pervenit.  
Vt autem utrumque explicemus, adnotare oportet à cerebro  
usque ad linguam derivari duos nervos, qui per mediam lin-  
guam pergentes minores alios, aut quasi ramusculos ad utram-  
que partem linguæ, imò ad palatum usque spargunt; hos ner-  
vos tegit caro quædam rara, spongiosa, atque porosa meatibus  
plena, ut per eam possint sapores, vel earum species facile  
ad nervos pervenire. Per hos igitur nervos, ac ramusculos eo-  
rum tanquam per organum extensam esse potentiam gustandi  
docet Aristotel. 1. lib. de historia animal. cap. 11. & 2. lib. de par-  
tibus animal. cap. 12. qui consentiunt omnes tam philosophi,  
quam Medici, Galen. libro de usu partium capit. 2. Vesali. lib. 2. <sup>24</sup>  
de fabrica capit. 19. Avicenna lib. 12. de animalibus capit. 12.  
Valesc. 2. lib. controuers. medic. capit. 24. Plinius libr. 11. natura-  
lis historię capit. 35. Lactan. lib. de opificio Dei cap. 10. Com-  
ment. 1. collectan. cap. 3. Albert. Magn. in 2. parte Summæ de  
homine quæst. 2. de gustu citans Gregor. Nyssen. Toletus, Co-  
nimb. & cæteri omnes interpretes huius capituli, & ex sanctis  
Patribus D. August. lib. 2. de verbis Domini. D. Damasc. 2. lib. de  
fide cap. 18. D. Nemes. in libr. de natura hominis cap. 9. qui ean-  
dem potentiam ad palatum quoque extendunt, & meritò, nam  
& ramusculi nervorum ad ipsum quoque aliqua ex parte ex-  
tenduntur. Vnde cæteri omnes in hoc etiam consentiunt. Imò  
Aristoteles ipse 4. lib. de partibus animalium cap. 11. etiam ad  
gulam eam extendit hisce verbis. *Esculentorum enim voluptas in  
descendendo consistit. Dum enim deglutimus pingua sentimus &  
salsa & dulcia, & reliqua generis eiusdem & omnium ferè condimen-  
torum, esculentorumque in deuorando gula tactione suauitas existit &  
gratia.* Sed in quamnam parte linguæ præcipuè vigeat sensus iste?

Respondeo cum Aristotele, 1. lib. de historia animal. cap. 11.  
& omnibus ferè interpretibus huius loci, hunc sensum magis vi- <sup>25</sup>  
gere in cuspide linguæ, & ita tenendum est, quia experientia, &  
ratione comprobari potest: experientia quidem; nam lapso  
cibus ad linguæ radicem ob cuspidem eius retrahimus ut perfe-  
ctius saporem eorū percipiamus. Ratione verò quia ea pars lin-  
guæ mollior est, & nervi quoque (licet minores) absque dubio  
molliores, ac propterea ad percipiendos sapores magis idonei.

Vnum tantum adnotare oportet, quod Aristotel. in libr. de <sup>26</sup>

sensu;& sensib.cap.2.& 2.lib.de partibus animal.cap.10.ponit organo omnium sensuum,& præcipue gustus,& tactus in corde, sed in eo apud ipsum intelligi debet tanquam in principio, ac radice, non tanquam in proprio, proximoque subiecto, quod organum vocamus, & ideo organa singulorum his quinque atque etiam aliis locis citatis distinxit, & in diuersis partibus corporis collocavit.

Et ex his constat, quodnam sit medium gustus, nam medio quidem externo caret, quod in tribus prioribus sensibus est aer, & aqua, & hoc solum asseruit Aristoteles, quo non obscure significauit habere medium internum: nam si hoc etiam caret, absolute profertur non habere medium, habet igitur internum, nempe spongiosam illam, atque porosam carnem, qua tegitur, & per quam sapor, vel eorum species ad eum perueniunt, & ita sentiunt omnes citati auctores.

### Q V Æ S T I O I I I.

*An sensus gustus distinguatur à sensu tactus.*

- 27 **P**rima opinio negat gustum distingui à sensu tactus. Ita Venetus cap. præsentis, & videtur cum eo sentire Ægidius in expositione textus 103. ejusdem capituli. Ponit itaque hæc sententia sensum tactus esse dispersum per totum corpus, sed in lingua habere specialem quandam actum circa cibo, gustando sapor, eorum, qui actus non est aliud, quam tali modo eos tangere, ut per talem contactum percipiatur sapor eorum, Hunc verò actum specialem habet in parte illa corporis determinata, & non in reliquis propter speciales dispositiones in ea sola existentes; & non in aliis. Et huius exemplum habetur in anima, quæ licet sit vna specie, & numero in toto corpore, habet tamen diuersas potentias, & operationes in quibusdam, & non in aliis, ut in oculis potentiam visiuam & actum videntis.
- 28 di. Ita ergo idem sensus tactus secundum speciem, & numerum reperitur in toto corpore, & partibus eius, sed non eodem modo, nec ita perfecte operatur in omnibus, sed iuxta dispositiones earum, quare in lingua perfectiores habente dispositiones, perfectiorem habet actum, quo tangendo cibum simul percipit sapor, eius, & ex hoc actu perfectissimo sensus tactus denominatur gustus. Itaque quo ad essentialia negat hæc sententia distingui gustum à tactu, sed solum ponit diuersum ab eo per quandam connotationem talium dispositionum in organo, & talis perfectionis accidentalis in operatione. Fundatur verò in quibusdam testimoniis Aristotelis: nam duo protulit de sensu gustus cap. præsentis, nempe, quod sit tactus quidam,

Quidam, loquitur autem formaliter, & nō inaterialiter tantum, quia distinctio, aut identitas formalis potentiarum ex obiecto sumitur ab eodem Aristotele: sed in obiecto conuenire docet: cum assermet non posse gustum percipere vllum saporem, nisi percepta humiditate, de qua constat esse qualitatem tangibilem, ergo sentit habere idem obiectum, quod expressè protulit dicens: *Gustabile esse quoddam tangibile*, & ideò esse eandem potentiam essentialem; quare formalis est prædicta locutio eius. Videlicet, *Gustus est quidam tactus*.

Secunda opinio communis & vera est omnium interpretum <sup>29</sup> Aristotelis, qui cum eo tenent *gustum, & tactum esse duos sensus specie distinctos, non minus quam tres alios, quamuis in quibusdam assimilantur*. Et de Aristotele certissimum est cap. sequenti, & 3. lib. de anima capit. 1. Et 3. libr. de histor. animal. capit. 8. quibus locis expressis, ac propriis nominibus enumerat hos duos sensus tanquam distinctos sicut cæteros tres, asserens quinque enumerari externos sensus, interpretes verò omnes cap. præsentis, & sequenti expressè id sentiunt, ita vt nemo vnquam de hoc dubitauerit; quamquam similitudines oppositæ pro alia sententia aliqualem appatentiam identitatis indicent. Et primam rationem pro hac sententia, contra illam desumo ex his verbis Aristotelis cap. sequenti textu 112. *Omnia enim tangibilia sentis secundum eandem partem, & saporem, si igitur, & alia caro sensires saporem, videretur vnus, & idem sensus, gustus, & tactus, nunc autem duo propter quod non conuertitur*. Quibus asserit organa horum sensuum ita se habere, vt lingua sit adæquatum gustus, quia in illa & nulla alia parte corporis residet, sed inadæquatum tactus, quia non solum in lingua reperitur, sed in cæteris partibus corporis: ex quo ita arguo. Potentiæ sensitiuæ specie distinctæ postulant distincta organa prout congruunt modis earum operandi distinctis, sed gustus, & tactus, habent distincta organa, cum organum tactus sit in toto corpore, & singulis partibus eius, gustus verò in sola lingua: ergo sunt distinctæ potentiæ. Nec soluitur arg. dum dicitur idem esse organum tactus per totum corpus dispersum habens tamen in diuersis partibus dispositiones diuersas, quia perfectiùs exercet propriam operationem per vnā partem, quàm per alteram, & ideò perfectiores in ea parte dispositiones postulat, vt linguam per quam sic quædam tangit, vt non solum humiditatem eorum, sed saporem etiam percipiat, ex quo non debet lingua censeri organum distinctum à cæteris partibus, nec distinctæ potentiæ, sed solum distincta pars, atque perfectior totius adæquati organi, in quo residet tactus. Nam adhuc lingua potest habere suam operationem tactus sine operatione gustus, <sup>30</sup> <sup>31</sup>

gustus, ut si quispiam aquam purè elementarem bibat nullum saporem habentem, sentiet per tactum humiditatem, & frigiditatem eius, nullam habens sensationem saporis, nec gustus: ergo adhuc in parte illa, in qua concurrunt sensatio tangendi, & gustandi, sunt separabiles, atque distinctæ: ergo potètiæ istæ distinctæ sunt, siquidem vna operatur nō operante alia. Secundò, quia diuersa obiecta habentia diuersum modum immutandi distinguunt diuersas potètiæ (ut superius ostendimus) & ideò potètiæ distinguuntur per obiecta diuerso modo immutabilia, sed euidentius est diuerso modo immutare saporem à primis qualitatibus tangibilibus, quæ sunt obiecta tactus: ergo distinguit potentiam gustandi à potètia tangendi. Probatur minor, quia sapor immutat potentiam gustus secundum distinctam proportionem, ac immutant qualitates tangibiles, de quibus euidentius est immutare linguam, in qua est gustus, nullam efficientes sensationem gustus, & efficientes sensationem tactus: ergo distinguunt tactum à gustu.

- 33 Pro solutione argum. distingui debet triplex acceptio tactus, communissima quidem, prout tantum dicit simultatè corporum per extrema indiuisibilia, quo pacto definitur ab Aristot. §. lib. physicorum asserente corpora illa tangere, quorum vltima sunt simul. Secunda est magis propria pro contactu potètiæ vitalis necessariò ad percipiendum obiectum proprium, in qua quidem conuenit gustus cum tactu. Tertia strictissima est pro contactu potètiæ vitalis solas qualitates tangibiles, ut tales percipientis, & hæc est sensus tactus distinctus à gustu. Et iuxta easdem acceptiones sumi potest tangibile, ut consideranti patet.

- 34 Qua distinctione præsupposita ad formam argumenti negandum est antecedens, quod gustus, & tactus conueniant in organo, & obiecto, sed in utroque planè distingui efficaciter probatum est. Quod verò neuter indigeat medio externo, nihil refert ad identitatem eorum; sicut nec refert, quod tres alij sensus indigeant eodem medio externo, ut non censeantur distincti. Quod verò asseruit Arist. gustum esse quendam tactum, & gustabile quoddam tangibile iuxta secundam acceptionem tactus, & tangibilis intelligitur. Et cum quæritur, an sint propositiones per se, vel solum per accidens, sicut hæc, *album est dulce*. Respondeo esse per se, quia saltem necessitate, ac perfectitate naturali præsupponit gustus tactum, & gustabile tangibile, quod nō habent album, & dulce. Sed ex hoc non probatur, quod tactus in tertia acceptione, ac propriissima pro sensu solum percipiente qualitates tangibiles prædicetur de gustu, sed talis prædicatio sic enuntiata, *sensus gustus est sensus tactus* falsa est, ac disputata, sicut hæc *sensus visus est sensus tactus*.

## CAPVT XI.

*De tactu, tangibilibus, ac medio.*

## TEXTVS ARISTOTELIS.

*De tangibili autem, & tactu eadem ratio, &c.*

## Breuis expositio textus.

**V**Ltimo loco sensum tactus proponit Aristoteles explicandum, quia materialior est cæteris, & ideo imperfectior. 35  
Eius verò doctrinam quasi promiscuam, & minùs ordinatam tradit, & propterea vt melius intelligi possit, eam ordine tantisper inuerso explicabimus. Tortu igitur caput quatuor cõtinet dubia, & eorum solutiones; & ideo in quatuor partes possumus illud diuidere ita vt in singulis singula proponat, & soluat dubia.

Primum dubium proponit circa vnitatem, vel pluralitatem tactus, videlicet, an sit vnus, vel plures sensus; & primò contendit probare, quod non sit vnus, sed multiplex tactus, hoc argum. vnus sensus vnus est contrarietatis, vt vnus visus albi, & nigri, sed tactus versatur circa plures contrarietates; nempe calidi, & frigidi, humidi, & siccij; ergo multiplex erit. Et si respondeatur, ait quemuis alium sensum circa plures contrarietates versati, nec tamen ideo esse plures. Respõdet versari quidem circa plures, sed omnes conuenire sub vna ratione comuni, à qua vnitatem capit sensus; talis verò ratio communis non datur in 36  
tactu, sub qua conueniant omnes contrarietates, circa quas versatur, & ideo non posse habere vnitatem. Sed decepti putamus vnum esse: cum multiplex sit, & causam deceptionis esse affirmat medium, quod nobis est naturaliter coniunctum, nempe caro, quæ eum eadem sit in omnibus partibus, per quas tangimus, videtur nobis eundem esse tactum in omnibus: sed hoc non obstante distinctus est, quia etiam si connaturalis, nobisque coniunctus foret aër, sicut modo est caro; distincti forent visus, auditus, & olfactus, per eum tanquam per idem medium operantes, & solum ex nostra deceptione proueniret persuasio, quod essent vnus: ergò etiam si eadem sit caro nobis 37  
connaturalis, distincti sunt tactus in nobis, licet decepti iudicemus esse eundem. Quod probat etiam exemplo gustus qui simul reperitur in eadem lingua cum tactu, sed quia tactus extenditur ad cæteras partes corporis, distinctus iudicatur sensus ab eo, sed si gustus etiam ad omnes extenderetur, decepti putaremus eundem esse sensum, gustum, & tactum; cum tamen adhuc eos distingueret diuersitas obiectorum, nempe gustabilis, & tangibilis: sufficit ergo diuersitas obiectiua, quam faciunt diuersæ contrarietates qualitatum tangibilium, vt distincti sint sensus

sensus tactus, quamvis in toto ipso corpore reperiatur vterque.

- 38 In secunda proponit aliud dubium, an sit aliquod medium externum in tactu, sicut in visu, & auditu, vel internum tantum: & probat dari præsupponens tria. Primum, quod omne corpus habet profunditatem. Secundum quod duo corpora non se tangunt, si aliquod tertium sit inter ea medium, ut si inter manum, & lapideum sit medius aër. Tertium omne humidum, vel humectatum esse corpus. Quibus suppositis sic arguit; si unum corpus tangatur ab alio in aqua, humectatur ab illa: ergo mediat inter corpus. Quare licet se tangere videantur, non se tangunt. Et multò minus si tangant se in aëre; nam semper erit medius aër, licet ob subtilitatem non percipiatur: & dubium hoc insolutum videtur relinquere.

- 39 Tertium dubium est, an sensationes omnium quinque sensuum similes sint in eo, quod per medium externum fiant omnes. Cui respondet omnes quidem per medium externum fieri, quamvis diuersa ratione, discrimē ait in duobus esse positum; in priori quidem, quia tres priores sensus, nempe visus, auditus, & olfactus percipiunt obiectum per medium externum maximum. Gustus verò, & tactus per medium externum breue; & propterea decipimur existimantes non habere medium externum illud non percipientes, cum tamen in cæteris ob magnitudinem percipiatur. Secundum discrimen est, quod obiecta trium priorum sensuum prius immutant medium, quàm potentiam: quare medium prius patitur ab obiecto, quàm agat in potentiam; in tactu vero simul patitur potentia ab obiecto, & medio, & huius exemplum assignat in eo, qui habet clypeum capiti superpositum, & percutitur ab alio: tunc enim non prius patitur medium, quàm potentia: sed simul patitur potentia ab utroque, nempe ab obiecto, & medio, videlicet à manu, & clypeo.

- 40 Vltimum dubium secundo loco propositum ab Aristotele, sed in vltima parte capitis solutum est, an caro ista exterior sit organum, seu sensorium tactus, vel aliquid sub ea latens, ut nequius, vel quid simile. Cui respondet carnem non esse sensorium: sed medium, sicut aër, vel aqua est medium visus, vel auditus, licet non sit externum discontinuatum ab organo, sicut aër à visu, quod probat hoc argumento: Sensibile positum supra sensorium non sentitur; ut in visu: si color supra oculum ponatur, non videbitur: sed tangibili posito supra carnem sentitur; ergo caro non est sensorium tactus. Minor probatur experientia aëris, & aquæ: nam statim ac approximata
- 41 sunt carni, sentiuntur, quare aliquid sub carne latens, sensorium est, caro verò, non nisi medium.

Obiectum verò huius sensus sunt quatuor primæ qualitates element



elementorum, ut calor, frigus, humor, & siccitas; istæ enim dicuntur qualitates tangibiles, & quædam aliæ, quæ sequuntur permixtionem earum, ut durum, molle, asperum, lene, &c. Sensorium verò, seu organum eius erit pars illa corporis, quæ est in potentia ad has qualitates percipiendas, in potentia aut esse debere, & non in actu; quia sensorium quantum fieri potest debet esse denudatum à qualitatibus obiecti, ita ut eis non sit actuatum, quia si actu eas habeat, non poterit eas percipere: cum intus existens prohibeat extraneum. Ex quibus colligitur quod cum sensorium tactus non possit omnino denudari à qualitatibus tangibilibus quæ sunt obiecta eius, quia (cum mixtum sit) eis constare debet, prouida natura, sic res disposuit, ut eis constaret ad temperiem reductis, ut licet non possit eas recipere, vel sentire in gradu remissiori, in quo illas habet, sentiat saltem gradus intentiores earum. Gratia exempli, si sensorium tactus habet calorem ut duo, non poterit sentire obiectum calidum tantum ut duo, bene tamen quodcumque aliud intensius: cuius non percipiet totam latitudinem caloris quam habet: sed eum, vel eos gradus duntaxat, in quo excedit calorem sensorij, nempe totam intensiorem ultra duos gradus. Docet tandem ad obiectum tactus, non solum pertinere tangibile: sed etiam intangibile: sed illud per actum positivum percipi sensu, hoc verò solum per negationem: sed intangibile aut dupliciter dici, vel quia vehementes, ac nociuas tactui qualitates habet, aut quia habet adeò remissas, ut percipi à sensu non possit.


---

TRACTATUS DE SENSU TACTUS, VNITATE EIVS, SENSORIO, medio, ac modo, quo immutatur ab obiecto.

---

QVÆSTIO I.

*Quodnam sit organum tactus.*

 I R C A organum huius sensus illud necessario præmittendum censui, quod Aristoteles diuersis suæ doctrinæ locis contraria omnino docere videtur. Nam in lib. de sensu, & sensib. cap. 2. in lib. de iuuen. & senectute, cap. etiam 2. & 2. lib. de partibus anim. cap. 10. organum gustus, & tactus in corde collocat. Primo autem lib. de anima, textu 79. negat expressè vllum sensum esse in ossibus, & nervis, cæterisque partibus corporis nimis terrestribus. Et 1. lib. de historia animal. cap. 4. & 2. lib. 2. de partibus animal. cap. 1. & 5. expressè docet non solum nervos, aliâsque internas partes corporis esse sensorium tactus: sed etiam carnem. At cap. præsentis sub carne latere organum tactus

tactus docet, carnem verò medium quidem esse internum, non sensorium, sicut respectu sensus gustandi. Ex quibus occasione sumpserunt interpretes eius diuerso modo opinandi, qui iuxta hos tres modos loquendi in tres classes diuisi sunt.

Ad primam pertinent Themistius in sua paraphrasi, cap. 39. & 40. & Simplicius 2. lib. de anima ad textum 116. qui propter priora testimonia affirmant tactum sedem habere in corde tanquam in proprio subiecto, & organo.

Alij verò in neruis, qui carne obteguntur, carnem verò esse medium tactus internum, vt Aristoteles, cap. præsentis sentire videtur; & ita sentiunt Com. 2. lib. de anima, comm. 16. Galen. 1. lib. de vsu partium, cap. 16. & 18. lib. 5. cap. 9. & lib. 12. cap. 2. atque etiam lib. 2. de temper. Fernel. in lib. de facultate animæ, cap. 6. Vesal. lib. 6. cap. 17. Albert. Mag. 2. lib. de anima tract. 3. cap. 31. & 34. Concil. diff. 42. atque etiam Ægidius cap. præsentis ad textum 108. dub. 2. Iandu. quæst. 29. Scorus quæst. 29.

3 idem videtur sentire D. Thom. lect. 22. huius lib. Probatur duplici argum. eiusdem Arist. cap. præsentis. Primò, quia sensibili posito supra organum non fit sensatio, vt patet in cæteris sensibus: sed posito tangibili quocumque supra carnem statim illud sentimus; ergo caro non est organum tactus: sed medium, per quod nerui, & cæteræ partes sub carne latentes sentiunt. Secundò, quia si caro esset sensorium, maximè, quia statim approximato ad illam sensibili, sequitur sensatio: sed hæc ratio id non probat; ergo non est ponenda caro pro organo. Minorem sic probat, si digito superponamus subtilissimam quandam pelliculam, & ei admoecamus tangibile aliquod, non minùs sequeretur statim sensatio eius; quam si proximè circa carnem poneretur, & tamen ex hoc non sequitur, quod pellicula illa sit sensorium, sed medium dumtaxat internum: ergo nec probatur, quod caro sit sensorium: sed medium internum.

Tertia opinio opposita est: nam tenet non solum neruos, & alias partes internas carne obiectas esse organum tactus: sed carnem ipsam, imò & pelliculā ei, qua statim sentit sensibile sibi approximatum. Ita Comment. in lib. de sensu, & sensib. cap. 2. & lib. 2. Collectaneorum, cap. 8. & 3. quibus locis præcedentem sententiam, quam alio loco tenuerat retractauit. Alexand. 2. lib. de anima, cap. de contractu: Philop. ibidem ad textum 116. Aui-cenna 6. natural. part. 2. cap. 3. Fernel. lib. 5. physiol. cap. 3. Simon Portius lib. de dolore, cap. 10. Toletus, quæst. 3. huius lib. Conimb. quæst. 1. huius cap. art. 1. & omnes recentiores interpretes. Ita vt iam sit ferè communis in schola, quam D. Thom. tenet expressè opusc. 43. c. 3. vbi carnē affirmat simul esse organum, & mediū diuersa ratione. Hæc igitur tertia opinio videtur nobis

nobis probabilior, in hoc tamen sensu accepta, quod sensorium tactus sic est caro, ut etiam nervi, & reliquæ partes internæ.

Probatum primò, experientia, de nervis quidem quia in eis sentitur dolor ex intemperie primarum qualitarum, excisione, aut diuisione, sentiunt quoque dolorem, si pungantur: sed dolor non potest dari sine sensatione tactus, alioqui daretur in ligno, vel lapide, ergò sensatio tactus exercetur per nervos tanquam per organum, vel instrumentum tactionis. Quod verò à quibusdam excogitatur nervos sentire dolorem solum per coniunctionem cum carne, friuolum est, cum non sit minus evidens, quòd etiam si carne omninò nudentur, sentiant dolorem. Evidens quoque experientia docet, plus doloris sentiri in carne nervosa, hoc est, nervis inserta, vel coniuncta, quàm in quavis alia, ut experimur, atque fatemur omnes: sed hoc non esset possibile, nisi nervi essent per se doloris capaces; ergò non potest hoc eis denegari. De carne verò probatur quoque evidenti experientia: nam si approximetur ei calida, vel frigida, sentit ipsa, imò, & cutis, quæ est quasi principium eius, atque etiam si pungatur, vel diuidatur, sentit dolorem, aut etiam voluptatem, si ei applicentur tangibilia sibi ex proprio temperamento convenientia, ergò residet in ea sensus tactus. Nec sentit caro ratione nervorum, quibus coniungitur (ut quidam sine fundamento asserunt) sed ratione sui, quia in multis partibus corporis datur caro distans à nervis, cum sit diuisibilis; & si ibidem pungatur, vel diuidatur sentietur dolor. Et tandem aliæ sunt partes corporis, de quibus ex usu anatomicæ artis duo constant euidenter. Primum quod nervis careant, ut pulmo, & cor. Secundum, quòd dolorem sentiant si pungantur, aut diuidantur, ergò falsum est, quod solum per nervos, vel coniunctionem cum eis fiat in carne sensatio tactus.

Ad primum argumentum neganda est illa propositio vniuersalis, quod sensibili posito supra sensorium non fiat sensatio: nam licet in visu sit vera propter maximam perfectionem eius, & fortè etiam in auditu, in cæteris verò præsertim in tactu vera esse non potest, quia natura eius postulat, ut obiectum per se contingat organum, idem enim significat vocabulum tactus, quod contactus: constat verò illa se tangere apud Aristot. 5. lib. physic. quorum vltima sunt simul.

Ad secundum distinguenda est vniuersalis illa propositio, videlicet si caro esset sensorium, maximè quia applicato ad eam sensibili, statim sensatio sequitur, non enim propterea organum est caro, quia statim sequatur sensatio: sed quia statim in ea fit, ut probatum est. Applicato verò tangibili ad pellieulam carni superpositam fit quidem statim sensatio, non tamen in

ea, sicut fit in cute, & carne : sed in his eadem pellicula media : sed adhuc non necessario requisita tanquam medium : sed per accidens omnino, quia eodem modo, imo longè melius fiet sensation in cute, & carne sine illa.

30 Ad Aristotelem verò dicendum sentio, in prioribus testimoniis, in quibus tactum posuit in carne expressius fuisse loquutum, & per modum definitientis, vel determinantis : capite verò præsentem per modum dubitantis, idè in utramque partem proposuit argumenta, nec videtur vnā potius, quā alteram partem determinare : quare priori, & absolutæ determinationi standum est : dum verò in corde esse affirmat gustum, & tactum, & aliquando vniuersaliter omnes sensus, non de organo eorum formali, & proximo, in quo resident, & per quod proximè operantur intelligit : sed sensus eius est, quod primam sedem, & quasi radicem habeant, ab eoque originem ducant, quemadmodum alij sentiunt à cerebro originem ducere, quamuis respectu solius sensus tactus pars etiam sit formalis organi eius, sicut reliquæ partes corporis, per quas sensus iste dispersus est, quare nec testimonia illa vllò modo contraria sunt aliis, in quibus organum gustus, & tactus ponit Aristoteles ipse in carne, vel in neruis.

31 Sed circa neruos (quibus in 1. lib. de anima, text. 79. videtur omnem vim sentiendi denegare propter speciale temperamentum eorum, in quo prædominatur terria, & propterea terrestres nimis ac inepti videntur ad sensationum opera,) duo sunt consideranda. Primum non esse ita terrestres, & siccos ac ossa, nec etiam ita duros, vt experientia est satis manifestum : sed temperamentum magis humidum participare, quamuis sicco prædominante. Præterea satis probabile esse carne nutriri, cui non solum magis sunt coniuncti, quā ossa : sed quasi ei permixti in multis partibus corporis, nec videntur habere sicut ossa proprium alimentum per determinatas vias eis subministratum. Aliud etiam considerari debet circa illos, quod benè Tolet. adnotauit ; videlicet quod etsi ex temperamento innato, aut sibi proprio terrestres sint, & idè sicciore, ac frigidiore : sed ex temperamento influxo, hoc est, ex participatione spirituum, & carne calefiunt, & humectantur ; & idè aptiores fiunt ad sensationes, possuntque organum tactus fieri, licet non possint id habere ossa. Vnde non negauit neruis omnino sensum Aristot. loco citato : sed solum sensum perfectum, idque considerato tantum temperamento eorum naturali ; perficiuntur verò per temperamentum influxum. Et vtriusque rationem cap. præsentem non obscure significauit esse organum tactus, & euidenti experientia probatum est eos sentire.

Ossa verò sicciiora, ac frigidiora sunt propter maiorem participationem terræ, nec iuuantur temperamento influxo; & propterea omnino videtur eis denegare sensum. Vnde nec alicubi significat eum habere; quamuis aliis videatur quodlibet temperamentum sufficere ad operationem tactus, & ideo aliqualem habere tactum nimis imperfectum, & eodem modo esse organum eius, Aristotelémque solùm eis denegare sensum perfectum; ego verò primum tanquam probabilius magisque de mente Arist. teneo, quod sequuntur medici ferè omnes.

Q V Æ S T I O I I.

*An sensus tactus habere medium externum, vel saltem internum.*

**D**Vplex medium distinguit titulus quæstionis, internum, & externum; internum est pars eiudem rei sentientis sibi vnita, & secum continuata, vt caro, qua contegitur neruus linguæ, dicitur medium internum gustus. Medium verò externum est corpus aliud distinctum à sentiente vt aër, vel aqua respectu visus, vel auditus: qua distinctione præsupposita, quærit, an sicut visus habet medium externum, ita etiam tactus illud habeat, vel saltem sicut gustus habet internum, ita & tactus.

Et prima opinio affirmat tactum per se, & ideo semper indigere medio externo ad sentiendum. Ita Gom. 2. lib. de anima; com. 115. quem videntur sequi Ægidius ad text. 113. eiudem lib. & Iandu, q. 28. Probatur testimonio Aristotelis, cap. præ-senti, textu 113. vbi docet expressè non posse corpora dura se tangere in aqua, vel in aëre, quin aqua ipsa, vel aër sit medius, aqua necessario humectari debent, & ideo mediam inter se, habere humiditatem, & consequenter aërem, vel aquam, in quibus est; ergo nullum tangibile potest tangere sine medio externo sensorium tactus. Textu verò 114. vniuersaliter docet tam dura, quàm mollia sentiri à nobis per medium externum sicut visibile, & audibile, sed hoc solùm esse discriminis, quod sensus illi priores sentiunt propria objecta à longe, & ideo per medium magnum, tactus verò non sentit tangibile, nisi propè sit positum, & ideo per paruum mediũ, & ferè imperceptibile; & propterea decipiuntur facilè multi iudicantes tactum sine medio externo sentire. Quibus ita contingit, ac nobis contingeret, si digito superposita subtilissima pellicula, & tangibili super eam iudicaretur illum sentiri à tactu sine medio externo, quia talem pelliculam mediam ob nimiam subtilitatem non percipimus; deciperemur namque falsum ferentes iudiciũ. Ita ergo decipimur circa tactum quorũcunque corporũ putãtes absque vilo medio externo fieri, quia paruum sit ac subtilissimum

[35] illud non percipientes iudicamus non esse. Probat verò ratione communi; quia si corpora sint dura, non possunt immediatè tangi, quia habent quasdam partes supereminentes aliis, inter quas & sensoriū tactus necessariò debet esse aliud corpus medium vt aër, vel aqua: si verò sint mollia, vt liquida, nempe aër & aqua, possent immediatè contingere organum, sed ex alia parte sunt cōnaturalia loca eius, sed certum est quod locus naturalis non agit in locatum, alioqui illud conaretur destruere, quod tamen potius conseruat; quare non possunt agere per se immediatè in sensorium, nec illud immutare.

Secunda opinio distinguit tãgibilia solida, ac dura, & mollia, aut liquida, vt aquam, & aërem, & ad sentiendum illa semper tactum postulate medium externum affirmat, quasi per accidens, propter eorum inæqualitatem. Ad sentiendum verò liquida non indigere medio externo, sed sine illo posse ea sentire, sed neque hæc, neque illa sentire posse, sine medio interno, quod est cato. Hanc sententiam quantum ad necessitatem mediij interni videntur mihi tenere omnes illi auctores, qui questione præcedente negarunt carnem esse sensorium tactus, simul enim dixerunt esse medium internum, quia sine medio interno existimant non posse tactum quicquam sentire. Videtur autem hæc sententia quantum ad medium internum pertinere expressa Aristotelis, c. præsentis text. 116. vbi sic loquitur. *Quare & manifestum est, quod intus sit tangibilis sensorium, sic enim utriusque accidet, quod quidem in aliis, apposita enim supra sensorium non sentiunt, super carnem autem apposita sentit; quare medium tactus caro.* Indicat verò rationem hanc; nullus sensus potest sentire suum obiectum supra organum positum, vt de visu patet, & auditu; ergo neque tactus poterit sentire tangibile positum supra organum, sed constat experientia illud sentire positum supra carnem; ergo cato non est organum, sed medium, & internum quidem: cum sit pars animalis sentientis cum eo continuata. Et hac eadem ratione vtuntur iidem auctores ad probandum hanc partem huius opinionis; nam prior alia de medio externo non indiget ratione alia præter dispositionem ipsorum corporum tangibilem; nam æquales habentia partes tangere possunt organum sine medio, vt aër, & aqua, habentia verò inæquales non possunt.

[37] Nostra sententia tribus assertionibus continetur. Prima sit, *per se loquendo non habet tactus medium externum, neque internum, sed sine utroque potest dura, & mollia, solida, & liquida tangere, ac sentire.* Ita Tol. q. 30. & 31. huius libri, Conimb. quæst. 3. huius cap. art. 3. & quotquot tenent carnem esse sensorium tactus. Atque etiam omnes ferè recentiores. Et probatur primò, non re-

quiri

quiri medium externum ad tangenda corpora solidâ , ac dura, quia corpora hæc non se tangunt in puncto , nec in alio indiuisibilis nam solum hoc potest esse verum de corpore sphericò tangente perfectè planum , aut de corporibus perfectè planis, cetera verò omnia plures partes planas habet, per quas possunt se tangere, vt euident experientia ostendit in lapidibus, signis, & aliis , sed ad rationem contactus requiritur , quod per eam partem, per quam sit, nihil sit medium inter corpora se tangentia, quia vltima eorum simul esse debent, vt docuit Arist. 5. lib. physic. & ipsamet corpora debent esse contigua , ergo corpora dura, & solida sine vilo corpore medio possunt se tangere, & consequenter ex hac parte poterunt sentiri per tactum , sine vilo medio externo. Probatum deinde, quod mollia, vel liquida possint tangi sine medio externo ; nam corpus solidum potest circumscribi ab aqua, & aëre, dum circumscriptum est aqua in profundo eius, nullum corpus medium esse potest inter vltimâ superficiem aquæ , & vltimam superficiem eiusdem corporis solidi, præter aliam aquam , cum in profundo aquæ , nec aër sit, nec aliud corpus, quod medium esse possit: ergo tangit corpus illud aquam sine vilo medio externo sine quo sentietur. 19

Probatum tandem , quod sine medio etiam interno per se loquendo sentiamus. Ex dictis , & probatis in quæstione præcedenti, videlicet cutem, & carnem esse sensorium tactus. Ex quò ita arguo; corpora solida, & dura, atque etiam liquida, in quibus constat esse qualitates tangibiles , tangunt sine vilo medio externo, vel interno cutem, & carnem, in quibus residet tactus tanquam in organo : ergo causant sensationem tactus, quare nullum medium internum, vel externum postulat per se sensus iste.

Secunda assertio, per accidens contingit tactum habere medium externum, & hoc non semper, sed aliquando. Probatum hæc corporibus duris, quæ licet aliqua ex parte possint se tangere sine medio externo: plures habet partes inæquales, quarum alix super eminent aliis , ideò non potest per has partes sine medio aëre, vel aqua vnum tangere aliud, & consequenter nec potest tangi sine medio externo ab organo tactus. Quod verò hoc non sit per se, sed per accidens, Probatum, quia non prouenit ex parte sensorij, sed ex sola inæqualitate tangibilis per accidens se habentis ad sensationem. 20

Assertio vltima, sensus tactus per accidens, & quasi materialiter etiam habent medium internum, quæ sic declaranda sunt, & probanda est. Qualitates tangibiles primò mouent partes externas animalis, internas verò sub eis degentes nō mouent, nisi mouendo eas, à quibus reguntur : ergo istæ quasi medium sunt, per quod mouetur alia. Gratia exempli, tangibilia omnia ptiâ

- 21 mouent cutem, & carnem, quas vocamus partes animalis externas, & his mediis mouent neruos, & alias partes ab eis connectas. Ex quo habetur, quod cutis, & caro sint media ad mouendum alias. Quamuis sensoria quoque sint & verè sentiant; non minùs, quàm partes aliæ, quorum respectu media vocari possunt solum per accidens, & quasi ratione materiali, in quantum simul ac ipsæ sentiunt, quasi pro vehiculo deferuiunt aliis deferendo eis eadem tangibilia, vel species eorum.

Quod hac etiam ratione efficaciter ostendi potest; nam si nerui denudentur omninò à carne, & applicetur eis aliquod tangibile, absque dubio sentient: cum in se habeant potentiam, quæ mouetur à proprio obiecto sibi approximato, & tamen sine medio interno hoc fit: ergo medium internum non est per se necessarium ad sensationem tactus.

- 22 Ad illa testimonia Aristotelis à Cominentatore opposita, in quibus agit de medio externo tactus, Respondeo, nihil de hac re determinare, sed per modum dubitantis loqui obiiciendo ad utramque partem; ideo non potest ex verbis eius desumi argument. ad probandum hanc, vel illam esse eius mentem. Quemadmodum de medio interno dubitanter etiam loqui videtur, dum ait carnem non esse sensorium, sed medium: cum tamen aliis in locis superiùs à nobis citatis expressis verbis decernat carnem esse sensorium tactus. Et exemplum illud de pellicula digito superposita ostendit Aristoteli non sentire, quod tactus per se habeat medium externum, sed per accidens, & non semper: cum sensatio illa tactus media pellicula facta posset fieri sine illa, vel alio medio externo, ut per se est, & existit, quia si cutis, & caro sentiunt frigiditatem, eis applicatam per medium pelliculam, meliùs eam sentient applicata sine medio.

- 23 Ad rationem verò eius respondeo, falsum omninò esse antecedens, quod corpora dura non possint in aqua, vel aëre immediatè se tangere; nam licet non possint omni ex parte, sed aliqua & aliquibus deesse, euidens est, & à nobis efficaciter probatum. Et quod Aristoteles in contrarium videtur asserere per modum dubitantis, & non decernentis accipiendum est, ut modus loquendi eius ostendit. Et magis falsum est, quod corpus circumscribens & alterum tanquam locum eius, non possit in ipsum agere, & his patet expositum esse testimonium Aristotelis oppositum pro secunda sententia, & solutam rationem ex eo deductam.

Argumentum verò, quo eadem opinio vitur contra primam ad probandum quod tactus non habeat medium externum per se, sed per accidens, nec semper, sed aliquando, non est à nobis soluendum, cum sit potius in fauorem secundæ assertionis nostræ.

QVÆS



## QVÆSTIO III.

*An qualitates tangibiles immutent tactum secundum esse reale, vel per species intentionales, aut necessario utroque modo.*

**P**Rima opinio negat omnino species intentionales in tactu, & solum immutari existimat ad obiecto immutatione reali, & naturali, & per hanc sentiri ab eo; nam & qualitates tangibiles duplices sunt, actiue quædam, quæ similes alias in passio producant, quales sunt primæ qualitates elementorum. Aliæ sunt non actiue ut secundæ, quæ ex earum permixtione fiunt, ut durities, mollities, & similes. Et actiuas quidam senti-ri docet per alias similes in organo productas, ut calor ignis per calorem, quem producit in manu, ita quidem, ut uterque sentiatur, sed extra existens per productum à se in organo, cæ-  
 teras verò non actiuas per immediatam coniunctionem, & contiguitatem cum eodem organo absque alia sibi simili producta in eo, atque etiam specie intentionali. Ita sentiunt Toletus 3. lib. de anima q. 2. & Vales. 2. lib. controu. med. cap. penul. Probat-ur primò, quia unio obiecti cum potentia per speciem inten-tionalem, sufficit, ut per eam concutatur cum potentia ad sui sensationem; sed perfectius vnitur tactui calor existens in igne ei approximato per aliud calorem sibi simile productum in orga-no, cum iste sit longè perfectior specie: ergò sentietur per illum: quare non erit necessaria species. Secundo quia aliquod animal si poneretur diuina virtute propè solem ei contiguum, absque dubio calefieret à sole, & calorem sentiret, non quidem in sole existentem, quia sol, nullum habet calorem formalem: ergò sen-ri-ret calorem in se productum à sole, & non per speciem, quia species producitur ad vniendum obiectum cum potentia, sed calor ille per se est ei vnitus, & vnione longè perfectiori: ergò superflua saltem erit species, quod sufficit ut sit naturaliter impossibilis, & sensatio tactus fiat per solam immutationem naturalem sine intentionali. Et vrgeo arg. in eodè casu, quia animali illo tangenti solem posset Deus suspendere quodcumque productione speciei intentionalis, quæ fingi potest, & conseruando idè animal iux-ta solem concurrere cum eodem sole concursu sibi naturaliter debito ad calefaciendum corpus illud medio lumine, sicut mo-dò nos calefacit: tum ergò, vel animal illud sentiret calorem, vel non dicere quod non sentiret, absurdum est, quia non po-terest negari, quin molestiam, atque dolorem ei inferet, qui sine sensatione tactus dari non possunt: ergò necessariò admitten-dum est, quod in eo casu haberet sensationem tactus sine spe-cie, quare frustra consinguntur species intentionales in tactu.

De qualitatibus verò non actiuis eodem ferè modo probatur, quia per se sunt contiguae organo:ergò possunt cum eo concurrere ad sensationem & ei vniri per modum vnus agentis ad eliciendam sensationem, sicut quælibet alia agentia naturalia per solum contactum possunt vniri per modum vnus agentis ad operandum, ac producendum proprios effectus: quare non erit necessaria species. Probatur tandem, quia si sensatio tactus fieret per speciem intentionalem, sequeretur non solum sentiri gradus intensiōis obiecti superantes eos quos organum in se habet, sed etiam inferiores, aduersus Aristotelem expressè tenentem oppositum cap. præsentis. Sed probatur consequentia, quia obiectum naturaliter producit species intentionales: ergò agit secundum totam suam virtutem, & secundum omnes gradus intensiōis, quare necessariò dicendum est producere species omnium graduum, & consequenter sentiri omnes, vel dari speciem in potentia productam, & non fieri sensationem, quod patet esse impossibile.

- 28 Secunda opinio affirmat vtramque immutationem naturalem, & intentionalem per species esse necessariam ad sensationem tactus. Ita sentiunt omnes ferè recentiores. Hanc autem immutationem naturalem sic videntur intelligere, vt per realem, & naturalem actionem agere obiectum in sensorium necessarium sit ad species in eo producendas, & quia secundæ qualitates tangibiles nō sūt actiue, excogitarūt plures necessariā esse quendam cōfricationem, vel quid simile, vt setiri possint.

- 29 Nostra sententia his assertionibus continetur. Prima sit, *ad sensationem tactus necessaria est immutatio per species intentionales ita vt sola naturalis, vel solus immediatus contactus obiecti non sufficiat ad sensationem.* Hanc tenet expressè D. Thom. 1. part. quæ. 78. artic. 3. his verbis. *Ad operationem sensus requiritur immutatio spiritalis per quam intentio forma sensibilis fiat in organo sensus, alioquin si sola immutatio naturalis sufficeret ad sentiendum, omnia corpora naturalia sentirent, dum alterantur.* Probatur expresso testimonio Aristot. 2. lib. de anima, ca. 12. text. 121 vbi sit ait. *Oportet autem vniuersaliter de omni sensu accipere quod sensus est id quod est susceptivum formarum sine materia, vt cera annuli sine ferro, & auro recipit signum. Similiter autem, & sensus vniuscuiusque, &c.* & expressius text. 123. & 124. & propter quid planta non sentiunt, cum habeant quandam partem animalem, & patiantur à tangibili, etenim expressus frigescunt, & calescunt, causa enim est non habere medietatem, neque huiusmodi principium, vt possint recipere formas sensibiles, sed pati cum materia. Probatur 1. ratione illa satis efficaci, qua hoc idem probauimus cap. præcedente de sensu gustus, quod non possit percipere obiectum per solum contactum

realem,

realem, & naturalem: sed necessaria sit ei species: est enim quantum ad hoc eadem prorsus ratio de gustu & tactu. Sed probatur alia ratione deducta ex duobus aliis principiis Arist. 6. c. huius lib. expressis. Primum est, quod omnis sensus sit potentia passiva, & patiatur ab obiecto, non passione propria, sed perfectiva, hoc est intentionali. Secundum est, quod potentia priusquam sentiat sit dissimilis obiecto, sed fiat similis ad elicendam sensationem simul cum eodem obiecto. Ex quibus ita arguo, potentia non patitur ab obiecto per solum contactum naturalem, quia nihil per hoc recipit, nec etiam per receptionem qualitatis naturalis in organo patitur passione impropria, sed sæpe propriissima, & corruptiva, sicut patitur lignum ab igne, ergo nec verum est esse potentiam passivam, nisi recipiat speciem intentionalem ab obiecto: tactus igitur eam debet recipere. Sed nec fit similis obiecto per solum contactum naturalem eius, quia similitudo unitus cum alio necessario debet fieri per aliquam formam informantem: sed nec fit similis per receptionem qualitatis in organo, quia hæc est similitudo in esse materiali, & naturali, quam habet lignum per calorem: similitudo verò, quam habere debet potentia cum obiecto, ut sit principium sensationis simul cum eo, debet esse in ratione principij sentiendi, & ideo in esse sensitiui, & cognoscitivi: seu sentire sit cognoscere, obiectum: esse autem cognoscitivum, est esse intentionale, ut per se patet: ergo debet fieri similis obiecto in esse intentionali, quod non potest habere, nisi per formam intentionalem, quæ est species obiecti, per quam debet necessario immutari ab obiecto tangibili, ut sit principium sensationis, eamque eliciat. 31

Secundo probatur in particulari, quod non possit sentiri qualitas tangibilis externa per aliam similem internam existentem, vel productam in organo, nam hoc est, quod videntur intendere autores primæ opinionis, quia si per illam sentiretur sine specie, sequeretur solum posse sentiri secundum eisdem gradus intensiōis, quos habet calor organi, & non secundum exuperantes: quare tactus nunquam sentiret excessus qualitatum tangibilium contra Aristotelem, & omnes ferè interpretes, & contra experientiam. Probatur consequentia, quia calor organi non potest concurrere ad sensationem qualitatis, quam habet. 32

Secunda assertio, *præter immutationem intentionalem necessario requiritur ad sensationem tactus immutatio aliqua naturalis, ita ut sine illa, nec intentionalis sufficiat, nec fieri possit naturaliter ab obiecto tangibili, nec proinde sensatio.* Hanc etiam expressam reperio apud D. Thom. in eodem artic. ad 4. his verbis distinguitur gustus à tactu, nam tactus immutatur naturali immutatione, & non solum spiritali quantum ad organum suum secundum 33

qualitatem, quæ ei propriè obicitur: gustus autem organum non immutatur de necessitate naturali, immutatione secundum qualitatem, quæ ei propriè obicitur, ut scilicet lingua fiat dulcis: vel amara, sed secundum præambulam qualitatem, in qua fundatur sapor, scilicet secundum humorem.

34 Et ratio insinuata à D. Thom. eisdem verbis efficaciter eam probat: quia sensus externi distinguuntur per diuersas rationes, quibus nati sunt immutari ab obiecto, sed specialis ratio per se immutatiua tactus à suo obiecto proprio, per quam distinguitur specie à cæteris sensibus, est per immutationem naturalem simul, atque intentionalem, qui nulli alteri sensui potest conuenire, ut facillè potest inductione probari: ergò nō potest suum obiectum percipere sine reali, ac naturali contactu simul cum intentionali. Quod hoc modo declarari potest, & corroborari simul, quia ut obiectū cuiuslibet sensus producat in eo speciem sui, per quam ab eo sentiatur, postulat conuenientem approximationem ad illū, maiorem, vel minorem iuxta naturam obiecti, & sensus: ac modū, quo ab eo immutatur, ut de visu, ac cæteris patet, sed cōueniens approximatio, quam sensus tactus, & operatio eius, (quæ tactio vocari potest) postulat ad immutationem intentionalem, est naturalis immutatio eiusdem obiecti: ergò hæc est præcisè necessaria, ut obiectum tangibile propriā speciem producat in organo, ita ut sicut visibile non potest producere speciem in visu, nisi disiunctum sit, ab eo, & mediū aliquod intercedat inter illud, potentiam, sic ex opposito obiectum tangibile non potest producere speciem sui in tactu, nisi immediatum ei sit, & reali contactu eum contingat.

35 Secundò probatur, quia tactus quilibet naturalium corporum, solum distinguitur à vitali in eo, quod naturalis solam cōiunctionem immediatam corporum naturalium dicit. Vitalis verò addit perceptionem, seu notitiam eius, à principio intrinseco vitalis potentie elicitā. Conuenit ergò iste cum illo in ratione naturali, & materiali coniunctionis naturalis corporum, quæ sit per realem, & naturalem contactum, & per obiecti tangibilis perceptionem à potentia vitali distinguitur; hæc igitur non potest fieri sine naturali, ac reali contactu obiecti tangibilis cum organo.

Assertio vltima, hæc immutatio naturalis per se requisita ad operationem tactus simul cum intentionali, non est alteratio naturalis organi, sed realis contactus obiecti tangibilis. Quam prius sic

36 declaro: dum calidum, vel frigidum immutat tactum, duo sunt in hac immutatione, videlicet, realis, & naturalis contactus vtriusque, & realis ac naturalis alteratio eiusdem organi, quæ sequitur eundem contactum, & non est aliud quàm

quàm realis calefactio, per quam realiter calefit ab eodem calido. Naturalis itaque contactus calidi necessarius est, ut producat speciem in organo, & fiat sensatio: non verò calefactio, sed hæc sequitur post factam sensationem, quæ quidem in instanti, quo tangitur organum fit: calefactio verò non nisi tempore sequenti. Naturalem igitur contactum necessariū esse dicimus ad producendam speciem, & eliciendam sensationem; non verò alterationem naturalem post factam sensationem subsecutam.

Sic autem explicatam assertionem probò primò; quia quod 37 est per se necessarium ad aliquam operationem, ita se habet ad illam, ut sine eo exerceri, vel fieri non possit: sed sine naturali alteratione organi fieri potest operatio tactus: ergò non est per se necessaria ad illam, sed per accidens ei coniuncta. Probatur minor in qualitatibus tangibilibus, non actiuis, quales sunt asperum, lene, durum, molle, & plures alix, quæ sine vlla alteratione reali organi sentiuntur per tactum: & si dicas non per se requiri alterationem naturalem organi ad tactum sub ratione eius vniuersali, sed sub particulari qualitatum actiuarum, quæ nec possunt producere speciem sui, nec sentiri à tactu, nisi 38 media alteratione naturali. Contra hoc est, quod non sunt efficientioris, aut maioris virtutis in ordine ad operationem tactus qualitates secundæ non actiuæ, quàm primæ & actiuæ: sed longè minoris, & constat per solum contactum naturalem organi, sine naturali alteratione eius producere speciem sui, & sentiri per tactum: ergò multò melius qualitates actiuæ idem poterunt, atque efficient per solum contactum naturalem: quare licet sequatur naturaliter alteratio, non erit per se requisita ad sensationem earum. Secundo probatur, quia tangibile, sicut visibile in instanti producit species intentionales, & ideo in instanti fit sensatio tactus: sed alteratio organi fit successiuè, & in tempore, cum sit motus: ergò sequitur post sensationem iam factam: quare non potest esse necessaria ad illam, ut hoc exemplo sit manifestum, si calidum approximetur organo tactus per motum, verum est in ultimo instanti terminatio motus peruenisse ad immediatam præsentiam cum eo; ita ut verum quoque sit dicere: nunc primò calidum est cōtiguum organo, illudque tangit: ergò verum etiam erit; nunc primò imprimere ei speciem sui, quia agens approximatum passio, & carens contrariio in instanti producit effectum: ergò etiam erit verum in eodem instanti fieri sensationem tactus, quia potentia informata specie obiecti sibi approximati in instanti elicit sensationem.

Nunc verò soluenda sunt argum. primæ opinionis, & ad maiorem, & minorem primò respondeo; ideo sufficere vniōnem 39 obiecti cum potentia per speciem, quia cum sit imago intentionalis

rationalis eiusdem obiecti, duo præstat potentia, vnit enim eam cum eodem obiecto non quomodocumque, sed in esse subiecto, & intentionali; & præterea redit eam simile obiecto in eodem esse intentionali; quæ duo omnino necessario requiruntur & sensationem; postremum quidem, vt ex utroque fiat vnus agens completum in esse intentionali ad elicendam sensationem; primum vero, vt hoc vnum ex utroque factum possit esse principium speciei expressæ perfectæ, & in actu secundo similis obiecto, quod non potest præstare principium, nisi sit simile eidem obiecto in actu primo; atque in esse intentionali, & sensibilis; quod non potest præstare calor naturalis productus, vel existens in organo: cum non habeat esse intentionale, nec possit proinde principium sensationis esse, quæ cum sit cognitio vel notitia obiecti, intentionalis actio est & non naturalis sicut calefactio.

- 40 Ad secundum arg. & confirmationem eius, simul respondeo a. m. itendo casum de homine iuxta solem aut ei contiguum posito, quem etiam admitto calefieri à sole; sed nego, quod calorem in sole existentem, aut in se productum sentiret. Admitto etiam quod Deus suspenderet productionem specierum quocunque calore ibi existente; quo amisso adhuc nego hominem illum sentire dolorem. Et rationem huius esse assero, quia nullus dolor sentiri potest, sine sensatione tactus, quam homo ille non posset habere exclusis speciebus intentionalibus, quia non posset sine illis uniri ei calor in esse sensibili, aut cognoscibili, vel intentionali, & ideo non posset potentia elicere sensationem. Vniretur vero organo calor in casu illo unione naturali, sed unio naturalis per inhaerentiam non solum non sufficit ad sensationem, sed nihil prorsus ad eam confert: cum constet non minus sensationem sine ea, quam cum ea fieri posse per unionem intentionalem obiecti cum potentia, quam in tactu concedimus fieri non posse, sine reali, & naturali contactu obiecti, & organi, bene tamen sine alteratione naturali eiusdem organi.

In casu igitur argumenti, & confirmationis combureretur homo ille calore solis, sed talem combustionem non sentiret sine specie, sed ita se haberet, ac si esset lignum vel lapis, quæ naturali prorsus alteratione comburerentur, & corrumpentur.

Vltimum argum. postulat sequentem quaest. ex cuius resolutione constabit solutio eius.

- 42 Sed testat argum. difficile à nobis excogitatum in fauorem oppositæ sententiæ, quia quo magis alteratur organum, magis aut melius sentitur actione intentionali; ergo perfectiorem producit speciem in organo, vel iam productam intendit. Vnde sequitur necessariam omnino esse calefactionem intensiorem, ad sensatorem: ergo calefactio erit necessaria ad sensationem.

*Probatum*

Probatur consequentia; quia sicut se habet intensior calefactio ad intensiorem sensationem, ita calefactio simpliciter ad sensationem, simpliciter etiam acceptam. Antecedens verò videtur per se euidens; quia quò intentior est calefactio, eo causatur maior dolor in organo: sed dolor fit media sensatione: ergo causatur etiam melior, aut perfectior sensatio. Respondeo negando antecedens, quod perfectior fiat sensatio crescente alteratione naturali secundum intensionem, aut perfectiorem speciem producere calorem in organo. Quia diuerso modo se habet calor in obiecto tangibili in ordine ad calefactionem organi, & in ordine ad productionem speciei intentionalis in ea, & per eam, simul cum potètia eliciendam sensationem. Nam respectu calefactionis contrarium habet in organo, nempe frigus, quod non potest simul vel in momento expellere, sed successiue, & in tempore; & ideo calefactio successiue, & in tempore fit. Ad producendam verò speciem intentionalem contrario caret, quia intentionalia non habent contrarium, ideo à principio alterationis non producit tantum calorem, quem potest producere in organo, sed producit speciem secundum totam perfectionem, quam potest, & eodem modo fit sensatio secundum totam perfectionem, & tam producta species quàm sensatio fiunt in instanti non minus in qualitatibus actiuis, quàm in non actiuis; falsum igitur est, quod crescente calefactione perfectior fiat sensatio eiusdem obiecti calidi. Dolor verò maior propter solam maiorem calefactionem sentitur, quia maiorem causat distemperiem organi intensior.

#### Q V Æ S T I O IV.

*An tactus solum sentiat excellentias, vel exuperantias obiecti tangibilis, aut gradus etiam aequales, vel inferiores.*

**P**RO certo præsupponit Aristoteles cap. præsenri potentiam 43 denudatam esse oportere à natura, vel qualitate obiecti: nam si illam habeat in organo non sentiret obiectum eadem qualitate affectum, ut si lingua sapore aliquo amaro, vel etiam dulei affecta sit, cætera omnia obiecta videbuntur ei amara vel dulcia: quare saporem naturalem, quem habent, non poterit sentire, & ideo cum organum tactus mixtum sit, & ideo non posuit denudari omnino qualitatibus tangibilibus elementorū prouisum esse à natura, ut temperatas eas haberet, ut ita posset sentire easdem qualitates in obiectis tangibilibus existentes in eo saltem gradu quo excedūt intensionem earū quas habet organum. Quo supposito quærit titulus quæstionis, an verum hoc sit, quod tactus solum sentiat qualitates tangibiles obiectorum

obiectorum in gradu superâte intensiorem, quam habet in organo, vel etiam in gradu æquali, & inferiori ita ut habeat calorem ut duo, & si approximetur calidum, ut quatuor, solum sentiat tertium, & quartum gradum eius, vel primum, & secundum.

44

Quæstio hæc sic explicata parum difficultatis habet, saltem quantum ad qualitates activas, apud eos qui opinantur tactum non immutari ab obiecto per species intentionales, seu solum per alterationem realem, & productionem qualitatis sibi similis in organo. Nam cum agens naturale non possit agere in passum sibi omnino simile ut 1. lib. de gener. ostendimus, nec poterit obiectum tangibile immutare organum tactus per naturalem alterationem nisi in eo gradu intensiorem, in quo illud excedit: in cæteris namque inferioribus omnino ei simile erit, Præcipue igitur locum habet quæstio apud omnes qui nobiscum tenent tactum non solum naturaliter immutari à tangibili, sed etiam immutatione intentionali per species. Quo supposito probatur 1. non solos gradus in quibus obiectum excedit intensiorem organi, sed æquales, & inferiores percipere, quia obiectum tangibile producit naturaliter speciem sui in potentia: ergo producit eam secundum totam virtutem intensiorem, quam habet: quare repræsentabit omnes gradus intensiorem eius, sed potentia, informata tali specie elicit naturaliter sensationem obiecti, quod repræsentat, & à quo producit: ergo sentiet per eam omnes gradus intensiorem obiecti, quod repræsentat, & non solum eos, in quibus superat qualitatem existentem in organo. Secundò quia ideò agens naturale non potest agere nisi secundum gradus intensiorem, quibus excedit passum; quia non potest agere in omnino simile, & per gradus inferiores omnino similia sunt, quos ideò non potest passum recipere, nec ad eos recipiendos est in potentia. Sed hæc ratio non tollit, quin possit recipere speciem repræsentantem omnes gradus, quia species non constituit potentiam similem obiecto in esse naturali: sed in esse intentionali; ergo quod habeat hos, vel illos gradus intensiorem qualitatis naturalis, non tollit, quin possit recipere speciem eorundem: cum diversi generis & modi essendi sint: recipiet ergo speciem omnium graduum, & per illam eliciet sensationem eorum, vel si non recipit speciem, nisi superiorum graduum, sequitur dari speciem repræsentantem gradus superiores sine inferioribus, quod patet esse falsum, quia sicut non possunt separari ab eis coniuncti; ita nec dabilis est species sensibilis repræsentans eos sine aliis. Probatur tandem, quia si inferiores gradus obiecti non possunt sentiri per speciem: cum multò minus possint recipi in organo secundum esse naturale: impediuntibus his, quos præhabet organum



ganum ex proprio temperamento, sequitur tales gradus non esse qualitatem tangibilem. Probatur consequentia, quia repugnat omnino sentiri à potentia, quæ ex se postulat temperamentum organi eos continens.

Propter hæc argum. (valde difficilia,) tenent recentiores quidam tactum non excessum tantum, vel solos gradus exuperantes sentire: sed inferiores omnes.

Secunda opinio concedit æquales, atque inferiores gradus obiecti, quibus non excedit intensionem organi, verè esse sensibiles, & ex parte sua sentiri posse: sed tactum solum sentire excedentes, vel exuperantes. Ita expressè Aristoteles capite præsentis textu 118. his verbis. *Sentire enim pati quoddam est, quare faciens quale ipsum actu, huiusmodi illud facit, cum sit potentia. Vnde simile calidum, & frigidum, aut durum, & molle non sentimus: sed exuperantias, tanquam sensu velut medietate quadam existente eius, qui in sensibilibus contrarietatis.* Quibus talem rationem indicat. Potentia debet esse denudata à natura obiecti, alioquin non poterit pati ab illo, nec proinde sentire, quia sentire quoddam pati est, & passum carere debet forma agentis, & potentiam habere ad eam recipiendam: sed sensorium tactus, quia mixtum esse debet, non potest esse omnino denudatum à primis qualitatibus tangibilibus, ex quibus componuntur omnia corpora mixta. Necessarium ergo fuit, quod temperamentum organi tactus, licet carere non potuerit omnino qualitatibus tangibilibus, ad mediocritatem saltem earum quantum fieri posset reduceretur, ut sic plures differentias tangibilium qualitatatum percipere posset. Ex quibus sequitur qualitates tangibiles solum in eo gradu posse percipere, in quo exceditur ab eis temperamentum sui organi, quod est solum posse exuperantias, vel excessus percipere. Quod tenent cum Aristotele omnes eius interpretes tam recentiores, quam antiqui.

Hæc autem communis sententia tribus viis defenditur, & probatur à diuersis recentioribus. Prima asserit, qualitatem tangibilem non producere speciem in sensorio tactus, nisi simul alterando alteratione naturali; ita ut iuxta modum alterationis naturalis producat species. Vnde cum alteratio sit successiua, in tempore producit species, & successiue etiam fit sensatio, & cum qualitas actiua non possit producere eodem gradu caloris, quos subiectum habet, quia agens naturale non potest agere in passum omnino simile; ita nec potest producere speciem eorundem graduum, & cum sine specie non possit sensatio fieri, nec potest tactus sentire inferiores gradus obiecti, quos apud se habet: sed superiores dumtaxat, quos exuperantias vocauit Aristoteles. Sed modus iste has difficultates

ficultates patitur. Prima, quia qualitates tangibiles non actiue non indigent alteratione naturali organi ad producendas in eo species: sed per solum contactum eiusdem organi eas producunt: ac sentiuntur: ergo sufficet qualitatibus actiuis solus contactus naturalis organi, ad producendas species. Probatur consequentia, quia non est minoris virtutis & efficaciz contactus earum, quam aliatum: sed maioris. Quod verò huic respondent eam esse naturam, & conditionem actiuarum, ut non producant speciem in organo, nisi media alteratione eius naturali, gratis omnino, & sine vlllo fundamento asseritur: cum nulla ratio huius discriminis assignetur, nec assignari possit.

50 Secunda difficultas, & maxima quidem est, quia qualitates tangibiles non actiue, ut asperum, & lene, durum, & molle non sentiuntur, nisi secundum excessus intensiōis sicut qualitates actiue: & tamen nec producunt species, nec sentiuntur simul cum alteratione naturali organi: & utrumque docet eadem experientia evidens, ergo ratio alterationis naturalis ad probandum, quod in qualitatibus actiuis excellentiæ tantum, vel exuperantiæ sentiantur, friuola est, & nullius momenti.

51 Vltima difficultas ab experientia desumitur, exprimitur enim statim ac aer calidus manum, vel faciem contingit sentire nos calorem, & vehementem, & tamen non esse productum tam citò in facie, vel manu nimis intensum, nec potuisse produci, cum alteratio vehemens non possit statim fieri: sed per moram temporis subsequenti contactum, ergo sentitur calor sensatione vitali, atque intentionali, sine vlllo respectu per se requisito ad alterationem naturalem. Propterea hæc via difficile potest sustineri.

52 Secunda igitur via non est multum diuersa à priori, quia licet non ponat necessitatem alterationis naturalis ad hoc, ut obiectum tangibile producat speciem in organo omnium graduum suæ intensiōis, etiam inferiorum respectu intensiōis, quam in eodem organo habet, sed sine dependentia ab illa produci concedat: ponit tamen necessariam dependentiam quantum ad vsum speciei productæ, ita ut non possit ea vti potètia, nisi ad percipiendos gradus naturalis qualitatis, quos per alterationem naturalem recipit ab eodem obiecto, ut agente naturali: & quia non potest agens naturale producere in organo, nisi eos gradus intensiōis, in quibus excedit calorem eiusdem organi, & non remissiores, ita nec potest sensus per talem speciem repræsentantem omnes, percipere, nisi eos, in quibus exceditur ab eodem obiecto. Hanc viam sequuntur Conimb. cap. præsentis, quæst. 3. art. 3.

53 Sed non patitur hæc via minores difficultates, quam præcedens:

dens : nam licet non ponat necessariam esse alterationem naturalem organi ad producendam speciem , ponit tamen aliud longè difficilius, videlicet, quod necessaria sit, vt potètia iam actiua per speciem eliciat sensationem : quod falsum esse sic ostendo: potentia informata specie sufficienter constituta est in actu primo ad sensationem eliciendam ; ergò non indiget alteratione reali, vt eam eliciat. Probatur consequentia, quia impossibile est potentiam informatam specie obiecti , & obiecto posito in debita distantia respectu eius , eadèmq; potentia attendente, non sequi sensationem : sed hæc omnia concurrunt, etiam si non detur alteratio naturalis organi ab eodem obiecto , vt per se constat ; ergò non potest non sequi sensatio, & ideò sine dependentia ab alteratione naturali fieri. Nec soluitur 54  
argum. dum dicitur impeditam esse potentiam ad eliciendam sensationem ex defectu alterationis naturalis organi, quæ est quasi conditio, sine qua non, quia sine tali alteratione sequitur sensatio qualitaris tangibilis non actiuæ ; ergò non est necessaria ad sensationem : sed ad sensationem talem; nempe qualitaris actiuæ : gratis profectò , & absque vllò rationis fundamento dicitur , & solum ad effugiendam difficultatem excogitatum est , quia nulla potest assignari congrua ratio huius necessitatis in qualitate actiua, potius quàm in nõ actiua. Et rursus si remissa qualitas non potens alterare organum potest sine alteratione per solum contactum producere speciem sui in organo ; quare hæc species ab ea producta non sufficiet ad eliciendam sensationem cum potentia : cum non sit minoris virtutis, & efficaciz, quàm species producta à qualitate non actiua eiusdem remissionis.

Alia igitur via ab vtraque diuersa incedendum est hac assertio- 55  
tione explicanda : *obiectum tangibile siue sit actiua qualitas , vel nõ actiua, in instanti, in quo tangit organum non expectata, nec requisita alteratione naturali eiusdem organi producit speciem in eo , & sentitur per tactum solum secundum gradus excedentes intensi-  
onem organi , non secundum aquales, vel inferiores vllò modo.* Tria continet assertio hæc.

Primum , quod tam qualitas tangibilis actiua , quàm non actiua producat speciem sui in organo tactus , non expectata, nec vllò modo requisita alteratione naturali organi , quod efficaciter probauimus in vltima assertione præcedentis quæst.

Secundum quod continet, est, quod speciem producat in instanti , & in eodem instanti fiat sensatio eius. Quod probatur hoc modo, contactus duorum corporum fit in instanti: sed contactus naturalis sine alteratione naturali organi sufficit ad

productionem speciei, atque etiam ad eliciendam sensationem tactus; ergo utraque fit in eodem instanti, in quo obiectum tangibile organum tangit. Maiorem probo, quia contactus duorum corporum fit per acquisitionem ultimæ, atque immediatæ præsentia, quam vnum acquirit iuxta aliud, per quam dicuntur contigua, & ultima eorum esse simul: sed ultima, & immediata præsentia vnius corporis iuxta aliud acquiritur in instanti, ergo contactus in instanti fit. Probatur minor, quia ultima illa præsentia est adæquata corpori, & est primum esse mobilis in termino ad quem, & primum non esse motus; ergo in instanti acquiritur. Omnia hæc sunt manifesta ex libris physicorum. Sed probatur minor, quia qualitates tangibiles non actiue producunt speciem in organo per solum contactum naturalem, non expectata alteratione naturali; & ideo in instanti, in quo etiam sentiuntur; ergo multò melius eam producent qualitates actiue in instanti non expectata alteratione, quia non sunt minoris virtutis, & efficacis, quam non actiue: sed maioris. Dicere autem quod actiue, quia actiue sunt, indigent alteratione naturali, tanquam conditione ad producendam speciem, fundamento rationis caret, ut probauimus.

Ultimū, quod continet assertio nostra est, quod omnis qualitas tangibilis actiua, vel non actiua solum producit speciem in tactu secundū gradus superiores, in quibus excedit intensionē, quam habet in organo, & non secundum æquales, aut inferiores, & solum secundum illos sentitur per tactū, non secundum hos. Quod ratione alicuius momenti probare valde difficile omnibus visum est. Probatur autem primò euidenti experientia, qua vnusquisque nostrum experitur, nec inferiores gradus, nec æquales sentire in quocumque tangibili sibi applicato: sed eos tantū, in quibus excedit intensionem organi, siue in qualitatibus actiuis, siue in non actiuis, quia sicut non sentit calorem, ut vnū in aqua habens in organo calorem, ut quatuor: ita per partem habentem duritiē, ut quatuor nō sentit duritiem ut vnum in obiecto. Quare aperte falsum est, quod à quibusdā recentioribus dicitur veram esse in qualitatibus actiuis sententiā Aristotelis, & communē, quod tactus solum sentiat exuperantias, seu excellentias, non tamen in non actiuis: cum experientia æqualiter probet in omnibus. Sed probatur efficaciter in omnibus argument. ducere ad impossibile eo præsupposito tanquam certo, & in quo conueniunt omnes, quod ad sensationē tactus non requiritur obiectum tangibile esse actu diuisum, aut discontinuum ab organo: sed sufficere, quod sit in subiecto distincto realiter ab organo, licet cōtinuo cum eo, quod in visu constat vidēte partes continuatas cum oculo; atque etiā in tactu

vna pars sentit per tactū excessum caloris, aut frigiditatis existentis in parte sibi proxima atque cōtinua. Hoc igitur præsупposito sic arguo, si tactus sentiret quoscumque gradus inferiores, vel æquales in obiecto sequitur sentire omnes, quos apud se habet ex proprio temperamento, vel quouis alio modo, & cum semper illos habeat præsentes, esse in continua, atque perpetua sensatione eorum contra euidētem experientiam, quia nemo talem sensationem continuam internæ qualitatis expertus est in se. Sed consequentiam probo; quia quælibet pars corporis potest sentire calorem exuperantem existentem in alia parte sibi continua: ergo potest sentire æqualem, & minorem. Probatur euidēter consequentia, supposito, quod tactus non sentiat solos gradus excellentes: sed æquales, & quoscūque minores, vt tenet opposita sententia: & cum semper habeant omnes partes corporis calorem aliquem, aut frigiditatem ex proprio temperamento, quælibet producat speciem sui caloris in partem aliam sibi proximam, eamque cōseruabit præsens, & pariter alia sibi proxima in ea: & sic erit corpus in perpetua sensatione reciproca omnium partium contra euidētem experientiam. Probatur tandem ratione satis cōgrua ex natura tactus & gustus elicitas; quia sensus isti apti sunt immutati ab obiecti immutatione intentionali medio contactu naturali, ergo satis congruum est, quod in modo immutandi intentionali se accommodent obiecta horum sensuum modo immutandi naturali, quo constat solum immutare secundum excessus, vel exuperantias, & non secundum gradus æquales, vel inferiores.

Ad primum argument. oppositæ sententiæ concessa maiori, 59  
quod obiectum tangibile producit naturaliter species intentionales; distinguenda est minor, quod producat eas secundum totam virtutem intensionis, quam habet. Nam ex parte sua productius est speciei secundum totam virtutem intensionis, sed propter incapacitatem subiecti non potentis recipere nisi speciem superiorum graduum, per quos exceditur ab obiecto, solum producit speciem eorum.

Ad secundum concessa maiori, in eo posita, neganda est minor, quod agens intentionale possit agere in passum sibi omnino simile. Et cum dicitur similitudinem naturalem non tollere potentiam ad recipiendam speciem eorundem graduum: negandum quoque est, quia in modo agendi intentionali ex propria natura se accommodat modo agendi naturali, vt probauimus.

Ad tertium concessa antecedente, quod non possint sentiri gradus inferiores obiecti impediētibz aliis eiusdem intensionis, quos habet organum, neganda est consequentia, quod tales gradus non sint sensibiles; & ideò nec esse qualitates tan-

gibiles. Nam cum sint eiusdem speciei cum superioribus, & eandem habeant proportionem cum sensu tactus, per se essentialiter sunt tangibiles, propter temperamentum verò organi alias similes habentis sentiri non possunt, hoc verò accidentale est eis, & non tollit essentialem proportionem; quam cum potentia secundum rationem essentialem considerata habent.

- 61 Quod possumus probare euidenti exemplo; nam si demus tactum vnius hominis ad mediocritatem primarum qualitatum esse naturaliter temperatum, ita ut quatuor gradus caloris, & totidem frigiditatis habeat, sicque de cæteris duabus, quamdiu permanet in eodem temperamento, non potest sentiri frigiditatem, ut quatuor alicuius obiecti tangibilis, sed demus ab hoc temperamento morbo aliquo, aut accidenti alio mutari, ita ut remittatur ei frigiditas usque ad duos gradus (quod sæpè contingit) & tunc euidens est sentire posse tertium, & quantum gradum, quos prius non poterat; ergo licet tunc non possent sentiri, erant nihilominus per se tangibiles, & habebant proportionem essentialem cum sensu, & quod non poterant sentiri ex accidenti proveniebat.

### Q V Æ S T I O V.

*An per tactum sentiatur qualitas tangibilis producta vel existens in organo, aut ea, quæ est in obiecto, vel utraque.*

- 62 Certa res est in utroque reperiri calorem, nempe in organo, & ex ratione sui temperamenti, atque etiam in obiecto tangibili, si calidum sit, quod sentitur; quærit ergo titulus quæstionis, an per sensationem tactus sentiatur semper uterque, vel alter tantum, videlicet existens in obiecto, aut in organo.

- Et prima opinio tenet tactum sentire calorem in se productum ab obiecto tangibili externo ut ab igne, & per eum sentire etiam eundem calorem in igne existentem; & ita sentiri utrumque. Ita planè videntur tenere Toletus 3. lib. de anima q. 2. & Valesius 2. lib. controuert. med. cap. penultimo; afferunt enim sensationem tactus non fieri per species intentionales, sed per qualitatem realem in organo productam sentiri qualitatem externi tangibilis, à qua procedit. Probatur primò, quia quæ est in igne approximato, & est intimius vnita potentiz: cum inhæreat eidem sensorio, in quo inhæret sensus ipse, ergo nõ minus, sed magis vel perfectius sentietur, quàm calor ignis, de quo non est dubitandum, quin sentiat; nec est aliud per quod sentiri possit præter calorem à se productum in organo: nam quod sensorio inhæreat, non potest impedire sensationem eius, sed potius iuuare. Secundo, si iuxta solem ponatur animal, calefiat,

talesiet ab illo, sentiétque calorem per tactum; imó, & dolorem ex distemperie causarum, sed non sentiét calorem existentem in sole, in quo nullus est; ergo calorem in se productum: cum non sit alter, quem sentire possit; neque à quo causetur sensibilis dolor: quare necesse est fateri, quod calor existens in organo sentiatur. Et vrgeri potest argument. quia febricitantes sentiunt ardorem febris, cuius calor est in ipsomet corpore sentientes; ergo experientia probatur sensorium tactus calorem in se existentem sentire.

Secunda opinio asserit non posse organum tactus sentire qualitatem tangibilem in se existentem, sed solam eam, quæ est in obiecto tangibili externo. Hæc est communis, & vera sententia interpretum huius cap. qui omnes tanquam certum præsupponunt tactum non sentire calorem in se existentem, sed solum externum; non per internum, sed per species ab eo productas in organo. Et probatur primò, quia euidens est qualitates tangibiles non actiuas inhærere eidem organo, & euidens quoque experientia docet à nemine sentiri mollitudinem, vel duritiem proprii organi, ergo neque qualitas actiua organi sentitur, nec per eam externa obiecti. Probatur consequentia, quia non est minùs sensibilis per tactum vna, quàm altera, nec minùs ei præsens, nec minùs bene ei vnita, ergò si sensationem actiuæ qualitatis non impedit, quod organo inhæreat, nec impediét sensationem non actiuæ.

Probatur secundò, quia si calorem organi sentiret tactus: 64  
eùm semper in eo permaneat, imó cum eo cæteras qualitates primas pertinentes ad temperamētum eiusdem organi, in continua, atque perpetua sensatione tactus essemus circa omnes quatuor primas qualitates, quod patet esse cōtra experientiam, nemo enim tales sensationes experitur. Et si dicas sentire omnes qualitates temperamenti proprii organi. Sed tales sensationes propter paruitatem, & consuetudinem non percipere, aut non discernere, contra hoc est, quod non sunt partæ: cum temperamentum organi mediocrem saltem intensionem omnium qualitarum includat, nempe tres, vel quatuor gradus ex singulis qualitatibus, sensatio verò horum graduum non potest esse imperceptibilis.

Ad primū argument. oppositæ sententiæ concedendā est prima pars antecedentis, quod qualitas organi non sit minùs sensibilis, quàm externa obiecti tangibilis, sed ab eodem tactu existente in eo sentiri non potest, propter rationes allatas. Et cum dicitur intimius esse vnitam potentiæ, quàm qualitatem externi tangibilis, distinguendum est, nam in esse naturali verum est, sed in esse intentionali falsum, quo pacto debet vniri, vt

sentiatur; nam vnio naturalis per inhætionem, nec est sufficiens ad sensationem: nec iuuat, vt sentiatur obiectum. Imò multis modis impedit, vt probauimus. Quod verò non possit vniri in esse intentionali à posteriori efficaciter probatum est, atque etiam à priori ratione satis congrua.

- 66 Ad secundum de homine iuxta solem posito concedimus recipere calorem à sole, sed negamus talem calorem sentiri per tactum, nisi fortè in vna parte intensior, quàm in alia reciperetur; tunc enim calor intensior vnus partis posset sentiri ab alia, in qua esset remissior per speciem intentionalem in ea productam; si verò in omnibus partibus æqualis produceretur calor, nullo modo sentiretur per tactum, nec posset dolorem causare, vt superius probauimus, sed sine dolore posset hominẽ corrumpere, sicut lignum, vel lapidem. Nec febricitantes sentiunt calorem proprii organi; sed caro, vel neruus in quibus residet tactus, sentiunt ardorem sanguinis, vel inflammationem alterius humoris, vel certè alterius partis, in qua viget febrilis calor.

#### Q V Æ S T I O VI.

*An sensus tactus sit vnus secundum speciem, sicut ceteri sensus, vel multiplex.*

- 67 T Actus versatur in primis circa qualitates primas elementorum summè contrarias, nec solum circa vnā primā contrarietatem calidi, & frigidi, sed circa duas primas, nempe humidi etiam, & sicci, & cum vtraque contrarietas sit prima, & sit summa, neutra videtur posse reduci ad alteram, nec possunt sub vna ratione obiectiua superiori vtramque comprehendente contineri, sicut cōtrarietates obiectorum aliorum sensuum. Vnde nec videntur posse ab eadem potentia sensitua percipi, sed sicut duæ sunt primæ, ac summæ contrarietates primo diuersæ ita postulare duos sensus tactus specie distinctos, à quibus percipiantur.
- 68 Discursus iste cōgigit Aristotelem cap. præsentis distinguere duos sensus tactus secundum speciem in singulis partibus animalis huius sensus capaces; vnũ pro vna prima, ac perfectissima contrarietate caloris, & frigoris, ad quem videtur reduxisse secundas qualitates tangibiles, quæ maiorem eiusdem contrarietatis participationem habent: alterum verò pro contrarietate alia humiditatis, & siccitatis, ad quem videtur etiam reducere alias secundas qualitates, quæ sequuntur temperamentum, in quo altera earum, vel vtraque prædominatur. Et hæc est prima opinio circa ynitatem tactus, quam sequuntur cum Aristot. D. Thom. section. 22. huius libri, vterque Caiet. atque Ægidius cap. præsentis ad textum 108. Iand. qu. 17. Apolin. quæst. 40. huius lib.



Alij verò non solum pro duabus primis contrarietatibus 69  
duos tactus multiplicare videntur, sed pro aliis etiam contrarietatibus qualitarum secundarum tangibilium videntur tactus alios distinguere, ita ut tot sint potentiarum specie distinctæ, quot sunt contrarietates primæ, vel secundæ, circa quas versantur, sic Themistius in suo lib. 2. de anima, cap. 39. Avicenna verò lib. 6. natur. part. 2. cap. de tactu, & cum eo Albert. Magn. tractatu 3. huius libri præter tactus pro singulis contrarietatibus videtur multiplicare duos alios, vnum pro dolore & pro titillatione alterum. Comment. 2. collectan. cap. 13. addit alterum pro fame, & siti in stomacho. Cardan. tandem lib. 13. de subtilitate. quatuor tactus distinguit; vnum pro quatuor primis qualitatibus: alterum pro gravitate, & leuitate: tertium pro dolore, & voluptate: & quartum pro titillatione. Et omnes istæ opiniones 70  
pro eadem numerari possunt tactus multiplicante, licet quædam plures, aliæ pauciores multiplicet. Et ratio horum omnium eadem est; quia dolor, voluptas, fames, & sitis sunt speciales qualitates perceptibiles per tactum: imò speciales actus eiusdem sensus, quos non habet in omnibus partibus corporis, sed in quibusdam determinatis, ut in ventriculo, aut in parte, quæ diuiditur ab alia, vel per alterationem recedit à proprio temperamento; ergo pro his qualitatibus, & actibus non sufficit tactus generalis dispersus, per totum corpus, sed speciales, ac distincti multiplicari debent, quia qualitates ipsæ valde diuersæ sunt à cæteris tangibilibus, cum quibus non videntur posse conuenire in vna aliqua ratione communi, & adæquata, & multo minus actus ipsi adeo à cæteris eiusdem sensus diuersi.

Secunda opinio est opposita *negans omnino, quod tactus specie distincti multiplicari debeant, sed quemadmodum ceteri quatuor sensus non multiplicantur secundum speciem, sed unus visus pro cunctis visibilibus ponitur, sicque de cæteris, ita unus omnino tactus ponendus est pro omnibus qualitatibus tangibilibus, ac pro contrarietatibus omnibus in eis distinctis, siue sint primarum, vel secundarum qualitarum.* Ita antiquiores interpretes Aristotel. Alexand. Simplic. & Philop. ad textum 108. huius capituli, quos sequitur Fernel. lib. 5. suæ physiologiæ, capit. 7. & omnes recentiores, & in eam inclinât D. Thom. 1. part. quæst. 76. artic. 3. ad 3. & 4. Et videtur mihi probabilior, & tenenda. Probatum ratione insinuata à D. Thom. nam ut ipsemet docet in eodem articulo, & nos superius docuimus, & probauimus agentes de distinctione potentiarum in generali, obiecta distinguunt potentias in quantum diuersis modis eas immutant, ex quo Aristotel. cap. de gustu probauit, quod etiam si gustus esset in omnibus partibus corporis, sicut tactus, nihilominus esset potens

tia distincta ab eo, quia diuerso modo immutatur à gustabili, ac tactus à tangibili, & omnia illa obiecta quæ habent eundem modum, vel rationem immutandi pertinent ad eandem potentiam, vt omnes colores ad visum, sed omnes qualitates tangibiles cuiuscunque sint contrarietatis habent eundem modum, & rationem immutandi tactum: ergo pertinent ad eandem potentiam tactiuam: quare non possunt multiplicati plures tactus. Minorem probo, quia modus immutandi tactum, vt D. Thom. asserit in eodem articulo est quod qualitas tangibilis per contactum naturalem contingat organum, & medio contactu producit in eo speciem intentionalem se repræsentantem, per quam ei vniatur, sed vtraque contrarietas primarum qualitatum, & omnes etiam secundæ mutant hoc modo tactum, vt in præcedentibus ostendimus, etiam ex mente Aristotel. ergo conueniunt in eadem ratione formali immutandi quare eundem tactum secundum speciem constituunt. Huc accedit nullam rationem vrgere nos ad multiplicandas plures potentias actiuas: vt patebit ex solutione argument. ergo non sunt villo modo multiplicandæ.

73 Sed ad argument. Aristotelis neganda est maior: quod vnus sensus sit vnus contrarietatis, sed circa tot potest versari, quot in vna, eademque ratione immutatiua conuenire possunt, & cum vtraque contrarietas primarum qualitatum, & omnes secundæ conueniant in eadem ratione, & modo immutandi tactum (vt probauimus) ad vnum tactum pertinere debent, nec pro diuersis multiplicandi sunt plures, quia contrarietates ad obiectum materiale tactus pertinent, non ad formale, & ideo plures non sunt causa sufficiens distinguendi plures tactus secundum speciem, sicut nec in aliis sensibus pro sufficientibus habentur. Quod verò sint primæ contrarietates, vel summæ ratio est etiam materialis, & propterea insufficiens ad distinguendum potentias specie.

74 Argumentum verò commune, quo vtuntur cæteri opinantes, duo opponit; primum de dolore, & voluptate, quæ cum sint opposita ad eandem potentiam pertinere debent. Quod ergo de dolore dicitur, secundum proportionem accipiendum est de voluptate. Circa dolorem igitur plura hac in parte congerunt interpretes Aristotelis, & diuersis modis eum ad tactum pertinere aiunt, nescio an omnes veræ Philosophiæ naturali, & morali consentanei sint. Eis verò relictis D. Thomam sequor 1.2. quæst. 3. articul. 1. vbi de passionibus appetitus differens, egregie rationem doloris explicat, ad quem tria concurrunt. Primum est diuisio, aut solutio continui, hoc est alicuius partis animalis, vel distemperies eiusdem partis. Nam licet

licet variæ sint sētentia inter Philosophos, & medicos, an sola diuisio, aut solutio continui sit causa doloris, vel etiam distemperies alicuius partis sine diuisione, ita vt quælibet harū per se, & independenter ab alia sufficiens sit, & quasi in solidum dolorē causet, vel diuisio continui sit sola, & vnica causa, ita vt sine illa nullus dolor causari possit. Longè tamen probabilius est vttramque in solidum sine alia esse sufficientem causam doloris. Vt Gal. docuit 1 2. metho. c. 7. his verbis: *Naturalis notitia nos docet, visum corporis, ex quo sit doliturum, aut continuicatis solutionem oportere, aut alterationem aliquam.* Vnum igitur, vel aliud est, quod primò includit dolor. Secundò est cognitio sensitiua eius sine qua citra dubium est nullum posse dolorem causari, alioqui in corporibus inanimatis daretur dolor: cū detur solutio cōtinui, vel alteratio, seu distemperies. Vltimum est actus appetitus, qui solutionem cōtinui, vel distemperiem, vt disconuenientem, aut nociuam naturæ animalis refugit, sicut in delectatione appetit aliquid tanquā conueniens eidem naturæ sensitiuæ. Et quia sensus externi nihil apprehendūt, vel cognoscūt tanquam conueniens, vel nociuum, sed ad internum sensum id pertinet, vt ad æstimatoriam, vel alterum, propterea duplex cognitio sensitiua externa, & interna necessario debet ad dolorem concurrere; prior quidem sensus tactus per quam simpliciter apprehenditur obiectum tangibile, vt tangibile est; posterior interni sensus, per quam iudicatur, vt disconueniens. & vt tale appetitui proponitur, & idè vt refugiendum. Ex his igitur tribus, primum quasi materiale est in dolore: nempe solutio continui, vel distemperies. Secundum ex parte sensationis tactus materiale est etiam, sed iam ad formale accedit ex parte cognitionis sensitiuæ internæ, per quam proponitur appetitui obiectum materiale, sed sub ratione disconuenientis, & idè quasi conditio formalis est doloris: in actu verò appetitus, qui quasi nolitio talis obiecti disconuenientis est formalis ratio doloris consistit (ait D. Thom.) Et omnia hæc quasi opposito modo concurrunt ad delectationem, quæ etiam consistit formaliter in actu appetitus, qui vocatur prosecutio obiecti sensibilis sub ratione boni, & cōuenientis naturæ sensitiuæ propositi eidem appetitui, & simpliciter apprehensi per sensationem tactus. Ex quibus ad argumentum negandum est, dolorem formaliter esse sensationem tactus, sed hanc solū ad illum concurrere, tanquam conditionem quasi materialem, nec nouam, aut distinctam esse, sed eiusdem rationis, & obiecti: cū versetur circa primas, vel secundas qualitates eodem modo immutantes. Vnde sequitur propter dolorem non esse tactum multiplicandum, & pari ratione de delectatione, & titillatione sentiendum

est, in quibus sicut in dolore nihil distinctū à sensatione qualitatum tangibilium ut talium includitur. Quare nec pro eis distinctus tactus multiplicari debet.

- 79 Ad aliud argum. à nobis additum in fauorem harum opinionum negandum in primis est de dolore, quod in determinata parte corporis causetur, & non in omnibus: nullam enim rationem video, ob quam solutio continui, aut distemperies in quibuscunque partibus corporis sensui capacibus causari nō possit, & ex consequenti dolor, sed de voluptate aliqua, ac titillatione id non nego; sed negandum omnino censeo; quod propterea debeat tactus multiplicari pro eisdem actibus, quia sensatio tactus in eis reperta eandem rationem formalem habet ex eadem ratione immutandi obiecti desumpta. Ratio verò propter quam in determinata tantum parte corporis sunt, est, quia in ea cum primis magis viget sensus tactus. Deinde quia in eadem plures arteriarum concurrunt fines, multa etiam spirituum atque materię prurientis copia, quę non cōcurrunt in cæteris partibus, & propterea tales actus in eis potius exercentur, qui quidem formaliter ad appetitum pertinent, ut de dolore diximus; ad tactum verò solum in quantum qualitates tangibiles, vel motus includunt, quę obiecta eius propria, vel communia sunt, & sub eadem ratione formali tactum immutant, ac in cæteris partibus corporis; quare non multiplicant tactus.
- 80 De gustu verò iam diximus non distingui à tactu, quia in determinata tantum parte corporis exercetur, sed quia diuerso modo immutatur à gustabili, ac tactus à tangibili superius à nobis explicata, & inferius magis explicanda. Ita etiam dicendum est de voluptate. Et hæc eadem doctrina applicari debet ad famem, & sitim, ad quas materialiter tantum cōcurrit sensatio tactus circa primas qualitates tangibiles exercita, & per actus eiusdem speciei cum cæteris qui circa eas versantur; quare pro his non debet multiplicari tactus. Nec ad nos pertinet agere de fame, & siti, sed medicis reliquenda est explicatio earum.

## CAPVT XII.

### TEXTVS ARISTOTELIS.

*Oportet autem vniuersaliter de omni sensu accipere, &c.*

Breuis expositio textus.

- 81 **P**ostquam Aristoteles naturas, & rationes omnium quinque sensuum externorum explicuit, communia quedam omnibus tradit c. præsentī, & hoc est intētum eius; diuiditur verò in tres partes; in quarum prima duo asserit habere communia, eaque exponit.

exponit. Secundo ex eorum expositione duo problemata soluit. Et in 3. dubium quoddam proponit ac diluit. Duo igitur asserit esse cōmunia omnibus quinque externis sensibus. Primum quod suscipiunt formas sine materia, ut visus colorem sine subiecto, in quo est, ut sine pariete. Sicut (inquit) cera suscipit figuram sigilli, non solum sine materia, id est, sine ferro, & auro, in quo est, sed etiam sine materialitate illa, quam habet figura eius in auro, & ferro; nam hac etiam caret in cera, in qua solum habet figuram representantem, sine illa materialitate artificiali, quam habet in auro, vel ferro. Er propterea dicuntur sensus receptiui formarum sine materia, hoc est specierū, aut similitudinum earundem qualitatū sensibilium sine subiecto, ac sine modo illo essendi naturali, & materiali, quæ habent qualitates ipsæ naturales in suis subiectis. Et iste est sensus huius loci, ut benè adnotavit D. Thom. ita ut sine illo nō possit intelligi. Secundum 82 quod omnibus conuenit est, quod in subiectis materialibus recipiantur, quæ subiecta eorum sensoria vocantur, aut organa, quæ tamen duplicia sunt; quædam quidem quasi communia, aut mediata vocari possunt, alia particularia, ac proxima, quæ vocantur prima sensoria: gratia exempli; pars illa heterogenea, per quam potentia visiva exercet actum videndi; nempe oculus, est quasi commune, & mediatum sensorium eius, sed proprium, atque immediatum est pars illa eiusdem oculi, in qua proximè relidet potentia, nempe pupilla, cuius ratione dicitur esse in oculo. Et hoc sensorium primum, inquit Aristoteles 2. lib. de partibus animal. cap. 1. semper est pars similis, & homogenea, ut pupilla, neruus, miringua, &c. quamuis sensorium secundarium in quo continetur heterogenea sit. Potentia autem, & sensorium ait esse idem subiecto, sed distingui ex natura rei. Esse autem idem subiecto non sic intelligit, ut utrumque inheret in quodam tercio tanquam in subiecto, sicut albedo, & dulcedo in eodem lacte; sed ita ut vnum sit in altero tanquam in subiecto, nempe potentia in organo: nam hoc substantia illa accidens eius est.

Ex his soluit in secunda parte capitis duo problemata. Primum est, quare vehementia sensibilia, ut intensissima lux lædit visum. Er respondet, quia sensorium consistit in certo quodam temperamento, & quasi harmonia primarum, ac secundarum qualitatū ad certum gradum intensiōis attemperatarum: hæc autem temperies, & harmonia turbatur, & alteratur per vehementem, atque insolitam commotionem sensibilis, & ex hac eius turbatione, & alteratione læditur potentia, & aliquando extinguitur, quia maximè dependet ab eo tanquam à subiecto proprio, ac naturali in esse, & conseruari. 83

Secundum

84 Secundum problema est, quare plantæ non sentiant: cum animam habeant, & patiantur à sensibilibus qualitatibus: nam calefiunt, & infrigidantur. Et respondet, qui carent his sensoriis prædicto modo attemperatis necessariò requisitis pro subiectis propriis ac proportionatis earundem potentiarum. Occasione huius solutionis proponit dubium in vltima parte, an sicut plantæ (etiam si non sentiant) patiuntur à qualitatibus eas recipientes; sic aliæ res non sentientes pati possint ab obiectis aliorum sensuum, vt à colore, sono, & aliis, & quod pati possint probari. quia ab obiectis potentiarum sensitiuarum solum possunt immutari potentiaæ eadem, quia relatiua sunt potentia, & obiectum: cum ergò potentiis careant, pati aut immutari ab obiectis earum non possunt. Secundò, quia anima sensitiva caret, & ideo sensitiva non sunt quare à sensibilibus, vt talibus pati nequeunt. Et tandem experientia, quia videmus non producere hæc obiecta in eisdem rebus sibi similes effectus, vt albedo non producit aliam albedinem in ligno.

85 Respondet dubio proposito obiecta prædictorum sensuum non agere in quæcunque corpora insensibilia: sed ferè semper in solidis diaphanis, & in his non producere permanentes effectus: sed citò transeuntes, & se habentes tanquam viam ad sensationes, non enim mouent aërem, vel aquam, neque aliquid in eis producunt, nisi per modum viæ. hoc est, vt eo tanquam medio inmutent potentiam ad sui sensationem, patiuntur ergò ab eis corpora diaphana, & tamen non sentiunt: sed vt media ad sensationem. Ex quo inferre possumus euidens esse, quod sensatio non consistat in sola passione, & receptione ab obiecto, sed præcipuè in actione vitali, quamuis passio ab obiecto omnino necessatio præsupponatur, & hæc est sententia totius capitis.

### Q V Æ S T I O V N I C A.

*Quo modo sensus lædatur ab excellenti sensibili.*

86 Præsupponit titulus quæstionis tanquam certum, quod sensus lædatur à vehemente sensibili, vt Aristot. & omnes eius interpretes docent, & euidens experientia confirmat: nam experimur lucem solis oculos ex directo inspicientes offuscare; & si in tali visione perseuerent, lædere. Sed circa modum, quo sensus lædatur, non est leuis difficultas. In primis enim nihil læditur, vel corrumpitur, nisi à contrario, vt docet expressè idem Aristoteles in lib. de longitudine, & breuitate vitæ cap. 1. sed sensus carent contrario: ergo minimè lædi, vel corrumpi possunt. Secundò quia potentia sumit speciem ab obiecto, & consequenter essentialem perfectionem, ergò nata est ab eo perfici.

perfici. Vnde sequitur, quo perfectius, aut excellentius est obiectum, magis perficere potentiam. Et ex hoc nullo modo eam lædere, aut destruere posse. Et tandem quia obiectum mouet potentiam per species intentionales: sed de speciebus euidens est nō posse lædere sensum, in quo recipiuntur, sed potius perficere, & quō intensiores, aut excellentiores fuerint, magis perficere, cum sint accidentia intentionalia, & naturales similitudines eius, nec vllam possint habere naturalem actionem per quam solū potest lædi vel corrumpi vnum corpus ab altero: ergo excellens sensibile nō potest lædere, vel destruere sensum.

Prius quā diuersas autorum sententias circa hanc rem proponamus, distinguere oportet duplicem modum excogitabilem, quo sensus possit lædi, vel destitui ab excellenti sensibili. Prior est per se, in quantum sensibile est, sensumque immutat per species intentionales, ita vt perfectiorem, aut intensiorem speciem in eo producat quā natura eius postulet: nam certum est requiri proportionem inter potentiam, & speciem, quæ virtus eiusdem obiecti est. Secundus modus lædendi potentiam excogitari potest in obiecto, non per se, vel quatenus obiectum est talis potentiæ, cāmque immutat, sed per accidens ratione alicuius adiuncti, vt in luce possumus considerare, quod quatenus visibilis est, non possit visum lædere, sed perficere, at quia ratione est causatiua caloris, possit organum lædere naturalem eius temperiem alterando, & consequenter potentiam à temperie naturali eius maximè dependenti.

Qua distinctione præsupposita, prima opinio affirmat sensum lædi, aut corrumpi posse ab excellenti sensibili per se, & formaliter vt sensibili, quia species intentionales adeò excellentes, aut intensas, eidemque sensui improporcionadas potest in eo producere, à quibus offendatur, lædatur, aut etiam corrumpatur, vt patet de intensissima luce, vel albedine comparata cum aliqua potentia visiva infirmiori, ac debiliori, quæ ab speciebus perfectissimis, atque intensissimis ab ea productis non potest non offendi, vel lædi. Ita Caietan. 3. lib. de anima ad textum 123. & 124. & Tolertus quæstion. 4. probat Tolertus testimonio Aristotelis section. 32. probl. quæst. 44. vbi ait viridem colorem confortare, ac delectare visum; quod patet non præstare, nisi per speciem intentionalem: cum non agat in eum producendo alterum colorem sibi similem. Probat deinde ratione 1. quia albedo disgregat visum, & nigredo congregat, & isti sunt effectus reales lædentes, aut confortantes potentias, quos patet non efficere, nisi per species intentionales, quæ cum sint accidentia realia, poterunt eos producere in potentias; quare obiectum per se, & sub ratione obiecti lædit potentiam, quia

quia species est virtus obiecti, quam sibi substituit ad immutandam potentiā in eamque agendum: sed excellens obiectum propter naturalem improportionē, quam habet cum potentia intimiori, non potest eam non offendere: ergo eodem modo offendetur, ac lædetur à virtute eius, quæ est species: nam eundem effectum producit agens per se, & per suam virtutem.

90 Secunda opinio tria asserit. Primum est *obiecta sensuum per se sumpta, id est, ut obiecta sensuum sunt, non possunt ullo modo ledere sensus, neque organa eorū.* Secundum, *obiecta quidē sub ratione agentium naturalium, per naturales qualitates ledere possunt sensus, & aliquando eos destruere.* Tertium, *sensus non possunt per se, & immediatē ladi, vel destitui ab obiectis, etiam ut agentibus naturalibus consideratis: sed solum per accidens, & quasi mediatē, & indirectē ex latione organi, à quo tanquam à subiecto dependent in esse, & conservari.* Hæc sententia cōmunis est omnium interpretum huius loci, præter Caiet. & Tolet. & nobis videtur longē probabilior. Sed prius declaranda sunt tria hæc, deinde sigillatim probanda.

91 Pro declaratione igitur adnotare oportet duo habere obiectum cuiuscumque sensus; primum est esse immutatum sensus iuxta modū eius, & quia sensus omnes apti sunt immutari ab obiectis modo intētionali per species, hinc est quod obiecta sensuum sub ratione præcisa obiectorum non sunt agentia naturalia, à quibus naturales effectus procedāt, sed intentionalia: nam potentias solum respiciūt, ut cognoscibilia ab eis, esse naturæ cognoscibile est esse intentionale, quia cognitio, intentio, vel attentio propriē vocatur. Habent præterea aliud, nempe agere per qualitates naturales sicut cætera agentia naturalia, atque effectus naturales producere per se, vel aliquo alio modo, ut

92 lax præter esse obiectiuū, quod habet, & immutare visum modo intentionali potest, habet etiā producere calorem, quem sua virtute, aut eminentia continet, unde & aërem, & sensorium visus calefacere potest. Et ratione primi asserimus non posse sensus lædere; posse tamen ratione secundi, non quidē directē, & per se agendo in potentiam: sed indirectē, & quasi per accidēs, agendo quidem per se immediatē in organum, à quo tanquam à proprio subiecto dependet potentia, & quo læso dicitur ipsa lædi.

Nunc verò probanda sunt tria illa testimonio Aristotelis,

93 qui capite præsentī textu 123. non dixit excellentia sensibilia lædere, vel corrumpere sensum: sed sensorium, quia suo motu fortiori, aut intensiori lædunt; vel corrumpunt naturale temperamentum eius, sed ratione cuius conueniens subiectum erat sensitiuæ potentiæ; & ideò eo corrupto corrumpitur potentia, quæ cum sit accidens, non potest destructo subiecto conservari. Ex quo efficaciter colligo tria à nobis asserta: Primum quidem



quidem, quia temperamentum organi constat qualitatibus naturalibus, quod ideo corrumpitur, vel læditur, quia per intensiorem alterationem plus iusto incenditur aliqua qualitas, cuius intensio dissolvit temperiem innatam, ut patet de intensione caloris nimia, ratione cuius proportio aliarum qualitaturnaturaliter requisita tollitur. Sed constat, actionem hanc alterantem naturaliter organum non procedere ab obiecto sub ratione obiecti, quia non est intentionalis: sed naturalis; ergo nec obiectum sub ratione obiecti lædit, vel corrumpit organum ex mente Aristotelis: sed ut agens naturale, quod est secundum assertum nostrum.

Nec etiam alteratio hæc directe, & per se versatur circa potentiam: sed circa sensorium, & ideo hoc est, quod per se immediate læditur, vel corrumpitur; potentia igitur non per se immediate: sed quasi per accidens ratione subiecti: nam corruptio accidentis ad corruptionem subiecti per accidens vocatur, non per se. Et hoc est tertium assertum nostrum in eisdem verbis Aristotelis planè contentum. 94

Sed probatur iam primum assertum duplici ratione: prima, quia species intentionalis quantumlibet intensa, aut perfecta habet esse diminutum, & longè imperfectius esse naturalis: ergo non potest producere effectum naturalem in organo, quia res inferioris ordinis non potest sua virtute producere effectum ordinis superioris: sed temperies organi non læditur, neque destruitur, nisi per alterationem naturalem, cum constet qualitatibus naturalibus ad mediocritatem reductis, & non intentionalibus: ergo nec ab intentionalis, neque ab obiecto sub ratione obiectiva, atque intentionalis, lædi, vel corrumpi potest.

Secundò, cognitio quæcumque est perfectio potètiæ, & quo intensior, vel perfectior, magis eam perficit: sed species nihil aliud habet, quàm esse comprincipium cum eadem potentia, & quò perfectior est, nata est esse comprincipium perfectius: ergo repugnat lædere, vel destruere potentiam, etiam si sit intensissima, & his efficaciter etiam probatum est secundum assertum nostrum, nempe obiecta sensuum non ut obiecta: sed ut agentia naturalia lædere ac destruere sensum, quia solum, ut naturalia agentia, & non intentionalia possunt alterare sensum, alteratione naturali, ut lux non in quantum visibilis: sed ex perfectione qualitatis naturalis, per quam continet virtute calorem, & eum potest producere in oculo, potest visum lædere. 95

Probatur tandem ultimum assertum, quod adhuc ab obiectis, ut naturalibus agentibus non possit per se immediate, aut directe lædi, vel destitui potentia ipsa: sed solum per accidens, & quasi remote, quia nullum accidens læditur per se immediate 96

diatè nisi à contrario: sed potentia vitalis qualis est sensus, omnis, caret omnino contrario, ut per se patet: ergò non potest lædi, vel destrui per se immediatè ab obiecto, etiam secundum esse naturale sumpto: sed solum per accidens, læso, vel destructo per se immediatè organo tanquam subiecto eius.

Ad testimonium Aristotelis pro opposita sententia concedimus viridem colorem oblectare visum: sed negamus talem oblectationem causate per species intentionales: sed ratione aliquius qualitaris naturalis, nẽpe frigiditatis, vel humiditatis ab eodẽ viridi emissæ simul cum specie, quæ cum sit tẽperamento oculorum consentanea, potentiam visivam oblectare dicitur.

97 Ad primum argumentum concedenda est maior, quod albedo intensa visum disgreget, cumque offendat, ac lædat: sed neganda est minor, quod hũc effectum efficiat per species intentionales: sed potius ex eo, quod propter maximam participationem lucis, quã habet albedo, maior sit reflexio lucis in corpore nimis albo, quàm alio colore affecto, & à luce vehementius reflexa, & nimis intensa in medio per eandem reflexionem nimium calorem in oculo producente disgregatur, ac dissolvitur temperamentum oculi, læditurque potentia. Quod verò in eodem argument. dicitur species esse accidentia realia, concedimus, & cum ex eo colligitur perfectiores producere effectus reales in organo: distinguendum putamus: nam reales naturales non possunt, cum habeant inferiorem modum essendi respectu eorum: sed benè reales intentionales, & cum non lædatur potentia ab intentionalibus: sed potius perficiatur, à solis verò naturalibus lædi possit (ut probauimus) sit ut non possit per species intentionales lædi ab obiectis.

99 Ad secundum distinguenda est maior, quòd species sit virtus obiecti, est enim virtus intentionalis: ideò potest quidem per eam effectus intentionales operari, nullum tamen naturalem, & cum non possit lædi, vel destrui sensorium, nisi per effectum naturalem, ratione cuius dissoluatur naturale temperamentum eius, hinc est, quòd non possit lædi, vel destrui ab excellenti obiecto. An verò lædi sit aliquid entitatis eius destrui, vel infirmam reddi. Respondeo, quod potentia corrumpitur per accidens ad corruptionem organi, quia ad desitionem eius desinit esse tota eius entitas, sicut cætera accidentia ad corruptionem subiectorum. Lædi verò, non esse aliquid entitatis eius corrumpi: sed solum est, quod cum integra permaneat secundum totam entitatem læso organo impeditur à propria operatione: ita ut vel non possit eam exercere, vel ægrè, aut cum difficultate, ac modo imperfecto. Et hæc de hoc secundo libro breuiter adnotasse sufficiat.

COMMENTARIORVM IN TER-  
TIVM LIBRVM ARISTOTELIS

Stagirita Philosophorum Prin-  
cipis de Anima.

BREVE PROOEMIUM.

**H**VIUS tertij libri initium non omnes eodem modo  
desumunt : sed Arabes à quarto capite, in quo Ari-  
stoteles incipit agere de intellectu , putantes tria  
priora, in quibus doctrinam de potentiis sensitiuis  
perficit ad librum secundum pertinere : quorum  
partitionem sequuntur Comm. Albert. Magn. , Ægidius, & Caietan-  
us. Græca verò exemplaria (quæ maioris sunt authoritatis)  
à capite ipso, in quo de numero exteriorum sensuum differit  
Aristoteles , inchoari volunt , & hanc distributionem sequun-  
tur Boëtius , & Argiropilus in suis translationibus. Et omnes  
ferè antiquiores interpretes Aristotelis hoc loco. Simplicius  
Philoponus, Themistius, D. Thom. Theophilus & plures alij,  
quam ut maioris authoritatis amplectimur. Ei ideò capite hoc  
initium præbet nostris Commentariis in tertium librū. Quem  
in quatuor partes diuidere placet. In prima quæ velut præam-  
bulum est eiusdem libri , agit Aristoteles de numero externo-  
rum sensuum. Quorum naturam & rationem sigillatim expli-  
cuit in 2. lib. deinde exponit sensus internos ( utrumque enim  
horum præambulum est apprimè necessarium ad explicandam  
naturam intellectus, & operationis eius ) quod præstat in tertia  
parte. Et tandem agit de principio motus animalium.

CAPVT I.

TEXTVS ARISTOT.

*Quod autem non sit sensus alius præter quinque.*

Breuis expositio textus.

**I**Ntentum huius primi capitis est, tradere numerum exter-  
norum sensuum. Diuiditur autem in duas partes : in priori  
probat quinque tantum esse externos sensus ; in posteriori verò  
dubium quoddam proponitur , & soluit. Probat igitur externos  
sensus non esse plures, quàm quinque , triplici ratione : sed ad  
formandum primam prolixam satis , oportebit ordinem Ari-  
stot. aliquantulum inuerrere. Et ita hoc discursu compre-  
hendi debet. Si alius sensus præter quinque enumeratos daretur,

vel esset eiusdem speciei cum eis, vel cum aliquo eorum, aut diuersæ: sed nec eiusdem, nec diuersæ; ergo non dabitur alius, 2 neque huic numero alter deerit. Probat minor quantum ad primam partem, quod non desit aliquis alius sensus eiusdem rationis cum his, quia si talis deesset: idè foret, quia quilibet eorum non perciperet omnia sensibilia contenta sub proprio obiecto, pro quibus percipiendis oporteret ponere sensum aliū eiusdem speciei: sed quilibet horum quinque sensuum percipere potest sensibilia omnia eiusdem rationis formalis obiecti- 3 uæ; ergo non est necessarium multiplicari alterum. Probat hanc minorem inductione discurrente per omnes sensus: nam visus visibilia omnia percipit, nempe lucem & omnes colores; & pariter ceteri sensus. Secūdam verò partem eiusdè minoris, quod non deficiat alter sensus diuersæ speciei ab his, probat hoc modo. Si daretur sensus alter diuersæ speciei ab his quin- 4 que; ergo daretur aliud sensorium etiam specie distinctum à sensoriis horum sensuum; daretur etiam medium diuersum specie, per quod sensus ipse propria sensibilia perciperet: sed non datur medium specie distinctum: ergo neque aliud sensoriū, neque alius sensus. Maiorè huius vltimi syllogismi probat ex necessaria proportionem inter mediū & sensorium in eo posita, quod medium debet habere rationem aliquam similem, vel cognatam sensorio, & omnia obiecta, quæ possunt in medio recipi sub tali ratione conuenientia, possunt quoque percipi per tale sensorium, & à tali sensu in eo existente. Minorem verò, quod non detur aliud medium præter media horum quinque sensuum, probat; quia vel esset intrinsecum, vel extrinsecum, & de intrinseco, euidens est dari non posse, quia mediū intrinsecum solum possunt habere gustus, & tactus, & quæcunque sentiri possunt per medium internum, non possunt aliis sensi- 4 bus præter gustum, & tactū sentiri; quare nec alia media interna, nec alia sensoria eis correspondētia, nec alij sensus operantes per medium internum excogitari possunt, præter gustum, & tactum, qui modo sunt, de quibus certum est tangibilia omnia & gustabilia percipere. Quod verò non detur aliud medium extrinsecum, præter aërem, & aquā, probat, quia media deferuiunt ad deferenda obiecta, vel species eorum; sed aër, & aqua non possunt deferuire, nisi ad deferenda obiecta, vel species horum trium sensuum, videlicet visus, auditus, & olfactus; & obiecta omnia quæ per hæc deferri possunt, percipiuntur ab eisdem tribus sensibus, quia cum eis tātum possunt habere cognitionem, seu proportionem requisitam inter medium, sensorium & sensum: ergo non datur aliud medium. Probat minor, quia medium & organum eandem quoque proportionem, & similitu- 5 dinem

dinem habent, vt qualitas mediij propotionati cum organo prædominari debeat in temperamento naturali eiusdem organi, sed quatuor tantum sunt elementa, quæ media extrinseca esse possunt, ex quibus solus aer, & aqua possunt prædominari in sensorijs, quia valde accommodata sunt propter humiditatem ad recipiendum; ignis verò ob maximam actiuitatem prædominari non potest; nam potius desiccabit omnia, quæ per eum traicienda sunt. Terra verò ob densitatem simul cum summa siccitate inepta est etiam ad recipiendum, & ideo non potest prædominari in sensorijs, nisi forte in tactu, de quo modo non agimus, cum medio externo careat: ergo sequitur non posse dari alia media externa, præter aërem, & aquam, & ex consequenti, nec alia sensoria præter ea, in quibus resident prædicti tres sensus, nempe visus, auditus, & olfactus, à quibus sentiri possunt omnia sensibilia per aquam, & aërem deferenda, & ideo, nec plures, quàm quinque isti sensus ab omnibus positus. Et hanc rationem confirmat, quia perfectis animalibus hoc est, non orbatis debiti sunt omnes sensus; sed plura sunt perfecta animalia in quibus non dantur, nisi quinque sensus numerati: ergo non sunt plures.

Secunda ratio ad idem probandum, est, quia si daretur alius sensus, maximè ad percipienda communia sensibilia (nam pro sensibilibus propriis probatum est dari non posse) sed nec datur pro his, quia omne sensibile commune sentitur per se à multis sensibus, ergo nullum sensibile commune potest esse proprium alicuius sensus, repugnat igitur dari pro solis sensibilibus communis particularis sensus, quo percipiantur. Probat tandem, quia si communia sensibilia ab vno alio sensu distincto ab his per se sentirentur: ergo ab aliquo ex his sentirentur per accidens, vt à visu, ex eo solum; quod coniunguntur in eodem subiecto cum albedine, quamuis nullo modo visum moucant, sed sensibilia communia non sentiuntur per accidens villo ex his modis ab aliquo ex quinque sensibus: cum eo per se immutent, quia sunt sensibilia per se: ergo non potest pro eis dari distinctus sensus. In postrema tandem parte capituli proponit dubium, quanam de causa producti sint à natura plures sensus externi, & non vnus tantum pro omnibus sensibilibus. Et respondet, quia si vnus tantum sensus daretur pro omnibus, confunderentur sensibilia communia cum propriis, omnia enim ad vnum sensum pertinerent, & nullum ad plures, & omnia promiscuè perciperentur ab vno illo sensu, quare ex hac parte non possent distinguui.

## Q V Æ S T I O I.

*An probari possit evidenti ratione quinque tantum  
esse sensus externos.*

12 **N**ON quærit titulus quæstionis, an tantum sunt quinque sensus, ut quæsiuit Aristoteles capite præsentî: sed hunc numerum eorum præsupponit ex communi sententia Philosophorum omnium, Scholasticorum & Sanctorum Patrum; ita ut nemo sit, qui vllum addat, vel detrahat ab eo, quem Philosophi cum primis Aristotele antiquiores posuerunt, ut testatur author operis de secretiori sapientia secundum Ægyptios, & docet Plato in Teætetø. Aristoteles cap. præsentî, & cum eo vniuersi interpretes, tam recentiores, quàm antiqui, Scholastici cum D. Thom. 1. part. quæst. 78. art. 3. & denique Sancti Patres. Ambrosi. in cap. 18. Apocal. August. lib. 2. de gen. ad literam. cap. 5. & libr. de quantitate animæ cap. 23. Hieron. in Psalm. 141. Gregor. Homil. 17. in Ezech. D. Damasc. 2. lib. fidei c. 18. D. Greg. Nisæen. oratio. 6. in Cant. & plures alij, cum reliquis sacri textus expositoribus super parabolam Euangelicam, de quinque talentis, quæ habetur Matthæi 28. hoc igitur numero præsupposito quærimus, an detur ratio, non solum probabilis, sed evidens qua probetur, non dari plures, quàm quinque.

10 **O**missis verò aliis rationibus, quæ afferuntur ad probandum non dari plures sensus externos, quàm quinque paucis referam eas, quas Aristoteles & D. Thom. asserunt, & Aristoteles quidem id probauit in textu, ut vidimus ex organorum numero, quæ tantum sunt quinque & non plura, quia non sunt plura media, præter illa, quæ aliquam habent cognationem, & similitudinem, aut proportionem cum eisdem quinque organis. Sed 11 D. Thom. 1. part. quæst. 78. art. 3. discursu alio longè diuerso id ostendit ex diuersis modis, quibus sensitiuæ potētiae immutantur ab obiectis; nam ex hoc vidimus, & probauimus superius distingui specie potentias: & cum modi isti sint quinque, nec alter præter eos reperiatur, concludit D. Thomas, quinque tantum esse sensus externos, & nō plures. Vtrumque autem discursum ab Aristotele, & D. Thom. traditum demonstratiuum nonnulli reputāt, & ideo euidenter probare, quod nō dentur plures sensus præter hos quinque.

12 **E**go verò tria in hac re assero. Primum est non esse impossibiles plures alios sensus præter hos quinque, sed fieri posse à Deo. Probatur primò, quia non conuincitur implicare contradictionem produci à Deo alias qualitates valdè diuersæ naturæ ab his, & ideo habentes diuersum modum immutandi sensum sub his quinque non comprehensum: ergo nec repugnabit plures

plures sensus præter hos quinque dari. Secundò, quia non videtur repugnare, quod producantur sensus alij à quibus percipiuntur occultæ quædam qualitates corporeæ, ut virtus magnetis. Virtus etiam illius piscis detinentis nauim, virtus piperis, & vini, aliorumque mixtorum corporum, quas sentiri posse non repugnat: cum sint corporeæ, & constat non sentiri per hos quinque sensus. Præterea non repugnat dari alia corpora præter aërem, & aquam, imò valde ab eis diuersa, quæ possint esse media externa aliorum sensuum; quare dari etiam poterunt alia sensoria valde diuersa ab his, cum quibus longè diuersam similitudinem, & proportionem habeant ab ea, quam habent media hæc aëris, & aquæ cum his sensoriis: ex quibus si aliquid valeret discursus Aristotelicus: benè probatur dari posse alios sensus præter hos quinque: 13

Secundum assertum nostrum est, eosdem discursus, quibus utuntur Aristoteles, & D. Thom. (vero similiores, absque dubio cæteris omnibus ab aliis excogitatis) non esse demonstrationes, sed solum argumenta probabilia, nec dubio quin solum, ut probabiles ab eis afferantur. Probatum hoc, quia quædam videntur præsupponere incerta, & alia assumere non probata. Nam discursus Aristotelis supponit in primis organa esse necessario multiplicanda pro multiplicatione sensuum, quod constat esse incertum, & fortè falsum apud ipsum; nam capite de tactu docuit expressè, quod etiam si gustus dispersus foret per omnes partes corporis, in quibus reperitur tactus: adhuc esset sensus distinctus ab eo, ex quo euidenter tolligitur non esse necessario multiplicanda organa pro multiplicatione sensuum: cum non sequatur distinctos non fore eos qui eundem haberent organum: infirmus igitur est ex hac parte discursus Aristotelicus. Assumit præterea aliam propositionem, nec per se euidentem, nec per se probabilem, nec à se probatam, videlicet media externa aëris, & aquæ non habere cognitionem, aut proportionem, nisi cum tribus sensibus, visu, auditu, & olfactu, & idè non deferuire aliis, quod patet incertum esse, & à nemine exploratum. 14

Et tandem assumit alteram magis incertam, nempe non dari plura sensoria, quia aër, & aqua non possunt prædominari, nisi in his sensoriis, hanc verò incertam vocò, quia præsupponit tandem necessarium prædominari debere humiditatem in sensoriis, eo quod sit qualitas ad recipiendum accommodatissima. Quod in primis ostendo falsum apud eundem Aristotelem, qui in cap. de gustu docuit saporem præsupponere temperamentum, in quo siccum comprehendat humidum: unde colligo, quod si organum tanquam subiectum proprium 15

sensus debet obiecto eiusdem sensus proportionari, necessarium est. simile temperamentum habere, in quo siccum comprehendat humidum, eique prædominetur. Præterea non videtur ab Aristotele probatum, quod humiditas debeat prædominari in quocunque organo, sed satis erit in gradu æquali reperiri cum aliis, ut sit organum accommodatum ad recipiendum, quod patet in tactu præsupponente informari hæc perfectione aliquando organum temperatum ad pondus, quod non probatur dari posse in quibusdam aliis sensibus.

- 17 Discursus etiam D. Thom. (licet probabilior mihi videatur Aristotelico) quædam tamen continet incerta, & non probata: quale est illud, videlicet sub modo immutandi potentiam, intentionaliter tantum non dari, nisi sensum visus: quæ est enim ratio propter quam non detur alter, vel plures, qui solo modo intentionaliter immutentur, sicut dantur plures, qui immutantur modis naturalibus diuersis apud D. Thom. nempe gustum, & tactum. Supponitur præterea sub modo immutationis naturalis ex parte obiecti necessaria non dari nisi auditum, & potest quispiam dicere, quod detur alter sensus ab eo diuersus postulans immutationem naturalem ex parte obiecti, longè alio diuerso modo, ac postulat auditus, & ita constituet alium sensum diuersum ab auditu.

- 18 Afferro tandem *alia via ab experientia petita, posse euidenter probari, quod non dantur plures sensus.* Probatum autem hoc modo; experientia constat nos non cognoscere plures actus sentiendi, præter eos, quos quinque isti sensus eliciunt, & si darentur, euidentis est aliquando, vel ab aliquo exploratos, aut cognitos fuisse; sed distinctos specifica sensuum sumitur ex distinctione specifica actuum: ergo efficaciter sequitur, non dari alios sensus specie distinctos ab his. Et si de tactu dubitatum est an sit vnus, vel plures specie distincti, nihil refert, quia de numero horum sensuum, ut sunt à nobis cogniti: loquimur inquirentes, an præter eos, quos cognoscimus, & sub quinario numero comprehendimus (etiam si sint plures tactus) dentur alij sensus specie distincti: nam de distinctione numerica euidenter probatur non dari alios sensus ab his distinctos, quia per vnum possunt percipi sensibilia omnia eiusdem rationis non minùs, quàm per multos, ergo superuacanei sunt multi. Quod tandem probat efficaciter vltima ratio Aristotelis, quia euidentis est hominem esse animal perfectum, & plura ex brutis; ergo euidentis est nullum ei deesse sensum, & constat experientia ex actibus, & obiectis non habere alium specie distinctum ab his quinque; ergo nec dantur alij.



Q V Æ S T I O I I.

*An omnes sensus externi perfectiores sint in homine, quàm in cæteris hominibus.*

**D**Vplicem potest sensum habere proposita quæstio; prior 20  
 rem quidem de perfectione specifica essentiali, nempe, an  
 omnes sensus externi maiore habeant perfectione essentialem,  
 aut specificam in homine, quàm in cæteris animalibus: poste-  
 riorem, an maiorem saltem accidentalem, vel individualement.

Et quantum ad sensum priorem, superius statutum est à no-  
 bis, atque probatum non differre specie sensus externos in ho-  
 mine, & in brutis. Ex quo euidenter inferitur non habere maio-  
 rem perfectionem essentialem in homine, quàm in cæteris ani-  
 malibus: sed æqualem: nam cum sint eiusdem speciei atomæ,  
 eiusdem erunt perfectionis essentialis. Quo supposito de hac 21  
 maiori perfectione non procedit quæstio, sed solum de maiori  
 perfectione accidentali, aut individuali.

De qua prima opinio tenet omnes sensus externos hominis  
 perfectiores esse sensibus cæterorum omnium animalium. Ita  
 videtur sentire Tolertus 2. lib. de anima quæst. 24. & cum eo re-  
 centiores quidam. Qui primo probant, quia anima sensitiva  
 cuiuslibet hominis perfectior est ex individuali differetia ani-  
 ma sensitiva aliorum animalium propter identitatem cum ra-  
 tionali, & insuper propter naturale temperamentum perfectius  
 in hominibus, quàm in quibuscunque brutis, ex quo inferitur 22  
 maior perfectio organorum omnium: & ideo maior perfectio  
 potentiarum, sed omnes sensus externi cuiuscunque hominis  
 secundum rationes individuales accepti sequuntur rationem  
 individualement eiusdem animæ sensitivæ, & rationalis; ergò ne-  
 cesse est maiorem perfectionem individualement habere omnes.  
 Probant secundò inductione per omnes sensus discurrentes;  
 nam gustus, & tactus perfectiores sunt, tum propter perfec-  
 tius temperamentum organi, tum etiam, quia uterque suo  
 modo est sensus alimenti ac nutritionis: alimentum verò, &  
 nutritio maiorem habent perfectionem in homine, quia ordi-  
 nantur per se ad productionem perfectioris substantiæ nempe 23  
 humanæ; & utraque hæc ratio suo modo probat de olfactu ad  
 eandem nutritionem ordinato, quia per eum cognoscimus  
 meliora alimenta, & magis eidem nutritioni accommodata;  
 & per eum adquirimus phantasmata ordinata ad intellectio-  
 nem, quod non habet in brutis. Et eadem ratione probatur vi-  
 sum, & auditum perfectiores esse in hominibus, quia uterque  
 ordinatur ad comparandas scientias.

In hac re duo mihi videntur certa apud Aristotelem. Pri- 24

sensus debet obiecto eiusdem sensus proportionari, necessarium est. simile temperamentum habere, in quo siccum comprehendat humidum, eique prædominetur. Præterea non videtur ab Aristotele probatum, quod humiditas debeat prædominari in quocunque organo, sed satis erit in gradu æquali reperiri cum aliis, ut sit organum accommodatum ad recipiendum, quod patet in tactu præsupponente informari hac perfectione aliquando organum temperatum ad pondus, quod non probatur dari posse in quibusdam aliis sensibus.

- 17 Discursus etiam D. Thom. (licet probabilior mihi videatur Aristotelico) quædam tamen continet incerta, & non probata: quale est illud, videlicet sub modo immutandi potentiam, intentionaliter tantum non dari, nisi sensum visus: quæ est enim ratio propter quam non detur alter, vel plures, qui solo modo intentionaliter immutentur, sicut dantur plures, qui immutantur modis naturalibus diuersis apud D. Thom. nempe gustum, & tactum. Supponitur præterea sub modo immutationis naturalis ex parte obiecti necessaria non dari nisi auditum, & potest quispiam dicere, quod detur alter sensus ab eo diuersus postulans immutationem naturalem ex parte obiecti, longè alio diuerso modo, ac postulat auditus, & ita constituet alium sensum diuersum ab auditu.

- 18 Affero tandem *alia via ab experientia petita, posse euidenter probari, quod non dantur plures sensus.* Probatum autem hoc modo; experientia constat nos non cognoscere plures actus sentiendi, præter eos, quos quinque isti sensus eliciunt, & si darentur, euidenter est aliquando, vel ab aliquo exploratos, aut cognitos fuisse; sed distinctos specifica sensuum sumitur ex distinctione specifica actuum: ergo efficaciter sequitur, non dari alios sensus specie distinctos ab his. Et si de tactu dubitatum est an sit vnus, vel plures specie distincti, nihil refert, quia de numero horum sensuum, ut sunt à nobis cogniti: loquimur inquirentes, an præter eos, quos cognoscimus, & sub quinario numero comprehendimus (etiam si sint plures tactus) dentur alij sensus specie distincti: nam de distinctione numerica euidenter probatur non dari alios sensus ab his distinctos, quia per vnum possunt percipi sensibilia omnia eiusdem rationis non minus, quam per multos, ergo superuacanei sunt multi. Quod tandem probat efficaciter vltima ratio Aristotelis, quia euidenter est hominem esse animal perfectum, & plura ex brutis; ergo euidenter est nullum ei deesse sensum, & constat experientia ex actibus, & obiectis non habere alium specie distinctum ab his quinque; ergo nec dantur alij.

## Q V Æ S T I O I I.

*An omnes sensus externi perfectiores sint in homine, quàm in cæteris hominibus.*

**D**Vplicem potest sensum habere proposita quæstio; prior 20  
 rem quidem de perfectione specifica essentiali, nempe, an  
 omnes sensus externi maiorē habeant perfectionē essentialē,  
 aut specificam in homine, quàm in cæteris animalibus: poste-  
 riorem, an maiorem saltem accidentalem, vel indiuidualem.

Et quantum ad sensum priorem, superius statutum est à no-  
 bis, atque probatum non differre specie sensus externos in ho-  
 mine, & in brutis. Ex quo euidenter infertur non habere maio-  
 rem perfectionem essentialē in homine, quàm in cæteris ani-  
 malibus: sed æqualem: nam cum sint eiusdem speciei atomæ,  
 eiusdem erunt perfectionis essentialis. Quo supposito de hac 21  
 maiori perfectione non procedit quæstio, sed solum de maiori  
 perfectione accidentali, aut indiuiduali.

De qua prima opinio tenet omnes sensus externos hominis  
 perfectiores esse sensibus cæterorum omnium animalium. Ita  
 videtur sentire Toletus 2. lib. de anima quæst. 24. & cum eo re-  
 centiores quidam. Qui primo probant, quia anima sensitiva  
 cuiuslibet hominis perfectior est ex indiuiduali differētia ani-  
 ma sensitiva aliorum animalium propter identitatem cum ra-  
 tionali, & insuper propter naturale temperamentum perfectius  
 in hominibus, quàm in quibuscunque brutis, ex quo infertur 22  
 maior perfectio organorum omnium: & ideo maior perfectio  
 potentiarum, sed omnes sensus externi cuiuscunque hominis  
 secundum rationes indiuiduales accepti sequuntur rationem  
 indiuidualem eiusdem animæ sensitivæ, & rationalis; ergò ne-  
 cesse est maiorem perfectionē indiuidualem habere omnes.  
 Probant secundò inductione per omnes sensus discurrentes;  
 nam gustus, & tactus perfectiores sunt, tum propter perfe-  
 ctius temperamentum organi, tum etiam, quia uterque suo  
 modo est sensus alimenti ac nutritionis: alimentum verò, &  
 nutritio maiorem habent perfectionem in homine, quia ordi-  
 nantur per se ad productionem perfectioris substantiæ nempe 23  
 humanæ; & utraque hæc ratio suo modo probat de olfactu ad  
 eandem nutritionem ordinato, quia per eum cognoscimus  
 meliora alimenta, & magis eidem nutritioni accommodata;  
 & per eum adquirimus phantasmata ordinata ad intellectio-  
 nem, quod non habet in brutis. Et eadem ratione probatur vi-  
 sum, & auditum perfectiores esse in hominibus, quia uterque  
 ordinatur ad comparandas scientias.

In hac re duo mihi videntur certa apud Aristotelem. Pri- 24

rum quod homo tactu, & gustu, simpliciter superet cetera animalia omnia. Secundum, quod olfactu, etiam simpliciter superetur à multis; quia plures odorum differentias cognoscunt, & clariùs, atque distinctiùs naturā odoris. Vtrumque reperio expressum apud ipsum: primum quidem cap. 9. huius lib. textu. 94. vbi ita ait: *Certiores habemus gustum, propterea quod ipse quidam tactus est. Hunc autem habet sensum homo certissimum, in aliis autem superatur ab animalibus multis. Secundum autem tactum multò quam cetera excellentius percipit, unde, & prudentissimum animalium est.* Postremum verò asserit textu 92. eiusdem capituli his verbis: *Non enim sic manifestum est, quale quid sit odor, ut sonus, aut lumen, aut color. Causa autem est, quia sensum hunc non habemus certum, sed peiorem multis animalibus: prave enim odorat homo, & nihil sentit odorabilem, sine molesto, aut incundo.* Et textu 93. *Rationabile autem est sic, & qua duos oculos habent colores sentire, & non manifestas ipsis esse differentias odorum, nisi terribile, & non terribile, sic autem, & odores hominum genus.* Nec locum habet hæc in parte solutio recentiorum, de excessu quātum ad percipiendum obiectum à maiori distantia, vel in minori magnitudine, & non quantum ad meliorem, aut magis distinctam cognitionem obiecti; cum expressè asserat quantum ad meliorem, & clariorem notitiam obiecti, nempe odoris superari hominē ab animalibus; & in alio testimonio sic dicat superari ab animalibus in cæteris sensibus præter gustum, & tactum, sicut ea superat in his duobus, ea verò superare ait, quia excellentius percipit obiectum, ergò in cæteris sensibus superari sentit, quia melius obiecta aliorum sensuum percipiunt multa ex cæteris animalibus. Expressè etiam id tenet D. Thom. 2. lib. de anima lect. 19. vbi exponens verba Aristotelis à nobis adducta ita ait. *Sensum gustus habet homo certiores, quàm alia animalia, quia gustus est tactus quidam: tactum autem habet certissimum aliis animalibus licet in aliis sensibus deficiat à quibusdam animalibus. Sunt enim quædam animalia, quæ melius vident, audiunt, & olfaciunt, quàm homo, sed homo secundum tactum multum differt in certitudine cognitionis ab aliis animalibus.* Ita quoque sentiunt Conimb. 3. lib. de anima, ca. 1. quæst. vnica art. 2. & hoc videtur mihi probabilius.

De aliis verò duobus sensibus, videlicet visus, & auditus eodem modo sentiendum arbitror, quod perfectiores simpliciter reperiuntur in quibusdam animalibus, quàm in homine. hoc est, non solum, quia ad maiorem distantiam videant, & audiant, & minutiora sensibilia percipiant ad eandem, sed quia plures differentias visibilibus, & audibilibus cognoscunt, & melius naturam eorundem obiectorum, quàm homo. Quod expressis verbis citatis docuerunt Aristoteles, & D. Thom.

Sed ratione probandum est utrumque hoc modo, sensus externi valde diuersi sunt cōsiderata ratione propria cuiusque, & modo operandi valde diuerso, quamuis non omnia æquè sint diuersa, sed quædam magis, quædam minùs: ergo requirunt organa diuersa, diuersisq; modis temperata: quædam quidem, in quibus prædominetur humidum, ut visus, & auditus, alia in quibus prædominetur siccum, ut olfactus: & alia tandem temperamentum postulant, in quò nulla qualitas prima prædominetur, sed æquale sit ad pondus, si perfectum esse habeat, ut tactus atque etiam suo modo gustus. Hoc autem temperamentum specialiter reperiri in specie humana, licet nò in omnibus indiuiduis eius, sed in perfectissimè temperatis, probauimus 2. lib. de generat. & ideò in hominibus reperiri perfectissimum sensum tactus, qui tale postulat temperamentum: Sed sensus tactus dispersus est per totum corpus, & in omnibus sensoriis aliorum sensuum reperitur, quibus temperamentum æquale ad pondus, non est accommodatum, nec ad organa eorum: ergo licet homo perfectè temperatus habeat perfectè temperata organa, tactus, & gustus, sensoria verò aliorum sensuum non habebit ita accommodata, & consequenter, nec ceteros sensus ita bonos ad benè percipiendam naturam suorum obiectorum, atque eorum differentias, sicut habent multa animalia ita benè temperata, ac homines: quare satis probabile est, quod Aristoteles, & D. Tho. asserunt homines excedere animalia bonitate gustus, & tactus, sed superari à multis eorum bonitate visus, auditus, & olfactus. Et probatur secundo, nam qui percipit obiectum à maiori distantia, & in minori magnitudine, pluresque differentias eius, clariùs, atque distinctiùs illud idem percipit, sed aliqua animalia visu percipiunt obiecta minora, & ad maiorem distantiam, quàm homo, pluresque differentias eius, ut euidenti experientia constat, & in sensu olfactus probauimus: ergò obiectum eiusdem magnitudinis, & ab eadem distantia perfectiùs percipient, quàm idem homo, hoc est, clariùs, atque distinctiùs.

Pro solutione primi argumenti oppositæ sententiæ adnotare oportet, quòd differentia indiuidualis animæ sensitiuæ cuiuslibet hominis dupliciter sumi potest: realiter quidè, in quantum eadem est realiter cū differentia indiuiduali huius hominis: vel formaliter, in quantum est differentia huius hominis, ut est hoc animal: nam sicut Petrus potest considerari, ut est hic homo immediatè sub homine, ita potest considerari, ut est hoc animal immediatè sub animali: & differentia indiuidualis eius, licet realiter sit eadem, potest tamen considerari, ut est differentia huius hominis, ut sic, & huius animalis ut sic. Et cò est perfectior sub priori, quàm sub posteriori consideratione,

- 31 quò perfectior est hic homo,quàm hoc animal. Vnde fit,quod sicut externi sensus, & organa eorum sequuntur naturam sensituiam,vt sic,& non rationalem:ita determinati isti sensus, & determinata hæc organa, eorumque temperamentum sequuntur hanc naturam sensituiam,vt est hæc natura sensitiua: non vt est hæc natura rationalis. Habet autem, quod sit hæc natura sensitiua ex hac quiddè anima,quæ realiter est rationalis,non vt est hæc anima rationalis, sed vt est hæc anima sensitiua: ex quo non conuenit ei habere omnes sensus perfectiores ex differentia indiuiduali. Nihilominus, quia hæc natura sensitiua realiter est coniuncta cum rationali, & ex tali coniunctione prouenit, quod sit perfectissima sub proprio genere animalis, & quod homo sit animal omnium perfectissimum, ideò debetur ei corpus perfectissimè temperatum in aliquibus saltem indiuiduis, quia non est possibile æqualiter perfectum reperiri in omnibus naturaliter loquendo debetur etiam homini, vt perfectissimo animali talis perfectio sensuum, quæ perfectioni naturæ rationalis, & operationum eius cõgruit: inter omnes autem sensus vniuersalis est tactus, & quasi cæterorum omnium fundamentum (quamuis imperfectior omnibus sit) dispersus est enim per totum corpus, & in cæterorum sensuum organis residet, vnde fit: vt illud ex quo primo, atque simpliciter dicitur aliquid sensitium sit sensus tactus. Et ideo maior, vel minor perfectio huius sensus arguit maiorem, vel minorem perfectionem indiuidualem simpliciter naturæ sensitiuæ, nec solum sensitiuæ, sed etiam rationalis, quia maior perfectio tactus arguit perfectionem complexionem corporis, perfectiusque temperamentum; ad meliorem autem complexionem, & temperamentum corporis, sequitur nobilior anima, nobiliorque intellectus, quia omnis anima est proportionata suo corpori.
- 34 Ex quibus intelligitur, solum homini deberi perfectiorem tactum, & consequenter perfectiorem gustum, quia perfectior tactus per se conuenit perfectiori animali, & per se congruit perfectioni naturæ rationalis, & operationum eius, perfectio verò aliorum sensuum, quæ cum perfectione tactus coherere potest, iuxta temperamentum, quod singuli in propriis organis postulant. Hanc doctrinam desumpsi ex Aristotele 2. lib. de anima, cap. 9. textu 93. & 94. & ex D. Thoma, in commentariis eiusdem loci. Ex qua infero non solum non esse verum, sed nec naturaliter possibile, quod homo superet cætera omnia animalia in perfectione omnium quinque sensuum externorum, vt contendit opposita sententia, quia eo ipso, quod tactu superet omnia, & consequenter gustu, non est possibile habere
- 35 omnes alios sensus in tanta perfectione; cum constet organa  
corum

eorum longè diuersum temperamentum postulare, vel longè diuersum habere propter alias causas naturales concurrentes.

Et ex his facillè soluitur argumentum; neganda est enim maior, quod ex propria differentia indiuiduali naturæ sensitivæ formaliter sumpta debeantur homini perfectiores sensus, sed solum debentur ei ex coniunctione indiuidualis differentię naturæ sensitivæ cum indiuiduali naturæ rationalis. Propter cuius operationes, tanquam propter potissimum finem dati sunt homini sensus à natura: & cum tactus sit potissimus sensus, ex cuius perfectione potissimum sequuntur, perfectiores operationes intellectus ideo perfectior tactus cū primis ei debetur, cum quo incompossibilis est, maxima perfectio aliorum.

Quod verò dicitur perfectum temperamentum deberi homini, concedimus, sed ex eo non solum non sequitur perfectiores habere omnes sensus, sed potius oppositum; nam licet perfectum temperamentum inferat perfectissimum tactum, & consequenter gustum: cæteri verò non possunt esse omnino perfecti cum perfecto temperamento totius corporis: cum longè diuersum postulent.

Ad secundum concedendum est tactum, & gustum perfectiores esse in homine propter perfectius temperamentum, atque etiam quia tactus sensus est alimentari, maximèque iuuatur à gustu in ordine ad nutritionem: sed negandum est de cæteris, quia olfactus parum, vel nihil ad nutritionem conducit in homine. Parum etiā vel nihil ad scientias conducit. De visu verò, & auditu negare non possumus, quod ad comparandas scientia iuvent, sed non propterea maximam perfectionem habere debent in homine, quia cum perfecto temperamento totius corporis non est naturaliter possibile, ut probauimus, & pro scientiis comparandis imperfecti nobis sufficiunt, & per hæc testimonia prædictum interpretamur.

### Q V Æ S T I O I I I.

*An sensibile possum supra sensum sentiatur.*

**V**T intelligatur titulus quæstionis, adnotare oportet dupliciter intelligi posse, quod sensibile supra sensum poratur; videlicet ita ut inhæreat organo, sicut calor existens in organo tactus pertinens ad naturalem temperiem eius: vel non inhæreat, sed contiguum eidem organo sit. Ita ut nullum sit medium inter utrumque, ut si calidum extra organum tactus existens ipsum tangat, & de sensibili inhærente organo non procedit quæstio: cum dictum sit superius à nobis atque probatum sentiri non posse. Solum ergo procedit de sensibili contiguo, unde idem est quærere, an sensus sentire possint obiecta

iecta supra organum posita, ac si quaeratur, an possint ea sentire sine medio vel medium necessario requirant.

- 39 Et prima opinio tenet sensus omnes per se, & ex propria natura medium requirere internum, vel externum; & ideo sensibile contiguum organo nullum sensum sentire posse. Ita Albert. Magn. 2. part. Summæ de homine, quæst. de tactu: Comment. D. Thom. Ægidius, uterque Caiet. 2. lib. de anima, cap. de tactu. Iand. 2. lib. de anima, quæst. 21. Iauel. quæst. 50. Apollin. quæst. 34. Fetra. quæst. 19. Probanr testimonio Aristotelis, & ratione: nam Aristoteles 2. lib. de anima, cap. 7. textu 75. de omnibus sensibus in particulari expressè docet non posse sentire obiectum supra organum positum, quod commune esse omnibus sensibus asserit expressè cap. 9. textu 98: & cap. ult. 2. lib. probauit quinque esse sensus externos, & non plures, quia

- 40 si plures forent, plura etiam media ponenda essent: nam plura organa consequuntur plura media, quod non esset verum; si sensus omnes medium ex propria natura non postularent. Ratione verò probant, quia organum sensus longè minus est materiale, quàm obiectum; ergo species producta immediatè ab obiecto materialior etiam longè erit eodem organo, quod propterà non erit capax eius, ergo necessario postulant medium, quod minus sit materiale, quàm obiectum, in quo species etiam minus materiales producantur, & à qua adhuc sub minori possit materialitate produci alia in potentia, magisque ei proportionata.

Secunda opinio ex diametro opposita negat vllum sensum per se postulare medium: sed posse omnes per se loquendo sentire sua obiecta sensoriiis contigua. Visum tantum circa solum colorem medio indigere, non quidem per se. Sed quia cum non possit, nisi illuminatus videri, si contiguus ponatur oculo illuminato non poterit: sed obscurus ipse permanebit, & pupillam obscurabit. Et ita videri non poterit. Ita sentiunt ex recentioribus nonnulli cap. præfenti.

- 41 Tertia opinio medium iam ponere incipit inter hæc extrema asserens nullum sensum, præter visum medio per se indigere: visum verò ad quodcunque obiectum sentiendum medium per se postulare. Quam tenet maior recentiorum interpretum pars tribus illis capitibus citatis, & à qua non multum distat Toletus 3. lib. de anima, cap. 10. quæst. 2. solum addit visum circa solos colores medium postulare, lumen verò sine medio posse videri. Quod probat duplici experientia: nam clausis oculis contingit nos aliquem splendorem videre, qui non est aliud, quàm lumen in humore albugineo inherens; & pupillam tangens. Noctu etià contingit aliquem fricare oculos & lumen internum videre, quod sensorio contiguum est.

Ultima



Ultima sententia de solo gustu, & tactu tenet medio non indigere : sed sentire sua objecta organis contigua, aut supra ea posita : cæteros verò tres sensus medium per se habere. Ita Alexand. 2. lib. de anim. cap. de gustu, & de tactu.

His præsuppositis nostra sententia tribus assertionibus explicatur. Prima sit, *probabilius mihi est, tactum, gustum, & olfactum per se non habere medium externum, neque internum, per accidens verò omnes habere internum, & olfactum etiam externum.* Secunda assertio, *de auditu, & visu probabilius iudico, quod per se habeant medium externum.* Assertio vltima, *omnes isti sensus videntur habere medium internum, non tamen per se : sed per accidens,*

Hæc autem sigillatim probanda sunt : Et de tactu quidem probatum à nobis est cap. de tactu, non solum neruum : sed etiam carnem esse sensorium, & probabilius hoc esse in doctrina Aristotelis. De gustu verò probatur primò, quia tactus quidam est, ut docuit expressè Aristoteles : eisdem igitur legibus, ac tactus ipse subiicitur in proprio modo operandi per medium, vel sine illo. 42

Secundò probatur, quia partes liquidæ, ac subtiliores cibi saliarum permixtæ facillè possunt per partes porosas linguæ pertransire usque ad neruum. Tunc ergo sic arguo ; sapor pertingens neruum habet ex se virtutem producendi speciem sui : sed sensorium, atque etiam sensus in eo residens sunt subiectum capax speciei ; ergo producet eam, & recipietur ab eis, & ita fiet sine medio externo sensatio. Neque sufficiet dicere, contiguum saporem non posse producere speciem, quia non potest producere speciem in sensorio, nisi producendo eam in medio. Quia nisi aliqua ratio huius afferatur, manifesta petitio principij est : cum de hoc sit controuersia, an possit immitare sensum sine medio, & pro ratione afferatur, quod non possit. Alia est ergò tradenda ratio ad id probandum, alioquin argumentum conuincet.

Probatur deinde de olfactu hoc modo ; exhalationes odoriferæ ad nares usque peruenientes attingunt per se processus mammillares, qui sunt organum olfactus, ut constat experientia, & fortè usque ad cerebrum perueniunt : ergo per se immediatè attingunt organum, eique contiguæ possunt per odorem in se existentem producere in eo speciem multò melius quàm dum erant ab eodem separatæ ; quia maior approximatior agentis ex se non potest impedire : sed iuuare potius actionem eius, nisi aliunde probetur oppositum ; ergo exhalatio contigua organo immutabit per se olfactum producendo speciem sui in eo, & ita sequetur sensatio. 43

De auditu verò assero medio indigere externo ; quod probor ex qua

44 ex qualitate, suae conditione soni qui non videtur posse tangere sensorium per se, quin illud moueat localiter, & consequenter, quin illud turbet, & per turbationem ipsam impediatur sensationem, quæ in quiete fieri omnino postulat. Et propterea natura tympano circumdedit, & vndique clausit substantiam illam aëream, in qua audituam potentiam collocauit, ne turbaretur & offenderetur ab aliquo corpore extrinseco eam contingente, & huius rei gratia arbitror nunquam sonum contingere organum huius potentiae. Strepitus verò qui aliquando excitari videtur in auditu infirmorum, non fit, vel excitatur intra tympanum, nec ideo in organo ipso: sed in cavitae aliqua propè tympanum existente. Sed neque dum sonus propè auditum producit, vel magnus est vsque ad auditum perueniens, idem organum pertingit: sed vsque ad auditum peruenire dicitur, quia vsque ad tympanum peruenit, nec ulterius producere potest: sed illo medio producit speciem in organo.

45 De visu tandem satis euidenti probatur experientia, quod non possit sentire colorẽ organo contiguum, ex quo satis efficaciter colligitur; nec posse colorem ipsum immediatum oculo speciem sui ei imprimere: nam si posset, difficile saluari potest, quod obiecto praesente, & potentia informata speciei eius, & non læsa, neque impedita ab aliqua extrinseco, non sequatur sensatio. De luce verò non caret difficultate, quia cum sit contigua organo, vt modo in aëre existens, & ex se sit productiua speciei, non videtur aliquid ob stare posse, quin eam producat, & per eam sensationem sui causet. Probatur tamen non posse, quia si obiectum aliquod, etiam lucidum; nimis sit oculo appproximatum, minus benè videtur, & quò plus mouetur versus oculum, videtur longè imperfectius; quare si vsque ad contactum pupillæ perueniat, euidenter ferè est non posse videri: & consequenter nec posse speciem sui immediate imprimere. Vnde verò simile satis mihi apparet, quod quemadmodum qualitas tangibilis, quantumcunque perfecta non potest imprimere speciem sui in organo, nisi ipsum contingendo

46 contactu naturali, nec ab eo sentiri. Ita ex opposito nullum obiectum potest mouere visum, nec imprimere ei speciem, & ab eo videri: nisi sit disiunctum ab eo, ita vt medium aliquod inter ipsum, & organum intercedat. Quod rursus probo, quia potentia visua residet in pupilla, & non in cæteris partibus oculi, & tamen non potest eas videre, nec se ipsam, nec possunt speciem in ea producere. Cuius nulla potest alia ratio cõueniens assignari, nisi, quia visus postulat medium extetnum, sine quo non potest vllum obiectum percipere, neque speciem ab eo recipere.

47 Vltima assertio de medio interno per accidens requisito, inductione

inductione satis manifesta probari potest: nam tactus & gustus habent carnem, atque etiam suo modo olfactus; auditus verò tympanum, & visus aliquem fortè transparentem humorem, vel pelliculam, vè ex his, quæ de structura oculi diximus, cap. 7. facile intelligi potest.

Ad testimonia Aristotelis pro prima opinione opposita respondeo varium fuisse, quantum ad medium gustus, & tactus, & magis in eam partem inclinasse, quod medio per se careant, quia expressis verbis asseruit carnem esse sensorium tactus. Nihilominus, quia per medium internum fit sæpè sensatio eorum, vniuersaliter loquendo medium internum in his sensibus posuit; atque etiam in olfactu, quia maiori ex parte per medium fit, quamuis etiam sine eo aliquando fieri possit; de visu, & auditu cōcedimus medio externo indigere. Satis est autem quod omnes sensus aliquo modo operentur per medium internum, vel externum, vt probabili argumento deduceret Aristoteles 48 non plures sensus esse, quàm quinque: quia si alius adderetur, eo ipso aliud deberet ponere medium. præter hæc, quæ modo sunt, quod patet non dari. Ad argum. verò eiusdem sententiae respondeo, quamlibet speciem productam in medio satis esse proportionatam organo, & potentiae ad eliciendam sensationem, quia habet esse magis diminutum, quam organum, quod patet, quia per eam sentiret medium, si esset organum.

Ad utramque experientiam Toleti, vno verbo respondeo, 49 quod etiam si in illis casibus splendor aliquis videatur, non est lumen in pupilla inhaerens, vel ei contiguum: sed in medio licet paruo, vel minimo existens.

## CAPVT II.

### TEXTVS ARISTOTELIS.

*Quoniam autem sentimus, quod videmus, & audimus, necesse est aut visu sentire, quod videt, aut alio, &c.*

#### Breuis expositio textus.

Intentum huius capituli est ostendere, quod præter quinque sensus externos ponendus sit internus quidam, quo cognoscantur sensationes eorum, & quo discernatur inter eas, atque obiecta diuersa eorundem sensuum, & propterea vocatur sensus communis. Diuiditur autem in duas partes, in priori proponit dubium quoddam disputans in fauorem vtriusque partis, ipsumque soluit. In posteriori verò ex solutione colligit ponendum esse præter quinque externos sensus, internum alterum, & communem, qui versetur circa sensationes, & obiecta eorum.

Dubium

- 2 Dubium igitur quod proponit est, an eodem sensu, quo sentimus, eandem nostram sensationem percipiamus, vel alio; ut dum videmus, visu eodem percipiamus eandem nostram visionem, vel non eodem; sed sensu altero, & in fauorem affirmatiue partis arguit. Primò, quia eodè sensu quo percipitur visio, percipitur color, circa quem versatur, quia repugnat illam sine hoc percipere; si ergò alio sensu percipimus visionem, & non eodem, quo videmus colorem: ergò illo eodè sensu percipimus etiam colorem: & ita idem obiectum à duobus sensibus diuersis percipietur, quod patet esse impossibile. Secundò, si alter sensus ab eo, quo percipitur obiectum, percipit sensationem, vel ille idem sensus percipit sensationem suam, vel alter, si dicas non percipi ab eo: sed ab alio, de hoc erit eadem quæstio; & ita vel in infinitum procedetur, vel tandem perueniendum erit ad sensum aliquem percipientem aliquam sensationem. Quod si tali sensui conceditur, debet etiam concedi cuicumque sensui externo: cum non sit potior ratio de illo, quàm de his; & quicumque sensus externus percipit propriam sensationem.

- Pro negatiua etiam parte ita arguit. Visu sentire est videre: sed visus non videt, nisi colorem, vel coloratum: ergò nec visu sentitur, nisi coloratum: at visio coloris, nec est color, nec colorata: ergò non potest per visum sentiri, aut cognosci. Huic autem argumento ait dupliciter posse responderi. Primò distinguendo maiorem, quod visu sentire sit videre. Nam videre duo potest significare, & visu percipere; & visu discernere. Et hæc valde diuersa sunt; nam visu discernimus aliquid; quod non videmus, nempe tenebras, & ita visu possumus discernere visionem; sed non videre illam. Secundò respondet negando minorem; quod visio non sit colorata, nam cum fiat per speciem coloris, quæ in sensu interno reseruatur, quodam modo colorata dicitur, quia à calore initium sumit per speciem impressam eius; & in eundem colorem per expressam repræsentatum terminatur. Respondet iam proposito dubio asserens sensum externum non operari, nisi moueatur ab obiecto, sed visio non mouet visum, quia non agit in visum, nec omninò sensatio in sensum externum: ergò non potest sentire, vel percipere suam sensationem.

- Ut autem ex solutione data colligat præcipuum intentum totius capituli: Adnotat tria habere omnes sensus externos. Primum quod quilibet habet suum sensibile tanquam obiectum sibi proprium. Secundum quod quisque sensus est facultas seu potentia residens in proprio sensorio. Tertium, quod omnes, & singuli sensus cognoscunt differentias proprii obiecti, cæque discernunt, ut visus album, & nigrum.

Ex his probat dari alium sensum, præter quinque externos, hoc argum. Notum est nos discernere sensibilia aliorum sensuum, ut album à dulci: ergo per aliquem sensum id præstamus, sed eiusmodi sunt differentie sensibilia, ut patet: ergo ad sensum pertinet eas discernere: Vtremque has differentias non percipit aliquis sensus externus, ergo præter illos datur alter sensus, qui eas percipiat. Antecedens probat, quia si ab aliquo sensu externo perciperentur, maximè à tactu, qui est communis omnibus animalibus, sed à tactu non percipiuntur: ergo à nullo. Minorem probat, quia si tactus perciperet has differentias, tangendo eas perciperet: sed album, & dulce non possunt tangendo percipi: ergo neque à tactu percipi. Et si quispiam diceret percipi à pluribus sensibus externis simul, Probat hoc esse impossibile; quia impossibile est discernere inter album, & dulce, nisi discernens utrumque cognoscat. Vnde qui inter illa discernit, unus debet esse, à quo utrumque cognoscatur; nam multi quorum singuli singula cognoscant, non possunt utrumque discernere, quia neuter cognoscit utrumque, sed unus unum, & alter aliud, necesse est ergo præter hos quinque sensus externos dari alium internum, qui utrumque extremum cognoscat, & ita inter utrumque discernat. Et si obiiciatur iam simul ralem sensum contraria percipere; respondet, quod cum respectu externorum sensuum sit uniuersalis, potest contraria eorum obiecta simul percipere; nam se habet ad sensus externos, sicut punctum in medio circuli respectu linearum, quæ ab eo in circumferentiam ducuntur, quod quidem in se unum est; plura verò in quantum plures ab eo ducuntur lineæ, quas omnes terminat, & quatum omnium principium est, & ita simul est principium, & finis omnium diuersa ratione; ita ergo se habet communis iste sensus respectu obiecti, & actus omnium externorum; & ita potest omnia percipere: licet diuersa sint, aut contraria inter se. Hoc loco disputant nonnulli questionem propositam ab Aristot. an sensus externus cognoscat propriam sensationem. Sed quia eadem ferè difficultas est de sensu interno, & externis: maior de illo, quàm de hoc, in 3. cap. remittendum censemus, ubi de utroque sensu simul discutietur.

## CAPVT III.

## TEXTVS ARISTOT.

*Quoniam autem duabus differentiis definiunt maximè animam, & c.*

## Breuis expositio textus.

**I**ntentum Aristotelis in hoc 3. cap. est explicare naturam sensus interni, qui imaginatio, seu phantasia vocatur, cuius

cognitio non parum iuuat ad cognoscendum intellectum, de quo acturus est cap. sequenti. Diuiditur autem caput in tres partes. In prima reuocat antiquos Philosophos, sensum & intellectum confundentes: In secunda probat imaginationem non esse sensum, neque intellectum; In tertia vero docet quid sit. Loquitur autem Aristoteles de sensu, intellectu, & imaginatione non tam pro potentiis, quam pro eorum actibus, quia cum ex eis accipienda sit natura, & ratio eorum, per eosque à nobis cognoscantur, quidquid de distinctione actuum constitutum fuerit, probatum censebitur de distinctione potentiarum.

- 10 Principio igitur asserit Aristotel. Empedoclem, & Homerum nonnulla dixisse de intellectu, ex quibus colligi videtur eum non distinxisse à sensu. Hunc autem errorem ex alio eiusdem Empedocleis ortum habuisse asserit, quem in secundo lib. refutauit, nempe animam esse corpoream, & propterea omnes eius potentias esse organicas; quare intellectus organo erit alligatus, sicut sensus, à quibus proinde distinctus non erit.

Probat ergò intellectum distingui à sensu primò, quia sensus conuenit omnibus animalibus, intellectu verò quibusdam tantum, nempe hominibus: ergò distinguuntur. Secundò, quia intellectus sæpè fallitur circa proprium obiectum; sensus verò circa proprium sensibile ferè semper verus est: ergò non possunt esse idem.

- 11 Deinde ut probet imaginationem, vel phantasiam, nec esse intellectum, nec sensum, præsupponit distingui ab opinione, quod sic explicat; phantasia sic se habet, ut non fiat sine sensu, sed cum sequatur; opinio verò sequitur intellectum, sed præsupponit phantasiam, vnde sic videtur se habere phantasia ad sensum; sicut opinio ad intellectum; quod ex eo videtur intelligi, quod in rebus sensibilibus dum aliquid sentimus, asserimus ita esse, sed dum aliquid per phantasiam percipimus, non dicimus ita esse: sed ita nobis apparere: & modo simili, dum aliquid intelligimus, dicimus ita esse, sed dum aliquid opinamur, non dicimus ita esse, sed sic nobis videri: ergò sicut se habet opinio ad intellectum, sic se habet phantasia ad sensum, & videtur medium quoddam esse inter sensum, & intellectum.

- 12 Quo explicato probat phantasiam non esse opinionem. Primò, quia phantasiari, vel imaginari semper est in nostra potestate; opinari verò non, quia opinio dicit existimationem, vel assensum alicuius veritatis, quod habere non possumus, sine aliqua ratione; imaginamur verò quæcumque volumus absque ullo fundamento rationis, sed pro libito ea fingendo, ut constat experientia in his, quæ per signa, vel repræsentationes consinguntur

ca,

ea, quæ sibi euenite desiderant. 2. quia opinionem sequitur passio aliqua in appetitu, timoris videlicet, spei, vel gaudij, quæ non sequitur imaginationem: ergo distinguuntur. Antecedens probat, quia licet imaginatione fingamus nobis terribilia, nisi existimemus euentura esse, vel imminere nobis, non mouetur ab eis appetitus, quia solum proponuntur ei per simplicem quandam apprehensionem, non per iudicium conuenientię, vel disconuenientię, vnde nec timentur à nobis, nisi accedat existimatio siue opinio de euentu eorum. In brutis verò mouetur appetitus à bono, vel malo sensibili per iudicium quoddam imperfectum æstimatorię simile opinioni.

Probat deinde phantasiam non esse sensum, nec intellectum, nec opinionem: & quod non sit sensus, quia si phantasia sensus est, aut est sensus prout in potentia ad sentiendum, vel prout actu sentiens non prout in potentia, quia sensus in potentia semper est in animali, sed phantasia, vel imaginatio non semper conuenit animali, quia non semper aliquid ei apparet, circa quod phantasmata formet: ergo non est sensus in potentia. Quod verò non sit sensus in actu, probat. Primò, quia sensus in actu conuenit omnibus animalibus: sed non omnibus conuenit phantasia, saltem, perfecta, vt apibus, & formicis. Secundò, sensus semper ferè verus est circa propriũ sensibile: sed phantasia vel imaginatio sæpe est falsa. Terriò sensatio certa est: ita vt non dubitemus de eo, quod sensu percipimus, sed imaginatio sæpius est à dubijs. Et tandẽ, quia cessante omnino operatione omnium externorũ sensuum non cessat imaginatio à sua operatione, vt patet in dormientibus: ergo distincta est à sensu.

Probat deinde quod imaginatio non sit intellectus hoc argument. Intellectus tres habet actus præcipuos, videlicet assensum principiorum, qui etiam vocatur intellectus, assensum conclusionum per demonstrationẽ, assensum per syllogismum probabilem, qui opinio vocatur: sed imaginatio nihil horum est, ergo non est intellectus. Probatur minor, quod non sit intellectus, nec scientia, quia assensus isti semper sunt veri: imaginatio verò sæpe falsa. Quod verò non sit opinio iterum probat, quia opinionem sequitur fides, hoc est, assensus alterius partis, qui vocari potest credulitas eius: sed imaginatio non facit fidem: ergo non est opinio. Minorem probat, quia imaginatio brutis conuenit aliquo modo, quibus non conuenit fides, ex his colligit imaginationẽ non esse vtrumque, videlicet intellectum, & sensum, quia si non est vnum, neque alterum per se sumptum, vt probatur, nec potest esse vtrumque simul.

Secunda ratio præsupponit, quod si imaginatio sit sensus simul, & opinio, ita se habebit, vt sit actus eiusdem subiecti, &

circa idem obiectum, ita ut verum sit ac necessarium eundem hominem simul sentire eandem rem, & per assensum opinionis circa eam versari. Quo supposito ita arguitur, circa id quod imaginamur discordant sensus, & opinio, ergo non coherrent, nec verum esse potest, quod imaginatio sit uterque simul. Probatur minor: nam imaginamur solem esse minorem terra, & circa hanc imaginationem sensus iudicat ita esse; opinio verò ab Astrologis accepta iudicat esse maiorem: ergo impossibile est immanationem esse simul opinionem, & sensum.

18 Hucusque ostendit Arist. quid non sit phantasia, vel imaginatio. In ultima tandem parte capituli docet, quid sit: quod ut præstet præsupponit quatuor tanquam certa. Primum possibile esse quod aliquod motum ab alio possit mouere alterum, ut baculus motus à manu potest mouere lapidem. Secundum quod imaginatio est motio quædã, & passio; nam cum sit cognitio, necesse est fieri per motionem, seu immutationem potentiæ ab obiecto, ut patet de cognitionibus externorum sensuum. Tertium imaginationem non versari, nisi circa sensata ab externis sensibus, quamuis ex eis possit componere aliud non sensatum, ab eis ut ex auro, & monte per visum cognitis cõponit montem aureum, quem nunquam vidit. Vltimum, quod obiecta sensata seu cognita per sensus externos possunt mouere aliam potentiam, & ab ea percipi, quod patet cum percipiuntur ab intellectu.

19 Ex his colligit talem definitionem imaginationis: imaginatio seu phantasia est *Motus factus à sensu in actu*; cum enim non percipiamus per imaginationem, nisi sensata ab externis sensibus, sit ut imaginatio moueatur ab eis actu sentientibus, hoc est, ab obiectis actu sensatis per ipsos: sensus igitur definitionis est: *Imaginationem esse sensationem internam causatam ex motione sensibilis actu sensati, per sensum externum*. Et hic est actus proprius eius, ipsa verò potentia sic definiri potest, *Imaginatio est. Sensitiva potentia apta moueri ab obiecto sensato per externos sensus*. Datam verò ait esse animalibus à natura, ut per eam dirigantur in suis operationibus; sed conuenire cum externis sensibus, & differre ab eis, conuenit quidem in eo, quod sicut decipiuntur ipsi circa sensibilia communia, & per accidens, & ideo veri sunt aliquando, atque etiam falsi, ita etiam imaginatio, cum versetur circa obiecta sensata ab eis. Hoc autem debet intelligi de simplici operatione imaginationis, non de composita, per quam unum cum altero componit, nam hæc semper, aut ferè semper est falsa, ut superius docuit Aristoteles. Et tandem concludit dicens, imaginationem accepisse nomen phantasie à sensu visus tanquam à principaliori inter externos, qui sine lumine non operatur, & ideo quasi à lumine, & statu etymologia phantasie accipitur, ut ex verbo Græco constat.

T R A



TRACTATUS DE NATURA;  
MODO OPERANDI, ET NUMERO  
internorum sensuum:

QVÆSTIO I.

*Quotuplex sit sensus internus.*

**S**Eptem officia, vel actus, seu sensationes internas in nobis esse experientia didicimus. Primum est, quod sensationes omnium externorum sensuum percipimus discernentes inter omnia obiecta eorum. Quod <sup>22</sup> præstamus iudicantes sensatum per visum non esse sensatum per auditum, pariterque de cæteris; & facultas sensitiua interna hoc præstans vocatur sensus communis; dicitur autem *Sensus communis* non ex eo, quod sola sensibilia communia percipiat; ut visus est asserere Albert. Magn. in Summa de homine, tract. 2. quæst. 2. & author Opusculi 43. inter opuscula D. Thom. relati: nec etiam dicitur cõmunis communitate prædicationis, cõ quod de singulis sensibus externis prædicetur, ut benè adnotauit D. Thom. 1. part. quæst. 78. art. 4. ad primum: Sed quia omnibus externis sensibus præsidet, sensationes eorum, atque etiam sensata ab eis obiecta percipiens; & inter ea vnum ab altero discernens, & quia veluti radix & fons est, à quo deriuantur. Secundus actus, aut officium est; <sup>23</sup> quod non solum sensibilia ab externis sensibus percepta percipimus, dum præsentia sunt, & ab eis sentiuntur, sed etiam in absentia eorum, & dum non cognoscuntur per externos sensus; sed cognita fuere, ut in dormientibus constat; atque etiam in vigilantibus, qui circa illa phantasiuntur non operante aliquo sensu externo, & facultas per quã id præstamus vocatur *Phantasia*, de qua agit Aristoteles cap. præsent. Sed officium hoc aut interna sensatio solum versatur circa simplicia obiecta ab externis sensata; ultra quam experimur in nobis actum alium; seu internam sensationem, per quam ex duobus simplicibus sensatis per sensus externos componimus tertium: Ut ex monte, & auro aureum montem, & quædam alia similia; & virtus ita componendi vocatur *imaginatio*, ut idemmet Aristoteles cap. præsent. docet: Quartum vetò officium est percipere externa sensata sub noua quadam ratione conuenientis, aut disconuenientis non sensata ab externis sensibus; & virtus hæc interna appellatur *Æstimatoria*, à qua proximè mouetur appetitus sensitiuus ad fugiendum obiectum tanquam disconueniens; ut

dum ouis apprehendit lupum tanquam sibi disconuenientem, & inimicum, & fugit. Et hæc etiam virtus, solum se extendit ad præsentia. Præterquam datur alia, seu officium aliud cognoscendi sensibilia, prout iam à nobis sensata fuere, & virtus ita cognoscens sola præterita sensata vocatur *Memoria sensitiva*. Et hæc quidem quinque officia non solum in homine, sed in cæteris animalibus reperiuntur. Dantur verò duo alia homini propria, quæ comitantur intellectum circa sensibilia discurrentem, & ideo perfectiora. Vnum est operatio circa sensibilia particularia eodem modo, & ordine quo operatur intellectus circa eadem, aut circa vniuersalia ab eis abstracta: ita vt obiectum huius actus idem sit, vel necessariam habeat connexionem cum obiecto intellectus, vnde hæc virtus sensitiva quandam habet participationem discursus ab intellectu, cuius discursum comitatur, & proprio nomine dicitur *cogitativa*, sed circa sola præsentia sensibilia versatur. Vnde cum intellectus non solum circa sensibilia præsentia discurrat, sed etiam circa præterita iam sensata ab externis sensibus, necessarium fuit tribuere homini virtutem sensitivam internam comitantem intellectum circa præteritas sensationes externorum sensuum, & sensibilia, vt iam per eas sensata, non quidem modo simplici, vt de memoria diximus circa præterita versari, sed cum quadam quasi indagatione vnus ex altero, quodamque discursu imperfecto, & hæc vocatur *Reminiscentia*.

27 Certum itaque est, & euidenti experientia comprobatum dari septem hæc officia, vel actus septem internæ sensationis: non tamen est certum, an à multis potentiis sensitivis internis eliciantur: sed hoc postulat titulus quæstionis, videlicet quòtnam sint distinguendæ potentiæ sensitivæ internæ pro eis præstandis.

Et prima opinio quatuor potentias pro omnibus distinguit, nempe sensum communem, phantasiam, æstimatiuam, & memoriam. Ita vt cogitativa in homine eadem sit potentia, ac æstimativa in cæteris animalibus, sed in homine perfectior, quia cum quadam collatione, ac discursu circa singularia sensibilia operatur sequens intellectum, in cæteris verò animalibus per simplicem quandam instinctum: Reminiscentia quoque eadem sit cum memoria sensitiva, sed perfectior in homine, quia non operatur quomodocunque circa præterita sensata conseruando species eorum, sed per quandam collationem quasi discurrendo ab vno ad alterum; & propterea vocatur remi-  
 28 niscencia; in animalibus verò per simplicem tantum recodationem præteritorum, absque tali collatione, aut discursu: & tandem imaginationem, & phantasiam non distingui, quia

quia componere vnum sensibile cum alio non videtur reperiri in brutis, sed in solo homine, in quo perfectior phantasia reperitur, & ideo sufficiens ad talem compositionem efficiendam. His igitur tribus sublati per reductionem ad alias, solum restant quatuor, videlicet sensus communis, imaginatio, seu phantasia, æstimatiua, & memoria, & has quatuor dumtaxat distinctas ponit hæc sententia, quam sequuntur Comment. 3. lib. de anima comment. 6. Diuus Thomas 1. par. questione 78. articul. 4. Caietan. Bañez, & alij ibidem. 29

Quod verò quatuor istæ potetie necessario sint distinguendæ, probat Diu. Thom. 1. ex distinctione actuum hoc modo, Quotiescunque ita actus sunt distincti, vt non possint ab eodem principio proximo prouenire, plura sunt pro eis distinguenda; sed repugnat quatuor officia quæ tribuuntur his potentiis à paucioribus, vel ab eodem principio præstari: ergo quatuor sunt pro eis distinguenda. Et ideo quatuor potetie. Minorem probat, quia maior ac distincta virtus requiritur ad operandum circa absentia, quam solum circa præsentia; cum necessarium ad hoc sit, non solum recipere, sed conseruare species receptas, sed sensus communis solum potest operari circa præsentia sensata ab externis, & nullam speciem conseruare: ergo præter ipsum requiritur alia potentia in animali distincta ad operandum circa absentia, quæ vocatur phantasia, seu imaginatio, & quasi thesaurus est, in quo conseruantur species rerum absentium. Nam animalia non solum circa præsentia operantur, sed absentia quærunt, & ad ea inuenienda mouentur, vt euidens experientia docet. Præterea animalia mouentur ad quærenda obiecta sensibilia propter delectationem, sed ad quærenda sibi conuenientia ad conseruationem vitæ, & fugienda illa, quæ sibi nocere possunt. Sicut ouis ad fugiendum lupum sibi inimicum: ergo indigent potentia sensitua interna, quæ versetur circa obiectum sensibile sub ratione conuenientis, aut nociui, quod non potest præstare per species productas in se ab externis sensatis, quæ vocantur species sensatæ, sed per alias sua virtute productas earum rerum, quas per sensus externos nunquam cognouit, quas insensatas vocant. Ad producendum verò has species, & operandum per illas à se productas, maior, ac distincta virtus, & potentia requiritur, quam ad operandum per species productas in se ab aliis sensibus, sed constat sensum communem, & phantasiam solum operari per species sensatas, hoc est productas in se à sensibus, & non per species insensatas, quas sibi ipsi producant: ergo æstimatiua quæ has sibi producit, & per easdem operatur, distincta potentia debet esse ab eis. Probatur consequentia, 31 32

quia per diuersum modum operandi sufficienter distinguuntur potentia: cum repugnet eandem potetiam habere diuersos modos operandi. Et tandem sicut requiritur virtus, ac potentia  
 33 distincta ad recipiendum species sensatas, & eas retinendum operandumque per utrasque circa presentia, & absentia, & ideo distinguuntur sensus communis, & phantasia, ita requiritur distincta virtus ad conseruandas species insensatas, & operandum per illas circa sensibilia absentia sub ratione conuenientis, aut nociui, quam ad eas tantum eliciendas, & operandum per illas circa res non sensatas presentes, quia conseruare, & recipere distincta virtutis est; præter tres igitur potentias numeratas. necessarium debet distingui memoria, quæ sit quasi thesaurus, in quo conseruantur species insensatas, & per eas operatur circa absentia. Et ita numerabuntur quatuor.

34 Secunda ratio D. Thom. quilibet sensus postulat organum temperatum iuxta naturam sui actus, unde si actus diuersi sint, postulant organa diuerso modo temperata, & in eodem esse non possunt tanquam in subiecto, quod euidentius est in sensibus externis: nam visus postulat diuersum organum, diuersoque modo temperatum ab auditu, propter diuersitatem sui actus, sed potentia conseruatiua specierum postulat organum diuerso modo temperatum ab his, quæ solum recipiunt: ergo necessario debent poni distincta ab eis. Minorem probat, quia ad recipiendum requiritur temperamentum, in quo prædominetur humiditas: cum constet corpus humidum facile recipere impressiones ab aliis; siccum verò difficile, & ex opposito, siccum melius retinere atque conseruare receptas, quam humidum, à quo facile delentur impressæ, sicut imprimuntur ei facile.

35 Aliæ verò opiniones aut multiplicant aliam, præter quatuor prædictas, vel auferunt vnam, aut plures ex eis; & ideo,

36 Secunda sententia pro qua refert D. Thom. ubi supra Auicennam lib. 6. naturalium part. 4. capit. 2. quinque ponit distinguens præter prædictas quatuor imaginationem à phantasia, & cæteris, hac sola ratione; quia maior, ac distincta virtus requiritur ad componendum ex diuersis rebus sensatis tertiam, quam ad apprehendendum singulas: cum illa sit excellentior operatio: ergo imaginatio habens virtutem componendi ex speciebus montis, & auri, tertiam montis aurei, distincta debet esse à phantasia apprehendente singulas per se. Ita etiam cum Auicenna sentiunt Albert. Mag. 2. lib. de anima tracta. 4. capit. 7. & lib. 3. tracta. 1. & in Summa de homine tracta. de imaginatione. Algazelus in libello de anima, tract. 4. cap. 4. & Iamd. qu. 37. eiusdem lib.

37 Tertia opinio non distinguit phantasiā, & imaginationem inter

inter se, neque à sensu communi, sed eundem sensum communem sufficere arbitratur pro officiis earum; quare solum ponit sensum communem, æstimatoriam, & memoriam. Ita Galen. in libr. de differentiis Symptomatum, cap. 3. quæ respert, explicat, ac sequatur Valef. lib. 2. controuer. med. cap. 22. & 23. idem etiam videntur sentire D. Damasc. 2. lib. fidei, cap. 17. & Gregor. Nisæen. lib. 4. de viribus animæ, cap. 6. & 7. Toletus verò eundem numerum ternarium alia via defendit, non distinguens phantasia, & imaginationem, ab æstimatoria, sed eandem potentiam pro tribus actibus earum sufficere putans, quam tamen à sensu communi distingui docet, & ex his duabus cum memoria ternarium componit. Et huius sententiæ vnicum est fundamentum ex usu anatomicæ artis desumptum. Ex quo constat tres sinus, vel cellulas in cerebro repetiri, vnum quidem in parte posteriori (quam occiput vocant) & eiusmodi sinus cerebellum appellatur, in quo memoriam residere aiunt, & duos alios in duobus aliis anterioribus eiusdem capitis, in quibus collocant duos alios sensus: sed Tolet. & alij, quatuor sinus dari censent, quia in medio capitis extat aliud, in quo imaginariam collocant, & sensum communem in duabus anterioribus, duos ei tribuentes, sicut visui duos oculos. 38

Quarta opinio non distinguit æstimatoriam, & memoriam à phantasia, sed huic soli tribuit officia earum, & ideo solum ponit duas potentias, nempe sensum communem, & phantasia. Ita Fonseca. 5. lib. metaphys. cap. 28. quæst. 7. sectio. 4. & putat esse sententiam Aristotelis, qui cap. 2. huius lib. textu 155. & 156. distinguit phantasia à sensu, & intellectu, nomine sensus communem intelligens: ergò hos saltem distinctos ponit; cæteros verò non videtur distinguere. Eandem sequuntur Conimbric. capit. 3. huius libri quæstion. 1. articul. 3. Quam probant, primò, quia diuerso modo immutantur sensus communis & phantasia: nam ille immediatè à sensibus externis, hæc verò immediatè à sensu communi, ab externis verò remotè. Secundò, sensus communis præsentia tantum, & sensata ab externis percipit, phantasia verò etiam absentia, & insensata: ergò potentia sunt distinctæ. 39

Ultima sententia vnicum tantum ponit sensum internum pro illis omnibus officiis, vel actibus, & iste est sensus communis, qui secundum diuersos illos actus, & officia diuersis nominibus appellatur, videlicet phantasia, imaginationis, æstimatoria, memoria, & reminiscencia. Pro hac sententia nullus ex antiquioribus citari potest, sed eam tenent ex recentioribus multi: nobis verò omnes istæ sententiæ probabiles videtur, sed ex omnibus duæ videntur probabiliores, videlicet prima, quæ est D. Thom. & hæc 40

ultima recentiorum, quam sequimur, quia pluribus placet, & plausibilior facta est.

41 Probatur ergò primò, quod phantasia, & imaginatio non sint potentia distinctæ, ut tenent omnes aliæ sententiæ contra secundum, testimonio Aristotelis, qui cap. præsentis tanquam de una potentia diuersis nominibus significata loquitur. Imaginationi tribuens proprium actum phantasiæ, ut hæc verba ostendunt ex textu 155. *Si igitur imaginatio est secundum quam phantasma aliquod nobis fieri dicimus, &c.* Constat enim phantasma esse actum, seu speciem expressam phantasiæ: ergò sentit has potentias non distingui inter se, sed eandem esse diuersis omnibus significatam, quod ad finem capituli confirmat docens, (iuxta omnium interpretum sensum) imaginationem desumpsisse nomen phantasiæ à lumine spectante ad visum.

42 Probatur deinde ratione; quia si imaginatio est potentia distincta à phantasia, maximè, quia apprehendit simplicia, illa verò ex simplicibus componit tertium, ut phantasia apprehendit montem, & aurum, imaginatio componit ex utroque montem aureum: sed hæc ratio non probat distinctionem; quin potius probat eandem esse potentiam: ergò non debent distinguì. Minorem sic probos; impossibile est imaginationem componere tertium ex duobus simplicibus, quin simplicia ipsa apprehendat, seu cognoscat prius per proprias species, sicut intellectus non potest componere propositionem ex terminis simplicibus, quin prius eosdem cognoscat per species simplices: ergò impossibile est dari sensum componentem, quin simplicia ipsa apprehendat. Vnde sequitur imaginationem utrumque præstare: & ideò non posse distinguì à phantasia, nisi solo nomine.

43 Probatur secundò, quod imaginatio, aut phantasia non sit potentia distincta à sensu communi testimonio Aristot. in lib. de memoria, & reminisc. ca. 1. prope finem, ubi docet phantasma esse passionem, seu affectionem sensus communis his verbis: *Phantasma communis sensus passio est*: ex quibus sic arguo, phantasma pertinet ad sensum communem tanquàm passio eius, aut affectio, & constat esse speciem phantasiæ: ergò sentit Aristoteles eandem esse potentiam communem sensum, & phantasiam.

44 Præterea definitio phantasiæ assignata ab Aristotele cap. præsentis videlicet: *Motus factus à sensu in actu*, còuenit planè sensui communi: ergò eadem potentia sunt apud Aristotelem. Antecedens probos, quia communis sensus operatur per impressionem factam à sensu externo actu operante, & non alio modo, cum solum simplicia, atque præsentia actu sensata cognoscere, aut discernere sit propria eius operatio, ut per se est manifestum: ergò hæc motus factus à sensu in actu, & ei còuenit prædicta definitio.

Probatur

Probatur etiam ratione, quia phantasia distinguunt à sensu communi ex eo, quod phantasia cognoscit sensibilia absentia, sensus verò communis præsentia; sed impossibile est phantasia non cognoscere sensibilia præsentia: ergo impossibile est, quod non conueniat ei operatio sensus communis, & ex consequenti, quod sit potentia distincta ab eo. Probatur minor ex eadem definitione phantasie, quod sit, *Motus factus à sensu in actu*, ex qua euidenter sequitur quod necessario moueatur à sensibili præseuti, circa quod operantur sensus externi, atque etiam communis: ergo necesse est recipere speciem à sensibili præseuti sensato, atque adeò illud præsens cognoscere, quod est habere operationem sensus communis. Et vrgo argumentum hoc modo, impossibile est naturaliter vllam potentiam sensitivam operari, nisi motam ab obiecto per impressionem speciei, sed obiectum sensibile non potest mouere sensum, nisi præsens, quia non potest, nisi in passum præsens operari, sicut cætera agentia naturalia: ergo phantasia non potest operari circa absentia, nisi moueatur à præsentibus sensatis, & consequenter, nisi ea cognoscat; quare necesse est propriam operationem sensus communis habere. Ex quo intelligitur nullam potentiam esse ponendam ad operandum circa sola sensibilia absentia, sed quæcunque talis ponatur necessario habere virtutem operandi circa præsentia; quare non potest distinguì duplex potentia ad operandum circa præsentia, & absentia sensata ab externis sensibus, & consequenter non potest sensus communis distinguì à phantasia. Et si dixeris phantasia operari circa præsentia: sed longè diuersa ratione, ac sensus communis, quia per species longè diuersas: nam sensus communis operatur omninò dependenter ab obiecto præseuti, & sensatione actuali sensus externi: cum non possit operari circa obiectum absens: phantasia verò non operatur per species dependentes ab obiecto, eo ipso, quod potest circa absentia operari, nec etiam dependet ab actuali sensatione sensus externi; imò nec mouetur ab eo immediate: sed à sensu communi, qui immediate mouetur à sensu externo, & hæc est alia differentia, propter quam distinguì debent. Probo hæc omnia esse falsa incipiendo ab hoc ultimo: nam si phantasia non mouetur immediate ab externis sensibus, ergo non conuenit illi definitio tradita ab Aristotele cap. præseuti: *Quod sit motus factus à sensu in actu*: nomine enim sensus in actu externum intelligit ibidem Arist. expressè, & omnes eius interpretes; ergo falsum est, quod non moueatur immediate ab externis sensibus. Falsum est etiam, quod immediate non dependeat ab eorum operationibus in recipiendo species:

49 species: nam si eas recipit ab eisdem octo operantibus; non potest non recipere eas dependenter ab eorum operationibus, & immediatè quidem cum sit motus factus ab eisdem actu operantibus. Sed ratione probatur, quia vel phantasia recipit species in instanti, in quo operatur sensus externi, siue ab eis, siue à sensu communi, vel intercedit tempus, si in eodem instanti ergo operatur per eas etiam in eodem instanti, quia potentia cum specie sufficiens, ac naturale principium operationis est: unde sequitur operari circa præsentia, & nō solum circa absentia, atque etiam operari dependenter ab obiecto præsentia, & per species etiam dependentes ab eo. Et tandem discernere posse circa sensibilia præsentia diuersorum sensuum, quod est actus proprius sensus communis; & ideò esse eandem potentiam; cum eo, à quo proinde moueri repugnat, & necessarium est; quod à sensibus externis immediatè moueatur: sed in quantum conseruare etiam potest easdem species receptas ab externis, & per illas operari circa absentia sensata est phantasia: de qua non est verum, quod operetur per species diuersas ab eis, per quas operatur sensus communis, quia species non sunt diuersæ ex eo, quod præsentia, & absentia repræsentant; nec etiam ex eo, quod ab obiecto præsentia dependant, vel non, ex hoc enim non habent diuersum modum repræsentandi: sed idem obiectum, & eodem modo repræsentat, propter virtutem tamen potentia eas conseruantis, non dependent in conseruari ab obiecto: sed à sola potentia.

50 Ex dictis sequitur memoriam non esse potentiam distinctam ab æstimatoria, quia ita se habet ad illam sicut phantasia ad sensum communem, & hac sola ratione ab ea distinguitur, quia æstimatoria versatur circa insensata sensibilia præsentia; memoria verò circa illa eadem, vt absentia: sed probatum est hanc rationem non esse sufficientem ad distinguendas tales potentias operantes circa sensibilia sensata; ergo nec erit sufficiens ad distinguendas alias duas omninò eis similes operantes circa insensata. Et quod dici posset in vtrisque potentiam conseruantem species distinguere à non conseruante, etiam est

51 insufficiens, quia nec pro sola conseruatione ponitur potentia: sed propter operationem, nec etiam possibilis est potentia conseruans species, & operans circa absentia; quæ non operetur circa præsentia (vt probauimus) quare ea quæ pro absentibus ponitur, & memoria vocatur, quia species conseruat, sufficit ad operandum circa præsentia, & ideò frustra multiplicabitur alia: sed eadem erit vtrique habens duo officia, vel actus inadæquatos circa absentia, & præsentia; Quod ex memoria intel-

52 lectiua corroborari potest, quæ etiam si species conseruet, & circa



circa absentia operetur, non est potentia distincta ab intellectu circa presentia solum operante ut alia, nec species conseruante, etiam in doctrina D. Thomae, ut inferius constabit.

Probatum tandem, quod aestimatiua, & memoria, quae eadem potentia sunt, non distinguantur a sensu communi, phantasia, & imaginatione, de quibus probatum est etiam esse unam eandemque potentiam: primo ex Aristotele 3. libr. de anima, textu 56. expresse asserente appetitum sensitivum immediate moveri ab imaginatione, & ex hoc probat, quod cum in animalibus imperfectis sit appetitus sensitivus, quia dolent, & tristantur, necessario sit eis concedenda imperfecta quaedam imaginatio. Ex quo sic arguo: appetitus non mouetur, nisi a proponente sibi obiectum sub ratione boni, aut conuenientis, seu nociui: ergo sentit Aristoteles imaginationem proponere appetitui obiectum sub ratione boni, seu conuenientis, aut nociui: sed hoc est proprium officium, & actus aestimatiuae, ut omnes opinantes; imò & omnes interpretes cum Aristotele fatentur; ergo apud ipsum distingui non potest aestimatiua, nec proinde memoria ab imaginatione, & consequenter, neque a phantasia, & sensu communi. 53

Sed ratione probatur, quia potissima, imò & unica ratio distinguendi has potentias est, quia aestimatiua, & memoria utuntur speciebus insensatis, vel certe circa obiecta non sensata sensibus externis versantur, communis autem sensus, & phantasia solum circa sensata: sed haec ratio est insufficiens; ergo distingui non debent. Probatum minor, quia repugnat potentiam uti speciebus insensatis, vel insensata percipere, nisi praesuppositis speciebus, atque obiectis sensatis, alioqui non mouebitur ab obiecto. Probatum consequentia, quia non potest naturaliter moveri ullus sensus internus ab obiecto, nisi mediis sensibus externis, cum haec sit ei unica, ac naturalis via, per quam immutari debet ab obiecto externo; ergo necessarium est speciebus sensatis uti ad eliciendas insensatas, vel quouis alio modo operandum circa obiecta insensata. Ex quibus efficaciter colligitur, aestimatiuam, & memoriam circa utraque obiecta versari, videlicet circa sensata, & insensata, & ideo non esse distinctas potentias a caeteris, sed eandem cum eis: Quod hac experientia utgeri potest impossibile est ouem lupum fugere tanquam inimicum, nisi cum per visum, vel auditum, aliumve externum sensum ex aliquo accidenti sensibili agnoscat; ergo impossibile est, quod inimiciriam, vel disconuenientiam eius a sensibus externis non sensatam percipiar, nisi percepto prius per eandem aestimatiuam aliquo sensato ab externo sensu; quare non potest circa insensata versari, quin simul circa 54

circa sensata versetur; ergo ex propria natura versatur circa utraque, & non erit necessarium aliam potentiam distinguere, quæ circa sensata operetur, vel eandem æstimatoriam ab ea.

- 56 Ex quibus probatum manet unicam esse potentiam sensitivam internam pro omnibus officiis, & actibus, qui respectu eius inadæquati sunt & à singulis singula nomina accepit: nam ut sensata omnia ab externis sensibus percipit, & inter ea discernit unum ab altero, sensus communis vocatur, & in quantum non solum præsentia: sed reservatis eorum speciebus, ut absentia cognoscit vocatur phantasia. In quantum verò non solum ab-
- 57 sentia simplicia percipit: sed unum quodam modo, ex duobus componit imaginatio dicitur: & in quantum non solum sensata ab externis: sed aliquo modo rationem conuenientis, vel nociui non sensatam ab eis, appellatur æstimatoria, atque etiam ut circa hæc iam præterita reservatis eorum speciebus dicitur memoria, & tandem in homine, ut rationem discurrentem comitatur, & cum quadam collatione, ac imperfecto discursu circa singularia sensibilia versatur, appellatur cogitativa, & si sint iam præterita, reminiscencia: Nec mirum est eandem potentiam sensitivam internam, & in suo genere sensibilibus perfectissimam hæc omnia officia præstare posse: cum videamus eandem potentiam intellectivam circa intelligibilia omnia versari, siue uniuersalia sint vel singularia, siue simplicia, vel composita ex eisdem simplicibus ab eodem intellectu, aut etiam sub ratione conuenientis, & disconuenientis, & tandem siue sint præsentia, vel iam præterita reservatis apud se eorum speciebus. Et ex diuersis actibus, & officiis, quæ circa omnia hæc exercet, diuersa nomina sortitur: nam intellectus simplex, & componens, speculatiuus etiam, & practicus, memoria quoque, ac reminiscencia vocatur.

- 59 Ad primum argum. primæ opininis concessa maiori, quod plura sint ponenda principia pro diuersis actibus, qui non possunt ab eodem procedere, neganda est minor, quod quatuor illa officia, vel actus qui numerantur, non possint ab eodem principio prouenire. Et dum dicitur maiorem, ac distinctam virtutem requiri ad operandum circa absentia, quam circa sola præsentia, distinguendum est: nam si pro maiori, ac distincta virtute intelligatur perfectior, ac distinctam virtutem esse eam, quæ circa utraque operari potest, quàm esset ea, quæ solum posset operari circa sola præsentia, verum est: sed nec potest dari naturaliter virtus sensitiva operatiua circa sola absentia, nec circa sola præsentia, ut probauimus.

- 60 Ad secundum de temperamento organorum; Respondèò non posse dari potentiam sensitivam internam conseruatiuam specierum,

specierum, quæ non sit etiam receptiva ( ut probauimus ) quæ non possunt distingui per diuersa organa , aut diuerso modo temperata ad recipiendum , & retinendum. Habere autem organum cum prædominio siccitatis pro conseruatione , & simul cum prædominio humiditatis pro receptione repugnat : sed nec in cerebro datur naturaliter pars nimis sicca : sed omnes sunt magis humidæ , & ita oportebat esse temperatum organum ad recipiendas species, quod primò necessarium est: sed ita temperatum est , ut non multum excedat humiditas , quod sufficit ut etiam possit conseruare species faciliè receptas.

Ad argumentum tertix opinionis , de quatuor illis cellulis, vel sinibus in cerebro repertis, respondeo , quod etiam si dentur , non potest ex eis probari multitudo potentiarum internarum , quia valdè incertum est pro quibusnam officiis in eis exercendis constituentur à natura. Et Galenus medicorum Princeps 8. libr. de usu partium, cap. 6. eos concedens sentit pro aliis officiis longè diuersis à sensibus internis recipiendis , & sensationibus eliciendis: nam in eo sinu qui est in parte posteriori ( quam cerebellum vocant ) vigere inquit vim animalem ; ibique operari. Sinum verò in medio existentem esse quasi transitum spiritum animalium. In duobus verò anterioribus elaborari, inquit, spiritus animales ad sentiendum necessarios, & aliis possunt officiis deservire, nobis quidem ( ut pote internis ) omnino occultis , quod sufficit , ut ex eis infirmum satis deducatur argumentum ad probandum multiplicari sensus internos.

Ad testimonium Aristotelis , quod assert ultima sententia, negandum est, quod per sensum, à quo distinguit phantasiam, intelligat communem ; absque dubio intelligit sensum externum, prout comprehendit quinque, & quibus simul, & ab intellectu conatur distinguere phantasiam, ut contextus eiusdem loci planè ostendit , & D. Thom. cum cæteris exppositoribus in Commentariis docet.

Ad utrumque verò argumentum eiusdem sententix concedenda sunt, quæ assumunt. Sed negandum , quod diuerso modo immutentur, ab obiecto : nam licet phantasia possit circa absentia , & insensata versari , non tamen nisi mediis speciebus sensatis, quas primò habet , & per quas primò operatur , atque etiam per quas immutatur , & non per insensatas , quas media immutatione per sensatas , & media operatione per illas , tantum elicit, eadem est ergo ratio formalis immutandi ab obiecto , quamuis à diuersis sensibus fiat : nam quod ab externis proximè , vel remotè , cam non variat : nam licet diuersæ sint species

species pro diuersitate causarum, & potentiarum: sed eundem modum repræsentandi res sensatas, præsentis habent: & eo ipso, quod per species rei præsentis, atque sensatæ operatur phantasia, necesse est, quod discernere possit inter sensibilia omnium sensuum externorum, à quibus processerunt, quod est officium proprium sensus communis. Vnde sequitur non esse distinguendam ab eo, quia licet ultra hoc possit speciebus insensatis uti: sed eo ipso, quod potest officium eius præstare,

- 64 non potest pro eo distingui alia potentia. Quemadmodum imaginatio potest per species insensatas operari, quod non potest phantasia: sed quia imaginatio potest præstare, quod præstat phantasia per species sensatas, & ulterius insensatis utitur, non sufficit hoc ad eas distinguendas, etiam iuxta primam opinionem distinguentem quatuor sensus internos, quæ eo ipso, quod imaginatio potest quidquid phantasia, licet possit aliis speciebus uti, pro eadem potentia cum phantasia, eam reputat.

Sed supersunt duo alia testimonia Aristotelis, quibus videtur multiplicare sensus internos: Primum habetur 2. libr. de anima, textu 138. ubi sic ait: *Ab euntibus sensibilibus manent*

- 65 *sensus, & imaginationes in ipsis sensoriis.* Sentir igitur plura esse sensoria imaginationis, & aliorum internorum sensuum, & consequenter plures sensus, quia vnus, & idem non potest in multis sensoriis residere. Postremum verò reperitur in libello de insomniis cap. 1. his verbis: *Est quidem idem sensitiuo imaginatiuum, esse autem sensitiuo, & imaginatiuo aliud, &c.* quibus sensum internum videtur ab imaginatione essentialiter distinguere, quamuis concedat esse in eodem subiecto, hoc est, in animali, & ideò duos ad minus sensus internos ponere. Neutrum tamen probat aliquid aduersus nostram sententiam. Nam in primo loquitur planè Aristoteles de sensibus externis, & non de internis, ut ex contextu literæ fit manifestum. Et ita exponitur à D. Thom. qui acutè satis verbum, *imaginationes*, pro apparitionibus quibusdam factis in externis sensibus abeuntibus sensibilibus præcipuis, & præcipuè in sensu visus exponit; quod profectò necessarium fuit, quia de imaginatione pro sensu interno extra propositum loqueretur Aristotel. In alio verò testimonio de imaginatione, vel phantasia pro sensu interno loquitur, sed non comparat eam cum alio sensu interno, sed cum tota parte sensitiua, ut contextus ipse ostendit, & D. Thom. in eius expositione docet.

## Q V Æ S T I O I I.

*An distinguendi sint plures sensus interni distinctione specifica, & essentiali.*

**Q**uæstio hæc solum procedit præsupposita opinione, quæ 67  
sequimur, quod solum datur vna potētia realis sensitiva interna, cui conueniunt omnes illi actus, & officia omnia, & iuxta singula diuersa nomina, aut denominationes sortitur. Petit verò, an saltem ratione horum actuum diuersorum distinguere debeant specie plures potētiae, quamuis eadem sint realiter, possibilis est enim distinctio specifica cum identitate reali, vt multis exemplis omnibus manifestis constat.

Et fortè non desunt, qui hanc partem sequantur, & plures potētiās sensitivā formaliter, & essentialiter distinguant concedentes eandem esse realiter; Quæ probari potest testimonio Aristotel. in lib. de insomniis, & imaginibus. cap. 1. vbi ita ait: *Formandarum visorum facultatem eandem esse, & sensitivam, quamuis essentia discrepent.* Nomine autem visorum phantasmata intelligit, & per facultatem ea formandi phantasiam, iuxta communem interpretum expositionem, per facultatem verò sensitivā communem sensum: asserit autem differre formaliter, & essentialiter: ergo distinguit specie plures potētiās sensitivas internas. Probatum etiam ratione, quia potētiae distinguuntur specie per actus specie distinctos, sed actus iam enumerati distinguuntur ratione formali, & specifica per diuersa obiecta, circa quæ versantur, aut saltem per diuersas rationes formales, quibus versantur circa eadem; ergo distinguunt essentialiter potētiās. Secundò, definitio phantasie est, quod sit: *Motus factus à sensu in actu*, quæ non conuenit sensui communi, æstimationi, & memoriæ, vel actibus earum, alioqui vitiosa foret; cum conueniat alijs actibus diuersis, & consequenter diuersis potētiis; ergo soli phantasie: quare diuersa erit hæc à sensu communi, & aliis, & ratione quidem specifica cum distinguatur per definitionem explicantem essentiam.

Nostra tamen sententia est *supposita identitate reali harum 68  
potētiarum, non posse distinguere formaliter, & essentialiter ratione diuersorum actuum, sed sicut est vna realiter, ita esse vnā formaliter, essentialiter, & secundum speciem atomam.* Quam sic probat: Potētiæ non distinguuntur specie per actus inadæquatos & inadæquata obiecta (etiam specie distincta secundum se) quæ conueniunt in vna ratione actus, & obiecti communi omnibus, & adæquata eidem potētiæ: vt in intellectu, voluntate, & aliis manifestum est, sed supposita identitate reali potētiæ sensitivæ internæ omnes illi actus, & eorum obiecta cum ea compa-

rata sunt inadæquata, & conueniunt in vna ratione communi, & adæquata; ergò non possunt distinguere diuersas potentias secundum speciem: sed ad eandem potentiam specificam pertinere debent. Probatúr minor, quia actus sentiendi sensibile externum cõmunis est actui sentiendi sensibilia præsentia, & præterita, sensata, & insensata, & insuper est adæquata ratio respectu eiusdẽ realis potentie; ergo constituit eam sub vnitatẽ speciei atomæ, Probo esse adæquatã, quia ratio conuertibilis cum aliquo est ei adæquata; nam adæquatum quasi æquale est, sed constat rationem illam vniuersalem actus, & obiecti conuerti cum tali potentia; cùm versetur circa omnia sub ea contenta, & circa nihil aliud versari possit; ergò adæquata censenda est.

- 70 Ad testimonium Arist. ex lib. de insomniis, Respondeo loqui de rationibus particularibus sub quibus eadem potentia realis interna versatur circa præsentia, vt talia: & circa absentia, vt absentia; & ratione illius dicitur sensus communis; ratione verò huius imaginatio, vel phantasia, & has duas rationes essentialiter esse diuersas docet, si inter sese comparentur: cæterum quia inadæquata sunt, sub alia ratione superiori communi, & adæquata continentur, non valent potentias distinguere essentialiter; sed ad eandem pertinere necesse est; quemadmodum in potentia intellectiua diuersæ rationes formales sunt præsertim vt talia, & præsentia, vt talia intelligere, scire etiam, & opinari, & ab illa dicitur intellectus, ab hac memoria, ab illa intellectus scientificus, ab hac opinatiuus. Et nihilominus nõ distinguunt diuersas potentias intellectiuas, etiam formaliter, quia inadæquata sunt, & sub eadem ratione communi, & adæquata eidem potentie continentur. Cuius ea est ratio à priori, quia potentie ex solis actibus, & obiectis adæquatis habent vnitatem specificam, & distinctionem, ex inadæquatis verò solum distinguí possunt quadam ratione accidentali.

- 72 Ad primum argumentum distinguenda est maior, quod potentie distinguantur specie per actus, & obiecta; nam per adæquatos, verum est, per inadæquatos verò falsum; quo autem modo inadæquati sint omnes isti actus sentiendi interni respectu eiusdem potentie realis, explicuimus, atque probauimus.

- Definitionem phantasie, à qua sumitur secundum argumentum, sic explicat Philoponus cap. præsentis, quòd sit motus factus à sensu interno in actu, qui est communis, & mouere potest phantasiam; quare non conuenit eadem definitio sensui communi, qui solum potest moueri ab externis, & non ab aliquo interno: cum ex internis sit primus. Hæc tamen solutio in primis expressè contraria est verbis Aristotelis statim post definitionem subiunctis, quibus de solis externis sensibus præ-
- priam

priam definitionem intelligit, & sensum eius esse docet, quod phantasia sit motus factus à sensu externo in actu, unde statim assignauit differentiam inter externos sensus, & phantasiam, quæ ab eis mouetur. Deinde est contra rationem, ut superius probauimus, phantasia conuenit cum sensu communi in eo, quod à sensatis præsentibus eodem modo, ac per eandem species mouetur; ergo non potest ab eo moueri, quia potentia mouetur aliam diuerso principio cognoscendi uti debet, alioqui non distingueretur ab illa. Respondemus igitur illa verba: *Motus factus à sensu in actu*, non esse integram definitionem phantasiæ, sed quasi genus eius, in quo conuenit cum cæteris sensationibus internis, sensus communis, æstimatoriæ, & aliis: omnes enim causantur proximè à sensibus externis actu operantibus. Statim verò post prædicta verba addit Aristoteles alia, per quæ completur definitio phantasiæ, videlicet, *quod habens motum illum præsentia, & absentia cognoscere potest, veram ac falsam cognitionem habere*: in quibus distinguitur ab aliis sensationibus internis, sensus communis, æstimatoriæ, & aliis: sed ut textum exponentes admonuimus, de imaginatione, seu phantasia loquitur Aristoteles pro actu, ex quo cognoscimus potentiam. Integra igitur definitio phantasiæ, ut potentiæ talis erit, Phantasia, seu imaginatio est: *Potentia interna, qua mota à sensibus externis actu operantibus versatur circa sensibilia actu ab eis sensata, præsentia, & absentia, cuius cognitio aliquando vera est, & sæpe falsa*; per quam definitionem quidam actus determinatus eius explicatur, distinctus quidem ab aliis, quos habet circa sensibilia solum præsentia, ut est sensus communis, & circa eadem præsentia sub ratione conuenientis, aut nociui, ut est æstimatoria, & circa absentia, ut est memoria: concedimus ergo his sensationibus non conuenire definitionem phantasiæ, sed proprias habere, atque distinctas, per quas formaliter distinguuntur, sed distinctione inadæquata respectu eiusdem potentiæ realis, à qua procedunt omnes; quare non possunt potentias adhuc formaliter, & essentialiter distinguere, ut probatum est.

### QVÆSTIO. III.

*An sensus internus cognoscat sensationes externorum.*

**I**Am incipimus agere de obiecto sensus interni quærentes, an ad ipsum pertineant sensationes externorum. Et licet plures referantur de hac re opiniones; sed omnes possunt reduci ad duas.

Prior negat sensum internum percipere sensationes externorum, sed sensibilia dumtaxat, circa quæ versantur, ut colorem,

& non visionem eius. Sed dari particularem quandam potentiam per quam percipiuntur, quam Plutarchus ut refert Philoponus statim citandus vocabat opinatiuam, Philoponus verò ipse cognitionem sensationum externorum, non alicui virtuti sensitivæ tribuendam esse censet, sed peculiarem pro eis percipiendis dari animæ rationali propriam, & ideò nec sensitivam neque organicam, & siue ab hac, vel illa cognoscantur, sentit hæc opinio à solo homine, & non à brutis cognosci. Hanc sententiam præter Plutarchum sequitur Simpli. 3. lib. de anima cap. 3. Niphus in collectaneis. Nemes. de natura hominis cap. 2. & 7. Probat 1. species expressa sensus externi, & sensatio per quam fit non potest imprimere speciem sui in sensu interno, sed solius obiecti, cuius est similitudo, sicut species producta in aëre ab obiecto non producit similitudinem sui in potentia, sed obiecti: ergo non potest ab eo sentiri.

77 Secundo si visio imprimeret speciem sui in sensu interno: ergo distinctam à specie coloris visi, quia valde diuersa ab eo est, & res diuersæ diuersas similitudines imprimere debent, poterit ergo percipi à sensu interno visio coloris non percepto eodem colore viso, atque etiam color visus non percepta visione, quia id quod percipitur per distinctam speciem ab alio sine illo percipi potest, cum species cuiusque rei sit sufficiens principium cognitionis eius simul cum potentia, sed utrumque est falsum, quia cum visio dicat intrinsecū ordinem ad obiectum, atque etiam obiectum visum ad visionem, neutrum potest sine altero cognosci à sensu. Deinde sequeretur ita perfecte cognosci per sensum internū sensationē externi, ad obiectum eius, cum ita per propriam ac distinctam specie cognoscatur, consequens autem contra experientiā est, quia nunquam ferè cognoscimus distincte sensationem, sed solum obiectum sensibile.

79 Secunda opinio tenet necessarium esse, quod sensus internus cognoscat non solum obiecta externorum, sed etiam sensationes, per quas ea percipiunt, ut colorem, & visionem eius, sonum, & auditionem. Ita expressè D. Thom. 1. part. quæst. 78. art. 4. ad 2. & quæst. 87. art. 3. ad 3. & 2. contra gent. cap. 60. Scotus in 4. d. 45. quæst. 3. atque etiam recentiores vniuersi, præsertim Toletus, 3. lib. de anima quæst. 3. & nobis videtur non solum probabilior, sed vera. Probat expresso testimonio Aristotelis cap. 1. huius lib. ubi agens de cognitione sensationum externorum docet, & probat non cognosci à propriis sensibus, sed à sensu communi. Probat etiam experientia; nam omnes experimur recordari nos, quod aliquid viderimus. Nec potest hoc soli intellectui tribui, sed etiam sensui interno, quia simul & semel, ac videmus, vel audimus obiectum aliquod, recordamur nos illud idem iterum vidisse,



vidisse, vel audiuisse : ergo per eandem potentiam percipimus  
vtrumque , sed constat nos percipere obiectum per memoriam  
sensitiuam : ergo per eandem percipimus sensationem eius  
iam habitam. Ratione verò, quia bruta pertimescunt quædam  
loca, in quibus fuere percussa, & redeunt ad alia, in quibus ci-  
bum , vel potum inuenere : ergo recordantur doloris perpeffi,  
ac delectationis perceptæ, quos mediis operationibus externo-  
rum sensuum percepisse constat : ergo illorum operationum  
recordantur. Secundò , perfecta animalia habent sensum com-  
munem ; ergo discernunt per eum inter sensibilia externorum  
sensuum, vt actu ab eis sensata, quia non alia ratione ab eis mo-  
ueretur, sed repugnat discernere inter illa , vt actu sensata ab  
eis, nisi vt talia cognoscantur, & repugnat, vt talia cognosci, nisi  
cognitis sensationib. ergo negari nõ potest, quin eas cognoscat.

Sed explicare oportet, per quam speciem cognoscantur, pro-  
priam quidem, ac distinctam à specie , per quam cognoscunt  
obiectum, vel per eandem speciem obiecti. Toletus vbi supra,  
& Bañez 1. parte quæstion. 78. art. 3. dubio 10. per eandem spe-  
ciem cognosci arbitratur à sensu interno obiectum externi  
actu sensatum , & sensationem eius. Sed quonam modo possi-  
bile sit, res adeò diuersas repræsentari per eandem speciem, non  
explicant. Dicendum igitur est per eandem absque dubio spe-  
ciem repræsentari, atque cognosci , eò ferè modo , quo supe-  
riùs diximus per eandem speciem repræsentari, atque cognosci  
à sensu externo proprium sensibile , atque commune, ita qui-  
dem vt proprium eam imprimat sensui , commune verò eam  
determinet , ac modifcet producendo in ea modum quendam,  
per quem repræsentetur. Itaque sicut proprium sensibile , &  
commune vniuntur per modum vnius obiecti determinati , ac  
modificati in ordine ad sensationem , quia color extensus  
vnum obiectum visus est, ita vniuntur ad productionem vnius,  
eiusdemque specie determinatæ, aut modificatæ, quolibet eo-  
rum concurrente iuxta propriam naturam, videlicet sensibili  
proprio ad entitatem speciei ; commune verò ad modum, & ita  
per modum vnius percipiuntur à sensu. Sic intelligi debet ob-  
iectum sensatum ab externo sensu , & sensationem eius se ha-  
bere ad producendam speciem in sensu interno ; nam sicut  
obiectum non potest percipi secundum se ab eo , nisi vt actu  
sensatum à sensu externo ; ita nec potest secundum se im-  
primere ei propriam speciem, sed vt actu sensatum : per sensatio-  
nem igitur determinatur , & quasi modificatur , & vt sic deter-  
minatum, & nõ alio modo potest eum immutare, & imprimere  
ei propriam speciem. Vnde sequitur, quod sicut obiectum vt sen-  
satum, vnum quid est à sensu interno perceptum , & non duò;

ita idem obiectum simul cum propria sensatione, non ut plura obiecta, sed per modum vnius percipiuntur ab eo. Et ex consequenti non ut plura obiecta, sed per modum vnius eundem sensum immutant; inmutatio verò est productio speciei: ergo veniuntur ad eam producendam, & per modum vnius obiecti determinati, ac modificati eam imprimunt: ita ut ab obiecto imprimatur secundum entitatem, à sensatione verò secundum modum, per quem determinatur, ac modificatur. Vtrumque igitur repræsentat per modum vnius, obiectum quidem per entitatem, & sensationem per modum. Et hinc est, quod sicut non potest percipi à sensu externo proprium sensibile sine communi, neque commune sine proprio: ita non possit percipi à sensu interno obiectum sensus externi sine sensatione, nec ista sine obiecto sensato.

Ad primum argumentum negandum est antecedens, & cum  
87 dicitur ipsa semet speciem expressam esse similitudinē formalem obiecti. Respondeo esse quidem, sed non tantum id habere, sed etiam quod comparata ad sensum internum sit obiectum cognoscibile ab ipso. Itaque duo habet sensatio externa, seu species expressa eius; primum, quod comparetur cum obiecto, cuius est formalis similitudo. Secundum, quod comparetur cum potentia interna, cuius est immutativa, & in priori comparatione non est, quod cognoscitur, sed quo aliud, vel in quo aliud expressè cognoscitur à sensu externo; in posteriori verò est, quod cognoscitur, vel cognosci potest simul cum obiecto, quod representat tanquam sensatum. Et ideo imprimit speciem sensui interno, ad quem comparatur tanquam modus eiusdem obiecti, & cum ex re, & modo fiat vnum modificatum, producit à sensatione externa vna tantum species modificata repræsentans vtrumque per modum vnius. Hæc autem non habet species impressa, quia solum est virtus obiecti non sensibilis per potentiam, sed quæ non solum est ratio sentiendi obiectum, prius per sensum externum, quam cum interno comparetur, vel comparari possit; quare nec potest producta in aëre imprimere aliam speciem sui in eodem sensu, sed solius obiecti.

89 Ad secundum neganda est prima consequentia, quod sensatio imprimat speciem distinctam ab obiecto sensato, sed eandem modificaram: nam ita est ab eo diuersa sicut modus à re, quam modificat in ordine ad sensum internum, quem immutare potest, nec sequitur ut sensatio eidem inhæreat: sed sufficit, ut adhæreat ei quadam ratione extrinseca per repræsentationem, ex hoc enim potest vniri ad agendum circa extrinsecum, nempe circa sensum, ita ut per modum vnius cognoscatur ab eo vtrumque simul, & vtrumque tanquam quod cognoscitur, sicut

tur, sicut cognoscuntur simul sensibile proprium, & commune, & utrumque tanquam, quod cognoscitur. Quod verò non ita perfectè cognoscatur sensatio, sed aliquando confusè tantùm, ex defectu aduertentiæ ipsius potentiæ prouenit, quæ ab obiecto tanquam à principaliori sensibili fortiùs mouetur, & quasi rapitur. Ideò minus ad modum, quàm ad sensationem ipsam attēdit. Quod patet in sensatione externa, per quam perfectiùs, atque distinctiùs cognoscitur proprium sensibile, quàm commune, quamuis per eandem speciem repræsentetur utrumque, & per eandem cognitionem percipiatur.

#### Q V Æ S T I O I V.

*An sensus internus cognoscat propriam sensationem.*

**P**riusquam diuersas sententias referamus, hæc distinctio præmittenda est circa modum cognoscendi proprii actum, videlicet per alium actum distinctum ab eo, quo cognoscitur obiectum, qui reflexus vocatur; cum sit cognitio cognitionis ut obiecti, vel per eundem actum directum, ita ut eodem ipso actu, quo sensus cognoscit obiectum sensatum ab externo, cognoscat se cognoscere illud.

Hoc supposito, licet titulus quæstionis de solo sensu interno quærat, intelligitur tamen quæstio, etiam de externis, quia licet maior sit de interno in hac re difficultas, propter maiorem perfectionem eius, iidem ferè sunt modi opinandi de omnibus, & rationes singularum opinionum, quæ de externis, ac de internis procedunt eadem: propterea breuitatis studio placuit quæstionem simul de omnibus agitare.

Et tenet prima sententia sensum sentire propriam sensationem tanquam obiectum, quod, & ideò per aliam cognitionem, distinctam ab ea, qua cognoscit obiectum, quam meritò possumus attribuere Simplicio, quem citat Toletus 3. lib. de anima, q. 3. id concedenti sensibus externis, non omnibus, sed humanis propter coniunctionem cum intellectu. Probatur testimonio Aristotelis in lib. de memoria & reminisc. cap. 2. ferè per totum, ubi loquens de sensu communi, & memoria, vel de actibus eorum volens eos distinguere, asserit utrumque versari circa phantasma, quòd duo habet, videlicet quòd sit res quædam inherens potentiæ, & quòd sit imago alterius iam visi, aut sensati, sicut imago depicta in pariete habet, quòd sit res quædam, nempe homo pictus, & quòd sit imago veri hominis iam cogniti. Et sensus communis versatur circa illud, ut rem quandam: memoria verò ut imaginem obiecti iam sensati, seu cogniti, sentit igitur Aristoteles sensum internum cognoscere phantasma, sed

phantasma est terminus sensationis: ergo non potest cognosci quin cognoscatur sensatio ipsa.

93 Probatur etiam ratione, quia intellectus cognoscit actum phantasie, ut quod: ergo eodem modo debet illum cognoscere phantasia. Probatur consequentia, quia nihil potest cognoscere intellectus, nisi circa illud idem operetur phantasia propter intrinsecam dependentiam intellectus operantis in corpore à sensu. Secundo probatur efficaciter argum. ad hominem præsupposita sententia, quam sequimur de unitate sensus interni hoc modo: experientia nobis constat, quod per memoriam recordemur præteritæ imaginationis à nobis habitæ, aut etiam præteriti actus sensus communis, quo cognoscimus colorem aliquando visum, sed duo isti actus sunt eiusdem sensus interni apud nos: ergo vnus iste sensus internus cognoscit actum proprium per alterum ab eo distinctum, & reflexum quidem: cum sit cognitio alterius cognitionis.

94 Sed hæc sententia duobus modis declaratur à recentioribus, quia dupliciter cognosci potest proprius actus à potentia, vel secundum se, hoc est, non coniunctus cum obiecto cognito, vel ut ipsi coniunctus, & quasi ipsum modificans: sicut supra diximus sensum internum cognoscere sensationem externi, quod sine reflexione fit: cum non sit cognitio cognitionis, ut obiecti, sed ut modificantis obiectum, & ideo secundum quid.

Secunda opinio negat internū sensum cognoscere propriam sensationem per alium actum distinctam, sed concedit ei, quod eam cognoscat per eūdem actum directum, quod cognoscit obiectum, quod de visu, & aliis externis sensibus tenuerūt Ægid. & Venet. c. præsentis, & cum eis recentiores alij. Qui etiam id ex consequenti tenent de sensibus internis, utpote perfectioribus. Et videtur eandem sequi D. Thom. 3. lib. de anima, c. 2. & 1. 2. q. 112. art. 5. ad 2. nam in 1. loco concedit duplicem operationem sensibus etiam externis, nempe apprehensionem, & iudicium, & per iudicium ait quasi indirectè cognoscere apprehensionem. In secundo verò asserit assensum fidei, & scientiæ simul reddere certum intellectum de obiecto: ac de se ipso. Quod non videtur posse negari internis sensibus; nā de externis etiā id tenent Ægid. & Venet. cap. 2. huius libr. & Ferrar. 2. contra gent. cap. 66. quamvis in quodam sensu particulari ab hoc auctore explicetur. Modum verò quo sensus internus cognoscit propriam sensationem, sic explicant recentiores isti, ut non cognoscatur ab eo tanquam obiectum, & ideo nec per speciem, quia non potest ita cognosci eodem actu directo, nisi distincto, atque reflexo. Sed immediatè per se ipsam, & quasi per experientiam; nam cum immediatè per se ipsam, & non per speciem

inhæ

inhæreat potentia, per eandem inhærentiâ quasi experientiam sui causat in eadē potentia, & hoc est ab ea cognosci actu directo. Sed probatur hac ratione; nā species expressa sensus interni repræsentat obiectum ut actu, & expressè cognitū cognitione ipsa, ergo non potest ut tale cognosci, quin cognoscatur ipsa cognitio, quasi illud modificans, & tribuens esse actu cognitū.

Tertia opinio negat sensum externum, vel internum vllō 97  
modo cognoscere propriam sensationem, hoc est, neque alio actu distincto ab eo, per quem cognoscit obiectum, neque eodem. Et de sensu externo id tenet expressè Aristot. cap. 2. huius lib. Vbi cū proposuisset dubiū an sensus externus cognoscat propriam sensationem. Respondet non cognoscere, ex qua solutione colligit necessariò ponendum esse sensum communem internum ad eam cognoscendam, quia euidēti experientia nobis constat cognitione sensitiua cognoscere nos, quod videamus, & audiamus, & per cæteros sensus sentiamus, quod non posset colligi, si sensus quisque extēnus suā cognosceret sensationem. Quod sequuntur etiam omnes ferè interpretes, præsertim Albert. Magnus lib. de anima, tract. 4. cap. 7. Iauel. q. 56. Iand. q. 3. Apollin. q. 37. Tien. ad text. 138. eiusdem lib. Tolet. 98  
3. de anima, q. 3. Capreo. in 3. dist. 44. q. 1. art. 3. & plures alij. Et tandem D. Tho. 1. p. q. 78. art. 4. ad 2. his verbis. *Cum aliquis videt se videre hoc non potest fieri per sensum proprium, qui non cognoscit, nisi formam sensibilis à quo immutantur: in qua immutatione perficitur visio coloris, ex qua sequitur alia immutatio in sensu communi, qui visionem percipit.* Atque etiam D. August. 2. lib. de libero arbitr. cap. 4. in principio, vbi sic ait: *Non etiam bestia moueret se, vel appetendo aliquid, vel fugiendo, nisi se sentiri cognosceret, quod non utique aliquo eorum ex quinque sensis.* De sensu verò interno idem tenent D. Thom. 2. contra gent. cap. 66. & ibid. Ferrat. & 1. part. quæst. 78. art. 4. ad 2. & ibid. Caiet. & tandem, quæst. 78. art. 3. ad 3. & Scotus in 4. dist. 45. quæst. 3. §. circa istam quæstionem. Et probatur de utroque sensu simul, 1. ratione D. Thom. in vltimo loco quæ sic habet. *Sensus ex propria natura cognoscit per immutationem organi corporei ab obiecto extra se existente, & propterea vocatur potentia passiva, & passione quidem transeunte: ergo non potest à se, vel à proprio organo, vel ab his, quæ in eo sunt immutari, nec proinde ea cognoscere; ut probatur in omnibus sensibus externis: sed sensatio recipitur in ipsomet organo cuiuslibet sensus etiam interni: ergo non potest ab eo percipi.* Et vrgeri potest hæc ratio, quia quilibet sensus est materialis, & extensus, & residet in organo extenso, & materiali: ergo nihil potest percipere sine extensione; quate si percipit propriam sensationem

ergo percipit extensionem eius, imò & organum à quo extenditur; quia eo ipso quod sentimus accidens, sentire debemus subiectum per ipsum, ut patet de colore, & colorato: sed contra experientiam est, quod hæc sentiamus: ergo nec sentimus propriam sensationem internam.

99 Sed dices probare hæc quod non potest sensus internus sentire propriam sensationem tanquam obiectum, quod, & alio actu, non tamen, quod non possit eam sentire tanquam actum proprium, & nō per alium actum, sed per se ipsam. Contra hoc tamen est, quod nihil potest percipi à potentia cōtra proprium modum immutationis naturalis, sed modus proprius sentiendi est per immutationem rei materialis, & naturalis extra existentis; unde constat nullum sensum posse percipere, neque actu directo, neque reflexo se ipsum, neque proprium organum, nisi, ut obiectum extra repræsentatum: ergo neque ullo modo potest percipere per se immediatè sensationem propriam intra se existentem, etiam eodem actu directo.

100 Secundò probatur, quia si propriam sensationem sentiret actu directo, quia immediatè ei inhæret, & ideò per actualem inhærentiam quasi experientiam sui facit, sequitur eadem ratione sentire speciem expressam per eundem actum productam; cum sit actualis notitia eiusdem obiecti, & immediatè inhæreat potentie; & ideò experientiam sui efficiat, si eam facit cognitio. Consequens autem falsum est, quia si species expressa sentiretur, euidens esset dari: constat verò sub dubio adhuc esse, & negari à multis; ergo non cognoscitur ab eodem sensu.

101 Testimonium Aristotelis pro prima opinione oppositum satis difficile est, quia non potest intelligi de memoria intellectiva, ut à quibusdam recentioribus explicatur, cum manifestum sit ex verbis, atque contextu eius differentiam constituisse inter actum sensus communis, & memoriæ sensitivæ. Quo supposito à pluribus aliis exponitur, de memoria sensitiva: quorum expositiones propterea non refero, quia non possunt verbis quadrare. Sensum igitur Aristotelis esse arbitror, quod eodem phantasmate utantur sensus communis & memoria, siue distinctæ sint potentiæ, siue eadem diuersos actus inadæquatos habens: sensus quidem communis utitur eo tanquam re sibi impressa à sensu præsentis, memoria verò tanquam imago rei iam cognitæ apud se reservata. Itaque non intelligit Aristoteles, quod sensus interni per hos diuersos actus percipiant phantasma tanquam obiectum, quod; nam hoc planè impossibile est, & doctrinæ eius contrarium. Sed quod utantur eo, ut principio diuersorum actuum secundum diuersas ratio-

nes, quas habet. Ex quo nihil probatur contra nostram sententiam, quia potentia sensitiva non cognoscit principium suæ operationis, ut per se patet.

Pro solutione arg. vnum est adnotandum, quod intellectui, & suo modo voluntati conceditur, quod per actus reflexos versentur circa actus proprios propter duplicem perfectionem maximam vtriusque potentie, videlicet propter immaterialitatem propriam, & vniuersalitatem obiectorum. Nam intellectus habet pro obiecto vniuersalissimum ens, sub quo tam ipse, quam proprii actus, & omnia quæ apud se habet comprehenduntur, & voluntas vniuersalissimum bonum, sub quo ipsa met cum propriis actibus, & habitibus continetur, quare necesse est vtramque potentiam se ipsam, & proprios actus posse cognoscere tanquam obiecta, non minus cognoscibilia per se, quam res alias; & ideo propria, atque reflexa cognitione: nam & immaterialitas ipsa confert potestatem ad quamlibet reflexionem, sensus verò caret vtraque perfectione, quia obiectum habet limitatum ad id tantum, quod potest immutare potentiam sensitivam, & materiale; ac per species sensibiles, sub quo constat non comprehendere species, neque actus proprios, quia tale esse sensibile immutatio caret, & longè inferius, magisque diminutum habent, quod intentionale vocatur; quare nec proprias species, nec proprias operationes potest cognoscere, nec vllum actum reflexum habere, quia materialitas impedit omnino reflexionem; cum reflecti supra se, & supra proprios actus arguat perfectissimum modum operandi, & ideo à materialitate alienum.

Ad primum argumentum eiusdem sententiae respondeo, 104 quod cum actus proprius non sit sensatus villo modo per sensus externos, nec potest per phantasiam percipi tanquam obiectum: nam obiectum nullo modo cognoscitur per species sensatas, nec potest villo modo per insensatas cognosci, ut mox ostendetur. Vnde sequitur, nec posse ab intellectu cognosci talem actum per propriam speciem, quia non potest intellectus per propriam speciem cognoscere, nisi id quo per propriam speciem à sensu percipitur, ut inferius ostendetur. Percipit igitur actum phantasie per species aliarum rerum similium per species proprias sensatarum; & ideo solum sequitur quod circa has debeat simul operari phantasia, & has cognoscere, & non actum proprium.

Ad secundum concedimus, quod sicut supposita distinctione 105 interiorum sensuum, & subordinatione eorum, perfectior, seu superior potest cognoscere operationem inferioris absque propria reflexione, sine qua etiam cognoscit sensus internus sensa

ensationem externi, eodem modo præsupposito, quod sit vnus tantum habens plures, ac diuersas operationes maioris perfectionis, potest per superiorem operationem cognoscere inferiorem se habentem tanquam obiectum à quo immutatur ad eliciendum actum superiorem, quod non est supra proprium actum reflecti: nam proprius actus, qui est obiectum reflexæ cognitionis, ille idem debet esse, qui circa obiectum elicitur, & non alius ei necessario præsuppositus tanquam obiectum, nec præcisus quidem, aut seiunctus ab obiecto per eum cognito: sed solum tanquam modus eius.

- 106 Modus autem ille, quo potentiam cognoscere proprium actum affirmat secunda opinio, videlicet non tanquam obiectum: sed in quantum per immediatam inhærentiam in potentia experientiam sui causar in ea, impossibilis est, quia pugnat cum modo inferiori, & materiali operandi cuiuslibet sensus, natus solum moueri à sensibili extra se existenti vel extra se repræsentato, vt probauimus. Negandum est igitur, quod sensatio per immediatam inhærentiam in potentia causet in ea notitiam, vel cognitionem experimentalem sui, sed solius obiecti, imò sui nullam potest experientiam causare, quia potentia adeò materialis, & quæ non nisi modo materiali immutari nata est, non potest, nisi ab obiecto extra se existenti immutari, non ergò à cognitione ipsa intra se existente, sicut neque à seipsa, neque proprio organo, nec ab speciebus, quas apud se habet immutari potest, nec aliquid eorum etiam actu directo
- 107 cognoscere. Quidquid autem ex his attribuitur intellectui, propter immaterialitatem, & perfectionem maximam ei potest conuenire; vnde ea quæ D. Thom. loco illo citato in argumento concedit intellectui, negat sensibus in alio loco primæ partis à nobis citato pro nostra sententia, probatque non posse eis conuenire.

Ad argum. verò negandum est, quod non possit cognosci obiectum actu, & expressè repræsentatum, quin cognoscatur cognitio ipsa, per quam cognoscitur, quin obiectum non habet esse actu cognitum per talem cognitionem tanquam principium eius: sed tanquam terminus; quare nec requiritur, nec potest cognosci sensatio ipsa, quamuis cognoscatur obiectum per speciem actu, & expressè repræsentatum: nam expressè, & actu repræsentari per speciem expressam ex parte ipsius speciei se tenet, & propterea non cognoscitur eadem cognitione modus ipse actualis, & expressæ repræsentationis, neque repræsentatur per speciem. Sed est modus ipsius speciei: non enim sequitur, species expressa repræsentat actu, & expressè obiectum, & obiectum sic repræsentatum cognoscitur: ergò

cognosci



cognoscitur representatio ipsa, & & consequenti neque cognitio.

Et si obiiciatur, quod voluntas eo ipso, quod aliquid libere vult; vult etiam se velle, quod est eodem actu directo velle suum actum. Distinguendum est antecedens: nam formaliter & expresse falsum est, cum nihil possit hoc modo velle voluntas, nisi ei proponatur ab intellectu; constat autem proprium actum non proponi vilo modo ei ab intellectu, quoties proponitur aliquod obiectum, quia neque tunc cognoscitur vilo modo ab intellectu: sed dicitur, quod voluntas semper ac vult, velit se velle quadam ratione virtuali, & interpretatiua, quam per hoc explicamus, quod si proprius actus ei proponeretur simul cum obiecto proposito, quod vult, eum vellet. Constat vero hoc non posse conuenire sensibus externis. Nec internis, quibus repugnat proponi proprium actum tanquam obiectum sentiendum.

Ex resolutione harum duarum questionum facile potest colligi, quodnam sit adæquatum obiectum sensus interni, per quod ab omni alia potentia cognoscitiua distinguatur. Est enim sensibile, ut sic in toto suo ambitu acceptum, quo pacto comprehendit sub se non solum sensibilia externorum sensuum: sed etiam sensationes eorum, & ex consequenti eadem omnia sensibilia, non solum prout percipi ab eis possunt: sed etiam prout percepta aut sensata ab eisdem, & tandem quamlibet sensationem internam alteri inferiorem, & consequenter obiectum eius, prout per eam sensatum. Itaque sicut intellectus habet pro obiecto adæquato vniuersalissimum ens; ita sensus internus vniuersalissimum sensibile. Cuius rationem, ut per eam distinguatur à cæteris potentiis cognoscitiuis hoc exemplo explicamus. In colore vel luce, & pariter in quouis alio obiecto sensus externi, triplicem rationem considerare possumus: videlicet, visibilis, sensibilis, & intelligibilis: & sub ratione visibilis pertinet per se ad visum, sub ratione sensibilis sensati à sensu externo, aut etiam ab interno inferiori, seu per operationem inferiorem, ad sensum internum; sub ratione vero intelligibilis ad intellectum. Er ita distinguitur internus à sensibus externis, & intellectu per rationem obiectiuam quasi mediam inter utramque. Quod non est sic accipiendum, ut talis ratio sensati explicata sit formalis obiectiua eiusdem interni sensus, ut recentiores quidam voluerunt, alioqui actus æstimatiuæ, qui versatur circa rationem conuenientis non sensatam per sensus externos, nec per alium actum sensus interni, non habebit obiectum contentum intra adæquatam sensus interni; quare non erit actus interni sensus, quod patet esse falsum.

falsum: solum ergo et conditio obiecti hoc modo intelligenda, ut obiectum adæquatum interni sensus sit sensibile, sensatum quidem à sensu externo, aut dependenti aliquo modo à sensatione eius, ut ita comprehendatur obiectum æstimatoræ, atque phantasie componentis tertium ex duobus sensatis à sensu externo, eo modo quo dicemus infra obiectum intellectus pro hoc statu esse ens aliquo modo dependens à sensu, vel phantasmate per quam dependentiam limitatur, & coarctatur ens, & pariter coarctatur per dependentiam à sensu externo tanquam per conditionem vniuersale sensibile, ut sit obiectum interni sensus.

## Q V Æ S T I O V.

*An sensus internus verum, & proprium iudicium habeat de obiecto, vel solam apprehensionem.*

112 **P**OST discussionem obiecti interni sensus, sequitur disputatio de actu eius, an solum sit apprehensio obiecti, vel etiam iudicium.

Quod ut melius intelligamus diuersæ sunt explicandæ acceptiones iudicii, ex quibus duas afferunt D. August. 8. lib. de Ciuit. Dei, cap. 7. & lib. 11. cap. 17. Gregor. Nisæni. 4. lib. de homine, cap. 4. Nemes. de natura hominis, cap. 8. & Galen. libr. 5. de placitis, cap. 2. & lib. 7. cap. 16. Prior vniuersalissima est, & ideo inappropriatissima pro quacumque cognitione rei, etiam simplicis: nam eo ipso quod potentia cognoscit obiectum, ut sibi representatum per speciem, dicitur aliquo modo iudicium ferre de illo. Posterior quasi per extremum propriissima est, diciturque non solum cognitionem quamcumque: sed collationem vnius cum alio, qua cognita affirmat, vel negat vnum esse aliud: vnde iudicium hoc in sola compositione reperitur, & veritatem ac falsitatem compositam continet formaliter. Præter has duas acceptiones videtur mihi addenda tertia quasi media inter vtrâque, quia priusquam prior importat, & non pertingit perfectionem posterioris, estque cognitio non vnius rei simplicis tantum: sed duarum cognoscendo naturam vtriusque, & quod vna non est altera, non tamen conferendo vnam cum altera, neque cognoscendo proportionem, vel disproportionem inter eas existentem, nec ideo affirmando, vel negando, quod vna sit altera. Quod facit visus cognoscendo albedinem, & nigredinem, & eo ipso discernendo inter vtramque, & consequenter aliquo modo iudicando, quod vna non sit altera.

114 Et de iudicio in prima, & tertia acceptione sumpto certum est dari in sensu interno: tum quia, & in externis datur: tum etiam, quia sensus communis versatur circa obiecta externorum

rum sensuum discernendo inter illa: & ideo aliquo modo iudicando, quod obiectum vnius non sit obiectum alterius, neque ad eum pertineat. Quæstio igitur ad iudicium propriè sumptum in secunda acceptione reducitur, an sensui interno conueniat secundum aliquem eius actum; procedit autem quæstio de omni sensu, etiam brutorum.

Et prima opinio concedit sensui interno solius hominis verum, ac proprium iudicium per compositionem, & diuisionem, & ex consequenti verum discursum circa singularia sensibilia, non ex perfectione sensitua, vt sic, quia etiam conueniret sensui interno brutorum: sed ex coniunctione ad partem rationalem, à qua deriuatur in sensum internum per actum cogitatiuæ potestas componendi, & diuidendi, & vtendi syllogismo quodam ad inferendum vnum ex altero. Ita D. Thom. 1. part. q. 78. art. 4. ad 5. & 22. quæst. 47. art. 3. & ibid. Caiet. Greg. in 1. disp. 3. quæst. 1. art. 1. Gabr. quæst. 1. prologi art. 2. Alens. 2. part. quæst. 67. membr. 1. Marsil. in 2. quæst. 16. art. 1. Capreol. in 2. dist. 35. quæst. 2. Soncin. 1 c. lib. Metaph. quæst. 26. Ferrar. q. 9. huius lib. & Auerr. comment. 62. Auicenn. lib. 6. natur. par. 4. cap. 2. æquè etiam Bañez dub. 2. Sorus, & plures alij interpretes Arist. lib. 2. Posterior. cap. ult. atque etiam in prologo Metaph. Niphus disput. 7. Antonius Andreas quæst. 5. Iauellus quæ 6. Iandun. 3. lib. de anima, quæst. 37.

Quod etiam concessere sensui interno brutorum antiqui Philosophi tribuentes brutis verum discursum, & ratiocinationem, vt Pithagoras, & Anaxagoras, quos refert Plutarchus, lib. 5. de placitis Philos. cap. 2. imò, & Plutarchus ipse videtur ita sensisse in dialogo qui inscribitur (quod brutis ratio insit) & tandem Lauren. Valla, in libello quem scripsit in Dialect. cap. 9. Et probatur; nam Iob. 11. dicitur: *Nonne auris verba diiudicat, & fauces comedentis saporem?* Et capit. 12. *Auris enim verba probat & gustus escas.* Et tandem Prouerb. 6. *Vade ad formicam o piger, & considera vias eius, & disce sapientiam, &c.* Concedit ergo formicæ sapientiam, quæ sine iudicio non habetur. Aristot. etiam apibus, & formicis concedit prudentiam, 1. Metaphys. cap. 1. & sensum internum hominis vocat rationem particularem, 6. lib. Ethic. cap. 11. & 3. lib. de anima intellectum passiuum propter iudicium, ac discursum, vt latè prosequitur lib. 8. & 9. de histor. animal. cap. 6. atque etiam Plin. lib. 9. naturalis histor. cap. 3. & Albert. Magn. 8. lib. de animalibus, à principio.

Ratione verò sic probò; quia verum iudicium reperitur in collatione extremorum, & attributione vnius ad alterum per compositionem & diuisionem, sed hæc omnia præstat sensus internus per diuersos actus: nam per actum imaginatiuæ componit

ponit ex duobus tertium, ut ex monte, & auro montem aureum, & per actum æstimationis confert vnum alteri iudicans esse ei conueniens, aut nociuum; ergo verum ac proprium actum iudicandi habet. Secundò, quia nihil potest intellectus noster pro hoc statu cognoscere nisi dependenter à phantasmate: ergo non potest ferre iudicium, nec discurre deducendo vnum ex altero, quin phantasia eum comitetur iudicando, ac discurrendo circa singularia illa, à quibus intellectus vniuersales rationes abstrahit, & circa quæ discurrit; ergo ex consortio saltem intellectus deriuatur ad actus interni sensus iudicium, ac discursus.

- 110 Vera tamen sententia, *nec verum, ac proprium iudicium, nec verum discursum, & ratiocinationem concedit ulli sensui interno: imò nec toti naturæ sensitivæ, etiam in homine, sed improprium duntaxat iuxta primam, & tertiam acceptionem: nam proprium in solo intellectu reperitur.* Sic Toletus 3. lib. de anima, cap. 3. quæst. 3. conclus. 2. & omnes ferè recentiores interpretes, & absque dubio est sententia D. Thomæ. 1. 2. quæst. 1. art. 1. & 2. & quæst. 13. artic. etiam 1. & 2. & ex principiis Aristotelis efficaciter colligitur. Sed eam in primis probo hoc discursu ex doctrina eiusdem D. Thomæ eisdem locis citatis elcito, quibus hoc modo probat soli homini conuenire propter finem propriè agere; ut aliquis se moueat, ac dirigat in finem, necesse est cognoscat media, & finem, atque etiam proportionem, quam habet medium cum fine, & conferat vnum cum altero, sed solus homo per intellectum cognoscit proportionem, quam habet medium cum fine, & confert vnum cum altero, brutum verò per sensum internum cognoscit quidem rem, quæ est finis, & quæ est medium, quam proponit appetitui sensitivo, & iste naturaliter, & non liberè mouetur ab eis, & naturaliter mouetur brutum ipsum
- 111 ab eo ad assumendum medium, & consequendum per illud finem, sed non cognoscit proportionem, quam habet medium cum fine, neque confert vnum alteri, quia cognitio proportionis, & collatio vtriusque excedunt virtutem sensitivam, & ad solum intellectum pertinere possunt; ergo non se mouent, nec dirigunt in finem, sed mouentur naturali instinctu, qui est naturalis ipsa inclinatio appetitus in bonum sensibile, quam dedit eis author naturæ eorum, & illa media mouet ac dirigit ea in finem. Et ex hoc colligit Diuus Thomas, electionem non conuenire brutis, quia præsupponit iudicium, & sententiam de conuenientia vnius medijs præ alio in ordine ad consecutionem finis, quam solus intellectus ferre potest. Ex eisdem verò ita arguo, formale iudicium, ac discursus præsupponunt non quancunque cognitionem extremorum, sed proportionis eorum cum collatione formali vnius cum altero; proportio verò

cum sit relatio inter extrema, vel eam importet, non est sensibilis, nec eam aliquando cognouit ullus sensus, sed solus intellectus; & ex consequenti collatio extremorum cognitionem eius præsupponens non potest ad sensum pertinere, sed ad intellectum, & consequenter, nec iudicium ac discursus. Et hæc <sup>123</sup> ratio non minus efficaciter conuincit de sensu interno hominis, quam bruti. Quod sic probos; ideò verum ac proprium iudicium, seu sententia, ac discursus non conceditur sensui interno brutorum, quia superat conditionem, cuiusculunque obiecti sensibilis: & nulla potentia potest vagari extra rationem sui obiecti: sed sensus internus hominis habet idem obiectum sensibile, ac sensus bruti; ergo etiam ex coniunctione ad intellectum, non potest operatio eius extra illud vagari, vel ad obiectum non sensibile, sed intelligibile se extendere; qualis est formalis proportio, formalisque collatio extremorum inclusa in formali iudicio, aut ei necessariò præsupposita; quare non minus est ei denegandum, quam sensui brutorum.

Secundò quia si sensus bruti, vel hominis per coniunctionem <sup>124</sup> cum intellectu habet verum, ac proprium iudicium, sequitur posse cognoscere proportionem inter subiectum, & prædicatum, & iuxta eam vnum attribuere alteri, vel negare de illo; sed in tali iudicio reperitur formalis veritas, aut falsitas, ergo hæc dabitur in operationibus sensuum: contra expressam sententiam Aristotelis, eam in sola operatione perfectissima intellectus ponentis. 6. lib. metaphys. textu vltimo, & 1. lib. de interpretatione cap. 1. & cum eo omnes interpretes. Et tandem posse <sup>125</sup> sensum internum cognoscere proportionem inter duas compositiones, vel affirmationes, atque etiam inter compositionem, & diuisionem, seu affirmationem, & negationem, & componere vnam cum altera, quod est syllogizare, & ratiocinare, & ideò bruta habebunt vsum rationis, & homo secundum partem sensitivam, & ex consequenti libertatem; & capacitatem virtutis, & virij, meriti, & peccati, quæ planè absurda sunt.

Vt autem clarius constet hæc veritas, & testimonia ac rationes <sup>126</sup> soluantur, adnotare oportet; quod sicut rebus naturalibus cognitione carentibus dedit author naturæ inclinationes naturales, quibus mediis ducerentur in suos fines determinatos ab eoque præfixos per proprias operationes ab eisdem inclinationibus procedentibus: sic dedit rebus sensitivis inclinationem naturalem appetitus in bona sensibilia determinata, & conuenientia suæ naturæ, atque etiam sensus internos, & externos, qui per proprias, & naturales operationes eadem bona sensibilia <sup>127</sup> eidem appetitui proponerent, & per talem propositionem ordinatissimè mouerentur in suos fines, nō quidem ex iudicio,

ac discursu proprio, sed per instinctum naturæ, ordinatæ, atque directæ in finem per media ab authore naturæ, in quo perfectissimum iudicium, perfectissima sapientia, ac providentia præsupponitur, à qua procedit tota eorum ordinatio, ac directio in suis operationibus, potius quàm in eisdem inueniatur, nisi tanquam in effectibus diuinæ sapientiæ ea, & per easdem operationes dirigentis, & ordinantis.

- 118 Et in hoc sensu docuit sacer textus formicam suo modo operandi ostendere nobis sapientiam; imò docere nos prudenter, ac sapienter operari, vel certè Deum ( in quo potius sapientia, & prudentia reperitur ) per illam.

Duo verò alia testimonia de iudicio, quem sensus habere possunt iuxta primam, & ultimam acceptionem intelliguntur, non de iudicio formali, ac proprio soli intellectui concessio, & eundem sensum tenuit Aristoteles prudentiam concedens formicis, & apibus, & cogitativam nostram vocans rationem particulatam, non quod ratione sit prædita, sed quod in suis operationibus circa singularia rationem discurrentem sequatur, etque deseruiat.

- 119 Ad primum argumentum concessa maiori neganda est minor, quod omnia illa præstet sensus internus per diuersos actus; nam per actum imaginariæ coniungit quidem duo phantasmata simplicia, vt montis, & auri, non tamen cognita proportionè, vel facta collatione inter illa, nec per modum attributionis vnius ad alterum; & ideò nō per iudicium verum, ac proprium, sed solum per materiale quandam coniunctionem, & compositionem. Nec propriè iudicat per opus æstimationis, quia solum apprehendit conuenientiam, vel disconuenientiam obiecti materialiter, non formaliter, hoc est solum apprehendit rem sensibilem conuenientem suæ naturæ, non tamen cognoscit conuenientiam ipsam, aut proportionem, nec rem apprehensam cum eadem natura propria, aut cum appetitu confert: quia conuenientia, proportio, & collatio cum in relatione consistant, non sunt obiecta sensibilia, sed solum intelligibilia: sine cognitione verò earum constare non potest formale, & proprium iudicium.

- 120 Ad secundum concedendum est, non posse intellectum in corpore operari, nec discurrere circa rationes vniuersales rerum nisi operante sensu circa singularia earum, & ideò materialiter discurrente per diuersa singularia, non tamen formaliter, ac proprio discursu, quia iste ex se dicit non solum cognitionem plurium rerum habentium inter se connexionem, sed cognitionem ipsiusmet connexionis, videlicet causæ, & effectus, aut effectus, & causæ, & sensus quidem cognoscere potest plura singularia

singularia, & à cognitione vnius transire ad alterius cognitionem comitando intellectum; sed connexionem ipsam, & ordinem consecutionis intercedentem inter ea solus intellectus potest cognoscere, non sensus, & consequenter solus ille verum potest habere discursum, iste verò materiale duntaxat, atque impropriissimum.

Q V Æ S T I O VI.

*An sensus internus cognoscat proprium obiectum, ut præsens, atque etiam, ut præteritum, & futurum.*

**H**Oc solùm restabat inquirendum, breuitérque agitandum <sup>131</sup> circa obiectum interni sensus, nempe an cognoscat per proprios actus obiecta, ut præsentia, præterita, aut futura. Et rationem dubitandi præbuit Aristoteles, in lib. de memoria, & reminisc. capit. 1. & 2. nam in 1. capit. non longè à fine memoriam vocat sensum temporis, & tempus cognoscere docet statim his verbis: *Semper enim cum agit memoria, sicut & prius diximus, quod vidit hoc, aut audiuit, aut didicit, simul sentit, quia prius, prius autem, & posterius in tempore sunt.* Præterea in eodem capite ante medium distinguens actum memoriæ ab actu sensus communis ita ait: *Est enim præsens quidam sensus, futuri verò spes, facti autem memoria, unde post tempus memoria omnis.* Ex quibus planè colligitur sensum internum cognoscere <sup>132</sup> proprium obiectum sub differentia præsentis, præteriti, ac futuri temporis, alioqui non possunt actus eius causare in appetitu desiderium, & spem, de quibus constat versari circa bonum futurum. Præterea, nec possent distingui actus sensus communis, & memoriæ: cùm solùm differre asserat, quia ille versatur circa obiectum; ut præsens, hoc verò, ut futurum. Quod docuit expressiùs vocans memoriam sensum temporis, hoc namque verum esse non posset; nisi cognosceret obiectum sub tali differentia temporis.

Nihilominus nostra sententia est, *sensum internum, nec per* <sup>133</sup> *actum memoria, aut reminiscencia, nec per quemlibet alium cognoscere obiectum sub ratione formali præsens, aut præteriti, vel futuri, sed solùm materialiter, in quantum verum est cognoscere obiectum sensibile sub conditione præsens, hoc est, actu eum mouentis, aut sub conditione iam cogniti per speciem reseruatam in memoria, ex illo enim dicitur cognoscere, ut præsens, quia obiectum sensibile non mouet actu sensum, nisi præsens loco, ac in præsenti tempore.* Ex hoc verò quod illud iam cognouit, & reuera non est præsens, sed absens, dicitur illud cognoscere, ut præteritum. Quod sic probò, sensus non potest per vllum actum percipere rationem formalem temporis; ergo neque obiectum sensibile sub formali

conditione temporis. Euidens est consequentia. Et antecedens probatur, quia formalis ratio temporis dicit ordinem prioris, & posterioris in partibus motus, dicit etiam formalem rationem durationis; neutrum verò sensibile est, quia nec sensus vllum ordinem vnus rei ad alteram percipere potest, nec etiam  
 134 formalis ratio durationis sensibilis est. Et certè si tempus posset cognosci per sensus, nõ esset tam incerta, tam lubrica ratio eius, vixque perceptibilis ab intellectu, sed euidenti experientia sensuum explorata à nobis foret. Ex perceptione autem motus, quem tanquam cõmune sensibile percipit sensus, solum habetur quod percipiat materialiter tempus, & ideò materialiter etiam tempus, præsens, & præteritum, vt lib. 2. cap. 6. docuimus, atque probauimus, quod non est aliud, quàm percipere  
 • sensibile, vt per se actum mouens, quod non potest, nisi sit præsens, & in differentia temporis præsens, vel iam sensarum, & absens, quod non potest habere, nisi transacto tempore, & ideò  
 135 in differentia temporis præteriti. Et secundum hanc rationem materiale, non solum percipit tempus præsens, & præteritum, sed vt præsens, & præteritum, & sensibilia vt præsens, vt percipit sensus communis, atque etiam præterita, vt præterita, vt percipit memoria: & in hoc sensu asserit Aristoteles memoriam esse sensum tēporis, & percipere obiectum transacto tempore, vel etiam vt præteritum, hoc est, vt iam sensarum, in quo etiam distinxit memoriam à sensu cõmuni, qui solum percipit obiectum, vt per se, & actu mouens. Nunquam tamen docuit, quod rationem temporis perciperet, nec obiecta prout præsens, aut præterita formaliter: & ecce explicata testimonia Aristotelis, & solum primum argumentum ex eis deductum;

136 Quod verò additur appetitum moueri motu desiderij ad querenda sensibilia futura, quod desiderium vocauit Aristoteles spem, nõ probat sensum cognoscere futura vt futura formaliter, sed ad summum materialiter, sicut præterita, & præsens, quod sufficit, vt ab obiecto sub ratione conuenientis moueatur appetitus motu prosecutionis, vel fugæ, vt dum canis vestigia leporis sibi præsens primò percipit, vel ouis vestigia lupi, vel ab odore aliquo mouetur ad inueniendum, vel fugiendum eiusmodi animalia, quamuis nunquam antea ea cognouerit, nec eorum vestigia, vel signa aliqua viderit, quæ non intelligo moueri ad inquirendum, vel fugiendum eadem animalia in particulari, sed fortè sub ratione alicuius rei singularis sibi conuenientis, aut nociuæ; in quam naturali instinctu æstimator ductus appetitus fertur motu prosecutionis, vel fugæ.

137 Et ex eadem doctrina constat, in quo sensu intelligatur, quod Aristoteles de memoria asseruit, quod sit sensus temporis; solum



lum enim vult esse sensibilis, ut iam à se sensati, quod cum non possit esse sensatum, nisi in præterito tempore, materialiter dicitur ipsum cognoscere, & ideo sensum temporis vocari.

Q V Æ S T I O VII.

*Quodnam sit subiectum sensus interni.*

**P**rimum de subiecto interni sensus discutiendum est in <sup>138</sup> quam parte animalis resideat tanquam in proprio organo. Circa quod diuisa est Philosophorum, & medicorum schola; nam Aristoteles multis suæ doctrinæ locis expressis verbis docuisse videtur sensum communem, & consequenter alios sensus internos (si plures sint) in corde collocandos esse tanquam in proprio subiecto, vel organo: imò tanquam in fonte, ac radice totius virtutis sensitivæ, præsertim internæ, ita enim loquitur 2. lib. de gener. anim. cap. 4. & lib. 5. cap. 3. lib. 3. de partib. anim. cap. 3. & 4. de iuvent. & senect. cap. 1. & 2. de somno, & vigil. cap. 2. cum sequuntur Comm. 2. libr. de partibus anim. cap. 7. & in collect. lib. 2. cap. 11. Avicenna fen. 1. doctrina 6. cap. 10. & Apolli. 2. lib. de anima qu. 27. Iandun. de somno & vigil. quæst. 9. præsupponit verò Aristotel. cor esse omnium venarum, arteriarum, ac neruorum principium. Item omnium, spirituum, non solum vitalium, sed animalium officinam & cum species externorum sensuum mediis spiritibus animalibus per neruos deducantur vsque ad sensum internum, in eo esse sedem, & organum eius.

Probat Aristot. hoc argum. cerebrum non potest esse organum <sup>139</sup> sensus communis; ergo in corde collocari debet. Euidens est consequentia, quia non potest collocari in alia parte, præter has (nam quod aliqui in spiritibus animalibus esse dicunt, quorum sententiam videntur sequi Nemes. in lib. de natura hominis capit. 6. & D. Damascen. 2. lib. fidei capit. 19. & 20. non consonat veræ Philosophiæ: cum nec spiritus viuant, ut alibi probauimus; & ideo nec sint sensus capaces, & præterea instabiles sunt, & quasi in continuo motu, organum verò sensus in determinato situ permanere debet.) Antecedens verò multis modis probat, quia cerebrum discontinuum est à cæteris partibus corporis; ideo virtus sensitiva, si in eo ponatur, non poterit eis communicari. Et tandem frigidissimum est, nimisque humidum, ideoque ineptum ad conseruandas species; propter hæc igitur non potest esse organum interni sensus; ex alia verò parte, cor situm habet in centro corporis, à quo tota virtus animæ deriuatur in cæteras partes. Deinde pars præcipua est, quæ primò viuit, & mouetur; ergo totius vitæ, & motus naturalis, ac sensitiui principium esse debet. Præterea

appetitus est in eo, ut ostendunt passionis iræ, amoris, & odij, quæ sunt actus eius fiunt in corde; ergo in eo est sensus internus, à quo proximè mouetur; nam si foret in cerebro, ad eò à corde remoto, non posset mouere appetitum, quia mouens & motum debent esse simul, & tandem cor est principium neruorum omnium, ac spirituum, ut præsuppositum est.

- 240 Secundam opinionem statuit Galenus, primam sedem sensitiuæ virtutis non in corde, sed in cerebro collocans. Ita docet lib. 8. de usu partium cap. 3. & 4. atque etiam lib. 7. de decretis, quem sequuntur D. Thom. 3. part. quæst. 8. articul. 1. & 6. & quæst. 66. articul. 7. ad 3. Albert. Mag. 1. lib. de anima tractat. 4. cap. 11. Toletus 3. lib. de anima, quæst. 5. Commbr. quæst. 1. huius libri, articul. 4. Et est iam communis inter recentiores, nobisque probabilior videtur. Quam ut probet Galenus, præsupponit, cerebrum esse radicem neruorum, non cor, & ideò principium sensus, qui per neruos administratur, quod probat his experienciis. Primò, quia ex usu anatomicæ artis constat neruos à cerebro deriuari, in eoque coniungi; cor verò non attingere. Secundò, quia nerui, quò propinquiore sunt cerebro, eò apparèt grossiores, & maiores, quod argumentum est initium ab eo sumere; nam hoc eodem argumento
- 241 probat. Ar. venas, & arterias deriuari à corde, quia iuxta illud latiores, ac maiores conspiciuntur. Tertiò, si neruus ligetur medius, experientia constat partem eius versus cerebrum tendentem moueri, atque sentire, partem verò versus cor nec moueri, nec sentire; signum igitur est à cerebro, & non à corde emanare. Et tandem læsio capitis impedit, aut tollit sensum, & motum illæso prorsus corde: ergo non hoc, sed illud est organum sensus interni: experimur etiam ex vehementi, aut diuturna attentione ad sentiendum adhibita lædi caput, aut lassari, nò cor, & læsa phantasia applicari capiti medicamenta, non cordi. Experimur quoque rerum imagines, atque phantasmata, & consequenter somnia in capite fieri. Vnde Danielis 2. dictum est Regi Nabuchodonosor: *Somnium tuum, & visiones capitis tui huiusmodi sunt, &c.* Et situs ipse cerebri, cui propinquiore sunt externi sensus, accommodatior est organo interni sensus, qui ab eis moueri debet; Sed in quam parte cerebri resideat sensus internus, non est certum, sed qui plures ponunt, ad cellulas illas, vel sinus, aut ventriculos cerebri confugiunt, & in singulis singulos collocant.

- 242 Duo tamen videntur mihi in hac re certa: primum est, quod sensus internus, siue unus sit, vel multiplex proprium organum, vel organa habere debet distincta ab organis externorum sensuum. Quod probo, quia distincta potètia realis est ab eis, à quibus mouetur, & quo

& quorum sensationes percipit, & per distinctas species operatur, impressas quidem ab obiectis, ut sensatis per eos, & ideo distinctum organum postulat. Secundò, illud videtur mihi certum, quod qui plures sensus internos ponunt, non possunt ex cellulis ceræ colligere determinata organa singulorum: quia ut superius ostendimus, non est certum, in quos usus factæ sint à natura, videlicet ut sensuum organa sint, vel in alios.

Sed nec de organo sensus communis certum est in quam parte cerebri situm sit. Sed quidam in medulla cerebri, aut in eius membranulis, quæ meninges vocantur, esse affirmant. Alij verò in duabus illis concavitatibus, quæ cernuntur in parte cerebri anteriori supra concavitates oculorum, singulæ quidem versus singulas, ad quas cellulas videntur confluere nervi omnes descendentes ad organa externorum sensuum; atque in eis coniungi. Alij verò sub his concavitatibus collocant organum huius sensus. Et tandem alij tertiam aliam concavitatem inferiorem eisdem aiunt cerni, ex usu anatomicæ artis, ad quam dicunt nervos externorū sensuum concurrere, & in ea collocandum esse sensum communem putant. Sed cum nihil horum sit certum; & duæ illæ concavitates oculis superiores euidetiores sint, licet non sit certum in eis residere organum huius sensus.

Verisimilius tamen videtur ratione situs, & concursus nervorum inferiorum in eis esse collocandum organum sensus communis, & iuxta nostram sententiam non ponentem sensus alios internos ab eo distinctos non sunt nobis inuestiganda alia organa, sed hoc unum sufficere arbitramur, in quo vnicus sensus internus collocetur.

Et ad primum argumentum Aristotel. respondeo falsum esse quod cerebrum non sit continuum cæteris partibus corporis, sed (ut superius adnotauimus) continuatur per nervum eiusdem naturæ cum eo. Deinde negamus, quod in cerebro non sit motus, nec sensus; nam licet in quibusdam partibus eius imperfectus valde, & quasi obtusus sit, perfectior est in aliis, quod ex dolore eiusdem cerebri ostendi potest. Ad sensum verò non requiritur sanguis, ut nervi, & cartilagines ostendunt.

Quod verò de situ cordis assert, ac de dignitate eiusdem, ex qua habet, ut sit totius vitæ, & motus principium, multò minùs probat, quod in eo sit sensus internus; imò potius cum motus naturalis, & sensitiuus sint adeò diuersi, diuersas longè partes corporis postulant, & diuerso modo temperatas; imò in diuerso collocatas situ. Nam motus vitæ naturalis calore, tanquam instrumento præcipuè perfici debet. Et propterea originem eius calidissimam esse oportet, quia in ea debet fieri, vel saltem depurari sanguis, atque etiam spiritus omnes quasi per

147 venas, & arterias volitantes. Motus verò sensitivus originem magis temperatam postulat, in qua iidem spiritus vitales attemperentur & animales fiant, hoc est, ad motum sensationis animali proprium iuvandum tanquam instrumenta accommodati. Situs verò cordis longè distat ab externis sensibus, sed cerebrum proximius est, & propterea magis accommodatum pro sede interni sensus: Frigiditas verò eius nec negatur, nec impedimento esse potest, ut si radix virtutis sensitivæ, quin potius cum spiritus generentur, & procedant à corde, calidissimi, & ideò faciliè mobiles, necessarium fuit, ut frigiditati cerebri temperarentur, & consequenter redderentur minus faciles ad motum; & ideò aptiores ad recipiendas species sensibiles ab externis sensibus, & hoc medio transmittendas ad sensum internum; nam constat quietum aërem aptiorem esse ad recipiendas species ab obiectis & transmittendas ad organa externorum  
148 sensuum. Quod verò appetitus sensitivus sit in corde & à sensu interno moueatur, non probat in eodem corde esse debere utramque potentiam, sed licet in distinctis, imò distantibus partibus resideant, sufficit, quod in eadem anima radicentur per naturalem subordinationem unius cum altera, & quod per concursum eiusdem animæ cum utraque operentur, ut cognitiva possit mouere appetitivam per propositionem obiecti.

Et quod tandem obici posset ex illo Matthæi 9. *De corde exeunt cogitationes*, quæ sunt actus interni sensus, qui cogitativa vocatur, & cum dicantur exire de corde, videtur in eo residere potentia. Difficultate caret: cum de cogitationibus potius intellectus proponentis voluntati obiecta vitiorum intelligatur, ut contextus verborum planè docet.

### QVÆSTIO VIII.

*An omnibus animalibus concedendi sint omnes  
sensus interni.*

149 **N**on desunt, qui animalibus imperfectissimis, ut Conchiliis omnino denegent sensum internum, quia cum non habeant externos præter gustum, & tactum, non videtur in quem usum possit eis aliquis sensus internus cōcedi. Alij verò, ut Toletus q. 8. huius lib. quendam sensum imperfectissimum eis concedit, quem vocat imaginationem indeterminatam, atque confusam, quæ non percipit aliud conveniens, vel disconveniens, nisi in ordine ad gustum, & tactum, & hoc solum præsens, non absens, & ideò non est distinctus internus iste sensus à gustu, & tactu, nec habet determinatum organum, sed dispersus est per totum corpus, sicut gustus, & tactus.

150 Sed nostra sententia duo asserit his duabus opinionibus contraria

traria. Primum est, nullum animal dari omni sensu interno destitutum, sed aliquem esse omnibus, etiam imperfectissimis concedendum. Hoc est contra priorem opinionem, & ab omnibus ferè interpretibus capit. præsentis concessum. Quod puto expressum in primis esse apud Aristotelem 3. libr. de anima, capit. 11. text. 56. ubi animalibus imperfectissimis concedit imaginationem. Sed id probo duplici ratione: primò quia negari non potest his animalibus, quod duas illas sensationes externas, gustus, & tactus eis concessas cognoscant, discernendo inter utramque, atque etiam inter obiecta utriusque modo saltem imperfecto; sed hæc sunt officia sensus interni, quem communem vocamus: ergò sensus iste debet saltem eis concedi. Secundò, non potest animalibus etiam imperfectissimis denegari aliquis appetitus sensitivus: cum evidens sit appetere sibi convenientia ad conservationem propriæ naturæ, delectationem dolorumque sentire, quia si pungantur, se contrahunt: sed hæc pertinent ad appetitum sensitivum tanquam proprii actus: ergò non est eis omninò denegandus. Ulterius appetitus sensitivus non potest immutari proximè ab externis sensibus, qui nihil de conveniente, vel nocivo percipiunt; ergò necessariò est in his animalibus ponendus aliquis sensus internus, à quo sub tali ratione proponatur obiectum.

Sed quisnam sensus sit iste internus, vel an sit unus tantum, aut plures? Respondeo duos esse necessariò eis concedendos, apud eos, qui plures sensus internos multiplicant: nempe sensum communem, atque æstimatorium, vel apud nos unum cum duplici actu distincto. Quod probant duæ rationes prædictæ. 158

Secundum quod asserimus est sensum internum quantumvis imperfectum unum, vel plures his animalibus concessos distinctos esse realiter, atque etiam specie à gustu, & tactu eorum, siue proprium organum, ac distinctum habeant (quod verius puto) siue dispersi sint per totum corpus cum gustu, & tactu. Hoc est contra posteriorem sententiam Toleti. Quod ex duobus probatur evidenter, videlicet ex diverso modo, quo immutantur ab obiectis externi, atque interni sensus: nam illi ab externo obiecto secundum se, iste verò non nisi ab obiecto, ut sensato per externum sensum. Vnde illi percipiunt sensationes istorum. Ex quo procedit modus operandi valde diversus, per quem etiam distinguuntur realiter, atque essentialiter potentia.

Præter hos autem duos sensus internos, non videntur imperfectissima hæc animalia habere alios, non enim habent memoriam, ut docet expressè Aristoteles, 1. lib. Metaphysic. cap. 1. longè à principio his verbis. *Natura itaque animalia sensum habentia fiunt, à sensu verò quibusdam eorum non innascitur* 152

*memoria, quibusdam verò innascitur. Et probat ratio, quia nō mouentur, nec ad eadem loca, vel similia redire possunt, ad id enim memoria deferuit, cuius nulla signa aliquando præbent.*

- 153 De aliis verò perfectioribus animalibus decernere oportet, an præter sensum communem, & æstimatoriam sint eis concedendi cæteri sensus interni, aut actus eorum, & præsertim imaginatio, seu phantasia. Et Aristot. quidem omnibus eam videretur concedere 3. lib. de anima, cap. 11. textu 56. atque etiam 1. lib. Metaph. cap. 1. nuper citato. Vbi postquam de animalibus quæ prudentia quadam prædita sunt, & ab homine plura addiscunt locutus fuerat, de aliis imperfectioribus ita ait: *Cætera verò imaginationibus, ac memoria viuunt.* Capite verò præsentī denegat expressè formicis, & apibus imaginationem. Propterea interpretes eius cap. præsentī multa congerunt variisque vtuntur expositionibus ad hæc loca concilianda. Sed (nisi ego fallor) ex verbis eorum colligitur non habere sensus oppositos: sed ex eis potius constare, quid de hac re senserit Aristoteles.

Et in primis tanquam certum præsupponere debemus apud Aristotelem pro eadē potentia, seu virtute sumi imaginariam, & æstimatoriam. Probatur euidenter ex 1. loco, vbi ex eo quod perfectissima animalia habet aliqualem appetitum sensitiuum ad appetendum sibi conuenientia, & fugiendum nociua, colligit necessariò esse eis concedendam imaginationem aliquam, per quam appetitui proponatur aliquid tanquam conueniens, vel nocium: sed hoc modo proponere obiectum, est actus proprius æstimatoriæ: ergò sentit hanc esse eis concedendam.

- 154 Quo supposito ex verbis eiusdem loci, & aliorum ego elicio diuerfos gradus imaginatiuæ virtutis in animalibus: ita vt quædam sit imperfectissima, & infima, quæ solum versatur circa sensata per gustum, & tactum & conuenientiam, vel disconuenientiam eorum in ordine ad appetitum. Secundus gradus est perfectior coniunctus cum memoria, & quasi recordatio, vel reminiscencia vocatur; quare ad plura alia se extendit. Tertius verò magisque perfectus efficit animalia disciplinæ capacia. Et primum gradū tetigit Aristoteles tribuitque imperfectissimis animalibus in 1. loco hisce verbis. *Considerandum autem, & de imperfectis quid est mouens, quibus sensus solum inest tactus, utrum contingat imaginationem inesse his, aut non, & concupiscentiam, videtur enim dolor, & voluptas inesse, si autem hac, & concupiscentiam inesse necesse est, imaginatio autem quomodo utriusque inerit? an sicut mouetur indeterminatè. Et hac insunt quidem, indeterminatè autem insunt.* Ecce imperfectissimam imaginationem indeterminatam, & quasi confusam vocat, eamque imperfectissimis anima

animalibus non habentibus alios sensus externos præter gustum, & tactum tribuit. Secundum verò, & tertium gradum indicauit in 2. loco distinguens duo genera animalium perfectioris sensus, ex quibus quædam ait prudentia prædita esse: sed non esse disciplinæ capacia, hoc est, nihil ab homine discere posse, ut apes; & id quidem quia carent sensu auditus, unde sit imperfectiorem magisque limitatam imaginationem habere, quia ad sensata auditus non se extendit, & imaginatio ad sensata huius sensus non se extendens imperfectior est; quare nec doceri possunt ab homine, quia auditus sensus disciplinæ est; canes verò, equi, psittaci, & alia perfectiores imaginationes habent se extendentes ad sensata auditus, nempe ad sonos, & voces, quibus mediis addiscere possunt ab homine, & ideo disciplinæ capacia vocantur.

Ex his iam patet, quidnam de hac re senserit Aristoteles: nam imaginationem secundum totum ambitum perfectionis omnibus animalibus concedit: ita ut infimis imperfectissimam tantum, & quasi indeterminatam, seu confusam tribuat; ut in primo testimonio: aliis verò perfectioribus, quibus deest sensus auditus, ut formicis, & apibus, concedit secundum gradum imaginationis, determinatæ quidem ac distinctæ: sed adhuc in hoc genere imperfectæ, & ideo denegat eis tertium gradum perfectiorem: quem solum concedit animalibus sensu perfecto auditus præditis, ac disciplinæ capacibus. Et ecce tibi sensus horum testimoniorum, non solum inter sese non repugnantes: sed valde consentaneos.

Et si quaerieris, an imaginationes horum trium graduum differant specie in diuersis animalibus, quibus conceduntur, vel solum accidentaliter. Respondeo non esse certum, an hoc vel illo modo differant: sed probabilius mihi videtur specie differre. Primò, quia differunt ex parte obiecti: nam in animalibus imperfectissimis habet obiectum magis contractum, & minus vniuersale, in aliis verò perfectioribus: sed disciplinæ incapacibus magis vniuersale, quam in imperfectissimis, & in postremis vniuersalius, quam in vtrisque; maior verò, aut minor extensio obiecti, licet materialis videatur, arguit tamen in potentia perfectiorem modum ipsum attingendi; & ideo specificam differentiam. Secundò, quia gradus isti perfectioris imaginationis, vel minus perfectæ non sequuntur rationem genericam horum animalium: sed specificas, aut differentiales; quare necessarium videtur specie differre,

immediatè ab objecto extra existente, sicut producuntur species sensus externi: cum non possit agere tale objectum per se in sensum internum propter impedimentum corporis, nec producuntur media specie impressa, aut expressa sensus externi: ergo à sensu agente, quia non superest alius modus, quo produci possint. Probatur minor, quod non media specie impressa: nam si hac media produceretur, cum sit agens naturale, necessariò eam produceret eo ipso, quod ipsa in sensu externo produceretur, sed constat sequi in sensu externo, ut in visu, & non sequi visionem: nec proinde speciem in sensu interno: ergo non producit ab ea, imò nec potest produci, quia species sensus externi imperfectior est & quasi ordinis inferioris respectu speciei interni sensus; non ergo potest eam producere, quia ageret ultra propriam perfectionem. Sed nec potest produci media specie expressa, quia sensatio tactus, gratia exempli sit in toto corpore: ergo sit in pede, valde distante ab organo sensus interni, tunc ergo, vel species impressa tactus producit impressam in sensu interno diffundendo illam per medium, sicut objectum externi sensus diffundit species per aërem, à quibus producuntur aliæ in potentia, vel immediatè agendo in sensum; neutrum est possibile: ergo non producit hoc modo species. Probatur minor, quia agens naturale non agit in extremum, nisi per medium; ergo species expressa sensus externi non agit in sensum internum, nisi agendo in medium; necesse est ergo diffundere speciem per medium, & cum per totum medium sparsus sit sensus tactus, non sentietur objectum à sensu interno, quin sentiat per tactum intermediis partibus existentem, quod contradicit experientiæ.

Hæc tamen sententia singularis est, & contra communem consensum Philosophorum omnium confingit sensum agentem. Imò sine vlla necessitate, quia objectum sensibile proportionatum est cuicumque sensui; quare non indiget sensu agente ipsum eleuante ad producendam speciem sui in sensu interno, sed sine eo potest eam producere; objecta verò nostri intellectus, præsertim corporea pro statu præsentis, non sunt ei proportionata: cum sit ipse spiritualis, & propterea non possunt eum immutare, nec ab eo percipi; quare necessaria omninò est virtus aliqua spiritualis, quæ possit producere spirituales speciem intellectu representantem ei objectum materiale, quam percipi ipsum possit.

Propterea secunda opinio asserit speciem impressam sensus interni produci à sensu externo determinato ad talem productionem per solam præsentiam sensationis externæ, per quam percipit idem objectum, non tamen ea vlllo modo concurrente ad



te ad productionem eius, nisi tanquam conditione. Ita sentiunt recentiores quidam. Sed hæc etiam sententia videtur mihi falsa; primò quia si sensatio externi sensus non concurrit cum eo ad productionem speciei impressæ interni sensus, sine fundamento dicitur non posse eundem sensum eam producere, nisi ad præsentiam eius. Probaturs consequentia, quia præsentia visionis non est approximatior visus ad organum sensus interni, quod est passum: nec est intelligibilis alia ratio conditionis secluso penitus concursu eiusdem visionis cum potentia: ergò sine fundamento fingitur, quod ad præsentiam eius producaturs. Præterea; vel potentia concurrit propria virtute, vel tanquam virtus obiecti: sed neutro modo; ergò nec poterit ab ea produci species. Minorem probo, quia potentia cum sit longè perfectior obiecto, non potest esse virtus eius, nec ut talis concurrere, sed nec virtute propria, quia imperfectior est sensu interno: ergò non potest propria virtute in illum agere. Secundò, quia in omnibus potentiis cognoscitivis verum est, & ab omnibus receptum dictum illud D. Augustin. *Ab obiecto, & potentia paritur notitia, vel cognitio*, sed si hæc sententia vera sit, non potest obiectum ullum præstare concursum ad internam sensationem cum non præstet illum per sensationem externam; & multò minùs per potentiam, quam constat non esse virtutem eius: ergò nullo modo procedet ab eo species sensus interni, nec sensatio eius.

- 165 His omnibus exclusis nihil aliud videtur excogitari posse, à quo producanturs species impressa interni sensus, nisi ab obiecto sensus externi ut cognito per eum. Ita ut cognitio ipsa, atque species expressa per eam producta illud perfectè repræsentantes sint virtus eius, à qua imprimanturs species eiusdem obiecti cogniti in sensu interno. Nam cum sensatio atque species expressa sensus externi sint actus vitalis eius, expressæque repræsentent obiectum, perfectiores sunt speciebus impressis interni sensus, quæ nec vitales sunt nec obiectum cum tanta perfectione repræsentant. Ita Fonsæc. noster 1. lib. Met. cap. 2. quæst. 3. sect. 8. atque etiam Molin. 1. part. quæst. 1. art. 2. disp. 4. quod insinuat planè D. Thom. 1. p. quæst. 78. art. 4. ad 2. asserens sensus externos ita esse cum internis ordinatos, ut ex immutatione sensus externi facta ab obiecto, per quam illud percipit, sequatur alia immutatio in sensu communi, per quam percipit eandem sensationem sensus externi; & proinde obiectum per eam  
 166 sensatum, & repræsentatum. Ab eadem ergò sensatione, aut obiecto per eam sensato immutatur sensus internus tanquam ab obiecto sibi proprio ex mente D. Thomæ: constat autem immutationem sensus ab obiecto fieri per productionem speciei im

ciei impressæ; hæc igitur producit ab obiecto, ut sensato ab externo sensu tanquam à causa efficiente. Hanc sententiam sequuntur iam omnes ferè recentiores, & videtur nobis probabilior, efficaciterque ex refutatione aliarum corroborata.

Et ad primum argument. oppositæ dicimus sensationem externi sensus, & speciem eius expressam diffundere speciem per medium, & speciem in medio productam multiplicare aliam in potentia interna: medium autem in quo producit species impressa sensus interni ab expressa externi sunt spiritus animales valdè similes aëri externo, qui per concavitates internas corporis diffusi sunt, ut species in se recipientes quasi deferant, & ab his speciebus in eis receptis multiplicentur aliz in potentia, unde deficientibus his spiritibus, vel impeditis viis, per quas transire, ac moveri possint, cessant operationes internorum sensuum. Et cum dicitur per has species diffusas in medio percipi debere obiectum à sensu tactus diffuso etiam per totum corpus, neganda est consequentia, quia spiritus, per quos diffunduntur, non informantur anima, nec organa alicuius sensus esse possunt, & licet esse possent, species tamen non sunt proportionatæ sensui tactus, sed altetius conditionis; quare non possunt per eas elicere sensationem tactus. 167

---

#### Q V Æ S T I O X.

*An sensus interni solum operentur per species sensatas,  
vel etiam per insensatas.*

**V**T titulum quæstionis explicemus, adnotare oportet duplices species distinguere in solis sensibus internis, qui cum apti sint operari per species receptas ab externis, vel inferioribus, species, quas ab eis recipiunt, vocantur sensatæ, quia repræsentant eis obiectum sensatū per alium sensum, si verò excogitemus speciem aliquam non receptam in eis ab alio sensu, & ideo nec repræsentant obiectum iam sensatum, per quæ operentur, talis species dicitur insensata. Quærit igitur titulus quæstionis, an omnes sensus interni, (si plures sint) vel (si unus tantum) in omni suo actu operetur per species sensatas, vel aliqui sint sensus, seu aliquæ sensationes, quas eliciant per species insensatas, hoc est, non receptas ab alio sensu; neque repræsentantes obiecta ut sensatæ. Ut dum ovis percipit lupum ut sibi inimicum per æstimationem, & fugit, cognoscat inimicitiam eius per speciem eiusdem lupi, quam recepit à sensu externo, aut communi, quæ ideo sensata vocatur, vel per aliam non receptam ab eo; nec ideo repræsentantem eandem inimicitiam sensatam. 168

Et

169 Et prima opinio negat æstimatoriam percipere obiectum ut conueniens, vel nociuum per alias species insensatas, sed per easdem receptas à sensu communi, quæ sensatæ vocantur. Ita recentiores non pauci: & probant, quia, nec tales species insensatæ sunt necessariæ, nec naturaliter possibiles. Et necessariæ quidem non sunt, quia sufficit ouem videre lupum per speciem sensatam, ut statim naturali instinctu eum fugiat. Sed nõ sunt possibiles naturaliter, quia non est à quo producantur, non enim ab obiecto, ut sensato per sensum externum, nec per communem, quia sensus isti non cognoscunt obiectum ut conueniens: ergo nec possunt producere speciem ipsum repræsentantem sub ratione conuenientis. Imo si ab eo producerentur, sensatæ forent non insensatæ, sed nec potest produci ab eadem æstimatoria, quia sensus quicumque solum habet virtutem cognoscendi obiectum ab eo immutatus: ergo per speciem sibi ab eo impressam, quia immutatio potentia ab obiecto fit per impressionem speciei ab eo, ut per se est manifestum in cæteris sensibus; nulla igitur potentia habet virtutem imprimendi sibi speciem obiecti, per quam ipsum cognoscat.

170 Secundo quia si æstimatoria operatur per species insensatas, maximè ut cognoscat aliquid non sensatam per sensus externos, atque communem. Sed hoc non potest esse aliud, nisi ratio cõuenientis, & boni, aut disconuenientis, & mali, aut idemmet obiectum sensatum sub hac noua ratione conuenientis non sensata, sed hoc est impossibile: ergo non potest speciebus insensatis uti; Minorem probo, quia ratio conuenientis, aut disconuenientis non est cognoscibilis per vllum sensum; ergo nec potest cognosci per species insensatas ab eo. Antecedens probatur, quia conuenientia boni sensibilis cum natura sensitua, atque etiam disconuenientia consistit in proportionem, seu relationem eiusdem boni cum eadem natura: nam ideò conueniens est ei, & bonum eius, quia sibi proportionatum, & ideò disconueniens, quia improporcionatum, sed constat relationem, vel proportionem non esse cognoscibilem per sensum, quem ideò superius probauimus, non posse habere formale iudicium, quia non potest cognoscere conuenientiam vnus extremi cum alio, & ideò nec attribuere vnum alteri: ergo eadem ratione non potest cognoscere conuenientiam rei sensibilis cum sensibili natura; nec etiam speciebus insensatis uti ad illam cognoscendam.

171 Secunda opinio asserit æstimatoriam non solum recipere species sensatas à sensu communi, vel phantasia, per quas res etiam sensatas ab eo cognoscat, sed insensatis uti ad cognoscendas easdem res sensatas, sub noua ratione conuenientis, aut disconuenientis non sensata,

& hæc

Et has species insensatas referuari in memoria, ut per eas possit easdem res iterum cognoscere. Hæc est expressa D. Thom. 1. par. quæst. 78. art. 4. ubi sic ait. *Ad apprehendendum autem intentiones, quæ per sensum non accipiuntur, ordinatur vis æstimatoria, ad conservandum autem eas vis memorativa, quæ est thesaurus quidam huiusmodi intentionum.* Et Caietan. ibidem, & quæstion. vnica de anima. articul. 3. Toletus, Martinez, Perez, lauell. 3. lib. de anima cap. 3. Titellib. 10. suæ philæstique communis & vera. Quam 1. 172 hoc discursu efficaciter probo; appetitus sensitivus tendit in rem sensibilem sub ratione convenientis naturæ sensitivæ, eamque sub ratione boni delectabilis appetit, & rem disconuenientem eidem naturæ sub ratione mali, aut nociui refugit: ergo ratio formalis obiectiua est conuenientia, aut bonitas sensibilis, sed cum sit circa potentia non potest ferri in aliquid incognitum: nec sub ratione formali obiectiua incognita: ergo necesse est: quod obiectum sensibile sub ratione formali conuenientis, & boni, aut disconuenientis, & mali proponatur ei à potētia sensitiva eam cognoscente; constat verò æstimatoriam versari circa obiectum sensibile conueniens: ergo necesse est cognoscat illud sub formali ratione conuenientis, ut sic repræsentatum appetitui possit sub eadem ratione illud appetere, vel sub ratione disconuenientis: ut possit illud refugere. Constat 173 denique non cognosci rationem conuenientis, & boni à sensibus externis, nec à sensu communi: ergo nec potest cognosci ab æstimatoria per species sensatas ei impressas ab ipsis, sed necessario per nouas alias non sensatas. Et vrgeri potest argument. hoc modo: idemmet appetitus rationalis, qui est voluntas, & sensitivus conueniunt in eo, quod vterque versatur circa bonum sub ratione boni, ex eo verò distinguuntur, quia voluntas versatur circa bonum ut apprehensum per rationem: & ideo vocatur appetitus rationalis; sensitivus verò versatur circa bonum, ut cognitum per sensum; & ideo appellatur sensitivus: ergo sicut non potest voluntas ferri in bonum sub ratione vniuersali boni, quin sub tali ratione formali obiectiua apprehendatur ab intellectu, & proponatur ei; pari ratione non potest appetitus sensitivus versari circa bonum sensibile sub ratione boni delectabilis nisi sub eadem cognoscatur per æstimatoriam, & ei repræsentetur. Et si fortè dixeris 174 satis esse, quod cognoscatur ab æstimatoria bonum ipsum sensibile materialiter, hoc est, pro re ipsa conuenienti, ut in eam tendat appetitus, & non requiri, ut cognoscatur ratio ipsa formalis conuenientiæ aut boni. Probatum esse falsum, quia ratio formalis boni, & conuenientis est obiectum formale appetitus; ergo non potest in ipsum tendere sub tali ratione for-

mali incognita, alioqui tenderet in incognitum formaliter, & ex consequenti posset multò melius voluntas ferri in bonum sub ratione boni, quin hæc ratio formalis boni cognosceretur ab intellectu, quod est euidenter falsum.

- 175 Ad primum argument. oppositæ sententiæ negandum est, quod species insensatæ non sint necessariae ad operationem æstimationis: & cum dicitur statim ac ovis videt lupum naturali instinctu cum refugere, distinguendum est, quia vel per naturalem instinctum intelligitur operatio aliqua naturalis eiusdem ovis, vel nulla; nullam operationem intelligi, planè falsum est, quia si antequam illum videret; non refugiebat, & eo viso statim refugit; per aliquam operationem illum refugit; alioqui ante quam illum videret, refugeret: sed hæc operatio non est sola visio; nam per solam visionem non est maior ratio fugiendi lupum, quàm agnum: ergo absque dubio naturali instinctu lupum refugere, & agnum prosequi est naturalis ipsa æstimatio, quæ proprius actus est æstimationis, & est notitia rei ut conuenientis, aut nociui, quam sequitur naturaliter prosecutio, vel fuga, & hanc naturalem æstimationem vocat instinctum naturæ D. Thom. in 3. d. 26. qu. 1. artic. 1. ad 4. his verbis. *Animalia cognoscunt rationem conuenientis, & nociui non per inquisitionem rationis sicut homo, sed per institutum naturæ, qui dicitur æstimatio.* Quod verò additur non esse possibile, negandum est, quia eo ipso quod appetitus non potest ferri in obiectum formale sibi proprium non cognitum ab aliquo sensu, necesse est cognosci, ut tale ab æstimatione, à qua natus est proximè moueri, & ideò necesse est cognosci ut tale ab hac potentia, & cum non possit ut tale cognosci per solas species sensatas (ut probaui) necesse est per insensatas cognosci, & ideò non solum esse possibles, sed necessarias, sed à quamam producantur causa dicetur qu. sequenti.

- 177 Ad 2. neganda est minor, quod conuenientia, vel disconuenientia rei sensibilis cum natura ipsa sensibili, in qua consistit ratio boni, aut mali, non sit cognoscibilis per sensum. Et dum dicitur, consistere in relatione, & propositione ad appetitum, negandum est, quia ratio boni siue in integritate, siue in appetibilitate posita sit, absoluta est, quamuis non possit à nobis explicari nisi per respectum ad appetitum, vel appetitus ad ipsam, quemadmodum de ratione sensibilis docuit Aristoteles in prædicamento ad aliquid, quod sit absoluta, ac prior scientia quam, tamen non possumus explicare, nisi per respectum ad scientiam in ea non inclusum. Vnde sequitur conuenientiam formalem rei sensibilis cum appetitu, vel natura sensibili cognosci posse ab æstimatione non cognita relatione, quam non includit, licet non

non possit sine ea explicari. De conuenientia verò, aut inden- 178  
titate duorum extremorum inter quæ versatur formale iudi-  
cium per attributionem vnius ad alterum, diuersa est ratio,  
quia vel in relatione consistit, vel eam saltem includit, identi-  
tas enim duorum, vel similitudo relatio quædam est, quam sen-  
sus non potest cognoscere, & ideo nec vnum attribuere alteri  
per iudicium.

## QVÆSTIO VLTIMA.

*A quam causa producaturspecies insensatas æstima-  
tiua, & quonam modo.*

PRIMA opinio asserit species insensatas, quibus æstimatiua 179  
vititur produci immediatè à Deo. Sed in modo, quo ab eo  
producentur dissentiant opinantes. Nam quidam eorum, vt  
Salas noster refert in 1.tom.comm. super 1.2.D.Thom.tract.1.  
dispu. 4.n.72. putant infundi à principio generationis anima-  
lium æstimatiuæ has species insensatas, quibus fauet D.Thom.  
quæst. 18.de Veritate, art. 7.ad 7. hisce verbis. *Animalia bruta in  
sui principio accipiunt naturalem æstimationem ad cognoscendum  
nocium, & conueniens, quia ad hoc ex propria exquisitione perue-  
nire non possunt. homo autem ad hac, & multa alia potest per ratio-  
nis inquisitionem peruenire, unde non oportuit quod omnis scientia  
naturaliter insit.* Loquitur autem non de sola poteutia, sed de  
actu, cuius principium est species: nam potentiam intellectu-  
uam etiam accipit homo principio: constat verò non esse  
aliud, à quo species à principio possint accipere, præter Deum,  
ergò tenet D.Thom. eas à Deo accipere. Alij verò, non à prin- 180  
cipio, sed ad præsentiam obiectorum, vel specierum sensatarum  
quas ab inferiori sensu recipiunt, ita vt in eodem puncto, quo  
circa conuenientia, vel disconuenientia obiecta operari oportet,  
eis imprimantur à Deo immediatè, vel mediis eisdem spe-  
ciebus sensatis, immediatè quidem, hoc est, à solo Deo dum  
operari oportet circa obiecta conuenientia, vel nociua, nullo  
modo percepta per sensus externos, mediis verò speciebus sen-  
satis; dum circa conuenientiam, obiectorum sensatorum ope-  
rantur, sed tunc concurrente Deo specialiter, & tales species  
sensatas modificante, atque eleuante, ratione cuius eleuationis  
& modificationis possint repræsentare conuenientiam, vel dis-  
conuenientiam, non perceptam ab vilo alio sensu. Ita Vigue-  
rius in Institutionibus cap. 1. §. vers. 9. & 10. quem idem Pa-  
ter Salas omnino sequitur.

Probaturs primò, quia æstimatiua non potest habere speciem 181  
conuenientia, nisi eam accipiat ab eadem conuenientia, vel re  
vt conuenienti tanquam ab obiecto: sed obiectum non potest

imprimere per se immediatè speciem in sensu interno, nisi mediis externis, à quibus sentiatur; constat verò externos sensus nihil posse de cōuenientia obiecti percipere; imò neque vllum internum, præter æstimatoriam: ergo nec potest ab obiecto recipere æstimatoria tales species; neque ab alio sensu externo, vel interno: sed nec potest ipsa eas sibi imprimere, quia nullam potest operationem habere, sicut nec cæteri sensus, nisi præcedente specie obiecti, cum qua sit principium eius; quare repugnat saltem naturaliter eam sibi imprimere, vel in se producere: ergo necesse est ad Deum recurrere, qui eas eidem potentiæ imprimat, sicut in cæteris effectibus, quæ non possunt habere aliam causam, recurrimus semper ad Deum.

182. Secundò probat, quia sæpe contingit animalia appetere obiecta sensibilia sibi conuenientia, vel disconuenientia fugere, nunquam à se percepta per alios sensus, vt animalia quædam herbam purgatiuam quærunt, dum ægrotant, quam tamen nunquam viderunt, nec alio sensu perceperunt; ergo non possunt ab obiectis sensatis, vel speciebus eorum species insensatas recipere ea repræsentantes sub ratione cōuenientis, aut nociui: sed sub tali ratione ea quærūt: ergo sub eadem ea cognoscunt, quia ad quærenda omninò incognita moueri non possunt. Quare necesse est à Deo accipere species eorundem obiectorum vt conuenientium.

183. Hæc tamen sententia secundum vtrumque modum eam defendendi valde mihi displicet propter duo. Primum quidem, quia potentiæ sensitiuæ ex propria natura immutantur ab obiectis: ergo ex propria natura habent ab eisdem obiectis recipere species, quibus in ordine ad proprios actus perficiantur. Quare non est naturaliter possibile, quod à Deo immediatè infundantur, vel imprimantur eis species, sed æstimatoria est sensitiua potentia: ergo apta est perfici in ordine ad propriū actum ab obiecto per se, vel per suam speciē, & non à Deo immediatè eam infundenti, sicut nec alteri potētiae sensitiuæ, aut intellectiuæ, infunduntur species in ordine ad obiecta naturalia; sine à fundamēto ergo ponitur, quod à solo Deo perficiatur, siue principio, siue postea ad præsentia obiectorum, & ex eo solum quod ignoratur modus, quo possit eas à se, vel ab alio sensu accipere. Secundò, quia omnes potētiae sensitiuæ subordinatæ sunt: ita vt superiores, ac perfectiores accipiant species obiectorum ab inferioribus, vt internæ ab externis, & internæ inferiores à superioribus (si distinctæ sunt) ergo æstimatoria iuxta naturalem ordinem debet species recipere suo modo ab inferioribus, & non à solo Deo.

184. Secunda opinio tenet æstimatoriam perfectiorum animalium operari quidem per species insensatas, easque ex sensatis elicere, sed

te, sed modum quo eas eliciat, non explicat; æstimatoriam  
verò animalium imperfectorum non elicere tales species, nec  
eis uti, fugere tamen eadem animalia nociua, & appetere con-  
uenientia instinctu naturæ; qui non est aliud in eis, quàm mo-  
dus quidam obscurioris iudicii comparatione eius, quod perfe-  
ctiores belluæ formare consueuerunt. Ita Conimb. cap. 3. huius  
lib. q. 1. art. 5. Sed non minùs displicet hæc sententia, quàm præ-  
cedens. Primò, quia evidens est apud Aristotel. & omnes ani-  
malia imperfecta; imperfectum quoque habere appetitum: cum  
constet sentire dolorē, seque contrahere, si pungantur, sed etiam  
est evidens appetitum imperfectum versari circa cōuenientia;  
æc disconuenientia sensibilia modo imperfecto, sicut est eui-  
dens appetitum perfectum sub eadem ratione versari perfectē.  
Deinde evidens est etiam quemlibet appetitum moueri ab ob-  
iecto sensibili sibi repræsentato, aut proposito sub ratione con-  
uenientis, aut nociui: ergo non est minùs evidens, quod æstima-  
tiua brutorum imperfecta moueatur ab obiecto sensibili sub  
ratione conuenientis aliquo modo cognito: cum constet non  
posse ab incognito moueri. Quare necesse est ponere in æsti-  
matoria eorum animalium imperfectam saltem cognitionem  
obiecti, ut conuenientis, aut disconuenientis, quam rationem  
constat non posse repræsentari etiam imperfectè per species  
sensatas: ergo necesse est repræsentari per species insensatas;  
& ideo non possunt æstimatoriæ imperfectorum animalium de-  
negari, quia iudicium illud imperfectum (quod vocant instin-  
ctum naturæ) cum sit circa obiecta, ut conuenientia, vel nociua;  
habere non possunt, nisi media specie, non quidem sensata, quia  
conuenientia non est percepta ab aliquo sensu interno, vel ex-  
terno: ergo insensata, quam proinde malè his animalibus dene-  
gat hæc sententia.

Nostra igitur sententia asserit species insensatas produci ab ea-  
dem æstimatoria mediis sensatis, quas recipit à sensu communi, vel  
phantasia. Modum autem, quo id fiat, colligi debet, ex do-  
ctrina D. Thom. 1. part. quæstion. 78. articul. 4. ad 2. & 4. ubi  
tanquam fundamentum huius rei præsupponit, quod in eo-  
dem obiecto cognito ab inferiori, & superiori potentia, plura  
cognoscit superior, quàm inferior, siue in ordine intellectiuo,  
siue sensitiuo, & exemplum assignat: primò, in sensu, &  
intellectu, atque etiam in diuersis sensibus. In intellectu qui-  
dem qui licet nihil cognoscat, nisi acceptum per sensus, & de-  
penderet ab eis, sed in eadem re cognita per sensum plura ipse  
cognoscit, quàm sensus, ut colorem cognoscit visus solum in  
ratione visibilis; intellectus verò cognoscit esse visibilem, esse  
secundam qualitatem, esse qualitatem passibilem tertiæ speciei,



pluræque alia; non solum, quam cognoscat visus, sed quicunque sensus internus. Deinde in diuersis sensibus; nam cum visus solum cognoscat colorem, vt visibilem, sensus communis  
 187 cognoscit eum, non solum vt visibilem, sed vt visum, atque etiam vt diuersæ naturæ à sono, à tangibili, & gustabili. Et efficax ratio huius fundamenti est, quia perfectior potentia altior est, vniuersalior, habensque proinde obiectum, ac rationem formalem eius vniuersaliorē plura sub se comprehendentem. Et ex consequenti maioris virtutis ad cognoscendum. Et ad propositum nostrum descendens D. Thom. æstimatoriam virtutem ait (cū sit altior potentia à cæteris sensibus) vniuersalius obiectum habere, quia nō solum cognoscit in eadem re rationem sensibilis proprii, & communis, sicut sensus externi, nec solum rationem sensati, & diuersæ naturæ, à quocumque alio sensato, vt sensus communis, sed rationem conuenientis, & nociui præsupponentem alias, & addentem supra eas aliquid, quod à nullo alio sensu percipi potest; nam rationem conuenientis, & nociui nullus alius sensus potest percipere. Quod hoc exemplo declarari potest, videt ouis colorem, figuram, magnitudinem, & motum lupi, & hæc eadem percipit sensus communis, sed non habet virtutem deducendi ex eis notitiam disconuenientiæ: æstimatoria verò cum sit altior potentia eadem accidentia perfectius cognoscit: nempe in quantum ducunt in notitiam aliarum proprietatum, vel accidentium sensibilem, per quæ sibi aduersatur, & ideò potest cognitionem, seu expressam notitiam elicere eiusdem lupi, vt sibi disconuenientis, & hac media in se producere speciem  
 188 aliam eiusdem lupi, vt nociui in memoria reseruandam. Quod perfectiori modo præstat intellectus: nam dum phantasia cognoscit Petrum per accidentia eius, intellectus agens media specie expressa phantasiæ (quam phantasma vocant) producit in intellectu possibili speciem impressam intelligibilem eorundem accidentium, per quam intellectus possibilis elicit cognitionem, aut speciem expressam aliarum proprietatum, quas non repræsentat sibi species impressa, nisi quadam ratione virtuali, in quantum accidentia illa, quæ per se repræsentabat, signa erant, vel indicia aliorum, & hæc repræsentatio virtualis, quam habebat etiam phantasmata, non erat sufficiens, vt phantasia accidentia illa cognosceret, vel speciem expressam eorum deduceret propter imperfectionem propriam; sufficit verò vt intellectus tanquam altioris virtutis eam deducat. Et eadem similitudine intelligendum est speciem  
 189 sensus communis, & eam, quam imprimit ipse æstimatoriæ solum repræsentare, primò, & per se colorem, figuram, magnitudinem,

tudinem, & motum lupi, sed quasi secundario, & virtualiter proprietatem, aut accidens per quod nocivus, ac disconueniens est oui, cuius accidentis signa, aut indicia sunt illa priora. Hæc verò virtualis repræsentatio non sufficit, ut possit cognosci ab inferiori sensu propter eius imperfectionem, sufficit verò, ut possit cognosci ab altiori, atque eminentiori, qualis est æstimatoria. Quod docuit expressè D. Thom. ubi supra ad 4. nam cum proposuisset argum. hoc modo. *intellectus nihil potest cognoscere, nisi quod accipit à sensu: ergo neque æstimatoria, quia plus dependet à sensibus, quàm intellectus, poterit cognoscere, nisi ea qua ab inferioribus sensibus accipit: sed sensus inferior nō cognoscit, nisi sensata ab externis sensibus: ergo nec æstimatoria potest nisi eadem cognoscere, & ideo nullam rationem insensatam, nec vlla specie insensata uti.* His verbis respondet, *Ad 4. dicendam, quod licet intellectus operatio orineur à sensu, tamen in re apprehensa per sensum intellectus multa cognoscit, qua sensus percipere non potest, & similiter æstimatoria, licet inferiori modo.* Et cum non sit excogitabilis alius modus, quo possit plura cognoscere, nisi eliciendo speciem insensatam alterius rationis in eodem obiecto sensato contentam, quam quidem non formaliter repræsentabat sensata species, sed quasi ex consequenti, aut ratione virtuali, & non sufficienti, ut eliceretur species eius ab inferiori potentia, sufficiente verò, ut eliciatur à superiori excellentioris virtutis, ideo potest æstimatoria in formata specie impressa sensata, elicere ex ea expressam talis rationis non sensare, & per hanc expressam imprimere sibi aliam repræsentantem eandem rationem referuandam in memoria pro futuris vñibus, aut operationibus circa eandem rationem, vel obiectum.

Testimonium verò eiusdem D. Thomæ pro prima opinione propositum difficultate prorsus caret: nam intentum illius argum. quod verbis relatis soluit, erat probare, quod pueri in statu innocentie ab ipsa natiuitate haberent scientiam, & vñum eius, & consequenter vñum rationis, & ad id probandum assumpsit actum æstimatorie, quem animalia habent à principio sui ortus. Respondet verò actualem æstimationem habere animalia à principio, quia non possunt alia via sibi conuenienti eam acquirere, & nociua fugere: homo verò potest acquirere scientiam per vñum intellectus, non sic vero accipere actualem æstimationem à principio animalia, intelligit D. Tho. ut talis actus, vel species insensata infundatur eis immediatè à Deo, sed mediis speciebus sensatis insensatas eliciendo modo iam expòsito de quo eo loci nihil asserit, nec negat.

Ad primum argum. secundæ opinionis neganda est minor, quod non detur causa particularis, à qua producantur species:

datur enim potentia ipsa simul cum speciebus sensatis, à qua produci potest. Et cum dicitur inferiorem potentiam per speciem sensatam; non posse cognoscere conuenientiam obiecti, quia nec representatur per talem speciem, concedendum est, quod non possit, quia inferior, atque imperfectior est: de representatione verò conuenientiae per speciem sensatam distinguendum; nam primò, & per se non representatur, sed quasi secundariò, & ex consequenti, aut ratione virtuali, in quantum illa accidentia per se repræsentata indicia sunt, & quasi naturalia signa aliorum, per quæ lupus infensus, & inimicus est oui, hæc autem imperfecta repræsentatio disconuenientiae per speciem sensatam non est sufficiens, vt à sensu inferiori cognoscatur: sufficit tamen vt cognoscatur à potentia superiori, qualis est æstimatoria.

195 Ad secundum negandum est antecedens, quod animalia querant alia nullo modo à se cognita per aliquem sensum externum, hoc est, ipsamet, vel aliquem effectum eorum, per quem ea sub ratione tantum communi, aut confusa conuenientis apprehendunt, & querunt, aut disconuenientis, & fugiunt.

196 Sed restat explicandum, an, & quomodo phantasia utatur speciebus insensatis, in quo minor est difficultas, quia omnes ferè admittunt posse ex duobus simplicibus sensatis à sensu communi tertium quoddam componere, vt ex speciebus montis, & auri montem aureum. Sed an id efficiat tertiam quandam speciem simplicem repræsentantem montem aureum ex duobus simplicibus montis, & auri eliciendo, vel non nisi per vnam compositam ex eisdem simplicibus in ea permanentibus, non est apud omnes certum; sed quidam modo priori id præstare  
197 intelligunt; alij verò modo posteriori. Mihi verò ita videtur explicandum, vt phantasia duabus illis speciebus simplicibus ei impressis à sensu communi per modum vnius, & tanquam vno principio partiali sensationis utatur, per quam sensationem producit speciem expressam simplicem repræsentantem, non quidem montem, & aurum, sed montem aureum habentem etiam modum vnius rei representatæ, media autem tali sensatione, aut specie expressa imprimit sibi aliam eiusdem montis aurei, quam apud se reservat pro eodem obiecto iterum à se percipiendo.

C A P V T I V.

T E X T V S A R I S T O T E L I S.

*De parte autem animæ, quæ cognoscat animæ,  
& sapit, &c.*

Brevis expositio textus.

**E**Xplicata iam natura, & ratione totius sensitiuæ partis, videlicet externis, atque internis sensibus, ex quibus plena, atque perfecta notitia animæ sensitiuæ constat: sermonem transfert Aristoteles ad animam rationalem, cuius notitiam modo simili ex potentiis, seu facultatibus eius investigare intendit. Incipit verò ab intellectu cognoscente (quem possibilem vocat) tanquam à prima eius potentia, quam explicare intendit in hoc primo cap. in duas partes diuiso, in priori docet, quid sit potentia ipsa, & quomodo distinguatur à cæteris, quo etiam modo operetur, vel in actum reducaturs in posteriori verò tria, aut quatuor proponit, ac soluit dubia, ex quorum solutione magis vtrumque innotescit. Naturam intellectiuæ potestatis per similitudinem ad sensum iam explicatum intelligendam esse ait, vt sicut sentire est quoddam pati pro passione perfectiua, & impropria, quæ per receptionem formarum intentionalium fit, sic intelligere, quod est proprius actus intellectus. Ex quo tria colligit; primum, quod intellectus non sit capax passionis propriè dictæ. Secundò ex propria natura aptum esse ad recipiendas obiectorum formas, seu species. Postremum nullam ex hisce rerum speciebus ex se, vel à se habere, receptum tamen esse omnium, ita vt quemadmodum materia prima in genere naturæ est pura potentia nullam ex se habens formam naturalem, potens tamen recipere omnes, sic intellectus in genere intelligibili pura potentia sit, nullam habens ex se intelligibilem formam, potens tamen omnes in se recipere, & in his cum sensu conuenire docet, sed differre ab eo in duobus; in priori quidem, quia non est potentia organica, ideò nec corporea, vel corpori permixta, sicut sensus, quia si intellectus aliquid corporeum foret, non posset omnia corporea percipere; quemadmodum si gustus aliquo sapere naturaliter afficeretur, non posset cæteros sapes percipere, vt experientia ostendit, & ex hoc efficitur, quod sicut actu nullum corpus est, ita est omnia corpora in potentia, quia omnium similitudines recipere potest, vt per eas percipiat omnia: non tamen eas habet à principio, vt deceptus Plato posuit. Posterius in quo differt à sensu est, quod sensus ab excellenti sensibili læditur ex

parte organi, vt superius ostēdimus. Intellectus verò non læditur à perfectissimo intelligibili, quin potius perficitur ipsū intelligēs, quia nō est in organo corporeo ratione cuius lædatur.

- 4 Quo autem modo operetur intellectus, vel in actu fiat, hac distinctione explicat; dupliciter potest intellectus exire de pura illa potentia, quam à principio, & ex se habet. Primò per receptionem speciei, vel similitudinis obiecti: nam speciei actus quidam est eius, per quem determinatur ad hoc, vel illud obiectum percipiendum, cum ex se sit in potentia quadam æquè indifferenti ad percipiendum omnia, & actus iste vocatur primus, & adhuc imperfectus; in actu autem quasi secundo, atque perfecto fit per vsum speciei, qui est perceptio actualis eiusdem obiecti.

- 5 Proponit tandem, & soluit in posteriori parte capitis tria, vel quatuor dubia, quorum primum pertinet ad obiectum intellectus, videlicet an per eandem animæ potentiam, seu facultatem percipiamus rem vniuersalem, & singularem, vel per diuersas, & loquitur de vniuersali, & singulari in rebus materialibus; nam de immaterialibus non est dubium, quin à solo intellectu percipiatur vtrumque. Vt autem respondeat, distinguit singulare ab vniuersali, quia singulare, inquit, dicit hanc materiam cum his conditionibus, & accidentibus, per quæ determinatur ad hanc formam recipiendam, vt hæc caro includit hanc magnitudinem, & hoc temperamentum primarum qualitatum, sed vniuersale abstrahit ab hac materia, & his conditionibus, seu accidentibus, & solum dicit naturam, vel essentiam, seu essentialia prædicata, vt caro in comuni solum essentiam & naturam, vel esse carnis.

- 6 Quo supposito respondet per diuersas potētias non cognoscere vniuersale, & singulare: nam per sensus singularia materialia tantum cognoscimus, non vniuersale: sed cognitio huius pertinet ad intellectum. In horum autem cognitione, ait, se habere animam sicut lineam rectam, & reflexam, cuius sensum explicabimus in controuersiis.

- 7 Dubium secundum est, circa id quod in principio docuerat de intellectu, quod sit potentia passiuæ apta recipere rerum omnium formas; dubitat ergo, quonam modo verum hoc esse possit; cum nihil pati possit ad alio, nisi ratio materiæ, quæ principium totius passionis, & receptionis est. Et respondet distinguens duplicem passionem; propriam, atque impropriam, quas agentes de sensibus in 2. lib. explicauimus, propriam igitur per naturalem alterationem factam, & inter qualitates contrarias se expellentes concedit non fieri, nisi in rebus materialibus: impropriam verò, ac perfectiuam in immaterialibus lo-

cum

cum habere, & de hac intelligi ait, quod intellectus sit potentia passiva, non de illa.

Proponit tertium dubium, an intellectus ipse sit intelligibilis, hoc est, an possit se intelligere, sicut intelligit alia; & videtur (inquit) quod non: quia vel est intelligibilis in quantum est intellectus, & tunc omne quod intelligitur, esset intellectus. Si verò non sit intelligibilis in quantum intellectus, erit intelligibilis per quid aliud sibi superadditum, ex quo, & ratione intellectus propria erit compositus, contra propriam naturam, quæ simplicissima est. Respondet intellectum esse per se intelligibilem, quia immaterialis est, immaterialia verò dicuntur per se intelligibilia, quia per se sunt proportionata eidem intellectui sua natura immateriali; & ideo per propriam speciem possunt uniri intellectui: nam materialia improporcionata sunt eidem intellectui; quare non possunt ab eo per se percipi, nisi prius fiant quodammodo immaterialia per speciem intelligibilem productam ab intellectu agente. Ad argumentum verò responderi posset intellectum esse intelligibilem, ut entitatem immaterialem; quare solum sequitur, quod omne immateriale sit per se intelligibile, quod verissimum est.

Sed dubitat tandem, quare intellectus non semper actu se intelligit, si per se intelligibilis est. Cui nihil respondet: sed solum asserit rationem huius investigandam esse. Hæc autem fortè erit satis congrua, quia intellectus dum est in corpore, non intelligit per se immaterialia: sed per species corporum à sensibus receptas, & quia non semper versantur sensus circa res corporeas in intellectu similes, nec potest semper ab eis recipere speciem, per quam se intelligat, nec semper potest recepta vri, & cum non semper circa has operentur sensus, nec potest semper se intelligere intellectus. Concludit tandem sententiam capitis dicens: Res purè materiales non esse actu intelligibiles: sed potentia tantum; & ideo non posse eis convenire potentiam intellectuam.

## C A P V T V.

### *De intellectu agente.*

#### T E X T V S A R I S T O T.

*Quoniam autem in omni natura est aliquid, hoc quidem materialia cuicunque generi.*

#### Brevis expositio textus.

**E**xplicato intellectu possibili, quasi continuato sermone agit de intellectu agente; caput autem licet admodum breue

breue diuiditur in tres partes. In quarum prima asserit, & probat in anima rationali, præter intellectum possibilem ponendum esse agentem. In secunda enumerat tres conditiones eius; in quibus conuenit cum intellectu possibili; & quartam, in qua ab eo distinguitur, & in tertia agit de intellectu in actu, & enumerat proprietates totius intellectiue partis, explicatque vno verbo, an intellectus separatus operetur.

12 Afferit igitur necessario ponendum esse intellectum agentem, tanquam virtutem, aut potentiam animæ rationalis, probatque hac ratione. In omni re, quæ non semper est in actu, sed aliquando in actu, & aliquando in potentia, necesse est ponere aliquid, per quod sit in potentia ad omnem actum sui generis, & aliud, per quod, vel à quo reducatur in talem actum, alioquin nunquam erit in actu: sed semper in potentia; sed anima rationalis, nec est semper in actu intelligendi, nec semper in sola potentia: sed aliquando intelligit actu, & aliquando solum est in potentia ad intelligendum; ergo præter intellectum possibilem, per quem solum est in potentia ad intelligendum, indiget agente aliquo, à quo reducatur in actum per productionem formarum intelligibilium, & receptionem earum, & agens hoc est alia potentia, ad quam non pertinet cognoscere obiecta, nec accipere species: sed eas producere in intellectu cognoscente, quæ vocatur possibilis, ut ita intellectus agens sit omnia agere in genere intelligibili, sicut possibilis est omnia pati, vel omnia fieri.

13 Enumerat deinde quatuor conditiones, seu proprietates intellectus agentis: primam, quod sit separabilis à subiecto, siue organo corporeo, quia non est potentia organica. Secundò quod sit impassibilis. Tertiò, quod sit immixtus, id est, non compositus ex naturis corporis, neque actus alicuius organi corporei. Quartam, quod secundum suam substantiam, vel entitatem est in actu, possibilis verò secundum propriam entitatem potius est in potentia, sit autem in actu per receptionem specierum.

14 Quòd verò omnes istæ conditiones ei conueniant, probat hoc argumento; agens nobilius est patiente in eodem ordine essendi: sed intellectus agens comparatur ad possibilem in ordine intelligibili; ergo sub ratione agētis nobilior est illo. Tres autem priores conditiones conueniunt intellectui possibili; ergo priori ratione conueniunt agenti, & ex ratione agentis conuenit ei quarta, quia agens nobilius est passio ex eo, quod est in actu, & passum in potentia, actus verò nobilior est potentia.

15 In extrema parte capituli agit de intellectu in actu, cuius tres sūt conditiones: prima quod intellectus in actu (quæ sciētiā vocat idem

cat)idem sit cū re intellecta,vel scita, seu cognita : non quidem in esse rei : sed in esse repræsentatiuo,in quantum repræsentatur sibi obiectum per speciem receptam ab intellectu agente. Secunda conditio est,quod licet intellectus, seu scientia in potentia sit prior tempore scientia in actu in eodem homine, quia quilibet homo aliquo tempore scientia caret, & solum est in potentia ad illam: sed vniuersaliter loquendo prior est intellectus, seu scientia in actu tempore, & natura, tum quia potentia non reducitur in actum, nisi per aliquod, quod iam est in actu, 16 tum etiam, quia scientia ipsa actualis à nemine comparatur, neque aliquis sit actu sciens de sciente in potentia, nisi ex alia cognitione actuali in se præcedere, vt docuit ipse 1. lib. Poster. c. 1. Postrema conditio intellectus in actu est, quod semper sit in actu, intellectus verò possibilis aliquando in actu, & aliquando in potentia. Et ex his conditionibus, quæ per quandam congruentiam applicantur intellectui agentis; insinuat Aristoteles qualis sit, & quanta sit perfectio eius : nam est intellectus semper in actu, etiam si non semper operetur.

Ex dictis colligit tres condiciones totius partis intellecti- 17 uæ : primam, quod sit aliquid separatum, hoc est, quod nihil eius sit actus organi corporei, vel ei alligatum, secundo quod sit incorruptibilis. Et tertia, quod sit perpetua, hoc est, permanens corrupta corpore. Explicat tandem vno verbo, quoniam modo se habeat intellectus in animâ separata ad intelligendum, videturque asserere, quod non intelligat, quia corrumpitur (inquit) intellectus passiuus, sine quo non potest intelligere; per intellectum verò passiuum cogitatuam, aut phantasiam intelligit, quæ cum sit potentia sensitua, & in organo corporeo, corruptibilis est, & in separatione animæ rationalis à corpore necessario corrumpi debet.

---

## TRACTATUS DE NATURA, ET RATIONE ATQUE officio intellectus agentis.

### QVÆSTIO I.

*An detur intellectus agens.*



OMINE intellectus agentis significatur apud omnes facultas quædam spiritualis animæ rationalis, non quidem cognoscitiua, nec ordinata ad cognoscendum : sed productiua speciei intelligibilis spiritualis, per quam repræsentetur intellectui cognoscenti materia



materiale obiectum, sicque repræsentatum fiat ei præsens & proportionatum, & possit illud cognoscere. De qua quærimus, an sit, hoc est, an verè detur in anima.

- 18 Et prior sententia negat dati. Quam tenuerunt quidam, quos retulit Alb. Magn. in Summa de homine, q. de intellectu agente, atque etiam Isaac Narbonensis, ut testatur Mirandul. in suis conclusionibus, & tenuit postea Durand. in 1. dist. 3. 2. par. dist. quæst. 5. Quam probat 1. quia si intellectus agens necessarius est, vel ut agat in phantasma, vel in intellectum possibilem ad producendam speciem intelligibilem; sed ad neutrum horum requiritur: ergo admitti non debet. Minorem probat, quia intellectus agens non potest agere circa phantasmata, nisi aliquid eis imprimendo, vel auferendo, aut ab eis abstrahendo: sed hæc omnia repugnant, quia neque Angelus potest formam aliquam corporibus imprimere, quanto minus intellectus agens aliquid corporeis phantasmatibus imprimere poterit, & eadem ratione nihil ab eis auferre potest, sicut nec Angeli à corporibus. Sed nec potest aliquid ab eis abstrahere; nam vel abstractio hæc eriteductio speciei intelligibilis de potentia eorum; quæ non minus repugnat: nam cum species intelligibilis spiritualis sit, nec potest in potentia corporei phantasmatis contineri, nec in eo recipi, vel tandem abstrahere potest aliquid à phantasmatibus producendo speciem repræsentantem naturam rei materialis, siue conditionibus individualibus materialibus, quod non est minus impossibile; quia cum sit phantasmati intrinsecum repræsentare naturam materiale, & singularem, repugnat, quod ab eo possit abstrahi talis species.
- 20 Quod verò non sit necessarius ad agendum in intellectum possibilem pro speciei productione, probat, quia vel ex se solo ageret, vel simul cum phantasmate; & utrumque repugnat; primum quidem, quia si solus ageret; eum agat ex necessitate nature, semper ageret, produceretque semper speciem intelligibilem, per quam semper, & ab initio introductionis anime in corpus intelligeret intellectus possibilis, quod patet esse falsum. Secundò verò, quia eodem modo posset poni sensus agens, qui simul cum obiecto ageret in sensum passivum, vel sentientem, quod ab omnibus reiicitur.

Secundò, quia res materialis non est minus intelligibilis actu ex propria natura, cum sit ens actu, quam obiectum sensus actu sensibile: ergo non minus poterit imprimere speciem sui intellectui possibili, quam obiectum sensibile sensui: quare sicut non admittitur sensus agens, sic non debet admitti intellectus agens.

Posterior

Posterior sententia ponit tanquam necessarium in anima intellectum agentem. Et est propria Aristotel. cap. 5. huius lib. D. Thom. 1. part. quæst. 54. art. 4. & quæst. 79. art. 3. 2. lib. contra gentes cap. 79. de Veritate. qu. 10. art. 6. & qu. de anima artic. 4. ita etiam Scotus in 1. d. 3. quæst. 8. ad primum, & omnes sectatores eius: imò cæteri etiam Scholastici in 1. d. 3. & omnes interpretes Aristotelis.

Vt autem eam efficaciter probemus, duo sunt præsupponenda tanquam certa in schola. Primum est: Quemcunque intellectum creatum speciebus indigere ad percipiendum quæcunque alia obiecta creata, & propterea fatentur omnes de Angelis per species eis inditas adeo omnia alia à se intelligere, & consequenter de anima nostra speciebus indigere in statu quocunque ad intelligendum. Cuius ratio à priori est, quia quælibet substantia creata habet limitatam essentiam, limitatam perfectionem, & virtutem nullo modo continentem res alias à se, & si intellectualis sit, limitatum intellectum; quare non potest in se nec per propriam essentiam res alias à se intelligere: ergo indiget speciebus earum, per quas sibi repræsententur, & præsententur in esse intelligibilis actu, & intelligantur. Probatum etiam à posteriori illis experienciis, quibus probauimus in 2. libro dari species sensibiles, esseque omnino necessarias ad sentiendum contra Durand. æquè enim probant dari species intelligibiles, esseque nobis necessarias ad intelligendum. Secundum præsuppositum est animam nostram in instanti, quo creatur à Deo, & infunditur corpori nullam habere speciem alicuius rei, sed ut Aristoteles docuit esse sicut tabulam rasam, in qua nihil depictum est, & intellectum eius esse quidem in ordine intelligibilium potentia omnia intelligibilia, actu verò nullum. Cuius ratio à priori est, quia anima est substantia incompleta, & partialis apta consequi perfectionem in modo essendi per unionem cum corpore, & consequenter in modo operandi intellectuali sibi proprio, unde sequitur per corporis ministerium omnium rerum species acquirere debere; ad quarum acquisitionem dati sunt corpori à natura sensus omnes interni, & externi; Angelus verò completa substantia est non respiciens corpus, ideò nec aptus est perfici in suo esse, nec in suo modo intelligendi per corpus; quare nec per eum acquirit species, sed in principio sue creationis eas accepit à Deo immediate per infusionem. Quare errauit Plato in Mænone putans cum quibusdam aliis antiquioribus philosophis animas creari à Deo ante corpora speciebus rerum omnium plenas, per quas corporibus iam infusæ paulatim, & quasi per reminiscentiam quandam eas intelligerent. Ex his duobus principiis efficax argumentum.

gument. desumitur ad probandam necessitatem intellectus agentis hoc modo: Ad quamlibet cognitionem sensitivam, vel  
 24 intellectivam necessario requiritur, quod obiectum in ratione sensibilis, vel intelligibilis fiat præsens, & proportionatum potentiae, ut sic ei unita eliciat operationem, per quam ipsum cognoscat: sed obiecta praesertim materialia, licet per sensus cognita, & per phantasma repræsentata sunt extra intellectum, & ei ut pote spiritali improporcionata, & propter eandem improporcionem non possunt per se cum immutare imprimendo ei propriam speciem, sicut obiecta sensibilis immutant sensus imprimendo eis proprias species; nam res corporea cum sit inferioris ordinis, nec potest propria virtute agere in spiritualem  
 25 (qualis est intellectus,) nec speciem spiritualem ei imprimere, quam cum apud se non habeat, necessaria est superior quædam virtus, à qua producat in intellectu possibili species eiusdem obiecti, per quam possit ab eo intelligi: & hæc virtus appellatur intellectus agens.

Ad 1. argument. Durand. respondeo intellectum agentem producere speciem in intellectu possibili, non quidem agendo in phantasmata, sed in eundem intellectum, de cuius potentia educit eandem speciem.

Et cum rursus querit; an solus agat in intellectum possibilem, vel simul cum phantasmate; Dicimus simul cum phantasmate ut instrumento agere. Sed negamus, quod possit poni sensus agens, quia cum obiectum sensibile secundum se sit proportionatum sensui, non indiget sensu agente, sed per se potest eum immutare, speciemque imprimere: obiectum vero materiale non est proportionatum intellectui pro hoc statu, quo est in corpore, nec est actu intelligibile ab eo, sed solum in potentia; ideo non potest ei imprimere speciem sui, nec ab eo intelligi, nisi adsit alia virtus superior spiritalis, à qua producat, & sic soluitur secundum argumentum eius.

## Q V Æ S T I O I I.

*Quodnam sit proprium officium intellectus agentis ad quod exercendum reputatur necessarius.*

**V**T officium intellectus agentis proprium commodius explicemus, hoc ordine procedendum esse arbitror, ut prius quæ sunt ei deneganda officia ostendamus, ut ex eo constet, quæ sint ei concedenda.

26 Et in primis intellectum agentem non intelligere formaliter communis est sententia fere omnium interpretum Aristot. cap. 5. huius lib. quam expressit D. Thom. in 3. d. 13. qu. 1. art. 1. atque etiam Henrici, quodlib. 8. qu. 12. & colligitur planè ex 4.

& 5. cap. huius lib. nam cum in 4. docuisset expressè intelligere esse quoddam pati, sicut sentire, & propterea intellectum cognoscentē esse potentiam passiuam. In 5. asseruit expressè, præter intellectum cognoscentem, qui est omnia fieri, vel omnia pati, dari in anima intellectum: qui si omnia faceret, ex quibus sequitur Arist. planè sentire, quod officium proprium intellectus agentis non sit intelligere. Quod hac ratione efficaciter 27  
probat, quia pro vno, & eodem actu formaliter eliciendo vna tantum facultas ponenda est, & plures erunt superflue, sed intellectus possibilis formaliter intelligit: ergo agens non intelligit formaliter. Quare singularis est, & falsa sententia Ianduni cap. 5. huius lib. q. 23. asserentis intellectum etiam agentem intelligere. Quod sic explicat, ut producat intellectionem non in se; quare nec ipse eam recipit, sed intellectum possibilem eam recipientem, & non efficientem. Sed falsitatis conuincitur: primo, quia actio intelligendi immanens est; ergo in eodem principio, à quo actiue elicitur, debet recipi: falso igitur ponit author iste, quod ab vno principio actiue eliciatur, & in alio recipiatur; quia hoc est esse actionem transeuntem. Secundo, quia si hoc modo se habent ad actum intelligendi intellectus agēs, & possibilis, sequitur neutrum intelligere formaliter. Probat 28  
consequentia, quia cum actio intelligendi sit vitalis, necesse est, quod potentia formaliter intelligēs sit principium actiuū, & intrinsecum eius, illamque in se recipiat: nam si solum eam producit in alia potentia, non erit per eam intelligens formaliter, & si solum eam recipiat ab alio, nec eam eliciat; non erit principium eius effectiuum intrinsecum, & vitale: ergo non erit actio vitalis eius.

*An intellectus agens illuminet phantasmata.*

**S**upposito igitur quod intellectus agens non habeat officium 29  
intelligendi, sed præuium, aut prærequisitum ad intellectionem, meritò dubitamus, an eiusmodi operatio eius intellectioni præuia versetur circa phantasmata, & sit quasi illustratio eorum. Et ratio dubitandi sumitur ex Aristotele cap. 5. huius lib. text. 18. ubi ait intellectum agentem se habere ad intelligibilia sicut lumen externum se habet ad colores, quos sua illustratione efficit actu visibiles: cum ex se solum sint visibiles in potentia; ergo sentit Aristot. proprium officium intellectus agentis esse illustrare phantasmata tanquam spirituale lumen, qua illustratione obiecta materialia, & solum intelligibilia in potentia fiunt quodammodo spiritualia, & actu intelligibilia.

Propter hoc tenet prima opinio intellectum agentē habere

actionem realem in phantasmata, per quam eis imprimit qualitatem quandam realem lumini externo similem, & per eam sic illustrata quasi habilia fieri (vt sic loquamur) ad agendum in intellectu possibilem, & imprimendum ei speciem intelligibilem obiectorū ab eisdem repræsentatorum, & hanc illustrationem phantasmatum esse primum officium intellectus agentis. Et fauet huic sententiæ D. Tho. 2. lib. contra gentes capit. 77. hisce verbis. *Est igitur in anima intellectiua virtus actiua in phantasmata, faciens ea intelligibilia actu & hæc potentia anima vocatur intellectus egens.* Et eam probabilem reputat Tolet. qu. 13. huius lib. confc. 6. Sed ratione probatur; quia non potest intellectus agens illustrare phantasmata vllō modo, nisi per realem actionem illustrationis: sed talis actio non potest esse in intellectu possibilem, quia ex actione circa eum nihil intrinsecum potest prouenire phantasmatibus. Nec etiam potest esse talis actio illustrationis circa medium; quia nullum datur inter intellectum agentem, & phantasmata: ergo necesse est fateri, quod circa eadem phantasmata sit imprimens eis spirituale lumen, per quod formaliter illustrata dicantur.

Sed hæc sententia falsitatis conuincitur hoc argum. agens spirituale creatum non potest qualitatem, vel formam realem imprimere corporibus, vt communis sententia totius scholæ tenet id denegans Angelis; sed intellectus agens est spiritualis, & phantasmata sunt corporea: ergo repugnat talem qualitatem eis imprimere. Secundò, quia vel talis qualitas esset corporea, vel spiritualis: & hanc repugnat recipi in subiecto corporeo propter manifestam improportionem; illa verò non potest facere phantasmata proportionata intellectui possibili: cum constet adhuc illa recepta corporea permanere, ac materialia, & ideo adhuc ei improportionata: ergo aut impossibile est, quod eis imprimatur talis qualitas, aut nullius effectus esse potest, & ideo superuacanea omninò.

Neque aliquid valet quod Toletus affert de anima rationali spirituali, & recepta in materia per informationem, quia longè diuersa est ratio de accidenti recipiendo in altero, quale est lumen spirituale recipiendum in phantasmatibus corporeis, quia nullum accidens potest recipi in alio accidenti, aut subiecto corporeo, nisi media quantitate, sed lumen spirituale, cum sit indiuisibile, non potest extendi in subiecto per quantitatem: ergo nec in eo recipi.

Propterea secunda opinio ponit intellectum agentem illustrare phantasmata, non quidem illustratione formali, aliquam formam eis imprimendo, sed obiectiua tantum, & quam extrinsecam, & ideo absque aliqua actione reali circa ipsa, vel circa  
aliud

aliud, sed per solam assistentiam. Nam eodem modo lumen existens in aëre dicitur illustrare colorem in pariete inhaerentem, sine vlla actione circa ipsum, ac sine productione alicuius formæ, vel qualitatis, sed per solam extrinsecam assistentiam. Ita videtur sentire Henri. quodlib. 6. quæst. 12. & 13. asserens phantasmata illustrata, sine vlla specie intelligibili, per quam repræsentetur obiectum posse per se immediatè immutare intellectum possibilem. Sed Caietan. id tenet expresse, docens tamen necessariam esse speciem intelligibilem, sed per illustrationem phantasmatum fieri, vt in eis repræsentetur natura vniuersalis, sine conditionibus indiuiduantibus, sicut per illustrationem, quia illustratur pomum à lumine, fit, vt appareat in eo visui color non apparente odore, ita sentit 1. p. quæst. 85. art. 1.

Hæc tamen sententia duo asserit valdè difficilia. Primum quod intellectus agens per suam assistentiam illustret phantasmata. Hoc enim falsum esse ostenditur, 1. quia intellectus agens est potentia actiua animæ ordinata ex se ad operandum: sed potentia actiua nullum præstat effectū ante operationem, nec omninò, nisi media operatione, vt euidente deductione constat in cæteris omnibus potentiis: quarum nulla præstat vllum effectum per solam assistentiam: ergo falsum est, quod intellectus agens per solam assistentiā illuminet phantasmata.

Secundum, quod asserit est, per solam assistentiam efficere in phantasmatibus illustratis, quod repræsentent naturam vniuersalem, sine conditionibus. Hoc verò non solum probatur falsum, sed impossibile. Falsum quidè, quia phantasmata adhuc illustrata permanent intra ordinem specierum sensibilibus, & materialibus. Sed repugnat species sensibiles, & materiales repræsentare naturam vniuersalem, sine conditionibus singularitatis: ergò falsum est, quod eam repræsentent. Et vrgeo argumento, quia sic repræsentare naturam, sine conditionibus est aliquid reale nouum in phantasmatibus, quod ante illustrationem non habebant, ergò productum est in eis per illustrationem, sed effectus realis non producitur per solam assistentiam causæ, sed per realem actionem eius: ergò impossibile est, id habere de nouo phantasmata per solam assistentiam intellectus agentis, sine reali actione, vt ponit Caietan. & eisdem rationibus probatur falsa sententia Henr. Quibus addo contra ipsum, repugnare prorsus, quòd intellectus possibilis operetur, nisi mediis speciebus sibi proportionatis, sed phantasmata sic illustrata sunt adhuc corporea: ergò improporcionata intellectui spiritali, nisi per speciem spiritualem repræsententur ipsa, vel obiectum per ea repræsentatum. Præterea cum materialia sint, & extra intellectum possibilem, non

potest vniri ei materiale obiectum, quod repræsentant, nec fieri ei intimè præsens, & proportionarum, quod præcisè necessarium est, vt intelligatur ab eo. Similitudo verò, quam affert Caieran. de colore pomi apparente visui sine odore, valde dissimilis est, quia quod sic appareat, non prouenit à lumine, nec effectus eius est, sed à natura ipsa coloris, apparentis quidem visui non apparente ei odore, quia solus color, & non odor pertinet ad visum. in quantum ipse, & non odor visui potest apparere: in proposito verò tam vniuersale, quam singulare pertinent ad intellectum, & ideò non potest apparere vnum sine alio: cum prius appareret cum eo coniunctum absque mutatione reali phantasmatum, quam non potest efficere intellectus agens per solam assistentiam.

36 Tertia igitur opinio asserit intellectum agentem, nec per actionem in ipsa illustrare phantasmata, nec per solam assistentiam, sed solum ex eo, quod phantasia hominis per coniunctionem cum intellectu habet perfectiora phantasmata, & ideò efficaciora, & quæ simul cum intellectu agente possunt imprimere speciem obiectorum, quæ repræsentant in intellectu possibili. Ita Ferrar. 2. l. de anima c. 4. & Capr. in 2. d. 3. q. 2. art. 3. hoc tamen quamuis verum sit, nihil ad præsentem quæstionem facit, quia nullum actum, nullum effectum, nullum officium intellectus agentis explicat. Imò nihil asserit, quod iure vocari possit illustratio phantasmatum.

Nostra igitur sententia duo asserit. *Primum est, intellectum agentem unicam habere actionem intellectiōni prauiam, & hanc non circa phantasmata, sed circa intellectum possibilem, qua est productio speciei intelligibilis spiritalis in eo, ac de eius potentia educta, per quam representatur ei obiectum materiale representatum in phantasmate, sitque eidem intellectui intimè præsens, & proportionatum, vt possit intelligi, & per eandem speciem reducitur idem intellectus de pura potentia in genere intelligibili ad actum primum, atque proximum intelligendi, nec aliæ actio intellectus agentis necessaria est; imò nec possibilis naturaliter. Asserit secundò per eandem actionem circa intellectum possibilem illustrari phantasmata ab eo; & hunc sensum tenuisse Arist. ac D. Thom. dum de illustratione phantasmatum ab intellectu agente locuti sunt. Ita noster Fons. 2. lib. Met. cap. 28. quæst. 8. Coni. n. 3. lib. de anima, cap. 5. quæst. 1. art. 1. & magna ex parte Toletus: estque iam communis fœ-*

38 *inter recentiores.*

Et primum quidem asseritur, quod vnica actio intellectus agentis sit circa intellectum possibilem, per quam producat in eo speciem intelligibilem. Probat, quia nullam potest habere circa phantasmata, vt ostendimus, & aliquam habere est omnino

ninò necessarium: nec restat aliud præter intellectum possibilem: circa quod agere possit. Et quod hæc actio circa illum sit productio speciei, probatur efficaciter ex necessitate specierum ad intelligendum, sicut ad sentiendum inferius ostendenda, quas cum non habeat à principio, debet eas recipere ab intellectu agente.

Quod verò nulla alia sit ei tribuenda actio, probatur; nam 39 si aliqua, vel hæc foret circa intellectum possibilem, vel circa phantasmata, sed circa neutrum horum: ergo non potest habere aliam. Probatur minor, quia actio intellectus agentis circa possibilem, præter productionem specierum solum potest esse illuminatio earundem specierum intelligibilium à se productarum, quam videtur excogitasse Toletus quæst. 13. huius lib. concl. 6. vel productio intellectionis, sed hæc est à nobis iam refutata, & illa non est necessaria, sed impossibilis: ergo solum potest ei tribui productio speciei. Minorem probo, quia illustratio alicuius rei eo tendit, ut res illa (si sit obscura) manifestetur, & appareat, sed species intelligibiles productæ in intellectu possibili, clarè, & distinctè repræsentant res intelligibiles, eo modo, quo repræsentabiles sunt per species impressas, nec sunt capaces talis repræsentationis: ergo nec necessaria est, nec naturaliter possibilis talis illustratio specierum. Quod verò nul- 40 lam possit habere actionem intellectus agens circa phantasmata, probatum est à nobis iam contra primam opinionem.

Probarur tandem ultimum assertum nostrum, quod per productionem speciei intelligibilis in intellectu possibili illustrentur phantasmata, quia illustrari phantasmata metaphorica locutio est desumpta ex vera, ac materiali illustratione eorum, quæ sunt in aëre tenebroso, ut colores, & ex eo dicuntur illustrari, quia illuminato aëre apparere incipiunt vitui & ab eo percipi, sed producta specie in intellectu possibili, per quam re- 41 præsentantur eadem res, quas repræsentant phantasmata, incipiunt apparere intellectui, & ab eo cognosci, cum prius nec ei apparerent, nec ab eo cognoscerentur, sed se haberent in ordine ad intellectum, sicut colores existentes in obscuro loco se habent ad visum: ergo per productionem speciei dicuntur ipsæ illustrari, & consequenter phantasmata, à quibus repræsentantur, per quamdam metaphoricam locutionem. Qua usus est Arist. c. 5. huius libri comparans intellectum agentem, & operationem eius cum lumine, & illuminatione eius materiali, ut verba eius ostendunt; atque etiam D. Thom. ubique de hac 42 re loquitur, ut actionem intellectus agentis circa possibilem explicarent. Ex quo intelligitur actionem intellectus agentis per quam producit species intelligibiles, simul esse circa intel-



lectum possibilem & circa phantasina: diuersata tamen ratione, nam circa intellectum dicitur esse tanquam circa subiectum, de cuius potentia educitur species, & in quo eadem actio cum specie, recipitur. Circa phantasmata verò non tanquam circa subiectum, sed tanquam circa obiectum extrinseca ratione illuminatum, in quantum obiectum representatum in phantasmate soli phantasie, representatur de nouo intellectui in eadem specie intelligibili producta in eo ab intellectu agente. Et in hoc sensu asserit D. Thomas actionem intellectus agentis versari circa phantasmata, non in priori, in quo constat præuiam esse intellectiōni talem illustrationem eorundem phantasmatum.

Ad argumentum verò eiusdem sententiæ concedendum est, quod intellectus agens non possit illuminare phantasmata, nisi per actionem; negandum verò, quod talis actio non possit esse circa intellectum possibilem, & cum dicitur per actionem circa intellectum possibilem nihil prouenire posse phantasmatibus, distinguendum est, quia nihil intrinsecum eis prouenire potest, sed benè aliquid extrinsecum, nempe fieri actu intelligibilia obiecta in eis representata: cum prius solum essent intelligibilia in potentia; atque etiam abstrahi à phantasmatibus, in quantum altiori, ac eleuatori modo representantur per species spirituales, & immateriales.

### Q V Æ S T I O III.

*An & quo modo concurrat phantasma cum intellectu agente ad productionem speciei intelligibilis.*

**V**T melius intelligatur quæstio, illud præsupponere oportet tanquam in hac re certum, necessario requiri præsentiam phantasmatum, vt possit intellectus agens producere speciem obiecti intelligendi in intellectu possibili, quod experientia patet: quia in omnibus potentiis cognoscitiuis constat non produci speciem, nisi præsentem obiecto: ergo nec in intellectu produci potest, obiectum autem intelligibile non est præsens, nisi vt representatum per phantasma: ergo necessaria est præsentia phantasmatum, vt determinetur intellectus agens ad producendam speciem talis obiecti; nam ex se indeterminatus est, nec determinari potest, nisi ab obiecto præsentem per phantasma. Sed an phantasma præsens adiuuet intellectum agentem, vel cum eo concurrat ad producendam speciem, & quonam modo, in hoc est posita difficultas quæstionis.

Circa quam prima opinio asserit phantasma concurrere cum intellectu agente ad productionem speciei tanquam causam partialem, ita vt ex utroque resultet vna totalis eiusdem effectus. Ita videtur sentire Scotus in 1. dist. 3. quæst. 8. ad 1. & quamuis

Toletus

Toletus putet velle Scotum asserere quod solum sit causa instrumentalis : sed contextus verborum Scoti partialem causam potius quam instrumentalem denotat. Et probari potest , quia obiectum est causa efficiens speciei per virtutem obiectiuam , quam habet : ergo non potest concurrere tanquam instrumentum , quia hoc non agit per virtutem propriam : sed per eleuationem ab agente principali ; quare phantasma representans obiectum intelligibile , concurret cum intellectu agente ad productionem speciei , non ut instrumentum , sed ut partialis causa.

Secunda opinio ex diametro opposita negat omnino , quod 46  
phantasma vllum concursum effectiuum præstet ad productionem speciei intelligibilis , hoc est , nec partialem , nec instrumentalem : sed solum se habere putat tanquam materiam determinantem intellectum agentem , qui cum ex se sit indifferens ad producendam speciem cuiuscunque obiecti , per præsentiam phantasmatis determinatur ad producendam speciem eiusdem obiecti per phantasma representanti , & non alteram , eo ferè modo , quo concurret exemplar externum ad productionem effectus artificialis , ut dum artifex assumit sibi imaginem aliquam quasi pro exemplari determinante actionem , 47  
eius , non quidem per effectiuum concursum , (quem certum est non præstare) sed solum per suam præsentiam præbendo determinatam materiam. Ita sentiunt ex recentioribus nonnulli. Probatum testimonio D. August. 12. super Genes. ad litteram in fine cap. 15. & in principio 16. his verbis loquentis. *Nec sanè putandum est facere aliquod corpus in spiritu tanquam spiritus corpori facienti materia vice subdatur. Omni enim modo præstantior est , qui facit ea re , de qua aliquid facit , neque ullo modo spiritu præstantius est corpus , imò perspicuo modo spiritus corpore , &c.* Quæ si 48  
benè expendantur , probare videntur ex mente D. August. nullam posse causalitatem efficientem tribui phantasmati ad productionem speciei. Nam in primis asserit non posse spiritum vice materiæ subdi corpori circa se aliquid faciendi : sed si phantasma concurret effectiue cum intellectu agente , siue ut causa partialis , siue ut instrumentum , verum est agere in intellectum possibilem , & hunc ei subdi vice materiæ ; cum sit subiectum actionis eius , atque effectus producti , videlicet speciei intelligibilis ; & hoc reputat impossibile D. August. Ergo ex mente eius nulla causalitas efficiens potest tribui phantasmati : nam & quacumque etiam sequitur idem phantasma præstantius esse intellectu. Quod patet esse falsum.

Probatum deinde ratione primò , quia res inferior non potest 49  
naturaliter agere in rem superiorem , neque corpus in spiritum , etiam ut instrumentum ; quod adeo verum est , ac necessa-

rium, vt ex Scholasticis non pauci putent, nec de potentia absoluta Dei fieri id posse, & ideo maxima premuncur difficultate omnes in explicando modo, quo dæmones, & animæ torquentur igne inferni, quod non foret adeò difficile explicatu, si posset ignis tanquam instrumentum Dei agere in spiritum, sed phantasma quamuis illustratum, vel eleuatum ab intellectu agente, corporeum est; ergo non potest vlllo modo agere in intellectum possibilem ad producendam speciem intelligibilem. Secundo, quia instrumentum præsertim apud D. Thom. debet habere præuiam aliquam operationem ex propria virtute circa passum, per quam disponatur, vt possit eleuari à principali agente, alioqui si nihil proprium habeat, non dicitur agere ipsum, sed solum agens præcipuum, vt si ferra propria virtute non secaret, eleuari non posset ab artifice ad producendam cum eo effectum artis, sed constat phantasma, etiam illuminatum nihil agere posse propria virtute circa intellectum possibilem: cum iste sit spiritualis, & illud corporeum, ergo nec poterit vllam habere causalitatem, etiam instrumentalem, ad producendam speciem.

- § 1 Tertia opinio asserit ad productionem speciei intelligibilis concurrere intellectum agentem vt præcipuam causam; phantasma verò vt instrumentum. Ita Diuus Thom. 3. par. quæst. 9. artic. 4. ad 2. sed expressiùs id docet quæst. 10. de Veritate, artic. 6. ad 7. hisce verbis: *In receptione, qua intellectus possibilis species rerum accipit à phantasmatis, se habent phantasmata, vt agens instrumentale, & secundarium, intellectus verò agens, vt agens principale, & primum, & ideo actionis effectus relinquitur in intellectu possibili secundum conditionem alterius tantum, & ideo intellectus possibilis recipit formas vt intelligibiles actu ex virtute intellectus agentis, sed vt similitudines determinatarum rerum ex cognitione phantasmatum.* Capreol. in 2. dist. 3. quæst. 2. ad argum. Durand. contra 8. conclus. Caietan. 1. par. quæst. 55. articul. 2. ad 2. & quæst. 79. articul. 3. Ferrar. 2. lib. contra gentes, cap. 77. Soncin. 7. lib. Metaphys. quæstio. 12. & 14. Iauel. 3. lib. de anima, tractat. de intellectu agente, quæst. 3. Bañez 1. par. quæst. 79. articul. 3. dub. 4. & omnes ferè recentiores: & videtur nobis probabilior: quamuis difficile sit rationem aliquam efficacem eius reddere.
- § 2

Duo igitur à nobis probanda sunt, primum, quod aliquo modo concurrat effectiue phantasma ad productionem speciei intelligibilis, & non solum tanquam materia, aut in genere causæ materialis. Hoc enim est, quod secunda opinio negat, & in quo conueniunt, prima, & tertia. Secundo probandum nobis est, quod talis causalitas efficiens phantasmatum instrumentaria tantum sit, & non principalis, etiam partialis, vt  
afficit

asserit prima opinio ; & primum quidem difficile est efficaciter probare , sed egregiam rationem eius insinuauit Diuus Thomas ( si verba eius citata expendantur ) sic formandam , species intelligibilis producta ab intellectu agente duo habet , & quod spiritualis sit , & quod sit similitudo talis rei determinatæ : ergo secundum utramque rationem debet , ei assignari efficiens causa , sed intellectus agens , qui absque dubio causa efficiens est eiusdem speciei secundum rationem priorem , non potest eam producere secundum posteriorem , nisi effectiue concurrente phantasmate ; ergo non potest ei denegari aliqua efficientia . Probatur minor , quia à solo intellectu agente , & conuersu eius non potest habere species determinatam representationem ; imò nec potest esse representatiua obiecti : quia intellectus agens ex se nullam habet similitudinem cum obiecto : ergo nec potest solus producere similitudinem eius , quæ est species ; necesse est ergo tribuere aliquam efficientiam phantasmati coniuncto cum intellectu agente , vt ita species secundum utramque rationem possit ab eo simul cum phantasmate operante effectiue procedere . Et si dixeris sufficienter determinari intellectum agentem per solam præsentiam phantasmatum præbentis ei determinatam materiam pro determinata specie producenda , etiam si nullam efficientiam præstet ad productionem eius : sed materialiter tantum concurrat , quemadmodum imago ad cuius similitudinem altera depingitur . Probo non posse hoc modo se habere phantasma , quia nulla causa realis determinatur per solam præsentiam alterius rei ad productionem talis effectus , vt euidenti inductione constat ; ita vt nullus dari possit casus talis determinationis : sed vt minimum ad eam requiritur subiectum , vel materia sub determinatis dispositionibus talem formam potius , quam aliam petentibus ; ergo non sufficit præsentia phantasmatum ad determinandum intellectum agentem ex se omnino indifferentem , quia nec potest se habere tanquam subiectum , vel materia tali modo dispositum : cum constet non posse intellectum agentem circa illud agere , vt circa subiectum . Nec tandem potest se habere phantasma , tanquam causa exemplaris : quia exemplar solum potest reperiri in agentibus per cognitionem , qualis non est intellectus agens : quare nec potest se habere phantasma ad illum tanquam imago , ex qua veluti depingat alteram . Quod verò à quibusdam recentioribus excogitatur , nempe phantasma per solam sympathiam determinare intellectum agentem absque concursu aliquo efficiente . Insufficiens est , quia cum sit determinatio obiectiua in ordine ad productionem similitudinis eiusdem obiecti , & species

producta sit virtus eiusdem obiecti, ut talis concurrens ad intellectionem, non est intelligibile, quod absque efficientia eiusdem obiecti, seu phantasmatis naturaliter producat. Alioquin etiam posset dici, quod per solam sympathiam determinatur sensus interior ab specie expressa inferioris absque ulla efficientia; quod patet esse falsum; denegari ergo non potest phantasmati efficientia aliqua ad productionem speciei.

- § 7 Sed quod efficientia hæc non sit partialis causæ, etiâ minus principalis, ut asserit Scotus: sed solius instrumenti; probatur, quia hoc est apertum discrimen inter partialem causam, & instrumentum, quod illa attingit effectum propria virtute, & non per solam motionem alterius causæ: instrumentum verò non potest propria virtute effectum attingere: sed tanquam virtus alterius, vel per solam eleuationem eius: sed phantasma non potest propria virtute agere circa intellectum possibilem, nec attingere speciem intelligibilem: cum utrumque sit spirituale, phantasma verò quomodocumque acceptum materiale, & corporeum, ergo repugnat ei concursus partialis causæ efficientis.

- Ad argumentum pro Scot. distinguendum est antecedens;
- § 8 quod obiectum sit causa efficiens speciei per virtutem obiectiuam, quam habet: nam speciei proportionatæ propriæ virtuti, & in potentia etiam sibi proportionata, verum est, & experientia probatum in obiectis sensibilibus: sed speciei superioris ordinis, & in potentia etiam altioris ordinis producendæ, planè falsum; & ita se res habet in phantasmate repræsentante obiectum materiale, cuius virtus obiectiua inferioris ordinis est respectu speciei intelligibilis, atque etiam intellectus, in quo producenda est, cum materiale, & corporeum sit phantasma: intellectus verò, & species spirituales, & incorporeæ, & propterea nec phantasma, aut obiectum ab eo repræsentatum propria virtute possunt immutare intellectum, nec producere in eo speciem. Et si dicatur effectum cuiuslibet causæ procedere similem virtuti propriæ eius, per quam operatur, & non instrumento: sed species intelligibilis procedit similia phantasmati, & obiecto ab eo repræsentato: cum illud idem repræsentet; ergo erit causa eius per virtutem propriam, & non instrumentum, quia effectus non assimilatur instrumento non
- § 9 agenti per virtutem propriam. Respondeo phantasmata, seu obiectum ab eo repræsentatum duo habere; nempe rationem obiectiuam: sed improporcionatam, & ratione prioris non est instrumentum: sed ratione posterioris, quia propter improporcionem non potest agere, nisi eleuetur; imò propter eam eleuatur, quia si haberet proportionem, præcipua, ac totalis causa foret speciei, & nullo modo indigeret intellectu agente ad illam

illam producendam; propter rationem igitur obiectiuam assimilatur ei species intelligibilis, & propter improprietatem habet rationem instrumenti, cui non posset assimilari species, nisi adesset obiectiua ratio. Ad formam igitur argumenti dum dicitur, effectum non assimilari instrumento, distinguo; sub ratione instrumenti concedo: nam alioqui cuicumque instrumento assimilaretur: nego tamen, quod non assimilatur ei ut instrumento tali, nempe obiectiui, quod quidem propter improprietatem habet rationem instrumenti, non propter rationem obiectiuam.

Testimonium D. August. in fauorem secundæ opinionis 60  
propositum intelligitur de causalitate propriæ virtutis, qualis est in causa principali totali, vel partiali; non de instrumentaria, quam non habet instrumentum ex propria virtute: sed ex virtute causæ principalis; quæ cum sit eiusdem ordinis cum subiecto, circa quod agit, & cum effectu, quem circa illam producit, non dicitur agere in rem superiorem, nec producere effectum se superiorem, ut si ad propositum accommodetur. Phantasma non agit in intellectum possibilem, nec producit in eo speciem intelligibilem propria virtute corporæ, & materiali, & ideo nec ut materiale, & corporeum est: sed ut eleuatum ab intellectu agente spiritali, & immateriali; quare licet secundum se sumptum sit inferioris ordinis, non ut tale agit: sed ut aliquo modo attingit ordinem superiorem, hoc igitur modo non negat D. Augustinus agere posse: sed priori, ut contextus verborum ostendit.

Ad primum argumentum eiusdem sententiæ negandum est 61  
antecedens, quod corpus non possit agere in spiritum, etiam ut instrumentum: nam valde probabile est Sacramenta producere gratiam in anima, ut instrumenta Physica eleuata à Deo. Nec in eo posita est præcipua difficultas pænæ dæmonum, an possit ignis ut instrumentum Dei actione Physica in eos agere: sed potius in modo, quo per talem actionem ignis, vel per alligationem in eo, aut quouis alio possit eis grauis adeo inferiori pænâ; quare ex hoc non potest probari, quod phantasma non possit agere in intellectum possibilem virtute agentis. Sed licet admitteretur corpus nullo modo posse agere in spiritum, non probaretur, quod phantasma non possit agere in intellectum: nam ipse, & anima, non sunt purè spirituales, sicut Angeli: sed sic anima spiritalis est, ut sit vera forma corporis, sic intellectiua, ut simul sit vegetatiua, & sensitiua; sic spiritalis, ut per informationem corporis perficiatur in proprio esse, atque etiam in modo intelligendi sibi connaturali. Vnde fit, ut sic intellectus eius habeat sibi naturaliter subordinatas potentias sensitiuas,

fenfitiuas, vt mediis operationibus earum perficiatur in eodem modo intelligendi : & hinc est , quod phantasma hominis propter radicationem in eadem anima cum utroque intellectu, & propter naturalem subordinationem , & sympathiam aptum sit eleuari ab eodem intellectu agente ad producendam speciem in intellectu possibili eiusdem obiecti materialis à se representari:

- 62 Ad secundum resp. ex his, quæ in 7. lib. Physic. adnotaui de instrumentis, necessarium quiddam esse , quod instrumentum aliquod proprium habeat, ratione cuius possit eleuari ab agente præcipuo, eique correspondeat aliqua ratio in effectu producto ab utroque; quamuis non sit necessarium, quod habeat ex propriis operationem distinctam ab actione agentis præcipui; habet igitur ex propriis phantasma esse expressam similitudinem obiecti naturaliter subordinatam intellectui , & quæ posset imprimere speciem obiecti à se representati potentia sibi proportionata, ex quo aptum est, vt eleuetur ad imprimendam speciem eiusdem obiecti in intellectu, ex quo etiam correspondere potest ei in specie intelligibili ratio similitudinis talis obiecti, quamuis non possit ex propria virtute distinctam habere operationem ab intellectu agente circa possibilem : solum eandem operationem cum eo, eleuatam ab eo exercere, quod ad rationem instrumenti sufficere putandum est.

#### Q V Æ S T I O IV.

*An intellectus agens , & possibilis sint potentia anima realiter distinctæ.*

- 63 PRæsupponit titulus quæstionis , quod intellectus agens sit potentia , seu virtus animæ , per quam materialia obiecta intelligibilia solum in potentia ab intellectu possibili fiunt actu intelligibilia per speciem intelligibilem spiritualem productam in eo ab eodem intellectu agente simul cum phantasmate : & hanc potentiam animæ spiritualem esse, & immaterialem, sicut anima ipsa, in qua est. Nec esse corpori , aut alicui parti, vel organo eius permixtam, quod est non esse organicam, sicut visum, & alios sensus : sed immediate inherere animæ, & idèò separabilem esse corpore cum eadem anima , quæ omnia docuit expressè, atque probauit Aristoteles cap. 5. huius libri, & D. Thom. efficaciter etiam probauit 2. lib. contra gentes , cap. 78. & 1. par. quæst. 79. art. 4.

- 64 Vnde sequitur primò errasse in principiis veræ philosophiæ omnes , qui intellectum agentem amittentes illum non intra animam : sed extra, ac separatam ab ea posuerunt. Et in primis Plato 6. lib. de Republic. qui videtur sensisse intellectum agentem esse lumen diuini intellectus mentes nostras irradians, ac  
cis

eis imprimens intelligibiles species, per quas materialia obiecta fiant actu intelligibilia. Deinde errauit Auicenna 9. lib. Metaphys. cap. 4. & in lib. natural. cap. 5. qui intellectum agentem posuit substantiam quidem creatam extra animam, vt Angelum, vel quid simile, à quo nobis imprimantur earundem rerum species. Quod etiam tenuere cum eo Auemp. in epist. de lumine, & Auerr. in lib. de beatitudine animæ, cap. 5. & tam isti, quàm Plato consequenter putauerunt vnum esse intellectum agentem in omnibus hominibus: nam si separatus est ab anima, non est cur multiplicetur: sed vnus cum sit poterit omnibus hominibus species imprimere. Secundò sequitur errasse etiam alios (licet minùs) qui cum ponerent intellectum agentem intra animam, dixerunt esse habitum principiorum, per quem cognoscimus prima principia. Et vocatur ab Aristotele intellectus principiorum, 6. lib. Ethic. cap. 6. & 11. & cap. 5. huius libri, vocat eum habitum, vel artem. Hanc sententiam referunt Alb. in Summa de homine, cap. 3. & Diuus Bonauent. in 2. distinct. 14. artic. 2. quæst. 4. Et tandem errarunt alij, qui putarunt esse lumen quoddam deriuatum in animas nostras ab aliqua substantia superiori creata, & habere modum qualitatis tertix speciei, quam sententiam refert idem Albert. Magn. 2. lib. de anima, tract. 2. cap. 8. Probatum autem vtrosque errasse, quia habitus principiorum præsupponit notitiam terminorum; ergò intellectum agentem, à quo producuntur species eorum, quare repugnat intellectum agentem esse habitum: & cum intellectus agens sit virtus naturalis animæ proximè ordinata ad agendum, non potest esse qualitas tertix speciei: sed primæ, quæ est naturalis potentia.

Hac igitur veritate præsupposita, ac probata aduersus hos omnes philosophos, quod intellectus agens sit potentia animæ, præsupposito etiam alio quod superius ostendimus, videlicet non esse potentiam cognoscitiuam, aut intellectiuam, quærimus an sit eadem cum intellectu possibili, seu cognoscente, vel distincta realiter.

Et prima opinio negat esse potentias realiter distinctas: sed eandem esse putat prædicta officia diuersa habentem, à quibus diuersa nomina intellectus agentis, & possibili accipit, quam probabilem reputant Tolet. quæst. 14. huius libri. Conimbr. cap. 5. quæst. 1. art. 2. Suarius tom. 1. in 3. part. D. Thom. disp. 30. sect. 2. ad finem: sequuntur verò Maior in 2. distinct. 16. quæstio. vnica. Abulens. in cap. 23. Exodi. qu. 70. Niphus lib. 1. de intellectu, tract. 4. cap. 21. & ex recentioribus non pauci. Quorum præter rationes alias, hoc videtur potissimum fundamentum, quod non sunt multiplicandæ entitates reales præter



(præsertim si sint potentia ad operandum) sine ratione conuincente, sed non datur ratio conuincens ad distinguendas has potentias, ut constabit ex discursu quaestionis; ergo non debent poni distinctæ potentia intellectus agens, & possibilis.

- 68 Sed ratione probant primò, quia si intellectus agens distincta potentia est à possibili: sequitur hæc aperta contradictio, quod sit potentia vitalis, & non vitalis, vitalis quidem, quia sequitur naturaliter animam, quæ est principium vitæ; cum ea conuertitur, & cum ea separatur à corpore: quod verò vitalis non sit, probatur, quia non est principium actû vitalis, nam solum est principium producendi speciem intelligibilem, quam productione fatetur opposita sententia non esse actû vitale: & probatur apertè, quia productio speciei sensibilis impressæ non est actus vitalis: cum fiat à solo obiecto non viuento: ergo nec productio speciei intelligibilis. Probât secundò, quia si intellectus agens ponatur distincta potentia à possibili sequitur hanc potentiam ociosam esse in anima, & omnino inutilem in statu separationis à corpore, quia nullum prorsus actum in eo statum habere potest; cum nulla sit ibi productio specierum ex phantasmatibus, hoc autem magnum incommodum est.

- 70 Secunda opinio ponit intellectum agentem esse potentiam animæ realiter distinctam ab intellectu possibili ita D. Thomas expressè. 1. p. qu. 79. artic. 7. his verbis. *Diversificatur tamen potentia intellectus agentis, & intellectus possibilis, quia respectu eiusdem obiecti aliud principium oportet esse potentiam actiuam: qua facit obiectum esse in actû, & aliud potentiam passiuam, qua mouetur ab obiecto in actû existente, & c.* Et paucis interpolitis. *Sic igitur nulla alia differentia potenciarum in intellectu esse potest, nisi possibilis, & agentis.* Et artic. 10. eiusdem quaestionis ubi sic ait: *Intellectus agens: & possibilis sunt diuersa potentia, sicut & in omnibus alia est potentia actiua, & alia passiva.* Ita Caietan. & Bannez, artic. 3. eiusdem quaestionis dubio 1. Ferrar. 2. lib. contr. gent. cap. 77. & 78. estque communis in schola D. Thom. quam Scotus etiam sequitur in 1. distinct. 3. qu. 8. ad primum. Albert. Magn. in Summa de homine, tract. de intellectu agente, quæst. 6. & ex recentioribus Toletus, Conimbl. locis citatis, & noster Valentia, 1. part. disput. 6. qu. 5. puncto 2. ad finem: qui omnes sentiunt esse propriam Aristotel. quia ubicunque de intellectu agente, & possibili loquitur, tanquam de diuersis potentiis loquitur, præsertim in principio huius capituli, text. 18. ubi sic ait: *Est quidam talis intellectus, qui omnia fit, quidam verò, qui omnia facit.* Et text. 19. *Et hic intellectus separabilis est, & immixtus, & impassibilis, substantia actû existens, semper enim honorabilius est agens patiente, & principium materia.* Et videtur nobis probabilior, non solum

solum propter tantorum virorum auctoritatem, sed ob efficaciora argumenta.

Primum colligimus ex verbis D. Thom. in primo loco; nam 71  
 potentia distinguuntur ex diuerso modo operandi circa sua  
 obiecta, non enim possunt diuersi modi operandi comprehen-  
 di ab eadem potentia, vnde hac potissimum ratione probamus  
 intellectum esse potentiam realiter distinctam à voluntate,  
 quia diuersos habent modos operandi; nam intellectus tan-  
 quam potentia cognoscitiua, & ideo passiuæ operatur attra-  
 hendo ad se obiectum, sibi que coniungendo: voluntas verò po- 72  
 tius operatur per modum inclinationis, ac tendentiæ in obie-  
 ctum præsupposita cognitione intellectus, & quia isti modi  
 operandi diuersi, quorum vnus præsupponit naturaliter alterum,  
 non possunt per eandem virtutem exerceri, distinguunt diuer-  
 sas: sed intellectus agens, & possibilis habent diuersos modos  
 operandi; quorum vnus præsupponit naturaliter alterum; ergo  
 sunt potetia realiter distinctæ. Minorem probo, quia proprius  
 modus operandi cuiuslibet potentie cognoscitiuæ, & consequen-  
 ter passiuæ est per attractionem obiecti ad se, sibi que illud cõ-  
 iungendo: modus verò operandi intellectus agentis, tanquam  
 potentia actiuæ, nec est per attractionem obiecti ad se, neque  
 illud sibi coniungendo: sed potius producendo illud, nempe spe-  
 ciem intelligibilem, quæ est proprium eius obiectum, ad quod  
 producendum per se ordinatur, & hanc productionem præsup-  
 ponit naturaliter modus operandi per cognitionem; ergo habet  
 distinctos modos operandi; quorum vnus præsupponit natura- 73  
 liter alterum. Nec potest dici quod modi isti operandi diuersi,  
 sint inadæquati, & ideo possint conuenire eidem potentia, sicut  
 modi operandi internorum sensuum, pro quibus vnā tantum  
 potentiam ponimus. Quia operationes, vel modi operandi in-  
 adæquati debent conuenire in vna aliqua ratione communi, ad-  
 æquata quidem tali potentia, sub qua comprehendantur omnes,  
 tanquam inadæquati, vt in eisdem internis sensibus contingit;  
 nam omnes modi operandi, & omnes operationes internæ  
 conueniunt in ratione communi adæquata cognoscendi obie-  
 ctum sensibile, sub qua comprehenduntur omnes tanquam in-  
 adæquate: sed modus operandi intellectus agentis, & possibili-  
 lis, & operationes eorum, non possunt habere rationem com-  
 munem, quæ sit adæquata eidem potentia, & sub qua com-  
 prehendantur propriæ, tanquam inadæquate; ergo nec pos-  
 sunt esse inadæquate. Minorem probo, quia neque conue-  
 niunt in modo operandi per attractionem obiecti ad se, nec  
 operationes in ratione cognitionis obiecti. Ex quo aliud argu- 74  
 mentum desumo satis efficax, quia nulla potentia cognoscitiua  
 inuenitur,

inuenitur, quæ possit habere actum, qui non sit cognitio, nec appetitiua, quæ non sit appetitio, ut in sensibus, voluntate, & appetitu constat, sed intellectus possibilis est potentia cognoscitiua; ergo nullum potest habere actum, qui non sit cognitio; sed constat productionem speciei non esse cognitionem; ergo nec potest esse actus intellectus possibilis, sed alterius potentia ab eo distinctæ, quæ est intellectus agens.

- 75 Probatum tandem, quia ad productionem speciei intelligibilis concurrebat phantasma cum intellectu agente tanquam instrumentum eius, sed eadem est actio realis instrumenti, & principalis causæ: ergo eadem est actio realis phantasmatis, & intellectus agentis circa intellectum possibilem, sed actio phantasmatis circa intellectum possibilem est transiens: cum non maneat apud se, sed transeat ad intellectum possibilem, tanquam ad subiectum, in quo recipitur: ergo repugnat hanc eandem actionem esse ab intellectu possibili realiter, tanquam à principio actiuo, sed ab alia potentia, quia nihil potest agere in se ipsum actione transeunte, sed immanente, nec possibile est eandem actionem realem simul esse immanentem, & transeuntem.

- 76 Fundamentum oppositæ sententiæ conditionatum est, quod non sint entitates, vel potentia multiplicandæ sine vrgenti ratione: vrgens verò ratio non debet esse demonstratiua, sed satis est intra latitudinem probabilitatis esse efficacem. Et in hac parte extant rationes pro distinctione reali intellectus agentis à possibili satis probabiles, & in hoc genere vrgentes, atque efficaces à nobis allatæ, extat etiam autoritas totius ferme Scholæ, quæ abundè satis sufficiunt, ut nostra potius sententia, quàm opposita amplectenda sit. De sensibus verò internis, qui obici possent, diuersam esse rationem, probauit prima ratio nostra, & efficaciores longè rationes attulimus pro eorum vnitatem, quàm afferantur pro identitate intellectus agentis, & possibilis.

- 77 Primum argumentum si aliquid probat, æquè procedit contra sententiam oppositam, ac contra nostram; nam ex eorum sententia sequitur eandem operationem esse vitalem, & non vitalem, quod sic probo: operatio per quam intellectus possibilis imprimit sibi species, procedit à potentia consequente naturam animæ rationalis, quæ est principium vitæ, ergo est vitalis; nam hæc videtur esse definitio vitalis operationis, ex alia verò parte probatur, quod non sit vitalis, quia terminus eius, qui est species, produci potest ab agente extrinseco, & in sensibus à solo obiecto non viuente produci-  
tur. Dicendum igitur est, intellectum agentem non esse  
potentiam

potentiam vitalem, sed inferiorem vitalibus, ut ex modo agendi eius, simili modo agendi potentiarum inferiorum, ut caloris, aut luminis satis est manifestum, & ideo nec productio speciei ab eo vitalis est operatio, sed solum habet esse prauiam, atque ex se ordinatam ad vitalem operationem. Nec satis est, quod intellectus agens procedat ab anima, quæ est principium vitæ, quia non procedit ab ea, ut à principio vitæ, sed secundum rationem inferiorem formæ substantialis eo ferè modo quo procedit ab eadem anima, tanquam à substantia spiritali proprietates substantiæ accidentibus spiritalibus, vel alia similis. Imò eo modo quo tenentur dicere authores oppositæ sententiæ productionem speciei procedere ab intellectu possibili, non ut à potentia vitali, sed secundum rationem inferiorem potentiæ non vitalis.

Ad secundum neganda est consequentia, quod intellectus 78  
agens in statu separationis animæ à corpore ociosus sit, vel superfluous, quia licet pro tempore illo careat propria operatione, habiturus est eam post reunionem eiusdem animæ perpetuò in corpore permanituræ. Quemadmodum ergo non iudicatur inutilis, vel ociosus in statu separationis appetitus naturalis animæ ad informandum corpus, quamuis pro toto illo tempore non informet, sed satis esse existimatur, ut ociosus non sit, quod suo tempore informatura sit, & informauerit: ita non potest ociosus iudicari intellectus agens in statu separationis, licet in eo non operetur, sed satis est operaturum esse, dum animam reünitur corpori. Imo etiam, si nunquam foret amplius operaturus, ociosus non esset, sed satis esse iudicaretur, quod aliquando operatus fuerit, & pro toto sequenti tempore, aut etiam pro tota æternitate ad ornatum, & integritatem animæ rationis quantum ad omnes suas virtutes permaneret. Quod exemplo potentiæ vegetatiuæ ostenditur in cor- 79  
poribus beatorum permanentis, quamuis nullam operationem sit habitura in tota æternitate, nam in illo statu, nec nutriuntur corpora, nec vlla sit conuersio alimenti, quam constat esse propriū actum huius potentiæ, & nihilominus nec ociosa iudicatur, quia iam habuit proprium actum, & ad integritatem corporis viuentis, quoad omnes suas potentias, quas accipit ab anima necessarium iudicatur permanere.

## A P P E N D I X

## D V B I V M.

*Uter sit altero perfectior intellectus agens, vel possibilis.*

**P**Ræsupposito, quod sint distinctæ potentia, quærimus, utra sit nobilior altera.

80 Et videtur nobiliorem esse intellectum agentem, quia Aristoteles id expressè docet, & probat; c. 5. huius libri textu 19. his verbis. *Semper enim honorabilius est agens patiente, & principium materia.* Nomine autem agentis, atque principij agentem intellectum designat, & nomine patientis, & materiae intellectum possibilem; ergo sentit illum esse nobiliorem. Quod docuit etiam D. Thomas 2. dist. 26. qu. 2. art. 2. ad 2. inquitens intellectum agentem altiore potentiam esse, quàm possibilem.

Dubium hoc hac distinctione soluendum est: Intellectus possibilis potentia passiva vocatur, non quod purè passiva sit, vel solum habeat pati, seu recipere; nam si hoc solum haberet, omnium potentiarum esset imperfectissima, sed passiva ideò dicitur, quia cognoscitiva est, & in ordine potentiarum intellectiuarum infima, quia ex se non habet ullam formam intelligibilem, per quam possit proprium actum cognitionis exercere, nec petit ex propria natura, ut ei infundatur, sed ut ab obiecto media aliqua actiua virtute eam recipiat eductam ex propria potentia, quod est sub genere intellectiuarum potentia imperfectissimum. 81 Habet igitur perfectionem intellectiuarum potentia (quæ absque dubio maxima est) sed cum prædicta imperfectione sibi ab intrinseco annexa. Ideò dupliciter considerari potest, vel secundum proprium actum vitalem intelligendi, quem tanquam actiuum, atque intrinsecum principium elicit, vel secundum passionem, & receptionem speciei intelligibilis præuiam, ac necessariam ad intelligendum.

Et iuxta has duas considerationes dicendum est, quod si fiat comparatio intellectus possibilis cum agente secundum priorem (quæ absoluta est,) longè perfectior est illo, sicut potentia vitalis, & actus cognitionis perfectiores sunt non vitalibus: Si verò comparentur secundum considerationem posteriorem (quæ solum vocatur secundum quid) perfectior est intellectus agens, quia in quolibet genere perfectius est agens passio. Aristoteles igitur, & D. Thom. solum loquuntur iuxta hanc posteriorem considerationem; non iuxta priorem, & eodem modo procedit argumentum; quare nihil probat aduersus solutionem dubij traditam.

T R A

TRACTATUS DE NATURA,  
ACTV ET OBIECTO  
intellectus possibilis.

QVÆSTIO I.

*An sit, & quid intellectus possibilis.*

**Q**uidam putantes animam rationalem non informare <sup>82</sup>  
corpus, sed ei assistere ad intelligendum, sicut nauta  
assistit naui ad motum, consequenter posuerunt in-  
tellectum possibilem separatum à corpore cum ipsa anima,  
plenumque speciebus à principio: per quas intelligens anima  
ipsa communicat intellectionem corpori, sicut nauta commu-  
nicat motum naui. Ita quidem ut pro singulis, ac distinctis ho-  
minibus dentur singuli, ac distincti intellectus eis assistentes.  
Ita videtur sensisse Plato, & cum secutus Plat. ut testatur Phil.  
cap. 4. huius lib.

Alij verò putauerunt intellectum possibilem pertinere ad <sup>83</sup>  
substantiam animæ rationalis, quæ ex possibili, & agenti tan-  
quam ex duplici parte substantiali composita est: ex possibili  
quidem, ut materia, & ex agente, ut forma; vnumque in omni-  
bus hominibus singulis assistentem ad intelligendum; eam verò  
semper intelligere, quia non intelligit per species, sed ex eo  
solum, quod lumen intellectus agentis communicatur possibili,  
homines verò successu temporis intelligere, quia licet à prin-  
cipio suæ generationis eis assistat anima, & intellectus, sed non  
communicatur eis à principio lumen intellectus agentis, sed  
precedente tempore, & quò plus vel minus eis communicatur,  
plus etià vel minus intelligunt. Ita sentiunt Themist. in suo <sup>84</sup>  
2. lib. de anima, à cap. 13. Ita etià Theophrastus, ut testatur  
Auerr. 3. lib. de anima comm. 5. & ab hac sententia hoc solum  
differt idem Auerr. quia vtrumque intellectum ponens in anima,  
non eos ponit tanquàm partes componentès, sed tanquàm virtutes  
eius. Et hi omnes negant omninò intellectum esse potentià or-  
ganicam, sed extra organicas eum omninò collocant in anima.

Sed alij, organicam potentiam illam efficiunt in mixtione  
elementorum resultantem cum anima ipsa, & ideò vtrumque  
corruptibilem, ac mortalem. Ita sentiunt Auemp. & Albumazar,  
quos citat Auerr. vbi supra. Et Alex. ca. 4. huius lib. Sed diuersis  
incedunt viis: nam isti putant intellectum possibilem esse vir-  
tutem animæ organicam recipientem influxum ab intellectu  
agente separato, qui est Deus, & per talem influxum recipere  
etià ab eo species, per cæque intelligere. Illi verò influxum <sup>85</sup>

intellectus agentis separati concedentes, negant quod ab eo recipiat species, sed putant intellectum esse virtutem imaginatiuam singulorum hominū habentem propria phantasmata à se formata mediis externis sensibus, eiusmodi autem phantasmata imaginatiuæ virtutis per influxum intellectus agentis illustrari, & per talem illustrationem relucere in eis naturam vniuersalem, sine conditionibus singularitatis: cum ante illustrationem repræsentarentur eum eis; & ita imaginationem ipsam per species proprias, seu phantasmata sic illustrata intelligere, & non per alias ab intellectu agente receptas.

86

Vera tamen sententia Aristotelis cap. 4. huius lib. duo asserit. Primum, quod intellectus possibilis, seu cognoscitiuus rerum sit potentia anima rationalis ei inharens, & propriam naturam eius consequens, eique concessa ad intelligendum res omnes. Secundum, non esse potentiam organicam, sicut sensitiuam, nec immediatè inhaerere corpori, vel alteri parti eius, sed animæ, & media anima esse in toto corpore, & in singulis partibus eius, & ita animam esse, qua immediatè per ipsum intelligit, & communicata anima corpori per informationem, communicari ei intellectum, & operationem eius; ita ut verum sit hominem intelligere per animam, & intellectum. Ita sentiunt cum Aristotele ceteri omnes interpretes, tam recentiores, quàm antiqui, in eodem capit. 4. ita etiam Scholastici cum Diuo Thoma 1. part. quæst. 79. art. 1. &

87

2. & Scotus in 1. distinct. 3. Et probatur hoc argumento, sicut sentire conuenit homini ratione naturæ sensitiuæ sibi essentiali, atque intrinsecæ, ita intelligere, & velle conueniunt homini per naturam rationalem: cum notum sit ei soli, & non brutis conuenire; sed sensus per quos elicit sensationes non possunt esse extra ipsum nec virtutes ab eo separatæ: ergo nec intellectus, & voluntas, per quas virtutes elicit intellectiones, & volitiones possunt esse ab eo separatæ, aut extra ipsum; sed necesse est intra ipsum hominem esse, præsertim cum anima cuius virtutes, & potentiæ sunt, sit vera forma informans corpus, & constituens eum eo hominem. Probatur minor, quia sensationes, & intellectiones sunt vitales operationes hominis, ut sensitiui, & intellectiui, sed operationes vitales debent procedere à principio intrinseco efficiente: ergo sensus & intellectus qui sunt potentiæ, à quibus procedunt, debent esse intra ipsum, & non extra, falsum est ergo extra hominem intellectum ponere.

88

Secundum quod asserit vera sententia, est intellectum possibilem non esse potentiam organicam immediatè inhaerentem corpori, vel alicui parti eius: sed immediatè esse in anima tanquam in subiecto, & media anima esse in corpore, & singulis eius partibus; Probatur primò, ex modo operandi, quia virtus organica

organica ira alligatur corporeo organo, vt nihil possit præter sensibilia ac singularia accidentia percipere, nec reflecti supra proprium actum, vt eum cognoscat: quæ omnia euidenter experientia sunt omnibus nota; sed intellectus non sola singularia cognoscit, sed vniuersalia, nec solum sensibilia, & corporea, sed incorporea, reflectiturque supra proprium actum, & illum cognoscit, quæ omnia non minus euidenter ostendit experientia: ergo euidenter falsum est, quod intellectus sit potentia organica, vt plures ex eisdem philosophis sentiunt.

Secundò quia euidenter experientia docet omnem virtutem organicam lædi à vehemēti sensibili, & debilitari debilitato corpore. Et eadem experientia docet intellectum non lædi ab excellenti intelligibili, sed quò perfectius est, magis ab eo perficitur, & quò magis debilitatur corpus, eò intellectus perfectius intelligit, vnde prudentiores videntur esse seniores: ergo intellectus possibilis non est potentia organica: 90

### Q V Æ S T I O I I.

*An necessariò sint ponenda species intelligibiles in nostro intellectu ad intelligendum.*

**S**ufficeret in 2. lib. disputasse de speciebus sensibilibus, probasseque necessarias omninò esse ad sentiendum, vt putamus nò esse minùs necessarias intellectui nostro ad intelligendum. Nisi adessent plures etiam ex his, qui eas in sensu admittebant, negauerint in intellectu dari, sed posse immediatè moueri à phantasmatibus, & per illa intelligere singularia omnia in eis repræsentata, & consequenter vniuersalia. Ita ex antiquioribus interpretibus Aristotelis Themistius in suo 3. libr. de anima cap. 20. Theophrastus, & Aucmp. ad 4. cap. huius libri; ex Theologis verò Henri. quodlib. 4. q. 4. 5. & 8. & quodlibet. 5. q. 4. Durand. in 2. d. 3. quæst. 6. Bachon, q. 2. prolog. Goffri. quodlib. 9. q. 10. & Gab. in 2. d. 3. q. 2. quamuis author iste ad cognitionem intuitiuam dumtaxat necessarias non esse arbitretur, benè tamen ad abstractiuam. Probari potest hæc sententia exemplo internorum, atque externorum sensuum; nam propter solam subordinationem naturalem possunt interni cognoscere obiecta proximè eis repræsentata per actus externorum. Et appetitus fertur in suum obiectum ei repræsentatum per sensum, atque etiam voluntas in bonum repræsentatum sibi per intellectum: ergo poterit intellectus ipse ferri in obiecta sibi repræsentata per phantasmaria, præsertim illustrata, in quibus naturæ vniuersales relucent, & quæ sunt actus, vel species expressæ phantasie sibi subordinatæ absque aliis speciebus. Secundò quia si intellectus intelligit per species: ergo semper, & necessariò erit in 91



actuali intellectiōne contra euidētem experientiam. Probarur consequentia, quia eas quas semel accipit, sēper apud se retinet in memoria, ergo semper intelligit per eas, quia sola potentia, cū specie obiecti sufficiens, principiū intellectiōnis est.

- 93 Communis tamen, & vera sententia Scholæ, *tenet necessaria ponendas esse species obiectorum in intellectu possibili, per quas obiecta omnia possit percipere, nec sufficere phantasmata ad intelligendum.* Ita Alensis, 2. p. q. 24. memb. 2. & 3. & q. 26. num. 2. & ceteri omnes Scholastici in 2. d. 3. Alb. Magn. art. 15. D. Bonau. art. 2. qu. 1. Richa. art. 3. qu. 2. Scotus q. 6. D. Tho. 1. p. q. 55. art. 1. ac tandem omnes interpretes Arist. præter citatos pro opposita sententia, c. 4. & 5. huius lib. Colligitur verò ex his, quæ de intellectu possibili docet Aristotel. cap. 4. & 5. videlicet actu nulum esse intelligibile, sed potentia omnia, fieri autem omnia actu per intellectum agentem, qui est omnia facere, quæ non possunt esse vera, nisi ratione specierum in eo productarum, per quas ei vniuntur obiecta, & dicitur ipse singula fieri in esse intelligibili, in quantum sibi repræsentantur per species; nam per se extra sunt, & ab eo separata.

- 94 Probarur deinde ratione primò, quia ab obiecto, & potentia paritur notitia, vt ex D. August. superiùs attulimus: ergo ex utroque fit vna causa totalis, & completa eius; quare necesse est obiectum vñiri intellectui ad talem concursum præstandum cum eo, sed constat non posse ei vñiri per se, cū sit extra ipsum, & ab eo separatum: ergo necesse est, quod per aliquam virtutem propriam vniatur, & hanc virtutem vocamus speciem intelligibilem. Hæc igitur necessitas est ad intelligendum. Ex quo efficaciter sequitur non esse minùs necessaria in intellectu nostro, quia si obiecta sensibilia proportionata sensibus non possunt cum eis concurrere ad sensationes, nisi eis vnita per species, à fortiori eadem obiecta sensibilia, & corpora omnia intellectui improporionata non poterut percipi ab eo, nec cum eo concurrere ad intellectiōnem, nisi proportionata fiant, & vñiantur ei per species. Et hæc argumēta planè ostendunt non posse phantasma repræsentans obiectum concurrere per se cum intellectu ad notitiam eius eliciendam, cū non sit ei proportionatū, nec intimè præsens; sed extra ipsum, nec ideo posse per se ei vñiri; nec cum reducere de potentia in actum, nisi media specie intelligibili spiritali, per quā fiat obiectum, quod repræsentat proportionatum eidem intellectui, & actu intelligibile ab eo, sitque intra ipsum, & intimè ei præsens; & ideo falsum esse fundamentum oppositæ sententiæ.

- 96 Exemplum verò de sensibus internis, & externis nihil valet; nam sensus internus non operatur per speciem, vel sensationem

nem externi, sed necesse est, quod his mediis producatu-  
 species alia in sensu interno ei proportionata, per quam fiat in  
 actu primo potens elicere sensationem. Ita ergo licet phanta-  
 sia sit potentia subordinata intellectui possibili, non sufficit spe-  
 cies, vel sensatio eius ad reducendum actum intellectum  
 possibilem, quia inferioris ordinis est, & omnino impropor-  
 tionata; cum sit materialis, & corporea: sed requiritur necessa-  
 rio species alia superior spiritualis proportionata intellectui,  
 ad quam producendam ponitur intellectus agens eleuans phan-  
 tasma, ut secum concurrere possit ad eam producendam. Vo-  
 luntas verò, & appetitus non sunt potentie cognoscitiue, sed  
 appetitiue, & ideo non operantur attrahendo ad se obiectum  
 sibi que vniendo, sed per modum inclinationis, ac tendentie in  
 ipsum, ut est in sequare nec sunt potentie passiuæ, nec indigēt  
 specie per quam reducantur in actum, sed sufficit eis per spe-  
 ciem expressam potentie cognoscitiue repræsentari obiectum  
 extra ipsas, ut in ipsum tendere possint.

Secundum argum. facile soluit Auicenna lib. 6. natur. p. 6. cap. 97  
 6. admittens quidem species in intellectu, asserens verò statim  
 intellectiōne facta transire, sicut species visibiles statim desi-  
 nunt visione facta. Cuius ratio est, quia quidquid recipitur in 98  
 intellectu, recipitur intelligibiliter: ergo transacta intelle-  
 ctiōne definit, nec permanere potest. Hæc tamen sententia tan-  
 quam apertè falsa reiiicitur à D. Thom. 2. lib. contra gentes,  
 cap. 74. & 1. par. quest. 79. art. 3. quia si in parte sensitua con-  
 seruantur species ad sentiendum obiecta iam sensata, & pro  
 eis conseruandis ponitur memoria, potiori iure debet poni in  
 parte intellectiua, ut conseruentur; falsum est igitur, quod sta-  
 tim facta intellectiōne transcāt: sed euidenti experientia pro-  
 batur permanere in memoria intellectiua: cum experiamur  
 nos recordari præteritorum conceptuum rerum, quas iam se-  
 mel cognouimus. Recipiuntur ergo in intellectu species in-  
 telligibiliter, hoc est, ad modum ipsius intellectus: sed non ut  
 res intellectæ; imò potius ut formæ quasi habituales, & ideo  
 non transcunt: sed permanent. Nec tamē semper intelli-  
 gimus: sed indiget intellectus excitati à phantasmate, ut actu  
 intelligat, de quo dicemus inferius.

### Q V Æ S T I O I I I.

*An species intelligibiles, quæ producuntur ab intellectu agente in  
 intellectu possibili sint repræsentatiua rerum sin-  
 gularium, vel vniuersalium.*

**P**Ræsupposita necessitate specierum, iam incipimus agere 99  
 de obiectis, quæ per eas intelligit intellectus. Et primò

occurrit disputandum de singularibus sensibilibus, atque corporeis, an ea intelligat per species proprias ea repræsentantes receptas ab intellectu agente, vel solum recipiat ab eo species vniuersalium, per quas consequenter, aut indirectè percipiat singularia. Præsupponit autem titulus quæstionis tãquam certum, quod per cognitionem intellectiuam cognoscimus singularia sensibilia, & non solum per sensus. Quod euidenti ratione ab experientia deducta probatur: nam experimur omnes nos intellectu cognoscere vniuersalia, quæ per sensum cognosci non possunt, eaque definire, & distinguere à singularibus, atque etiam vnum ab altero, vt genus ab specie; sed impossibile est per sensum hæc præstari, nec per intellectum, quin singularia sensibilia, ac determinata cognoscat: ergo euident est ea cognoscere per se, & non solum per sensum. Minorem sic probo; vniuersale non est cognoscibile, nisi cognitis inferioribus, ad quæ intrinsecum dicit ordinem; cum sit vnum in multis ex propria definitione. Et si sit vniuersale specificum, vt

101 homo, vel equus, habet indiuidua pro inferioribus, vt Petrum, & Ioannem; hunc, & illum equum: ergo repugnat cognosci speciem, nisi cognitis indiuiduis, per quæ definitur, & ad quæ dicit intrinsecum ordinem; euident igitur est intellectum singularia cognoscere; intellectus etiam efficit propositiones de subiecto singulari, vt hanc, Petrus est homo, & similes: ergo coniungit extrema, quod non posset, nisi cognoscendo vtrumque. Nec posset corrigere sensum circa magnitudinem solis, nisi eum cognoscendo. Et tandem cum sit potentia superior sensitiuis, necesse est cognoscat, quidquid possunt ipsæ cognoscere, & hæc sunt singularia. Ex quibus sequitur euidenter falsam esse sententiam Philop. & Alexand. cap. 4. & 5. huius lib. Themist. in suo 3. lib. de anim. cap. 20. & Auerr. 3. lib. de anima comm. 9. qui omnes negant intellectum per se cognoscere singularia, & solum ea cognoscere per sensus sibi subordinatos. Præsupposito igitur tanquam certo, quod intellectus sua cognitione intelligat singularia materialia, quærit titulus quæstionis, an per speciem propriam, quam sibi imprimat intellectus agens ea cognoscat, vel per speciem vniuersalis.

Et prima opinio tenet non dari speciem impressam repræsentantem singulare materiale, nec per talem speciem propriam ea cognoscere intellectum. Et ideò nec directè; sed per quandam reflexionem. Ita D. Thom. expressè 1. p. quæst. 86. art. 1. & ibidem Caiet. atque etiam 2. lib. contra gentes, cap. 100. & ibid. Ferra. Capre. in 1. dist. 25. quæst. 2. argum. contra 2. concl. Argen. in 4. dist. 50. art. 3. & cæteri Thomistæ nemine discrepante, & nouissimè eam sequantur noster Ponsec. 2. lib. Metaph.

taph. cap. 2. quæst. 3. sect. 5. & Conimbr. 1. lib. Phys. cap. 2. q. 4. art. 3. Probatur testimoniis Aristotelis, qui 2. lib. de anima, cap. 5. hoc discrimen constituit inter sensum & intellectum, quod sensus est singulariū, intellectus verò vniuersaliū; quare sentit intellectum non cognoscere singularia per se, & directè. Quod asserit etiam in hoc 3. lib. textu 10. his verbis: *Sensitivo igitur calidum, & frigidum iudicat, & quorum ratio quadam ipsa caro, alio autem separabili, aut circumflexa se habet ad se ipsam cum extensa fuerit, carni esse discernit.* Quibus ( licet obscuris) <sup>104</sup> duo asserit: primum, quod intellectus cognoscit hanc carnē singularem constantē tali temperamēto calidi, & frigidi, aliisque qualitatibus in certo gradu, atque etiā cognoscit esse, seu essentiam carnis, quæ est quidditas eius abstrahens à conditionibus singularibus, & hoc est, cognoscere carnem in vniuersali. Postremū, quod in cognitione vtriusque se habet sicut linea recta, hoc est, extensa secundum directam longitudinem, & rursus supra se reflexa, aut retorta. Et illo modo (recto quidem) vniuersale cognoscere intellectum, hoc verò modo, scilicet supra se reflexo, aut retorto cognoscere singulare.

Probatur deinde ratione: primò, quia intellectus est immaterialis: ergò ex proprio modo cognoscendi abstrahit à materialitate singulari tanquam à ratione sensui proportionata; ubi verò improporcionata. Vnde intellectus agens producens species intelligibiles dicitur eas abstrahere, & consequenter naturas repræsentatas ab eisdem conditionibus singularibus, ac materialibus: sed sic abstrahere intellectum agentem est producere species repræsentantes naturas non repræsentatis conditionibus singularibus, & materialibus: ergò cognoscere eas intellectum possibilem abstrahendo ab eisdem conditionibus est cognoscere easdem in vniuersali; quare primò, per se, atque directè sola vniuersalia cognoscit; singularia verò indirectè tantum, & per reflexionem. Secundò probat Fonseca, quia <sup>106</sup> intellectus noster medius est inter sensum, & intellectum Angelicum, perfectior quidem illo: sed imperfectior hoc; ergò species intelligibiles nostri intellectus medias quoque esse oportet inter sensibiles. & Angelicas: sed species sensibiles repræsentant sola singularia, & species Angelorum naturam vniuersalem, & omnia, vel plura singularia eius: ergò species nostri intellectus solum repræsentant naturam vniuersalem, & non singularia, quare non poterit hæc: sed illam tantum per eas cognoscere directè, & singulare per reflexionem.

Eiusmodi autem reflexio, per quam hæc sententia asserit <sup>107</sup> singularia materialia cognosci ab intellectu ( in quo consistit maxima difficultas eius ) tribus modis explicatur à diuersis.

Primò quidem à Caiet. vbi supra hoc modo, intellectus cognoscens primo & per naturam vniuersalem videt non posse per se consistere: sed necessariò esse debere in singularibus, & ex hoc quasi per consequentiam, vel argumentum deuenit in notitiam singularem, & ideò asserit intellectum argutiue ea cognoscere: sed fatetur Caiet. per hunc modum eam cognoscendi nullum singulare determinatum cognoscere, quia non potest tale argumentum ducere ab vniuersali ad aliquod determinatum singulare, potius quàm ad aliud; ideò ad nullum determinatum: sed solum ad singulare vagè sumptum; quare hoc modo dumtaxat posse illud cognoscere. Secundo modo sic explicatur ab aliis, intellectus cognoscens vniuersale reflectitur supra suum actum, quem videt factum per speciem ortam à phantasmate, & ita cognoscit phantasma, & ex consequenti naturam singularem per ipsum repræsentatam. Tertio modo id explicat Fonscæm, & cum secuti Conimb. vbi supra, & asserunt quod species rei vniuersalis non repræsentat determinatè hoc, vel illud singulare: sed confusè, & quasi indeterminatè omnia, & intellectus per eam informatus non potest hoc potius determinatum singulare, quàm illud cognoscere, & ideò nullum prorsus determinatum. Determinatur verò à phantasmate huius determinati singularis cum eodem intellectu concurrere ad cognitionem talis singularis potius, quàm alterius, quia sicut phantasma potest actiue concurrere cum intellectu agente actionem eius determinando; ita potest concurrere actiue cum possibili terminando cognitionem eius, eamque determinando ad hoc singulare, quod repræsentat cognoscendum potius, quàm ad aliud. Et meritò quidem determinari posse à phantasmate intellectum possibilem aiunt propter cognitionem, aut similitudinem, quam habet species intelligibilis cum phantasmate, à quo producta est, & quæ naturam vniuersalem repræsentat existentem in singulari eodem per idem phantasma repræsentato. Ex hunc modum cognoscendi singularia videtur tradere D. Tho. 1. part. quæst. 86. artic. 1. asserens non posse intellectum cognoscere naturam vniuersalem per propriam eius speciem, nisi conuertendo se ad phantasmata, & per hanc conuersionem, quæ est quasi reflexio quædam dicitur cognoscere singulare.

108  
109  
110  
111

Secunda opinio tenet intellectum nostrum per se, & directè, & ideò per propriam speciem cognoscere singulare materiale, & ita species, quas producit intellectus agens in possibili per se, ac directè repræsentare singularia materialia. Ita Scotus in 4. distinct. 45. quæst. 3. Richard. in 2. distinct. 24. quæst. 4. Gregor. in 1. dist. 3. quæst. 1. artic. 2. Ocham. quæst. 5. Burlæus.

Mas. & Thienen. 1. lib. Phisic. Apollin. 3. lib. de anima, quæst. 12. Tolertus ibidem; Valen. vbi sup. disput. 6. quæst. 7. puncto 1. con. 2. ita etiam sentit Durand. in 2. distinct. 8. quæst. 7. & est iam communis ferè inter recentiores. Probant primò, quia si aliquid obstatet vt per se, & directè cognosceretur ab intellectu nostro singulare materiale, & species ipsum per se ac distinctè repræsentans produceretur ab intellectu agente, esset singularitas, vel materialitas, vel vtraque simul: sed nihil horum obstat: ergo per se, & directè, ac per propriam speciem cognoscitur. Probat minor, quia singulare materiale cognoscitur ab Angelo per se, & directè, atque etiam ab anima separata, & repræsentatur per se per species eorum: ergo nec impedit singularitas, nec materialitas, & de materialitate conuincitur non impedire, quia vniuersale naturæ materialis, vt homo in communi, vel equus materiale est, & cum sua materialitate repræsentatur per speciem, & intelligitur per se ab intellectu, ergo non impedit materialitas rei singularis, quin per se repræsentetur, & per se intelligatur.

Secunda ratio; quidquid potest cognoscere potentia cognoscitiua inferior per se, & directè, potest etiam superior: nam cum hoc perfectionis sit, non potest in potentia inferiori reperiri, quin reperiatur etiam in superiori: sed sensus qui sunt inferiores potentia respectu intellectus, cognoscunt per se, & directè singulare materiale, ipsumque repræsentant per se, & distinctè species sensibiles: ergo multò melius poterit per se, & directè cognosci ab intellectu, & repræsentari per species intelligibiles. Quibus non solum euident fit singularia cognosci ab intellectu: sed esse quæ primò se offerant ei cognoscenda, quàm vniuersalia: nam hæc non cognoscit intellectus, nisi à singularibus ea abstrahat; quare singularia non solum per se, & directè: sed priusquam vniuersalia. Ideò falsum planè esse, quod per reflexionem ex cognitione vniuersalis cognoscantur.

Ex his duabus opinionibus prior videtur mihi valdè probabilis propter solam auctoritatem Diui Thomæ: posterior verò efficacioribus rationibus probatur, & quibus vix potest satisfieri, & ideò ab omnibus ferè hoc tempore defenditur, longèque plausibilior est. Et propterea eam defendere statui, & his assertionibus explicare eam, ac modum simul, quo cognoscatur singulare materiale.

Prima est, *intellectus agens per se, & directè producit in intellectum possibilem speciem repræsentantem distinctè singulare materiali determinatum.* Hanc probo ex his, quæ superius etiam ex mente Diui Thomæ definita sunt à nobis, & probatur hoc modo, intellectus possibilis est pura potentia in ordine ad formas

formas intelligibiles nullam habens in se, reducitur verò in actum ab intellectu agente circa ipsum operante medio phantasmate tanquam instrumento, à quo actio eius determinatur, ut speciem talis obiecti, potius quàm alterius producat: cum ex se sit indifferens ad producendam speciem cuiuslibet: sed phantasmata repræsentat naturam materiale contractam per conditiones materiales individuales, determinatas: ergò ut eam sic repræsentans concurret cum intellectu agente & determinat actionem eius: ut producat speciem obiecti à se repræsentati, potius quam alterius; unde sequitur per talem actionem sic determinatam per se produci speciem intelligibilem intellectu in possibili repræsentantem illud idem singulare materiale, ut tale per phantasma repræsentatum.

Secunda assertio naturaliter est impossibile, quod intellectus agens producat speciem repræsentantem naturam uniuersalem, sed semper, & necessario producat speciem repræsentantem singulare: Probatur primò, quia non potest intellectus agens producere speciem in intellectu possibili, nisi secundum exigentiam phantasmatis, & obiecti per ipsum repræsentati, à quibus modificatur, ac determinatur actio eius, sed phantasma non repræsentat naturam uniuersalem, sed singularem, ac determinatam per tales conditiones materiales: ergò naturaliter est impossibile, quod concurret cum intellectu agente ad productionem speciei repræsentantis naturam uniuersalem; constat autem nullam speciem posse producere intellectum agentem, nisi concurrente cum eo phantasmate, & modificante actionem eius: ergò naturaliter est impossibile quod intellectus agens producat speciem rei uniuersalis. Et argum. hoc eodem modo probat, si dicatur phantasma concurrere tanquam instrumentum, siue, ut partialem causam, vel ut materiam, siue tanquam exemplar, vel quouis alio modo, ut consideranti est manifestum. Secundò, quia intellectus agens, & phantasma sunt agentia naturalia; ergò operantur ex determinatione ad vnum, & ex consequenti semper eodem modo, sed phantasma concurret in quantum repræsentat obiectum; ergò semper, & necessario concurret secundum quod repræsentat ipsum obiectum, sed quodcunque repræsentat rem singularem materiale, & nullum rem uniuersalem; ergò semper producitur species rei singularis, & nunquam rei uniuersalis. Probatur consequentia, quia species intelligibilis procedit similis obiecto repræsentato per phantasma, quia concursus eius semper est obiectiuus, & ideò tale obiectum, & non aliud debet necessario repræsentare species producta, quale repræsentatur phantasmate obiectiuè concurrente.

Tertia

Tertia assertio per primam cognitionem cuiuscunque obiecti <sup>117</sup>  
*namquam cognoscitur uniuersale, sed semper singulare; & ideo pri-*  
*mò cognitum ab intellectu nostro non est uniuersale, sed singulare.*  
 Hæc sequitur ex præcedenti, quia prima cognitio cuiuslibet rei fit per speciem productam ab intellectu agente, & phantasmate eam in singulari determinato representante, sed non potest produci ab intellectu agente, & phantasmate species representans naturam uniuersalem, sed singularem tantum, ut in præcedente conclusione assertum est atque probatum; ergò vera est hæc tertia assertio, quod prima cognitio cuiuscunque obiecti non potest esse eius ut uniuersalis, sed ut singularis.

Ex his autem tribus assertionibus tria alia infero. Primum, <sup>118</sup>  
*non esse verum, quod singulare materiale cognoscatur à nostro intel-*  
*lectu cognitione reflexa, & non directâ.* Quod efficaciter etiam probari potest ex refutatione illorum trium modorum quos retulimus, quibus talis reflexio explicatur à diuersis. Et primum à Caietan. excogitatum constat esse falsum, quia ex eo sequitur (id, quod Caietan. ipse concedit) nullum singulare determinatum cognoscere intellectum, sed vagum dumtaxat contra euidentem experientiam, quia species representans uniuersale, & uniuersale ipsum representatum non potest esse ratio cognoscendi vnum potius; quàm aliud: imò nullum secundum rationem determinatam, cum nullum representetur in specie.

Quod verò secundus sit falsus, ita probo dum dicitur intel- <sup>119</sup>  
 lectum cognoscentem naturam uniuersalem reflecti supra talem cognitionem, quam videt factam per speciem eductam ex phantasmate, inquiri, quonam modo cognoscat talem speciem eductam esse ex phantasmate, videlicet, cognito phantasmate, vel non cognito: hoc secundum repugnat ex terminis; cognosci verò phantasmata iuxta eandem sententiam non est possibile: cum fateatur non posse representari per vllam speciem intelligibilem, quia est singulare materiale, & sine specie cognosci repugnet.

Nec habet minorem difficultatem tertius modus reflexio- <sup>120</sup>  
 nis per conuersionem ad phantasma, Primò quia vel talis conuersio est cognitio phantasmatum, vel rei singularis materialis per ipsum representatæ, & cum vtrumque sit singulare materiale, quaeritur per quam speciem impressam, vel expressam cognoscatur; & nullam talem designare poterunt: cum teneant singulare materiale per nullam speciem representari posse.

Secundò infero, *falsum esse quod à quibusdam recentioribus dicitur, videlicet per eandem speciem expressam ab intellectu agente*  
*repræsen*



*repræsentari vniuersale, & singulare.* Quod ex nostris tenent Valentia vbi supra, & Conimb. 3. lib. de anima, cap. 5. quæst. 6. art. 1. addentes, etiam phantasma repræsentare naturam vniuersalem, & singularem simul. Et probare videtur Valentia, quia intellectus agens dicitur abstrahere species intelligibiles à phantasmatibus; ergo repræsentant naturam abstractam à conditionibus singularitatis, quod est repræsentare illam in vniuersali: neque obstat inquit, quod simul repræsentetur cum eisdem conditionibus, & ideo vt singularis: nam hoc habet ex modo, quo repræsentatur per phantasma, illud verò ex virtute intellectus agentis. Quod probari etiam posset ex speciebus Angelorum, & animæ separatæ, per quas vniuersalis natura, & singularia eius simul repræsentantur. Nihilominus falsum esse vtrumque assero; & probo primò quod phantasma nō repræsentet vltimo modo naturam vniuersalem, sed singularem dumtaxat, quia phantasma est species sensibilis, sed species sensibilis non repræsentat obiectum, nisi vt sensibile, & non est sensibile, nisi in singulari, quia nullus sensus potest percipere vniuersale; ergo repræsentatur, nisi in singulari. Secundò quia si phantasma repræsentaret naturam vniuersalem, & singularem simul: cum species expressa phantasie, sequeretur phantasiam vtrumque etiam percipere, quod patet esse falsum. Secundò probatur, quod neque species impressa ab intellectu agente repræsetet vtrumque, quia phantasma determinat obiectiue quālibet actionem intellectus agentis, & nullum est aliud, à quo obiectiue determinetur, vnde sequitur, quod sicut habet species, quod sit spiritualis à solo intellectu agente, ita habet, quod repræsentet tale obiectum à solo phantasmate; ergo impossibile est producere speciem alio modo repræsentantem obiectum, ac repræsentatur per ipsum phantasma, sed per phantasma repræsentatur solum, vt contactum cum his conditionibus singularitatis: ergo hoc tantum modo, & nō alio potest repræsentari in specie producta per actionem intellectus agentis.

- 123 Nec argumenta in contrarium aliquid probant; nam virtute intellectus agentis hoc solum fieri potest, vt species intelligibilis producatur spiritualis, & in subiecto spirituali: quod verò repræsentet vniuersale, aut singulare, non ex virtute eius habet, sed solum ex phantasmate, quia hoc pertinet ad modificationem obiectiuam à phantasmate faciendam. Quod verò dicitur intellectum agentem abstrahere species intelligibiles à phantasmatibus, non est verum, si sic intelligatur, quod producit species repræsentantes naturam vniuersalem, sed in hoc tantum sensu, quod producit speciem abstractam à materia, & modo materiali, eleuatiore modo quo idemmet singulare repræsentatur per phantasma.

De

De speciebus verò Angelorum, & animæ separatæ diuersa est ratio, quia illæ à superiori causa producuntur, nempe à Deo, & vt congruum naturæ superiori, vel habenti statum eius, & propterea vniuersaliores esse debent: species verò nostri intellectus producuntur limitatæ à phantasmate secundum repræsentationem: & ideo solum possunt repræsentare singulare ab eo repræsentatum.

Tertiò infero falsum esse, quod à quibusdam aliis dicitur, videlicet per actionem intellectus agentis circa phantasmata prauam productioni speciei intelligibilis, vel per eandem, quæ est productio eiusdem speciei fieri, ut natura vniuersalis reluceat in eisdem phantasmatibus, & ideo possint concurrere cum intellectu agente ad producendum speciem vniuersalem. Falsum verò hoc esse assero: & sic probò, naturam vniuersalem relucere in phantasmate non potest esse aliud, quàm repræsentari ab eo; nam si non repræsentatur, nec verum est in eo apparere, aut relucere; aut conspici: sed repræsentari in phantasmate repugnat: cum sit species sensibilis, repræsentans naturam contractam per singularitatem; nam sic est perceptibilis per sensus; & non sine tali conditione: ergò repugnat etiam in eo relucere, quantumcunque illustrato ab intellectu agente, quia per talem illustrationem nihil reale intrinsecum ei prouenire potest, & ex consequenti, nec noua repræsentatio, nec nouus modus repræsentandi obiectum, vterque enim aliquid reale intrinsecum est in repræsentante.

*Quonam modo cognoscatur vniuersale ab intellectu nostro.*

**S**upposito, quod non detur species intelligibilis producta ab intellectu agente repræsentans naturam vniuersalem, explicare oportet, quonammodo cognoscatur vniuersale à nostro intellectu; nam cognosci sine specie, per quam repræsentetur impossibile est. Cui respondeo cognosci per similitudinem, aut conuenientiam singularium hoc modo, productis speciebus singularium ab intellectu agente, cognoscit per eas intellectus possibilis primò, & per se, atq; directè singularia ipsa. Deinde considerat in eis naturam in qua conueniunt non consideratis differentiis individualibus, per quas differunt; elicitque cognitionem, atque speciem expressam vniuersalem, & hæc est vera, & propria abstractio, vt explicui in quæstionibus vniuersalibus Dialecticæ; nam abstrahere vnum ab alio non est aliud, quàm cum potentia abstrahens possit vtrumque cognoscere, vnum cognoscere non cognito alio, ex quibus illud dicitur abstrahere ab altero, quod cognitionem alterius præsupponit. Et propterea dicitur intellectus abstrahere potius vniuersale

fale à singularibus, quam singularia ab vniuersali, quia cùm natura vniuersalis exiltat in singularibus, cognitio eius cognitionem singularium præsupponit, quod autem ita fiat abstractio, probatur ex vulgato illo in Schola Dialecticorum inculcato, quod scriptum nobis reliquit Arist. 1. phys. tex. 18. *Abstractum non est mendacium*, quasi dicat abstractionem esse simplicem cognitionem absque vlla affirmatione, aut negatione, & ideò sine vero, & falso in eo solùm consistens, quod vnum cognoscatur non cognito alio; cum vtrumque possit cognosci à

- 127 potentia. Media autem cognitione; atque specie expressa representante naturam vniuersalem imprimere sibi potest intellectus possibilis aliam speciem intelligibilem representantem naturam vniuersalem, quam sibi reservat, in quantum est memoria pro vsu futuro; nempe, vt quoties se obtulerit occasio, possit eandem naturam vniuersalem iterum cognoscere sine noua cognitione singularium. Quam virtutem formandi sibi vnā speciem ex aliis præconceptionis tribuit D. Thom. non solùm intellectui, sed etiam imaginationi, & cum eo sentiunt ferè omnes: & constat nobis experientia primam cognitionem vniuersalis longè difficiliorem esse cognitione singularium; quare non mirum est, si hæc primò directè, ac facili fiat; illa verò saltem dum primò fit, post cognitionem singularium fiat & quasi indirectè, & per quandam reflexionem, & discursum ex illa colligatur.

- 129 Testimonium verò Aristot. quod pro opposita sententia affertur, satis obscurum est, & ideò intentum, & contextum eius expendere oportet, vt germanum sensum eius eliciamus. In eò enim textu quærebat Aristoteles (vt verba ostendunt) an per eandem potentiam sensitivam, qua cognoscimus singularia sensibilia, cognoscamus naturam vniuersalem in eo existentem, vel per diuersam. Et respondet per aliam quidem, aut separabilem, hoc est; distinctam realiter ab ea, vel saltem habentem se ad ipsam atque cum extensa fuerit linea flexa, hoc est distinctam esse ratione: sicut distinguitur ratione linea flexa à se ipsa cum extensa fuerit, eadem est enim linea realiter, quæ modo flexa est; deinde verò extenditur, recta fit. Sensus itaque illorum verborum rectæ, ac reflexæ lineæ non ad cognitionem vniuersalis, & singularis refertur, sed ad distinctionem potentiarum, per quas vnum, & alterum cognoscitur,
- 130 quam realem esse, vel rationis non determinat illis verbis, sed in futurum decernendum relinquit. Nihil ergò de modo cognoscendi vniuersale, & singulare disputat eo loci Aristot. & propterea nihil aduersus nostram sententiā colligi ex eo potest

Ad primum argument. concessa antecedente, quod intelle

ut sit immaterialis, distinguendum est consequens, quod in modo cognoscendi abstrahat à materialitate, non ex parte ipsius cognitionis, & principij eius, quod est species impressa, atque etià ex parte termini, qui est species expressa verum est, sed ex parte obiecti cognoscendi necessarium non est, alioqui nullus omninò intellectus posset singulare materiale cognoscere, quod patet esse falsum. Nihil ergò impedit singularitas, nec materialitas rei singularis repræsentatæ per phantasma, quin possit per se, directè, ac primò intelligi ab intellectu nostro, quia licet sit improporcionatum, & solùm intelligibile in potentia secundum se, per speciem tamè intelligibilem propriam productam ab intellectu agente sit quodammodo immateriale, atque spirituale, & actu intelligibile, sufficienterque proporcionatum, ut per se, & directè intelligatur, nec potest habere maiorem proporcionem vniuersale: cum etià sit materiale, & corporeum secundum se, & hæc sufficit iuxta oppositam sententiam ut per se sit intelligibile, & primò, atque directè intelligatur.

Ad secundum respondetur intellectum nostrum medium quodammodo esse inter sensum, & Angelorum intellectum, & idè speciem eius medium aliquo modo tenere inter species vtriusque, non quidem in repræsentando vnum, vel plura, sed in modo cognoscendi, & repræsentandi; nam licet vnam tantùm rem vniuersalem, vel singularem repræsentet species nostri intellectus, longè tamen perfectiori modo, ac species sensibilis rem singularem, sed nec ita perfectè, ac species Angeli repræsentat eandem rem singularem.

#### Q V Æ S T I O I V.

*An substantia materialis, & accidentia eius non per se sensibilia cognoscantur ab intellectu nostro pro hoc statu per speciem propriam, & idè directè, ac per se.*

**P**Rima opinio tenet dari speciem propriam substantiæ, & omnium accidentium eius, etiam temporis, ac relationum; per quam per se cognoscitur conceptu proprio, non solùm ab intellectu, sed etiam à phantasia; quare non solùm dantur species intelligibiles horum omnium propriæ, sed etiam propria phantasmata, à quibus producantur in intellectu possibili, & per eas cognoscit primo substantiam; deinde accidentia. Ita sentiunt Soncin. 7. met. quæst. 14. Iauel. quæst. 3. & ex nostris Fonseca 2. met. cap. 1. quæst. 2. sect. 6. & 5. metaphysic. capit. 28. quæst. 4. sectio. 4. & Conimb. 3. lib. de anima cap. 5. quæst. 5. art. 1. concl. 2. & 3. pro qua etiam referunt Diuum Thomam de Veritate, quæstione 10. articulo quinto, 2. libro Post. textu 27. & opusculo 29. Auerro. 2. lib. de anima comm. 63. Ferta. lib. 3. q. 3.

Apollin. q. 12. Abulen. super ca. 25. Matthæi, q. 608. Caiet. 3. p. q. 76. artic. 7. Probatur testimonio Aristot. 7. Metaphys. text. 4. ubi docet expressè substantiam priorem esse cognitione accidentibus, sicut prior est secundum entitatem: cum intelligibilitas sit propria passio entitatis: ergò sentit prius cognosti ab intellectu, quàm accidentia, quod non potest esse verum, nisi per propriam speciem cognoscatur. Probatur etiam ratione; primò quia phantasia, aut æstimatoria habet virtutem eliciendi ex accidentibus sensatis per sensus extèrnos speciem aliorum non sensorum: ergò à fortiori habebit virtutem eliciendi speciem substantiæ, quamvis non sit sensata per externos sensus. Probatur consequentia, quia accidentia omnia sensibilia à sensibus externis habent fundamentum in substantia, & ut ei inhærentia percipiuntur ab eis: ergò poterit phantasia tãquam superior virtus elicere ex speciebus sensatis insensatam eius, & hæc poterit imprimere speciem intelligibilem eiusdem substantiæ in intellectu possibili virtute agentis. Secundò quia phantasmata concurrunt tanquam instrumentum cum intellectu agente ad producendam speciem: ergò etiam si sola accidentia repræsentaret, posset imprimere speciem substantiæ. Probatur consequentia, quia accidens secundum proprium esse per modum instrumenti potest concurrere ad productionem ipsiusmet substantiæ: ergò potiori ratione accidens ut sensatum, vel eius species poterit tanquam instrumentum animæ producere speciem substantiæ, & aliorum accidentium.

- 135 Secunda opinio nonnihil differt à prima, asserit enim primam cognitionem nostri intellectus, nec esse distinctam substantiæ, nec accidentis, sed totius coniuncti, seu aggregati ex substantia, & accidenti. Et ideò speciem primò productam ab intellectu agente, & phantasmate totum illud coniunctum repræsentare per modum substantiæ, quia repræsentat illud per modum per se existentis, ut album, cognito verò coniuncto ab intellectu prima cognitione simplici per modum vnius, separat substantiam ab accidenti per discursum, & intelligit utrumque seorsum ab alio, non quidem substantiam prius necessario, nec accidens, sed indifferèter potest intelligere vnum prius altero, & per alterum, ut accidentia per substantiam, & substantiam per accidentia; ita tamen ut neque conceptus substantiæ sit absolutus, neque accidentis, sed uterque connotatiuus, quia nec intelligimus accidens, nisi in substantia, & cum ordine ad illam, nec substantiam, nisi in ordine ad accidentia; quare conceptus substantiæ semper accidentia connotat. Ita Tolet. 3. lib. de anima.
- 136 q. 6. qui pro hac sententia refert Apollinarem. Probat primò experientia, quia quisque in se experitur non percipere anima,

nisi ut substantiam se mouentem, neque hominem, nisi ut habentem principium discurrendi, pariterque de cæteris, sed conceptus isti non sunt absoluti, sed connotatiui, ut per se patet: ergo nec aliquem conceptum substantiæ absolutū habemus, sed connotatiuos omnes. Probat secundò ratione, quia intellectus dependet in sua cognitione à phantasmatè: ergo quidquid intelligi, habet ordinem ad phantasina, & cum tali ordine intelligitur: sed phantasma repræsentat accidentia: ergo necesse est quamlibet substantiam intelligere cum ordine ad accidentia, & consequenter non conceptu absoluto, sed connotante accidentia. Et potest sic utgeri ratio, res omnes intelligimus, sicut sunt à parte rei, sed à parte rei quælibet substantia corporea naturaliter est coniuncta alicui accidenti, & quodlibet accidens est in aliqua substantia, ita ut ex utroque fiat vnum coniunctum seu aggregatum: ergo aggregatum concipimus, & ideo conceptu connotatiuo, non absoluto.

Ultima opinio utriusque opposita est, negans omninò, quod 137  
detur species proptia substantiæ, aut totius coniuncti ex substantia, & accidente, sed ab intellectu agente produci speciem propriam solius accidentis per se sensibilis, & hoc tantum intelligi prima cognitione, ex quo ita cognito peruenit intellectus per discursum ad cognitionem substantiæ, & accidentium insensibilium per se. Ita Scotus in 1. dist. 3. q. 1. & 3. & dist. 8. q. 2. Ricard. in 2. dist. 24. q. 3. art. 3. Herue. quodlib. 3. q. 1. 2. Tignosius 1. lib. de anima, ad textum 11. sandu. ibidem q. 10. Valef. in lib. de sacra philos. cap. 74. pag. 478. & est iam ferè communis inter recentiores, & videtur nobis probabilior. Quam his assertionibus explicamus.

Assertio prima, *substantia nullo modo representatur per phan-* 183  
*tasma, nec per aliquam speciem sensibilem impressam, vel expres-*  
*sam, nec per eam potest percipi ad vllum sensu.* Hæc est contra primam opinionem, & ad eam probandam duo præsuppono in doctrina Aristotelis certa, & ab omnibus admissa, primum est, quod substantia nō est per se sensibilis, sed per accidens. Secundum, sensibile per accidens esse id, quod coniungitur per accidens, ei quod est per se sensibile, ut substantia Petri dicitur sensibilis per accidens, quia per accidens coniungitur albedini per se sensibili; utrumque docet expressè Aristotel. 2. lib. de anima, capit. 7. Ex his autem duobus sic arguo: sensibile per accidens nullam habet in se rationem sensibilis, sed solū dicitur sensibile, quia coniungitur per accidens habenti illam: ergo illam habet in se rationem, per quam possit mouere sensum, & ex eo solū mouere dicitur, quia sensibile per se (ei cōiunctum per accidens) mouet sensum, sed sensibile mouet sensum

per speciem, quam ei imprimit se repræsentantem: ergo si non habet in se rationem, per quā moueat, sequitur nec habere in se rationē aliquam, per quā repræsentetur per speciem: nulla ergo talis species dari potest, quæ sit propria sensibilis per accidens, à qua repræsentetur: ex quo efficaciter sequitur non posse dari speciem sensibilem impressam, vel expressam in sensu aliquo interno, vel externo, aut etiam phantasma, per quā repræsentetur substantia, vel accidentia eius per accidens tantum sensibilia.

- 139 Secunda assertio, *intellectus agens non potest imprimere intellectui possibili propriam speciem substantia eam repræsentantem.* Hæc est etiam contra primam opinionem: & probatur hac ratione; intellectus agens nullam potest imprimere speciem, nisi determinetur per phantasma ut repræsentans obiectum: ergo nullius obiecti potest speciem producere, nisi eius quod repræsentatur per phantasma, sed substantia, nec repræsentatur, nec est repræsentabilis per phantasma: cum nullam habeat in se sensibilitatem, ratione cuius repræsentetur per speciem sensibilem: ergo nec potest intellectus agens simul cum phantasmate imprimere intellectui possibili speciem propriam substantiæ, nec accidentium eius non sensibilibus.

- 140 Assertio 3. *non potest dari phantasma repræsentans totum coniunctum, vel aggregatum ex substantia, & accidenti per se sensibili, nec proinde potest produci ab intellectu agente species intelligibilis repræsentans intellectui idem coniunctum.* Hæc est contra secundam opinionem, & in primis sequitur ex 2. & 3. nostra assertionem: Sed probatur etiam, quia vel repræsentari simul cum alio est repræsentari utrumque, vel illud tantum, quod in se sensibile est; aliud verò quod non est sensibile, solum dici repræsentatum per accidens: quia eidem coniunctum est: sed utrumque est impossibile; primum quidem, quia substantia nullam habet in se sensibilitatem, ratione cuius repræsentetur: ergo repugnat, quod repræsentetur simul cum alio, ita ut repræsentetur utrumque. Postremum verò, quia ex eo solum quod substantia coniungatur sensibili per se, nulla potest aduenire ei sensibilitas, per quam repræsentetur per speciem: ergo ex hoc non potest esse verum, quod repræsentetur utrumque per phantasma, & consequenter nec per speciem intelligibilem medio phantasmate productam ab intellectu agente.

- 141 Et ex his tribus assertionibus tria inferuntur. Primum, quod substantia non potest primò cognosci ab intellectu, sed prius eius cognitio assequenda est ex cognitione alicuius propriæ eius per se sensibilis aduersus primam sententiam. Secundum, inferitur non esse primum cognitum ab intellectu coniunctum, vel aggregatum ex substantia, & accidenti per se sensibili, quod etiam

etiam sit ex probatis manifestum: nam si non est coniunctum illud præsentabile per phantasma, nec proinde producibilis species intelligibilis eius ab intellectu agente, repugnat esse primum cognitum ab intellectu possibili.

Infertur tandem, veram esse nostram sententiam; nam sicut <sup>142</sup> solum dantur propria phantasmata accidentium per se sensibilem, sic solum producuntur ab intellectu agente species intelligibiles eorum, & ita hæc sola sunt per se, & primo, & cognita ab eo; substantia verò, & accidentia insensibilia non per se, nec per speciem propriam, sed solum post cognitionem & ex cognitione eorum. Sed explicare oportet, quonam modo cognoscatur substantia, si non datur species propria eius producta ab intellectu agente. Cui respondeo, eodem modo cognosci per species accidentium per se sensibilem, sicut diximus supra cognosci vniuersale ex cognitione singularis sensibilis eius, nam habita notitia huius, & illius singularis cognoscit intellectus similitudinem inter ea non considerata tunc differentia per conditiones indiuiduantes; & hæc est abstractio vniuersalis à singularibus: cum quibus deinde confert, aut comparat eandem naturam sic abstractam, & efficit eam formaliter vniuersalem per relationem vniuersalitatis resultantem ex tali comparatione. Ad similitudinem igitur huius cognitionis intelligi debet cognitio substantiæ corporeæ ex accidentibus, quibus cognitis per species proprias intelligit non esse per se, sed apta inherere alicui à qua sustententur, & ita elicit ex speciebus accidentium conceptum substantiæ, & modo simili cognoscit accidentia, non per se sensibilia.

Sed ut intelligamus, an conceptus iste substantiæ sit ei proprius, & quonam modo, adnotare oportet conceptum proprium alicuius duplicem esse: nam vel ita est proprius, ut entitatè, aut essentiam eius per se, & proximè, & adæquatè repræsentet, quo pacto cōceptus quem format vnus Angelus de propria substantia, vel de substantia alterius, vocatur proprius. Alio modo proprius dicitur conceptus, qui repræsentat rationè aliquam cum aliquo cōuertibilem, & propterea talis conceptus proprius vocatur, licet rem talem per se immediatè non repræsentet; & hoc modo vocatur proprius cōceptus Dei, quem format Angelus ex propria, vel alterius natura, de quo certum est non repræsentare adæquatè, & proximè entitatem aut essentiam infinitam Dei, sed non est minùs certum Deo soli conuenire & cum eo conuerti, & ideo dicitur proprius non modo priori, sed posteriori. Et iuxta hanc distinctionem dicimus intellectum nostrum pro <sup>144</sup> hoc statu quasi discurrendo ex propria cognitione accidentium per species proprias formare proprium conceptum substantiæ per alienas species; non quidem eam proximè, & adæquatè re-



præsentantem, sed conuertibilem, atque ei soli conuenientem. Sicut nos ex corporeis creaturis per modum similitudinis, aut dissimilitudinis per modum attributionis, aut negationis formamus proprium conceptum Dei, & Angelorum. Vnde intelligimus non repugnare, quod plurimum rerum, quas non cognoscimus per species proprias, formemus proprios conceptus hoc posteriori modo, non priori qui conceptus vocantur etiam species expressæ propriæ earum, quibus mediis existimamus, quod intellectus ipse possibilis ibi imprimat species, quas referuat in memoria pro usu futuro, nempe ut facile possit, & sine nouo discursu easdem res iterum, & sæpius cognoscere, sed tales species impressæ non sunt propriæ modo priori, sed posteriori, sicut conceptus ipsi, quibus mediis imprimuntur.

Ad testimonium Aristotelis, quod opponit prima opinio, admitto substantiam ex propria natura esse notiozem accidentibus; quo ad nos verò, qui nihil pro hoc statu percipimus, nisi mediis sensibus, notiota sunt accidentia, quæ solum cognosci possunt per speciem propriam: quamuis ab alio quocunque intellectu non cognoscente hoc modo, sed res ipsas ut sunt in se, non solum per speciem propriam, sed prius, quam accidentia cognoscantur.

- 146 Ad primum argumentum distinguendum est antecedens, quod phantasia, vel æstimatoria habeat virtutem eliciendi speciem accidentium non sensorum ex speciebus sensatis, nam accidentium per se sensibile, licet per inferiores sensus non sensorum habet quidem; non tamen alicuius nullo modo sensibilis per se, quia repugnat hoc representari per speciem sensibilem vllius sensus, ut probauimus, & cum substantia nullam habeat in se rationem sensibilitatis, ratione cuius possit representari per speciem sensibilem: repugnat vllum sensum, etiam ex sensatis à sensu inferiori elicere speciem eius. Et cum eadem substantia non sit per se sensibilis ab vlllo sensu, nec proinde representabilis per vllam speciem sensibilem sensatam, vel insensatam, nec potest elici à phantasia proprium phantasma eius per quod sentiatur, & ita non potest intellectus agens producere speciem intelligibilem propriam eiusdem substantiæ in intellectu possibili, quia nullius rei speciem producere potest, nisi determinetur obiectiue à phantasmate eam representante.

- 147 Ad aliud verò, quod additur de instrumento, dicimus, quod sicut non quodcunque accidens potest concurrere tanquam instrumentum substantiæ, sed illud tantum, quod est virtus eius. Ita nec potest quodcunque phantasma concurrere, ut instrumentum cum intellectu agente ad producendam speciem intelli

telligibilem alicuius rei, nisi illud solum, à quo repræsentatur, & cum non repræsentetur substantia per vllum phantasma, non potest produci ab intellectu agente species eius: nec sufficit, quod repræsentetur accidens eius, quia licet virtus eius sit ad naturales actiones cum ea eliciendas, sed respectu huius concursum obiectiui cum intellectu agente non concurrit obiectum, nisi ut per se repræsentatum per phantasma, & cum non repræsentetur substantia per phantasma, nec sufficit repræsentari accidens eius, neque ad talem concursum potest aliquid concurrere per aliud, sed necesse est, quod per se ipsum repræsentatum concurrat, ut species producta similis ei cuadat ipsum repræsentans.

Quod verò intellectus possibilis ex vno repræsentato per speciem impressam elicit conceptum alterius, idèò habet, quia potentia cognoscitiva, ac discursiva est. Intellectus verò agens cum non sit potentia cognoscitiva, nec discursiva, sed purè naturalis, & ex se indeterminata, determinabilis verò per phantasma, non potest cum vno phantasmate producere speciem alterius rei, nisi eius tantum, quod per se repræsentatur per idem phantasma, qui ab illo solum potest obiectivè determinari, & non ab alio, etiam si sit causa, vel effectus eius.

Ad primum argumentum secundæ opinionis negandum est, quod detur species producta ab intellectu agente repræsentans illud coniunctum ex substantia, & accidenti: negandum est etiam, quod conceptus omnes, quos de substantia formamus sint connotatiui, sed quia omnes formantur in sua origine ex speciebus accidentium, propterea primi accidentia connotant, post verò intellectus suo discursu alios elicit absolutos, ut cum concipimus definitionem hominis, nempe *Animal rationale*, absolutos conceptus eius formamus absque vlllo ordine ad accidentia. Ad argumentum verò concedimus quemlibet conceptum substantiæ mediis phantasmatis accidentium formari: & idèò primi, quia immediatè ab eis dependent quodam modo possunt ex hoc connotatiui appellari. Cæteri verò, quos per discursum format intellectus nō nisi remotam quandam dependentiam habent, & idèò non formalem, nec essentialē, & propterea absoluti esse possunt modo exposito. Et quod tandem additur intellectum percipere res, ut se habent à parte rei, distinguendum est: nam ita, ut se habent, eas intelligit, quia iam eisdem prædicatis eis convenientibus: sed in modo eas percipiendi, sensus sequitur: & idèò solum eas potest intelligere, ut per sensus perceptas, & quia substantia non est per se sensibilis, nec per species repræsentabilis, quamvis à parte rei sit coniuncta cū accidentibus, non percipit eam coniunctam

sed sola eius accidentia potest percipere per species proprias; eam verò, non nisi per speciem accidentium, & ideo quodam modo ab eis diuisum. Non quòd diuisam esse à parte rei iudicet: sed quòd non sit perceptibilis simul cum accidentibus, licet ex hoc non diuidatur ab eis diuisione, aut separatione reali.

## Q V Æ S T I O V.

*Quonam modo cognoscantur ab intellectu pro hoc statu substantia separata, ut Deus & Angeli.*

- V** Num præsupponit titulus quæstionis tanquam certum; & alterum quærit tanquam dubium. Præsupponit quidem intellectum nostrum pro hoc statu aliquo modo substantias separatas, atque spirituales cognoscere, ut Deum & Angelos. Quod euidentius est in doctrina Aristot. nam ut cætera eius testimonia omittamus, id expressè docet 1. lib. de partibus anim. cap. 5. non longè à principio hisce verbis. *Res namque illas superiores tametsi leuiter attingere possumus, tamen ob eius cognoscendi generis excellentiam, amplius oblectamur, quam cum hac nobis coniuncta omnia tenemus.* Et huius ratio est manifesta, quia sub obiecto intellectus nostri (quod secundum se est vniuersalissimum ens secundum totum suum ambitum) continentur ergo aliquando modo tanquam ab eo cognoscibiles. Et euidentius experientia docet, quod saltem per effectus corporeos, ac sensibiles à nobis cognoscantur. Sed quonam modo per corporea cognoscantur spiritualia in dubium reuocat titulus quæstionis.
- ¶** Circa quam prima opinio recentiorum tenet nullam dari speciem propriam, nec proprium conceptum rei spiritualis in nostro intellectu: sed idolum tantum rei materialis, quod à nobis eius loco substituitur, & ad cuius similitudinem excogitat intellectus se habere Angelum in spiritualibus, eo modo quidem quo imago depicta substituitur pro re, quam representat. Probatur experientia: nam cum volumus intelligere Angelum, iuuenem quendam pulcherrimum depingimus, quem loco eius nobis substituimus intelligētes pulcherrimum adeò, seu perfectum esse Angelum in ordine rerum spiritualium: ac nobis videtur iuuenis ille depictus in rebus corporeis: ergò nullam aliam speciem, vel conceptum proprium Angeli formamus: sed per solam similitudinem eius depictam cognoscimus. Probatur etiam ratione; quia solum ea potest intellectus noster per se intelligere, quæ percipiuntur per sensus: sed per sensus solum possumus percipere res corporeas; ergò solum possumus habere species, ac formare conceptus rerum corporearum, ad quarum similitudinem percipiamus spiritualia, horum verò, neque propriam speciem, neque conceptum.

Secunda

Secunda opinio per extremum oppositum affirmat intellectum nostrum per hoc statu intelligere res spirituales per species intelligibiles proprias earum productas ab intellectu agente, eodem modo, ut prius intellectus possibilis cognoscat ultra eas dari alias superioris, ac excellentioris ordinis habentes esse quodam modo ei oppositum carens imperfectionibus materialibus, & corporeis, quo discursu, atque cognitione præsuppositis virtutem habet intellectus agens (cùm sit spiritualis) producendi speciem spirituales eas representantem. Ita sentiunt, & explicant recentiores alij. Probant primò, quia præsupposita determinatione sensus externi producit per sensum internum species quædam noua, atque insensata representans rationem vniuersalem, ac superiorem, quam non attingit sensus externus, ut rationem conuenientis, aut disconuenientis: ergò supposito discursu intellectus determinato circa eadem accidentia sensibilia, & phantasmata eorum, à quibus determinatur intellectus agens, poterit producere speciem intelligibilem rei spiritualis, per quam directè, & per se eam percipiat intellectus possibilis, quia nulla potest afferri ratio alicuius momenti, qua probetur id repugnare. Secundò quia intellectus animæ separatæ intelligit Angelos per proprias species eorum sibi infusas à Deo, ut in tractatu de anima separata ostenditur: ergò potest eisdem intelligere per species proprias eorum adquisitas per virtutem intellectus agentis, & phantasmatum. Probatur consequentia: nam si talem cognitionem habere non potest in corpore: ergò imperfectior erit status animæ in corpore, quam extra illud, cum perfectiorem habeat operationem, ex qua perfectior modus essendi cuiusdè colligitur.

Tertia opinio communis est negans intellectui pro statu corporis omnem cognitionem substantiarum separatarum per proprias species intelligibiles, à quibus per se immediatè represententur contra secundam sententiam, & ei concedens, quod per alienas species rerum corporearum proprios conceptus earum formes, & non solum idolum rei corporea contra primam. Ita expressè D. Thom. 3. lib. contra gentes, cap. 5. & ibidem, Fert. & 1. part. quæst. 88. artic. 1. & 2. & ibidem Caiet. Bañ. ac cæteri eius interpretes. Scotus in 1. distinct. 3. quæst. 2. §. Quinto dico, quid ista que cognoscuntur de Deo cognoscuntur per speciem creaturarum. Et cum his omnes ferè recentiores. Et videtur mihi non solum probabilior, sed vera. Quæ primò explicanda à nobis est, deinde probanda. Explicatur autem hoc modo. Duabus viis, aut modis potest intellectus pro hoc statu peruenire ad cognitionem rerum spiritualium per corporeas: prior vocatur nega-

rionis, aut remotionis, quam ponit D. Thom. 1. p. q. 88. art. 2. ad 2. remouendo, aut negando à re corporea omnes imperfectiões. Vt si intellectus directè, & per se cognoscat albedinem per speciem propriam productam ab intellectu agente, & ex cognitione eius discurrendo intelligat esse formam, vel actum inhaerentem subiecto corporeo, quod maximè imperfectiõis est, quæ carent spirituales substantiæ, quas ideò intelligit esse actus completos per se subsistentes non corporeos, nec materiales: sed spirituales, vt sunt Angeli, in quibus adhuc intelligit dependentiam ab alio in suo esse, quod cognoscit non habere à se: sed ab alio, atque etiam limitationem ad certum genus, & speciem, & ex consequenti compositionem ex esse, & essentia, atque etiam ex substantia, & accidentibus spiritualibus, quæ sunt potentiæ, & actus, remouens igitur hæc à substantia spirituali format conceptum cuiusdam substantiæ simplicissimæ his omnibus carenti, quæ purus actus sit à nullo dependens, & ideò non habens esse limitatum: sed infinitum, & talem substantiam  
 160 spirituales intelligit esse Deum. Alia via est positionis, seu attributionis, quæ posuit Scotus ubi supra, in qua procedit intellectus attribuendo substantiæ spirituali quidquid perfectiõis cognoscit in rebus corporeis: sed sine imperfectiõis: imò cum maiori perfectiõis; ita vt ex pluribus positiuis, ac perfectis eliciat conceptum perfectiorem absque imperfectiõis, quem Deo attribuit, & isti sunt conceptus proprii, quos de Deo & Angeli format intellectus, non quidem proprii, hoc est, per propriam speciem rei formati nec representantes per se immediatè entitatem, vel substantiã eorum, & ideò neo quidditatiui, quamuis sint conceptus prædicatorum præsentium ad quidditatem eorum, & cum eis conuertibiles, quia eis solis conueniunt; quare meritò vocantur proprii, quamuis per species alienas formati. Et ecce apertam deceptionem primæ opinionis, quæ solum putat alienum conceptum dumtaxat formare intellectum eis aliquo modo similem, vt pulcherrimi iuuenis, & non proprium, qui eis solis conueniat. Colligitur etiam deceptio  
 160 secundæ opinionis concedentis intellectui quidditatiuum conceptum per speciem propriam earum formatum. Quod formare non posse efficaciter probari potest. Primò à priori hoc modo, quantumcumque discurrat intellectus circa accidentia sensibilia, impossibile est acquirere propriam speciem harum substantiarum: nam virtus & operatio intellectus agentis ad producendam quamcumque speciem intelligibilem ex communi omnium sententia determinatur, ac modificatur per phantasme obiectiuo modo concurrens cum eo; ergò impossibile est  
 162 inelle

intellectum agentem producere speciem, nisi illius obiecti; quod per phantasma representatur. Probatur consequentia, quia ex se indifferens ad producendum speciem representantem quamlibet rem, & non potest determinari, nisi ab aliquo tribuente ei obiectum determinatum, cuius speciem potius, quam alterius producat: sed constat per phantasmata, nec representari spiritualia obiecta: sed sola corporea cum sit species sensibilis, ergo non potest ab intellectu agente produci species spiritualia representans: sed rem dumtaxat sensibilem; quare nec poterit spiritualia cognoscere per proprias species, nec conceptus earum quidditatiuos formare.

Quod verò dicitur non posse intellectum agentem ex se<sup>163</sup> producere talem speciem, nisi præcedente illo discursu intellectus possibilis, friuolum est, & ideo non tollit efficacitatem argum. quia quantumcumque discurrat intellectus circa sensibilia, nihil potest per talem discursum ponere in phantasmatibus, nec mouere, vel eleuare illa ad representandam rem aliam altiore, nec altiori modo, ab eadem re sensibili, quam ex se representant, quia impossibile est hoc fieri sine mutatione intrinseca eorum, quam non potest vilo modo efficere intellectus agens nec possibilis, ut superius probauimus.

Secundò probatur à posteriori & quasi ab inconuenienti,<sup>164</sup> quia si cognoscimus substantias spirituales per proprias species, sequitur euidens nobis esse, quod præter Deum dentur substantiæ purè spirituales, completæ & omni prorsus corpore carentes, quod pater esse falsum, quia multi de hoc dubitarunt. Probatur consequentia, quia quod per propriam speciem cognoscimus, licet imperfectè illud cognoscamus, representatur nobis per propriam entitatem: ergo per illam immediatè cognoscitur à nobis, quod est euidenter cognosci. Sequitur etiam naturaliter dari speciem propriam ipsius Dei cum quidditatiuè representantem, & sicut est in se, per quam erit à nobis euidenter, & quidditatiuè cognoscibilis naturaliter. Contra communem sententiam totius Scholæ, & Sanctorum Patrum, atque etiam contra euidentem experientiam: experimur enim omnes, nunquam nos cognoscere diuinam essentiam, aut aliquod attributum Dei, ut in ipso est: sed solum per quandam similitudinem creaturarum. Idemque de Angelis, & anima nostra inferioribus notum est.

Ad experientiam primæ opinionis respondeo, iuari quidem intellectum iuvene illo pulcherrimo depicto ad intelligendum Angelum, in quantum ex pulchritudine eius, & aliis per discursum format proprium conceptum Angeli seclusis adhuc imperfectionibus eiusdem simulachri.<sup>165</sup>

Vnde

Vnde ad argum. eiusdem sententiæ distinguendum est antecedens, quod solum ea possit intellectus noster pro hoc statu intelligere, quæ percipiuntur per sensus : nam per se & directè, verum est, indirectè verò, & per discursum potest etiam proprium conceptum rerum spiritaliũ formare modis explicatis.

- 166 Ad primum verò secundæ opinionis concedendum est, quod potentia sensitiva superior possit rationes alias in obiecto sensato ab inferiori sensu percipere per species insensatas, quas sibi producit repræsentatas: sed hoc ideo potest, quia rationes istæ insensatæ sensibiles à se sũt, sibi que proportionatæ, quavis respectu inferioris sensus improportionatæ. Et quia potentia cognoscitiva formare potest speciem expressam obiecti sibi proportionati, ea media potest in se producere impressam, etiã insensatam, qua pro usu futuro sibi reservat in memoria. Vtraque autem hæc ratio cessat in intellectu agente respectu substantiarum separatarum, quæ omnino sunt ei improportionatæ: nec per phantasmata non repræsententur, imò & intellectui possibili pro hoc statu improportionatæ sunt: cum nihil per se immediatè possit percipere, nisi à sensibus perceptũ, constat autem spirituales substantias nõesse per sensus perceptibiles; quare neque agens intellectus potest speciẽ producere per se immediatè eas repræsentantem. Deinde intellectus agens non est potentia cognoscitiva sicut sensus externus: sed naturalis atque inferioris ordinis, & ideo solum potest producere speciẽ impressam secundum determinationẽ phantasmatis, hoc est, eius tantum obiecti, quod per phantasma repræsentatur.

- 167 Ad secundũ dicimus negari non posse, quod intellectio animæ separata respectu substantiarũ spiritaliũ perfectior sit ea per quã in corpore easdẽ percipit, & ex hac etiã parte status ille perfectior. An verò, & quomodo maior hæc perfectio compensetur per informationem corporis; ita ut omnibus pensatis absolutè sit perfectior status animæ in corpore statu separationis: mox explicabitur à nobis in tractatu de anima separata.

## Q V Æ S T I O VI.

*Quonam modo anima pro hoc statu seipsam cognoscat.*

- 168 **P**reæsupponit titulus quæstionis tanquam certum, quod anima pro statu præsentis se ipsam aliquo modo cognoscat: quod satis est cuique per se manifestum: & in sacris literis plura de anima ipsa habentur, atque etiam hæc pars philosophiæ, quam elucidamus, eã habet pro parte principaliori sui subiecti, ac de potentiis, seu proprietatibus eis copiosè disserit. Modum verò, quo se cognoscat, in dubium reuocat.

- 169 Prima opinio asserit animam se cognoscere per propriam substantiam.

substantiam, quæ ei loco speciei intelligibilis deseruit, sicut de Angelo docet D. Thom. 1. p. qu. 5. art. 1. & cum eo ferè omnes Scholastici; & ideò absque vlla specie vel re materiali cognita. Ita Henr. quodlib. 4. quæst. 7. Gregor. in 1. d. 3. qu. 2. quam vt probabilem defendit noster Valentia 1. p. disput. 6. q. 7. puncto 2. & videtur expressa à D. Aug. 9. lib. de Trinitate c. 3. hisce verbis. *Mens ergo ipsa, sicut corporearum rerum notitias per sensus corporis colligit, sic corporearum rerum per semetipsam: ergo & semetipsam per se ipsam nouit, quoniam est incorporea.* Et ratione probatur, quia anima non est minùs intimè præsens, & proportionata per se ipsam intellectui proprio, quàm Angelus respectu proprii intellectus: ergò non indiget phantasmate, neque vlla cognitione rei materialis ad cognoscendum se ipsam, imò neque vlla specie sui. Probatur consequentia, quia phantasmate, aut cognitione rerum materialium indiget intellectus noster pro hoc statu ad cognoscendas substantias separatas, quia cum corpore prorsus careant & ipse sit in corpore, improporionatæ cèsentur: & ideò non potest eas per se immediatè cognoscere, sed mediis corporeis rebus sensibus corporeis perceptis, sed licet anima sit spiritalis, est tamen forma corporis, & in corpore ipso, sicut intellectus; ergò erit anima per se ipsam omni ex parte proportionata intellectui proprio in corpore existenti, & cum sit ei intimè præsens, erit etiam per se ipsam intelligibilis ab eo absque phantasmate, vel cognitione alicuius rei materialis: & etiam absque vlla specie sui: cū per se ipsam exercere possit omnia officia speciei, longè meliùs, quàm species ipsa, quæ ideò superflua cèseretur. Quod ex eadem anima separata vrgeri potest se intelligente per se immediatè, sine specie; ergò cum non sit minus sibi intimè præsens, quam est extra corpus, per se ipsam, & sine specie intelligitur.

Secunda opinio tenet intellectu pro hoc statu cognoscere animam propriam sicut cæteras substantias spirituales separatas per propriam speciem eius productam ab intellectu agente, non quidem ex aliquo phantasmate eam repræsentante, sed ita vt præsupposita determinatione sensuum operantium circa effectus sensibiles & supposito discursu intellectus possibilis per quem ex actibus, & operationibus vitalibus cognoscat dati quasdam alias formas excellentioris ordinis supra formas rerum inanimatarum, producat idem intellectus agens sua virtute speciem intelligibilem repræsentantem formam excellentioris ordinis supra formas rerum inanimatarum, & habentem operationes vitales, non solùm corporeas, sed spirituales, qualis est anima rationalis. Et fundamentum huius opinionis est, quod intellectus agēs est virtus spiritalis superior, & quasi vniuer



vniuersalis ad producendum speciem cuiuslibet rei quantumlibet excellentioris, excitatus à sensibus operantibus, circa sensibilia quæcumque, & ab intellectu possibili discurrente circa effectus sensibiles aliarum rerum inferiorum potest producere speciem intelligibilem propriam eius, & ideo speciem animæ sicut aliarum rerum spiritualium, per quam cognoscit eam intellectus cognitione quidditatiua. Ita sentiunt recentiores quidā interpretes Aristotelis superius citati pro modo intelligendi substantiam corpoream diuinam, & Angelicam per proprias species hac etiam ratione productas, quia nulla in hoc inuenitur repugnantia, nec ratio alicuius momenti eam probans, cum ex alia parte pertineat ad dignitatem, & excellentiam intellectus agentis productio talis speciei, & ad excellentiam intellectus possibilis talis cognitio per eam, non sunt eis denegandæ.

- 173 Tertia opinio duo negat, & vnum affirmat, primum quod negat est, animam se cognoscere per se ipsam immediate, sicut angelus se cognoscit contra primam opinionem. Secundo negat se cognoscere per propriam speciem, à qua per se immediate representetur. Et tandem affirmat, quod per aliud se cognoscat, videlicet cognoscendo propriam actum, vel etiam per species rerum materialium eo modo, quo cognoscere diximus substantias separatas. Ita Dinus Thomas quæstion. 10. de Veritate, articul. 8. & 1. part. quæstion. 87. ait. 1. & ibidem Caietan. & Bannes. Ferrar. 3. contra gentes capir, 46. & cæteri Thomistæ, Ægidius quodlibet. 1. quæst. 3. & quodlib. 2. quæstion. 23. & est etiam communis ferè inter recentiores, nobisque videtur probabilior, & magis consentanea doctrinæ Aristotelis. Probatur hoc vltimum contra primam opinionem ex capit. 4. huius libr. textu 8. vbi loquens Aristoteles de intellectu constituto in actu primo ad intelligendam per species; asserit expressè, tunc posse non solum alia à se, sed etiam se ipsum intelligere: ergo sentit planè nec alia, nec se ipsum posse intelligere antequam species recipiat, sed esse in pura potentia respectu cuiuscunque intellectiōis, tam aliorum obiectorum, quàm sui ipsius, ita vt nullam prorsus habeat, ex quo planè deducitur non se intelligere per se ipsum immediate, & sine specie, vt asserit prima opinio. Verba Aristotelis hæc sunt: *Cum autem singula factus est, vt sciens dicitur, qui secundum actum: hoc autem accidit: cum potest operari per se ipsum: est quidem & tunc potentia quodammodo, non tamen similiter, vt erat antequam addisceret, aut inueniret. Et ipse autem se ipsum tunc potest intelligere.*

- 176 Vt autem probemus tandem sententiam nostram aduersus utramque oppositam, vnum oportet adnotare: videlicet animam

nam nostram duo habere; unum quod sit forma physica informans corpus, etiam ut rationalis, sub qua consideratione evidens est pertinere ad statum, & ordinem physicum, materiale, atque sensibilem: alioqui non posset per se, & tanquam obiectum proprium pertinere ad hanc partem naturalis philosophiæ. Habet præterea aliud nempe extra corpus esse, quod est habere modum essendi similem substantiis separatis & consequenter modum operandi: ita ut sicut illæ operantur per species infusas à Deo, sine vlla dependentia à sensibus; pari ratione anima separata. Et quemadmodum in his duobus statibus habet diuersum modum intelligendi actiue, ita habet diuersum modum intelligibilitatis passiuæ, quia modus intelligibilitatis cuiuscunque rei, sequitur modum essendi eius. Vnde 177  
fit, quod extra corpus existens sicut habet modum intelligendi similem modo intelligendi Angelorum, ita habet modum intelligibilitatis passiuæ similem modo intelligibilitatis eorum; quare sicut Angeli sunt actu intelligibiles, & ideò cum sint sibi intimè præsentès, non indigent specie, per quam intelligantur à proprio intellectu, sed intelliguntur per se ipsos immediatè, sic anima in statu separationis est per se ipsam actu intelligibilis, sibi que ut in tali statu existenti intimè præsens, & propterea non indiget specie, ut vnatur proprio intellectui modo intelligibili, sed per se ipsam ei vnitur, & per se ipsam intelligitur, & non per speciem. Sed in statu in- 178  
formandi corpus exercet officium formæ corporeæ, vegetatiuæ, sensitiuæ, & rationalis; quamuis entitas eius sit spiritalis, & sicut habet modum essendi formæ corporeæ, habet modum operandi eiusdem; ita ut in quantum vegetatiua, & sensitiua habeat potentias organicas per quas exercet actus corporeos, atque sensibiles; imò modum intelligendi quodam modo corporeum habet, quia licet intellectus adhuc in corpore non sit organica potentia, nec dependeat à corpore tanquam ab organo, dependet tamen à sensibus tanquam administrantibus sibi obiectum, sine quorum ministerio non potest naturaliter illud intelligere; & sicut habet modum essendi & operandi, ac intelligendi, ita corporeum, pari ratione habet modum intelligibilitatis passiuæ corporeum, & sensibilem, sed res corporeæ ac sensibilis ordinis non possunt percipi ab intellectu pro statu 179  
corporis, nisi mediis sensibus hoc est nisi per sensus percipiantur, & phantasmata eorum possint concurrere cum intellectu agente ad producendam speciem in intellectu possibili, per quam intelligatur: ergò neque anima prout informans corpus potest alio modo intelligi à proprio intellectu, sed constat non esse per se sensibilem cum sit entitas immaterialis, sed solum per suos

suos actus, aut effectus sensibiles; ergò nec est per se intelligibilis, sed per species eorum.

- 180 Ex quibus sic probatur nostra sententia, & refutantur aliz; modus intelligibilitatis cuiuslibet rei sequitur modum essendi eius, sed anima prout informans corpus habet modum essendi corporeum, & ens corporeum ex se non est actu intelligibile, sed solum in potentia, sit autem actu intelligibile per speciem productam ab intellectu agente medio phantasmate proprio à quo repræsentatur, & nullo alio modo: ergò anima ut informans corpus non est actu intelligibilis, sed solum in potentia; quate debet fieri actu intelligibilis per speciem. Vnde sequitur non posse per se immediate ac sine specie intelligi contra primam
- 181 opinionem. Vterius non habet proprium phantasma, à quo determinetur obiectivè intellectus agens ad producendam speciem sui per se immediate eam repræsentatam: ergò non potest intelligi per speciem propriam contra secundam opinionem. Restat igitur solum posse fieri actu intelligibilem, in quantum per species proprias suorum effectuum, vel per proprium actum intelligendi, quem habet in corpore, eam potest intellectus discurrendo percipere, ut asserit nostra sententia.

- 182 Testimonium D. Aug. pro prima opinione oppositum, difficilem habet expositionem, & absque dubio videtur inclinare in primam sententiam, quod anima se cognoscat per semetipsam, & non per speciem, nec per discursum ex notitia rerum sensibilibus, nec per proprium actum, ut asserimus, sed adhuc si verba eius expendamus, non videbitur contra mentem eius expositio D. Thom. qu. illa 87. art. 1. ad primum in eo consistens, quod D. August. comparat notitiam rerum spiritualium, quam consequitur anima per se ipsam notitiæ rerum corporearum, quam consequitur per sensus; nam ex comparatione hac colligit se cognoscere animam per se ipsam, quia est incorporea, ut
- 183 autem comparatio illa recta sit, non est necessarium, quod anima se cognoscat per se ipsam, hoc est, sine medio, (in hoc enim consistit tota difficultas verborum Augustini) sed licet se cognoscat per proprium actum cuius principium est, benè potest ex notitia sui sic habita colligere notitiam aliarum spiritualium eo modo, quo colligit per sensu notitiam rerum corporearum. Cognoscere autem se per se ipsam non necessario tollit medium suæ cognitionis esse actum proprium, sed cum eiusdem actus ipsa sit principium actuale, cognoscens se ipsam, ut actu existentem per actualem existentiam sui actus, qui actuale principium eius est, ex consequenti dicitur se cognoscere per se ipsam, & hunc sensum tenuit Divus Augustinus.

- 184 Ad argum. eiusdem sententiæ distinguendum est primum antecedent

antecedens, quod anima non minùs sit proportionata intellectui proprio, quàm essentia Angeli proprio etiam intellectui; nam secundum statum separationis à corpore, verum est, & propterea in eo statu se cognoscit per se ipsam, sicut Angelus. Falsum verò secundum statum informandi corpus, ex quo potius pertinet ad ordinem rerum corporearum ac sensibilibum: & propterea hoc modo considerata non est actu intelligibilis, sed potentia tantum, sicut cæteræ res corporeæ: quare nec per se intelligi potest, sed sicut res aliæ sensibiles per species, quas cum non possit habere proprias: cum nec habeat propria phantasmata; solum potest intelligi per species alienas.

Fundamentum verò secundæ opinionis, quod intellectus agens sit virtus vniuersalis ad producendum species omnium rerum, planè falsum est, quia potius ex propria natura limitatur per phantasma obiectiue determinans actionem eius; quare solum potest producere species earum rerum, quæ per phantasmata repræsentantur, & ideò non speciem animæ.

## Q V Æ S T I O V I I.

*Quonam modo cognoscat intellectus se, & suos actus, habitus, atque species, necnon voluntatem, & eius actus, & habitus.*

**P**Ræsupponitur tanquam certum, quod intellectus hæc omnia aliquo modo cognoscit. Quod his verbis certissimum esse docuit D. August. 10. lib. de Trinitate, cap. 10. *Vivere se, & meminisse, & intelligere, & velle, & cogitare, & scire, & iudicare quis dubitet.* Et post Augustinum D. Thom. 1. par. q. 87. artic. 3. & cum eo omnes. Quod quisque apud se satis euidenter experitur, & propterea nulla indiget probatione.

Sed hoc supposito modum quærimus, quo hæc ab intellectu pro hoc statu cognoscantur.

Et prima opinio tenet, quod sicut anima se cognoscit per se ipsam, sine vlla specie, ita hæc omnia, quia intra ipsam sunt. Ita sentiunt omnes illi, quos in præcedenti quæstione citauimus pro prima opinione. Quorum fundamentum est etiam idem, nempe hæc omnia esse actu intelligibilia ex se, & intimè præsentia intellectui; quare nulla specie indigent, vt intelligantur. Et de intellectu ipso, speciebus, & intellectione per se putant manifestum; sed de voluntate, & actibus, & habitibus eius eodem modo sentiendum esse docent, quia vt D. Thom. asserit 1. par. q. 87. artic. 3. & 4. Voluntas non est aliud, quàm inclinatio intelligibilis per modum principij, & actus eius inclinatio intelligibilis actualis: sed inclinatio intelligibilis est in intelligente; & ideò verè vtræque inclinatio intra intellectum esse dicitur.

Quod probat in solutione ad primum, quia licet intellectus, & voluntas sint diuersæ potentia, & ex hac parte quælibet videatur esse extra aliam, & quæ in vna sunt, respectu alterius videantur extranea, cæterum quia in eadem anima tanquam in subiecto radicatur, & actus vtriusque habet necessariam dependentiam ab alia, & ab actu eius: propterea voluntas ipsa, & quæcunque in ea sunt, dicuntur quodam modo esse in intellectu, & ideo intimè ei præsentia; unde per se intelligi ab eo possunt.

188 Secunda opinio negat sine specie intelligi, concedit tamen proprias species eorum produci ab intellectu agente præsuppositis duobus, nempe exercitio sensuum circa quæcunque sensibilia, & discursu intellectus circa potentias sensitivas, species earum, & actus, atque etiam circa appetitum sensitivum, & actus eius; quo discursu colligit quasdam alias potentias, actus, & species altioris ordinis dari, & his duobus quasi excitari intellectum agentem docet, ut sua virtute vniuersali ad producendas species quarumlibet rerum, producat proprias cuiuscunque horum, per quas intelligatur. Ita sentiunt recentiores illi quæ præcedente citati, ac refutati.

189 Tertia opinio est aliorum recentiorum, qui diuerso modo loquuntur de intellectu, & voluntate, ac speciebus, & habitibus, & de actibus vtriusque potentia: nam de illis asserunt, neque per se ipsa, neque per proprias species cognosci; sed per alienas rerum sensibilem. De actibus verò intellectus voluntatis affirmant per species proprias, quas ipsi per se, & immediatè imprimunt intellectui cognosci ab eo. Et hoc vltimum probant hoc discursu; vel actus isti cognoscuntur ab intellectu per alienas species rerum sensibilem, aut per species proprias productas ab intellectu agente; vel tandem sine speciebus: sed nullo ex his modis possunt cognosci: ergo cognoscuntur per species proprias, quas ipsi immediatè per se imprimunt intellectui, quia non  
190 superest alius modus quo possint cognosci. Antecedens probatur; & primò quod non cognoscantur per alienas species rerum sensibilem, quia licet quidditas, & essentia horum actuum possit cognosci per discursum ex sensibilibus, sicut cognoscitur anima ipsa, existentia verò eorum in anima, hoc est quando sint in ea, quando eliciantur ab ipsis potentiis, vel quod idem est actus ipsi in indiuiduo, non possunt ex sensibilibus cognosci, quia nulla datur res sensibilis, & sæpe nullus datur effectus sensibilis eorum, per quem cognoscere possumus, quando sint, vel non sint in intellectu, vel in voluntate; nam licet quando aliqua actio externa, vel motus corporis, aut alicuius partis eius resultat ex actu intellectus, vel voluntatis, ut ex intellectu loquutio externa, & ex actu voluntatis motus progressiuè, vel  
aliquæ

aliqua excitatio appetitus sensitivi, aut quid simile, possemus fortè dicere, quod per species eorum cognoscantur: sed cum sæpè cōtingat eisdem actus existere in eisdem potentiis ab eis-que elici, nullo motu, vel actu externo, aut excitatione appetitu causata, nulla restat via eos cognoscendi per alienas species rerum sensibilium; quare necessario dicendum erit esse à nobis<sup>191</sup> prorsus incognitos. Unde sequitur concedendum quoque esse, quod dentur sæpè in nobis actus voluntaris perfecti, ac plenè deliberati nobis prorsus ignoti, imò naturaliter incognoscibiles. Et tandem sæpè hominem graviter peccare, quin possit peccatum suum cognoscere, & consequenter, quin possit de illo conteri: quod non solum videtur falsum, sed periculosum in fide; nam talia peccata videbuntur omnino irremissibilia; quia nisi cognoscantur, non poterunt deleri per contritionem, vel attritionem simul cum Sacramento, aut vlllo alio medio. Probant deinde, quod non cognoscantur per speciem productam ab intellectu agente, quia hæc non potest produci, nisi medio phantasmate eos repræsentante; constat verò nullum posse dari phantasma eorū, cum nō sint per sensibiles ab vlllo sensu, sed incorporei prorsus, atque per se insensibiles. Et tādē quod<sup>192</sup> cognoscantur per speciem propriā, probant ex sensationibus: nam sensatio sensus extēni simul cum obiecto per eam sensato producit speciem propriam in sensu interno, quamvis non sit ab eodem sensu externo cognita, quia obiectum eius est cognoscibile ab eodem sensu interno: ergo intellectio, & volitio, qui sunt actus proprii harū potentiarum: quamvis non sint cognitæ per sensus, producent speciē propriā in intellectu, à quo obiecta earum cognoscuntur, & per talē speciē cognoscuntur ab eo. Et quod nō cognoscātur per se immediatè sine specie, ostē-<sup>193</sup> dunt ex eo, quod non solum percipimus hos actus, dū præstes sunt, sed iam præteritos: nam per memoriam recordamur nos eos aliquando habuisse præsentēs, sed iam præteriti non possunt per se immediatè percipi, quia quod non est, non potest per se mouere potentiam ad sui perceptionem, ergo necesse est concedere, quod speciem prodixerint, per quam præsentēs percepti sint ab intellectu, & eam reliquerint in memoriā asseruatam pro futuro actu recordationis, vel contra experientiam negare, quod eorum recordemur per actum memoriæ.

Ultima opinio tam de intellectu, & speciebus eius, quàm de voluntate, & actibus, & habitibus vtriusque potentia negat verumque, & quod eos intelligat per se immediatè, sine specie, atque etiam quod eos intelligat per species proprias eorum, siue productas ab intellectu agente, siue ab eis immediatè: Et solum admittit, quod eas cognoscat per species alias rerum sensibilium. Ita D. Thom.

expressè 1. part. quæst. 87. art. 3. in corpore, & ad primum. Ita etiam Caietan. ibidem, & Bañez dub. vnico, in solutione confirmationis primi argum. Ferrar. 1. contra gent. cap. 53. & Tolerus 3. lib. de anima, qu. 11. Conimb. cap. 8. eiusdem lib. q. 5. art. 2. & plures alij: videturque nobis probabilior, & sequenda.

125 Sed circa hos authores adnotare oportet, Bañez excipere species intelligibiles, quas asserit cognoscere intellectû sub ratione specierum per seipsas, & non per alias species, vt D. Thom. docet q. 10. de Veritate, art. 9. ad 10. sed probat, quia ipsamet species, quæ per se ipsam repræsentat quidditatem rei, repræsentat se ipsam intellectui, quantum necesse est, vt possit cognosci per actum reflexum: ergo non est ponenda alia species, per quam cognoscatur. Nec tamen propter hoc intellectus cognoscit aliquid sine ordine ad quidditatem materiale, quia ipsamet species est quidditatis materialis species, vnde censetur quidditas materialis. Et præterea quia si species non cognosceretur per se ipsam, deberet cognosci per aliam speciem, & hæc per aliam; & ita daretur processus in infinitum, qui nullo modo admitti debet.

126 Conimb. verò excipiunt solos actus voluntatis in fine eiusdem articuli, inrer quos, & actus intellectus hoc esse discrimen asserunt, quod actus intellectus cum ab eo eliciatur, non possunt directa cognitione ab eo percipi, sed reflexa opus est, reflexam verò habere non potest, nisi per speciem, quam cum non possit per se producere, nec potest per propriam speciem cognosci, sed per alienam rerum sensibilibum. Actus autem voluntatis cum sint alterius potentiæ, & simul sint per se intelligibiliter præsentés intellectui, vt asseruit D. Thom. loco citato in principio huius quæstionis, possunt percipi ab eo directa cognitione, ac per se, & non per species alias rerum materialium.

127 Nos verò iuxta vltimam sententiam asserimus prædicta omnia nullo excepto per alias species rerum materialium, & ad similitudinem earum, & non per proprias, nec per se ipsa sine specie cognosci ab intellectu pro hoc statu. Hanc probō, primò hac ratione desumpta, ex D. Thom. 1. part. quæst. 87. art. 3. ad primum. Quia objectum adæquatum nostri intellectus pro hoc statu est ens, & verum, non in toto suo ambitu, sed consideratum in rebus materialibus, ac sensibilibus: ergo solum potest sensibilia percipere per se, spiritualia verò solû in quantum per hæc eadem sensibilia ei innotescere possunt, quod est solum per species, ac similitudinem eorum ea percipere: sed constat prædicta omnia secundum propriam entitatem spiritualia esse: ergo non possunt per se ipsa, vel per species proprias percipi ab intellectu (vt de exteris spiritualibus ostenditur).

dimus) sed solum per species rerum sensibilium, & ad similitudinem eorum. Probatur antecedens, quia anima pro hoc statu est actualis forma corporis: ergo sicut perficitur in suo esse communicando illud corpori, ita nata est perfici in suo modo operandi per ministerium corporis; corpus verò non exhibet ei ministerium ad intelligendum: nisi per sensus: ergo solum potest per se intelligere sensibilia, spiritualia verò (qualia sunt prædicta omnia) non per se, & ideo nec per species proprias, sed solum per species sensibilium, & similitudinem eorum. Quod probat etiam efficaciter experientia ipsa: nam experimur omnes intellectum, & voluntatem, habitus, species & actus utriusque potentie secundum quidditates, & essentias difficile admodum à nobis cognosci, & post longum discursum, & studiosam inquisitionem, ut asserit D. Thom. art. 2. eiusdem questionis, quod non esset vetum, si per se immediate, ac sine specie cognoscerentur, aut per species proprias ab eis immediate productas, quin potius semper, & à principio esset intellectus in actuali cognitione eorum: cum nullum posset habere impedimentum, nec phantasmatis, vel operationibus sensuum indigeret ad ea cognoscenda, quod eidem experientie contradicit. Hanc sententiam sic probatam recipiunt omnes citati pro tertia opinione, arque etiam plures ex citatis pro prima, & secunda. 198

Sed restat eandem nostram sententiam specialius probare contra eos, qui vnum, vel alterum excipiunt, quod per se immediate, ac sine specie cognosci affirmant. Et primò quia si species intelligibiles per se ipsas sine aliis perciperentur ab intellectu, euidenter cognoscerentur: ergo non posset dubitari de existentia earum in intellectu, aduersus prædictam experientiam. Probatur euidenter consequentia, quia quod per se ipsum cognoscit intellectus, per se ipsum intuetur, quod est euidenter illud cognoscere: nam intuitio euidentem notitiam importat. Consequens autem falsum est: cum constet plures dubitasse, & hucusque adhuc de speciebus sensibilibus solum à posteriori probatum esse per extrinsecam experientiam: ergo aperte falsum est, quod actus isti spirituales per se cognoscantur ab intellectu. Nec D. Thom. oppositum sentit, ubi eum citat Bañez, quin potius docere videtur nostram sententiam. Nam verba eius hæc sunt. *Intellectus cognoscit speciem intelligibilem, non per essentiam suam, neque per aliquam speciem, sed cognoscendo obiectum, cuius est species per quandam reflexionem.* Constat verò obiectum repræsentantem per speciem esse sensibile, ex cuius cognitione reflexa cognoscitur species: ergo sentit D. Thom. non cognosci speciem per se ipsam (ut affirmat Bañez) sed per cognitionem rei sensibilis. 199



- 201 De actibus verò voluntatis aduersus Conimbr. qui eos exci-  
piunt à communi modo cognoscendi cætera spiritalia, atque  
etiam de actibus intellectus aduersus primam; & secundam  
opinionem, in primis probò, quod non possint cognosci im-  
mediatè per se ipsos, ac sine specie, quia actus isti secundum  
propriam entitatem sunt spirituales: ergò improporionati re-  
spectu modi intelligendi, quem habet anima in corpore in quo  
nihil potest per se intelligere, nisi ministerio corporis, & sen-  
sum eius; & ideò nihil nisi corporeū, vel per speciem corporis.
- 202 Quodd verò nec per species productas ab intellectu agente  
ex superioribus constat, quia intellectus agens nullam potest  
speciem producere, nisi determinatus per concursum obiecti-  
uum phantasmatis, sed actus isti non possunt per phantasma  
repræsentari; cum sint entitates spirituales: ergo nec potest intel-  
lectus agens producere species eorum, per quas cognoscantur.
- 203 Quod vero nec per species quas ipsi per se immediatè im-  
primant intellectui, sic probò; vel actus isti sunt actu intelli-  
gibiles, vel potètia tantum: Si dicatur primum: statim infero non  
indigere specie, sed per se ipsos intelligi probatur consequètia,  
quia si sunt per se actu intelligibiles; cum sint etiam vt tales  
præsentés intellectui, sequitur per se etiam ab eo, ac sine specie  
intelligi: Si verò solum sunt intelligibiles in potentia, sequitur  
non posse per se immediatè imprimere speciem: sed per virtu-  
tem intellectus agentis, quod probatum est impossibile.
- 204 Probatur tandem de actibus voluntatis, quod nec per se im-  
mediatè, nec per proprias species, quas ipsi imprimant intelle-  
ctui, possint ab eo intelligi, quia euidenti experientia con-  
stat omnibus, & singulis hominibus sæpe ignorare an habue-  
rint deliberatum, sed liberum consensum circa obiecta aliqua,  
vnde plures traduntur regulæ à Theologis in tractatu de con-  
scientia ad curandos scrupulos, & conscientias timoratas se-  
dandas; ergò sæpe homines incerti sunt de existentia actuum  
liberorum in voluntate propria, quod euidentis signum vide-  
tur esse eos nec per se ipsos immediatè, nec per species pro-  
prias cognoscere, quia si ita eos cognoscerent certa, & eu-  
dens foret eorum cognitio; quare dubij esse non possent de  
existentia eorum.
- 205 Huic argum. posset responderi, posse quidem eosdem actus  
per se ipsos, vel per speciem propriam causare euidentem noti-  
tiam sui in intellectu, sed eam non causare, quia requiritur  
aduertentia ipsius intellectus, & quia sæpe homines non ad-  
uertunt, ideò non certò eos cognoscunt, sed dubitant de exi-  
stentia eorum in voluntate. Sed nec hæc solutio vera est, nec  
satisfacit argumento; quia si actus ipsi per se immediatè perci-  
piuntur,

pluribus, vel per speciem, quam per se immediatè imprimunt, nihil potest esse, quod aduertentiam intellectus impediatur, quia cum cognitio eorum, nec ex phantasmatibus, neque omnino à sensibus dependeat, sed eo ipso, quod voluntas tendit in obiectum, ipsamet eius tendentia, quæ est actus eius imprimat speciem sui in intellectu, nullum est aliud obiectum, à quo impediatur intellectus ipse, quin informatus speciem eiusdem actus, ipsum percipiat, præsertim cum nulla prorsus reflexio sit necessaria ad eum percipiendum, nec discursus aliquis, sed cum sit actus alterius potentie ab intellectu, per actum directum, ac simplicem, & absque mora temporis ab eo percipiatur.

Vt autem nostram sententiam explicemus, & argum. opposita solvamus, duo sunt adnotanda ex doctrina D. Thom. 1. part. quæst. 57. art. 2. 3. & 4. Primum est dupliciter esse præsentem intellectui voluntatem habitum eius, & proprium actum; imò, & intellectum ipsum cum suis speciebus, habitibus, & actibus; primò, secundum propriam rationem, qua concurrunt ad actum tanquam principia eius, vel qua sunt actus ab eisdem potentiis producti, quam præsentiam habent per se ipsos, & non per speciem propriam, vel alienam, quia per proprias entitates sunt principia actus, vel actus ipsi ab eo elicit, & non per species. Et hanc præsentiam explicuit D. Thom. art. 4. eiusdem quæstionis dicēs voluntatem esse in intellectu, vel ei præsens intelligibiliter, & actum eius tanquam principiatum in suo principio: cum intellectus sit quodammodo principium actus voluntatis. Alia est præsentia obiectiva, quam res habet respectu potentie, à qua cognoscibile est, & in quantum actu ab ea cognoscibilis, & hoc modo solum est præsens intellectui nostro pro hoc statu obiectum materiale repræsentatum per speciem in eo receptā; spiritualia verò nō sunt ei secundum præsentiam, sed solum per extrinseca, hoc est ratione materialium obiectorum, per quorum species, & similitudinem cognoscibilia sunt; quare nec voluntas est per se præsens intellectui præsentia obiectiva, nec actus, vel habitus eius, neque species intelligibiles, nec actus eiusdem intellectus; imò nec intellectus ipse sibi. Et quia plures recentiores hanc distinctionem præsentie apud D. Thom. expressam non considerarunt, non solum contra mentem eius locuti sunt de cognitione horum; sed etiam contra expressa verba eiusdem loci, ex quibus planè intelligitur D. Thom. sentire, quod nihil horum per se immediatè, nec per speciem propriam cognosci possit ab intellectu: sed solum per alienam speciem, ac similitudinem rerum materialium.

Secundò adnotare oportet hæc omnia cognosci ab intelle-

At per cognitionem reflexam obiecti materialis directè cogniti ab eo hoc modo, aut discursus, si intellectus cognoscat hominem, statim reflecti potest supra eundem hominem, ut à se cognitum, & cognoscens cum ut à se cognitum, colligit se habere apud se notitiam, vel cognitionem eius, & cum cognoscat notitiam propriam esse actum vitalem ab obiecto, & potentia tanquam ab vno completo principio eliciendum; colligit notitiam proprii intellectus, & speciei eiusdem obiecti cogniti. Actus vero voluntatis ex aliquo signo externo, aut ex motu aliquo corporis, aut alicuius partis eius, vel ex commotione appetitus sensitivi ab eo causata, quod si nihil horum procedat ab eo solum potest per actum reflexum cognoscere illud obiectum fuisse à se propositum voluntati, hoc vel illo modo, hoc est, intensa, aut vehementi propositione, vel remissa, ex quo per quasdam coniecturas colligere poterit modum, quo voluntas erga illud affecta fuerit, hoc est, an attracta, vel allicita ab eo, & ideo an per actum liberum ei consenserit, vel non: sed certo cognoscere talem actum liberum fuisse in voluntate, aut non fuisse non poterit.

Argum. primæ opinionis sumitur ex verbis D. Thom. assertis actus intellectus, & voluntatis esse intra intellectum intelligibiliter. Cui respondeo tantum significare (ut ibidem explicat D. Thom. esse intra intellectum, tanquam aliquid contentum intra ambitum, vel latitudinem sui obiecti: ex quo solum inferri potest, quod sit utcumque intelligibile siue potentia, siue actu, quod sufficiebat ad intentum illius articuli, in quo solum in communi quaesivit D. Thom. an intellectus cognoscat actus voluntatis, nihil curando de modo quo cognoscantur, de quo nec verbum loquitur in toto articulo, quin potius ipse se explicans dixit actus voluntatis esse intelligibiliter in intelligente sicut in primo principio, & in proprio subiecto, quod constat habere siue sint actu intelligibiles, siue solum potentia, & siue per se immediatè intelligantur, siue per speciem propriam, siue per solas species alienas rerum materialium.

Fundamentum secundæ opinionis iam fuit à nobis superius explicatum, & efficaciter satis refutatum. Nunc verò soluenda sunt argum. illorum, qui de vna, vel altera re spiritali tenent, quod per se immediatè, atque directè cognoscatur. Et argum. quibus probavit Bañez de sola specie intelligibili, quod per se ipsam cognoscatur directè, sic solvuntur. Primum quidem negando antecedens, quod species obiecti sicut representat ipsum intellectui, sic etiam representet seipsam: nam cum ipsa debeat cognosci tanquam obiectum, & reflexa cognitione, debet esse obiectum per se proportionatum intellectui, quod patet esse falsum,

falsum cum non percipiatur per sensus, & solum obiecta sensata proportionata sint ei, ut probauimus. Quod verò asserit sufficere, quod sit species obiecti materialis, ut materialis ipsa dicatur, etiam est falsum: cum debeat cognosci tanquam obiectum, quod, & sumpta, ut quod, sit spiritualis, & nullo modo sensibilis.

Ad secundum negamus dari processum in infinitum ex eo, quod vna species debeat cognosci per aliam, quia non cognoscitur per aliam sibi propriam: sed per discursum ex similitudine rei materialis.

Ad primum argum. eorum, qui excipiebant actum voluntatis, concedendum est, quod infert, videlicet sæpè contingere, quod actus voluntatis deliberatus, vel consensus liber eius in obiectum aliquod sit in voluntate, & non certò cognoscatur ab intellectu, neque ab homine illum habente, atque etiam commisisse hominum mortale peccatum, & dubitare an illud commiserit, vel non; imò ignorare, quod illud commiserit. Quod verò tale peccatum sit irremissibile, vel non possit homo veniam eius consequi, negamus. Quin potius existimo necessarium esse, & ex sacris literis efficaciter probari. Nam si homo cognoscit, vel sibi constant omnes actus peccati, etiam purè interni, quomodo potest esse verum illud Psal. 18. *Delicta quis intelligit? ab occultis meis munda me, & ab alienis parce seruo tuo,* quibus regius Psalter à Deo petit veniam delictorum sibi occultorum, censet igitur plura hominem peccata interna perpetrare, quæ vel certò non cognoscit, vel simpliciter ignorat se ea commisisse: quod quisque in se experitur, idque prouenit ex maxima difficultate cognoscendi pro hoc statu actus nostræ voluntatis; quia non possunt, nisi ex sensibilibus cognosci, & iste modus cognoscendi multis implicatur difficultatibus, ac prætereà necesse est plures dari in voluntate, qui vel non cognoscuntur ab intellectu, vel non certa, & euidenti cognitione. Et tandem falsum est, quod eiusmodi peccata purè interna, quorum existentia in voluntate nobis fuit ignota, irremissibilia sint: nam remittuntur per actum contritionis extra Sacramentum Pœnitentiæ: sed cum voto eius, vel per Sacramentum ipsum in quo directè absoluitur homo à peccatis confessis, indirectè verò ab oblitis, aut ignoratis inculpabiliter. 214

Ad secundum concedendum est antecedens de sensatione sensus externi, quod producat speciem sui in sensu interno: sed neganda consequentia, quod actus intellectus, & voluntatis per se immediatè producant speciem sui in intellectu; & ratio discriminis (egregia satis) est quia sensatio sensus externi est obiectum proportionatum respectu sensus interni, actus verò in-

tellectus, & voluntatis non sunt proportionati in ratione obiecti respectu eiusdem intellectus pro hoc statu; quare non possunt imprimere speciem sui in intellectu, nec per eam cognosci: sed solum per species rerum materialium: Cætera argum. eiusdem opinionis non procedunt cõtra nostram sententiam.

Solum restat explicandum quonam modo intelligantur actus internorum, atque externorum sensuum atque etiam actus appetitus. Et de sensibus ipsis tam externis, quàm internis constat per species organorum, in quibus resident, intelligi de actibus verò externorum per actus internorum, vel phantasmata, à quibus repræsentantur. De eisdem verò actibus internorum dicimus cognosci per speciem obiectorum, quæ phantasmata ipsa repræsentant: cum ea repræsentent, ut sensata, & ut sic imprimant speciem eorum in intellectu possibili simul cum agentis; imò eodem modo cognoscuntur phantasmata ipsa: cum imprimant speciem obiectorum, ut per ea repræsentantur.

De actibus verò appetitus, dicimus intelligi per speciem obiecti, circa quod versantur; sensatum quidem per æstimatiuam præsupposita sensatione sensus externi, atque cõmunis, quamuis non repræsentent rationem ab eis sensatam: sed à sola ipsa æstimatiua percipiente conuenientiam obiecti, speciemque expressam eius formante, per quam repræsentatur expressè eadem conuenientia, & consequenter actus ipse eam exprimens, qui simul cum obiecto sic sensato cõcurrere potest cum intellectu agente ad producendam speciem eiusdem obiecti, ut sic sensati, & eiusdem sensationis. Ita ut quasi per modum vnius ab ea repræsententur.

## A P P E N D I X

### D V B I V M.

*Quodnam sit obiectum adæquatum nostri intellectus pro hoc statu.*

218 **P** Ræsupponit dubiũ hoc dupliciter sumi posse intellectum nostrum; videlicet secundum se, aut prout est in corpore: & si secundum se accipiatur, eadem est quæstio de illo, ac de intellectu Angelorum; imò ac de intellectu diuino; nam idem est obiectum adæquatum omnium, licet in modo illud attingendi valdè differant. Si verò sumatur noster intellectus, prout est in corpore, diuerso modo loquendum est de illo quantum ad obiectum adæquatum.

Ut autem ei utroque modo sumpto proprium obiectum assignemus, distinguendũ est primò obiectum adæquatum in motiuum, & terminatiuum, motiuum est, quod mouet intellectum ad sui

ad sui perceptionem: terminarium, quod actum eius terminat, etiam si eum non moueat: sed ad similitudinem eius, quod mouet, percipiatur. Secundò distinguendum est obiectum, tam motiuum, quam terminarium, in per se, & per accidens, siue (quod idem est) in directum, aut proportionatum, & in indirectum, atque improporionatum. Obiectum per se intellectus dicitur illud, quod per propriam speciem ipsum per se immediatè repræsentantem, aut per se immediatè sine specie percipitur (vt omnes opiniones comprehendamus) obiectum verò per accidens sine indirectū, quod nec per se immediatè, nec per propriā speciem impressam, vel expressam ipsum repræsentantem percipitur: sed per similitudinem aliorum, vt spiritualia. <sup>219</sup>

His suppositis dicendum est primò: *adaquatum obiectum vniuersalissimum intellectus nostri, siue secundum, se accipiat, siue pro statu corporis comprehendens quidquid aliquo modo perceptibile est ab eo, siue per se, vel per accidens, siue per speciem propriam, vel alienam, aut alio quocumque modo esse ens vniuersalissimum in toto suo ambitu, hoc est, prout comprehendit entitatem increatam, atque creatam, naturalem, & supernaturalem, substantialem, & accidentalem, positiuam, & negatiuā, realem tandem, & rationis.* Ab hoc nullum fermè dissentientem reperio: nam licet dissensiant nonnulli in modo, quo percipiuntur ab intellectu secundum se accepto particularia entia, omnes tamen sentiunt hæc omnia percipi posse vno vel alio modo, non solum ab intellectu nostro secundum se: sed etiam pro statu corporis, vt ex præcedentibus quæstionibus manifestum est; ergo obiectum adæquatum vniuersalissimum prout comprehendit directum, ac per se, indirectum & per accidens, est vniuersalissimum quoque ens comprehendens quodcumque aliquo modo cognoscibile. <sup>220</sup>

Secundò dicendum est, *obiectum adæquatum per se pro statu corporis, hoc est, siue per se notiuum, vel per se terminarium esse ens per se sensibile, & nihil aliud, & cum ens per se sensibile solum sit illud, quod per se percipi potest ab aliquo sensu interno, vel externo, & hoc solum comprehendat accidentia aliquo modo per se sensibilia, erit adæquatum eius obiectum per se accidens aliquo modo per se sensibile.* Colligitur planè hoc ex præcedentibus quæstionibus agitatæ circa modum, quo percipiuntur ab intellectu pro hoc statu particularia entia. Nam in primis ostendimus Deum, & Angelos non per se ipsos, nec per species proprias percipi ab eo: sed nec animam ipsam, nec intellectum, & voluntatem eius, nec species, habitus, & actus vtriusque; imò nec substantiam corpoream; ergo nihil horum pertinet ad obiectum per se eius; imò nec accidentia etiam corporea non per se sensibilia: sed tantum per accipiens: præter hæc autem omnia tantum <sup>221</sup>

tantum supersunt accidentia aliquo modo per se sensibilia: ergo accidens per se sensibile, & nihil aliud, est obiectum per se adæquatum eius, tam motuum, quam terminatiuum. Nam licet substantiæ corporeæ, & rerum spiritualium formemus proprios conceptus, hoc est, illis solis, & non aliis conuenientes cum eisque conuertibiles, non tamen eas per se representantes, sed illa tantum prædicata eis propria ex similitudine rerum per se sensibilem per discursum collecta; quare non dicuntur obiecta per se, & directè terminatiua intellectus.

## TRACTATUS DE ACTU INTELLECTUS possibilis.

### QVÆSTIO I.

*Quidnam sit speculari phantasmata, & an sit necessarium in omni prorsus intellectu pro statu præsentis.*



Explicatis his, quæ pertinent ad obiectum intellectus possibilis, agendum est de actu eius. Circâ quem primò quærimus, an pro statu præsentis intelligere possit, sine speculatione phantasmatum, aut sine conuersione ad illa.

Vt autem necessitatem huius conuersionis, aut speculationis discutere possimus, explicare oportet, quidnam sit, vel quid per eam intelligatur. Duobus autem locis loquitur de ea Aristoteles; prior habetur tex. 30. huius lib. ubi ita ait. *Nunquam sine phantasmate intelligit anima.* Posterior tex. 39. ubi hæc expressa habet verba, *Qui non sentit aliquid nec addiscet, nec intelliget. Et cum speculetur, necesse est simul phantasma aliquod speculari.* Quibus verbis manifestum in primis est, ut benè adnotauit Ferrar. quæst. 15. huius lib. & Banez 1. part. quæst. 84. artic. 7. dub. 3. ad 2. asserere Aristotelem, quod dum intelligit homo, necesse sit aliquod speculari phantasma; non tamen quod per eundem intellectum illud, speculetur aut cognoscat, sed per imaginationem seu phantasiam, quia intellectus non potest aliquam operationem habere circa phantasma, neque illa vel obiecta in eis representata immediatè per se cognoscere propter manifestam improprietatem, ut superius probauimus contra Henricum: quare sensum eius esse affirmant, quod necesse sit intelligente intellectu simul versari phantasiam circa aliquod phantasma, & tunc dicetur ipse etiam intellectus circa phantasma versari, vel illud speculari non per operationem propriam, sed phantasie, quæ per operationem, seu imperium eiusdem intellectus mouetur

mouetur ad formandum phantasma. Hæc tamen explicatio <sup>215</sup>  
insufficiens est, quia antequam intellectus habeat speciem  
alicuius rei, & eam intelligat, operatur phantasia circa illam,  
vt medio phantasmate, quod est species expresse eius producat  
intellectus agens in possibili speciem eiusdem rei, per quam  
intelligat; per talem ergo intellectionem primam rei non po-  
test moueri ab intellectu, aut excitari phantasia ad operandum  
circa talem rem nec ex imperio intellectus operari circa il-  
lam, simul cum intellectu; quare in tali intellectione non di-  
cetur intellectus speculari phantasma, si speculari ea non sit  
aliud, quàm ex imperio intellectus simul moueri ad phanta-  
siam sicut circa idem obiectum, quod intellectus intelligit. Et  
præterea experientia docet sæpe excitari intellectum à phan-  
tasia ad operandum circa obiectum cuius habet iam speciem,  
ergo evidens est non moueri ab eo ad operandum circa illud,  
sed ipsam sua operatione præuenire operationem intellectus;  
quare in ea non diceretur speculari phantasma; cum non mo-  
ueatur phantasia ex eius imperio ad operandum circa illud ob-  
iectum, circa quod intellectus ipse operatur: non enim potest  
per imperium eam mouere, nisi media cognitione eiusdem  
objecti. Sensus igitur Aristotelicæ propositionis est. Necessa-  
rium esse, quod operante intellectu circa aliquod obiectum si-  
mul operetur phantasia circa illud, vel alterum simile, vel ali-  
quo modo ad illud pertinens, siue moueatur ab intellectu, siue <sup>216</sup>  
à suo proprio obiecto, vel à quocunque alio: hoc enim non  
retrahit Aristoteles, sed solum docere voluit operationem phan-  
tasiæ necessario comitari operationem intellectus pro hoc sta-  
tu, & per speculationem phantasmatis, vel conuersionem ad il-  
lud, nihil aliud significare voluisse. Et ita sentiunt omnes ferè  
recentiores interpretes.

Sed an eiusmodi speculatio phantasmatis, vel conuersio ad  
illud ita explicata semper, & in intellectione quacunque ne-  
cessaria sit, vel in quibusdam tantum, non est apud omnes  
certum.

Sed prima opinio tenet intellectum pro hoc statu non ha-  
bere in sua operatione necessariam connexionem cum opera-  
tione phantasiæ, vel alterius sensus, sed sine illis intelligere  
posse, vel substantias separatas, vt affirmat Albert. Mag. 3. lib. <sup>217</sup>  
de anima, titulo 2. cap. 19. vel etiam quories non vtitur spe-  
ciebus mediis phantasmatis ab intellectu agente acceptis,  
sed per suos proprios actus productis, vt asserit Venetus ad  
textum 39. huius lib. vel tandem dum versatur in altissima at-  
que quieta contemplatione Dei & Angelorum, vt Phil. 2. lib.  
de anima cap. 14. & lib. 3. text. 30. Thienen. ad textum 39.  
arque



atque etiam Toletus qu. 21. Probatur testimoniis Aristotelis, qui 3. lib. de anima textu 8. docet expressè, quod postquam intellectus noster acquisiuit species intelligibiles, non indiget alio motore ad intelligendum, sed potest, cum voluerit per eas intelligere. Quod docuit etiam 8. lib. Physic. text. 32.

Sed ratione probatur primò, quia non potest intellectus maiorem dependentiam habere ab operatione phantasie; quàm sensus internus ab operatione externi, quia isti sunt subordinati intra idem genus sensitiui, phantasia verò etiam si subordinetur intellectui, non certè in eodem genere: sed in diuerso, vt patet. Sed sensus internus receptis semel speciebus ab operatione externi potest eisdem vti nullo sensu externo operante, & ideò sine dependentia ab operatione eorum exercere propriam: ergo poterit etiam intellectus receptis speciebus per operationem phantasie, & intellectus agentis, eis intelligendo eadem obiecta vti, etiam non operante iam phantasia, & proinde sine conuersione ad phantasmata. Secundò quia intellectus ipse per intellectionem quam elicit media specie ab intellectu agente, & phantasmate recepta, producit aliam speciem impressam eiusdem obiecti in se, quam reseruat in memoria pro eodem obiecto iterum, & sæpe intelligendo, sed talis species non dependet iam ab intellectu agente: ergo neque à phantasmate, & consequenter neque vsus eius. Minorem probo, quia non est producta ab eis, nisi tanquam à causa remota; constat verò effectum non dependere à causis remotis: ergo potest intellectus vti illa specie intelligendo per eam, sine dependentia à phantasmate. Quod tandem probatur experientia; nam homines diuinorum contemplationi dediti experiuntur se diuina contemplari per intellectum, sine strepitu cuiuscunque sensationis, vel imaginationis, vt testatur D. Thom. in opus. de sept. itineribus æter. d. 4. art. 3. securus Richard. de Sancto Victore in lib. de Benjamin c. 5. in 1. gradu contemplationis, & præsertim verum hoc est, in raptu, in quo suspenduntur omnes, & anima totum suum conatum, ac virtutem soli intellectui, & voluntati applicat: ergo necesse est fateri, quod intellectus pro hoc statu aliquam possit habere operationem, sine actuali dependentia, vel speculatione phantasmatis, aut conuersionis ad illud, præsertim circa diuina, & spiritualia, quorum nullum datur phantasma speculandum.

Secunda opinio affirmat necessariam omninò esse operationem phantasie circa obiectum, quod cognoscit intellectus, vel circa aliud simile, aut aliquomodo ad illud pertinens; ita vt sine illa nullam prorsus operationem naturaliter habere possit pro hoc statu, quantumlibet per eam spiritualia, ac diuina intelligat, aut contem-  
temple

*impletur.* Hæc est communis, & probabilior sententia, quam tenet D. Thom. lect. 13. huius lib. 1. part. quæst. 84. artic. 7. & ibidem Caietan. dub. 5. & Bannes dub. 3. 2. cont. gent. cap. 72. & 159 libr. 4. cap. 11. & ibidem Ferras. Scotus in 4. dist. 45. qu. 2. & in 1. d. 3. qu. 3. Capr. ibidem. d. 35. qu. 5. Themistius lib. de memoria, & reminisc. cap. 7. & 8. & maior recentiorum pars. Sed eam efficaciter probare ex natura ipsarum potentiarum, aut (quod aiunt) à priori, non solum difficile est, sed fortè impossibile; eam verò à posteriori probat D. Thom. 1. p. qu. 84. artic. 7. hac ratione ab euidenti experientia deducta læsa phantasia humore aliquo vel etiam somno impedita, seu ligata læditur vsus rationis, & impeditur intellectus, ne possit vllam operationem exercere, siue sit circa res corporeas, vel spirituales, ac diuinas, siue sit altissima earum contemplatio, vel quæuis alia; ergò dependet intellectus pro hoc statu in quolibet sua operatione ab operatione phantasie; quare sine illa nullam potest exercere operationem. Probatur consequentia, quia si non foret tam vniuersalis dependentia, posset læsa phantasia aliquam saltem operationem habere per species, quas habet reseruatæ in memoria, sicut potest phantasia per tales species operari nullo sensu externo operante; & ideò efficaciter colligimus non habere tantam dependentiam ab operatione exteriorum sensuum.

Sed vnde procedat omnimoda hæc dependentia, non est facile explicare. Scotus enim vbi supra putat non esse naturalem animæ informanti corpus, sed quasi in pœnam peccati originalis ei fuisse datum tam infirmum, ac imperfectum modum intelligendi phantasmati alligatum. Quod hoc breui discursu probari videtur. Talis modus intelligendi non est naturalis animæ ratione sui, nec ratione vnionis cum corpore: ergò ab extrinseco ei datum fuisse credendum est, & quidem in pœnam peccati, cum maximè pœnalis, quasi ignominie plenus videatur. Probatur antecedens, quia si foret animæ naturalis ratione sui, in quolibet statu ei conueniret, sed constat ei non conuenire in statu separationis à corpore; cum non habeat tunc apud se phantasmata, ad quæ conuertantur; ergò non est ei naturalis ratione sui; sed nec ratione vnionis ad corpus, alioqui eum necessariò haberet in quolibet statu vnionis ad corpus: sed constat in corpore glorificato non necessariò intelligere eum dependentia ab operatione phantasie, sed sine illa posse: ergò talis modus intelligendi absque dubio est pœna animæ, potius quàm natura. Sed hic modus dicendi probabilitate caret, quia subordinatio potentiarum sensitiuarum respectu intellectus, & dependentia eiusdem intellectus ab operatione earum,

carum, naturalis est, sicut naturale est animæ esse formam corruptibilis corporis; quo medio sicut perficitur in suo esse, ex eo, quod illud communicat corpori, ita perficitur medio corpore, ac sensibus eius in suo modo operandi, quem eidem corpori communicat, unde cum peccatum nec modum essendi naturalem destruxerit, nec mutauerit, non potest esse verum, quod talis modus intelligendi per conuersionem ad phantasmata ex peccato originali prouenerit, tanquam pœna eius. Propterea D. Thom. 3. part. quæst. 94. art. 2. egregiè docuit, quod primus homo in statu innocentie eundem modum naturalem intelligendi habuit per conuersionem ad phantasmata. Quod considerans Scotus, vidensque insufficientem esse prædictam causam, aliam assignauit dicens, talem dependentiam in modo intelligendi prouenire ex naturali ordine potentiarum animæ pro hoc statu, quem ordinem confirmant experientie assignatæ. Et ita sentiunt cum Scoto quidam alij.

234  
235 Quam causam veram esse arbitror, remotam tamen, & insufficientem, & quæ certò quodam modo principium petere videtur. Nam subordinationem naturalem inter potentias sensitivas internas, & externas nouimus, sed tantam dependentiam, ut non possit interna ullam habere operationem, nisi actu operante externa, nemo posuit: cum euidenter constet phantasmata in somnis operari, quando euidenter est etiam nullum operari sensum externum. Naturalis igitur subordinatio non est causa sufficiens, nec proxima, ut intellectus cum tanta dependentia ab actuali operatione phantasie operetur. Et præterea rationem eiusdem dependentie quærimus, ob quam tanta sit, quare principium petere videtur, qui eam pro causa sufficiente assignat: proximior ergo ac sufficiens designari debet.

Quam ex D. Thom. loco proximè citato, atque etiam ex 3. p. q. 11. art. 2. colligendam esse arbitror, quibus locis duos status distinguit animæ informantis corpus, naturalem quidem, & supernaturalem, naturalem vocat eum, quem habet anima à prima informatione corporis corruptibilis, quod respicit tanquam proprium, ac naturale receptivum. Supernaturalem verò, quem non habet ex propria natura, sed ex gratia, non qualibet, sed consummatæ beatitudinis, & hunc statum habebunt animæ  
236 beatorum in corporibus gloriosis, non in hac vita. Hoc autem discriminis esse inter utrumque statum, quod in naturali sic anima informat corpus, ut omninò ei sese accomodet, & quasi ei obligata, & quodammodo subiecta, ac dependens ab eo sit: Nec enim habere potest operationes naturales sensuum, nec motum exercere in eo, nisi dependenter ab eius dispositione, non enim potest ipsum quando vult, & versus omnes differ-

rentias

rentias loci mouere, nec tanta velocitate, quanta vellet, nec 337  
etiam operationes sensuum exercere, nec vigilare dum libet,  
sed impedimentis eius quasi premitur, atque compellitur ab  
operatione cessare, & hoc est ei subiici, & ab eo dependere in  
modo informandi, & operandi, & pari ratione dependet in  
modo intelligendi, ita vt non possit vllam operationem intel-  
lectus exercere, nisi operante phantasia circa idem obiectum,  
aut ei simile, vel ad ipsum aliquo modo pertinens, etiam si  
speciem eius apud se habeat, vt probauimus. In statu verò su- 338  
pernaturalis beatitudinis ex gloria animæ prouenit informa-  
tio corporis cū pleno dominio eius, & in corpus ipsum redun-  
dat, vt plenè, atque perfectè subiiciatur animæ in suis opera-  
tionibus, à quibus iam non necessariò dependet anima, sed po-  
test operari in corpore, sine illa obligatione, & subiectione.

Ex quibus deducitur rationem dependentiæ intellectus in  
sua operatione à phantasia actu operante esse imperfectum  
modum informandi corpus corruptibile, cui sese accommo-  
dat anima in modo operandi, & intelligendi, qui totam illam  
dependentiam ab operatione phantasie postulat. In statu verò  
beatitudinis informabit corpus, sine tali subiectione, & ac-  
commodatione, imò cum pleno dominio. Et propterea quam-  
uis possit vti phantasmatibus in sua intellectiōe, liberum sibi 339  
erit, sine illis intelligere, & sine vlla prorsus dependentia ab  
eis operabitur.

Et ex hoc patet solutio ad argumentum pro modo dicendi  
Scoti: nam intelligere cum dependentia à phantasmate con-  
uenit animæ, non ratione sui, nec ratione vnionis ad corpus  
vt sic; sed ratione status, ac talis modi imperfecti informandi  
corpus, & ideo non est necessarium ei conuenire in quocun-  
que statu.

Ad primum argu. primæ opinionis neganda est maior, quod 340  
non possit intellectus maiorem habere dependentiam ab ope-  
ratione phantasie, quàm sensus internus ab operatione exter-  
norum. Nam eadem experientia, quæ docet posse sensum inter-  
num operari per species iam receptas nullo sensu externo actu  
operante, docet ex opposito nō posse intellectum operari etiam  
per species iam receptas, sine actuali operatione phantasie, vt  
ostendimus; eadem igitur experientia cognoscimus maiorem  
habere dependentiam.

Ad secundum concedimus intellectum sibi aliquando im-  
primere species, quas admittimus non dependere in esse, nec in  
fieri, & conseruari ab operatione phantasie, sed negamus quod  
non dependeant quantum ad vsum; nam licet non sint imme-  
diatè productæ ab intellectu agente, & phantasmate, talis est

modus operandi intellectus per illas, ut ab operatione phantasia dependeat, non minus quam dum operatur per eas, quas immediate accipit: itaque dependentia non tam ex parte speciei desumitur, quam ex modo operandi intellectus pro hoc statu, siue per speciem proximè, vel remotè accepta à phantasmatib.

- 341 Ad ultimum de altissima contemplatione negamus, quod intellectus, dum in ea versatur, non dependeat ab operatione phantasia, sed ita se res habet tunc, quasi ut tota virtus finita animæ se diffundat per vnam potentiam, & nihil ferè ei relinquatur effundendum per alteram: unde intensissimè operante intellectu remississimè operatur phantasia, ita ut operatio eius nec impediat intellectum, nec sentiat. Quod sic declaro. Operatio cuiuslibet potentia cognoscitiua requirit attentionem, quæ est quasi applicatio eiusdem potentia ad percipiendum obiectum. Et quò maior est attentio, eò est intensior operatio; virtus autem animæ attentionem præstantis finita est, & ideo quò plus attendit per vnam potentiam, minus potest attendere per alias, in altissima autem contemplatione totam ferè virtutem attendendi applicat anima per intellectum, & ideo nihil ferè virtutis relinquitur ad attendendū per phantasia: remississima verò attentio remississimā producit operationem, & imperceptibilem, ut propterea viri illi doctissimi, & contemplationi dediti, dixerint nullam tunc dari operationem phantasia, quia imperceptibilis est. Quod verò obiectum contemplationis spirituale sit, nihil refert: cum non intelligatur per propriam speciem, sed per similitudinem rei sensibilis, cuius datur phantasia. De raptu verò respondet benè D. Thom. 2. 2. q. 175. suspendi diuina virtute supernaturali actualement conuersionem ad phantasia, sed hoc non tollere naturalem dependentiam, quam apta est habere anima, & re vera habeat ab operatione phantasia in omni sua intellectione naturali pro statu præsentè.

## Q V Æ S T I O I I.

*An intelligere consistat in actione aliqua intellectus, vel in sola receptione speciei impressa ab obiecto, aut in sola receptione actus intelligendi.*

- 344 QVamuis de sola intellectione quærat titulus quæstionis, de quocunque actu potentia cognoscitiua, ut de sensationibus externis, atque internis intelligitur quæstio, quia eadem est quantum ad hoc ratio de omnibus, idem est autem quærere an intelligere, vel sentire consistat in sola receptione speciei impressæ, aut actus intelligendi, ac si quæreretur, an intellectus, & sensus sint potentia purè passiuæ, vel etiam actiuæ.

Primæ

Prima igitur opinio tenet intellectum passiuè tantum se habere in intellectione, quæ sententia duabus viis defenditur aduersis: nam quidam id asserunt, quia putant intellectionem in sola receptione speciei intelligibilis consistere, quod sensisse videntur Gortfridus quodlib. 8. vt testatur Scorius in 1. d. 3. qu. 7. *Ægid.* quæst. 1. de cognitione Angelorum, Venetus 1. lib. de anima ad textum 60. & in Summa de anima lib. 2. tractat. 4. cap. 10. Niphus in libello de sensu agente contra Iandun. Et <sup>245</sup> pro eadem sententia citat Toletus vtrumque Caietan. libr. de anima cap. 5. & Capreolus in 4. dist. 15. quæst. 2. Ioannem de Ripa. Sed authores isti distinguunt duplicem receptionem speciei, vel duplicem vnionem eius cum potentia: quasi materialem, quam appellant mortuam, quæ quidem fit sine attentione, seu conatu potentia, qualis est receptio speciei in visu dormientis apertis oculis, aut in intellectu distracto circa alia obiecta, & in tali receptione, vel vnione aiunt non consistere sensationem, vel intellectionem, sed in ea quæ fit cum potentia attendente, & quasi conatum adhibente, quam receptionem viuam, seu vitalem appellant, & hanc esse intellectionem, aut sensationem dicunt, quia eo ipso, quod po- <sup>246</sup> tentia attendens speciem obiecti in se recipit secluso alio quocunque, vel nullo alio subsecuto intelligere censetur. Alij verò passiuè tantum se habere intellectum ad intellectionem existimant; non quia in sola receptione speciei consistat, sed quia licet sit actus aliquis, non tamen elicited ab eodem intellectu possibili, sed à phantasmate, vel intellectu agente tanquā à causa eius effectiua, & receptus ab intellectu possibili, <sup>247</sup> & ideo conueniunt cum authoribus citatis in eo, quod intellectus possibilis purè passiuè se habeat ad intellectionem, & potentia purè passiuua sit. Ita Almay. in 3. d. 3. q. 1. art. 2. Duran. in 4. d. 49 q. 2. Ocham. in 1. q. 2. & in 4. q. 13. Gabr. in 8. d. 1. q. 2. & Aliacen. ibidem. Et prior modus defendendi hanc sententiam videtur expressus ab Aristotele 3. libr. de anima, capit. 2. vbi vniuersaliter docet eundem prorsus esse actum realem sensus, & obiecti circa ipsum, sicut idem actus mobilis sunt actio, & passio, licet sint ratione diuersi, verba Arist. sunt. *Vnus quidem est actus sensibilis, & sensitiui, esse autem alterum.* Sed constat actum sensibilis, in sensum esse impressionem speciei in eodem sensu receptæ: ergo idē est actus sensus, vel sensatio apud Arist. & non <sup>248</sup> alter consequens receptionē speciei, & ideo sensum esse potentiam purè passiuam, & consequenter intellectum: cum eadem sit ratio de vtroque quantū ad hoc. Et ratione probatur, quia tunc intellectus dicitur intelligere, quando factus est similis obiecto, eique intimè vnitus modo intentionali per intimam ac-

formalem similitudinem eius, sed totum hoc habet per solam receptionem vitalem speciei intelligibilis iam explicatam: ergo in sola ea intellectio consistet. Probatur minor, quia species intelligibilis est formalis similitudo obiecti, & intimè vnita intellectui per receptionem: ergo cōstituit eum formaliter similem eidem obiecto in esse intentionali repræsentans ei obiectum. Posterior modus defendendi eandem sententiam probatur, quia si intellectus recipiens in se intellectiōem effectiue eam eliceret, sequeretur coincidere materialem causam, & efficientem, hoc est, intellectum simul vtrāque causalitatē exercere respectu eiusdem intellectiōis, quod est impossibile.

249 Communis tamen, & vera sententia duo asserit. Primum *ad intellectiōem, sensationem, & quamlibet cognitionem nostram præsuppositam esse speciem obiecti, & receptionem eius in potentia, per quam constituitur sufficiens principium operationis.* Postremum *in tali receptione speciei adhuc non consistere intellectiōem, vel sensationem, sed omninò necessarium esse effectiuum concursum vitalem eiusdem potentia informata specie, siue per veram, & realem actionem, aut sine illa.* Ita Philop. 2. lib. de anima textu 121. Alex. 1. lib. de anima cap. 12. & cap. de intellectu practico, & speculatiuo. Comm. 1. lib. de anima, comm. 149. Galen. 7. lib. de placitis cap. 4. Gregor. Nis. lib. de viribus animæ cap. 1. & 4. Nemes. lib. de natura hominis cap. 4. D. Thom. 1. p. qu. 27. art. 1. & ibidem Caiet. & Canariensis, & Bānez, atque etiam Zumel 1. p. q. 37. art. 1. dub. 4. Capreo. in 4. d. 49. qu. 4. Ferra. 7. cont. gent. cap. 53. & omnes recentiores nullo excepto.

250 Probatur primò ex tribus principiis Aristotelis per se manifestis, quæ habentur 2. lib. de anima cap. 2. Primum est duobus differre animata ab inanimatis, 1. per vitam quam eis tribuit anima tanquam vera forma. 2. per vitales operationes, quarum principium effectiuum intrinsecum est anima. Secundum principium est diuersos esse gradus vitæ, quos diuersæ animæ tribuunt corpori, vt gradus vegetandi, & sentiendi, quemlibet autem gradum vitæ sequitur vitalis potentia, per quam vitalem quoque operationem efficit anima, vt gradum vegetandi sequitur potentia nutritiua, per quam efficit nutritionem, & sic de cæteris vltimum principium est viuētia omnia se mouere, hoc est, principium effectiuum intrinsecum proprii motus, aut propriæ operationis vitalis iuxta proprium gradum vitæ habere intra se, vt vegetatiuam principium intrinsecum nutritionis, sensitiuam sensationis, & intellectiuam intellectiōis.

251 Ex quibus sic est formandum argum. anima intellectiua tribuit homini gradum vitæ rationalis, & iuxta illum operationem vitalem intelligendi, sed viuens iuxta proprium gradum vitæ se mouet,

se mouet, hoc est principium habet effectuum intrinsecum proprii motus, seu propriæ operationis vitalis: ergo intellectuum, aut rationale habet in se principium effectuum intrinsecum operationis vitalis. intelligendi, sicut vegetarium habet principium effectuum intrinsecum nutritionis, & hoc principium intelligendi est anima, & non materia, quæ nullius est actiuitatis: ergo anima rationalis in homine est principium effectuum intelligendi per intellectum, qui est propria potentia vitalis consequens gradum vitæ rationalis, quare falsum est, quod sola passio, vel receptio speciei in intellectu sit intelligere: sed præter hanc requiritur planè aliqua efficientia, vel effectiuus concursus animæ, per intellectum. Secundò <sup>252</sup> probatur falsitas eiusdem sententiæ arg. ad hominem hoc modo, euident est, & ab eadem sententia concessum, quod non quælibet receptio speciei est intellectio, sed vitalis, hoc est cum attentione, aut conatu eiusdem intellectus, sed non est intelligibile, quod attentio, seu conatus. potentia ad intelligendum non sit efficientia aliqua eiusdem intellectus, sicut non est intelligibile, quod intellectus conetur, vel attendat, quin efficiat, vel effectiuum concursum præstet, vt per se est manifestum: ergo manifestum quoque erit, quod non sola receptio speciei sit intellectio, sed ultra illam requiratur efficientia eiusdem intellectus.

Testimonium Arist. egregiè explicatur à D. Thom. in Commentariis eiusdem, cuius sensum esse docet, eandem esse actionem sensibilis, & sensitiui circa potentiam identitate subiecti, circa quod fit, & in quo recipitur, quia idem est sensus, vel intellectus recipiens in se actionem obiecti sensibilis, vel intelligibilis, quæ est impressio speciei: atque etiam actionem propriam efficienter à se elicitam, quæ est sensatio, vel intellectio, <sup>253</sup> sicut idem est subiectum, in quo recipiuntur actio, & passio, & in hoc tantum tenet similitudo actionis, & passionis, quia in hoc tantum sensu deserviebat instituto eiusdem loci, in quo non intendebar Aristoteles similitudinem, identitatis realis, quæ nihil referre poterat: quare nec probatur ex hoc testimonio eandem esse actionem realem impressionem speciei ab obiecto cum sensatione, vel intellectione, licet idem sint realiter actio, & passio, quæ reperitur in eadem mutatione, vel motu, sed solum, quod sunt idem identitate subiecti: cum qua euident est stare posse non minùs distinctionem realem, quàm realem entitatem, vt consideranti patet.

Ad primum argum. eiusdem modi distinguenda est maior, <sup>254</sup> quod tunc dicitur intellectus intelligere, quando factus est similis obiecto: nam de similitudine expressa, atque perfecta, ve-



rum est, quam non habet per speciem impressam : sed imperfectam tantum, quia species impressa ( ut superius vidimus ) non est formalis similitudo obiecti, sed virtualis tantum : cum solum sit quasi semen eius, & ( ut sic loquamur ) similitudo efficiens, quia productiva cum potentia formalis, expressæ, atque perfectæ similitudinis eiusdem obiecti, quæ informans potentiam intellectio vocatur.

- 255 Ad argum. verò secundi modi respondeo primò, in pura materia, qualis est prima, non posse coincidere causam efficientem, & materialem, quia prima materia nullam potest activitatem habere, in materia verò non pura, qualem est subiectum quodcumque recipiens accidentia, non repugnat concurrere, ita ut eadem sit efficiens causa accidentis per virtutem activam, quam habet, & materialis, in quantum recipit in se idem accidens. Et ita se res habet in quibuscumque operationibus vitalibus, atque immanentibus. Secundò respondeo adhuc in eis non omninò coincidere hæc duo genera causarum : nam causa efficiens intellectiōis, ac sensationis non est nuda potentia : sed informata specie, Materialis verò nuda ipsa potentia, quia ad recipiendū non indiget specie : sed immediatè per se eam recipit, potentia verò specie informata realiter distinguitur à se ipsa nuda, & ideo diversæ sunt res, materia, & efficiens.

- Ex dictis in quæstione hac colligitur intellectum, & quamlibet aliam potentiam cognoscitivam comparari posse, vel cum obiecto motivo eius, vel cum actu à se elicitō, & si cum obiecto comparetur, est potentia passiva, si cum actu est potentia activa, atque etiam passiva diversa ratione, quia & illum elicit tanquam effectuum principium, & illum in se recipit tanquam passivum, & propterea sub utroque genere potentiarū videlicet activarum, & passivarū collocatur diversa ratione considerata.

### Q V Æ S T I O III.

*An intellectio consistat formaliter in vera & reali actione intellectus, verum, & realem terminum habente, vel saltem eam necessario præsupponat.*

**S**upposito ex præcedenti quæstione, quod intellectio ita consistit in receptione speciei, ut præter illam requirit quid aliud efficientiæ eiusdem potentiæ, quærimus quidnam hoc sit, hoc est, an sit actio aliqua realis, & physica habens terminum, qui per eam producatur : quæstio autem non de sola intellectiōe : sed de quacumque alia cognitione sensitiva procedit.

- 257 Et prima opinio tenet intellectiōem, vel sensationem præter receptionem speciei, quam præsupponit esse actionem realem immanentem, hoc est, in eodem intellectu, à quo elicitur  
manens,.

manens, nullum tamen terminum per eam produci: sed per se immediatè terminari ad obiectum, & ita quod in reali ipsa actione posita sit formalis ratio intellectiōis. Ita Aureolus apud Capreol. in 1. d. 2. pro qua etiā referunt nonnulli Scotum: sed immeritò, quia ut inferius patebit, oppositum omninò sentit. Probatur testimonio Aristot. 9. lib. Metaphys. tex. 16. & 1. Ethicor. cap. 1. quibus locis hoc discrimen ponit inter actiones immanētes, & transeuntes, quod per has aliquis terminus producit, qui effectus sit agentis, ut calor per calefactionem, per immanētes verò nihil præter ipsas, quod discrimen respiciens D. Thom. 1. lib. contra gentes, cap. 90. definit actionem immanentem dicens eam esse, per quam nihil præter ipsam producit: sed intellectio, & quæcumque cognitio est actio immanēs, cum in eodem agente à quo elicitur, maneat, ut intellectio in intellectu, & sensatio in sensu; ergò ex mente Aristotelis, & D. Thom. nullum producit terminum: sed ad obiectum per se immediatè terminatur. Probatur deinde ratione, quia in his actionibus solum posset desiderari terminus, ut per ipsum coniungeretur obiectum cum potentia, & ab utroque tanquam ab vno principio eliceretur actio: sed pro tali coniunctione ponitur species intelligibilis; ergò non est necessaria alia species producta tanquam terminus. Probatur consequentia, quia terminare intellectiōem non est agere cum potentia: sed sola denominatio extrinseca in obiecto; per quam dicitur actu intellectum: ergò non petit nouam aliam unionem eiusdem obiecti cum potentia: sed extra intellectum existens potest eam terminare, sicut dici actu intellectum.

Secunda opinio distinguit actionem immanentem in intuitiuam, quæ versatur circa obiectum per se præsens, & proportionatum, quales sunt sensationes externæ; & in aliam, quæ versatur circa obiectum absens, vel improporcionatum, quod solum sit præsens, & proportionatum per speciem intelligibilem, quales sunt multæ intellectiōes: Et per illas negat produci terminum, vel speciem expressam, per has verò produci censet. Ita Caiet. 1. par. quæst. 27. art. 1. Capreo. in 1. dist. 27. quæst. 2. Ferrar. 1. lib. contra gent. cap. 53. Canariens. 1. par. quæst. 27. disput. 3. prope finem, & disput. 5. ad 3. & 1. par. quæst. 37. art. 1. dub. an beati videntes Deum forment verbum, ad 3. & videtur esse D. Thom. quodlib. 5. art. 9. ad 2. ubi ait sensum externum non formare aliquam formam rei sensibilis, quia eius operatio perficitur per solam immutationem ab obiecto externo. Et idem asseruit, 1. p. quæst. 88. art. 2. ad 3. Probatur primò, quia ubi obiectum est per se immediatè præsens, & proportionatum, non indiget specie impressa, per quam uniatur potentiz in ratione

intelligibilis: sed per immediatè ei vnitur, & sine specie: ergò etiam per se immediatè terminabit eandem intellectiōem, quæ ideò non indigebit termino, vel specie expressa à qua terminetur. Probatur consequentia, quia sicut tale obiectum per se immediatè est præsens in ratione actus intelligibilis: ita etiā in ratione actus intellecti, qua ratione terminat intellectiōem. 261 Secundò, quia si per quamlibet intellectiōem produceretur species expressa, aut verbum mentis: ergò de ratione eius esset habere terminum productum: sed euident est, quod in Deo sit intellectiō perfectissima, ergò euident foret produci diuinum Verbum, quod tamen absurdum est: cum sola fide constet, & nulla possit naturali ratione probari.

Tertia opinio quodammodo opposita est his duabus, quia ista ponunt in omnibus, vel pluribus cognitionibus actionem realem, sine termino: & hæc ponit terminum sine actione: nam asserit verbum mentis in intellectiōe, & speciem expressam in sensatione esse qualitates, & formales, atque expressas similitudines obiectorum non productas per aliquam actionem; sed 262 per se immediatè, hoc est, sine vlla actione emanare, seu fluere, ac dependere à potentia informata specie intelligibili, quemadmodum de actione vera, & reali cōcedimus per se immediatè dependere ab agente, & non per aliam actionem, & sicut sic dependere essentialē est actioni: ita est essentialē verbo, vel speciei expressæ, & eiusmodi qualitatem informantem intellectum dicunt esse formaliter intellectiōem, vnde non solum negant, quod intellectiō sit formaliter vera, & realis actiō intellectus, sed quod eam præsupponat, & solum esse actionem grammaticalem, quia per verba actionem denotantia significatur. Et hoc aiunt voluisse significare Aristotelem, dum dixit locis citatis pro prima sententia, actiones immanentes non habere terminum, quia non sunt veræ actiones: sed qualitates, 263 quamuis per modum actionis significantur. Ita sentiunt recentiores nonnulli, qui pro hac sua sententia citant omnes illos auctores, qui vniuersaliter docent actiones immanentes non esse veras actiones prædicamentales; sed qualitates, vt D. Thom. opusc. 48. cap. 1. Caiet. 2. lib. de anima, cap. 5. Ferrar. 2. lib. contra gent. cap. 9. Sonci. 5. Metaph. quæst. 3. 6. Iaui. 9. Metaphys. quæst. 7. & ex Sanctis Patribus August. 9. lib. de Trinit. cap. 7. Et pluribus aliis locis, vbi asserit cognitionem esse imaginem rei cognitæ, quam constat esse verbum, Damasc. 1. lib. fidei, cap. 18. & Ansel. in monolo. cap. 3. qui eodem modo videntur loqui.

264 Sed ratione probant primò ex illo principio D. Thom. 1. p. q. 105. att. 2. videlicet erroneum esse negare, Deum posse facere per se ipsum omnes determinatos effectus, qui sunt per cau-  
sam

sam secundam quaecumque, ex quo inferunt, quod si verbum, vel species expressa sit ab intellectu per veram actionem, poterit Deus per se ipsum, sine concursu intellectus illud producere, & in lapide ponere, quod est falsum, quia operatio vitalis non potest fieri, nisi à principio intrinseco vitæ: si verò dicamus per se immediatè fluere ac dependere, nihil tale sequitur, vt consideranti patet.

Secundò, quia verbum mentis, aut species expressa ex propria natura, & essentia, & secluso quocumque respectu accidentali ad superadditam actionem includit dependentiam à vita, seu principio vitali, sicut creatura à creatore: sed hæc dependet per se, & essentialiter, sine media actione; ergò, & verbum, seu species expressa à principio vitali. Probarur consequentia. Primò, quia actus vitalis per se, & non per aliud pendet à vita. Secundò, quia ex propria ratione ita coniungitur cum principio vitali, vt prorsus sit ab eo inseparabilis; ergò habet se ad illud tanquam modus ad rem, sed modus dependet essentialiter à re; & ideo per se, & non per actionem; ergò verbum vel species expressa, qui est actus vitalis essentialiter dependet à principio vitali, qui est intellectus & non media actione. Et virgeri potest argum. hoc modo; actio non requiritur, vt formalis cognitio, neque vt fieri cognitionis, neque vt dispositio ad cognitionem; ergò nullo modo, sed species expressa, sine illa sufficit, & ideo sine illa procedit per se immediatè ab intellectu. Probarur antecedens, quia potentia per cognitionem formaliter fit similis obiecto, vt Aristot. sæpè docet: sed vera actio non potest constituitur intellectum formaliter similem obiecto: ergò nec requiri tanquam formalis cognitio. Minorem probo, quia per solam qualitatem inter accidentia fit aliquid propriè, & formaliter simile alteri: sed constat veram actionem non esse qualitatem, sed prædicamentum constituitur valdè diuersum: ergò non potest efficere intellectum formaliter similem obiecto. Quod verò non requiratur vera actio ad cognitionem tanquam fieri eius, probatur; quia actio debet ordinari ad verbum, vt fieri eius: sed cognitio fit per verbum; ergò actio non potest esse fieri cognitionis. Et quod tandem non concurrat actio, vt dispositio ad cognitionem, clarius est, quia nunquam actio disponit ad terminum: sed in termino actionis fit cognitio: ergò actio non disponit ad cognitionem.

Ultima sententia affirmat in qualibet cognitione, tam sensitiva, quam intellectiva interuenire actionem veram, & realem, acque etiā terminū per eam productum, quod in intellectione vocatur verbum; & in sensatione species expressa. Ita Scotus in 1. d. 2. q. ult. dist. 7. q. vnic. & d. 17. q. 2. Durand. ibid. dist. 17. q. 7. num. 26. Gabr. ead.

dist. Gregor. in 2. dist. 7. q. 3. art. 1. Palud. ibid. quæst. 3. Sotus in 4. d. 49. q. 2. & 3. lib. Phys. q. 1. concl. 5. Banez 1. p. q. 2. art. 2. concl. 5. & noster Molina 1. p. q. 27. art. 1. d. 8. & videtur mihi probabilius, & tenenda. Sed differunt opiniones istæ in explicando, in quoniam intellectio, seu cognitio formaliter consistat: nam prima opinio in sua illa actione, vera quidem: sed non producente terminum consistere docet, illamque formalem cognitionem esse, cum quibus quantum ad intellectiones intuitivas, videtur convenire opinio secunda, cum nihil aliud ponat, in quo possit intellectio formaliter consistere, præter actionem veram, & realem non producentem terminum: sed Canariensis cum quibusdam aliis expositoribus D. Tho. asserit in actione ipsa, ut producente verbum consistere formaliter intellectioem. Caiet. vero, & plures alij, quos inferius citabimus in solo termino, vel qualitate producta informante intellectum, & hoc idem sentit 3. & 4. opinio, ut statim ostendemus.

268 Nostra verò sententia duabus assertionibus explicatur. Prima assertio sit, *in cognitione quacunque creata: siue sit intellectio hominis, vel Angeli, per quam seipsum intelligit, siue sit viatoris, aut beati clarè videntis Deum, atque etiam in quocunque actu voluntatis, & appetitus, vel sensatio interior, aut exterior, datur vera, & realis actio de predicamento actionis, atque etiam verbum, vel species expressa, aut alius terminus iuxta naturam eius pertinens ad predicamentum qualitatis, non quidem immediatè fons, ac dependens ab intellectu, sed per realem actionem productus.*

269 Probatum primò ex Sanctis Patribus, Augustino libro illo 9. de Trinitate cap. 7. ubi sic ait: *Conceptam rectum veracem notitiam, tanquam verbum apud nos habemus, & dicendo intus gignimus:* duo igitur in nostra intellectioe ponit, nempe verbum, atque internam generationem, & proinde veram actionem, quia generatio cuiusque rei vera actio aut productio est. Et Anselm. in Monol. cap. 31. ex cogitatione asserit imaginem nasci, quod est verbum procedere per cogitationem, ut actio simul denotetur, & terminus: Et tandem D. Thom. 1. par. quæst. 27. artic. 1. ita loquitur. *Quicumque intelligit ex hoc ipso, quod intelligit, procedit aliquid intra ipsum, quod est conceptio rei intellecta ex vi intellectiva proveniens, & ex eius notitia procedens.* Duo planè distinguens. Videlicet conceptionem rei intellectæ, quæ verbum est, vel species expressa, seu conceptus mentis, atque etiam conceptionem, quæ vera est actio, per quam procedit.

270 Sed ratione probatur, & primò dari terminum, & non solam actionem, quia cognitio quæcunque, ut docet sæpe Aristoteles, fit per assimilationem potentie cum obiecto: nam potentia ex se dissimilis est obiecto, fit autem ei similis per cognitionem, ergo

ergo cognitio est formalis similitudo eius, à qua potentia ipsa cognoscens fit ei similis, sed vera actio etiam immanens non est similitudo, quia sola qualitas facit propriè, & formaliter simile inter accidentia, non actio, quæ aliud prædicamentum diuersum constituit, ergo actio non est intellectio, sed nec species impressa, licet sit qualitas, quia hæc non constituit potentiam actu cognoscentem, sed solum cognitionis principium; necesse est igitur præter speciem impressam, & actionem ponere terminum, per quem potentia fiat actu similis, actuque cognoscens, & hic est verbum vel species expressa. Secundò, quia actio (si vera est) duo habet intrinseca, nempe, quod sit dependentia alicuius ab agente, & fieri eius, quod per ipsam dependet, & propterea dicitur causalitas agentis; ergo impossibile est dari veram actionem etiam immanentem, quin detur aliquid per ipsam factum, vel productum, atque dependens, quod vocamus terminum eius. Et vrgeri potest argum. ex principiis Aristot. <sup>272</sup> docentis operationes vitales esse actiones immanentes. 9. lib. Metaph. c. 5. tex. 16. & esse veras actiones collocandas in prædicamento cap. de actione in prædicamentis; quare necesse est habere aliquem terminum per eas productum: cum vera actio sit dependentia alicuius ab agente, & fieri eiusdem. Quod verò in intellectione non detur, species expressa aut verbum sine actione; Probatur primò, quia non potest esse magis intima emanatio verbi aut speciei expressæ ab intellectu nostro, quàm sit emanatio Verbi Diuini à Patre per intellectum: sed Verbum Diuinum procedit per emanationem ab eo distinctam, quæ est intellectio Patris, vel dictio, & non per se immediatè: ergo ver- <sup>273</sup> bum nostrum non potest procedere ab intellectu nostro, nisi per emanationem, quæ sit vera productio, & consequenter vera actio, qua media, & non per se immediatè, aut essentialiter dependebit ab intellectu, quod adeò necessariū est, vt D. Thom. 1. par. qu. 27. artic. 1. & cæteri Scholastici suis locis, ex actionibus intellectus, & voluntatis nostræ explicauerint, & probabiliter ostenderint dari in diuinis duas processiones veras, & reales intellectus, & voluntatis, quæ sint productiones Verbi diuini, & Spiritus sancti; ergo ex communi consensu eorum est; quod in intellectione nostra vera, & realis actio interueniat, alioqui non erit vnde manu ducatur intellectus noster ad intelligendas diuinas processiones personarum, quin potius si immediatè dependet verbum nostrum, & non per productionem, posset quis existimare ita etiam procedere Diuinum ver- <sup>274</sup> bum. Secundò quia vel dependet per se immediatè verbum ab intellectu, sine actione media, quia est entitas modalis, vel quia est actus vitalis, vel quia est inseparabilis ab intellectu, ita vt  
sine

sine dependentia, & concursu eius fieri omninò repugnet: sed nulla ex his causis potest habere fundamentum, ergo neque opinio ipsa, quæ tollit actionem. Probatur minor, quia verbum est species expressa, & idè perfectissima qualitas, ergò non est modus, quia modus imperfectissima entitas esse debet. Et licet modus foret, non sequeretur per se immediatè dependere, quia præsentia est modus, & producitur per actionem mediam in motu locali inclusi. Nec esse actum vitalem tollit, quin per veram actionem producat: cū n. constet actualement esse actum vitalem voluntatis, & produci per actionem.

275 Et quod tandem non possit separari ab intellectu, nec produci, sine concursu eius, non probat, quod sine productione media emanet ab eo, quia inseparabilitas non arguit immediatam, aut essentialem dependentiam in modo producendi: cū constet modo plures inseparabiles esse, & tamen per actionem mediam dependere. Probatur tandem, quia evidens est intellectum nihil posse intelligere, sine actuali attentione, sed actualis attentio, vel est actio intellectus, vel non est intelligibilis; sine actione; ergò falsum est, quòd nulla interueniat in ea actio; sed sola qualitas, vel solus terminus sine actione.

276 Secunda assertio, *intellectio vel cognitio formaliter non consistit in vera, & reali actione, sed in qualitate, hoc est, in specie expressa, aut verbo actu informante intellectum*. Hanc inuenio expressam apud D. Thom. 1. part. quæst. 34. artic. 1. ad 3. hisce verbis: *Intelligere importat solam habitudinem intelligentis ad rem intellectam, in qua nulla ratio originis importatur, sed solum informatio quadam in intellectu nostro, prout intellectus noster fit in actu per formam rei intellectæ*, quibus hoc discrimen ponit inter intelligere ex vna parte, & dicere ex altera, quod dicere importat originem alicuius, nempe verbi ab intelligente, hoc est, processionem

277 eiusdem verbi ab eo. Et cum processio importet realem actionem, vel productionem, dictio importat eandem actionem, vel productionem, intelligere verò nullum ordinem originis, vel processionis dicit ad intelligentem, & idè nullam prorsus actionem: sed solam informationem intellectus à verbo procedente, vel producto per dicere, per quam informationem manifestatur eidem intellectui informato obiectum expressè, atque perfectè representatū per idem verbum, quod est cognosci ab eo; quare in eadem informatione consistit formalis ratio intellectionis apud D. Thom. & non in vera actione. Quod etiam docuit expressè Scotus in 1. dist. 27. quæ. 3. in solu. ad 3.

278 argum. primæ quæstionis, hisce verbis: *Actualis intellectio non est actio de genere actionis, sed est qualitas nata terminare talem actionem, qua significatur per hoc, quod est dicere, vel in communi per*

*ni per hoc quod est elicere, non igitur verbum est aliquid productum a tione, quæ est intellectio, quia ipsa intellectio non est productiva alicuius, sed ipsa est producta actione, quæ est de genere actionis; Quod probo etiam ratione, quia tunc intellectus formaliter intelligit obiectum, quando fit ei expressè, atque perfectè simile in esse intentionali, sed per informationem intellectus à verbo, vel specie expressa fit intellectus expressè, atque perfectè similis obiecto in esse intentionali; ergo fit formaliter intelligens per talem verbi informationem; quare in tali informatione, non in actione aliqua consistit ratio formalis intellectiois. Quod secundò probo, quia vera actio duo habet, & quod sit prior natura proprio termino per eam producto; & quod solum denominet subiectum, in quo recipitur passum, non simile, quia sola qualitas facit simile, & ex utroque sequitur planè, non posse intellectioem formaliter consistere in actione reali interueniente in ea. Ex priori quidem, quia talis actio habet pro termino verbum, aut speciem expressam. ergo est prior illo, & consequenter prior assimilatione formali, & expressa intellectus cum obiecto, quam sola species expressa constituere potest; cum sit qualitas perfecta, & non actio, sed in formali, & expressa assimilatione consistit ratio formalis cognitionis: ergo repugnat, in actione consistere. Quod etiam sequitur ex posteriori, quia si ab actione solum denominatur subiectum passum, non potest denominari formaliter intelligens: cum intellectio non in passione, sed in perfectissima assimilatione posita sit. Iuxta mentem igitur Scoti, & D. Tho. quos sequuntur Soncinas. 9. li. Met. quæst. 20. & 21. Iacul. ibidem quæst. 7. Caiet. 1. par. quæst. 79. artic. 3. §. Quo ad secundum, & plures recentiores, dicimus in intellectioe duas interuenire actiones, sed vnã tantum veram, realem; & immanentem (quæ est productiva verbi) necessariò præcedentem, & præsuppositam intellectioi, & ideo in qua non consistit formaliter intellectio: Alteram non veram, & realem actionem, sed veram, & realem qualitatem informantem intellectum, in qua consistit formaliter intellectio. Cæterum, quia per modum actionis, & verbo denotante actionem significatur, dum eam vocamus intellectioem, vel intelligere, actio grammaticalis vocatur, & terminus veræ actionis necessariò præsuppositæ est, vt egregiè assernit Scotus, verbis nuper citatis.*

Ad testimonia Aristotelis pro prima opinione adducta respondendo ex verbis eiusdem constare sensum: nam actionem transeuntem asserit esse eam, quæ habet effectum, vel terminum extra agentem, vel operantem; & ita transit ipsa cum tali effectu ad passum extra operantem existens, vt calefactio cum calore



calore producto ab igne transit ad lignum; immanenter verò quæ nullum producit effectum, vel terminum extra operantem, & ideò, neque ipsa ad passum extrinsecum transi, sed in eodem operante manet, vt visio in vidente. Ex hoc autem sensu non potest colligi, quod Aristoteles sentiat actionem immanentem nullum habere terminum, qui intra idemmet agens maneat cum ipsa actione, sed solum, quod non habeat terminum extra illud productum.

Ad argumentum verò respondeo actionem immanenter indigere termino, vt per ipsum tanquam per speciem expressam perfecte representantem obiectum fiat potentia eidem  
 182 obiecto perfecte similis in esse intentionali, sibi quæ manifestetur obiectum, in qua similitudine & manifestatione consistit formaliter cognitio, aut intellectio eiusdem obiecti. Itaque necessarius est terminus ad intelligendum, ita vt sine illo intellectus non cognoscat obiectum, quantumlibet informatus sit specie intelligibili, nec sufficit obiectum ad terminandam actionem intellectus, quia si non producat terminus, non cognoscetur à potentia idem obiectum, nec actionem eius terminabit, adhuc ratione extrinseca; nam in tantum hoc modo terminat, in quantum verbo dicitur, & per illud cognoscitur.

Ad primum argumentum secundæ opinionis concessio antecedenti, quod obiecta per se præsentia potentia, & per se ei proportionata non indigent specie intelligibili, neganda est consequentia, quod non indigeant specie expressa, quæ sit terminus actionis immanetis, aut quod possint eam per se immediate terminare, quia cum actio immanens prærequisita ad intellectionem, non sit intellectio, sed expressio verbi, per eam  
 283 non intelligitur obiectum, nec proinde expressè representatur intellectui, sed producit species expressa, per quæ ei representetur, in qua representatione consistit formaliter intellectio.

Ad secundum respondeo, non esse omnino certum, quod in intellectione interueniat actio, per quam producat terminus, quare nec ex nostra intellectione sumi potest evidens argumentum ad probandum, quod in diuinis procedat verbum. Præterea nec licet foret certum intellectum nostrum producere verbum, posset euidenter inferri, quod in diuinis producat, quia cum essenziale sit Deo se, & omnia per se ipsum perfectissime intelligere, propter infinitam perfectionem diuini esse, ac diuini intellectus, nec indigere aliquo, vt sibi sint manifesta obiecta omnia; non potest colligi euidenter necessariam esse in eo processionem verbi.

184 Quod verò D. Thom. asseruit sensus externos non formare idolum, in quo representetur obiectum, non intelligitur de specie

specie expressa; nam hæc ad quamlibet cognitionem sensitivam, sicut ad quamlibet intellectivam omnino requiritur: sed de idolo alio, quod ex duabus speciebus expressis format imaginatio, ut ex speciebus montis, & auri, format idolum montis aurei. Quod non habent virtutem formandi externi sensus.

Primum argumentum secundæ opinionis excitat sequentem quæstionem, in quo solvendum erit. 285

Ad 2. argum. negatur antecedens, quod species expressa ex propria natura, & essentia, & secluso quolibet respectu accidentali, ad superadditam actionem dependeat à principio vitali, sicut nec Verbum diuinum seclusa origine, aut processione, quæ sit vera, & realis productio potest emanare à Patre. Et ratio huius sumitur ex propria natura verbi, quod non est formabile, aut producibile, nisi per veram locutionem, aut prolationem; unde multò minùs in nobis poterit verbum sine locutione, aut prolatione media produci: quam constat esse veram, & realem actionem superadditam, atque accidentalem. Quare negandum est, quod non minùs per se immediatè dependeat actus vitalis à principio vitæ, quàm creatura à creatore, cuius discrimen non est minùs manifestum, quia infinita virtus Dei, sicut potest ex nihilo creaturam producere, ita potest sine media actione accidentali, quia modum habet operandi longè perfectiorem, quem non attingit creatura, etiam in operatione vitali, quia sicut virtus operandi eius accidens est, ita non potest, nisi media actione, quæ sit accidens, operari. Quod ex eo fit manifestum, nam immediatius emanant passionēs à substantia, & intellectus ipse ab anima, quàm actus vitalis ab eo, & nihilo minus ipse, ac cæteræ passionēs, non nisi media actione emanant concedentibus etiam patronis eiusdem sententiæ; potiori ergo iure censendū est emanare actum vitalem à principio vitali, qui est intellectus, & anima media actione vitali, quæ accidens sit, & per eam dependere, & non essentialiter. 286

Ad ultimum distinguenda est maior, quod actus vitalis dependeat essentialiter, & per se à principio vitali; nam si per essentialē dependentiam intelligatur ordo dependentiæ actualis ab intellectu, qui sit ei intrinsecus, & essentialis, verum est, si verò quæ sit ei immediatus, hoc est, ut sine media actione eum habeat, falsum. Vnde malè infertur, quod per se immediatè, & non media actione vitali dependeat, non enim sequitur accidentalem esse dependentiam ex eo, quod sit media actione. Non enim dependet verbum ab intellectu tanquam à principio vitali, & à dictione per quam producit tanquam ab actione vitali, sicut cæteri effectus communi ratione dependent à suis causis, & termini actionum à suis actionibus, per quas producuntur: 287

cuntur: quia dependentiæ istæ non essentielles, sed accidentales sunt: cum conitet posse non dependere ab eis, si immediate à Deo producantur, ut omnes possunt: & idcò telationes sunt eis accidentales pertinentes ad secundum genus prædicamenti ad aliquid, sed dependentia verbis tanquam actus vitalis à principio vitali, & actione vitali essentialis est, respectumque includit essentialem ad idem principium, eandemque actionem, non quidem pertinentem ad prædicamentum ad aliquid, alioqui accidentalis relatio foret, sed quem vocant secundum dici pertinentem ad idem prædicamentum qualitatis, ubi collocatur ipsum verbum, cuius essentiam complet, quemadmodum respectus ad obiectum expressè à se repræsentatum, est ei essentialis. Quod verò additur verbum esse inseparabile à principio vitali, concedendum est: sed negandum, quod ex eo inferitur, se habere tanquam modum eiusdem intelligentis, non est enim modus nec modalis entitas, sed perfectissima qualitas, longèque perfectior specie intelligibili: cum perfectiorem longè modum repræsentandi habeat, constat verò speciem impressam non modum, sed rem completam esse: ergò multò minùs modus vocari debet verbum. Inseparabilitas verò ab intelligente non probat esse modum, quia licet sit de ratione modi inseparabilitas, non est tamen de ratione inseparabilitatis modus, quia etiam inter res potest dari inseparabilitas, nam Verbum Diuinum inseparabile est ab intellectu patris, & non est modus, sed res perfectissima.

Ad aliud tandem, quod dicitur actionem non requiri, ut formalem cognitionem, neque ut dispositionem ad illam, concedendum est, sed negandum, quod non requiratur tanquam fieri eiusdem cognitionis; nam cum cognitio consistat in eo, quod intellectui manifestetur obiectum, & hæc manifestatio non sit aliud, quàm informari à verbo, eo ipso, quod per dictionem producit verbum: cum producat in intellectu, eadem dictione producit verbum in intellectu, quod est produci verbum informans intellectum, & consequenter informationem ipsam eiusdem verbi, in qua consistit intellectio formaliter.

Sancti verò, quos pro se citat hæc sententia, asserunt quidem intellectionem esse imaginem rei intellectæ (quod fatetur) non tamen negant, quod talis imago per veram actionem immanentem eidem intellectioni necessariò præsuppositam (quæ vocatur dictio, aut prolatio verbi) producat.

Q V Æ S T I O I V.

*An per potentiam absolutam possit intellectio produci à solo Deo sine ullo concursu effectivo intellectus.*

**V**T melius intelligatur quæstio, placet distinguere duplices operationes vitales: nam quædam sunt infimi ordinis omnibus viventibus communes, vt generatio, nutritio, augmentatio, & motus localis progressiuus. Aliæ verò maioris perfectionis, quia cognitiones sunt, aut volitiones, seu appetitiones.

Et de prioribus certum est posse Deum terminos earum producere, sine concursu potentiarum: nam potest alimentum sua virtute disponere & conuertere in substantiam viventis, per quam nutriatur, & augeatur viuens, sed si id fiat, non dicitur viuens se nutrire, vel augere, sed Deus nutrire ipsum. Vnde nec efficit Deus operationes vitales sine concursu potentiarum vitalium, quia implicat contradictiones dari has operationes vitales, quin viuenti conueniant sub ratione viventis; implicat etiam conuenire viuenti sub ratione viventis, quin per eas se moueat, quia viuens sub ratione viventis mouet seipsum, & tãdem implicat mouere seipsum, quin operario, vel motus procedat ab eo tanquam à principio efficiente: nam quod solum recipit motum ab alio, non dicitur se ipsum mouere, sed moueri ab alio; hoc igitur discursu probatur non esse factibiles à Deo has operationes vitales, sine concursu potentiarum vitalis, quamuis termini earum possint à Deo produci.

Quæstio igitur ad altiores operationes sensitiuæ, atque intellectiuæ partis reducitur, videlicet, an possit Deus sensationes, intellectiones, & appetitiones voluntatis, & appetitus, sine concursu harum potentiarum facere. Habet autem minorem difficultatem apud eos, qui intellectiõnem ponunt formaliter in actione vitali, cui videtur intrinsecum, quod à principio vitæ procedat, & ideo implicare contradictionem, quod fiat à solo principio extrinseco, nempe Deo. Sed difficilior longè est apud D. Thom. Scotum, & alios cum quibus tenemus intellectiõnem necessariò præsupponere veram, & realem actionem immanentem, per quam producatur qualitas in potentia, sed non consistere formaliter in eadem actione, sed in sola qualitate, aut specie expressa producta in potentia, & informante illam. Nam si non consistit in tali actione, sed in sola qualitate informante potentiam, videtur posse fieri intellectiõnem à solo Deo per potentiam eius absolutam, per quam nulla apparet repugnantia, quin possit talem qualitatem, vel speciem expressam se solo producere in intellectu, sine ullo concursu eius

effectiuo, & talis qualitas informans potentiam erit vera, & formalis intellectio.

- 295 Sed prima opinio affirmat posse per absolutam potentiam intellectionem, vel sensationem fieri à solo Deo, sine concursu effectiuo intellectus, vel sensus; sed hæc diuersis modis, aut in diuerso sensu defenditur à diuersis. Et in primis eam sequuntur, qui tenent operationem intellectus, clarè videntium Deum fieri à solo Deo, sine concursu effectiuo eiusdem intellectus, vt ita verum sit creaturam à solo Deo beari efficienter, & non à se. Ita Ocham. in 1. d. 1. q. 2. concl. 2. & in 2. q. 19. Gab. in 1. d. 1. q. 2. art. 2. concl. 4. & eius supplem. in 4. d. 49. q. 2. art. 3. dubio 2. Paludan. in 4. d. 49. quæstio. 1. in confirm. 3. conclusion. & artic. 3. in resp. ad 3. instantiam, Richard. in 4. distinct. 49. artic. 2. quæstion. 10. 2. part. 1. dub. incidenti; quam sententiam probabilem reputant Maior in 3. distin. 14. quæst. 2. Et Petrus Aliacensis in 1. quæstion. 2. artic. 1. Vniuersaliter verò non implicat contradictionem, quod vera, & formalis intellectio, per quam intellectus intelligat à solo Deo, sine concursu intellectus fiat, tenent Scotus in 1. d. 13. §. ad 3. quæstionem, Vega
- 296 lib. 6. in Concil. Trident. capit. 8. Alij denique fieri à solo Deo sentiunt qualitatem illam, in qua consistit formaliter intellectio, sed à solo Deo factam non habere rationem formalem intellectionis, aut cognitionis, sed solum esse qualitatem quandam materialem & quasi mortuam, per quam nec intelliget homo, nec actu intelligens denominabitur. Ita Sotus in 4. d. 49. quæstion. 2. artic. 4. Angelus in Moral. cap. 14. fol. 49. Maior in 4. d. 12. quæstion. 1. ad 5. argum. & d. 49. quæstion. 9. in fine, Capreo. ibidem quæstio. 4. artic. 3. ad 4. ex dubiis quæ quarto loco adducta sunt. Et Festar. 3. contra gent. cap. 54. §. ad primum dicitur.

- Probatur primò, quia euidentis est, & ab omnibus receptum posse Deum supplere omne genus causæ efficientis. Et hoc negare erroneum vocat D. Thom. 1. p. quæ. 105. artic. 2. his verbis. *Erroneum est dicere Deum non posse facere per se ipsum omnes determinatos effectus qui fiunt per quamcunque causam creatam.*
- 297 Sed intellectio est quædam qualitas producta in intellectu ab anima medio eodem intellectu, ergò poterit Deus eandem qualitatem, producere, sine villo concursu effectiuo eiusdem animæ, aut intellectus, & per eam sic productam intelliget, sine villo cōcursu adhibito. Secundò quia ea quæ distinguuntur ex natura rei, separari possunt inter sese, ita vt detur vnum sine alio, sed valde probabile est talem qualitatem distinguere ex natura rei ab actione reali, per quam producunt (quam vocamus dictionē, aut expressionem verbi) ergo valde probabile erit, quod possit sine tali actione produci, ab eaque, hoc modo separari;

quod est posse fieri à Deo, sine dependentia ab intellectu; cum constet dictionem esse dependentiam eius ab eodem intellectu.

Secunda opinio quorundam recentiorum negat posse intellectiōem, & alias omnes cognitiones, & volitiones produci à Deo in eisdem potentiis, sine concursu effectiuo earum. concedit tamen, quod extra subiectum possint produci, etiā secundum rationem formalem cognitionis, & appetitionis. Probant primum, quia ex eo quod producatur à solo Deo in eisdem potentiis, sequitur aperta contradictio; nam si in eis producantur, cum ex propria natura, & effectū formali cōstituant subiectum intelligentem, & volentem, sequeretur per eas sic productas à Deo intellectum actu intelligere, & voluntatem amare; quia repugnat habere in se formalem intellectiōem, & appetitionem quin actu, & formaliter sint intelligentes, & appetentes; intelligere verò, & appetere potentiam repugnat solum passiuè se habentem, quia actus isti conatum potētix necessariò requirunt, & ideò efficientiam aliquam. Ex eo verò, quod extra subiectum fiant à Deo, nulla talis contradictio sequitur: quare non est denegandum diuinæ omnipotentix, quod eos extra subiectum producere valeat.

Ultima sententia, quam probabiliorē existimamus, negat talem qualitatē ullo modo posse produci à solo Deo per potentiam absolutam, hoc est, nec extra intellectum nec in intellectu ipso, etiam sub ratione qualitatē: & ita non posse ullo modo produci intellectiōem, sensationem, aut appetitionem, sine actuali, atque effectiuo concursu potentia vitalis. Hanc in primis existimo esse Diui Thomæ, quia ex duobus testimoniis eius efficaciter colligitur: primum de intellectiōe: secundum de appetitione. Et habetur primum 1. part. quæstion. 34. articul. 1. hisce verbis. *Ipse autem conceptus cordis de ratione sua habet, quod ab alio procedat, scilicet à notitia concipientis.* Ex quo ita argumento, Diuius Thomas expressè tenet (vt superius vidimus) quod intellectio consistat in conceptu ipso cordis, hoc est, intellectus, quem informat, sed hunc conceptum asserit de ratione sua habere quod procedat à notitia concipientis, hoc est, ab actione eiusdem intellectus proferentis, ac producentis illud: ergo sentit implicare contradictiōem, quod sine tali notitia, vel actione intellectus fiat. Postremum testimonium de amore vel dilectione habetur 2. 2. quæst. 23. art. 1. vbi docet actum charitatis nō posse procedere à solo Spiritu sancto mouente voluntatem, ita vt voluntas passiuè tantum, vt mota ab eo, se habeat, sed necessarium esse, vt procedat ab ea effectiuè simul concurrente, quia nisi hoc modo cōcurrat repugnat actum dilectionis eius esse voluntarium, quia voluntarium est, quod procedit à

principio extrinseco cum cognitione, verba Diui Thomæ hæc sunt. *Hoc enim est contra rationem voluntarij, cuius oportet principium in ipso esse, sicut supradictum est, unde sequeretur, quod diligere non esset voluntarium quod implicat contradictionem, cum amor de sui ratione importet, quod sit actus voluntarij.*

302 Sed probari solet ratione primò, quia intrinsecum est intellectiioni, & appetitioni, vt per eas tendant intellectus, & appetitus in obiectum, sed non tendit potentia in obiectum, sine aliquo concursu effectiuo: ergo repugnat intellectiionem, & appetitionem fieri à solo Deo sine concursu effectiuo potentiarum. Præterea de cognitione euident est non posse vllò modo haberi, sine attentione intellectus, sicut neminem videre, etiam si habeat obiectum præsens, & oculum specie eius informatum, nisi attentionem præstiterit, sed constat attentionem  
303 esse conatum potentia, & potentiam non conari, nec attendere, sine aliqua actione: ergo nec intellectio, aut visio, sine concursu actiuo potentia possunt vllò modo haberi, nec ideo à solo Deo fieri. Sed vtraque hæc ratio inefficax est; prior quidem, de tendentia in obiectum, quia vel tendentia importat actionem realem potentia, per quam versatur circa obiectum, vel simplicem respectum potentia informatæ specie expressa obiecti ad ipsum. Et si primum importare dicatur, infirma planè ostenditur ratio; cum valde probabilis sit sententia Diui Thomæ, & Scoti, quam secuti sumus, videlicet intellectiionem non consistere formaliter in actione; quare nec importabit talem tendentiam in obiectum hoc modo sumptum, & ideo ex tali tendentia non probatur, quod repugnet à solo Deo fieri, sine vlla actione: & proinde sine vllò concursu effectiuo potentia; & multò melius fieri poterit ab eo, si solum importet simplicem respectum potentia informatæ specie expressa obiecti; nam producta specie à solo Deo, dicetur per illam potentia tendere in obiectum, & ex consequenti intelligere, sine vllò concursu obiecti. Posterior etiam ratio de attentione, non est minùs infirma; nam si attentio dicat concursum actiualem potentia, & ideo veram, & realem actionem, non potest includi in ratione formali intellectiionis iuxta eandem sententiam, quam sequimur negantem omnino, quod vera actio realis pertineat ad rationem formalem intellectiionis: quare intellectio formalis in sola informatione speciei expressæ consistens poterit à Deo fieri sine attentione potentia, & proinde sine concursu eius, quamuis eadem attentio concursum actiuum potentia importans includatur in actione, quæ est expressio verbi, sine qua non repugnat formalem intellectiionem fieri à solo Deo producente speciem expressam in potentia sine concursu effectiuo eius,

eius. Si verò dicatur attentionem potentie non importare concursum actuum eius, aut realem actionem, sed solum actionem Grammaticalem, hoc est, informationem speciei expressæ significatam per modum actionis, non probatur vlla repugnantia, quin possit à solo Deo fieri, sine concursu effectiuo potentie: cum non probetur repugnare, quin possit se solo producere speciem in potentia, quæ eo ipso, quo per eam informatur, dicetur attendere absque vlllo concursu effectiuo. Quia per talem informationem actu ordinatur in obiectum, ad quod potius dicit ordinem attentio, quàm ad principium effectiuum, vt docuit expressè Diuus Thomas.

Secundò probant ratione ducente ad impossibile hoc modo, si Deus possit producere qualitatem prædictam, sine concursu effectiuo intellectus, separatus ab anima intelligere posset, & effici beatus clarè videndo Deum, quod est absurdum. Probat<sup>305</sup>ur consequentia, quia subiectum proximum, quod qualitas illa informat, & in cuius informatione consistit formaliter intellectio, est intellectus: sicut quantitas est subiectum proximum albedinis; sicut ergo quantitas separata formaliter est alba, & disgregat visum per albedinem in se inhærentem, ita intellectus separatus ab anima, in quo produceretur talis qualitas, in qua consistit formaliter intellectio, esset per illam formaliter intelligens, potens clarè videre Deum, & effici beatus.

Hæc tamen ratio in primis non probat apud Scotum & alios, qui cum teneant non distinguere intellectum realiter ab anima, non concedunt posse ab ea separari: sed nec tenet apud omnes asserentes intellectionem formaliter consistere in vera, & reali actione vitali, quæ cum intrinsecum ordinem importet ad principium intrinsecum vite, quod est anima, non potest elici ab intellectu, nisi radicato in eadem anima.

Alia igitur via querenda est, qua possit efficacius, & à priori probari non posse produci talem qualitatem à Deo, sine concursu effectiuo intellectus, & proinde nec intellectionem. Et talis via vniuersalis erit iuxta omnes opiniones tenentes sine specie expressa nullo modo posse dari intellectionem: nam illa, quæ intellectionem ponit in sola actione intellectus, sine termino, nihil ferè probabilitatis habet: & ideò nemo eam hac tempestate sequitur.

Hæc autem via non est alia, quam natura ipsiusmet speciei expressæ, de qua præsuppono esse, & vocari conceptum mentis, quem concepit intellectus de re, quam intelligit. Ita à tota Schola conceptus vocatur, quia sicut ex congressu maris, & feminæ concipitur intra vterum foetus, qui per natiuitatem



in lucem editur ; ita ex congressu obiecti , aut speciei eius cum intellectu concipit intellectus ipse intra se factum, qui est verbum, aut speciem expressam actu, & expressè representantem obiectum, vnde & verbum diuinum appellant Ecclesia, & Sancti Patres prolem atque conceptum paterni intellectus, quod verbum internum conceptum quasi in lucem editur per verbum vocale.

Secundò præsuppono, quod verbum mentis, non solum est conceptus intellectus: sed etiam expressa imago obiecti representati per speciem intelligibilem, cum sit similitudo expressa ad representandum producta, ac instituta, ( hæc est enim definitio imaginis ab Schola recepta ) & est imago intentionalis; de intrinseca verò ratione imaginis est respectus originis ad  
 307 principium, de qua expressa est, non enim dicit imago solam similitudinem : sed vt de eo , quod representat , expressa sit, quod est illud respicere respectu intrinseco rei expressæ à principio de se. Quod hoc exemplo explicuit Diuus Augustinus in lib. 83. qq. quæst. 73. *duo inquit ona similia sunt : sed neutrum est imago alterius, quia non est de illo expressum.* Et propter hunc respectum originis , aut processionis , à principio intrinsecum imagini docet communis sententia Scholasticorum cum Diuo Thoma 1. part. quæst. 35. art. 1. ex Patribus, & Scriptura, nomen imaginis in diuinis personale esse soli verbo diuino cõueniens, & non aliis personis, sicut & nomen verbum, quia ipsum solum  
 308 est expressum à Patre de se ipso. Vnde sequitur verbum mentis ex intrinseca sua ratione esse imaginem internam conceptam ab intellectu de obiecto representato in specie intelligibili.

Ex quibus sic desumo argumentum. Verbum ex sua ratione intrinseca est conceptus mentis: sed de ratione intrinseca conceptus est, vt per virtutem vitalem concipientis aliquo modo formetur ; ita vt repugnet à solo Deo formari, aut fieri : ergo intrinsecum est verbo, quod per virtutem vitalem intellectus, & animæ formetur , ac producat, & à solo Deo formari, vel pro-  
 309 duci in intellectu repugnat. Intrinsecum est etiam imagini, quod sit expressa de principio, quod representat ; ergo verbum non erit imago obiecti representati potentia per speciem, nisi formatum sit , atque expressum per virtutem eius ; ex ratione igitur imaginis efficaciter probatur , non posse verbum à solo Deo produci sine concursu intellectus specie informati.

Ex his sequitur 1. falsam esse secundam opinionem eorum, qui nobiscum tenentes intellectionem non consistere in vera, & reali actione: sed in qualitate producta per actionem, & informante intellectum, asserunt non posse produci talem qualitatem à Deo in intellectu,

intellectu, sine concursu effectiuo eius, bene tamen extra intellectum: nam cum intrinsecum sit tali qualitati esse imaginem, & imaginem procedere à principio, quod repræsentat effectiuè, non minus repugnat produci extra intellectum, sine concursu effectiuo eius, quam extra intellectum, imò magis spectata conditione subiecti: nam intellectus est proprium subiectum eius, & quæcumque res alia ineptissima, ut in ea recipiatur.

Tandem sequitur non minus falsam esse opinionem terram <sup>311</sup> Soti, & aliorum, quos quæstione præcedenti citauimus, asserentium posse Deum eandem qualitatem, etiam in intellectu ipso efficere, non quidem sub ratione formali intellectionis: sed quasi materiali qualitatis; quare per illam non constituetur intellectus actu intelligens: sed affectus quadam qualitate. Quod sic <sup>312</sup> probo esse falsum, eo supposito, quod Authores isti concedunt; nempe intellectionem formaliter non consistere in aliqua actione vera, & reali intellectus: sed solum in qualitate illa informante intellectum per modum actionis significata, ex quo euidenter sequitur non posse informare intellectum sub ratione qualitatis, quin eum informet sub ratione intellectionis: nam rationem intellectionis habet, in quantum est expressa imago obiecti constituens intellectum eidem obiecto similem perfectè repræsentando ei obiectum: sed repugnat informare intellectum, quin repræsentet ei obiectum, cum hæc repræsen- <sup>313</sup> ratio sit ei intrinseca: ergò necesse est, quod eum constituat formaliter intelligentem, & ideo quod intellectio fiat à solo Deo, sine concursu effectiuo intellectus. Et secundò quia impossibile est. formam informantem subiectum tribuere ei proprium effectum formalem sub ratione generica, & non sub ratione specifica, non est enim possibile, quod albedo informans subiectum tribuat ei esse coloratum, quin etiam tribuat esse album; ergò repugnat planè qualitatem illic informare intellectum secundum rationem qualitatis, & non secundum rationem intellectionis, ut asserunt authores isti.

Ad primum argum. distinguenda est maior, quod Deus possit supplere omnem efficientiam secundarum causarum ad produ- <sup>313</sup> cendos quoscumque effectus: nam si efficientia talis sit, à qua essentialiter dependant effectus, vel actiones quibus mediis producantur, falsum est; si verò non sit talis, verum, & quia efficientia potentia vitalis est, ad quam intrinsecum ordinem importat qualitas illa vitalis, in qua consistunt cognitiones, & appetitiones, non potest sine concursu eiusdem potentia villo modo produci. Verba autem citata D. Thom. non de his, sed de cæteris omnibus accipienda sunt, cum constet ex <sup>314</sup> suprà dictis non posse ex mente eius suppleri concursum po-

tentiarum vitalium respectu suorum actuum.

314 Circa secundum arg. disputari solet, an verbum mentis, seu imago expressa, quæ est intellectio formalis, distinguatur ex natura rei, vel sola ratione ab actione vera, & reali intellectus, per quam fit (& quam vocant dictionem) sed supposito, quod  
315 vera sit actio, & mutatio realis intentionalis intellectus, non continet nouam, aut distinctam difficultatem, præter communem à nobis disputatam de cæteris mutationibus, motibus, actionibus, & passionibus 3. lib. physicorum: quare sicut de cæteris ibidem ostendimus, quod ex natura rei distinguantur à suis terminis, non tanquam aliæ res: sed tanquam modi reales eorum, eodem modo dicimus de dictione, seu expressione verbi distingui ex natura rei ab intellectione, hoc est, à qualitate illa, seu verbo mentali, vel conceptu, tanquam modum eius. Quod verò ex hoc infertur posse ab eo separari, vel qualitatem ipsam ab actione reali, per quam fit, negandum est, quia licet efficaciter sequatur ex reali separatione distinctio realis, vel ex natura rei; sed ex hac distinctione non bene infertur separabilitas, quia contingere potest ex modo particulari essendi, quod aliquid habet intrinsecum ordinem actualem vnionis cum altero, à quo proinde separari nulla ratione possit, & talem habet verbum, cui intrinsecum est vnitum esse cum suo principio vitali: cum sit actus vitalis; quare licet ab eo realiter distinguatur, nequit ab eodem separari, cuius exemplum habemus in Verbo diuino distincto realiter à Patre æterno, & inseparabili ab eo; imò in quibuscumque relatiuis, quæ licet distinguantur realiter, vt talia, nequit vnum vt tale sine alio esse.

#### Q V Æ S T I O V.

*An in parte intellectiua sit propria memoria, & tanquam alia potentia distinguatur ab intellectu.*

316 **T**Ria continet discutienda titulus quæstionis. Primum, an in parte intellectiua sit ponenda memoria. Secundum an talis memoria sit propria, sicut in parte sensitiua, vel impropria tantum. Tertium, an sit potentia distincta realiter, & specie ab intellectu, vel idemmet intellectus sit memoria. Quare tribus dubiis absoluenda est quæstio.

#### D V B I V M P R I M V M.

*An in parte intellectiua sit memoria.*

317 **C**Irca primum præsupposita definitione memoriæ ab omnibus recepta, quid sit locus, vel thesaurus in quo conseruantur species.

Prima sententia fuit Auicennæ 6. naturalium p. 5. cap. 6. negantis

gantis omnino in parte intellectiua memoriā; quia putat non conseruare hominem species intelligibiles, per quas semel intellexit, & ideò nec habere facultatem intellectiuam memorandi. Sed quoniam euidenti experientia constat sæpè hominem recordari eiusdem obiecti, v. iam à se intellecti, hunc actum tribuit cuidam intelligentiæ mentem nostram irradian- ti per infusionem cuiusdam intellectus luminis. Cuius sententiam refutauit D. Thom. 2. lib. contra gentes, cap. 74. & eiusdem meminit Scotus in 1. dist. 3. quest. 6. Fundamentum Auicennæ fuisse refertur, quia si species intelligibiles conseruantur in intellectu, vt propterea dicatur memoria, sequitur semper esse in actu intelligendi, quia potentia informata specie sufficiens principium intellectus, est. Consequens verò contradicit experientiæ. Secundò, si omnes species obiectorum conseruantur in intellectu, vt per eas reminisci valeat, non potest assignari sufficiens aliqua ratio ob quam vnus potius obiecti, quam alterius recorderetur, & cum non possit omnium simul recordari, sequitur nec posse vti vlla specie earum; quare inutiles prorsus erunt. Et si dixeris primò à voluntate libera applicari intellectum ad vsum huius speciei potius, quàm alterius, non soluis argumentum, quia sæpè fit recordatio, sine libertate, nec potest à voluntate applicari intellectus, sine cognitione præcedente, quia voluntas non potest sine illa operari; ergò redit eadem difficultas ab operatione intellectus necessario præcedente applicationem voluntatis. Et si dixeris secundò recurrendum esse ad sensum, vel imaginationem, à qua excitetur intellectus ad memoriam huius obiecti potius, quàm alterius. Eadem extat difficultas de imaginatione, à quam excitetur causa, vt circa hoc potius singulare, quàm circa alterum operetur, vt ita possit per talem operationem excitare ipsa intellectum ad vsum talis speciei potius, quàm alterius.

Nostra sententia *asserit non in sola parte sensitiua: sed etiam in parte intellectiua dari memoriam*, contra Auicennam, cuius sententia omnino est improbabilis, & propterea error debet in Philosophia vocari potius, quàm opinio. Ita expressè Aristoteles 3. lib. de anima, cap. 4. textu 6. hisce verbis. *Bene utique qui dicunt animam esse locum formarum, nisi quod non tota: sed intellectiua.* Ita etiam Sancti Patres, & Scholastici Doctores. Et probatur euidenti experientia, quia sæpè recordamur nos intellexisse rem in vniuersali, nec possumus per memoriam sensitiuam, quia sensus non cognoscunt vniuersalia: ergò per intellectum; quare necesse est ponere memoriam in parte intellectiua. Nam quod hos actus intellectus, per quos rerum vniuersalium recordamur, attribuit Auicenna irradiationi ab

intelligentia factæ per lumen infusum nostro intellectui ab  
 320 ea, apertè falsum est, ut suo loco probatur à Theologis. Sed ra-  
 tione probatur, quia species intelligibiles, per quas intelligi-  
 mus res præsentēs ( quas non negat Auicenna ) sunt ex pro-  
 pria natura incorruptibiles, vel quæ ratò corrumpuntur, cum  
 sint accidentia spiritualia, & contrario careant: ergò negari  
 non potest, quin illæ per quas semel obiecta intelligimus,  
 321 permaneant in intellectu post intellectionem, in eoque reser-  
 uentur; quare necesse est fateri, quod in parte intellectiva  
 sit virtus eas conservandi, quæ est primum, quod memoria im-  
 pottat: sed intellectus informatus eisdem speciebus est suffi-  
 ciens principium iterum eas intelligendi, & iterata intellectio  
 eiusdem rei iam non præsentis est actus recordationis, ac me-  
 moriæ: ergò necesse est ponere memoriam in parte intellecti-  
 va. Vbi adnoto non benè Toletum negasse incorruptibilitatem  
 specierum, quia non sunt (inquit) connaturalia accidentia ani-  
 mæ; sed ab extrinseco agente ei impressa: nam quod imprin-  
 mantur ab extrinseco agente, non tollit esse animæ connatu-  
 ralia: quia cum sit forma corporis, nata est per sensus corporis  
 (quibus naturaliter imprimuntur species à sensibilibus extrin-  
 secis) species recipere: unde sicut naturale est sensus perfici ab  
 externis sensibilibus, naturale est etiam animæ perfici ab eis-  
 dem mediis sensibus.

322 Ad primum argumentum pro Auicenna concessa maiori, &  
 minori neganda est consequentia, quod anima semper sit in  
 323 actu intelligendi: nam licet intellectus informatus specie sit  
 sufficiens principium intellectionis, pro conditione tamen ne-  
 cessaria sine qua non potest pro statu præsentis intelligere, re-  
 quirat operationem phantasie, ut superius ostendimus, quæ e-  
 tiam non semper est in actu sentiendi; imò sæpè ob defectum  
 phantasie non possumus, etiam si velimus recordari rerum  
 præteritarum, quia multis modis impediri potest, vel turbari:  
 cum & in subiecto sit corporeo mutationibus subdito, quibus  
 in sua operatione impeditur, & à sensibus externis saltem im-  
 primis sensationibus obiectorum dependeat.

Secundum argument. longè difficilior est, quia cum certò  
 cognoscamus aliquando nos excitari ab vna specie, & non ab  
 alia; & ideo vna potius quàm alia nos vti, & actam memoriæ  
 circa vnum obiectum potius, quàm circa aliud exercere, & cau-  
 324 sam talis excitationis ignoremus, videtur nobis casu id con-  
 tingere, sed reuerà causam subesse existimandum est, conan-  
 dùmque eam explicare.

Et in primis certum est non posse intellectum vti simul  
 omnibus speciebus, quas habet in memoria, nec omnia simul  
 obiecta

obiecta iam à se intellecta intelligere, cum nec possit limitata virtus eius omnibus simul attendere. Quo supposito primò dicimus, quod dum ex deliberatione procedit recordatio huius, vel illius rei potius, quàm alterius, quia eius volumus recordari, causa talis recordationis præ aliis est libera applicatio phantasie à voluntate ad operandum circa tale obiectum: sæpe enim dependet phantasia quantum ad applicationem à voluntate, quamvis aliquando præuenit voluntatem, & in operationem prorumpat, non expectata libera applicatione eius, quod quisque in se experitur. Tunc ergò alia causa excogitanda est talis excitationis, quæ aliquando est purè extrinseca: nempe Angelus bonus, vel etiam malus; habent enim Angeli naturalem potestatem suprà reas corporeas in ordine ad motum localem, & cum phantasia sit potentia corporea, & species eius corporea accidentia, potest eas commouere, & per vnam potius, quàm per alteram excitare phantasia ad operandum, sed quia nec semper ab his causis excitatur, alia restat perquirèda. Quam absque dubio esse existimo talem dispositionem corporis, vel organi interni sensus, aut humoris prædominantis: nam pro diuersa corporis dispositione, & humore prædominante, determinatur phantasia, aut memoria sensitua ad vsum vnius speciei præ alia, quia res sensibilis repræsentata per eam habet connectionem cum hac temperie, & humore, vel dispositione modo prædominante, magis quàm cum alia, à quacunque verò ex his causis excitetur phantasia, sufficiens ratio est, ob quam intellectus excitetur etiam ad vsum talis speciei intelligibilis in memoria reseruata, & ad recordationem talis obiecti, potius quàm alterius: propter naturalem subordinationem, ac sympathiam harum potentiarum, quæ in eadem anima radican-<sup>235</sup> tur.

D V B I V M S E C V N D V M.

*An in parte intellectiua sit propriè memoria.*

**P**Rima opinio negat propriè dari memoriam in parte intellectiua, sed quædam tantùm ratione impropria; propria verò in sola parte sensitua. Ita videtur sentire D. Thom. 2. lib. contra gent. cap. 74. hisce verbis, *Memoria in parte sensitua po-*<sup>237</sup>  
*nitur, quia est alicuius, prout cadit sub determinato tempore, non est enim, nisi præteriti, & cum non abstrahatur à singularibus conditionibus, non pertinet ad partem intellectiuam, quæ est vniuersali-um. Sed per hoc non excluditur, quin intellectus possibilis sit con-*  
*seruatiuus intelligibilium quæ abstrahuntur ab omni- bus con-*  
*ditionibus.* Idem sentit Ferrar. eodem capit. & sensisse videtur prius Albertus Magnus in Summa de homine tractat. de memoria. Atque etiam Scotus in 4. d. 45. quest. 3. §. de secundo. Probat<sup>io</sup>  
testimonio

testimonio Aristotelis in lib. de memo. & reminisc. cap. 1. circa finem, ubi sic ait. *Manifestum est quod primum sensitiui horum cognitio est, memoria autem ea, qua est intelligibilem, non sine phantasmate est; quare intellectui secundum accidens utique erit, per se autem primi sensitiui.* Probatum etiam ratione insinuata à D. Tho. Memoria versatur circa præteritum. Sed præteritum dicit determinatam differentiam temporis, in qua res cognita habet esse: & res quæ habet esse in determinata differentia temporis, est singularis: quia vniuersale abstrahit ab hic, & nunc; ergo memoria propriè loquendo de solis singularibus esse potest; sed solus sensus versatur circa singularia, quæ ab intellectu non per se, sed quasi per accidens, vel indirectè cognoscuntur, ergo in solis sensibus potest esse memoria, non in parte intellectiua.

- 318 Pro solutione huius dubij adnotare oportet, in quonam consistat propria ratio memoriæ, ut hinc possimus intelligere, an conueniat parti intellectiue, aut sensitiue tantum. Duas conditiones memoriæ assignat Aristoteles loco citato. Prior est, quod sit de obiecto, ut iam sensato, in quo distinguitur ab aliis sensibus: præsertim externis, qui solum versantur circa obiectum præsens, etiam si iam semel, & iterum fuerit sensatum, vel nunquam. Posterior conditio est, quod versetur circa obiectum, ut præteritum, nam versatur circa illud, ut iam sensatum: quod conditionem intrinsecam præteriti importat: & ideò Aristoteles asseruit eodem loco, solis animalibus conuenire memoriæ, quæ aliquo modo percipiunt tempus. His duabus conditionibus necessarium est addere tertiam, quam tetigit idem
- 319 Arist. lib. 3. de anima cap. 4. & sæpe alibi, videlicet quod potentia illa, cui conuenit propriè ratio memoriæ, debet esse conseruatiua specierum, & quasi thesaurus earum, non enim poterit operari circa iam sensata, nisi species eorum apud se retineat, atque conseruet.

- Et de conditione hac euident est, non solum memoriæ sensitiue propriè conuenire, sed longè perfectius intellectiue, quæ cum sit spiritalis, & incorruptibilis sicut anima, cuius potentia est, atque etiam spirituales sint species eius, ex utraque parte longè aptior est ad conseruationem earum, quam sensitiua ex propria natura corporea, & corruptibilis, & cuius species corporeæ etiam sunt. Nec solum ex parte huius conditionis perfectius conuenit intellectui ratio memoriæ, quam sensitiue, sed etiam parte aliarum; nam memoria sensitiua non cognoscit proprium actum; quare nec potest cognoscere
- 320 obiectum ut iam à se sensatum, sed solum ut sensatum ab externis sensibus, vel etiam ab interno inferiori, & hoc modo intellexit Aristoteles conuenire memoriæ sensitiue, quod versetur

setur circa obiectum, ut prius sensatum, intellectus verò proprium actum potest per reflexionem cognoscere modo superius explicato; & ideo versari potest circa obiectum, ut iam à se cognitum. Tertia etiam conditio cognoscendi tempus præteritum denotata ab Aristotele, dum dicit memoriam versari circa rem, ut prius cognitam, certum est non formaliter, sed materialiter tantum convenire posse memoriæ sensitivæ, quia sensus etiam interni non possunt formalem rationem temporis percipere, sicut nec rationem prioris, & posterioris, sed materialem tantum, videlicet motum iam transactum, quod tempus etiam transactum infert.

Quod certum est formaliter, ut tempus atque etiam ut præteritum cognoscere intellectum, & ideo ex parte etiam huius conditionis perfectior memoriæ ratio reperitur in intellectu, quam in parte sensitiva. Cæterum cum intellectus in omni sua operatione huius status dependeat à phantasia actu operante, & in actibus memoriæ, à sensitiva memoria, quodammodo dependenter à memoria sensitiva reperitur in ea ratio memoriæ. Et propterea docuit Aristoteles loco citato primò reperiri in parte sensitiva memoriā, & intellectiva quodammodo per accidens, hoc est, per aliud nempe per sensum, aut sensitivam memoriā, & dependenter ab illa in actibus memorandi, sicut in cæteris de obiecto præsentī, & futuro à phantasia.

Nostra igitur sententia est non in sola parte sensitiva reperiri propriè memoriā, sed omnibus pensatis proprius, atque perfectius in parte intellectiva. Quam ex tribus conditionibus ad rationem memoriæ requisitis efficaciter probauimus; & ita sentiunt omnes recentiores. Testimonium verò Aristor. expositum est iam; & Divum Thomam possumus in eodem ferè sensu explicare, præsertim cum 1. par. quest. 79. articu. 7. simpliciter & absolute fateatur in parte intellectiva reperiri memoriā absque vlla improprietatis significatione; unde hanc esse ultimam eius sententiam censere possumus. Ratio verò alio loco ab eo facta in favorem memoriæ sensitivæ innititur opinioni eius de cognitione indirecta singularium ab intellectu, quam nos negamus.

### D V B I U M T E R T I U M.

*An memoria intellectiva sit potentia distincta ab intellectu, vel eadem.*

**R**estat ultimum discutiendum, an memoria intellectiva sit distincta potentia ab intellectu.

Et prima opinio tenet esse distinctas potentias. Ita Richard. 1. distinct. 14. quest. 2. circa 2. principales, cum aliis, quos ipsa citat



citatur. Probatum testimonio D. August. 10. lib. de Trinitate cap. 11. Vbi tria distinguit in mente, memoriam, intelligentiam, & voluntatem, & intelligentiam docet oriri ex memoria, nomine autem intelligentiæ potentiam intellectiuam significat, ergo censet distingui realiter à memoria, quia non potest idem à se ipso emanare. Probatum etiam ratione, primò, quia homo di-

334 citur cõditus ad imaginem, & similitudinem Sanctissimæ Triadis, quam similitudinem in ea collocat, quod sicut in vna essentia diuina sunt tres personæ distinctæ, ita in anima tres potentia; ergo necesse est omnes has potentias distingui realiter, aut essentialiter, quia si duæ ex eis, videlicet intellectus, & memoria eadem potentia sint, cessabit similitudo. Secundo probatur ex communi ratione distinguendi potentias per actus, & obiecta; nam intellectus respicit obiectum secundum rationem absolutæ entitatis, aut veritatis; memoria verò ut iam cognitum, ergo diuersæ istæ rationes obiectiuæ distinguunt has potentias distinctione saltem specifica.

Secunda opinio est D. Thom. 1. par. quæstion. 79. articul. 7. asserentis eandem omninò potentiam, non solum realiter, sed essentialiter esse intellectum, & memoriam. Cuius sententia communis est iam in Schola, & vera. Probatum primò, quia

335 euidens est pro sola conseruatione specierum, non exigì potentiam distinctam ab ea, quæ per illas operatur, quia potentia naturalis respectu alicuius actus eliciendi tribuitur à natura, & non pro sola receptione, cum consistat euidenti experientia eandem potentiam operantem, quasi antecedenter recipere proprias species, per quas operatur; ergo pro sola conseruatione specierum non potest poni memoria, sed eo ipso, quod species recipit, necesse est per eas operari, quia ad finem operandi ordinantur, & ideò ad finem operandi recipiuntur, sed nec est possibile vnā potentiam recipere species, & aliam ab ea distinctam operari per illas, ut per se est manifestum; necesse est ergo memoriam recipientem, & retinentem species operari per illas, & eodem modo, ac intellectus, nempe ap-

336 prehendendo, & indicando, & respectu eiusdem obiecti formalis; nempe entitatis, & veritatis, quia esse veritatem præteritam, non variat rationem formalem obiectiuam, nisi ratione accidentali, sicut nec ratio præsentis, aut futuris; nam fuisse iam intellectum obiectum, non distinguit ipsum essentialiter in ratione obiecti, à se ipso, vel ab alio primò intellecto, ergo omni ex parte intelligitur non posse distingui illam potentiam pro memoria intellectiuā ab ipso intellectu. Secundo quia euidens est intellectum possibilem recipere species, nam ideò possibilis appellatur, quia recipiendo species patitur ab obiecto

obiectum, atque etiam recipiendo in se propriam operationem: repugnat etiam cognoscere obiectum; nisi per speciem in se receptam, sed istæ species à se receptæ, per quas intelligit primò obiectum, sunt spirituales, & carent contratio; ergò non corrumpuntur, sed conseruantur: nec transeunt ad aliam potentiam, quia idem accidens non transit de vno subiecto ad aliud: ergo in eadem potentia intellectiua permanent, eadem est igitur, quæ recipit species, quæ operatur per illas, & quæ eas conseruat, quod est esse simul intellectum, & memoriam; non sunt ergo vllò modo memoria, & intellectus distinctæ potentie, sed vna, & eadem.

Ad testimonium August. respondet D. Thom. loco citato 337 ad primum, quod per illa tria, nempe memoriam, intelligentiam, & voluntatem non intelligit tres potentias animæ: sed memoriam pro actuali conseruatione, aut receptione specierum, intelligentiam verò pro actu intelligendi, voluntatem pro actu voluntatis, qui est amor: vt ex alio loco eiusdem D. August. 14. lib. de Trinitate apertè colligitur.

Ad primum argum. respondet D. Thom. 1. par. quæst. 93. articul. 7. & cum eo Durand. in 1. distinct. 34. par. 2. quæst. 3. rationem imaginis, quæ in anima nostra reperitur comparatione Dei, aut Diuinæ Trinitatis, primò, & per se accipiendam 338 esse secundum actus mentis nostræ, prout scilicet ex notitia, quam habemus cogitando interius, verbum formamus, & ex hoc in amorem prorumpimus: & ita Pater æternus per actum notionalem suæ intellectionis generat filium, & pater simul ac filius per actum amoris, quo se diligunt, produçunt Spiritum Sanctum. Quasi secundariò verò sumitur etiam ex parte potentiarum, in quantum iidem actus virtute continentur in potentiis, vt cunque distinctis, & non necessariò omnes realiter, vel essentialiter.

## C A P V T VI.

### TEXTVS ARISTOT.

*Indivisibilitum igitur intellectio in his est, circa  
qua non est falsum, &c.*

#### Breuis expositio textus.

**I**ntentum huius capituli est distinguere duos actus intellectus, & explicare rationem eorum; diuiditur in duas partes; in prima diuidit actum intellectus in simplicem, & compositum; in secunda explicat vtrumque. Actus siue operatio intellectus, (inquit Aristot.) duplex est: simplex & composita: operatio simplex est ea, per quam res simplices apprehendimus, vt hominem

hominem ; composita per quam eadem simplicia apprehensa coniungimus, vel separamus , vt si coniugamus hominem cum animali , efficientes hanc compositionem , homo est animal. Inter has autem duas operationes duplex esse discrimen ait. Primum quod in simplici non est falsitas , nec etiam veritas : nam dum apprehendimus hominem , nihil falsum , aut verum dicimus : in composita vero iam est veritas, & falsitas , quia si vnum simplex cohereret alteri, vera est compositio ; si vero non cohereret, falsa. Secundum discrimen est , quia simplex præcedit compositam , & ad illam ordinatur. Falsa verò compositio duobus modis constitui potest : primo, si coniugamus , quæ non possunt coniungi , vel separemus , quæ coniuncta sunt. Secundo si coniugamus , quæ coniuncta sunt , vel separemus , quæ sunt separata , sed non pro eo tempore quo coniuncta , vel separata sunt , vt si dicamus de eo ; quod nunc est album , fuisse , vel futurum esse album, vtraque compositio potest esse falsa ratione temporis.

- 3 In secunda parte explicat membra diuisionis ; & primò operationem simplicem, quam vocat cognitionem indiuisibilem, seu incomplexorum ; asseritque indiuisibilia , seu incomplexa triplicia esse. Primum est totum quodcunque habens partes , sed intellectum per modum vnius , & ex hoc modo habet rationem indiuisibilis , etiam si sit complexum , vt si hominem album intelligamus per modum vnius extremi huius propositionis , homo albus ambulat. Hoc autem totum tribus modis potest intelligi ; primò , vt totum quoddam non diuidendo illud in partes : secundo , diuisum intelligendo partes : tertio , simul omnes intelligendo. Et si primo modo intelligatur habet rationem indiuisibilis actus ipsum intelligendi , & intelligitur in tempore indiuisibili, hoc est, aut in instanti, aut sic in tempore, vt non intelligatur aliquid eius in vna parte tēporis , & aliquid in parte alia , sed in qualibet parte illius temporis
- 4 totum, & in toto etiam tempore totum. Secundo modo potest intelligi totum, ita vt seorsum intelligantur partes , & hoc est non intelligi per modum vnius , aut indiuisibilis , sed per modum diuisi ; vnde non intelligitur in tempore indiuisibili , sed diuiso potius, quia intellectiōi cuiuslibet partis correspondet diuersa pars temporis, aut instans diuersum, & ita successiuis intellectiōibus intelligitur. Tertio tandem modo intelligi potest, ita vt intelligantur omnes eius partes , simul tamē componentes totum , & hoc etiam modo intelligitur in tempore secundum partes eius simul sumptas , & dicitur tempus indiuisibile, quia non sigillatim intelliguntur partes, sed simul ; & idē ac si vna , & eadem foret : quare nec tempus diuiditur , sed per modum

modum vnius, & idè ac si esset indiuisibile. Secundum indiuisibile est illud, quod habet vnam speciem licet ex multis, ac diuersis partibus sit compositum, vt domus, homo, ignis. Dicitur autem indiuisibile, quia modum vnius, & nō plurium habet in ordine ad intellectum; quare licet habeat partes, quasi eas non haberet, ab eodem intellectu accipitur. Vnde in tempore etiam indiuisibili intelligitur, hoc est, in instanti per se, vel si in tempore per accidens, quia sic sumitur tempus, ac si non haberet partes, sicut ipsummet indiuisibile. Tertium indiuisibile est secundum modum, & rem, quia nec habet actu partes, nec potentia, vt punctum, & hōc indiuisibile vocat diuisionem, quia per illud continuantur, ac diuiduntur partes.

Tandem intellectionem compositam, vocat dictionem, hoc est affirmationem, vel negationem alicuius de aliquo. Et hanc operationem asserit semper esse veram, vel falsam: sed addit, quod quamuis omnis operatio composita sit vera vel falsa, non tamen omnis intellectus, quasi dicat intellectum non semper esse verum, vel falsum: nisi quando componit, aut diuidit, hoc est, quando aliquid alicui attribuit, cui non conuenit, vel ab aliquo cui conuenit, remouet. Et hoc est quod ait intellectum circa quidditatem rei non falli, sed solum circa applicationem eius, sicut sensus non fallitur circa proprium sensibile, nisi ipsum applicando suo modo rei cui non conuenit, vel non inest.

## C A P V T V I I.

### T E X T V S A R I S T O T E L I S.

*Videtur autem sensibile ex sensitivo quod potentia est.*

#### Breuis expositio textus.

**I**ntendit Aristoteles cap. præsentis diuidere intellectū in præ-  
cticum, & speculatiuum, non tanquam in diuersas potentias, sed tanquam diuersos actus eiusdem potentiae, vt doctrinam de intellectu illustriorem reddat. Diuiditur autem caput in duas partes: nam in prima repetit distinctionem intellectus in intellectum actus, & potentia, quam posuit cap. 5. huius lib. explicans singula membra. In secunda distinguit actus intellectus speculatiui, & practici, & explicat singulos.

Duplex igitur discrimen ponit inter intellectum in actu, & intellectum in potentia. Primum est, quod intellectus in actu est idem cum re intellecta, non quidem in esse reali, sed in esse intentionali, & representatiuo; nam intellectus constituitur in actu per intellectionem, quam diximus formaliter

consistere in qualitate cum actuante, ac informante, quæ est actualis, & expressa similitudo obiecti, per quam dicitur habere in se obiectum; imò esse idemmet obiectum secundum esse intentionale, repræsentatum, sicut imaginem Cæsaris dicimus esse Cæsarem vt repræsentatum. Intellectus verò in potentia cum tali similitudine obiecti careat, non est obiectum ipsum, sed valde diuersum ab eo. Postremum discrimen est quod intellectus in potentia prior est intellectu in actu, & ei præsupponitur, quod in eodem homine debet intelligi: nam vniuersaliter loquendo ait, in diuersis hominibus prior est intellectus in actu, & patet, quia intellectus, diuinus, qui semper est in actu, præcedit omnem intellectum creatum ab eo deriuatum.

Hoc supposito diuidit in secunda parte intellectum in practicum, & speculatiuum, & quia sensus habet proportionem, & similitudinem cum intellectu, per sensum explicat vtrumque membrum. Habet autem sensus tria; primum quod de potentia ad actum reducitur ab obiecto, non per propriam, ac physicam alterationem, sed intentionalem consistentem in receptione speciei impressæ ei ab obiecto.

- 10 Secundum quod habet sensus est cognoscere sensibile per modum conuenientis, aut disconuenientis, & hæc operatio est quasi compositio conuenientis cum sensibili, non quidem formalis, quia sensus non componunt, nec diuidunt formaliter, sed solum est quasi compositio virtualis: cum sit cognitio vnus in alio, & quasi attributio, & per hanc operationem mouet sensus appetitum, & hoc est tertium, quod habet simile compositioni intellectus, quam diximus esse secundam operationem eius, & ei assimilatur per hanc motionem. Applicat deinde ea quæ habere docuit sensum, intellectui, præsertim practico asserens, sic se habere phantasmata ad eum, sicut sensibilia ad sensum; quia sicut hæc agunt in sensum, ita phantasmata in intellectum. Præterea sicut sensus versatur circa sensibile, vt conueniens, vel disconueniens, qua ratione mouet appetitum; ita intellectus practicus versatur circa obiectum intelligibile sub ratione conuenientis, & disconuenientis, sed modo perfectiori, nempe per compositionem veram, vel falsam.
- 11 Conueniunt quoque in alio, videlicet, quod sicut datur vnus sensus communis, in quem agunt, & quem mouet omnes sensus externi per sua sensibilia qui sensus est quasi punctum centri in circulo, in quem terminantur omnes lineæ ductæ à circumferentia; eadem similitudine intellectus est quasi communis quidam punctus, & quasi centrum, in quod tendunt omnes lineæ, hoc est, omnes sensus externi & interni per sua sensibilia, & phantasmata omnia.

Quibus

Quibus expositis docet iam à quibus phantasmatis mo-  
ueatur intellectus practicus. Er aliquando quidem moueri ait  
à phantasmate præsentis sensibilis; aliquando verò à phan-  
tasmate sensibilis absenris conseruato in phantasia, & ponit  
exemplum præsentis sensibilis, vt si aliquis videat hominem  
faciem igniram habentem, & sensu comuni cognoscat versus  
se, statim per intellectum practicum iudicat esse sibi hostem.  
(solebat enim olim pugnare homines facibus ardentibus) &  
modo simili moueatur à sensibili absente. Er ex his intelligi  
posse ait quonã modo distinguatur intellectus speculatiuus à  
practico: nam cum vterque versetur circa verum, speculatiuus  
versatur circa verum in communi; practicus verò circa tale  
verum limitatum, nempe circa verum conueniens, vel discon-  
ueniens, operabile, vel ordinatum ad operationem, quod stã-  
tim explicat Aristoteles exemplo quodam Mathematicarum  
disciplinarum. Et tandem videtur dubitare, an intellectus dum  
est in corpore possit cognoscere substãtias separatas à materia.  
Solutionem verò talis dubitationis in alium locum refert.

## C A P V T V I I I.

### TEXTVS ARISTOTELIS.

*Nunc autem qua de anima dicta sunt, recapitulantes.*

#### Breuis expositio Textus.

**I**ntentum Aristotelis in capite isto est summarim colligere  
ea, quæ in duobus præcedentibus de anima, & intellectu  
docuit. Diniditur in tres partes; in prima docet animam esse  
omnia, quodamque exemplo confirmat: in secunda asserit in-  
tellectum in omni sua operatione dependere à phantasmate, &  
in tertia assignat discrimen inter operationem phantasie, &  
intellectus. Docet igitur primum animam esse omnia per sen-  
sus, & intellectum, non quidem secundum esse reale: sed secun-  
dum esse intentionale, vt explicuimus capite præcedenti.

In secunda parte asserit intellectum in omni sua intellectu-  
ne dependere à phantasmate. Quod sic explicat; res omnes,  
tam Physicæ, quàm Mathematicæ (nam Metaphysica à materia  
abstrahentia per species horum percipiuntur) sunt extra sen-  
sum, & intellectum, nec possunt ad eos reduci, nisi per species,  
sensibiles quidem ad sensus, & his mediis per intelligibiles ad  
intellectum: sed ita se habet intellectus ad phantasmata, sicut  
sensus externus ad sensibilia: nec sicut iste mouetur à sensibi-  
libus; ita intellectus à phantasmatis: sed sensus externi  
nihil sentire possunt, nisi præsens; ergo nec intellectus potest

aliquid intelligere, nisi fiat sibi præsens medio phantasmate, à quo simul cum intellectu agente producitur species: & hoc est, intellectum in omni sua operatione dependere à phantasmate.

- 15 Ponit tandem discrimen inter actum intellectus, & phantasiæ in eo, quod actus intellectus, qui est compositio, vel diuisio, verus est, aut falsus, quod non habet actus phantasiæ, quia veritas, aut falsitas in sola complexione, seu coniunctione intelligibilium reperitur, actus verò phantasiæ similis est intellectui simplicium, in quibus non reperiuntur veritas, & falsitas.

## C A T V T I X.

## T E X T V S A R I S T O T E L I S.

*Quoniam autem animalium anima secundum duas definita est potentias.*

## Breuis expositio Textus.

- 16 Intendit Aristoteles cap. præsentis agere de potentia motiua secundum locum animalibus propria, & cuius actus est motus, non quicumque, sed progressius, (quem incessum vocare solent) & primò quidem conatur ostendere, quid non sit, quod cap. præsentis præstat, cap. verò sequenti ostendit, quid sit. Diuiditur verò cap. in duas partes; nam in priori duas quæstiones proponit de potentia motiua; in posteriori verò probat non esse potentiam vegetatiuam, sensitiuam, nec intellectiuam: prior igitur quæstio de potentia motiua esse posse ait, an sit aliqua pars animæ, vel facultas, seu potentia, vel ipsa animæ substantia: posterior an dato, quod sit aliqua facultas animæ, sit aliqua ex illis tribus à se enumeratis in posteriori definitione animæ, vel alia ab eis distincta: & solutio prioris quæstionis constabit capite sequenti.

- 17 Ad posteriorem verò deueniendo probat sigillatim Aristot. facultatem progrediendi non esse vegetatiuam, nec sensitiuam, nec intellectiuam. Et primò, quod non sit facultas vegetandi, quia motus progressius semper, & necessariò coniungitur cum imaginatione, & appetitu: cum per talem motum semper, & necessariò tendat animal ad prosequendum aliquod bonum, aut sibi conueniens, vel ad fugiendum malum, ac sibi disconueniens, appetitio autem vel fuga actus sunt appetitus ab imaginatione moti, sed facultas vegetandi, nec dependet ex imaginatione, nec ex appetitu: cum reperiatur in planis cognitione, & appetitu carentibus, ergo facultas loco motiua non est eadem cum vegetatiua, & certè si eadem foret, (inquit Aristoteles) plantæ quibus conueniret, haberent instrumenta omnia ad talem motum præstandum necessaria, quod

quod constat esse falsum. Quod verò non sit eadem potentia cum sensitiva, probat; quia si eadem foret, omne animal haberet facultatem motuam necessario, & per eam moueretur: cum habeat necessario aliquem sensum: sed plura sunt animalia fixa affixa, de quibus constat non moueri tali motu; ergo talis facultas non est sensus.

Et quod tandem non sit facultas intellectiva, probat; quia intellectus aut est practicus, aut speculatiuus: sed non est aliquis horum; ergo nec est facultas intellectiva. Minorem sic probat, ad intellectum speculatiuum solum pertinet speculari naturas rerum nihil considerando de agendis, vel operandis; imò nec de prosequendis, vel fugiendis: sed motus progressiuus non conuenit, nisi prosequenti, vel fugienti aliquid; ergo intellectus speculatiuus non potest esse principium huius motus. Quod verò nec sit intellectus practicus facultas motiua ostendit, quia sæpè contingit intellectum practicum proponere, quid prosequendum sit, aut quid fugiendum, nec tamen sequitur motus progressiuus; sequeretur verò, si talis intellectus foret facultas motiua; ergo euident est talem facultatem non esse, & modo simili probat non esse appetitum, quia experimur aliquando inclinare in talem motum, & tamen non sequi.

## CAPVT X.

## TEXTVS ARISTOTELIS.

*Videntur autem duo hac mouentia, aut appetitus, aut intellectus.*

## Breuis expositio Textus.

Ostendo quid non sit facultas motiua animalis, intendit 19  
cap. præsentis ostendere, quidnam sit: & hoc est, intentum capitis, quod in tres partes diuidi potest: cum in prima docet duo esse principia motus progressiui, nempe appetitum, & cognitionem, in 2. parte distinguit duplicem appetitum rationalem, & sensitiuum. In tertia enumerat omnia, quæ concurrunt ad eundem motum.

Duo igitur asserit esse principia à quibus animalia mouentur, nempe appetitum, & intellectionem; nomine autem intellectionis, non solum intelligit cognitionem intellectiuam; sed etiam sensitiuam imaginationis: non tamen quamlibet cognitionem intellectiuam: sed practicam tantum, quæ appetitui deseruit, & circa obiectum ut conueniens versatur, non speculatiuam, quæ nihil de appetendis cognoscit, nec appetitum mouere potest. Intellectum verò speculatiuum, & practicum, cognitionesque eorum sine differre docet, quia speculatiuus in-



- telligit, vt speculetur naturas rerum ; practicus verò, vt opere-  
 20 tur ; ideo circa operabile versatur. Probat igitur duo hæc esse  
 principia motus progressiui, nempe appetitum, & cognitio-  
 nem, præsupponens, quod omnis appetitus est propter aliquid,  
 hoc est, propter aliquem finem consequendum, cuius gratia  
 mouetur, & id quod appetitus intendit est principium, seu  
 obiectum intellectus practici : quasi dicat nempe esse id, quod  
 primò cognoscit intellectus practicus, & per cognitionem  
 21 eius mouet appetitum, vt in eum tendat per affectum. Quo  
 supposito talem constituit rationem ; appetitus non mouet  
 corpus motu progressiuo nisi propter aliquid : sed istud ali-  
 quid non potest appetere, nisi cognitum, quia in incognitum  
 nullo modo ferri potest, cum sit potentia cæca ; ergo ad mo-  
 tum necessariò requiritur intellectus, vel imaginatio, & pra-  
 cticus quidem : cum proponere debeat id, quod per motum  
 intendit appetitus. Deinde intellectus practicus, seu imagina-  
 tio mouet, in quantum proponit appetibile ; ergo non con-  
 currit ad motum, sine appetitu ; quare vtrumque est princi-  
 22 pium motus animalis, nempe intellectus, seu imaginatio, &  
 appetitus. Sed quia duo hæc principia inordinata non sunt :  
 sed vt vnum alteri subordinatum, concurrunt ad motum, ne-  
 cessarium esse ait, vt vnum concurrat propter alterum, & ita  
 ad vnum reducantur tanquam ad præcipuum mouens, & hu-  
 iusmodi esse appetitum ad quem reducitur intellectus, vel  
 imaginatio, quod sic probat, intellectus non mouet, sine appe-  
 titu, quia non mouet, nisi proponendo appetibile, ad quod  
 mouetur appetitus : appetitus verò mouet, sine ratione, vt pa-  
 tet de hominibus, qui mouentur ad prosequendum bonum de-  
 lectabile, quod non est bonum secundum rationem : sed secun-  
 dum appetitum : ergo intellectus mouet dependenter ab appe-  
 titu : & ei subordinatus, quare primum mouens erit appetitus.  
 23 Quod probat secundò, quia intellectu existente recto, ima-  
 ginatione verò non recta, nihilominus appetitus, quasi immo-  
 bilis, aut inuariabilis perseverat in modo mouendi ; quia sem-  
 per mouetur à bono, vero quidem, aut apparente : ergo vniuer-  
 salius mouens est, & propterea primum ad quod intellectus, &  
 imaginatio reducuntur.
- 24 In secunda parte appetitum asserit non esse vnum : sed du-  
 plicem : nam vnus est, inquit, qui mouetur ab appetibili ap-  
 prehenso per sensum, seu imaginationem : qui dicitur sensiti-  
 uus, alter verò, qui mouetur ab appetibili apprehenso per ra-  
 tionem, seu intellectum practicum, & dicitur rationalis, & hic  
 est voluntas. Et quod appetitus isti sint distincti, probat,  
 quia simul mouentur motibus contrariis, experimur namque  
 rationem

rationem aliquid proponere tanquam bonum , & prosequendum quod voluntati placet , & appetitui sensitiuo displicet , & ex opposito imaginationem proponere bonum aliquod delectabile , quod appetitui placet : sed voluntati displicet : ergo appetitus isti sensitiuus , & rationalis diuersi sunt ; ita tamen diuersos esse docet , vt sub communi genere appetitus conueniant , & specie distinguantur. Hanc autem diuersitatem appetitus ex cognitione diuersorum temporum præuenire docet , quia homo non solum præsentia : sed futura cognoscit , contingit verò aliquid bonum esse , & appetibile , vt præsens : sed malum , ac fugiendum , vt futurum , & hinc prouenit , quod appetitus sensitiuus , qui sequitur sensum præsentia solum respicientem , illud appetat , rationalis verò , qui sequitur rationem illud fugere , vt appetitus febricitantis appetit vt bonam aquam , quia secundum præsentem delectationem mouet : sed per rationem præuidentem damnum futurum , iudicatur mala , & ideo rationalis appetitus eam fugit.

In tertia tandem parte enumerat omnia , quæ concurrunt ad communem motum progressuum animalium proprium , & dicit esse tria , nempe id quod mouet , id quod mouetur : videlicet instrumentum motus. Præterea id quod mouet duplex esse , vnum quod mouet , & non mouetur , vt in motu cæli intelligentia , aliud quod mouet , & mouetur , vt corpus cæleste ab ea motum. Ita ergo in motu animalium est mouens immobile , nempe appetibile , quod mouet appetitum , sed non mouetur ; & mouens motum , videlicet appetitus , qui mouetur ab appetibili , non quidem motu materiali : sed quasi intentionali. Est etiam , quod mouetur , & non mouet ; nempe corpus , & tandem est , quod mouet corpus , & hoc est , pars quædam corporis , quæ est quasi instrumentum motus ; quam triplicem conditionem habere docet : primam quod sit principium motus : secundam quod sit finis motus : tertiam quod sit immobilis.

## CAPVT XI.

## TEXTVS ARISTOT.

*Omnino igitur sicut dictum est , in quantum animal appetituum est , &c.*

Breuis expositio textus.

Postquæ Aristoteles ostendit principia motus progressui esse appetitum , & cognitionem practici intellectus , vel phantasiz , docere intendit cap. præsentis , quonam modo hæc principia reperiuntur in animalibus imperfectis , quibus tantum inest sensus tactus. Atque etiam quonam modo reperiuntur in per-

fectissimis animalibus, qualia sunt homines, & ita in duas partes diuiditur caput: nā in priori præstat illud, in posteriori hoc.

Proponit igitur primò dubium de imperfectissimis animalibus, an habeant imaginationem & appetitum. Et respondet habere appetitum, & imaginationem, sed vtrumque imperfectissimum, & de appetitu probat, quia si pungantur, sentiunt dolorem; & idè se contrahunt, & aliquando se dilatant, quod est signum voluptatis, dolor autem, & voluptas ad appetitum pertinent: cū sint de conuenienti, ac disconuenienti. Talis verò appetitus imperfectus, est, quia non versatur circa conueniens, & bonum determinatum, ac distinctum: sed quasi confusum. De imaginatione verò præsupposito appetitu euidens est, quia appetitus non fertur in incognitum: sed in id, quod ei repræsentatur tanquam conueniens, vel disconueniens: necesse est ergò habere cognitionem conuenientis, ac disconuenientis, quæ ad imaginationem pertinet. Sed imaginatio eorum imperfectissima est, propter duos, quia non percipiunt distinctè hoc vel illud conueniens, aut disconueniens: sed confusa tantum ratione, atque etiam, quia à præsentibus dumtaxat mouentur, ex quo infert in omnibus animalibus ab homine esse aliqualem imaginationem & appetitum: nam si in imperfectis reperitur, melius inuenietur in imperfectis.

28 In posteriori parte docet, quonam modo hæc principia motus sint in homine, asseritque esse perfectissimam imaginationem, hoc est, cognitionem deliberatiuam, quæ est actus proprius intellectus practici, deliberare verò inquit esse comparare multa sub vna communi mensura, & ex ea assumere illud, quod conuenientius est, prætermisiss aliis, quod solis hominibus conuenit, per syllogismum, & ratiocinationem. Vna autem illa mensura communis sub qua multa comparat, est communis ratio conuenientiæ mediorum in ordine ad finem, per quem mensuratur maior, aut minor conuenientia mediorum.

29 Hanc autem deliberationem soli homini conuenientem asserit Aristot. non semper se habere eodem modo: sed aliquando appetitum sensitium vincere rationalem, & hunc illi subiici, aliquando verò rationalem vincere sensitium, quantumvis repugnantem, & secum trahere, quasi inuitum, sicut sphaera superior trahit secum, & quasi rapit inferiorem, & hoc ait esse naturæ consentaneum, quia ordine naturæ inferiora subiiciuntur superioribus, rationalis verò appetitus superior est sensitui: ergò secundum naturæ ordinem ei debet subiici; quod verò sensitui subiiciatur rationalis contra naturam est, & cū hoc contingat ferè semper, ac homo peccat, meritò dicitur peccatum esse contra naturam. Sed dum appetitus rationalis sensitium

ritium vincit (ait Aristot.) fertur homo tribus rationibus, vel motibus. Primus est rationis, & voluntatis vincentis; secundus appetitus sensitui; tertius est corporis rationi obedientis. Sed si appetitus sensitivus vincat, duobus tantum fertur motibus appetitus, & corporis ei obedientis: nam voluntas subiicitur appetitui, nec mouetur in contrarium, quia non potest cogi, aut inuita trahi, sicut potest appetitus, quando verò contingit appetitum non resistere: sed parere voluntati, modo simili duo tantum sunt motus. Afferit tandem Arist. quod quoties peccat homo vincente appetitu voluntatem, errat practica ratio suo syllogismo, non ex parte maioris, quæ cum sit vniuersalis continens bonitatem finis vniuersalis, non potest esse falsa: sed ex parte minoris, quam sub eadem maiori sumit, & consequenter ex parte conclusionis, quarum vtraque singularis est, & falsa. Et hoc est, quod dici solet: Omnis peccans est ignorans, id est, in syllogismo præcedente electionem falsum concludit.

## CAPVT XII. TEXTVS ARISTOT.

*Nutritiuam igitur animam necesse est habere omne quodcumque viuunt, & animam habet, &c.*

### Breuis expositio textus.

**I**ntendit Aristotel. cap. præsentis comparare facultates, seu potentias animæ inter sese, & in ordine ad diuersa genera viuentium, atque ostendere, quænam earum his vel illis viuentibus tanquam necessariæ insint, quæ verò solum tanquam viles. Diuiditur caput in duas partes, quia idem intentum duabus conclusionibus explicat.

Prior conclusio est, omne viuens quamdiu viuunt necessario debet habere nutritiuam potentiam, sensitivus verò non indiget, nec habere potest. Primum probat hac ratione, totum vitæ tempus diuiditur in augmentum, statum, & decrementum: sed nihil horum constare potest, sine nutritione; ergo nec sine facultate nutritiua; quare, sine hac non potest naturaliter consistere.

Probat postremum, quia quæ solam vitam habent, ut plantæ, sensibus non egent; imò neque habere possunt, quia nimis prædominatur in eis terra, organa verò sensuum postulant temperamentum magis ad mediocritatem, & præsertim tactus: ergo repugnat habere sensum tactus, sine quo cæteri sensus esse non possunt: cum sit tactus quasi fundamentum totius sensitiuæ virtutis.

Secunda conclusio, animalia omnia habere debent tactum, & gustum tanquam sensus sibi necessarios ad conseruandam

vitam, cæteri verò sensus nulli conceduntur animali tanquam sibi necessarij, sed solùm vt vtilis. Probat priorem partem hoc modo; animalia quæ potentiam loco motiuam habent, non mouentur motu progressiuo, nisi vt quærant sibi conuenientia, & noxia fugiant, seu non possunt sibi conuenientia, aut noxia cognoscere, sine sensu tactus & gustus, vt per se patet; ergo duo isti sensus sibi necessarij sunt. Cætera verò animalia, quæ potentia motiua carent, indigent quidem eisdem sensibus ob eundem finem cognoscendi conuenientia, & noxia; non tamen per motum quærenda, quia coniunctum semper habent alimentum, & propterea non indigent motu locali, & ex consequenti, nec habent virtutem motiuam. Et si aliquis dixerit hominem non indigere sensibus: cum possit per intellectum discernere sibi conuenientia, & noxia. Respondet non esse possibile, quod corpus aliquod intellectum habeat sine sensu, & sine facultate motiua secundum locum, quia tali corpori nec vniretur anima propter bonum proprium, nec propter bonum eiusdem animæ, quod repugnat. Sequelam verò probat, quia anima intellectiua vnitur corpori, vt per ministerium eius rerum cognitionem acquirat, quam sine sensibus comparare non potest, quate nec vniretur propter bonum eiusdem corporis. Posterioiorem verò partem eiusdem assertionis de cæteris sensibus probat, non concedi animalibus tanquam necessariis, sed solùm vt vtilis, quia gustus, & tactus sufficiunt ad conseruandam vitam.

## CAPVT XIII.

## TEXTVS ARISTOT.

*Quod a utem impossibile sit simplex esse animalibus corpus, &c.*

Breuis expositio textus.

35 **H**oc est vltimum caput huius libri, totiusque operis, in quo Aristoteles intendit probare quandam propositionem à se prolata capite præcedenti. Diuiditur autem in duas partes. In prima vno quodam præsupposito probat prædictam propositionem. In secunda tria deducit corollaria ad eandem propositionem spectantia. Propositio ab Aristotele prolata capite præcedenti, fuit; corpus animalis simplex esse non posse, hoc est vno tantum elemento constans, vel qualitatibus, quibus vnum constat elementum, sed mixtum potius ex quatuor qualitatibus elementorum attemperatis in certo gradu compositum.

positum. Quam ut probet, præsupponit omne sensitivum necessarium habere sensum tactus, quod probavit in 2. lib. hoc supposito probat intentum duplici ratione. Prior est, tactus non utitur medio externo simplici ad percipiendas primas qualitates tangibiles: ergo organum eius non est corpus simplex. Evidens est consequentia, quia quilibet sensus utitur medio consentaneo suæ naturæ, hoc est naturæ proprii organi, in quo tanquam in proprio subiecto residet. Antecedens verò probat, quia tactus non habet medium externum, ut etiam in 2. libr. cap. de tactu probavit: sed ad summum internum, ut carnem, de qua constat esse corpus mixtum. Secunda ratio, quia tactus non est perceptivus unius tantum qualitatis, sed plurium contrarietatum, ut frigoris, & caloris, humiditatis, ac siccitatis: ergo est in potentia ad omnes, sed non erit in potentia, nisi consistat in temperie illarum: ergo omnibus attemperatis constare debet. Probatur minor, quia non poterit percipere excessus earum, nisi in eisdem attemperatis constet, sed experientia constat excessus omnium percipere: ergo necesse est componi ex temperamento omnium, & non habere unam tantum, vel alteram, sicut habent elementa.

Ex dictis tria colligit: primum est destructo tactu necessario destrui animal, quia cum tactus sit sensus alimenti, non conservatur animal, nec vivit sine illo. Secundò colligit excellentia sensibilia corrumptentia tactum consequenter corrumpere animal, quia sine tactu non conservatur animal: cum sit sensus alimenti, cum tamen excellentiæ aliorum sensibilibus, etiam si sensus proprios corrumpan; non tamen ipsum animal, nisi fortè per accidens ratione alicuius adiuncti. Colligit 3. solum tactum esse simpliciter necessarium ad vitam animalis, reliquos verò non simpliciter. Sed de solo gustu adnoto, dupliciter considerari posse. Primò secundum se, & hoc modo non est simpliciter necessarius, sed solum ad percipiendam voluptatem, qua alliciatur animal ad assumendum alimentum, & alia opera vitæ, in qua delectatio capitur. Alio modo consideratur in quantum in eodem sensorio adiungitur naturaliter tactui, eumque comitatur, & hoc modo censetur necessarius, non tamen ratione sui, sed eiusdem tactus, & hac distinctione explicantur diversa loca Arist. in quibus videtur sibi contrarius, quia nunc asserit gustum non esse necessarium; postmodum verò necessarium esse iuxta prædictas considerationes eius diversas.

# TRACTATUS DE VOLUNTATE ET POTENTIA MOTIVA.

## QVÆSTIO I.

*An voluntas sit potentia distincta realiter ab intellectu,  
& appetitu sensitivo.*

39 **I**nquam certum nobis est præsupponendum triplicem dari in rebus appetitum; naturalem, sensitivum, æque intellectivum: naturalis appetitus ideo talis vocatur, quia non sequitur cognitionem aliquam, sed immediatè naturalem, nec est aliud quàm inclinatio, aut propensio rei naturalis actiua, vel passiva in id, quod conveniens est propriæ naturæ, ut inclinatio lapidis in centrum appetitus naturalis eius vocatur. Præter hunc appetitum duos alios posuit Arist. c. 10. huius lib. & 1. lib. Magn. Moral. ca. 17. & cum eo tota Schola, qui non sequuntur proximè naturalem, sed cognitionem, sensitivum quidem, aut intellectivum, seu rationalem. Et qui sensitivum sequitur, vocatur appetitus sensitivus: rationalis verò, aut voluntas qui sequitur intellectivum.

40 Secundò certum est hos duos appetitus specie, ac realiter distinguui inter sese, & distinctionem quidem specificam ex propriis eorum obiectis probandam esse sicut probatur distinctio aliarum potentiarum, hoc modo. Appetitus rationalis, (qui est voluntas) & appetitus sensitivus habent diversa obiecta: ergò distinguuntur specie. Antecedens probò; quia obiectum appetitus cuiusque est bonum: sed voluntas fertur in bonum lógè diversum ab appetitu sensitivo, ergò distinguitur ab eo specie. Respicit enim voluntas bonum ut cognitum per rationem, vel intellectum; & ideo vniuersalissimam rationem boni comprehendentem, non solum bonum singulare, sed etiam bonum vniuersale, nec solum bonum corporeum, ac materiale, sed bonum spirituale, ac immateriale, vsque ad Deum ipsum, què per amorem diligit. Appetitus autem sensitivus solum in bonum sensibile fertur, & singulare quidem, non vniuersale; sicut sensitiva cognitio, quam sequitur, ad sola singularia sensibilia se extendit.

41 Quod verò sint potètiæ distinctæ, etiam realiter probatur; quia appetitus rationalis consequitur naturam animæ rationalis, & in eius substantia radicitur; quare spiritualis est, sicut anima ipsa, quia repugnat corporeū accidens proximè inesse subiecto spirituali, & ideo non est potentia organica. Sed appetitus sensitivus consequitur cognitionem sensibilem, & corpoream:

ergò

ergo potentia corporea est ex consequenti organica in corde, tanquam in proprio organo residens iuxta communem sententia: ergo distinguuntur realiter, cum idem accidens reale non possit in duobus subiectis realiter distinctis inesse, nec eadem entitas realis possit esse spiritualis, & corporea. Et utramque distinctionem specificam, & realem docuit Arist. cap. 10. huius lib. probans habere actus contrarios.

Præter distinctionem specificam, & realem, quæ sunt quasi communes differentia; habent alias particulate isti duo appetitus rationalis, & sensitivus, prima est, quod actus voluntatis sunt per se, & simpliciter liberi, ita ut proposito ei obiecto ab intellectu, possit velle, & nolle illud; vel saltem actum suspendere, ita ut nec volitionem eliciat. Appetitus verò solum habet in suis actibus libertatem quandam nimis imperfectam, hoc est, participatam à voluntate, quam proinde habet in solo homine, non in brutis. Nam sic mouetur à voluntate, ut resistere possit, sed non ita quin possit voluntas illum compellere, ut circa bonum sensibile moueatur propriumque exerceat actum appetitionis, quod satis est, ut motus appetitus imputetur voluntati ad culpam, vel meritum, si eum non reprimat; cum possit, & teneatur. Vnde fit diuerso modo moueri à voluntate appetitum, ac mouentur membra corporis, ut pes, & manus, nam hæc mouentur, sine vlla resistantia, & ideò ad libitum voluntatis, & propterea dicuntur moueri ab ea imperio despotico, & quasi seruil. Appetitus verò quia non pro libito mouetur, sed aliquando cum resistantia in contrarium, moueri dicitur imperio ciuili, hoc est, quasi ciuis mouetur & gubernatore; nam licet exequatur eius imperium, resistere tamen potest, & cum resistantia moueri. Secundò differunt, quia voluntas reflectitur supra actus proprios, eosque actu reflexo potest diligere; appetitus verò quia materialis est, & organica potentia non est capax talis reflexionis. Differunt tertio, quod voluntas mouet appetitum, & iste subditur voluntati iuxta illud Genes. *Subter te eris appetitus tuus, & tu dominaberis illius*; non tamen subditur semper, sine resistantia in contrarium; quam explicuit D. Paulus ad Roman. 7. illis verbis. *Video aliam legem in membris meis repugnantem legi mentis meæ*; & sicut appetitum, sic suo modo mouet voluntas cæteras potentias, quæ aptæ sunt subiici voluntati, ut internos sensus, & aliqua ex parte externos, in quantum potest saltem organa eorum impedire; & ideò se habet voluntas in homine, quasi Rex in suo Regno; idque habet, quia vniuersalis est appetitus, qui fertur circa vniuersale bonum, sub quo cōprehenduntur omnia obiecta particulariū potentiarum tanquā bona particularia. Quamuis aliæ sint potentia, ut



tia, vt nutritiua, quæ nullo modo subiicitur volütari, nec enim in potestate volütatis est efficere, vt nutritiua cesseret à disponendo, & conuertendo alimentum.

- 45 Ex his omnibus sequitur, quod sicut appetitus sensitius est distincta potentia à voluntate realiter, & essentialiter, ita ab intellectu: cum sit iste spiritalis, & appetitus corporeus. Quæstio igitur solum esse potest de voluntate, an sit potentia distincta realiter, & essentialiter ab intellectu; quia vtraque est spiritalis, & vtraque oritur ex eodem gradu rationalitatis. Et immediatè est in anima tanquam in subiecto.

- Ideo prima opinio tenet esse eandem omninò potentiam habentem diuersa munera, intelligendi scilicet, & volendi, quorum ratione diuersa sortitur nomina intellectus, & voluntatis. Ita Durand. 3. dist. 3. quæst. 4. quam sententiam videtur sequi Aureolus apud Capreolum, in 1. dist. 3. quæst. 3. Probatur testimonio Aristotelis 6. libr. Ethicor. cap. 2. ad finem, vbi electionem quæ vnus actus voluntatis est, his verbis definit, *Appetitus intellectus, vel intellectiuis appetitus electio est*: censet igitur hunc actum procedere ab intellectu, & voluntate tanquam ab vna eademque virtute. Probatur consequentia, quia vnus actus non potest procedere à duabus potentiis, sed solum ab vna. Probatur deinde ratione ex duplici conditione harum potentiarum: prior est, quod versantur circa eandem rem; nam bonum, quod est obiectum appetitus, non est res distincta ab ente, circa quod versatur intellectus, sed potentia, quæ versantur circa eandem rem., non possunt re distingui, alioqui maior esset distinctio potentiarum, quam obiectorum: ergò non sunt potentia re distinctæ voluntas, & intellectus. Posterior conditio est, quod actus earum non possunt separari, nec enim potest voluntas vllò modo appetere, nisi bonum cognitum, si verò distinguerentur realiter, ac essentialiter, possent actus earum separari saltem per potentiam Dei absolutam, & ita posset voluntas in incognitum ferri, quod repugnat.

- 47 Secunda opinio affirmat realiter, & essentialiter distingui has duas potentias anima. Et hæc est communis, & vera; quam tenet in primis Diuus Thomas 2. quæstion. de Veritate, artic. 10. Ferrar. 4. libr. contra gentes capit. 19. Capreolus in 1. dist. 3. quæst. 3. articul. 2. Argentin. ibidem, & plures alij. Probari autem solet rationibus non admodum vrgentibus, quas consultò prætermitto.

Et probandam esse efficaciter censeo ex diuerso modo operandi harum potentiarum, qui absque dubio distinguit necessariò potentias, cum euident sit pro quolibet modo operandi diuerso ab alio suam potentiam tribuisse naturam distinctam ab alia

ab alia diuerso modo operante ; ideò enim potentias cognoscitivas à naturalibus, sine cognitione operantibus natura distinguit, quia diuersi sunt modi operandi per cognitionem, & sine illa. Atque etiam potentias cognoscentes ex diuerso modo, quo immutantur ab obiectis, & circa illa feruntur, potius quàm ex obiectis ipsis materialibus diuersis ; ex quo sic arguor. Potentiæ distinguuntur realiter per diuersos modos operandi, quos habent ex propria natura, sed intellectus, & voluntas habent diuersos modos operandi : ergo sunt diuersæ potentiæ realiter, & essentialiter. Probatur minor : primò quia modus operandi intellectus est attrahendo obiectum ad se, illudque sibi coniungendo per se, vel per suam similitudinem, modus autem operandi voluntatis est tendendo in obiectum, seque ei coniungendo, constat autem hos esse modos, non solum diuersos, sed oppositos, atque impossibiles : ergo repugnat cõuenire eidem potentiæ. Probatur secundo, quia actus voluntatis circa particularia bona in quantum honesta, est formaliter liber, nam positis omnibus requisitis ad agendum potest eum suspendere voluntas, sed actus intellectus etiam circa veritates particulares non est formaliter liber, sed ad summum radicaliter, in quantum potest proponere voluntati diuersa obiecta : ergo repugnat hos duos modos operandi conuenire eidem potentiæ ; cum manifestam impossibilitatem habeant.

Pro solutione argum. oppositæ partis adnotare oportet, quod licet duæ istæ potentiæ sint realiter, & essentialiter distinctæ, sic tamen subordinatæ per intrinsecam connexionem, vt nec voluntas possit ferri in bonum, nisi cognitum per intellectum, sibi que ab eo repræsentatum : quod adeo verum esse ac necessarium puto, vt non solum implicet contradictionem ferri in incognitum, quod efficaciter probaui 2. lib. Physi. cogens de causalitate finis, sed etiam quod proponatur ei obiectum immediatè à Deo, & non media cognitione proprii intellectus, sine qua non potest villo modo in ipsum tendere, & propterea definiens Aristotel. electionem, quam constet esse actum voluntatis, asseruit esse *appetitum praconsiliari*, consilium verò esse actum intellectus practici euidens est : ergo tanquam certum præsupponit Aristoteles, actum voluntatis intrinsecum habere ordinem ad actum intellectus, siue ad cognitionem eius, & sine illa non potest esse motuum voluntatis, neque ab ea appeti. Ex quo facillè deducitur explicatio testimonij Aristotel. nam electionem esse appetitum intellectus, vel intellectuum appetitum, non probat, quod intelligere, & velle sint actus eiusdem potètiæ, sed sic esse subordinatos, & adeo intrinsecam habere

bere connexionem, quamvis diuersarum sint potentiarum; vt actus voluntatis intrinsecum ordinem importet ad actum intellectus tanquam ad conditionem intrinsecam sui obiecti, & actus intellectus intrinsecum ordinem ad actum voluntatis, in quantum præstat obiecto eius conditionem omninò necessariam, vt sit appetibile.

- 51 Ad argu. respondeo neutram illarum conditionum sufficere, vt eadem sint potentia realis, aut secundum speciem, intellectus, & voluntas, non quidem priorem de identitate reali obiectorum, quia nec identitas realis potentiarum sumitur ex identitate reali obiecti, cum constet sensum, & intellectum versari circa eandem rem; nam omne obiectum sensibile est etiam intelligibile. Sed nec posteriorem de inseparabilitate actuum, ad quam sufficit intrinseca earum connexio iam explicata, quam constat saluari posse cum distinctione potentiarum. Vnde quamuis separabilitas efficaciter probet distinctionem realem; inseparabilitas verò non probat efficaciter identitatem: cum possit ex extrinseca connexione rerum distinctarum prouenire, vt de relatiuis est manifestum.

---

## Q V Æ S T I O I I.

*An potentia motiua vitalis consistat in actu appetitus, vel intellectus practici, vel in executiua virtute in aliqua parte corporis residente.*

- 52 **V**T ad difficultatem quæst. perueniamus annotare oportet, i. ex D. Tho. opusc. 3. de motu cordis, duplicem esse potentiam loco motiuam in viuientibus, vna est purè naturalis, & vitalis altera: illa non dependet à cognitione, vel appetitione, sed ex solo impetu naturæ operatur, & talis est potentia motiua,
- 53 qua mouetur cor motu dilationis, & constrictionis. Atq; etiam illa, qua mouentur imperfectissima animalia saxis affixa propria membra dilatando, & contrahendo, & hæc potentia motiua quamvis vitalis sit, non est tamen propria animalis de qua agimus, sed aliquo modo repetitur in plantis. Alia est potentia motiua secundum locum animalibus propria, quæ non mouet, nisi præcedente cognitione, & appetitu; & actus proprius huius potentia est motus progressiuus. De hac ergo quærimus, an sit cognitio ipsa sensitiua præcedens, vel actus appetitus, vel quædam alia in aliqua parte corporis residens.

Secundò præsupponendum est ad motum progressiuum tria concurrere, videlicet cognitionē intellectus practici, vel phantasie; actum appetitus, quem vocamus appetitionem; & tandem

dem virtutem immediatè mouentem membra. Et cognitio quidem concurret vt dirigens, appetitus per suum actum vt imperans motum. Ita expressè Aristot. in hoc 3. lib. tex. 6. & c. 10. text. 48. & 52. & D. Thom. in commentariis eorundem locorum, atque etiam in eodem opusc. citato. Et ratio eius est manifesta, quia animalia mouentur motu isto ad quærenda sibi conuenientia, vel fugienda sibi noxia: ergò ex appetitu, quo ea appetunt, vel fugiunt, sed appetitus non operatur, nisi præuia cognitione, per quam proponitur ei obiectum conueniens; ergò vtraque hæc potentia per proprium actum concurret ad talem motum; intellectus quidem, aut phantasia per modum dirigētis, quia appetitus cognitione ducitur, appetitus verò per modum imperantis. Quod verò virtus executiua in parte corporis residens concurret ad eundem motum apertè insinuauit Aristoteles in hoc 3. lib. cap. 10. text. 55. his verbis: *Quod verò sicut instrumento mouet appetitus, id iam corpori tribuendum est:* & docuit D. Thom. in opuscul. de motu cordis. 2. libro contra gentes, cap. 81. ad finem, & 1. p. quæst. 75. artic. 3. ad 3. Et probat euidens ratio, quia cognitione, & appetitione præsuppositis restat difficultas ex parte membrorum, quæ cum grauiasint, & per grauitatem non inclinentur in talem motum, sed potius impediuntur, & difficiliora reddantur in ordine ad illum, indigent virtute motiua intrinseca, per quam talis difficultas vincatur, & ita moueantur.

Præsupposito ergo, quod tria hæc concurrant ad motum, petit titulus quæstionis, quidnam eorum sit potentia motiua vitalis animalium propria, de qua loquimur, & cuius mentionem fecit Aristoteles in posteriori definitione animæ dicens: *Animam esse principium, quo viuimus, sentimus, mouemur, & intelligimus.* Nam eam explicantes de anima tanquam de principio radicali intelligi posse ostendimus, atque etiam de potentia formaliter.

Et prima opinio asserit, appetitum directum ab intellectu practico, vel imaginatione esse potentiam motiuam, quia solus ille mouet corpus, potentiam verò executiuam solum se habere passiuè recipiendo motum. Ita videtur sentire Caietan. 3. lib. de anima, cap. 6. & sentit planè Ferrar. 2. contra gentes, capit. 81. & videtur expressa sententia Aristotelis cap. 10. huius lib. textu 50. vbi sic ait: *Imaginatio quoque cum moueat, non mouet sine appetitu, unum quid igitur mouens ipsum appetitum:* & textu 54. appetitum ait esse præcipuum mouens, potentiam verò executiuam instrumentum, quo mouet. Et Diuus Thomas duobus locis proximè citatis, non solum asserit appetitum mouere, sed potentiam executiuam passiuè tantum se habere dis-

potendo membra corporis, aptaque efficiendo, ut moueantur ab appetitu, & concludit asserendo, quod actus eiusdem potentia non est mouere, sed moueri. Et ratione probatur, quia ita mouet anima corpus, sicut intelligentia cælum, sed intelligentia mouet cælum per intellectum practicum, & appetitum absque aliqua ita potentia motiua in corpore cælesti residente, & ita potentia motiua eius est appetitus, seu voluntas directa ab intellectu: ergo anima mouet corpus per appetitum, aut voluntatem tanquam per potentiam motiuam passiuè tantum se habente corpore.

77 Secunda opinio asserit appetitum, & executiuam potentiam mouere tanquam duas causas subordinatas, ita ut appetitus sit quasi causa vniuersalis, executiua verò ut particularis, quare ex virtute motiua vtriusque videtur quasi vna, & eadem potentia motiua integrari. Ita videntur sentire Conimb. 3. lib. de anima, cap. 13. q. 5. art. 2. & 3.

Alij denique appetitum, & executiuam potentiam censent se habere ut duo mouentia partialia, & ideo potentiam motiuam quasi partialiter componere. Quod videtur probari posse, quia motus pendet ab utroque simul concurrente tanquam à principio effectiuo: ergo vniuntur per modum vnius agentis, sicut agentia naturalia, quæ eo ipso, quod concurrant ad eundem numero effectum, vniuntur per modum vnius agentis, cuius quodlibet censetur quasi pars.

78 Ut nostram sententiam proferamus, adnotare oportet potentias dependentes à voluntate, & appetitu sensitiuo esse in duplici differentia: nam quædā sunt sic ex determinatione ad vnum operantes, ut per se, & directè non subiiciantur voluntati, vel appetitui, sed quasi indirectè, & per accidens ratione alicuius extrinseci, quo indigent ad operandum, & istæ dicuntur solum ei subdi quantum ad applicationem, & non quantum ad operationem ipsam, vel actum, & huiusmodi sunt virtus nutritiua, & generatiua, atque etiam sensus externi: nam quantum à voluntate non dependeat, quod applicato obiecto, aut alimento operentur, sed vtriusque applicatio sæpè prouenit à voluntate. Aliæ sunt potentia, quæ non solum subdiuntur voluntati quantum ad applicationem, sed etiam quantum ad proprias operationes, ut intellectus, sensus interni magna ex parte, & appetitus ipse sensitiuus: hoc est autem discrimen inter modum applicationis harum, & illarum, quod applicatio illarum distincta operatio est à propria earum, sed istæ non applicantur per distinctum actum à propria operatione, sed non est aliud explicari à voluntate, quam operante voluntate ipsas quoque statim operari. Constat vtrunque proprio exemplo; nam obie

obiectum visus applicatur ei à voluntate, vel visus ipse applicatur obiecto per motum localem sensationi præuium: sed intellectus, vel interni sensus non applicantur per operationem præuiam, aut distinctam, sed per eandem, quia non est in eis aliud applicari à voluntate, quam eo ipso, quod hæc operatur illa operari. Et ratio huius discriminis est manifesta; quia obiecta sensuum externorum extra organa eorum vagantur: ergo non possunt applicari ad ea percipienda, nisi per aliquam actionem eorundem obiectorum præsentia eis fiant, ut producta specie intra eadem organa: post hanc verò actionem quasi applicatiuam sequitur sensatio. Intellectus verò, atque interni sensus species obiectorum præsentibus habent in memoria; quare non indigent præuia actione, per quam applicantur, nec est intelligibilis talis actio voluntatis, vel appetitus in eisdem recepta, per quam moueantur, aut excitentur, vel applicantur ad opus.

His præsuppositis tria asserit nostra sententia. Primum est, *appetitum non mouere sensus, nec voluntatem, intellectum, appetitum, & corpus per Physicum concursum, vel actionem circa ipsum.* Ita sentiunt omnes ferè recentiores. Et probatur ratione, quia vel hæc actio est præuia ad propriam harum potentiarum, vel est cõcursum simultaneus cum eis, eo ferè modo, quo causa prima concurrat cum secundis; sed neutrum esse potest, ergo per nullam talem actionem potest eas mouere. Minor quantum ad actionem præuiam efficaciter probata est. Quod verò non sit concursus simultaneus cum eisdem potentiis, qui sit eadem eorum actio ut proueniens à voluntate, sic probo: quælibet harum potentiarum est causa sufficiens, atque completa sui actus, ut potentia motiua motus corporis, intellectus, & sensus simul cum specie sunt completa, atque sufficiens causa intellectiõnis, & sensationis; ergo non indigent concursu physico alterius causæ, præter primam. Probatur consequentia ex quibuscumque causis particularibus, ac sufficientibus, quæ non admittunt consortium aliarum causarum particularium.

Secundum quod asserit nostra sententia est, *voluntatem, & appetitum mouere ceteras potentias per quandam efficientiam quasi moralem,* hoc est, per naturalem sympathiam, & consensionem, ac subordinationem, quam habent ex eo, quod radicantur in eadem anima, ex qua prouenit, ut operante voluntate operentur alia, & proponente intellectu obiectum voluntati, aut imaginatione appetitui, dicatur mouere illum, & operante intellectu circa aliquod obiectum operetur etiam phantasia circa illud, vel aliquid eius, aut circa alterum ei simile: in quibus casibus manifestum est vnam potentiã nullum concursum physicum præstare alteri, quã mouere dicitur, vel aliquid reale ei imprimere.

Et modus iste aliquando vocatur imperium, quod dicitur habere voluntas circa alias potentias; aliquando vocatur applicatio ad opus, vel vnam mouere aliam, vel alias dicimus, quantum ad applicationem, vel exercitium, aut quantum ad specificationem actus.

63 Afferit tertiò nostra sententia, intellectum, aut imaginationem, non concurrere ad motum progressuum concursu naturali, sed morali dirigendo voluntatem, vel appetitum, & voluntatem, & appetitum per modum imperantis iam explicatum, & ideo nihil horum esse potentiam motiuam Physicam, & vitalem, præter potentiam executiuam in parte corporis residentem, ut in musculo, aut aliis similibus partibus. Probatum hoc, quia potentia executiua est causa sufficiens Physica motus progressui, non indigens alia concausa Physica, sicut quælibet alia virtus motiua inferior: ergo sola ipsa est potentia vitalis loco motiua, quamvis morali modo moueatur à voluntate, vel appetitu, sicut cæteræ potentie cognoscitiuæ vitales.

Ex quo infero planè falsum esse, & Aristoteli contrarium asserere, quod potentia executiua passiuè tantum se habeat ad motum progressuum, & non tanquam principium eius effectiuum intrinsecum, & vitale. Probatum ex 3. lib. de anima, cap. 10. textu 54. vbi sic ait: *Quo' autem mouetur, est animal, quod verò mouet instrumento, appetitus; tam hoc corporeum est, unde in communibus anima, & corporis considerandum est de ipsis: docens planè potentiam executiuam esse instrumentum, quo medio appetitus mouet corpus. Instrumentum verò motus constat non se habere passiuè ad motum: sed actiuè.*

64 Testimonia verò Aristot. pro prima opinione de potentia motiua morali modo, hoc est, per imperium, vel applicationem, intelligenda sunt, in quo ordine benè potest appellari potentia executiua instrumentum appetitus, quo in eodem sensu vititur ad mouendum corpus.

Eundem etiam sensum tenuit Diuus Thomas, dum asserit appetitum mouere eandem potentiam executiuam, quam potius moueri docuit, quàm mouere; quia nullam aliam potentiam mouet eo modo, quo ipsa mouetur ab appetitu, Physicè tamen mouet corpus tanquam potentia vitalis præsupposita directione intellectus, aut imaginationis, & imperio, seu applicatione voluntatis, aut appetitus, quibus in hoc ordine mouendi subditur, sicut sensus interni, & intellectus eidem voluntari, & appetitui subduntur; quare nec Aristoteles, nec Diuus Thomas senserunt potentiam motiuam esse appetitum, aut voluntatem, ut ex verbis eorum facillè potest intelligi.

Ad argumentum verò neganda est maior, quod ita anima moueat corpus motu progressiuo, sicut intelligentia mouet cœlum: nam intelligentia mouet tanquam principium assistens, non informans, & ideò tanquam principium omninò extrinsecum, & non vitale, quamuis moueat per intellectum practicum, & appetitum, vnde nec mouet motu vitali: sed omninò inferiori, respectu cuius nullum principium effectiuum intrinsecum habet cœlum, sed purè passiuè se habet tanquam recipiens motum ab intelligentia. Anima verò mouet corpus motu progressiuo, tanquam vera forma eius, veràque anima, & ideò tanquam verum principium intrinsecum vitæ, mouetque metu vitali, & ideò media potentia physica vitali loco motiua: sicut sentit mediis potentiis vitalibus sensitiuis, quate falsum est, quod præter appetitum non sit ponenda in corpore alia potentia loco motiua: nam appetitus, aut voluntas non mouet corpus per concursum Physicum, nec tanquam potentia physica. Vnde nec est potentia physica vitalis, & ideò necesse est præter ipsum ponere physicam, ac vitalem potentiam mouentem physicè corpus, & hæc est potentia vitalis loco motiua, quam non negamus moueri per imperium, & applicationem ab eodem appetitu, aut voluntate, sicut sensus, intellectum, ac cæteras potentias vitales.

Ad argumentum secundæ opinionis distinguendum est antecedens, quod motus progressiuus dependeat à potentia motiua, & appetitu tanquam à duobus principiis effectiuis: nam si de principiis effectiuis physicis intelligatur, falsum est, quia neque appetitus, nec intellectus sunt principia physica talis motus, sed quodammodo motalia (vt expositum est) ex principio verò morali, & physico: (cùm sint diuersi generis, & ordinis) non sit vnum totale, sed quodlibet in suo ordine concurrat ad motum tanquam completum, & integrum, vt ex dictis est manifestum.

Et hæc sufficiant pro his commentariis Aristotelicis ad laudem, & gloriam Triadis sanctissimæ, Beatissimæ Deiparæ, Angelicæque Doctoris Diui Thomæ, cuius doctrinam tanquam humilis discipulus sequutus, ac tutatus sum, ex qua manare profiteor, quidquid laude dignum in eis repertum fuit, atque etiam quidquid fructus pro communi bono literariæ Reipublicæ attulerint.

F I N I S.



# TRACTATUS DE ANIMA SEPARATA.



N huius nostri operis Proœmio admonuimus, quod licet consideratio animæ rationalis separatæ à corpore, & omnium quæ ex ratione illius stâtus ei conuenire possunt, per se pertineat ad considerationem primæ Philosophiæ, potius quàm ad naturalem, nihilominus vt completa sit doctrina Philosophica, & ne Philosophus ad perfectam eius asssecutionem explicationem illius vniuersalissimæ scientiæ omninò expectare compellatur, aliqua de eodem statu separationis ad calcem eiusdem nostri operis (quanquam breuissimè) tradenda fore, quæ ad quatuor referre placuit. Videlicet ad eius originem, & simplicitatem, ad eius immortalitatem, ad rationem illius stâtus separationis, & ad modum intelligendi, quem in eo statu habitura est. Nam cætera de modo existendi in loco, de motu eius locali, dependent planè ex materia de Angelis, & ideo Theologis relinquenda sunt, prima igitur quæstio erit.

QVÆS

## Q V Æ S T I O I.

*An anima rationalis educatur de potentia materia,  
vel ex nihilo producatur.*

**R** I M V S error circa originem animæ fuit eorum, qui existimant, partem quandam esse diuinæ substantiæ ab ea quasi decisam; eo ferè modo, quo semen pars quædam est substantiæ viuientis ab eo decisæ. Primus inuentor huius erroris fuit Carpocrates quidam, vt testatur Irenæus lib. 1. aduersus hæreses, cap. 24. & cum postea sequuti sunt hæretici (quos Gnosticos vocant) atque etiam Manichæi, & Priscillianistæ, vt docet August. lib. 1. de hæresibus, cap. 24. & lib. de origine animæ, eiusdem meminit D. Tho. lib. 2. contra gentes, cap. 81. & 1. p. q. 90. art. 1. & D. Bonau. in 3. d. 17. art. 1. q. 1. Dātur autem à Leone I. Epist. 91. atque etiam in Concil. Brachar. 1. cap. 5. & nos superius rationibus eum refutauimus agentes de substantia animæ. Sed quantum ad modum productionis, quo ponit productam esse animam, euidenter continet falsitatem, quia diuina substantia indiuisibilis est, & partibus caret; ergo repugnat aliquid ab ea extrahi per decisionem, & cum sit infinite perfecta repugnat esse formam, quia ratio formæ incompleta est, & ideo nimis imperfecta. Benè igitur sapiens ille Trismegistus in Asclepio hunc errorem videtur refutasse his verbis: *Mens siue anima non est abscissa ex Dei substantia, sed quasi explicata sicut solis lumen.* Secundus error fuit aliorum, qui tenuerunt animas non fieri à Deo immediatè ex nihilo, sed secundis causis, nempe ab Angelis, vel ab aliis hominibus per seminalem propagationem, aut generationem, sicut fiunt ceteræ animæ sensitiuæ, ac vegetatiuæ ab agente eiusdem speciei: quem tribuit August. lib. de hæresibus, cap. 84. Tertulliano, affirmans tamen propter hanc positionem non fuisse proclamatum hæreticum. Et ex 5. lib. historiz Tripartitæ, cap. 44. atque etiam ex D. Thom. 2. contra gent. cap. 86. constat in eodem fuisse errore Apollinarem Alexandrinum, ac tandem in lib. de Ecclesiasticis dogmatibus, cap. 13. & 14. tribuitur Luciferianis; & August. ipse agens de modo, quo producantur animæ rationales à Deo. 10. lib. de Genesi ad literam, cap. 4. asserit certum quidem esse non produci ex aliquo corpore, sed an producantur ex aliqua substantia spiritali; ita vt Deus aliquam animam ex nihilo fecerit, & ex illa ceteras, vel ex nihilo omnes faciat, non solum sub dubio relinqueretur videtur, sed magis in eam partem inclinare: quod non omnes ex nihilo fiat, vt hæc eius verba ostendunt. *Quapropter, si neque de corpore,*

neque de anima irrationali, neque de se ipso Deus animam hominis facit, restat, ut aut de nihilo eam faciat, aut de aliqua spiritali, tamen rationali creatura. Sed de nihilo fieri aliquid consumantibus operibus, quibus creantur omnia simul: violentum est velle monstrare, & utrum perficinus documentis obtineri possit, ignoro, & c.

Veritas huius rei est, quod anima rationalis, nec siteducta de potentia materia corporea, nec de potentia, vel substantia, formæve spiritali, nec de aliqua creatura, nec producta ab aliquo agente, sed à solo Deo ex nihilo, quod est esse propriè creatam, & oppositum huius veritatis non caret temeritate hoc tempore. Præsupponit hæc veritas quod solus Deus potest propria virtute producere aliquid ex nihilo, ut docet, & probat D. Tho. 1. par. qu. 44. art. 5. & cum eo tota Schola, & hoc supposito eam tenet communis consensus Scholasticorum, & Sanctorum Patrum, præsertim D. Hieronym. super cap. 12. Zachariæ in principio ad illa verba, fingens spiritum hominis in eo, ubi sic ait: Dominus igitur, qui cælum extendit ut pellem & terram alta mole solidavit, & spiritum hominis finxit, in eo idem animarum creator est omnium, ut ex duobus substantiis anima, & corporis unum animal compingere, & c. Et D. August. quamvis aliis locis dubitare videatur, sed in lib. de spiritu, & anima cap. 44. expressè id docet his verbis: Anima nec elementum est, nec ex elementis, sed de nihilo est facta, & soli creatori suo cognita: & c. D. Th. 1. cont. gent. c. 87. & 1. q. p. 118. art. 2. D. Bonau. in 2. d. 8. q. ult. & ceteri Scholast. ibidè. Et ex verbis Scripturæ sacre colligunt, præsertim ex 2. cap. Genesios ubi dicitur: Formavit igitur Dominus hominem de limo terra, & inspiravit in faciem eius spiraculum vitæ. Per vitæ spiraculū rationalem animam intelligentes, & inspirationis nomine creationē eiusdem animæ, & infusionem in corpus. Ex illo etiam Ecclesiast. 12. ubi de morte hominis sic dicitur. Revertatur pulvis in terram suam unde erat. Hoc est corpus: & spiritus redeat ad Deum, qui dedit illum. Nempe animam per creationem, & c. Eandem quoque veritatem assecuti sunt plures philof. quos citat Eugu. lib. 9. de perenni Philof. cap. 5. qui quamvis creationem ex nihilo non cognoverint, bene tamen animam non esse factam ex re aliqua, neceductam de potentia materiæ, sed à solo agente primò productam: quo autem modo, vel per quam actionem, nescierunt. Refert autem idem Eugubinus cap. 8. oraculum quoddam Chaldaicum, quod sic habet. Accelerare opus est te ad lucem, unde tibi animus est missus multa inductus mente. Quod oraculum explicans Pfellus antiquior, magnusque philosophus, ita loquutus est. Postquam non ex seminibus accepit substantiam anima, neque corporis subsistit temperamenti sed à Deo supernè habuit esse: ad illum convertatur oportet. Et Aristoteles

stoteles 2. lib. de Generatione animalium cap. 3. circa medium  
hoc idem expressè sentit; nam cum docuisset cæteras animas  
vegetatiuam, & sensitiuam in semine contineri, hoc est, in po-  
tentia materiæ, ex qua educuntur ab agente naturali, de anima  
rationali expressè id negat his verbis. *Restat igitur ut mens sola  
extrinsecus accedat, eaque sola diuina sit, nihil enim cum eius actio-  
ne communicat actio corporalis.* Ex quibus hæc ratio satis efficax  
deducitur ad id probandum. Educi de potentia materiæ, vel  
alicuius alterius est dependere in esse, & fieri ab eo ut ex 1. lib.  
physi. habetur: sed anima rationalis non dependet in esse, & fie-  
ri à materia, aut corpore, vel alio subiecto: ergò non educitur  
ex potentia eius. Minorem probo, quia operari sequitur esse,  
& modus operandi modum essendi, sed anima in sua operatio-  
ne propria, quæ est intelligere, non dependet à subiecto, vel  
materiæ, sicut nec potentia, à qua procedit, nempe intellectus,  
de quo probatum est supra non esse potentiam organicam, &  
ideo non dependere ab organo, quod est proprium subiectum  
organicæ potentiæ, nec ipsum, nec propriam eius operationem,  
& probabitur etiam inferius: ergò esse eiusdem animæ modus-  
que essendi non dependet à subiecto, nec proinde dependet in  
fieri, quia fieri ordinatur ad esse: ergò non educitur de poten-  
tia materiæ, vel alterius subiecti.

Secundò probatur præsupposita fide, quod anima rationalis  
permanet post mortem separata à materia, vel corpore; nam ex  
hoc sequitur euidenter non dependere ab ea in esse, & proinde  
nec in fieri. Probatut consequentia, quia à quo potest esse na-  
turaliter separatum aliquid, non dependet in suo esse, quod sine  
illo retinet. Ex eo autem quod anima rationalis non educatur  
de potentia alicuius, euidenter sequitur ex nihilo fieri, quod est  
proptiè creari; nam creatio non est aliud, quam productio rei  
ex nihilo: Probatut consequentia, quia fieri ex nihilo non est  
aliud, quam fieri non ex aliquo præsupposito subiecto, sed eo  
ipso, quod non educitur de aliquo tanquam de subiecto, fit non  
ex præsupposito subiecto: ergò fit ex nihilo, & proptiè crea-  
tur.

## A P P E N D I X

### D V B I U M.

**P**Ræsupposito, quod anima rationalis creata sit à Deo ex ni-  
hilo, dubium est, quò tempore, vel instanti creetur, videli-  
cet, an priùs tẽpore, quàm corporis infundatur, illudque infor-  
met, vel non nisi in puncto, vel instanti, in quo verum est ma-  
teriam esse completè dispositam pro introductione eius.

Et videtur non creari animas in eo stanti, sed prius tempore, hoc est, in principio, quo creatus est mundus creatas fuisse omnes, successu autem temporis corporibus infundi, dū completa est dispositio materiæ. Nam postquam Deus omnia creauit, quæ ad hunc mundum pertinent per sex dierum spatium, dicitur requiescisse ab omni opere, quod patrat cap. 2. Genesis; ergo nihil postea creauit, neque aliquid nunc creat. Probatur consequentia, quia si aliquid de nouo crearet modo, non requiesceret ab opere, sed operaretur adhuc, quod contradicit Scripturæ verbis.

- 11 Nihilominus tenendum est, *animas rationales non creari à Deo prius tempore, quam infundantur corporibus, sed in eodem puncto, quo materia sufficienter disposita est creari simul, atque infundi, & uniui corpori, & contrarium videtur, sine erroris saltem periculo non posse defendi, propter verba Leonis primi Epistol. 93. ad Episcopum Auturicensem cap. 10. quæ sic habent: Catholica Fides constanter, atque veraciter prædicat, quod anima hominum priusquam inspirentur corporibus non fuisse, &c.* quæ vniuersaliter videntur intelligenda, hoc est nō de solis animabus aliorum hominum, sed etiam de animabus primorum parentum, sic enim id intelligunt D. Hieron. in Epistola ad Pammachium, & in Epistola ad Cyprian. Damasc. 2. lib. fidei cap. 12. Gregor. Nyssen. in lib. de homine, cap. 29. & D. Thom. 2. contra gent. cap. 83. & 1. par. quest. 90. art. 4. & quest. 118. art. 3. D. Bonau. in 2. dist. 9. art. 1. quest. 3, & Scholastici ibidem, quamuis de anima Adæ solū vt probabilius id videatur tenere D. August. 12. lib. de Ciuitate Dei cap. 23. Tunc autem creari animam cum primum completa est dispositio materiæ, in qua recipienda est, & non prius tempore, consonum esse naturæ animæ rationalis probauit Aristoteles ex differentia inter causas efficientes, & formales, quod illæ possunt prius tempore existere, quam operentur, non verò formales, sed simul ac fiunt, informant, sed constat animam rationalem esse veram formam; ergo non prius fit, quam materia sit cōpletè disposita, sed simul. Verba Aristotelis sunt. *Causa itaque mouentes tanquam antea orta existunt, quæ verò ut ratio simul sunt, cum enim sanus sit homo, tunc etiam sanitas est, & forma antea sphaera, simul atque antea sphaera. Si autem aliquid posterius permanet, considerandum est, in quibusdam enim nihil prohibet, veluti si anima tale sit non omnes, sed intellectus, omne namque fortassis impossibile.* Quibus non solum probat intentum, sed quandam obiectionem insinuat, quæ cōtra se fieri potest hoc modo. Anima rationalis potest naturaliter permanere sine corpore: ergo potest etiam ante illud esse. Probatur consequentia, quia si potest, sine illo esse à parte post, idcirco est, quia esse eius non de-
- pendet

pendet à corpore, sed hoc idem à fortiori probat posse esse ante illud. Solutionem huius argumenti insinuauit D. Thom. 1. part. qu. 118. art. 3. ad 3. quæ hoc modo perficienda est; anima rationalis duo habet ex propria natura, & quod sit forma existere potens separata à corpore, & quod sit forma corporis corruptibilis, & ex utroque: sed præsertim ex ultimo prouenit illi sic informare corpus, ut naturaliter futura sit aliquando sine illo: consonum est igitur naturæ eius esse sine corpore post primam informationem, non tamen quod sit sine corpore ante illam, sed contrariū potius naturæ formalis causæ est esse prius tempore, quàm formalem effectum tribuat materię, aut subiecto, ut asseruit Aristoteles. Quod secundò probari potest ex ipsa natura formalis causæ, ex qua motus fuit Arist. ad id asserendum, quia forma habet esse incompletum, & parziale ordinatum ad constituendum compositum cum alia parte se illi communicando; unde sequitur, vel non posse naturaliter esse ante compositum, si sit corruptibilis, vel saltem non esse, suæ naturæ consonum, ut ante illud sit, quia toto illo tempore, quo illud antecederet, priuaretur suo fine, ac perfectione naturali, quia non se communicaret corpori, neque constitueret compositum; quam perfectionem non potest habere semper, quin potius naturaliter futura est sine illa, quia forma corporis corruptibilis est, & aliquando naturaliter, & necessario corrumpendi. Quare consonum est naturæ eius permanere sine corpore post primam informationem; dissonum verò ante illam, & proinde non potest naturaliter creari ante infusionem in corpore, quamuis possit esse sine corpore post primam informationem.

Ad argument. verò in contrarium ex Genesi. Respondetur cessasse Deum post sextum diē, vel requieuisse à nouis rerum generibus, & speciebus condendis, quæ nullo modo præexisterunt in primis operibus à se factis, sed omnino ab eis diuersis. Ex quibus certum est nihil nouum fecisse post primam creationem rerum, non tamen cessasse ab eisdem rebus nunc condendis, & in suis speciebus multiplicandis, quod in corporibus quotidie de nouo genitis est manifestum, pro quorum generatione postulat natura eorum, ut producantur nouæ animæ, quibus ex intrinseca ratione formæ naturale est in eo puncto, in quo completa est dispositio corporis, creari simul atque infundi eisdem corporibus, & non prius tempore, ut probauimus. Itaque non potest intelligi Deum omnino requieuisse ab opere: cum Christus dixerit, Ioannis 5. Pater meus usque modo operatur, & ego operor; operatur verò, & operabitur ad conseruandas species in principio à se productas per nouam, acque  
 conti

continuum productionem indiuiduorum, quæ secundum exigentiam naturæ postulant nouam creationem animarum. Noua igitur creatio animarum non contradicit sensui prioris testimonij, & consentanea est verbis posterioris. Hæc est solutio D. Thom. 1. par. qu. 118, art. 3. ad primum, prius quidem tradita à D. Hieron. ut testatur August. Epist. 27. ad eundem Hieron. ubi eam ipse sequitur, & meritò quidem, cum per vnum Scripturæ locum explicet aliud iuxta optimum interpretandi modum, quo vtuntur passim Sancti Patres.

## Q V Æ S T I O I I.

*Vtrum anima rationalis sit simplex forma purè spiritualis.*

Prior quæstionis pars.

15 **D**Vo postulat titulus præsentis quæstionis. Primum, an anima rationalis sit simplex, vel aliquo modo composita: postremum, an sit purè spiritualis: ideo in duplicem partem placet quæstionem diuidere.

16 Circa primam verò de simplicitate animæ rationalis, videtur necessariò ei tribuenda aliqua compositio realis ex materia, & forma, siue corporeis, siue spiritualibus. Quod probo ex Aristotel. 8. lib. Metaph. cap. 8. textu 16. asserente, quod ea, quæ materia carent, nõ habent causam sui esse, sed euidentis est animam rationalem habere causam sui esse: cum sit creata à Deo ex nihil: ergo necessariò concedendum est habere materiam. Et cum ipsamet anima ex propria ratione formæ sit actus, habebit potentiam, & actum in ea receptum, ex quibus sit realiter composita, & ideo non erit simplex forma. Probatur etiam ratione, quia si anima rationalis non habet materiam, seu potentiam, ex qua simul, & actu componatur, erit purus actus, & simplicissimus, sicut Deus, quod patet esse falsum. Probatur antecedens, quia Deum esse purum actum & entitatem simplicissimam non est aliud, quàm carere omni materia, aut potentia reali receptiua, atque etiam omni compositione reali.

17 Vera sententia, à nobis tenenda est, quod neque anima rationalis, nec alia quacunque forma substantiali, potest esse composita ex materia, & forma, siue ex potentia receptiua reali, & actu reali, seu forma in ea recepta. Ita tenent de anima rationali D. Augustin. 7. lib. de Genesi ad literam, cap. 7. & D. Thom. 1. par. q. 75. art. 5. de quacunque anima: & est communis in Schola, ita ut nemo sit: qui talem compositionem tribuat animæ. Probatur primò ratione D. Thom. nam vel anima, aut quæcunque forma informat secundum se totam, vel solum secundum aliquam sui partem,

partem; si secundum se totam; ergo secundum se totam est actus; quate nihil habebit potenti receptiuæ, ex qua componatur: si verò solum informat secundum aliquam sui partem, & non secundum alteram: ergo solum erit actus, & forma secundum illam partem, & secundum aliam erit potentia receptiua eiusdem formæ; & ita fiet vnum per se completum ex utraque parte, quia ex potentia per se & actu per se completum quid resultat, & hoc erit primum animatum, & non aliud, quod cum materia corporea constituit anima, & utrumque destruit rationem formæ, & animæ, quæ ex propria natura est ens incompletum, & non animatum, sed constitutivum corporis animati. Secundò, quia si talis compositio formæ admittatur, vnum 18 è duobus sequitur euidenter; nempe, aut dari processum in infinitum in compositionibus Physicis ex materia, & forma, aut deueniendum tandem esse ad aliquam formam, carentem tali compositione. Probatur consequentia, quia si anima, aut forma componitur ex materia, & forma corporea, aut spiritali, vel forma huius compositionis est omnino simplex, vel adhuc composita, si composita est; ergo ex altera materia, & forma, & de hac procedit eadem quæstio, & ita in infinitum: si verò dicatur non esse compositam, sed simplicem; ergo datur iam forma omnino simplex absque tali compositione, quæ si semel admittitur, sine fundamento negatur cuicunque formæ, vel animæ, præsertim rationali, cum sit perfectissima.

Vt autem ad primum argum. deductum est testimonio Aristotelis respondeamus, adnotare oportet discrimen inter res 19 materiales ex vna parte, & immateriales ex altera, quantum ad modum dependendi à suis causis in esse, & fieri, quod materiales dependent in suo esse à causa formali; nempe à forma, à qua recipiunt esse, & à materiali recipiente in se formam; in fieri verò dependent ab efficiente sua actione transmutante materiam de potentia ad actum educentéque formam de potentia eius, vel saltem vniente eidem materiæ; immaterialia vero 20 non dependent in suo esse, neque in suo fieri villo modo à causa formali: nec ab efficiente sic transmutante materiam: imò neque ab aliqua causa particulari, sed à sola prima, & per actionem longè diuersam, quam per modum simplicis emanationis à primo agente intelligimus, & quasi simplicem participationem, atque immediatam totius esse vocamus, & cum non præsupponat materiam, vel subiectum, creatio dicitur, hoc est, quasi immediata productio totius entitatis ex nihilo, quam nec Aristoteles, nec cæteri philosophi eo antiquiores in particulari videntur cognouisse, sed confusa tantum ratione distinxit Aristoteles modum procedendi rerum immaterialium à materialibus,



21 terialibus, euidenter cognoscens illas non habere ullam causam formalem sui esse, nec efficientem particularem, à qua per transmutationem materię, & educcionem formę fiant, sicut materiales habent, sed solum fieri per immediatam participationem sui esse à primo agente, & iste est germinans sensus illius loci, ut docet D. Thom. 1. par. qu. 75. art. 5. ad 3. ex quo nihil probatur aduersus simplicitatem animę rationalis.

22 Ad argumentum concessio quidem antecedente, quod anima rationalis cateat compositione reali essentiali ex forma, vel actu reali, & ex materia corporea, vel spiritali, neganda est consequentia, quod sit purus actus, quia esse purum actum excludit omnem potentiam realem, & ideò omnem compositionem, non solum essentialem, sed substantialem, & utramque habet anima, essentialem quidem potentiam, in quantum essentia eius non est eius esse, & ideò non est in se completa, sed habet esse participatum à primo agente, sibi que proportionatum, per quod completur: compositionem verò substantialem, quia eadem essentia, vel natura tanquam potentia realis respectu eiusdem esse, quod se habet ad illam tanquam realis actus substantialiter eam terminans, atque complens, efficit cum eo compositionem realem substantialem ei similem, quæ in Angelis reperitur, quamuis non physicam ex materia, & forma: ex tali verò compositione vnum quid substantiale subsistens (licet incompletum cum sit forma) resultat. Quæ cum ista sint, constat animam non esse purum actum, licet compositione physica ex materia, & forma careat, sed est simplex essentia incompleta, ac partialis: potentiam nihilominus essentialem habens, quia intra propriam essentiam eam includit, atque etiam compositionem substantialem cum proprio esse.

*Posterior quæstionis pars.*

24 Sed restat adhuc inquitendum in posteriori parte quæstionis, an anima sit purè spiritalis, ita ut in sua entitate nihil corporis admixtum habeat.

Quod ut melius intelligatur, duplex corpus excogitare debemus, physicum, aut materiale, quod est materia ipsa, vel ex materia compositum, aptumque extendi per quantitatem; aliud verò quod nihil horum habet, sed subtilius est, & quasi ordinis superioris; & ideò non efficiens rem materialem.

Et secundum priorem acceptionem accepto corpore videtur tenuisse Plato, quod anima sit corpus, ut retulit, & refutauit Aristoteles in primo libro; quam positionem tribuit August. Luceferianis hæreticis in lib. de hæresibus nõ longè à fine dubitans, an sit inter errores contra Fidem enumeranda, & affirmans

mans etiam ibidem eam tenuisse Tertullianum, nec tamen propterea vocatum fuisse hæreticum, sed quia ad Cataphryges hæreticos transiens secundas nuptias cum eis detestatus est. Et eandem tribuit Origeni D. Hier. in epistola ad Pammachium, & tandem in lib. 5. historię Tripartitę cap. 44. refertur pro ea Apollinaris quidam Alexandrinus.

Corporeo verò iuxta posteriorem acceptionem desumpto 25  
plures ex Sanctis Patribus videtur sensisse animam rationalem esse corpoream: illi inquam omnes, qui de Angelis tenuerunt subtilia quædam habere corpora ex propria natura, ut refertur 1. p. q. 50. art. 5. à recentioribus, quod etiā tenuit Ioannes Tessalonicensis Episcopus his verbis relatis in Concilio Nicæno 2. actione 5. in principio. *De Angelis, & Archangelis, & eorum posteritatibus, quibus, & nostras animas adiungo, ipsa Catholica Ecclesia sic sentit, esse quidem intelligibiles, sed non omnino corporis expertas, & inuisibiles, verum tenui corpore pradtos, & inferius: nemo, vel Angelos, vel Damones, vel animas dixerit incorporeas.* Ex quibus colligit pium esse vsum imaginum, quibus repræsentantur, & in quibus adorantur; & ideo sententiam eius videtur approbare Concilium. Et in lib. de Ecclesiasticis dogmatibus (quem referunt inter opera D. August. tom. 3.) cap. 11. vniuersaliter statuitur solum Deum omnino incorporeum esse, & omnem creaturam, etiam Angelicam corpoream his verbis. *Nihil incorporeum, & inuisibile natura credendum est, nisi solum Deum, idest, Patrem, & Filium, & Spiritum Sanctum. Creatura omnis corporea est, Angeli, & omnes cælestes virtutes corporea, licet non carne subsistant, &c.* Et licet id non asserant expressè D. Hier. & D. Aug. dubitare videntur, Hier. quidem super 10. caput Matthæi ad illa verba *Nolite timere eos, qui occidunt corpus, animam autem non possunt occidere*, ubi sic ait: *Si qui corpus occidunt, animam non possunt occidere, ergo animam inuisibilis, & incorporealis est, secundum crassiorem dico nostri corporis substantiam.* August. verò in epist. 18. ad Hieron. nō longe à principio hæc verba scribit: *Quia propter, si anima corpus esse dicenda est, non est ceris corpus, quale terrenum est, nec quale humidum, aut æreum, aut æthereum, &c.*

Veritas huius rei est, quod anima sit simplex quidam, atque 27  
purus spiritus nihil corporis quantumlibet subtilis habens. Ita sentit vniuersa Schola Philosophica, atque Theologica; & quamuis aliqui ex Sanctis Patribus obscure aliquando de hac re loquantur, & aliqui videantur aliquando dubij, si tamen diuersa eorum opera legantur, & verba expendantur, absque dubio inuenietur tenuisse ferè omnes animam rationalem esse prorsus incorpoream, ita ut neque aliquid subtilis corporis pernixtum habeat, quidquid de Angelis nonnulli dixerint; nam eam vocant incorpoream

- poream, atque spiritualem substantiam, sine ullo additamento corporis. Ita D. Dionys. cap. 4. de diuinis nominib. Ambros. in lib. de Noë & arca. August. 6. lib. de Trinitate cap. 6. & in lib. retract. cap. 56. Gregorius 4. lib. dial. cap. 6. & lib. 5. moral. cap. 26. Nazian. in apologet. cap. 1. Damasc. 1. lib. fidei cap. 12. Nyssen. in lib. de Opificio hominis cap. 4. & 15. & lib. 2. Philosophiæ, ubi testatur ita sensisse Platonem. Ita etiam sentiunt Scholastici cum D. Thom. 1. p. q. 65. artic. 1. Omnesque interpretes Arist. 2. lib. de anima ca. 2. & 3. Et potest colligi ex diuersis locis Scripturæ, in quibus anima rationalis vocatur spiritus, Ecclesiastici ultimo de morte hominis sic dicitur: *Quousque reuertatur puluis in terram suam, unde erat, & spiritus redeat ad Deum, qui dedit illum.* Ad Roman. 8. *Ipse enim spiritus testimonium reddit spiritui nostro, quia sumus Filij Dei.* Et Lucæ 23. *In manus tuas commendo spiritum meum.* Est autem certum in his locis, non sumi spiritum pro aëre, aut vento, quia nunquam pro vento accipitur, nisi ubi ex contextu literæ significetur, aut ex antecedentibus, & consequentibus intelligatur, ut Ioannis 3. *Spiritus ubi uult spirat, & uocem eius audis, sed nescis unde ueniat, aut quò vadat.* Sumitur ergo pro re incorporea, quare efficaciter satis probatur ex his locis quod anima sit incorporea, quemadmodum ex illo Ioannis 4. *Spiritus est Deus: & eos, qui*
- 30 *adorant eum, in spiritu, & ueritate oportet adorare.* Efficaciter probant Sancti Patres Deum esse omnino incorporeum, ut testatur D. Thom. 1. p. q. 3. artic. 1. Quod usque adeò verum est, ut nonnulli putauerint tanquam ueritatem fidei definitum esse quod anima rationis sit spiritualis: & omnino incorporea in Concilio Lateran. cap. de summa Trinitate, & fide Catholica his uerbis. *Deus ab initio utramque de nihilo condidit creaturam, corporalem, & spiritualement, Angelicam scilicet, & mundanam, deinde humanam quasi communem, ex spiritu, & corpore constitutam:* Mihi uero non uidetur definitionem hanc ad id se extendere, sed solum ad ueritatem illam, quam aduersus errorem Manichæorum de duobus principiis bono, & malo intendebat Concilium: de cæteris uero nihil nouum definitur, sed quasi pro doctrina communi recitantur. Nihilominus licet de fide non sit hæc nostra ueritas, existimo non solum absque temeritate, sed absque erroris periculo negari non posse.
- 31 Probatur autem ratione philosophica à posteriori ex operationibus animæ rationalis propriis hoc modo (nam à priori non potest ostendi.) Si anima rationalis secundum propriam entitatem aliquo modo corporea est, cum sit forma corporis, sequitur omnes eius potentias corporeas esse, communesque corpori, & consequenter organicas, & actus earum per organa

corporea exerceri, quod euidenti experientia contrarium est: cum nullum detur in corpore organum potentia intellectiua ab ea informatum, nullave pars, cuius sit forma specialis, ut constat dari in cæteris potentiis organicis.

Sensum autem, quem Sancti Patres citati pro opposita sententia tenuerunt, intelligemus, si verba D. Augusti, quæ in eadem epist. 18. ad D. Hieron. non longè à principio scripsit, inspiciamus, quæ ita habent. *Incorpoream quoque esse animam, & si difficile tardioribus persuaderi potest, mihi tamen fateor esse persuasum, sed ne verbi controuersiam, vel superfluo faciam, vel merito patiar, quoniam cum de re constat, non est opus certare de nomine, si corpus est omnis substantia, vel essentia, vel si quid aptius nuncupatur id, quod aliquo modo est in se ipso corpus est anima. Item si eam solum incorpoream placet appellare naturam, qua summè incommutabilis, & ubique tota est, corpus est anima, quoniam tale aliquid ipsa non est. Porro si corpus non est, nisi quod per loci spatium aliqua longitudine, latitudine, altitudine ita sistitur, vel mouetur, ut maiorem locum occupet, & breuiore breuiorem, minùsque sit in spacio, quàm in toto, non est corpus anima, per totum quippe corpus, quod animat, non locali diffusionem, sed quadam vitali intentione porrigitur: nam per omnes eius particulas tota simul adest, nec minoribus, & in maioribus maior, sed alicubi intensius, alicubi remissius, & in omnibus tota, & in singulis tota est.* Quibus triplicem acceptionem corporis distinguit D. Aug. primam vniuersalissimam, & ideò valde impropriam pro qualibet natura, vel essentia reali habente esse in se, hoc est, per se, & in se subsistente, ut distinguatur ab accidentibus, in qua acceptione, non solum cælos, & elementa, nec solum Angelos, & animam rationalem, sed Deum ipsum corporeum nonnulli vocarunt. Secundam verò minùs vniuersalem, & ideò minùs impropriam pro natura quacunque finita, & limitata, non solum certo genere, & differentia, sed certo quodam loco, extra quem non reperitur, in qua acceptione quamlibet naturam extra Deum corpoream appellarunt, & propterea, non solum cælestia, atque inferiora corpora, sed Angelos, & animam rationalem. Et in hoc sensu intelliguntur verba illa citata ex libro de Ecclesiasticis dogmatibus, quibus vniuersaliter dicitur, nihil omninò esse incorporeum præter Deum, & si quæ sunt similes loquutiones apud Sanctos Patres. Et huic acceptioni valde similis est quædam alia comparatiua, quam tradit Diuus Greg. lib. 2. moral. cap. 2. vbi. loquens de Angelis ait. *Ipsi illorum spiritus comparatione quidem nostrorum corporum spiritus sunt, sed comparatione summi, & incircumscripti, spiritus sunt corpus.* Qua etiam acceptione vtuntur alij Sancti, & Angelos & animam nostram corporeos vocantes, quia licet corpore careant

& spiritus sint, sed quia longè absunt, à summa illa puritate, & immaterialitate diuini esse; comparatione illius non spiritus, sed corpora meritò vocantur, nec immateriales substantia, sed materiales. Vltima acceptione corporis, inquit August. sumi corpus pro substantia capaci extenuatione quantitatiua, & ideò habente partes maiores, & minores, non solum secundum entitatem; sed quia maior, vel minor pars loci eis debetur ratione quantitatis, cuius capaces sunt, & hanc solam acceptionem corporis propriam ipse arbitrat, iuxta quam incorpoream vocat animam nostram. Et ita senserunt omnes sancti, qui propriè locuti sunt de corpore, ceteri verò ferè omnes, qui aliquo modo corpoream esse insinuant, vel asserunt, secundum priores acceptiones improprias eiusdem corporis loquuntur, vel certè acceptione illa comparatiua ( à D. Gregor. expolita ) vtuntur, & ideò à veritate non recedunt secundum propriam intellecta à cæteris Sanctis, vel etiam ab ipsismet diuersis in locis suæ doctrinæ.

37 Sententia autem illa Ioannis Episcopi Thessalonicensis solum fuit approbata à Concilio quantum ad intentum præcipuum eius de conseruando imaginum vsu, de quo solo tunc agebatur; rationem verò quam attulit de corporeitate Angelorum, & animæ, neque approbavit, nec refutauit Concilium; quia ad rem non pertinebat; quare ex verbis eius nullum potest deduci argumentum aduersus veritatem conseruatam, sed potius vt omnino falso, & in fide periculosa reicienda est illa sententia.

### Q V Æ S T I O III.

#### De immortalitate animæ secundum Philosophos.

*Quidam antiquiores Philosophi & præsertim Aristoteles, senserint de immortalitate anima rationalis.*

38 I Mmortalitas dupliciter sumi potest: primò, pro eo quod adeò necessarium esse habet, vt contradictionem implicet illud amittere, vel esse desinere, & in hac acceptione nulla creatura quantumlibet spiritualis, aut independens à corpore potest esse immortalis, sed solus Deus, cuius esse à nullo prorsus dependet: qua acceptione vsus est Diuus Paulus primæ ad Timoth. 6. vbi de Deo loquens asseruit. *Qui solus habet immortalitatem.* Posterior significatio immortalitatis est pro eo, cuius esse nullum habet desinendi principium, & ideò natura eius postulat, vt postquam illud accepit, perpetuò retineat, in eoque conseruetur, & proinde licet à Deo dependeat, à quo emanauit, non tamen potest secundum potentiam ordinariam illud destruere,

struere, & in hoc sensu Angeli sunt immortales, quia nullum intra se habent desinendi principiū, & ideo debita est eis perpetuitas. In quo etiam sensu quærimus, an animæ rationalis debeat perpetuitas, & sua sit natura immortalis, & quidnam de hac re senserint antiquiores Philosophi. Nam valdè inter eos cōtrouersum hoc fuit, & dignum absque dubio est, in cuius discussione ingenia exerceantur.

Et negatiuam partem tenuerunt in primis Epicurei omnes, 40  
ques Plinius secutus est 7. libro historię naturalis, cap. 55. & plures alij; putantes animam cum corpore interire. Galenus verò Medicorum petitiſſimus dubius fuisse videtur, quia diuersis suæ doctrinæ locis diuerso modo loquitur, in libro namque qui inscribitur: *Quod animi mores corporis temperamentum sequantur*, Platonem reprehendit, quod immortalitatem animæ concesserit. Sed in libro de tremore, & rigore asseruit non decipi eos, qui eam immortalem ponunt. Et quod Arist. immortalem esse negauerit, sentiunt multi, vt Iustinus Philosophus, & Martyr, in sua patænese, Theodosius quoque in libro de natura hominis, Gregorius Nissenus in lib. de anima. Gregor. Nazianzen. in disputatione cōtra Eunomium. Plutarc. in lib. de placitis Philos. c. 1. Pompon. in suo lib. de immortalitate animæ, Simon Portius in libello de mente humana. Quod probant primò, ex 41  
8. lib. Phys. & ex lib. 3. nam in priori loco posuit mundum fuisse æternum, ex quo euidenter colligitur, (si immortalis est anima) quod dentur actu infinitæ, quia in infinito tempore infiniti fuissent geniti homines, qui licet passim inteteat, permanebunt nihilominus omnes animæ, eruantque actu infinitæ, sicut infiniti forent homines, si nullus periisset; sed in loco posteriori asseruit, & probauit non posse dari infinitum actu in rebus: ergo vel sibi apertè contrarius etit, vel sentire non potuit, quod immortalis esset anima, nisi fortè Pythagoricū errorem admississet de transmigratione eandem animatū in diuersa corpora, suæ doctrinæ apertè contrarium. Secundò, quia si ani- 42  
mam putasset immortalem, necessatio sentitet, non fuisse educam de potentia materiæ, quia quidquid de potentia materiæ educitur, corrumpi tandem necessarium est, sed quod non educitur de potentia materiæ per locum ab intrinseco debet fieri ex nihilo, & ideo per creationem; ergo cognouisset creationem, quod patet esse impossibile; cum pro certo ipse tenuerit cum omni ferè Philosophorum turba ex nihilo nihil fieri. Tertium testimonium habetur 1. lib. Metaph. cap. 7. text. 3. ubi describit sempiternam fœlicitatem, docens hominibꝫ, non nisi per breue tempus huius vitæ conuenire. Vnde Solonem reprehendit 1. lib. Ethic. cap. 10. quod veram hominis fœlicitatem

post mortem, superesse dixerit: hæc verò stare non possunt cum immortalitate animæ: ergo nō putauit esse immortalem.

- 43 Vltimum tandem habetur 1. lib. de anima, cap. 1. textu 10. vbi de intellectu loquens conditionalem hanc protulit, si autem est, & hoc imaginatio quædam, vel non sine imaginatione, non continget hoc sine corpore esse: sed 3. lib. de anima docuit expressè intellectum non esse sine imaginatione, vel quod idem est, sine conuersione ad phantasmata non intelligere: ergo censuit intellectum non posse, sine corpore esse, nec operari, & proinde post corpus non permanere, & consequenter neque animam, cuius potentia propria est inseparabilis ab eo.

Secunda opinio expensis diuersis testimoniis in vtramque partem, dubium de hac re fuisse affirmat. Ita Scotus in 4. dist. 43. quæst. 2. art. 2. Heruzus in 1. dist. 1. q. 1. & quodlib. 1. q. 11. & Nimphus in opusc. de immortalitate animæ, cap. 1.

- 44 Nihilominus longè plures Philosophi, & maioris momenti expressè tenuerunt immortalitatem animæ rationalis, Pherecides, vt refert Tullius 1. Tuscul. qu. Pythag. Trismegistus, Diogenes, Tucides, Thales Milesius, Zoroastes, Anaxagoras, Aratus, Plotinus, Porphyr. Proclus, Numercus, Theophil. Tullius, Quos referunt Nicolaus Fabentinus lib. 1. de immortalitate animarum ad Clem. 8. cap. 11. & Eugub. lib. 9. de perenni Phil. & egregiè Plato hanc partem tutatus est in Timæo, Philebo, & Menone, atque etiam in lib. de Repub. Verum est quosdam ex his philosophis, præsertim Stoicos, purasse non semper durare animam, sed corpore solutam longo post tempore debilitari, & tandem perire: sapienter verò animas vsque ad mundi finem perseverare: Alios verò paruo tempore durare censuerunt.

- 45 Sed maior, & melior pars eorum absolutam immortalitatem concessit, & perpetuam durationem. Et de Arist. quoque plures prioribus asseueranter docuerūt immortalem fecisse animam, Olympiodorus, Ammoni. Philop. Simpl. Auicenna, quos refert Mirand. lib. 4. de examine vapitatis, cap. 9. D. Thom. 2. contra gentes, cap. 79. & ibidem Ferrar. 8. lib. Physic. lection. 12. & 12. Metaphys. lect. 3. & sæpe alibi. Albert. Magn. tract. 2. dist. 18. quæst. 3. Eugub. lib. 9. de perenni Philo. cap. 18. & sequentibus, Et est iam communis sententia recentiorum, quam vt longè probabiliorem semper securus sum, quia illustrioribus longè testimoniis eius, & multò maiorem fidem facientibus probatur: & potissimum habetur 2. lib. de gener. animal. cap. 3. vbi postquam probauit de cæteris animabus in virtute seminis contineri, & ab ea in actum deduci ab agente naturali, de anima rationali expressè id negat, ac simul asserit de foris aduenire. Ex quo efficaciter sequitur ex mente eius esse immortalem.

lem,

lem, quia forma quæ non continetur in potentia materiæ, neque ab ea deducitur ab agente naturali, non potest, nisi à Deo creata ex nihilo in materiam infundi: verba Aristot. hæc sunt. *Restat igitur ut mens sola extrinsecus accedat, eaque sola divina sit, nihil enim cum eius actione communicat actio corporalis.* Et similia verba protulit 1. lib. de anima, cap. 4. text. 65. & 66. vocans intellectum nostrum diuinum, & passionis expertem. Et lib. 2. cap. 1. text. 11. nihil ob stare ait, quò minus aliquæ partes animæ separabiles sint per eas significans intellectiuam, quia nullius corporis sunt actus. Et lib. 2. textu 21. intellectum qui speculatur, asserit esse aliud quoddam genus animæ à sentiente, & vegetante distinctum, tanquam perpetuum à corruptibili, separarique posse, lib. etiam 12. Metaph. cap. 3. text. 17. docet dissoluto corpore posse permanere formam eius, quod de sola anima rationali constat verum esse posse.

Ad testimonia verò in contrarium opposita respondendum est, & ad primum, ex 3. & 8. lib. Physicorum concedimus Aristotelem docuisse, quod mundus fuerit ab æterno, ex quo negari non potest, quod euidenter sequatur dari infinitum numerum animarum, sed in 3. lib. Physicorum solum asseruit, & probauit non esse possibile actu infinitum in corporibus; ita ut nec factibile sit corpus actu infinitum, nec numerus infinitus corporum; de numero verò rerum spiritualium, an possit esse actu infinitus, vel non, nihil prorsus disseruit: vnde nihil contradictionis ex his locis deduci potest, etiam si animam rationalem immortalem esse senserit.

Ad secundum concedimus sensisse Aristotelem, quod anima rationalis non educatur de potentia materiæ, sed quod à sola prima causa hoc, quo autem modo, nempe ex aliquo, aut ex nihilo nõ explicuit, potuit verò certus esse, quod non fieret per educationem de potentia materiæ, modum verò particularem, quo producta fuerit nondum exploratum habuisse.

Aliud autem, quod additur ex 2. lib. de generatione animalium, necessariò debet intelligi de potentia materiæ, in qua, non ex qua, hoc est, de potentia materiæ receptiua, noneductiua, aut non ex qua educatur, si enim de potentia ex qua intelligatur, dabitur aperta contradictio in verbis eiusdem paginæ: cum statim de anima rationali doceat de foris aduenire: hoc est, non de potentia materiæ educi, aut produci: sed à solo Deo.

Alia de felicitàte opposita intelligenda sunt de felicitàte huius vitæ, ut ex antecedentibus, & consequentibus deduci potest. Quod verò asseruit 3. lib. de anima, cap. 5. textu 20. intellectum possibilem corrumpi, omnes ferè interpretes exponunt



de imaginatione, quam eo loci per intellectum significauit, vt contextus, & verba planè ostendunt, & vtitur eodem modo loquendi sæpe in eodem 3. lib. de anima. Postremum verò testimonium egregiè exposuit Caiet. iuxta contextum literæ, asserens sensum illius conditionalis non esse, quod si intelligere est imaginario, vel non sine imaginatione, non sit separabile à corpore, aut immortale: sed non erit sine corpore, quæsi dicat, non erit in sola anima tanquam in subiecto, & idè neque erit propria operatio eius: sed erit totius coniuncti, sicut imaginatio totius coniuncti operatio est. Quod verò dicit, aut non sine imaginatione, intelligit absque dubio eo modo, quo imaginatio non est sine sensu externo accipiendo species sensibiles, aut materiales ab illo; ita si intelligere non sit sine imaginatione, à qua species materiales, ac sensibiles accipiat, non erit operatio propria animæ recepta in ea, tanquā in subiecto: sed totius coniuncti, sicut eadem imaginatio.

## Q V Æ S T I O I V.

*Quid sentiendum sit de immortalitate anima secundum principia luminis naturalis.*

51 **S** Adducæi magnæ auctoritatis viti apud Iudæos, vt refertur in Euangelio Matth. 22. & Actuum 23. tenuerunt animam rationalem mortalem esse, & cum corpore interire. Quem errorem suscitauerunt postea hæretici quidam, quos retulit Castro 2. lib. aduersus hæreses, verbo Anima, hæres. 2. circa annū 245. Nec multū dissimilis fuit error alter in partibus Arabiæ exortus circa annum 24. cuius meminit D. August. in lib. de hæres. num. 83. & quem Euseb. retulit lib. 6. histor. Eccles. cap. 27. eorum, qui dixerunt interire quidem animam cum corpore: sed in communi resurrectione reuiuiscere.

52 **S**ecunda sententia, immortalem quidem in eo sensu vocari posse animam asserit, quod in perpetuum duratura sit ex Dei voluntate gratuita eam semper conseruante, non quod ex natura suâ immortalitatem habeat; quo pacto primi homines (si in statu originalis iustitiæ permanerent) ex dono, aut gratia Dei immortales forent: sed ex propria natura corruptibiles. A qua sententia non longè recesserunt alij (inter quos refertur Pomponatius) asserentes secundum fidem nostram immortalem esse animam, non secundum principia naturalis Philosophiæ: sed ex hoc cap. mortalem potius probari.

Alij denique temperatiùs loquentes dixerunt, saltem non posse conuinci, aut demonstrari immortalitatem animæ ex principiis luminis naturalis, sed probabilibus dumtaxat rationibus probari. Ita Scotus in 4. dist. 43. quæst. 2. Caiet. in cap. 9.

Epist.

Epist. ad Rom. & cap. 4. Ecclesiastes, ubi etiam Vatablus, num. 2.

Nostra sententia duabus assertionibus explicatur. Prior est 53  
*animam rationalem sua natura esse immortalem, ita ut perpetua  
 conservatio eius in esse, quod accipit per creationem non sit ex gratia  
 Dei, sed ex propria natura ei debeat, sicut debetur Angelis.* Pro-  
 batur primo ex eo, quod docuimus superius, nempe animam  
 non educi de potentia materiæ, sed à Deo immediatè produci  
 ex nihilo per creationem, ex quo efficaciter sequitur naturæ  
 eius deberi perpetuam durationem, & conservationem. Ita ut  
 nec possit ab aliquo agente naturali corrumpi, vel destrui post-  
 quam creata est, sed à solo Deo per annihilationem, & quidem  
 solum per potentiam absolutam, non ordinariam, quæ naturas  
 rerum, & ordinem, quem ex eis postulant, respicit. Quod non  
 tollit, quin sit ex propria natura immortalis. Secundò probatur  
 ex illo verbo Christi Matth. 10. *Nolite timere eos qui occidunt*  
*corpus, animam autem non possunt occidere.* Ex quo ita arguo,  
 Nulla datur virtus, aut potestas in omnibus ad corruppen-  
 dam animam, nec per corporis diuisionem, nec occisionem, nec per  
 applicationem alicuius agentis naturalis, vel alio quouis mo-  
 do; ergò ex propria natura incorruptibilis est. Probatum con-  
 sequentia, quia si naturaliter foret corruptibilis, posset aliquo  
 ex prædictis modis corrumpi. Quod etiam vrgeo ex definitio-  
 ne Concilij Lateranens. 3. sub Leone X. sess. 8. ubi duo decer-  
 nuntur de anima rationali eisdem verbis. Nempe per se, atque  
 essentialiter esse veram corporis formam, & immortalem: er-  
 gò decreuit Conciliū utrumque habere ex propria natu-  
 ra. Quod tandem confirmat communis consensus Sancto- 54  
 rum Patrum, imò, & fidelium omnium, qui perpetuam du-  
 rationem, & proinde immortalitatem debitam esse naturæ  
 eius intelligunt. Vnde colligo, non solum temerarium, sed  
 periculosum esse in Fide asserere, quod anima rationalis sua  
 natura mortalis sit, & ex sola gratia, aut voluntate Dei immor-  
 talis, vel duratura in perpetuum.

Secunda assertio, *non solum conuenit anima rationali immor- 55*  
*talitas ex propria natura, sed euidenti ratione probatur esse immor-*  
*talem.* Hanc etiam tenent recentiores quidam esse ita certam,  
 sicut præcedentem; ita ut negare, quod immortalitas demon-  
 stretur de anima temerarium, & in fide periculosum esse ve-  
 lint. Quod probant, quia si certum est, quod ex propria natura  
 conuenit ei esse immortalem, eodem modo erit certum, quod  
 ex principiis physicis possit euidenter demonstrari, aut quod  
 plus est esse ex terminis euidenter notum.

Nihilominus non puto esse ita certum, quod euidenti de-  
 monstratione probeatur, nec sententiam Scoti, Caiet., & aliorum

aliqua censura dignam existimo: sed solum esse minus probabilem, quia ferè omnes alij euidenter demonstrari censent, & id nobis videtur lōgè probabilius. Nam probabilius est vnum, vel alterum argument. ex his quæ afferuntur ad probandam immortalitatem eius esse demonstrationem. Illud autem ostendo, quia certissimum esse potest in communi, quod aliquid conueniat alicui ex propria natura, cuius demonstratio inuenta adhuc non sit à nobis, quia principia particularia per quæ demonstrandum est de eo, non sunt nobis euidentia: ergo licet videatur Ecclesiam definisse, quod immortalitas conueniat animæ ex propria natura, non est certum, nec necessarium, quod à nobis cognoscatur per euidentem demonstrationem, nec eo ipso definire censendum est, quod aliquot argument. ex his quæ adducuntur ad eam probandam vera sit demonstratio. Maiorem probo, exemplo Aristotelis in prædicamento Qualitatis de quadratura circuli, quam docet expressè demonstrabilem esse, modum tamen esse adinuentam demonstrationem, per quam probetur.

- 57 Ad probandam verò immortalitatem animæ innumera afferri solent argument. ex quibus duo, vel tria seligemus, quæ nobis videntur demonstrationes naturales, vel morales saltem à posteriori. Et prima sit, quam tetigit Aristo. diuersis locis superius citatis ex operatione intellectus sic formanda: Modus operandi rei sequitur modū essendi eius: ergo id quod habet operationem independentem omninò ab aliquo, habebit etiam esse independēs omninò ab eo: poteritque proinde sine illo esse, aut ab eo separari, sicut potest sine illo operari, sed anima rationalis habet operationem intelligendi independentem omninò à corpore, ergo habebit esse independens ab eodem corpore, & poterit separata ab eo consistere, quod est esse immortalem, & perpetuam ex propria natura. Probatur minor, quia euident est intellectum non esse potentiam organicam, nec intellectionem exerceri per organum corporeum, sicut visum censemus potentiam esse organicam, & visionem exerceri per oculos. Nam si
- 58 intellectus foret potentia organica, in aliqua parte corporis resideret, per quam exerceretur operatio eius, sicut residet visus, & omnes alij sensus, sed euidenter constat nullam talem dari partem in corpore, in qua resideat intellectus, & per quam operetur, potius quàm per alias: ergò non est in aliqua tanquam in organo, nec operatur per aliquam, sed in anima ipsa, tanquam in proximo subiecto, in quo recipitur eius operatio: ergo euident est non dependere à corpore, vel parte eius in operatione intelligendi, sed hanc esse propriam operationem animæ, & non coniuncti, vel non communem corpori sicut est visio.

Sed dices hac ratione solum probari, quod anima habeat operationem non dependentem à corpore tanquam ab organo, per quod exerceatur, non tamen omnino independentem à corpore, quia etiam si per organa corporis non exerceatur, dependet tamen à sensibus tanquam à ministrantibus ei species obiectorum, sine quibus constat intelligere non posse; ergo nec verum erit, quod possit operari sine corpore, aut quod non dependeat ab eo in sua operatione, & consequenter nec in suo esse; quare nec probabitur hac ratione, quod extincto corpore permaneat, vel immortalis sit. Nihilominus probata independentia à corpore tanquam ab organo, ut prædicta ratio evidenter probat, eo ipso probatum censetur evidenter, quod nec dependeat necessariò ab eo, aut à sensibus eius, tanquam à ministrantibus speciem, & obiectum. Nam licet secundum naturæ ordinem non possit recipere species, nisi ab intellectu agente mediis sensibus: evidens cum primis est posse ei species tribuere Deum immediatè: cum sit evidens posse Deum per se eas producere, non solum in intellectu, sed in eisdem sensibus. Deinde evidens est posse Deum suspendere operationes omnium sensuum, & consequenter intellectus agentis, & tribuere intellectui possibili concursus ad intelligendum per speciem, aut ab eisdem sensibus acceptam, & in memoria reservatam, aut à Deo solo impressam. Illud enim experimur fieri in raptu in quo anima, quasi vires suas in vnum colligit, easque applicat ad solam operationem intellectus, & voluntatis, nihil earum applicans ad operandum per sensus, & ideò tunc operatur intellectus absque vlla dependentiâ actuali à sensibus. Quod perfectò sufficit, ut evidens esse sentiamus dependentiam à sensibus, aut corpore in intelligendo non esse intrinsecam animæ; vel intellectui eius, quamvis sit naturalis, & ideò non repugnare, quin sine tali dependentia operetur, & cum evidens etiam sit non repugnare, quod alia via recipiat speciem, & non per sensus, ex utroque colligitur evidens esse, quod possit adhuc non dependere ab eis tanquam à ministrante speciem, vel obiectum.

Ex quo infero hanc rationem desumptam ex independentia animæ à corpore in intelligendo, non necessariò præsupponere ut evidens sit, quod anima dum est in corpore, naturaliter habeat aliquam intellectiōem omnino independentem à corpore, vel sensibus, ut putavit noster Valentia, 1. parte disput. 6. qu. 2. puncto 3. addens non esse evidentem; imò nec efficacem ad probandam immortalitatem animæ, nisi id præsupponat. Quod falsum puto, quia talem habere operationem, dum est in corpore, non solum non est constans apud omnes, sed ab om-

nibus interpretibus Aristotelis, tam recentioribus, quàm antiquis (paucis admodum exceptis) negatur; nec principiis Aristotelis consentaneum est, ut superius ostēdimus; ergo eo ipso, quod prædicta ratio id præsupponeret, demonstratio esse non posset; imò nec efficax argumentum ad probandum immortalitatem animæ rationalis.

64 Secunda ratio ad eam probandam sumitur ex intellectu ipso hoc modo. Intellectus est potentia purè spiritualis; ergo anima rationalis à qua emanat, purè etiam spiritualis est; sed entitas purè spiritualis non dependet à corpore: ergo anima rationalis habet esse spirituale independens omnino à corpore; quare sine corpore esse potest, & consequenter eo corrupto per mortem non corrumpetur. Antecedens primi enthymematis probatur, quia si intellectus esset potentia corporea, esset etiam organica, sed euidenti inductione constat omnem potentiam organicam esse limitatam ad obiectū sensibile, aut corporeum; ita ut nihil spirituale possit percipere, quia potentia debet habere obiectum sibi proportionatum, atque eiusdem ordinis, ultra quod non possit se extendere. Et non minùs euidens est, quod intellectus percipiat spiritualia, imò quod sit vniuersalis potentia habens pro obiecto vniuersalissimam rationem entis comprehendentem corpoream, atque spiritualement; ergo non potest esse potentia corporea, sed spiritualis.

65 Tertia ratio moralis est, & sumitur ex diuina prouidentia, nam effidens est in lumine naturali, sicut Deum fecisse hunc mundum, ita illum regere sua prouidentia infinita, sed euidens est etiam ad prouidentiam summi rectoris pertinere malos punire, & præmio afficere bonos; ergo euidens est hoc pertinere ad diuinam prouidentiam. Nec minùs est euidens, quod non fiat in vitâ præsentī, in qua potius videmus bonos, & studiosos multa pati, & à malis innumeris affici iniuriis; hos verò prosperam vitam deliciisq̃ affluentem degere: ergo vel necesse est fateri, quod diuina prouidentia in multis deficiat, imò quod Deus ipse planè iniustus sit, non tribuens unicuique præmium iuxta propria merita, quod lumini naturali contrarium est, vel aliam vitam concedere post mortem corporum, in qua permanentes animæ iustorum condigna meritorum præmia recipiant; iniquorum verò debitas suis sceleribus pœnas luant, & ex consequenti immortales esse omnes.

66 Et ratio hæc tanti ponderis fuit apud Sanctos Patres, præsertim apud D. Chrysostom. homil. 4. de prouidentia, ut asseruerit meridiana luce euidentiorem esse ad conuincendam immortalitatem animæ rationalis, & D. Clemens Petri Apostoli discipulus. 3. lib. Recognitionum testatur se eam sub forma huius

huius breuissimi enthymematis ex ore eius accepisse. Si Deus iustus est, ergo anima rationalis immortalis est.

Q V Æ S T I O V.

*Quidnam sentiendum sit de immortalitate anima rationalis, secundum Fidem Catholicam.*

**P**RÆter philosophos illos superius citatos qui animam rationalem mortalem esse, & cum corpore interire senserunt, non defuerunt hæretici immortalitatem eius negantes; quos referunt D. Aug. lib. de hæresibus. 83. D. Isidor. lib. 8. enthym. c. 5. Castro lib. 2. aduersus hæreses, verbo anima, hæres. 7. quorum mentio quoque fit 24. quest. 3. cap. Quidam. Quibus fauere in primis videntur Scripturæ testimonia, quæ sequuntur, & si quæ sunt eiusdem tenoris alia: Primum habetur Ecclesiastici. 3. hisce verbis: *Dixi in corde meo de filiis hominum, ut probaret eos Deus, & ostenderet similes esse bestiis: idcirco unus interitus est hominis, & iumentorum, & aqua utriusque conditio; sicut moritur homo, sic & illa moriuntur: similiter spirant omnia, & nihil habet homo iumento amplius*, Et Sapientiæ 2. *Ex nihilo nati sumus, & post hoc erimus tanquam non fuerimus*. Et Iob 14. *Omnis spes homini praciditur resurgendi*. Facit secundo, quod de Angelis videntur sentire plures ex Sanctis Patribus natura quidem mortales, atque corruptibiles esse, sola autem gratia, ac voluntate Dei duraturos in perpetuum. Ita enim loquuntur Hieron. lib. 2. contra Pelag. Bern. lib. 5 de confid. & Damascen. 2. lib. Orthodoxæ fidei, cap. 3. quod etiam scribitur in Epist. Sophronij recitata in 6. Synodo actione 11. & recepta ab eadem Synodo actione 13. ex quibus tale argument. defumitur, perfectiores longè sunt Angeli anima rationali, sed illi sunt natura mortales, atque corruptibiles ex mente horum Patrum: ergo multò magis erit corruptibilis; atque mortalis anima. Probatur consequentia, quia incorruptibilitas, atque immortalitas ad perfectionem spectat.

Nihilominus certissima fide tenendum est animam rationalem 69  
immortalem esse: & tanquam fidei proximum id habere non ex gratia, aut sola Dei voluntate, sed ex natura. Quam probare possemus innumeris penè testimoniis Sacre paginæ ex quibus pauca hæc, ut expressiora sufficiant, Ecclesiastes 12. *Ibit homo in domum æternitatis suæ*. Et post pauca. *Reuertatur pulvis in terram suam, unde erat, & spiritus redeat ad Deum; qui dedit illum, & in libr. Sapientiæ à capit. 2. vsque ad 5. clarissimè dicitur animas cum corporibus non interire, siue piorum, vel impiorum hominum sint. 2. etiam Machabæor. libr. cap. 12. in sacrificium mittuntur pecuniæ Hierosolymam pro animabus defunctorum à pœnis exolucendis. Idem probant ea, quæ de 70  
diuite*

diuite illo dicuntur, qui horrea amplificanda decernebat Lucæ 52. cui dictum est: *Stulte hac nocte repetent animam tuam, &c.* Atque etiam quæ latroni in cruce pendenti, statimque morituro promisit Christus dicens, *Hodie mecum eris in Paradiso*, & tandem quod Matthæi 10. protulit. *Nolite timere eos qui occidunt corpus, animam autem non possunt occidere, sed eum timere, qui potest animam, & corpus in gehennam perdere*, ex quibus, ac præsertim ex hoc ultimo statuit Ecclesia in Concil. Latetan. 3. sub Leone X. sess. 8. immortalitatem animæ firma fide tenendam esse, & omnes qui eam negantur tanquam hæreticos damnandos hisce verbis: *Damnamus, & reprobamus omnes asserentes animam intellectiuam mortalem esse, & hoc in dubium vertentes: cum illa non solum verè, per se, & essentialiter humani corporis forma existat: verum, & immortalis, quod manifestè constat ex Evangelio.*

- 71 Quibus etiam id ex natura sua habere expressè ferè decernit, quia continuis verbis utrumque docet sua natura habere; nempe quod sit forma corporis, & quod sit immortalis, quamvis à quibusdam sic exponatur: ut primum tantum ex natura habere decernat; immortalitatem verò absolute, & sine hoc addito: sed minùs bona expositio est, ut verba ipsa consideranti faciliè constabit. Propterea diximus immortalitatem animæ ad diuinam fidem pertinere: quod verò eam habeat ex propria natura, fidei proximum esse, & consequenter id negare periculosum in fide. Eandem veritatè decernit Ecclesia in Concilio Viennensi, & refertur in Clement. 2. de Summa
- 72 Trinitat. & Fide Catholic. §. porro. *Quam efficaciter confirmat cõmunis consensus Sanctorum Patrum. Ex quibus nullus unquam de immortalitate animæ dubitauit, quamvis de eius origine, aut productionis modo diuersa ratione sint locuti, ut de D. August. superius adnotauimus, qui tamen immortalitatem eius omnibus esse notissimam his verbis docuit Epistol. 3. ad Volusianum. Quis nunc est extremus idiosæ, vel quæ muliercula, quæ immortalitatem animæ non credat? Vitamq; post mortem futuram.*

- 73 Primum verò testimonium in contrarium adductum, ex persona impij prolatum esse docent omnes fetè eius interpretes, præsertim D. Greg. 4. Dialog. cap. 4. & D. Thom. 1. p. qu. 75. art. 6. ad primũ: Et pariter verba secundi testimonij, ut insinuat sacer ipse textus in eiusdem cap. initio illis verbis. *Dixerunt impij cogitantes apud se non rectè, &c.* quod ibidem adnotauit D. Thom. addens posse etiã hæc testimonia intelligi de homine quantum ad corpus pertineat, quod sequentibus verbis significatur: *De terra facta sunt, & in terram pariter reuertuntur, &c.*

Testimonium verò ex lib. Iob. Naturali modo, & ordine intelligi debet, aut per naturales vires eiusdem hominis natura-

liuæ

sumve causarum, hoc enim modo impossibilis reputatur resurrectio hominis, & consequenter omnis spes hoc modo resurgendi sublata. In hoc sensu intelligi debere assero, quia resurrectionem hominis futuram per diuinam virtutem clarissimis verbis confitetur. cap. 19.

Ad aliud verò de Angelis respondeo perfectiores quidem esse animabus, & sua natura incorruptibiles, atque immortales, eorum verò immortalitatem, nec adeò clarè constare in sacra pagina, nec esse hucusque ab Ecclesia definitam, sicut constat esse definitam de anima. Et propterea ad idem non pertinet, sicut pertinet immortalitas animæ. Cuius ea est ratio, quia omninò necessarium fuit, ut nobis certò constaret immortalitas animæ nostræ ad vitam nostram morésque componendos: & propterea quia huic veritati innituntur plura nostra fidei mysteria, ea præferim quæ ad Christi humanitatem pertineant. Quod verò Angeli sint immortales, atque incorruptibiles, vel non minùs est nobis necessarium, minùsque proinde refert id certò cognoscere; quare nec fuit necessarium id expressè reuelari in Scriptura.

Quod verò sententiam illam Sophronij non receperit Concilium, quantum ad modum corruptilitatis Angelorum, quia nihil ad intentum eius imaginum venerandarum referebat, superius ostendimus; quare nec probari ex ea potest aliquid statuisse Concilium de Angelorum immortalitate, aut incorruptibilitate; nec aliquid etiam potest deduci aduersus immortalitatem animæ rationalis à nobis probatam.

## Q V Æ S T I O VI.

*An status separationis à corpore sit naturalis anima rationalis.*

**P**Ræsupposita immortalitate animæ rationalis à nobis probata, necesse est, duplicem statum ei concedere; primum quidem in corpore ipsum informando; postremum à corpore separatæ per mortem. Querimus ergò, an status iste separationis à corpore sit eis naturalis, vel contra eius naturam; & idem violentus, sicut status lapidis in aëre, vel saltem sit præter eius naturam, ut motus circularis ignis, quo mouetur ad motum primi cœli.

Quod ut meliùs intelligatur adnotare oportet tribus modis accipi naturale. Primò vniuersalissima ratione, prout supernaturali opponitur. Secundò accipitur pro omni eo, quod non est contra naturam, vel naturalem inclinationem rei, & conuenit illi ratione alicuius causæ naturalis, ut motus circularis ignis dicitur etiam in hac acceptione naturalis. Et tandem naturale significat illud tantum, quod violento opponitur, quo pacto



paçto significat ea omnia, quæ sunt secundum inclinationem vel appetitum alicuius, vt motus lapidis deorsum, & aëris sursum. Quærimus ergò, an animam esse separatam à corpore, & sine illo consistere, sit aliquo ex his modis naturale.

- 77 Et prima opinio tenet, nullo modo esse naturalem animæ hunc statum, sed omninò contra naturam, & proinde violentum. Ita Ferrar. 1. lib. contra gent. cap. 83. circa 4. rationem, & cap. etiam 94. Probatur testimonio D. Thom. & ratione, nam D. Thom. 4. contra gent. cap. 89. ratione 3. & 1. par. quæst. 118. artic. 3. in corpore, expressis verbis asserit contra naturam animæ esse, quod sit separata à corpore: censer ergò talem statum esse ei violentum. Quod sic probò 1. violentum est illud, quod est contra naturalem inclinationem, & appetitum rei, sed animam esse separatam à corpore est còtra naturalem inclinationem, & appetitum, quem habet informandi corpus, & componendi cum eo totum: ergo status separationis à corpore est ei violentus. Secundò contra naturam rei est priuari perfectione sibi naturaliter debita, sed per separationem à corpore priuatur anima perfectionibus sibi debitis: nempe communicare se corpori, & in eo esse principium vegetandi, sentiendi, intelligendi, & quæ maximâ perfectionem eius important, & quibus carere in statu separationis manifestum est: ergò status ille violentus erit ei.

- 78 Secunda opinio negat statum separationis esse naturalem, negat etiam esse violentum, & asserit esse præter naturâ animæ eo modo, quo motus circularis ignis, quo mouetur raptus ab orbe Lunæ, nec naturalis, nec violentus censetur, sed præter naturam vocatur: quia nec habet inclinationem ad talem motum nec repugnantiam naturalem. Ita sentiunt Henri. quodlib. 7. q. 13. Caiet. 1. p. q. 89. art. 1. & Conim. ad siné 3. l. de anima, tract. de anima separata. d. 2. q. 2. art. 2. & ex recentioribus non pauci.

Et quidem quod non sit naturalis animæ status separationis, efficaciter satis probatum est argumentis primæ opinio-

- 79 nis, quibus hoc addunt: Naturale esse alicui rei id quod natura eius appetit, vel in quod inclinatur, vt est naturalis terræ motus deorsum, & est naturalis materiæ coniungi formæ, vel eam recipere; sed anima rationalis nec appetit esse separatâ à corpore, nec in talem separationem inclinatur: ergò non est ei naturalis. Minorem probant, quia separari à corpore est malum ipsius corporis; imò, & còpositi, cum illud amittat per separationem esse vitale, & humanum, quod recipiebat ab anima, & compositum desinat esse: ergò nec potest anima appetere separationem à corpore, aut in eam inclinari, nec potest esse consentanea naturæ eius.

- Quod

Quod verò status separationis non sit violentus animæ probant duplici argum. 1. quia si status iste violentus esset animæ, sequeretur naturale ei fore post separationem iterum vniri corpori: quemadmodum, quia lapidi violentum est detineri in loco superiori, naturale est ei sic detento moueri deorsum; sed anima separata iterum vniri corpori est corpus ipsum mortuum, & hominem iam per mortem extinctum resurgere: ergò resurrectio mortui hominis esset naturalis, quod est plusquam falsum; pluræque absurda continens. Secundò de ratione violenti est, quod sit à principio extrinseco, sed separatio animæ à corpore sæpe fit absque extrinseco agente contrario: cum constet mortem contingere, sine dolore aliquo, & sine contrario per solam consumptionem humidi, & ita naturalis omnino iudicetur: ergò separatio animæ à corpore non est violenta, & ex consequenti, nec erit violentum, quod separata à corpore sit, ac permaneat: Relinquitur ergò status separationis esse præter naturam animæ, hoc est nec naturæ eius consentaneum, nec contra principia, vel inclinationem eius, sed aliunde proueniens quasi per accidens, videlicet ex corruptibilitate corporis; nam si anima informaret corpus incorruptibile, sicut forma cæli, non foret separabilis à corpore, sed constitueret hominem incorruptibilem sua natura, atque perpetuum.

Nostra sententia utrique contraria est, & duabus assertionibus explicatur. Prior est, *status separationis* à corpore, nec violentus est, nec præter naturam, sed simpliciter naturalis animæ rationali. Et quod violentus non sit efficaciter probatum est rationibus secundæ opinionis contra primam; Ad probandum verò, quod non sit præter naturam animæ, sed simpliciter ei naturalis contra secundam.

Præsuppono tria principia certissima. Primum, quod anima sit ex propria natura immortalis, & perpetua. Secundum quod sit vera forma corporis humani ex propria natura corruptibilis. Tertium, quod ex propria natura informet corpus modo amissibili, seu dissolubili, sicut cæteræ formæ inferiores, & non modo inadmissibili, sicut formæ cælorum. Vnde prouenit, quod modo, & nodo dissolubili vniatur corpori, & ideò cum eo constituat compositum sua natura corruptibile; formæ verò cælorum vniuntur materiæ modo, & nodo sua natura indissolubili, & ex tali vnione resultat compositum sua natura incorruptibile.

Ex his tribus principiis tria desumo argum. satis efficacia ad probandam priorem assertionem, quod status separationis simpliciter sit naturalis animæ: & ex primo ita arguo, Anima rationalis sua natura est immortalis, & perpetua: ergò naturaliter est ei debita perpetua conseruatio in proprio esse, sed non potest

potest naturaliter conseruari proprium eius esse in corpore: ergò debita est naturaliter conseruatio corrupto corpore; sed conseruari corrupto corpore est conseruari separata ab eo; ergò naturaliter debita est ei à corpore separata conseruatio in proprio esse; quod est statum separationis à corpore esse ei naturalem. Secunda ratio ex secundo principio sic formanda est; Anima rationalis sua natura est forma corporis corruptibilis, & aliquando corrumpendi; ergò vnitur ei per modum vnionis naturaliter dissolubilem, & aliquando naturaliter dissoluendum. Probatur consequentia; quia corruptio corporis, quamuis non sit per se primò intenta natura, est tamen intenta per se secundò (vt 1. lib. de gener. ostendimus) & ideò est simpliciter naturalis; ergò naturale est, quod corpus separetur ab anima, & ex consequenti naturale est, quod anima permaneat sine corpore. Quod est naturalem ei esse statum separationis à corpore. Tertia ratio sumitur ex tertio principio hoc modo; Anima rationalis nata est informare corpus amissibiliter, sicut ceteræ formæ sublunares: ergò naturaliter potest eam amittere corpus, & consequenter naturaliter ipsa potest sine corpore permanere præsupposita immortalitate, & incorruptibilitate eius, etiam sibi naturali.

85 Assertio posterior, *statum separationis non est naturalis anima rationali ex inclinatione, & appetitu sicut statum informationis: sed naturali consecutione ex inclinatione, & appetitu ad informandum corpus consequitur: quare nec est naturalis ei modo ita perfectò, ac statum informationis; sed ita ut statum informationis sit quasi per se primò ei naturalis, statum verò separationis quasi per se secundò, & ex consequenti.* Quam priùs sic declarare oportet. Cum essentia animæ rationalis sit esse formam humani corporis, & aptam componere cum eo hominem, per se primò inclinatur ad informandum, & componendum, ac propterea statum informationis postulat per se primò ei naturalem, sed quia eadem informatio non est cuiusunque corporis, sed per se corruptibilis, & naturaliter corrumpendi, sequitur quod possit naturaliter amittere statum informandi, & sine illo esse naturali eius immortalitate, & perpetuitate præsupposita, & ideò statum separationis à corpore esse ei naturalem, licet non per se primò & ex inclinatione: sed per se secundò; atque ex naturali consecutione: & ideò simpliciter naturalem, nisi fortè velis quasi per se secundò, & ex consequenti in eum inclinari, cumque appetere, quod nō videtur, sine fundamento dici posse.

86 Sic igitur explicatam assertionem probo hac ratione. Anima rationalis sua natura immortalis est, & perpetua: ergò debetur ei naturaliter perpetua conseruatio in proprio esse: sed conseruatio

conseruatio perpetua includit vtrumque statum: ergò vterque est ei naturalis. Minorem sic probo, anima rationalis non potest naturaliter habere conseruationem perpetuam in corpore, cū modo amissibili illud informet, & modo vnionis naturalis dissolubili, & aliquando dissoluendo ei vniatur: ergò naturale est ei, quod possit etiam conseruari, sine corpore, alioqui nō erit ei naturalis conseruatio perpetua, quam proinde necesse est vtrumque statum naturaliter comprehendere, & vtrumque esse ei naturalem suo modo, & ordine explicato. Secundò, anima rationalis habet esse sua natura perpetuum, & independens à corpore, etiam in sua operatione propria: ergò ex natura talis esse est, quod dissoluto corpore in eo permaneat, quod est statum sine corpore, vel separationis ab eo esse ei naturalem.

87

Vtramque assertionem nostræ sententiæ tenuerunt Auicenna, vt citat Caiet. 1. par. quæst. 89. art. 1. Seneca epistola 102. ad Lucillum, & ex recentioribus plures, & absque dubio D. Th. 12. q. 5. art. 1. ad 2. vbi docet expressè, quod sicut anima in statu præsentis vitæ habet modum intelligendi per conuerſionem ad phantasmata; ita post huius vitæ itatum habet alium modum intelligendi sibi connaturalem. Ex quo ita arguo modus operandi sequitur modum essendi: sed anima separata habet modum operandi sibi connaturalē: ergò habet etiam ex mente D. Tho. per locum ab intrinseco modum essendi sibi connaturalem, quod est statum illum separationis esse ei connaturalem.

88

Pro solutione argum. duo sunt adnotanda: Primum est dupliciter aliquid esse naturale alicui, videlicet ex naturali perfectione, & ex naturali imperfectione; vt ex naturali perfectione conuenit homini esse perfectissimam speciem sui generis; ex imperfectione verò, quod sit corruptibilis, & illud naturale est ei ex parte formæ, à qua habet speciem animalis perfectissimā, hoc verò est ei naturale ex parte corporis, aut materiæ naturaliter respicientis non solam animam, sed quamlibet aliam sublatam formā, quā etiam naturaliter appetit, & ex tali appetitu naturali prouenit, vt & naturaliter possit eas habere, & ex consequenti naturaliter appetat dispositiones eis conuenientes, & cum dispositiones vnius naturaliter sint impossibiles cum dispositionibus alterius, fit vt expelli ab eis possint, & consequenter possit naturaliter expelli forma, vel anima, & naturaliter aliquando expellatur, sicut aliquando naturaliter expelluntur dispositiones, quia sine illis non potest naturaliter conseruari in materia, vel corpore: & tandem cum per expulsionem formæ substantialis corrumpatur subiectum, sequitur naturaliter corruptio subiecti, & eadem corruptio est naturalis.

Ex hoc infero secundum, quod adnotari debet, videlicet 89

D d d

corruptionem hominis, aut cuiusvis alterius compositi naturalis factam à causis naturalibus esse naturalem ex naturali imperfectione eius. Quod asserui, & probavi 1. lib. de gener. ubi docui, quod licet corruptio non sit naturalis ex primaria intentione nature quæ non intendit per se primò corruptionem rei sed potius generationem, aut conseruationem eius: sed quia non potest vnum generare, & aliquando nec illud conseruare, sine corruptione alterius, per se secundò, & quasi ex naturali consecutione intendit illud corrumpere. Et hinc est, quod sicut generatio est naturalis ex primaria intentione nature, ita corruptio sit naturalis ex secundaria intentione, & vtrūque sit per se naturalis in suo gradu. Quare miror perfectò Patres Conimbricenses egregiè versatos in doctrina Aristotelis asserere, quod corruptio, vel mors eueniens per causas naturales violenta sit, & non naturalis, & hinc deducentes violentum esse, & non naturale, quod anima rationis permaneat in suo esse, sine corpore: cuius contrarium probatum est à nobis efficaciter ex eo, quod corruptio, & mors naturales sint.

91 Et ecce sensum, quem tenuit D. Thom. asserens statum separationis anime à corpore contra naturam eius esse, aut etiam præter naturam, voluit enim nihil aliud, quàm quod non sit ex inclinatione, & appetitu eius ad informandum corpus ordinatus, quod est non esse naturalem per se primò, aut directè, seu ex primaria intentione nature, sed ex secundaria, & quasi consequente, & indirectè, at per se secundò, nihilominus simpliciter naturalem. Quamvis possit vocari violentus, aut intentionem nature respectu intentionis primariæ, quo etiam modo loquendi vti solemus.

92 Ad primum verò argum. prioris sententiæ concessa maiori, neganda est minor, quod status separationis sit contra naturalem inclinationem anime, & appetitum informandi corpus. Nā licet primo aspectu videantur contraria informare corpus, & separari ab eo, si tamen modum informandi in tali inclinatione, & appetitu inclusum consideremus, inueniemus contraria non esse, quin potius ex eadem inclinatione, & appetitu tali modo informandi deduci per naturalem consecutionem naturaliter absolui posse animam ab informando corpore, & aliquando fore naturaliter absoluendam, ita vt sine illo permaneat in proprio esse, quare eadem ratio, quæ probat naturalem esse anime statum informandi corpus ex inclinatione, & appetitu, quod est esse naturalem per se primò, consequenter probat statum separationis esse etiam naturalem per se secundò.

93 Ad secundū concessa maiori, quod violentū sit priuari perfectionibus sibi debitis, neganda est minor, quod anima in statu separata

pararationis priuata sit aliqua perfectione sibi debita, quia licet nõ informent corpus, nõ sit actuale principiũ potentiariũ, & operationũ, non sunt ei amplius hæc naturaliter debita postquam ea amisit, quia informatio corporis non debetur naturaliter animæ, nisi præsupposita in eo vltima dispositione naturali, non enim habet anima inclinationem, vel appetitum informandi corpus nisi cum ordine ad dispositiones conuenientes introductioni, & cõseruationi eius in eodem corpore; sed anima semel à corpore separata, nec possunt naturaliter induci in eo conuenientes dispositiones, nec est agens in natura, quod possit attingere vnionem eius cum corpore: ergò in tali statu permanens non debetur ei naturaliter informatio, & consequenter nec debentur cætera quæ non potest habere in eo, nisi informatione supposita; quare nec censetur eis priuari, quia priuatio non est nisi rei debitæ & consequenter, nec violenter in eodem statu permanere.

Ad primum argumentũ secundæ opinionis concessio anteceden- 94  
ti, quod separatio animæ à corpore cedat in malum compositi distinguendum est consequens, quod non sit ex intentione naturæ, quia licet natura non intendat per se primo malũ compositi præcedentis, hoc est, non esse eius, intendit tamen per se secundò, in quantum naturaliter sequitur ex noua generatione alterius per se primò intentæ; quare separatio animæ à corpore secundariò intrinseca à natura, quasi per se secundò est naturalis, & hoc modo dicimus esse naturalem statũ separationis animæ, quamuis cedat separatio ipsa in malum compositi.

Ad secundum negandum est antecedens, quod ex separatio- 95  
ne nihil boni proueniat animæ, prouenit namque illi habere modum essendi, & operandi substantiis completis spiritualibus similem, sibi que connaturalem, quia intra ambitum naturalem perfectissimæ, atque immortalis formæ (qualis est anima) uterque status informationis, & separationis cõprehenditur. Quod verò additur separationem animæ, vel mortem hominis esse violentam, & non naturalem, negandum est, quia licet proueniat ex imperfectione materiæ, naturali tamen, & per naturales causas, ideò naturalis simpliciter vocatur, quod ex communi modo loquendi sit manifestum: nam dum quispiam moritur, dicimus naturæ debitum soluisse.

## Q V Æ S T I O VII.

*An anima separata habeat appetitum naturalem informandi corpus.*

S Corus in 4. dist. 43. q. 3. art. 3. Ferrar. 2. contra gent. cap. 60. 96  
Bañez 1. p. q. 76. art. 1. dub. 5. denegant animæ separatæ appetitum naturalem informandi corpus, probantque, quia si ani-

ma separata haberet naturalem appetitum ad informandum iterum corpus, debita esset ei reunio, quia appetitus naturalis non versatur, nisi circa rem naturaliter debitam appetenti: sed reunio non est ei naturaliter debita; ergo non haberet appetitum ad illam. Probatut minor, quia quidquid est debitum naturaliter alicui, potest ab eo naturaliter haberi, hoc est, per media naturalia: sed constat nullum esse naturale medium, per quod iterum possit anima separata vniri corpori: ergo non habet appetitum ad talem reunionem.

Secundò potest vrgentiùs probari hoc modo: Appetitus naturalis respectu cuiuscumque termini, vel actus naturaliter expleri potest, alioqui erit frustra, sicut potentiam naturalem dicimus frustra poni, quæ non potest naturaliter reduci ad actum, quod ratio ipsa naturalis appetitus, aut potentie postulat; nam certum est, quod omnis potentia passiva naturalis postulat actiuam naturalem, à qua reducatut in actum: & ideo naturaliter reduci potest: ergo aptitudo ad informandum, quam nomine appetitus intelligunt, si naturalis est, intrinsecù dicit ordinem ad agens naturale, per cuius virtutem actiuam naturalem expleatur, sed non datur in tota natura agens, cuius virtute actiua possit anima separata iterum vniri corpori, ipsumque informare: ergo nec in anima ipsa potest poni talis appetitus naturalis ad informandum corpus, alioqui frustra omninò erit, eum non possit per totam vim nature expleri.

97 Pro altera verò parte, quod illud habeat, extant D. August. 12. lib. de Genesi ad literam cap. 33. & D. Thom. 1. part. quæst. 75. art. 1. ad 6. expressè asserentes *permanere in anima separata appetitum naturalem, ut vniantur corpori*. Et videtur mihi probabilius, & tenendum.

Quod vt ostendamus explicare oportet, quidnam sit in anima appetitus iste informandi corpus, & quodammodo distinguatur ab ea. Quod intelligetur considerata anima in primo illo instanti, quo creatur à Deo, in quo non inuenimus in ea præter incompletam, aut partialem entitatem eius, nisi formalem capacitatem, seu aptitudinem informandi corpus, non quidem re distinctà ab eadem eius entitate, quia euident est non esse formaliter eapacem, seu aptam informandi corpus, per aliquod accidens superadditum entitati propriæ, sed per eandem ipsam entitatem propriam, quia actus informandi non est actio aliqua ad quam eliciendam, aut exercendam indigeat forma aliquo accidente superaddito, sicut indiget, vt sit principium actiuum aliorum actuum: sed est formam præbere seipsam, propriamque entitatem materiæ, quam ei præbendo dicitur actuare, & informare, nec se præbere actu materiæ est agere

agere in ipsam, quamvis non possit forma se præbere ei, nisi media actione agentis: ex quo plane intelligitur, quod sicut anima non informat actu corpus per accidens aliquod: sed per propriam entitatem; ita non sit formaliter capax, aut apta informandi per aliquod accidens sibi superadditum: sed per propriam entitatem, vel substantiam; quare capacitas seu aptitudo informandi non est aliquid distinctum ex natura rei ab eius entitate, vel substantia: sed sola ratione, & cum nihil aliud reperiatur in forma præter eius entitatem, in quo possit appetitus informandi consistere, nisi capacitas hæc, seu formalis aptitudo, hæc absque dubio, & non aliud est appetitus ipse. Quod ex similitudine materiæ explicari amplius potest, in qua non est aliud appetitus naturalis recipiendi distinctum ex natura rei ab entitate ipsius materiæ: sed sola ratione.

Ex quibus duo argumenta satis efficacia desumo ad probandum appetitum informandi permanere in anima separata. Primum tale est: Appetitus informandi non distinguitur ex natura rei ab ipsa forma: ergo non est separabilis ab ea, repugnat ergo permanere animam in statu separationis, quin habeat talem appetitum. Secundum, Appetitus informandi in anima non est aliud, quam formalis aptitudo, aut capacitas informandi, sicut in materia non est aliud appetitus ad formam, quam capacitas, seu aptitudo recipiendi eam in se: sed anima in statu separationis non est minus ex se apta informandi corpus, quam erat in instanti suæ creationis: ergo nec minus appetit appetitu naturali informare, quam appetebat prius, sicut materia amissa una forma non minus eam appetit, quam prius.

Ad argum. verò eiusdem sententiæ distinguenda est maior, quod si anima separata habet appetitum, debita sit ei informatio. Nam duplex excogitare possumus debitum; vnum quasi commune, & remotum; & idè valdè improprium, quo pacto dicimus materiæ secundum se consideratæ debitam esse informationem, rei receptionem formæ, quia potentiæ naturali aliquo modo debetur naturalis actus. Aliud est debitum determinatum, atque distinctum, & idè proprium, & proximum, & hoc est, tale simpliciter. Concedenda est igitur maior de debito priori, quod non est aliud, ac dicere animæ secundum se consideratæ debitam esse informationem, & unionem cum corpore, sicut cuilibet alteri formæ, quia informatio debetur informatio secundum hanc rationem communem, & quasi remotam. De debito verò posteriori neganda, quia quousque dispositum sit sufficienter corpus, non debetur determinata, & propria informatio animæ, nisi remota quondam ratione: & talis



debitum sufficiens non est, vt dicatur propriè, ac proximè priuata forma proprio actu informandi, & consequenter nec sufficiens, vt naturaliter possit eam consequi, quia requiruntur dispositiones in corpore, quas nullum agens naturale potest inducere, & ideo nec anima naturaliter reuniri corpori.

102 Ad secundum argumentum respondeo appetitum animæ ad informandum corpus secundum se consideratum ordinem naturalem habere ad agens naturale, per cuius virtutem, & actionem expleri possit; & talem habuit ordinem in primo instanti creationis animæ, in quo naturaliter expletum est per primam informationem, & vnionem eius cum corpore, quam sua actione attingit naturale agens generantis hominem, satis est autem semel habuisse talem ordinem, & per talem actionem naturalem semel fuisse expletum, & non requiritur in quacumque alia dispositione iterum expleri debere, vel respicere naturale agens. Quod exemplo materiæ primæ appetentis eandem animam, vel formam semel amissam, licet non possit naturaliter eam iterum habere, facile intelligi potest. Et hæc de appetitu naturali animæ separatæ ad reunionem.

103 Sed quid dicendum de appetitu elicitu (per quem nihil aliud intelligimus, quam actum voluntatis, quo anima appetit, aut desiderat aliquid, & eum vocamus appetitum elicitum, quia est actus elicitus à voluntate) an talem appetitum elicitum informandi corpus habeat anima separata, vel non? Respondeo appetitum elicitum efficacem reunionis ex naturali cognitione non habere, quia cognoscit non esse naturaliter possibilem, impossibile verò vt tale non potest sic appetere voluntas. Appetitu verò supernaturali efficaci ex visione beatifica proueniens appetunt absque dubio beatorum animæ reunionem ad corpus, & appetitu intensissimo, vt apertè significatur, Apocalypsi 6. capite.

### Q V Æ S T I O VIII.

*Quanam potentia, qui habitus, quæ species, & quanam modi cognoscendi sint in anima separata.*

104 **V**T certa separemus à dubiis: Dicendum est primo, nullam potentiam organicam, aut corpoream permanere in anima rationali separata à corpore. Ita sentiunt omnes. Et ratio eius manifesta est, quia omnes istæ potentie sunt communes animæ, & corpori, hoc est, sunt in coniuncto ex anima, & corpore, aut aliqua eius parte composito, tanquam in proprio subiecto, vel organo: ergò dissoluta vnione animæ, & corporis definit esse coniunctum illud, & ex consequenti potentia, quæ ei vt subiecto inhærebat, in anima separata.

Secundò

Secundò certum est *permanere in anima separata omnes poten- 105*  
*tias spirituales*, ut sunt intellectus agens, & possibilis, atque etiam  
*potentiam motiuam anima*, per quam separata potest se mouere.  
 Et huius ratio est, quia omnes istæ potentia sunt in anima,  
 tanquam in subiecto proximo, & adæquato, & nulla earum  
 est organica, vel corporea, nec proinde respicit coniunctum  
 ex anima, & corpore totale, vel partiale; ergò à sola anima  
 dependent, cuius accidentia sunt, non à corpore, nec à con-  
 iuncto; quare licet dissoluatur vnio animæ cum corpore, &  
 coniunctum pereat, non possunt ipsæ perire: sed necesse est  
 in anima separata permanente permanere.

Et si dicatur intellectum agentem non posse permanere, 106  
 quia cessat omninò operatio eius abstrahendi species à phan-  
 tasmatis. Respondent quidam intellectum agentem præter  
 officium abstrahendi species habere aliud illustrandi intelle-  
 ctum possibilem suo lumine spirituali, quo disponitur, ut possit  
 recipere species, atque eis uti, & cum utatur speciebus acceptis  
 ab intellectu agente, etiam in anima separata, adhuc ad talem  
 vsum indiget noua illustratione, pro qua efficienda permanere  
 potest intellectus agens. Sic videtur loqui Aegid. quodlib. 2. q.  
 22. & 24. Caiet. 3. p. q. 13. art. 4. Ferrar. 3. lib. contra gent. cap. 4.  
 Bannez 1. p. q. 79. art. 3. Abulens. in cap. 21. Matthæi. q. 579. ad 9.  
 Sed hæc sententia videtur nobis falsa propter duo; Primum, 107  
 quia illustratio hæc intellectus possibilis ab agente alia debet  
 esse actio eius à productione speciei: cum eam habeat in ani-  
 ma separata, non producendo speciem: ergò habet alium ter-  
 minum realiter distinctum à specie, qui sit spirituale lumen  
 productum ab eodem intellectu agente in possibilem. Quid  
 autem hoc lumen sit, non est intelligibile, cum non sit species,  
 nec habitus, nec potentia, nec alia qualitas. Postremum, quia 108  
 nec sensus externi, neque interni indigent illustratione aliqua,  
 nec dispositione ad recipiendas species ab obiecto, vel ab alio  
 sensu, & multò minùs ad vsum earum postquam eas recepe-  
 runt, sed per se ipsos sunt sufficienter dispositi ad earum rece-  
 ptionem, & per receptionem ad vsum, sed intellectus est longè  
 perfectior potentia: ergò non indiget illustratione aliqua ad  
 recipiendas species; & multò minùs ad vsum earum: & ideò  
 sine fundamento ponitur talis illustratio; quare propter eam  
 non potest permanere intellectus agens in anima separata. Res-  
 pondeo igitur intellectum agentem necessariò ponendum esse  
 in anima ab eius creatione, & vnione cum corpore ad abstra-  
 hendum species à phantasmatis, sine quibus non posset na-  
 turaliter intelligere in corpore: qua necessitate supposita iam  
 pertinet ad integritatem accidentalem animæ, atque etiam ad

ornatum eius, & hoc sufficit, vt permaneat in anima separata, quamuis aliud officium, vel actum in ea non habeat. Quod possumus probare exemplo earum virtutum, quæ ponuntur in appetitu sensitivo, vt temperantiæ, & castitatisimo, & virtutis pœnitentiæ: quas permanere in beatis concedimus post resurrectionem corporum ad animæ & corporis ornatum, licet actibus quos habuerunt in via (deficiente materia) careant.

- 209 Tertiò dicimus *permanere in anima separata omnes species intelligibiles, omnes habitus scientiarum, & virtutum, quas habuit in statu corporis, atque etiam usus specierum omnium.* Ita D. Tho. 1.p.qu.89.art.5.& 6.& 12.qu.53.art.1.& 2.& omnes eius interpretes. Et ratione probatur, quia species omnes acquisitæ in corpore permanent in memoria intellectiua animæ: quæ cum sit intellectus ipse, necesse est eas quoque permanere in anima separata, & consequenter species, & habitus in ea existentes, quia nec habent contrarios habitus, nec actus in statu separationis, à quibus corrumpi possint, nec per obliuionem aut cessationem ab actibus, & licet habuerint dependentiam à phantasmatibus in prima acquisitione; non tamē dependent necessariò ab eis in conseruari, neque in vsu, quia dependentia quam habet in vsu anima, dum est in corpore non est essentialis, sed necessaria tantum propter naturalem sympathiam ac subordinationem potentiarum sensitiuarum cum intellectu in corpore existente: nam tunc radicanur omnes in eadem anima; & ideò necesse est operante superiori, operari etiam suo modo inferiores circa idem obiectum. Sed cum altum modum intelligendi habere debeat à corpore separata, sicut habet alium modum essendi, non habebunt species & habitus dependentiam à phantasmatibus quantum ad vsum. Sed eis vti poterit secundum conuenientiam illius status.

- 111 Videntur tamen obstare huic resolutioni duo testimonia Sactæ paginæ; Primum ex Paulo 1.ad Corinth. vbi ait. *Scientiam destrui post mortem*, cui responderi potest. 1. loqui Paulum de scientia aut rerum cognitione obscura, vt ostendit contextus literæ. Quam destrui concedimus. Vel secundò loqui de dono scientiæ comitante fidem, & de quauis alia obscura cognitione, qua ratione obscuritatis desinet, & hanc expositionem sequitur D. Thom. in eisdem loci commentariis, desumptam fortè ex D. Hieron. in Prologo Bibliorum ad Paulinam cap. 7. ad finem.

- 112 Alterum testimonium habetur Ecclesiastes 9. vbi dicitur. *Mortui nihil nouerunt amplius*; & infra, *nec opus, nec ratio, nec sapientia apud inferos.* Cui respondet D. Hieronymus ibidem Sapientem loqui per prosopopeiam in persona impij suadentis aliis,

aliis, vt voluptatibus se dedant. Et ideo statim subdere. *Vade & comede in latiria panem tuum.* Vnde non tollit, quin prædicta permaneant in anima separata. Secundò exponit eadem verba Nicol. Lyra. de Damnatis, qui nihil eorum quæ illis possent ac deberent prodesse, cognouerunt, nec est illis ratio, vt propriam salutem vetamque sapienriam conquirant. Vnde cum subditur: *Vade & comede*, non significatur trade te voluptatibus, sed comede cum lætitia, hoc est, cum testimonio bonæ conscientiæ; quare statim additur: *Quia Deo placent opera sua.*

Sed quantum ad modum cognoscendi dubium est; an solas 113 habeat species, quas acquisiuit in corpore, & per eas tantum cognoscat, vel nouas alias accipiat per infusionē à Deo eidem statui separationis congruentes, & ita per vtrasque operetur?

Et prima opinio asserit naturaliter loquendo solum habere in statu separarionis illas species, quas acquisiuit in corpore, & per has tantum cognoscere. Probat, quia anima essentialiter est 114 forma corporis: ergò solum est capax speciebus per ministeriū corporis recipiendis, quas constat non posse tunc accipere, cum corpore & sensibus careat, ergò non potest habere alias, præter eas quas acquisiuit in corpore, quia per infusionem à Deo accipere species solum pertinet ad completas substantias spirituales, nempe Angelos.

Hæc tamen sententia falsa probatur; quia intellectus in quocumque statu animæ ordinatur per se ad cognitionem rerum: ergò in quocumque statu debet habere aliquam cognitionem congruentem eidem statui: si verò non dantur illi species, contingere poterit nullam potius habere cognitionem, per totam æternitatem quantum est ex parte naturæ, quod patet esse absurdum. Minorem probo in pueris decedentibus sine speciebus acquisitis, & in peccato originali, qui nullam poterunt cognitionem habere. Quare necesse est tribuere animæ separatae species alias, præter eas, quas acquisiuit in corpore.

Sed quonam modo eas comparet, non est certum. Nam Sco- 115 rus in 4 d. 45. qu. 2. & Gab. in canonem lect. 32. asserunt in eo statu eas acquirere de nouo per opus intellectus agentis, non minus quam dum erat in corpore. Hæc tamen sententia planè falsa est; quod sic probo, Intellectus agens, vt in 3. lib. ostendimus ex se indeterminatus est, & quasi indifferens ad producendam quamlibet speciem cuiuscumque obiecti; quare nullam potest producere, nisi determinetur ab obiecto: sed non potest determinari ab obiecto in statu sepatationis, cum in eo nullum habeat phantasma; imò nec phantasiā, nec possit ab obiecto, nisi per sensum apprehensio determinati, vt ex superioribus constat: ergò nec potest naturaliter, illam speciem producere.

116 Dicendum igitur est animam separatam novas species habere, præter eas, quas acquisivit in corpore, eas tamen non acquirere per opus intellectus agentis, nec ullo alio modo eas à rebus accipere, sed per infusionem à Deo, & ita per has intelligere, atque etiam per eas, quas secum in memoria detulit. Ita *D. Thom. 1. par. q. 89. art. 1. ad*  
 117 primum, & cum eo omnes eius interpretes. Et probatur ratione satis congruenti, quia modus operandi sequitur modum essendi, sed anima rationalis in statu separationis habet alium modum essendi, cum non informet corpus: sed separata sit ab eo, nec etiam habeat officium formæ, sed omnino subsistat per se ad modum, & similitudinem Angelorum, ergo debet habere modum operandi similem, & ex consequenti principia tali modo operandi congrua, quæ sunt species, quas debebit eodem modo accipere, non igitur à rebus, sicut nec accipiunt eas à rebus Angeli, sed à Deo per infusionem.

118 Et si quæsieris, utronam ex his modis perfectius intelligat anima separata, per species in corpore acquisitas, vel à Deo infusas? Respondet D. Thomas in eodem articulo proximè citato, clarius, atque distinctius, & ideò perfectius intelligere per species in corpore acquisitas, quàm per infusas. Cuius ea est ratio, quia licet modus intelligendi per species infusas sit ex se perfectior modo intelligendi per acquisitas in corpore, & species ipsæ infusæ sint ex se perfectiores acquisitis, sed est animæ improporcionatus, quæ cum sit forma, etiam dum est separata, magis est ei proportionatum perfici per corpus: quare clarius, atque distinctius intelligit per species à sensibus corporis acceptas, quàm per infusas, quæ propter improporcionem magis confusæ, & obscurè repræsentant animæ obiecta: & ideò vnitur corpori, ut perfectiorem assequatur modum intelligendi.

119 Alij verò clarius, atque distinctius putant intelligere animam in statu separationis per species infusas, quàm per acquisitas: quia perfectiores sunt species, & ad usum earum caret anima impedimentis corporis.

Ego verò incertam omnino esse rem hanc existimo, quia licet in communi cognoscamus utrumque modum intelligendi, in particulari vero prorsus ignoramus naturam, & modum repræsentandi specierum animæ separatæ infusarum, & improporcionem earum cum anima, & fortè sententia D. Thom. posset intelligi de rebus, quas clarè ac distinctè, & intuitivè intelligimus in corpore, non de aliis, de quibus sententia opposita *explicari* posset.

715

INDEX  
RERVM NOTABILIVM, QVÆ  
IN HIS COMMENTARIIS  
super tres libros Arist. de Anima  
continent.

*Littera L. Librum. C. Caput. Q. Quæstionem. T. Tractatum.  
P. Paginam. N. numerum denotat.*

A

*Anima.*



**N I M A** Potest esse  
obiectum scientiæ,  
quæstione 1. [pag. 1.](#)  
& [2. n. 1. & 2](#)  
Anima vegetatiua, &  
sensitiua pertinent ad obie-  
ctū philosophiæ, [q. 1. p. 2. n. 3.](#)  
Rationalis secundum hos gra-  
dus. ibidem [n. 4.](#) p. 3  
Anima rationalis, vt rationalis  
est corporea, vt quo, [p. 8. n. 1 2.](#)  
Duplicem habet statum [ibi. n. 13](#)  
Anima rationalis, vt est princi-  
pium intelligendi in corpore  
per se pertinet ad considera-  
tionē naturalis philosophiæ,  
[p. 9. num. 14](#)  
Anima rationalis, vt est in cor-  
pore, nullam habet operationē  
omnino indepēdentē à phan-  
tasmate, ibid. p. 1 [o. n. 16](#)  
Anima rationalis separata sim-  
pliciter pertinet ad naturalem  
philosophiam, p. 1 [o. n. 17](#)  
Secundum illa vero, quæ habet  
ex statu separationis pertinet  
ad metaphysicam, ibid.  
Sed hæc etiam commodius tra-  
ctantur hic, p. 1 [l. n. 1 &](#)

Anima est subiectum huius ope-  
[ris, q. 2. p. 17. n. 30](#)

Et hoc illi conuenit, etiā si opus  
istud cum paruis naturalibus,  
vnum integret. [p. 19. n. 34](#)

Animam esse in rerum natura  
probat, [L. 2. c. 2. tract. 1. p. 50.](#)  
num. 24

Anima non est accedens, sed sub-  
stantia, [L. 2. c. 2. 1. q. pag. 5.](#)  
[num. 26](#)

Animam esse corpoream, qui di-  
xerint. ibidem. quæst. 2. p. 3 [5.](#)  
[n. 36. & 37](#)

Anima non est corpus. pag. 5.  
num. [39](#)

Anima est actus corporis, quæ-  
stione [2. pag. 59.](#) num. [46. 47.](#)  
& [46](#)

Actus primus, & secundus in  
quo differant. ibidem. pag. [60.](#)  
num. [50](#)

Anima est actus primus priori-  
tate naturæ, [l. 9. 4. p. 62. n. 54](#)

Actus primus substantialis, non  
solum entitatiuè, sed sub ra-  
tione formali actus absolutè  
perfectior est actu secundo.  
[ibid. pag. 65. num. 61](#)

Actus primi omnes, siue sint po-  
tentia naturales, siue superna-  
turales habitus, perfectiores  
sunt

# I N D E X

- sunt actibus secundis ab eis elicitis, [ibid. pag. 63. nu. 65](#)
- Actus quo generatur habitus adquisitus perfectior est illo. [ibi. p. 67. num. 69](#)
- Actus primus perficitur per secundum accidentaliter tanquam principium actuum eius, [ibid. p. 67. 71. n. 22](#)
- Anima optimè potest definiri per materiam organicam, & per corpus animatum q. 5. p. 73. [n. 2](#)
- Anima melius definitur per corpus animatum quam per materiam organicam, [ibid.](#) & per hoc definit eam Ar. [ibid. pag. 73. num. 2](#)
- Arist. sumit illa verba (potètia vitam habentis, in definitione animæ pro vita secunda accidentali,) [ibid. p. 73. n. 8](#)
- Animæ definitio expenditur, [ibid. 76. n. 10](#)
- Anima prima definitione essentialiter [definitur. l. 2. q. 6. p. 77. num. 17. & 18](#)
- Animæ nõ est essentialis actualis informatio, sed aptitudinalis [ibid.](#)
- Anima duplex, informans, & assistens, [l. 2. c. 2. q. 7. p. 83. n. 36](#)
- Anima hic definita uniuoca est respectua nimæ vegetatiuæ, & sensitiuæ, [ibid. n. 38](#)
- Anima assistens, non definitur vlllo modo definitione animæ tradita ab Arist. [ibid. 86. n. 50](#)
- Anima rationalis est vera forma informans corpus, [p. 87. n. 52](#)
- Non solum secundum alios gradus, sed etiam secundum gradum rationalitatis informat [corpus. ibid. p. 90. 99. & 60](#)
- Animæ definitio uniuoca est ad omnes animas informantes, [ibi. p. 86. 87. 88. à num. 30. vsque ad 70](#)
- Anima in communi, in quantum se extendit ad particulares definitur secunda definitione animæ, cuius sensus est distributiuus, & copuatiuus, distributiuæ tamè, accommodata, in qua definitione particula, viuimus sumitur, pro speciali operatione animæ vegetatiuæ, [l. 2. c. 2. quæst. 8. p. 98. & 99. à n. 90. vsque ad 96.](#)
- Arist. definiuit animam secunda definitione descriptiuæ, [q. 6. p. 102. n. 104. & sequentibus.](#)
- Anima accidentaliter est principium operationem actualem, aut aptitudinale formale, [ibidem p. 103. nu. 108.](#)
- Essentialiter tamen est principium radicale potètiarum vitalium, & operationum, & sic per utrasque potest definiri essentialiter, [p. 105. n. 115. & 116](#)
- Anima quomodo sit principium radicale, formale, [ibid. p. 106. num. 118](#)
- Anima quo modo potest duplici definitione essentiali definiti, [p. 108. n. 122](#)
- Animarum genera tantum sunt [tria l. 2. c. 3. q. 1. p. 121. n. 7](#)
- Anima vegetatiua est verè anima à sensitiua distincta, [ibid. p. 129. num. 11](#)
- Anima sensitiua gradum vegetandi, & animam vegetatiuam formalitèr, & eminenter, & eodè modo anima rationalis utrumque gradum, & utramque animam includit, [c. 3. q. 2. p. 133. n. 40. & 41.](#)

Anima

Anima rationalis est formaliter corporea, ut quo, non ut quod, ibid. p. 137. n. 53

Anima singularis dicit individualem ordinem ad determinatum corpus. q. 5. p. 141. n. 63

Anima vnitur materiæ, propter bonum proprium, & composit. ibidem.

Animæ eiusdem speciei possunt esse inæquales in perfectione substantiali individuali, ibid. p. n. 61. 62. & 63

Plures vero æquales esse possunt, ibid. p. 132. n. 70

Anima quæcunque omnes partes corporis informat, quæ aliquam operationem vitalem exercet, quælibet iuxta propriam naturam. L. 2. c. 3. qu. 4. p. 167. n. 133. & 134

Non tamen est omni totalitate essentiali, integrali, & potestativa. p. 186. n. 136

Animæ plures nõ sunt in eodem viuenti etiam rationali, qu. 5. p. 171. n. 146. vsque ad 150

Et oppositum in hoc saltem temerarium ad minus videtur. p. 172. n. 148. & 149

In generatione tamen humana tres animæ introducuntur, & non simul perseverant, ibid. 175. n. 153. vsque ad 157. secus res se habet in nutritione.

Animæ singulæ sunt in singulis viuentibus secundum Ar. rationem naturalem. Et secundum fidem, q. 10. p. 214. n. 245

Arist. quid de hoc sentiat. ibid. p. 215. n. 243. & 244

Animæ possunt multiplicari numero, etsi careant materia, ibid. 217. n. 447.

Anima concurret ad productionem potentiarum, ut instrumentum, q. 6. p. 191. n. 18

Auditus structura explicatur, l. 2. cap. 8. q. 6. p. 490. n. 114

Auditus organum, & subiectum est substantia aerea tympano contacta, quæ anima informatur p. 492. n. 119. 120. & 121

*Anima separata.*

**A**nima rationalis nõ educitur de potentia materiæ, sed producitur à solo Deo ex nihilo per creationem, lib. 3. q. 1. p. 759. n. 3. Non creatur prius tempore, quam formetur corpus: sed in eodem instanti, in quo completa est dispositio eiusdem corporis pro receptione eiusdem anime. p. 761. n. 101. Non est vilo modo composita ex materia, & forma corporeis, aut spiritualibus, nec omnino ex potentia reali exceptiua, & actu reali in ea recepto: sed simplex ac perfectissima forma corporis. p. 764. nu. 17. nihil corporeum, etiam subtilissimum habet: sed pure spiritualis est, p. 767. n. 27. Immortale esse censuit maior, & melior antiquorum philosophorum pars: & præsertim Arist. & Plato. p. 772. n. 44. Quod docet etiam fides catholica, p. 779. n. 69. Et probat euidenter naturalis ratio, p. 775. n. 54. & 55. Et immortalitatem quidem habet ex propria natura sicut Angeli, & non ex gratia Dei. Habet duplicem statum, informationis, & separationis à corpore, pag. 781. numer. 26. Et uterque est ei simpliciter natura



# I N D E X

naturalis, quâuis magis prior. [783.nu.81. & p.784.num.84.](#)  
 In statu separationis retinet apud se species, & habitus quos acquisiuit in corpore. [p.791.num.105. & 106.](#) Quamuis nullam potentiam sensitiuam, neque organicam: sed solas spirituales, etiam intellectum [agentem. pag.791.num.105. & 106.](#) & operatur quidem in statu separationis per easdem species, quas habuit in corpore ex phantasmatibus, ne solum per eas, sed etiam per alias, quas de nouo accipit, non quidem ab intellectu agente: sed à solo Deo per infusionem, sicut acceperunt Angeli in prima sua conditione, [p.793.n.114. & 115.](#) Non est tamen exploratum per quamnam species intelligat, videlicet per acquisitas in corpore, vel infusas in separatione, sed valde dubium, [p.794.nu.118. & 119](#)

## *Appetitus.*

**A**ppetitus Triplex explicatur naturalis sensituius, & rationalis. lib. 1. c. 13. [q.1. p.748.num.39](#)

Appetitus rationalis, & sensituius specie, & realiter distinguuntur, [p.748.n.40. & 41](#)

Appetitus rationalis actus sunt per se, vel simpliciter liberi. Sensituii verò actus in homine habent libertatem participatam, & imperfectam, [p.749.num.42](#)

Appetitus sensituius mouetur à rationalis imperio, nō seruii, sed [ciuili. p.749.n.43](#)

Appetitus rationalis reflectitur supra proprios actus, non sensituius ibid.

Appetitus sensituius subditur rationali sicut plures alię potentia, sed aliquando non sine [resistentia. ibid. n.44](#)

Appetitus sensituius est potentia distincta realiter, & essentialiter ab intellectu, [p.750.n.45](#)

Appetitus rationalis realiter, & essentialiter distinguitur ab intellectu, [p.771.n.48. & 49](#)

Appetitus rationalis, & intellectus habent intrinsecam connexionē ita vt non solum implicet voluntatem ferri in incognitum, sed etiā ei, proponi obiectum, nisi ab intellectu, [p. ead. nu.50](#)

Appetitus sensituius, aut rationalis, qui est voluntas, non est causa physica motus progressiui: sed ad eum cōcurrit quasi morali modo per impetium. [p.796.q.2.n.63.](#)

## C.

**C**ertitudo scientiarū duplex est, [lib.1.qu.3.p.25.n.45](#)

Continentia alicuius alia formalis, alia eminentialis. lib.2. [c.3.q.2.p.129. nu.29](#)

Alia continentia, vt quo, alia, vt quod [ibid. p.134.n.37](#)

Cadavera distinguuntur ex distinctione corporum viuentium, quibus succedunt & assimilantur, [l.2.c.3.q.6.p.257.n.96](#)

## *Color.*

**C**olores veri sunt secundę qualitates resultantes ex permixtione primarum, atque adeo distincti à lumine, [lib.2. c.7.q.1.p.403.n.15. & sequentibus.](#) Colo

Colores vero apparentes sunt lumen diuersimode in corporibus receptum, ac proinde distincti à coloribus, *ibid.*

Coloris vtraq; definitio expenditur, *ib. 405. nu. 19. 20. 21. & 22*

D.

**D**iuisio huius operis. *lib. 1. q. 5. p. 31*

Dignitas huius scientiæ, vtilitas, & *methodus, l. 1. c. 1. p. 32. nu. 1. & 2*

Dialectus quare dicatur definire per formam, phisicus per materiam, *l. 1. q. 1. p. 35*

Demōstratur prior definitio animæ per *posteriores, l. 2. c. 1. q. 10. p. 109. n. 125. & 126*

Demonstratio est à posteriori si operationes sumantur, vt effectus, *ibid. p. 113. n. 136*

Quod etiam est; si viuere sumatur in definitione pro gradu substantiali vitæ in communi, *ibid. n. 137*

Si operationes animæ sumantur per modum causæ formalis, vt possunt, aliquo modo demonstrabitur prior definitio, per secundam, quasi à *priori, p. 114. n. 139*

Diuisibilitas in omnes partes integrantes conuenit animabus animalium imperfectiorum, & plantarum, *l. 2. c. 3. q. 2. pag. 154. n. 101*

Habent tamen quandam rationem indiuisibilitatis, *ibid. pag. 158. nu. 112*

Quid de hoc sentiat August. *ibidem, p. 157. n. 110*

Diuisibilitas, aut indiuisibilitas formæ ex perfectione eius, & ex entitate desumenda est, *ibid.*

*dem, num. 110*

Diuisibilitas etiam cōuenit animabus animalium perfectiorum, *ibid. q. 3. p. 161. n. 119*

Sunt tamen indiuisibiles in ordine ad consistentiam *p. 164. n. 128*

E.

**E** Mahario naturalis, & alia actio in quo distinguitur, *lib. 2. c. 3. q. 1. p. 125. n. 16*

F.

**F**orma corporeitatis nullo modo ponenda est in composito substantiali viuenti, aut non *viuenti. l. 2. c. 3. quæst. 6. p. 179. nu. 164*

Vnde in morte Christi nihil fuit miraculosum, sed fuit verum cadauer per formam cadaueris ipsius corporis, *pag. 183. num. 171. & 173. Habuit tamen idē suppositum, non verò eandem naturam forma cadaueris per se producitur, tantum à causis vniuersalibus, ibidē dubio in fine quæstionis, p. 185. nu. 175*

Forma quæ dat esse genericum dat esse *specificum, quæst. 7. p. 193. num. 193*

G.

**G**radus essendi vegetatiuus continetur in *sensitino, & vterque in rationali formaliter, aut eminenter, l. 2. ca. 3. q. 2. p. 130. nu. 30.*

Generatio est duplex propria, & *impropria, c. 4. q. 4. p. 300. n. 71*

Generatio propria definitur, *ibidem num. 72*

Generatio propria non est quādo genitum non est eiusdem speciei ex vi generationis, licet sit aliundē, *ibid. p. 302. n. 76*

Generatio

# I N D E X

Generatio propriissima erit si  
genitum procedat in eadem  
numero natura, vt generatio  
Verbi [diuina, ibi. p. 302. n. 77](#)

Generare sibi simile est natura-  
lissimū opus viuētis, idēst ani-  
mæ vegetatiuæ, quia intendit  
conseruationem sui in specie,  
vel quia communicat aliis,  
quātum potest, [ibidem, p. 303.  
n. 80, 81. & 82](#)

Gustus organum sunt nerui per  
mediam linguam pergentes, &  
vsque ad palatum, l. 2. c. 10. q.  
[2, p. 521. n. 24](#)

Gustus magis viget in cuspide  
linguæ. [ibid. n. 25](#)

Gustus, & tactus sunt ex Arist. in  
corde remota [tamen, n. 26](#)

Gustus caret medio extrinseco,  
habet tamen internum, id est  
spongiosam carnem, qua te-  
gitur netuus [ibidem. q. 521. n.  
26. in fine.](#)

Gustus distinguitur specie es-  
sentiali à tactu, q. 3. pa. 5 [22. n.  
29. vsque ad 32](#)

Gustus conuenit cum tactu, quia  
etiam contactum obiectē perit,  
[p. 524. nu. 33](#)

I.

**I**ndiuisibile tribus modis dici-  
tur, l. 2. c. 3. q. 1. pag. 148. n. 83

Indiuisibilitas partium integrā-  
tium conuenit animæ ratio-  
li, & oppositum est periculo-  
sum, l. 2. c. 3. q. 1. p. 149. & [n. 87](#)  
*Intellectus.*

**I**ntellectus agentis nomine  
quid significetur. lib. 3. c. 5.  
[q. 1. pag. 637. nu. 18](#)

Intellectus agens necessario, po-  
nendus est in anima, pag. 638.  
num. 21. & [24](#)

Intellectus creatus quicūque in-  
diget speciebus ad percipiēda  
alia obiecta creata. p. 63 [8. n. 22](#)

Intellectus noster in instanti  
creationis nullam habet spe-  
ciem alicuius rei, sed est, sicut  
tabula [rasa, p. 639. n. 23](#)

Intellectui Angelico in instanti  
creationis infunditur species  
à Deo. p. 63 [9. n. 23](#)

Intellectus agens formaliter nō  
[intelligi. p. 630. n. 26. 27. & 28](#)

Intellectus agens non illuminat  
phantasmata per solam assi-  
stentiam. [p. 643. n. 34](#)

Intellectus agens non illuminat  
phantasmata producēdo in il-  
lis qualitatem realem. [p. 642.  
nu. 32](#)

Intellectus agens per solam assi-  
stentiam non efficit in phan-  
tasmatibus, quod representent  
naturam vniuersalem, [ibidem](#)

Intellectus possibilis non potest  
per se immutari à phantaf-  
matibus illustratis, sine specie  
intelligibili. [643. n. 35](#)

Intellectus agens vnicam habet  
actionem intellectiōni prænā  
circa intellectum possibilem,  
quæ est productio speciei in-  
telligibilis spiritalis in [eo, &  
de eius potentia eductæ, per  
quam representatur obiectum  
materiale representatum in  
phantasmate, p. 644. n. 37. 38.  
39. & 40](#)

Intellectus agens per eandem a-  
ctionē, qua producit speciem,  
illustrat phantasmata, [ibid. &  
pag. 645. n. 41. & 42](#)

Intellectus agens concurret ad  
productionem speciei intelli-  
gibilis, vt præcipua causa, q. 3.  
pag.

pag. 648. n. 51. & 52

Intellectus agens est virtus animæ spiritualis, & immaterialis, sicut ipsa in qua immediate inheret, q. 4. p. 652. n. 64

• Intellectus agens non est habitus principiorum, nec qualitas tertiæ speciei, p. 653. n. 66

Intellectus agens est potentia animæ realiter distincta ab intellectu possibili, p. 654. n. 70. & sequentibus.

Intellectus agens in statu separationis non est superfluous. p. 657. n. 78. & 79

Intellectus possibilis secundum proprium actum intelligendi vitalem, longe, & simpliciter perfectior est, intellectu agente, at ut recipit speciem, & secundum quid imperfectior est illo. pag. 658. num. 81

Intellectus possibilis est potentia animæ rationalis ei inherens ad intelligendas res omnes, c. 5. qu. 1. p. 660. nu. 86. 87 & 88

Intellectus possibilis non est potentia organica, sed est in corpore, sicut anima, cui inheret, p. 661. n. 89. & 90

Intellectus possibilis indiget necessario speciebus intelligibilibus, q. 2. p. 662. n. 93. & 94

Intellectus possibilis conseruat apud se species intelligibiles, pag. 663. num. 98

Intellectus cognoscit per se singularia sensibilia, quæ. 3. pag. 664. num. 100

Intellectu non recipere speciem impressam repræsentantem singulare materiale valde probabiliter defendit S. Thom. p. 667. num. 112

Intellectus agens per se, & directè producit in intellectu possibilem speciem repræsentantem distinctè singulare materiale determinatum, p. 668. n. 113. & 114

Intellectus agens naturaliter nō potest producere speciem repræsentantem naturā vniuersalem, sed semper & necessario singularem, p. 669. n. 115

Intellectus primo cognoscit singulare, p. 669. n. 117

Intellectus noster nō cognoscit singulare materiale cognitione reflexa, sed directā, p. 670. num. 118. 119. & 120

Intellectui nō repræsentatur singulare, & vniuersale per eandem speciem, pagin. 670. nu. 121. & 122

Intellectus agens non facit relucere in phantasmatibus naturam vniuersalem, 672. n. 124

Intellectus noster cognoscit vniuersale per conuenientiam singularem, cognoscendo naturam in qua conueniunt nō consideratis differentiis individualibus, & eliciendo speciem expressam illius, p. 672. nu. 126

Intellectus media cognitione, & specie expressa vniuersalis, imprimit sibi aliam speciem impressam vniuersalis, ibi. n. 127

Intellectus agens nō potest imprimere in possibili propriam speciem substantiæ, p. 675. n. 135

Intellectus agens nō potest producere speciem repræsentantem coniunctum ex substantia, & accidenti, sicut nec phantasma, illud potest ro.

Ecc

# I N D E X

- præsentare. [p.695.n.136](#)
- Intellectus nõ potest primo cognoscere substantiã, sed ex aliqua proprietate, [p.676.n.137](#)
- Intellectus non cognoscit primo coniunctum ex substantia, & accidenti, [ibidem](#)
- Intellectus noster primo, & per se solũ cognoscit accidentia per se sensibilia, secus substantiã, & alia [accidentia.676.n.138](#)
- Intellectus cognoscit substantiam, & accidentia insensibilia ex speciebus sensibilibus eliciendo propriam speciem expressam, & ex hac aliam impressam. [p.677.n.140](#)
- Intellectus noster qualem conceptum proprium eliciat de substantia, & insensibilibus. [678.n.142](#)
- Intellectus noster aliquo modo cognoscit pro hoc statũ substantias spirituales, quæst. [5. pag.680.nu.151](#)
- Intellectus pro statu corporis non cognoscit substantias separatas per proprias species à quibus immediatè repræsentetur, [pag.681. nu.157. vsque ad numer.164](#)
- Intellectus pro hoc statu aliquomodo cognoscit propriã animam, [q.6.p.484.n.168](#)
- Intellectus pro hoc statu, nõ cognoscit propriã animã per se ipsam immediatè, sicut Angelus se [cognoscit, p.686.n.173](#)
- Intellectus in corpore non cognoscit propriam animã per propriam speciem, à qua per se immediatè repræsentetur, [pag.686.nu.173](#)
- Intellectus cognoscit propriam animã cognoscendo propriũ actum, vel per species rerum materialũ, [ibid. vsq. ad n.181](#)
- Intellectus separatus intelligit propriam animam per se ipsam, & per se ipsam habet intime [vnitam, p.687.n.177](#)
- Intellectus aliquo modo cognoscit se, suos actus, habitus, & species, nec non voluntatem, & eius actus, & habitus, quæst. [7. p.687.nu.186](#)
- Intellectus non cognoscit se, & ipsius species, voluntatem, actum, & habitus vtriusque per se immediate, nec per species [propriæ, p.691.n.194](#)
- Intellectus cognoscit prædicta omnia per alienas species rerum materialium. [p. 692. n. 197. & sequen.](#)
- Intellectus habet prædicta omnia præsentia, per se, secundũ propriã eorum rationem, & entitatẽ, non vero præsentia obiectiua. [p.695.n.206. & 207](#)
- Intellectus cognoscit prædicta per reflexionẽ, & discursum, [pag. 696. num. 209. & 210](#)
- Intellectus cognoscit sensus tã internos, quam externos per species organorum in quibus resident, [p.698.n.216](#)
- Intellectus cognoscit actus externorum sensuum, per actus internorũ vel phantasmata. [ib.](#)
- Intellectus cognoscit actus internorum sensuũ per species obiectorũ, quæ phantasmata ipse repræsentat, & si cognoscuntur ipsa phantasmata, [ib.](#)
- Intellectus cognoscit actus appetitus per speciem obiecti circa quod versantur, vt sensatum,

fatum. pag. 698. num. 217  
 Intellectus nostri duplex status,  
 & obiecti ipsius varix acce-  
 ptiones explicantur, pag. 698.  
 num. 218. & 219  
 Intellectus nostri secundum se  
 obiectum adæquatum vniuer-  
 salissimum est vniuersalissi-  
 mum ens, quodcunque co-  
 gnoscibile comprehendens.  
 pag. 699. num. 220  
 Intellectus nostri pro statu cor-  
 poris adæquatum obiectum  
 per se est tantum ens, vel  
 accidens per se sensibile. pag.  
 699. num. 221. & 242  
 Intellectus speculatur phantaf-  
 mate quia eo operante simul  
 phantasia operatur circa idem  
 obiectum, vel alterum simile,  
 q. 1. p. 701. num. 226  
 Intellectus pro hoc statu sem-  
 per operatur speculando phan-  
 tasmata, hoc est, dependenter  
 naturaliter ab operatione  
 phantasix, pag. 703. num. 231.  
 quæ dependentia non est data  
 in pœniam peccati originalis.  
 num. 234  
 Intellectus dependet in sua ope-  
 ratione à phantasia ex imper-  
 fecto modo, quo anima infor-  
 mat corpus corruptibile, cui  
 in modo operandi se accom-  
 modat, pag. 704. num. 236. &  
 sequentibus.  
 Intellectio, & quælibet cognitio  
 præsupponit speciem obiecti,  
 & receptionem eius in poten-  
 tia, quæst. 2. pag. 708. nu. 249  
 Intellectio, & alia cognitio non  
 concursus vitalis in receptio-  
 ne speciei, sed ad illam requi-  
 rit concursus vitalis eiusdem

potentiæ informatæ specie,  
 pag. 708. num. 250. 251. & 252  
 Intellectio quælibet, aut alia co-  
 gnitio seu actus appetitus  
 dicit veram actionem realem,  
 & verbum, aut alium termi-  
 num de prædicamento quali-  
 tatis, quæst. 3. pag. 713. n. 267.  
 vsque ad 275  
 Intellectio, vel cognitio quælibet  
 formaliter non consistit in  
 vera, & reali actione, sed in  
 qualitate, hoc est in specie ex-  
 pressa informante potentiam.  
 p. 716. n. 276. vsque ad 281  
 Intellectio, & cognitio formaliter  
 præter veram actionem  
 præsuppositam dicit, & termi-  
 num, & actionem Grammati-  
 calem, p. 717. num. 280  
 Intellectio, sensatio, & appetitio  
 formaliter, hoc est qualitates  
 istæ non possunt per poten-  
 tiam absolutam à solo Deo in  
 subiecto vitali, & notionali,  
 sine actuali potentiæ vitalis  
 efficientia produci, q. 4. p. 723.  
 num. 299. vsque ad 312  
 Intellectio formalis distinguitur  
 ex natura rei ab actione reali,  
 qua producitur, p. 728. n. 314  
 L.

*Lumen.*

**L**umen, & lux non distin-  
 guuntur essentialiter, L. 2.  
c. 7. q. 2. pag. 408. num. 28  
 Lumen non est corpus, ibid. pag.  
408. num. 29  
 Lumen non est forma substan-  
 tialis, nec substantia solis, aut  
 ignis. p. 409. n. 31. & 32  
 Lumen est qualitas realis, physica  
 naturalis, & non intentio-  
 nalis, pag. 411. num. 37

E c c 2

# I N D E X

Luminis reflexio fit per reproductionē luminis versus anteriores partes, [p.411.nu. 38](#)  
 Lumen videtur per speciem intentionalem, sicut color, qu. 3. [p.414.num.46.](#)

Lumē recipitur in corpore opaco, & non in sola extrema superficie [q.4.p.418. num.56](#)

Lumen, aut aliud visibile percipi non potest sine medio intercedente inter ipsum, & potentiam, [q.5.p.421.num.62](#)

Lumen non semper impedit visionem, sed aliquando, si non sit contemptatum potentia, & obiectum, [p.421.num.63](#)

Lumen non est necessarium ex parte medij ad videndū aliud lumen, [q.5.p.421. num.69](#)

Lumen est necessarium ex parte totius medij ad visionem coloris, [p.424.n.71.72. & 73](#)

Lumen nullo modo requiritur ex parte obiecti colorati ad illius visionē, [q.6.p.429.à 84. usque ad 99](#)

M.

*Memoria.*

**M**emoria Necessario ponenda est in parte intellectiva, & nō in sensitiva lib. 3. [c.5.q.5.dub.1.p.728.n.317](#)

Cur huius rei potius, quā illius recordemur cū species utriusque in memoria retineant, [p.730.num. 324](#)

Memoria versatur circa obiectum iam sensatum, & ut prateritū, estque quasi thesaurus specierum. [p.732.n. 328](#)

Memoriae ratio proprius, & perfectius reperitur in parte intellectiva quam in sensitiva,

[pag.733.num.332](#)

Memoria intellectiva est eadem omnino potentia realiter, & essentialiter cum intellectu, [p.734.n.335.336.& 337](#)

O.

*Ordo.*

**O**rdo istius tractationis de anima cum cæteris partibus Philosophiæ quis sit, [lib.2.q.4.p.62. n.55.56. & 57](#)

*Organum.*

**O**rganum est pars animati corporis dispositionis potentia vitali informata, & ordinata ad operationem vitalem exercendam, [lib.2.q.6. pag.80.num.27](#)

Oculi structura quinque constat tunicis, tribus humoribus, & septē masculis, [c.7.q.8.p.442. n.115.& sequent.](#)

Organum potētiae visuæ nec est neruus, nec neruorū coniunctio, sed oculus, [p.445.n.124](#)

Oculi humor cristallinus est pupilla & proprium sensorium visus, [p.446.num. 127. & 128](#)

Humor cristallinus informatur anima sensitiva, [p.447.n.131](#)

*Obiectum.*

**O**biectū diuerso modo multiplicat specie rectam, & reflexam. [q.9.p.450.n.142](#)

Obiectum per reflexionem, non repræsentatur cum tota distantia. ibidem.

*Odor.*

**O**dor non est fumosa substantia, aut exhalatio. [l.2.c.9.q.10.p.496.n.1](#)

Odor est qualitas per se sensibilis ab olfactu, [p.497.n.5](#)

Odor est secūda qualitas causata

cx

ex certa permixtione primum, in qua siccum comprehendit humidum, pag. [498. num. 5. & 6](#)

Odorifera corpora, & simul sapida habent quod secundum diuersas partes siccitas comprehendat humiditatem, & [econtra, pag. 499. num. 12](#)

Odor non necessario immutat olfactum vsque ad illum pertingens in exhalatione, quæst. 2. p. 501. num. 20

Odor nec medium, nec organum immutat per multiplicationem realem, p. 504. n. 24. & 25

Odor non semper defertur per medium in exhalatione ad aliquam distantiam, sed aliquando, nunquam tamen fit olfactio per ex hilarationem ipsam immutantem organum, p. 505. n. 27. vsque ad 30

### *Olfactus.*

**O**lfactus Medium est aer, vel aqua, quæst. 2. pag. 501. num. 16. & 17

Olfactus organum, illiusque structura exponitur, q. 3. p. 507 num. 34. & 35

Olfactus non est in receptaculis anterioribus cerebri, p. 508. num. 37

Nec in ramis neruorum derivatis à cerebro, p. 509. num. 39

Nec minus in tota respirationis via, pag. 509. num. 39

Olfactus organum sunt processus mammillares pag. 509. n. 40

Olfactus æque perfectus est essentialiter in omnibus animalibus, q. 4. p. 510 num. 44.

Accidentaliter vero perfectior est in multis animalibus, quam in homine, [ibid. num. 46](#)

### *P*

#### *Pars.*

**P**artes triplices sunt [lib. 2. c. 3](#) quæst. 1. pag. 148. num. 83

Pars quælibet animæ diuisibilis est animæ, sed definitio animæ, illis non conuenit, nisi inadæquate: datur enim per corpus organicum, tanquam per adæquatum perfectibile. [q. 2. pag. 159. num. 115](#)

Partes corporis animati in multiplici sunt differentia: q. 7. p. 90. num. 82

Partes heterogeneæ eiusdem compositi substantialis viuētis, vel non viuētis non habent partiales animas, vel formas distinctas ab anima, vel forma [totali. l. 2. c. 3. q. 7. p. 187. n. 182](#)

Nec partes eiusdem animæ diuisibilis informantes diuersas partes heterogeneam, nec partes ipsæ heterogeneæ specie pariali distinguuntur. p. 191. n. 88. [189. & 190](#)

Partes heterogeneæ eiusdem viuētis non distinguuntur solum accidentaliter [q. 7. p. 193. num. 195](#)

Nec sunt specie essentiali diuersæ propter diuersum modum vnionis, pag. 192. num. 192. & 193

Nec differunt differentia partiali individuali ex modo solum vnionis individualiter distincto proueniente, pag. 195. numer. 196. & 197

Partes organicæ eiusdem viuētis sunt diuersæ perfectionis



# I N D E X

substantialis individualis partialis, quæ diuersa perfectio prouenit per se ex diuersitate perfectionis individualis partium animæ diuisibilis & in anima indiuisibili ex eo, quod perfectius, aut minus perfecte informer diuersas partes, pag. 127. num. 198

## *Potentia.*

**P**otentia vitales quinque, lib. 2. cap. 3. pag. 119. n. 2

Potentiarum distinctio sumitur ex diuerso modo operandi, q. 1. p. 126. n. 21. & sequent.

Perfectio duplex, specifica, & individualis, q. 3. p. 138. n. 55

Potentia vitales sunt accidentia realiter distincta à substantia animæ q. 1. p. 121. à num. 6. vsque ad 12

Tribuntur animæ propter imperfectionem illius, ibidem, num. 20

Nec aliqua creatura est producibilis, quæ sine his potentiis superadditis operetur, ibid. num. 41. 22. & 23

Potentia vitales, & propriae passionis per potentiam Dei absolutam ab anima possunt separari. ibid. quæst. 2. num. 27. & 29

Et separatione mutua, ibid.

Potentia vitalis nequit per vllam potentiam vniri subiecto extraneo, num. 31

Potentia vitalis separata, aut aliud accidens non haberet modum perseiratis superaddendum, sed negationem inhaerentiae in subiecto, quæst. 3. pag. 134. à num. 38. vsque ad 48

Modus iste perseiratis duplex, lib. 2. cap. 3. pag. 239. num. 49

Modus perseiratis positius non potest communicari potentiae separatae per vllam potentiam, ibid. num. 50

Potentia vitales naturaliter procedunt ab anima, tanquam ab efficiente, quæst. 5. pag. 252. num. 81. vsque ad 86

Sed ab anima procedunt tanquam ab instrumento in instanti generationis à generante, vel creante principaliter, ibid. pag. 133. num. 86

Potentia vitales procedunt ab anima per veram, & realem actionem distinctam à generatione compositi, vel creatione animæ, quauis non per transmutationem, q. 6. p. 257. & 255. num. 92. & sequent.

Potentia productio, non est mutatio, sed naturalis emanatio. pag. 257. num. 96

Tot sunt actiones, aut productiones, quot potentia, vel passionis procedentes à subiecto pag. 258. num. 98

Potentia vitales procedunt ab anima ordinate ita vt imperfectiores ordinentur ad perfectiores, ordine perfectionis, & finalis causæ, duratione vero omnes sunt simul, quæst. 7. p. 259. num. 100. & 101. & 102

Nullus est ordo inter potentias, & passionis efficientia, sed omnes per se immediate manant à subiecto, p. 260. n. 105

Quo sensu D. Thom. ordinis prioris, & posterioris, inter potentias vitales posuerit, p. 262. num. 109

Potentia

Potentia organica sunt in aliqua parte determinata corporis, & eo corrupto corrumpuntur, p. 264. num. 113

Potentia vitales, & eis inferiores sumunt unitatem, ac distinctionem specificam ex actibus, & obiectis, pag. 265. num. 115. 116. & 118

Actus tamen, & obiecta non sunt de essentia potentiarum, sed ordo ad illa, p. 267. num. 119

Duplex potentia actiua, & passiva, pag. 267. nu. 119

Potentia sumit distinctiones ab actibus, & obiectis adaequatis, pag. 268. num. 121

Potentia visiva hominis & leonis, & sic de ceteris sunt eiusdem speciei, pag. 268. nu. 122

Ad desumendam unitatem ut distinctionem specificam potentiarum, praesupponenda est distinctio generica, quaestio. 9. pag. 270. num. 126

Potentia distinguuntur specie sub eodem genere, per obiecta formalia diuersa: hoc est secundum specialem modum immutandi potentiam desumpta, nu. 127. vsque ad 133

Ex quo simul probatur distinctio realis potentiarum, & non est necessarium ea praesupponi, p. 273. nu. 132

Potentia nutritiua est qualitas superior, quae vitur calore, aut temperamento ad nutritionem, c. 4. q. 1, p. p. 180. nu. 15

Potentia nutritiua, augmentatiua, & generatiua una, & eadem est realiter habes tria officia diuersa, q. 2. pag. 287. num. 33

Potentia nutritiua est in omni-

bus partibus corporis ab anima informatis secundum diuersas partes, quae partes inaequales sunt in perfectione indiuiduali, q. 3. p. 293. nu. 50

Potentia generatiua neque est in semine coniuncto, neque indeciso, sed in ea parte uiuentis in qua semen sit, quaestione 4. pag. 299. nu. 68

Potentia non est duplex in quolibet organo actiua, & passiva. c. 6. q. 1. p. 309. num. 13

Cur ad intelligendum ponatur duplex potentia intellectiua, & non ad sentiendum, n. 19

Potentia sensitiua non est passiva tantum, & receptiua speciei, ut virtutis obiecti, cum aduertentia potentiae, p. 311. n. 17

Potentia sensitiua habet veram efficientiam in sensationes, & non solum anima, p. 313. n. 22

Potentia sensitiua est ex parte passiva, & ex parte actiua, p. 314. nu. 24. & 25. & 26

Potentia simul, & species impressa concurrunt effectiue ad sensationes, q. 2. p. 315. n. 28. & seq.

A neutra tamen procedit sensitio, ut a principio totali, pag. 316 num. 30

Concurrunt partialiter cum subordinatione, non sine illa, ibid. num. 32

Potentia & species impressa sunt instrumenta ad operationes vitales, p. 319. nu. 37

Potentia loco motiua in uiuentibus alia est pure naturalis, & vitalis altera, l. 3. c. 9. p. 740. n. 16

Sed haec non est appetitus sensitivus nec imaginatio, aut intellectus practicus seu voluntas

# I N D E X

in homine : sed in omnibus est qualitas in parte corporis residens vt in musculis , quæ tamen operatur directa ab imaginatione , aut intellectu practico, & mota ab appetitu, aut voluntate per modum imperij. pag. 755. nu. 61. & 62

*Perficuum.*

**P**erficui definitio expenditur. l. 2. c. 7. quæst. 1. pagin. 404. num. 18

*Phantasma.*

**P**hantasmatis præsentia necessaria est, vt intellectus agens producat speciem intelligibilem, l. 3. cap. 5. quæst. 3. pag. 646. nu. 45

Phantasma concurret ad productionem speciei intelligibilis vt instrumentum , p. 648. num. 51. & 52

Phantasma habet veram efficientiam in speciem intelligibilem, p. 649. nu. 53. & sequent.

Phantasma solum concurret instrumentaliter, p. 650. nu. 57

Phantasma quomodo producat effectum similem , pag. 650. num. 59

*S.*

*Scientia.*

**S**cientiam de anima cum primis posuit Arist. nõ præcipuam, l. 1. q. 3. p. 21. num. 38

Scientia de anima essentialiter est nobilior cæteris omnibus scientiis naturalibus præter Metaphysicam à qua exceditur, lib. 1. qu. 3. p. 24. num. 43

Certitudine demonstrandi exceditur à Metaphysica , & Mathematica, cæteras verò scientias excedit, lib. 1. p. 24. nu. 44

Certitudine accidentali , & impropria excedit cæteras philosophiæ partes, non essentialiter, q. 3. pag. 15. num. 46

Scientia de anima utilis est ad reliquas omnes etiã ad Theologiam, quæst. 4. p. 27. numer. 52. 53. & 54

*Sanguis.*

**S**anguis est aliquo modo pars intertalis viuentis, l. 2. q. 8. p. 201. nu. 208

Idem est de aliis humoribus, ib. Sanguis non est duplex specie distinctus, pag. 202. num. 112. & 113. & 114

Sanguis & alij humores non informantur anima , sed forma inferiori, q. 203. n. 115. & seq:

*Subsistentia.*

**S**ubsistentia per potentias Dei absolutas potest esse sine vlla subsistentia, lib. 2. c. 3. q. 3. p. 241. nu. 54. & 55

Subsistentia procedit effectiue à natura substantiali , & actualis inhaerentia à natura accidentali, qu. 4. pag. 245. nu. 65

Vtraque verò producit distincta actione aliquomodo ab ea, qua producitur natura, p. 245. nu. 66

*Semen.*

**S**emen animalis non fit ex sanguine excrementitio, lib. 2. cap. 4. q. 3. p. 295. nu. 56

Semen animalis non viuit, pag. 296. nu. 59

Semen in decisione animas non acquirit, p. 297. num. 63. & 64

Semen fit solum in parte determinata corporis, pag. 298. numer. 66. & 67

Seminalis virtus non est vitalis, pag.

pag. 199. num. 69

Semen vt generationi deferuiat,  
non prius conuertitur in san-  
guinem, p. 300. num. 70

*Species.*

**S**pecies impressæ ab obiecto  
in potentiis dantur, lib. 2.  
capit. 6. qu. 3. p. 322. nu. 43. vs-  
que ad 48

Species est ratio cognoscendi  
obiecta extrinseca non habes  
eundem modum essendi cum  
obiecto, pa. 324. num. 49

Species sensibilis est diuersæ na-  
turæ ab obiecto, quæst. 4. pag.  
325. num. 52

Species quæcunque externorum  
sensuum imperfectior est ob-  
iecto representato, q. 5. p. 327.  
num. 56

Species impressa non est simili-  
tudo formalis obiecti, sed vir-  
tualis tantum, q. 6. p. 329. nu-  
mero 61. & 62

Species sensibiles non sunt sub-  
stantiæ, sed accidentia educta  
de potentia subiecti, quæst. 7.  
pag. 329. num. 70. & 71

Species procedit ab obiecto tã-  
quam à causa æquiuoca, pag.  
332. num. 8

Species est ratio cognoscendi ob-  
iecti, quâuis ipsa non cogno-  
scatur à potentia, p. 324. nu. 49

Species sensibilis per se solam  
representat obiectum secun-  
dum accidentia sensibilia pag.  
326 num 54

Quare species sensibiles, aut in-  
telligibiles dicantur intention-  
ales. pag. 327. n. 57

Ex speciebus & potètia fit vnum  
accidentale, si sumantur vt  
accidètia, si verò vt sunt simi-

litudines obiectorū non effi-  
citur aliquod tertium, sed po-  
tentia fit quodammodo obie-  
ctum, pag. 333. num. 73. & 74

Species impressæ sunt diuisibi-  
les subiectiuæ quoad exten-  
sionem, q. 8. d. 335. nu. 76

Sunt etiam diuisibiles secun-  
dum extensionem obiectiuam,  
p. 337. num. 81

Species sic producit ab obiec-  
to in toto subiecto, vt etiam  
producat in qualibet eius  
parte secundum omnes par-  
tes obiectiuas, p. 338. num. 84

Qualibet pars extensionis obie-  
ctiuæ specierum, & quodlibet  
indiuisibile continuatum  
extensum est per totum sub-  
iectum. pag. 339. num. 85

In qualibet parte subiecti pro-  
ducunt omnes, & singulæ par-  
tes extensionis obiecti partes  
specierum. pag. 340. num. 87

Per species non procedit ab ob-  
iecto sicut lumen a luminoso,  
pag. 340. num. 88

Cur species pluribus corpus ca-  
lorum immutent potentias  
cum vnus cuiusque species  
non sufficiat, pag. 341. nu. 91

Species impressa diuisibilis est  
secundum intentionem in or-  
dines ad plures gradus inten-  
sionis obiecti, q. 9. pag. 344.  
num. 96

Species habet diuisibilitatem in-  
tensionis respectu eiusdem  
gradus obiecti aut obiecti  
non intensi. pag. 347. num.  
104

Species productæ ab obiecto in  
medio multiplicat alias cum  
actuali tamen dependentia ab

# I N D E X

- obiecto, quæstion. 10. pag. 353. num. 119. & 120
- Species producit aliam ut instrumentum obiecti, pagin. 355. numero 124
- Species insensatæ non producuntur à Deo immediate, neque in prima generatione, neque in præsentia obiecti, quæst. ult. pag. 382. num. 206. & 207
- Species insensatæ concedendæ sunt animalibus etiam imperfectis, p. 393. num. 209
- Species insensatæ producuntur ab æstimatiua mediis sensarum quas recipit à potentia inferiori. p. 394. num. 211
- Species insensata expressa producit ab impressa sensata, & ab æstimatiua, quæ rursus per speciem expressam imprimit sibi aliam impressam rei insensatæ pro visibus futuris memoriæ, pag. 397. num. 219
- Phantasia vitur duabus speciebus simplicibus impressis per modum vnius principij partialis sensationes per quam producit vnam speciem expressam repræsentatæm compositum ex monte, & auro, & media hac producit alia impressam talis entis. p. 398
- Substantia nō repræsentatur per phantasma, nec per vllas species sensibilem propriam, potest percipi à sensu, & idem est de accidentibus per accidentis sensibilibus, cap. 5. quæst. 4. p. 721. nu. 292. & 293. & 294
- Sensibile.*
- S**ensibile indiuisibili modo existens non potest naturaliter percipi per aliquem sensum, lib. 2. c. 6. pa. 366. nu. 146
- Sensibile indiuisibili modo existens nullum habet ordinem ad extrinseca corpora, nec potest agere in ea, aut ab eis pati, ibidem
- Sensibile sub modo indiuisibili existens nec videri potest, nec alio sensu percipi, nisi viso, aut percepto modo ipso indiuisibili, pag. 371. num. 159
- Sensibile commune est quod pluribus sensibus percipi potest, quæst. 11. p. 357. nu. 127
- Sensibilia communia quinque numerantur, & quomodo accipienda sint exponitur, pag. 357. nu. 128. 129. & 130
- Extensio quantitativa, & non alia, est sensibile commune, pag. 360. num. 133
- Sensibile commune non percipitur sine specie, nec per aliquam propriam, sed per speciem sensibilis proprii modificatam, aut per modum illius speciei pagin. 362. à nu. 138. vsque ad 149
- Sensibile proprium est sensibile per se primo, commune verò per se secundo, & tanquam aliquid eius, pag. 363. nu. 140
- Quoties variatur sensibile commune variatur modus speciei sensibilis proprii, pag. 364. num. 141
- Sensibile commune non potest percipi sine proprio, pagina 364. num. 143
- Sensibile proprium sine communi naturaliter percipi nō potest, qu. 12. p. 366. num. 146
- Sensibile proprium pro ut habet modum

modum indiuisibile percipi,  
nequit etiam de potentia Dei  
absoluta, pag. 370. nu. 156

*Sensus.*

**S**ensus externus naturaliter  
non potest percipere obie-  
ctum absens, q. 12. p. 369. n.  
155. potest tamen illud per-  
cipere supernaturaliter per  
speciem sui conseruatam à  
Deo, aut de nouo productā, ib.

Notitia intuitiua non petit ter-  
minari ad rem secundum esse  
reale præsentem, sed satis est  
ad esse repræsentatum præ-  
sens, pag. 381. num. 181

Sensus, & quælibet potentia co-  
gnoscitiua potest elici co-  
gnitionem circa obiectum ab-  
sens, etiam sine specie impres-  
sa supplente Deo absoluta po-  
tentia concursum obiecti, qu.  
14. pag. 386. num. 193

Sensus externi per se loquendo  
non possunt falli circa sensi-  
bilia propria siue, in particu-  
lari considerata, sed solum per  
accidens quæst. 15. pag. 390.  
num. 201

Sensus externus circa sensibilia  
communia etiam per se pos-  
sunt falli, & multò magis cir-  
ca sensibilia per accidens, ibid.

Sensus secundum communem  
modum operandi rarò deci-  
piuntur circa sensibilia pro-  
pria etiam secundum specia-  
les rationes, circa communia  
verò frequenter, & multò ma-  
gis circa sensibilia per acci-  
dens, pag. 391. num. 204

Sensus positus omnibus requisi-  
tis ita raro circa communia,  
ac circa propria errat, pag.

391. num. 206

Sensus non semper errant : pag.  
391. num. 207

Sensus dum errat operatur per  
speciem veri sensibilis, ac non  
erraret. quæst. 16. p. 394. num.  
211. vsque ad 216

Sensus decipitur, quia percipit  
sensibile aliter ac est in se, &  
aliter, ac per speciem repræsen-  
tatur propter nimiam distan-  
tiam, aut ex indispositione  
organi, vel medij, pag. 396.  
num. 217

Sensus læditur, à vehementi sen-  
sibili, c. 22. quæst. 1. pag. 356.  
num. 86

Sensus, & organum illius non  
poteest villo modo lædi ab ob-  
iecto per se sumpto, & vt tali,  
pag. 358. num. 91. vsque ad 96

Sensus læditur aliquando, imò  
& destruitur ab obiectis sub  
ratione agentium naturalium  
ibidem.

Sensus non potest per se, &  
immediatè lædi ab obiectis,  
etiam sub ratione agentium  
naturalium, sed per accidens,  
& mediatè ex læsione organi.  
ibidem.

Sensus externi sunt tantum quin-  
que, lib. 3. capit. 1. quæst. 1  
pag. 364. num. 9

Sensus alij externi præter quin-  
que non sunt impossibiles,  
pag. 364. num. 12

Sensus esse tantum quinque pro-  
babiliter tantum ostenditur à  
D. Thom. & Aristot. pag. 365.  
num. 14

Sensus esse tantum quinque ex-  
perientia potest euidenter pro-  
bati, p. 366. n. 18. & 19

Sensus

# I N D E X

Sensus tactus, & gustus in homine superant cetera animalia perfectione accidentali, q. 2. p. 567. num. 24

Sensu visus, & olfactus vincitur homo à multis animalibus, ibid.

Sensus tactus, gustus & olfactus per se non habent medium externum, per accidens verò habent internum & olfactus etiam externum quæst. 3. pag. 573. num. 42. vsque ad 47

Sensus auditus, & visus per se habent medium externum, ibidem.

Sensus tamen omnes habent medium internum per accidens, ibidem.

Sensus interni quinque sunt officia vel actus in aliis animalibus, in homine verò septem, libr. 3. capit. 3. quæstio. 1 pag. 581. num. 22. vsque ad 27

Sensus internus vnicus tantum est realiter pro illis omnibus officijs. pag. 581. num. 24. vsque ad 68

Phantasia, & imaginatio sunt idem sensus realiter, pag. 588. num. 51. & 52.

Sensus communis nõ distinguitur à phantasia, pag. 589. n. 53 vsque ad 59

Memoria non distinguitur ab æstimated, pag. 590. num. 60. 61. & 62

Sensus communis idem est realiter cum æstimated, & memoria, p. 591. n. 63. 64. & 65

Sensus interni non sunt plures distincti formaliter, & essentialiter ratione diuersorum actuum, sed sicut identifican-

tur realiter, ita & essentialiter secundum atomam speciem, q. 1. p. 596. num. 78. & 79

Actus aut sensus isti secundum rationes proprias, & inadæquatas respectu eiusdem potentie possunt definiri, pag. 597. num. 85

Sensus externus cognoscit non solum obiecta externorum, sed etiam eorum sensationes, quæst. 3. p. 598. n. 89. & seq.

Sensus internus percipit obiectum sensatum, & sensationem ipsam per eandem speciem impressam modificatam, p. 600. num. 93. & sequent.

Sensus externus, & internus nullo modo cognoscunt propriam sensationem, neque eodem actu, neque alio distincto, q. 4. pag. 604. n. 107. 108. & 109

Hoc conceditur intellectui, & suo modo voluntati propter immaterialitatem propriam, & vniuersalitatē obiectorum, pag. 607. n. 115

Sensus interni obiectum est sensibile vt sic, in toto suo ambitu, pag. 608. num. 120

Sensus internus distinguitur ab intellectu, & sensibus externis per rationem obiectuam, quasi mediam, pag. 608. n. 121

Sensus interni adæquatum obiectum est sensibile sensatum sensu externo aut dependens aliquo modo à sensatione eius, ibidem.

Sensu interno, imo etiam externo aliquale indicium conuenit, quæst. 1. pag. 609. n. n. 125

Sensui interno etiam in homine non est concedendum proprium,

# R E R V M.

prium iudicium, pag. 610. nu. 130. & sequentib.

Sensus internus per nullum actum cognoscit obiectū sub ratione formali præsentis, præteriti, aut futuri, q. 6. pag. 612. num. 134. 135. & 136

Sensus internus percipit obiectum sub his differentiis temporum secundum rationem materiale, p. 613. n. 137

Sensus interni subiectum est cerebrum non cor. q. 7. pug. 614. n. 140. 141. & 142

Sensus interni organum non potest ex cellulis cerebri colligi. pag. 614. num. 142

Sensus interni organa sunt cavitates oculis superiores, pag. 615. n. 145

Sensus aliquis internus omnibus animalibus, etiā imperfectissimus est concedendus. q. 8. pag. 619. num. 156. & 157

Sensus internus in animalibus imperfectissimis debet habere saltem duos actus communis sensus, & æstimatiux, p. 620. num. 158

Sensus internus animalium imperfectorum realiter, & specie distinguitur à gustu, & tactu, pag. 620. num. 159

Memoria vel actus eius imperfectissimis animalibus nō creditur. p. 624. n. 170

Sensus internus secundū omnes actus reperitur in animalibus perfectioribus, p. 624. n. 171

Imaginationis triplex gradus exponitur, pag. 624. num. 172

Sensus iste secundū totum ambitum omnibus animalibus convenit ex mente Arist. ibid. num. 175

Imaginationes trium graduum specie differunt inter se. n. 156

Sensus internus speciebus intentionalibus indiget ad operandum. q. 9. pag. 620. n. 158

Species istæ sunt diuersæ rationis ab speciebus sensuum externorum, p. 626. num. 177

Sensus agens producens speciem impressam in sensu interno non est ponendus, p. 628. n. 184

Sensus externus non producit speciem in sensu interno determinatus à propria sensatione, & illa non cōcurrente, p. 629. 185. & 186

Species impressa interni sensus producitur ab obiecto sensus externi, ut per eum cognito per cognitionem, & speciem expressam eternitatem quam virtutes proprias obiecti, nu. 187. 188. & 199

Sensus interni aliæ species sensatæ alię insensatæ nuncupantur, qu. 10. pag. 631. num. 190. & 191

Sensus internus secundum actus æstimatiux, & memoriæ virtutur speciebus insensatis, pag. 632. num. 195. & 196

Sensibiles rei convenientia cum nata sensibili non est relatio, est tamen cognoscibilis per sensum, pag. 625. n. 172

## Sonus.

**S**onus est motus aeris, resiliētis, sed qualitas distincta, c. 11. q. 8. q. 456. n. 19. & 20

Sonus est qualitas cito transiens producta per se in corpore resiliēte, per alterationem: per accidens vero per motum localem. pag. 457. num. 23

Sonus



# I N D E X

Sonus est qualitas media inter  
purè successiua, & purè per-  
manens, p.458.n.26

Sonus dependet in fieri, & con-  
seruari à motu resilientis  
corporis, à motu vero corpo-  
ris sonatiui in fieri tantum.  
p.459.n.27

Sonus quo modo audiatur suc-  
cessiue, pag.460. num. 30

Ad soni productionem tria cor-  
pora distincta realiter necessa-  
riò requiruntur, sed non sem-  
per discontinua, quæst.2. pag.  
401. num.35

Soni nulla datur particularis  
causa per se, p.463.n.39

Soni causa per accidens proxi-  
ma, & principalis sunt cor-  
pora sonantia, resilientia me-  
dijs, & impulsus ei impressus  
est instrumētum. p.463.n.40

Sonus non recipitur in corpori-  
bus sonantibus, tanquam in  
subiecto, sed in solo medio,  
quæst.3. pag.465. num.46. vs-  
que ad 54

Medium vero est aër, & aqua,  
aut corpus fluidum pag. 490.  
num.57

Sonantia corpora sunt etiam  
fluida, ad perfectum verò so-  
num necessaria sunt corpora  
dura, & solida, pag.471.num.  
64. & 65

Sonum realem vsque ad audi-  
tum semper peruenire impos-  
sibile est, & nullo modo ne-  
cessarium. quæst.4. pagin.475.  
num.77.78.79.80. & 81

Sonus à principio, quo fit mul-  
tiplicat speciem per quam fit  
audirio, nec est necessaria rea-  
lis soni multiplicatio. p.478.  
num.83

Sonus realis nullo modo multi-  
plicatur, sed ad aliquam di-  
stantiam deferretur per aërem  
commotum, pag. 479. n. 87

Sonus minorem habet quam vi-  
sibilem sphaeram actiuitatis  
postulatque fieri successiue,  
pag.481.num.91

Sonus reflexus vel echo quid  
sit, quæst.5. p.484.num.98

Sonus reflectitur per species in-  
tentionales, p.487.n.106

Idem sonus numero primo au-  
ditus iterum auditur in echo,  
ibid.num.107

## Sapor.

**S**apor est secunda qualitas  
resultans ex permixtione  
primarum, in qua humidum  
comprehendit, siccum, immu-  
tatiua gustus, lib.2. cap.10.  
quæst. 1. pag.514.n.6

Saporis septem sunt species, p.  
515.num.9

Sapor dulcis, & amarus, sunt pri-  
ma extrema immutatiua gu-  
stus, & prima contrarietas. p.  
516.n.11

Sapor mouet gustum non per se  
ipsum immediate, sed per spe-  
ciem intentionalem, pagina  
517. à numero 14. vsque ad  
numerus 11

## T.

### Temperamentum.

**T**emperamentum primarum  
qualitatum necessarium  
est ad nutritionem, & cetera  
officia vegetatiuæ animæ, l.2.  
c.4.q.1.p.278.n.10. & 11

### Tactus.

**T**actus Organū est neruus &  
caro imò & pellicula eius,  
l.1.c.11.q.1p.518.n.4.5. & 6

Tempe

Temperamentum neruorū quomodo sit aptum ad sensum tactus, *ibid.* p. 530. n. 11

Tactus non est in ossibus, *ibid.* p. 530. nu. 12

Tactus per se non habet medium externum, neque internum, q. 2. p. 533. n. 18. & 19

Tactus per accidens habet aliquando medium externum, pag. 533. num. 20.

Tactus per accidens, & quasi materialiter habet medium internum. *ibid.* n. 21

Tactus ad sensationem requirit necessario immutationē per species intentionales, q. 3. p. 536. n. 29. 30. & 31

Tactus præter immutationem intentionalem requirit etiam, ad sensationem immutationem aliquam naturalem. pag. 537. nu. 33. 34. st 35

Tactus solum sentit excellentes qualitates. q. 4. p. 543. n. 47

Refutantur, qui dicūt hoc provenire propter alterationem requisitam ad productionem specierum, *ibid.* 49. & 50

Refutantur, qui alterationē requirunt ad vsum specierum, 544. nu. 53

Tactus species producit in instanti & in eodem fit sensatio. pag. 546. nu. 56

Omnis qualitas tangibilis solum producit speciem in tactu secundum gradus superiores, in quibus excedit intensionem organi, & secundum hos tantū sentitur. p. 547. n. 58. & 59

Tactus non recipit qualitatem tangibilem existentem in proprio organo, sed quæ est in

obiecto externo. q. 5. p. 549. n. 64. & 65

Tactus dolori feritā diuiso continui, quam distemperies aliquius partis causa sufficiens esse potest, *ibi.* n. 75

Quæ ad dolorem, & quæ ad voluptatem concurrant. p. 553. n. 76. 77. & 78

V.

*Vita.*

V Ita dupliciter sumitur, L. 2. q. 5. p. 75. n. 7

Vitæ gradus sunt quatuor. L. 2. c. 3. pag. 124. nu. 13. & 14

Sed hæc distinctio sumitur in ordine ad diuersa subiecta in quibus gradus reperiuntur separati, essentialiter verò tres tantum distinguuntur. cap. 3. q. 1. p. 126. n. 18. & 19

*Vngues.*

V Ngues & capilli non informantur anima vegetatiua distincta specie à sensitiua bruti, & rationali hominis; sed anima totius viventis, secundum omnes gradus. q. 9. p. 209. n. 129

Hæ partes licet non simpliciter necessariæ ad constitutionem animalis, iuuant tamen ad operationem & conseruationem illius. *ibid.* n. 130

*Vnio.*

V Nio animæ cum corpore est substantialis. quæst. 10. p. 217. n. 248

*Violentia.*

V Iolētia potest inferri creaturæ à Deo. quæst. 4. pag. 243. n. 60

Violentum non solum est principium efficiens aut formale, sed

# I N D E X R E R V M.

sed etiam contra materiale licet non æquè perfectum, q.4. p.247.n.72.73.74. & 75

Violenta esset materia sine vlla forma non cum aliqua, p.249. num.75

Humanitas Christi, non est violenta, sine propria subsistētia, quia habet aliam continentem perfectionem illius, pag. 250. nu. 78

Violentum esset quodlibet accidens separatum à subiecto. ibid.num.79

Quod verum est de potentia vitali etiam si haberet modum perfectitatis, p.250.n.80

*Visio.*

**V**isio non fit per extramissionē à potentia, sed per receptionem speciei ab obiecto. c.7.q.7. pag. 440. nu. 110.

& 111

Visiva potentia est duplex numero in singulis animantibus duos oculos habētibus. q.7. pag. 446. n. 129. & 130

Non videtur per reflectionem in speculo species obiecti, sed obiectum duntaxat, q.9. pag. 448. & 459. n. 135

*Vox.*

**V**ox quibus instrumentis fiat, lib. 2. q.5. pag. 483. nu.95

Vox quid & in quo differat à sono & sermone. p.483. n.97

*Vitales.*

**V**itales aliquæ operationes infimi ordinis, non sunt factibiles à Deo sine concursu potentiae vitalis, sed termini earum possunt à Deo produci, L3.c.5.q.4.p.721.n.292.



L A V S D E O.

Q. 100 - 1. R  
R. 100 - 1. R  
1976

